









精 資 編

北京大學《儒藏》編纂與研究中心

圖書在版編目(CIP)數據

儒藏.精華編.二五八/北京大學《儒藏》編纂與研究中心編.一北京:北京大學出版社, 2017.1

ISBN 978-7-301-11976-1

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字 (2016) 第321221號

書 名 儒藏(精華編二五八)

RUZANG

著作責任者 北京大學《儒藏》編纂與研究中心 編

責任編輯 武 芳 魏奕元

標準書號 ISBN 978-7-301-11976-1

出版發行 北京大學出版社

地 北京市海淀區成府路205號 100871

網 址 http://www.pup.cn 新浪微博:@北京大學出版社

電子信箱 dianjiwenhua@163.com

電 話 郵購部62752015 發行部62750672 編輯部62756694

印 刷 者 北京中科印刷有限公司

經 銷 者 新華書店

787毫米×1092毫米 16開本 57.75印張 546千字

2017年1月第1版 2017年1月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370



國家出版基金項目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目「十一五」國家重點圖書出版規劃項目・重大工程出版規劃

《儒藏》精華編第二五八册

首 席 總 編 纂 季羡林

項目首席專家

湯一 介

總

編

纂

本

册

主

編

董

平

龐

樸

孫欽善

安平秋

(按年齡排序)

儒藏 精華編凡例

爲 儒 家 中 經 典 國傳統文化以儒家 和 反 映 儒 家 [時限自先秦至清代結束 思想、 體 思 現 想爲中心。 儒家經世 《儒 做 人 藏 原

一、《儒藏》精 華 編 爲《 儒藏》的 部分,選 收 《儒 則

的

典

籍

的

叢

編

收書

藏 $\check{+}$ 的 精 要書 籍

寫 互見。 已收 漢文寫作的儒學著作 分類法分類 土文獻。 中國古籍善本書目》,於個 者 入入選的 三、《儒藏 律 出 傳世文獻按《四庫全書總目 收其釋文文本。 土 大類、 文獻 個人叢書或全集者,僅存目録 》精華編所收書籍,包括傳世文獻和 單 小 列 類基 爲 ,編爲海外文獻部 本參照《中 韓 個 别 國、日 部 處 類 路作調 原 本、越南 或 》經史子 件以 叢書 類 整。 古 儒 綜録 學者 凡單 文字 並 集 注 四 用 書 明 書 和 部 出

> 不 改編 ,保持原 書 的 完整性 和 獨立 性

四、所收書籍的篇目卷次,一

仍底本原貌,不選

編 確定内容完足、精 Ŧi. 對 人選 書 籍 確 率 進 行簡 高的版 要 校 本爲底 勘 本,精 以 對 校 選 爲 有 主

爲 主 酌 校 異 同。 校記 力求規範 精 煉 勘價值的

版

本爲

校本。

出校堅持少而

精

以

校

IE.

誤

例,進 六、根據現行標點符號用 行 規 範 化標 點。 專名 號 除書名號用 法,結合古 籍標 角 號(《

點

通

外,其 他 律 省 略

落。 正文原已分段者,不作改動。 七、對較長的篇章,根據文字内容,適 千字 以 當劃 内 的 分段 短 文

般

不分段

及其他 介紹作 及整 出 現 順序 理 八、各書卷端由整理者撰寫《校點説明》, 有 時 者生平、 前 關 所 詳 情 確 況。 定 後 該 的 略 書 重 底本、校本(舉 成書 複 出 背景、主 現的作者,其 全 要 稱 内 後 容 生 括 及影 平 注 事 響,以 簡 蹟 簡 稱

九、本書用 繁體漢字豎排,小注 律 排 爲單行。

集部

重鐫心齋王先生全集〔明〕王艮

重鐫心齋王先生全集

沙志利 校點 [明]王 艮 撰

|--|

世系詳註截略圖	世系大綱總歌 六七	齊世系大綱截略圖 六六]人私謚 : 六四	年譜 三九	重鐫心齋王先生全集卷之二 三九	王氏著作諸刻姓氏。 三七	又寄王衣等 三七	門人徐樾寄王衣等 三六	又寄王衣等 三六	其四 三六	其三 三六	又寄王襞 三六	門人張峰寄王衣王襞 三五	門人董燧寄伯子王衣仲子王襞 三五	謀梓遺集尺牘 三五	祭器圖 三三	崇儒朋來舘議 三二	崇儒報德齋考 三二	
	答徐子直 一二二	與俞純夫 一二二	尺牘密證 一二二	重鐫心齋王先生全集卷之四 一三三	又跋 一二一	語略跋 一二一	隆慶三年重刻語録序 一一九	答問補遺 一一〇	天理良知説答甘泉書院諸友 一一〇	勉仁方書壁示諸生 一〇八	明哲保身論 一〇六	安定書院講學别言 一〇五	復初説 一〇五	語録	重鐫心齋王先生全集卷之三 九〇	萬曆三年重刻年譜序 八八	隆慶三年重刻年譜序 八七	心齋王先生年譜後序 八六	

[11]	目録
次答友人 一四二	二 一三六
勉友人處困 一四二	再與徐子直一 一三五
次先師陽明先生除夕韻 一四二	答黎洛溪大尹 一三四
送胡尚賓歸省 一四一	答王龍溪 一三四
贈友人 一四一	與南都諸友 一三一
題淳朴卷 一四一	答劉子中 一三〇
天下江山一覽詩六首覺友人 一四一	答劉鹿泉 一三〇
次先師答人問良知 一四〇	答徐鳳岡節推 一二九
又	答侍御張蘆岡先生 一二八
示學者 一四〇	答朱思齋明府 一二八
和萬鹿園詩 一三九	答太守任公 一二七
初謁文成先生詩二首 一三九	答鄒東廓先生 一二六
詩附 一三九	與薛中離 一二五
穌鱔賦 一三八	又 一三五
大成學歌寄羅念菴 一三七	答宗尚恩 一二五
樂學歌 一三七	答朱惟實 一二四

八	七	六	五	五五	五	四四	四四	三	
示學者	和萬鹿園詩	初謁文成先生詩二首	詩附	穌善	大成學歌寄羅念菴	樂學歌	又孝弟箴	孝箴	
	三九	三	三九	三八	一三七	一三七	一三七	三六	
;									

又

又

1	心察王七生全集等之丘	分草蕩議	王道論一	答林養初書 一	奉緒山先生書	再與子仁 一	再與子仁 一	子	附歐扎 一	與歐南埜一	與薛中離 一	尺牘補遺 一	書荷軒卷 一	送友人 一	寄東廓先生 一	勉學者 一	和王尋樂韻 一	次答友人 一	
Ī	五.四	五三	四九	四九	四七	四七	四六	四六	四六	四五	四四	四四	四四	四三	四三	四三	四三	四三	
一 二倉垻園田帖文	建吴陵崇儒祠憲票	鹽課司帖文	東淘祠堂帖文		優免帖文	儒祠	儒後祭園賣	田原無場基	契:	限設 日 日 日 日 日 日 日 日 日	頒胙凡例	祭文式	儀註	物品規則	祀典凡例	别傳	並祀安定胡先生祠祭文	譜餘	
八四	八二	八	八〇	八〇	七九	七九	一七八	一七八	七八	. 一七七	一七六	一七六	一七五五	七五	七四	七〇	六九	五四	

秋丁分祀有感 一九〇	春丁分祀有感 一九〇	謁海陵祠像 一八九	聖學宗傳詠古 一八九	過廣陵懷古 一八九	過安豐里 一八九	謁東淘祠 一八八	謁安豐祠 一八八	謁吴陵祠像 一八八	謁心齋老先生祠 一八七	輓心齋伯翁 一八七	哭心翁夫子 一八七	哀輓 一八七	輓七言四句 一八六	挽心齋先生 一八六	簡心齋大老 一八六	詩 一八六	薦辟考 一八五	
													續譜餘 二〇二	重鐫心齋王先生全集卷之六 二〇二	配享列傳 一九五	門弟子姓氏 一九〇	謁東淘祠 一九○	

Ŧi.

類 鄉 學,講「格物」之學。 與辯難數次,乃心折 爲灶丁,亦曾經商、學 安豐場(今屬東 名銀,陽 闡 弟子中至有樵夫、陶匠、後世尊爲平民學者。 揚良知 王艮(一四八三—一五四〇),王守仁門人,初 明爲改名艮,字汝止,號心齋。 之學。 臺)人。 因 後知陽明講學 而稱弟子。 其出身微 醫,因觀 王家世 賤 孔 以 陽 汉,講學 煮鹽 廟有感,發 明殁後,王 與己相類,遂往 爲業,艮 江蘇 亦有教 艮 憤 泰 無 州 歸 自 本

道,簡易直接,可直造聖人之域 物」之旨, 物」,而身爲 王氏之學雖本於陽明, 嘗謂 萬物之本,知修身、尊身則 「格 物」之「物」乃 然 論 學 物物 特 有 重闡 本 知 末」之 發「格 本、 知

王艮生平不事撰述,著作甚少。殁後,賴其後

校

點

説

明

館藏。 《年譜》、《語録》而稱《全集》。 數。 能斷 刻。 天啟、崇禎乃至清嘉慶年間 上文《遺録》有三刻,而「年譜 先生全集》及後世增修本,而《粹語》、《遺録》不傳。 九)所刻《語録》、萬曆三十四年刻本《重鐫心齋王 俱見於本書。 知《遺録》編次之法與「年譜語録」有無異同,故不 堰鎮」、「四刻 院」、「重刻年譜語録」(隆慶三年)、「三刻遺録 粹語」、「初 王先生全集》所載,王氏著作計 明萬曆三十四年(一六〇六)刻六卷本《 語》、《遺録》、《全集》等書。 人及門生、 可見其漸 又從上文可 定「四 然《 四 私 刻譜 刻 庫 遺 淑 譜録於海陵」、「五刻今集於海 今傳世 次彙集、增補之跡。 全書 録 輯 知,似至萬曆三十四年刻 録」是否 於 録 江 彙 明本僅 僅 浦 刻 於存 因「三 爲《 遞有修版增補,今多有 據北京大學 語 目著 有隆慶三年(一五六 萬曆本《全集》,曾於 総数 語 有一初 録」無第三刻,因不 刻 刻 録》、《年 遺 諸 録《心齋約言》 遺 録」而 刻譜 刻主持之人, 録 於 重 置 本,始 録」、「 誤 義 鐫 書 陵」諸 計 N 於 陽 館 刻 刻 合 姜 齋 藏 粹 書

臣不重其學而未事搜求。此或因王氏著作之刻本流傳不廣,亦或因四庫館此或因王氏著作之刻本流傳不廣,亦或因四庫館

者益 《孟》某篇多記某某之例比類編之,其前之譜 之不同,除上所引諸 載,可 至傳誄 畫,如《孝弟箴》、《樂學 感於六卷本《全集》乃「當年隨 刻《全集》卷末所載王榮禄跋語,蓋因榮禄之父有 名仲襄,一八一二—一八七八)據之校 堂《全集》五卷本之刻,南京圖書館 特甚,以至於已無法與六卷本對校 日本嘉永元年(一八四八)有春日 便」。 至道光六年(一八二六),王氏後人又有樂學 只載 此 論説、 家 即 乘可 五 卷本之 詩章又錯見於尺牘,可放《論 也」,故 語外,對於年譜、弟子表等删 歌》等篇、《年譜》、《語 由來。 欲「 輯 重刊善 隨刊,編次未遑較 五 卷 有藏,筆者未 本 潛 刊 本 較 庵(姓 本。 六 則 系, 録》並 卷 習 據 》源, 本 後 讀 和

作爲《王心齋先生遺集》五卷、《王一庵先生遺集》宣統二年(一九一〇),東臺袁承業集王氏著

二卷首一卷、《王東厓先生遺集》二卷,附 學殘稿、《心齋先生弟子師承表》,鉛 編次來看,所謂遺版當即《全集》六卷本之遺 裔搜訪遺版印行者。 心齋集部 分,據其例 言,所據 據其底本印 底本乃 行 時 嘉 印 間 行 慶 世。 以王 間 及袁本之 王 其 氏 氏 後 後 中

年以後又陸續增補,詳下文),之後乃就六卷本《 個版本,最適合作爲 著作内容最全、編次最爲原始、刊刻 本《全集》而總其成(六卷本《全集》在萬 作、年譜之搜集、編纂、陸續增補付 集》删減、重新編次階段。 本《全集》前後,可分爲 從上可知,王氏遺集之刊刻流布,在明刻 底本。 兩 故六卷本《全集》乃王 個 階 段 刻階段,至六 之 時 前 間 曆三十 爲 較早的 王 氏 六 氏 卷 卷 著 四

額等,可 六爲年譜續 址圖、謀刻 譜、卷三爲語録、論 六卷本《全集》之内容,卷 借以窺見其死後之哀榮。 遺 編 集通信及刻書人姓名等,卷二爲 乃王氏逝後之祭文、 撰,卷四爲尺牘、詩文,卷五、卷 爲 也就是說。《 誄文、 薦 疏 傳記、扁 遺 全 居 年

觀 卷二之末)。 僅 氏對《年譜 傳,而其學 本,除了現存孤本《語 之卷三、卷 集》中只有卷三、卷四爲王氏本人之著作,而隆 人董燧《年 的年譜也是研究王艮不 人多妄改於其上外, 語 其譜。 限於對卷二之《年譜》而言(董氏《後序》即 録 可 讀 》的 其録 問之大,非《譜》所能盡也。 譜後序》所説: 四 録》之内容編 而其精 相 編纂非常謹慎, ,亦庶幾乎先生之大概矣。」所以 當。 還有 神之妙 我們之所 録》刷印 可 次大體上與六卷本《全集 _ 「先生之素履、《年譜》可 或 非《語 個 缺 觀其序可知 理 較 以不選《語 的 由 晚、 文獻 録》可盡也。 即 漫漶 六 先生之學, 卷本 IE 绿》做 難 嚴 如 重、 附 然 其門 卷 董 今 後 底 慶 於 這

有館 多 録 院 處提 爲 置 萬 書 藏筆者調 六卷本《全集》前 到三十四 曆三十四年刻 館 所 藏 兩 查了 種 年 以後的 北大圖 本, 北 後增補刷印多次,國 大本 但 其 史實,可見已 書 雖 目録、卷 館 按 照 所 藏 内 二世 封 種 書 有增 内 系 與 名 中 也多 置 頁 補 华 著 科

> 本 輯 圖等内容。 名至五代孫,卷六之内容與前者 餘篇(上卷)及州學 卷六多二十二頁,並附 刻」(實 中科院 兩卷一册,乃王元鼎搜集薦 清 而成,内容與《全集》亦多有 晰。 非 所藏者,一 翻 刻。僅 但中科院兩 剜 種卷首題六代孫某某數 館 改 課、 卷首題 有《王心 種 傳 均刷印較晚,不 疏、奉 記等十餘篇(下 名 重 複; 齋先生疏 同,卷 更换序文而 ·祀疏 另 二抽 贈 種 傳 如 謚 掉 卷 卷) 合編 北 首題 疏十 世 大 系

六部 孫 年《重刻心齋王先生語録》(簡 三、卷四部分,校以《續 本卷二缺兩頁,卷 疏傳合 年刻六卷本《重鐫心齋王先生全集》爲 六代孫 翻 刻 分,出於完整性的考慮,據中科院 此 翻 本 編》,因其 次整理,即 刻 增 本 入三十二頁 補 齊,因 内容不甚重要,故不再收 以 五缺半頁,以及少量壞字, 北京大學藏 修 係 内 四 同 容。 刻,不 庫 全書 稱「《 至於《王 所 再 》影 謂 語 出 萬 底 印 校。 藏 明 曆三 N's 所 本。 齋 底 謂 日---本 先 + 亦 慶 本 六代 其 卷 據 底 生 卷 四四

票永年刊本《王心齋全集》(簡稱「和刻本」)。出校 原則爲:《語録》有誤已爲底本所正者不出校,底本 原則爲:《語録》有誤已爲底本所正者不出校,成本 此校,和刻本更改底本編次者不出校,有修訂文字處 出校,兩通者擇要出校,新增訛誤不出校,和刻本 上校,兩通者擇要出校,新增訛誤不出校,和刻本 上校,兩通者擇要出校,新增訛誤不出校,和刻本 上校,兩通者擇要出校,新增訛誤不出校,和刻本 原有目録,與正文或有不符,今據正文另編目録, 原有目録,與正文或有不符,今據正文另編目録, 原有目録,與正文或有不符,今據正文另編目録, 原有目録,與正文或有不符,今據正文另編目録, 原有目録,與正文或有不符,今據正文另編目録, 原有目録,與正文或有不符,今據正文另編目録, 原有目録,與正文或有不符,今據正文另編目録,

校點者 沙志利

重刻心齋王先生全集序

金之子 金 誰 乎 乎 湯、文、武、周公、孔 先 此 之 以 此心 ? ? 其 生自 後 握 理 知 中 之? 不 同 心 信 日 此 與 惑 也。 齋 信 舍 則 理 夫 王 人人本 與 也 人 同 陸 而 東 先 故 伏 負 子 王 西 贵 聖 生 不 無 羲、 販,不 之子 南 日 則 信 不 同 不 其東海 :「千百 北 子 神 無 則 既 口 海,有 人人本 同 弗 農、 聖 信 異,聖凡之 0 棄 此 同 矣 己 人 而 之聖人矣 黄 心,同 胥 富 人 世 乎 聖 同 帝 聖 同 徒 也 ? 之 人 則 信 堯、舜 不 此理, 前 出 無 分 知 贵 或者 千 焉 乎 弗聖矣。 之則 信 也 人 而 己 信 此 百 人 斷斷 日 禹、 千 者 千 聖 世 : 心 何

然,而 心 先 之所以 身 信 節。 事 裕 理; 也。 信 也 不 統 自 鳥 育徒 信信 生 焉」, ,胥徒之良 在 此 者,基業 系 爲? 則 信 信自 作 手,則千金妄度,侯 此 理 所 有盲 之 脩 分也。 繼 日 儘 信 自 承 昭 所 千 則 爲 符券 吾 千 其 而 侯 揭示人,一 有 爲者,業 存 金 統 己 侯 後 積 金, \pm 之子 先 而 操 系 聖學 乎 爲 王 累終 侯 所 生, 止 勵 不 ? 則 則 刻 己。 在 王 非 而 以 知 常 常 下 不 又 身, 負 之子 日 欲 盲 階 來 守 時三王 守 有 此 矣。 明 販 : 嗟 自 爲 寶 進 負 王妄 此 此 則 龍 凡 不 乎 爲 信 也。 而 焉 販 貴, 富 溪 幾 藏 或 日 爲 ! 以 欲 之 號 則 先 百 不 鳥 者 自 口 不 求 有 有 此 極 雄 吾 而 必 年, 生 信 人 然 信 信 又 謂 難 自 聖 其 積 稽 而 E 眼, ? 日 千 共 忘 累 矣。 然 學 操 而 止 而 非 則 基 古 將 之 陽 俗 以 符 之 不 勵 漫 業 己 有 必 此 學 致 券 信 信 明 紁 遡 制 料 9 漫 所

六年間 毫不 享千 遇。 行 也。」真爲則 何等脩爲乎 孝弟 吾 驚 金 觀 ,體驗經書,行住語 怖 居仁 以 先 1 真聖矣,又何 生 陽 三月半」,此 兀 初 明 如先生者,真 夫 過 子 而 闕 坐位 日 里 便奮 疑哉 此 何等信 侯 默,俱 以一 王,宴然當之, 然太 真 在覺中,此 爲 人 窶子而立 息工正 乎 聖人者 力 德

生之語 之祠。 寡。 無者。 乎 而 以 不肖嘗過先生之里,拜先生之墓,而 且 不肖於先生仰 真方 三王 喜 鎰 ,而命子元鼎千里走乞不肖序其首 今十五年矣,先生之孫之垣 先 越中二王先生之書多, 而 與 之 療 生 不 白 書流 疾 之 欲 鎰 希 有 同 止特 行於世,皆世間 聖 精 味 後 與衆 則 也 深 古 已,荷 不 不 敬 味同 必 肖 齋 有志乎伏 以 固 沐 而 効 多寡 願 書 先 日日 ; 爲之言 重 生 真 此 脩 論 之語 刻 先 不 金 羲 也 嗟 示 生 口

> 已矣。 農、 越中二先生之言一而 之爲聖、舍先生之言 黄帝、堯、舜、 禹、 無 湯、文、武、周 已矣。 由 人。 千聖一而 先 生之言 公、 孔

與

子

神

萬 曆 甲 辰 春二月, 東 越 後學周 汝 登 繼

元父撰。

重 鐫 心齋王先生全集目 録

卷之一序文〇附從祀孔廟疏代巡憲票

遺像附贊

薦

疏計二道〇首列守庵公像行略

危 坐小 影附贊

冠 服 蒲輪等製 圖

安豐場圖

心 齋故宅圖 附發朝紀事

心 齋墓圖 附考

東淘 精 舍舊 圖附始 末 事 狀

重 一脩精 舍祠 圖 附報德齋 考朋來館紀〇 報德齋祝文

泰州 朋 來館 圖 對聯

卷之二 年譜附出 處事

蹟

門 門人私 人子孫 謚 誄

詞

世 一系源 流截 略圖考

門人董後序

卷之三

復初説

語録計一百四十

·七段

安定 書院别言

勉仁方示諸生

明哲保身論

謀梓 遺 集 尺 牘

初刻譜 録 姓氏附子孫八人

祭器圖 重脩崇儒 祠 圕 附 報德齊考朋來館議

吴陵崇儒祠舊圖有引

卷之 四

張 跋

蔡 蔡 刻 刻 管 曹 跋 跋

尺 吴 牘 跋 密證計二十二札

與 俞 純 夫

再 答子 直其

答林子 仁其

再答子 再答子仁其三 仁其二

答朱惟實

答宗 再 答 尚 尚 、恩其二 恩其

與

薛

中

離

答徐子 直其

答劉 答劉 子 鹿 中 泉

答節

推

徐

鳳

出

答侍

御

張

蘆

出

答朱

思

齋

明

府

與 南 都 諸 友

答

大

尹

黎

洛

溪

與

徐

子

直

其

答

王

龍

谿

大 樂 穌 成 學 鱔 歌 學 歌 寄羅念京

庵

又孝弟

箴

孝

箴

再

與

子

直

其二

賦 附 七言詩 絶 答鄒 東 廓

答太守任

四

次

先

師

除

夕

韻

七言律

詩

王

道

論

風

詩 附共計二十三首

初 謁 文成公七絕律詩計

和 萬 鹿 |園五言古風

示 學者五言 絕句

又示學者七言 絶

答先 天 下 師 江 問 Ш 良 覽 知 七言絶 七言 絶

旬

旬

其 詠天

其一 詠下

刀 詠 Ш

其 五 詠

五言

贈 友 人 五言 絶 句

淳

送 胡 尚 賓 歸 省 Ŧī. 言古

其六 詠覽

題 朴卷

其三詠江

其

與 與 薛 歐 南 中 野 附歐

扎

尺

牘

補

遺

計

八札

與 林 子仁 其 . 其

答 奉 林 緒 養 Ш 先 初 書 生 再

與

子

其三

再

與

子仁

勉友人處困七言律詩

次

答友人

七言律

再次答友人七言 律

和 王 尋樂韻七言律 詩

寄 勉學者七言絶 東 廓先生七言絕句 句

送友 人七言律 詩

答問 補遺計二十

段

Ŧī.

均分草蕩

譜餘諸當道作興事遺

知府朱公祭文

知縣陶公李公祭文知縣黎公祭文

尚書歐陽公祭文 祭酒鄒公憲副王公等祭文

給事中黄公祭文

到吏王公系文 給事中戚公等+八人祭文

副使王公祭文

贊善羅公祭文

郎中劉公僉憲曾公等祭文

編脩趙公墓銘瑞昌王祭文

督學馮公定祀典鹽臺胡公府志

督學胡公扁額督學胡公祀鄉賢

撫臺李公脩墓

鹽

臺

張

公人

鹽

法志

撫臺毛公扁額

督學耿

公特祀祭文

督學耿公祭文

太常卿郭公碑記

門人宗部等祭文並祀安定祠祭文

别傳附譜餘跋

從

祀

孔

廟

奏

疏刻卷之一

陳設

そ 月 対占て と 典 附儀註物品規則

免 祭 田 附帖文

憲副馮公薦辟文移附帖文

考

六

馮公正學考

請謚疏

又從祀孔廟奏疏

詩

門弟子姓氏

私淑門弟子姓氏門弟子配享列傳

卷之六

宗孫小引

續譜餘諸當道作興事蹟

憲副程公特祀祭文

知州

蕭公對聯

大學士李公碑記

俞悳暐公等青足卍都憲凌公碑記

鹽臺陳公扁額

廟

李公真容贊

學訓李公祭文

禮部陳公祭文

侍郎曾公祭文扁額尚書耿公傳文

刑

部郎中陸公祭文

兵憲曲公祭文學正王公祭文

學訓彭公祭文

陸公樂學跋

節推曹公祭文海陵劉公對聯

海

陵門人唐子祭文

運判周公脩精舍祠知州譚公扁額

知州游

公扁

額

撫臺周

公扁

額

七

知 州 張公祭 文

吉

水

鄒

公贊

語

節 知 推徐公府 府 楊 公節推徐公等肖像 志

學訓 徐 公肖像祭 寇公等祭文 文

少 /參周: 公對 聯 庶吉

士王公館課傳文

按 新 臺 安陳子祭文 黄公扁 額

兵 憲 張 公扁 額

督學 楊 公扁 額

操

江

1

公繼

脩

祠 宇 操

江

耿

公修

祠

文移

新

安

陳

子

對

聯

朋

來 舘

稜 海 陵 陵 焦 顧 公扁 子 對 額 聯

目

録

終

華 陽 尹 公修 祠 文移

鹽

臺

彭

公致

祭

扁

額

運 判 郭 公脩 祠

彭

公重

一脩精

舍

祠

宗 學 訓 孫 郝 元 公扁 鼎 對 聯 額

清 江 陳子祭文補 遺

海 陵 吴子 對 聯

賈葉二 於越李公奠文補 場宰祭文補遺 遺

塑 像 祭文補 遺

仲

男

王

襞等祭文補遺

本宗某等祭文補遺

憲

府 兵 同 態公並 蔣 公協 刻 祀 全 維 集 揚書院祭文 事 宜

重 二鐫心齋 王先 生全集卷之一

然

無

仕

進

之心

確

乎

有

尚

友

之

志。

縉

紳

傾

義

理

爲

人

道

門

户

0

杜

門

養

素

絶

洂

城

量

淡

樵 楚 李 黄 T 耿 定 力 全梓

海 秣 岱 陵 蔣 焦 如 苹 竑 仝校

代 宗 孫 王 元 鼎 補 遺

四

首 録 薦 疏

儔 艮, 據 察 院 泰 學問 州 不 右 欽 以 差 申 副 淵 科舉文字 總督漕運 都 源 准 御 孝 知 史 州 友 臣 任 做 兼 純 劉 洧 巡 出 篤 節 歸 身 撫鳳 淮 謹 訪 楷 揚 題,爲 梯 得 陽 南 等 本 0 北 州 處 每 開 儒 以 鮮 地 讀 聖 士 方 見 事 都 賢 其 王

> 旁求 等 薦 明 盡 孜 圖 爲 是 高 其 仰 于兹,濟 行 然。 故 實 因 士 所 舉,臣等撫按官 遐 脩, 治, 也。 藴 又 備 邇 照 我朝 大 時之人才, 濟 不 特 寤 例 申 聞 輿 名。 干 從 寐 在 到 用 起 立 論 位 有餘 大臣 名 英豪,既 送 臣 法 攸歸, 外, 且 利 求 口 覈實 伏居 誠 之請 除 狀 尤 謂 賢 臣 理合 批 貌 恐 盛矣。 開 竊 滄 網 仰 魁 送部 薦 海 \equiv 巖 再 羅 惟 揚 薦 梧, 辟 之遺 途 穴 舉 人 才 舉, 州 仰 考驗,奏請 者 有 並 俊 懷 才 春 府 惟 遺 闘 悉 用 珠 難 才 秋 我 再 百 心, 收録 之例 抱 得 州 盛 令有 皇 六 行 轉 壯 德 世 + 上 自 查 達 之 量 未 孜 古 勘 攄 可 經 年

文義 疑當

衆 能 送 開 學 今 期 脩 其 效 相 會 稍 \mathbb{H} 口 也 才 奏 行 將 長 擢 至 薦 限 應 百 野 用 忠 知 庶 而 日 辟 前 口 舉 巡 或 脩 布 啚 用 請 世 幾 而 除 之途 薦 取 按 頂 棄 報 生 厲 衣 道 擢 考其 海 野 再 緣 直 哉 者 斯 此 其 復 欲 用 素 催 濱 無 不 由 隸 V 孰 世 短, 古 廣 候 重 遺 德 督 之 求 監 賢 大 則 賢 求 依 鄉 該 但 不 揚 何 行 善 責 聞 察 無 三代 有 天 賢 限 評 矣。 彈 府 其 而 州 其 士: 御 達 方 下 之路 裨 先 覆 冠 欣 實 府 不 徑 史朱 聖 實至 之 今 行 以 誠 益 講 相 幸 責 不 將 自 代 乞勑 矣。 士 奏 據 下 慶 ! 近 學 狗 以 王 孔 起 之逸 聞 報 代 日 泰 厲 文 其 艮 陽 人 送 以 雖 伏 具 所 風 州 藝, 行 查 名 該 赴 議 鮮 委 隱 惟 興 奏。 民 儒 無 如 勘 部 部 照 全才 質 居 蒙 聖 量 篤 則 起 之 也 士 聽 爲 草 前 志 者 候 恐 人 明 才 皇 如 王 盛 候 大 臣 莽 果 違 皆 裁 愈 度 起 上 臣 前 艮 取 典.

> 二月。 具 本 幸 專 甚 差 舍 緣 人 係 親 開 齎 讀 事 謹 理 題 未 請 旨 敢 擅 嘉 便 靖 八 爲 年

此

也 有 九 茹 彬 皇 奮 地 天 之舉 禮 逸 下 作 以 退 繒 上 民 脩 日 勤 夫 以 故 雖 樂 用 撫 以 巡 其 衆 静 「不遐遺」,言 深 不 運 日 按 昭 彙 旌 以 于 賢 遐 中 : 養 直 Ш 聖 車 開 征 斯 興 伏 遺之意, 方 隸 窮 治 舉 之招 吉」, 爲 彙 在 監 谷 事 躬 逸 代 盛 征 僻 察 蒐攬 民 致 文明之治者 海 而 陋 御 是之謂 歷 天 而後休烈盛 泰 泰之時,賢 ^ 隅 尤 者 觀 史 泰 道 下 巖穴, 絶 慮其 臣 天 古 > 不 歸 之 漠 矣。 吴 神 可 下 心 初 之濱 遐 悌 羅 莫 聖 以 焉。」 豪 之 九 臣 人 美 謹 而 遐 傑 不 遺 衆 日 致之, V 君 題 猶 急 而 之士 伏 輝 焉 多 聞 遺 拔 惟 知 耀 登 爲 凡 之, 之 其 茅 兹 彬 我 興 示 賢 制 天 舉 心

經

乃

惟

實

士

焉

相

御

此

著

盛

非

及三 之邵 之 得 無 於 難 王 望 之 矣 之 聖 藏 輔 開 道 雍 初 之 副 艮 博 臣 政 時 人 以 論 明 時 始 者 當 中 口 矧 保 詢 處 繫 程 親 語 图 而 當 嘗 惟 或 心 泰 于 於 當 ***** 士: 發 皇 頤 不 聞 首 其 我 之 久 ൬ 衆 鶩 德 宁 率 前 H 暨 亦 上 選 皇 人 謂 矣。 心 偶 虚 先 音 薦 時 不 不 庶 由 立 言 者 1 几 不 聲 所 其 遐 朝 以 河 斯 有 教 聖 東 海 臣 自 然 以 遺 吴 讀 感 解 聞 示 南 道 之 海 性 之 近 天 滿 欺 尚 之 與 書 於 蓋 處 其 心 之濱 廣 厨 若 大 下 者 思 暨 事 世 弼 士: 竊 亦 蚤 獨 成 本 奉 者 者 歟 或 親 宋 慮 非 歲 泰 孤 川 古 陳 無 啓 命 道 ? 之 亦 盛 口 其 業 州 矣 是 獻 將 僅 伊 之者 來 存 際 時 名 馬 稽 安 章 儒 厚 與 亦 X 受 洲 之 敬 有 光 豐 諸 忽 臣 畫 斯 有 者 詠 口 讀 之, F 兩 遂 覺 塲 實 古 後 見 民 天 與 ^ 淮 從 孝 故 其 惑 胥 於 F 先 宋 公 隆 此 比 有 臨

章 璞 毁 容 族 其 夫 践 落 潛 方 交 魵 然 志 所 此 之流 ; 於言 氣 真 之 臧 非 最 聲 後 得 于 所 通 老 若 首 利 就 欲 天 意 所 至 H 使 體 機 而 否 金之 之場 語 下 也 口 截 白 而 問 以 稍 共 人 愈 其 流 文字 之士 簡 學 擬 訪 業 邃 有 弱 歎 鍊 篤 行 平 斯 殆 鋭 易。 者 之。 辨 焉 所 之詮 口 庶 不 不 베 0 生不 感 惑 證 然 其 臣 謂 斯 幾 議 而 復 見 其 事 者 以 發 疑 試 隋 聖 ; 乎。 論 亦 爲 行 其 見 矯 孝 於 聖 且. 群 覈 X 世 年 亹 洛 鑛 人 賢 異 蓋 孔 友 飾 至 開 小 其 逸 斖 若 中 六 襟 爲 物 氏 其 視 忠 無 其 導 民 名 之儔 + 玉 懷 曲 必 世 學 之 矣。 雖 而 門 信 觚 實 之 務 灑 之 造 書 遷 主 可 中 乎 翰 頃 琢, 詣 落 果 盡 拘 至 焉 之習 于 人 臣 M 於 大 其 亦 其 久之, 自 獲 與 儒 日 心 不 執 好 鄉 故 儀 13 符 材 深 曲 得 弼 復 學 黨 其 精 喪 度 始 應 實 獻 哀 雍 之 宗 就 几 不 不 誠 而

事 伏 之 之 治 照 思 E 應 竊 勑 惟 所 先 馬 慶 理 道 獻 未 聖 知 風 朝 喜 者 舉 下 Ш 明 莫 教 典 伏 爾 吏部 敢 殆 乃 林 裁 必 故 先 望 所 擅 歎 不 察 隱 有 將 於 皇 知 便, 聖 其 再 裨 逸 此 幸 0 上 艮致 然 人 補 爲 加 甚 弘 爾 古 分 單 世 詢 此 所 之闕 保 將 宜 道 臣 訪 具 緣 不 泰 舉 44 以 薦 叨 本, 之道 係 知 下, 之 當 先 承 揚 如 舉 專 以 竣 天 人 命 惟 果 逸 差 爲 事 下 其 抑 使 臣 所 軫 民 舍 天 之 舍 簡 言 聞 不 與 天下 以 人 下 期 諸 之 用 非 嘏 有 昭 親 兆 之, 謬 孔 遺 聖 觀 敢 必 也 臣 治 之 子 風 於 以 有 杳

從 祀 孔 廟 疏

謹

題

請

日

嘉靖

六年

+

月。

道 事 右 春 據 坊 禮 右 部 諭 德 手 韓 本 世 開 能 稱 . 本 該 議 御 從 史 祀 詹 以 事

耳

臣

聞

之

師

日

議

聖

人之道

易

身聖

人

之

惟 存 何 在 化 古 心 鄒 胡 講 無 人 儒 廟 論 悦 之 容 萬 容 其 也 帝 存 守 欽 0 居 臣 奏 羽 ; 世 此 議 能 易 蓋 獻 益 及 該 王 前 此 宜 而 · 中 矣 翼 典 納 主 九 本 事 羽 蔡 0 不 孔 翼 禮 請 也 臣 卿 部 孔 艮 清 易之道 天 續 何 子 孔 所 以 覆 秩 科 等 子之祀 地 敢 該 以 陳 之 以 子 往 奉 孔 而 道 言 俱 科 先 而 之 昔 真 道 聖 議 子 教 官 宜 也 È 及 道 臣 道 皆 晟 旨 者 所 之 化 從 # 0 之 諸 神 從 王 然 以 所 明 人 公 則 萬 祀 羅 守 臣 人 而 顧 萬 以 品品 世 之言 當 先 從 仁 何 倫 不 所 然 必 世 萬 從 言 隲 況 臣 後 祀 邓 後 秩 章 陳 存 世 祀 聖 從 等 具 議 重 平 日 翼 天 祀 懋、 獻 者 祀 祀 孔 代 1 職 題 奏 典 之 孔 地 典 章 者 子 隆 黄 吴 列 以 X 位 子 務 着 從 臣 以 之 禮 仲 儒 與 何 代 以 之 聞 恊 明 各 祀 而 廟 弼 昭 如 削 道 談 道 有 É 孔 教 神 連

之羽 皆 間 之美 或 先 天 重 自 及 術 子 所 心 道 光 爲 哲 同 身 臣 順 明 責 寔 宋 ,粹乎聖人 蓋 乃 翼 之後 訓 之漢 任 者 間 又 而 得 庶 能 爲 章 而 乎聖道 下、蓋 以 我 並 則 幾 身 難 接 之祀迄今未定,所 要之契悟不 迪 無 甄 祖 有 焉 唐 聖 而 統 有 能 宗 陶 益 南 口 以 人 匪 寥 於 之徒 功於 卓 之傳 議 大 海 長 由 列 之 身 多寥矣。 來 鄒 然 陳 育 今 聖人 聖親率 訓 道 誠 魯諸 真 來 振 乃 獻 於下,故 而 詁 是 詭 如 學 薛 拔 雖 章 後 之道 諸 無 爲 諸 於聖真, 幸 或或 君 於 瑄 其 表 愧 儒 餘 我 考 難 臣 子 詞 既 所造 以 爲 章 獨 難 姚 其 於 其 耳 明 所 , 章 言 得 而 之前 身 於上,而治 人 羽 人品 疏 王 興 成成 從 宋濂 操行 官 就 守 道 翼 才 開 祀 其 遇合 心聖 大 仁。 化、嘉 之力 使 究 而 在 或 説 , 海 無 洛 爲 永 斯斯 先 彻 人 内 孔 媿 不 有 其 諸 而 也 此 化 守 門 於 必 靖 道 宋 心 君 非 之

> 皇帝 難皆 《祭法》 請 心 從二人之言,今之言者久而益 祀之。」夫二 也 長 時 心學,不媿 教 得 而 久 二臣 焉 於孔 興 鬱之望 日 竟其議。 没則 勞,二臣有 Ĭ 衆言 所謂 廟 九 法 特 臣之師 一而請 淵 以 必 考之記 有道有 進 施 者 爲 折 之不 陸 於 也 焉。 祭於鼓宗。」③宗者,學宫 諸聖」, 世 九 民 德 日 置 淵 範 二宜祀。 則 三宜 者 :「有道有德者 俗皆 也。 而 祀之,以勞定 今日 非 黜 祀。 也 日 馬 語 多 之謂 ? 非 法, 融 日 昔 三人 我 禮樂 戢 宜祀 臣 占 世宗 臣 亂 或 之 意次 則 定 則 臣 待

0

2

合于「成化嘉靖間」之語。 者」,又云「乃薛瑄」云云,疑「南海」上脱 南 海」至 然王守仁不能合于「永樂天順 「守仁」,此 處只列 因 無從取校,謹 二人,然下 間 一之語 「河津 文云 志疑 醉 薛 此 瑄 瑄」四 則 不

[「]瑄」,原作「諠」,據文義改。

巳無復原意可尋。此引文似取諸《周禮・春官・大司樂》,然文字大異

品品 待 浮 事 獨 天 近 獨 雍 宜 美素 几 臣 舍 + 不宜 ? 斷 之言,遂令公論 不宜 下 華 世 盛 有 垂 人之治 E 祀 人 學 典 乎 覈 三不 陽道 消 悖 祚 緩。 緩 心 年 昔 今獻章、守仁之議也已十七年 術 曠 而 道 阻 八百 何 者文 矣,講 也 曉 不明,士 焉 愈 宜 者 抑 以 也 然 耳 世 真, 未 扶 緩 白 衆。 得 知 目 廟 武 知 寧 舉 陽 學 學 此 公論 聖 所 時 所 , 造 過 大化 抑 不 者之志。 有 心 親 ? 德 人 覩 議 先 申 陰。 周 而 司 賢 險 E 1 所 記, 當 祀 也 , 之 扶 議 頗 繒 壽 而 久 薛 顒 輿 聖 0 運 聖朝 重 饕餮 之, 煅 終正 考 今 而 論 瑄 望 德 陛 道 彻 以 賢 毋 愈 作 以 不 下 盛 鼓 崇 祠 理學之臣不 止 於莊皇 陽 定。 调 功 人, 慰 可 臨 節 舞 祀 擇 0 崇 利 人 不 殫 御 而 撤 鎬 更 於 陰二 其 抑 舉, 宜 心 更 述 於 帝 京 復 講 勇 儒 , 新 緩。 兹 美 何 之 使 學 近 而 辟 ; 几

> 之末, 矣。 代, 仁、 聖治光盛美矣。 鄉,或稍 益 止 于 王 蔡 真 陛下 楊 清 斯 表 艮 濂 俟 文 輩 表 誠 陳 所 論 9 正 爲 真 進 録 聖 定 色,其 後 晟 陳 澤 言 而 學 奉聖旨: 獻 所 後 羅 官 師 章 進 餘 濡 倫 所 諸 王 赫 舉 則 賢 章 臣 赫 守 , 教 懋 禮 哲 如 或 爲 仁 化 部 嗣 吴 黄 先 或 於 行 知 起 與 仲 議 孔 朝 道 弼 昭 祀 廟 重 超 心 於 俎 大 越 鄒 胡 淑 其 者 前 豆 守 居

按朱公孔陽憲牌嘉靖八年

巡

樂。 往 間 淳 本 卑. 竊 諸 風 鄙 惟 身心, 漸 則 聖賢 澆 流 於污,隱 惟 見 中 諸 人 正 事 之道 心 業 之不 怪 存 則 光 失之 古 明 於 通 俯 人 異 達 倫 塵 莽 \equiv 平 H 之 代 易 用 就 既 和 之

支備

買

羊

牽、

果

川

盤

米

石

酒

鐏

書

撫

另

行

外

仰

府

行州

即

查

本

院

無

礙

紙

銀

量量

本

院

姓名禮

帖

令州官親

送及門,用

表菲

篤

厚

倫理,匪

獨

一世之士

一,尚餘

有用之才,

與

本

院

所

訪

無

異。

除按臨

親

詣

拜

訪

及

會

同

巡

於

鄉

邦

道

德聞

於遐邇。

觀

此

則

潛究聖賢

儒

士

名

王艮

者

,修身篤行,好

古

敏

求,孝弟著

脉之

微

而

世俗之僞

日

益

甚

耶

?

據

該

府

所

舉

道者議: 耀者 翰罔 空。 與常人無異而後已。 矜,必欲同 無格物窮理、講 盡 、豪者 無 吁 切 ,則衆相標榜,以 人 於 其 乎 1 身心,舉業 好 聖 流合污,苟 絶 名,豪 間 愚 將 學明道、修身治 同性,今古 來 有之,同 俠 之望也。 者嫌 何 至有詞翰微 爲間 隨 關 於 於理 其迂,鄙 類 世、盡 世 者 Ш 機,不可謂 麻米 性 議 林 行,爲振古之 鳳 没 長 田 其矯俗, 俗者忌其 何 其平生, 野 科名 不 怪 夫 乎 思 天下 岢 道 當 詞 顯

取回票入遞,先行繳報

守庵先生像

傳。 **竣乎述之者之爲可** 兮,非語言之所 之永兮,登周 考軀之修兮, 於維我考,像 武聖之 可 悉。 遜 法、爲 可 壽 周 得 考志之寄 元。 文聖之七 而 可傳。 見,神 考德、 以 之隱 寸。 不 垂兮,端 可 得 考 以 綿 年 而

仲男艮百叩贊



七

爲 失 州 者 先 有 孫 祖 立志 之 得 以以 生, 指東 也。 視 辭 其 箬 居 先 又知 比 真 笠子 日 孫。 猗 于 星 : 生。 歟 公 心 淵 聞 曰:不知其父視其子,不 余于 卿 齋 哉 及玄孫 泰 大 先 先 州 先生令子 夫之世 生 余 生 之 僭 非 出 家 風 竊 篋 者 阿 泰 禄 中 孟 私 州 指心 頑 其 夫子 团 遺 9 夫 門 遂 齋 翁 像 廉,懦 者 先 之 家 以 贊 生 語 欺 榮 世 而 知 我 夫 而 辱 泰 識 聞 其

祀 萬 也。」元鼎 相 曆 示,日 處 壬子 及謁 余以豐 中 復不棄 心 此 - 秋既 城熊思誠 齋 余先曾爲之,而 先 望 問道 生 日 于 先 也 于 書 生 盲。 院。 招 未 不 過 先 及書 辭 海 生 其 陵 兀 之 譚 請 世 學, 孫 而遂 留 謁 以 元 先 漫紀之。 待 鼎 先 出 忠武營壘 生之筆 遺 像 時 贊

檇 李後 學岳 元聲 識

突然天造,粹然自存。

淮

南發始,道

學

後昆。 源。 壽幾百 歲, 德 澤 綿 綿。 不 先 有 開 誰

啓

烏 康若人,小子有言。

裕

公之能啓 像,心齋夫子二,守 庵 泯 可 歲 身 缺,敢 爾 郝子 其 給 「鼎先 長 耶 别 繼 米 號。 聖 九尺三寸,壽 僭 于 可 布 也。 曾 補之。 幼 大 明正 是 曾 誠 喜 彊 圖 庵公 孫氏 可 獵 可 其影 學,爲一代儒宗,九 鼎 謂 爲之略。 九十 聞 搜 元 東 子 ,併以 遺 0 鼎 海 學, 弛之。 有 澤, 竊 重 之 思子 刊全 贊弁諸 復 略 鉅 歷 日 得 陽後學 兩遇 老, 聖 集,又得其家篋 夫子贊公之詞 胸 則 公玒 簡 昭 恩 原 襟 知 首,令讀之者 代之逸 例, 郝 有 父賢 坦 諱,紀芳字 知、忍 蕩 繼 授 像贊 居 可 壽 民 贊 然長 高 中 宰 也 冠 加 似 知 祖

泯 可 不

謹 識 帶, 者。

守

八



所爲躬行心得,而後人之先覺也耶。 先生之心,坦然其無不獲。盖先生之言 之學,固其所以爲樂,而先生之樂,又其所 之學,固其所以爲樂,而先生之樂,又其所 之學,世之之。 此為學。而其無不學、無不樂者,固先生之 言 於乎! 惟先生之容,儼兮其若客,惟

永春後學李開藻撰漕儲道

淳,誰 惟 通 我文成,開 以湮。 元化不息,主持者人。 承 其紀? 在昔有宋,元公崛 斯世 云 迷。 胡 數 先生聿 傳, 若續若斷, 起。 而 興, 墮 不有伯 海 支 濱 離 獨 ? 以

「漕」,原作「糟」,據文義改。

九

詣 顋 昂 取 證 姚 繼 江 開 貞 千 古 符 允 教 契。 澤 無 我 疆 拜 公像 於 Ŧ 萬 顋

上元後學李登頓首拜書知縣

祀

一云胡

可

忘。

雍 雍 浩浩之氣,巖巖 樂學居仁、格物 之 風。 知 旷 其 容 天 挺 肅 人 肅 豪,心 其 度

齋

夫子。

淮陰後學馮世明贊諸生

天地。仁以勉仁,學以樂學。允矣師模,啓身未六旬,道通萬世。掌握乾坤,包羅

海陵私淑門人唐珊贊布衣

我

後覺。

先生有真體,不在耳目與口鼻。身以

亦 備 有足兮東 贵 三才, 畫 Ι. 貌 西南 一之所 以偕 北 可 四 序。 悉 是 ? 古 有 非 我 手 \Box 儀 兮 舌 思 掌 之 之,渾 所 握 能 天 形 地 然

太極。

楚房郡後學李香撰訓導

貞 珉。 浮 海 師 門 嘆 致 哲 知 衍 人 挺 爲 力 生。 行 兀 夫 即 修 有 爲 志 悟 泰 力 Ш

·近仁。高風百世,是欽是承。

行

新都私淑門人陳履祥贊貢士

形恭而安,色温而厲。歌著《大成》,箴

心,垂憲萬世。

昭《

孝弟》。

丸

弄

乾

坤,

道

通

天

地

孔

孟

百

清江私淑門人陳魁類撰布衣

誰不有形色、先生天性是。 此物, 修 誰 不有 身 脩此 天 危

似,太極自渾淪。 身。東海一托跡,姚江傳至真。 仰 瞻 何所 性,先生形色是。

格物格

宛陵後學汪有源撰布衣

粤維夫子,人相厥真。 僊丰道氣,玉骨

歷陽私淑門人郝 繼可撰訓導 哉,小子述焉。

鐵漢鐵漢。

從今觀之,果然果然。

天何言

金筋。● 子曰否否,惟聖統天。

文成嘆曰,



0 筋」原作「筋」,據文義改。

31

坐 小 影

小 影 贊

剛 明之行,經綸闔闢之才。 超 凡 入聖之資, 龍 馬海 鶴 之性。 篤 實

豫章鄉守益 題祭酒

襟懷灑落,儀度雍容。 真機流行,不事

矯

飾

豫章吴悌 題 刑部 侍郎

其禄, 德足以輔世, 不求其名。 勉仁之教, 尤 剛毅之資,淵泉之學。道足以謀王,不求

雙橋 朱懷幹題 揚州知府

右危坐小影者,乃先生四十時遊學江

惓惓于後學;良知之學,獨得其真傳。

肖。 浙,諸同志繪以贈者也。 笥藏七十餘年,兔芒直射没世。● 端嚴蒼古,鬚眉

與鄒、吴、朱公並垂不朽。

陳編,實乃神寓。

遂授剞劂

,用廣後生。

敬

雖云

酷

冠服蒲輪等製圖

五常冠 明道巾 深衣製 紳 經

製

手板笏 方履製 蒲輪製

0 當作「光芒」。 「兔芒」,或指筆言,然覺扞格難通,據文義、字形頗疑



德也,亦見戴天之義。 以受笄,笄用 之。武之兩旁半寸之上 廣如武之袤,而長八寸,跨 五常冠。 兩端各半寸,内外而 頂前後,下着於武。 三寸, 袤四寸。上爲五梁, 仁義禮智信皆 白 齒骨。 黑 屈

竅 漆 其

後肖像遂倣之此。 也。 製也。 明道 公後居鄉燕處 其 服也鄉」之意。 即 ф, 先 孔 生謁 乃 子 程 所 之冠 文成 子 謂 所

紳経製

明

巾

冠謁文成公。

初 天



之以 縧,用黄絲線爲之,下與紳齊。 右紳経, 廣二寸半,繪邊布心,色同深衣,經頭合紐 處則繫

按: 布爲之,❶獨曲給處製方乃先生之獨創也,覽者其毋異焉。 所着 深衣 如古禮經製,以黑繒緣其袪邊, 通 身 以 葱白 色

五常

冠

糊紙爲之。

武

高

4

許,

廣

製衣深 衣身二尺二寸 袂袪 袪袂 袪緣廣 一寸 縫合此處謂之「續衽鈎邊袼 袂,袖口也。 一尺有四寸 裳前後共十一 裳緣廣寸半,與袂同 尺有二寸, 緣廣寸半 幅 圍之則

名

0 白」,原作「自」,據文義改。

手

板笏

先

初

謁

文

成,

常

書

其

: 生

上 曰 :

天下一

箇, 萬物

體。

入山林求會隱逸,過市

井 其

先生謁文成公後,有周

流天下之志,故製此

車,

標題

蒲輪製

啓發愚蒙。

遵聖道天地弗違,致

鬼神莫測

欲

心也。 非禮 持此,常目在之,須臾無忽之 日 勿言, 非 文成爲之色動。 禮 勿 非 禮勿 視, 非 動。」 禮 勿聽, 出 則



或用 深 義 衣用 也, 先 黑 生 白 亦 履, 履, 方履 見 白 其 跬 緣 者 履 黑, 步 П 取 不 用 象 禮 緣 荷 地 亦 緇 之 之 宜

義。 0

下俱門弟子輔之。 取其輕且疾也。升 御此者以驢騾代之,

此,則先生兼善之志,概可見矣。

罪我者其惟此行乎!

車

成,乃

有 知 良

鰍

鱔賦

》等

作。 行乎

觀

天下人爲善,無此招摇做不通。

我者 知

其惟此


! 同

0

「跬」,原作「蛙」,據文義改。

四

五.



發朝紀事

墟。 生之遺 嫡 條 許。 後 崛 守 坂 南 海、河中 乃始祖 丸之地也。 正學: 起也。 庵 堤竣危 派 ,故宅民居,悉皆板蕩,曾去 至 者 過留城者,盡興九原之思,而爲先生之 嗟 公之長 一倉巷, 發 伯 不覺潸然矣。 嗟 址 軔 大 雄峙 也。 者 ! 皆究學宴 右爲 壽公自姑 明 西至街 ,紀先生之始 年 九 北至本場街,盡直 南 是遺 也。 省退處,左宅後築斗室,環 淘 世 遷 北。 而 東至海、河,計 精 址 自息處 中 蘇 下, 也,偏 是烏 舍 始遷. 爲 后爲 書院,去故宅二 也。 作聖堂,表先生之 氣 生 可不紹正學, 運 占籍之 也。 百 東 幾 偶 前後若干 歲 淘 計 塞 何,今爲 窩 東 故 八畝 微 遺 四 北 宅 中 者 址 畝 隅 葉 文貴 許。 許。 始 也 丘 瀟 里 彈


> 城 異其不偶 花復開。 宅左掖舊有古榴 人,尚勉旃 發軔之基,繩 去一 十八載,榴 也,因併及之。 至今老幹古枝 哉 祖武,新故宅之業? 端 樹 在 花 後人,勉旃勿替 株 盡 息。 聞 翛 然仍昔 先世某 後 大赦 待 端 歸, 戍 在 皆 其 邊 故 後

議建故宅遺址碑亭

碑式高六尺五寸,廣二尺八寸。



一七



王氏佳城説

慕 依 壯 築 於 德 突, 之東 沙 於 計 也 然 觀 中 土 福 水 南 也 無 子 膽 在 先 Ш 護 兼 空 嘗 親 先 缺 煑 隆 目 生 兄 衛 聞 地 心 陷 生兄弟 謁 海 層 者 Ŧi. 先 佳 齋 弟 形 居 膽 藏 T. 海 子 達 城 之 所 王 運 勝 民 拜 H 咸 1 之 波 計 先 墓 聚 鹽 抱 七 列 之 設 厝 生 石 徘 風 1 絡 海 人 於 三十 斯 出到 徐 之 徊 體 焉 氣 依 河 所 東 宅 城 公 見 跳 既 允 先 ; 遶 以 長 畝 之 題 前 本 及 望 哉 於 孰 臧 妥 生 幼 西 其 場 平. 此 建 天 出出 先 踰 骨 竊 北 東 乃 坊 義 於 街 原 石 造 靈 肉 乃 爲 扶 西 承 此 日 坊 市 廣 地 擇 對 之 守 阡 非 列 闊 歡 設 堂 守 東 范 説 列 庵 爲 座 於 膝 之 愚 庵 寺 公 以 公 無 裕 下 儿 素 意 厝 王 雄 後 待 峙 堤 衝 後

矣。 城 無 不 佑 者 植 者 賭 几 孫 榮 然 先 也 云 肖, 把把 乎 0 默 咸 惡 思 人 也。 生 而 各 孝 屏 無 嘖 增 佳 非 吾 相 持 安 俾 先 順 兀 安 憣 願 耶 嘖 益 Ŧi. 城 於 祖 詞訟 海 生 父 惡 然 城 然 出出 ? 先 美尊 盛 日 者 13: 理 所 壞 匪 上 而 悟 F 無 生 : 矣 無 已矣 以 噫 邇 人, 鬼 之 流 尊 之, 此 不 悉 求 後 培 當 來 後 責 美之保 敬 胡 至 罹 以 人 雖 川 植 総 薄 繩 口 長 祖 寧 濟 矣 非 培 惡 聖 其 何 而 俗 復 其 上 彻 宗 爲 忍 惡 屏 墓 後 增 祖 謂 於 祖 身 此 結 子 子 不 之 不 之, 者 和 益 賢 Ŧi. 斯 ^ 武 保 孫 黨 阚 才 詩 睦 者 根 祭 美 宗 云 惡 則 家 闘 ? 本 永 鄉 無 掃 **>** 亦 第 之 先 則 斯 者 云「宗 狠 世 里 他 封 新 末 後 脉 喪 增 凡 世 慕 或 也 克 绺 安 如 相 身 巧 墓 人 獨 過 彻 教 朝 惟 昌 私 子 之 甘 傳 斯 所 術 訓 聖 尊 之 何 不 尚 淑 維 何 爲 者 陰 墓 培 家 光 謂 明 婬 諭 子 Ŧi.


門

陳

履

祥

識



祠堂始末事狀

+ 即 者 竹 發 諸 所 所 覺 出 上 西 安安 友 里 以 胡 木 有 掖 助 Ш 欲 有 宗 量 精 房 無 洪 先 橋 豐 環 爲 各 出 師 礙 舍 師 公 今廢 間 之 搆 可 以 官 家 五. 有 改 按 按 别 書 既 唐 安 門 間 銀 差 作 揚 場 院 名 爲 垣 豐 人林 折 九 祠 巡 9 也 將 道 + 謂 塲 橋 堂 堂 鹽 題 古 遠 事 東 先 前 而 兩 日 辭 庚 門 所 恢 城 嘉 師 第 東 有 子 之。 人 增 隔 益 東 出 靖 門 門 安 以 盖 請 先 淘 銀 T 人 豐 通 先 而 門 覺 講 祠 精 + 酉 師 兀 場 大 去 師 堂 Ш 外 祀 兩 疾 舍 門 集 官 州 舊 巡 公 有 \equiv 先 終 又 治 倡 有 而 鹽 聞 間 師 池 非 植 百 時 東 門 袁 無 察 之, 下 東 主 公 象 淘 以 池 會 院

> 午,午 靖 待 朋 往 供 表 命 尋 几 尚 名 揚 友 主 祭 + 以 T 言 聚 其 未 品品 榮 兩 未及成。 而 Ш 「然後 學之 春 祭。 遷 先 馮 乃 每 買 門人 不 宗 師 命 春 附 今蒙 地 給 學 秋 師 子 可 近 王 丁 術 别 孫 前 然 以 祠 准 棟 胡 之 門 欲 後 安 本 示 田 戴 宗 後 IE. 作 人 豐 諸 州 來 百 邦 師 遣 春 祠 學、 古 图 謹 公 派 復 有 於 秋 作 先 + 知 狀 脉 垂 有 可 州 致 師 畝 興 州 之 不 再 祭。 或 盛 根 申 真 以 朽 建 付 教 典 本 議 明 州 子 也 亦 官 去 祀 俱 必 祠 孫 用 年 鄉 典 有 乏 之 員 銀 嘉 以 丙

東淘精舍小引

梓 在 焉 网 淮 去 泰 泰 州 白 安 有 豐 餘 場 里 别 號 武 東 廟 淘 改 吾 元 先 先子 子

矣。 扁 意 有 庶 然 者 意 賣 置 左 癸 書 鹽 倡 如 右 未 深 尚 乎 袁 無 廢 院 振 法 明 云 \(\frac{1}{2}\) 有 憂 分司 拔 配 爲 洪 忝 思 ! \mathbb{H} 此 垣 追 東 豪 享, · 卓 萬 精 公搆 不 阚 祖 學 亦 贵 淘 奪 强 肖 曆 祖 宗 畝 舍 有 則 蔡 精 然 徒 還 侵 謁 丙 倡 祠 書 舍」。 後周 深 何 而 令土 公 植 官 奪 文成 供 午冬三 院 學之心, 懼 足 上 毓 0 立 置 配 執 \equiv 公海 爲 人 豪 噫 吾肖 祭 敬 先子 公 享 期 楹 此 家 嘉 嘻 寒 田 世宗孫 陳 祀 而 爲 呈 門氏 9 人 惠 先子 春 居 當 深 心 啚 逝 師 事 法 孔 理 後 道 哉 几 末 爾 後 之, 0 之 之特 秋 學 像 王 第 作 方 也 督學胡 給 伋 周 若 者 特 以 之垣 信 蚤 興 ? 于 來 子 券 公 致 典 祀 永 祠 曾 學 從 之 夜 給 垂 守 孫 末 相 也 謹 之 之 意 者 以 中 勉 不 是 券 擅 云 今上 公 識 , 思 西 士 衆 之 改 朽 奮 祠 之 自 續 其

> 不 僅 孫 西 王元鼎識 東 存 以 無望 上 東 隅 精 厓 于 舍 祖 東 後 舊 于三水纂譜宗舍。 居 厓 人云 址 而 東 吾 餘 日 先 皆 萬 太父 丘 曆 叔 墟 辛亥 祖 東 矣。 環 堧子 冬, 居 恢 西 四 復之 居 北 代 環

宗

舉

今

于

二世系圖改。下文諸子之名誤字逕改,不再一一出校。 「襞」,原作「壁」,王艮諸子之名皆取衣部之字,據本書卷

舍 啚 新 舊 辯

堂 ; 泰州 者彭 其 舊改 大人 掖 子 而 間 後 房 講 撤 公端 舍 焕 倒 而 者 爲 學 兀 舊掖房,爲報德齋、朋 然聿新。 爲之者也。 塌 也 爲祠者,仍講學之故 之引 之書 代宗 吾, 不 ·堪,而 未幾, 孫 院 親 愚小子 王 在 臨 夫亦例爲之考與紀于末。 焉 元 修 傾 寢 初易之,衆頗滋議,迨樂成 鼎 圮 整 失 復析 日 王、 其 日 前 : 久,墻 故 戴 撤 東 其 來 吾 址 淘 館若 圖 矣。 門, 無 公爲之狀,先 有 垣 一者,示 精 悉 干楹 口 賴 追 舍,吾 廢 私 鹽 建 辨 乃 臆 勉 法 兩 也。 先 先 于 使 廂

設

是齋之旨,

陳冏

卿爲之説于吴陵矣。

焉,不 我子 公汝 三人 惟 當 稱 天 祀 其 梓 垣 而 報 馭 鄉賢 ,交薦二人則 是各立木主、報 所 源 道 愚 孫 ,肖像 則 歲 登、 則 作 在 小 以 仁 敬 一、發 撫 改 興 場 子復申之者何 崇 有 鹽 孰甚? 之 臺 專 司 其 承 常 軔 臺 王公宗沐、吴公桂 祠一 蘇 人 盛 報 勿壞 儀。 所 彭 德 公大受, 則 ? 遺 巡 公端吾,共計 人則 爲 繩 舉 運 也 撫劉 建 毋 我 繩 前 判 0 精 乃 督學胡 孫 ? 勿 其 蔡 行之,做諸 重脩 公節 舍一 前 替 子 公文 久 蓋 人嗜 也 而 人則 二人 場 不 京奈之 + 巡 公植,置 範 芳、督學 彌 憬 祠 德 特 按吴公悌 光者 憬 泰祀。 則 鹽 誠 運 後 何 先 建 臺 然 以 判 門 馮 祭 洪 平 死 賴 子 不 凡 時 周 樓 \mathbb{H} 志 遡 諸 桑

報 德 齋 考


朋來館紀

幾不愧先子于地下也。是爲紀。 整不愧先子于地下也。是爲紀。 幾不愧先子于地下也。是爲紀。 幾不愧先子于地下也。是爲紀。 幾不愧先子于地下也。是爲紀。 幾不愧先子于地下也。是爲紀。 後不愧先子于地下也。是爲紀。

附報德齋祝文


牲醴,用申虔報。哲,佑啓後人。今當某祭,惟德惟馨。謹以哲,佑啓後人。今當某祭,惟德惟馨。謹以惟列公台輔之器,賢聖之心,表揚先

❶「孔子思」,據文義或爲「孔子子思」。



城

二七



儒 祠 小 引

無

西

無 多 以 勘 禮 既 之心 祠 類 經 正 楹 天 門垣 典 文。 臺之 置 難 濫 得 隆 畫 脉 而 賣 缺也 附 付 以 守 本 貽 也。 萬 得 之, 德 速 祠 任 廓 方之盛舉 曆 謀 整飭 用 田 行 厥 徭 爲 意 丙 久遠, 數 其 既 大門 子 旨 編 儒 愛惜 并 畝 建 宜 況 者 微 有 以 正堂 而 兵 先 於 王 之居 ; 申 哉 扁 其 耕 也 憲 生 慎始, 氏 呈 定之數 得 ! 云 之,其 扁 祠 必 祠 程 子弟, 云: 人 至。 托 云 泰 崇 非 於 公 承 供需 王 緇 和 儒 小 州 取給 樂 祀, 氏 素 本 兼 其 衣 蕭 蒲 祠 學 城 本 稱 當要於有終。 州 攸關 加 黄 堂」, 體 氏 之 則 也 州 謹 捐 一髪之 增 景 遵 西 中 先 有 民 厚 金 編 後 訓 萬 發 派 生 餘 田 建 代之 流 廟 以 派 盡 古 孔 凡 耿 祠 合 之 食 今 全 口 心 之 顔

> 供祭。 斯文之光也。 豪 堂 朽 延 舉 民 斁 不勝 洙 故 耿 矣。」 人 可 泗 公 傳 袁 安 足紹 叔臺 之 至 享 遂 田 忻 曾 + 買 萬 躍 孔 脉 祥 畝 年, 孫 祠 操 孟 ,給券 謁 王 後 寧 猗 院 而 IE. 先 僧 元 有 歟 T 當 傳 生祠 鼎 公改亭 既 休 付 人 道 9 世 袁 哉 而 哉 長 作 當 而 田 ! 1 孫 興 守 私 六 道 相 王 之義 敬志、 焉 先 淑 畝 作 繼 之 生乃 之, 興 修葺 垣 之以 南 南 亦 羽 振 躬 兵 收 Ш 永 翼 逢 部 寺 保 垂 誠 租

右

識 萬 曆 J 未春徽祁門私淑門人光庭 陳

履

49

祥

不

則

英

盛

新 舊 啚 説

新 舊分,非好事 育 靈 居 士 陳 者 故爲 應 芳 日 紛張也 . 祠 乃 世 時 勢 而 之自 啚 以

然耳。 與 朋 氏重新意也。 東爲繩武居,西爲世守宅,則兩中丞耿、丁 中堂爲樂學堂,塞兩旁角門,俾進祠者由 州大夫吴公道立,以當道謁 啓後之特典,改東角門 學使者楊公廷筠扁曰先覺堂,而 堂而入室,頗善。 進,謂聚講之不便。于是移先生于後寢,改 二門,東西分二角門,以待士夫之講習。頃 來館 議于新圖之後。 ,而崇儒之業 其初祀先生于中堂,後爲樂學堂。 又先生四代孫元鼎氏創崇先 府推徐公鑾肖先生像,督 爲報德齋, 新夫。 臨者環 是以爲之考 議徐定焉。 西 角門 角 門爲 升 而

 $\stackrel{\equiv}{-}$

崇儒 報 德 齋 考

人,則 公儒 大夫 部 歲 道 先 忘報之意云。 往者祀以 尚 春 生 同、特建特脩者,爲之木主,食報 蕭 書 泰祠、當道 秋 齋名報德,乃王氏子孫不忘德之設 兵部侍郎 肖像一人, 耿公定向 公景訓 于 神位 祭給 見在 ; 祀。 嘉惠,多歷年所。 耿 恊 淮 則 公定力 建 建 者供以長生, 搃之不敢 揚 節推徐 祠 祠 兵 置 一人,則 憲程公學博、 祭田 公變; 共計 三人, 六 郡 拔其志 于 人。 都 重 中 脩 州 憲 則 也。 守 E 凌 户 每 百

崇 儒 朋 來 舘 議

先 生 一樂學, 主 于 悦 心 而 朋 來

共

證

樂

學之倡 族宗 至于 徒,所當屏之門外。 人,來此 實主其盟,願 聚樂,須 1 會 迎 于 ,其次第舉 來供贍之需,俟之同 也。 講學論道,考德問業。 中 將 設 道 陳 義 四 庵子嘗言 榻 結 方 也 具 同 有志之士、 夫。 孔 盟 是在主 甑 是館 先 日 : 志當 盟 生 之設, 者 同 莫把 一曾 道 宗 謂 切 孫 尚 權 博 殆 何 詞 元 之本 義 鼎 耳 奕 謂 章 游 之 ? 氏 是 供

歟

萬 曆 1 未 秋郡 後學 陳 應芳 識 識 之 樂

學堂


中。

簋,内方外圆, **遵** 正商丘王立志置。 荄,容四升。 九 爲 盛稻黍稷之 州 數十。學果 四升。 罍,酒器。 黄金飾之。數二。 豆十六,木爲之,以薦俎醢, 曾孫元鼎置。 刻爲雲雷之象, 數十。 容 以 垣置。 也。銅爲之。三。宗孫之 也。銅爲之。三。宗孫之 數一。 八寸,高二尺四寸。 登如豆,以 薦 徑 鼎置。 尺 數篤,外 曾孫元鼎置。 洗,注水以潔其爵, 外方内 員 數二。 盛稻黍稷之器 陶爲之。

祭

器

啚



+

九個,爵

三獻。

其若豆、登、簠、簋等,先生分可以兼之,但制未考、數未備,以竢後之君子。

門 人 董 燧 寄伯 子 Ě 衣 仲 子 王 襞 其

考 留 得 常 書 在 孔 傳 阳 議 滿 其 意 爲 孟 行 萬 絶 當 留 恨 真 但 的 世 於 日 曩 爲 今 意。 脉 望 在 也 兵 約 自 費 明 戈爾 未 見 師 何以 以 愚 此 氣 秋 能 尊 而 夫愚 故 見 似 力, 稍 口 遺 知 踰 海 音 不 调 仰 者 集,不知 遲 内 此 凡 婦 容 示 師 武 恐不及矣。 有 ? 有 夫 以 不 夷 尊 或 限 至聖 志 可 傳 雖 共 立 商 之士 造 今與圖 聞 也 不 本之學,通 訂 神 訂 假 而 尚 妙 煩 知 之 咸 文字 可 未 者 兄 者 措 翁 尤 以 定 作 與 多 而 之日 妙 不 此 天 耶 道 耑 見 又 何 也。 下 用 不 自 弟 翁 全 或 擬

歲 + 天下 凡 臣 如 見 年 致 禮 之秘,雖 何 事 有 悟 某 ; 陽 歲 譜 意 敢 存 踰 某 所 何 焉 羊 後世 格 取 明 年 知 歲 鷹 物 如 如 夫 處 其道 但 世 而 造 者 之 事 ; 師 哉 竊 子 師 後 某歲 師 必 車 學 其 某 ! 於某 以 門 未 走 生 有 適 年 師 能 弔 詳 身 顧 京 自 興 某 生 極 之特 書之,以備 出 何 大明於世 處 師 師 悟 焉 歲 罪 承 如 日 處 其 爲學 者 遭 聞 不 至 起 ; 歲 還 不 也 愛, 喪 容 某 良 詳 東 以 丁,其詳 何 須 0 ; 追 歲 知 何 岢 海 言 如 詳 既 某 夫 纂 何 之 如 録 語 況 不 語 悟 脩 容 歲 以 ; 教 何 爲 復 能 卒。 某 歲 録 以 孔 濟 如 册 教, 辱 共 其 至 古 此 不 孟 歲 荒 ; 賜 其 詳 某 傳 其 不 襄 漕 九 以 嘗 然 ; 教 ·至 中 某 歲 於 傳 内 歲 何 脩 愛 大 面

55

鐫

心

齋

 \pm

先生全集卷之

三六

生至任,必 要,兄可 急記 差人來 之, 則 取 千 凡 爲 萬 傳 加意。 爲 銘 皆 有 稽

又寄王襞其二

此 速將 更 語 [實吾兄至孝之實行,決不肯草草者。 録 各 先 及 原 師 詩 遺 本 文 稿及諸祭文,今已 親 有可 過 江 録者 浦 ,收拾持 面訂之,庶無 將入梓。 來。 專候。 後 請兄 悔。

其三

還約親訂何如? 生更無別本,請即發之。完備,須補其所未及,乃成全書,可以傳也。先生語録,前與竹山略有定本,但未爲

其四四

加 校 正 先 師 其 教 中 録 未 向 免 己 有 去 梓 留留 矣, 此 近 公於 蒙 疎

又寄王衣等其五

是

尊崇,餘當

面

論

先

師

其

Ш

公重

大洲 編首 序 文難 先 蓋趙大洲 師 南翁師祠記 有 遺 作者,姑俟 録 己 意也。 刻完, ,當脩書催請之。 圖之。 然先 先送 師能言者,亦惟 以 + 部 奏 存 疏 覽。 而 爲 其

門人徐樾寄王衣等

仰愧師門,未能身明此學,以大行於天

堂 銘 下,以 竢 往 不能贊吾師之美,一則以吾師之學關於 之哉 明明 開 狀之委,未能慰二兄孝子之心。 來,每臨文竦懼,未引筆 先師 繼先師無一民不明不覺之志,且 學 與 海 庶 内 其無 豪 傑 謬 同 也。 人 而 聖 二兄亮予衷 長歎 域, 登 也 尼 則 久 父 負 其 繼 愧

又寄王衣等其二

哉

予亦日孜孜也。

皆弟輩責任,兄無累念也。 銘,王龍溪作傳,更請東郭公表墓道 承委老師 銘狀 諸 事,弟 具狀,趙 也 大洲 此 爲

王氏著作諸刻姓氏 0

初 刻譜 録姓 氏 板藏 東海 Ŧ 宗 順

門 人 六 人

董高 吴標布衣 郎中 王汝貞 聶 静 給事 布衣 中 羅

楫 布衣

子五

王衣

王 襞 以 俱 王褆 布衣

孫 二人

王補

王

褣

Ě

粹語 王之垣廪生,王之翰奉祀 後學一 人板藏蔡衙

蔡國 了實兵道 刻

「六人」,按,下文實列五人。 標題原無,爲校點者所加。

三七

重鐫心齋王先生全集

初刻遺録 于江 浦板藏本縣官署。

繼 刻 于義陽 書 院板藏書院

門 人一人

張峰 知縣

重 刻 年 譜語 録板藏吴陵王之垣宅。

後學四

程 劉芙貢士 宋儀望提學

鄭 人 /達知縣

人 兀

董燧知府 聶 静 吳標

王 一貞諸生。 非汝貞。

刻遺録 于姜堰鎮 ,門人一人。 板藏本宅

王 |棟學正

几 刻譜録 於 海 陵板藏 崇儒 祠

後學二人

吴一栻揚州府推官 陳仁泰州知州

孫

人

王 之垣貢士

五. 刻今集 于海陵板藏崇儒祠宗孫宅。

後學 四 人

耿 定力兵部侍郎。

麻城耿天臺第。②

實操江御史。 浙 江嘉興

焦竑編修。 南京人。 山東日照籍

本州

陳 應芳太僕寺少卿。 人。

蔣 如苹本府清軍 廳 同 知。 山東益都縣人。

曾 孫 人

王 元 鼎 諸 生

13 齋先生全集卷之一終

0 首。 四人」,下文實列五人,按陳應芳之名不列于今本卷

第」,據文義當作「弟」。 王元鼎諸生」,原在「曾孫一人」之前一行,今據文義

3 2

移正。

重鐫心齋王先生全集卷之二

齋。

創

冠、服、

蒲輪等制,行于世。

其後四方學者

稱

心 心 于

宅之後圃築室,僅方丈,時宴息其中,悉心究學,自號 起伏不息,若與氣機相爲升降者,人咸異之。先生嘗

齋先生云。

存日,撫按劉節、吴悌交薦于朝。

後門人徐

樵李丁 楚黄耿定力 全梓

廟,待謚于

朝

能、

蕭景訓、田大年、張位、沈一

貫、王士性交請從祀孔

樾

張峰、

董燧、

聶

静私謚文哲,又謚

文貞先

生。

韓世

海 秣 岱蔣 陵 焦 如苹 竑 全校

四 代宗孫王元鼎補遺

譜附 出 處事 蹟

年

古朴坦 臞 有 文貴。文貴生公美僖。公美生處士紀芳玒,別號守菴 壽,自姑蘇徙居,生國祥。 法度,訓誨諸子,至今凛然。 骨巉 先生諱良,字汝止,隸揚之泰州安豐場人。 夷,里中稱爲長者。 貌古 ,有肉珠在掌,左 國祥生仲仁,爲場百夫長,生 母孺人湯氏,佐 先生 右二, 身長九尺,隆 如 分陰 理 陽 閨 其先伯 園, 類修 時 甚 時

> 明 憲宗純 皇帝成化十九年癸卯 六 八月丁 Η,

孝宗敬皇帝弘治二年己酉,先生七歲。 先生生。 是爲六月十六日巳時 也

無能 難者。

受書鄉塾。

信口

談説,若或啟之,塾師

六年癸丑,先生十二 歲。

貧

不能學,辭塾師,就

理家政。

九年 丙辰,先生十四 歲

母: 孺 人湯氏卒。

居 喪、哭泣甚哀。

+ 四年辛酉,先生十九歲。

三九

客 山東

奉守菴公命商遊四方。 先生以山 東闕

里所在 一,徑趨 山 東

十五年壬戌,先生二十歲。 親迎孺人吴氏

六年癸亥,先生二十一歲。

之。及措置得宜,人 先生家居,經理財 ,遂推其 用。 復 始事 以 爲不 時, 人多異 能 及。

鄉黨。

自是,先生家日裕

餘以

及隣里

之儀,行之益

謹

十八年乙丑,先生二十三歲。 客山 東。

先生有 疾,從醫家受倒 倉 灋。 既 疾 愈,

乃 究心 醫道

武宗毅皇帝二年丁卯,先生二十五歲。

客山 東,過闕里。

謁 先師孔子及顔、曾、孟諸廟,瞻拜感激,奮

三年戊辰,先生二十六歲。

冬十二月丁酉,子衣生。

語

》、《大學》,置其書袖中,逢人質義。

然有任道之志。

歸則日誦《孝經》、《論

冬十一月。

守菴公以户役早起赴官家,方急取冷 痛,遂請以身代役。 水盥面,會先生見之,深以不得服勞爲 自是,於温凊定省

几 年己巳,先生二十七歲。

繼 默坐體道,有所未悟則閉關静思,夜以 日,寒暑無間 務期于有得。 自是有

六年辛未,先生二十九歲。

必

爲聖賢之志

先生獨奮臂托天而起,見日月 先生一夕夢天墜壓身,萬人奔號求救 列宿失

序,又手自整布如故,萬人歡舞拜謝。

醒 則 汗溢 如 雨 頓 覺 心體 洞 徹 萬 物

此 體 行 住語 宙 在 默皆在 我 之念 覺 益 中。 真 切 不 容 己。 自

題記壁間

半」於座右。 先生夢後,書「 時三月望夕,即先生悟入 正德六年間,居仁三 月

七年壬申,先生三十歲。 冬十一月壬申,子 、襞生。

築斗室於居後。

暇 則 閉户,坐息其間 ,讀書考古, 鳴琴

雅 歌

九年 甲戌,先生三十二歲

之,立爲辨析。 註 族長者知先生有志天下,每 先生講 或 執 説 傳註 經 書, 辩 及各場官民 多發 難者,即 明自 爲解 得,不 遇 以 説 難 難 明白。 處 泥 事 事 試 傳

> 皆就 質于先生,先 生爲 之經 畫 不不

爽

毫髮

十年乙亥,先生三十三

家日繁庶。 先生總理嚴密, 門庭

肅

+ 年丙子,先生三十四歲

子弟於賓客不整容不敢見。

是年 諸 弟並畢婚,諸 婦 粧 奩 有 厚

薄

門内 譁 然。 先生 日 奉 親 坐 堂 上 一,焚

香 座 前 召 諸昆弟 誡 曰:「家 人 離 起

61

綜歸 之,家衆貼然。

于財物

不均。」令各出

所有

置

庭中,錯

年丁丑,先生三十五

徹神佛 像 礼祖! 先

菴 悟,遂祭告而焚之,因按文公《家禮》置 里 俗 公曰:「庶人宜 家廟 多 祀 神 奉祖先。」守菴公感 佛 像。 先生告 于守

四

四

代

神主祀焉。

守菴公性復喜獵

間

痔 吮 痔 之,公焚 張 尋瘥。 之。 痛劇,先 網 溪 守 上 其 人以 菴 取 網 生 公星 縱 鴈 徬 爲孝感所 徨 日 然 鴈 侍 飛 獲 日 側 . 去 + 致。 餘 兒 見 適 血 何 先 守 腫 至 菴 生 此 以 幾 公 患 諷 \Box

作《孝弟箴》。

略云: 侍側。 心,其 命 愛之深者 不 可 父兄所 理 事 不擇 自 和 親 識 從 顔 爲,不 兄, 悦 愛之 色。 本 미 敬 有 敬 Ź, 不 其 之篤 識。父兄所 則 務 者 致 孝 「, 怡 其 弟 極 怡 爲

+ 几 年 己 一卯,先· 生三十 七 歲

我 鷹 視 過 江 毁 犬 獵 騷 西 急 神 塲 動 宸 佛 濠 守菴 遣 至 亂 今神 富 嬖 武 公懼 幸 安 佛禍 宗 場 佛 南 詩 ~,校 太監 作 巡 入尉 先 奈 駐 生 及 神 何 蹕 日 先 總 ? 維 生 兵 揚 先 兒 門 沿 生 勸 索 海 所

生 之, 其言 耶 與 神、 士有 獵 往 厚 間 鷹 貽 君 在 禍 日 ?! 延 ? 先 遺 以 害 耶 犬?」佛 子 至 爲 顧 佛 佛 大 ?! 先 道 時 以 父 色動,乃令先生往 于 不 賤 謂 復 恐 師 遣 至 以 死 者。 以 人 先 神 生 明 喜 尊 行 約 辭 養 者 安守 無 生 生 日 日 日 日 日 至貴者,豈 凍 歸 人 而 :「疇昔之 : 恐 日 : 坐 人 餒 者 至 菴 0 策 日 . 佛 情 里中 與 害 尊 朝 有 公。 君 早 天 馬 喜 洶 鷹 廷 至 語 人,今以 之 信 偕 來 司 洶 犬, 貴, 取 失 甚 供 佛 所 會 人 人 : 校 來 夜 獵 鷹 歡 情 禽獸 佑 奉 也。」 尉 先 趨 所 孰 君孝子 犬,能 及 久 不 乎 : 者 執 生 夢 步 其 與 ? 矣, 抵 能 旦 也 善 遂 以 鷹 贄 而 異 至 吾 暮 也 善言 與 往 也。 禁 何 犬 先 人 熟 天 佛 賤 人 先 非 弗 間 安 俱 4: 視 聽 ? 地 見 軍 何

聞 用 感 輿 遲 語 而 動 П 佛 「宜 歎 旦卒然臨 先生委曲決辭 海 罷 上 曰 獵 :「立談之頃,化及中貴, 勸 主 上 主上 因 之,何以 必 强 早 心 以 先 生謁 旋 動 歸。 備驅逐?」佛 蹕,以安 而 歐陽 致 上,可得 疑 南 天下。 脱 野 子 德 爲 柄 乘

製冠 服

不

及

心

齋遠矣。」

言 默 縧 乎 經 ?」於是按《禮 識 日,喟然嘆曰: 行堯之行!, 、笏板、行則規圓 經》製 而 「孟軻有言」『言堯之 不 矩 服 五常冠、深衣、 方, 堯 坐則焚香 之服,可

書 其 門日 :

湯、文、武、周公、孔子,不以老幼貴賤 此 愚,有志願學者傳之。 道 貫伏 羲、神農、黄 帝、堯、舜、禹、

> 夏五 月□□,●子褆生。

+ 五. 年 庚 辰,先生三十八 歲

行。 分,繼 否,而 遂夢 鎮 學者雲集。 入告守菴公,公難 我乎? 沉酣于聲利,皆然也,信有斯人論學如 也,聽先生說《論語》首章,曰:「 時 有是哉! 陽 陽明公所論類若是。」先生訝 與陽明公拜亭下,覺曰:「此神交 得命,即 明 無 13 王公講 不可 唐孺 以 學術誤 先是,塾師 方今大夫士汩没于舉 起 不 人亦 良 拜登舟。 往見 知之學于 天下。」即 力言 之,長 之。 黄文 于公,乃 舟中方就枕 跪 吾將 豫 剛 買 榻 吉 章 舟 前 就 以 許之 至 其 我節 安 四 曰 : 業 俟。 夜 方 口

0 文此類不再一一説明。 □□」,此處原空二字,當爲 填入干支而預 留 者。 後

民。 真。 公?」公曰 與 君 無 來 春 新 冠 生 去。 寇 通 也 禱 夢 時 左 0 0 門 服 聽 之, 夢 右 陽 磋 去 歸 誰 抵 舟 者 孤 聞 觀 取 明 磨 取 仁 知 鄱 次 拜 人 先 陋 得 其 者 輒 門 宛 公聞 第 專 不 日 大 先 陽 生 愚 坤 所 風 環 者 江 愧 心 憚 日 此 生于 蒙 方 如 有 起 日 繞 阻 不 , 之, 無 循 三千 加 住 布 . 夢 會 風 市 是他真 對 胚 1 新 此 海 中 此 既 寇 江 延 道 9 孔 朴 帝 亭。」 里 力 舟 濱 狀 人 春 X 見 寇 大 0 子 移 告 豫 先 掠 , 從 賦 請 立 處。 不 依 執 公 拜 日 何 章 生 先 舟 詩 教 違 志 海 覺 書 違 亭下 不 言 日 城 中 生 由 先 空 有 惟 腔 践 爲 濱 艮 得 動 夢 日 生 空 命 希 地 中 履 請 生 先 服 : 行 覺 見 直 見 任 乞 自 刺 渾 所 乃 牛 ___ 心 唐 昨 鄙 諸 等 家 公 斯 是 製 詩 以 先 捨 揖

擒 竟 生 亦 辭 易 稍 在 外 又 可 自 然,樂而 堯 不 動 舜 宸 反 信 出 復 首 隅 上。 下 日 悔 出 舜 9 居 相 濠 覆 : 截 其 拜 便 上 曰 就 华 遂縱言 君 深 與 信 : 子 講 公然其言,先 位 論 執 坐 舘 某 民 忘 Ш 究 不 難 弟 ,公喜 舍 昨 之心 無 吾 所 天下 及 竟 先 及 與 子 輕 所 爲 輕 曲 不 繹 致 疑 天 生 鹿 禮 易 易 及。 動,今却 ___ 盡 苟 未 義 思 良 日 下 日 矣。」 豕 從 拜矣,請 端 先 嘗 : 所 知 9 : 事 公 木 子 應 乃 委。 生亦 生 聞 公公 謂 善 答 明 先 石 某 下 日 日 爲 所 間 游 門 先 H 生 草 拜 : 如 H 心 斯 甚 與 忘。 有 居 莽 響 人 生 復 有 嘆 而 人動 當 再論 服 樂 心 疑 不 日 人 兀 師 日 終 公。 時 公 君 聲 也 見 合 夫 大 便 事 . _0 身 子 有 徹 公, 服 疑 吾 73 先 居 遂 簡 稍 堯 忻 思 門 而

護。」 心 證 盗 日 名 法 及 者 先 也 鄒 日 言 七 一、汝父 起 焚香 疑 遊 誠 服 也 生 日 途 銀 ! 善必 也 族 一。」門人曰 既 公公 急 可 中 先 學于 告 生復欲 即 雨 以 動 長 行,公語 已兩 心必許 收 吉, 下 疑 歸 乃易 生 舍斯 天,今天 老 藏 信 省。 如 情 魯 日 亦 誠 見 告天。 豫章 七 注 無 往 : 之 : 人,吾將 即 設 之, 公曰 可 緩 豫 「父 門人曰 「異服者與?」曰 名艮, 信 年 故 午當大 動天,某此 族 日 章,守菴 難 可 而 命 以 出 方 長老異焉,守菴 : 往 其 學 在 孟 難 毫 调 晴 誰 : 字 也 成 行 不 汝 先生 不 鹽 友?」先 汝 此 雨。 公 0 軻 0 荷 倉 能 行 先 以 止 真 敢 寄 先 今 停 日 自 見 生 禱 阻 諸 學 後 寡 生 歸 : 午 鹽 即 有 風 歸 生 君 聖 期 何 1: 13 H 果 汝 彼 使 齋 以 神 遇 七 初 莫 居 亟 :

> 亦 忻 然許之,遂如 豫 章

復 往 豫 章 過 金 陵

先 得 却 印 經 經者 日 見 大 生 前 是 問 生 : 所 司 證 不 年 無 日 「古言『 1,吾心 . 所 曰:「公何 服 必 先 成 吾 諸 無所 乖 用 生 古 汪 心 吾 友 戾。」出 經經 而 復 冠 咸 之 講 乖 爲 無 已矣。」六舘 服 戾』? 齋 註 入豫 論 諸 明 所 以 聞 脚 君 削 汪 疑 乖 不 先生 也。 時 章 發 傳 其 戾』,其義 公 問 有 六舘之士 六 復 爲 過 我『無 心 心 無 言, 經 何 異,乃 之士 金 敬 即道,道 所 大旨。 益 陵, 延 而 偏 所 ? 憚之。 真 何 皆 倚 問 至 偏 質 如? 悦 9 經 在, 先 夫 太 方做 倚 明 間 服 生 則 學 六 先

世宗 肅 皇 帝 元 年壬 午,先 生 四 + 歲

時 其門,道院僧房至不 陽 明 公以 外 艱 家 居 能 容 四 方 學 於 是 者 先生 日 聚

轉

四

六

戀 下 死 肆 賦 平. 此 市 笛 歸 聞 學 F 導 爲 良 車 , 0 之 **>**, 動 前 ! 知 井 此 搆 招 制 或 萬 製 天 多 狀 啓 學 不 鬼 其 育 書 摇 何 罪 物 左 啓 委 居 日 神 發 乎 鱔 略 院 如 我 做 蒲 或 曲 吾 ? 忽 莫 愚 日 若 者 不 右 體 輪 調 師 人 其 陽 見 蒙 測 : 础 其 神 大 通 告 倡 間 度 0 0 明 標 或 龍 惟 問 道 0 之, 陽 覆 舘 穌 欲 遵 公 然 題 前 然 此 孔 人 Ш 知 明 壓 穀 從 聖 口 其 笑 或 可 猶 子 行 閑 我 林 纏 道 以 中 天 上 而 後 使 以 其 乎 當 行 繞 求 居 者 天 而 下 日 不 天 未 鱔 時 : 於 洁 會 出 人 地 其 : 答 奄 下 能 大 周 而 市 作 隱 流 爲 弗 惟 千 或 奄 天 徧 鼓 鰍 有 流 逸, 不 善 違 偶 穌 此 下 既 然 載 及 舞 得 上 天 不 息 若 或 見 鱔 调 天 以 行 無 致 辭 下 及 絶 開

> 然 頃 整 心 丈 非 雖 鱔 在 人 性 天 夫 若 車 之 身 然 而 爲 快 亦 忽 河 束 以 鮲 氣 通 與 已 樂 生民 亦 見 非 裝 鱔 氣 天 吾 耳 投 無 風 爲 鮲 存 9 之同 而 地 口 於 慨 立 邊 雲 之 望 鱔 有 萬 類 於 大 命 然 雷 樂 此 之 育 生 並 物 是 海 有 П 雨 鱔 幾不 也 生 於 意 育 爲 道 周 視 交 之 悠 0 者 此 非 於 流 人 樊 報 作 然 在 是 碙 專 天 兀 體 有 皆 籠 而 兹 轉 而 乎 其 爲 地 方 感 鮲 之 乎 然 ? 鱔 逝 爲 之 鮲 之志 憫 ? 9 之 鱔 之 天 間 喟 縱 乘 É 吾 此 9 功 身 0 思 遂 地 聞 然 率 鱔 横 勢 世 將 自 躍 少 思 大 得 嘆 其 通 V. 而

0 與 吾 集中 所收此文作「吾 與」。

滿

鱔

础

於

是

纏

繞

覆

壓

者

皆

欣

欣

然

有

以

救

之。

奮

身

化

龍

復

作

雷

R

傾

崇 時 護 也 無 赤 心 復 其 嘗 生 得 師 江 日 而 0 陽 先 畜 : 文 知 雛 渡 大 勇 子 切 有 明 門 生 州 海 ? 也 鳶 之野,鳶忽 雞 會 耳 生 夕 兵 守聽其言悟 之可 公 渡 0 0 母: 先 Ш 矣 意 變 某 貴 將 一云 論 有 河, 東 生 倘 公, 爲 有 勇 其 俟 見 畏。 學 老叟夢 不 託 盗 人 復 民 , 譬 所 奮 其 與 ·忍赤 云。 某 起, 立 以 先 至 之父 畏 語 甦 朱 翼 其 儒 善 於 益嚴 德 者 醒 輒 沿 文公異 黄 故 相 子 晨 請 生 兵 其 州 母 鳶 精 途 龍 闘 之 何 奮 起 爲 法 所 奈 集 神 迫 翼 也 聚 無 於 者 也 公 見 往 兵 州 怯 先 相 講 首 ? 爲 於 愈 陳 州守 同 誦習文公 一字關 之民 生 闘 何 9 行 備 盗 於 憂雛 之。 比 直 歸 ? 盖 適 遣 日 RI 雞 0 至 於 抵 何 9 9 至 先 皆 家 都 患 之 引 守 不 長 至 人 母 不 京

67

書,守 諸 莫 於是 大 見 服 者 至 某知 不 陽 庭 奇 公 車 頗 日 明公。 陽明 歎先 在 事 輪 牴 欲稍 菴 過矣。」 陽 復 都 悉 牾 公遣 明 生 公揖 之。 下 古 属 抑 公送 公以 勇 制 陽 聲 之, 人速先 勸 於 先 度, 而 明 曰 先 改過 生 客 先 先 乃 公不顧。 生 起 出, 生意 牛 一件 及 生, 情 歸 門 復 先 大異 尼 時 講 先 氣 陽 生長 同 不 先生隨 生還 論 日 太 明 志 爲 高 勤 不 公 已 在 會 跪 得 懇 會 行 亦 側 甚。」 南 事 移 野 亦 冠

往會稽。 二年癸未,先生四十一歲。

是歲春,先生在會稽侍陽明公朝夕。

夏四月,貸粟賑濟。

淮 積 富 揚 大饑 雅敬 重先 先 生 生。 故 所 於 游 是 真 先 州 生 王 從 商 真 州 居

來言 之。 册 先 於 貸 有 矣。」已乃大 人 則 所 賑 E 日 \wedge 尚 -: 中 往 空 彈 生 其 司 賑 至 庸》。」 來 琴 坐 廨 者 既 時 米 饑 讀《 賑 撫 自 其 中,令人 謁 有 册 民 明 公覽 中,惟 偵者以實 部 娱 大學》。 時 巡 饑 千 又曰 在 狀 H (喜日 絶 廨 撫 甚 石 場官 對 就 中 之, 中有 不 人偵先 歸 無 與三二人講 0 先 一二一君布 公, 庸 能 所, 9 此 一言及 大悔 (告撫: 撫 生 請官家 \forall 就 移 更讀 生出 外 耳 問 公 可 羈有 者 請 復 , ___ -公。 稽 疑 則 衣 外 大 何 何 入并 [©] 乃 日 其 出 賑 讀 乃 司三二人, 究 事 書 書 作 會 T 理學, ? ? 爾 何 幾 所 所 亦 羈 大 粥 册 書 何 失 先 與 取 無 先 糜 何 以 日 E ? 謂 暇 往 生 生 君 賑 其 食 給

> 廣 生 悟 或 大發 爲 古 平天 調 謝 之。 濟 下 賑 全活者甚衆 道 秋 行 理 大疫 將 E 樹 備 先 牌 于《 生 坊 大 表 又 學 日 揚 * _ 先 煑 生,先 藥 撫 公

几

1

三年 申 申 先生 四十二歲

在 會 稽

公築 是 菴 右 未 失 條 用 了,百 公壽 或或 幾 年 理 以 陽陽 春 處 發 書 有 姓 日,先 院 即 明 明 不 諭 四 城 是 良 諸 公 知 方 中 聖 知 學 謝 便 生 生 之學, 以 人條理 諸 者 告 會 則 居 失。 聚 生 歸 令先 不 會 大意 上 日 處 見 司 稽 志 生 志 日 聖人 謂 傳 獨 多 惕然有省 衆 陽 指 授 先 百 明 知 姓 牛 請 白 公 侍 便 會 H 姓 陽 守 左 不 用 明 H

也?」曰:

「誠意、正心、脩身、齊家、治

⁰ 不再 此 處 説明。 原 空 字, 填 姓 排 作 空

以招之。 上, 因金克厚持 命蔡世新繪《吕仙圖》,王琥 於是守菴公至會稽, 往 壽 守菴 公, 與 并 譔 陽 作 文 明 歌 具

公相會。

春 冬十二 正月□ 月,歸省 一,子補生。

几 年乙酉,先生四十三

春 正月,往會稽

先生奉守菴公如會稽,并諸子姪以從

會 廣 德

時 初 書院,大會同志 鄒 東 廓守益以内翰 ,聘先生與講 謪 判 廣 德, 席 建 復

作《復初説

端 復 不 略云:「治天下有 善 則 之動 端本,誠 無 妄 矣,無妄 而 已矣。 其 心 而 本,身之謂也。 則 不善之 已矣。 誠 矣,誠 動妄 誠 心 則 復 也, 無 本 其 必 事

> 知不 東 而 是學至聖人,只 廓 復 善之動者,良 故 子書院成, 之,乃所謂 誠者聖人之本,聖誠 復其不善之動 大 致 名 良 知 日 也。 知 復 以 初 復 知不善之動 其 刻 而 而已矣。 先 初 已矣。 也。 生 一説

於其 中

秋七月, 會孝豐。

郭 中州治時尹孝豐, 聘先生開講, 刻

冬十二月,歸 省

學官

,以示諸生。

五年丙戌,先生四 + 四 歲

秋 八月,會講安定 書 院

禮先生主教 事

時王

瑶湖

臣守泰州,會諸生安定書院

作《安定集講説》。

0 具」,據文義似作「其」爲優

四 九

志 略 於 云 學 昔 宋安 鄉崇 定 祀 胡 先 爲 生 白 世 泰 師 州 人 況 也, 天 下 有

之至善乎 友也 ,學于陽明 今豫章 先 生 瑶 遵 湖 \pm 良知精一 先 生 子 之 百

傳,來守是 安定書院, 邦 召遠近之士,居 以以 興起斯 文爲 而教之,是 己任, 搆

時

之盛

舉

也。

予家

居

安

豐,

去

此

百

得 天 里 地 許 聞 之。 間,實無古今之異,自古惟 亦 承 孔子 其 召 曰:「朝 而 往學焉。 聞 道 子 夕 謂 有 死 志 道 者 口 在

矣。」其餘何足言哉 何代 無之? 若非 ! 明 嗟夫! 師 良 友鼓 有志 舞 之 於

前 誘 掖 獎 勸 抑抑 其 過 ,引其 不 及,以 至

不察,流於枝葉異端者 鮮矣。

於中

其

不

至

於

半

途

而

廢,行

不

著,

習

矣。

慢

則

齊家

冬十月,作《 時 同 志在宦途,或以 明哲保 身論 諫 死 或譴 逐

遠

吾

略 萬 方 物 云: 主 先 ? 生 明 哲 以 大 爲 者 瑶 身 湖 良 且 北 知 不 上 也 保 一,作 明 何 此 哲保身者 能 贈 之。 爲 天 其 地

良 知 良 能 也 所 謂 不 慮 而 知 不 學 而 能

者 保身者 也 人皆 則必愛身如寶,能 有之,聖人與 我 愛身則 司 彻 不 知

愛 人 能 愛人則 人 必 愛我 愛 我 則 敢

不 吾 身 則 保 人 不惡我,人 矣。 能 愛 人 不悪 則 不 我 敢 則吾身保矣。 惡 人, 不 惡

敢 能 愛身 不 敬 者 人,能敬人 則必敬身 則 如 人 寶,能 必 敬 我,人敬 敬身則 我 不

吾 身 保 矣。 能 敬 身則 不 敢 慢 不

人 此 則 仁 人 也 不 一,萬 慢我 物 人 不 體 慢 之 道 我 則 也 吾身 以 Z 保

則 能 愛 家矣,能愛 家 則

身保然後能保一家矣。 愛 我 矣, 家者愛我 則吾身保 以之治國 則

者

必

我矣, 後 不能 至誠 身保 者莫不尊親,莫不尊親則吾· 能 珠、陳芑數十人來學。 之偏,所以與聖人異 愛天下矣,能愛天下則天下凡有 保然後能保一 已矣。」是年,泰 有 愛 學也。 者 然 不 國矣, 爲 息 後 國者 能 也 氣稟物 學之如 保 愛我 能 國矣。 天下矣。 州 貫之道 愛 林 欲之偏。 則 何? 春、 也。 吾 或 以 先生揭《大傳》、 身保 也。 之平 則 王棟、張淳、 此 與聖人異, 明哲保身 仁 身保矣,吾 矣, 或 氣 人之所 夫 也, 稟 下 者 物 所 Щ 則 吾 必 能 身 愛 李 而 然 欲 以 謂 氣

作《樂學歌》。 略 欲 心 云:人心本 萌 依 時 舊 樂。 良 知 樂 自 還 是 樂,自 自 樂此學,學是學此 覺 將 私 覺 欲 便消 縛。 除 私

論

語》首章于壁間,發易簡之旨。

樂。 樂。 然後 於乎 學,學 不 樂不 ! 便然後 是學,不學 天下之樂, 樂。 不 樂 何 是樂。 是學, 如 此 學是 學 樂 便

六年丁亥,先生四十五歲。天下之學,何如此樂!

至金陵。

南 會 野 湛 聚 甘泉若 講 新 水、 泉 書 吕 涇 野 柟、 鄒 東 廓、

歐

作《天理良知説》。

有之理 時甘 能 生乃作是 以 者也。❷ 教學者,意與陽 泉湛 也。 説。 公有 惟其不 良 揭 知者,不慮而 略云:「天理 明 隨 慮 處 王 而 一公稍 體認 知,不學而 知 者 稍 天理」六字 ,不學而 ,天然自 不同,先

「者」,原脱,據集中所收此文補。

者也」至「而能」十字,原脱,據集中此文補、

0 0

是 故 有 所 良 之理 孔 以 知 子 爲 一,所以 也。 旦 天然自有之理。 知之爲 人 不 太 慮 廟 知之,不 而 每 知,不 事 惟其爲天然自 知爲 問 學而 不 是 能 知一, 天 也 理

也。 天 否 爲 廟 所以『人太 理、良 毎事 則 不 知。 惟 日 其 一問」。 知 用 知之 不 廟 日 便是『. 學 每 知 致 爲 同 矣。 日 事 知 而 知之爲知之,不知 之,不 問」。 體 無 日 認 : 疑 矣。 知 惟 以 知 爲 天 其『人太 子 人又以 不 理 之言, 知 也

之所見者各自以爲異 耳。」

爲

異者,

何

之

哉?」曰

:

『學本

無

異,以

秋 九月,在會稽

送 陽明公節 制 兩 廣

雍 生。 冬十

月,

歸

省

月

子

是年,揚州王俊,本州宗部、朱軏、朱

恕、 殷三聘來學

七年 戊子,先生四十六歲。

在 會稽

道 集 同 初 門講 聞 多 于 不 書院。 信 先 先生言 生指 僮 百 僕 姓 之往 日 用 俱 來 是

之有 其不 賢 視聽 是 順 智之過 悟 帝之則, 志 持 1,所以 於 行泛應,動 與 學 則 愈 至 智之見俱 可, 求 無 愈遠, 而 謂 作處 有 之 是 聞 愈 至 不 妄。 道 作 假 近 安 則 愈 而 排 未 神 難 時 也

惟

者 有 省。

招 俞 文德。

當 是 時 太 略 極。 妄 ,不用安排思索,聖神之所以 廣永豐俞文德人山習静 日 既 良 只 無 知 心 所 有 向 點 所 V 向 無 分 便 所 分 是欲 見 明 便 明 有 作 是 , 書 經 停 無 所 招 綸 停 見 極 云 變 當 便 而

學

僻 習 然 簡 化 不察。 則恐 乎 至易之道,然 而 ? 位 育參贊者,皆本諸 肯 所 深 出 爲 坐 雖 Ш 會 是, 必 中, 明 將 商 得 師 確 不免於行不著、 無 良 千 喜 友 此 載 静 指 也。 不 厭 點。 偶? 此 動之 不 至

冬十月,陽明公計聞。

俞

得

書

即

出

Ш

三受學。

先生迎喪桐廬,約同志經理其家。

冬十一月。

八年己丑,先生四十七歲。江西貴溪徐樾、張士賢來學。

冬十一月,往會稽。

院,訂盟以歸。 會葬陽明王公。大會同志,聚講于書

冬十二月,撫臺 上 略曰 孜 : 竊 治 惟 劉 人 寤 才 公梅 寐 難 英豪 得 谷 節 自 疏 既開 古 薦 爲 三途 然。 並 皇

> 伏居 按 幾 量 再 有 用 衣,不求聞達,講 御 海濱之善士,聖世之逸民。 舉 遺 才擢用。 之例,以旁求一時之人才,尤恐薦辟 收收 史朱孔陽 巖穴者,悉令有司薦舉,覈實 懷才 録 抱 未盡 今據 德 議照前因 泰州 ,故又特從 經明行修,不干 學 厲 儒 行,篤 士王 相 應 大臣 志前 艮,田 舉 臣會同 薦 修,庶 名利 之請 送部 野 巛 布

答太守任公書。

學也 之臣。」 之燭,爲人子者此心 孟 權 召 事 略 之,與 「,果如 子 Ë 以賢舉僕矣,果 日 : 一。『有 僕之父今年 僕 兩 其 所召,則 古 唇 負 非 大有 枉 所 不 召,感愧 舉 召 爲 寧 如 又負所舉矣。 八十 之臣 當當 之君 所 不 舉, 何 殊 亦亦 九 必必 敢 如 則 深。 歲,若 如所 哉 不 有 不 敢 所 敢 恭 于, 召 此 風 聞 不 不 如 也。 尤 願 此 所 中 召 執

僕辭 子講明此學,所謂 僕之所以 人多則朝廷正 Z 乎哉? ,使僕父子安樂于 不能如 而天下治矣, 豈曰小補 召 師道 也。 1/ 治下,仍與二三 伏 則 願 善人多,善 執 事 善爲

遊,至

小渠邊,先生躍過,顧謂

樾

:

生厲聲

曰:「天

地

不交,否。」

又

夕出

文與

語

樾

應對

間若恐

失

所

持

循

先

九年庚寅,先生四十八歲。

在金陵。

簡,聚講雞鳴寺。 會鄒東廓、歐南野、萬鹿園表、石玉溪

夏五月,如會稽。

菴綰之女爲婚,復至金陵。 爲陽明王公子正億議禮部侍郎黄公久

十年辛卯,先生四十九歲。

用之學甚悉。 是年,四方從游日衆,相與發揮百姓日

冬十一月。

徐樾復來學。先生一夕步月下,指星

十一年壬辰,先生五十歲。

費却

許

多精

神。

物。

既

樾

歎

日

從前

孤

負

此

翁

爲

樾

:

汝

亦放

邨翌

快些。」

樾持益

謹

若

遺

是年,道州周良相、涇縣吴標、王汝貞、

的。 學 南 太 昌 大 嚴,先生覺 程伊、程俸先後來學。 指旁斵 木匠示 之, 曰:「學不 之日 : 初,汝貞持 是 彼 却 累人 不

夏五月,如會稽。

曾

用

功,然亦

何嘗廢

事?

經

理

陽明公家,携正億赴金陵託

黄久

菴公,遂大會金陵。

在金陵。 在金陵。 在金陵。

歲。

先 過。 時 村 座 南 日 近 生 皆 講 弘 用 野 客及門,辭 洛 先生笑曰 有 日 見 公嘗 良 緇 「通 省。 村 在 知 常 指 愕 致 講 講 是歲,縉雲丁惟寧來學。 點 南 變而宜 然請 致 不 :「兄又欺 良知 野。 良 不 欺, 在 示 知 自 延 先 先 此 先 非 先 是 生 贵 欺 生 生 生 矣。」洛 甚 日 爲 乎 日 連 戲 相 ? : : 欺乎?」在 榻 之 元 契。 村 數 日 洛 方 未 : 黄 欺 村 對 達, 謝 食 多 洛 某

十三年甲午,先生五十二歲。

在金陵。

復携正億北上託久菴公,至徐州還。

夏五月。

卓 脩 生 頂 峰 撰 會 卓 惟 林 講 峰 腎 東 泰 追 同 峰 州 弗 大欽、 登 及, 復 金 會 Ш 氣 給 金 喘 東 諫 Ш 峰 沈 0 先 乘 石 時 生 興 Ш 江 携 直 都 謐 手 躋 **\$** 訪 緩 Ш 王 先

> 年 何,東 外 者 酒 止 不 語諸 瞻, 生日 北 有 安氣,先生不直 鄉吴怡偕 日 『諸 ,令人自 慚 一。」諸友 氣氣 時 太守見過, É 乙未,先 非 皆燕 悚若 友 子 知 禮 峰 定 曰:「先師 察 9 君 同 也 跣 而 數友 無 坐 跪 覺 不 り。」東京 否? 生五十三 乃轉 行 足 復 所 不 請 自 用 張 氣 行 坐 來學。 措 起, 化 功 言 峰歛 席 問 喘 地 東 昔與 先 其 行 果皆 先 先 東 麻 先 峰 歲 過,託 弗 酒 容 師 生, 生 峰 木 時 日 諸 顧 生 竟 以 麻 教 可 在 日 曰 : 友 酒 謝 日 木。 先登。 : 人大率在 懼 學 非 聞 : 罷 在 何察?」 0 陽 同 太太 先 是歲 一寺中 第 時 諸 隸 也 志 明 間 公事 燕 守 從 先 友 師 有 行 先 安 竟 失 無 汝 歎 燕 東 生

請賑濟。 十四年乙未,先生五十

五. 五. 許 世 石 朝 者 賑 之以及民, 之,以請 之。」先生 充 先 鄉 先 是 造 之 之富 生 歲 旌 ,其先世曾捐粟 生 配 濟 施 清 陰 賑 揚 命 復 乎 門 德 日: 者。 伯 大 ? 謝 賑 大 是歲,感 饑 子 于公。 允 曰:「某固 以其 先 何 遏之乎?」芝南 族 某 會 衣 淮 生。 如? 有 御 以 海 家 子 史 計公亦 所 有 積 先 千 子 築 徐 念惻隱 於是 食 生言 Ŧi. 善之家, 至 東 請 不 芝南 粟 百 除 臺 見 忍 不 賑 石 夕 芝 盧 出 民 之, 賑 忍 之 九 多 南 先 氏 遂 豆 饑蒙蒙 饑 티 : 心 臯 民 不 慨 月 因 生 以 麥 饑,充 按 舉 然 願 溪 是 以 孫 嘉 火 充 其 先 潛 將 荤力 發 充

+ Ŧi. 年 丙 申,先生五十四歲

春 月

撫 州 樂 安、 董燧 自 金臺 來學,留 月

坐

門

歌

詠

先

生

曰:「此

羲

皇

景

象

先 魅 金臺來學。 ? 生 日 」燧醒 撫 燧 其 瞑 背 起 目 日 豁 跌 然。 坐 青 先 吉永 天 生 É 臨 小豐、聶 H 其 何 旁 静 自 亦 作 自 鬼

夏五月。

侍先 導。 也 游 龍 同 進 善難矣。」異 有本末,遺本失己,遺末失人,欲 欲 會]? | 既 樂,使 未 溪 E 止至善,非 先生 生。 道出 有 邸 龍 舍, 以 溪 先 人 信宿 謝 京 對 畿 因 生 日 識 去 \Box 論羲皇、三代、五 金 如金陵,偕 先生 謂 明 復 官, 金 静 Ш 格物之學不可 遊 Ш **\$** 同 從 靈 遊 寺 丹 遊 訪 避 谷 中, 招 徒 日 唐 去, 寺 燧 隱 荆 率 大 寺, 數 吾 與 44 Ш 在 語 十輩 伯 誰 同 游 隸 順 静 門 與 止 之 游 與 卒 盖 下 武 百 樂 物 前 至 物 列

之所感應而已,豈必觀諸往古?」 價 景象乎? 也。」已而龍溪至,同遊序立候迎,先生 ,争擾寺門外,先生 此三代景象也。」已 羲皇、三代、五 日 : -伯 一而 小亦隨 此 隸 非 卒 吾 五. 較 心 伯 騎

秋八月,御史洪公垣搆東淘精舍。 洪覺 先後來學。❶ 高、丹徒朱錫 顔淵 東淘精舍數 約,令有司行之,鄉俗爲之一變。 也?」先生曰: 仁』,却何等簡易!」於是覺 曰:「仁 ,便謂『一日克己 山訪先生,與 者 先 十楹 南 此 難 昌 以居 而 論 是對 喻 後 簡易之道。 獲,斯 來學。]復禮 樊遲 喻 語 Ш 其 天 婺 請 若 旨 下 源 爲 訂 覺 羅 楫 董 搆 鄉 歸 對 何 Ш

作《勉仁方》。

時先生因在學諸友氣未相下,乃作是

友自遠 顔子自 予日樂之,其未來也,予日望之。 哉? 外内之道也。于此觀之,不愛人,不仁 方。 如此之用功也。 君子爲己之學,自脩之不暇,奚暇責人 我,非特人之不信,己之不信可知矣。 人之不仁,己之不仁可知矣, 人不信 應之道也。于此觀之,人不愛我,非 者,人恒愛之;信人者,人恒信之: 可知矣,不信人,不信可知矣。故愛人 不尤人,以至於顏子之犯而不校者,必 略曰:「夫仁者愛人,信者信人,合 故君子反求於其身,上不怨天,下 方 望 而 而 望 來者,必有深望於予者也。 一於諸 然則予之用功 友乎? 朋之來也 ,其當以 今朋 此 特 感

其人。 三「□」,原空缺。查弟子表中有喻鳴鳳、喻蘭

或

其汲汲皇皇,周 君 Œ 過 人有 之責 改自 子敢 之明此良知之學簡 一而 子學不 而 不先正己者,非大人之學也。 過 也 化 不能使之改正,亦己之過也。 不 而不能容, 是己之過也; 能容 盡 而 引導之不 厭 後 其心以 已。 而教 流 孤 若夫講説之不明,是 不倦,如 天下,其仁可 易快樂,優游 時,亦己之責 其所 望 斯 乎? 加 知矣。」 已矣。 厭 必也 也。 欲物 飫,自 是 觀 故 其 見 己 使

冬十二月,考守菴公卒。 公意。 嘗語 此。」一日無疾而卒,先生躃踊哀號,不 至寒夜, 廢 例,授高年冠服。 守菴公年九十三。先届八袠,適 事 丁,以 人曰 每暇 則 怡 一吾有 伏 朝 日 枕 夕 輒 側 ,公亦竟 子克孝,獲延歲 寢 先生侍養周旋,曲 令瞽者 息,未嘗 H 彈 喜 説 少間 聽 古 無 今興 遇 月 倦 至 公 恩 當

> 受冠 帛,詣 禮甚 月前 稽頒詔之日 詔 遂刻時日記之。 屢 先 同 日 食者三日 一. 日 生 ,以公年逾九十,齒德 志 拂 服,以 冒 者吊 肅 Ŧi. 不 門致 更時 寒築 去。 ,君象也,大人將沐聖恩乎! 明日 ,毁瘠幾不支。 唁 優 告公靈,而 與與 ,公覺枕 些 無 禮 及曙, 域, 日光照目之辰相符。 虚 殆公卒日 州 日。 公尚 守率僚 由 以語 上 是 粟 葬 有 未 並 搆 帛 公時天 殮, 先 日 友遣 隆, ,會州守奉恩 先 戒子弟 寒疾。 光覆 生。 具冠 無 祭,四 生乃 所受。 大寒 左眼 先 先兩 服 執 拜 生 方 粟 喪

+ 六年丁酉,先生五十五 歲

是 日 歲 . 「其 先生玩《大學》,因 本亂 而 末治者,否矣。」乃嘆 悟 格 物

之遺 哉 末治 謂 至於 物 却 應 後 歸 身 則 而 而 也 Z 0 是 反 之。 安 身 用 知 道 知 末 末 治者 者, 本 時 己,謂之失本; 失 至。 而 庶人,壹 不尊,豈 尊 聖 故 以 ',身 有 大人 天 能 反己 未 身 亦 此謂知 有 故出 不 下 弘 否矣。 尊 之有 失道 以 非 出 人者,正 國家 諒 道 是皆 能 自修,皆是立本工 則 所謂 道 爲 處 先 以 道 之至 也 是 天 進 濟 生 皆 可 尊,故 故 以 濟 己 知 至 天 退 下 者 保, 離 謂 日 脩身爲 天下? 其 一,辭受 本 也。 而 尊 下 師 却 不 安其 於天 謂 其 輕於 物 者 天下 知 處 是 先 本 是 身 Œ 身 本 取 身 本 下 爲 爲 末 至 生 自 者 正 出 世 國家 其 與, 而 自 萬 原 尊 夫 或 而 物 則 天 也 則 後 V. 世 是 家 格 者 欲 天 子 本 身 道 動 門 下 何 亂 師 謂 求 切 此 以 尊 道 離 屈 而

> 户 極 恩 學 先 生 術 單 所 而 係 嘆 敢 日 不 : 究 某 心 以 於 報 先 師 受 芒

冬十

月,

御

史吴公疎

Ш

悌

疏

薦

冬,復 矣。 是 心 尚 濱 與 海 臨 下 略 于 誣 司 泰 之 豪 衆 久 竊 天 先 御 馬 日 年春,吴 矣。 下 廣 之初,親發德 傑 : 庶 慮 州 臣 朝 公、吕公著首 會先 皇 實 之士 盛 安 吴 之 獨 《憨焉。 豐場 與 罪 臣 名之下,其 無 無 E 生于 疎 其 弼 近 彬 人 伊 撫 蚤 奉 Ш 有 人 彬 陳 泰 而 運 歲僅受讀 可 臣 士王 命 按 繒 獻 音 薦 皇 中 州 始 洲 與 實 章 以 用 淮 河 興 上 嘗 艮 兩 宋之邵 難 後 示 南 疏 揚 立 于 聞 口 躬 薦 淮 先 天 旧 處 教 斯 人言東海 造 當其選者 致 先 孝 下 相 1 之心 乃 故 爲 先 雍 ٠, 經 泰 生 望 得 藏 而 矧 盛 ×, 道 生 于 之中 博 亦 是 程 謂 皇 朝 廬 論 詢 之 孤 厚 E 暨 天 頤 几

材,四 之書。 兹 直 得,不落於言語 潛 事 其 此 語 學之心,老 友忠信孚於鄉黨, 遂 至,乃始論交于天下之士,證 /襟懷 從此 當 矯 心之開 + 截 通 一,使 竣 飾 時 亦 簡 方之問 久之,而 事之期 灑 不 人 而 意向 明 落, 甚 而 日 有 議 于 解,盖 而 偶 愈篤 所 儀 業 論 敢 學,鋭 行 文字 前 有 度 辩 感 所得日以邃焉。 亹 以 年 感于 1疊,曲 時 發。 本非 雍 惑者羣 隨 上獻。」 之詮 臣 六 所 然以 容 人 乃就 讀 十,造 事 盖 業儒 開 真 故故 中人心,精 親之際, 書若或啓之, 其學主 聖賢爲 至 導, 機 而 疑 其 者。 其 詣 流 訪 務 于孔 門。 工夫最 行,不 之,見 日 其 於 盡 忽覺 必 比 深 É 神 其 孝 口 氏 及 好

略曰:「得書,見疎山公薦疏。書中云

復林

子仁

書。

0

與不行 之,百 『當道 《大學》曰:『物有本末。』始知吾身爲 沉 事薦之,不過 而 怪 地萬物之本。 而 有 日 可 行,亦 後量,是以取辱者多矣,可不 疴 :『求而往明也。』若君相不用,百 後 也。 以望行矣,吾之出 之疾不能 人,不可 執事薦之,此中節之 氣味殊别』, 也。 求之在 不過 前 應故 盡 此 能立天下之大本,然後能 人 行與? 我,必有一定之道 彼 大儒 而 事、敬君 職 乃理勢之自然 後 而 昧於此道,至於 量 可謂明矣。 又何必其道之行 已矣,在我 也。 命 和 而已矣,況 若君 吾、 鑒 當當 者 之道 相 哉 無 天 執 求 量 ? 雖 足

0 來說 不再出校 文,或 此 書信, 别有來源 年 譜所收之文略于集内正文,而此文則多于正 年 譜 ,或正文已有删節, 所録與 集内所收者異 請讀者自行參考 文頗 多。 般

大 乎 知 不 懼 行 四 天下之化育,夫焉 必加 海 哉 有 本者 窮 願 居必 吾 .如是。 子仁默而識 損 此 有所 不然,朝 分未定故 倚? 滿 是 也 夕除 故 口 放

十七 年 戊 戌 先 生五 + 六 歲

再 學,則 終不 答 矣: 能 可 E 以 復 揚 哉 者 禮 爲 敬 子 州 子 皆 仁書。 往 守劉 善 乎 Ш 來 仁 下 學者 不足以 佛 者 1 召 辭 則 禮聞 用 謝 愛山託 當 欲 肸 賤 以 下 不 之。 往 求 來 疾 召,子 敬 其 誠 知 學,未聞 於我,又 者 不 爲 1 矣;往 子仁欲 略 能 一,其義 善 與 尚 至尊 日 行 不 人 欲 : 何 誠 爲 往 當 教, 來 者 召見 往 以 也 教。 以 善 也 書 則 道 禮 召言 而 之 先生 謂 使 況 也 教 又 誠 致 資辛 不 其 何 府 哉 其 師 彻 誠 V 以 昔 用 尊 不 而

9

屐,亦 外。 不如 州 先 先 侍 舍。 以 之,笑謂 有 右 取 不 是 文王伐崇,至黄 可 高 生 生 使 屐 觀 往 故 榻 皆賢,莫可 病 身教 乃 問 吴從 儒 御 是 天子 前 門人争 道之精 以 目 何先 * : 不 史 自 諸 門人曰 不 人 陳 本 若 不 之易從 歌 先 得行 友皆 品品 生自 也,必 問 公讓 召 生 也。」先生 取 輩 伊 諸 使, E 師,而 顧 作 賢 竹 :「伊、傅之事 以 在 取 友 傅 : 按 也。 諸 墟 往 外歌 也。 因 進 「昨 也?」先 歌 兀 相 維 革鞋繋解 是 自 友歌,諸 況 云云。 呈 與 從 揚 先生有 復笑 取 異 不 結結 乎?」又未 其 先 和 精 屐 日 智也,於 以下 訪 之。 生 含還 先 生 日 歌 先 時 友 疾 我不能 : 日 日 先 聲 昨 生 者 有 生 言 未 諸 : 生 徹 自 海 至 此 小 如 遇 乎 顧 達。 達。 濱 内 教 取 昔 子 精 泰 友 左 雨 口

應 運 遇。 生 多 則 伊 峰、會昌 也 選、丹 謀]?] 先 失 均之而 佐 不 業。 王 然也。」 如 之 一公、州 其 先 徒 胡胡 學 生 生 奏請 不 事定,民至今樂業。 陳 我 大徽、歙縣程 遇, 日 時安豐場竈 竭 佐先後 守 不 心 攤平,幾十年不決 陳 終身 由 經 公共 伊 0 來學。 畫 門 獨 傅 0 理 善 得 弘 産 三公喜得 其事 問 而 不均, 君 忠、天津 己。 乃 . 泰 口 和 貧 孔 謂 造 何 策 陳 張 先 會 子 謂人 奇

答徐 時 年己亥,先生 榻 子直 講 先 論,不 生多病, 少 厭 四 五. 倦。 方就學日 + 七 徐子直書 歲 益 衆。 至問 先生 疾 據

略 日 直 切 面 也 我心 會 但 久欲 口 此 傳 學 授 心 將 吾 授,未 絶 子 直大 <u>一</u> 千 可 年, 成 以 之學 筆 不 舌 得 諄 吾 更 諄 切 子

> 有 猶 自 所能 欲 道 命 道之篤,乃天下古今有志之士 也 慶,但 雖 以 不容已者。」 解官善道。 至尊者身, 幸得 在 及 爲 天,造· 也。 憂 出 舊 也 處 又 冬 命 進 於此 然 我 聞 ___ 却 退 今得 别 後 會 未 由 可見吾子直果 與 子 後 我 及 此 沿 直 道 細 合 沉 子 途 細 聞 欣 直 疴 講 我 欣 之 非 聞 論 至 隨 疾 五日 此 自 凡 能 尊 時 我 近 信 者 心 嘆 即

冬十一月。

位 旧 述 堂 吉 百 \Box 近近 上。 水羅 論 郡 天 時 諸 立 地 此 先生 悔 念 大 生 學 黎 育 恨 本 菴 是 處,且 萬 以 處 洪 洛 愚 病 物 先 溪 夫 不能 以 求教 造 率 病 愚 爲 先 島 痛 婦 出 能 益 生 諸 自 能 立 廬 。 先生不答, 生 念菴 將 知 此 並 消 林 能 身,便能 就 子 集 融 行 榻 先 H 傍 生

見性 是 平。 處。 處。」是 領,至正 城 故 善,自當轉易 真 天 IE. 仁之於父子」一 正百 却 日 己 人 地 樣命; 一之道 能易命 : 得 聖人 凡 物 不過 余 育 夕欲 此 正 見 正 己 萬 了, 了 以 不 道 人 物 兩 瞽 一節之善。」 物 悪 也 過 此 先 者 别 日 IE. 瞍既 欛 孔 一,只 生 脩己以安百 欲 去,先 聞 處 百了,此之謂 以 段 柄 人皆知 日 却 此 心 子而 化,舜 是 : E 齋公言, 見己 己未 : 令人灑然 生 不 明日 己。 此 留之, 是 知 皆 瞽 是 盡 姓 身不是小 復 此 瞍 念 吾 善。 雖 樣命: 通天下之 未化 見, 復 縦 人 菴 即 有 未 而 與 若 歸 鼓 謂 説 是 能 天 大 下 舜 論 舞 論 得 位 口 盡 東 宿

作《大成歌》。

寄贈念菴。其略曰:「始終感應如一

樂, 宰, 學 此 證 此 H 隨 至 説 開 隨 芻 包 與 闢 言 羅 尊 蕘 人 時 此 爲 詢 以 隨 與 隨 天 至 及 善 來 地 處 貴 悟 人 復 誰 惟 真 隨 隨 便 至 奚 同 仲 良 是 時 人 清 之? 疑 尼。 躋 知 師 奇 師 ? 0 0 仲 自 掌 隨 至 只 我 堯 易 此 尼 古 握 大 將 舜 之 英 乾 隨 心 之爲 至 大 後 中 豪 坤 簡 小 成 微 誰 大 隨 至 學 便 乃 是 能 主 我 快 印 孟 如

十九年庚子,先生五十八歲。

子

孟子

之

後

又

誰

知

0

春 生。」先生覺,私 曰 : 元 旦,先 彼 Ŧi. 生 子 一夢 乃 念 生 夢 爾 嬰兒 所 必 有 生,是兒 爲矣。 如 玉 乃我所 抱 是 謂 年 内

冬十二月,先生卒。 崔殷、梅月來學。

先 生 以 卧 爲 祥 室内,夜 先 生 有 日 光 燭 吾將 地 信 逝 宿 始

高、王 方 于 董 溪 治 事 子 仲 論 瑩然不改。 舍,相與切 知 生 喪, 場之 燧 率 復 此 子 會 病 羅 人生苦患 神氣凝定,遂瞑目。 學, 吾 門 葬 率 口 大 將 襞 楫 一汝貞、 東 泣 口口 志 人 者 革 四 日 輩 附 志 出 爲 方 . 經 數 磋,自有長益 猶 何 爲是月八日 汝 哭 先生 位 吊 朱錫、李 諸 理葬事 百 守 集 離 慮 于 哭 子 者 菴公墓 人。 知 門 索 汝 京 于 顧 畢 學, 泣 人 曹 師 金 集。 諸 董 珠 雖 請 就 ! 吾 一、從遺 陵 季 高、 時 後 _0 丑. 榻 羅 及殮, 逾 鄒 復 日 惟 序 時。 無 事 王 前 月 門 楫 東 : 何 爾 友 命 一汝貞、 廓 憂 曹 葬 朱 朋 汝 語 先 力 門 容 也 聶 先 王 有 恕 人 色 及 于 善 牛 疾 静 生 張 龍 畫 董 猶 他 精 諸 几 事 兄 顧 傾

陵

師

門 人 私 謚

貴溪

徐樾雲南

布

盧子皡 京師 夫子 二三子之沐罔 子文明與 冷,必壞之骸骨不 將 門 高 隊 周子良相爲位哭于 函 鳴 下汪 有 輩 地 丈 呼 東 ,斯文喪天。人心之不 數百人爲治任,哭 董子燧、聶 ! 生 子朴與 廓 塵 歲 鄒子、 極之恩 積二 當甲 其 + 龍 子 弟 辰 可復活 耶 四 静、王子 相 谿 ? 樾 甲 爲 王 道州,而董子 子矣。 將 向 位哭于祁門, 子 緬 有 失聲,靡 爲 惟 思 紹爲位哭干 雲 死 念遺 位 夫 耶 南之官 初 哭 子 澤 蓋 不 于 樾 抑 高 痛 猫 棺 黄 亦 金 聞

近

道

⁰ 名「董高」者改 董 高」 原作「薰 燕高 據下 文及卷五 門弟 子 姓 氏中 有

矣 謚 焉 濫 浮 足 銘 乎 + 居 能 非 新 何 聶 日 ? 一言一吾 第二。銘不 勸 以 實 ?二子 : 年 其 人 置 吾 子 不 安 子 要; 懲 誣 我 繼 閣 子 則 用 能 朽 明官 語。 隱 筆 屬 三人 夫 借 足 子 之精 不 圕 續 爲之 孰 德 樾 子之 如 謚 則 日 不 貂 日 風 能 至二 哉 吾 傳。 無 非 神 : 朽哉 築 爲 : 月 啚 夫子 ? 傳,恐繁 : 益 學 時 ? 四 辱 品, 不 傳 夫子 樾 不 知 披 樾 弱 身後 私 然。 神 之品 皆 將 樾 然。 吾 夫子之深 拂 日 所 于 不 將 夫 焉。 得 求 日 好 Ш 衍 繼 . 朽 古 爲 子不 : 間 其 夫 請 庸 斗 往 然。 不 哉 者 之銘 生二 爲 于 足 子 樂安董 悉 在 知 否 開 ? 夫子 生 也 仕 朝 已 望 濫 其 孰 夫 千 來],舍謚 無 樾 銘 狀 真。 惟 請 慮 敢 謂 如 私 游 子、 餘 之 受 晤 片 不 請 犯 者 賞 吾 益 年 _ 傳 罰 奚 足 由 語 夏 者 今之 溢 死 而 子 永 9 美 往 則 之 子 是 無 樾 拜 ? 豐 不 可 不 不

> 情。」 法》: 真 謚 非 明 法 妻 互. 本 日 日 可 之在 肯 尊 : 文。 乎? 法 哲 炳 而 則 之在 首 身,非 三子 幾 私 是可 乎 「節 吾 先 其 夫子 講 ? 日 私 講 院 介堅, 夫 日 囅 子 益 不 貞 請 院,不 学 哲 註 ; 然 不 乎 朽 益 按 淵 私 脚 白 啖 ? 慎 夫子 在 \equiv 諸 明 夫子 益 六 日 舌 在 太 ^ 人 請 文 經 貞。」 謚 常 伯 日 曩 太 矣, 非 學 身 私 哲 法 : 淳 者 常 也 BILL 謚 止 夫 殆 不不 先 承 *****, 黔 也 私 噫 至 文 子 有 生。 道 日 試 妻 耶 聞 所 貞 善 ! 道 進 ? 統 揚 展 好 先 以 若 師 焉 禽,不 利 樾 夫 道 請 非 友 也 生 子 是 萬 用 作 德 以 而 文 按《 安身, 乎 世 萬 而 俟 博 乎 聞 敢 调 子 益 謚 聞 其 以 立

太

史

氏


焉。」嘉靖

庚

戌遺

稿

心齋世系大綱截略圖



世 系 大 緇 總 歌 四 代宗孫 王 元 鼎

傷。 繼龍 之垣 長 襄。 召 世 季 貴 開 美之文五六當。 裔 名 惟 ,之翰之銓之奇央。三男之介適 ,三才文 來 仲 宗子宗 僖裔 男元 美,衣兮介子 衣艮宗子,次襞褆 子 郎。 七家 彰 伯 仲 牛 壽 茫 鼎 世 貴 金艮 姑 補 德 1 茫。 系 孫宗 德 父,介男之漸 蘇 無 胤 還 詳 僖 發 後 錦 僖 無 誇 惟我季褆苞 艮 家 或 兮元 錢 俶 之 疆 派、元 生玉 譜 文 祥 玒 傅 漸 德 五. 獨 之嗣 鹏 補 佐 或 珤 良。 龐 曾 又三 詳 貴 褣 禎 繼 世 玒 元 俱 或 心 流 以 瑺 褣 堪 錫 俊 郎 嫡 揚 齋 芳。 瑞 前 葉、之廉 出 羨 兄 殤 Ŧi. 艮 鴈 元 歌 載 次 偉 + 鑇 鼎 衣 佑 元 世 爲 相繫, 既 襞 八 六 弟 禄 光 分 昌 歌 行 儉 悉, 甚 多 鏳 冢 億 共 元 蚤 王 之 苗 男 玒 寵 衣 可 世 七 欽 祥 嫡 爲

> 長。 渺 元凱 稀 孟 僅 季足, 元 始 香。 鼎 僅 作 祖 仲 父倡。 傳 祇 嗣 今 大 元 元 <u>+</u> __ 見 恁信 台 心齊而工 勝井 在 幫。 総 世 稱 元 補 竚 截 禄 旁。 + 略 看 能 人分 開後 Ŧi. 繩 襞 代 繩 六 ,玄有 孫 男 再 脉 元 兮孫 續 \pm 凱 慶 孫 0 達 依 源 渺 自

世系 詳 註 截 略 有 引

心

齋

而上

推

及始祖

自

下旁及玄孫,共

以 世 家 羶 壽 南 原 之故 悉 不 安 公 統 (豐場, 其 前 始 敢 宗 土,故 行 列 妄 孫 祖 海 王 實。 大 扳 此 内 七 之 綱 吾宗 宋 吾 吾 世 截 垣 紀其 族 族 mi 日 略 元 之 始 自 : 下 云 南 名 鼻 祖 心 我 子 者 渡 諱 齋 伯 祖 太 孫 者 謂 壽 大 公 也 祖 曾 仍 王 公自 略 七 高 玄 徙 氏 世 前 皇 復 江 凡 有 代 姑 帝 而 北 譜 蘇 E 王 汛 詳 十三三 及 氏 而兹 徙 復 掃 伯 世 淮 中 胡

圖 容復贅焉 人設也,若曰 及女婿,世好有永也。 同 圖中。父子豎線,水源木根也;兄弟横線, 向,及事蹟顯著,鄉人所共知者,逐一詳載 例 盡,復以第九世 世,而之九世列一 無位,以始遷之祖爲始,自一世之五 特截心齋公一人淵源大派 氣連 而百世 五世派盡,仍以第 枝也。宗法縷析,世及不紊也,載 義也。 全宗别派,另詳之家譜,又奚 抬頭,而之十三世列 圖。 故字號、生卒、娶配、葬 雖然,此爲心齋公一 五世抬頭, 自五世而之九 而言也。 復統 盖庶 世 世派 列 圖。 五. 人

「世」原作「列」,據文義改。

「族」下,疑有脱字,姑且如此標點

0

六九

史 豐 樓 至盤 州者、後生詞 者, 場 皆 時 閶 鴻 有 門 漸 徙 苗 號 居 林 逸 裔 西 高

> 載《族譜》卷之二。 衍計八百餘丁,詳

國瑞

始設場司。

先是,

生 伯壽第二子,心齋 高 高 叔 祖,字號、

> 戮,設下三丁攢 定鼎之初,生齒殘

紀。業農。析居場

叔祖、字號、生卒失

也。

以俟稽考焉。

姜堰鎮,遂傳姜堰 卒 失紀。 析 居

防

禦邊 陲,

故

合

鄧、滕、王三姓,永

戍 寧 藩 衛

葬兄塋之右,亥山

子 四,

佖

王家。配丁氏。 北街西,遂稱西

合 分

農。

配

尹氏。 占民籍,業

仍

用姑蘇水葬,遂葬

王家。

葬。 0 仲仁 勇敵 焉。 匈

卒, 云。 亦 俊、 巳 向。 偉、

適場恩榮官吴以清 億。 女 一,

子三,

貴卿、

本

鎮

玄帝

廟 善卿、

前。

奴,遂

以

戰

寧

卿。

户

口

繁

衍

後 忠

絶、

滕

而

長子。佖絶。

之

長。 代 之, 官 名 百 夫

至二十七年

文德

列

厝。

長子

儼 絶

仲仁次子,心齋曾

俊繼禰小宗。

• 億 詳《東淘王氏族 偉此後三大支,俱 譜》,不悉重録。

國禎

《族譜》卷之三。

此戍之所從來也。

計六百餘丁,詳

載

 \pm

氏 鄧 或

之戍

猶 逃, 班

昔。

伯壽第三子, 高 高 心齋

叔 祖,字號、

葬」字,疑 衍

0

七〇

昭一穴,亥山巳向。 吴氏。合葬考坐	一歲。煑海。配	月初二日,壽六十	卒于成化五年六	年十一月十七日,	紀。生于永樂七	祖,字公美,號失	文貴第一子,心齋	唐 大宗	五世								
四,詳《族譜》。	次伯父,字大芳。	公美第二子,心齋	治	二,詳《族譜》。	氏、黄氏、蔡氏。子	伯父,字振芳。配吴	公美第一子,心齋長	玉繼始祖大宗。	六世	《族譜》卷之四。	五百餘丁,詳載	本立,户口繁衍計	亥山巳向。子一,	配徐氏。葬場東	場南王家。煑海。	本場南盛團、遂稱	生卒失紀。析居
									七世				100	1			
	¥ .	**************************************			*				八世								
						-			九世								

瑺

叔父,字志芳。 公美第四子,心齋 配

譜》。

韓氏,子二,詳

《族 世 王 事 稱 餘姚理學 大儒。

父遊

蚤

年

督理家業, 學之需

文貞先生。 徐樾等私謚 公,悟明正學, 家最嚴。 文哲、 門 陽 明 師

> 浙,立宗會,光 年率弟襞遊

大

學

江 中 贍

學,配享崇 配丁氏。

儒

合 河

祀 蕭 德韓公世能、郎 吴公悌交薦于朝。 後萬曆十三年,諭 撫院劉公節、巡 公景 訓 題 請 中 從 按

孔廟,奉旨該 存日, 部 祠。

二,之垣、之漸。女 東午山子向。 葬場北一倉垻

子

,適東臺場太學

公澄慨捐粟一千五 齋公勸賑,榮父盧 生盧榮。 先是,心

議。

二十七年,

大

貫、郎中田公大 士張公位、沈公

子義方,鄉人稱之。 美。榮逝,守節,訓

十八,生子世德、世 孫女配焉。適榮甫 十石、嘉其積善、以

襞

請

旨

待謚。

有遺

年 答

語 書

曹公于汴、胡公忻 三十七年,給事中 性請旨從祀孔廟。 年、給事中王公士

心齋第二子,字宗 ,號東厓。生于正

録

問 譜

》等

順

夫子 光泰。 裕。 洪 學 靖二十五年,鹽 舍 〇公存日,四方來 詳 詳 五,衣、襞、褆、 公垣 益 居之。 生卒者何? 而婦人略,此 内 衆,鹽法御 明正學,亦 女一,適場 助 按譜, 搆 東 之賢 公逝,嘉 淘 男 也。 精 史 蓋 子 吴 以 獨

年。

側室方氏,子

適

泰州丁

堯

,之翰。繼配

倪 之

賢。

配

吴 氏,

女 鄉 享

精舍祠,議崇祀

集 歌,精

行于世。

配

翰墨,

有

遺

安場崔希翰、次適 文;女二,長適富 奇、之介、之美、之 氏,子五,之詮、

世。 生于成 年七月二 道, 蒲 配 輪等 吴氏, 允 爲 化 製 内 + 克 傳

婦

于 冠

服

+

月

倡明家學,立宗會 學 業 日,壽 錢公,獨得先傳, 學龍谿王公、緒山 江浙,師事餘姚 以 + 儒。 睦 問 Ŧi. 六日,卒于 六 族衆。 純 年 年 七十 德性 十月 粹。 七歲。 温 著 遊 + 萬 良, 詩 理 學 曆

月

十九日寅時,

壽

靖

Ŧi.

日

巳時,卒于 十九年十

嘉

+ 助

考

整穆 +

一穴。

子

Ŧi.

歲。合葬

之之

守馬。 祠, 公景 公像 分司 督學 之 公像于崇儒祠, 州府推 陵。二十六年, 檄 尚 曆四年,南 孫之詮 遺公仲子襞世襲, 泰之 東 舍爲 公長子衣世 博、泰 (海) 海 垣、 書 專 訓 于東淘精 蔡 南畿,祀公 防 鄉 祠,專祀公 耿 特建 曾 祀公于 徐 無 公定 兵 守 賢 公文範 州 何, 孫 公鑾 憲 祠 焉。 知 京 襲,孫 元 崇 州 程 向 户 胡 舍 鼎 遺 肖 揚 吴 儒 蕭 公 移 部 萬 肖 又 于 公 于 褆 見,歸 坤 精 業 心齋第三子, 日,海上大饑,鬻産 等書傳于世。 遺録私繹》,有語略 歌,精翰墨,閑投壺 + + 飭,號東隅。 倉 其 會稽僧相公陰隱文 捐 接 日 正德十四年五

儒。

賦性剛方,

人嚴介。著

詩

晚年,註《先公

Ŧi.

年十月初

六十九歲。

四日,卒于萬

曆

月 生

之廉繼禰小宗。

字宗

于

向。

御

史

胡

公

植

改

精

梁

垛

場

周

時

寧。

墓,

合葬場:

北

垻

河

東

艮

Ш

七五

賑。

時往浙,

有

,子廉生,適

舍

祠。

○公

存

配享

氏、 五. 守 詳 南 《族譜

之,人皆異

為。

配

補

氏。子

詳

侄得其傳,遂師事

湖。 庵第五子,心 氏。 子

弟,字汝憲, 配黄氏、羅

齋 號 壽 七日,卒于隆慶 譜

著《周日 年六月二十三日 序》、詩歌等 五十歲。 易解》、 業儒。 書

錦 子六,詳《族譜》。 守庵第三子,心 三弟,字汝勝,號道

室

林氏,以

妬惡,

配趙氏、徐氏。

錢 守 庵第四子,心

及。

合葬場北 里中憚

去。

弗

娶

劉

氏,

亦

以 謝

惡

時

併去。

復

繼

倉坝

河

東兄

東

厓

四 痛兄心齋殁,以襞 щ° 弟, ,字汝良, 有志正學, 號

塋。子一,之廉。 塋 繼娶徐婦,合葬本 後 巳 Ш 亥向。

心齋第四子,字宗 完,號東日。 生 于 .

嘉靖二年三月

Ŧi. +

元麟繼禰小宗。

出, 于 脗 合。 嗣。 繼 娶崔氏、 配 先是,公 周 氏 側 無 艱

七六

鑇

守庵第六子,心齋 子二,詳《族譜》。 六弟,字汝晉,號 一泉。配 周 氏。

守庵第七子,心齋

春 子四,詳《族譜》。 七弟,字汝成, 坡。 配 梅 氏。 號

年,有傳。 日 儒 適富安豐崔汝修。 兄東堧塋左側,已 合 〇後産業田糧 Ш 傳 氏苦節四十 于 亥 葬一倉垻河東 祠。 世。 向。 配 配 女一, 無 吕 享 氏。 嗣。 悉 餘 崇

麟繼焉。

褣

年一 穎異,克任家學。 化、號漁海。 娶, 殀亡。易簣, 心齋第五子,字宗 十八歲,未 聰明

自題行樂畫圖曰:

子,留與家人作衷

此

處

是我

形

影

七七

弟之漸第二子元

垣痛其絶嗣,乃以 歸三房猶子。

之

																_	+1				
纂修族譜,創遺稿	率兒元鼎歸東淘,	目瞽,遥授冠帶,	州崇儒祠。臨貢	心齋長孫世守泰	學,士類推重。以	制行端方,克任家	泰庠。賦性耿介,	歲。以《詩經》廩	六日亥時,壽七十	三十八年六月十	日戌時,卒于萬曆	二十年六月初六	印心。生于嘉靖	長孫,字得師,號	東堧長子,心齋宗	之垣•	九世				
會、議建家廟、義塾,	人委服其勞。立宗	遺稿, 戮力惟艱,族	水族衆,醵譜資,輯	譜》。大合東淘三	父遺命,力纂《族	祥,立志向學。遵	事理學新安陳公履	世襲奉祀衣巾。師	准承泰州崇儒祠子	生。學院陳公子頁	以《禮記》補泰庠	月初四日巳時生。	天真。萬曆七年四	宗曾孫,字禹卿,號	印心子,心齋四代	- 元鼎 -	十世)		
月	辛,號同天。萬曆	五代次玄孫,字自	天真第三子,心齋	孫凱	次女。	主。聘泰州沈煌	公有源,終身宗	師事理學宛陵汪	《禮記》,攻舉業。	泰州祠奉祀。習	初二日生。世襲	三十二年十一月	陽,號樂天。萬曆	宗長玄孫,字自	天真第一子,心齋五代	孫元繼心齋祖小宗。	十一世				
			-														十二世	守庵祖塋外東北。	藏。」人皆惜之。葬	住,清風明月是吾	傷。一十八年原寄
																	十三世				

七九

詩,編譜稿。有司	經》,攻舉業,通律	月十三日。習《詩	萬曆二十八年正	月二十一日,卒于	嘉靖三十六年二	中,號見心。生于	心齋介孫,字邃	東厓長子,庶出,	之翰	適場周至顔。	嗣,元寵。女一,	元麟出繼叔補爲	廬。子三,元禄,	節,當道交旌其	文, 痛夫逝,	娶富安場郭志仁	東考塋穆一穴。	葬場	九歲。子元禄殮
												□氏。	胝,自食薪水。娶	業農。惟勤,胼	年九月初一日生。	號振玉。萬曆十	次曾孫,字錫卿,	西玉第三子,心齋四代	一元寵
4																			
<u> </u>	``		·		3														4.5

													•			•			
後。女一,適場周	二倉垻河東考塋	氏,無出,葬場北	奉祀衣巾。配周	舍祠,兄終,頂補	介孫世守東淘精	躬曲謹。以心齋	儒。德器淳厚,持	十日戌時生。業		中,號體厓。嘉靖	心齋介孫,字明	東厓次子,嫡出,	之詮・	杜崇勳。	無嗣。女一,適場	河東考塋昭一穴。	氏,合葬場北二倉	未給乃殁。配曹	舉以奉祀衣巾,❶
-							天。	一日生。習舉業。	十四年七月二十	號柱國。萬曆三	介曾孫,字輔卿,	體厓子,心齋四代	元台繼祖小宗。)			
					,		=											2	
											5.0							-	
	2																		

「巾」,原作「中」,據文義改。

八二

孫龍以孫繼祖焉。	其無嗣,以第四子	學,堂猶子元鼎痛	考東隅公力纘家	筆。葬考塋側。公	未娶。固藏父祖遺	初七日。業農。	于三十九年十月	年正月十三日,卒	隅。生于萬曆五	孫,字潔中,號孝	東隅子,心齋庶	·之廉·	業農。娶馮氏。	八月十七日生。	繹 屋。 萬曆十年	庶孫,字在中,號	東厓第六子,心齋	之文		農。娶梅氏。	月十五日生。業
																		\ \ \ \ \ \ \			
							日生。	十年三月初二	號繩孝。萬曆四	代庶孫,字自荀,	孝隅嗣孫,心齋五	· 預 雜 維 利 分						,		-	
	See .																		- 0		
			ě												2						

世系截略終		註見前。	客 · ロニ・・ 羊	業焉。	叔詮、堂兄禄割	鼎堅不受,仍與堂	許,徐意遺孫龍,	基地一段約六畝	夕。公遺祠西北	子。王思樊共朝	殮,托攜遊聘樊氏	依,鼎爲之供贍殯	遺寡祖母徐婦無
	業農。娶□氏。 月二十四日生。	孫,字禎卿,號望	→ 元麟繼祖小宗。										
	*												
									v	27. 3 1,0-4-0			

八六

心齋王先生年譜後序

言 曹 光 珠 之 大 畫 攜 即 先 時 弗 年 愈 藏 口 所 書 相 先 譜 捐 生之 善 逮 又 門 行 射 其 生 世 嘉 悟 繼 m 鋟 數 得 來 者 行 1: 門,今幾 靖 澤 綱 人 以 今又 梓 年 小小 實至 於 世 遂 戌 丙 媚 與 至 以 秋 覩 欲 申 也 至 其 適 燧 傳 書 始 梓于 記 金 先生之子 春 學業 亦 \equiv 兀 寶 其 得 陵 者遍 矧 顧 + 備 + 燧 目 在 并 金陵 几 按 考 · 年。 之大 員 年 與 天 方 先 滿 直 訂 同 南 矣。 聶 燧 地 可 生 宇 書 未 門 比 後 宗順 成 子 志之士 間 内 行 其 吴從 備 數 念 部 不 子 秘 出 素 實 咸 年 玉 几 宗宗 安同受 而是 於 ·, 子 之 處 履 草 本 藴 Ŧi. 於先 時 欲 愈 ·、 王 之 創 飭 年 Щ 詳 譜 埶 安 編 大 ', 爲 久 Ш 業 宗 所 生 惟 先 補 亦 輝 致 嘉 始 載 元 有 生 儀 生 於

> 矣。 今觀 子安共 矣。 者 問 譜 黄 伯 録 嗚 具 振 然天下後世 萬 之外 之大, 樂者 備 呼 之、 事 有 可 其 燧 來 其 ! 癸亥之夏,燧 燧 傳 劉 徒 參訂 乎? 會于 譜 非 先 與 子 之或 斯 也 以 而 子 茂 生之素 其 不 讀 譜 其 善 之。 譜 永 安 不於 時 爲 類 遺 其 精 相 豐 > 與 遂 相 知 所 録 神 願 馬 己 其 併 録 非 校 亦 馬 履 乃 能 之 學 E 形, 如 亦 其《語 皓言 解 所 , , 歟 矣。 又與 盡 妙 未 九 春 焉 庶 組 以 ! 年 也 能 而 方 非 幾 西 愛 然 譜 素 得 録 而 其 泉之後 參 仰 歸 乎 先 則 其 先 慕 仲 影而 語 不 口 伍 負 先 後 先 生 良 生 子 復 録 傳 狥 俱 師 不 一之學 王 之 於 生 宗 而 攜 門 口 梓 遺 之大 於 岢 丽 知 牝 者 順 傳 甘. 詳 多矣 盡 以 譜 復 其 先 牡 程 亦 之 稿 傳 也 概 騳 語 學 略 與 生 無 子 以 遠 调

1 「王」,據文義疑當作「生」。

董 燧 兆 降 時 慶 甫 頓 年 首 書 E 歲 孟 秋既 望 門人樂安

隆 慶 Ξ 年 重 刻 年 譜 序

志 之 體 無 盡 心 H 子 方 於 其 云 兹固 惑 爲 者,言吾之心 外 自 大 心 夫大人之學, 我 少 而 天 人之學矣,自 于 學 是 至 知天命, 地 天 不 孔 自 孟 老 萬 秋 地 厭 子 小 物 七 教 自 萬 未 也 4 之 物 嘗 譜 馴 即 以 後 不 心 其 至 之 是三 學 昔 天 天 倦 七十 日 年 吉 1 孔 地 地 而 + 郡 俛 不 云 彻 子 吾 萬 萬 宋 學 焉 阚 順 0 而 蓋 有 物 物 儀 其 耳 日 故 望 立 年 之 爲 有 從 繇 望 其 學 + 毫 心 孳 是 心,神化 几 之 語 體 也 Ŧi. 不 也 孳 謹 觀 門 即 能 未 撰 之, 嘗 Ŧi. 有 自 吾.

微 人,吾 生。 門之友 焉。 先 考 禮 之? 以 解 談 人 有 知 几 論 乃 年 爲 爲 其 生 見 經 有 方 求 語 憂 陽 學,反 聞 其 數之不足也 口 必 於 證 同 於 誰 心齋 以 × 異。 明 號 慎 之, 天 悟 可 志 大 格 與 自 **参**孝 稱 重 公 至 地 講 歸 早 歎 若 盡 王 物 復 蓋 亦 高 如 萬 ? 致 作 經 先 其 日 實 疑 連 明實 良 此 當 : 物 呕 良 若 夜 心 生 際 日 其 ご、嗟 是 知 嘆 知 思,至忘 大 生 I 信 常 某昔 後 踐 自 之 時 體 之學 久之, 日 夫 長 不不 陽 事 乎 越越 之意 傳 : 是 相 乃 海 或 論 親 ! 明 明 每 徑 契 藉 中 多 學, 濱 公 斯 寢 遊 從 其 白 歲 造 悟 非 П 陽 一殁,各 脱 於 食。 鄒 兄, 必 文 説 簡 遂 專 往 豫 年 耳 聖 略 明 是 魯 道 來, 盛 主 易 章 弱 人,其 王 退 慨 必 己 言 統 行 相傳 冠 格 歷 依 先 越 公 乃 屈 相 然 M 于 歲 生 非 倣 下 指 中 方 隱 師 與 以 粗 孰 月 7 聖 古 斯 先 百 與 然 能 事 極 通

107

孔

日

遠 考 民 諸 全 性 董 徒 知 意 之,然後 今 物 殁 生... 布 其 之心 不 之要。 體 年 矣 篇 君 半 其 專 衣 . 蓋 而 燧、 夏 所 特 在 言 歸 待 雖 落 更 良 謂 然 至 起 縉 致 仲 聶 聖 歷 見 知 知 汝 時 此 子 蓋 紳 也。 知 未 子 之 + 人 既 先 君 力 矣。 時 解 觀 致 年 知 静 襞 復 傳 任 深 生 見 ; 呶 陽 良 後 校校 持 某 起 賴 後 斯 方 豫 之 自 於 呶 明 造 知 來 先 陽 自 嘗 章 學 文 問 者 是 售 不 以 詣 公殁 以 生 明 儒 明 以 以 方 答 入 猶 能 爲 不 格 與 H 公倡 之。 者 此 論 後 在 張 梓 易 年 墜 時 年 學 醇 物 孰 蚤 述 譜 先 目 也 所 默 Ŧi. 者 先 道 嗟 其 者 間 歲 格 》過 儀 信 相 + 證 後 東南 語 生 乎 請 所 物 E 望 視 至 七 自 頓 豫 之 著《 能 必 質 其 既 陽 以 而 孟 悟 章 功 先 先 尊 從 致 É 得 明 先 究 先 勉 子 爲 生 生 主 洞 求 謀 公 生 游 其 先 而 極 師 殁, 多 殁 深 庇 徹 本 讀 之 既 以 之 良 格 之 師

> 著 必 家 Ŧi. 耶 多 推 \leq 如 人 皆 歲 此 轂 至 子 今 王 抑 能 是 何 照 氏 亦 世 以 天 耀 矣。 俟 其 於 深 簡 論 家 悲 册 子 世 學 公 斯 既 者 然 既 世 讀 有 昔 豐 則 之不 稽 其 太 後 年 之 史 道 譜 遭 欲 公 \approx 也 X 作 論 而 復 次 竊 FL 先 嗇 世 爲 子 生 其 傳 論 卅 子 年

萬 曆 年 重 刻 年 譜 序

之 閩 祠 躬 嚮 於 道 衍 慕 天 覯 徘 F 心 道 先 徊 嗣 齋 余 範 生之學 追 無 仲 叨 Ξ 産 爲 夏 論 憶者久之。 第令皋 閩 先 望 憾 及 服 生 日 以 門 閩 崛 際 淑 側 之 晉 起 取 多 聽 士 余 安 海 道 士 芳 晚 皋 師 即 濱 學 , 余 吴 躅 陽 邑 聞 鄭 陵 去 Ш 繼 殊 因 風 人 東 宋 達 陽 始 是 以 者 克 淘 公 明 益 展 牛 靡 漸 精 督 謁 聞 公 晚 不 謹 學 先 先 倡 舍 未 喁 撰 不 生 生 七 及 喁 道

先

謁

心

訂

原

叙

T

聖門 之,以 然興 生三 府 百家紛紛,卒 ? 板殘 留 生 悟 齋 ,付之梓。 諸 矣。 化 陽 里 起 行 都 子與門士 明 心傳 簡 猶旁浹於皋,皋 風 間 尚 時 缺, 嘉 若 公, 首 事 意 岩 皋 嘗 友顔 距 顛 先 者 ,至今讀其 明 俗 先 取 聞 亦 惠 所 末 生者 先 先生《 成 生之卒 嗚 重 致良 氏 獨 重 後 闘 次 生之 如 學,心 聚 嘑 見 以 風 鋟 厥 第 崇先 訟 誠 知 翻 教 以 年 趨 覈實訂 道 未 譜 風 陽 之説,千 刻 非 聖道 足 廣 譜》讀 古 至 濂 滿 而 可 以 號 之寄。 明 纖 其 與 一熟懇 自 洛 知其 徹 易 Ŧi. 淑 公 晦 傳。 也 陽 不 成之,陽 + 淫 歸 治 人 之,是譜 耳 蝕 迷,及 明 古 年 也。 祀 閩 近 人,令人 心 於是即 余 末學支離 適 ', 先 相 心 而 者 先 欲 陽 民 立 傳, 後 書 後 夫 未 談 生 表 Ш Ш 俗 生 先 來 也 加 公嘗 洞 度 自 公 有 有 妙 而 則 鄉 加 矣。 化 然 號 契 校 開 先 江 慮 出 油 人 約 漸

> 然則 行; 哉 成方 矣。 用 也 也 發 中 亦亦 貴 成 揮 衆人必循 芳規 陽 圓 噫! 思先 性 俾 斯 請 Ш 者 衍 刻 彼 粟 公以 生 懿矩之在 之重 聞 先 以 規 實 而 風 生 賑 矩 道 其 踐 不 佈 嚮 弗繇 之 饑 易 得 行 有 也 慕 饉 道, 海 始始 見 得 先 之 非 内 生者 祈 辭 得 能 有 由 徒 意 徒 召 見 以 其 得 以 也 以 得 先 以 默 進 口 窺 於 淑 以 明 生之行 契 於 其 \$ 心, 皋 觀 出 於 Ż 巧, 心。 闇 摩 處 故 心 沕 激 難 譬 徴 者 心 弗 斯 類 H 音 之 之 皆 深 口

遺

百

乎

漓

1 齋先生全集卷之二 終

0 於 刻年譜序顯 此 此 行 原在 董 係 燧《心 後來 齊王先 補 者 生年 理 譜後序》文 併 入卷 二,故 移 此 篇

重

重 一鐫心齋王先生全集卷之三

樵李 秣 楚黄耿定力 陵 焦 竑

之。」正

己

而

物

IE.

也

反己

是格物

底工夫。「其身正而

天下歸

之至

也。」〇「行有

不得者,皆反求

諸

己。口

也。

故

即

総

之曰:「此

謂 知

本。

此

謂

知

者薄

而

其

所

薄

者厚,未之有

也,

此

格

物

海 岱 蔣 如 苹 全校

代 宗 孫 王元 鼎 補 遺

四

語

録計

白

四十

七段

大學》是 義。 至於庶 善」,格 「格物」之「物」即 物却正 人以以 經 世 完 下數句,是 是 書, 止 喫 至 緊 善。 處 物 釋格物 只 ○「自 有 在 本末」之 致 其所厚 天 止 知 子 於 之 以 至

> 《大學》言平天下在治其 中庸》「中」字、《大學》「止」字,本文自 齊家在 言在誠其意,誠意不言在致其知,可見 分明解出「止」字來。 仁」、「止敬」、「止慈」、「止孝」、「止信」,是 出 中」、「中也者、天下之大本也」,是分明 解 知、誠意、正心各有工夫,不可不察也 不 「中」字來。「於止,知 消 脩 訓 其身,脩身在正其 釋。 「喜怒哀樂之未發謂 國,治國在齊其家, 其所止 心 而正 上 心不 有 致 解 之 明

纔 大人者,正己而 着 意 便 是 私 心。 物 正者 也。

故立吾身以爲

「其本亂而末治者,否矣。

九〇

孔

子

天 下國家之本,則 可 位育 有 不襲時 位者

危 見 其 龍 見 身於 矣。 得而見之謂 惟 天 人皆可 地 萬 物 得 者 也 而 謂之失本。 見 潛 故 龍 則 利見 不 大 潔 可 其 得 身 而

於天

地

萬

物者,謂之遺末。

門 人問 輕 志 志 孔子 與學,與 論 志 之志,學孔子之學。」曰:「孔 伊 且 學 伊 將 顔。先生日 尹、顔 孟 子之言 淵異 乎?」曰:「未]:「我 細 思之, 而今只 終 子 當 之 説 可

聖人雖時 舍。 乘六龍以御天,然必當以見龍 爲

有

悟

康 節 簡 極 宗 稱 日 孔 却 子 不曾言 然 只 論 得 孔 子 玄微 處, 至 其

居 子 路 邦 而 不 早年 答子 非 其 事 貢。 大夫,故歛 世 以 是 知 牀之問 八佾、雍徹之譏 ,孔子不

> 請 討 其 必 陳 不 恒,仁也;不 從而 不請 從 亦 智 而 也 遂 」,然非 已,智也 全仁 ; 若 智者 知

也 仁 且. 智,所以 爲 孔 子。

愛人直 到 人 亦愛,敬 人 直 到 人 亦敬,信

人直

無極 到 人亦信 老翁無欲教,一番拈動一 方是學無 止 法 番新。」先生

常 誦 此詩 以省學者

學 者 但 知 孟 子辨夷之、告子有 功聖門

其

辨

堯、舜、

孔子

處極

有

功

於

、聖門。

111

不

知

顏 子 有 不 善未嘗 不 知 常常 知 故 也 知 之未

嘗復行,常行故 也

聖 有 人經世只是家常 以 不能 伊 傅 伊伊 稱先生者,先 事 生 日 : 一伊 傅 之事

我

、傅之學

我

不

由

門

問

設其不遇, 何 謂 也?」曰 則終身獨 \ : 一伊 善 傅 而 得 己。 君 可 孔子則不 謂 奇遇,

然也。」

天下 力,有 聖人之學, 之學 無 惟 邊 有 便 快 聖人之學好學,不 不 樂。 若費 此 子 氣 力, 費 此 便 子 不 是 氣

或 中 問 中 謂 不 也 一,安得 之仁, 知耳。 矣。」 _0 中 日 孔 先 謂 子 有所 若 生 云 之道? 然 智者 日 : 一 見便是妄,妄則 則 百 百 見之謂 姓 此 姓 特 H 童 之 無 用 僕 日 之智,仁者見 先覺者覺之, 而 之 用 不 往 即 知 不得謂 來 中 者 平 使 之 故 非 中

或 N. 涉 用 原,有吾儒之體,便有 則自是 佛 人 八爲皆日 老 得 是作僞,故 佛老之體 吾 儒 之體。 也 吾儒 爲」字從 先 生 之用 日 人從爲 . 佛 體 老之 用

程 唐 子 即 子 日 太 日 極 無 刻不 者 極 是 無 存 無 欲 非 欲 也 中 到 也; 極 無 處 欲 即 事 無 不爲,非 極 0

> 中 也 9 物 不 該, 非 中 也 0 知 此 可可 與 究

執 中 之學。

學 不 講 執意見,方可 而 後 明 9 明 人 道 則 誠 矣。

9

不 明 若 不 誠 只 行 是

天 合 行 健 , 則 通 乎 晝 夜 之 道 而 知 9 故 知

臣 則 之義 士 可 以 可 徙 與 存 口 義 與 也 幾 也。 故 女樂去 去而 不 失 幾 乎 也 君

無罪

而

殺

土

則

大夫可

以去

無

罪

而

戮

民

知 得 於己,不以己依於天地 身是天下國家之本,則 萬 物 以 天 地 萬 物 依

燔

肉

行

存

義

也

論 道 却 者 非 有 未見根者,須是見得 全 理 體 若只見 見枝 也 葉 得 譬之一 未 見 邊, 花 樹 實 雖 者 不 有 株全樹 有 可 見 不 根 見 謂 未 枝 始 之道 葉 見 得 花 枝 實 葉 然 便

没

夫

做

致 中 位 和 天 孔 子 地 學 位 不 馬,萬: 厭 而 物 教 育焉,不 不 倦 便 論 是 有 位 位 育 無

愚 夫 愚 婦婦 與 知 能 行, 便 是道 ; 與 為 飛 魚 躍

之功

射 有 百 似 活 乎 君 潑 潑 子 地 失 則 諸 知 正 性 鵠 矣。 反 水諸 其 身, 不

得 怨勝己 者,皆反求諸 者,正 己 己,亦惟 而 已矣。 Œ 君子之行有 己而 已矣。 故

"「不怨天,不尤人。」

學者 常 有 乙 : 求 學者 基。 爲聖人之志,始 立得定,便是堯、 口 與 言 舜、 學。 文王 先 師

孔

子

根

所 所 微 謂 以 致 初 印 盛 得 温 證 ,則天德 頭腦,不 故 者 而 也 知 王道 可便討聞 新 若 功夫 也 在 此 得 不然,放 矣。 見支撑,正 力 然後 六經 下 几 看 書 須 本

> 孔子謂 非 者 不 何 不 人 不與二三子,是脩 見」字説。 ? 伐 日隱 見 天 易 避 故故 乎 世 而 二三子以 下皆是 孔子曰 世, 也。 何 日 而 ? 故 與 見 孔 隱 天 也,而 鳥 日 龍 則 子 獸 我 下有道 在 龍 如 在 身講 爲 同 田 丈人、沮 當 誰 德 羣者 隱 _ 0 聯學以 時 以 而 乎」,此 一, 丘 觀 隱 雖 易 是 不仕 之, 見於世,未 桀 不與易 已 溺 溺 九 之徒, 前 隱 非 乾 字 也 隱 善 初 滔 無 滔 111 九 絶 嘗 行 對 mi

曾 不會出 言爲 點 又 三子之意 有 童 家岩 非,便是 冠 行,三子會出 舞 又會出 雩 同,故喟 之樂, 他 狂 行 處 然 正 行 與 與 却 譬之曾 之。 孔 無家宕, 子 只 無 點 以 行 孔 有 不 家 子 子 與

所

113

則

宕

子 事 路 君 有三、君有 只 以 正 名 爲 可 迁 諷 所 不 以 口 卒 誳 死 君 衛 有 輒 可 之 諫 難 不 口

九四

從風,其人也微。 孔子曰:「諫有五,吾其從諷諫乎。」「諷」字

仕 以 也 而 害 何 爲 身,於道 有 禄也,或至於害身。 ? 仕以行 也何 有? 道也,或至於害身。 仕而害身,於禄 仕

君子不以養人者害人,不以養身者害身,不

或問智者不惑、仁者不憂、勇者不懼。「不亦説乎」,説是心之本體。

有? 我同天,何懼之有?」

我知天,何惑之有?

我

樂

天,

何

漫之

人之天分有不同,論學則

不必論

天分。

曰 :

矣。君子則不然,攻己過,無攻人之過。若説己無過,斯過矣,若説人有過,斯亦過

陰者陽之根,屈者伸之源,屯卦初爻便是聖若有同於己者,忠告善道之可也。

人濟屯起手處。

《易》,逐段研磨,乃得明徹之至。孔子雖天生聖人,亦必學《詩》、學禮

學

體用不一,只是功夫生。

智譬則巧,聖譬則力。宋之周、程、 智巧。 子 皆到聖人,然而未智也,故不 致 知 格 物 而 止 至 善、安身 能 巧 而 邵學已 中。 動 便 孔

周茂 須識 腔子是惻隱之心。 曰:「自此 叔 仁,仁者渾然與 牕 前 草 不 好獵矣。」此 不除,仁也。 故其言 物 同 體 意 明 曰:「學者 不 道 失,乃得 有覺, 先 滿 亦

● 「石」上、《語録》有「介」字。

下「心」字下、《語録》有「知斯三者則知所以爲學矣」

0

十一字。

舜 於 君 子 瞽 不 瞍 謂 命 命 也 也 舜 陶 盡 淵 性 明 而 言 瞽 天 瞍 命 底 苟 豫 是故 如 此

孔子之不 天下, 明道 遇 於 以 春 淑 秋之君,亦 斯人,不謂 命也。 命 也 而 若 周 天 流

且

盡

杯

中

物

便不濟

門 人歌 師 當 時 道 處 在 險時言之。❶ 險 夷 故曰:「大人造 隨 地 樂」 學者 先生 不知,以 日 意 此 逆 先

志,則安於險

而失其身者有之矣。」

民,則

聽

命

矣。

命。

累矣。」因 友持功太嚴,先生覺之,曰:「是學爲 不 ·曾用· 功 然 指傍斵木之匠 亦 何嘗廢 事 示之曰:「 彼却 子

刑 戒 慎 所 所 恐懼 戒 以弼 慎、有所恐懼矣。 莫離 教者 却 也 不睹 故 不聞 不 教 故曰:「人性上不 而 ,不然,便入 殺 謂 之虐。 於有

社 稷 民 人 固 莫 非 學,但 以 政 爲 學 最 難 吾

口

添

物。」

人 (莫若) 且 做 學,而 後 人 政

古人定省 於 親 而 後 謂 謂 使 之定 親 安 省 妥 也 而 常 文 省 察之, 王 朝 於 非 王 必 間

日 三,亦只問 安否於 内 竪 而 己。

聖人之道無異於百姓 謂之異端 日 用。 凡有異者,皆

子 見南子之謂中,子路不悦之謂 Ē 中者

自 無 不正,正者 未必能中。

便 是人欲 天理者,天然自

有

之理也。

纔

欲

安排

如

何,

115

高 手。」白 明 之至,無 沙 此 數 物 語 不 便 覆,反 是 宇 求 宙 諸 身,欛 在 我, 萬 柄 化 在

生身。

吾能握其機, 何必窺 陳編?」白 沙之意 有

⁰ 上一時 「聖」上、《語録》有 」字,和刻本無。 或問異端 「處」上、《語録 日 五字。 》有

在 ,學者須善觀之。 六經正好印證 語心,

孔子之時 中全在韋編三 絶

學者指 意同 摘舉 舉 業 業之學,正與曾 何 口 盡 非 ? 但 點 君 不 子安身立 取三子之

命 不 在此 耳

夢 周公,不忘天下之仁也。不復夢 見則 嘆

其衰之甚,此自警之辭耳

間 是 時 這 乘六龍。 出 處 便是 先生曰:「此是説 這 學。 此學既 明, 聖 人出 致天下 處

堯 舜 之世,只是家常事

百 姓 人知,便不失,百姓不知,便會失。 日 用條 理處,即 是聖人之條理處。 聖

必治。

文王望道而未之見。」「道」如「魯一變至於 道」之「道」,視民 如傷 ,故望天下於道 也。

之亂 ,故卒未之見也

見如

岢

若

於吾身親

見」之「見」,當紂

孔子知本,故仕止久速各當其時,其稱山梁

也。 雌 「利用安身」,又曰「身安而天下國家 其繫《易》曰「君子 雉之時哉,正以 安其身 其色舉 而 而 後 翔 動」, 集 耳 又曰 可 保 故

舜 自 故曰 丘也。」 孔子則自不 耕稼 : 吾 陶 漁 無 暇 以 行 耕 至 稼 而不與二三子者,是 爲 陶 帝, 漁、無 無 非 非 取 與 諸 諸 人者。 人者,

飛龍在天,上治也」, 龍 此二爻皆謂之「大人」,故在下必治,在上 在田 ,天下文明」,聖人治於下 聖人治 於 上 也。 也

乍見孺子入井 也 求生以 也 吾 害仁,有 未見蹈 而 惻 殺 仁 隱者,衆人之仁也。 身以成仁」,賢人之仁 而 死者矣」,聖

良知之體與鳶魚同一活潑潑地,當思則思,

見

惟

幸而得之,坐以待旦,何嘗纏繞? 要之,思通則已。如周公思兼三王,夜以繼日,

自然天則,不着人力安排。

後集」,是止得其時也。也。「三嗅而作」,是舉得其時也。「翔而也。「三嗅而作」,是舉得其時也。「翔而山梁雌雉,時哉時哉」,嘆其舉止之得時

義也,賢者亦不如此自處。故加足帝腹,也。子陵不能辭,而直與共榻,失貴貴之光武召子陵與共榻,伸私情也,非尊賢之道

必信、行必果,故孔子進之曰:「無爲小子夏篤信謹守,爲己切矣,但不免硜硜然言

子

陵之過,狂奴之辱,光武之失。

無爲其所不爲,無欲其所不欲,只是致良知

人儒

便了,故曰「如此而已矣」。

知聖賢用世真實,步步皆有成筭,定應毫孔子謂朞月三年,孟子謂五年七年之類,要

髮不差。

而工不敢爲,所以令易行而禁易止也。 莫或敢作淫巧,以取罪戾。故人將越度器用一切皆有制度。百工惟信而守之,

孔子卻顏路之請車,而不禁門人之厚葬,無

117

成心也

禮三百,典禮三千,無一事而非仁。」「將上堂,聲必揚」,仁之用也。故曰:「經

微子之去,知幾保身,上也,箕子之爲奴,

故又次之。孔子以其心皆無私,故同謂庶幾免死,故次之,比干執死諫以自決,

「知之爲知之,不知爲不知」,是天德良之仁,而優劣則於記者次序見之矣。

知 也

塵 凡 事常 見 俯 視,無 足人 慮者 方 爲 超 脱

即 事 身者,則 是學,即 亦 事是道。 失 人其本 而 人有 非 學 困 也。 於貧 夫子 而 凍 餒 日 其 :

吾豈匏瓜 也哉? 焉能繫而不食?」

教子 陶,久當 無他法,但令日 自 别 親君 子 而已。 涵 育 薰

善 者 與 之, 則善 益長; 惡 者容之, 則 惡

自 化

君子之欲仕,仁也; 可以仕則仕、義也。 居

由義,大人之義畢矣

教 不 倦,仁也。 須善教乃有濟,故又 日 成

物 智 也。

容得 天下人,然後能教得天下人。《易》

日 :「包蒙,吉。」

先 先 生 生於 每論世道,便謂自家有媿。 眉睫 之間省覺人最

同

邪?」先生曰:「湯武有救世之仁,夷

大丈夫存 世 爲天下萬世師 不遺末,止至 己,故出則 師 出 不忍人之心, 不爲 必 爲 善之道 遺 帝者 帝 其 者 師,失 (末矣。 也。 師 而 處 以 其 天 則 進不失本,退 本 地 必 矣 萬 爲 物 天 處 下 依 不 萬 於

或言:「爲政莫先 盛德乎 尤重 《易》 盖 曰:『莫之與, 僚 友 於講學。」先 相 下爲 難 則傷 前 生曰:「其 當道 之者 責

問節義。先生曰:「危邦不入,亂邦不居, 以言 之,非教 道尊而身不辱,其 成 人 取 家 義 法 ?? 也 知 幾 : 乎。」「然則孔 應變之權 古 孟 有 何

問: 于今稱之。 論語》稱伯 「《易》稱 湯 是皆 夷、叔齊 武 革 孔子言 命,順乎天而 餓 于首陽之下,民 也, 何事 應 異 乎 III 人 到 稱

可

也。」

至

備

惟

矣。』其必曰『官先事』,信而後言,

無 相 仁、君臣之義 齊 於畔,夷齊不至於死,此所謂 立之, 天下不 二者必 悖 疆 有君臣之義, 也。 可 退 何 居, 居 如 易》曰:『安貞之吉 于 而 兩 豐, 當 能 既皆善,故並 得之矣。 時 全 確 尚 美?」曰 守 有 臣 微 且使 職 子 道 :「紂可伐 美也。」曰: 在 則 並行 武 9 庚 救 應 世 不 扶 而 地 至 之 不 而

問: 學。 以 可。』此三子之是 之。』孔子 我者,我 姑引之進 『人善我者,我固善之;人不善我者,我 人不善我者,我則不善之。』端木賜曰 異於三子者又何 昔 者 仲 仲 由 古 退之間 曰:『我 ·由、端· 善之; 非 木賜、顔 而 則 人不 何 如?」先生曰:「子路 善我者,我 已。」顏 如 異 ? 於是, 善 П 我 淵 侍 而孔 者 日 無 古 孔 我 . 善 可 子 子 之所 亦 無 之 而 善 善 論 不

> 孟子道性 則用子 其瞻 之和 也。 之謂 之。 夷 親 行之親 於我側,此 去,不能容 之清 屬 寛裕 其處 則 直 直 視 善必 用 路之直 屬 可 ", 也,子貢之謂教也,顏 儼 己 顏子之德,並 加之夷狄 温 人而 其 也恭 然 莊 稱 孔子之無 柔 不恭也。 中正 人 堯舜 在 有之矣,然而致袒 教之,此其隘 ,其待物也恕,不失己,不 望 朋 道出 教 有 而 友 可 畏之,又從 之矣,然 行 君子 則 可行之朋 無 而不悖者也。」 處 用 不 必 正其衣冠,尊 子 可 也。 稱 · 貢 者 淵 而 孔子。 友, 之教,在 在 之謂 望 而 柳 裼裸裎 引 望 下 德 夷 導 德 惠 然 狄 口

伯

居」, 當」和 和 刻本作 刻 本作 彼」。 取

2 0

8 扶」,和刻本作 迎。

此」,原作「比」,據和刻本改 回」《語 録》、 和刻 本作「淵」,與下文合。

00

人心惟危。」人心者, 衆人之心 幾微 聞,有不善未嘗不知,知之未嘗復行,見 學道之心也。 知學,一時忿怒相激,忘其身以 有矣,不亦危 也。 故曰:『隘與不恭,君子不由 乎? 學道 一道 則 戒慎 心惟 不 微。」道心者 也。 睹 及其親 、恐懼不 衆人不 也。」 者

孟 子 大人然後能利見大人。 也。」待價 日 日 一:「惟大人爲能 活 之 而沽,然後能格君 哉 沽 之 格 哉 君心之非。」孔 心之非,故 我 待 價 惟 者 子

夫子之道, 忠恕而 隱居以求其志」,求萬物一體之志 忠 也,便是「一以貫之」。 恕,孟子 以後 無 已矣。」忠恕,學之 人 識 忠恕。 孔子以 前 也。 無 準 説 則

孟軻」,真是一句道着。有宋諸儒,只爲孔子之學惟孟子知之,韓退之謂「孔子傳之

貴戚之卿,君有 矣。 請討 易位 全在 之二,則周之時勢足以格紂也明矣。❸ 且 子、箕子豈不知之也? 文武有天下三分 子豈不知之也? 位之臣也,且沐浴告於魯, 焉,可也。 焰之後,而其 之惡,不可 見 孟 1,則微 出 子麓處,所以 盖三分天下,文武有其二,微子、箕 微子、箕子 處 大節,氣 昔 以 子、箕子者,猶當有 陳恒 大 不諫,而 去之也當 過 周家 象之麓未甚 弑其君,孔 ,殷之貴 則諫 多忽略過。 諫 歷 ,反覆之而 不 之也 年仁義忠厚,微 爲 戚 儉 當 而 子去魯。 卿 害 學術 旁行 倡 德 不 也 事 大 辟 在 不 宗 之 義 於 難 當 聽 源 智 虐 以 去 E 約 則

0

[「]且」《語録》作「猶」

^{) 「}勢」,原脱,據《語録》補。) 「猶」、《語録》無此字。

王、夷、齊無相悖之道矣。此天下本無難 疆 輕 危 知 高 有以 之念,而易位之舉,亦 其祖宗父子仁義 ,而箕子不至於囚,比干不至於死 其 節 ? 也 ,●素抱羞辱污君之義,以此告之,安 共濟天下之難者矣。 不 故 詢謀 且 孟 不 子曰「民 惟 愈同, 成 忠厚 湯之祀 爲貴,社 而 可 有以 則 必 尚可 可 其 且夷、齊 稷次之,君 共 諒 協 安社稷之 以 其 百 永 無 襄 清 於 贊 伐 武 爲 風 無 殷 而

志於道」,立志於聖人之道也。 據仁義 之主腦 仁」,仁者善之長,義禮智信皆仁也, 也。 禮 智信 「游於藝」,多識前言往行 五. 者,心之德 「據於 也。 依 德 此 學 於 以

禘之説,則知君臣上下名分秩然,而天下禘之説,,正不王不禘之法也。 知不王不

畜

其德

也

之治誠如示掌之易矣。

卑禮 而 往明 厚 幣 也。 以 招 賢者 或 有道,不 而 孟 變塞 軻 至 焉 梁」,即「求 即即

子貞不字」。

唐虞君臣,只是相與講學。聖人濟屯曰「利建侯」,只是樹立朋友之義

知此 有 而 學,則 爲 仕 貧 者 1,行道 而 出 仕者, 處 而 進 爲 仕 退 貧 ,敬焉信 各 而仕 有 其 在 道 焉 乎 尊 有 盡 焉 爲 職 口 行 也 道

計當、牛羊茁壯長而已矣。

事

,而惟學識之有未盡焉

耳。

視諸道而已。故曰:『非其道,一介不以惧,如顔子之貧,孔子何不少助之?」先問:「辭受取與,固君子守身之節,不可不問:「辭受取與,固君子守身之節,不可不

- ❶ 「且」、《語録》作「况」。
-)「之」、「耳」、《語録》無此二字。

之天下,不以 與 介不 爲 以 泰 取諸人。 如其道,舜受 堯

漢 人心惟 海 信 高 微 言,遂各成 ; 八皆有 日 處用 之有 之殺身,以 苟 危。」 不充之,不足 功。 是惻隱之心 天 下 黨、況其 伊 顔 聽徹 以 子 111 縱 不 賢者, 襲 一节能 人 遠 以 下 齊一念之不仁。 斬蛇一念之仁; 復,乃道心也 保 者 猶 四 乎 充之,足以 大 體 東 學 坡 門 者 保 須 人 兀 故 韓 在

有 其 其 疑 斯 不 先 其 心 身而安其心者,上 安其身,然而安其 爲 者,次之;不安其身,又不安其心, 生安身之説者,問 下 矣。」 心矣。」先生日 也;不安其身而 焉, 曰: 「夷、 : 齊 安 安 雖

堯 我 百 王 「以予觀於夫子,賢於堯舜遠矣」,子 相 禹 承 相 之統 傳 授 仲 受日 尼 允 祖 執 述 者 厥 中」,此 此 也 便是 然 宝.

> 靈丹 常事 也。 舜 便是 此 誣 貢 人者也,故民 二三子者,是丘 日 自 二自 位 事 天下 日 生 三自 隨 業。 乃 先師 致 可以 有 民 者哉 中 有此治。 時 生民 生 以 嘗有精 此 和 點 隨 民 來 位 ? 至簡 處 日 瓦 未 以 以 「帝力何 盖 石 無 也」,只是學不 天 來 孔 有 來 金之喻,予 至 歇 成 堯 未 地、 盛 未 易 子 金無 手 舜之治天下 有 於 有 日 之道 地 育 夫子 孔 孔 有於我 吾 萬 盡 故故 子 子 , 藏 物 也, 也一 無行 以 視 也, 孔 者 厭、 爲 便 天 哉 子 孔 爲 下 做 教 而 故故 以 是 孟 有 子 獨 如 了 不 不 德 贵 子 若 盛 家 倦 與 有 感 厚 亦

經所 有 間,印 用 應。 學者問 以 先 載 證吾心而已矣 道 生 道 放 傳 日 既 心 明, 難 所 阚 於 以 經 心 釋 求 何 見 經。 足 在 先 用 更 生 經 哉? 何 呼 既 求 之, 明 心 經 傳 即 平. 傳 不 ? 起 之 復 而

陽 買 明先生詩日 一芰荷 衣。」先 :「羨殺 生 日 一,羡 Ш 中 殺 麋 Ш 鹿伴,千金難 中 沂 浴伴,

Ŧ. 金難買暮春 衣

易》 : 「一多譽,四 「初多休、六多周 多 懼 多 区 五. 多

:

六陽 興 功。」先生日 起 從 人才,古人位 地 起,故 經世 天地、育萬 之業,莫先於講學,以 物、不 襲 時

當 屯 位 者 難 也 而 乘 馬 班 如」者 要在 上有 君 相 之

乃字」,相 明 求 而 時 往 耳。 明 也。 此君子出處之節 「女子貞不字, 也 + 年

誠 意、忠恕、强恕、致曲,皆是立 本 功 夫。

知 安身而不知 失 偏 故居 行 道,知行道 由 義,大人之事備矣。 而 不知安身,俱

自 成 自 道 自暴 自 棄

、只爲 自 幼 便 將 功 利 誘 壞 心術,所 以 夾

病 根,終身 無 出 頭 處

> 日 用 樂,直與天地萬物爲 功 利 間毫釐不察,便入於功利 陷 溺人心久矣。 須見得 體 然後能 而 自 不自 家 宰 知,盖 箇 萬 真

而 主經綸 所謂 樂則 天,天 則 神。

問 學者 之慢,視以爲不足與校云耳。1 安在?」先 不見 能 容下之慢, 真樂,則安能 生 日 總總 而 不 超 只是一 脱 能受上之陵, 而 聞 箇 聖人之道 君子 傲。 只 其 容 知 下 病

愛人敬人。」

123

有别先生者,以 遠 師 教 爲言。 先生 日 塗

之人皆 明 師 也。 得 深 省

學者

有

積

疑

見

先生,多

不

問

而

解

吾身猶 矩 ,天下國 家 猶 方。 天下國家 不方,

還是吾身不方。

性 之體,本自 活 潑。 鳶 飛 魚躍, 便是

天

0 「云耳」、《 語 録》作「故」,從下讀

此 體

或

面 友 有 何 斥朋 許 不 論 取 多 及 法君 友之失,而以他 工夫去較量人過 朋 友之失。 子,見 不賢 先 事 而 生 失? 自省 動其機,亦是成 日 : 之不 爾 過矣! 暇 那

不 物 之智 處

隨 乎仁,而 安 約 樂 處 而善道 於仁,而 不爲物 所 不 陷 爲 物 仁 所 且 動 智 ; 智 君 子 者 所 順 以 利

齋明 盛服 非 禮不動,一 時具在,便是立 志

用

Ι.

朋 是。」 從 友 何 初 未達 處 見 人? 先 生 日 常常 常 指 爾 如 之 此 此 日 時 ,便是允執 : 何 等 即 戒 爾 懼 厥 此 中 私 時 欲 就

天下 道;未 婦之道也。」先生常誦此,教學者以立本。 有道,以 聞 以 道 道 狥 狥 人 身 者 ; 天下 也 以 無 道 道 以以 狥 身 妾 狥

> 失其 道 於 爲 不 問 喜,不以 慈 失 人 而 常 臣 其 處 此 瞽 常常 也 止 常 瞍 其 於敬 善處 倫 道 害己 底 之 豫。』『象憂 也。 爲 變 變 而 如 者也 人子 或間 故 何 日 ?? 止 0 也 於孝,爲 爲 亦 舜 人 日 憂, 此 君 盡 : 處 止 象喜 變 事 人父 處 於 而 親 之 止 不 亦 而

先 事爲 生 日 以 : 爲 間 之末,此 門 非 狂 點 人曰:「 也。 得 也 ? 見 龍 所以 點見吾道之大,而 日 之體 孔 -: 爲 子 故 狂 以 與 也。 其 點之意 與與 之也 行 不 何 掩 略 如 於三子 日 言 ? 也 何 對

門 人 所 無 以 爲 問 學 人 先生云 爲 臣 師 者矣。」 : 也 出 學 日 爲 則 長 爲 帝 也,學爲 不 者 然。 師 君也。 然 學 則 也 天下 者, 帝

外 其 世 反累其 治 是 無 道 吾 以 會計 也。 人 師 何 也 之道也 尊信 矣。 人而 洞 人必 也。 爲 由 役,是在我者不 末矣: ●皆小成也。 師 行 是 王 道 當 若爲禄仕,則乘 吾 而 然 不待 身, 是故出 者 非行道矣。 得 道 也。 吾道,而 須 入獨 無 盡 師 行哉? 傳 講 則 其 善其身,而 疑,有此欛 其 也。 不 於 明 職 失 尊信 不 公 爲 此 吾 而 其 爲 使天 禄仕, 卿 學,實 能自爲之主宰矣,其 道傳於帝,是爲 已矣,道 本矣; 道既 帝者 有王者作,必來取法 大夫,是爲 而 田 不講 下 柄 衒 故 委吏,牛 不行,雖 有諸 則莫之爲 師,是漫然苟 明 在 本末一貫,合内 玉 處 在 手,隨 此 明 以 不爲 其 己,大本 此 求 學,則天下 公卿 中 出 學,則遺 羊茁壯 售 天下 時隨 矣。 帝 而 一、徒出 非 則 大 者 萬 達 故 處 所 道 夫 爲 師

> 復 初 説

已矣。 則誠 構成書院,因名曰 已矣。不善之動妄也,妄復則無妄矣,無妄 本,誠其心而已矣。 而復之,乃所謂致 而 矣,誠 已矣。 治天下有本,身之謂 知不善之動者 則無事矣。 是學至聖人,只復其 「復初」,故述之以 良知以 誠心,復其不善之動 良 故誠者聖人之本,聖 復其 知 也。 也 初 本 不善之 也 知 必 不 此。 端。 善 東 之動 動 廓 端 而 而

125

誠

安定書院講學别言 通 書 **>** 日 曷 爲

天下

善?

日

師。一

矣」下《語録》有「皆非也」三字。

嗟夫 天下 善人 南 良 古 時 搆 精 先 及 承 百 胡 師 E : 不察 今 以 友鼓 之盛 其 生 先 北之人也,今瑶湖先生轉官北 安定書院 # 者 之傳 子,子 多 召 師 生 之至善 之 朝 至 7 流 泰 善善 舉 舞於前 於 而 異 聞 有 況 乎 口口 也 往 道 中 于 志 天 州 中 人 來 門 自 學 異 其 之士,何 下 人 多 召 守 友 夕死 其 予家 善乎 古 焉 端 之至 也 孰 則 遠 是 誘 也 不 惟 0 枝 ,有志於學,一 能與於此哉 邦 學 近之士, 掖 朝 至 可 居安豐,去 同 子 有 葉 善乎 獎 矣。」其 廷 於 類 謂 代無之? 以 志 於 者 勸 半 正 者 道 興 陽 鮮 ! 者 而 塗 也 抑 在 居 起 明 得 餘 天 矣。 今豫 而 其 天 此 而 斯 先 ? 聞 何 下 廢 故 调 鄉崇祀 上,子 地 教 文 生 百 若 之。 子 足 章 昔宋安 治 師 爲 間 之,是 行 里 非 遵 引 彻 瑶 矣 道 己任 不 孔 其 亦 東 明 哉 實 良 湖 7 著 歸 不 師 子 亦 無 知 非 則 西 王

> 爲 省 後 東 H 行 辱 諸 云 友 相 愛 後 會 難 期 故 書 此

> > 以

明哲保身論贈别瑶湖北上

保矣。 矣 萬 人 吾. 不 惡 愛我 如 能 有之,聖人 能 不 身 敢 寶 人 物 世 保 不 不 ,所謂 慢 明 愛 能愛身 我 矣。 敬 能 哲 體 ·惡 愛 人,能 愛 者 家 之 人不 人則 我 與 不 身者則 能 道 則 則 良 則 我 慮 敬 慢 敬 也 不 知 人不惡我 而 吾 百 身 家 我 人 敢不 也。 知 身 也 則 必 則 者 以 則 保 不學 敬 不 愛人, 吾. X 必愛我 之 明 矣。 知 身 敢 必 哲 身 齊 保 人 而 慢 如 保 敬 保 家 身 能 不 能 能 矣,一 寶 我 身者 矣 间 愛 者則 惡 愛 者 能 不 能 人 人 我 彻 此 家者 愛 慢 敬 敬 則 則 則 必 良 身 我 吾 不 人 愛 知 也 家 則 愛 則 則 身 敢 心 身 皆 良

哉? 聖人 生 夫 保 己自 身 偏。 之道也。 親 者必 以 我 何 保然後能保一 天下矣。 一般 矣。 莫不 矣,能 知 之治 而 則 保君父哉? 愛人 己 異,然後 愛我 身,則吾身 便,利己害人,人 吾 此自私之輩,不知本末一貫者也 氣稟物欲之偏 矣。 吾身不能 或 身 尊親 愛天 人之所以不能者,爲 此仁· 而 矣,一國者 則 保 不知愛身,必至於 知保 能 矣, 有 則 下 國矣。 也,所 愛 不能 學也。 吾 · 則 天 吾 身 保, 此 身保矣,吾 身保然後 或 而 志 保 愛我則吾身保矣,吾身 謂 ,所以與聖人異 下 以之平天下則能 又 將 矣 不 本 矣。 學之如 至 凡 何以 能 知 報 逐 誠 有 我,則 愛人, 末 吾 愛 不 身 血 能 之徒 烹 身 何 保天下 息 保 氣稟物欲 氣 保一 不 身 ? 吾 必 或 也 然後 者 其 能 割 • 身 莫 至 則 明 也 家 保,又 股 或 本 不 愛天 於 哲 能 不 矣。 蜀 若 家 能 適 保 與 之 貫 保 尊 或 舍

127

之所 之囑 所惡。 者 身爲 之道 瑶 保重之言 後 己 而 也。 成 非 湖 末 子 臨 大」,曾 也。 物 諸 欲 治 吾 故 者否矣。 不 别 而 則 人,必至於内不失己,外不失人,成 與 故 後 知 而 者 日 知 己。 瑶 孔 此 不告以保身之道, ❸是與人未 有 人 必 子 湖 子 諸 之所 啓 而 日 故君子之學,以 子 此 日 告 己 保 手 恕也 相别,而告之以 之, 「敬身爲 欲 而 啓 重 一,保 足,皆 後求諸 ,己之所惡 欲 所謂 重 別言 瑶 大」,孟 湖 謂 此 人, 致 子告之於 保 意 己度 曲 無諸 則 身 也 此者 子 也 知 也 己 古 忠 人之 守 非 忠 有 今 恕 而 \exists

下

後

世

之相

别者

也

是

爲

⁰ 不息也所謂止至善也」。 所謂 至 道 也 語 録 》作「 貫之道 也至

重」、《語録》作「身」。 爲」《語 録》作

勉仁 方書 壁 示 諸 生

在

功

之學,自 信 特人之不信,己之不信可 故 此 愛人,不仁 自 是 也。 而 於仁,惟恐其不能遷善改 矣,自脩而信 之不仁,己之不仁可 感應之道也。 愛人者,人恒 者信人,此合外内之道也。 責 以 惟 故 愛 攻 然而 予幸 也。 人之 人之道 脩之不 -辱諸-不 可 子 過 知 知 者 友相愛,彼此 將 用 而 矣 矣,其有不愛我、信我者 . 暇 愛之; 于此 故 有 力之方 反 , 奚暇 ; 以 見 不信 友 觀 諭之。 惡 信人者 朋 知矣;人 之,人不愛我,非特 責 於人 過者,一 往 知矣。 人,不信 則 切磋 人哉 往 有 者 于此觀之,不 夫仁者愛人, 人 日 不 ? 不信我, 見 砥 君子 能 體 恒信之: 可 其 礪 知 自 攻 相 知矣。 疎 爲 脩 反躬 己 開 相 是 也 己 非 调 故 勉 而

> 望於諸 焉? 也。 也。 朋友 之; 物育 己。 友乎? 里而 獲其所,即己之不獲 尤人,以 也 我 其 0 ,此予之志也。 子 來 自 是故人人君子 者 觀 2 未 敢 者 其 故 行 遠 友乎,抑 然則 至 夫仁者以 來 之有 其 不盡其 離 方 君 於 也,予日 父 子 而 志 顏 子 母, 未 反 來 子之犯 則 之用 不 深 求諸 心 天 大矣,其 者 别 當 以 望之: 比 其 處 贵 地 功 妻子 以 故 其身, 孤 了其當 之有 屋 所 萬 而 顔 朋 徒 其 也,務 ', 置 可 物 不 子 必有 此予之心 之 然 所 封 爲 校 E 未 自 來 以 望 家業,不 哉 者 不 洽 深望 望 天 使 顏 體 也 乎? 怨 耳 獲 地 如 子 而 天 於 必 子 位 望 世 所 自 此 又 · 子 遠 是 有 H 而 物 於 望 之 而 何 在 千 以 樂 後 諸 用 不 而 萬 病

病 如」上、《語録》有「必」字。 和 刻本作「責

中

見

使之改 矣。 已矣。 也。 也。 已也 己者 力,其仁 止 之道 者 厭 就 不 文王 了,所以 之 必有 ,非大人之學也。 能 引 必 是故 飫 ,是予之本 性之德也 兀 導之不 一,以 乎? 觀 也使之明 正,亦己之過 容 日 可 海 所責! 小 其 君 就 成城物 人治人,改而 木 是己之 知 心 汲 子 月將, 若夫 窮 矣。 一合外 時 翼翼,視民 任 汲 學 心 爲 也 皇 此 矣。 不 也 堯、舜 亦 己責,其 调 講説之不 皇, 自 良 厭 内之道 成己, 己之責 也。 也 改 朋 知 故 周 而 而 ; 之來 自 之學 止。 兢兢業業 教 誠 欲 如 流 欲 能 化 仁 者,非 不 仁 其 傷 天 也 物 容 也 明,是己之責 而後已。 可 其有未改,吾 簡 。望道 也, 改故 下 倦 也 速 其 IE 知矣。 易 -,其 成 見 而 過 自 而 時 快 允 成 措 成 人 則 必 不 而 仁 如 而 樂, 物 故 有 欲 之宜 先 不 己 不 執 斯 觀 未 可 能 過 君 優 達 其 智 夫 之 知 而 正 厥 而

也

而

寧

子

游

焉

我

成

當自 吾 立 分 之方 堯、舜、文王、孔 舜、文王、孔子自望而 何 堯、舜、 身 不 自 自 噫 儕其 自 信 ! 人 命 雖 棄 而 也 有 則 信 者 用 不 而 而 我知之矣。 (勉之乎 ?」有爲 上下之殊,然其 文王、孔子 至於相 棄 信 矣, 予當 功 則 於 於 而 也。 必 諸 諸 自 ! 能 親 友乎? 友 者亦若 棄 反 矣。 相信 子 顔 自 而 然則 而 之學 求諸 自 淵 今 棄 望於諸 然則了 者,❷未之有 予之用 日 是。」吾儕 而 而 子 望 子 爲 其 其 後,予 乎? 知諸 而 天 身 子 同 於 舜 地 望 友乎,抑 敢 可 功,其當以 諸 友之 何 立 當自仁 於 能 故 知 不 其勉之乎 心,爲 友 人 諸 矣。 知 反 自 世 矣,予當 也? 相 求 此 用 友 不當以 矣, 諸 生 其 勉 乎 功 堯 其 ? 1 子 民 位 而

² 0 當」,原作 據《語 録》、 和 刻 本改

信」,和刻本作

天 理 良 知 説 答甘泉書院 諸 友

之,不 哉 不 之爲 良 否 惟 廟 所 爲 天 而 同 其『人 知 每 以 然自 知 則 天 能 ? 日:「 之學 日日 知 不 然 者 爲 或 知 事 之,不 慮 自 也 有 問 有 不 太 用 爲 問」, 有 之 口 而 異 . 知 廟 不 不 學本 知 之 惟 理 一天 乎? 而 知 知 知」,所以『人太 是天 每 不 也。 理 其 無 爲 矣。」曰 理、 無異,以人之所見者各自 日 事 不 疑 不 學 日 致 問 理 惟 矣。 慮 良 知。 良 而 : 其 知 也。 而 知 : 能 日 者 爲 知 便是『知 人又以 無 之 「以子之言, 是良 體 也 天 不 不 惟 異 學 認 然自 其『 廟 知 故 學 慮 也 口 爲異 知 每 之爲 孔 也。 而 而 平 知 有 天 ? 子 能 天 知 之爲 事 之 イ者 所 不 天 理 理 知 理 問 理、 之, 也。 , 太 知 知 以 學 何

> 人 字 然後,洞 見 所 爲 而 以 者 見 爲 異 矣,又知 非 不 爲是, 者 是 知 耳 忧 0 爲 其 , 然無 2 而 字 是, 有 又 名 以 如 者 知 疑 知 矣,又知字矣, 以 稱 其 矣。」 人 有· 則 名 人之所 人之所 字 執 者 而 其 名焉 爲 不 名 見者 見 非 知 爲 有字 者 也 其 是 是 亦 爲 名 前 焉 爲 既 是 非 者 是 以 各 也 以 有 也 己 以 則 稱 知 之 既 字 己 執 其 所 知 之 其 名 夫

答 問 補 遺計二 段

子 謂 物 的 致 諸 部完 知 生 日 兀 書 : 字 喫 惟 本旨,二千年未 緊 ^ 大 處 學 惟 **×** 在 乃 孔 止 門 至 有 善 經 定 理 論矣。 及『格 萬 世

⁰ 爲一, 以異」、《語録》作「以爲異」、和刻本作「爲異」。 原脱, 據 年 譜 》中 所 引 此 文改

合,孔 足,驗 某近 理會 子精 之《中 得,却 神 子大成學。」 庸 命 不用 脉 論 具 ※ 孟 增一字解 八此矣。 諸 易 釋,本 賢 w, 就 洞 中 然 義 會 脗 自

得,便

知

孔

諸 生 也。 子 以 知 獨 非 但 至 在 善 箇 悟 安 至 發 本 謂 悉矣,此 親 間 身 者 孔 本治 安身之義 字 旨 極 透 至善爲 止 民 子,無 此 ,安身也。 來 至 以 自 義,乃未 故 道理 而末治,正 明 善之旨。 達 唤 堯 心之本體,却與 德 用,體 又説 非 省 舜 却 正 正 即 明 得 之道 言 安身者 於 有 在 箇 明 分 用 子 己 明 德、 此。 写在 能 明 心 也, 而 明 日 之本 止 親 致 : 孔 物正也,大人之 ,立天下之大本 止 德 堯 更 至 子 民 於至善』。 親 舜 明 有 一善者。 陽 明 體 之學 執 精 德 甚 明 明 民 矣, 中 藴 無 中 先 德 不 之傳 别 故 立 \equiv 7 獨 明 師 以 極 止 起 孔 未 恐 辨 立

> 學 教 則 如 德 天 本,是故 故《易》 而 如 明 此 末治者,否矣。 而 地 也 親 明 而 萬 此, 德 學 物 是 曰:『身安 民 不 故 末 故 也。 能 如 親 自 身 主 此 也 民 身未安,本不立 生 也 宰 而 却 民 其本亂,1治末愈亂 者,天 知 爲 而 天 不 以 大人 身之爲 天下 地 曾 來 立 地 斡 未 也。 國家 得 萬 本,是 旋 有 天 物之本 造 不 盛 下 可 也 化 知 于 或 保 以 安身, 孔 2 本 家 也。 明 也。 也 子 亂 V. 的 明

生 至 所 至 善 善 據 問 乎 日:「 也。 上 一發 ? 二子曰 《大學》 揮。 夫子謂止至善爲

:

以

經而

知安身

之

爲

止

安身,

則

亦

何

諸

者也。」

其本」, 原作「本末」,據和刻 本

知

止

知

安身也

定静

安

説箇

止

至

一善,便

只

在

止

原作 據文義改

諸

以 之謂 身與 事其親者,吾未之聞」,同一旨也。」 子曰『守孰 安身』,又曰『身安 釋 身,立本也。 以 知 知 知 知 物 慮 口 易》曰『君子 之至 安 以 止至善日 至於庶人,壹是皆以脩身爲本』也。 本 本 止 得 而 身 也。 也。 安身 亂 後 人 天下國家,一物也 也。 格 知 而 也」一節 而 絜度 『自天子以至於庶 知 本 末治者否矣,此 不 爲大,守身爲大。 而 孔子 『緡蠻黄鳥,止於丘隅』,知所 本,知之至 也。 如 立本,安身也。 安其身而後動」,又曰 止 鳥 也。 至 嘆 知 乃是釋格物致知之義。 乎?』要 善 而 本, 曰:『於止 也 絜度於 天下國家可保』,孟 惟一 也。 知 之至 格 物 在 故 物 本末之間 有 物 失其身而 後文引《詩》 人」至『此 知 知 三百自 也 本 也 而有本末 安 其 末 『利 身 所 物 知 天子 故 也。 止 前 至 能 用 謂 物

> 割 事 上求。 不能保,又何以保天下國家哉 是格也。 生 而 安身也。 見絜度格字之義。 由 矩,天下國 式』之『格』, 而國治,安身以安天下而天下平也。 E 修己以安人」,『修己以安百姓』,『修其身 股,餓 1物格。 ,是之謂 天下平』。不 矩之不正也,是以只去正 問 格」字 矩正則方正矣,方正則成格矣,故 死 安身以安家而家齊,安身以 『其本亂 吾身對上下前後 失 結纓,且執 「家是 本 之 即 知 也。 箇 後 義 而 方,絜 安身便去 絜 格物、知本也。 就 末治者否矣』一 子 矩 以爲 此 之 日 矩 左右 失脚,將 . 謂 是矣。 則 矩,却 幹 知 是物,絜 格 天 吾 方 不 之不 身是 或 下 不在 立本, 句,便 如 烹 安國 知 或 故 身 身 矩 方 IE. 笛 格

後下手工夫不差。誠意、正心、修身、齊《大學》首言格物致知,説破學問大機括,然

門家法也。

知

明

明

德

而

不

知

親

民

遺

末

也

非

萬

物

體

知 矣,止 隅 先 本 也 首 是 見 出 而 知止 一,「色斯舉矣,翔 精 天地 庶 如 至善 是 物,至尊至貴,安也。 也。 義 而 萬 世 入神,仕止 身安, 物 如 不能撓 是 而 如 而 不求于末, 久速, 後 綿 己,静也 集」,無 鑾 黄 變通 如 鳥 定也 不 是 · 止 趨 得 而 如 時 所 于 是 知 止 丘 慮 幾 而 如

問:「反己格物否?」 歸 物 後 不 反 本 之,此 其 的 反 親 貫, 也。 仁、治、 己 Ι. 、不治、不答,是謂 是故 夫。 誠 也。 正 意、 己 愛 敬,正 格物 反之 而 正 正 人、治 物 心、修身, 然後知 如 正 己 子日 人、禮 也 何 也 ? 行有 然後身安也。」 反己,反己是格 其 人 立 正己而已矣。 物格 不得于心, 身 也 本 格格 正 也。 知 而 物 至, 本 天 也。 下 然 知

> 亦 能 失 之 本 非 親 德 所 民 也。 也 其 謂立 也 知 本 本 知 明 亂 安 也 明 而 身 德 末 而 治 親 不 者,否矣,亦 民 知 而 明 不 明 德、親民 知 安 莫之 身

子 是矣。 在治 去處 此等 謂 不 知 在 意 修 致 至 身 諸 知 其 先儒 處, 其 惟 在 生 也 知 所 國 知 日 日 正 請 至 諸 一,而 謂 :「《大學》 其 者 皆 所 而 賢 治 問 言 謂 心 不 後意 曾 日 焉 曾 _, 誠 或 或 致 。一子 細 其 在 誠 何 治 理 看 知 意者』? 齊 不 謂 7 會 意 日 在 言 其 而 齊 : 誠 否 格 夫 家』者, 三 正 天 此 所 也? 家 而 物 下之儀 後 謂 在 不 心 亦 物格 心正 日 修 在 家 是 平. 對 其 誠 形 天 喫 誠 而 ? T 後 在 下 緊 . 意 其

^{■「}明明德」,原作「明德」,據和刻本補。

四

誠 致 内 了。 意 妥 後 心 身 上 至 古 助 助 纖 慎 而 7,脩身. 一,亦不 是他 却 意 其 貼 做 而 不在 長 毫 恐 却 或 可 知 之 T. 毋: 後 又不 必 如如 意 懼 以 不 先須 夫。 誠 誠 思 自 在 儀 好 IE 者 在 真 何 須 在 的 是 欺 意 心 誠 形 去 所 知 謂 致 體 掃 意 正 不可 之 致 内,亦 在 意 誠 知 得 之 纔 存 蕩 其 也 知 謂 説 知了 是矣。 意 箇 着 外 存 心』者 正 清 誠 至 便謂 正 本 意 心 只 然 不 寧 而 意 纔 便 則 在 ? 故 思 心 是 在 心 後 不 是 册 是 所謂 無 吾身,然後 便有 不 誠 在 之本 實 誠 在 皆 口 是 自 正 誠 意 誠 日 意 實 致 然 意 誠 以 心 欺 意 無 其 所 所 固 落 體 外。 齊家 誠 知 意工 也 爲 必, 恐 意 謂 落 不 須 然 原 0 意 致知 懼 在 物 在 若 夫 着 誠 誠 不 在 者 不 則 至 我 致 意 格 做 忘 猶 不 於 要 便 夫 脩 IF. 意 與 身 是 在 知 知 差 誠 未 是 得 戒 心 不 而 IE. 其

子

謂 安 必 用 明 悟 意 差了 空了 聖 心 誠 助 身 之學,幸蒙指 先 功 朱 不 T. 意 T 經 此《大學》微旨, 夫,意 也 0 要 不 純 在 皆 立本 誠意 差。 既 知 甫 故 却 不 不 本 日 須 不 能 先 先 誠 誠 : 物 0 本 誠 致 誠 口 也 而 格 學 意 意 末 如 以 知 意 示 後 不 就去正 明 而 我 今日 就 原 誠 問問 不在致知』者 諸 有 後 德 不 拆 意 去 須 去 生 正 知 止 欲 爲 誠 不 知 īĒ. 謝 心 知 至 心, 至 人 開 意 正 有 所 Ι. 心 日 善 之 知 心 0 夫。 筃 以 凡 則 也 則 則 至 加 欛 爲 於 此 以 誠 如 誠 IF. 而 學矣。 諸 所 柄 吾亦 天 千 致 意 此 後 意 心 我, 謂 下 然 載 知 又 又 又 也 有 欲 是 事 後 做 着 未 IE. 爲 却 誠

天 段文字各句前 與 其 聖 無據 經 故不寫入校記 四 後 字 順 打 序 格 大作 難 通 調 和 整 刻 然語勢又不如底本 本 删 此 四 字,又

也 無 領 處 親 加諸人,是所以安人安天下也,不 民 0 前 止 此 至善 未有 也。 能 知之者,故 此 孔子學問 語 精 賜 遺 緻 奥

『非爾所及也。』」

大學》 羑 知 所 欛 至 做 威 忘 止 詩》道極 善者 儀,以 三, 止 里 本。 欲 柄 到 敬、止孝、止慈、止信, 在 至 也 不 Ĭ 踰 至 文王 手,更不令滲漏,故曰「七十從 也。 善,未曾 至 夫 詳備。 善 矩」也,「必 民 惟 則 也。 孔子合下便要止 不 在 不 悟 能 「文王 誠 衛武 免崇侯 忘 得 意 至 也使無訟乎」, 止至善 一善訣 公學問 故 緝 虎 熙敬 誠 以 之譖, 竅 意 至「没 也 自 至 所 止 章 0 善 脩, 一,止仁、 前 而 畢 謂 世不 後 失 此 便 盛 竟 恂 身 謂 是 心 皆 慄 引 德

程宗 如 ?: 錫 問 : 日 一、一、此 此 之謂 正承物 自 謙 格 訓 知 作『自 至説 來。 慊 既 何

> 廣 達,知我 獨 謙 色, 在 知 不 體胖身安也。 吾身是箇本,只是毋自 而 慊 自己身上用 略 即 慊 無纖毫 中 者其天乎』。 故『不 者 庸 未 **>** 假借 必 敦 怨天,不尤人,下 工夫,如 能 厚 自 謙 以 是自滿之心 也。 如 崇 惡 此 禮 欺,真 然 惡臭, 而 也。 I 慎 夫 獨, 是是 真 如 學 只 謙 (實實, 謂 好 則 而 在 者 心 慎 好 上 É 無

子謂周 死 止 止 有 下 結纓有之矣,必得孔子説 於慈、止於信 於孝者烹身割 落, 季 翰 纔能 日 :「止於仁、止 内不失己,外不失人。 若 股 不先 有之矣,❸止 撓 於敬 得 破 箇 此 於敬者 安身,❷則 機括 止. 於 孝、 故 饑

135

「撓」,和刻本作「曉」,

疑是。

0 0

3 「者」,原脱,據和刻本補。

六

子謂徐子直 精 勞 盡 道 道 尊 尊 此 也 避 世 性 做 大學》 道 三? 身尊, 殉 身 道 席 善。 禮 殉 義 而 誠 與 學焉 乎人。 身 ,至尊者此身。 請 日 意 人 \pm 身 尊道 0 日 神 T. 先 纔是 日 何 天 問 性性 一夫,纔 日 引 今子之身能 尊? 見 而 ・「身與 如 使 一一何 日 下 不尊身,不 緡 機 後 至善。 或 . 有 無 蠻 即 得 而 臣之,然後言聽 不 王 道 身 何 謂 詩 道 完 作 可 者作 以以 與 道 乎 至 哉 全 在 尊身不尊道,不謂 不 故 道 ? 日 則 原是一件, 夫子 尊 善?」曰:「至 無 前 謂 身殉 日 俟 必必 何異?」 去。 乎 滲 之尊 天下 然後 終 來取 漏 否歟?」 之所 道 : H 仕 「然。」 三,必 道 引 法,致 止 計 有 曰 謂 至 文王 避 從,不 久 道 : 子 不 須 尊 尊 善 世 速, 敬 直 澼 以 以 道 之 者 身 即 詩

> 尊信 濁 妾婦 便 子之守,脩 光 日 易》 樾 至 明 : 斯 甚慚于夫子之教。」 行,見 之道 濯 于 哉 日 求 足 辱 ? : 而 險 ,自取 且 也。 及君 其 往 而 匪 危。 身而 明 能 我 己不能尊信 也 有 之也。」 知 求 故 過 天下平。」若以道從 止矣哉 童 孔 9 動 蒙, 子 却 静 子 從 日 不 童 直 : 而 失其 蒙 又豈能 諫 拜 清 又 求 而 或 時 斯 日 我。」 謝 濯 不 使彼 其 君 道 又

惟 中庸》先言慎獨、中和 千 躍 大本、致 也 皇 紅 此 上 無 此 帝 中 意 春 中 也, 必 降 也。 和教 譬之 中 無 于 古 保 人以 民, 我 江 合 無 説 淮 此 本 出 河 中 無 處 盡性學問,然後言 將 漢 進 迎, 不 無 此 退之大義 口 無 思 水 内 也 世 鳶 外 無 飛 萬 世 也。 紫 爲 魚

地

避言

避

色,

如

神

龍變化,莫之能

測

0

體 毫 者 知 何 是工 「學以 故 之力,乃 邪 思? 日 一夫,做 修 : 君 爲 此 何 中 修 得 妄念? 子存之,庶 也 之之道 Ι. 夫 戒慎恐 是 惟 0 本 白 故 民 體 懼 日 姓 0 去之。」 未嘗 : 日 先 合 用 知 學 中 而 着 致 纖 也 的 本 不

 \Box

本

體

然

後

好

用

修

的

工.

夫。

王子 意 防 是莊 理 已 便是 檢。 矣,中 敬 則 敬 問 見 莊 私 見 也 不 即 敬持 心 成 識 此 良知 成 此 常 養 理,莊敬未 也,性 存 自 Ι. 便 自在 夫。子 是持 也 在 一也。 免着 養 即 .. 真 此 意。 體 不 道 識 不 失 纔 得 着 須 便 此 而

子 劉 謂 否 君 不 ??:子 錫問 動, 動 子 敬 則 惡 充 日 日 念不 之,惡 . 常恐失却 . 且 近 動,又 日 念動 道 I 他 夫 如 本 則 失 何 體 何?」不能 去之。」 到 如 那 即 ? 裹 是 日 對 去 戒 : 日 對。 慎 善念 恐 子 善 懼

> 惡 參于 和 無 知 則 已矣,是 ※ 滲漏 立 念 善 : 便是位 前,在 自 大 念 此 本,然後 去。 動 却 謂 使人人皆 自 輿 是 天地、育萬物事 如 知 顧 中, 則 此 諟 見 内 惡 慎 却 天之明 其 念 不失己,外 是 如 獨 倚 動 此 性 于 3 自 用 命 便 衡 戒 業。 知 功 口 0 慎 不失 善 知 常 便 恐 V. 立 念 是 是 懼 則 大 自 此 致 見 此 本。 中 充 中 更 其 而

子謂 之水 其 性 可 氣質 善 諸 不 盖 謂 生曰:「 則性善矣。 之 此 善固 性 語 ; 未 程子云:『 性 清 鉴 也 古 恐誤 清 惡 水 固 非 也 善善 後 水 性 9 古 學。 濁 也, 也 性 亦 濁 氣 也,惡 不 孟 非 質 子 可 水 也 只 不 亦 也 戀 説 謂 不

137

0

2

本

用 檢」,原作 原 脱 險, 據 和 刻 據和刻 補

⁶ 如 和刻本作

質之性,君 得 言 看 氣 泥 質 盡 氣 沙 質,以 之性 查 也 氣質雜性 滓 去 便 ,善反之,則天地之性 學能變化 其 子 渾化。』張子云:『形而 有 泥 故 弗 沙 性 則 日 氣質 者 氣質之性 水 清 焉。」 也。 矣。 此 故 語 故言 存 亦 焉 學不 要 後 善 氣 有 明

董子某問:●「先生嘗曰:『出必爲帝者師 之。 學爲 是 故 如 爲 子 本 師 處 何 以 爲 身 必 人 必 日 先生 爲 師 在 修身爲 人 爲天下萬 如 家 也。 師 亦 ?」先生曰:「 家,必 之 國之法,是爲一國之師矣,身 曰:「禮 之道 嘗學之矣。」先生 學不足以爲人師,皆苟道 本,然後 師 矣 脩 世師。」 乎?」董子 身立 不云乎? 身 師 在 本 道 子未學禮乎?」 以 7 疑先生好爲 或 曰 : 爲 而 日 學 . 善人多矣。 必 家之法 也者,學 子 願 脩身立 終 未 也 教 知 董

> 矣。 必爲 見世 夫然後立必俱立 信吾脩身立本之學,足以 立本之學,使爲法于天下 而 矣,庶幾乎己立 來王者之取 天下之師 在 非 天下,必脩身立本以爲天下之法,是 一,而非 天下 牽 孔 以 孟 矣。 萬 相 獨善其 之學正 從者 法。 世 故出 一師,言 後自 達必俱 夫然後道 也 身者也 如 斯斯 必 此, 配 必 爲帝 與 之 出 故其 斯斯 起 達 ·, 可 得 吾 不 者 ,庶幾乎脩身 可 人君之敬信 人講 天 遺 處 傳, 出 傳於後世 師,言必尊 地 本 也不 也 亦可 明 萬 矣。 以 遺 脩 物 行 道 末 身 爲 處

必

3

「也」,和刻本無此字,與上文「斯出」下亦無「也」

本因原文不通而更改者

² 0 了當」,皆 此句疑用程子語。「配之」二字當作 董子」至「何如」,和刻本作「或 天下萬世師毋乃好爲人師數 可 通。 和刻 本無「立後」、「之」三字, 日 出必爲帝者 「能了」,或 乃五 師 作「能 處

教 狥 身,而 至善矣。」 不 倦 本 不 末 以 身 貫。 狗道 ; 夫是謂 其 處 也 明 德 學不厭 親 而

11:

隆 慶 Ξ 年 重 刻語 録 序

刻 將 仲 訛 乃 約 篇 平 兆 《語 傳。 傳 子宗 牘 生 時 而旨遠,入聖之指南矣。 而 ,收之於 不 重 孟 重 是 寫 録 秋之望門人吉永豐泉崖聶静頓 主 刻《 順 初刻於江 刻 録 或 携先 言 以 心 巡",而 爲完 復校 詮 傳 流 齋王先 生《 或或 者 播 書 售 浦 讀 也。 得 年 也 大 繼 者 譜 IF. 答問 生 之於 疑焉。今年 刻《 訛 》過 宗 刻 語 去 語 録》者 順 於漳南。 或或 + 永 先生既 謬, 謂 録》 豐 寓 者 静 與《 而 簡 何 首百 遊 静 也。 梓 -夏,先 殁,是 年譜 記 書 先 與 焉 言 拜 生之 憶 先 董 然 書 並 生 稍 又 録 詞 生 子 旬

> 聖學 遺 知 謂 亂 其 孔 物,物格 學,患人 獨 門 下可保。 行,吾身至 末,而身爲之本,天子庶人皆本 云然者。 本 所 子 也 在 契 有 而 達 末治者否,此 之集 年,可 於 之全,孔子之爲 兹 不知達道 道 是故道 乎 格 不 而 也。 大 中 大人者,正 ? 尊。 物 知 無言 後 成 和 之旨 格物以 知 其 故 位 濟 故 而 以 至」、《大學》揭聖學之全而 在 不知 育之峻業,止 天下,吾道 則 君 知 記 陽 兹 其 子 本 不 爲 顛 明王公之致 己 乎 立 所 賢 尊 學 安身而 而 末 而 本 爲 於 其 也。 ? 知 物 教 之至 堯 何 則 道 至尊 IE. 静 蓋 不 動 也 至 舜 不 惟 而 尊 於 ? 知 也 吾 善之極 者 患 身安 先 .; 致 遺 其 所 格物之 脩 良 待 也。 物 知 人 末 生之學 (身, 而 身 V. 知 人 有 在 不 而 本 本 功, 非 而 格 知 本 或

貫」下, 和刻本有「合内外之道也」六字。

0

天

__ O

末,知 物? 格 此 FL 以 之 孔 臣。 爲 又爲 物 脩 孟 而 其 子 尊 歎 子 子 人 而 至保乎 己、正己、 不以吾身依 而 狂 後 有 師 天 至 之 五日 日 \Box 日 : 立 所 天 知 矣。 也 學 道 \pm 下 先後 本 狷之思,不得 吾 地 家 至。 者 後世 格物之 也 不 以 有 萬 身者,天 興, 謂 厭 或 利 非 尊身, 大 物 也。」日 非 夫 乎 天 用 師 斯 知 必 教 有 依 ノ身尊 格 微旨 天 下 而 至 人之徒 實 來 乎 爲 不 物 達 安其 地 地 則掌握 際 : 取 Ė 則 倦,九二 之 之 則 志 萬 道 也。 萬 法 吾 君 實際乎 道 云 出 物,植 而 運 以 身,愛人、敬 與 物之主 身主宰乎天 何? 尊 尊道, 修 所 必 量 乎乾坤,包羅 然 而 必 道 之 爲 身 乎 以 誰 非 有 ? 本 也。 見 見 尊 日 帝 天 尊 與 先 所 何言 而 ? 非非 者 龍 於 吾 地 生言之。 故 則 不 不 人、信 反己、 身也。 世 師 日 在 身 萬 召之 歸 遺 乎格 地 一,所 處 物 田 尊 其 歟 平 物 好 萬

言

足

口

哉! 者,其 吾之知 者之讀 矣。 則,而曰 之學聖 命, 學之爲 爵辛 以 而 地,俟百聖而 以開 叙 非 未 故 是爲序。 無 先 Ë 是録 大成 乎 悟 人者, 宇宙 摭 太平 以 生之 公啓其秘 ! 拾 習 静 也 也 夫 所 事 在 之聖學, 之不 復 録 致 尚 聞 而 我 而 不 何 ! 知 思 録 焉 · 惑 未 先 學 所 0 乃宗 格 先 察, 中 者 以 觀 而 將 施諸 生 物 生 備 弁 妄 則 之教 略 師 愈 發 順 之矣。」 於 孔 門 乎 也 久 後 於 其 委 録 孟 ? 之 而 要, 世 命 先 首 務格 殁 罪 静 生之 至 愈 嗟 而 不 而 而 人 不 晦 載 夫 無 有 觀 立 微 物 義 敏 也 朝 大 所 以 是 心 言 而 夕 成 録 觀 後 立 致 學 不 聞 絶 何

0 拾」原作「捨」據文義

吴婁後學魯川曹 胤儒 撰

運諸 齋王 塵 于ト 存問答語 俾視學若 語 掌焉。 先生得姚江之傳,而遡流 度研 秦 古洺見臺蔡子國賓將梓以行,而 令人油 漢 ,刊去支離,顯示閩奥,易簡 贅疣然,是亦吾儕 索之間, 來 其若詩歌箴等,直指根源 爲 然興 理學言者凡 起,謂之學人指 重以 疑 數十家,類 沮 有罪焉 天下 濂洛,故其所 才傑 耳。 南 超絶 成位, 汩 非 心 没

跋

所謂

超脱凡俗而入聖人之道者云。

又

中吴東溟管志道

撰

哉! 直窺 其言宏大簡易,因 所指數條略備矣。 天下,無所倚焉 聖脉, 道之至者, 彼倚勢傍吻者可以惕然省矣。 師當代而風 故 日 自密切 耳。 惟 嗟 仲 嗟 尼,以 心 ! 後賢,彼獨 體認 齋之學盖 以 兀 中 泰 夫 州一 來 明明 也,蔡子 得諸此 何 布衣, 人也 德于

齋先生全集卷之三終❸

0 汩归, 原作「泪」, 據文義改。

所謂

疎

略

而

誕易焉者,意爾

人

爾。

盖竊

先

然曰:「先生言之矣,著意爲私

,從人爲

愛之,❷謂其流之疎略誕易未

可

知

也。

予憬

1

重

有

生之似而

非

有真

見者,是烏

足

以

爲

兹刻之

?」因併

識

之,以告

同 志,

俾曉

然

如

先

生

耶

?

2 「愛」,據文義疑當作「憂」。

8 係後補。 此行原在《答問補遺》後、聶静序前, 理應載在卷三,故移此行於 此 因聶 序、二 跋

=

重 鐫心齋王先生全集卷之四

樵李丁 楚黄耿 秣 陵 焦 定力 竑

海 岱 蔣 如苹 全校

四 代宗孫王元鼎補遺

答 徐 子 直

旨,可 是事 謂聖,知 來書 慰 更 無事矣」,足見 可 不善之動而復焉 所謂 慰 ! 即 夫 事 良 是心 知 用 即 功 執焉之謂 更 性 精 性性 無 密 心 焉 契 矣; 賢。 安焉 貫 即 惟 之 之 知

察。 出 點 此 神 不然,恐所爲雖是,將不免於行不著,❷習不 點,分分明明,亭亭當當,不用安排 也。 之所以 Ι. 會,商確千載不偶? 深坐山 夫, 此 方得不錯,故 至簡 經綸變化 中 -,得 至易之道 無喜静厭 而 位 日 一,然必 道 育參贊者 義 動之僻乎? 肯 由 明 師 師 1,皆本 思索 友 良 有之。 友 指 聖

0 「於」,原脱,據《語録》補 下「二」字,原作「一」,據原目 録 改

無

所

向

又

無所見便是無

極而太極。

良知一

只

心

有

所 向 便

是欲,有所

見便

是妄,

既

與

俞

純

夫

尺

牘

密

證計二十二札

不倦 百 姓 知 日 合外 覺 用 而 内 無 之道 不 餘 知 藴 也。 矣。 故 日 其 此 以 孔 先 子 學 知 覺 不 厭 後 而 知 教

則 有 簡 體 日 礙 用 ; 精 而 切 知 而 不 來書謂 便不 精微」, 其二 用 知 不 而 用 知 能 不 其 0 此 虚 知 不 切 流 云 靈 體 能 精微。 道 必 無 其 之 至 礙 切 流 用 於 精微 必 喜 故 也 此云道之 日 至 静 於 體 厭 便是 精則一 支 用 動 離 體 有 原 瑣 於 世 礙 碎 知 狂 ; ;

答林子仁

也 原 但 改故 自 其 間 無 來 程 微 書 不 子 真 有 所 謂 謂 實 毫 人 「真實」二字,足見切 釐之辨,不 性上不容添 而 真 實 者 未 可 不察。 必 物 合良 實工 蓋 知 之妙 良 夫, 知

又

可 乎 與 召 以 召 誠 皆不足以 又 口 而 也。 言 也。 學 以 ! 人爲善之誠 ,子尚欲往 何 禮 哉? ,則學者 不 辭 來 觀 不往 使其 口 書 道 哉? 謂 用 知至尊者道 之精 是故不 是 誠 上 府 前 不 不 能 尊 敬 也 禮聞 天子 仁 誠 也。 況其);終 下, 以 爲 也 矣; 善則 禮 不 來 東 用 來 以上者乎! 必 不往者, 也。 召 學 往 城 下 召 往 *, 當 師 教 敬上 於 昔者公山 是 求 賤 此 而 則 聞 於我 不 疾 以 況 教 往 智 其 不 默 其 其 教 不 欲往 也, 又 義 能 而 爲 以 立 也, 行,當 善不 佛 識 於 何 下 矣 致 此 肸 之 者 以 師

識之。 知 天 鑒哉? 道,至於入而後量,是以取辱者多矣,可 薦之,不過 之道可望其行矣,吾之出 之,百執事薦之,然後出焉 當量而後 亦不過敬 理勢之自然也。 曰:「求 天地 地 萬 得 之化育,夫焉 書 物 《大學》曰: 而往明也。」若君相 之本 入,不可入而後量也。 君 見疎 盡 命 彼 也。 而 職 山公薦 求之在 已矣。 而 能立天下之本, 「物有本末。」是吾身爲 有所倚? \exists 疏。 矣,在我 我 前 可 ,此中節之和,吾 ,必有一定之道 此 不 書中 謂 用,百執 諸 明 吾東城 者雖 若君 儒 云云,①亦 矣。《易》 然 忽 有 後 於 相求 默 事 行, 不 此 能 而 雖

答 朱 惟 實

四

慎

故謂之利; 子體仁足以 謂之仁;無所 性,性即天,天即 ? 慎 所 義,貞固足以 不敗」矣,又云「患所 以立也。 此 得 此便是盡性,自能獲乎上下。 良知 書 知知 無所 而 長 尹 不 平齋求之良 人,嘉會足 已,雖危無咎,即 高 幹 不正,故謂之貞。 通,故謂之亨 乾也。 陽, 事」。 可 2 慰 以 以其 以合禮 終日 知,更何 立 無 來 乾 所謂 無所不 利物足 所不包,故 謂 乾, 夫 是故「 既 行有不 疑 良 不敗, 夕惕 云 于不 知 宜 以 君 即 敬

73

足

即

敬

和

² 0 理勢之自然無足怪 貞」原作「真」,據和刻本改。 書中」至「然也」,和 刻 本作 中 云當 道 氣 味 别

尤 得 反 更有 求 諸 何 己 事 而 ? 已 矣。 能 反 求 0 自 不 怨 天

答宗尚恩

進 處 以 謂 等 修 試 政 人物 「欲自試」云者,古人謂學而後 荷 爲學,此至當之 之,若于人民 有 來 疑 ,惜乎今日小用之,非 未精徹 書之意已悉。 尚 當過 便 我 欲 社 講 履 稷 論。吾丸齋 但某 破 此 處 九三危地,某所未 試 欲 恐 我 吾 所 丸 不及救 入政,未 且於師 望 齋 爲 也 第 也。 聞 友 所

> 速,此 此道 無 但休 過 當,而不已者,是 爲 大 何,非我所 是不能盡 日 會計 人而 與不及,皆自 倫 乘 戚 自不 贵 田 又在 當 不自 相 必 闘 其職,是 而 日 能逆 日 至 吾 不 已 得 4 於 可 丸齋隨 矣。 者, 羊 料 能 如 取 忘? 茁 也 爲 彼 爲不及;牛羊茁壯,會計 不 其 有 牛羊不茁 壯 出 爲 喜 罪 命 時 昔 長 之慮耳。 位之思,是爲過之。 而 存 调 消 者 而 不 焉。 息, 孔 E 寐 在 壯,會計不當 矣,爲 子 見 若夫 丸 爲 爲 品 幾 齋當了 禄 禄 屈 自 仕 委吏必 本心, 爲 而 試 之久 道 仕, 如

與薛中離

昔高郵舟次歌濂溪先生「故人若問吾

臣 「求」下、《語録》有「諸己」二字。

古

之

君

又

仕 來 書 出 謂 疆 爲 必 禄 載 贄 而 ,三月無 仕 足 見 君 謙 則 弔

人欲

六

辨 寥 知 爲 欲 外 龍 孟 也 加 何 但 慕 一,鮮 之 子 況 隱者之流 息交絶 窮 固 屈 日 弟 見高 識 爲 居 不 近 非 此 利 道 不 遊 悟 其 義 得 風 物 損 春 得 道 不 陵 此 志 之 之意, 匍 陰 ; 今之欲 只一 又是 則 得 源 匐 者陽 陶 脩 爲 也 而 淵 先 般」 喪 身 中 人。 仕者 明 之根,屈 師 心 見 IE. 孟 之句,信 喪 良 失志 於 之道 氏 微 後 必 知 世 之 吾 期 歸 實 Ξ, 者 後 兄 辭 通 0 際 周 此 即 伸 之嘆, 子 其 後 千 便 E 大 而 之源 孰 謂 儒 古 是 如 行 舍 與 其 乃 此 寥 見 此 不 不

答 鄒 東 廓 先生

冬一 生 明 先 會 辱 手 請 師 教 良 IE 兼 賤 知之學,倡于青原 惠 疾 書 不 布 能 具 出 感 於 具 心 感 興 歉 于南 歉 滿 擬 都, 先 舊

> 天下有不 言 故 此 天 曾 者 生 語 也 孔 地 日 下善? 今又入輔 故故 一民、萬 上 中 ? 下 立 爲 堯、舜不 而與之言,皆 曾相 我 人以 一心,爲 己憂, 也。 治 師 學 雖 不治者哉? 矣。 然,學者之 日 不 道 物 傳 東宮 又 上 7 其 得 之福 厭 授 生 日 미 師。」師 非 受者, 則 民 位 禹 而 口 以 歸 善 天 立 分 乃天 教 也 皋陶爲己憂,孔子不得 與 語 下 于自 人 命 雖 一,其任 不 患 言 此學 上 者立乎 故《通· 多,善人多則朝 之至 則 有上下之殊,然其爲天 倦 地、 也 在 家 而 也。 好 而 責豊 鬼神、 不與之言, 不 中 善 則 書》 中,善 爲 己。 智。 人 無 不 人 其 日 以 祖 斯 是故堯、舜 學既 師 大 以 孰 宗、 下 乎 患 此爲學 哉? 能 不 不 矣。 故 廷 可 曷 社 明 口 可 孔 與 類 爲 IE 顏 昔 與 者 以 是 子 于 而 天 而

⁰ 中」上《語録》有「君子」二字。

者 此 用安身,以崇德也。」高明以爲 止 古 也 只 日 見 所 不 緡 亦 自 以 足 不 故 不 鑾 家 然 爲 以 《易》 足 黄 不能,是 與 患 以 則 鳥 也 此 日 與 抱 「精 ; 止 此 道 明 世 于 以 自 也 之 德 丘 遷 0 高 義 知 善 隅 ^ 人 親 大 明 未 改 神 民 學 德 免 過 而 何 以 於 **>** 于 日日 而 釋 不 如如 致 止 怨 不 止 止 入於精 用 ? 親 天 知 至 於 巾 尤 民 其 善 至 ; 所 善 微 利 必

答太守任公

臣,亦 爲 舉, 舉 召 一僕矣 之君 則 寧 兩 不 又 辱 不 敢 果 必 負 枉 敢 不 如 有 所 召 如 願 所 所 舉 學 所 舉 感 不 矣。 召 也 召 愧 則 也 之臣 殊 于 不 學之 深 敢 此 孟 權 如 如 子 僕 恭 所 之, 何 日 聞 古 召 ? : 與 執 非 ; 不 有 其 果 事 堯 舜 召 負 如 以 大 之 有 所 賢 所 執

> 體。 親 大。 中 哉 人多 八 不 其 非 執 如 有 天 十九 ? 其親 通 所 事 哉 所 地 中 孔 則 子 善 ? 。」孟子曰:「仁之實,事 孝弟之至,通 位 夫既 厚 也 故 即己之不 孟 長 歲 0 朝 講 爲 而 世 此 孔 爲仁 若 廷 明 僕 萬 以 又 子 其長,而天下平矣。 尤 此 辭 物 IE 天 孔 日 僕 風 日 而 學,所 育 1 而 地 子 使 中 獲 之 己。 天 萬 僕 此 其 之燭、爲 於 日 所 吾 下 物 謂 父 僕 所 以 神 程 無 者 治 爲 子安 之心 師 明,光 也 子 隱 不 矣,豈 以 道 0 能 乎 人 日 者 體 天 樂 立 也 是 子 親 : 如 爾 於 人 於 故 則 地 H 則 僕 是 召 者 兀 也 治 人 善 雖 萬 小 之父 也。 吾 也 此 物 海 下 然 人 親 夫 物 補 無 心 多 君 不 人 不 仍 伏 今年 親 僕 爲 行 云 當 無 該 獲 而 平 善 願 所 爲 又 與 何

> > 147

■「負所」,原誤乙,據《語録》、和刻本正之。

者,其孰能若 世 見大人然後能 不與二三子 也。 者賢哉 脩身 者, 見 執 薦賢者賢哉!」子貢悟之,亦 不 於 事之薦 是 負 世 丘 所舉 然 也 後 僕哉? 矣。 能 亦 利 然非 所 見 故孔子曰 謂 大 脩 人, 體之仁 身 能 見

答朱思 齋明府

薦賢者賢哉

程 是 思 竊 間 居 日 君 焉,斯有萬物一 思古之先覺者 可 ,則天德王 不 用 爲 . 損 以前定,故曰 之間 良 ?,分定 堯舜之君 知 舉 天性,往古來今,人人具足,人倫 道 而 故 至矣哉 措 也 使 以以 體 之耳。 之政。 萬 但 是 民 ·有成」, 曰「必世 物 無 所謂 承 爲 人 諭 堯舜 是故 體 爲 大行 撫按薦舉 之仁 意 之 出 見參搭 不 民 則 而 加 必 ·竭 事 使 心 其 而 其 窮

> 聞 有 邦 後 仁,豈 司 過 家 情 以 用 此 此 ? 過 虚 第解 心 舉 語 獨 哉 無 撫 處 ? 愧 按 海 平. 以 某 濱 是 本 以 知 \coprod 虚 野 我 哉 聞 鄙 竊 夫 名 贵 所 鄉 謂 足 聲 爲

利

:

於

答侍御張 蘆岡先生❶

昨

拜

尊

賜,

又

辱

手

教

并

佳

什

感

激

何

148

間 學 矣,佩 名 將來之望。 性,今古一機,不可謂 如 ,豪傑者嫌其迂 明道、修 一有之,同 服 古 所謂 不 身治 敢忘。 山林田 先匹 類 者 行 鄙 夫以貴下 譏 蒙示 而 野、夫豈無格物 其 爲 俗者忌其 天下盡 矯 振 有 俗。當 古之人豪 司云 賤 無 者 矜。 道 : 其 於 者 人,以 窮 聖 者 議 今 此 理、 愚 古 其 見 乎 執 好 ? 講 絶 之 百

之意 所 易 歟 罰 不 用 省 砥 偏 求 自 識 有 而 與 事 謂 古 刑 敢 何 知 ? 不 後 礪 諸 人 大 取 易從 罰 人萬 罪 不 勝 用 切 日 人 今之異,抑 今之爲 也 身 爲 將古之善爲 當脩之治之。 大 劉 之。 ,此又仁人君子 戾 人 磋之師矣。 善之心 而 果 之方 生 知 物 得 君 則 有 政者 我 見 古 民 來 子 必 者請 矯 乎 何 諭 人 體之仁, 也 時 刑 而 有 俗 非 幸 謂 刑 政者必 後 勢之不 措 所 教也, 不 好 心 期 然 竊 此 所 之 不 以 ·慕此 名 有 僕之 于 聞 而 謂 存 樂取 盖 爲 然 用 之 所得 無 執 在 非 刑 心 非 有 同而 政者 之説 道 然 蔽 心 刑 事 修 諸 敢 至 以 愛物,古 議 故 身 不 宣 爲 古 簡 弼 人 嫌 而 迁 足 治之有 未之思 也 令,首 以以 拾 有 教, 治 出 至易之道 刑 忌 濶 爲 能 位 所 遺者,不 者 行 爲 不 理 贵 不 驕 刑 人 之 惓 勝 者 善 學 歟 難 人 措 泣 戒 矜 得 無 思 惓 刑 心 ? E 人 以 之 反 不 非 而

> 受,允執 言 綱 心 益 不易之常 是 紀宇 語 ,爲身心 也 謂 宙 體之身 理 厥 經,無 學 體驗,爲 中 流 行 足 IE. 心 物 今 爲 然後 謂 不 古, 世 補 此 濟 道 益 驗 所 而 者 經 矣。 矣。 已矣。 謂 也 濟 0 天 者 是 是 理 堯 道 道 高 舜 忧 愚謂 也 也 明 相 以 傳 萬 非 存 此 授 爲 世 此 徒 心

答徐鳳岡節推

149

何

如

天,魚 無 聖 者 此 須 時 謂 更不 人爲 也 不 之 來 躍于 然, 聞 此 作 文 諭 謂「良 道 道 疑 意 淵」,言其上下 原 脩 在 念 做 無古 天 作」, 否 此 知 地 ? 者 在人信 今之異,故 間 足見知之真,信之篤 謂 知 徧 此 之 滿 脩 者 天然自 察 流 道 謂 也 行 日 一、安此 之 : 無 足之性 知 『鳶 孟 物 道 者 子 不 飛戾 謂 聞 日 之 此

重 鐫 心齋王 先生全

學者信 足,又曰「安人安百 口 也 矣。」所謂 喭,然教之日 輒生疑 爲 其所 不及此 惑。 聖門肯 不爲, ,則當就 脩 繁者,此 無 姓,亦 欲 己 其所不欲, 明 以 師良友講明之,未 敬 惟 而 ۰, 敬 己。 子 此 路 聖 而 如 門 以 斯 已矣」。 爲 惟 而 未 由 E

答 劉 鹿 泉

《通 矣。 實 即 虚 根 花 無 而實 無聲無臭。 者,喜怒哀樂未發之中也。 實 書》云「 故道 來云三千歲花實者,久則徵 即 本 也 無 根 也者,性 無 實 即 也。 太 極 實 即根即實者, 極 而 者 不 本 太 也,天德良知 滯 然,則 極」者, 無 於 極 有象, 無根 者 即 即 無 天 無 而 即 無 也,不 根 根 命之性也。 非 此 也。 實 無 而 所 者 根 實者 根 謂 미 淪 本 頃 須 刻 道 於 無 無

> 開。 臾離 之 理 天 得」,「而 也。 地 率此 變化 成 良知 位 草 乎其 木 蕃」, 樂 中 與 矣」。 所謂 人 同 易簡 便 是 充 而 天下 拓 得

答 劉 子 中

集義。 此 易慎獨 念,不能 是得 來 上 書 即 頭 除 此 用 腦 云 去」,此學者通 功。 充 處 簡 0 實將去, 易 當 工. 又 行而 夫只是慎 謂 行,當 患。❷ 遇 則 境 仰 動 不 止 獨 子 摇 愧, 而 立 中 止 大 只 閒 俯 本 此 在 思 是 妄 不 簡

8 0 0

6

則」《語録》作「至於」。

子中只」《語録 學 是」上、《語 者」、《 語録》作「固學者之」。 録 》作「在子中只當

即 一《語 録》作「如

舜 師 處 不 閒 毫釐之差,不 妄念,便是告子不集義,❷先我不動 動 、孔曾相傳授受只是如此 求之,③成就 ,故浩然之氣 友有之」,子中其念之! 思妄念之有哉? 心者也。 可不辨。 若只要遇境 此學。 塞 乎 此 兩 此 間 孟 子中當於明 天下古今大事 0 子 不 集 又 動 所 義 何 謂 摇 所 遇 心者也 生 道 境 師 無 摇 義 良 閒 川 動 由 堯 友 思 +

與南都諸友

哉! 乎 嘆 再 所 乎 謂 ? 不 時 可 都 傳之者,所以 然先師之心在於諸兄,不 中 得。 下 先 也 師之身既殁,追之不 朋 别,不覺七八年矣, 弟 友之難聚易散 近有 尊 愚 先 見,請質諸 師 也 也 可得 口 思 不 如 得 兄,未知 失 此 欲 也 而 八其幾, 傳之 可 會 不

> 之道 主上 比 言 爲 民 兄 高 即父母也,形生者,父母即天地也。 以孝弟爲 而 下 屋 爲 行之,無所煩 之道,必 欲 明 必因 ,先以化生,後以形生。 有純孝之心 堯 可 盡 以 孝道 封 舜 爲 |川澤,見幾而 先 ? 何 其 有 誠誠 而 君、 如 欽惟我 至 難 簡 萬 安天 欲 ,斯有純孝之行 裁 也。 至易至樂存焉,使 堯 世之至訓 示 太祖高皇帝教民榜文 下之心,使 舜 幸 作 所 其 萬 謂 ·,功易成也。今聞 民 爲 4 也。 也 化生者,天 高 弟 人人 何 必因 盖 然 欲 聞 上下 堯 請 丘陵, 君子 是故 陳 天 舜 教 地 樂 地 君

> > 151

不

動

is

良

^{●「}兩」、《語録》作「天地之」。

^{▼ 「}便是」至「者也」、《語録》作「此便是告子先我

^{▼ 「}子中」至「求之」、《語録》作「爲子中計仍當就明師

^{● 「}幸萬」,和刻本作「萬幸」,疑是。

是 本 當 君 長 下 不 矣。」「孝弟之至 親 義 之德,又 西己 天 行 也 亂 以 前 者 是 禮 天 則 人 獨 可 通 莫大於孝,孝莫大於嚴父,嚴 宗宗 善 孝 又曰:「孝者 運 是 智信 孝 也 故 而 天下平。」下焉 周 之掌 故 其 子 末 弟 孔 也。」故曰 公其 何 祀 身者 義之實,從兄是也。 治 事 爲 上 而 子 以 文 親 者 上。 已 本 焉 加 王 人 也。 矣。 . 如 者 也 通 否 於 也 於 又曰 事 老吾 : 「堯舜 矣。 天 所以 孝乎 明 求 天 于 故 無 者事 地 昔 堂 二、人 諸 神 孟 諸 老 有 之 事 者周 ? 事 以 人而 明,光于 子 己 以 諸 性 父孝,故 天 君 配 之道,孝弟 曰:「仁 夫 人 及 而 己 如 公郊祀 天下之有不孝 也。」是上 E 聖 求 人 樂之實,樂 而 親 事 帝 父莫 爲 之 人 諸 其 几 親 不 忠 貴 之德 一之實, 人, 求 親 老 海 后 大 夫 其 口 諸 人 是 下 移 長 治 而 聖 稷 於 無 義 其 皆 於 其 事 以 配 之 斯 天 所 E 人

者 者 陽 是 司徒; 禄 ; 月 也; 也。 天 之,登之天府 頒 地 位 乎 一,所以 若 以 之道 下 未 也 取 高 頒 次 孝者 取 當當 天 取 之孝也 位 天 取 能 次六 四 之不 之有 治 下之孝者,無 維 道 陰 勸 盡 月,任 在 教 持 陽 天 其 其 月 各司之次位 道。 漸 天 轉 下 以 陽 事 術 迭 使之治 下 頒 以 是 養之, 不可求全責備 以 以 則 運 者 以 取 官 孝 之不 取 至 必 也。 未 之不 頒 從 進 事 六 也; 至 擇其 諸 能 事,所 微 諸 ; 陽 孝 於 不 ; 盡 天 專 次五 立 朝 而 也 者 求 取 下 貴 次三月, 其 乎 廷 至 是 以 也 賤 全 天 術 一、天 月, 著 高 以 其 教 責 不 下 賢愚 也 位 能 也 然 子 敬 天 之孝 頒 備 所 陽 教 以 拜 以 頒 下 事 矣。 取 所 者、微 初 不 六月 舉 賞 次 以 者 以 之 而 而 能 謂 受 之 爵 天 孝 尊 在 慢 文

犯

干

也

無

天

以

是

則

然

專

天

君

償

矣, 其 下 故 下 萬 上 法 不 必 子 乎 知 陽 也 或 然 爲 先 皆聽 孝爲 用 有 陽生于六陰之中 死 孝 爲 初 而 家 人 而 非 又得 矣。 所 王 馬 戒 心 好 所 動 也孝 之元 孝 天 作 稽 教民 其 0 先 之 也。 木 者 下 以 處 昔 也 諄 微 亂 矣。 則 氣 宣 弟 有 無 萬 六 者 此 諄 人 意 盖 干 也 親 不 暢 物 行, 若 之教 ,未之有 而 以 有 孝 也 里 六 孝 其 未生 好犯 以 則 上 求 馬 者 陰 元 以 者鮮 孝 當懲 , 爲 爲 千 必 馴 氣 孝 者 知 心 而 時 上者, 人 非 聖 月 里 至 壯 扶 爲 也。 知 矣。 之性 皆 之。 者 賢 月 使之 馬 盛 養 陽 先 在 亦 格 不 而 者 至 , 而 然 是 上 鮮 故 而 其 也 懲 言, 孝 頒 糾 無 不 不 一者用 非 而 矣。 六 有 驗 之 得 陽 間 詔 民 知 天之 聖人 所 天 陰 若 也 者 謂 八 抑 斷 下 不 漸 以 心 而 則 刑 也 陰 也 有 化 命 者 使 好 而 使 亦 先 人 :

> 之機 之動 趨 是舉 哉 鄉 師 滅之 此 賊 若 孝 争 如 民 於 ? 其 仁 闘 下 此 保 一言便是 弟 日 孝矣。 者,鮮 邑 以 之。 類 人 君 也 在 歲 民 在 便是 愚 也 不 是 也 者, 下者 歲 E 而 勉之, 能 夫 父 ; 者 愛物 如 又 絶 矣。 然必 其 是 愚婦 非 若 兄 果 不 此 何 人 爲 禮之言,只此 日 以 能 然 失 道、 賊 鄉 以 時 己 皆 君 其 是 以 其 爲 在 黨 時 之 而 不 口 棄天命 子 教 是 承 君 上. 萬 以 如 本 百 能, 與 務 之,子 流 取 也 者 物 是 此 姓 與 知 之, 本 宣 ; 榮之。 不 是 有 與 也 若 化 日日 失 體 自 弟 在 不 本 能 之 日 其 故 念 便 賊 而 親 下 7 以 職 如 是上下 所 操 親 便 者 V. 人 者 者 是 不能 而 此, 縦 親 以 其 虚 是 鮮 遂 則 也 學之。 道 爲 鼓 非 至 月 人 無 而 必 矣。 生。 皆 窮 舞 月 以 道 寂 禮 只 仁

償 和刻 本作 賞」。

0

哉! 如 封 易 不可失矣。 人心,幽合鬼神,古合聖人,時合當今,其機 ? 者,未之有 至簡之道。 此道人人可知可能,上合天心,下 自古聖人作字,以孝文爲教,其旨 也。 然而 愚 不 見 至于人人君子 如 此, 高 明 以 比 爲 屋 合 深 何 口

答王龍溪

不 丈夫之能事畢矣。6 子之心,須 師之心,③未知 人」,非先生 思問 書來云:●「羅子疑出人爲師之説? 耳。」諺云「相識 知 而 孔 何? 能 子 知孔子 之學。 先 滿天下,知心有 生知我之心,知 之心否? 欲 知孔子之學, 知 孔 先 幾 而

答黎洛溪大尹の

中,隨感而應,而應之即神。先生爲民父加矣。◎是故人受天地之中以生,而動之來書所謂「動之即中、◎應之至神」,無

即

以

0

非先生而何」《語録》作「舍先生其誰乎」。

8

無」上、《語録》有「至教」二字。

二字。

致羅子之疑惜乎疑不思問吾未如之何也已」。「書來」至「問耳」、《語録》作「來書云出入爲師之説

[「]心」下、《語録》有「知堯舜之心」五字。

[「]知」上、《語録》有「能」字。

[「]而」、《語録》作「則」。

^{● 「}來」上、《語録》有「屢辱手教又承厚惠感激無任」十「樂溪」,題下有注:「如皋縣大尹,名堯勳,西蜀人。」「溪」,原脱,據目録、《語録》補。「洛溪」,和刻本作

者仁 平 爲 故 如 上 雨 有 擬 日: 地 民 哉 此 也 近者悦而遠者來, 議 方 0 而 數 成 上 政 則 如 己。 自能 擬 所 千 , 保 民 而 湯 謂 里 議 赤 受 有 有 高 是 位 存 : 子, 海 九 明 七 恤 天 此 故 潮 年 年 率 以 以 地 人 之難 擬 大水 爲 真 事 大旱,能 爲 議 何俟贅言矣? 育 何 變于下 而 生生不 以 往 如? 萬 行, 使 成 物、參爲三才者, 禹 者 以 戀 2 治之,而後 不 心 六 化 息之國本,是 而 可 誠 事自責,大 天 又何惑 追,見 求之, 昔者 象應于 天 堯 在 之 當

再 與 徐 子 直

其言 亦 :「君子 不 過率此良 足 前 者書 以 興 居 中 ; 上 欲 知之學保 或 不驕,爲 吾子 無道 之, 其 默 直思之,未及明言 身而 下 不 足 己。 倍 以 故《 容。 或 有 中 既 道 庸 然 明

> 矣。 言 之用 終」,此之謂 道也,妻道也, 也 乃 下 净 口 H. 吾良知,無毫釐之差,自能 陰雖有美,含之以從王 -,已具 哲,以 觀 故 能乾 精 以 色, 也。 今吾子直居九三危 微 無 無咎。 乾夕惕、敬慎 雖 大 八於乾 保 慮以下人, 過 不 其 陰一 也。 矣。」豈欺 能 夫 坤 身。」孔 臣 陽者, 陽之謂道。 盡 兩 將 道 述 掛 來 所謂 其詳 也 不敗 之六爻 子 或 陰 我 地 事 之主也 然聖 哉? 有 如 地 自 : 知 前 **,**弗敢 時 此 道 試 故《坤 進 也 是 Ŧi. 而 爲 也, 無 退 神 竊 + 近 ; 過中之爻, 成 成 保身之道 以 之 思 能善補 陰者 故 大 以 而 也。 此 出 易 人人,察 無 學易, 代 印 處 道 有 陽 调 證 地 1 潔

> > 155

「先」上、《語 録》有「恭惟

0

- 0 率」,《 之有哉」七字。 語 録》作 即」。 「行」下,《語 録》有「又何
- 8 高」上《語録》有 鄙 見 如 此 四 字。

孔 謂 乎?] 所謂 六. 子 兀 也 日 日 其 括 餘 於 止至 囊 以 止 此 無 善善 知 推 咎 其 也 之,上 所 無 譽, 吾 止 子其慎思之。❶ 可 下 慎 無 以 不 所 害 人 也 而 不 不 通 如 此 鳥 故 之

授, 也。 退未 隨 此 心 子直 道之篤,乃天下古今有志之士,非凡近 直,聞我至尊者道 學將 久欲 時即欲解官善道。 及細細講論,③吾心猶以爲憂也。 又聞别後沿途欣欣,自嘆自 未可 不 屢 絶二 授 É 年 得書,必欲吾慈憫教悔,於此 吾 滿 以 千年,不得 足,非 子直大成之學,更切 筆 舌諄諄 ,至尊者身,然後與道 特 於此 謙 也。 吾子 辭 可見吾子直果 已 幸得舊 · 直面 也。 慶, 會 切 冬 殊 但 也 不 我今得 \Box 出 所 合 能 能 會 傳 知 可 處 及 信 子 心 但 我 見 進

> 聞 此 此 沉 疴之疾 ,當有不 我 容已者。 命 雖 在 餘俟 天 造 面 命 講 却 不備。 由 我。 子直

孝 箴

惟 動 即 本乎天。 "静則" 念此天,無 天之天。 理,無大 父母 同 中 生 焉。 小小焉。 此 我 涵 時 ₹,0形 天不 太 天人感 不見。 極 一,號 味,萬 一有所 氣 應,因 俱 人 告我 全。 之天。 理 昧, 森 體 同志, 形 自 然。 同 此 屬 暴 然。 乎 人 棄 勿 動 之天 地 焉。 爲 天 則 俱 氣 勿 6

0

和刻

6 4

子」下, 傳」,原作「摶」,據 和 刻 有 直 《語録》、 一字

² 8 未及」,原作墨丁,據《年譜》、《語録》、 和刻

身爲大,孔聖之言。孔、曾斯道,吾輩當傳。豪,申生之天。啓手啓足,❷曾子之全。敬泰伯之天。採薇餓死,夷、齊之天。不逃待泰伯之天。採薇餓死,夷、齊之天。不逃待。」 外全形氣,内保其天。苟不得已,殺遷。

又孝弟箴

日克復,曾、孔同源。

陳義 若善,盡 父兄之愆,子弟之責。 是,終身踐 不可不識。父兄所命,不可不擇。所爲若 顏悦色。敬之篤者,恰恰侍側。父兄所爲, 自 識 理,譬 事 愛之敬之,務 親 心 從兄,本有 迹。 竭 喻 端的。 力。 所爲 所 未是,不可姑 至 其 命未善,反 陷之不義,於心 堯舜所爲,無過此 其 則。 極。愛之深者,和 孝弟 復思繹。 爲 息。所 心,其 何 職 懌。 敷 理

樂學歌

時,良 何如 樂。 樂。樂是學,學是樂。 學,不學不是樂。 此學! 樂是樂此學,學 人心本自樂, 知還 自覺。 天下之學,何如此樂! 樂 自 是學 將 便 覺 於乎! 私 然後學,學便然後 便 此樂。 欲 消 縛。 除 天下之樂 人 不 私 樂 心 欲 依 不 是 舊 萌

大成學歌寄羅念菴

十年之前君病時,扶危相見爲相知。

^{● 「}手」,原作「乎」,據《語録》改。● 造次顛沛無適不然」。● 資本報 ● 資本報 <

乃 感 + 如 應 年 此 如 之 後 芻 H 我 蕘 亦 詢 與 病 及 人 復 爲 君 奚 善 期 疑 誰 枉 ? 口 顧 之? 亦 我 如 將 之。 堯 大 舜 成 學 之 始 印 爲 終

證

隨

言

隨

悟

隋

時

躋

只

此

心

中

便

是

聖

説

厭

而

貴 自 人 此 古 師 至 與 英 清 人 掌握 雄 奇 便 誰 是 乾 隨 能 師 坤大主 大 此 隨 至 開 小 易 闢 宰 隨 至 以 我 簡 包 來 學,隨 至 羅 惟 快 天 仲 樂, 地 時 尼 真 至 隨 良 仲 處 尊 知 尼 隨 至

何 之 致 ? 知 後 學 微 吾 • 孟 儕 隨 子 同 語 樂同 孟 斯 子 X 高 之 隨 歌 後 知 又 覺 隨 誰 得 知 自 斯 此 人 廣 以 総 居 往 斯 正 又 道 如 路

之

氣

轉

不

聖 箇 都 平 正 。 3 自 中 萬 此 世 和 常 還多多。 以 2 將 往 我 中 V 説 IF. 如 道 我説 覺 何 心,心 斯 ? 道, 人, 中 清 正 風 心 便 明 中 是 箇 月 和 當 笛 口 時 人 原 高 大 心 來 歌 成 自 箇

間

感

中

太

鰍

鱔 賦

之報 存鱔 樂 息,變 身 出 纏 喟 得 而 也 通 繞 道 或 然 非 然, 人閒 氣 若 非 之 動 £ 歎 奄 而 不 或 鮲 專 生 自 奄 行 有 下, 居 鱔 爲 者 然若 率 : 於 生 之同 憫 1,皆鰍 其 若 或 市 一意。 吾 此 性 死 神 左 與 育 偶 鱔 之狀 而 或 龍 是 之 於 同 見 mi E 然。 右 轉 功 此 然, 肆 類 耳 鱔 也 或前 砌 並 前 忽 亦 其 之 乎 育 育 於 見 非 鱔 身, 雖 或 鱔 於 是 大 爲 然 後 天 道 望 通 鮲 鮲 吾 碉 聞 地 人 此 亦 鱔 得 周 從 大 之 有 鱔 穌 以 流 覆 中

158

人心」,和刻本作「心中」。

0

0

口

得

斯

人

説

斯

道

大明

萬

世

還

多多多。

路 語 語 録 録 作 作 位位 自

民 丈 立 夫 命 以 幾 天 地 不 萬 在 物 兹乎 爲 ? 體 遂 爲 思 天 整 地 車 7 束 心 裝 爲 慨 生

交作 然有 而 逝 一,縱 其 周 流 横 鮲 四 自 乘 方之志。 勢躍 在 快快 人 樂 天河, 少 無 頃 邊。 投 忽 於大 口 見 視樊籠 風 海, 雲 悠 雷 之 然 雨

鱔 生 傾 思思 意 滿 俟 鱔 將 础 有 其 甦 以救之。 於是 醒 精 纏 神 繞 奮身 覆 同 壓 歸 化 者 于 龍 皆 長 欣 復 江 欣 作 大 然 海 雷 而 矣。 雨 有

能 樊 繫 籠 乎 而 ? 不 食?」「將 日 : 否。 高 吾 飛 豊 遠 匏 舉 瓜 也 乎 ? 哉 ? 日 焉 :

無

胚

朴

請

教空空一

鄙

民

道

人

欣

然

就

車

而

行。

或

謂

道

人

日

將

人

:

之何 否。 吾 非 日 斯 : 人之徒 雖 不 離 與 於 而 物 誰 與 亦 ? 不 有 然 於 則 物 如

也 大 詩 以 示 之。

皇 州 詩 有 日 朝物化天人和 旦 春 來 不 麟 自 由 鳳 歸 遍 來 行 堯 天 舜 下壯 秋

詩

附

初

謁

文

成先生詩二

孤 陋 愚 蒙 住 海 濱 依 書 踐 履 自 家

新

誰 知 日 日 加 新 力, 不 覺 腔 中 渾 是 春

專 歸 心 仁. 循 不 聞 憚 得 E 帝 坤 \equiv 千 方 從違 里 佈 · · 此 有 春 命 志 任 惟 告 諸 希 違 君 艮 0 等 地 磋 乞 磨 斯 第愧 去取 真。

159

和 萬 鹿 袁 詩

斯。 心,萬古不 安焉率此 生貴 易 知學, 兹。 性 習 無 鳶 爲 之 魚 亦 惟 昭 無 時 Ŀ 思。 時 下 0 9 聖 我 天 聖 師 命 誨 本 是 吾 乎

儕,曰性即良知。宋代有真儒,《通書》或·

間

之。曷爲天下善,曰惟性者師。

此 書 事 學 以 之學 童 可 生 以 天下之學無 甥 友江 良 文、學武、事 時 子 爲 武 讀 以 時 也依此 習 先生 知 學 書 時 周 乎 日 有 西涂 如 ? : 爲 習 涖 也 以 一衆皆 學 者答曰 大 世 天 乃 時 事 有 良 一。一衆皆 從 再 讀 命之性 又 窮, 所 親 親 知學,作 或 顧 此 時 不 謂 無 爲 事 :「天下之學 問 者 惟 和 應。 又 事 學 皆 愕然。 答 諸 作 何 稿 君 即 : 口 有 學 友 文 此 文 良 日 有 天 時 而 時 : 可 時 皆 久 德 習 問 事 又 以 如學 先 也 口 還 良 忽 彻 在 事 雖 時習之?」内 牛 依 以 無 知 有 天 坐 君 文,有 問 此 時 無 命之 童 時 事 可 諸 也 ; 良 習 日 窮 在 無 子 以 如 友 知 乎 不 如 時 亦 乃 時 性 业 以 日 學, ? 諸 依 讀 習 有 又 如 皆 先 口 .

> 不 或 口 慮 與 也 言 而 始 知 可 貫 、不學而 與言 矣。」 專 嗚 能者 呼 矣。 也 ,故并録之。 如 啓 童 子 者 子者,乃 童 子 也 所 謂 始

示學者

事,多事亦不錯。 人心本無事,有事心不樂。有事行無

又

此 道 能 分 無 誰 爲 弗 兮 爲 無 弗 爲 爲 此 能 道 無 分 誰 知 兮 復 知 無 弗 知

知

次先師答人問良知

知得良知却是誰? 良知原有不須知。

友

皆

有

省

悟

先

生

喟

然

嘆

信

子

者

從

四〇

而 今只 有良知在,没有良知之外知

天下 江 Щ 覽詩六首覺友人

都 道 蒼蒼者是天,豈知天祗在身邊?

果 能 會得 如 斯 語,無處無時不是天。詠天。

世

人

不

肯

居

斯

下

誰知下裏

乾坤大。

萬 派 俱 從 海 下 來,天大還包在 地 下。 詠 下。

0

0

惟 有 源 真 機 頭 來 活 活 潑 水,始知千古不 春江,變化 魚龍 磨江。 自 此 詠江 江

心於寶自然得,纔着絲毫便隔 瑞 氣 騰 騰 寶 韞 Ш 如 求 珍 寶必 Щ 詠山 登 Щ °

無

自 茫茫 然 常惺惺,❷便爲 何 處 尋 吾一,萬 天 下人第 化 流 形 宣 0 著 詠 0

得

靈 根 纔 千 動彩霞飛,太陽 書 萬 卷 茫 茫 覽 一出 不 如 天地覽。 只 在 詠覽 處

題 淳 朴 卷

景,何以見文章 片青天日 隱 然星 斗 藏。 未曾當夜

贈 友 人

參,利名關不住。 看破古今爲,先生志. 何 處? 欲 與天 地

161

送胡尚賓歸省

家 衡陽, 遠 來路 六 干。 專 心 求 我

0 2 然」、《語録》作「能」。 此」、《語 録》作 在一。 離 者 焉。 年。 道 寒? 學, 善、大成聖 知 敬 位 脩身乃 無 性 往 將 育 犯 即 即 皆 此 而 學全。 \equiv 立本, 知 學 由 無隱 天。 年 我, 傳 枝葉 怨 至易 又 孜 立 殷 尤 明 孜 志 勤 即 自 而 孔 問 荷 新鮮。 再 失 至簡 學 孟 不 焉。 叮 焉。 學, 勇 囇 焉 至 繼 誠 9 如 既 萬 近 能 有 絶 能 聞 負 至 相 止 耐 堯 别 信 神 至 千 舜 歲

次 先 師 陽 明 先 生除夕 韻 0

東 元 西 無 南 此 道 北 内 隨 外 雖 吾 貧 大 往 樂 坤振此居。❸ 明 有 2 萬 春 餘 世 夏 有 秋 還 終 冬任 知 初 天 彼 地 雲行 除 以 吾 雨 混 廬 施 沌

風

雷

動

闢

闔

乾

勉 友 人 處 木

機 容 爲 處 皆 若 能 肯 得 是 發 吾 則 千 爲 鈞 心 品 窮 弩,一 有 品 通 主 利 壽 欲忙 張, 柁 夭 只 堪 便 ? 如 驅 逢 常 萬 顛 斛 沛 願 航 也 期 無 學 動 傷 到 静

寸

云

次 友 人

從

簡 念 易 頭 成 動 人 室 疎 處 先 略 須 當 須 務 升 謹 盡 此 精 舉 堂 足 微 聖 人 之 細 間 賢 詳 學 不 術 可 孝 忘 贵 弟 多 家 莫 方 邦 大

0

此

詩

語

録

題

作

和

董

羅

石

²

語録 》作「人」。

³ 此詩《語録》 振此居」《語録》作「摠□ 題作「和何塾師 韻」。

真 可樂,通乎天下路 頭 長。

次 答 友 人

無 梅 \equiv 陽 花 窮 盡 纔 若 到 雨 吐 要 處 白,不時 聞 人 霽雲收只太空。 啼 間 鳥 積 雪 杏蕊又舒 融, 氣 周 須 流 從 紅。 見遠 臘 底 化工 鴻。 轉 東 生意 今日 風

和 王 尋 樂韻

不忘 聖 師 爲 此樂 專 積 以 多言 善,時時省提 良 知教,賢 無 處 尋,原 友當爲切己箴。 惜分陰。 來 還 在自 意誠 家心。 心正 念念

身脩後,天地參同貫古今。

勉 學 者

西 然人好法,猛 風 乍 起 季 秋 充仁 時, 信 信 將 寒寒至

寄東廓先生

天道

尚

義莫教遲

有能善立 東 海 潮 灘 頭 頭 舞,不用萌 老 坎 高, 俯 蘆 觀 匪 海 IE. 操。 内往 來 潮。

送 友 人

數 年 心 朝 融, 着實擔當樂未 窮。

0 此 詩《語録》題作「喻學者作」。

懷 歲 上 期 月 賴 我 何 聖 友 時 師 文 莫將 陶 I 冶 ? 力, 意 蕩 **0** 下 見泥 蕩 乾 承賢 胸 坤 中。 到 友切 處 容。 磋 功。 述 此 悠 情 悠

書 荷 軒 卷

中 爾。 耳。 朋 子 心,焉能 和 荷荷 使來 以 欣然歸 能侍 周 太和 胡 此 軒 子 子 同 四 翁 知 感天 善 愛 遠 千里。 多覺。 如 造 蓮 復 Ш 來 此? 師 始。 師 地 花 學, 2 如 以 同 印 覺 構 又師 有 斯 見 蓮 樂 得 證 軒 子 而 爲 太平歌。 心 善 善 荷 良 洛 已矣。 君 中 人多 村子。 知同 池 総 樂。 子。 上 志 , 使 册 號 朝 若 樂 胡 之 稱 廷 得 葉 非 生 師 知 荷 荷 善 追 君 政 遠 所 教 思 子 軒 軒 H 來

尺牘補遺計八扎

與薛中離

此 師 分 而 也,故曰「復焉 安焉之謂聖」。 哉 知與不 良 不知,故曰 ? 知 良 之教卓貫千古 知 别後先師家事 者 知 聖 而 以 執 也,安焉 知 已矣。 焉 先知 其 便是賢」。 不安而安之者,復 覺 微 變更不常,其 者學 此 後 吾 簡 知」。 兄 也, 易 其 惟 之 故 百 是 道 孰 日 聖愚 間 姓 能 也 性 與 日 其 細 微 之 用 於 先 性 焉

「力」、《語録》作「傳」。

0 0

越, 先 當 陳、吴二夫人送 離 得 久 何 于 以 不 主 者 未 請 未 曲 了其微 菴 危 定,未 險 王 師 時 以 爲 究 母: 先 知 折 遂 一、何 瑶 太 安 險 諸 先 師 其 而 與 家 雖令弟 夫伯 哉 之 湖 樂村 師 母 不 立 所 内 得 .善 意 可 地 之主 贊 ? 淵 安, 夫 以 , Ш 輕 翁 有 其 無 微之意、 人以 決 顯 然 婿 立 竹 約 遂 則其子之不 所 召 其 李約 危 大 也 歸 相 由 齋 使 居 在 弟 爲 險 汪 各得 處,吾 請 性 自 億 也,正 先 商 盖 商 衆 齋之力,遂 白 至 安。 遠慮之道 至再三,先 剛 量 弟 生 機 議 婦 泉 此 陷 無 拯 耳 其 不 輩之心 之主 恐諸 懲 数,至 容 0 母 於五 ·安可 聞 所矣。 可 1,使 謀 戒之後, 幸 古 目 泄 母生子 鬼謀 得 如 師 拔 婦 知矣。 擊 始 Ī 南 師 輕 故 此, 歐 人 億 IE 其 安 都 7 不 耳 0 已定, 之 : 後 矣。 南 億 誓 吴 億 之 以 É 于 手。 吴 出 埜 不 母: 夫 我 壓 弟 爲 德 向 此 跙 夫 後 人 危 又 黄 至 處 人 輩 於 然 性 嘗 猶 又

> 其 況 誹 先 魔 與 力 人 而 所 他 誹 焉 師 障 焉 只 非 先覺 E 以 人 日 口 口 可 然哉 哉 甚 還 也 我 品 ? 之明 輩 歸 不慎 雖 品 ? 此 原 IE. 此 有 所 也 便 當 職 乎 微 故 <u></u> 能 是 盖 任 ? 日 意 與 此 復 錯 古古 贵 同 三從之道 也。 焉 又 改之, 能 志 X 在 執 亦 其 馬 悔 吾 操 使 吝 不 之道 兄 遍告,使之 戈人室矣, 知 吾 生 消 姑 此 乎 億 息 叔 4 動」, 意 權 弟 門 無 者 度 後 負 人 古 之 知 而 遂 於 無 不

與歐南整附歐扎

貴鄉里曾雙溪至,知久菴公丁憂,正億

0 0 0

[「]五」、《語録》作「丑」。

[「]得」《語録》作「以」。

[「]復」、《語録》作「改」。

持 知 弟 何 果 隨 相 如 豫 留 何 能 歸 謀 未 終 萬 其 初公言 全之策 知 所 如 願 何 以 否 處之? 也 死 ? 保先師 保 孤 调 望 越 於 兄 今日 脉 與 恐 之孤 龍 伯 事 溪 顯 勢 兄 老 扶 夫 如

附 歐 扎

之釁 骨 口 來 但 或 育 復 籌 志 肉 處 爲 浸 之 之雅 之 淫 量 也 事 Œ 跡 久 不不 恩 亦 菴 聦 以 輒 求 老 非 X 抑 恐 能 有 善 先 但 成 於 亦 違 其 自 爲 於 生 立之道,抑 邪 言, 於 長 己。 調 僻, 取 正 於 伯 護,使 聰 恐 正 顯 盖 重 婦 誹 聦 有 及 遺 非 人 育 翁 誹 各 亦 之手 兀 先 但 壻 之 H 不 慮 方 以 人 之 甚, 宦 之羞 蒙蒙 失 士 同 正 義 邸 其 友 或 志 聦 養 有 老 啓 諸 保 亦 也 弗 體 友 嘗 道 師 無 抱 端 之 往 非 義 有 窮 鞠 反

> 草 情 愛 伯 草 顯 ,然觀之日 也 奉 亦 聞 將 伯 惟 喜 顯 而安之矣。 有 前 萬 書 萬 雖 若 欲 留 割 恩 正 執 舍愛。 聦 事 幸 自 委 徐 是 曲 觀 大 成之。 其 義 至

與 林 子 仁其

自

則 自 在 師 自 講 誠 明 友 誠 明 矣 講 而 而 而 明 明 誠 誠明謂 己。 是 功 也 世 故 夫 如 如 故 學者之於 頭 此 此 之性。」苟 日 腦 ? : 并 學不講 故 自 出 師 日 明 非 處 : 友 誠 生而 進 不 少,切 謂之教。」 誠 退 明 磋 則 知之, 時 明 宜. 琢 矣, 磨 焉 苟 焉 專 明 非 能 能

再 與 子 仁其二

别 來 不 覺 載 矣, 屢 承 惠問 感 激 殊

意 第 深。 義 又 始 得 聞 也 龍 高 故 溪 中 學 先 而 外 生 居 諸 無 要 政 友 地 0 切 誠 磋 政 有喜 學日 外 無 面 學 益 不 明 寐 是 故 此 之

堯舜

相

傳

授受,

允執

厥

中

而

己

矣。

故

孟

子

吾 乃 求 子,必三年而後 東 此 吾先 其萬 2 城 惓惓於懷,萬 推 師 全之策,必以 經正,庶民 此學之所自,必 脉 之 有成。 孤 興 望青 也 此 有志 爲 斯 愧 目 自能 是 無 我 矣。 於忠 幸 邪 勢 照顧 甚 慝矣。」雖 不 君愛民者 幸 王 能 甚 正 矣,豈待 相 億 ! 隨 諒 看 孔

再與子 仁其三

謂 其 默 爲 大知 足 舟 以 中 容 所 也 即 論 3 人有道,其言 大舜隱 吾 東 城 執 惡 揚 此 善之 中 足 以 而 用 道 興; 此 之, 無 所 則 道 徹 以

上徹下,是爲明哲保身矣。

奉緒山先生書

謂 人 非 者 孰 大 古 與 非。 性性 乎與 無 一良知 又以爲 能 無 不 先 與 不 也 生倡 知,然亦 此 人爲善, 於 知 處 非者 即 此 者,真實無妄之謂 也 亦 道 是 哉 好 京 非 ? 非 將從 有 如 師, 商 之心 先生樂取 蔽 近 量,不 念之 興 人乎, 處 有 起 也,一 學 多士 得 動 如 者 將 諸 子 放 念 一,是故 問 也 從 自 人以 · 貢 過 動 己 以 日 欲 自 「良 乎? 爲善, 爲 去 夫 能 或 君 是, 告 良 辨 是 子 子 其 是 莫 朔 知 而 知 或

- ●「故」,和刻本作「夫」。
- 「故」,和刻本無此字。

2

③ 「以謂」,原誤乙,據和刻本改。

使其 之道 矣。 之道 之、餼 呼 以 簡 爲 事 何 以 諸 言 齊 勿 之畜 易 其 V. 多 也 毁之矣』。 王 孔 往 道 以 末 ? 識 也 乎 爲 然子貢 行 欲 羊 子 良 德 毁 日 窮 是 而 生其間 以 是 説 五. 而 則 貫 示不 明 知 理 求 貫 者 + 以 故 而 孔 堂 者 爲 多學而 爲 以 若 之一。 支 謂 何 以學易 子 學 正 以 良良 之主 是 明 多識 離 子 非 ^ 諸 而 日 朱 則 詩 之, 外 貢 聖賢 知 先 孟 子 而 識之, 孰 爾 本 **>**, 之病 之 求 不 覺,考諸 子 以 多 此 者 知 可 愛 達 無 用 救 而 陸 識 而 致 日 其 以 其 夫子 以 乎 良 其 也 失 正,不幾於 多 良 子 羊, 是 窮 無 王 ? 之 簡 言 知 識 大 知 非 簡 理 古 欲 又以 體 之 也 易之本 . 3 我 之道 昔 前 易 過一, 而 爲 訓 不 本 故 行 愛 用 言 從 者 爲 非 學禮 也 爲 王 其 之乎 孔 則 多 毁 非 陸 往 彻 前 簡 非 原 政 禮 識 朱 子 行 先 子 可 也 子 易 見 ? 鳴 以 以 徒 觀 前 則 日 無 王 ;

之,果 堯 憂,不特. 啓 明 説 多 也。 心 己之是而從人之非,非至 知 M 孟 也,是以 於世 乎 之禪 識 吾 明』,堯曰 而 之,將以反 子 堯 ? 君 用 前言往 日 充 至 日 『是非 之,非 之子 也,久矣。 其 蕩蕩乎民無能. 不 而 1 敗 是 特 静 乎 又 績 非之心 二點 行 而 言 之心 堯 澼 天 説 仁 以 立 位 下 訟 仁 庸 約 乎 几 蓄 之,不 -,亦仁 丹 於堯之子 昔者堯 也。」嗚 ? 違 岳 則 口 德矣,故 朱之心, 不 乎」, 皆有之』, 不 方 名 知 知 幾 於 命 能 欲 焉。 呼 不 而 仁 於 丹 是 圮 拂 治 可 ! 者 薦 失 使 朱 以 岳曰『 族 兀 之, 水 : 勝 不 亦 堯 朱 當 不 此 也 岳 用 能 失 博 仁 得 時 兀 陸 簡 過 之 堯 既 胤 與 丹 之 之 舜 舜 岳 學 易 也 而 朱 於 人 子 辨 之 即 爲 而 薦 而 達 ; 天 皆 朱 受 此 詳 諸 道 己 舍 堯 不 用 几

^{■「}堯」上,和刻本有「失」字。

之。 下 是 禪 矣』。」鄙見請 下之心也。 人,皆由己之德 ·,皆不爲 : , 非 明矣。 避之者,遜 也, 而 此是 也。」此 故孟 又不忍逼 也 之 非之又 子 也, 明其裁示之。 先 曰:『行 孔 子 是 師 堯 難 日 故 之 所 明 子 順 謂 盡 也 不 乎 于 _ 美 致 義 宫 天 舜 V 知 中 盡 受 而 而 焉 得 堯 善 應 而 盡 天 乎 避 之

答林 養 初 書 林東

E

高高

於 謂 以 者 不 賢 道 尊 不 未 能言 皆 知 矣。 賢 來 之有 有 人; 也 書 也 所 見 ; 尊 也 得 思 知 孔 所 0 | 吾 知 天 子 述 明 人,不 日 孝弟之詳, 中 養初 謂 此 : 庸 聞 良 孝 能 可 道 謂 知 愛而 無 以 也 : 之 不 終 非 學,聞 思 親 始 知 身 如 事 就 天 州 親 而 之, 親 天 中 履 患 知 命 不 某 歷 口 不 謂 某 及 者 口

> 交,則 之忠; 志 矣。 性 則 不 而 備 禦,以言乎 ; 無 可 父母怒之,勞而 矣。」養 以 扞 無 謂 以之事長,斯謂之弟; 之 格 所不 聞 事 怨 道 初 親 尤 通。 邇 矣。 能進 斯斯 矣。 則 故《易》曰 静 於此 謂 聞 是 不怨。 而 之孝 道 故父 E 可 以 則 母 謂 以 自 中 言 以 悦 之事 大孝矣乎 有 和 以言 乎 至 之,喜 愉 之 於天 天 君 色 氣 地之 乎 惋 斯 遠 下 在 而 之 我 則 謂 不

王 道 論

睦 序 者 謂 書 ,朋友 不 ,父子有 王 w 婣 道 孔 者 子 有 不 日 刑 親 任 信 存 君 是 期 不恤 天 也。 於 如 臣 理 無 有 有義 造 人欲者 遏 刑 王 言亂 人 者 夫 欲 此 婦 民 必 不孝不 而 干 有 是也。 世 E 渞 别,長 矣。 而 世 後 存 幼 天 夫 仁 不 所 有 理

食之; 興、民 寡 巧 非 于 道 苟 虚 饑 無 民 驗 位 理 寒,不 代貢助徹之法,後世均 比 詐 縻 節 世 有 不 養 也 而 爲 亦 則 定業 0 外 0 游 風 無 而 之 之 不 自 屋 人 民 風 今天 俗 乎 有 益 盖 疾 口 口 口 無 人 欲 各 俗 均 務 之 淳 刑 道 而 得 得 封 惡 蠶 自 皆 奢 下 費 本 因 用 也 也 矣, ; 衆 節 之, 教 力本 遏 靡 9 \mathbb{H} 節 Ż 惡 唐 皆 不 而 之 制 刑 用 舒 百 所 公 饑 而 天 今 歸 沈 制 有 不 將 而 寒 人 謂 輔 欲 用 理 農 用 而 如 方, 定 己。 安 從 而 民 切 政 必 而 有 財 此 惡 上 施 而 田 身 人 得 而 則 見。 經 冗 則 刑 用 大 下 古者 游 乎? 限 衣 耕 其 衣 食 生 而 無 措 有 無 之,欲 重 養 民 田 之,十人 是 食 欲 游 者 不 不 衆 教 之議,口 本 經 田 足矣。 故 然 足 衆 在 民 民 用 有 養 抑 多 之不 堯 養 而 去天 民 無 故 而 末 定 而 之之 之 民 從 禮 舜 食 制 所 是 制 生 志 分 其 者 下 爲 用 義 其 使 無 而 容 在

> 之法 又在 文 仁 , 徒 之學,皆 備 業 百 近于禽獸 ,民皆安之,而 其 2 藝, 矣。 之 以 以 歸 聖 意 鄉三 聯 於 制 義 而 日 明 教之有 善。 屬之,使之相 昔 不 中 六 倫 所 必 物教 也 者 泥 藝 矣 和 以 之 堯 故 其 使 教 ; 明 方。 人 禮 萬 不 凡民 舜 契 迹, 人 心 也 樂 民 見 在 爲 倫 和洽 日 而 射 而 其 行 之有 上 親 司 教 又 也 六 賓 御 擾 之 相 徒 爲 0 憂 之 行 興 矣。 書 有 德 教 睦 方 有 之,一 是故《 民 比 數。 9 漸 行 口 孝 間 之 方 相 所 以 才藝者, 棋 友 • 糾 逸 則 族 先 謂 人 周 日六德 酌 睦 通 相 黨 德 居 唐 倫 人 禮 行 婣 勸 州 無 變 行 虞 心 大 9 必 得 鄉 任 教 和 而

代

司

代

而

洽

宜

師

世

Ŧi.

0

刻

本

以

後

卹

智

8 2 0

糾

本作

孝 有 和刻 原 和 作 刻 本 作 據 和

之末, 藝、悉 忠信 之。 者。 賢 是 專 以 任 天 閑 夫 見 行 族,族以 於人 子 則 以 與 取 學 德 也 天 是上下 及 是 拜 善 爲 天下之賢 禮 之, 行 以所舉者以 以敬 而 其 倫 故 己功 下之人 義 取 而 鄉 世 告黨、黨以 功 師 受之,登于 士。 大夫 鄉 在 H 廉 名富 賢之禮遇之,不若 保 不 皆 舉 上 用 耻 精 入舉于 爲 以 以 里 趋 父兄 者 之間 之間 神 敢 貴自 選之 爲 德 爲 善 于 專 蔽 命 是 告 輔 行 也 德 以 司 以 夫 脉 天 不 在 而 • 州 時 相 ; 德 勉 行 德 徒 府 下之賢 其 復 在 不欲遺 之, 上. 行 而 行 使 州 比 鄉 躬 中 答 可 下 下 不 教之,子 舉 以 以 鄉 之人 徒 矣。 者 心 行 司 後 流 士: 復 是是 告 告 人 專 于 實 馬 薦 世 考 通 鄉 間 天下之賢, 故 以 無 舉 功 践 在 論 以 之 其 勸 在 德 弟 天 猜 日 名 于 F 德 間 不 天 才 而 天 子 下之 E 孝 者 信 以 新 下 富 行 而 忌 行 鄉 以 , 2 者 告 之 貴 弟 德 專 大 之 月 祭 授 防 才

> 盛 叟、 宗 皆 舉 者 仁 來 人 藝 瀚 師 而 而 先於 非 以以 趋 矣。 人 爲 士。 而 登 於 保 義 兒童 君 於 以 爲 天子 蔭 務 辭 不知 至愚 教,而 父兄 文 子 文藝矣。 文 章, 在 子 走 孫 盖 藝 Ŀ 藝之末 之堂,以 道 夫愚婦皆知 汩 比 卒皆 矣。 不如 勉之,鄉 以 者以 所以 德 没 屋 文 仁 於記 故當 方其 此 可 知 藝教之,子弟 文藝 故 取 義 榮父母, 封, 欽 ,則不足以 士者 人以 爲美,亦非不 誦 上 敬 中 時 取 所 未 有 ,故學校 式 之士,自 士; 無 以爲學,而 文藝榮之,而 不專以 好 之 之 以 書 有 在 者 時 建 無 應 以 下 下 也 道德 之外 功 朝 夜,專以文 幼 文藝學之, 雖 者 必 知 業、光 廷之選 至老,浩 \blacksquare 後 有 以 以 不 夫、 文 甚 道 世 至 雖 義 野 祖 蓺 焉 德 以 于 王

2 0

下「以」字,和刻本無,疑是。

[「]以」,和刻本作「於」,疑是。

貴, 宫、 當 科 制 讀 先 德 變 哉 無 所 潤 哉 于 才之 仁 德 ? ? 重 貢 法 而 日 不 窮 雖 或 而 于 至。 之 義 並 行 通 而 鄉 嗚 莫 至 所 都 不 之士 之,惟 類 其科貢之中, 苟文優 科 行 制 而 下 呼 傷 知 以 口 不 後 而 貢 府 邑 孝 如 風 飽 廢 贵 拘 以 冒 文藝,廢 取 郡 弟 漢 愚 敗 食 在 成 言 非 犯 果 爲 之 當 之之法,科貢 之賢 忠信 俗 夫 煖 重 數 至 古 Ŧi. 有 學 賢 于 衣 愚 師 於 刑 輕 校之 真 所 科 士 務 良 月 禮 儒 婦 誅 此 生 謂 逸 才, 大夫,一 貢 得 方 書季考之繁,復飲 義 之官 師, 滅 之外 居 之不 不 又 真 可 廉 正 而 倫 無 才, 而行劣者,必 教 安 耻 不 位 孝 之 别 其 賊 教 勝 之學矣,而 皆文 痛 而 知 選 列 其 廉 典, 設 教之也 其 君 心 殺 所 亦 天 賓 而 ? 、誅,刑 棄 祖宗 芒 藝 下 以 出 近 興 我 科 父, 之 之 民 于 爲 進 之 太 今 在 道 典 欲 者 之 是 衵 與 舊 射 必 禽 學 況 無

> 終 偏 卿 措 漸 矣。❷ 於 能 行 砥 德 意 所 雖 興。 此 講 思 朏 歸 以 不 義 礪 行 於荷 學 用 磨 爲 自 ; 惟 不 而 以 夫養之有 行 率此 明 重 行 淪 無 而 以 惟 趨 焉 優 理 膚 德 末 而 於道 而 道 而 浹髓 藝 躬 代 時 卒 行 流 已,非 文 也 爲 行 道 之治 騳 亦 是 爲 德 雖 以 道 輕 于 而 虞 務 不 主 往 劣 王道之大 民 上 之效 可 可 德 義 如 則 者 以 生遂、教之有 使 致 而 幾 口 之域 此 大 倡率 隨 悠 矣。 矣。 天 亦 則 哂 下 在 士 也 世 就 之, 風 不 荷 然 而 之 所 皆 以 簡 俗 變, 3 不 非 民 人 取 則 争 就 可 興 補 知 天 曉 徒 方 自 功 百 子 則 從 法 然 精 弊 而 可 刮 救 事 神 刑 仁 民 行 磨 知

興可行」,和 刻 本 作 行行

可興」,疑

⁸ 2 0 上「之」字, 悠」,原作「攸」,據《語録》、和刻本改。 和 刻 本

大之規 先 王 又 象 民 日 之政 : 陰 爲 陽 依依 人君 自 人心 者 然之勢,以 體 簡易之 天 地 天下治天下 理 好 生之心, 因 祖宗 IE 布

每

里

以

方

Ŧi.

百

四

+

畝

爲

品

内

除

糧

田

官地

均分草蕩議❶

斯

沛

然矣。

矣。 票, 界。 作 據 界受業 一之事 事 ,隨分隨亂,以致争訟。 上 謀始不詳,可 經界 盖經界不 裂 一有圖 則 也 土 有 封 定, 其 疆 也 下 定,則坐落 ,王者之作 事 守業 則 是 體 不慎 坐 故 雖 後 落 均 有 歟 分 雖 分草 大小 也。 1 不 明 是致民 日 明 久 之殊,而 蕩,必先 上下 均分草蕩 有册 再 之訟 皆 無 定 於 由 無 紊 下 於 經 憑 蜀 給 經

濶 狹 ,定經界。 不 同 本 塲 本 Ŧi. 塲 + 東 總 西 每 長 總 五 丈 + 量 餘 里 一, 南 里,

北

段 萬 實 書 住 每 等 受其 四四 年 寫 基、竈基、糧 項 丁分該若 (,共計 之久,再 明 散 業。 白 坐落 着 若干 後 干 落 無紊亂 某 遇 田 頃 頃 本 里 逃 畝 、墳墓等地,不拘 總 畝 某 各隨 亡事 本 品 本 品 内, 故 原 塲 頭 給 隨 立 産 與 票 定 千 草 印 承 界 Ŧī. 十段二十 蕩 信 業 埻 百 灰 紙票, 餘 明 雖 T 白

i

齋

先生全集卷之四

終

1 此文似未竟草稿。

重 **- 鐫心齋王先生全集卷之五**

楚黄 樵 李 耿 定力 全梓

海 秣 岱 陵 蔣 焦 如苹 並 全校

代 宗 孫 王 元 鼎 補 遺

四

餘 諸當道作 興 事 遺

譜

世: 宗嘉靖十九年 府 朱公 一雙橋 庚子,冬十二 懷幹奠文。 月 ,揚州府 太

内 言 嗟 夫 英賢翕 晦 幸 ! 孔 賴 然知 陽 子 明 殁 所 夫 而 振 大道 子 奮 倡 乖 絶 先 學 周 生 於 程 起 東 喪 布 南 而 衣, 海 微

恨

不

能

復

見

先

生之

面

而

其

教

者

猶

赤

子

之失慈

母:

也。

嗚

呼

! 聞

世之學道

其宗

質政

論

事者

失

其

主

摧

心

喪

氣

至則先生其

(已矣,

海

内

考德問業者失

雲,油 數百 生。 後學 之學 能,正賴先生啓我 懷幹昔也待 者 行於天下,先生之教亦遠 表著、得先生之傳者也。 淮 輔世,不求其名。 以 真陽 閩 道 ,道足 自任 若林子子仁、徐子子直,是 ; 廣之賢,聞先生之風 然不忍去矣。 良知 明 雖 以 之冉 師 罪 之學,獨得其 三尺童子,皆 謀 事 海 王,不 陽 関 陵 明。 勉仁之教,尤倦 良心,惠兹黎庶 舊親 而 兹叨 求其禄; 濂 剛 洛之 守郡 毅 教 陽 而 知 矣。 真 之資 範 鱗 傳。 明 有 遺傳 集 德 之 若先生 心 愚 和 則 學 齋 昧 惓 足 風 行 且 淵 也 也 慶 無 誼 先 殆 江. 於 泉

矣,孰 先 生 世 者 多 之 生之教者哉? 之 熟熟 矣, 於 知 有如先生之 陽 師 有 孰 者 明 鼓 有 者 多 舞 信 矣, 哉 之速 道 ? 既 世 孰 之 之 殁 如 世 篤 有 而 以 羣 之 能 如 感 道 弟 以 先 自 終 人 子 道 得 牛 之 身 興 淑 者 師 真 者 起 哉 人 如 切 多 於 先

泉 高 及 傳 而 之 縣 Ш 興 ,景行, 十,先生之道 無 大 起 尹 窮者 焉者,又未 西 在望,拂 蜀黎公樂 哉 ? 在 鳴 必 袂 百 呼 無 溪 西 世 堯勳 其 風 不 人 聞 先 奠文。 也。 生 先 勝 > 生 順 仰 之 年 叫 止 風 不 如

是

者哉

?

又

孰

有

能

総

先

生之

統

而

如

塘。

羣公

多

1

剪

燭

共

聽

羅

坐

榻

玄, 師 真 仰 心 惟 先生 一不加 先 先 生得 真 生 趨 心 毫絲。 其 崛 師, 惟 趨 起 何? 振 道 海 贵 在 濱 末 不易簡 不 于 是 學之 兹。 由 良 指授, 卑 ? 陽 知 哂 0 明 易 默 障 鳴 簡 良 契 其 狂 知 即

> 貌若 之在 之章 隨 示 下 蹌 止 Ŧ 爵 瀾 中 及《大學》 乎 巽 里 之 吅 而 隨 喬嶽 萃止安豐。 和 會 以 不 東 峰 歌 應 之, 位 追 足 攸 暨 韻 之孤 育 縻 隨 同。 有若 東 慨 其鏘鏘, 之 中 然 城之往 念昔 松。 功。 故 以 庸 洪 余乃率臯 先生力疾, 鐘 ***** 師 先 載 己 口 時 明 道 從。 亥 生互 命 若 海 精 遠 爲 賢 庠 懸 之 稽 内 己 時 答,聲 冬, 郎 河 執 據 多士 豪 任 堯 有 以 中 舜 榻 傑 歌 雙 聞 漠 東 之旨 周 雍 浩 振 橋 念 不 亦 然 孔 浩 林 蹌 遠 戾 庵 好

于先 恍乎 恐 子 迂 ,余于先生 弄 元 若 氣 生 吟 之内 亦 暮 濂 微 溪 春 有 之 童 傷 亦 所 鄉。 冠 信 商 之 先 其 量,意 歸 時 生 憂 羣 咏 亦 深 公之既 講 不 嗒 mi 解之過 乎 以 説 余言 若程夫 别 子 爲 自

材,精 以 令子 然先 使 嗚 斯 則 遑。 是 先 歸 孔 文 呼 門 生往 生之 盡 及 别 子 之 傷 神 余北 而 見 哉 而 下 命 遂 矣, 玉 尚 殃。 1 實 脉 英 成 上 己 在 垂 而 ,遍于九垓。 才 辭 藏 謹 先 不朽於將 道 商 夫 章 興《詩》立 贵 遣 生 豊 日 悲哲人 書 遂 隨之往 兩 無 熾 翰 亡。 生,用 天 正 正 來 雖 是 、喪予 禮 之 哉? 比 殷 學 雖 告茫 成成 既 余 之 孰 請 乘 萎,嗟 歸 哀 大 德 開 謁 庭 茫。 來 化 達 前 未

明 濂 周 息。 元 漢 孔 氣 洛 豪 ,本同 以 篤 之 傑 來 生 無 在 輩 斯 聖 欲 天 生。 太 人, 原 地 道 公, 子子 間 索 卓 繼 然。 哉 真 天 發 輿 真 機 立 私 育 有 傳 活 極 淑 萬 宋 、仁義 潑 物, 嶺 哲 是 人,挺 南 周 故 天 越 七 啓 堯 流 篇 中 生 舜 不

十

年

辛

H.

春

IE

月

祭酒

鄒

公

東

廓

守

益

憲

副

王

公

璣

郎

中

 \pm

公

龍

溪

畿

縣尹

陶

公

悦、李公□□

一弘奠文。

之神 其 待 明 妄 滄 嗚 飛 相 孔 有 先 而 彷 授 欲 海 罪 型 呼 因 托 孟 生之出 脱 彿 之深。 逐 泝 ? 地 1 正宗,天民 受良 去 直 , 矧 流 始 方與 居 淵 未 見 指 而 過 鄙 真 泉 海 及 知 聞 本 窮 雖 闕 同 陋 元 溥 濱 摳 先 體 及門之士,猶 里 先學。 之人,又何以 太 博 會 志者日事 載 趨 生之 密 千 合 和 道 謂 于 廣 邇 聖 先 元 聖 源 而 0 大 先 先生教 適 百 氣 還 生 口 無 生之鄉 討 之門。 應 心。 師 垠 存 沛 論 昌 或 知 之斯 人,樂 乎真 其 期 魚 既 其 未 悦 餘 躍 縱 等 運 盡 頃 見 吾 樂。 存。 學 鳶 用 得 觀 以 牛 陽 道

「真」,據文義疑當作「貞」。

0

明 化 子善攝 子,倡 海 龍 盟 糗 斯 之志 文未喪。 子不云乎? 嗚 日 行,穆穆 之 卒 保孤 既有 馬 遷 呼 濱 7 亦有言 ? 海 ! 而 歲 道 生 望 鶴 聞 謂 夫子返 嗚 恤 弗 于洪, 熙 子 之性 子 自 薰 降 名 顏 謂能 貌昂 呼 婺。 熙 離 有 潛 遠 可 德 太 任 傷 强 學, 布 越,子 子 近 闔 藏、忠信 永年 嗟 陽 彌 而 賙 哉 號 力 衣 闢 力,靈 也 良。 嗟 窮 從 ! 召 矯 粤堂 而 毅 經 法 師 地 同 矜 矯 復 風 超 然擔 綸 胡 俯 門,子 哲 服 遐 愚 與 是 堂 動 凡 根 之 爲 世寥 徒 化 依。 企。 俱,攜 其 縉 是 才 人 遘 當當 人 以 爲白 云 成求,大 步以 聖 一、萃我 Ш 紳 疾 廣 寥 行於鄉 緊昔 篤 孝弟之 之資 奄 Ļ, 7 善 一,尚 家 迹 實 眉 類 嗟 爾 負 本 別 百 斯 夫 澼 友

> 之? 之? 既 師, 失 高 視 其 古 援 莫 自 道 逝 誼 孰云韙之? 之弗 者 逆,永矢弗 任 于 豈氣化之適 子有遠業,孰與究之? 其 黄軒 鳴 ? 如 呼 競。 益等辱交于子 斯,畫 傷哉 方大 衆方訾其揮霍 諼 2然,將 道 上 夜通于一 子 以 曠 下無常 有 千 並 與 幾 大 馳 古以遐覽 時 息 二十年 志 惨 而 9 了,孰云 孰 偕 出 孰 中 云 極 與 涂 9 試 爲 就 諒 相 ? 而

奠文。

禮部尚書歐陽公南野德奠文。

然任 奇。 逍 辭。 不得 嗚 踵 遥 延 呼 狂 重 頸 歌 師 千里之夜航,叩 嘗謂 餘 竟 狷 望 自 力靡 徒 廬 先 哲 吾黨 思。 爲 師 人既 遺 歸,莫不 倡 ,乃今得狂 兄海 萎。 道 道之云 龍 多士景 濱 聲 門 虚往 崛 應 而 「遠,邁 者 起 氣 攝 實 天 馳 而 求者跂 齊 還,喜 與之。 挺 往 中 瓌 不 毅

孔 資 宜 溢 者。盖 顔 志 兄 眉 必 迪 出 慕 猶 德 乎聲 伊 之 自 旅 所 身, 色之外 人 以 率 瑣 使 作 瑣 民 而今不可 有 不 忽 機 倦 即 樂 次 與 復 云 民 而 追 咸 尋 懷

何, 矣。 連 帷 兄 嗚 , 心 呼 都 我 門 哀 知 哉 執 别 我 憶昔 官 攜 白 手 豫章客 挈 下 衣。 兄 家 舘 相 近 期 接 畿 謂 榻

依 膽 而 依 望 西 伊 謂 既 邇 自 而 合併 兄 此 有 以 有 倚 還 時 廬 林 之 誨 团 戚, 我 Ш 切 我 棲 切 奉 先 1 眷 櫬 遲 我

兄

于

王

麓

或或

從

兄

於

海

湄

兄駕

口

往

C

披 是 余 我 所 欺 舟 慨 習 口 頭 嗚 維 顱 異 呼 之 路 哀 遽 各岐, 將老,悟 哉 出出 明 躬 兮 道 曩 行 之 永 昔之既 無 隔 不 實 明 將 談 學 天 非 説 道 者 紛 各 分 方

殆

庶

幾

所望

於兄

者

如

舟

舵

師

如

沉

南

野

立齊

辯

難

不忘。

有過

面

折

友誼

Ħ.

會

友

輔

畢

力

于

斯

神

完

氣

守

其

漏 競 也 誰 疴 之孔 4 之 ? 晷 悵 藥 誠 嚴 于 隙 醫 摧 信 尺璧, 駒 裂 之 神 悲 朝 飛 覯 爣 愴 溘 驥 而 朝 忽, 不 鬼 聞 感 覺 窺 嗟 其 薤 涕 余 及兹。 露 靈 泗 持 之易 爽 之 此 不 惟 交 其 屋 随 從

給事中黄公□□直奠文。

尚

相

我

於

冥

冥

也

與

之狂 之 脱 道 講 航 嗚 之 道 勇 呼 羣 ? 常。 南 讀 9 ! 不然, 吁 疑 萬 邦 書 先 1 惟 乃 于 夫 何 自 師 吾 亡 日 莫 厥 悟 必 開 里 友心 侍 當 服 服 譬 不 來 時 親 惟 此 反 見 假 齊,資 偕 傍, 世 ? 臧 句 不 覆 老 居 服乃 章 肖 V. 萊 救 安 衣 稟 異 匡 衣 自 食 豐 素 唐 聞 匪 裳。 古,豈 男 剛 旋 我 祥。」 晦 兄 女, 講 先 先 迹 任 自 師 兄 某 吾 舟 招 師 道

禮 上,再 鏘 腸 專 富 于 月 如 再 至 無 兄 克 H 廟 來 志 常 於都 待有章 = 彰 充 時災旱 時 商 廊 方 逮 隱隱 在 0 勸 職 車 外 必 白 渡 出 諭 下 越 我 癸 \equiv 口 有 徬 名 于 錢 都 粟 卓 月 輩 下 未 志 民罹 見者 蹤 漳 徨 爲 塘 日 兄 堂 賑 立 登 而 之 日 車 跡 章 歸 濟 道 科, : 旋 彼 於 倉 春 師 解 潛 口 隨 師 奮 非 殃。 黄。 門之光 裝。 藏 日 念 志 兄 吁 處 教 兄 會 遠 勵 口 : 樂 切 忽散 講 亦 佩 近後 道 試 常 兄乃不 共 事 既 學, 未 領 南 咨 舉 0 此 寓 義 跡 聞 腔 央。 翔 學, 阚 場, 兄 郡 男 離 贵 藥 孔氏閔 É 顯 兄 京 0 言 忍,爱 將 守 索 邸 可 著 女 歸 景 惻 事 别 1: 奔 了,驚 承 自 欲 備 長 仰 隱 贵 忽 午 内 去 浩 冉 之, ? 嘗 率 趨 結 敢 數 北 北 行 部 動 見

漿。 保 盖 房。 閉 羊 翔 郎 獲 道 索 河 亦 迺 在 赴 門 罪 0 既 孤 0 往 去 0 耳 部 汾 岍 H 幾欲 大義,合自 否 我 越 故 兄 君 兄 退 渺 聞 久 董 泛 余豈敢 小小 一身 亦 舊 與 \pm 藏 茫。 齋蔡君 兄 藏 鄉 常 舟 語 就 與 自 瑶 舟 業 主 飲 淛 憶 樹 宗 IE 平 余 湖 良 夜 心忘 默 愈 昔 淮 張。 保 江 生自 謂 伯 知之學, 主 亦 笑 惶 荒 行 隨 ? 王: 一張。」 瑶 婦 水汪 會 愧 時 吐 孤 許 辰 歲 時惟 瑶 湖 翁 吐 衷腸。 晨 莫 于 奔 念長 晚 湖 往 服 洋 航 抵 地 當 走 賴 卵 茹 先 拉 無 拜 翼 宦 會 維 計 挾 兄益 翼 柔 師 稽 會 成 師 保 謂 即 發 天 中 途 是 剛 遺 聰南 邦 墓 孤之舉 我 祥 棹 綱 夜 É 流 謬 將。 宿 昌 多言 促 未 静 狂 侯 德言 塔 汗 孤 志 宿 能 思 ? 余 聰 僧 成 才 迥 裝 Ľ 離

重鐫心齋王先生全集

孤 望 病 安 别 家 疎 氣 節 吾 善善 康 兩 邦 兄 于 道 111 荒 邦 兩 多 之寄, 揚 來 類凋 家 臂 地 哀 壽 慕 云 問 歸 患 禎 杳 哭 道 兄 謁 何 傷 兄 舍兄 僵 茫 祥 不 容 脉 我 道 盡 貌,曰 疾, 耿 無 康 德 告 Ш 孰 惟 耿不 疆 莊 齋 涕 來 我 兄 當 有 É 已老 音 聞 淚 亹 ? 疏 寐 問兄 期 沙 沾 不 廖 望 薦 含淚 門 兄 裳。 祥 蒼。 揚 異 下 有 如 起 如 見 世 居 疎 珪 用 朗 É 吾 知 宇 羹墻 相 Ш 如 朗 兄 道 此 福 宙 日 望 璋 益 染 惟 我 按 元

中 堯 史 柱 書 二月,給事 張 郎郎 裘 時 孫 公 公應 公 郎 中 衍 元 尹 中 魁 沖 公 張 中 御 郎 郎 公 戚公賢、員 史 仁、祭 中 中 緒 蕭 陳 錢 公祥耀、郎 副 公 公德洪 酒 使 大 陳 敖 外劉公魁、 綸 公銑 公邦 、主事 廉 中 使 修 徐 胡 都 韓 公 郎 御 尚 公 公

事黄公弘綱奠文。珊、僉事歐陽公瑜、通判周公子恭、主

人 嗚 齋 隱 志 疑 幾 良 歛 逸, 呼 果 熄 知之明 或 海 已矣 而 跡 濱 未 勉 確 惟 豪 協 仁 功 臨 ,萬古一 我 傑。 樂 風 陽 無 專 0 道 明 而 窮之戚 百 惟 奠,寫 偲 密。 日 志 我 獨 0 偲 依 指 心 此 求 濂 切 歸 齋 其 衷臆 天 志 洛 切 的 斯 安 克 喪 既 豐, 文 斯 踐 遠 卓 吾 此 其 文 羽 爾 匪 黨 翼 跡 心 徒

浙江副使洪都王公瑶湖臣奠文。

其 牀 滸 癸 斯 厥 未之 信 。忘寐以 轅 道 原 晦 宿 春 琅 君 塞 言 子 昔 餘 琅 歡 旋 庚 高 試 五. 辰,謁 論 春 百 君 年。 官 既 琴 起 南 懦 自 師 至吾先 君 歸,予 隨 江 廉 時 藩 頑 望 乘 官貴 之 師,復 興 扁 偕 如 舟 寓 亦 仙 連 北 江 究

門,盡 愛,在 踰 齋 伊 究 攸 疾 荒 郡 居 見 或 子 枉 周 多多 君 ? 同 未 違 東 遯 君之來 顧 之學 幾 海 惟 翰 今 棄 殄 君 1: 惟 何 豐 不 9 歸 君 真 跡 也 奚疑 其 几 我 聿 ,良慰 宜 假 君 采 省 見 闔 在 則 舊 方 奄 愠 興, 實 之年 少年 雖 旬 闢 主 景 爾 0 篋 Ļ 際 隔 餘 宇 我 謬 斯 從。 殂 易 静 比 , 則 攬 思。 子 盟 宙 殞 簡 數 默 子 頫 保 獲 輒 之增 問問 身之 欛 古 之 嗣 世 龜 宦 子 親 君 究君之業 嗚 師 學 何 柄 自 規 音 浙 促 晤 Ш 來不 呼 時 吁 尤。 好。 問問 之。 語 論 哲 莫 慈 既 哀 越 朝 知其 湖, 數、我 哉 子 人云 居 哭 愛 自 既 嗚 先 惟 在 嘉 不 我 呼 伯 謁 君 繼 師 時 靡 盲 手 允。 臨 孰 心 抱 仲 師 序 君 亦 鍾 君

事府贊善吉安羅公念菴洪先奠文。棺,葬不拂輌,緘辭寓奠,泣涕漣如

師

 \Box

樂哉

義

聚仁

輔。

公廬

我

詣

時

亦

詹

滿 肯, 方,明 大受。 學, 鍾 大 摳 尚 陽 悟 載 淆 狷 孔 成作 吕 趨 志問 明是 不不 啓。 言 焉 孟 諒 河 就 光 既 我 哲 由見聞 其 飲皆充。 歌 業。當辱 默 師 諸 子 几 有 折 殁,聖道若綫。 不 之論 所 成 方 覺 子之後,孰 方 復 佞。 哀哉 良 近。 之士 其 卧 知 以 0 語 修,有 疾, 獎 傾 贈 相 斯 曾 心 而 莫 雲 與。 文。 處 囊 授 幾 冀 據 我 輕 或 匪 見 若 何 人 榻 裁 何 集 百 千載之後 自 潤 維歲己亥,始 聖 庶幾中行 遺 見 世 之, 時 虚 景 知 王 顧 訓 以 計 余。 不 子。 聽 從 錙 É 氣 源 ? 瓦 奪千 銖 音 量 遠 缶 得 勉仁 惟 幸 户 以 分寸。 遽來。 進 莫 益 子 子 屨 質 擴 狂 取 分。 軍 和 元 常 獲 爲 與

181

六二

之私 改, 忘 易 且 嗚 寐 守 不 往 談 挫 俾愚鄙 呼奈何,遂至於此。 轍 者 啓 聖人是憂。天若假年, ? 探 不 佑來學。 眩 子之志 作 善學柳 孰 文 亦獲瞻 今民 能 飾 原 義 一, 豈 下,莫若 之哀。 咸 性 依。 自 是遽 9 洞 反 經 心亦惟 識 孰 大道爲公, 求 魯 休? 爐 真 能 男。 錘 日進曷已。 如 我 執 子之覺 ? 危 德 不 子 如 道 徙 匪我 尚 醉 拘 百 無 不 不 酣 方 折

異端 直 欲 蟬 孔 見本 道 鳴 孟 既 我真 心,世 迨 遠 天下貿貿,易聽改 乎 ,道喪言 源 濂 或紙 洛 有 訾。 湮。 握 始 其 嗣 自時 百家衆技, 樞 其 觀 傳。 厥 象 Ш 後 定 煕 陸子 · 士 朝累 性 蛙 流 寡 噪

渭

水桐江

,安常處分。

不吊昊天

國

無

户

部

郎

中

劉

公□□

中

愈憲曾

公

才

漢

府同

Ŧ

公

]宗尹奠文。

不學匪 西,若 王,以 墻 達 有 瀕 稽 明 沛乎莫禦,綽乎 灑 惻 或牽文義,終愧 成 陷 洽 焕 材。 不止不息。 教 彬 務 Ш 脱 惻 危 慶 無 歷 然 俟百 彬 信 恊 樂,不樂匪 隱,本末 1 慨 既 以 險 帝啓聰 丹 鄒 若 休 風 然身 精思 戒 遡 雘 魯 疑 世 徵 既 丕 江 應,循 勤, 靈,神 任,主 光 本根。 兼 有 海 遄 華 維 心 忽 應 該。 學。 餘 風 悟。 陳 世 扁 夜 然 時 以 薦 循 我 霽 以 太 凝 學者,蒸 金 名 源 先生于 先師 直揭 大 胸 覺,雲 月, 剡 針 宗 繼 淵 Œ 世 洙 病 次悠 路。 默。 壇 日 飛鳶 泗 聿 授 開 捐 先 良 0 然, 來 藥 壟 霧 時 蒸 舘 師 知 常 以 先 貽 始 成成 有 躍 如雲, 幣 抉 俱 陽 築室 考 謁 師 覺 爾 塵 開 聘。 瞽 魚 披 明 懷 門 德 滓 江 物 海

夷,光 新 方資巨冶 奪之? 夫士之生, 生 典 愧 廟 刑 輝 不 匪 如 篤 嗚 聞 忍嘆 慟 可 呼先 患 實 道 同 贖 不 門,實 兮, 空 生 得 中 允 梁。 振 師。 等 矣 人 傷 承教,假 先 百 古豪 絮酒 孰畀先 吾 生, 其 道 身。 傑。 深 官仙 芻 探 生 不惠 夫 道 人人之 哀哀 而 邦 妙 澽

春三 爲 盖 之妙 月 泗 唐 孔 有 Ш 緣 净 月,江 之宿 相 以 111 示 而 心、心齋 後先。 詩 聿 既 壽 掃 殁 天 秀, 火 賦 衣 西 腥 聖學 胡 再 鉢 鑽 瑞 翁會格物之全。 人 膻 燃。 不 親 研 以 昌 物 0 整,使 炙 永 不 王宗室既 多 緝 我 濂洛 每 年 . 傳。 賢 熙 太祖 ? 懷靡及,私 哲 敬 之青 0 人之竟 漢 陽 止 高 白 嗚 以 明 皇帝 藜 莫可上下, 神 榣 詁 呼 翁 聖相 ! 既 遣祭文。 委 訓 淑 契 重 也,曷 出 磨 亦 木 良 光 傳 幸 洙 摧 知 H

> 然。 太 華 青 珠 芻 沉 虞 束 淵 聊 布 吾. 寸 道 虔。 孤 矣, 心 翁 我 有 心 慘

夢 寐 永 瞻

翰 墓 林 院 編 修 内 江 文肅 趙 公大 洲 貞 撰

芳,配 生泰 論學 字汝 從 明 居 左 生先生於安豐 仁生文貴,文貴生公美,公美生處士紀 ,生國祥,爲場 游 興 右二,隆顙 州 止 如 若 八葉之世,越 湯氏,成 少少 安豐場人,其先 先 泰 州 生,故學 先 王 生十 里。 化 子 修 + 百夫長,生 稱 中 臞 者 先 九 歲。 最 王 亦 生 年 著 安豐 先 伯 稱 生 六 先生殁,王 生論學名 壽 王先 月 俗 有 王. 仲 自 + 子 珠 負 生。 姑 鹽 在 名 蘇 無 日 手 艮, 世, 子 徙 先 仲

183

而 據文義疑當作「不」。

0

六四

禮 則 序 求 識 秉 成 役 知 寒 即 如 句 宿 手 惟 : 至 體 汗 救 悟 禮 也 或 學者 也 即 俗之, 溢 爲 處 某爲 掃 親 自 益 先 謹 尚 貌 嘗 自 如 儒 悟 所。 整 生 行 舍 焉 先 得 此 R 者 時 人子,令親天寒盥 布 即 捧 塾 純 身 生 爲 希 夕 以以 年 親 行 頓 如 行 席 師 逮 心 托 如 人 夢 覺 故 方急 處 哺 無 住 經 明 粗 古 天 乎 天 心 + 敢 語 徵 ? 識 聖 萬 起 墜 性 量 如 矣。 老,晨省 鶩 難 黑 悟 賢 人 壓 悟 論 洞 見 此 自 盥冷水 者 皆 歡 人 身,萬 以 語 明 無 有 先 此 H 在 舞 \approx 悟 信 年 礙 異 月 生 遂 覺 冷 天 拜 夜 釋 孝 H 口 孝 水 謝 列 問 出 中 地 人未 乃 人 經 謝 天 談 經 萬 宿 奔 出 代 痛 如 而 役 解 題 物 失 號 之 天 古 親 不 哭 其 章 醒

其

座

:

正

德

六

年

間

居

 \equiv

月

半

之未 之。」久之,從 格 往 天 以 公論 從 自 門 城 也 + 中 即 論 也 卒 一。上先 物 造 以 王 信 性 四 求 王 先 詫 遠也,是某 本 某 公 良 有 仁 先 論 江 年 生 稱 日 知 生 王 西 與 與 黄 而 生 悟 王 體 王 知 . 某 王 喜 先 天 塾 自 人 公先覺 盖 内 先 行 先 公也。」 下 生 之 此 龍 日 師 談 生巡 足, 合 \pm 越 生 後 顧 場 始 絶 者 之罪 格 兩 先 日 「有 大江 奉 世 , 謫 者 己 物。 類 撫 月 牛 其 : 泥 江 世 親 歸 能 也。 王 江 是 居 而 退 自 者 西 之南 鶉 ; 如 待 西 巡 如 哉 先 越 與 就 信 人 如 居 辭 其 此 君 撫 ? 生 學 弟 又 如 也 其 皆 還 司 嘆 他 學 公 再 子 極 者 此 9 異 雖 家 是 也 之 H 聞 当 者 未 論 之。 盛 然, 也, 時 談 自 是 駕 間 豫 即 先 及 翕 良 論 章 是 天 學 聞 然 風 明 出 H 生 知 至 越 孔

省 視 骨 意 家 生 然 爲 聳 疾 知 勸 至 // 베 羽 先 至 其 對 0 消 別 卒 又卓 先 而 止 都 人 蒲 精 先 之。 還 生 聽 心 衆 雖 氣 於 生 下 車 崇文門, 藴 ·, 先 一 拳 觀 顯 生 即 意 適 和 師 悔 别 畢 貴 學 開 先 應 引 終 如 謝 無 僕 及 性 露 至 者 門 遠 生 此 之。 先 接 不 夕,有老 自 慮 他 靈 同 捍 留 意 授 生 矣。 及 變 廓 千 隨 事 澄 戾 9 誠 徒 迎 先 爲 志 百 披 北 徹 月, 不 無 以 往 稍 哭 越 生 人 皆 聖 相 行 遠 叟 悦 間 破 往 疎 音 於 Ŧi. 風 7 竟 顧 途 近 夢 者 隸 飽 本 見 漏 咳 桐 年 格 諧 愕 所 皆 黄 義 僕, 使 不 戊子 晨 疑 人 聞 盻 廬 既 衆 至 至 共 龍 感 機 心 眉 先 顧 高 起 化 皆 敢 經 若 無首 動 速 睫 古 往 生 而 導 應 先 紀 王 IE. 使 其 進 返 人, 有 先 鄉 以 其 即 生 行 未 車 所

之,能 以 配 報 搆 子 何 也 要旨》、《 真 龍 爲 要 盖 网 應之作,皆 吾 李配 ,是 生生 一,以 是 吴 救 日 舍 不 爲 先生之學, 無 月二 仕 暮 嘉 海 居 正 氏 某 道 知 往 孝弟 ? 以以 靖 位 其 濱 之仕 之亞 勉仁 其 而 越 + 之荒, 徒。 生 庚 意 以 中 明 不 令門 爲 日 九 子 Ŧi. 與 學 所欲言 者 方》 孔 也 爲 實 : 以 日 吴御 + 子, 啓後 二三子 0 氏 也 活千萬 葬 人 悟 諸 以 吾 或 爲 王 於場 衣、 兒 性 月 史 篇 太 謂 無 獨 家 爲 云 而 子 爲 悌 八 某 虚 襞、 往 止 不 法 重 先 人。 或 東。 把 宗, 抗 日 喜 任 爲 生 或 而 白 何 口 褆、 筆 卒 宅, 疏 以以 問 晚 著 爲 洪 不 以 世 先 敢 謂 . 薦 於 作 述 隱 生門人 補 與 П 御 格 不 隱 九 以 契 之,不 Œ 先 占 史 口 格 或 聖 古 物 忧 寢。 雍 垣 0 牛 易 物 授 西守 歸 見 爲 今

著 後 良 墓中之石。 嚮 貴 書 有 知 往 溪 淮 作 甚 徐 勤 子 南 直 先生之念予亦 格物,如車 來 辭不獲,遂 氏、 八登此 道 州 車 -,無 周 兩 疆 季 輪 以 切 銘 翰 實 未覺,而 義當 티 : 氏 貫 謂 越 誌 子 轂 空 中 其 之

濱高士」。 植崇祀先生於場之精舍堂,贈扁云「海一十一年壬寅,春二月,鹽臺南昌胡公象岡

冬十 年近 事 舟 \pm 師 日 可 沿 焉 兼 學。 艮 月,立先 程趨 三十 字字 此 途講學,人 聞 盡 服 汝 謁 誦《論 得 陽 堯 生傳於《 服 止,安豐 明 良 之 王公守仁 知 服 古製冠服 士羣 語 之 也。 揚 \approx 説 場 孝經》,忽悟聖 州 聚 辯 人。 遂 府 一倡道 聽之,多 難 ,公訝之。 制 志 少 屢 車平 洪 未學問 H 車 都 所 詣 艮 買 賢 感 京 師

> 等 其 爲 巡 發。 揚 誘 作 者 引 搆 鹽吴公悌皆特 徒 書屋,以 ,多造其 同 後 稱 歸 志 爲 ·, 至 時 心 廬與 居來學之士。 時 齋 不 如 遑 先 疏 、論學。 陽 寢 薦 生。 明 食。 聞 菛 著 質 總漕劉公節 几 侍御 有 É 正 方 \wedge 號 新 薦 洪公垣 勉 心 得 紳 齋 道 好

一十七 一十三年甲辰,春二月,督學蘄 天 馭 年 置精 戊 申 舍祠 ·, 秋 八 祭田 月, 一定祀 鹽 臺胡 典。 陽馮 公督學 公午 南 Ш

畿

?,祀先

生

於州

之鄉

賢

祠

十 九 本 動 學 躬 年 租 庚 行 申 修 精 冬十月 舍祠 督學海 扁 云「學 寧吴公初 由 心悟 教 泉

几 几 + 十二年癸亥,春三月,撫臺豐城李公克齋 年 功 篡 辛 修《鹽 酉 秋 法 九 月 志 鹽 載 臺 先 Ш 生 西 人 張 物 公 傳 繼 源 九

燧 修 先 生 塋域

几 + 祭文 定 白 年 獨 甲 尊 子 先 春正 生,特祀吴陵 月 督學麻 書 城 院, 耿 公天 撰 春 臺 秋

定 崛 心 心心 矩 起 海 齋夫 隅 師 立 子 慨 善 然 多 寰 宇。 可 出 體 可 處 達 道 孔 孟 格 同 物

生

有

靈

,尚啓

我

後

人也

哉

穆宗 四 十四四 莊 愷 皇 、督學耿 年乙丑,秋九 帝元年 公贈先 卯 月,撫臺□ 生扁 夏 Ŧi. 云 耿 在 公以 田 毛 公介 人 龍 學 11 事

按

泰

詣

先

生書院奠文

İ

月

戲 聰 者 夫! 惟 立 消淵 1 明 天 聖 下 下之大 焉 默 淵 知 至 有 其 而 達 誠 識 淵 所 天 爲 倚 之 本 也 德 能 者 ? 學而 浩 者 經 知知 浩 肫 綸 其 不 其 肫 天 天下之大經 孰 厭 其 天 地 能 也 誨 之化 知 世 之? 人不 苟 育 不 倦 於 固 也 也

> 然 斯 子 子 此 之所學 之 也 ! 謂 謂 耶 知 斯 與 1 本, 其 於惟先 ? 至矣。 質 此 仰 之 謂 止 而 知 生,其 志 兹 不 之 孔子之所 Ш - 疑,俟 至 先得我心之同 用 也 伸 之而不 虔告。 志 大 哉 學 先 孔 孔

三年 己 E, 汝霖撰先生精 冬十月 南 京 舍記 太常 卿 永 豐 郭 公

學者 生。 焉。 其 悌 談 信 東 淮 首 説 不 其 揚 南 多趨 倦,一 心、欲 先生 爲 騰 巡 泰 先 撫 州 教 薦 生 先生 早 安 梅 章 時 大 往 先 有 10 或 同 師 朝 一,舍隘 志 生 迄 劉 場,心齋 之,聞 野 于天下 亦 陽 公 於 名賢, 節節 學 開 明 不 公 門 良 足 巡 0 王 自 授 殁 知 以 無 按 隨 陽 先 之説 徒 容 門 疎 不 寓 明 生 Ш 願 爲 柱 人 公 而 史覺 各 旲 交 倡 閈 几 人 即 公 先 方 以 叶 自 道 在

里

一豐

六八

世。 賢,遂 舍中 誾 堂 凡 Ш 之建 生仲 揚,時 之。 稍 田 精 請 宦 若干 定祀 東 人龍 誾 洪 祀 遠 金 舍 公 未 是 尚未有紀,宗順君屬筆於余。 嘉靖 先 明 乎 子 陵 仍 特 謂 西 而總督 宗 時 生 年 有 楹 垣 舊 號 便。 建 典 先 吴君 乃 Z 鄉 督學午山 濂 順 焉 房 有 前 吴 巡 生 爲 賢, 君 \mathbb{H} 洛 若 陵 象 介川毛公愷顔其 鹽 爲 海 來,乃 一。督學 司 先 遺 疎 余 于 門, 出 書 象 而 内 生築 歲 風 嘗 間 Ш 院 公來視學 出 精 馮 儒 時 中 爲 寤 0 盡 專 楚侗 胡 舍之祭 宗, 躬 公天馭 歲 東 爲 余語 先 寐 祀 得 公植肖 奠。 淘 庚 廳 生 其 先 先 不 耿 子 後爲 精舍居之。 其 常 詳 生 生 止 公 以 又 時 第 概。 上日 兹 之 先 先 一方之 定 爲 場 而 大 去 而 講 爲 勉仁 生 生 置 諸 山 官 州 精 今先 東 誦 祭 在 像 棄 按 主 牛 油 余 舍

> 爲 惟 業 以 感 疾 吾 帰 而 乎 古 人 哉 惓 身,而 無意 之相 則 矍 自 聖門之學惟 師 相 保 痛 體 痒疴 天下 任 私 傳 m 膺 至其 先 天下 學 不 自 皇 也 曆 以 生 非 皇 隨 利 脉 流 自 吾身 謂 數者 無 以 意 之徒 ,膺先覺者以之師天下。 也 通 任。 惟 不 安 在 孔 之 0 在 視 恐是 相 子爲 而 以之君天下,膺 身 也, 恒 求 先生之學,其 聖人者以 先 天 與往來。 行 爲 二之,於 得 心之或 地 生之意,豈 其一 萬 大機, 萬 之天 世 者 物 體 帝 天 若乃 呼 是 間 以 命 之心, 王 地 以 天 天 耳。 有 之 吸 師 左 隨 知 易 萬 地 見 地 本 動 右 本 云 機 物 萬 萬 此 而 於 而 静 視 物 爲 者 物 平 是 兢 聖 應 惨 千

精舍記》改。

^{● 「}其以」,原誤乙,據郭氏《石泉山房文集》卷九《東淘

者 嗚 極 爲 大 之大者,謂與霄壤不 也,無古無今,無存無亡。 口 呼 致 成 要,以自反自責爲實務,以自樂自 之心 以 功 也 知諸 居其 而 可以知先生一體之心。 先 萬 公崇重先生之心,觀 生之學, 0 豈易云乎 鄉 物依己 必 思其 敝 可 ,天下歸 人,後之過 也。 然則是精舍 是心 諸 精 哉 則 公 其 舍 學

並祀安定胡先生祠祭文補遺

海陵門人陳艺撰教諭

其 任 詁 王 真 斯 文 爲 中 文 能 幸而 自 以 河 得 孔 弘 汾 有宋開基,五 孟 其 董 講學,而 既 道。 一种 没,道學失 舒 唐 未 發 人 免 憤 星 以 容心 奎聚,先生 詞 正 傳 心 章 著述, 相 漢 而 尚 不 儒 以 適 能 得 以 淆 力 應 訓

> 之本 前 倡。 期 是先生之作殆先得 孟 餘祀矣。 學》之精藴又湮没而 其 百 齋之設科,而誦先生之功者視昔爲 反身爲要。 先生之學術, 而 我 源 載之後,非所謂 不傳之緒,而傳之者皆知以樂學爲宗, 不 而 知 厥 ; 生。 而 師 者 後 仕 濬 之生 兹緣我師 猶 蘇 濂 居泰山 道 於是仰先生之學者不繆迷於兩 或 洛 湖 之 實 前 指 諸 耳。 而 有 於 以藏 當 公 教 異世 以 我 試 時 授,則 先 大 心 不彰者, 迄於今四 擴 師 伊 經 脩, 齋 生 闡 而 先 之同 111 義 崛 之 大 分身先 百 生 則 治 以 起 功 振 神 然 明 未 ^ 事 海 者 體 發 顔 皆 以 於數 顧 之 濱 耶 之 子 爲 以 科 由 不 發 ? 有 藴 所 多 爲 先 百 條 偉 加 明 於數 泰 適 載 百 好 以 生 士 歟 焉 之 之 孔 有 何 盡 ? 開 之 用

● 「生」,原作「王」,據郭氏《石泉山房文集》卷九《東

鐫 心 齋 \pm 先 生

集 主 往 生 焕 財 暨 心 并 御 矣 前 開 在 然 物 州 鼓 於 四 居 史 畫 一合得 來 天 方 可 大 動 東 耿 然 嘗 之靈 多友 各欲 之 觀 夫 講 公 而 建 見 堂, 願 及同 議 先 傾 百 道 共 今擇 亦 默 生 新 圮 有 展 統 而 畢 相 之 志 不 文 秉 餘 誠 矣。 以 相 斯 本 祠 葺 我 鄉 齋 金 西 承 道 月 官 師 誠 乃 春 之意。 堂奉 簡 謹 十二 之祠 庠 底于 遂 鹽 秋 褻 告 潔 士 將 院 報 祀 非 牲 H 於是 於 布 有 兩 朱 祀 我 宜 祭 奉 泰 成 衣 公、 祠 師 告 亦 安 則 人 撤 Ш 兵 遷 頃 云 等, 神 新 先 先 尚 憲 大 與 知 位 盖 生 賴 各 姜 時 生 先 督 所 造 捐 繼 先 畢 公 群 之 學 生 重

别 傳

天下 之生 也 門 久 人 矣, 貴 溪 惟 徐 天 樾 撰 之 雲 命 南 左 於 布 政 穆 使 不

之謂道 平,稱 舜 巧 智 之 知 是 常 之間 至 息 治 心 己。 IE. 而 命 學矣,故 於天命之故 一,安其 譬則 則 行 者 達 之體賴 古今賴 孔 之間 性 故 而 也 而 道 伯 有 巧 者 日 孟 在 夷 身 聖 道 行 孔 也 而 天 是以 以 先 人 之世 伊 孟 依 人 爲 而 而 孟 純 有 後 日 軻 命 平. 盡 彝 惠 天 生 以 又 也, 運 覺 於 傳 性 氏 之 ,三代已 倫 下 中 心 之所深造 民 來 \Box 天 授 則 本 叙 日 率 日 庸 或 V. 而 而 以 繼 命 命 所 能 異 然 用 而 日 天 性 家 此 始 無 守 於堯、舜、文 與 共 有 日 \Box 可 惟 爲 條 間 爲 上 謂 爲 顯 由 以 道 著 保 教 聖人 理 然 聖 天 親 可 之, 規 道 君 察 者 也 萬 地 者 親 者 X 脩 以 矩 師 於 者 在 以 世 V. 也 長 也 昭 道 語 不 是 智之事 天 彝 開 心 昭 位 長 自 聖矣 正 八王、孔 謂 下 能 未 倫 聖 己 太 乎 於 以 而 得 教 者 使 能 率 平 庶 宇 穆 此 其 而 天 也 也 子 真 性 物 物 宙 爲 下 本 而

得

日

育

無

成

而

於孔 外、 者 焉 明 則 之 也 日 通 授 以 承 口 太 知 古 者 於孔 受之 義 也 其 患 聞 師 以 喜 物 公 無 皆 贵 孟 或 也 功 訓 而 喻 三代 我 順 識 怒哀樂 有 罕聞 今三 之學信之篤 子 或 巧者, 知 義 之間 可 贵 應 仰 所 矣, 之, 倍 焉 以 惟 稽 濂 既 見 大 焉 而 俟 者也 其 其 溪 未 還 \equiv 乃 猶 無 儒 故 亦 後 代 氏 發 代 不 而 學 語 三代 有 之言 由 皆 日 聖 性 既 得 無 已 日 議 故 而 若 得 術 有 是之 與 而 已 也 降 以 來 於 樂之深 漫散 日 其 行 某 所 聞 無 自 日 而 來 者 斯 諸 門 古 則 至 謂 疑 天 天 於 開 已 儒 焉 無 儒 而 乎 昭 見 地 哉 斯 無 於 有 者 於 者 欲 命 勤 而 人 哉 昭 位 ? 焉 而 有 天 深 王 得 也 孟 苦 也 乎天 知 미 焉 者 命 通 造 其 0 其 明 是 懇 軻 之, 考 之性 氏 是 粤 集 道 萬 語 道 而 古 氏 惻 樾 也, 大 物 若 自 氏 古 故 中 也 大 於 日 古 之學 循復 起 尚 日 利 海 由 致 致 上 空言 也 格 孟 而 : 友 知 0 天

大

某

有

今

是

成

道

叨

不

也

内

索之字義 高 外 之 居 物。 良 契 致 若 之志 鑠 焉 學荒 命 之旨 孔 於是 知 之 也 夫子 心 明 者也。 盡 0 之 孟 理 既 也 與 別口 外 之矣。 之表 嗚呼 矣。 性 乎 0 之傳 亦 冠 道 日 大 無 聖學之要功 挺 益 有 良 9 人 合 夕 事 生 商 以 ! 體 隱 心 自 知 也, 迨 寤 無 何 先 者 而 物 訓 外之事 於 之説 幼 我 非 求 以 理, 寐 師 今而 我 不遺 Ш 心 心 先 我 詁 明 自 陽 亦 耿 東 明, 事 而 每 師 支 大明之 吾 悟 明 也 後 矣 人 耿 如 盡 離 閑 心 萬 盡 ? 而 夫 特 仁 也 青 不 心 註 齋 有 性 静 物 之 0 學 子 謁 日 能 天 知 朝 説 疏 義 備 之 在 夫 者 歸 : 孔 得 É 自 學 性 深 以 禮 我 日 物 子 始 即 應 廟 有 己, 非 造 來, 日 智 以 致 之 盛 生 漸 奮 知 Ŧi. 樂 始 理 知 知 斯 即 於 日 然 愛 反 白 儒 其 托 而 地 矣 道 用 懷 濱 非 本 之 孔 義 嘆 年 者

191

隊 性 若 焉 念 旨 者 焉 安 覺 安 詣 暑 未 凊 汗 年 壓 之學 啓若 知 寢 定 官 不 下 作 惟 既 幾 而 止 0 其 始 大 省 舍 倦 + 之日 覺 懽 萬 敦 於 翼 孝 退 孺 默 時 者 動 精 H 忻 事 姓 孝 復 弟 坐 師 人 而 念 親 . 家 驚 月 翼 急, 思 敬 執 小 日 竊 箴 不 則 行 切 務 C 愉 號 力 兒 室, 以 夕 盤 傷 **%**0 悦 之。 非 奮 自 悉 時 之 行 又 爲 何 夔 手 而 潛 得 天 常 理 意 每 期 爲 跪 有 夔 身 持 欲 至 雞 思 行 干 讀 未 有 而 是 而 伏 於 以 志 水 代 年 古 守 鳴 也 喻 潑 書 美 求 也 以 手 奉 寢 人 菴 於 不 潑 之, 中 俟 盤 侍 支天 反 孝 師 食 + 翁 乃 焉 口 暢 櫛 之常 身 樂 昏 適 八 養 愈 番 忽 得 9 外 而 驗 則 至 見 視 木 翁 然 詣 然 悟 求 天 之, 起 夜 之 生 席 於 勤 脱 復 盡 而 H 寢 所 翁 矣 明 躬 時 温 儉 自 落 有 見 夢 充 謂 愧 掛 心 所 行 煖 得 之 H 天 知 前 亦 滿 得 翁 間 温 泣 役 寒

吮 悦 皆 則 其 文、 者 視 力 志 己 德 救 謝 月 起 此 之。 「, 今 任 之, 宇 愛 迷 躍 或 願 六 星 武 道 年 務 守 學 然 宙 覺 慕 有 歷 辰 則 貫 與 翁 翁 稽 周 如 間 内 則 不 者 其 而 殞 令人 自 伏羲、 物 覺 志 公、 常 合 古 傳 不 汗 至 亂 得 居 無 訓 之。 忍 人 患 者 淋 誠 次 孔 惻 自 而 間 每 痔 斯 沾 神 第 然 得 仰 驗 子 自 講 而 衆 物 席 農 諸 日 9 而 而 月 喻 久 而 樂 學 整 之 不 : 人 不 後 前 身 团 思 半 也 起 與 黄 頓 以 得 大 無 開 己。 心 者 之, 0 兒 坐 之 帝 笑 老 如 藥 其 知 明 自 渾 大 乃 爲 親 之, 幼 初 不 夜 所 頓 家 人 也 得 堯 題 然 毅 此 言 貴 起 以 覺 庭 心 其 吾 不 民 然 惻 而 榜 脗 舜 繼 践 萬 鄰 壁 行 侃 師 以 然 相 其 合 請 H 賢 何 里 物 日 無 於 禹 懽 侃 自 先 思 門 無 愚 忍 視 不 辯 得 任 覺 H 有 呼 漬 \Box ? 間 湯 信 惑 之 益 有 爲 拜 大 IE 用 以

神

先

交矣。

遡

江

Ŧī.

冠

垂

紳

執

笏

团

舟

中

夢

夫子

得

無

與

言

者

天

下

贵

細

故

哉

見

所

學

0

出

夫

子

謂

弟

子

無

所

動

今深

爲

斯

師

日

當

時

有

堯

在

而

忘

夫

子

日

舜

耕

歷

:

將

安之?」

古

請

畏

焉

告

翁

以

啓

微

至

話

言

服

亦

苟

焉

也

乎

翁

許

之。

堯之行 出 禮 相 夜 按 ! 曲 繼 瘥 越 師 今 行 言 以 於 陳 見 即 翁 禮 喻 翁 以 兒 湖 居 期 幸 求 正 于 諭 大 趨 製 之, 天 人 泣 堯 爲 常 見 之。 遇 亭 舟 七 翁 古 之言 嘆 而 性 跪 學 規 告 翁 中 其 冠 H 日 望之者儼 其 + 懼 本 矩 以 守 始 日 師 : 服 而 人, 孝 覺 質 門 年 翁 隨 準 : 感 請 至 感。 而 喜 厚 之, 意 江 者 繩 口 而 日 求 學 自 不 河 難 服 尚 竟 日 無 術 服 僴 友 H 繼 然 凡 之, 險 深 難 焚 不 之 念 堯 兮 起 庶 益 之 翁 之, 焉 長 衣 賦 精 會 口 誤 敬 隱 之 瑟 人 寡 以 有 子 焉。 之 動 上 Ш 民 出 焉 明 也 日 呕 曰 IF. 0 0 0 禮 之心 : 詩 : : 忻 其 0 是 世 不 無 孔 夫子 他真 遂言 乃以 師 明 位 來 以 然樂 先 吾 即 不 之。 0 之。 未 爲 日 子 擒 生 日 響答, 人。 日 處。 能 師 及 告 何 請 之 人 取 而 \equiv 之。 天 師 曰 以 見 論 寧 忘 事 夫 日 我 : 聲 日 下 夢 足 方 天下 濠 子 親 而 + 論 夫

兮,

謂

一行

徹

于

大

門

之外

伺

者

駭

聽

年

前

亦知

子

來。」

相

與

究

見

周

公

也

?

夫子

日

此

事

夫

子

日

君

子

思

不

某

草

茅

兀

夫

而

堯

舜

其

君

崇

其

先

享

祀

焉。

祀

分也

_0

據

過

土俗

家

祀

佛

泣

必

釋

而

後

11

不

裕

必

以

理

古

止

之。

痔

亦

尋

坐

高

堂,

夫

子

道

即

止

立

于

中

門

舉

笏

白

趨

延

之

於

禮

賓

亭

如

夢

子

:

真

無

夢

師

七三

從兄

無

非

實

學

何

必

遠

告

歸,

夫

子

H

何

爲

爾

貫

者

也

0

即

起

拜

以

弟

格

致

執

論

特

乃

喜

集,五 做 者 無 相 前 友 日 今得 爽 則 七 遊... 古言. ??」師? 得 所 見 悦 . 年 乎 先 ? 三 曰 偏 無 服 諸 見真學聖 逾 知 而 異 無 經 器 所 倚 月 士環觀,人各問 學 之。 服 備在 歸 所 其 乖 大司 且 成 者與?」曰 而 七日,復往 乖 : 貌 戾。」出 至 一、敬告以 師 問 戾 古 成 人者,諸賢其 孟 矣。」 我 無 其 而 汪 軻 力 所 : 閑 冠 義 氏 夫子 量 閑 乖 : 一豫章 然。 齋 五 服 何 寡 不 齋 戾 難 聞 經 彼 如 不 如 母 嘗 心 一,過 總 ? 法 師 有 敬 時 子 居 語 有 知 師 言 義 服 聞 而 鄒 金陵 之乎 無 門 師 日 學 乃 也。 憚 命 所 延 可 人 : 日 問 問 遊 服 多士 乎? ? 門 也 偏 . 日 路 學 至 吾 師 焉 質 倚 : 不 大 將 弗 於 頭 問 問 方 聽 咸 學 安 吾 敢 我 魯 :

省牲

爲 焉 别傳、盖 可 仲 也 子 襞 大 波 日 年譜未就,欲有 石 我父平 徐公爲 高第 生 問 學,《 所發明耳。 弟 子,於父之學得之最 年 譜 古 惜未終篇 已詳 之, 即 而大難 無 所 傳

遽作,故即其殘而録之,將以表其心也。覽者其毋異焉

祀 副 典 程 公 凡 州 尊 例 蕭公奉户 萬曆 四 年 部 丙 尚 子 書 兀 耿 月 公議 望 日 定 春 祠 成。 秋 T 承 憲

祭 滌 日 俎 . 以 豆 一,供 丁後二日 租 禮房辦 一爲期。 祭品 先,守 先一 祠 日,委官 者 具

祭器 尊 張,條 大房 : 籩 豆 桌二張,桌 + 面 九 帛 個 匣 韋 銅 個 爵 條 祝 盞 \equiv 皷 板 個 座 面 酒 供 鐘 海 桌

口

0

曾

孫

 \pm

元

鼎置

祭品 \equiv 餅 獻 : 四 猪一 豆, ,羊一,脯 祭 菜 四 豆, 醢 四豆, 黍 稷 祭果 稻三 几 豆, 豆

祭

●「獻」,據文義疑當作「甗

物
디디
規
則計開每祭

羊 猪 隻 隻 重 重 三十 七十斤 Ŧi. 斤 該 銀 壹

兩 貳 錢

該 該 銀 銀 冬 陸 錢 捌 分

帛

段

長四

R

該 分伍 釐

銀 壹

雞壹隻

該

銀叁

分

白小燭十六枝

大紅燭二對

五二斤

該

銀叁

該 銀 伍 釐

該 銀 伍 釐

守

該

銀

壹

分

菁芹韭

一各半斤

清酒壹尊 末香一升

該 銀 二分五 釐

下。

通

贊

唱

:「參神,

瘞

毛

血

引

唱

就

更

該 銀 二分

栗子

+

兩

條 兩

牙 棗

檀

香三

+

兩

該

銀

伍

釐

該 該 銀 銀 二分 分

該 該 銀 銀 Ŧī. 分 釐

巾

行

兠

栢

香 +

一斤

魚十兩

肉 帨

脯 巾

魚

八十斤

炭

該銀 Ŧī. 分

酷 + 兩

該 銀

分

兩 該 銀

三釐

該 銀

笲

白

鹽十

柴

薪

几

東

該

銀

六分

一葅半斤 每 祭共 用 該銀 兩 錢六分五 三分

以

F.

儀 註

彩 祠 服 者 祭 肅 日 五 起 迎 皷 皷 大門外。 或正堂或 通 畢, 引 贊 引 各 引 廳 贊 至 引至 或 學 本 博主 祠 正 前 堂 陛

位 拜,興,拜,興,拜,興, 0 引 至 階 上 一前簷。 平. 通 身。」 唱 通 鞠 唱: 躬 拜 「奠帛 ,興,

初 言 獻 禮 酒尊所。」司 引引 唱 言論 尊者舉幂 盤 洗 所 酌 酒。 盤 光,授

七 Ŧi.

唱 詣 拜 終 通 神 行 瘞 畢 獻 位 亞 引 ',通 望 如 前 復 獻 俱 亞 所 位 唱 禮 唱 0 跪 0 禮 對 引 奠 奠帛 引 畢 通 讀 唱 帛 唱 唱 祝 9 : 通 者 進 : 唱 詣 捧 詣 爵 讀 禮 : 帛 望 酒 畢 所 俯 讀 辭 尊 0 復 0 伏 神 所 祝 位 焚 者 0 徹 興 楮 捧 如 饌 通 畢 平. 祝 初 唱 禮 身 引 各 川

祭 文 式

口 道 等 越 日 敢 祭 心 格 惟 昭 某 維 物定 心 先 告 日 0 齋夫子 生 于 支 0 矩 崛 皇 某 干 明 年 起 某 0 師 大 歲 海 惟 立 直 儒 次支干 隅 兹 善 隸 待 仲 多 慨 揚 謚 秋春 然 州 110 可 某 謹 寰 府 出 齋 八二 以 宇 月 口 泰 王 牲 先 州 朔 處 帛 體 支 生 知 醴 干 仁 之 孔 州 齊 孟 達 神 某 某

> 尚 築 盛 庶 밆 用 伸 常 以 林 子 某 某 西己

頒 胙 凡 例


肘 前 祠 與 口 臂 、祭者享胙。 志 省 重 送 本 牲 八 親 觔 官 州 族 IF. 與 猪 堂 、祭者, 胙 永爲 送 猪 代 首 0 定 祭委 各 前 規 本 致 臂 焉 州 官 私 重 同 胙 猪 + 志 1 0 卿 肘 觔 餘 達 羊 羊

志

本

同

首



下 階 祭助志同

皷樂

拜陪孫子

祭 田 賣 契嘉 靖 Ŧi. 年 + 月 H

É 溝 文 原 \mathbb{H} \mathbb{H} 契 科 出 西 爲 憑 粮 段 安 賣 至 豐 中 証 米 計 與 溝 作 場 本州 升 時 灶 南 百 值 民 至 充人 價 合 季 溝 + 銀 六 存 畝 安 北 四 勺 海 豊 + 至 坐 9 隨 今 場 网 朱 落 將 田 心 整 昇 T 辨 齋 自 界 堡 納 其 己 祠 莊 几 \blacksquare 堂 成 作 立 至 東 熟 每 此 祭 畝 明 至 水

祭 \blacksquare 原 月二十 無 場 基 H 後 東 續 置 場 基 段嘉靖 + 四

畝 愿 V/ 坐落 安 文 豐 約 J 場 堡莊 將 住 自 人 東 己 吴 止 續 大 置 純 河 陸 百 地 弟 西 止 吴 段 吴麟界,南 鳳 計 地 今 六 情

> 無 時 賣 相 王 11: 名 難 承 交 值 河 憑 當 價 領 下 北 銀 立 止 永 + 地 自 此 遠 河 賣 1 文約 在 之 兩 粮 兀 上 後 整 米 止 爲 爲 明 照 如 每 業 其 $\stackrel{\prime}{\boxminus}$ 有 年 銀 子 肆 憑 出 侄 地 貼 衆 賣 争 完 言 7 與 兢 官 議 契 口 之 作 場 俱 今 係 H 當 住 恐 立 兩 年 X

崇 儒 後 祭 袁 契 萬 曆 四 年 月 + Ŧi.

納 無 整 爲 内 井 愿 業 盡 私 巷 祖 今 其 遺 泰 債 西 行 恐 憑 銀 承 州 貨 出 止 衆言 無憑,立 契 分 光 物 賣 走 下 袁 孝 淮 路 與 議 寺 地 折 百 北 併 作 僧 此 州 完 當 至城 所 人 賣 住 其 足 年 能 契 計 人王 \mathbf{H} 時 鋭 爲 並 四 地 上 值 照。 無 名 止 陸 今 粮 價 分 下 明 畝 缺 草 銀 , 白 文 有 少 隨 在 懸 零 使 買 十 二 寬 上 欠, 用 主 耕 窄 東 辨 亦 网 種 在 止 情

崇儒祠祭園賣製萬曆四年十一月二十四日

溝,北 賣 當 憑 遵 米二 三間 段 計 奉 堂 經 啚 人 自 領 紀 海 斗 里 泰 止官 門扇全, + 嚴 長 州民 足 道 六 行 畝 理 上 升七 仇 里 巷,西 整, 直 司 等 經 人 如 門樓 程 合 沈 有 估 坐 下 恐後 Ŧi. 海 親 時 止 落 民 明文, 勺 今將 房 值 地 吴宅界, 一座,門房全,東 南 無 人 價 Ш 情 每 憑。立 等 銀 買 寺 愿 歲 自 争 七 西 充 賣 係 己 該 崇 业 競 + 隅 與 續 辨 在 爲 爲 兩 儒 本 納 城 在 置 證 整 礙 祠 州 東 秋 上 袁 南 祭 Œ 當 係 粮 南 俱 草 田 堂 田 隅 房 出 日 止 IE.

優 免 帖 文嘉靖三十二年二月初八日

告狀人王衣、王襞、王褆、王補,各年甲

容,又 源,以 學未 差,以 文執 之志 不 史馮 察御 志 比 編 祀 巡 衣等 事 不 即 ·時前 勿 猶 派 按 明 同, 照,許於本名 未 分 差 成 史胡 直 几 翁 急 期不負上 墜 便 俱 身應 竊 徭 章 泯 往 建 隸 子 難 進 遊 力 係 下 之際 慮 7 監 浙 理 海 勉 脩 學 求 安 本 役 江 祠 一、欽差督學校巡 察 辨。 濱 哀衣等情 續 聖 豐 堂 場 江 因 御 以 司作養之思,不墜先 孤 箕 則 道 定 灶 場 史 此 承 應辨 如蒙 概 西 裘 哂 初 總 洪 灶 先 感 等處 數 罔 將 行 兩 志 人等,不 籍,狀 激 志 鹽課 有 准 祀 蒙 衣等名 盡 年 敢 事 告,乞賜 訪 可 典,令衣 疏 隳 欽 愈 以 放 之外, 矜, 求 薦, 爲懇乞優 按 差 來 切 逸 先父王 字 諒 師 欲 直 預 巡 奮 不 兄 愈 鄙 友,究竟宗 等守 行 隸 按 凡 給 上 勵 節 幸早 點 情 弟 告乞 人好 念 監 蒙 有 印 直 或或 艮, 在 相 信 奉 免 點 先 自 察 隸 欽 率 Ļ, 充 明 人 優 於 古 祭 御 監 差 師 雜 知

重鐫心齋王先生全集

學,不 奇 丁... 逢 身 萬 雜 廢 役 代 半 仰 途 得 瞻 與 倘 優 爲 獲 免 此 陶 下 庶 成, 情 衣 皆 ,具狀投告 等 爲 各 恩 得 惠, 專 千 心 載 爲

文移

東淘祠堂帖文

廪 報 或 仰 監 以 心 教 增 繳 州 察 TE 齊附祀安定 0 官 附 量 御 人 直 蒙 置 1 武 隸 史 員 生員 此 學田 事 揚 馮 案照 州 致 每 冒彧等呈,稱「切緣孔 抄 府 祭 先 批 蒙 泰 先 歲 生 據 牲 欽 州 於 據 終 本 帛 爲 差 本 春 屬 州 請 提 州 秋二丁 未 儀 祀先 申 督 儒學 便。 式 前 學 并 校 賢 事 後 申 既 置 以 洲 有 宗道 遣 孟 據 田 蒙 按 專 没 本 通 有 直 批 祠 而 學 議 隸 脉 口 :

教 州 人 大 大 哉 鄉 哀。 崇以 人; 海 安豐 胡 聖 刮 之學,則就 人 人 ? 濱 化 春 先 劘 公倡 學 迹 一場布 隨事 振拔 特 洪 胡 盖 立 而 秋 生 湮 先是 熄澤竭 曲 私於 准 非 其 示 致祭, 明 没 成善 心 趨 精 將 特一藝之才、一鄉之士 體 原 本。 衣王 而 IE. 流俗、依書踐 性 門 雖蒙欽 白 先 探 建 用 可 以 然特 漓 類 也。 徒 年 之 本 明 艮,字汝止 詞 祀 折 卓 0 學,越 而 欽 場 明易簡 章 於社 而 其 爾 近悦 士 兹遇欽差巡按 行於鹽 差 差 書 風 不公於 衷 資 習 巡 洲 舍 靡 今五 者, 師 壞 按 而遠 按 改 履 悟孔 直指迷 於 功 直 場,而 直 求 作 别 守 百 自 毅 利 本 隸 隸 服 斯 祠 號 牧 孟 年 然尚 得 州 鹽 鹽 波 堂, 之心 心 而 來 不 生 直 非 途 法 法 頹 自 Ξ, 齋 豊 榮 達 聞 友 隸 \$ 世 所 御 御 宋 於 其 多 於 學 曹 幸 以 中 中 所 而 川 陽 崛 遠 安 門 老 得 校 致 本 老 謂 列 尊 古 定 廖 起 有 明

此

帖

仰

己

故

處

士

王

心

齋

親

男

王

衣

等

州,已 宗,咸 價 蒙 於上 乞申 高 報 相 講 公。 文 應 御 Ш 措 當 腴 功之宜 學之長 書 承 有 史 ·, 至 協 州 院 官 熟 處 況安定 待 老 經 或 依 轉 祀 銀 收 田 大 具 故 遇 自 大 今 達 風 領 兀 人 由 宋 贵 源 址 雖 其 門 攸係 白 本 居 + 有 外 馮 申 安定 徂 0 號 無 前 徒 院 此 司 兩 詳 多 緣 流 畫 + 教化 聚 合 吾 無 倘蒙 Ш 之義 於 ? 去 買 或 士: 後 畝 照 講 科 而 後 中 ; 到 論 輩 道 爲 前 費 藏 西己 坐 所先」等 猶 究 ; 本 其 先 而 此 大 之 脩 享, 落 今蒙 鄉 理 今 守 場 心 塵,斯 配 議 勞,多士 邦 性 思 地 擬 灶 享 舊 心 司 殊 該 前 之 本 先 名 户 合 於 道 規 齋 情 恊 本 賢 奥 文 因 州 T 季 就 就 旁 ; 口 輿 州 人物 E 堡 後 行 存 本 備 慰 得 情 此 實 而 舊 莊 印 學 海 州 申 仰 崇 道 偶 祠 維 有 爲 前 近 依 到 膽 德 統 呈 追 而 擅 泰 時 列

> 祭 收 儀 執 并 將 隨 前 置 田 田 粮 某 草 承 俱 領管業 毋 違 錯 永 遠 未 耕 便 種 須 收

> > 至

辦

帖

者

鹽課司 帖文嘉靖二十一年閏五月十三

久 課 此 書 志 事 直 府 士 俟 0 屋 隸 泰 司 蒙 案照 監 州 爲 网 其 然 祥 特 批 帖 察 淮 門 未 後 先 文「奉 彰 都 御 : 經 附 人 爲 善 轉 史 題 願 祀 林 前 運 胡 類 本 請 祀 鄉 選 事 以 鹽 府 者 祠 郎 例 使司 E 風 批 帖 聽 經 訪 學 難 文該 據 呈詳 王 通 校 泰 有 行 處 本 行 州 事 場 鄉 : 該 士 府 0 分 去後 專 行 艮 蒙 州 經 祀 奉 司 9 但 知 良 歷 欽 直 安 盖 悉 亦 今蒙前 既 可 差 隸 棺 舊 海 呈 巡 場 揚 繳 隅 前 按 有 未 州 鹽

●「址」,原作「扯」,據文義改。

理 爲 來 屋 主 理 選 合 書 士 備 由 主 大 子 即 行 院 此 等 就 俱 郎 艮,行 李 聽 除 孫 經 送 行 批 門 照 大 學 領該 合 將 合 願 勘 X 呈 原 人子 行 令安 送 林 就 祀 鄉 明 體 爲 内 設 奉 學 帖 X 選 行 者 具 賢 事 遵 此 此 書 孫 豐 師 鄉 郎 遵 外 理 依 仰 院 除 願 場 由 生 賢 奉 俟 合 爲 及 一,待 王 施 祀 申 以 外 此 施 依 大 行 聽 體 者 行 處 報 王 選 行 奉 祥 帖 禮 其 其 0 遵 遵 仰 士 去 處 郎 0 遵 之後 門 送 奉 王 依 照 門 仰 後 + 大 州 須 行 入鄉 人子 處 此 查 人 施 本 於 祥 官 至 外 照 子 士: 行 今 行 之 吏 帖 本 場 案 賢 孫 擬 奉 場 後 照 孫 官 者 州 仍 於 具. 照 祀 祠 合就 前 專 依 刊 照 聽 吏 刊 依 原 E 于 祀 大 來 帖 其 准 建 刻 照 查 原 王 刻 行 文 門 事 申 書 木 事 擬 緣 林 設 木

右

帖

下

 \pm

處

+

門

人子

孫

王

衣等

准

此

建吴陵崇儒祠憲票萬曆三年二月

明 州 興 址 無 壞 查 不 生 所 後 得 事 理 安 舉 尚 存 爲 王 趨 無 建 撫 0 毋 學 豐 者 心 白 有 損 屬 抄 欽 以 得 堪 場 齋 壞 蒙 祠 差 代 境 直 闡 亦 修 大 堂 地 原 所 C 欽 内 海 葺 理 任 前 循 即 據 有 方 H. 差 泰 防 者 春 學 賢 計 泯 斯 祠 祠 聞 督 州 兵 秋 之宗,抱 者 滅 \perp 文之正 心 即 堂 宇 撫 其 設 分 備 也 建 齋 行 即 合 軍 況 子 有二 副 口 造 估 今 門 行 王 等 該 王 安 使 計 統 有 高 先 查 王 襞 大 道 祭。 豐 程 此 修 無 議 蹈 生 等 又 真 係 場 理 見 釣 修 不 崛 蒙 爲 頗 然盖 爲 境 有 爲 0 存 仕 理 牌 此 起 理 有 昭 内 之節 王 如 督 學 海 父 造 代 前 爲 高 係 仰 心 如 撫 濱 風 年 事 之 照 正 賢 倒 齋 係 道 地 鉅 倡 該 當 遺 塌 損 即 先 殁 杳 方

禮 儒 位 兩 本 本 風 城 致 道 州 世 原 買 祭 發 官 教 未 卷 每 料 年 吏 也 設 收 查 齊 春 照 有 雖 泰 備 今蒙 牌 專 蒙 秋 興 候 事 祠 各 縣 該 至 理 前 院 解 多 州 秋 大 於 到 即 +: IE 間 本 便 無 相 官 銀 場 盖 選 應 所 内 率 擇 特 觀 建 祠 動 口 祠 建 感 勝 支 儒 所 奉 地 爲 壹 學 似 祀 此 白 師 安 非 品 牌 六 設 生 然 所 以 神 + 將 仰 以 州

舉 行 須 況 緒 至 該 餘 0 牌 之 及 本 州 以 院 論 建 素 闡 修舉之意, 舉 揚 稱 過 先 念向往表章之誠 理 賢 緣 學 7, 由 開 申 且. 示 專 幸 來 後 父 蒞 學 以 師 儒 者 之責 憑 自 者 也 轉 之邦 不 報 能 正 牌 施 當 具 竊 行 遵 與 聞 而

事 直 抄 隸 欽 揚 差 州 整 府 泰 飭 淮 州 揚 爲 崇 海 防 祀 兵 鉅 備 儒 兼 以 管 風 世 河 道 教

> 厚,以 髮之流 未 氏 民 編 有 代 建 此 觀 浙 有 而 申 終。 敢 餘 之禮文。 祠 繳 本 田 派 感 前 江 則 已隆 擅 道 之 事 等 而 合 全 今 王 今勘 蒙此,案照 作 蒙蒙 便 可 處 類 興 多 祠 先 無 緣 以 興 提 難 起 批 買 典 而 生 之義 濫 得 任 刑 者 以 方之盛舉 由 付 附 賣 廟 守、徭 據 本 用 按 之, 矣。 速 申 得 廓 食 議 既 察 祠 先 詳 行 亦 田 之 其 甚 數 宜 爲 司 編 俱 該 去 需 庶 愛惜 是 畝 儒 於 副 ; 後 況 有 本 如 + 幾 慎 口 而 者 使 得 州 王 行 畝 蒙 永 也 王 之居 以 始 耕之,其 定之 程 人 氏 查 并 以 保 必至。 氏 批 供 奉祀, 安 議 子 永 於 以 子 享 數, 批 得 弟 需 保 無 其 非 孫 前 於 斁 素 當 攸 祠 取 其 淄 無 兼 據 當 大 萬 矣。」 托 給 稱 要 歸 斁 本 加 衣 捐 H. 本 除除 年 王 也 州 謹 增 黄 于 後 金 有 州

「與」,依文義疑當作「興」。

0

作 者 前 外 行 踐 去 産 擬 萬 許 管 合 曆 理 行 四 赴 給 經 本 年 州 帖 Ŧi. 紀 祠 月 口 執 綵 侍 初 禀, 照 買 奉 H 以 附 給 爲 香 憑 廓 火 此 究 田 治 合 如 + 施 帖 有 行 畝 給 閒 給 付 人 須 付 本 在 管 至 宅 業 帖 祠

合 意 學 几 13: 兩 畝 蕭 城 升 依 斷 趙 生 西 基 春 批 員 前 給 直 方 至 地 萬 斷 王 隸 斷 批 抗 秋 调 曆 趙 之 揚 追 云 法 特 畝 與 州 送 + 方 : 垣 滅 祀 給 王 府 禀 王 Ŧi. 卷 既 送 姜 祭 生 泰 公 年 稱 經 本 鳴 員 盗 田 州 , 祠 官 先 告 垣 祠 未 辦 賣 爲 作 斷 知 收 争 祖 備 給 納 錢 祭 情 租 絶 王 帖 茂 不 \blacksquare 告。 户 趙 供 蒙 心 世 爲 得 粮 錢 齋 祭 前 守 方 業 私 復 瑞 追 卷 任 建 事 自 蒙 石 得 太 0 \mathbb{H} 証 \mathbb{H} 祠 盗 太 價 價 Ł 父 本 據 賣 1 父 + + 1: 儒 與 不 州

> 須 就 踐 \mathbb{H} \mathbb{H} 占 照 至 1 行 霸 難 錢 帖 舊 占 以 者 粮 佈 爲 憑 永 收 種 此 遠 照 萬 永 人 合 曆 爲 伊 懇 + 爲 業」等 行 户 六 恩 祭 帖 年 辨 給 + 田 納 給 情 帖 不 月 本 世 俱 十二日 到 許 牛 守 毋 州 莊 收 違 不 民 執 據 錯 許 霸 此 即 莊 占 未 將 擬 民 便 其 前 合 作

倉 年 垻 改 袁 爲 包 田 廠 帖 供 文 租 萬 曆 + 九 年 四 月 初 九 H 給

管 帖 東 俸 祠 典 業 本 先 事 置 几 買 兩 生 場 至 歲 祭 照 淮 後 顧 俱 收 田 得 運 配 裔 河 夏 安 口 享 收 段 豐 泰 秋 相 執 祭 場 州 籽 計 應 \mathbb{H} 即 心 分 粒 未 給 八 將 齋 口 畝 備 照 以 所 爲 E 兀 管 供 置 近 先 設 分 爲 几 前 該 生 處 業 時 己 坐 分 祭 H 之 落 杳 戸 經 \mathbb{H} 此 昭 周 以 題 合 倉 永 降 請 坦 爲 行 捐 祀 盘 建

錢

茂

取

領

附

卷。」

切

恐

H

後

弊

生

奸

民

謀

乎

疑

至

若 索 年 本 津 生 如 貼 擅 有 王 加 豪 自 珮 强 賣 名 侵 廢 T, 奪 追 鹽 違 奪 銀 者 還 一錢,不 執 官 此 俱 呈 許 毋 官 分外多 違 治 悮。 罪

E 翰 右 等 帖 收 給 執 王 氏 子 孫 生 員 \pm 之垣 儒 士 未

便

須

至

帖

者

薦 辟 考

盱 胎 馮 應京 撰 兵 憲

然以 論 其. 於 於 忽大覺 語 門, 孔 聖 鄉 王 不不 黨宗 賢 艮, 氏 好學之志 書 爲 甚 泰 悟 族 必 解 州 教 可 久之,所 於 人, 至 前 及長 人 老 性 所 隨 乃 而 朴 讀 得 始 材 彌 日 茂。 書 開 日 論 篤 導 若 邃 交 有 才 其 於天 或啓之者 嘗 感 几 受《 於事 著 方 孝 下 孝 學 友 論 士 忠 親 經 信 鋭 之 群 證

學皆 之, 哉 端 跡 員。 嘉 向 耿 艮 天 其 天下 又 由 大人者 靖 ! 傳 日 身 不人公府 木 地 \Box 云云。」又 會飲 葉 人 :「有心於輕 國家 稱 中 : 云云。 賜 . 萬 於 巡 幼 卓行, 物 天 嗚 心 伊 了, 正 撫 酒 顔 與 學。 者 之本,則 地 呼,天 本 劉 酣 艮 其 日 淵 傅 己 萬 節 自 聲 儒 前 體 : 謂 俱 侍 之事 出 而 物 士。 御 樂 色 後 道 之 授 將 孔 曾 物 妓 功名 云云。 者 位 纖 遺 淑 並 史 以 翰 子 我 徵 正 點 侑 育有不 毫 末 人 謂之失 薦 朱 心 林 者 論 不 明 童 觴 富 0 不 齋 有 附 者 孔 能 也。 待 學 以 貴 冠 染。 即 陽、吴 有 先 如 陶 三人,文徵 云 詔 云云。」有問 書 伊 舞 襲時 本。 拂 生 此 云。 以 故 學 雩 樵 一爲 有 傅 伊 衣 7 先 名家 悌 之 位 \wedge 潔其 友 起 木 天 吾 之學我 是, 樂 樂 者 傳 傅 薦 人 鐸 臺 身 學 云云。 仲 于 稱 明 八身於 建 欲 生 耿 與 也 見 以 歌 朝 由 幼 試 平. 與 定 前 不 危 爲 生

符 帝 兵渡淮 第 中 一,授 前 哀 亦 其 理學忠節 有 忠, 閉 修 撰。 門 王 遣 艮 涕 官 聞 首 俱不媿於世 泣 諭 靖 祭。 江 訣 難 西 妻子, 兵 百 解 起 額 餘 云。 憂 服 舉 年 毒 憤 間 禮 死 不食 部 名 有 建 廷 偶 文 試 及

詩

簡 心 齋 大 老

海 濱 有 高 儒 人 品品 伊 傅 兀 萬 實 踐 率 性

斯 色。 赤 初 明覺 天下不 閉户 廓之何際 五. 非 與 智 + 易。 識 涯 秋 俟 沙 曾 語 之 頭 讀 及 何 看 經 觔 所 潮 1 綸 沙。 惑 間 方 憫 仰 浙 世 者 象 止 私 信 隨 如 得 嬰 形 如

千

載

0

此

句

有脱字。

師

高

Ш

限

咫

尺。

寄

語

定

貞

盟

天

將

微

側

0

0

挽 心齋 先生

遺 定 滄 像 處 海 肅 誰 不 碧 清 霞 鈎 妨 产 軸 池 風 鳳 畔 猶 事 遠 自 業 鳴 滿 輕 青 Ш 來 Ш 袍。 只 殊 羽 覺 毛。 斗 遺 星 下 高 拜 乾 再 膽 坤

聽

韶

善

寫

音

公

獨

王

芝

山

人

法

聚

沙

輓 言 四 句

陳

讓

御

史

部 守 益

心 源 齋 溪 東 又 海 下 上 鵞 好好 溪 尋鼓 拜 寡 瑟 過 唐 相 餘 將 T 此

八六

哀

輓

律

門人

不 壇 昧 上 盈 一從 長 河 虚 停 淡 理,見道 化 淡 雨 德 琴 星 誰 沉 如今古 中 三合有遺音。 風 落 心。 汪 洋 獨 海 向 自 平原 令終

方 穎

微。

海

内

謳

歌

處

無

窮

Ш

平思。

秘,行端後覺依。

六經

還

羽

翼

貫

更

精

先生今已矣,吾道

竟

何

歸

?

學

闡

先

天

章門

下,婿

謁心齋老先生祠

哭

心翁夫子

歌

此

調,滿腔明月照纓簪。

吉 水 劉 天健 嘉靖 癸丑

善,不獨海 絶學倡當代,人稱有二王。 邊長。 豪傑推千古,風 能 流 來 播 天下 四

方。 平生山斗念,遺像儼空堂。 其

載,文明 門墻朱 慶 一時。 氏 子, 而 至 亦是吾 言 倡 簡 師。 易 俗 道 學 喪 破 悲 離 千

幸有遺編在,猶能慰所思。 其二

齋王先生全集卷之五

207

輓 心齋伯翁五言 律

冒節門人

瞻 依 孔 東 海 孟 篤 爲 生豪 心印,收 傑士,一時 拾 乾 坤 人擔頭。 冠冕半交游

墻 下 ,梁木先摧只淚 流

在

躬

猶

自

遜

一,治平

有

術

竟

難

子

久期

卒業

禮樂

謁 吴 陵 祠

吾身原至重,萬 物搃一肩。 濠上 沈 思聘諸 任 重 道 遠

物我籓 子, 洙泗得 先。不先知所往 者,豈宜貿貿 籬徹,靈臺 心傳。 然。 明哲保身論, 芥蔕捐。 胡 所以 能 求 聖賢學, 至 香 三焉? 昏暴棄 揭 日 致 心 月 知 齋 た中 子,覩 在 王 夫。 夫 所

無汗顔。 愧子生 也晚、蚤未能 執鞭。 兹適

簡 吴陵道 ,齋宿拜 三復即 面命,私淑效前賢。 祠 前。 德容儼如 生,遺

訓

垂

此

謁 安 豐 祠

宛 陵 施 弘 猷 諸 生

東

海

聖人出

此

心

同

此理。

先

生

實

應

0

言搜 未死 耳目 形貌豈不肖? 遠,樂學亡實指。 址。 言不易矣。 指近溪羅先生。 之,益信言有旨。 反求立達兼 遺 都一洗。 我因 2編, 皜 鰌天上 窺 往聖從此承,後 萬 肝濯 一班,誰 衍長 我來謁 糟粕違神理。 古 飛,群鱣出泥滓。 相率事 派,新 江 格物 還 汜。 能忘自始。 先生,匪直 學爲 體。 都 雷 防檢,失彼還守此。 指光庭陳先生。 雨忽東來,先生如 死荷 尼父 師 何當決江梅, 修 佑啓。 瞻 吁嗟 如 身天 拜 有 耳。 下紀。 作 聖言 拓 旴 ..,斯 微 深 江

謁 東 淘 祠

楚陽 吴 雙諸 生

真儒 欽 海 内, 廟 貌 柏 森 森。 參透古今

梅」, 據文義疑當作「海」。

過 安 豐 里

深。

髣髴

春

風

坐,悠然抱

膝

吟。

理 闢

開

天

地

心。

遺

編

垂

世

人,化

雨

潤

人

來洙 泗,千 . 載 廣 人文 陵吴光先諸 海 上 生 開

滿界何

能證得

擔

生

來

博

地

凡

夫,

敷。

剡

谿

周

汝

登

尚

寶

司

卿

淵

源

家 箴 舍 揭 今 勉 猶 仁 在 成樂學,功 一 脉 鳴 鳳 羽 從 儀 格 正未 物 衰。 育英材。 私 淑 遠 見龍 人

過 廣 陵 懷古

勤

景

仰,承前啓後

屬

誰

哉

?

樵 李 岳 元 聲 郎 中

誰

堤 魏 落 辇 柘 成 江 何 Ш 事 幾 ,嬴 度 憂, 得 心 廣 齋 陵 號 泰 重 州。 泛 又 驚 秋

隋

謁 海 陵祠

像

4 陰 張全之 諸 生

遠樹 振 豆 起 已 江 脩 高高 淮 參 軀 古 廊 色,散落寒星 Ш 貌 廟議,兒 空仰 掌 心珠,人 謾 嗟 孫 吁 4 猶 女區 是 座 聖賢徒。 驚 人 感激 氣 口 蒼茫 頹 呼 風

俎

聖學宗傳 詠 古

囊直自往 寶 藏 洪都。 親 開 萬 用

春 丁 分祀 有 感 萬曆 一癸丑

州 張 大 有 泰州 司 訓

衣 裳, 光 薰 沐 來 登 先 哲

城

隅

仙

院

儼

望 惟 重 仰 鳳 清 難 修 侣 玉 遜 樂 潔, 學 歌 更 聲 瞻 琴 理 可 學 方 Ė 争 光。 竹素遺 名 今 賢

秋 丁 分祀 有 感 癸丑

饒

燦

爛

崔

巍

廟

貌

萬古香。

淮 陰 張 盈 光 泰州 司 訓

越 漫 師 門 叨 陳 淮 俎 海 豆, 久 相 摳 望, 超 猶 何 似 幸 傍宫墙 親 承 此 勉仁

衣 鉢 在 指 元 鼎 百 年 桃李倍芬芳。 由

己

居

偏

廣

樂

學

於

人

路

更

長。

況是

孫曾

對

謁

東 淘 祠

格 地 物 轉 旋 吴 維 參 陵 揚 悟 成 間 洙 氣 東 泗 毓 越 真 淮 天 儒 開 南 兩 海 獨 並 或 契 驅 出 心 啚 宗 樂 書。 證 學 太 淵 良 虚 源 知

莆

陽

黄宗

元

諸

生

師 百 世 何 須 伊 傅 下 蒲 車

門 弟 子姓氏四方從遊甚衆 世 遠難 悉 , 姑以 譜

録

所

載 奠軸 所紀者開列 于

宦 遊 維 揚 門 人四人

周 良 相 字季翰 號 。合川。 揚 州 府 同 知 湖

廣

道

州

周 濂溪先生 後裔

签字□□. 人。 見《尺牘密證 》簡篇

朱

號□。

泰州

知

州。

浙

江

Ш

陰

縣

九〇

林 庭 樟字□□□ 人。見《尺牘密證 號□ 》簡篇 泰州 同 知。 福 建 莆 田

珮字□□,號□□。 興化縣 知縣。 見《尺牘

袁

杉字子材,號

方

洲

福

同

安縣

知

縣

本州

配享崇儒祠

林

春字子仁,號東城。

吏部

文選司

郎中。

本

州

兩配享精舍、

崇儒祠崇祀鄉

傅

密證》簡篇。

四 方 縉 紳門人九人

徐 樾字子直,號波石。 雲南左政。 江 一西貴 溪

人。配享精舍祠

董 燧字兆時,號蓉山 南京刑部郎中。 江 西 樂

安縣人。

聶

静字子安,號泉崖。 兵科給事 中。 江西永豐

錫字失紀,號圖泉。 峰字失紀,號 縣人。 玉 屏。 漳浦縣教諭。 江 浦縣 知 縣。 鎮江 江 西 府丹 泰 和

徒縣人。

朱

張

殷 聘字失紀、號覺庵。 某府 通 判。 本 府 江 都

孫 雲字失紀,號淮鶴。 壬子 鄉科。 江都縣人。

陳

張

淳字濟:

化,號此

庵。

Ш

東

范 縣

知

本

州

古]字實夫,號美齋。 配享崇儒 祠 河南新鄉縣學訓

本

州

人。先生姻婭。 配享崇儒祠

棟字隆吉,號 庵。 江西] 豐城 縣 教

諭

擢

深

王

邦字維新,號奎泉。 州學正。 先生族弟。 江浦縣學訓。 配享二祠 本州人。

配享崇儒 祠

戴

淑字汝嘉, 號 曲 塘。 湖 廣江陵縣 縣 丞。

本

陳

州人。

劉啓 元字善甫 號 中 橋。 湖 廣 松滋 縣 知 縣。

本

州

宗 黄 部字尚恩,號 鶚字子薦,號竹岡。 丸齋。 户部員外。 王 府 審理。草堰場人。 本州人。

九一

配享精舍祠

朱 軏 字 惟 實,號平 齋。 高 陽 縣 知 縣。 草 堰

場

配享 精舍祠。

耆 儒 修 士門人四十四 人

羅 楫字汝用、號 濟 اال 江 西 |南昌縣

程 俸字號失紀, 鹿 坡弟

程

伊字失紀,號

鹿

坡。

南

昌

縣

人。

喻

人俊字失紀,號同

إال

南昌

縣

人。

吴

怡字號:

失紀

鎮

江

府丹

徒

縣

喻 人傑字號失紀 同 111 弟

黄 文明字號失紀。 南 昌 縣 人。

張 1 一賢字希 聖,號 完 初。 貴 溪縣

顔 鈞 字子 和,號 山農。 永 新 縣 人。 羅近 溪 及門

師 事 馬。

胡 太字號失紀。 會昌 縣

惟 寧字懷德,號 明 吾。 會昌縣人。

程 董 弘 忠字□□ 高 字號失紀。 號 天 徽 津。 州 府婺源縣 徽 州 府 歙 縣

人。

著《

雅

李

璽字季祥,號友泉。

天泉弟。

音集》行

世。

陳 應 選 字 號失紀。 歙縣人。

汪 廷 相朴字 號 失紀。 祁 門

王

汝貞

字

惟

號

樂

庵。

寧

,國府

涇

縣

人。

配 亭 精

舍祠 郝 桐 浦 及 八門師. 事焉。

吴 標字從本,號 竹山 涇縣 人。

柄字號失紀。 竹 Ш 弟。

吴

陳 佐 字號 失紀 丹 徒 縣 人。

盧 先 瑞字號失紀。 新金人。

王 俊字失紀,號緑湖。 揚州府江 都

縣人。

李 王 志仁字居淑 珠字明 祥, 號 號 天泉。 小 Ш 本 本 州 州 人。 人。 配

享

精 舍

李 才字宗德。 號 中 庵。 住 中 村 鎮

田

汝登字章

薦

甫

號

南

袁

本

州

人。

李 瑶 字君 祥, 號 懷泉。 本 州 人。 天泉弟

周

佐

字

邦

臣

號

小

塘

季

倌

字存

爵

號

渠

麓

以

上

俱 本場

人。

李

徐

相

字

來

聘

號

龍

湖

周

延

年字文長,號

近

渠。

季

宦字

存

海海

號

東

洲

周

魁字

文魁,號

南泉。

配

享精

舍祠

周

盤

字崇 享精

壽

號

西

野

本場人。

先生妹丈。

舍祠。

以上

俱富安場

梅

月字子

恒,號

鶴泉。

州庠生。

先生姻

姬。

西己

祠

著

漁

响集

~行

世。

王 社 字宗宜, 號瀛 槎。 Ш

東魯府典

膳

先 生

從侄。

王 樞字 成之, 號懷堂。 先生族侄。

號

小

Щ

先生族侄孫

奠軸 王 紀遺門人七十三人,字號土著失紀 卿字守爵,

王 劉 登瀛 貞 袁 楫 朱相之 方 穎 徐賢 鄭 子 陳茂 珞

崔

殷字

邦

實,

號

北

洋。

先

生

姻

姬。

配 享

精

舍

崔

便字

邦濟,

崔

誓字國然,號決齋。

富安場

朱

恕字

光信

號

樂

齋。

草

堰場

人。

業樵。

配 享

精

舍祠

許

鳳字

鳴

周

號

竹

岡

如

息

縣

人。

蔣

勤字失紀,號拙齋。

本州

鄭 相 鄭 潭 鄭 潔 鄭 瑨

盧 喻 蘭 胡 琇 龔 邦 佐 盧 大旅

化 盧 皥 周 鈞 字重夫,號東沙。

周 侃 周 鍾 崔 藻 崔 鵬

希 舜 孔 周 澄 崔 希 離 崔 賀 童 開 崔 鷴 堯 號 静軒。

崔

崔

宦宗 義 王 紹 王 鳴 鳳

王 式 恭 李 陸 王 杜 位 澡 吴昱 陸 王 儒 喂 吴承宗 李 王 彬 相

王

宦

宗

九三

彭 雷 韓 楫 章 柯 朱 韓 永 倫 露 登 朱 馬 方 恕 克 悌 純 雷 涂 卿 泰

私

淑

耆

儒

門人九人

字以

中,

號

樂

吾。

陶

本

府

興

化

縣

林 曉 字 號 仰 城 東 城 長子。

戴 馮 恩 濂 繆 夏 鵾 洧 黄 高 應 恩 龍 喻 徐。 鳴 勳 鳳

劉 世 禄 唐 實 梅 值 T 榮

楊 南 金

私 淑 縉 紳 門 人四 人

羅 汝芳字惟 德,號近 溪。 雲南 左 參 政。 江 西 建

師 事 永 新 縣 顔 Ш 農。

□□□人。 師 事 建 昌 府羅 近 溪

汪

履 祥 字 光 庭, 號 文 臺 貢 士。 徽 州 府 祁 門 縣

陳

師 事 羅 近 溪

郝 繼 可 字 汝 極, 號 桐 浦 泰 州 學 訓。 直 隸 和 州

師事涇縣

王

一樂庵。

楊

起

元

字

貞

復,

號

復

所。

禮

部

侍

郎

湖

廣

昌 周 唐 韓 陳 林 魁 思 兼字紹旦 訥 珊 貞

字公敏

號白

宇。

福

建

莆

田

縣

人。

師

事

興

事

本州

陳美齋。

字

可

珍

號

橋

後 厓。

改

靈

臺。

本

州

人。

師

師

事先

#

仲

子

東

崇

祀

鄉

賢

化

縣

韓樂吾、

仲子

東

號得

齋。

郡

庠 厓

生。

本

場

人。

師

事

字 仲 明 子 東 德 厓 號樂天。 江 西 清

類 江 縣 人。 師 事

字 門 與 縣 齊, 陳文臺 號 4 本 瞻。 州 唐 本 靈 州 臺

吴

有 賢 源 字 維 清 岳 石 號 帆 崑 0 寧 國 府太平 人。 師 縣 事 人。 陳 文 宣

弘 猷 字允昇, 縣 籍 師 號 事 中 陳 明 文臺 寧 或 府 宣

城

縣

庠

生。

師

城

施

事

文臺

吴光先字孝昭、號 天我。 本 府 庠 生。 休 寧 縣 籍

祁

師 事 陳文臺。

東 淘 精 舍祠 配享十五人

林 春 徐 越 朱 軏 朱 恕

李 珠 宗 部 崔 殷 梅 月

棟 族弟。 王 一襞仲子。

王

韓 貞 林 訥 周 魁 周 思兼

王 一提四子。

吴陵崇儒 林 春 祠 王 配 棟 享十 袁杉 ·四人

張 淳 李 珠 戴 邦 王 陳 一衣長子。 世

王 一襞仲子。 羅 汝芳 陳 履 祥

郝 繼 口 王補 四子。 王 之垣 一宗孫

配 享 列 傳

則 祠 計二十 祀之崇儒 五. 人。 祠 倡 私 學安豐 淑者身先生之道 則 祀之精 以開 舍 祠 來學,祀 學 泰

> 春字子仁。 泰州 千户所人。 登嘉靖壬辰科會 元。 爲

林

後 義

人。

自

持

而

敦

睦

族人,皆

光先之器也

併祀之以

勵 節

傳,或潛發宗旨,或

闡繹

《書》《易 者,必

影而

恪

遵庭

訓,

或

兼祀之。 亦如之。

以至爲子若孫 惟林子春、王子

品

粹

論

定,

或

獨

得

棟及門最久,闡著益大,故

諸生時 大開,任筆行文,不費思索。 食貧、織屨 供朝 夕,取 擢南 與 不苟。 官第 遊 師 仕 門,心 至文鈴 地

郎 歸 養母三年,未嘗以 事 干 州 郡 魄 遺 非 禮 者 弗

受。

歲

人不能贍

而

好

賙

與。

與

鄉

人處

恂

怕

如

故

陵 儒 生 唐荆川 也。 爲之誌曰:「子仁爲人,非 起,卒于官,得橐金 四 兩 ,其清介如 心齋不師 此。 非 毘 龍

谿 不友云。」所著《東城文集》行 世

官 箴 烈烈斯 沈志。 並 祀鄉 賢 可 風 叔 世

猗歟子仁,

師門

赤幟。

隱

居

清操,

弗

縻

于

仕

堂

堂

徐越字子直。 禮 倡 師 學,風 江西 有位。 貴 溪 人。 後子罃 由 進士 官 兩淮 歷 官 運 淮 同 南 師 事 執

弟

子

仲

子

宗順。 雲南左布政。 父子不是 挾貴 擒 苗 如 兵 倡 此 亂苗 嘗 題 以 師 象攻, 墓 作 躪 别 躒 傳。 焉。 仕 悲 至

九五

差皮、耳,青星、hz/。 医克耶二、胃宜是夫! 所著《日省仕學録》藏于家。

卓

哉光信

聞

道

尤

奇。

樵之子,

識

者

頗

希

偶

吟

朱軏字惟 挾貴 嗟彼子 實。 庭訓兢兢。 直, 草堰場 貴 産之英。 人。 雲苗 由鄉 構祟, 宦 色都 貢 無忝 仕 去,肩道 高 爾生。 陽 縣 是 尹 0 承。 爲諸 世 生 不

時, 相 故 脉 彼 草 宿 惟實, 草堰 堰 春聯 斥鹵 與京。 猶 榻安豐。 吾 皆 竈 知北 朱氏之著, 丁。 寒 暑不 面安豐,其 惟實 間 人傑,堰乃 令鳴 必必 朱爲之倡 盡 學 得 鳴 師 地 傳 靈 也 後 哉 己。 安豐 以

朱

恕字光信。 衷經 苦。 之。 委 味 也 師 者供母 椎 師 聞 : 樵 堯 後 誉 語 而 道 離 成 念 手 跌 于 病不求, 奇之, ●謂門 Ш 而 其 坐。 心,每 草堰人。 醇 憧 + 裹 金 儒 憧 里 糠 2 起 學 徐 求 往 粧 薪 先 矣, 必 則 大 使 在 爲 受廛安豐,日 師 弟子曰: 恚 詣 胡 得之,不 家 糗 門 日 門熟聽 植 不 裏。 以 有 氏數 幾 樵。 子 宗 斷 離 求 姓 「小子聽之, 欲召見之,不得 送 非愛 饑 Ш 則近 者 樵蕘,易麥糈 我 取 H 我 里 水 惠 非 過 生 和 數 師 己 薪 哉?」力 我 糗 + 間 有 邇 在 目 以 金 言 也 而 食 Ш 此 代 裏。 可 行 擇 楚 卻 此 蕘 倦 樵 省 精 吟

樵

朱、朱

麾之,爲之給

衣食

供

朝

夕

如

常。

治

家

有

李珠字明祥。江西李樂庵仲子,世居泰州。幼習儒,少過間,天啓其機。豁然而悟,聖胎賢胚。

爲 里愈充農民,事 祥。 江 李 樂庵仲 州大夫王公瑶 子, 居 瑚 泰 臣 州 聞 學 幼 習 有 感, 儒 少 遂

天全錢 明祥李子, 芳行 友孝,俗 事 治 棄吏,遊 親 病 極 儀 孝。 物, 百 垢靡 師 緡。 門。 悉 日: 孿。 奉 李號天泉,適與錢合,人皆以爲孝感 殁, 勇 可 母, 貧 異 決 傳。 哉葬 不能 給 嗜學,孝 諸 蕭 葬。 母 昆 曹棄業, , 壙錢 婦。 友異 及期 年三十 天全 聞 孔 數日 孟 後 決 前 有 精 源 九 啓 醫 壙, 而 篤 卒。 得 生 受

宗部字尚恩。 食 落 有從遊 好 施 聞 草堰 四方之志。 師學,解 人。 業儒 官。 生 ,奉例某王府審 平喜怒不形 切 世 味不 掛 于 胸 理。 色。 臆 素性 嘗 粗 贈 衣 金 糲 磊

「哉」,原脱,文不可通,據《耿「跌」,據文義疑當作「趺」。

8 9 0

● 「倥」,原脱,據文義補。楚倥即耿定向也。《王心齋先生傳》補。

天臺先生文集》

四

倥耿

司

馬

爲之傳。

法,迄今凛

深州

乞休。

創

歸

裁

草堂,

倡

族

人

宗

祠 集

明

譜

年

七十有九。

議

入鄉

賢。

所

著《一

庵 建

遺

行

世。

樵 審 者, 麾之不 理 尚 恩,是 顧。 謂 知 贈者怡 務。 道 然, 德 以 友共忘怒。 祭,禄 爵 弗 鶩。 贈 金

崔 殷字邦實。 富安場 人。 業 儒 賦 性 剛 毅, 制 行 朴 雅

順 造 以 少 友善 大器。 聞 廬 請 師 講 益 順念良厚 扃户浩 學,執贄 旌 其 門 歌 開 日 就 誦 家 見, 篤學真修居 讀 以子妻其子希 暮年 隨 悟隨 不 行,不事 倦。 士。 鹺 翰 初 司 口 與 周 耳 仲 海 師 子 門 公 稱

懋 哉 虎 墩 邦 實 彬 彬 師 友姻 娅, 脉 海 濱 所 謂

大器,惟 崔是因。 淮 南之緒 · 贵 日 無 人。

梅

月字子恒。 之訓 大有契悟。 富安人。 夷 年十八,游 然闇 修 鰥 郡 居 庠 * 世。 聞 行 年 八十

師

樂學

勉仁

言 動, 允協鄉評 鹺 司 周 公雅重之。

虎 墩之丘 乃 生 梅 子。 占 彼 梅 氏, 子恒之齒 少 采

蘋 泮 鴻 操可 止 尚 陵 德邵 惟 天眷只。

王

棟字隆吉。

世

祖

或

瑞

六

代孫

先

生族

弟, 析

居

泰

州

姜 堰 鎮 由 歲 貢 出 身 歷 江 西 南 豐 豐 城 學 訓 陞 Ш

聘 東 主 深州學 鹿 洞 正 正 學 身明 書 院 家學, 築 講 院 出 于 處 南 心。 臺 1: 振鐸 民 興 豫 起。 章, 擢 兩

> 斯文崛 伯 仲,千載志 起, 毓 同。 秀吾 兄師 宗。 弟弟 東 淘 掌握 祥 發,三 群蒙。 水 景 從。 脉

襞字宗順,先生仲子。 師 事 浙 江 龍 谿 王 公畿、 緒 Ш 錢

王

和洒 1 公德洪。 其 有載 年 道 器。 九歲 、從先 性 敏 慧, 公遊 Ŧi. 學 學,獨 經 江 群 浙 書 陽 靡 明 不 見 詳 而 説 奇 冲

落

純

粹

中

正。

倡

明

家

得

其

傳。

昭

陽

李

太師 諸子,恍若 立宗會,明 海 陵 先公。 凌 譜 都 牒 憲 交薦 輯 年 先 七 公語 隱 + 逸。 有 録、 七。 開 年 門 議 譜 授 人 徒 鄉 晚 年 賢 啓 倡 韓 所 族 貞 著 人 等

東厓遺集》行 世。 秣 陵 太史焦 公 贊

夫君 起 東 海, 高 論 鏘 琳 球。 陳義 狎 六 籍,浩 氣 吞 斗

牛。 片言指 顧 間 四四 座 皆 口 頭

韓 貞字以 中。 興 化縣 人。 居蓬 屋三 間 陶 一、甓爲 生。 常假

居 貸于人爲 破 窑 中。 甓 聞 , 甓坏 樵 者 爲 朱 雨 氏 壞, 風 負 從之學,卒業 不能 償 并 蓬 于仲子 屋失之, 宗

漸 片 識字 烟霞是 粗涉文史, 嘗 故人。」簞 瓢 自 「咏日: 屢 空, 衣若 間茅 懸鶉 屋 歸 晏 如 新

主,

順

學有 風 於 從 幅 從之,化 也 維 祀 0 起 1 作 韓子, 得,毅 年三十 鄉 扁 賢。 聖 而 額 升 門 善 然以 崛 耿 始 良者 堂。 起 間。 娶, 可 倡 昭 馬 於千 年 以千 陽。 與 道 爲之傳。 化俗 七十有 其 配 數。 妻買 河 祀、云胡 濱是 爲 七。 己任。 蒲 所 縣 業, 織 尹 著 祠 屢 可 鹽 樂 陶 于 無 舉 囊易精給 忘 甓 吾 鄉 問 鄉 生 詩 春 T. 飲 光 集 賈 錫 秋 傭 行 特 朝 聞 深 隸 世 夕。 祀 樵 衣 咸

林 訥字公敏。 去平 中 肄 平,乃 陶 業, 福 食 有 建莆 貧 奇遇。」林 有 田 韓 人。 氏 異之, 風。 初卜 當嘉 遂 賈淮南,占者 往。 靖 始 甲 事 寅 昭 倭 日 陽 寇 韓 閩 此 以

學 舉 海 家 甸 就 / 無 老而 忘 所 倦。 歸,卒業于仲子宗 年八十 有 四。 順 卒于 獨 東臺場 得 其 傳。 門 人 倡

墓 側。 所 著有《 **漁** (樵答問) 遺 集 行世

劉

源

宅。

門

人

王

嘉第、王

元

鼎謀

葬安

(豐里

季子

宗

飭

無家,道宅是憑。 寧 日 無 後,弟子亭亭。

偉

哉

公敏

毓

秀

蒲

閩

海

濱

托

跡

狎

主

道

盟

贵.

 \Box

性孤

高,行

峻

絶

處

末

俗

激

不

能

容。

有

友

目

之日

魁字 厚,居 唐 思 文 兼讀 魁 鄉 以 周 書當 和 公魯 法 絶 孔孟。 Ŧi. 塵 囂 代 孫。 幼 教 多 子 本 弱 場 侄 疾,得 人。 有 禮 業 道 聞 儒 勿 師 藥 學 素 年 啓 性 九 侄 醇

唐

消 善 受終歸 保 軀 盡 秋滿虚 問 爾行持今在 堂 孤夜月, 林空萬 無。 木 叫 雙烏 生 趨

),躋年

九

+

不

筇

扶。

應

知

此

學

能

康

壽

不

獨

先 抱

生 病

+

有

0

仲子

宗

順

以

詩

輓之日

-:

憶

昔

師

門

傑才,祀禋堪 綽 彼文魁 混 配。 焉 人 類。 登之俎豆,受之無愧 衆多不醒 爾 獨 不 醉。

周

有

思 順。 兼字紹旦 主 會精舍祠,毅然以 ,周公魯六代孫,文魁嫡 Œ 己 率物 侄。 爲 己 任 師 事 仲 處 子 子

周

年六十有□。 所著遺集、 編校公魯 詩 行 世

和

,鄉人綽,有叔父風。

闡格物宗旨。

褫

時論

不

顧

侄

宗

正 周 學 有紹旦,志亶姬公。 萬世 攸 同。 從今想像, 數千 餘歲, 紹 日 誰接 在 躬。 (厥宗? 續 44

王褆字宗飭 先生三子。 業 儒 師 事 浙 江 龍 谿 王 公

宗 順 個 明 道 宗 飭 個 伊 川。一不 虚 云。 體父志

妾妬, 年 霧 産捐 時併去, 賑 創 鄉 義 人啖舌。 倉 倡 宗 年六 會。 + 得 有 嗣 九 最 晚 所著 0 以 《遺 妻

蚤

録 私繹》、 詩 集行 世

子 賢父聖, 師 友 堂。 伊]1] 節 概 宗宗 飾多 方。 渾 然

袁杉字子材。 泰 州 人。 年 <u>+</u> = 歲 遊 郡庠。 三十 領 鄉

明

道

宗

沁順洋

洋。

弟

惟

伊

111

明

道

增

光

薦。 性 梗直 剛 介,不 詭 隨 投 時 好 敦 廉 耻 振 1: 風

思 聞 中 推 清 白 吏。 歸 隱 林 壑,❶崇節義 鄉鄉 評 稱 烈

孝

繼母

事

獨兄,葬

祭

遵

古

禮

出

宰

口

安

留

去

丈夫。 倡 師 學, 範 澆 俗。 年 + = 屢 舉 鄉 飲

子 材足法。 堪 爲 後 模。 剛 直 其 性,孝友居 多。 惠

施

大賓。

芦字 可 牧 筠節 同 柯 孝廉再. 起,屈 指匪 它

陳

實夫。

本州千

户

所人。

由

歲貢授河

南

衛輝

府

新

樂學之源。 縣 學訓。 文行 弱 冠 入庠 俱 優 素脈温 生 徒 尤 飽之志 衆。 任 官 聞 師 闡 道 大 儒 深 體 探

仁 格物于兩河。 居鄉, 啓 唐 珊 正己 率 -物于 奕世 蚤

年

與

長子宗乾

友

善

嘉

其

世

克

家學,以

子

妻其

子

E

王

之垣 焉。 年六十 有 卒于官, 新鄉 諸 生爲之悲悼。

所著《論 孟類 聚》行 #

吴陵 統秀, 間 生 實 夫。 不 侈 稽 古 磊 落 爲 徒。 透

> 師 學, ,醇乎其 儒 王 庭 有 貢 居 然蘇 湖

張淳字 濟 化。 泰 州 人。 領 嘉靖 丙 午 鄉 薦, 筮 仕

松

滋

縣

尹 心 坦 夷,行端 謹 甘 貧 不異居。 嗜 學。 孝 親 廬 慕 有 朱

奇卉

之瑞

處弟義讓

泣

仕

以

國

課

未

滿

謫

鵲

判 河 南 許 州 尋 轉 蘭陽縣令, 以 亢直忤當 軸 復 調

東范 縣 遺 去思 碑。 歸 隱, 仕 治 1: 民 時 通 省 訊

明

Ш

師 學、得民 心 如 此

濟

化

張子,青紫之英。

安貧

樂

道

時

流

訝

驚。

當

官

亢直 ,喜怒不形。 賢哉令尹 ,勗我後生。

戴 邦 字 維 新。 本州人。 由歲貢授 應天府 江 浦 縣 學 訓

明 見獎撫臺; IE 學 透 悟 能課 良 知 1: 留留 端 一芳浦 嚴 律 身, 庠 和 恬 厚 退間 御 衆。 里 扁 善 稱 事

下 人。 遺 論 膾 炙 土 口

相 彼 維新, 惟其 知學。 貢 髦 云 夥,亦多 寂 寞。 耻

爲

衣字宗乾, 鄉 人,必學先覺。 先 生 長 子。 澹澹青氊 以 師 事 聲施灼灼。 父,天性 剛 方,存

心仁

厚。 幼 奉庭訓 悟 物 有 本末」之「物」,啓先公之首

林」, 原作「材」,據文義改

0

九九

講

兄

林

肯; 宗順爲之誌 是 個 有 楷 先 不 不治 書 肖子。」不 友目之曰: 公殁,率諸 BIT 法帖陽 長 諂 生 游 絶 而 越 外 凍餒 虚 中 明 弟群 「宗 誘 云。 會 其 乾,心齋 聚講 甘 督 知 先 身者有 耕煎, 恬 公做 必 學 退 良 會 之矣。 物 勵 知 裕家計,供父遊贍之需 友 四 個孝子; 有本 清 爲 修, 良 方,不墮家 年 末之學,無宗 君 動 Ħ. 宗 子 陽 + 路 順, 明 有 之 上 五。 心 聲。 人 契 齋 乾 也 重 弟 精

生。

經

克 格 物 孝,克肖將 竅 宗 乾 庸。 啓 卓哉宗乾 聰 内 顧 孝友兼 弗 厪 熟 隆 慮 以 從。 不 有

羅

汝 芳字 道 同 下,不問 師 楊貞 堂如 事 永 維 復、 华 新 德。 工賈 春 顔 陳 風 子 (傭隸 履祥。 江 中。 和 西 學宗 建 仕 無 祠 昌 至 易簡 人。 祀 人不 雲 金 南 陵。 由 鼓盪 左 發 多 進 明 所 1: 政 飛 孝弟 著《 躍 歷 益 官 羅 文恭 慈 時 寧 子全集 或 與 兼 公。 講 知 善 席 府 傳 天

和 魚躍鳶 風 祥 飛 雲 日 生 瑞。 生 趣 旴 味 江 發 挺 源 生 羅子, 淮 南 悠 然 獨 會 甘 雨

《仁孝仕學訓

諸

書

行

世

陳

履

祥

字

光

庭

祁

門

人。

師

事

羅

惟

德

學

主

見

性。

教

咸動

悲哀。

鄉

達

劉

公

時

维

私

謚

文節先

生。

年

六

+

通》、《 著大 衣冠葬雲 教,未授,年七十,卒于 稱天學老人、千 成 創 由 龍華密證 門 一歲貢 依 徒 闡 Ш 新 盈半 淮 齋于耿 待 洞 都 南 選 - 秋素相。 祠之。 尼 突 諸 于部。 起 丘 脉 公祠。 書 行 自 轍 生 京師、歸 于 文江 許 跡 派 居 前 世 所 再 九 幾 旴 遺 著 鄒 來 徧 江 龍 葬于 爾 九 東 九 宇 Ш 淮 膽 西 經 經 内 學 家。 思 南 南 翼 翼 其 聘 者 北 輯 干 門 委。 主 稱 人。 几 弟 陳 金 白 九 大 書 龍 子 陵 子 鹿 成 携 先 人 會 R 洞 九

天生 之教,九經翼紀。 光庭 歸 閩 重 開 濂 洛 洞 啓。

花。

繼 可

字

汝

極。

直

隸

和

州

人。

年

+

四

師

事

涇

縣

王

惟

處

郝 世坦 南。 官。 有 同 郝 志 司 公居官 嗣 如 由 如 永訣之日 師 辭寒士之贄 父子,辨學旨若鞫 歲貢授泰州學訓 取 秣 陵 與 倡 不 焦 學, 遺 弱 荷, 訓 酷 侯。 絶私 耻 同 肖 志 林 爲 混 · · 東城 人嚴 兩子,士 交之饋。 流 訟。 會崇 俗 毅 公 官 儒 學 沉 也。 僅 吴 祠 宗 雄 Ŧ 如 陵 闡 東 喪考 無 日 律 越, 嘖 明 何 身 未 噴 師 妣 森 嘗 教 亦 學。 稱 然 卒 Ŧ 本 通 日 干 瀆 淮

視

得 惟 有 四。 其宗 郝 生 太史焦公爲之墓表。 壯 短心 抱匡 濟之才而未酬 長,氣雄 性 烈。 生前 其 蚤志聖賢之學 策。 自 題小像云: 不磷不 緇 而 粤 無 獨

П

澆

風。

室瞽蚤

世,鰥

不再娶。

臨

貢

能

讓

薄

視

功

脉 享

契而 反 無側。 六 萩之旨歸 節 松僅 益 比 其堅剛 明 雙 眸 寒潭僅似 豁 而 百 代之籓 其 清 徹。 籬 頓 有 撤 英

往 萬 非 佛 獨 頃 來, 非 洙 仙 浩 泗 然與 非 脉。 楊 天 非 地 嗚 墨。 呼 H 月 星 斗 而 生 常 在 既無生,去復何 存 懷, 乾坤 是 謂 是握 郝 生之大 説 汪 歸 獨 洋

結。」 所著 《桐 浦 集 世

之貞,力砥波濤。 咄 咄 汝 極, 竣 絶 其 咄 操。 咄 汝 秋 極,水長山 潭 霜 肅 甘 霖 春 膏。 介 石

補字宗完,先生四子。 性敏捷,器宇俊 雅。 業 蚤 儒。 年 撰 師 令安 事 豐 鎮江 場 城 朱 池 公圌 圖 泉。 請 賑 賦

 \pm

歌。 享年五十。 所著《 周 易 解》、 詩 集 行 世

荒。

纂族

譜。

明

天

文星

宿圖

考。

精

易

學,開

宿 ,撰纂精詳。 《周易》 父作子述

濟濟

賢

良。

兄

明

弟秀,宗完遞

昌

地

輿

》遺解, 述繼之光

王之垣字得師 朗 骾 , 先生宗 介 不 隨 孫 持 節 父師 義,不 一种子宗順 - 惴勢 位 ,廪郡 敦 倫 庠。 紀, 力 性

> 年 名。 之操,恭叔可及。 粤 敦 摘 七十。 維 題 義 **学**讓 學使 得 》,子元鼎爲之印 師 屢舉 會友吴公士賢私謚孝義先 居 暮 然孔伋。 年纂修 行優,當道交旌門 用之光先,後開 心行概 族 行多孝義, 譜 明 行 世 世 額、嘉其克 赫赫 系 盖 生。 以竟先 可 思 所著 繹。 紹 志。 一性 道

梁

鴻

齋先生全集卷之五終

is.

重鐫心齋王先生全集卷之六

聞

風斗仰,遠邇儀刑。學博等叨役兹

勉

仁。

誠

儒

者之先覺,聖代之偉人。

良

知獨

悟,精義

入神。

致知格物,樂學

秣陵 樵李丁 楚黄 海 岱 焦 耿 蔣 定力 如 苹 賓 竑 全校 全梓

馨。

先生如在

,神其鑒臨

吉

日,遷主妥

靈。

敢

潔

儀

醴

赤恭

薦

明

于

西

城。

用配

往

哲,興起後人。

1

兹

土

,觀感益深。

挹芬芳于東海,爰建

祠

代 宗 孫 王 一元鼎 補 遺

堂

中。

四

曆 小 四 蒲 年 學 丙 博 子 建 夏 祠 四 州 月 淮 西, 特 揚 祀 兵 先 憲 孝感 生 程 祠 成 公

奠文。

萬

續

餘諸當

道

事

遺

性 仰惟先生 成。 慨末學之影響,探洙 蝙蝠 起 海 濱 懿行 泗之遺真。 天 挺 妙妙 悟

> 夏五月, 蕭州尊抑堂景訓贈聯句于 樂 學

學問 足徵君子之澤。 有本,直造聖人之微

學到樂處方是學,知須至時始爲. 知

秋九月,撫臺海鹽王公敬所宗沐、南昌 田 公自湖桂芳相 永不擾有司 繼 之費 蠲 贖 金、置崇 儒 祠 旲 祭

七 年 Ė 石麓春芳撰崇儒 卯 夏 四 月 中 極 祠 殿 記 大學士 昭 陽 李公

;

俎

豆

無

德、 大 林 矣。 里後 執 學。 直 洪 員 而 切 又 日 心 論 君 劘 弟 見 語 戲 下多四 都 齋 人 矩 如 學 者 子 春 學 子 不 父 門 方, 坐 此 少 王 司 復縱 於於 禮。 始 初 閱 歲 弟 母: 先 上 成 遠 跬 不 導 餘 方 側 後 坐, 不 老 生 子 鄒 論 數 是 步 始授以致良 知 數 父 止也。 子 知 始 萊 崛 公守 始 日 東 不 學,嘉 縱 千 年 謁 名之士 歸 : 子 起 母 海 亂 談 里 屈 文簡 舞 海 益 於 訝 始 此 而 攝 移 0 言笑不苟,出 斑 濱 靖 輩 留 而 彬 盡 載 聞 笈 晷 出 湛 故 咸 壬 都 止 彬 以 文成王公 道 毅 如 知 往 更 公、 辰 集, 不 事 之。 始 之學。 多 所 文 器 野 謁 然 屈 文 莊 也。 之。 晤 知 聞 即 以 海 與 衣 0 先 莊 學 日 陵 告 之 歐 衣 希 拜 及出 時 講 歐 銓 之 講 陽 明 生 知 衣 必 聖 斑 於 公 郎 士 鄉 公 公 H 斑 學 規 古 究 斕 爲

不逮 學術 賈, 致 也。 憂。 惟 實 先 不 治 隨 持 守袁君株 徐 天下 意 安 有 生 口 : 處 : 氏 師 暮 焉 然孔 當 得 ,教人以文行忠信,於謹言 諸 廬 體 東 説 坐坐,勿 難 贵 必 學術 之治 己, 聞 其 請 認 袁 矣。 以 有 羣 子 時 至於 、大尹朱君 天 烏能 求 益 況其下 異 來 問問 忽繋 雖憂學之不講,尤 不明,人心 理 時 故學 月 勝 過 哉 性 論 者 文 學 誨 餘 遜 學。 與 人心,人心 洙 成 子 之不 者 乎 人 致 , 、天道 文 泗 軏、 質 如 廢 天 良 見 時 之濱者。 講 不 此 時 理 之 簡 ! 鄉 知 審 一,子貢 遜 0 孔 正 喫緊 者 先 中 也 理宗 先生之學, 坐 欲 嗟 公門 之 人若農 生 子 者 良 耶 乎 邪 後 尤 耻 慎 望 君 踵 恒 9 知 ? 嘆 先 行 躬 天 Œ 部 偕 先 相 以 人 也 其 之 接 爲 下 繫 子 若 造 太 各 非 生 生

永久。 哉 贊 其 感 學 過 月 專 生 嗟 作 雖 始 起,左一右二,有 至 論 天趣 之。 I 博 德 ? 乎 選 於 事 而 祠 也 論 夷 成 所 篤 興 建 先 齊三仁、 太守 先 图 夫 肇 著 巡 起 中 生 祠 行,終於 灑 若 贵 生 有 撫 祠 I 派 述如《樂學歌》《大成學 州 ,不果。 然, Ŧ 且 修 先 蹈 偶 大 宇 萬 中 耿 君 襲,足 武 以 然 躯 生 凡 悉出 公公定 中丞王公宗沐、吴公桂 曆 祀 陳 王代 屬 心 者 ? 古貌 握 \equiv 乙亥 先 策 悟,非 鄉 迺 贵 楹 胸 乾把坤之象。 垂 生, 向 俎 中 抵 紂 員 中 督 + 千 豆 兩 門 非 等 俾 書 丞 外 所自 學 於 古 徒 掌 垣 後 事 凌 海 郎 月 其 南 君 整 代 滋 心 0 公公 學 防 黄 得 鄉 畿 臣 飭 之大 儒 肉 丙 有 程 皆 君 之鑒 歌 説 誠 珠 足 子 鶚 經 所 憲 時 天 精 至 》 諸 者 欲 之 微 儒 恊 紀 觀 非 微 垂 副

> 孔 者。 業 生 紹 芳爲置 生之教,因紀其 一,以其 一,敬 之。 孟 襞篤實高 正 承 學,曰 祭 匪 租 勿 田 日 供 壞 \Box 祀事 致 明 + 事 耳 良 7,克世 9 畝 , 知 而 躬 有 9 繋以 屬 行 餘 其 闡 不 先 學。 以 詩。 自 生仲 怠 給 東 子 四 詩 越, 凡 * 當辱 子 方 我 淮 襞 來 後 先 學 管 南

秋 樓 八 月, 儒 撰 都 先生祠 察 院 右 堂 愈 都 御 史 海 陵 凌 公 海

間 漢 法 孔 士 唐 之精 師 孟 本 影 友 之學,堯、舜、禹、湯、文、武相 衰 淵 嚮 2 華 源 支 盛 離 興 是故 得 廢繫治 窺 不 堂 絶 繪 奥。 如 章 道隆替,至要矣。 綫 句 明 妙 興 宋室伊 悟 經 難 紨 傳 洛 論 心 狗

[「]湯」,原作「陽」,據文義改「代」,據文義似當作「伐」。

道 禮 難 践 隨言 農 契, 車型 相 然 矧 夫 向 勇 也 專 路 車 於 所 於 馳 日 日 家 履 海 耳 確 見《 子 觀 善 嗚 往 大 謂 H 隨 荷 也 濱 門名家,談之終 然 者 過過 京 悟 篤 悟 呼 良 擔 是孔 無 允 論 生 萬 難 師 知 傳 時 輒 在 隨 蹈 長 語 慨 物 迺 哉 之 孟 開 時 直 我 冀 ×, 竈 悟 然 未 游 學 之學 誠 出 也 風 間 隨 體 如 嘗 與 南 孟 誨 新 道 動 躋 吾 學 思 始 孟 孔 贛 年 子 耶 之諄 得 遠 鄉 四 身 以 孟 問 不 軻 ×, 認 由 人之心,一 ? 與 7,猶 方 心 其 + 拜, 曠 9 陽 是 氏 伏 諄 塾 迺 何 齋 道 千 啓 明 義 願 而 纔 師 毫 後 能 易 舊 王 載 其 王 理 學 讀 口 釐 每 商 執 説 先 超 之。 而 公, 之,遂 之, 日 壟 H 孔 識 千 夫 弟 與 1: 然 生 流 融 子 本 大 爲 製 子 默 吾 恍 光

實

躋

難

去

矣。

即

學

也 中 之一人, 倦」,先 歸 即 寂 指 先 躋 半 就 聞 臣 樂學説 語 點 生 若 E 説 者 宜 新 渾 録 > 譬 日 儒 图 化 忠 日 不 庶 字 先 之 生有 不 遑 不 ,爲子宜孝」, 幾 好 雖 》、《大成 字 灑 默 時 輻 生 可 飲 學 泫然 暇 顔 善 先 輳 垂 神 旬 盖 然 而 江 焉 生所 氏 何能 之 識 句 日 氣 兼 人心 造 涕 河 其 子。 之矣。 Ŧ 之, 新 下。 廬 先 歌 開 皆 者 \$ 窺 心 古 請 之靈 嘗自 生不 學 人 發 吐 見 得 夫 如 與《 者 人 既 焉 而 É 所 毛 心 呼 不 學 海 人 歸 謂 也, 勉 喜 得 骨 不 胸 齋 盡 寐 難 子 内 先 充 1 先 文 厭 悚 中 是 益 者 古 嘗 於 居 則 生 士 其 不 方》 然 詞 生? 使之醒 去 與 妙 評 誨 虚 各 大 要 量 矜 所 今 諸 具. 去 夫 悟 \equiv 亦 往 事 X 大 持 也 不 月 載 爲 慕 ·第 里 發 實 故 問 實 虚

布 鄉 章 與 向 然 崈 馭 不 按 也 先 天 不 自 也 ? 泰山 舉 院 下 衣 句 遇 時 報 生 先 勅 象 無 子 獵 之 盖 無 疎 後 斯 殁 生 當當 毛 出 祠 孫 之祀 世 如 論 迨 Ш 而 __ 觀 旋 先 髮豎立 其 胡 第,博一官 顯 己, 先 吴 且 此 念, 之, 議 可 生 公 鄉 貴 生 公悌 無 祀於 獨 中 德 存 植 如 其 疑 之 嘗 殁 遣 罷 意 時 冰 爲 苟 殁, 學 交 慨 後 祀 場 初 況里開 自 之 里 善 之, 其 撫院 疏 「, 跡 皆 事 夫 官 泉 者 必 學 也 人 以 得 且 用 吴公 世 院 行 院 寒,火之必熱 其平日 稍 薦 梅 非 占 不終,先 舍 耶 有 欲 楚 午 如 在 於 谷 籍 行 先 ? 遵 徒 人 侗 Ш 有 許 劉 朝 鄉 藏 生 之 先 然 耿 在 以 馮 司 賢 公節 口 公定 而 爲 生 後 部 朝 惟 公 則 П 禮 耳 之 命 誰 有 或 在 追 天 寢 鄉 善

口

者

不

問問

其賢

不

肖,

春

秋

俎

豆

罔

敢

隊

其家學。

時

聚同

志

講

明

祠

中

人心

稍

定矣。 芳相 人。 於王 兵備 遲 風 先生之學久而 使 屬 惟 特 哉 實 失 洒 不 建 移 祀 謹 懿 躋 獨 視 費 撫 氏 凡 典 有 繼 事 祠 海 萬 先 海 先 臺 舉矣。卒 嗟 移 子 於 州 E 有 内 曆 生之子 功 兩月工 生 之西。 乎 一,修 敬 孫 州 百 文 多 四 孔 越 ! 主時 大夫, 申 所王公宗沐、 不 年 舉 孟 俗 永 益 重 贵 論學 東 以忌者之説 竣, 無 廢 奚 之識 而 憲 信 厓 人 修葺。 復蠲 墜,推 紛 主 知 副 啻什 扁 也歟 心之良 襞 張 時 而 州 小 其 亞 能 贖 獻 里 蒲程公學博來 蕭 ? 楚 祠 伯 聖 意 盖 自 于 享 金 閈 景 之 侗 終 日 罷 與 氣 至 湖 以 邇 ; 中 訓 置 資 公雅 不 之, 千 不 是天 吴 來 屬 風 崇 亦 氏 摧 可 祭 萬 公桂 俗 何 妙 漸 示 祠 儒 祇 泯 \mathbf{H} 也 洒 世 凌 變 宇 11 鄉 承 悟

稍 聞 風 復 興 振 起 厲。 大能 異 時 闡 標 明 轉 孔 轍 孟 换,安 之學,如先 知 不 生 有

者 可 出 少 乎? 也 ! 予固 是祠 大 也 小蒲公乞言垂石 固斯學之餼羊 爲 何

述 先 生宜 祀不宜廢 ,爲後來者告焉。

年乙 景 韓 訓 公敬堂世能、工部 酉 題 春 請 正 先生從 月 7,詹事 祀 都 府 孔 水 右 廟。 司 春 坊右 郎 奉 中 日日 蕭 諭 該 公 德

+ 四 年 丙 戌 秋 八月, 鹽 臺 河 東 陳 公岐 出 遇

部

議

扁 云「海陵傑士」。

文修崇儒

祠

+ Ŧi. 年丁亥冬十月,州尊仁化譚公見吾 默

扁 云「真儒 IE 派

郡 年 周 庚 公海 寅 秋 門汝登脩 七月, 鹽 運 精 舍 司 分 祠 理 泰 州 事 嵊

+ 年 辛 卯 春 三月 撫 安 福 周 公山 泉 寀

> 修 先生崇儒 祠

扁 云「默契心宗」。

冬十月,州尊金浦游公振巖春 霖

贈

扁

云

二十年壬 道脉 辰 真 夏四 悟 月,禮部 儀 制 司 郎 中 海

陵

陳公蘭臺應芳奠文。

得 先生 師 一崛 而 事 起 ,遂爲文成夫子之高第弟子, 海濱,一從問學,即透性真。

覺之天 而 講 學 民 明 流 道 風 時 未 遠 仰止者,謂爲東 遺訓 若 新。 芳 海先 也

227

夙 厪 私 淑, 兹者 歸 里,借二三同志, 期

歸 訂 以 會以 對越先生之神。 輔仁,將 紹明先生之學,奉爲 特申虔告,仰 冀 依

秋 八 陶 月, 鈞 泰州學 伏爲鑒之。 訓房郡 李公桂 軒 香

置

先

先 生天植其英,海濱托處,邁迹自身, 生祭器

奠文

業,先 夫舉 考信 之。 之分等于天地,一 臣 不 生 傳 生 自 吾 竄 在 待予言 資 一,有幾 又 何 道 何 同 是 儒 而 孰 冲 吾儒 經 于 佛 之 道 會 衛 人 生 以 明 和 道 書 體 道之嚴 老之體 而 六經,先 而 知 其 不 之 孔 微 之與 之 而 遂 先 便 後 其 出 用 氣 子 毫 約 歸 爲 生 有 知 統 之不 經, 靈 處 髮之辨者, 之道 也 佛老 吾 也 既 吾 其 隱 ! 六 生 體 睿 ! 道 儒 備 聖 以 見 厭 經委質,終身 舉 判判 之性 用 經 混 則 載 之 哉 真 講 出 不 分 四 先 若 日 用 致 ! 道 耶 籍 處 學 倦 而 書 黑白 默 ? 者 極 諒 不 而 生 而 即 佛 獨 印 正 博, 歸 歟 同 成 則 經 唐 先 位 計 老 其 衺 證 之行, 之心 時 兩 明 日 育 虞 生 吾心 辨 學 學 之 剛 不改。 隱 端 0 之 能 術 之 不 者 用 毅 君 先 臣 功 君 見 用 猶 則 有 發 所 之 先 彼

> 仰 年 其 格 周 耶 然則 之 類 総 先 而 精 止 程 ? 扶 生 來 大有功于 議 而 景行 歆 之匪 謂 天 武 始 教 不 可 見 先生 王 議 緇 後 然, 枚舉 決 時 不 武 地 世 絮 聖 萬 志 先 哉 維 立 王 於 ·, 是 酒 二門者· 古之 孔 生 ? 于 微 不 無 生 之志 皆 何 不 子 與 窮 是 芻 也。 疑 以 發 安 \equiv 隊 也 宜 者, 見 聖 仁 用 者 臣 己。 以 其 自非 心 展 顔 聞 歟 節 百 曷 振 微 之所 之 香 孟 易 孔 克 道 心涵 之未 忱 之道 誼 位 恭 化 臻 凡 未發 庶 先 訓 之 于 此 此 千聖 舉 泰 融 之 當 來 ? 生 非

冬十月,撰 先 生 真 容 贊

先 備 生 才 有 貌 真 體 以 不 偕 四 在 序 耳 H 有 與 手 兮掌 鼻 握 身 天 以

所能 之,渾然太 地 有足 形,亦豈 分東 極 畫 西 工 南 之所 北。 是 可 固 悉 非 我 \Box 舌之 儀 思

生傳文。 一十二年甲午秋九月,户部尚書耿公撰先

聖邪 于公。 慨 信 令親 場 經 隆 先 乎?」自是,出代親 先生至親 顏淵問仁」章,詢之塾師, 生姓 「家漸 人。 然 孔 類修 ? 」歸 奮 林 寒 日 臞 王氏,名艮,字汝止,泰州安豐 盤 世隱約 以 二、此 所,覩 日 先生人謁 給。 冷水而 取《論語 ,天甚寒,方急騖 少食貧,父日 未顯。 亦 尋同里 之,痛哭日 人耳 不知 役。 夫子 》、《孝經 先生生有異質 人商 胡 廟 也,尚得 里巷人孚其忠 紀芳,服户 □:「爲. 萬 低 知顏子爲孔 販 》 誦 世 佪 東 盤 師 習,至 久之, 冷水 人子 魯 爲人 之稱 間 役

學迷蔽 故。 犬于里 手持 越 經 往 格 準 徒 身,萬人奔號求救。 語,奇之,曰:「此 行純心明,以 上 謁 先 一,尊顯之。 王先生始能成之。」一夕,夢 嚴 中 古 令人 以 高 貴。 所 先生曰:「毋怖 武 秉 而 第弟子。 生 戢 學 于 横甚。 П 廟 禮 躬 答曰 其 章句? 諭 南巡 耳 思 踐 中 下 也。 - 貴 司 之。 經證 治總 先生婉 以 成 曰:「此 更與 爲 思 里人惶惑,追咎爲 一日,中貴 易之,令墮佛 爲 里俗 非 先 國學爲天下首善地 悟 %。書 司 先 吾所 生言 謝辭 先生身托天起,見 ,吾自當之。」 ,以悟釋經。 經 成 生 故 孔門作聖功, 也。 使學徒 交驩 能 避焉。 好 几 論 矯 與也, 奉 勿 丰 司 上旨 像 佛 語 天墜 儀 成 問 擬 久之, 昕 崇 須 進 所 慨世 薦 所 躬 慢 索 先 佛 厭 治 遇 與 咸 往 鷹 儒 生 Ŋ 非 于

物。 時,文 也 塾 + 明 舞 日 而 本 孔門求仁、知 居 在 日 有 此 之虔 ; 體 天 師 先 四年,文 仁三月半 覺 拜 月 是 類 如 如 者 列 生 内 中 謝 哉 **众成王** 地 吾 至 其 其 宿 足, 顧 虔 萬 撫 大 異, 失 同 醒 奉 (成鎮 先 則 物 大江 中 臺 題 ____ 雖 次 則 親 生自 是 是 以 行 然,王 王 人 其 此 汗 鶉 撫虔, 手 體 天 合 天 詩 也,聞 一之南 公之談。」先生 座 先 居 溢 自 龍 以 一,泥 以 爲 生 日 未 如 公論良知,某談 自 場 整 贄 某 王 -又 悟 學 先 謫 此 雨 布 公 及 與 極論 者 者 入之始 踞 生論 E 行 歸 如 與 頓 王 聞 德 翕 然 方 故, 天 公 覺 也 住 良 與學者論 然 讐争之。 由 六 下 心 也 喜 詫 也。 語 萬 知自性 從 年 中 後 有 默 量 人 日 間 甬

據

上

一坐,往

覆

辨

論者累

日

卒會

于

心,

即

世

格

:

0

識 澄 授 廣。 裁 月 然先 著 説 生 日 久之,乃見。 朝 人 老 道 始 竟諧 叟夢 稍 徹 徒 迎 自 書 之,不見。 士: 何 立 師 遠 哭于 先生 漏 多 生 Ŧ 人士 明 由 事 不敢 風 黄 之。」越 相 餘 晨 明 焉 欬 邇 衆 陳 格 言 龍 聚 桐 顧 起 ?」製輕 皆 心 盻 格 既 無 聽 愕 久之, 往 廬 正 先 至 而 顧 諄 嘉 物旨 高 首 戊子,文 胎 候 一以視。 使 生 返。 3 經紀 諄 靖 古,所爲又 行 先 跪 感 車 勸 申 了,文成 而 嘆 人 初, 雨 生 伏 還 動 ;詣 其 孝 止 先 至崇 意 日 一骨 往往 見 庭 文 之。 成 弟 家 生 : 消 文 京 出[下 先是,都 日 成 卒于 適 而 痛 成,文 : 卓 擬 見 文門,化 師 風 先 氣 復 至, 還 即 人眉 伏 之未 拳 和 生 學 待 起 所 師 自 闕 應 如 者 性 開 君 制 省 成 留 下 至 之。 睫 是 遠 意 爲 講 靈 門 先 他 悔 思 有 兩

黄

是

皆

洞

歡

作《勉 矣。 著述,乃其深造 鄒 語 即 公悌 龍 仲 殫 它 羅 卒 其 余 口 繹 子襞 謙 悟 疾 徒 因 楊 如 大 知 述 徐 皆 敖 其 得 參 思 之,晚作《大成 不 道 心 方 也。 仲 特 報 趙 司 惟 私 猶 五. 南 藴 方》 别 本, 文 成 伯 疏 子 淑 能 德 、吴伯 畢 鳴 肅 薦 張 先生自 子 云 皆 述 承 以 及他 發《大學》「 露。 呼 疏 聞 直 其 其 \$ 自 中 勵 恒、 用 總 承 事, 學。 得 志 學 派 嘗 口 學歌 侍 真 漕 傳 少不 學,不 其 所謂 天 焦 尊信其學者 舉《 志。 以 儒 御 劉 篤 學 弱 余徒 宫 破 洪 止至 事 魯 進 公 意 生 侯 深 本疑,●機 傳 六 公垣 洗 事 論 文義,鮮 節 羅 先 在 俱 白 乎 經皆註 趙 楊 善」旨 舉 與 生 先 達 下 深 鹽 搆 文 貞 子 就 (莫逆, 夫,又 爣 生 李士 平 未 舍 法 肅 復 正 也 脚 亦 居 吴 口 所 于 應

> 第 纓 歌 則 養 往 生 母 者 其 起 下 ,聲若 則 門, 朱 胸 緌 使 所 弛 而 乞餘 爲 所負 必 姓 ^ 臆 逮 負 裹 詩 詣 名 木 善 金 墻 其 ***** 而 鐸 恕 擔 飲 門 豎 石 書》, 糲 牖 竊 邪 和 側 日 陶 趺 粃 發 聽 滴 ! 食。 聽, 樵 Ι. 坐 爲 其 然自 1: 有 先生 采 饑 以 糗 大 炙 食已, 味 易 息。 則 機 以 得 聞 而 一誘 于 麥糈 取 樵。 也 韾 速 中 進 于 所 踰 樵 欬 肖 後學, 0 裹 時 先 時 如 擇 若 自 欽 仰 糗 日 精 里 生 初 白 過 有 風 非 門 天 澡 者 浩 先 供 獨 都 每 樵 雪 徒 疲 興

或 子 覸 雅 其 志 日 然 顧 出 若 轉 數 貧 相 + 而 驚 金 勞 異。 生 招 若 而 有 款 此 宗 語 姓 願 日 者 奉 此 心 念 憐 爲

齋先生專》改。 「本」,原作「木」,據《耿天臺先生文集》卷十四《王

之, 往。 生 經 無罪 茅 習 從 蓬 貞 之,急,乃勉 屢 之學。 屋失之,居 見云 也 營 空, 屋 識 匿 仲 居 學使令人扶之, 0 念 歸 字, 蓬 子倡 衣若 不 力卻 憧 新 · 見。 屋 粗 朱坳 憧 其 主 義 懸 涉 之。 起矣。 用 坯 後 學使 破 間 屬 鶉 文 爲 齊 **○**卒業 又 窑 史,嘗 片 後 門徒 民 雨 陶 晏 有 中 故 禮 學 煙 是 壞 甓 如 猺 人 假 子 霞 使 醵 爲 也 于先 自 聞 負 服 而 者 往 將 是 胡 錢 0 生 樵 咏 不 加 短 韓 役 植 此 故 助 年 生 衣 者 能 服 日 樂 誼 人。 常 氏 斷 之婚 逾 仲 : 朱氏 焉 償 吾 徒 下 數 假 送 子 \equiv \equiv 并 氏 跣 檄 0 貸 招 我 紀 簞 乃 風 名 以 督 見 間 其 干 得 尚 瓢 漸 婦

> 與 初 **犁**弟 問 朝 拏 生 H 而 講 之 舟 T 學 夕 爲 夫 歸 如 顧化 約 賈 作 前 偕 子 有 程 日 而 **令** 日 之, 傭 饘 班 得 笥 不 而 . 己, 踰 荆 隸 善 織 孟 餘 毅 賡 數 咸 趺 吾 良者以千 肅 鹽 光 然以 歌 日 從 坐 志 若 共 囊 互. 之游 之, 易 希 亦 又 裙 論 倡 咏 梁 非 移 布 學數 道 糈 如 如 數。 吾 鴻 舟 隨 化 賓 以 盡 别 妻 加 機 吾 俗 H 焉 給 分 村 也 每 所 大 不 爲 朝 給 欲 聚 秋 興 質 鴻 任 後 夕。 買 所 所 穫 往 若 誘 聆 盡 蒲 親 先 婦 非 誨 盖 無 則 與

欸」,原作「剝」,據耿氏文集改 坳 原空闕 據 耿 氏文集 補

汎

汎

下

上

歌聲

洋

洋,

與

棹

音

欸

乃

相

應

和

2

覩

聞

者

欣

賞

一、若

羣

仙

嬉

游

于

瀛

覧

徧

所

知

交

居

村

乃

還

翺

翔

清

江

扁

舟

謝 乃 致 時 記 宰 **令** 無 窶 非 領 謝 間 損 石 石 受 禮 檢 訟 盡 時 X 窶 分 處 寓 世 與 略 É 之,買 給 後 休 案 牒 加 書 規 人 之 無 曰 : 大 金 所 幣 贖 親 石 子 屬 沐 煩 有 能 坐 沭 稽 公府 堪 友 縣 巡 余 李公益 在 瓶 牲 且 輔 故 儂 鍰 之, 以 嘉 里 承 貯 \$ 校 祭 執 左 余 相 窶 也 某 獎, 泰 王 禮 果 右 廣 偶 數 此 以 某 0 人 受 重 聞 州 先 喻 然 明 觸 以 儂 招 給 其 也 取 米 令問 而 第凡與 生 之,令其 府 境 廣 見 所 數 承 人,予 益 高 謁 而 嘉 祠 惠 示 之, 厲 以 月 敬 第 先 政 賞之, 還 明 諸 饔 士: 報 分 禮 牛 (農居 其 不 典 府 對 金 位 風。 生 胙 必 明 飱 焉 祠 學 金 往 授 惠 日 極 性 遺 府 于 受 ; 者 南 過 粲 : 子 餘 致 人 無 渠 其 且 李 也 米 渥 畿 臣 大 幸 儂 來 渠 奏 拜 書 加 口 元

學 以 耿 沖 耶 陰 儂 渠 庶 H. 會 相 口 日 有 ൬ ? 間間 : 民 學 定 4 也 意 在 遠 辩 有 大 識 乃 _ 自 斗 論 幾 行 此 傍 向 氣 諸名公咸 韓 日 乃 有 何 搬 渠重 此 任 有 不 不 氏 可法 則 生 以 胸 乃 譚 哉 弄 覺 子 者 加 加 日 次 識 細 ? 又 爲 及 領云。 意 狂 不 : 此 者 天下 怡 大 之, 淺 此 亦 别 發 耶 我 盖 尠 怡 陳 不 爲 恚 閒 務 損 能 大行 ? 拊 學 9 明 得 言, 日 獨 悚 汎 也 者 不 傳後 號 嘗與諸 爲 É 子 膺 意 0 先 息。 語 加 日 此 本 姚 窮 輒 莞 且 歎 其 生之學 樂 世 舍 即 諸 居 江 贵 大 熱中失 爾 日 識 或 吾 卻 師 名公卿 不 世 身, 倡 學 譟 : 者 日 不 當 稱 須 王 損 學, : 티 : 究 虚 傳 謂 仲 安 可 下 引 先 常云。 講 徵 浸 云 其 視 生 後 會 能 不 經 子 世 窮 諸 爲 廣 氣 故 # 肆 理 書 光 論 焉 謂 居 如

几

謂 能 此 爲 樵 法 爲 虚 悟 勉 物 爲 以 學 牛 7 學者 一,歸 不 所 善 實 帝 豎 具 狂 知 家 悟 其身以爲 親 其 是, 世 者 陈 舍 自 本 性 誕 謂 親 滯 廓 發 必 得孔 I 爲 爲宗 師 篤 者 孔 聖 所 E 形 彼 志 庸 務 有 要, 信 П 氏 人 言 長 處 器 聖 謂 初 自 其 實 以 天下國家之本 以 IE 氏 復 則 以 根 有 庸 途 尊 天 而 道 脉 家 也 孝 帝者 爲 遷 本 起 行 大 下 至 亦 0 然 如 法 弟 善 干 天 不 如 平 易 確 或 矣。 此 乎 其 愚 爲 改過 下 能 起 誠 此 治 然 至 ? 者 師 實, 夫 萬 易 必 孝 也 若 修 簡 其旨 疑 表 愚 者 反 來 世 世 以 曰 \Box 綜 先 公 證 二 云 婦 之 則 師 古 躬 先 取 九二 : 生出 「歸,以 卿 其 口 大 執 不 否。 責 位 牛 法 超 耳 學 語 嘗 與 經 此 己 下 墮 然 見 育 ; 非 先 懼 格 龍 有 謂 大 輔 玄 妙 爲 知 執 則 逮

與 斯 非 世 坤 也。 學 道 子 廢 無 知 風 而 H m 不 世 之狂 道 偶 聞 先 虎 乎 不 月 葉 所 襲 廓 哉 大 運 又 謂 生 之會者 先 凝 知 言 時 世 LI 清 通 ? 相 逞,而 0 生之學 者 推 挺 位 自 寰宇 明 Ŧi. 神 無 先 隆 然 堯、 先 生 者 立 洪 萬 越 明 替 白 多 生 生 干 者 惟 病 則 舜、 世 履 年 之德 江 乃 泰 作 維 其 羔 願 先 皇 先生之 巨, 巨 還 語 \pm 北 湯、 時 民 歌 所 其 世 衵 生 名 泰 者 日 淮 節 佐 生 至 嚴 以 學 共 日 龍 多 武 : 古 興 南 : H ,是懲 矣, 命 語 明 細 蟠 0 生 之 淮 産 用 荷 行 元 夷 先生之學,不 淮 立 其 常 斯 相 世 甸 也 鍾 功 之 不 考 身 甸 間 得 道 承 委 噎 跡 咸 至 飲 靈 其 者 晦 斯 咸 必 遘 可 重 也 傳 而 應 食 德 生 其 明 人 有 有 雲 造 以 1 廢 運 平. 詳 故 繼 見 名 葉 龍 乾 食 末 至 孟 昭 口

余 爲 爲 異 是 説 述先 簧 皷 生 我 履 作 明 亶 傳 其 表 無 而 疆 章之, 惟 休 以 哉 念

齊朝節奠文。 冬十二月,南京吏部右侍郎衡郡曾公植

諸

口

好

云

學有 墻 大義 生, 明。 扁 + 賴 厭 詩》《 傳 0 年 云 崛 一人 一 数十 啓予歆 濂 正緒、肇開 悟明 書》。 興淮 醒 溪 節 以 生 以 遺教 正學」。 則 海 餘 予, 歆此潔芳。 晚 來,豈 爰 萬 鐸。 質 逮孔 世。 炳 唐 魂靈 愚, 然。 虞。 來 日 氏 六經 猶 自 遊 無 天縱 知者 晦 幸 悟, 南 人? 删 明 私 或 述,孟 出出 世 明 淑 弗 通 稀 晦 緊 密 試 玄解 · E 獨 邇 氏 垂 義 官 學 先 紹 不 存

中登州陸公鳴臯埜奠文。 一十三年乙未春正月,署泰州事刑部郎

豐,簌 人? 雲署, 尼 在兹。 唤,良 獸,存 扁 或 泰 青天白日,私淑 體,七尺忍汩。 無 於乎 莊敬持養, 軀 鄉鄉 寡。 聞 Ш 爲 當物交,引而 云「東海 增高,滄海 多游 然泣 此 沉 知 實緣名 愧匪 埜幼讀父書,危豈愛身? 裕 瞻 綿 克念作 持 幾 孫 祠 夏。 大儒 仁自 下 希 文翁 循 疾 繩 再 瘧 淪。 拜,氣 武 去之。 聖,道 廣 遺 餘 諄 既 欽 恒 於昭 士 像嚴 瀉。 諄。 師。 岐 輔 往 惟 嗟 己罔修永, 何 路 一莫追 先覺 轉 靈 主 心 孑然立 然、況 盛德 爾 斯 百 波 爽 可 鴻 翁 惟 雅 未 歲來今,其 旬。 資。 乙未正 鈞 不 微 降 炳 能 思 0 親 鑒爵 令忞 若 者 向 信 夢 謝 何 詣 魯 炙 物 有仲 以 者 奠安 得 中 拜 異 流 四 血 斚 泯 移 和 風 此 + 醒 治 官 内 禽

夏四月,撰先生樂學跋。

丹 萬 識 深 世 辭 者 大 知 習 晚 先 學《易》,學 更 舉業者 八者。 有 合旨 得 有 ,舉業是也; 舉 1 鍾 日 也 訓 廣 裨,故 此 業 平 可 何 崛 有 ! 何 心,以 故不 照 事 起 聖學是也 存 者 四十 君 加 其 布 慮 海 ; 在 云 而 亦讀聖 正 心 易 衣 年始 陵 埜頑愚,嘗語 小 一爲 樂學 我 莊 不 氣 以 恍 業 心 官 不易 德業 樂 敬 Ę. 立 而 齋 患 全 然樂學 不 賢 持 真 歌 我 口 讀 也。 妨 王 陽明 卑, 書。 者 志 我 養之,終身立命, 以 功,惟 先 斯 爾 而 進 即 古 編 , 其 生 往復諸 讀 嗚 良 甘泉《二 口 於聖 讀聖 \equiv 簞 學 欲 書 呼 知 以 心 患 於 公 絶 勿受,即 良 齋 陽 大 奪 賢 作 何 舉 賢 弗 能 先 Ŧi. 志 助 文 子 明 聞 業 之 書 之 + 業 道 生 者 於 之 合 異

> 端 風 耳. 語 ,嘉與學 發 録 明。 謹 *\ \(\lambda 跋 幸官 年 者樂之,亦 譜 学自 兹 土 傳 拜 於 世 成 瞻 景 己 兹 德 成 歌 物 私 與 之 淑 儒 大 欽 先

秋 奠文。 七 月, 泰 州 學 訓 蜀 峨 眉 彭 公 肖 崖 梅

耶 家 莫知 印 穎 明 生 先 梅 語 Œ 西西 ? 悟 崛 何 ***** 生 所 以 德六年間,居仁三月 玄解 一、祭畢 所自。 起 謂 用 逢 先 蜀 良 人 海 傳」了 生 人 知 頂 質 濱 覽 也。 以 聰 爲 門 念旬 問 及 明 碑 孔 公案,以孝友爲 此 分教泰 誌 天授 童稚 孟 即 開 大意 始 爲 以 始 , 少,迥 標 萬 時 知 顿 知 道 州 準 誦 緣 向 半 先 超 春 明 澄 悟 學 樂學 以 1 牛 何 宗 徹 則 T 乘 顛 手 根 用 分祭 歌 經 矣。 先 源 末 者 本 持 經 爲 生 之 觀 以 非 渠 先 譜 經 干 竟

方,享 壇,羣 來,啓 術。❶ 躬行 於 揚之者,歷 春 没,教化益 止 天 惓 我 故 衣,榮名盛世,專 天府,身死名滅者,皆然; 其言 秋特 大夫 Ŧi. 樂吾韓真,樵人不 地 惓 不 世 倡 爲 萬 爲 一時 弟子 迪 當時薰其 祀, 航 明道 而 日 實 物 不 斬 「伊 海 以 踐,以 爲 彰。 之祀 用 歷 四 倦 學 乎? 伊 而 傅之事 報 不 方畢 ,汲引善 造 傅 何 體 己。 厥 德 憲臺移檄,建立祠宇, 修身見於世爲 事 祠 先 無 異 致 夫 施 血食 者,有 至 而善良者,陶 生 明 乎 我 止樂齋朱 以 則 也 之廬 良 道 類 不能 孔 縉 先 至今崇信 哉 之知 教 與國 先 之 間 紳 生之澤 者 人之意也。 總之,則以 ,伊傅之學 師 或 先 任, 恕,一 同休,視 先 外 先 設 功 生 功業。 生 施 贵 生 教 其 無 策名 而 布 止 表 既 杏 往 時

> 然孔 其祖 取 世 於庠、篤夫婦 豆 争 耶 青紫博名高死同腐草者,奚啻 孟 武,有光 輝 之 ! 家 也 誠 己。 法 無 之倫 於衣鉢也者。 位 先 猗 而 生 與 誓 貴 長 休 不續 孫 哉 無 之 爵 ! 娶, 垣 而 先 行 者, 尊 生有 可 將 嚴 謂 雲 會 與

泥

夫

冬十二月,泰州學正任丘 奠文。 王公尚 齋 立

靈

,其默佑之。

繩

饌

俎

夢 渤 爲 途 迷,千里響應。 心齋夫子,海涯 體 符天授,兆啓明昌。 澥 披 靡榛 愍 神 卹 解 蕪。 請 玄 災,植 「 詣 歸 乾 崛 見 起。 象 龍 正位 僵 手序,人紀 真 躬先孝 不階指 甦 契 ,宅是太 憊。 聖。 弟 授, 洞 悟 陳常 恢 廓 性 與 虚 張 覺 道

「之知」,據文義疑誤乙。

天 孔 民 孟 先 百 覺 心 ·, 勉 淮 南 * 格 樂 物, 學 越 **%**0 中 秘 致 洩 知 千 古 異

軌 口 趨 胥 百 世 師 譬 彼 上 乘, 兩 輪 貫

轂 從 祀 後 先,不 蔡 可 ト。 志 也 厨 懷

繒 往 景 仰 前 修 品 分 南 北 縮 地

繇 愧 兹 濫 竽 來 游 錦 里。 勿煩 介 紹

業 躡 膽 跽 傳 乃 祠 顯 宇 風 乃 韻 承 家 猶 有 對 伊 遺 敭 胤 意态 耿 烈。 光 博 如 帶 遊 存 逢 門 芳 衣 觀 蹤 海 口 世

不 虚 此 生 俎 豆馨 香 昭格 寵 靈

帶 河 遷 喬 奠文

+

几

年

丙

申

春

月

,

淮

揚

兵

憲

長

Ш

曲

公

真 天 心 慨 自 末 學 影 響 孰 探 先 聖 遺

? 地 晦 濂 明 溪 惟 而 闘 後 ___ 賴 道 有 道 文 脉 成 斷 續 疇 能 惟 師 係

事

?

獨

我

先

生

淮

海

邁

迹

天

挺

性

靈

箴

先

孝

弟

學

重勉仁

以

經

證

悟

心

即

知

是

事

振

鐸

警

恩,定

期

爲

會

0

襟 親 當 格 失 以 洵 目 晚 物 序 悟 也 爽 學 贵 之天 悼 天 而 釋 然 末 直 芳 民 見 經 文, 徹 軌 先 追 0 新 由 覺 古 樂 踪 兮 趨 犁 今。 學 既 往 揭 庭 然 展 著 遠 哲 良 矣 如 作 Ш 欣 知 來 昭 故 抑 斗 役 而 代 ; 大 私 亦 氣 兹 明 啓 成 偉 淑 垂 象 土 炳 壟 振 範 兮 歛 日 聵 飛 音 有 後 月, 喬 躍 之 承 生 倡 耳 胸

藉 陶 鈞

兹

薄

敶

芻

絮

用

攄

怀

忱

薰

蒿

來

格

默

秋 其 闡 海 唐 師 八 述前 月 至。 虞 濱 造 私 中 物 聖 匪 道 千 淑 鍾 啓 玄 孔 古 門 靈 匪 佑 人 0 孟 虚 脉 後 唐 仁 人。 珊 私 至 心 元 率 簡 不着 氣 良 門 道 至 流 知 下 握 易 萬 行 東 其 同 志 善 樞 越 大 即 奠文 叢 哉 事 德 格 生 是 先 物 極

告,伏 導義 越於 仰步 兹土 方之歸。 堂、寒暑不置。 推 紹明先師之學,以奉爲依歸。三爵 重躬修,敦崇孝弟。 一,敢出 在 趨於親 惟鑒之。 兹。 弟 居室出言,千里應之。 和 範 敢偕二三同 炙, 兄 韋 嗚呼 歌,子紹父志。 而 拜 珊 瞻 也 遺 晚 切切偲 先師之門, 志聚 學鄙 像 猶得 祠下 夫,不 偲,勉仁 聚 矧 儼 樂 將 對 獲 生 兀

十五 西郭清題 年丁酉春二 句於樂學堂 月,浮 梁 學 訓 海 陵 劉

理窟 崛 起 ,等唐虞事業於浮雲。 海 陵, 接孔 孟 師 模之正脉; 潛 心

夏 五 月, 淮安推府河東曹公真予于汴

於惟先生,崛 竟纘 斯 起 文,卓哉先覺。 海 濱。 剛 果 真 切,必 不 揣 愚 爲

> 趨 蒙, 陳 辭。 蹌 謬 祠 懷 於惟先生,牖之翼之。 下,仰止芳芬。 聖學。 風 靡 習積 虔具 乍 牲 開 醴 乍昏 再 拜

秋 不講 九月,州尊浮梁張公樂衢驥奠文。 今世學士靡匪 ,以故講學之名昉於尼 以聖人爲宗。 Ш 聖人 前 憂學 延 於

魯二書,而 先生。先生初固亭子也,一旦伏 身體之。淮之南 滅、文成公繼濂洛 爲實理,於天下萬 者,所以講也,於人爲實心,於天 躬之不逮」乎? 億禩,所從來遠矣。 孫 志 焉。 超乘格物之旨,因往事文成 匪 以 資 夫講者 有覺 而 世 譚説: 顧 倡明 爲 者 聖人不又 實驗 清講 崛 良 而 起,日 知之學, 日 也 論 躬 斯 辨之, 地間 讀 心 誼 齋 鄒 實 澌 耻

腔 正 樂 諦 學 也 有 歌 勉 仁 攄 有 真 方 趣 也 天 0 理 大 有 成 説 有

胥 詠 識 教 誨 而 指 真 詮 也 0 整 鑿 躬 行 第

先 之 云 生 躬 乎 行 哉 之學, 余 其 伏 感 卒業 格 有 先 生 不 口 家 誣 乘 者

而

日

講

識

及 千 無 不 不 論 逞 啻 兀 ; 焉 方 甚 縉 ; 者 即 紳 造 天 學士,千里雲從,孔庭三 風 次 應禱 語 1,化及 霖 雨 中貴,化 隨 祝 此

! 口 П 噫 説 嘻 冀 先 哉 生 浙 誠 矣! 之不 可 至 掩 今 也 俎 如 豆 宫 此

! 余 生 也 晚,夙 慕 先 生 躬 行之學, 墻

無

減

闕

里,又何令人久而

益

信

若

斯

也

夫

胡

日 展 詩》 之 拜 有 謂 祠 之, 與 下 撫 高 至 先 Ш 於 生 仰 稱 後 止 述之 人 景 而 行 備 布 行 綜 止 爵 理 焉 之 今

冬十月,吉水鄒公南臯元標贊語

周

前

人已

悉具矣,又奚余之贅焉

得聞 子 或 問 日 \times 斯 : 鄒 書》,一 惟 道 子 不 也 事《詩》《書》 : 布 盖 衣 事《 泰 何 州 詩《 得 崛 聞 書》者 起 布 斯 田 道 衣 間 1,理義 卓 此 9 爾 不 所 見 以 事

皎,既 彼 聞 日 纏 子 縛 無 既 胸 聞 中 已知之矣。 見之桎 有大人告之以心性之學 一件, 又以 以 泰 州之天靈 新 建 明 師 皎 證

之,宜 不 州 殊。 猶金 其爲 谿 斯 有慈 道 天下 不 湖 孤 師 其 也。 德 兩 必 人 竊 有 嘗 發 隣 揮 論 子 師 新 于 傳 建 兹 亦 有 益 似 泰

信。 之,終不可 恣以 之過,學者之流 或曰:「 爲樂體,奈何?」予 以 泰 流 州 弊 弊 而 主 也 一樂,末 疑 其 夫 學 日 世 流 忧 : 弊 此 有 非 猖 何 代 泰 狂 無 州 自

二十八年庚 樂衢 源 洵 驥捐 推 子 府 俸肖先生遺像 春 徐 \equiv 公躍 月,揚 玉 變、 州 泰 府 州 太 府 知 州 楊 張 公崑

公

舉 鳥 搆 调 與 彌 了粪 留 於 准 而 乎 恐. 連 留 先 Ш 從 殆 海 泰 可 但 於 城 河 祀 庶 濱 州 繪事 況 興 仰 者 日 大 隨 申 泰 悟 起 尚 星 典 文, 會 陽 歲 州 微 斯 一,尚 悽 司 明 久 本 乃 言 文, 先 批 愴 其 廳 先 先生桑梓, 爾 於 松 生 Z 於 悠久,遺 惟 自 生 寥寥。 千 : 鉛 廟 子 本 之後 捐 載 心 剥 宇 房 ·府所 俸 學, 齋 落 雖 游 顧 先 文景行 建 文獻 惟 自 亟 月,克襄 攝 先 九 生 一嘉 公一 得 齊 生之 遺 原 倡 意 升堂 未 師 歷遠 像 者 道 絶 仍 道 斯 未 亦 照 學

夏 撰述 Ŧi. 月 立 先 生 傳 於 府 志。 揚 州 推 府 徐 公

使父

自苦

也,遂

請

代父役,而

晨

昏

定

省

水

盤

先生痛

自

責,以

人子

不

能

服

役

而

冷

有

所

241

是

及

九

事

候

牒

堂

施

行

祖 生 王 一,爲 伯 心 齋 壽 更名 者 先 生 徙 艮,字 者 居 海 初 汝 陵 名 止 遂 銀 世 其 逮 爲 先 事 海 姑 陽 陵 蘇 明 先

> 所 日 言 諸 然皆 紀芳 儒 所 而 得 誦 人 大 家 居 使治 乃 者 弗 自 必 讀 儒 窶 先 里 置書 歸 甚 見之行。 弱 竟 從 牛 爲 可 中,弗 取《 商 歲 祀 生 安 學 嘗 頗 豐 能 而 往 而 袖 孝 瞻 從 從 來 穎 場 至 竟 中, 經 注 父役 過 塾 學 耶 齊 異 》、《大學 久之,太 俗 闕 逢 ? 師 也。 魯間 隆 煮 官 里, 受《大學 人 同 進 海 府 質 弱冠,先生父 觀 輩 * 所 廣 爲 息 已又業醫 晨 孔 咸 疑 《論 顙 生 日 章 起 愕 子 廟 句 以 語 長 不 胎

=

=

即 業 刺 往 明 章 卒 以 佛 文 以 其 至 中 ൬ 冠 上 聖 岡川 如 感 請 矍 貴 門 證 騷 駭 内 踞 縧 大 人 聞 然 賤 日 坐,反覆 此 悟 F 動 漸 道 官 上 絰 悦 之道 其 起 乃 旋 賢 徙 學爲 佛 坐, 而 搢 服 蹕 敬 語 愚, 辭 是 去 先 此 以 信 笏 一; 亡 如 與 時 生 道 論 願 毋 約 H 詫 惟 海 某 親 語 王 所 難 馳 躬 命 貫 爲 共 H 擾 有 内 丽 往 者乎? 陽 至 數 弟 良 詣 伏 : 騁 獵 捕 宗。 害 志 浸 與 日 羲 子 明 鷹 知 其 者 謁 里 海 以 與 乃竟執 人 則 畋 及 先 庭 先 王 内 中 傳之。」鄉 堯、 安 俱 講 P 與 獵 堯 生 吾 生 士 天 化 諭 舜 稍 偕 调 論 守 舜 從 持 不 大 盖 下 焉 以 海 道 疑 獵 以 弟 仁 君 海 夫 塾 至 ં૦ 口 理 來 學 上 人 子 民 濱 以 鎮 誠 内 則 亦 師 大 Œ 義 始 禮 事 生 不 有 黄 豫 感 官 勸 所 德 不 榜 X

之。 + 官 益 見 簡 之旨 圭 復遊 傳 聚 摇 然先 焉 几 宸 重 上, 先生 方 先 易 角 觀 餘 註 車 濠 0 湛公若水、 諸 徑 生益 生 陽明 吴 會 異 如 學 生 就 將 而 陽 來學者 如 截 越 多 堵 迎 夷 遍 嘗 益 究 且 陽 不 自 間 明 先 0 不 喪 坦 遊 動 極 深 冠 明 先 任 顧 生 問 天 爲 心 桐 造 依 於 日衆 因 服 先 吕 生 以 語 下 乃 廬 而 枝 身 陽 百 今日 車 生 門 公柟 亦 先 0 人 葉。 辭 解 修 明 誉 也 姓 輪 人 以 生 而 遂 陽 日 講 而 H 爲 其 悉 董 書 言 : 巡 學 至 自 明 歐 業。 陽 天 用 家 此 古 撫 燧 促 多 先 者 京 大 公 吾 明 下 以 生 製 還 出 劉 生 有 師 儒 南 徐 平。 自 持 先 牛 發 心 公節 會 獨 去, 所 鄒 咸 樾 牛 野 明 是 都 萬 生 動 解 疑 公 等 年 卒 咸 其 良 亦 Ħ 製 衆 人 矣 難 言 尊 守 歛 御 與 干 知 乃 攝 士 招 擒 Fi. 與

喪,四 爲輔 焉。 祀先 生,稱 點 斯 任。 他 按 祠 懈,諸子泣 夜 史吴公悌俱 吾將 汝 而 文 維 開 先 有 事 兄 知 7,其在 生於 悟 生於 致良 先 揚 光 乃 學,吾 逝 方 知 海 遂 者 生 燭 乎 會 此 濱 訪 卒 知 崛 吴 鄉 甚 兹 洗俗學支離 請 地 學, 葬 伊 先 之學,陽 賢,而 疏薦 陵 衆 起 何 乎 年 者數 後 達 生, 傅 然猶 海 書 吾又 憂?」又回 事 ! Ŧi. 日。 云 其示 先生,而 院 以 濱 先 + 麻 百 學士大夫得先 力 何憂? 事 明 有 以 有 城 人。 先 T. 疾 牛 俞純 阻 之陋,天之未 先 八。 先 耿 生 司 何 與 顧 生 覺 御 以 門 公定 語 督 乃 顧 仲 先 夫云 爲宗, 史陳 作 覺 學 門 春 無 人 門 諸 子 生 秋 人 論 詩 民 向 胡 子 人 襞 寢 公植 語 呈先 公讓 生 爲 祭 復 爲 學不 先 日 日 病 指 喪 祀 專 治 及 生 己 :

> 聖, 節 即 能 神 無 心 萬 育。」示 本末 用 子 知 立 直 之 是 天 物 知 覺 而 所 所 有 位育。 能 下 善。」示門人云 以 點 向 所 者,謂之失本 不知,故 云 知 是 無 羅 至 向 行者,聖人不 : 經 又 之大本, 而 吾 餘 綸 念菴云: 無 便 復焉執焉之謂 簡 身 藴 良 是欲 變化 所 不知此,縱說 矣。」示林子仁云: 知 至易,不 爲 日 見便 即 以 天 然 有所 者, 性 ; 地 先知覺 : 是 過欲 後 潔其 此 萬 本 用 無 能 危 學 性 諸 物 見便是 賢。 安 極 得真,不過一 人皆知皆 是 知 身 其 之本 後 焉 此 排 而 天 身 於 愚 安 知 也 惟 思 太 一示 天 於 地 焉 夫 妄。 也 百 索 極 之化 地 天 愚 物 之 姓 地 萬 婦 有 日 謂 徐 聖 良 既 能 知

「聖」,原作「性」,據卷四《答徐子直》改。

者 斗 則 後 得 云 取 害 常 未 不 不 心 物 \Box 百 年 自 辱 人,不 大 室 神 能 自 義 姓 行 嘗 者 譜 稱 于 室 己 問 故 知 H 不 日 危 其 謂 盖 用 爲 萬 真 知 所 及《 異 也。」又云:「君 用 以養身者害身,不 邦 之 知 心 誨 物 樂 常常 盖 居 端 間 異 不 遺 幾 語 齋先生云 直 X 而 後 功 「處變之權也。」 毫 末 人, 亂 此 知 乎 録 真 主 利 曰 : 釐 龃 者 __ 故 崇中 坐 經綸 切 陷 不 又云 天 謂 息 也 聖 如 邦 溺 察 地 之異 ; 然則 其 不 此 不 人 所 萬 知 : 人 子 間 便人 具. 居, 心 之未嘗 謂 物 端 之道 不以 其詳 何 以 顔 載 號 久 樂 爲 道 於 以 又 養 子 矣 心 問 則 示 先 云 尊 無 養 有 功 心 在 齋 天,天 體 節 復 人者 牛 先 須 門 成 而 異 者 利 不 義 築 學 生 然 見 身 於 害 善 而

> 事 少不 盖 文 簡 謂 成 徐 先 成學者 守約 語 狂 時 子 略 爲 生 歟? 鑾 師 俗學 生 舊 庶 而 心 記 幾 長 學者 施 晚 自 半 海 傳 余 無言 博 于 悟 隅 海 觀 先 有 致 抑 内 見 心 生甚略 所 語 無 良 何 齋 仰 其 文字 紛 惟 知 超 先 大 止 華 先 之學 然獨 者 生 爲 之障 世 生 余 味 絶 故 精 列 殆 其 詣 其 之染 離 傳 述 微 孔 未 也 蹊 焉 其 得 而 子 遇 徑 行 從 又 易 所 文 天

夏六月 晬。 遺文景行,百代 微 爲 猗 展 歟 徒 推 人室升堂,勗 先 也 生, 晚 先覺。 府 遇 崛 徐 文 公撰 起 成,見 可 經 海 我同 師 像 隅 綸 成 未 道 志 廟 奠 師 究,哲 益 貌 文。 心 猗 有嚴 卓。 歟 獨 休哉 人其萎。 悟

廣

大

精

宇

宙

,德容孔

夏六月 漆 康 泰 張 公鶴 州 儒 臯 學學 鳴 遠、 訓 龍 古 范 舒 寇 劉 公 公衡澤 惺 子 禴 咨

益奠文。

學,以 學得 多 文 先 濂洛之後 成 生。 士 以 先 承 來 生 孔 得 先 が,賴 常明 拜 孟 生之功。 之道 有文 遺 人 容 而 直 得 人成。 己。 接 敢 先 濂 洙 不 生其 洛 禴等 文成 泗 正 常 牖之翼之。 人 存 晚 軼 師 心, 事 學 超 濂 洛 明 洛之 叨 獨 伊 正 訓 有

濂洛真傳。 張鳴遠題。

先 公聚 九年辛 赴 呼 心 越 植 齋 生 壑 醒 中 齋 先 世 陽 洲 朝 心 而 夢 Ė. 生 明 節 元 齋 羣 諸 翰 先 名 以 冬十一 先 鳥 撰 艮,字 生以 先 學者 之歸 生 文。 生傳 號二二王 月,翰 良 翕 鳳 汝止, 考館 知 然宗之,如衆 矣。 之學倡 林 亡,其 課 揚之 於時 院 庶吉 太 最 道 泰 有 史曾公 著云。 東 州 龍 流 士: 南 王 谿

之,心 學而 物 也。 旨 惟 竭 親 地 方 一十 負鹽 公美 人道之的也。」于是慨然以古聖賢爲 一,隆 盤 謹 力 盤 萬 所 謂 至矣。 物 代 故 物 冷 冷 誦 生 四 生 謂 地 顙 格 先生孝出 親 水 依 有 水, 紀 世 而 豁 論 修 先 知之至也 物 本 乎 役 而 祖仲仁 有 芳,紀芳 然開 臞 者, 生 語 迺 末, Ż, 不 異徴 \approx 年二十 而 痛 日 知 而 格 朗 而 而 朝夕省 哭 天 尚 至 聰 生文貴,文貴生公美, 孝 身爲之本 不 性 獨 日 物 生 親 警 肉 經 得 此 以 . 餘 前 所 先 有 契《大學》格物宗 殊 珠 \forall 爲 真 己 定 未 見 本 常 生,生 某 在 行 忽 人 足 依 知 兒。 末 手 爲 持 親 子 悟 訂 乎 則 學 益 如 人 乎 以 티 : 之「物」 左 于 千 天 當 問 里俗 ? 力,久 古 子, 急 安豐 古之 地 以 右 萬 天 遂 使 口 此 多 近

先 造 遂 天 以 公 論 家 内 中 衣 也 王 見 \equiv 訛 有 論 說 以 牛 以 王 居 足 先 之 月 冠 江 欛 而 某 公 良 先 生 悟 * 嘗 所得辨難 親 西 柄 訝 皆 併 日 補 ___ 生 洲 與 與 知 題 迓 不 獨 之, : 知 淺 宋 某 撫 其 至 盖 王 天 喜 及 修 乃 行 深 儒 則 江 座 公也。」 下 此 躬 對 日 論 聞 獨 肯 合 之 不 屢 西 服 行 後 日 日 極 格 證 所 前 可 日 古 . 世 . 實 類 物 之旨 有 極 有 卒 左 口 不 冠 而 即 踐 TE. 也 黄 陽 論 足。 此 及 是 年 服 語 H 之 9 德 稱 如 塾 良 明 服 哉 者 而 默 買 悟 如 其 王公先覺 知 六 止 先 師 先 堯 王 語 動 也 舟 其 于 同 者 自 年 生 生方 之 先 與 0 矣。 静 兼 雖 聞 門 異 性 間 也 之 服 生 自 皆 然, 程 也 談 睹 欲 奉 先 本 是 耳 居 在 此 也 者 其 趨 是 天 學 親 體 聞 覺 學 \pm 王 生 時

既 身 下 矣。 身則 也 皆 廬 戊 先 多 車 自 出 退 口 明 没 或 詣 至 得 子 生 虚 明 格 就 政 哲 經 王. 一,益 之 家 必 明 ,追之不 留 不 往 物 弟 而 京 保 重本 紀 哲保 愛身 哉 然 傳 論 實 耳 師 子 先生 身論 闡 其 身 之乎 ? 歸 質 日 列 沿 一之實 明 家 之王 身者, 9 Ħ. 知 口 》,若 卒 先 ? 王 竟 途 盡 日 以 愛 不 得 生 先 還 于 諧 講 得 , 辭王 際 故 先 能 身 于是 也 從 良 生之 學, 衆 其 日 師 生 競 也 嘆 保 則 : 物 知 致 心 匿 人 先 矣 必 開 先 日 學。 日 有 良 先 良 而 之, 吁 : 明 又 1 愛 門 生 生 本 生 能 返 知 一先 哲者 之心 羣 還 勸 授 每示 迎 待 末 也。 越。 何 之 徒 聚 家 而 生之 此 透 LI 吾 哭 君 説 在 止 聽 學 遠 于 製 保 身 知 良 Ŧi. 他 0 之, 者 身 脉 保 天 保 知 沂 桐 年 輕 間 H

世,只 費 僕 筭 如 取 此 師 節 露 僕 見 家 取 其 也 毫 辱 諸 之往 皆 此 法 義 人 知幾乎 凛 廓 邦 者 ? _ 答 儒 眉 也 八是家 髮不差。」又 量 披 不入,亂 令有 然 來者 。」。」其 [多矣。 氣 又 忽于此道,至于入 睫 友疑 而 聖 ! 不 即 日 力。 後入,不可 途 荷 常 日 省 : 貴 之, 知 即 日 : 使 事 其 保 邦 故 聖賢 可 中也。」又 嘗 或 問 ___ 心 人 身 不 此 有 不 日 問 其 日 盖 以 速 然則孔 居 機 應 監 心 用 . 以 道 節 進 應 如 變之 于 哉? 引接 世 0 中, 而 吾 此 義 繒 輕 聖人之學,不 步步 尊 日 而後量,是 後 孟 出 至于 答 權 功 . 日 丽 其 步 量 則 先 何 先 : 名 身不 聖 自 皆 精 非 以 也 爲 出 無 生 生 富 重 帝 藴 往 成 有 此 論 教 處 日 成 能 以 者 畢 經 童 往 前 大 隸

宗,以 者,聞 述, 如 生 人復起,不易其 授之,道所欲言 噫 氏 啓後爲 文 也。 其 顧 論 名 勉仁方》、《樂學歌》諸 自 爲 故 1 肅 盻 熏 富 流 子 撰 夢 家法 ; 貴 先生 心, 弊必至于 應諸 先 文 格物爲要,以孝弟 使 而 天 重 志 其 生 名言 肅 人 人 墜 風 任 曰 : 当皆 可 作皆令門人兒 知 意 流 爲 壓身 格 以 謂 言 消 弊 先 破 對 無 高 言 九二 而 契 矣。 的, 必至 生夢者 先 衆 父無 手 古 聖 止 也 生 雖 悔 托 見 氣 歸 多 先 顯 于 之學,以 君 謝 篇 晚作 龍 紀 日 真 魄 發 黄黄 生 貴 弑 0 不 爲 生生 夢 子 月 行 爲 開 前 W. 及。 至 父 有 實,以 把筆, 龍 者 《格物旨 正 大, 生 捍 人 整 知 與 心 世 乃 無 位 不 悟 所 之 理 内 戾 君 于 而 首 謂 喜 亞。 未 明 性 雖 以 不 口 江 音 重 先 辰 占 著 學 趙 發 爲 悦 孔 咳 妙 功

247

焉。 想其 徹 取 靖 布 者 適 向 邑 來學之士,號心齋,其徒 疏 重 雨 H 哉 隱 友 唐 年 帛 月 也 至云云。 庚子十二 薦之,不 至 生子五 盡 微 申 一崇文門,立 隆 公 時 遺 菽 復 海 心知性,這 處 辰 師 總 粟 明 肩 風,多造其 先生今往矣,四方 參求 大家 門汝 漕 春 天 也,又何 而 報。 月 :衣、襞、褆、補、雍。 噫 ! \equiv 劉 星 地 別 登 月 八日卒于正寢。 公節 古 辰 侍 都 變爲人,晨起 題 , ①雲南 今道 復 忙 御 吾觀 個不是空譚,務 爲 必 聯 廬 燦 洪 不 何 巡 神 句 此 脉 先 公 昧 事 與 鹽 遂稱 其 于 少 自 須 任 生, 垣 其 吴 縉 説 樂學前 多政 古 之 搆 公 子 候 紬 以 日 然 密 爲 龍 書屋, 悲乎 悌 孫 心齋 调 爲 用 有 密 浙 德 而 身, 以 堂 真真 皆 論 中 先 先 時 綿 江 揚 而 透 綿 嵊 先 居 抗 學 者 生 之 如 隱 生

足承當。 切切在應感上磨鍊,心境一如,到此乃

三十三年 子, 旴 皇 於惟 遠 聖 吴 先 祥 有 真。 ,夫子攸歆 成 謁 聯 1: 撒 庭 夫子, 崛 維 Z 賢、 江傳 玄 陳 E 下 哲 攝 揚 嶽 -,遺旨 人既 異 合 春 胡 夢 心。 郡 歸 陳 \equiv 起 駒、王元 木、 往, 同 良 大 月 海 欽 淵 會, 棟、 吴 濱。 承。 源 孔 Ш 新 廷 學 有 斗 鼎奠文。 方 率 安 宗裾 承派良知,統 自 大 嶙 天 私 在 彦、 明 峋 民 門 淑 不 繼 王 口 弟 謬 陳 述徽音。 兹子小 兢 子 志 弘 魁 兢 啓 吴 陳 類 佑 皇 光 履

冬十二月,江 自 此 條 以 下, 底本 北 按 臺 中 主繁陽 院 啚 黄 書 館 公雲蛟 所藏 Ŧ 艮 吉 六 1

0

孫

翻刻

本補

兀 張 親 謁 公雲臺鳴 年 先生祠致祭,扁云「陽明高 丙 午 春 鶚 親 月 謁 整飭 先 生 祠 維 揚 扁 憲 云 弟 副 性 武 學 林

冬十月,南 黄 重 刊 耿公叔臺定 譜 録 京 操江都察院右副 力移 檄修 **茸先生祠** 都 御 史楚

真

傳

先 轍 爲 簡 洙 泰 檄 以 脉 斯 準 生 孫 泗 州 公督學此 之于 之流 之緒 : 枝 即 以 繩 王 爲 今宇 契聖 而 心 9 佐 表 荀 已經 戾 齋 傳 文 方,建 卿 内 揚 厥 歸 先 乃 季賢 成 先 祖 間 真 生超 撫 一,譬若 如 哲 八爲 大 不 祠 按 以 輔 源 遵師 血 悟 所 累 以 勵 車, 脉,以 遠 魚 闡 祀 薦 莊 世 而 於朝 鹽 訓之所致,未 周 繹 久矣。 開 風 之于 涿 尚 之 修身 後學 事 治 其 中 多 子 流 海 之 V. 竊 先 直 照 或 本 方 淦 惟 恭 承 得

> 經治 墜,而於一時之文治有光矣。 而 刊 之 忝 可 益 譜 H 觀 以 風 令其昌 録 莫急於明 爲 即 桑多 于 師 動 圻甸 咎也。 支 明。 1 本 儒 而 念尊賢 院 爲 本院! 不 時 官 惟 率之講習,尋 此 銀 夙討 先覺 牌 乃 9 量 可 仰 葺 論于家 以 之道 該 祠 範 州 堂 俗 風 遺 文 緒 重 到 而 無

三十五 冬十一 子。 亭賓 年 月,耿陞 以前 修崇儒 未 院官銀不 秋 祠 九月,督 南 未 京 竣、後操院 兵部 敷、蠲 右侍 武 贖 林 重 嘉 郎 刊 禾 公洪 譜 Ť 奉 録 公改 恩 廕

冬十月 學堂。 , 私 淑 弟子 陳 履祥題聯 句 于 樂

廷筠親謁

先生祠,扁云「先覺堂

Ţ

學

楊

袁

蒸蒸義聚,同然止善大人。 是 兀 時習君 夫 百 世 子; 師 學樂樂學,濟 片言千聖法, 濟 格 物 朋 物 來,

冬十二 月 海 陵 私 淑 弟 子 顧 夢 騏 題 聯 句

儒

祠

計

樂學 于崇 脉 教; 流 崇儒 芳 重 光 再 往 振 學,開 後 儒 來 學,世 繼 先儒 世 人 被 人 春 欣 温 道 至

衛 學 先 脉 聖 真 ,身愈遠 傳, 道 而 彌 教 高 愈尊 而 祀 彌 久; 廣 後

三十六年 公弱 侯 戊 竑 申 贈 春 精 正 舍祠 月 翰 扁 林 云 二名 院 修 世 撰 儒 秣 宗。 陵 焦

春二 臺 月,鹽 希 孔 蠲 運 俸量 司 修 分 理 精 舍 泰 州 祠 事 華 陽 尹 公 南

督 誌 聖 得 檄 學。 課 安 傳,心竊 日 豊 該 : 爲 塲 本 塲 修 司 王. 繒 得 名 嘗 心 謁 慕 賢 讀 齋 先 久 祠 先 先 矣。 生 宇 生 生 廟 以 語 崛 兹幸 貌 隆 起 録 崇 及 海 大 分 報 濱 行 理 閲 事 淮 鄉 名 大 鹺 約 賢 明 照

士

習

民

風

居

然

醇

雅

蓋

流

風

遺

範

猶

有 起 後 存 者 人 裨益 名賢 風 之 教 有 贵 弱 溇 於 淺 梓 里 也 如 此 興

三十 真 端 七 儒 吾 年 親 己 謁 酉 先 夏 生崇儒 六 月 鹽 祠 致 臺 祭 夏 邑彭 扁 云 公嵩 崛 螺 起

者,資 揚。 檄 方,允合祀典。 不 專乎著述,志惟 日 合行置扁 : 性 照 近于 得 該 天民 備禮 州 本 先 院 切 以 心 年 觀 于 學 伸 風 有 世 播 追 兹 心 教 慕 土 于 齋 淮 王 俎 例 海 先 得 豆 量 生 功

即 生 月 下 精 舍 旬彭公東 祠 , 諭 巡 士: 民 、駐 講 節 學 安 爲 豐 善 塲 增 復 光 謁 先 先

秋 七月 虞 隆 鹽 平蠲 運 俸量 司 分 修精 理 泰 舍 州 祠 事 泰 和 郭 公 赐

哲

H

擊

祠

字

倒

塌

議

及

修

理

三十八 精 舍祠 年 庚 ,建勉仁堂,改東 戌 春 月, 鹽 臺 彭 西 公 舊 蠲 號 房 贖 爲 重 報 修

德堂、朋來館。

秋

七

月

四

代

孫

王

元

鼎

題

聯

句

于

精

舍

祠

惟 之上 貫 勉 古貫今,只 這 一者,興 段樂學真精 百世 些子 豪 勉仁 應於千里之外者,動 傑 之 想; 念頭,奮乎百 包天 包地 世

秋 1 浦 月 繼 可 泰 會講 後 州學訓 蠲 崇儒 俸 置 私 祠 本 淑 祠 致 弟 銅鐘 祭。 子 和 扁云「 、石磬。 州 郝 公 昭 代 桐

干

里

仰

止

之思。

冬十月,私 學術 仰 以 白 古 世 尼 惟 微 先 法,樂學 Ш 有 師 有 生 孔 吾 淑 明 氏 崛 口 儒 弟 德 之體 起 辨 子 格 親 正 者 海 清 物 民 位 濱 江 悉 以 交 便 而 陳 合於 止 九 透 有 先 魁類奠文。 吾 於 悟 生 真宗。 儒 大 至 見 能 中。 龍 之用。」 善 發 ; 之, 獨 兩 家 兀 是 計 則 夫 法

厥

功

潛

心理學,

大

振

家

風

寔

由

先

遠

紹

儒

宗

曾

孫

元鼎

事

祠

脩

譜

繼

述

重。

當

*貢

不仕

育藉言

目

矇

志

於道

251

某之仕 學諒 愚蒙 友多 先生 此皆 徵 育之 會道 允執厥 日 : 衛 聞 發聖 事 之 冢 唐虞之君 道 經 中。 勿 功。 嗣 約 嫡 明 之 足徵 名 心 孫 E 不 嚴 而 仲子名襞,隨 之未 吾 衣 之垣, 勿忘 用 無 臣 出 無 而 傳 遺 查滓 孔 發 處 行 不 勿助 有 道 室失有 隱 而 與 子 而 之 明 顯一 不 不 長。」 爲 聯 異 未 不 與二三 親 生 厭 端 融 用 後,義 致於 出 誠 知 不 友 混 經 心尚 之 倦 入, 贊化 直 X 百 俊 子, 即即 時 不婚 友 以 足 雄 中 諒 即 講 位 又

德。 弟 生之德 顔 明德 子山 大,以致後裔 承其學,傳貞復楊宫 農,深 造自 之事 得, 復 隆 傳 0 洗、 羅 先 生 弱 子 明 高

空。 躬。 衷。 窮。 道 吴 下 與 萬 祠 建 焦 中 子 胡 曆 祠 漪 闡 如 行 崇 再 雖 第 木 Z 伯 袁 揚 日 申 樂 將 巳 門 類 得 恒 祀 九 天 格 虔告 光 徒千 樂 明先生之大道 等 接 李子 龍 金 物 中 = 愚 隨 庭 陵 陳 IE. 仰 數, + 蒙, 侍 之 陳 光 遡 1: 宗,人各 餘 冀 東。 子 庭 龍 源 鱼类 拜 敢 秋 厒 同 皆 謁 輳雲從。 不求 會 公。 鎔 吴光 得 奈 由 先 淑 學 傾 與 胸 生。 聽, 羅 先 海 楊 尊 後 次 陵 信 至 子 尚 自 大明 世 有 結 耿 泰 發 道 明 責 於 會 未 味 蹤 南 德 斯 反 類 師 空 無 于 祠

冬十一 嘉 靖 專 傑 帝 治 <u>一</u> 十 尚 調 月 躬 統 元 私 天,在 行 德 年壬 鼓 誠 淑弟 舞 懋 下 寅 矣; 子 愚 位 夏 蒙 海 獨 聖言 Ŧi. 向 陵 惺 月 吴 化 真 1: 垂 安豐場 功 我 賢 世 尤 對 偉 陶 迄 聯 哉 當 鎔 鹽 課 年 俊

Ш

高

水

長

偶 其 得 衆。 循 歟 視 爲 世 自 噫 也 嗚 而 口 行 ? 貴 者 也 子 ! 于 善 1 履 呼 大 況 雲 考祥 以以 實實 曲 使 至 而 誘 干 甄 故海 非 胡 場,而 賈公錦 Ш 造 然仰慕之餘,猶 未 之 陶 親 未 公今往 公之不 身安爲 何 蒼 人材 獲 意 者 嘗往 其 炙 内 蒼 天 目 孰 也 先 旋 之者 英 江 不 擊 生 舋 矣, 副 幸 元 也 豪 富 不 其 嗚 水泱 假 吉,不 E 舋 使 聞 乎 而 休, 以 實 欲其 嘗 呼 逝 图 葉 年 其 1 今德實行 心學爲 斯 公璉 泱。 ! 聞 使 倦 是 風 爵 徒 道 遽 蓋 公也 乃 人 壽 天 何 以 仰 禄 之不 奠文 先 從 惕 爾 斯 下 遭 景 其 有 而 多 以 生之風 然深省 道 而 逢 殞 善 崇 從 得 昭 風 士倡 幸 歌 之 類 者 高 道 殁 乎 于 而 補 也 之 慕 傳 充 遺 之 循 益 斯

萬 曆 大 + 六年 槃奠文。 戊 戌秋八 補 遺 月, 後 學 於 越 李

蘭

學,時 公以 我嘗 文墨 祭。 令全泰知有 運 祠 下 民 立 嗟 也 当当 寧 掌、靈臺造 莫有傅岩卜相 出 之 成 呼 一儇 來, 想 加 志 雖 己 先 終身 時 古 薄 薦 成物之實功,不 其 有 生 英賢 禮 如前宋 而 先生之學, 子之 辟 動 一、化内 布 補 振 度己度 孔 屢及,未嘗 作之。 心 處 化,妙用 素 濟 孟 戲 几 程 高 之宗。 濟 處 竪於片 侮 伊 渭 勿 团 人 皆宜 隨 凌 ĬI 水 流 超 於 度 不 禱 轢,而 氏 地 禄 風 海 1 然 自 窮,闡道淑 言 雨 時 隨 之 師 斯 濱 而 爲 日 及門 先 從 度 時 隴 摧沮 之遇 正 富 維 忘 賑 志 生之道 師 勢, 實 畝 不 揚 東 年 堯 皆 不 一,徒受 之中 問 冠 X 改 得 城 恐 知 舜 爵 可 林 於 實 冕 淫 其 天 君 以

學同 其 方談 與 試 偶 乘 外 逢。 數 鍾 生 志 乃 幼 未 日 常不 爲 之 + 矣。 其 叨 機 輕 而 有 有 儼 笑藏 穽 談 遘 信 先 獨 年 渴 先 心 塵 毫芒,而 然問 前 第,大 笑 生 自 生 會 來 慕 行 不 槃於先 111 欲 刀 孔 恨 嗣 焉 神 也 染 膽 不 學 開 我 遂 彼 孟 孫 百百 志 乎 覿 幸 而 智 步 則 誠 謂 之垣 昔庚寅之歲 生 授受之學 方 百 精 其 且 而 相 計 直 亦 與 折 天 讀 讌 先 契,恍 儀 從 不 偶 之 不 前 腸 不 及青襟之士 地 生 會 容 知 ,亦若槃之企仰 其 叨 不虞 · 待 腑 讌 口 一堯 間 設 也。 其 文如 會 皆 佩 9 穽 事 舜君民之志 科 而 爲 堂 訓 金紫 出 ,特訪遺 險 無 槃於先 内 見 刀, 練 故 我 時 又不幸 一室之躬 阨,曾 不 其 輕 胸 下。 知 降 而 且 而 可 信 人, 心 富 我 不 傾 食 生 爲。 ---甲 者 知 情 彼 而 先 揖 萬

253

之毁, 僞。 心 服 聲 禍 揚 類 累 譽 如 交 爲 半 政 兵 口 先生 者十 孰能 陰雲 極。 加 讒 不 叩 者 事 ,不勝枚舉。 也 催 叢 舌之鋒 愧 擠 兼 移之於丁 辱 何 害之者 科 之早 之去 排 愛 於 喧,亂一 我 優 遽白 及父 顧 心 , 掊者十九。 掩 神 我 本乙也, 天 存 抑 見 仍 者 也。 聰,公是 我 心 理 撫 母 日 ,竟蒙非己之垢 , 見清 日 時之皂白 軫 何 字 之丹衷? ; 而 之 前 迁 惜 節 我 恤 念 終 遺 而 者 而 而 乎槃之輕 空,而 操 人言 本 民 不 公非 庇 方 體 無 嫉 Ţ 風 摧 艱 肯 甲 0 揚、後者隨 當 之 也 一、混萬 裁 千 沮 之 縱 輕 久當自 此 方 者 也 並 蚊虻 萬 今吠 出 槃 自 污 方求 而 日 信 茂 狀 信 諸 以 嫁 者 所 承 世之真 矯 讒 輕 利 不情 犯 以 影 生 指 若 丙 拯 文 mi 出 定, 嘴 掊 之 妬 愈 吠 亚 之 言 此 差 章 干

> 主,行 默 往 槃之所以 恩 撫 同 生小子相從 m 啓不 也 也 洗 今追 如 先 前 退 蹶 證千 堯 肖 先生無言矣,精 生當年之措注 昔 至 舜 從 又 而 矜 此 萬 何 孔 吾 有 進之大道 式 切 嘗 世之將 孟 好 不 懷 磋者 先 之道 不 冲 能 隨 生, 親 冲 豫 其 來,諒 則 見 學 哉 E 以 講 日 靈 於 自 先 其 證 用, 亦 未 學 我 44 生 千 所 此 我 泯 成 之 躬? 開 伊 學 之報 萬 心 幸 早 來 己 始 遺 此 世 出 使 成物 見 有 理 之 是 効 輔 方 耳 後 既 14 聖 天 願

萬 東 曆 海 + 之 濱 年 ·癸未 篤 生 吾夫子, ,塑東淘 像 天 文。 挺 人 補 豪,

欵

欵

披

懷

負

震

蕩

乾

坤

之氣

有掀

動

0

琅

琅

出

論

蒲

輪

畿

輔

動

縉

紬

之駭

訴

,

王

而

興

者,

法

眼

洪都,

抗

督

府

之賓

鍾

Ш

岳

之秀、

河

海

之靈

者

平

不

待

文

其

殆

!

254

聞

4

傾

心戀戀。

敬

陳

蘋

藻

之奠,以

慶

盛

8 9 0

4

典之遭逢

伏

惟

尊

靈

默

佑生等,

頓

開

儀

容

之嚴

然,清

輝

凛

凛

宛

警欬

之如

嘉

慨遺 于祠 瞻依 場 左遷 賓 慨逍 鐸 夫子 宇宙 春 而 孰 爲 司 秋 天 之 沐 往 不 (蓋四 速爲 像 來吾 下。 高 遥之微 之風。 俎 周 雍 以 ,實爲天 聖 之未 豆,亦 夫 熙之化? 流 総 Ш 募工 兩 謂 子不 9 絶 十四四 仰 設, 夫 淮 歌 學,爲 夫 群 地 岸 修 且. 署泰 子 與 岢. 遽 諸 7 顧 年于今矣。 塑。 ,倡明 兀 台輔之登 偶 今夏 拽 心 爲 弟 熟 十三年于今。 萬 實 然 州 杖 缺 兹既告成,生等覩 而 知 正學,一 世 也 典。 分司 而 適 成 吾 爲 開 哉 觀 毓 造 夫子乃 生民 化。 太平者 庸 ? 事,拜 出 廟貌尊崇, 吾蔡 就 代儒 庇 俸 之功? 立 竊 :金,命 公以 夫子 幸切 夫子 任 生民 命 仰 宗, 也 吾

斯年,永沾化雨。不勝忻躍祈禱之至。靈闘,❸究極心傳,衍夫子之道脉,億萬

仲男王襞等奠文。補遺。

靖二十一 禮 唯兢兢 名 形在上, 謹 鳳 今慶告成,謹 府 舞,耀 公,屢 ,求遺像 君蒙國 ,懼不足以 男等恭 庇 崇 年夏閏 家 后 修塑,昭 服 典 俎 昆,億 潔 膺《詩》禮之庭 禮 奉 豆之享,殆 牲 Ŧi. 香火, 罔 仰 脯 萬 示 月,本宗某等奠文。 今夏,蔡公臨 繼夫子之光,而 斯 德 年 爵 輝 敢 四 ,永享多福。 以以 伸 訓 + 虔。 或 快 四四 懈 瞻 麟 祠 在 年 仰 翔 展 上 儀 干 H

「拽」,原作「捜」,據文義改。「熟」,疑當作「孰」。

「鬪」,疑當作「竇」。

補

遺 何 伯 嗟 孫 朝 月卜 旧 同 行 羈 飲 年 利 財 何 八爲 夫 者 如如 者,家庭之間 夕 ! 義 于 以 獲 既 需 凉 聚 祖 之兄兄 ! 相 兹? 聰 之大 利 强 本 者 吾 古 貨 同 隨 明 以 于 乃 壯 輩 難 當 財 盍 創 之不 者 過, 聖 遠 不 爲 交除, 塤 於 É 及 往 乃 業 難 人 相 侄 吾 篪 既 勉 抑 抑 謂 于 基 能 爲 爲 告 與 心 日 弁 孰 孰 惟 商 我 及, 之弟 其 弟 孫 樂, 齋 矣, ? 知 多 遂 惟 子 知 畫 如 哲 抑 以 欲 視 利 雍 自 子 同 者 各事 吾輩 爲之兄、弟、侄 聖人之不易及 子, 知 萬 聖 往 物 雍 洋 經 業 難 曲 具 人爲 觀 物 損 方在 洋 略 爲 生 口 惟 阜 謂 聖 乎聖 己。 爲 兄 計 師 大 子 子 闊 人 之 具 所 總 怡 成 以 之 體 大 耕 具 人 以 地 叔 角 怡 聖 胚 不 以 不 耔 之 ? 子 側 結

> 鄉 專 明 即 + 矯 顋 集 聖 顧 如 冶 良 H 事 ? 俗 昂 雲從 身。 夜 載 知 就 廬 化 非 商 冷詩 昂 束 模爭。 講 É 抑 謁 孔 旅 如 龍 裝 歸 院, 傳 聖 × 既 孰 宛 水 孰 亦 道 既 而 書》, 有 知 出 閏 求 如 坐 與 至 且 發 返 解 聞 不 ? 日 周 木, 風 博 當 惑, 揮, 堯 容 務旨。 都 從 口 而 築 偶 吾 道 如 冠 離 虎 行, 應 也 來 圃 育 門 薦 脂 舜 道 具 響答 結 非 西 賢 子 聞 相 塗 縉 服 于 子乃 以 助 客, 廬 蘇,不 弟 啓 與 起 紳 意 子 FL 桴。 愚, 聚 談 盡 商 居 仰 命 循 亦 何 北 首 説 ? 脱 彻 德 車 識 循 自 學 趨 立 具 舊 陽 啓 未 興 不 異 士 終 究 当 2 唤 日 業 明 起, 子 徵 知 陽 竟 以 駢 顋 至 不 醒

2 0 疑此句有脱字。 除 據 文義疑

當作

没猶 典,其亦善類千 多 謀 口 神 忌 勳 猷 存 之深,經綸之宏,必與伊、傅,赫 祠 抑 胡 以 相 文運 天 與 興。 不弔,木壞山崩 講 之適 百之依 究 古 鷗 君 頻 子 ? 鷺 歸 報 司 門人子弟 德 盟 ,豈造化 報 功 上 之盛 下 聆 視 之

又弟王錦等奠文。補遺。

應,百 譽播 不泯 善; 造化 及吾 生之情義 論 生之利 鳴 著謨 呼 1 在 子侄 兀 而 穀以 在 天 訓 澤 海 同 先生之道 與孫 先 萬 下 ,先生之精神氣魄動鬼神,先 在 乎 流 生 物 後 鄉 萬 ; 生之教 世 族,先生之恩愛在弟 生 播 物 著謨 民 嗚 者 几 生民,先生之經綸 德 呼 者,人 聖 海 化 在 訓 者 宇宙 在天下後世, 者 人 ",雲行 在宇宙者 道 之道 感 一、先生、 明 夷 繼 夏 M 雨 地 之 之名 而 施 以 等 興 先 道 與 議

> 真 地維 斯 維 麟 斯 遺芳 莫不 開 棲之辰,赫 世之下 分擬 民。 持 亡 民 百 ? 缺 鳳遊,木 流 尊 王之程 何 百鍊 ·, 祖 前 爰祠 蔭 親 遭 是則先 ; 赫 德 \equiv 逢 家 金 一;動 以 在 之既 尊 綱 壞 道 無 祀 ; 弟等及吾子 靈 生 Ŧi. Ш 昌 乎 窮 鬼神者,萬年不磨之 一崩。 見 有 常之道 盛 興。 鄉族者 弟 天 功 何摧 等 理 於 人皆謂 嗚 一,將誰 修 之 斯 嗚 「、懷仁 折 侄與 薦 在 世 呼 之適 天柱 ! 一,有 人 俎 依憑以 心 豆 孫 感 斯 功 頻 神神 折, 親 於 世 白

萬曆三十九年辛亥夏六月,維揚兵憲豐城

冬十月,又熊公致祭奠文。

熊公思誠

尚文並祀先生于

維

揚

書

院

萬 曆 嗟乎 四 嘉 興岳 + 年壬 1 公石帆元 聖經有言 子 秋 1 聲 月,工 「自天子以 致 祭奠文 部 都 水 至於庶 司 郎 中

二三七

先。 然之氣 不 以 哉 下 所 景 來 ! 知 安 行 至 道 此 先 是 今 仰 塞 脉 義 生 皆 讀 止 乎 遡 自 崛 而 以 於 其 天 濂 任 起 力 修 其 書, 地 溪 行 海 身 志 間 0 想見 而 濱 之者 伊 爲 而 直 毅 學 本。」越 我 其 上 幾? 顔 然以 學 人,而 儕 後學,安 曰 干 孟 布 堯 先 非 萬 氏 舜 衣 生 而 吾 孔 其 載 得 浩 登 孟 人 心 ൬

几 + 口 樂學歌 全集》、 知 年 海 癸 岱 Ħ. 》 刊前· 在 蔣 冬十 公 \coprod 少陽 堂 月 屏門之上 , 龍 掌 如 州 苹 扁 事 捐 額 俸 本 親 恊 府 書 清 刻 先 新 軍 生 翻 廳

四 公海 贈 年 東 年甲寅 甲 門 辰 淘 親 貽 精 撰 先 夏 舍 先 生 几 祠 生 孫之詮 月 扁 全 云 南 書 東 京 序 曾 尚 文 海 孫 聖 寶 元 人」,授先 司 鼎 卿 訓 剡 詞 周

耶 禮 祖 光 者, 卷。 增 代 聲。 以 志 子 於 序 再 其 之詮 學, 矣。 ,襞,稱 讓 遺 爲 有 傳 兒 見 無 真 \equiv 凡及 之化, 文 聲 超詣 六 爲 孫 効法 稱 \pm 不表章之。 傳流 本 傳爲曾孫 繼之,皆能 孫 氏 引 賢 梓 肖 先生之門 ; 之垣 其行 子 則 接 前 孫 録 子 漸 檢 傳 孫 修,不 先 四 語 遠, 名 爲 其 發 平實、故 生 言 方 之 州 元 子 賢 此 長 重念之。 之 揚 賢 翰 廪 鼎 砥 修崇 往 忘 姓 子 與 教 其 振 士 守安豐祠 生 行自 來 衣, 嗣 日 州庠 私 Ŧ 意 勵 其 續 書 刻 祠 義 繁,各當 淑 萬 益 稱 足 學乃 立,不墜 之 先 宇 札 篤 生,裒集累 先 世 勤 孝子; 法 功 生之集 夫 其 生 集 一之效 而 招 早亡, 有 婦 綿 之 有 共 道 爲 納 托 窮 敦 思 益 教 數 其 仲 垂 百

四月,泰州司訓光州張公肖文大有雅

訓

日

心

齋

 \pm

先

生

崛

起

海

濱,庶幾生知,

夏

.

Щ. 示 大 易六欵,凡若干章,乃先 重 分立 光 夫 先 郢 公恍 士 生 曾 夫 都 本、用 然 也 尤公大 孫 檢 元 中、學樂、證 公 秘 鼎 治 命 笈 鼎 私 中 板 淑 日 先 年癸卯 之, 其 饁 生《 學、願 學 鼎 以 要 念 識 刻 光 語 學、 之 郡 其 **>** 脉 以 學 州 家

其

概

矣。

歌 終 體 靈 郡 在 \Box 得 可 吻、 辨 身 契。 守 喫 尤 數 E 也 題 謂 緊 趣 精 揭 四 聞 其 崛 在 深 思 宗 不墮 《要語》 陽 起 矣。 止 篤 湱 明 旨 田 於 不 詣 然 耳 繁。 於 至 其 闡 間 É 解 目 中 善 日 學 日 證 力 支 介 : 格格 窺 「《大學》是 東 天 自 孝 離 然 泰 先生之學, 云 南 悟 物 躬 投 州 0 却 行,默 乃 ,毅然服 先 ^ 今 IF. 樂學 以以 就 生 其 是 經 正 語 精 窺 此 天 11-世 焉 之 道 得 魄 授 具 至

堂儀

門修理

之費

几 夏 + 世 嫡 州 場 祠 Ŧi. 以 醇 元 IE. 守生員 扁 蒙 年 本 親 官 儒 鼎 有 月 祠 吏 檄 捐 裔 布 Z 云 謝 照 生 景 資 衣 卯 孫 日 公 票事 倡 元 仰 王 王 收 泰 夏 道 東 鼎 心 爲 之 高 州 領 川 巡, 請 銓 東 理 齋先 助 風 崇 月 少 良 題 修 南 收 儒 即 復 鹽 助 賢 生 祠,給 領 扁 深 捐 動 臺 祠 修 以以 院 動 繒 倡 云「一代醇 資 惠 事 祠 院 銀 往 明 安 助 世 來 享祀 銀 拾 聖 豐 本 守 謝 照 兩,給 拾 爲 學 場 得 祠 生 公 之需 此 兩 儒 精 安 中 勉 員 代 豐 給 舍 其 王 仰

尤

相

傳

之不

偶

云

秋 齋先 八 檄 卿 月, 日 撰 生 先 維 爲 學傳姚 生《全 揚 追 兵憲 崇 集》序文 先 江之衣 哲 熊 事 公 轉 鉢 置崇 照 陞 道 出 得 儒 接 泰 京 祠 洙 尚 州 祭 泗之 寶 王 田 心 口

書「孔 道。 懸 外 卷 本 紀 道 牌 叨 淵 本 官召買,立 面 於 再動 祠 置 ,并各録 給 陞 項 事 源 仍諭 祠 香燭 買 本 下 理 轉 孟 合、 門 本道 崇 就 祠 四 本 正宗 即 或 之需 道 先賢之意。 令租 近 後 + 一契及 應 便 契 公費 腴 裔 \equiv 蒞 祠 追 差 約 四字,并 田 銀 内。 年 王 任 崇。 人催取 領佃 送 或備 銀 數 毋 兹 元 剥 道 畝 得 完日,一 鼎 士; 餉 置 爲 杳 姓 修 年 分散 公同 操 本 做 此 核 名 革 江 殊 賞 道 收 租 仰 木 一之用。 認 防 切 花費 永 銀 官 扁 併 約驗 族衆 廳 州 嚮 銜 垂 銀,或 貳 具 額 官 慕 年 面 不 拾 務當 致 由 印 及 吏 解 朽。 兩 負 照 報 存 充 經 本 今

公百 祭器,奠文,扁云「淮 雍 焌 轉 陞 几 111 新 南 寧令, 夫子」。 置 崇 儒 祠

嗟呼 生 契 於 聖 ! 見 歸 解 聖徂 真, • 窽 由 神 渺 商 伏 者 而 教遠言湮。 儒 束 於 時 訓 時 詁 T 悟 疇 奇 衺 自 如 者 先 少

溺

筵。 涵 祠 晚,不及聆先生 步 至老,事 像,如 趨之,寧直 耶 養 ? 再 自足千 稽 有先生而 事 親 先 真 道 生 修 古 淮 範 ^ 時時 榘誨 年 ; 南 也 譜 熟 習朋 幸 讀《 人 **>** 已哉 俎 又見真學問 歲 來,將等孔 語録 豆 時 ,豈爲先 禋 ! ×, 祀, 如 余 側 吅 生 孟 生 真 謁 也 而

齋先生全集卷之六終❷

13

重

俎

豆爲之生色矣。

兀 +

四

年

丙

辰

春

正

月,泰

州

儒

學

學

訓

光

州

道

追

秋

張

公贈

崇

儒

祠

扁

云尼

Ш

嫡

派

七月,泰州

儒學署學正

事

舉人豫章

徐

0 2 此 「衰」, 行底本無,據全書體例補 原作「麦」 據文義

> 四 0

雙江聶先生文集

[明] 聶 豹

校 撰點

辭免恩命疏 四六	病勢沉重乞賜轉奏容令致仕疏 二一
辭免恩命疏 四五	病故大臣疏 二〇
乞恩辭免重任疏 四五	久病不痊懇乞轉達放回休致疏 一九
衰病不能供職乞恩休致疏 四四	元旦呈祥疏 一八
乞恩休致疏 四三	應詔陳言以弭災異疏 三
懇乞天恩容令休致以全病軀疏 四二	免重科以蘇民困疏 一
乞恩致仕以全病軀疏 四〇	奏疏一 一
病廢不能供職乞恩休致疏 四〇	雙江聶先生文集卷之一
懇乞天恩容令休致以全病軀疏 三九	文移節略 八
乞恩致仕以全病軀疏 三七	祭葬文 七
地方災異疏 三七	隆慶誥命 六
自劾不職以申明憲綱疏 三二	雙江聶先生文集序(吴鳳瑞) 四
薦舉離任方面官員疏 三二	雙江先生文集序(尹臺)
表揚卓行以勵士風疏 三〇	校點説明 一
奏疏二 三〇	2
雙江聶先生文集卷之二 三〇	
嚴法守以靖地方疏 二四	
表貞烈以勵風化疏 二二	

	記序 六一 贈黄明山赴召序	漢書疏序 六〇 贈新參李南橋吉行序	稿序 五九 送王惟中歸泉州序	經綱目序 五八 贈郡推許古泉考績序	仁遺慕序 五七 贈宮輔少湖徐公赴京序 五七	困辯録自序 五六 序二	沙先生緒言序 ············· 五五 雙江聶先生文集卷之四 ···········	學古本臆説序 五四 層峰孝子樹里落成序	永豐鄉約後序 五三 秀川羅氏族譜序	永新鄉約序·················· 五二 梅溪戴氏族譜序 ·············	重刻一峰先生文集序 五一 珠溪王氏族譜序	重刻大學古本序 五〇 上濠湯氏族譜序	重刻道一編序	重刻二業合一論序 四八 城南陳氏族譜序	重刻傳習録序 四七 恩江張氏重修族譜序	水南程氏重修族譜序	雙江聶先生文集卷之三 四七 東坊鄒氏族譜序	衰病不職懇乞天恩俯賜罷黜疏 四六 刻虚菴先生言志集序
--	-----------------	---------------------	------------------	-------------------	-------------------------	---------------	---	---------------------	---------------------	--	------------------------	--------------------	--------	---------------------	-----------------------	-----------	-----------------------	------------------------------

H

一二:七	湖隱記	贈重菴劉侯赴召便省榮行序 一〇五
<u>二</u> 五.	董氏重修祠堂記	贈邑侯陳雨亭膺奬序 一〇四
五五元	雪梅記	贈國博黄龍塘之任南雍序 一〇三
三四	道心堂記	贈邑侯凌海樓入覲序 一〇一
	雪厓記	留别殿學少湖徐公序 一〇〇
	譽德書院記:************************************	贈郡博劉琴山之任鎮江序 九九
<u> </u>	承訓堂記	贈江元山令新寧序 九七
一九	雲根道人記	贈王學正之宿遷序 九七
一 七	平陽府人物題名記	贈翰林孔目何元朗之南都序 九六
一 五 五	永寧重修儒學記	贈曾世瞻分教南海 九四
四四	致曲齋記	贈周以道分教青陽 九三
$\stackrel{-}{\overset{-}{\overset{-}{\overset{-}{\overset{-}{\overset{-}{\overset{-}{\overset{-}{$	戊子鄉試立石題名記	送大理卿胡象岡歸省序 九二
$\overset{-}{\overset{-}{}}$	貞烈亭碑記	贈項監察擢四川布政使司左參議序 九〇
	記一	贈廬陵邑博江子膺獎序 八九
	雙江聶先生文集卷之五	送彭山季子擢長沙序
一 〇 九	贈邑侯陳雨亭入覲序	送王樗菴獻績之京序 八七
一〇七	贈貢玄略陞湖口學諭序	送李子歸寧都序 八五
一〇六	贈督府東明范公擢兵侍序	送王石泉輟講歸安成序 八四

修東新金斗二橋記 一二八	銘一 一五一
艮齋記 一二九	奉政大夫浙江按察司僉事高公墓誌銘 一五一
一心堂記 一三一	封文林郎丹徒縣知縣五巚公墓誌銘 一五三
重修養正書院記 一三二	遲鈍先生墓誌銘 一五五
復齋記 一三四	敕封孺人進宜人宋氏墓誌銘 一五六
仁壽堂記 一三五	資善大夫禮部尚書兼翰林院學士贈
復古書院記 一三六	太子少保益文莊南野歐陽公墓誌銘 一五九
存齋記 一三八	江夏令蚪山蕭君夫婦合葬墓誌銘 一六三
徐公新祠記 一三九	明故坦菴劉公貫裕墓誌銘 一六五
白竹山堂記 四〇	從仕郎工科給事中楊君汝容墓誌銘 一六七
慎菴記 一四二	故坦菴楊公墓誌銘 一六八
董氏重修黄山寺檀樾祠記 一四三	敕封孺人陳母徐氏墓誌銘 一七一
養静樓記 一四五	敕封徵仕郎户科給事中筠菴居士藍
養正堂記 一四六	公墓銘 一七二
冰雪堂記 一四七	故周母羅恭人墓誌銘 一七四
群英閣記 一四八	處士徐師儉墓誌銘 一七六
禄江李氏祠堂記 一四九	敕贈文林郎監察御史坦菴宋公墓誌銘 一七八
雙江聶先生文集卷之六 一五一	敕封孺人劉氏墓誌銘 一八○

雙江聶先生文集卷之八 二四一	士郭君中軒先生墓誌銘 二一五	處
被逮稿引 二四〇	妾王氏桃姐壙記 二一四	亡
祭東溪曾親家文 二三九	府教授陳竹塘壙記 二一三	衡
祭劉中山入鄉賢文 二三九	孝子終墓碑記 二一二	張
祭東溪王親家文 二三八	公祖妣合葬壙記 二一〇	巽
祭陸東湖文 ; 二三七	封宋母鍾氏太孺人墓誌銘 二〇八	敕
祭給諫朱泰浦文 二三六	母胡孺人墓誌銘 二〇六	袁
祭中山劉先生文 二三五	察院右副都御史少峰商公墓誌銘 二〇三	都
祭一峰羅先生文 二三四	仕郎翰林院待詔湖涯貢公墓誌銘 二〇〇	登
澹樂府君墓表······· 二三二	封孺人進安人張氏墓誌銘 一九九	敕
雙江阡表 二三九	直大夫西川陳公墓誌銘 一九六	奉
保謚襄惠張公神道碑 二二四	齋王君墓誌銘 一九三	休
資政大夫都察院右都御史贈太子少	菴陳公配劉孺人墓誌銘 一九一	朴
雲石山人傳 二二三	公莞溪夫婦合葬墓誌銘 一八九	賀
傳 碑 表 引 祭文 二三三	直大夫龍井曾公墓誌銘 一八六	奉
雙江聶先生文集卷之七 [][][]	土羅秋湖墓誌銘 一八五	處
禮部郎中陳明水先生墓碑 二一八	誌銘一八一	
謝母徐孺人墓表 二二七	封文林郎雲南道監察御史張公墓	敕

答松江吴節推 二八九 簡張月泉	寄李少泉書 二八八 均差簡兩院二司各道 …	寄陳芹山 二八七 答鄒西渠二首	答唐荆川 二八五 答何吉陽	與宋望之侍御二首 二八三 答汪周潭	寄劉兩峰 二八一 答王敬所	寄王龍溪二首 二七八 答錢緒山	答東廓鄒司成四首 二七二 答應容菴二首	與吴令宋望之二首 二七一 答陳明水	上内閣嚴相公 二七〇 答賀龍岡	簡湯少濠 二六九 答黄洛村	答亢子益問學 二六五 答成井居	答豐山孫憲長 二六四 答胡青厓	寄開封友人 二六二 寄羅念菴十六首	答玉林許僉憲三章 二五九 書二	答歐陽南野	啓陽明先生······························ 二四一 寄李克齋司馬七首 ······	書一 二四一 寄馬鍾陽三首
	道 三二一	1110	三九	三一八	三一七		三一四		三 一	三〇九	三〇九	三〇八		二九五	九 二九五		

七

持 五	答王龍溪 答董明建 数 数 数 数 数 为 操 。 。 。 。 。 。 。 。 。 。 。 。 。
	黄鳥賦
Ш :: :: :: :: :: :: :: :: :: :: :: :: ::	操
履旋給舍	幽拘操
侍御	四言古詩
答董兆時 三二八	先大夫忌辰
雙江聶先生文集卷之十 三三一	三五七言古詩
書三	秋夜長二首
答戴伯常 三三一	五言古詩
心經分註疑問 三九一	過玉華洞次邵端峰韻
雙江聶先生文集卷之十一 三九八	寄十一姪
書四三九八	玉峽别鄒羅周劉諸君子
答王龍溪 三九八	發南浦
答黄洛村 四〇九	夜見踞畦
答陳明水 四一四	次九江

除前二日次黄崎鎮 四六一	四五七	野外
秋懷二首 四六一	四五七	送吴節推考績
賦得 四六一	四五七	江上聞篴
校文 四六一	四五七	五言律詩
夜坐懷明水 四六一	四五七	春雪
臺夜懷南野 四六○	四五六	西司志遇并柬知己
亭坐有懷簡豐五溪學士 四六〇	四五六	苦寒歎
邀陳惟濬 四六○	四五五	家僮餽橙丁
夜宿深青偶題 四六〇	四五五	慰子安
峽江公館次韻 四六〇	四五五	接子安書知已至京
贈書吏汪廷卿告病歸省 四五九	四五五	長至
出郭訪陳惟濬西禪寺 四五九	·············· 四五四	再答楚望
清明 四五九	:	題扇面
之詩刻猶存因次其韻 四五九		風雹志感二首
邵武行臺舊有澄心亭尋燬於火而亭	四五四	次德州
凌空閣三首 四五八	四五三	車中見日
九日登淩空閣限杜詠三首 四五八	四五三	汶上
翠微洞贈諸子枉顧六首 四五七	四五三	渡九江

秋意二首 四六八	早行有感 四六五
答戴子問學次韻 四六八	次定遠 四六五
歸燕 四六八	次廬州 四六四
鵲 四六七	舟中望巘山 四六四
鳩 四六七	除夕僚友集衙廨因疊往韻 四六四
蟬 四六七	壬寅臘月十五日 四六四
聞黄洛村轉刑部 四六七	相遺 四六四
議釋詔獄 四六七	九日登中樓用杜韻時王孫各以茶酒
聞楊斛山柱史劉晴川正郎周訥溪諫	論詩 四六三
次阜城用韻 四六六	聖節有述 四六三
宿瀛海驛 四六六	洪洞道中 四六三
東河雩山居 四六六	送王稽勳赴部三首 四六三
鄒縣 四六六	元旦謁三聖廟用韻復玉林 四六二
官橋早發 四六六	除夕用别駕許玉林韻 四六二
河間聞高玄火災 四六六	宿高良寺次見素翁韻 四六二
登車二首 四六五	宿東峰驛時得寧波之報 四六二
驛夜同劉文中姪乾對酒 四六五	送方大行還京 四六二
聞鵲 四六五	連江道中口占 四六二

和羅達夫洞中見寄二首 四七七	柬謝少湖學士南野宗伯石淵司寇洛
九日登凌空閣限杜韻三首 四七六	玉峽賦別 四七一
寄徐少湖大史 四七六	被逮發恩江鄒東廓羅念菴諸公追送
七言律詩 四七六	送王節推考績 四七一
東湖行寄謝陸都督 四七六	五言排律 四七一
子月廿一日志感 四七五	菊丘爲西賓王汝執題 四七〇
紀異 四七五	懷萱爲謝維世題 四七〇
大安人忌辰 四七五	石川醉叟爲泰和尹翁題 四七〇
釋三人 四七四	贈蕭醫官民壽歸永豐 四七〇
望嶽 四七四	然用韻簡謝 四七〇
風沙 四七三	予多病形容日枯槁知己相對每用惻
度山行 四七三	部鶴有折翼者長鳴省署哀而賦之三首 四六九
七言古詩 四七三	接臨汾王湛泉書適聞早鶯賦以代簡 四六九
午息江東驛次一溪韻 四七三	西湖贈吴方士 四六九
觀魚次韻二首 四七三	錫山舟中簡萬鹿園總兵 四六九
五言絶句 四七三	生日 四六九
上内閣嚴相公 四七二	别戴子 四六八
村主政 四七一	聞促織有感 四六八

次白蓮驛用韻 四八一	午憩常思公舘次韻 四八一	開欣然次韻 四八一	出巡漳南鎮市三司餞於南臺桃花盛	視船廠遇雨志喜 四八一	寄歐陽崇 ─ 四八○	閲城登第一樓是日鎮守邀飲於樓 四八〇	福州行臺次韻 四八〇	仲春朔按拿口驛次韻 四八〇	邵武行臺次韻 四七九	次中山韻 四七九	草堂 四七九	曝背 四七九	小閣 四七八	送吕惟敬歸南康 四七八	人山二首 四七八	同中山赴會青原途中和韻二首 四七八	洞泉吟二首 四七七
己丑孟夏予時多病將有乞歸之疏志	同年郭方巖罷官次韻代簡 四八六	哭陽明先生二首 四八六	羅源道中 四八五	夜坐有感示諸生六首 四八五	過建善寺 四八四	登松山觀海 四八四	正元二日烽火門閱武 四八四	元旦 四八四	除夕 四八三	福寧行臺用韻 四八三	寧德行臺次韻 四八三	度石壁嶺喜晴 四八三	度九龍嶺 四八二	由古田度牛頭嶺夜宿幽巖寺二首 四八二	至古田從者皆病詩以自誚 四八二	立春後由黄田冒雨度深山窮日之力	立春日次歸化道中 四八二

宿五臺驛次韻 四九〇	閱武巡城登黄華樓用壁韻 四九〇	出按建寧時聞中宫之訃用韻自遣二首 四九〇	九日携酒重訪惟濬於西禪限韻 四九〇	十六夜偕二司登貢院淩雲臺 四八九	赴鎮市二府之約 四八九	七夕後二日鎮市邀酌於平遠臺 四八九	留别陳惟濬 四八九	閲城登八角亭 四八八	漳州玉壺亭留題 四八八	題同安院壁用韻 四八八	午息康店用壁韻 四八八	題泉州院壁 四八七	人泉境得雨志喜 四八七	寄題壺公 四八七	題院壁用前韻 四八七	按莆途中紀事 四八六	懷二首 四八六
中秋月 : 四九五	中秋憶故園 四九五	聞北虜再入關二首 四九四	再酬玉林子秋懷之憶 四九四	酬玉林許僉憲聞警見寄 四九四	生女得報用韻寄十一姪 四九四	悼虜入境 四九三	散粟給糜賑饑有感 四九三	酬中丞龍雲東雲中見寄二首 四九三	徐溝紀事次玉林許僉憲見寄 四九三	勵齋王孫瓶插牡丹見寄和韻 四九二	德安遇九江林節推詩以謝之 四九二	郊餞留别諸生 四九二	候施君代久不至詩以懷之 四九二	仲夏冒雨抵建溪 四九	清流行臺述事 四九	汀州行臺用邵端峰韻 四九	筒豐五溪學士 四九

自 五〇六	蒙恩釋歸田志喜二首	四九九	答獄友次韻二首
五〇五	次韻答文中	四九九	
五〇五 、	元旦用舊韻	四九九	元宵
五〇五	西司除夕用舊韻 ::	四九九	生旦
五〇五	夜敘有感	四九八	贈馮南村
酌占燭花志喜 五〇四	西司别署對洛村夜酌	四九八	元日
五〇四	九日	四九八	除夕
五〇二	秋興八首次杜韻 …	四九八	獄中次韻
五〇二	中秋次韻二首	四九七	入獄即事二首
五〇二	擬中秋	四九七	至京值雪
五〇一	高唐茅店	四九七	孤雁
五〇一	烏啼	四九七	次徐州
五〇一	再寄羅念菴次前韻	四九六	次黄梅梅有蓮花峰五祖前身尚在
五〇一	約遊武夷次韻	四九六	望廬山寄南康守王敬敷
五〇〇	鴉	四九六	嘉靖丁未孟冬望日被逮别親友
五〇〇	憶鷗池次韻	四九六	三聖廟用韻留別玉林僉憲
五〇〇	答羅念菴用來韻 …	四九五	中秋祀龍祠飲泉上用韻
五〇〇	寄題草堂次韻	四九五	弄璋納婿和韻補賀僚友高栢峰

訪之因次壁韻二首 五〇九	自樵川入劍浦見濱江有天妃廟欣然	七言絶句 五〇九	寄羅念菴 五〇九	送野直毛進士令鄱陽之任 五〇九	草萍驛用韻 五〇八	還家志感 五〇八	過桐江約會念菴聞出講泰和次韻柬之 五〇八	覽勝樓用韻爲涂柱史題 五〇八	貴溪有懷江午坡憲副 五〇七	過蘭陵寄陳松溪司成 五〇七	桐江用韻 五〇七	次武林寄吴令望之并懷竹塘老友 五〇七	迓對酒觀桃花限杜韻 ············· 五〇六	舟次姑蘇郡博吴儀舜吴令宋望之來	訪荆川司直不遇有寄 五〇六	寒食渡江 五〇六	
次舒城舒乃周瑜故里 五	酬馬谿田再疊前韻見寄 五	和玉林山居雜興十首 五	酬谿田馬光禄見寄二首 五	酬王湛泉途間見寄五首 五	河橋留别王子用壁韻二首 五	詠鶴和復王子五首 五	論學六首和復湛泉王稽勳 五	聽雨 五	謝鎮守送荔枝 五	觀書有感絶句六首 五	午息江東驛次一溪韻 五	時賊首鄭新就擒得報用一溪韻 五	即景 五	喜雨次韻二首 五	孟夏巡莆陽度山憇海福菴 五	仲春按南劍閱武二首 五	

<u>一</u> 五.

ープ

六〇二

校點説明

侍郎 監 濟,浚 銀 吏 甲 生凡十餘人。 金、何良俊等人皆收置門下,前後以科第起家之 則 石 安府永豐縣人。 察 興 ,復業人户三千二百餘 部 同 一萬六千餘 四八六—一五六三),字文蔚,號 進士 御 起學校,選 ,授直隸華 通 雙江 岳 史, 河 出 聶 禮 論 道三萬餘 身 部 先生文集》十四 劾 嘉靖 兩 亭 隨 尚 司 拔 正德十二年(一五一七)丁丑 縣 即 用 書 禮 四 諸 以 於 知 席書 太監 年(一 生,親 丈, 例乞 縣。 補 户 官 償 不 張佐、兵 政 假歸 五二五)召 庫 在 爲 百姓 法事,以 卷, 任 積 講 績 期 省,兩年後 授, 穀 歷年 卓 明 部 間 至 然 聶 直 如 雙江,江 尚 一 十 逋 追 豹 X 有 徐階、 書 聲震於 欠並 聲。 撰。 爲 討 金 九 福 侵 始 獻 科三 徐 萬 備 蠲 就 西 治 聶 建 時, 民 門 道 吉 南 暇 餘 賑 選 豹 徵

謀。 弊,切 趙 事 歸 下 右 隘 豹起補平陽知府於家, 功 聶 聶 不出者凡十二年。 蘇州,次年丁外艱,服 盗、育人才,持法嚴 六年,欽差巡按 知 尋 錦衣 豹具 進太子太保。 家。 之學,深 文華等人提議遣官視 侍郎,尋 豹 被差往應天等處稽查馬政,乃上 ,募兵固守,虜 統兵備戰,反對 嘉靖三十 爲 嘉靖二十九年, 獄 僉 疏乞休, 僉事許 肯 都 爲 轉兵 經巡按御史覆 御 服 史 是 膺後常 部 福建,至則 年升 侵擾未果,棄營 嘉 歲 左 洲 嘉靖二十年,虜寇山 正,風 靖三十四 仇 往 撫 侍郎。 任 鑾 関 謁王守 勉仁 順 虜 到 師祭海神、差 以書信問 後尋 兵 調 裁 天, 犯 勘皆無實 任後 部 宣 凜然。 察 都 騰 年, 一大兵 在 尚 又丁内 仁於 尚 城, 吏治、懲奸 謗 任 籌 書 未 而 非之。 因 學 時,聶 措 X 以 ,越 到 遁。 反 數 疏 嘉 於 衛, 軍 徐 證 艱 任 田 條 對 年 靖 守 相 階薦, 費, 平陽 西甚 賦 豹 九年 務 遂 聶 陳 I 内 前 E 仁。 與 悪 大 得 馬 部 實 豹 後 開 迭 籌 擢 講 急 功 修 市舶 侍 有 落 往 政 特 被 杜 嘉 因 劃 兵 擒 論 門 積 軍 埭 뭶 守 遠 軍 部 召 寇 靖 良

得致仕 等項,忤旨 隆 而 慶 歸 降 元年(一 嘉 俸二 靖 級。 四 五 十二年十 六七)贈少保,謚 逾 月, 聶 豹 月 遂 四 以 貞 H 衰 卒,年 病乞 罷 七

於陽 生 書 既 親 爲 面 以 論 四 爲 至 行 證 稱 殁,聶 集注》等 學,往往援《大學 書 念。謂 傾資鬻 論 見王守 證 但巴 之,尤 拜 刻 明 學 五 聶 師 is 亦 豹 經,年三十 書於 基本 豹 不得 仁 學 禮 往 幼年,家 産 時 書 强 的 往 爲 但 石 冀 官 第 接 文 調 親 若干重 以 其 無 再見耳,今不 蘇 始稱門 受了 句 孝 聞 延 先 直 境日 以 州 悌 爲 遂 良 》、《中庸 師 被 報 師 以《 陽 依 爲 乃 知 要 取 視爲 落寞,其 雙 明 聖學 據,並引《易 生。 設 之 友 理 稱 易 親。 N 學 位 論 之。 《孟 經 陽 之本 故 聶 學 後, 可 北 未 》中 明 天 聶 父水 的 豹 得 面 獲 聶 嫡 此 聶 源。 於 矣。」 豹 子 理 江 再 聞 豹 傳 之 豹 經》卦 自 陽 雲 拜 論 西 故 聽,對 門 親 雖 遂 公聶 明 體 自 鄉 小 炙未久, 稱: 西 生 以 系。 尚 便 嘉 試 聶 象 銘 於陽 「昔 聶 以 玉 前 未 靖 錢 豹 稱 其 豹 傳 科 治 未 德 陽 四 精 洪 之 文 乃 明 對 與 能 門 年 四 所 舉 明 研

> 學 晚 學 鄒 多多 申 守 年 確 能自 駁 益、 所闡發之心學 有 齟 並 劉 成 節《 龉。 文敏 體 系 傳 聶 習 黄 豹 雖 幽 録 弘 古 不 微 》中 綱、 守 能 處 己 與 語 尤未能契 陳 見, 陽 句 九 明 故 以 川 自 對 致 唐 證 於 良 順 百 知」之 故 之 蓋 門 與 等 聶 質 王 豹 人 學 疑 之 論 盡

合,要之亦不失聖

本

物 本來 也」。 可 調 天下,尚不 直 孝悌」,稱 良知」二字, 由 致 應 涵 遂 用。 面 力於將舊 以 養主静 聶 其論 此 目,反求 豹 知 爲 之 在 聶 致知 脱宋儒 學 良 發 豹 工夫,主張 與 聶 者 學 强 聞 爲 知之外無孝 諸 工夫,初 立 豹 良 調 良 與 窠 身於事 静 則 知 知 良 陽 日; 坐法 認 知 學 明 而 本 定 期以 之前 本寂,感於 13 忘 體 嘉 親 使 此 學 悌 其 靖十 虚 從兄,乃至 良 孩 已 融 之歸 寂,感 發 猶 提 知 會 七年之 學 之 孝 知 即 歸 寂 物 有 所 悌 愛 儒 而 以 根 自 而 廣 之 遂 家 知 故 後 後 誦 底 外 之於 所 陽 通 敬 感 有 天 學 開 爲 無 强 明 此 知 問 執 下 家 調 始 良 良 拈 後 不不 之 之 體 之 强 或 知 知 出

功

只能求之於内之寂然者,使之寂然常定,

方

能

感

汲汲 室四 色從 氏將 多次 力,可見其風采足以能 録》大學 火之中,可見其才足以 顯 着 外在形式上 無不通,外無不該。 不同, 以 容 方之時,廉 肯定禪 顯 講 切感 如常, 的 故往 學 古本 相 應視 育 學 還是内 似 復申 慷 才爲 在 》等, 性 慨 潔 内 故 爲 辯 就 奉 事 在 在修行方式上,都 塵 對 聶 道 不 公,投身國 在 修行 累 豹的 振世立人。 於 止。 經 可見 興 當時 而 陽 世 建 欲 F 聶 這 明 濟 養 多蒙禪 其 棄去之,與己 的 豹 種功夫論,無論 N' 危; IE 學 難,解 被逮 正 學 書 能修 確 自壯年至晚年, 之 院 學 性 傳 入獄之 與 救百姓於 之 身 重 播 禪 但 致 譏 刻《傳 學 大 用; 學 認 時 有 有 爲 聶 存 是 水 豹 在 助 習 爲 神 明 釋 在

誤

處予以

改

正

原國立北平

置

書

館

甲庫

善

本叢書》所

收《

雙

誌銘、書 集共十四 永豐令吳鳳瑞主持 幽居答 一四《雜 豹 述 信 著二》 卷,大致按體 生平 》,卷十 詩 即《 主要 詞 等作 一《答 困 刊 著 辨 刻 作,均 品 裁 録 王 的 編排,收録 其 《雙 龍 在彙 中 收 溪 江 卷十《答戴 X 》即《致 聶先生文 編 明 嘉 入文 奏疏、 靖 知 集 四 識 伯 序文、 集》。 前 + 略 常 **5** Ė 皆 墓 此 即 曾 恭 年

> 出版。 慶六 單 爲 後多次刷印,今所見 七二册所收本(以下簡 原字 獨 年 成 書。 原板後印本。《 存目本中經常 格, 《雙江 可 知 聶先生文集》初 後 即 存諸本中 以雙行小字訂 四 稱 時 庫 曾對 「存目本」) 全書 初刻本若干文字 年代最早 存目 刻之後, 即 補 叢 據 錯 書 者 此 漏 集 當 曾 本 所 影 經 部 爲 訛 前 占 即 隆 第

有的 上是 本已 板 二五 刷印 據 庫 破 江 裂。 本 壞 嘉 聶先生文集》《以下簡稱「 則 挖 時 靖 頁,卷三第四 也 _ 板 去。 四 補 此外,存目本卷二末本有大片墨 裂 間 個 更 刻了 猶 抽 十三年 嚴 甲 卷二第二二頁, 重 在隆慶六年之後。 掉 庫 新 隆 比 本 的 原 慶 頁,卷四 同 如 刻 板片,雖 序 卷 樣具 本 後 影 偽 第二一、三 有, 印, 第二、五、七、八等 裝 然字 存目 甲庫本」),雖 而 爲 但 證 且 原 本 體 經 據爲 裂 刻 較 有 筆 四 本 爲 痕更大, 者 嚴 存目本 頁,卷 的 鑒定 接 T 重 然標 近 欄 版 板 本, 但 甲 字 所 實 頁 註 第 甲 庫 的 其 際 跡 爲

等。 之板 三第二十 體 風 凡此 片 格 的 明 種 頁、卷十 狀 顯 種 與 況 ,皆表明甲 原 並 板 非 有 罕 第三二 差異。 見, 庫 類 本實際上 似 頁、 甲 的 庫 卷 狀 本 + = 況 補 與 還 刻 存 第 出 板 目 五 现 裂 + 本 於 嚴 頁 恭 源 重

出

板。而刷

印

更

本目 上 曾 的 中 由 面 有 誥 篇 刻 稱 誤字、 經 過 此 命 的 印 比存目本、 的板裂, 上圖本」),雖 》存在 调 程 可 的 録 格式調 F 圖本和甲庫本均已補 知《雙江聶 補 致, 置 板 目 慶六年之後 版 錯 整爲 書 遞 現 而上 甲庫 行 酱 律 館 修 象 處 本 每欄 標 所藏 改 處 酱 嚴 理,上 本 同 先生文集》在初刻之後, 爲 註 理,存目 本 重,存在 兩篇 的 樣 頂 《雙 爲 由 則 具 時 啚 於部 格 隆 重 江 間 有, 本已改正; 刻 慶六年後印本, 刻(如 刻 存目本卷首所收《 聶先生文集》(本、甲庫本、上圖本 更 印,還 了目 分板片裂痕 但 晚。 個 個 不 卷二第 録 别 存目 將 斷 板 修 存目 原 將 裂 本 本 訂 二二頁 此 嚴 但 本 以 因 嚴 與 並 每 前 重 隆 下 刷 爲 重 所 甲 實 欄 降 就 還 慶 際 印 其 頁 具 格 庫 簡

> 先後誕生于這 時 期

外的另一 篇記文。 壽序》,並增補了《群 首》中寫給嚴嵩的 删去了五言排律《上内 序,並改正了若干處 聶先生文集》(以下簡稱 熙四十年(一七〇一),雲丘書院又再版 院藏」字樣,可知板片 了 聶豹的各種 今所見以 版 因 本 此 體 緣 F 明 故, 傳 壽 刻 記 英閣 序 明顯 康熙本 諸 資 一直藏於雲丘 抽 閣 本,版 料, 「康熙本」),不僅 記 换 嚴 的 爲《鍾 ※ 禄江 相 成 文字 而 公》,又將《紀 心下方皆 爲 且 獨 錯 調 母 李氏 立於 劉 訛 整 書 了 太孺 院内。 題 祠堂 重 明 康 篇 在 刻 刻 人七 壽 熙 目 卷 雲 記 十三 本 本 雙 的 首 清 丘 之 + 還 次 增 江 康 書

補

據甲 籍。 本 行刊本《困辨録》及《孟子》《周 本、上圖本、康熙本爲參校本,問 百 庫 出 底本存在若干 本次校點 本予以 源,且 補 即選 刷印年代 足。 處缺 用 其 存 餘 頁 最 目 現 底本 爲 本作爲 象,由 易》 接 錯 近,故 亦參考 行、 底本, 論 於 語 板裂及文字 甲 凡 》等 萬 庫 缺 而 曆 本 儒 以 甲 家 與 時 典 庫 底 單

頗有之,筆者謹擇其有參考價值之異文列爲校記,底本不誤而誤改者,刻工重刻時所新增之訛誤亦校記中註明。考慮到康熙本所修訂之文字,時有底本所增補之篇目,據其所在卷次予以補入,並在底本所增補之篇目,據其所在卷次予以補入,並在

處,尚祈各處方家多批評指正。 因整理者水平所限,點校工作難免有錯漏之

備讀者參考。

而諸本皆誤之處,亦酌情出校,註明理

由

依據,以

誤

一律不擅自改動底本原文。文字偶有明顯錯

校點者 王傳龍

Ŧi.

雙江先生文集序❶

於 刻 所 儀 部 太 之文,余或 即 自 保、 京 部 君 得 師 與余同第 子 兵部 走書屬 雙江 特 反 安 覆 手 出 先 辱 能 置 類 余序之。 書 生 不 一二稍 論 進士,友善,目余往 貞 輯之,刻 漏 文 辯不 襄聶公之遺 視,每 集 》總 得 極 以 其深者,故 + 出 密 傳諸 朝 几 微 文,其 卷, 相 不 天下 過 止 侍游 爲 一,意 從 集 故 從子儀 者 方 先 先 輒 太 也 議 生 生 舉 子

之。 日 賢 故 不 余念先 天下 之道 荽 孳 學 體 於學; 生自壯 ,士、大 悟 約 其 战 夫 踐 學 以 有 於 歷 也,未 聞 身 既耄之年 (挽 先生之風者 嘗一 焉 期 日 必 不 未 以 至 以 嘗

> 體 其 研 之徒 誠 知 序 賢 君 欲 不 之道 成 先 先生之文,不推 悟 窮 大 願 以 復 約 德 後 先 乎 生 文 得 爲 爲訓 ? 者 以 先 先辨難之旨,始妄意先 生 遺言之果足 不 踐之微,要未易爲衆人究悉也 中實之窾 之 以 求 生 故 一之文讀 學 ,所謂「身有之,故能言之」。 反諸 先生之學,庶 奉 未 · 其屬 能 身,不謬所 明其學之本要,使 以信 焉 焉 即 數 非 耳 確 年 然 世 獨 幾 也,其 乃 屢 無 忻 從 得 今卒 惑 爲 生之學,殆 重 其 事 於 之 其 敢 自 業 中 而 文也, 則余 爲 天 至 斯 輒 則言 古 儀 下 罷 其 據 部 咸 欲 聖 誠

之上 自 静 得 爲 ,豈世之淺聞 於反 人 夫先 德 驗 不 生 默 易 之學,以 識 之 之際 極 膚 窺 歸 以 其 者 寂 所 所能 爲 超 受 宗, 然 雖 遽 獨 以 有 涉 契 從 致 其 乎 虚 出 千 津 涘 載 然 守

■ 此序文字與尹臺《洞麓堂集》卷三所收原文略有出入,。

士 引 禪 之 未 中 指 矣 以 不 踰 余 也 考鏡 深 凝 + 往 歸 爲 哉 其 間 致 怲 矣,然 達 年 事 其 ! 不 不 虚 或 怲 之久 先 厥 先 於 趨 焉 蹈 無 邇 緒 守 生 生 高 懷 或 天 出 之若 余 溢 静之功 立 矣, 以 乃 若 昔 人 下 不 抑 言 於二 爲 流 始 祛 學 之 常 未 有 然 之 讀 愯 之 江 弌 所 恨 免 遺 或 奥, 出 先 氏 惑 河 然 聆 襲 疑 卑 ; 老 大 生 之 於 猶 其 焉 其 沿 之若 無 之文 夫 氏 書 先 至 以 從 教 異 疑 寡 生 寤 氏 其 人 而 時 則 浸 有 者告 之説 先 矣 寐 猶 之 不 先 歸 者 棄 几 生 求 私 筌 詭 生 寂 方 也 邪 之, 余 慕 時 之 其 扞 筏 聖 其 學 宗 安 人 學 時 顧 類 積 格 致 之 之 據 出 今 冰 之 於 蓋 遠 咸 口

體 爲 氏 棄 其 夫 倫 滅 以 先 常 生 生 有 不 之言 求 生 悔 寂 之 者 易 寂 熆 之 出 然 本《 類 之 自 與 爲 易 絁 ? 感 其 大 應 牛 傳 先 之 理 w 生 之 神 至 之言 岢. 魵 無 致 若 肢 思

《論

語

×,

微言

在《

易影

中

庸

×,

故

雖

以

子

貢

之

至

者

之

足

喻

耳

昔

程

先

生

稱

聖

人

格

言

在

其 推 焉 學 之 説 深 所 X 無 探 塞 下 狗 虚 宝兑、專 之自 辯 贵 統 之 不 之有 與 病 極 詆 萬 守 ? 呶 必 物 難 體 平. 性 所 無 静 卑 智 皆 命 悉 呶 其 氏 故 謂 搥 贵 失 氣 之本 賢 本 É 之 舉 者 合 備 余妄 先 提 若 時 致 邇 之 非 所 邪 而 V. 柔 然 老 以以 身 能 而 取 意 其 積 義 皆 其 之 氏 有 辨 間 之; 咸 先 大 爲 小 而 雖 攝 之 致 H 者 據 生 視聖 者 之 以 不 主 然 抑 達 用 大 乃 著之,宜 本 引 之學直 高 顧 奚 之 虚 本 先 終 其 而 大 X 者 虚 庸 能 未 極 具 生 之 者 特 説 私 受 > 發 摭 則 事 7 背 静 相 據 毫 類 利 非 之 前 末 多 也 教 違 釐 援 其 篤 成 龃 學 中 聞 艮 無 ; 似 千 身 德 之 證 ? 焉 其 凡 爲 之 未 以 以 不 里 爲 差 其 之 若 於 肆 而 貫 無 至 歸 立 訓 之 未 道 支 斯 不 芻 根 天 下 古 亦 11:

謂一二能得其深者乎哉?其信否固宜俟後之作者於百世,而余敢遂達材,猶不得與聞性與天道。則先生之學,

者 世。 長 往之氣,周流乎撰敘辨質之間,抑足 列 所專志而肆力者,然光明峻潔之操,雄 存矣。 也。 郡 諸若文辭,則信其才情所至,要 '風猷動四方'史必且述載之以 先生孝友稱家族,忠節振朝著,功 兹天下所共睹識, 余可 無 並 非 標 嚽 穹壤 俊 平日 澤 闡 説 邁 來 施

永新尹臺撰。 隆慶六年,歲在壬申仲夏朔旦,郡後學

287

雙江聶先生文集序

先 刻 次 無 之。 生 先 殁 生 而 從 江 不 遺 聶 王 文,裒 子 先 公 諫 生 也 議 學 爲 大 學 於 + 夫 者 陽 四 子 並 明 卷, 安率其 王 稱 公,行 之 永 王 豐 門 **\$** 聶 X 校 畫 文 云。 而 編

在 兹 文 敘 哉 日 . 致 良 知 之 學 幾 晦 而 復 明 者 其

後 則 次 無 先 學 不分先 物 贵 本 則 夫 格 致 無 古 致 知 虚 後 於 之功 王 師 功 知 門 先 大 公之説 不 自 歸 物 離 開 寂 顯 應 盡 感 物 似 户 矣, 稍 由 牗 無 浩 知 哉 盡 應 著 功 感 矣 次 則 蓋 靡 無 以 分 先 有 物 學 别 生 功

> 聞 説 示 子 教 也 寧 覺。 知 王 之當 之以 公者 ; 傳 以 與 不 之 先 究 格 寧 物 覩 守哉? 一戒慎 生 體 其 心 致」,授之子 遷 率 者 定 日 淆 所 轉 多 非 氣 寂 然 存 不 樂 之功 蓋 不 汩 認 蓋 覩 大 其 覩 矣, 知 不 救 緣 易 也 識 聞 思,子 恐 贵 學 是 世 簡 者 爲 者 古 覩 皆 故 懼 本 歉 非 與 奔 無 知 思 不 流 不聞 體 於 蹄 師 感 所 聞 不 浪 默 縦 説 狃 覩 而 言 也 根 成 背 翼 格格 不 見 贵 之勢 塵 哉 夫 知 聞 聞 從 不 致 無 寂 知 無 虚 其 爲 聞 師 而 曾 而 湛 所 所 明

者 致 夫 聞 感 不 而 意 論 常 聞 亦文藝之博, 心 E 應 IE 獨 無 天之載 也。 則 格 不 覩 孔 物 可 不 而 誠 覩 無 子 日 而 致 者 之徒 月 心 格 聲 知 獨 ___ 聲 致 無 忧 之教 至 色 不 通 臭 ; 見 耳 口 六 是 IF. 藝 常 目 亦 無 E 平 物 者 感 所 通 ? 病 平 口 t 常 見 十子 覺 格 寂 或 聞 知 所 意 知 無 及 常 其 格 誠 所 口

擬《論語》,《元經》擬《春秋》,其説似而旨同 言雖人人殊,而道則一致矣。不然,《中説》 之中也。 日 戒 慎、 恐懼,蓋示誠 先生之於王公,猶子思之於曾子, 正之功於 格致、聞覩

矣,何以爲僭經耶?

傳云。 當與《傳習》諸録 之者,不能無待於斯文 古 無待於斯文也; 嗚呼! 先生之學今幸有 相表裏,兹用鋟梓,俾之並 或百世之下 也。 君 子 見 有 日 : 而 欲 知 聞 者, 聶 而 集 知

蘄 春後學吳鳳 嘉靖 甲子仲秋 瑞 舜 徵 之望,文林郎、 甫頓首敬書。 知永豐 縣

0

「幸有見」三字,底本、甲庫本均漫漶,今據上

圖本

Ŧi.

隆 慶 盐

命

崇於既 完名引 春宫。 特 數 荐 蔚 豹 真御史之望。 彰善之義 顧 贈 膺,動勞益懋。 ,有賢令尹之聲; , 夙抱宏才, 深探 淹 爾 穹 奉 於 爲 几 往 秩 天 退,儀刑允著於里閭 泉壤。 夷服克壯之猷 特 承 少保、諡貞 斯 爾原 加 運,皇帝制 存。 郡符歷掌,政 ,酬勞之典 爰稽定論,載霈 任 蓋 晚握樞 正學。 旋爲 太 欲 襄,錫之誥 子 風 日 多多 太保、兵 勵 臺憲而按閩 . 始以 於夏省 攸 於 繋 士欽 9 績 遐壽考終,寵 將 咸 甲 命。 老誠 來 隨 嘉 部 新 科 優 恩。 名 所 嗚 兼 ; 而 尚 之範 涣 呼 鎮 宜 秩 赫 作 書 錫 1 兹 於 節 然 縣 聶 褒

立

節

文

功,無負

於平生之學;

賜官

賜

諡

有

0

康

熙本落款時間爲「隆慶元年十月二十三日

於 没 世之 稱 0 睠 爾 英 靈 承 兹休 命

光

隆 慶二 年 月 日 0

六

!

尚 政司 書、贈少保、諡貞襄聶豹,文曰 ·堂上官某,●諭祭原任太子太保、兵 維隆慶二年□月□ 日,皇帝遣江 西 部 布

晉穹秩 宰畿 白 暫 柄,益昭撻伐之勳。 掌韜鈐,威望孚於外夷、中夏。 迨揔本兵之 丕振 之 爾賜 難 輔,政教兼脩 惟 能 閑 卿學究本源 以易名。 出守劇郡、賢聲著於西 加加 於丘壑,豈期遽揜 事 功之茂建。 祭葬 ; ,才優經濟。由甲 握憲 宫保荐加,眷懷方切。 並 加、綸章載 紀 而 遵 乎泉扃 遺 按甌 晉、東吳;入 詔 ? 閩 而 下。 念清 錫 風 科 惟 裁 而

不 昧,尚克欽承。 首七祭文,各七同:

靈

才兼 繫 塞 高高 載 塵 文武 惟 頒 清 卿性資端毅,器度恢宏。 名彌 諭祭,欽 世 八閩 重於 服 司 風 此 林 馬 動,人傳御 殊恩。❷ 居。 之 雄 爰念計聞, 略 正學益 史之先聲; 行備直方, 深於 逾首

獄

九

下葬祭文:

恩。 中外, 之譽。 秩崇保傅,望 之云亡,嘉典刑之尚 惟爾明靈,祗歆玄閟 惟卿以濟世爲心,以希聖爲學。 夙馳剛 正之聲;歸老林 在。 重 朝 爰因 堂。 泉,無 襄 丝 事 朕 憫 載 損 用 蓍 始 歷官 終 頒 碩

- 官某」二字據康熙本補 入,底本此處留缺。
- 圖本正之。 此篇底本有衍文串行現象,行「兼文武八」四字,據上

2 0

七

文 移 節 略

科道 題請然語 豹,奇勳大節,茂著於生

原任

尚

書

聶

前 令望高風,益隆於身後。

吏部 題 復 条 語

原任

尚

書聶豹,襟懷嚴

毅,才識

恢

宏。

林居。 御史之才。 九塞雲屯,人傳 正學益深於獄繫,高名更重於 司馬 之略; 八閩 丰采,民 歌

禮部題 請 条 語

原

任

尚

書

聶

豹

學

識

淵

源

才

猷 敏

達

邊鎮 由 臺 臣 而 而 掌 出 韜 守 一鈴,威 劇 郡 望益 廉 名 乎 太 於九塞。 著 於三吳; 踐 更 歷

中

外,每多清白之聲,歸老林泉,無損始終

所當厚加卹 典,以 示優異者也。

雙江聶先生文集卷之一

+

亩.

又

有

草

場

以

爲

芻

牧之資,

又自

本

生

0

奏疏

免重科以蘇民困疏❶

隱 臣 ൬ 前 於 民 點 之 臣 知 欽 以 烙 其皇皇之情焉 奉 之 馬 餘 赴 命 訴 大 者 得 理 如 備 南 蹈 悉 畿 湯 馬 其 火, 始 政 末,察 臣 臣 甚 始 駭 至 其 之。 境 出出

百 以 也 ; \mathbb{H} 利 以 仰 科 害 稽 者 相 科 祖宗立法之初, 則 乘 者 有 本 則 免 有不役之丁,丁 無 徴 不 之 善。 田 非 民 田 無 間 以 故 養 畝 以 科 馬 計 數 民 者 計 養 匹, 者 馬

> 者 數,非有司 也。 者相 意 水旱 之駒 盈 駒 不 則 稱 其 役 便 無如之何 也 日 數 之丁 草場 氣化人事,胥失其 頻 各處額 去遠甚矣, 畝 以 惟 而 仍, 非 充 養 不 固 是非徒失 不三百 解 得 則 馬 中 疫 矣, 養種 在 俵 日 爲 而 解 癘交作。 也 之馬 第一也 乃據 民安得 T 俵 加 馬 也, 非 損 之 而 與常 養 見 不 也。 用 有 而 馬 故 常。 在 + 而 租 抛 年 沿 之利 夫 丁 而 不苦哉? Ŧī. 利 有 備用 銀 荒 革 問 白 田 今故 也 害 司 之 者 大 年 其 也,而害之視 責 於 之視 徵 馬 调 而 免徴 時,沒乖 上下 非 令包賠 抛 價 ; 逃 半 其 荒 俱 夫 葵 T. 然 ; 之田 舊矣, 逃 有 前 生 者 問 猶 民 定 初 差 有 其 取 未 H

0 蠲 此 免重 疏 康 一科以 熙本多 蘇 民困 「福 事 建 道 監 句, 察 位置 御 史臣聶 在全文之首 豹 謹 題 爲

之 則 揚 今 即 丁 不 力 哉 夫 爲 年 膏 徐 之 過 責 前 年 不 浦 後 夏 忍 見 有 血 日 令包 借 秋 民 既 沛 離 主 不 在 者 使 哉 之交,廬 并 盡 之 散 者 知 語 古 見 ? 水 今 雖 耳 管 猶 在 不 也 H 巨 耳 是蓋 父 之 T 然 兩 调 之 浸 子 口 田 室 倍 尚 而 鳳 見 茫 時 不 果 也 之 如 有 歲 然。 勢 在 能 皆 滁 矣, 縣 之不 父 之 者 今 膏 以 磬 母 和 若 必 驅 相 據 腴 民 獲 枯 猶 妻子 至 之 今 保 有 安 \blacksquare 夫 猶 早 耳 爲 不爲 之 收 得 又安 千 逃 夫 之聯 荒 見 而 富 里 抛 之 榛 在 知 不 庶 荒 所 淮 者 況 迫 苦 有

大 初 種 去 止 亦 寫 意 大 納 遠 草 及 皆 無 租 場 杳 百 不 不 善 散 租 官 便 銀 也 布 而 牧 之徵 7 聽 非 放 屢 候 止 限 經 給 遂 解 猶 撫 民 至 處 部 爲 按 幫 荒 如 以 養 奏 買 棄 戾 備 馬 請 備 京 故 之 廷 用 往 邊 户 欲 臣 馬 年 買 間 召 覆 几 建 馬 有 議 議 支 其 佃 相

> 是爲 之南 粒 得 時 民。 徵 粒 時 無 今爲 用 米 米 乎 之害 租 而 其 查 ? 得 利 北 不 不 則 9 梗 於 自 公帑 若 馬 富 是 歲 訴 加 民 政 IE. 疆之計 耳 之 輸 料 且 馬 之痛苦於 草 體、人情 德 不 皇 使 原 户 而 而 場 年 過 皇哉。 有 本 自 窮 趣 本 間 乎 Ŧī. 草 有 極 千 爲 ? 千 作 就 場 之民 之 E 是 萬 芻 餘 俑 令行 此 利 屬 而 平 人之命至 牧 臣 兩 也 臣 倚之爲 奪 出 不 有 嘗 而 之所 之於民 朝 之使 , 今 通 總 湯 設 廷 誰 火 前 乃 而 謂 今 命 視 之 無 生 於死亡 頂 況 反 姑 物 13 之曾太 急 厲 租 也 今欲 於 富 養 之 無 階 也 銀 今之 阜 馬 而 故 謂 倉 本 斂 至 以 Щ

變, 所 调 端 謂 焉 難 **而** 害 逃 臣 致 之太甚 Ľ 聞 今日 之 之丁 琴 通 瑟 所 久 者耳 不 宜 抛 和 急 種 荒 ·, 臣 馬 處 之 必 之 以 古 事 \mathbb{H} 通 在 冒 夫 草 其 民 昧言之。 更 場 變 間 張 之租 者 爲 ; 削 害 勢 況 是 莫 窮 古 杳 則 有 非 不

苦, 勘 場 徵 於 價 若 若 伏 復 能 議 改 不 其 養 數 各 召 失 即即 熟 7 官 望 造 有 將 其 其 馬 至 處 佃 之 員 無 皇 馬 今仍 爲 暫 計 即 見 餘 與 於 常 之 年 相 Ŀ 册 額 惠 查 爲 雖 畝 在 不 草 人 抛 應 軫 有 别 又 \$ 勘 也 而 開 有 一、乞行 人 養 場 荒 計 念 草 在 議 實 各 诵 則 草 於 除 衆 馬 租 逃 T 東 場 召 府 來 在 養 屬 亦 料 力 者 銀 Ì. 應 准 南 年 若 人 給 江 州 馬 有 之 不 之家 之徵 齊 者 之 **\$** 該 户 縣 南 干 費 之 均 養 苦 若 通 變 養 包 養 出出 而 而 家 馬 利 或 變 若 買 價 干 之 馬 賠 馬 常 撫 反 合 之 T 荒 害 宜 補 若 極 謂 X 按 復 年 無 家 \coprod 原 則 不 之 或 官 民 之 干 户 衙 之害 額 亦 既 該 於 M 蒙 熟 、實 適 難 概 兀 敕 \$ 足 解 貯 領 無 軍 逢 通 或 委 若 庶 其 備 包 或 候 養 照 在 擇 該 其 免 肥 芥 幾 官 謂 賠 實 之 用 種 舊 委 部 T T 會 之 或 踏 似 省 之 在 需 馬 11 田 馬 領 \mathbb{H} 廉 杳

> 馬 馬 瘠 畝 之家 價 均 分 納 别 至 昭 等 有 無不 第 舊 不 收 足, 量 貯 爲 然 各 起 後 該 科 照 州 馬 縣 無 分 科 各 養 補 准 馬 該 則 與 利 年 否 歸 折 計 養 色

惠

霑

之

人

矣

寬 所 察 逃 勘 特 几 一、以 之利 即 之 欲 見 防 範 法 去 以 者 蒙 生 上 耳 其 Z 作 造 窮 云 害 分之 然 死 報 極 事 馬 等 非 之詳 之 政 項, 賜 臣 臣 民 者 不 ; 之 情 是 無 耳 馬 敢 愚 在 狀 使 謂 去 昧 撫 口 若 以 於 所 按 一样 几 熟 夫 馬 得 并 作 綜 之 政 但 委 而 害 荒 覈 有 得 悉 官 之 所 即 以 臨 巾 宜 裨 分 有 時 在 補 之 稽 作 臣 杳

應 詔 陳 言 以 弭 災 異 疏

惟 或 臣 家 聞 之 治 興 天 百 下 六 以 + IF. 餘 風 年 俗 矣 得 然 賢 而 才 至今人 爲 本

仰

皆 校 士 才 戢 發 士 才 由 微 始 夫 責 官 未 何 而 無 始 始 在 謙 由 時 振 不 ; 而 遜 士 攝 風 災 之 欲 得 夫 故 俗 而 害 節 ? 善 欲 未 事 之 若 今 善 外 里 醇 弗 薦 日 今 賢 巷 理 臻 民 之 外 H 多 才 者 力 未 1: 士: > 攘 以 未 Z, 夫 夫 伊 風 IF. 奪 裕 以 誰 之 俗 風 邢 當 俗 求 之 或 風 雖 自 當 賢 責 用 繁 今 盗 自 則 才 哉 未 日 而 賊 今 風 舒 之 則 日 奸 之 俗 學 之 何 賢 是 竊 弗 人

馬品 千 道 學 差 心 夫 ? 紙 默 ? 里 校 則 奪 之 學 之 上 科 其 方 謬 以 校 政 陳 舉 其 中 哉 去 者 不 言 之 爲 程 修 是 所 學 之 江 又 以 天 用 之 務 士: 行 人 不 下 趨 夫 與 心 1: 贵 之始 能 贵 之 未 夫 類 所 中 大 嘗 所 以 所 之 以 有 舅 無 記 既 以 所 所 尊 才 也 不 端 誦 成 就 德 特 11: 本 詞 去 性 此 被 又 於 原 聖 章 非 奚 毫 而 科 而 爲 既 理 才 釐 出 舉 啻 學 遠 之 潛 之 於 治 身

> 之三 深 尚 罪 今 所 有 長 實 日 願 靡 也 幼 物 之 之 也 然 卑 志 乃 教 人 尊 爲 才 其 前 故 傑 傅 皆 利 準 臣 之 教 當 衆 所 薛 的 竊 士 之之 於 咻 分 居 也 謂 奮 科 州 終 : 才 興 法 舉 欲 不 爲 特 古 則 學 免 IF. 志 V 愛 校 今 平. 所 周 之 君 不 H 傾 奪 禮 中 > 無 爲 排 故 學 己 浮 深 之 耳 大 者 校 害 加 詞 口 之 敦 以 間 蔓 徒 所 説 本 亦 而

備 以 聖 下 年 久 有 易 員 弊 其 以 之人皆 神 兹 \forall 臺 生 時 文 基 孟 窮 其 考 武 屬 軻 间 虚 數 不 之, 有 氏 變 受 待 文 則 如 袪 日 罪 又 誕 命 IF. 待 戀 文 閩 爲 蔓 當 中 時 存 削 雖 0 陬 能 興 禮 質 通 後 有 臣 樂 興 觀 生 舍 知 涌 禮 觀 口 民 晚 僞 慧 則 樂 祖 興 大 省 輩 久 反 宗 之 之 不 方 臣 浮 之 朴 時 積 會 如 靡 之 口 勢 知 德 ; 乘 思 成 心 其 況 E 忧 而 勢 風 蠱 是 夫 陛 逾 ; 臣 天 法 F 壞 V H 雖 焉 其 業 下 智 箴 者 此 以 學 答 昧 學,已 一,臣 安 能 所 陛 均 極 也 几 然已 有 願 今之所 以 下 徭 者 陛 訓 以 伏 而 美、 爲 求 役 口 日 管 下 落 大 讀 儗 緝 言 則 也 清 E 窺 察 垂 文藝之末 在 當 宸 諸 熙之助 如 所 聽 契 寺 杞 識 第 几 翰 務 聖 渴 以 堯 慮 其 田 而 · • 者 學 之 端 采 舜 之 弊 以 考 義 者 敬 IE. 意 本 擇 精 備 所 源 臣 必 宦 心 澄 之。 自 及 之 竊 賑 在 臣 餘 之 之 源 當 者 所 謂 有 卹 所 顧 以 要、 之 傳 在 朝 綴 箴 也 几 略 矻 勵 敦 功 是 夕 爲 · • 事 矻 大 世 \equiv 本 風 而 匪 肆 亦 心 臣 以 體 節 實 以 懈 事 自 箴 是 或 格 道 以 輒 覈 世 * 是 庶 大 凝 爲 心 以 官 興 忘 幾 臣 獻 之 切 命 籍 L 而 凡 疏 几 正

以 本 愈 來 多 專 臣 所 而 以 道 謂 文 理 敦 詞 愈 本 取 晦 實 1: 以 文 而 興 章 尚 正 愈 德 學 盛 之 者 而 風 行 蓋 益 實 É 愈 隋 書 唐

矣。 者 人 明 行 優、文藝 躬 意 至 士 祖 千 能 今 積 不 許 等簿 才皆 於諸 而 人 歷各學,化 高 餘 談 顧 至 然 列 己 臣 科 劣 皇 言 天 明 倫 於 可 必 於經 謂 今, 貢 由 司 帝 道 人 也 赡、治 等 概 以 虚 經 陛 倫 鄉 職 開 見 則 簿 禮 弊 僞 而 下 義 義 舉 掌 創 於 昔 矣。 導 世 其 枝 初 雖 里 欲 之 事 貢 樂、 也 諸 或 尚 歲 極 葉 學 優 選 初, 嗣 耳 與 長 明 課 實 矣 有 生 至 射 之 之 佔 人 續 者 事 治 憲宗 ! 行 月 經 川 姑 繁 士 仍置 祖 御 熚 例 倫 考 事 義 其 列 仍 操 未 厭 蓋 宗 於 之 循 皇 雖 而 尚 E 又 書 其 有 觚 \equiv 虚 簿 之遺 身心 餘 序 長 帝 實 短 等 必 舊 甚 論 文之意 代之學皆 考 數 而 於 行 驗 **\$** 五. 簿 於 性 而 而 則 意 設 日 治 升 有 尺 德 ; **\$** 以 命 厭 此 : 用 科 事 或 童 其 科 皆 V 非 提 司 行 虚 時 分教 者 之 革 有 學 保 舉 口 1 或 德 亹 子 文 所 間 官 之 取 見 缺 列 德 行 恩 太 廖 率

民 道 一,必 一之法 須 弊 而 倣 遠 立之教 周 追 禮 堯 . 元舜之事 : 大司 日 徒》 功 六 以 德 以 鄉 成 智 = 中 興 物 之治 教 聖 萬

義

中

和

六行,

孝、

友、

睦、

姻

任

之 子 致 卹 、府 外 知 誠 又 日 州、 意 教 六 正 縣 以 藝 經 之學,各設 心以 禮 義 樂、 爲 至 几 於平天下。 射、 物 行 焉 御 實、 書、書、 經義二 主 凡天下 數。」三 於 格 齋 物 物 或

行

實

齋

爲

上等,於上

等之中

又

分爲

上

Ę

+

實 爲 中 義 ,學之次也, 不 中 得 中 等 以下等 中下二 經 義 而 齋 名 等。 爲 亦 也 無 中 ; 蓋 · 等 下 經 行 等者 義 實 於 之 之 中 下 齋 齋 等之 無 無 等 E 下 中 不 等, 等, 得 又 分 以 經 行

之 教 IE 官 E 夫 於 教 有 行實齋立 端 以 兀 緒 物 而 别 學 上上、上中二樣簿,考以 以 校 之 齋 緇 正 則 矣 其 重 乃 本 \$ 抑 各 末

露者,爲

等,

則

大

書

名

也

其 註 義 樣 者 乎. 實 1 稍 其三 次 上 有 人 通 几 敗 齋 其 六 才 1 物。 經 其 齋 簿 必 經 中 曉 短 者,爲 等 四 難 等簿 者 無 之 有 以 德 義 一二,或 中 一,於經 中 言 爲行、 其六 调 能 德 簿, 得 彻 懷 不 犯 中 通 也 行 狡 行 行、 而 而 之實 德、 等 然所 曉 經義 道 實 實 詐 義 必 有 填 填 經義 ___ 則 藝 稍 其 齋之上上等 而 齋之上 註 六 註 其三四, 於其 經 以 藝之中 劣者 齋之中下 外 大 爲 德 行、六藝俱 其 其 、公私 之齋,亦 必 書 加 重 行 實 行 名之下 兼 其 ; 道 修 中 實 於 雖 乎 或 等 經 又 名 飾 能 於 其 藝 兼 經 義 行 有 7 或 於 無 名 之 其 則大 經 則 義 頗 其 優 六 中 過 中 名 止 之 俱 又 義 大 中、 者 通 德 犯 中 之下 書 書 經 弗 山 下 全 而 於於 者 等 端 中 以 其 其 義 能 也 不 簿 其 爲 名 下 有 甚 名 六 行 或 蓋 通 又 德 藝 其 然 能 未 填 經 於 或 有 於 重 曉

升

考

後

考 等 等 若 於 諸 未 德 於 知 下 有 德 卒 足 縣 提 脚 府 掌 行 中 府 於 必 學官 過 觀 提 色, 教 以 棄 行 禮 蓋 下 有 也 若 州 註 是 後 官 調 經 等 其 部 德 雖 又 縣 州 道 於 官 課 然 簿 善 義 參詢 而 也 卒 義 有 几 若 及 提 提 兼 策 亦 齋 者 奏 能 經 填 等 學官 考之, 教 調 縣 後 循 必 雖 之於 每 改 義 而 即 註 簿 官 諸 官 序 考 兼 以 月 過 兼 亦 其 百 與 則 提 每 而 經 則 乎 明 考之, 者 填 各 不 天 於 有 諸 歲 以 調 升 義 德 經 以 之 子 註 學 過 無 官 即 生 躬 本 爲 行 申 考 於 _ 俱 犯 善 學 口 員 歷 每 以 苟 者 業 矣。 於 川 教 之 限 於 國子 而 教 各 季 而 備 德 學 等 等 提 實 誠 無 名 學 以 官 而 試 之掌 行 初 簿 大學 學 官 考之。 懼 於 调 當 亦 几 所 間 考 集 官 道 分 等 降 考 類 其 必 其 而 有 府 選 教 義 考 到 名 名 簿 爲 則 申 有 兼 官 善 用 任 當 先 初 無 州 以 於 言 之 申 本 所 平

諸

申

也 齋 實 應 惟 貢 次 下 考 則。 日 姻 之 巡 藝之二三 不不 0 語 行 齋 試 爲 取 法 按 年 亦 論 任 若 其 先 之内 取 約 苟 書 稽 薦 以 有 必 必 只 經 以 行 有 混 質 六 升 卹 復 經 而 用 有 義 德 名 几 德 + \equiv 藝 而 人 義 朝 智、 論 類 禮 齋之中下 者 分 之 行 實 者 精 行 齋 狂 造 藝 經 其 充 爲 優 亦 則 覈 樂、 爲 實 亦 各 者 義 食 然 備 率 者 以 以 之, 聖、 後 宜 學 齋 糧 齋 後 則 射 漸 充 道 肆 者 厚 係 等 則 之 以 呈 先 義 之。 德 如 而 禮 蓺 御、 等 方 港 以 於 只 者 後 實 書 取 兼 忠、 延 簿 許 深、 藝 禮 通 之序 取 \equiv 書 九 書 德 聘 高 爲 某 補 書 有 \equiv 部 和 年 之, + 行 人 册 以 數 糧 經 + 不 有 大 學 人 登 有 孝 呈 不 行 + 焉 道 得 於 M 司 之先 進 比 德 於巡 用 每 必 藝 以 所 者 八 其 古 友 場 之, 年 考之 既 私 行 取 當 書 别 行 字 則 後 睦 按 無 蜀 實 行 之 作 爲 1: 歲 其 與 即 以

常 考 名 之上 居 則 色, 色, 拆 印 禮 總 今 於 足. 百 Ħ. 官 序 方 自 考。 見 部 於 考 封 不 稱 然後 亦 又 者 許 中 第 行 遷 完 學 將 試 以 經 以 等 經 中 古 各 臣 事 官 皆 有 第三十一 以 義 臨 黑 者 名至第 義 例 教 省 謂 及 分 以受 限 调 取 雖 卷 居之, 監 齋 提 當 養 爲 監 終 優 中 每 對 中 =學 於 試 私 率 臨 場 硃 遇 於 三十 中 口 年 十 官 總 卷 畢 鄉 不 法 名 自 提 監 等 禮 華 所 考 紫十 試 改 不 論 揭 第 如 至 調 者 名 部 試 雖 官 申 取 之 堪 杳 睦 六 第 等 便當 必 居 富 四 員 年 先 中 几 本 提 前 71 官 + 六 之。 行 等 是 等 差 式 生 進 斷 調 敢 + 選 實 斥 簿 舉 黑 簿 往 H 然 等 名 名 生 以 總 齋 則 命 退 上 别 各 人 卷 不 官 私 考 至 員 必 上 方 京 爲 是 名 名 省 抄 九 龃 當 第 許 意 行 上 送 官 朝 民 見 字字 字 之 進 + 等 官 易 九 實 善 納 會 題 時 本 場 名 者 齌 脚 脚 其 + 爲 方 終 口 開 口

之。 踪 其 身 等 得 禮 場 爲 功 何 及 以 得 色 行 某 者 掌 儒 齋 次 正 以 實 部 試 跡 爲 \equiv 府 亦 凡 之 教 官 卷 師 敗 出 陞 翰 爲 會 州 而 後 論 而 此 露 身 天 林 高 後 試 縣 與 淮 提 兼 果 鄿 下 待 者 字 内 等 下 經 某 中 焉 所 口 調 以 忠 重 之 義 外 其 官 取 齋 樣 式 彻 義 是 則 不 TITI 學 提 · 行 等 德 進 生 吏 1 以 爲 顈 在 在 不 加 學 之官 部 士 員 官 他 行 録 憑 著 外 實 儒 惟 賞 行 等 所 於 考 選 H H 杳 齋 不 師 實 當 焉 揭 官 政 其 列 滿 官 考 大 新 必 得 得 罰 齋 曉 ; 之 提 等 名 績 學 皆 亦 \equiv 爲 考 政 其 後 罪 出 榜 調 卓 之 亦 其 之二 之 取 於 方 績 績 身 人 有 異 下 文 如 在 師 禮 亦 提 行 面 學 者 H 鄉 以 皆 俱 學 不 與 部 論 而 行 實 府 而 荒 異 試 爲 兼 等 惟 實 要 齍 提 在 簿 經 須 輕 州 行 識 官 當 齋 埴 平 學 然 内 必 各 以 義 重 H 虧 别 之 是 賞 官 後 縣 脚 齋 先 寫 M 出 寫 取 不

之不 以 行 之 行 罰 足 實 焉 則 貴 天 材 臣 忠 下 學 謂 孝 之 升 既 ± 進 以 材 皆 而 德 德 知 選 之士 行 行 用 道 檢 之 贵 義 無 而 教 當 卓 又 養 勵 然 以 之, 是 出 虚 詞 考 於 又

其

間

者

哉

肝 知 其 之有 爲 之患 銖 粗 掌 私 師 之, 弟 禮 之 淺 教 考 而 學識 哉? 今日 露 利 若 子 以 反 州 訓 H 矣 者 謂 者 開 高 學 暮 導 器 矣。 之 置 莫 其 巧 尚 學 臣 官 途 四 局 若 生 節 僞 何 正 謂 員 窮 等 者 使 員 師 飾 人 凡 多 將 爲 縣 (),適足 簿 儒 古 詐 才 府 描 見 是 之, 學 考驗 之門 師 有 難 學教 神 É 舉 教 得 枉 重 知 以 寫 重 諭 人, 者, 是 士 之 其 授 行 真 則 亦 一行 非 歲 患 禄 必 又 公, 其 必 則 之公、 積 哉 貢 以 皆 何 以 好 擇 非 之 老 不 養 選 今 人 惡 矣 Z 歲 生 私 其 日 才 啚 奔 榜 好 至 月 則 廉 於 舉 進 難 爲 學 方 之 競 明 府 優 之 肺 士 知 錙 術 今 儒 人

爲 之 皆 拔 賢 其 州 帝 亦 隱 黨 中 又 總 可 春 有 知 二之分 或 不 朝 足 + 日 事 詢 情 冬二 所 縣 也 而 家 益 本 仕 以 得 察 也。 考 之 某 而 江 也 則 未 爲 Ŧi. 考 重者,又豈 於 領 西 賢 之 無 ; 脚 季 偶 其 聘 聖 國 之學者 古 孝弟著 其 又 色 生 也 究於 鄉 參 人 員, 吴 世 未 有 爲 本 功 固 府 飲 伍 始 者 汝 無 敢 之本 學 合 用 不 之 果 於家 酒 終 望 弼 窮 教 屬 州 專在於文哉? 世 專 驗 能 然至 一,但 之必 官 之助矣。 里 根 口 廣 未 在 子 精 縣 以 庭,譽望 老 得 日 以 東 之有 於 有 提 察, 今 責 審 爲 某 諸 詢 聘 多 調 陳 口 力 南 君 賢 人,里 諸 亦 陳 等 ; 焉 也 言 異 臣 方 一於十 子 也 隆 自 耆 獻 而 之士 伏 官 之實 之言 也 於鄉曲 老 難 賢 然 提 老 今幸 又 通 見憲宗 者 無 違 皆 學 諸 才 則 學 耆 猶 以 之 疑 官 所 賢 人 每 有 日 生 人 老 知 憑 矣 以 才 雖 皇 某 員 V 爲 亦 無 歳 用用 學

望 等 於 宸 自 輝 太 事... 翰 祖 明 其 官 光 當 例 守 倫 皇 作 小 相 不 創 四 若 變 暎 堂 爲 少 帝 興 等簿之立 使使 學箴 也 畫 立 庭 社 陛 學 团 中 學 下試 碑 官 頒 數 蒙 如 於 學 降 年 今 以 自 擇 明 徒 府 天 之 養 下 臣 倫 下 知 後 正 而 言 州 堂 之學, 所 上 以 士: 之 則 白 縣 考 川 風 異 左 方 官 刻 校 物 民 日 前 箴 提 之 之 爲 俗 之 法 教 調 碑 飭 亦 齋 後 制 文 艺 提 得 或 申 揮 學 與 堅 齋 人 口

几 觀 省 苦 法 窮 民 飢 餓 \mathbb{H} 總官 州 之 踣 者 若 糧 皆 中 己 於 所 縣 民 前 計 百 道 宋 謂 寺 \mathbb{H} 代 分 有 者 儒 清 舍 糧 已 + 未 寺 隨 楊 歲 計 試 時 有 所 用 田 萬 其 爲 在 有 以 + 法 八 瀏 備 申 餘 几 也 干 縣 湯 則 賑 萬 0 而 有 H 以 卹 九 僧 臣 縣 奇 者 千 歸 道 謹 **\$** 使 官 有 寺 所 按 行 臣 夫 奇 得 僧 舍 考 福 旅 賑 産 飲 常 之 民 道 内 建 業 食 疾 之 平 在

土

永

不

口

贖

齍

糧

王

絁

喪

狗

無

歸

其

勢

動

逾

年

奚

啻

Ŧi.

月

糶

穀

?

是

以

所

穙

 \mathbb{H}

有

只

要

眼

前

醫

瘡

何

顧

心

頭

剜

肉

典

穙

與

銀

應

辨

爲

僧

道

者

利

害

切

身

非

之 家 得 追 結 天 富 既 + 水 退 乘 徵 理 交 歎 不 不 有 分 計 官 人 其 求 期 乃 是 而 均 有 假 情 驕 遐 有 府 \mathbb{H} 以 徭 急 於 思者 其 爲 之 之 佚 致 上 士 外 敗 多 要 削 前 役 夫 0 露 其 H 生 臣 褻 則 豪 井 之 便 必 所 淫 古 瀆 其 富 地 爾 先 從 積 未 僭 斯 之家 飲 不 圖 舉 易卒言 懸 侈 倉 必 均 食 手 磬 私 不 男 欲 矣 無 斯 異 買 口 本 女 措 空 箱 也 端 田 名 之 少 士 , 特 飽 宅 則 利 夫 言 欲 滿 熾 其 爲 豪 遇 多 名 以 充 官 還 方 勢 出 僧 富 又 口 借 乃 之 俗 道 不 府 平. 以

門 計 又 僧 不 得 而 或 士 不 喝 夫 投 之以 之 託 嗜 士 威 利 夫 力 之 無 或 耻 家 誘 者 以 之 貪 爲 以 其 棲 厚 小 身 利 利 免 或 認 難 驅 爲

之門 虧 遏 事 按 僧 紛 則 或 者 新 者 要 氣 不 包 以 損 道 讓 謂 授 收 收 連 勢 0 而 詞 命 以 多 見 他 殆 智 穀 不 訟 肯 司 年 救 遂 非 今 僧 術 矣, 爲 盡 可 文 應 民 不 至 如 得 常 府 投 己 家 卷 糧 堪 或 斯 之 息 能 攘 而 己 住 歸 甚 獻 啗 如 州 差 而 善 臂 明 + ; 僧 任 則 者 矣 之 毛 依 己 吾 政 中 聚 而 而 夫 縣 道 又 彼 貪 以 如 然 乎 間 儒 兇 勢 家 等 在 士 裹 糧 理 夫 饕 酒 坐 ? Ш 争 在 之 吾 衙 夫 亦 茶 僧 差 財 成 不 累 醢 訟 大 門 掌 必 往 弊 故 齎 前 之 負 道 息 群 凡 道 費 争 握 積 或 約 往 日 善 今 累 爲 打 是 把 僧 耗 絶 以 竭 稱 之 坐 方 H 奪 僧 以 而 道 9 變 神 持 其 無 舊 44 典 爲 又 之 而 望 道 在 ; 田 異 新 數 良 去 失 是 告 穙 爲 皆 不 他 福 \blacksquare 而 租 穙 端 未 心 其 許 分 能 勢 久 故 僧 和 建 坐 仕 完 還 必 奪 撲 巡 紛 慣 乃 和 即 道 宦 只 概

> 痛 大 哭 異 端 流 之 涕 小 也 哉 利 而 壞 吾 儒 家 法 贵 不 口

> > 爲

謂 徒 寺 小 法 道 餘 有 也 至 納 杳 精 天 忿 觀 泥 士 有 寺 糧 臣 民 \blacksquare 下 不 夫 寺 然 至 地 無 量 謹 佃 所 , 寺 行 之 觀 當 給 僧 按 種 籍 而 又 存 觀 之 與 按 景 嗜 至 \mathbb{H} 六 П 流 可 實 積 今不 無 土 泰 成 + 利 糧 弊 以 則 假 、弊,一 \equiv 者 \mathbb{H} 化 畝 決 每 米 至 俱 託 小 年 行 六 爲 立 今。 行 百 寺除徵 爲 權 時 民 事 者 平 年 業 畝 而 大家 倖 領 例 其 事 間 以 用 無 竊 其 種 間 例 膚 有 計 疑 及 上 各 恐 所 餘 受 爲 之未 者 處 百 得 當 **\$** 撥 永 臣 之 飜 寺 畝 時 福 與 俱 行 謂 擺 訴 詳 以 觀 言 建 名 1 依 臣 而 布 下 田 僧 成 謂 雖 復 是 事 聖 民 無 化 宜 以 之 桦 44 其 寺 佃 撥 是 有

● 「往往」至「夫不」十字漫漶,據康熙本補足。

通

與

以

所

僧

臣

者

法

多

及

種

每

道 應 結 度 除 觀 住 者 修 年. 濟 取 糧 租 \mathbb{H} 杏 存 間 牒 僧 留 仍 穀 前 者 報 地 住 理 考 給 與 糧 俱 以以 道 者 持 數 夫 儲 屋 收 承 佃 俱 事 令司 依 米 例 + 僧 修 宇 Ħ 其 於 租 種 户 X 每 景 防 不 所 官 之。 道 年 穀 於 理 名 府 泰 侵 滿 每 務 香 人, 之 餘 里 事 官 給 屋 仍 年 欺 寺 要 六 燈 縣 者 役 别 例 該 田 宇 給 間 + 或 每 茶 觀 管 倉 納 每 白 再 均 田 事 至 寺 不 年 畝 香 果 給 糧 田 田 畝 不 徭 該 例 於 者 觀 終 得 燈 之 \mathbb{H} 官 租 外 百 + 許 等 重 年 申 有 原 茶 費 百 給 督 斛 俱 畝 畝 造 别 項 秋 管 餘 呈 果 所 ; 畝 理 田 各併 秤 黄 費 與 糧 項 之 洲 責 僧 糧 下 之。 增 六 以 等 爲 支 册 用 **\$** 道 甲 米 爲 按 費 + 驛 損 歸 頂 之時 齋 用 首 排 常 皆 查 衙 前 傳 ; 畝 白 大 糧 果 其 其 年 住 門 俱 畝 後 專 於 T 以 1 寺 力 以 僧 該 照 里 其 有 小 爲 其 收 是 分 以 備 觀 寺 常 下 道 憑 支 平 料 收 僧 相 老 餘 在 真 賑

> 寺 寺 閩 某 備 差 寸 積 所 争 米 預 \mathbb{H} 刀 之荒 寺 0 累 既 调 觀 觀 圭 地 出 只是 大 0 之 觀 割 其 若 僧 除 僧 年 其 截 不 在 糧 干 道 利 道 心 口 \mathbb{H} 照 之 利 長 官 有 差 所 畝 窮 地 V. 而 · 得 其 間 而 補 管 備 若 所 後 無 户 公 復 所 導 米 可 短 矣 所 收 知 干 口 用 之 以 收 若 得 日 9 謂 犯 得 畝 田 僧 不 以 有 小 \mathbb{H} 粟 干 百 法 者 糧 省 道 猶 産 剩 足 米 某 數 石 畝 小 耶 外 或 爲 愈 無 若 則 寺 萬 因 民 ? 名, 於 欠。 另 僧 僧 石 干 此 其 之 + 詞 量 愚 立 道 某 石 外 膏 害 曰 積 訟 其 畝 面 臣 社 所 糧 Щ 某 之 者 鈎 贓 所 預 於 夫 某 莊 辦 差 除 觀 數 罰 金 此 備 寺 皆 社 爲 之 俱 年 道 束 亦 銖 計 觀 應 倉 以 莊 户 以 與 計 其 以 糧 本 積 息 收 所 \blacksquare 無

⁰ 積 寸 似 當作 至 鈞 鈎 共 + 四 字 漫 漶 據 康 煕 補 按

皓 學 其 之詳 時 足 衣 巷 府 之 經 此 腉 責 糧 無 不 不 過 祈祈 輩 首 下 以 口 無 衆 望 多 性 即 無 묘 混 於 深 則 盡 虞 術 矣。 無 勞 得 僧 晴 或 哉 \mathbf{H} 又 吾 富 財財 賦 除 攘 君 良 心 禱 厮 者 道 小 几 奪 厚 役 Ħ. 無 將 豐 則 田 養 而 R 曾 田 民 民 興 以 象 重 親 終 亦 居 百 何 削 凡 糧 無 冠 長 不 有 掃 而 終 但 亦 以 淫 處 畝 几 流 浩 立 屨 其 出始 應 地 歲 當 安 與 支 者 佚 必 近 錐 之 大, 奸 辦 以 焚 Ļ 之 勤 使 持 生 X 類 之 日 淫 香 焚 煩 + 之不 動 即 應 害 而 亦 而 類 地 其 度 侈 以 今 畝 E 接 出 殃 贵 寺 或 而 身, 僻 矣! 學 爲 祝 延 不 飢 長 咎 僧 而 大 不 況 僧 之 聖 蔓 交 校之士 至 不 歎 則 道 享 松 免 勞 此 道 攻 心 壽 天 寒 聲 之 轉 力 輩 其 利 以 故 修修 F 飽 黄 皆 不 實 死 而 出 利 福 瘦 臣 僧 厚 之 冠 嘗 是 浮 於 窮 人 當 齋 勢 則 哉 而 衣 而 道 官 完 無 溝 年 食 緇 里 使 既 謂 保 睥 誦 而 不

> 之利 壑; 厚 以 或 則 追 僧 以 則 有 所 利 用 推 求 可 道 \equiv 之 爲 爲 用 清 多 不 以 心 軍 擾 豪 之 足 供 浄 耶 僧 猶 之士 陛 勢 穀 ? 道 或 無 0 未 争 者 粟 家 爲 $\vec{}$ 下 伏 足, 奪 爲 之 賑 則 宵 果 出 願 之門 僧 規 卹 必 口 开 何 聖 其 道 欲 之 以 亦 功 死 明 哉 淫 假 用 熄 嘗 何 力 裁 則 慾 1: 託 以 德 之。 可 之 月 飜 今 夫 是 以 坐 資 糧 者 争 訴 爲 免 享 不 饑 奪 慮 以 則 誉 官 安 過 饉 之 矣 裕 誉 府 可 佚 1 薦 風 苦 民 浦 以 何 飽 斗 臻 之 14 負 養 苦 煖 几

臣 免 外 行 切 事 優 其 見 若 例 免 餘 今 所 皆 事 日 爲 例 以 應 士 覈 +9 品品 雜 夫,一 在 官 從 泛 京 籍 爲 差 文 以 差,載 登 役 武 均 進士 全 官 徭 户 令典 員 役 或以 優 者 除 免 不 里 舉 臣 啻 外 甲 人選授 謹 詳 官 IF. 按 優 役 見

^{● 「}推」,康熙本作「催」。

髇 吾 能 寄 米 户 以 者 命 以 重 産 全 兄 石 以 之 爲 多 图 弟 官 民 只 户 ; 無 不 逃亡 或十 寄 禍 原 之 民 夫 方 勢 利 優 先 有 下 口 莊 便 攀 焰 王 免 己 有 日 膏 也 優 此 + 凍 年 别 以 或或 酷 者 援 者 别 産 免 又 數 石 髓 顧 之 餒 縣 官 有 籍 米 爲 之 日 官 官 以 之災 受其 乃 内 户 是 多 深 異 在 政 苞 恨 圖 府 仍 憑 誠 自 而 户 户 者 居 苴 在 古 全 以 石 H 籍 請 乃 免 者 鳴 T 者 \equiv 何 富 於 免 己 官 壕 痼 託 朝 聽 數 米 厚 四 心 聞 養 名 後 亦 口口 狂 以 H 或 所 年 原 不 哉 + 民 風 V/ 甚 優 囊 各 呼 市 Ħ. 親 無 差 户 免 石 無 免 槖 恩 併 收 厚 朝 年 殊 而 産 差 之 或或 時 收 添 推 充 由 民 之 中 乃 廷 不 官 米 或 厚 盈 入户 收 是 户 或 優 知 内 勢 亦 取 又 府 在 息 恩 詭 民 料 在 名 於 至 卹 退 名 其 而 户 퀪 寄 陰 差 縣 免 者 受 置 津 以 於 者 而 不 膚 ± 同 1: 椎 堪 食 夫 必 數 亦 詭 貼 啚 姓 小 T \mathbb{H} 白 則

治

矣

之 以 以 夫 베 而 其 **\$** 爲 之 不 水 非 早 口 其 家 分 復 **<u>桑</u>** 與 不 計 在 蝝 查 嚴 > 夫 士 之災未 矣 也 得 巧 夫 ; 爲 以 則 不 府 詭 之寄 知 亦 必 寄 縣 民 不 姑 之人 精 於 愁 由 從 明 士 怨 此 隱 之 夫 方 生 致 忍 官 則 且 世 非 而 踪 欣 干 不 不 跡 故 欣 多 和 復 益 詭 自 也 氣 究 寄 慶 秘

之。 其 始 供 幾 此 款 1 T 米 1 結 糧 略 不 意 所 若府 在 多 明 數 臣 Z 官 書 凡 É 目 伏 户 寡 籍 民 淮 凡 讀 部 若 貫 作 米 然 只 + 有 諸 所 之下 州 幾 後 何 登 照 ᆔ 降 司 誉 開 石 第 户 若 保 職 者 發 生 俱 之 部 舉 縣 掌 事 户 及 送 要 初 所 官 人 或 部 部 户 上 實 降 府 轉 材 初 Z T 選 内 報 數 編 之 到 貢 榜 米 用 有 本 户 排 京 舉 舉 無 户 照 徭 部 事 臣 什 仍 在 人 役 切 例 例 受 類 官 欲 役 取 編 優 不 浩 男 官 微 事 本 内 排 免 拘 之 子 倣 故 户

聖 者 察 詭 利 必 免 以 吏 下 米 考 户 官 由 及 部 績 内内 明 廉 以 私 0 多 後 其 寄 不 府 裁 貪 所 寡 敢 優 轉 其 知 私 免者 九 均 易 官 之。 之 官 人 報 多 免 無 作 識 即 年 徭 終 貝 户 則 者 張 之 所 俸 人 論 考 當 賢 役 身 以 哲 部 增 必 則 禄 情 虚 罪 滿 填 而 六 否 貪 者 果 不 數 及 受 類 註 之 年 如 安 污 而 有 敢 不 1: 考 民 前 造 則 於 時 民 勵 之名 與 餘 受 由 夫 滿 行 註 考 以 則 + 本 俱 資 受 人 户 若 之,若 滿 之 日 矣。 惠 夫 户 要各 詭 分之 部 然 時 寄 本 增 以 T 考 是 所 寄 \mathbb{H} 户 置 是 廉 米 績 報 外 則 府 亦 降 惠 糧 糧 \mathbb{H} 静 不 啚 全 本 本 官 由 者 若 業 米 俱 惟 等 無 亦 惟 相 前 户 间 道 以 州 無 亦 求 錙 脚 增 當 收 口 口 F 所 也 腻 所 若 之 以 銖 報 不 色 收 異 \equiv 大 産 增 論 惟 節 是 禁 之 者 得 縣 之 糧 年 X ,

若所謂考宦餘以勵風節者,臣聞選舉

之實 之 族 己 饕 其 自 周 隆 之 其 學 考 宦 芒 庭 0 間 之 達 課 法 害 狼 爲 投 法 本 待 肺 虎 而 託 藉 不 捷 而 於 根 竊 之 嚴 尊 則 肝 冀 豹 外 結 徑 爲 歎 法 少 寬 長 顛 無 則 故 敗 躋 惜 則 乘 方 也。 是 閑 今 嚴 如 倒 納 體 口 露 於 1: 有 斑 其 者 之野 日 或 路 是 E 時 則 家 者 清 多 互. 之士 是 矣 居 修 勢 子 司 人 非 要之 士 修 相 以 官 其 矣 古 之方 民 ; 然 飭 多 於 報 夫, 挾 考 此 間 ; 無 在 之心 凌 忍 欲 路 壞 家 制 復 覈 等 所 又 職 奪 張 古 耐 盗 窮 者 於 而 私 府 之人 之 或 逃 富富 鄉 有 爲 求 矣。 則 恬 内 家 壞 縣 怨 規 愛 平. 里 作 出 以 退 則 貴 無 於 而 護 考 家之巧 於 交 之 得 遣 其 古 有 修 正 甚 利 天 到 孝 官 覈 通 美 子 者 或 夫 六 達 於 亦 心 子 之公, 爵 故 弟 弱 名 聲 弟 覆 碩 年 誠 之 欺 天 之 丘 啚 節 不 恬 譽 爲 厭 爲 蓋 鼠 考 意 子 願 庭 宗 鷹 利 貪 仕 退 敢 之 畏 察 乃 之 之 不 而

惡 相 則 於 劾 勢 監 家 跡 舉 爲 鄰 憚 何 重 也 皆 食 符 以 吏 希 情 事 是 爲 居 口 薦 歟 其 部 巡 從 者 其 故 欲 寵 而 例 人 也 將 府 舉 ? 按 實 與 里 已 居 才 做 則 吏部 不 赴 内 爲 所 家之 衙 俱 諺 罷 録 州 學 使 不 京 論 何 其 申 門 Ľ 縣 可 有 職 次超 兼 款略 考 密 其 哉 未 不 之言 復 者 事 等 蓋 日 用 鬼 用 以 ? 職 罷 實 加 . 官 者 順 跡 不 用 而 0 云: 申 之崇卑 也。 察 察其 職 日 是 參 勝 率 可 總 按 臣 於 並 識 -者 諸 以 其 察 也 欲 官 口 察 巛 聽 定 臣 則 居 居 蠶 益 之。 員 鄰 吾 推 ; 衙 按 内 伏 官 家 官 日 惡 肆 爲 廣 罷 食 居 官 門 衙 外 讀 之 所 之 果 其 考 此 職 羝 猖 己 X 皆 門 官 景 爲 政 罷 相 未 語 意 觸 賣 狂 休 吾 得 員 委 泰 符 事 否 之 菜 矣, 罷 官 直 查 或 凡 有 指 無 無 \equiv 歟 職 患 善 究 俱 猶 以 可 善 年 不 守 士: 陳 所 贓 者 則 果 糾 畏 申 或 **\$** 夫 實 犯 貢 而 忌 在 此 口

> 獲 夫 當 既 之 挾 今 發 前 量 即 快 自 賁 表 益 制 日 潛 死 H 重 H 哉 正 壯 尤 德 之 果 相 官 邨 罷 之功 當 之 失 砥 府 能 以 去 退 何 礪 光 掩 孝 創 爲 口 惟 不 思 奸 懲 可 其 友 進 也 聖 聖 始 貪 口 補 終 也 和 退 ; 之 明 世 終 過 狼 奪 身之善 , 睦 口 裁 之 藉 有 多 進 惠 惡 者 完 之。 清 也 退 忠 之 哉 卿 者 之 節 者 威 ? 不 素 之 其 間 之 敢 則 起 恬 官 是 而 功 若 已 臣 有 前 馮 静 爵 亦 不 贵 罷 過 然, H 唐 而 惟 則 口 其 職 相 雖 於 誅 非 則 以 口 不 者 JĽ, 己 淮 以 士 奸 天 勵 以 口 罷 廢 風 諛 丘 鄉 下 其 遏 以 則 之 間 其 於 以 其 袁 酌 老

之既 取 均 於 其 弊 風 關 久,良 夫 節 以 係 祖 虚 故 宗 之所當 法 徐 IE. 法 美 學 度 螖 意 不 精 先 興 漸 興 密 者言之, 師 失 IE. 其 蜀 異 當 不 真 端 初 蓋 淫 口 飾 無 敦 侈 勝 法 口 本 陳 虚 議 實 徭 Ì. 所 故 役 H 旧 弗 以 臣 趨 行 亦

業

少

耶

局

耳

人

謂

篤

臣

本

今之事 之於 而 其 尚 置 致 誠 竊 日 才 王 心 力 意 君 者 也 以 中 道 以 實之教,而 而 方今科 從 故 量 與 科 君 事 爲 四 之 後 事 宋 才 古 \Box V. 者 舉 業 者之中 考宦 古之所 原 世 記 忠 王 於 大 人 識 舉 亦 學 聖 化 相 誦 肅 致 儒 相 覈 餘 得 後 之本 校 與 詞 共 賢 日 巍 治 程 謂 去 官 所 人 從 期 章 可 雖 之 之本、 巍 懿 又 頤 何 才 以 籍 亦 事 以 學。 ; 存 會 蕩 也 以 者 與 宣 啻 IE. 所 得 不 清 於 簿 學 蕩 慈 其 1: 而 創 以 天 堯 書 爲 寺 張 異 日 校 也 意 惠 兄 風 所 少, 壤 治 厚 舜 齊 才 載 爲 智 見 熙 和 顥 以 之 邦 之 聖 所 亦 之 以 何必 本 而 力 談 熙 也 功 教之者, 域 本 以 廣 成 日 不 皆 維 把 説 皞 淵 閑 治 相 厭 規 今之所 更 或 持 持 也 而 皞 哉 邪 朱 爲 者 孰 棄 爲 模 明 之 培 而 彻 ? 若 古 於 熹 舉 侔 器 已 允 敦 乃 植 以 ; 質、 知 馬品 贵 舉 愚 化 驅 调 也 不 不 X

謂:

後。

衛

IE.

史,忝 才,古 作 民 上負 知 訶 之文以 可 人 誘 滴 趨 故冒 口 佛罵 爲 成 學 也 破 所 時 以 縣 在 今 俗 天子 則 壞 究 以 干 昧 ± 有 長 通 從德行之實,而 之效, 祖 前 作 心 可 禄 聖賢 爲 愧 夫之列,今日 ",四 亦 患 、操戈人室者 哉 其 之 下 陛 不 於 日 忧 ? 躁 技 子 之 K 負 如 得 循 流 競 陳之。 域域 ; 斯 是 若 先 有 良 臣 無 其 民 入仕 舉 皆 王 所 者 由 耻 所 立 者 之 業 有 成 往 之 科 朝 所言 以 皆臣 之所 又 移 明 時 就 以 往 舉 心 勸 實 歸 人,不 德 尚 哉?」使四子 來 反 出 慚 勉 爲 罪 新 徒 乃 等不學之故 爲 何 雖 身 程 於 哉 於士 民之學 足 爲 欲 望 俗 有 風 督 利 少 歷 以 其 學 長 紀,始 之者 夫 變 官 禄 臣 養 能 頹 材 是 科 皆 美 所 小 御 真 寧 致 風

元旦呈祥疏

呈 等 該 都 珠 其 採 於 稱 所 大 長 縣 松 日 里 ; 璣 凝 啗 地 本 泰 嘉 口 及據 典 夜 方 縣 縣 如 據 或 前 味 樹 靖 史余榮膺 凝 許 欽 儒 漳 脂 有 降 Ħ 大 上 七 長 化、 祥 結 學 州 收收 本 在 綴 其 年 泰 道 申 府 里 又 松、 垂 恭 有 味 縣 IF. 獲 經 鄭 據 地 據 甘 綴 順 月 竹、梧 申 如 送 歷 前 名 清 廪 龍 竹 善善 露 備 飴 初 學 司 去 磁 呈 膳 溪 等 人 看 松、 化 或 窯 稱 桐 大 生 等 情 縣 和 驗 等里,塔、 色 等 考前 員 承 申 桐 H 社 里 嘉 是實,各將 尤 如 樹 董 准 備 老 民 靖 恐 梅 天 稻 代 榮 本 人 正 七 人 等 降 未 米 所 府 李 董 許 年 與 Ш 的 樹 甘 降 照 顋 淵 或 IF. 相 圃 石 甘 露 會 甘 等 鄉 復 伯 月 源 符 垂 露 露 等 等 差 初 几 如 民 前 呈 備 Ш 在

> 争 綴 稱 H 到 本 相 各 採 П 通 於本 先 縣 拘 行 縣 如 口 報 露 罐 收 後三 備 採 ,考之書 珠 集 去 驗 呈 取 用 由 啜 顆 原 後 發 送 年二 結 小 鳳嶺 取 降 布 前 傳 凝 申 罐 續 甘 政 來 月 各 史、 聞 府 如 裝 據 露 司 寶林 不 里 初 膏 П 盛 呈 傳 致 巷, 地方 收 該 脂 報 稱 記 虚 等日 Ш 庫 臣 申 莫知 其 揑 等 里 看 送 行 間 正 批 結狀 味 社 係 老 據 本 係 V 其 本 行 香 總 居 長 地 府 甘 據 處 名 繳 該 甜 甲 松、松、 民 泰 方 備 露 南 隨 府 蔣 祥 報 等 樵 人 由 靖 龍 再 竹 差 君 等 瑞 到 因 縣 童 溪 將 人 等 行 相 臣 申 本 勘 隋 採 牧 勘 H 樹 等 呈 縣 結 將 府 取 堅 備 報 露

之; 籍 事 誠 侯 并 尊賢 甘 汴 隨 都 露 會 右 容 者 布 同 參 1衆,則 欽 按 政 差 澤 侯 鎮 司 也。 竹 位 守 掌 葦受之。 福 副 耆 印 建 使 老 等 得 祝 官 御 敬 變 蓋 馬 署 等 自 監 則 都 秦 考 松 指 太 漢 諸 監 栢 揮 以 受 載 趙 愈

之 黎 漸 盡 仁 正 來 降 里,松、竹 不之之意 孝格 之上 降於 成 民 ; 次 淹 傳 收 百 共 下 卹 天, 吉 福 呼 復 賀 Ť Ŧi. 之賢 不不 建之漳 創 有 太平之有 桐 六 以 蓋 湛 見 凝之 + 餘 故 有 恩 梅 遷 年 歲 上 非 覃 等 州,不 臣 敘 未 别 亦 天 偶 樹 被 等 H 如 既 里 降 然 之多 不 也 流 其 再 而 見之 監 之 遁 勝 見, 時 凝 云 故 荒 聞 慶 希 云 先 其 於 他 之老, 況 幸 後 世 恭 地 是 時 不 自 呈 鼠 天 順 蓋 思 而 降 X 瑞 伏之臣 登 聖 見 之 或 不 善 見 崇 德 言 諸 海 天 化 别 朝 化 陬 殆 子 等 春 省 以 而

久病不痊懇乞轉達放回休致疏●

八 會 准 據 本 福 府 建 知 日 延 府 到 W. 萬 任 府 兹 以 經 開 來 歷 稱 本 可 大 呈 衝 職 冒 承 於 Ш 准 嘉 嵐 靖 本 瘴 府 六 氣 年 照

> 公文 書、 調 本 批 歸 支 痊 得 府 熈 日 止 \exists 於 持 安。 占 治 府 行 休 煩 曠 昏 益 期 不 呈, 布 致 爲 之 \equiv 瘧 不 迫 腰 會 輒 宜。 罪 每 , 能 效 政 調 轉 疾 背 之 復 准 合 會精 司 幹 治 達 日 計 拘 旋 轉 錢 知 再 增 ,行令本官 辨 等 今 酸 委官 糧 就 成 府 愈 移 神 而 大 桑 若 萬 疏 枕 手 元 不 日台日 倦 死 梓、 氣 能 備 交 席 兹 復 怠 Ţ 足 轉 若 盤 日と出 收 損 遲 由 之 狐 職 痿 達 復 事 調 受 留 耗 稱 轉 庫 期 塘 丘 淹 誠 治 務 委 呈 藏 浸 之 幾 委 留 耳 詞 則 積 供 節 官 前 迫 署 思 於 訟 不 鳴 大 叢 病 職 經 署 來 矣。 益 掌 啚 白 痰 不 病 醫 外 日 印 屢 切 能 勢 廢 治 喘 益 印 叹 以 欲 續 隨 合 信 問 侵 深 休 便 該 日気日 强 未 又 頭 理 尋 É 該 死 臣 放 簿 不 勉 獲 眩 本 則

0 標 康 爲《 熙 轉 题 奏 爲《 懇 思 轉 休 奏 致 延 疏 平 知 府 萬 鎡 告 病 休 致 疏 目 杳 旧 平. 體 口 無 議 但 陳 民 呈 又經 今 本 練 推 本 官 官 達 託 地方多 又 方 該 並 規 무 批 昔 本 賴 無 避 臣 稱 行 司 其 任 事 推 看 老 查 布 嚴 再 休 託 得 疾 而 政 州 看 議 息 規 9 本 得 司 Ŧi. 무 避 官 品品 查 報 郡 知 等 而 皆 去志 以 勘 去 守 府 情 至 仰 上官 後 若 再 似 萬 其. 再 口 果 兹 此 隨 循 呈 員 報 似 悃 病 良 據 去 本 到 難 情 勢 愊 留留 該 臣 勉 難 甚 無 難 今補 司 亦 留 輕 懇 華 爲 經 難 放 切 及 事 延 别 輕 歷

民 補 地 以 杳 心 體 議 ? 員 方 亦 在 年 得 缺 京 本 爲 别 多 資 官 照 以 職 病 嚴 選 有 仰 延 應 銜 辭官 限 年 遷 否 平. 沐 准 前 力 轉 聖 去 府 ***** 來 富 留 原 之 天 休 知 强 或或 非 機 子 致 府 庶 得 至 萬 才 使 憫 惟 己。 受 兹 治 識 積 其 復 直 寬 之 精 弊 年 改 如蒙乞敕 怠 澤 敏 之 勞之深 調 厚 事 者 地 而 得 水 濱 贵 ± 牧 久 海 相 其 民 玩 量 吏 之 宜 擬 部 之 銓 本

邦不勝幸甚也云云

病故大臣疏❶

都 差 等 遊 東 東 右 歷 \equiv 察 年 副 總 連 按 嘉 右 口 院 都 愈 縣 靖 進 理 呈 察 布 呈 士: 御 糧 右 及 七 政 司 承 史 稱 授 儲 平. 年 副 使 愈 准 嘉 刑 方 Ŧi. 都 兼 海 事 浙 本 部 良 月 御 巡 衛 靖 湖 府 江 永 + = 廣 史、 撫 各 六 照 左 廣 東 病 應 儒 年 提 會 布 故 司 天 日 學 + 督 政 使 主 於 等 生 據 ___ 撫 據 家。 使 事 府 廣 員 本 月 治 福 懇 黄 府 員 地 西 初 鄖 本官 建 乞 方 按 外 汝 并 八 陽 興 致 察 郎 日 定 莆 等 由 都 化 仕 使、 田 陞 弘 林 處 察 府 有

治

廣

院

欽

焕

僊

經

故 此 大臣 疏 康 贈謚 巸 本 祭葬疏》。 目 録 標爲 請 卹 清 忠 疏 IE 文 題 爲《

0

起

Ш

復 素謹 浙 地 前 方 江 衢 職 家 以 於 州 母: 無 府 本 老 贏 得 年七 乞 餘 病)終養, 題 月 再 准 疏 該 優 + 辭 吏 給 免 七 部 月 H 當 訪 米 接 得 即 敕 本 南 親 赴 官 還 終, 任 就 居 醫 至 起 官

聽

旨

不

幸大

故

並 於 浮 何 賊 奏, 志 難 而 生 術 渥 不 瑾 黎之亂 無 之 進 操 惠在 名輩 化 賜 易 卹 擅 切 而 在 本官 竭 照 退 權 月 浙 之心 忠 本 歷 論 米 擯 服 藩 在 炙 横 爲 事 官 列 其 尤 斥 ; 湖 手 累 觸 或 賦 ; 精 荷 而 生 廣 可 9 朝 即 其 資 遽 平 恬 祠 深 所 則 熱 家 鋒 單 重 殊 如 列 晚 ; 白 殄 食二 厚, 殞 恩 初 祀 際 介然 成 流 逆 逝 於乞休 理 明 功 秉 寇 愛 寧 + 素 劇 主 自 0 性 闔 之 遺 怙 年 爲 曹 信。 郡 在 剛 X 海 寵 廷 Ŧi. 著 悲 金 廣 徼 口 方 議 六疏 帛 鎮 側 東 傷 雖 殃 官 所 積 戮 雅 目 至 民 則 推 少 推 緣 噟 黑出 見 亡 無 於 靖 其 通

> 詞 聞 曾 臣 履 或 之 赴 歷 家 如蒙 朝 任 查 大 大 级 得 概 臣 論 乞 本 具 病 9 以 夙 官 敕 故 疾 呈 有 該 近 終於家 轉 例 賢 部 己 達 有 查 轉 等 贈 ; 議 陞 大 益 徵 本 南 其 到 之 官 祭葬 京 平. 府 鄉 應 刑 生 備 評 部 否 履 合 由 葬 歷 尚 果 將 轉 書 大 無 呈 本 贈 異 到 官

病勢沉重乞賜轉奏容令致仕疏●

益

乙

云。

调 來 提 巡 督 勞 福 福 歷 以 建 建 所 致 學 按 屬 舊 察 校 各 患 司 府 瘧 自 提 地 痞 本 學 方 舉 年 副 考 四 發 使 試 月 吴 寒 應 十三 熱 仕 試 呈 間 生 日 作 稱 儒 到 冒 任 奉 顧 科 暑 以 敕

0 題 此 爲 疏 《轉奏 康 熙 督學吴仕養 目 録 標爲 《轉 病致 奏乞思容 仕 令 致 仕 疏》, IE 文

 \equiv

報 切 仕 據 外 深 新 重 家 舉... 日 病 向 病 命 忽 餘 到 該 具 勢 證 書 事 素 衰 具 奏 臣 先 重 復 口品 以 口 迫 勢 聞 惟 由 增 經 本 危 朝 叶 孱 侵 有 呈 未 有 稱 歷 職 , 若 露 血 弱 尋 飲 乞 是 敢 幼 司 扶 痰 去 食 情 不 子 魂 轉 子 辭 呈 病 軀 呈 頓 奏 寄 頭 方 志 澼 啓 不 雖 奉 乞 減 等 炎 及 目 己 遽 程 能 襁 本 轉 大 方 昏 \equiv 至 決 神 遭 堪 褓 沿 奏容 司 七 前 眩。 歲 情 骨 之 别 帖文 途 爲 月 來 若 肉 即 微 1令致 無 訪 患 此 蓋 失, 隨 之 今 他 醫 痘 + 除 緣 實 查 痛 前 該 故 醫 身 調 仕 得 差 係 本 | 藥不 故 等 臣 理、 疾 宗 衷 家 誠 H 職 副 批 轉 大 情 使 聽 人 祊 年 接 恐 悲 行 效 劇 呈 吴 吴 迫 候 之 此 份 傷 得

帝 即 臣 其 之 蚤 看 願 歲 得 副 Ē 禮曹 使 高 吴 号 分職 仕 退 之 夙 有 風 著 年, , 才 督 繼 名 學 遇 陞 蔚 明 官 敦 時 未 鄉 復 行 切

> 勢 其 **令** 痰 試 年 養 痞 期 似 勞 伊 病 難 及 爾 П 量 强 聞 籍 擬 洲 留 喪 以 歷 候 子 如 在 倉 病 蒙 傷 京 皇 痊 乞 情 職 起 敕 銜 始 用 轉 吏 行 大 加 令致 或 部 冒 危 遂 查 暑 劇 仕 其 議 積 云 初 勞 合 據 云 志 之 無 鬱 憫 准 情 成

表貞烈以勵風化疏

求 久 結 葉 民 百 古 觀 湮 呈 鄭 申 人 一,承 從 德 嘉 全節 繳 之 實 時 靖 本 准 中 妹 七 再 希 府 本 0 年 鄭 行 聞 府 \equiv 几 此 備 勘 不 照 娘 月 女 呈 報 會 初 孤 謂 貞 前 仍 貞 復 烈 九 來 據 率 當 有 事 H 莆 情 同 此 與 該 田 據 女 何 网 臣 縣 取 賱 學 X 批 看 具. 申 化 師 並 得 里 府 行 稱 論 生 知 大 鄰 經 本 其 道 勘 縣 具 府 歷

起, 吴 朝 惟 絶 以 議 冀 德 鄰 鎬 學 至 示 由 嘗 士 粒 13: 時 # 娘 沈 申 繳 死 母 陳 \pm 時 許 靡 的 本 宜 野 伏 不二 北 兄 見 勳 報 常託 備 感 獻 去後 妻 覩 # 北 鵬 不二之意。 據 於 年 教 不悲嗟 等 本 柳 宣 之志,較之衆 爲 悟 勳 防 授 $\dot{+}$ 莆 嘉 病不食, 女 氏 宗 連 家 閑 婚 秦 田 隨 靖 時 者 章 至嘉 愈供 貧 縣 鳶 該 月 本 几 無 未 年 皇 申 即 興 初 告 年 間 女 教 帝 靖 間 既 結 其 成 化 六 望 悔 可 八 + 備 諭 六 悔 御 (堅持 或 婚 府 人之中 月 得 日 乘 孤 + 1 潘 製 年 之 爲 呈稱 而 骨 故 計 内 年 歲 龍 憂 九 後 娘 13: 野 一許之心 許 民 Ŧi. 立 窮 里 憤 月 强 不 其 行 卒 生 獨 倫 婚 鄭 老 而 實 成 内 啜 食 屢 員 母: 卧 張 其 書 逝 府 希 據 所 疾 流 欲 林 林 兄 母 學 均 鉞 府 罕 粥 就 涕 氏 鍠 樓 遂 蓋 兄 生 女 却 欲 載 縣 0 死 成 名 改 不 兄 員 奪 藥 尚 深 魏 元 郡 族 儒

勘

排 其 揚 義 心 則 志 供 年 墓 而 通 實 經 誌 結 司 絃 里 營 柳 爲 卒 老、 之二女者,與三 葬 粘 視古奉天之實、今鳧 過 拒 ,義不他 本朝 事 之, 連 鄰 之。 外 備 族 王 尋 等 由 人 己 扆 遘 情 適 呈 等 曾 女 疾 繳 通 具 遂 名 同 娘 却 到 將 呈 自 妙 具. 薬 事 臣 取 經 慶 本 府 雖 而 許 到 Ш 死 府 不 死 縣 之王 兩 甚 事 嫁 ; 蒙 官 學 又 相 聞 陶 立 從 吏 師 閱 類 絃 扁 表 各 容 生 及 其 湖 覆 表 就 未 而

間

嫁

廣

春 原 天 於 下 育 丕 文 從 竊 武 照 仁、蓋昉 應徯志 之興。 此 女之烈, 於堯 士: 恭 女同 惟 舜 夫豈 皇上大 之帥 風 無 , 所 孝 斯 自 至 民 而 好 然 善 海 哉 實 涿 ?

持 醮 彼 鄭 之貞,不苟 娘 者 十年 不 學 之字。 而 能 從 百 容 鳥 就 孤 凰 臤

⁰ + 年 里 老張 鉞 康熙本 作 排 年里 老 張 鏜

代 奇 同 符 跡 故 其 其 視 就 柳 死 氏 之 之 日 却 藥 吊 哭 妙 盈 慶 之 門 自 詩

經

異

章

成

哉 帙 ? 蓋 嗟 由 歎 此 息 女 萬 志 口 行 卓 詞 異 是 風 贵 聲 有 動 所 强 不 Mi 約 然

著 ൬ IE. 同 與 除 憲 臣 緇 巡 所 歷 載 該 相 府 口 相 再 應 \equiv 保 勘 舉 覈 實 如 蒙 跡 7 明

合無行令有司,表其閭墓。

敕

該

部

查

議

鄭

娘

貞

烈

如

果

於

風

化

有

歸

嚴法守以靖地方疏

來 軍 除 耆 准 爲 民 民 海 浙 客 賊 程 江 據 圃 名 按 福 肅 販 省 建 察 清 去 曹 木 按 呈 司 爲 頭 軍 察 歸 賊 爲 儲 餹 可 路 興 該 事 果 經 義 温 打 歷 青 竊 勇 州 刼 司 靛 見 府 海 呈 與 等 沿 樂 運 民 貨 奉 海 清 么 遠 船 本 龍 縣 引 通 百 以 + 灣 外 帖 福 等 便 Ŧi. 患 建 處 勦 都

守

巡、

兵

備

備

倭

等

官

申

明

禁

約

不

許

下

海

部

節

該

欽

奉

聖

旨

著

各

該

巡

按

御

中

嚴

督

卸

敢

有

故

違

及

容

隱

者

昭

例

間

發

奏

行

兵

漳

泉

等

府

軍

民

私

浩

雙

桅

大

船

盡

行

查

#

拆

府

衛

所

大

小

衙

門

申

明

前

例

嚴

加

禁

約

此

欽

導

. 已

郊

通

行

外

· 合

無

再.

行

沿

海

各

通

番

有

故

違

容

隱

的

都

依

擬

發

遣

不

饒

欽

乞 警 江 又 節 傅 江 船 但 搔 行 方 監 杳 等 海 鑰 號 擾 議 殷 得 察 處 福 賊 人 地 會 得 先 御 點 械 方 建 萬 同 程 中 猾 爲 察 巡 總 常 乞 肅 嚴 御 潘 按 督 巧 潛 清 委][[法 史 倣 御 浙 爲 建 捕 把 通 看 禁 王 史, 江 言 殺 總 規 勾 得 以 朝 備 避 等 嚴 引 熄 有 私 用 倭 節 情 督 況 批 船 海 司 爲 署 海 誠 今 賊 下 官 害 行 該 都 道 爲 倭 海 事 各 贵 欽 指 洲 等 先 夷 時 該 差 口 揮 海 衙 事 窺 禁 員 勝 **%** 洲 僉 道 門 之 頗 伺 言 按 按 編 事 副 嚴 慮 邊 浙 李 將 使 浙 定

316

貴 呈, 行 處 邊 約 福 如 贵 方、 有 建 等 該 庶 仍 洲 因 法 俟 巡 洲 人 前 按 心 不 民 按 視 備 故 貴 耆 知 浙 海 督 犯 立 警 有 江 道 彼 者 而 言 并 防 巡 監 貴 始 各 備 範 視 察 備 守 定 照 嚴 倭 海 御 所 例 等 道 \oplus ൬ 轉 所 議 發 海 官 等 郭 議 ? 遣 患 衙 登 到 詳 平. 息 戸 門 臣 庸 明 H 仍 不 批 豫 貴 乞 依 通 計 擬 陳 沿 行 體 轉 備 禁 審 海 行 施 而

由

部

司

弱

呈

弭 察 方 官 總 耆 礦 不 制 盗 司 民 徒 又 以 會 程 兩 爲 看 故 知 皆 省 百 肅 得 害 邊 何 何 大 都 汀 清 邊 福 徼 而 以 循 漳 者 海 之 寧 布 口 爲 推 之 之 禍 也 以 乃 調 1 海 民 寧 蔓 司 世 先 盗 坐 9 邊 從 蓋 延 ? 杞 視 爲 或 長 無 大 人之憂。 事 頻 害 或 計 己 M 兩 情 年 温 專 策 省 省 之 重 設 處 各 兵 之 若 大 兵 患 備 設 民 彼 猶 何 備 兵 有 受 批 責 温 倭 而 備 專 總 制 口 行 不 處 以 按 地 如 等 之 不

> 幸 備 員 相 無 制 ; 耳. 事 彼 如 相 海 則 此 策 寇 非 維 應 爲 持 臣 害 子 如 公勤 若 礦 責 以 徒 在 之心 秦 爲 汀 越 害 漳 也 視 責 肥 兵 在 瘠 備 温 以 處 犬 之 玩 惕 牙 兵

計 當 責 海 省 若 不 此 民 約 司 任 , 盗 ; 兵 欲 若 議 預 分 各 若 併 其 貽 備 爾 掌 别 爲 图 隨 得 咎 礦 力 害 等 設 聞 印 該 之 汝 前 等 以 官 徒 總 於 官 本 處 以 項 大 制 貽 浙 殄 司 協 此 致 署 海 則 署 官 害 孟 謀 會 有 海 都 則 賊 EIJ 他 於 賊 以 患 무 寇 指 汀 員 副 日 定 礦 前 而 揮 漳 而 使 之 礦 約 徒 彼 來 似 愈 則 兵 册: 祝 賊 患 束 之 不 事 難 備 温 啚 日 變 殆 之 害 侯 輕 等 處 而 甚 有 卹 議 汴 會 官 兵 時 毋 地 不 口 備 不 之 爲 彼 限 合 日 左 口 都 等 得 安 有 閩 參 止 測 方 資辛 失 官 \$ 患 政 布 者。 浙 之 若 亦 其 今 兩 而 杳

該 臣 看 得 礦 徒 海 賊 爲 患 於 福 温

并 盗 檄 終 若 平. 其 歸 或 膫 而 處 侵 責 難 民 己。 杳 報 杳 不 地 巾 議 間 疆 温 寧 早 方 民 各 今照 爲 往 處 或 汀 則 心 竊 0 兵 之 編 來 漳 浙 其 無 發 備 兩 所 如 通 收 府 江 心 無 處 寇 平 礦 并 則 巡 縣 常 兵 若 之 徒 邊 H 杳 將 按 之 備 地 作 越 非 幸 問 備 來 得 之官 官 守 耗 境 洲 之 温 之 極 以 之民 按 患 之 處 禍 慘 則 檄 彼 衙 各 或 府 以 殘 福 非 此 責 門 者 兵 建 但 歸 縣 汀 策 其 E 耳. 口 巡 役 之 漳 應 非 相 守 方 望 按 則 官 於 兵 制 耳. 其 得 之 事 官 各 備 東 H 憂 稍 體 相 海 以

所 相 有 Ш 慮 屬 則 海 實 非 賊 有 V 不 經 之 礦 休 批 及 徒 患 戚 行 此 之 之 起 各 患 相 第 於 該 闘 官 閩 起 官 各異 M 於 司 肆 流 浙 今 守 再 於 而 网 浙 行 延 民 省 於 會 各 兵 顧 閩 議 異 備 疆 得 心 等 界 水 本 官 之 則 省

矣。

日

嚴

隘

以

截

往

來。

杳

得

礦

徒

之

官

各

員

則

溉

消

默

化

之餘

必

口

有

觀

者

不

得

人,

西襄

成

大

患

必

須

得

廉

幹

推

+

知

縣

即

竊

Ħ

業

此

并

彼

處

奏

何

無

遇

二六

礦

來

必

由

古

 \blacksquare

壽

寧

等

處

海

賊

之

經

必

由

之大 見 吾 協 不 杳 疆 兵 徒 議 以 前 事 間 處 民 謀 修 爲 備 越 處 祛 項 之景 仗 若 則 者 患 我 宿 盗 汀 并 以 此 弊 有 漳 境 非 賊 則 杏 或 許 寧 古 法 人 竊 川 爲 府 警 浙 間 百 事 弭 制 發 焉 之 患 漳 有 江 温 爲 相 縣 盗 把 : 之龍 巡 威 苟 位 之 處 家 則 舉 持 防 按 能 靈 而 府 事 刺 官 福 患 之 日 溪 得 , 定 騙 靖 ; 建 古 之 縣 用 無 遠 以 邊 之 其 巡 近 之 兩 良 所 近 檄 幸 彼 出 盡 按 機 官 年 省 吏 忌 交 責 哉 此 境 得 心 之 兩 也 9 U 卹 避 控 汀 邊 約 或 以 便 縣 撫 漳 馭 長 視 庶 務 檄 束 合 爲 至 海 之 疲 兵 若 中 若 幾 及 賊 青 無 晏 憊 備 皆 節 彼 職 侵 温 伙 民 如 具

318

之海 罰 案 法 造 私 合 吾 積 收 撫 來 烽 名,及至大洋之間 無 之良 轉 戰 造 無 之 此 鴻 諭 去 火 庶 呈是 門、 船 違 申 盗 以 作 以 雁 處 幾 功者懸厚 到 式 明 者 歲 民 中 安 耗 民 福 各 反側。 大 矣。 臣 其 大 多 月,結之以 ●澤之思? 之民,或 知 寧 **\$** 船 法 造 通 忌 官 州 番 若 四 雙 嚴 賞 憚 等 光 夫今之爲 兵 桅 日 見 加 而 量 處 利 嚴 則 更 大 恩信, 禁 海 在 輒 給 禁約 但歸 有 相 船 約 患 怙 者 肆 合 I 備 守 凡 終 盡 可 刼 止 昔 食 無 盗 以 之 無 禦 漸 不 \$ 奪,慘 俾 沿 以 之流 ,皆流 於 杜 患 無 除 悛 拆 失 裝 海 矣。 前 貪 所 歸 矣 者 卸 事 載 小民 殘 民 耳。 項 不 役 民 等因 ,置之於 入官,改 貨 者 賊 將 口 於 也 曷若 徒 加 不 物 夫 盡 日 言。 官 得 爲 今 贵 開 往 會 爲 重

刼 殺 之 竊 照 慘 閩 東 浙 熄 連 西 年 燃 之 陛 禍 下 非 有 海 不 賊 得 則 而 礦 盡 徒 知

> 之以 有名 府、 汀 民 聖 都 爲 術 似 顧 盗 食 之 也 勢家兼 未 踰 壯 耆 其 德 難 也 縣 漳 必 各役, 年里 也。 打 今欲 廢 見 Ш 爲 .,、温 廢寺 先 給 則 礦、 \mathbb{H} 成 蹈 功 使 以 彼之卒歲 排 合無選委府、縣 併 海 功 示 也, 處 刼 統 入官 按 榜 其 查報 官 之以 積 ; 以 洋乃爲 几 季 文, 衣 愈 若欲 巡 年 府 兵 給 之 食 謂 威 容 平日 包攬 無 捕 民 之源 終年 田 莫先 以 招 其 恒産。 兵約 使 官 用 Ι. 之 并 就 打 武 之 員 ,不若委之此 饑饑 食, 有 於 使 拆 撫 礦 廉 之 不 有 所 時 撫 居 來 毁 寒 刼 幹官員,督 兀 爲今之計 地 敢 行 資 其 焉, 之以 **,**俾 無 有 海 千 爲 **\$** 是 簡 耳 之寇 名 餘 切身之憂, 盗 然 頂 之不 閱 雖 祠 淫 名 也 撫 補 輩 臣 師 寺 祠 之之 率 竊 撲 至 則 前 開 猶 及 行 則 耕 張 多 計 滅 爲 糧 爲 彼 鄉 項

■ 底本此後一頁錯版,今據甲庫本正之。

尤 量 陷 名 縣 民 貪 多 安 者 畫 數 尋 杳 地 衣 意意 足 器 \$ 氣 婪 舉 知 引 除 得 溺 也 精 年 方 食 之 所 得 毒 其 禦 人 汀 進 復 之 領 悍 有 多 見 耶 久 及 痛 + 後 士 重 人 撫 有 以 源 兇悍 漳 監 亦 查 耳 . ? 他 = 於 望 乞 驅 遠 頗 未 生 倍 出 汀 虞 今日 几 更 敕 府 矣 迫 諸 多 齊 必 人 縣 輕 員 知 生 共 該 良 漳 真 白 司 民 不 有 然 **\$** 生 能 者 也 部 民 所 可 而 感 賴 非 得 爲 温 今既 守 + 不 爲 於 以 議 於 化 但 牧 人 盗 己 復 而 盗 Ŧi. 几 伏 處 龍 爲 養 恐 要 開 愛 叛 爲 又 縣 府 賊 而 望 各 溪 良 有 於 習 撫 官 習 繁 者 民 於 當 俯 縣 其 善 素 時 景 進 與 + 難 他 諭 + 府 見 念 倚 又 知 也 選 官 感 寧 士 性 無 以 所 縣 時 皆 111 Ш 縣 復 補 出 成 安 役 府 分 哉 化 海 負 等 又 覆 何 身者 未 縣 有 反 法 之 全 官 海 況 轍 萬 每 寇 側 便 本 民 民 在 府 之 率 相 臣 盗 此 而

設 之 嚴 礦 盗 下 或 玩 犯 坑 利 臣 使 仁 余 臣 用 難 期 反 者 其 爲 海 惕 之 之 海 又 經 Ш 查 把 良 禁 之禁, 賞 爲 矣 來 查 先 曾 有 得 民 以 爲 隘 倘 吏 備 例 禁 得 功 先 也 無 畔 盗 罰 任 於 以 ; 巡 福 任 如 虚 贖 蜀 臣 則 而 賊 適 之 年 I. 撫 建 履 甲 捕 调 月 兵 謂 不 科 民 息 令不 開 資 其 疲 令之 之官 地 曠 ; 科 常 之 肩 給 礦 官 無 去 必 憊 方 官 原 給 茶 9 徒 之 事 明 兵 彻 於 礙 以以 以 登 兵 事 中 毒 舖 者 最 年 ,乞令陞 地 海 故 監 之 載 蓋 -、 今 降 中 負 於 舍 其 爲 例 寇 方 軍 亦 糧 具 載 司 大 刼 通 之騙 嚴 之 有 今 衛 非 之 法 餉 存 挑 若 殺 番 來 密 賴 降 西 官 之 淺 度 補 擔 也 不 者 不 而 局 漳 安 設 之 採 不 廢 廢 出 申 有 掩 將 諸 Щ 縣 浦 備 職 爲 我 弛 礦 縣 明 也 礦 襲 弱 無 愚 縣 司 縣 法 有 倭 議 不 知 忧 截 隘 是 來 民 所 令, 而 縣 派 也 殺 之 故 心 寇 之 守 黄 趨 議 派

自 寧 謐 有 萬 耳 全 臣管 非 臣 中之窺 淺 陋 所 能 敢 窺 云 測 也云云。 得 廟謨 之

著之民,資送皆富

豪

之家。

今後

盗

賊

經

调

議

É

我

爲

之,

更

復

何

所

該

哉?

又

況

接

引

有

土

稍

雙江聶先生文集卷之一終

見,臣 雙桅 **令**, 敢 兩 民 各 以 所 處 計 惕 捕 而 地 親 兩省巡 則 方關 謂 省 震 議 違 窮 廢 以致刼殺 把守官員 其 飭 大 禁接引、資送之人全家處以 利涉之資 弛 盡禦寇 多詳 政 篝 嚴 民 船 隘 之 在 火餱糧 知 接制 大綱 盡 ,若復聽其自去自來、不 而 餘,庶乎官兵 所議,預爲曲突徙薪 隘、 之術 制 令拆卸 平人者,合無查照守備不 家; 并兵備、守巡等官 兵備,以兵 小 其 之徒 住近 前 紀,彼 弗 嚴 盗 人官 率化者。 禁 逸 望 礦坑 海 約 時 此 絶 知 備制 Ш 維 所 地 遠 人家 則 者 方 繋。 震 攻之具。 揚 制 明罰敕法, 有司,以有 顧 或者 戒矣。 之計 或 帆 歸 連 重罪 皆 將 可移 飛 能 庭 坐有 習 見 渡 可 傳 户 也 民 之寇 設 望 0 有 諸 置 至 則 報 差, 其 别 於 律 雖 不 官 夫 所 玩 勦 司 司

雙江聶先生文集卷之二

奏疏二

表揚卓行以勵士風疏

史 不 祖 踰 史 學 由 私 嬸 陳 進 禮 申 理 備 受 傑 如 據 戎 尹 幼 養 13: 福 政 均 通 景 祖 有 建 憲 之族 學廪 革 寧 13: 至 興 命 度明 性 化 撫 廉 人。 爲 不不 增 府 明 幼 治 允,激 經 妹 類 附 沧 既 後 極 歷 長 事 凡 牛 事 揚 兒 員 司 5,所遺 政 讀 其 呈 居 吴 、孝友。 修 書 多 早失 華 承 俗 金 等 務 准 既 清 帛 敦 恃 奉 愈 而 本 哀 呈 實 擢 田 木 遂 府 行 晑 御 産 嗣 毁 御 儒

> 乞 之日 葬、 晋 毫 爲 虀 年 終 轉 鄙 不受, 九 菜, 無 師 孤 门,識 達 之善良,深企 年 惰 嫠 祠 雖然自 上 容。 父封 宇、墳 不 與不 日 非 司 與 能自 公事 奏請 仕 官 識 修不 宦 卒 墓 _ 未 存 莫不 垂二十年 悉力修葺 涑 者 口 旌 嘗 哀 事 獎 水之敦篤,合將 志 ,莫不爲之嫁 · 答 嗟 至 毁 表 河風 淬 幾 暴 一公府 礪 歎息。 絶 化幸 内内 而 切 田 葬 至 磨 不 甚 外 非 祭 誠 增 華 娶。 族 動 義 孚 以 畝 等 事 有 以 饋 禮 動 蹟 久 聖 遺 家 不 食 薰 死 賢 食 能 惟

粥 暑 葬 抱 鄉 爲 結結 於 朝 惟 鄉 石 墓 Ŋ 見 官 又 廬 或 孝感 讀 本 據 墓 隻箕 退 官 莆 次 而 事 布 \mathbb{H} 坐 竹 後 扱 御 縣 衣 卧 食 土 扉 徒 尊 中 其 ; 甕 賢 履 陳 中 與 遇 牖 類 里 傑 工 風 墓 高 每 爲 人 於 雨 鄰 父 晨 大 均 行 時 卓 封 昏 不 其 傭 官 世 必必 過 必 勞 · 營葬 歷 尋 或兩 周 親 苦 等 旋 進 本 慕 蔬 既 寒 手

陳

建 傑 典 州 等、 省 潮 廬 以 哀 而 前 又 亦 墓 本 側 7 據 清 批 府 因 感 是 樹 鳴 月 福 酮 悵 表 名 節 景 致 本 本 H 不 初 化 樹 建 准 各 擊 賢 悵 縣 寧 仕 官 謝 宦 無 止 七 興 到 衛 爲 該 然 本 能 學 縣 等 素 世 祠 間 日 之白 化 縣 府 鎮 哀 以 官 一,莫 宇 申 官 履 歸 至 撫 府 通 秉 思 鳥 崇 垂 行 而 魏 學 不 行 莆 千 據 不 公 該 鵲 祀 激 實 鄉 哀 H 文 嗚 生 間 百 通 田 忍 涖 浙 無 勸 人 之 豪 户 備 縣 員 學 孝 咽 X 去 治 復 江 數 莫諭 事 如 等、 房 沙 申 潘 據 生 感 按 有 Щ 飛 此 見 下 仁 查 本 員 開 9 恒 察 里 懽 白 集 由 0 其 者 獨 信 照 縣 等 郭 稱 老 聲 進 司 鷺 墓 以 故 莫 世 爲 施 等 各 襄 申 先 提 耆 沸 + 爲 數 歷 廬 不 精 呈 等 行 任 學 民 騰 歷 白 准 等 禽 既 酸 詳 等 呈 連 鄭 官 知 千 爲 副 鳥 聞 浙 密 心 等 因 己 既 舉 使 廷 并 微 縣 俱 本 集 江 近 情 H 久 經 俱 陳 缺 岳 據 於 忽 處 墓 物 官 萬 口

卹

轉 呈 到 臣

0

+ 家 表 按 准 據 重 間 於 貧 是 身 茂 + 0 0 厥 其 陳 户 覆 福 典. 福 使 烈 號 欽 以 部 後 建 結 據 孝 宅 所 茂 建 看 嫠 牌 此 之 友 勘 烈 監 表 福 布 得 奏 勘 里 0 婦 之 額 合 遺 彝 是 己 察 字 政 前 行 行 或 不 又 前 賢 使 典 故 故 御 九 來 行 名 實 附 事 該 致 禽 御 史 事 百 口 蔚 日 卓 似 有 查 承 人 經 鳥 中 失 \pm 著 孝 内 當 + 司 異 該 照 准 鄉 歷 昭 陳 所 應 於 廉 開 本 造 相 表 禮 賢 祥 傑 乞 可 ___ 鵬 六 牛 0 部 蓋 揚 等 口 部 呈 祠 號 加 奏 俱 前 勤 連 題 賜 坊 皆 大 除 卹 稱 勘 奉 論 學 仍 牌 隨 己 廉 已 字 内 典 欽 合 本 翕 好 題 量 已 該 經 故 __ 開 遵 賜 然, 禮 司 千 奉 爲 故 批 之 照 臣 監 以 節 查 答 聖 優 監 看 風 察 會 行 家 樂 杳 照 名 付 給 合 御 百 旨 察 得 爲 得 該 邦 道 永 外 額 史 七 其 無 洲 祈 先 府 無 安 御 承

准

史

宅 爲. 行 貪 頑 里 實 昭 并 也 相 御 云云 中 百 附 陳 傑 如 鄉 蒙 賢 牛 乞 平. 祠 敕 祀 履 該 歷 庶 部 H. 口 杳 與 以 昭 御 樹 彝 4 風 典 陳 聲 茂 表 而 烈 勵 厥

薦 舉 離 任 方 面 官 員 疏

續 詭 今 見 微 之喜 大。 風 敢 冤 任 信 陞 陞 以 隨 怒 河 諸 察 臣 江 耳 竊 明 獄 南 於 承 聞 西 司 其 著 慎 另 乏 爲 右 隱 或 衆 左 平. 周 舉 試 П 以 政 布 布 詳 反 故 外 政 之 之愛憎 來,其於大小 以 政、今丁 之 而 其 臣 人才 使 以 譽。 務 賢 周 事 崇 訪 否 爲 亦 用 以 先 寬 得 憂馮 大 觀 簡 先, 厚 先 任 概 不 官員 其 任 福 馴 敢 憲 重 臺 亦 才 福 建 寡 任 綱 憲 頗 操 賢 右 建 默 情 或 以 昭 廉 履 按 否, 布 激 探 於 凝 而 知 端 察 政 之 峻 不 古 揚 _ 使、 使、 方 荷 於 人 除 爲 不

> 言 有 下 執 傑 徑 精 之 使 服 而 政 平 性 聲 不 法 蹊 公論 不 實 范 體 妄 能 者 不 自 生 永 先 明 資 體 口 絶。 盡 聿 任 變 練 ,乞將 剛 或 先 同 於 明 如 福 清 鋭 忠 庸 均 任 蒙 先 於 强 建 志 周 戎 勤 心 福 禦。 任 乞 去 提 用 之 而 仕學,鋭 行 建 後, 敕 福 嚴 學 廉 等 奸 公平,巡 副 是五 建 副 該 明 拔 勤 歷官 弊 使、 右 之 擢 部 使 公 盡 謹 臣 參 以 再 憲 今丁 志 祛 勤 後 者 議 體 勵 加 爲 歷 功 慎 調 署 名 其 杳 獨 憂 不 今丁 一方 雖 而 陝 篆 餘 訪 持 鄭 憚 其 政 遇 西 而 云云 乎 佐 憂 藩 才 請 聲 如 事 撫 軍 勤 果 氣 蕭 臬 託 操 敢 口 民 民 臣 之 高 廷. 之 懸 心 爲 副 咸

自 劾 不 職 以 申 明 憲 綱 疏

開 臣 内 節 外 該 大 伏 小 覩 衙 門 憲 官 綱 内 員 但 款 有 糾 不 劾 公不 百 司 法 等 内

其 非 去 又 瘴 事 欲 處 所 地 在 款 其 若 以 面 内 安 洲 激 責 知 從 置 按 暴 備 善 監 0 失 鋤 風 不 察 貪 俱 職 憲 舉 御 除 之 肅 史 内 見 欽 官 寮 開 惡 遵 在 若 貞 . 外 外 不 是 度 拏 凡 從 其 竊 監 以 按 重 詳 杖 靖 察 察 Ħ. 祖 安 御 口 嚴 宗 百 中 人 糾 者 7 民 發 洲 舉 法 爲 無 烟 歷

職

也

其 怨 今 初 也 肉 方 化 奸 奸 譜 僻 几 無 若 意 弊 梗 嗷 臣 臨 臣 H 所 臣 嗷 以 奉 種 是 巡 嶺 告 蚤 命 種 平. 嘉 歷 海 始 皆 訴 夜 莫 靖 以 其 至 謂 憂 悉 貪 憲 來 延 七 神 惶 口 其 先 暴 度 年 平 也 勝 平. 任 恐 縦 勉 不 七 府 究 知 生 無 章 啚 横 月 繼 欺 府 聞 以 乃 未 報 轉 + 而 天 陳 之 仰 行 有 稱 相 七 查 图 能 Ш 承 守 甚 墓 日 盤 人 遺 谷 皇 巡 於 又 傚 孽 人 倉 道 盗 田 上 況 此 庫 流 境 野 參 名 生 勵 時 福 毒 $\stackrel{-}{\longrightarrow}$ 議 之 又 民 精 竊 此 建 民 月 蕭 見 位 至 魚 地 地 更

行 以 復 各 寧 運 歎 年 手 看 能 揮 有 人 廷 日 己 某 支 得 等 愈 按 厭 口 項 府 鹽 月 明 摽 傑 而 事 察 共 日 作 註 其 服 疑 案 推 吏 註 司 猶 始 愈 0 銀 某 間 侯 口 經 某 印 卷 官 규 陳 如 事 未 各 信 汴 六千 陳 知 吏 費 按 能 臣 手 項 費 伍 備 吐 敢 經 杳 之 猶 狂 支 使 簿 察 用 左 用 希 直 露 查 華 仲 手 籍 几 使 心 恐 送 用 餽 布 周 項 真 以 相 併 道 百 共 周 其 某 訖 送 而 政 通 審 下 己 情 同 送 餘 協 有 用 使 吊 延 問 意 餽 則 侵 大 百 兩 訖 天 實 供 會 平 杳 該 各 開 欺 斷 送 衙 零 言 下 招 口 該 約 據 府 府 該 侵 之 某 人 訖 項 七 之公 都 侵 實 重 其 推 歷 經 己 也 欺 下 年 本 字 犯 造 盗 復 官 手 年 布 0 等 臣 項 則 月 也 之 查 册 費 開 贓 陳 吏 乃 仍 惟 下 開 項 H 誤 審 開 用 罰 禹 送 典 於 긁 復 某 追 則 某 贓 驚 報 餽 卿 到 不 是 都 錢 轉 得 駭 開 年 吏 私 出 庫 送、 復 陳 指 足 糧 某 經 歷 無 建 委 月 陳 役 悼

六 卷 + 千 使 以 帽 也 生 百 吏 子 疋 能 + 典、 客 簿 几 弟 及 各 Fi. 牛 造 買 而 之家 兩 百 於 + 項 承 員 況 酒 愈 及 東 七十 兩 科 九 贓 差,守 於 俱 其 米 明 嶽 鄉 人、小 道 九 兩 私 臣 不 益 淫 官 分二 五. 次 買 部 有 算 爲 顯 除 祠 扇 兩 巡 則 外 屬 零 使 執 厮 0 費 巡 釐 有 之 賞 ; 客 買 法 亦 則 外 用 實 按 零 門 餽 之官 歌 Ŧi. 無 紙 雖 頂 之 而 該 僚 子、 毫。 送 唱 不 父 監 ___ 下 監 X 印 友 乎 俳 項 饜 兄 皂 己 生、 可 頂 書 屢 下 優 如 其 隸 進士 不 之 贓 共 巡 之 買 賄 書 做 能 官 如 銀 該 駁 下 吏,三 類 者 器 改 庇 與 内 几 銀 及 舉 查 機 $\mathbf{\Pi}$ 其 千 該 監 該 鄉 司 子 譜 千 銀 中 製 買 =可 銀 官 弟 百 之 監 之 佐 官 衣 段

爲 H 延 具 平. 本 臣 參 之父老子 始 題 據 無 可 非 弟雪 會 欲 問 申 怨 招 憤 案 尺 耳 之 於 法 七 將 以 月 謂 勵 陳 百 能 + 寮 稍 Ŧi.

乘 盗 研 大 府 護 律 天 言 猶 盡 延 八 有 月 歲 過 平. 件 機 追 印 恩 H 百 用 囇 欲 人 惟 聶 逞 心 陷 按 後 時 爲 據 本 \Rightarrow 贓 託 僧 辯 計 有 曾 其 臨 貪 臣 府 盗 私 惠 明 奏 有 某 臣 彌 必 斂 延 昂 暴 事 前 印 安 冤 不 庫 彼 以 時 縫 悔 手 彼 平. 洲 得 菴 買 口 H 信 銀 枉 鄉 臣 疑 恨 以 府 還 肆 欺 初 按 内 求 事 故 其 X 其 復 空 追 待 至 僭 世 爲 聶 住 拏 曾 意 爲 該 承 生 賠 謀 罪 頭 延 作 摭 之 歇 某 昂 臣 謀 僞 差 平 簿 串 陳 平. 恨 也 奸 威 誣 之非 逞 干 舊 啚 伊 子 深 舊 執 能 不 福 不 即 仲 蒐 報 忿 H 奏 父 售 其 行 臣 揑 臣 門 殺 謂 復 望 慝 召 挾 兄 中 弟 於 嗟 主 寫 應 隸 人, 内 售 其 齎 服 李 前 聶 至 伊 閏 惻 僧 朝 開 無 讓 深 誣 到 某 來 臣 顯 吏 嘉 父 + 其 影 離 崇 情 面 陷 通 典 兄 簡 本 問 臣 月 靖 敗 謝 任 報 厚 贓 書 府 先 懇 伊 再 七 謗 擬 飾 露 後 私 貌 曾 + 且 年 說 寺 任 乞 惡 之 來 如 内

耳 足 賞 辯 米 Ŧi. 但 斗 事 其 等 或 事 詞 有 是 指 巾 其 實 盗 慈 憎 母: 主 惑 人 之主 聰 道 声 聽 若 信 無

謂

有

大

出 即 經 不 係 府 前 嘉 府 惠 道 僧 吏 并 曾 安 駁 靖 此 天 自 巡 臨 愈 惠 僧 寧 去 事 安 造 有 按 TE 六 111 臣 行 後 端 綱 寺 德 年 縣 姜 作 於 僧 御 該 斷 印 + 史 何 曾 道 今 儀 惠 隨 口 則 信 六 劉 月 狀 昂 吊 安 在 查 據 嘉 識 臣 結 年 狂. 内 吊 杳 護 官 靖 呈 案 初 之有 矣 狀 起, 簠 該 印 僧 曾 該 Ŧi. 報 行 不 批 府 昂 委 至 按 年 分 知 臣 無 亦 允 查 壽 僧 始 嘉 守 無 察 \equiv 其 原 囇 無 監 得 籍 護 末 靖 月 道 爲 有 口 籍 託 僧 曾 候 掌 案 六 間 參 何 僧 内 江 及 惠 昂 曾 卷 僧 年 擬 爲 議 許 人 西 取 安 V 係 否賞 綱 名 絞 鬭 几 謝 人 古 及 具 姓 查 江 印 月 惠 罪 毆 顯 安府 究 府 名 得 兀 亦 米, 記 安 止 招 殺 縣 延 撫 審 分 不 者 詳 永 情 官 並 俱 平. 又 州 僧 巡 識

於 盗 能 不 託 里 能 里。 豐 鍾 伍 也 臣 昂 Ħ. 邇 印 姜 之 似 之外 縣 陳 哲 庫 爲 素 也 者 廣 彼 馬 謀 人,其 能 甫 外 相 何 信 欲 嘉 則前 妹 追 不 其 而 哉 限 靖 此 串 善 請 又 賠 應 乃 堂 建 陳 去 又 ? 求 Ŧi. 何 恨 若 兩 爲 巡 相 等 將 昌 撫 如 易 怨 深 厪 按 臣 何 則 六 去 庫 謂 是 等 州 售 凡 盗 莊 致 果 父 御 必 撫 年 撫 乎 吏 李 府 延 印 之臨 應 兄 囇 史 欲 舍 州 劉 其 平 㬎 印 臣 又 信 中 之達 劉 縱 良 近 宗 之 舛 又 担 有 則 亦 於 簿 間 犬 等 狂 趨 111 印 遠 也 奉 腻 事 於 何 户 籍 勢 贵 遠 簠 官 信 在 水 於 情 命 年 庫 要, 貴 1 之行 乘 與 工 其 簿 陸 素 而 差 勢 子 月 + 機 臣 等 籍 謂 干 口 千 之 往 昧 爲 日 如 餘 百 不 排 房 爲 李 以 程 平. 爲 書 里 應 便 盗 羅 本 少, 陷 官 科 顯 曾 生 於 氣 外 天 千 不 不 印 吏 足 出 = 之 失 等 昂 使 Ħ. 有 同 知 徵 先 黄 如 於 次 陳 此 府 囇 千 陳 密 曾 府 餘

計 參 李 雖 削 其 影 顯 陳 揑 響 能 揑 \equiv 贓 亦 於 次 誺 以 不 之 李 盗 待 相 情 顯 庫 臣 蒙 亦 之 類 例 也 恩 謀 皆 該 矣, 串 如 充 此 顯 爲 軍 復 報 今乃 非 何 復 惟 售 之 職 形 於 私 跡 役 能 也。 如 相 哉 故 ? 夫

之 天 者 廷 忌 志 年 而 陳 捕 皇 覆 何 之 備 俑 能 以 鼠 以 F 地 官 所 虎 世 臣 者 挾 明 而 判 緇 載 出 以 蛇 爲 私 見 臣 押 解 臣 戒 於 萬 之恩者 不 反 沮 責 品 紐 文 其 噬 贵 里 得 壞 任 品 是 移 間 之 憲 不 之 E 者 使 犬 以 陳 何 毒 臣 知 復 風 何 馬 憲 皆 T 能 時? 沮 爲 削 略 事 之 得 緇 將 職 之 氣 ? 無 此 忠 方 奸 之 懲 事 不 懲艾, 辩 模 是 爲 卒 必 振 羹 地 啚 將 白 棱、全身保 故 計 於 吹 難 方 爲 有 來 之 陳 哉 天下者 虀 復 之 是 尺 巡 大 詞 售, 力 以 4 所 大 按 奸 奉公 者 以 貪 特 以 竊 噎 大 惟 仰 念 位 惡 暴 仰 上 臣 掩 以 廢 蹈 答 賴 朝 以 食 狸 肆 近 惟 爲 如

> 孝 不 私 劾 爲 造 己 辱 滔 不 利 虎 有 查 復 陳 風 行 手 各 及 天之 爲 不 害 狼 不弟之大 之 得 能 力 能 外 册 項 於 世 之 言 尾 安 罪 計 而 所 贓 贓 奉 聞 伏望 本 辭 分 也 私 職 私 知 字 撩 敢 望 , 也 農 從 者 重 之 者 虺 御 於 皇 不 杳 第 之戒 圃 蛇 公 誣 史 欺 也 上 照 致 敢 恨 提 之 之 篾 乞 各 **\$** 煩 則 志 間 頭 父 員 除 憲 敕 官 贓 瀆 苗 仍 兄 行 將 綱 開 而 犯 吏 天 竄 前 不 如 敕 陳 不 部 聽 報 是 如 摭 出出 來 乎 臣 都 能 遑 將 案 臣 陳 流 交 詠 果 轉 察 費 爲 德 代 卷 臣 能 惟 爲 法 院 呈 有 用 業 罷 簿 不 者 上 官 毫 都 另 將 餽 身 忠、 所 未 黜 籍 髮 選 察 昧 毁 臣 送 而 命 之 素 院 謄 不 其 譽 所 以 X 又

地方災異疏

六寸, 天 祥 乖 右 布 同 隨 象 嘉 本 亦亦 |參政 平 道 批 頭 靖 氣 欽 按三司 行 七 地 之 致 據 差 於本 産 下 鼻 年 崇 者 難 異 侯 府 鎮 下 牙 生 正 安 親 諶 位 守 掌 縣 月 氣 丛 額 縣 爲 月 下」,則各從 哉 中 福 覆 絶。 印 七箇 副 上 照 + 申 ? 建 勘 旬 等官 長 使 本 稱 七 ^ 建 御 赤赤 相 呈 祝 有 年 易》 日 寧 馬 同 到 鑾 元 署都 戌 身 寸, 居 復 監 等, 日 臣 其 日 П 無 時 民 有 太 漳 類 報 鼻 本 議 范 指 毛 看 生 鬼 監 前 州 也 下 乎 産 係 得 揮 六 物 趙 腹 既 來 天者 妻方氏, 和 地 之 愈 誠 有 恭 有 眼 物 異 事 方 氣 惟 臍 甘 該 并 異 親 侯 致 聖天 是 帶 徑 猪 臣 露 物 祥 汴 都 贵 之 會 長 身 於 几

異

將

不

日

而

自

1%矣。

德; 德 善 除 彰 蓋 陶 子 不 臣 臣 將 勵 畢至矣, 以 無 福 率 精 仰 備 等 間 是 建 啚 行 人 承 玩 憂 大 故 治 類 惓 大 惕 贵 勤 小官 漳 惓 小 而 之 但 而 州 鬼 啚 衙 咎。 將 甘 員 之 門 魅 洽 見 露 孝之隆 憯 祥 之, 諸 之 痛 變不 之 慆 所 休 福 加 祥 是 戾 之 修 以 而 伏 虚 故 常 蓋 物、 省 已 昭 望 生,各有攸當 建 將 而 哉? 陛 舉 口 皇 勉 寧之變所以 玩 下 冀 致 上 惕之弊 仁 世 之 日 將 品 孝 來 品 祥 親 而 之 % 莫 盛 甄

乞恩致仕以全病軀疏

臣年四十三歲,原籍江西吉安府永豐

0 底 處 參 本 此 康 後 熙 本 頁 補 錯 足 版, 今 據甲 庫 本 補 個 别 文字 漫

者 分 後 才 侵 受 臣 調 離 縣 \mathbb{H} 福 П 宦 弱 六 狼 心 不 度 矣 陵 興 乎 兹 以 年 其 如 舊 皆 ? 狽 IIII. 至 福 重 七 口 地 九 前 汪 患 由 漳 巡 於 建 任 年 大 虚 月 百 病 蓋 廷 痰 率 進 按 受 時 泉 素 IE 耗 咯 卿 書 自 執 火、 之責 士 多 月十 地 科 號 十 二 E 等 夜 血 事 驚 深 歷 嬰 方 場 炎 咯 至 年 \equiv 憂 之 悸 憂 任 病 七 也 期 鄉 血 漳 踰 Ŧi. 人 勤 日 所 调 怔 福 H 棄 迫 等 矣 不 雖 六 州 Ш 計 雖 共 忡 建 接 官 欽 證 事 舉 蹈 月 乃 以 見 況 管 道 遑 蒙 既 節 間 發 多 海 監 扶 平. 明 氣 以 監 寢 行 差 宣 而 由 生 病 知 不 血 生 盡 臣 臣 食 事 察 往 變 失 舊 書 壯 口 藥 能 素 也 埶 由 御 官 成 福 自 然 省 盛 視 吏 餌 臣 史。 瘇 延 弱 痢 建 分 試 之 1 邵 相 未 資 事 嵐 而 疾 菲 巡 事 場 人 百 E 人 嘗 禀 巡 舊 衝 繼 嘉 按 才 既 之 之 凡 冒 歷 告 游 廢 孱 靖 旬 病

欲 之 族 遇 欲 勞 進 建 事 夫 息 初 疾 欲 畢 得 ? 當 啚 具 奄 小 皆 援 鄉 調 前 於是 加 福 出 E 愈 報 使 聖 奄 政 例 疾 寧 黨 如 理 以 場 哉 於 具 **\$** 人 之 臣 須 復 等 百 伏 寢 咳 勉 藉 ? 奏, 涓 御 之 大 駑 求 嗽 作 計 枕 府 强 成 以 埃, 天, 役 者 蓋 之 天 鈍 發 州 調 然 爲 痼 事 文 静 熱 以 由 於 理 詎 榮 萬 疾 事 誤 勢 至 移 氣 0 逸 武 F 謂 物 蒙 肢 今 漸 不 今 廢 寵 九 舉 勞 器 寮 咸 + 若 拔 體 年 閣 暗 口 乃 月 踰 傷 覩 者 擢 復 羸 決 緩 亦 甘 以 病 涯 以 於 謂 月 馬品 痩 月 人 將 凡 就 謬 怏 勢 後 亦 嶺 初 鬼 馳 病 初 月 枯 置 有 手 T. H 稍 朝 不 海 神 源 口 餘 槁 復 清 終 危 足 覲 血 就 載 容 既 見 省 出 氣 難 班 麻 清 贵 即 忌 始 飲 假 考 彼 巡 痊 痺 凉 時 \equiv 孰 雖 其. 雖 於 食 手 察 時 口 汀 月 溘 初 情 宗 之 積 諸 氣 少 他 數 不 即 0

草 供 皆 皇 依 先 生 例 來 在 野 ? 前 菽 曲 養 犬 内 之間 水 成 光 馬 尚 臣 外 臣 年 尚 不 弘從欲之仁,優 大 啚 致 不 死 幾 遺 敢 結草 小 當 仕 填 1 陛 遽 與 口 臣 溝 旬 下 如 耕 有 於身後矣 籍 壑, 蒙 再 有 夫、 求 其 癯 造 准 古 醫 欲 身者,蓋 然 樵 之 奏, 臣 悉 致 子 桑 恩 之分 云云。 倘 仕 群 乞 歌 榆 得 及 臣 敕 縦 詠 有 之 世 之體 苟 養 不 該 孝 待 景 全軀 病 及 治 部 徒 也 近 等 隕 何 杳 以 命 項 化 首 伏 照 年 所 父 於 於 以 舊 以 惟 於 日:

懇乞天恩容令休致以全病軀疏

六 瘁 命 年 百 以 倍 來 九 臣 於 月 由 自 人 進 反 十 二 + 然於 庸 歷 劣 日 任 地 奉 福 恐 方 命 建 蹈 曾 差 道 覆 無 往 監 餗 秋 福 之 察 毫 建 之補 刑 御 巡 史, 憂 按 惶 徒 嘉 費 绺 受 靖

也 況 聖 + 外 發 假 事 不 以 辱 不 方 發 H 自 心 至 勝 熱者 之 得 待 近 幸 恩,已於三月 六 熱 增 力 人 鬼 E 之,正 歲 閩 己 今 感 日 奉 月 矣 馴 於 神 五. 精 終 月 者 顧 激 境 劇 明 攸 據 兀 成 乃 月 血 旨 益 難 辭 臣 觸 月 寢 惡 公 初 復 虚 痊 檢 臣 榮 蓋 盡 增 冒 差、 + 疾 慎 + 有 損 口 自 方 福 寵 況 内 忠 惶 瘴 七 重 考醫 H 此 分 承 今年 而 病 是臣 陞 孱 悚 嵐 補 守 日 臣 淺 非 甘 差 源 臣 過 授 然 令, 差 舊 薄 重 望 $\stackrel{\cdot}{=}$ 既 寂 藍 之時 至 皆 浙 生 臣 尪 吏 患 經 之 寞, 月 要 德 建 根 全 禄 洲 江 云 林 羸 痰 畫 遷, 以 之望 於 其 和 陽 咯 按 蟀 食 乃 火、 狂 功 熱 後 腹 成 等 縣 波 血 匪 無 不 於 臣 顯 名 功 報 咯 有 心 宜 府 聽 前 狀 已 恐 人 咳 進 齎 加 更, 臣 不 知 候 血 病 情 有 嗽 調 受 懸 幸 得 奏 以 取 府 交代 等 口 舉 首. 欽 乞 誤 有 之 厚 乎 咳 仍 理 免 必。 發 證 休 以 怠 大 必 會 爵 黑出 臣 地 嗽 ?

路 針 只... 雖 杳 萬 今 家 其 照 灸 死 物 延 猶 近 而 仰 體 在 訪 例 不 感 事 朝 貌 浙 遺 德 容 俯 廷 雖 江 臣 能 育 特 人 啣 常 休 實 使 九 環 Ш 神 致 所 牛 結 縣 氣 有 夫 Ľ 俾 草 醫 索 賴 之 得 官 當 然 毛 皆獲 楊 生 圕 伏 耳 還 榮 報 望 即 鄉 於 乞 皇 然 雖 見 土 來 敕 於 1 死 行 生 該 曲 臣 於 則 遍 之 道 耳 臣 部 成 身

病廢不能供職乞恩休致疏

Z

云

建 弱 復 尊 聖 顧 蒲 何 恩 以 所 臣 來,苦心 陞 柳之姿, 分 希 由 授 願 冀 進 今 以 哉 士 職 踰 極 望 ? 歷 涯 力 秋 任 特 臣 先 欲 雖 福 念 餐 零。 啚 建 虀 臣 駘 報 道 粉 少 下 蓋 稱 之 監 多 乘 自 莫 樂 察 疾 不 奉 報 病 御 謂 命 叨 史 微 此 洲 積 川 勞 按 外 成 近 未 福 更 之 尪

> 乞休。 間 忘 仕 位 生 九 而 報 所 旦 神 見 報答 未 本 有 江 聚 於 司之意,或 昏 舊 而 期 府 所 四 命 懦 盡 啚 臣 病 云云 欲 知 途 既 月 之年 得 升 病 手 舉 偃蹇, + 府 而 勢侵 斗 口 發 足 七 馮 情 敕 之 沾 者 皆 鳥 痿 咯 H 曾 情 悃 憫 陛 該 尋 默 痺 IП. 事 下 事 臣 再 未 部 ; 魚 委 例 大 之 過 查 倉 上 拜 氣 咳 激 難 病 惡未 照 皇 賜 寧 嗽 容 息 咸 再 俱 伏 乞 波 松 仍 也 若 奄 臣 任 未 休 彰 江 之命 以 布 於 休 望 鞭 蒙 未 猶 犬 府 發 Ш 致 皇 策 該 與 先 馬 知 熱 林 上 遂 可 部 死 啣 府 萬 111 矜 已 涓 爲 姑 即 查行 恩 爲 \mp 澤 具疏 埃 貧 留 不 煒 鄰 能 敢 之 再 之 備 精 而

乞恩致仕以全病軀疏

臣原籍吉安府永豐縣人,中正德十二

凡 之 冬之 不 於 不 按 前 波 休 福 拂 年 H 中 孿 謂 11 報 嘉 敢 府 序 進 江 疏 逐 亂 日 建 神 力 繫 靖 偷 間 舉 遷 稱 西 俱 知 地 士 蒙俞 病 形 之 今職 安 監 爲 府 臣 發 方, 九 稍 使 然 復 初 H 自 所 所 年 就 察 便道 允。 扶 客之往 除 簿 積 侵 勞 念公事 司 能 几 繼 清 御 病 直 而 書 勞 尋 寢 病 致 月 而 凉 史 還家 本 治 隸 能 之 服 格 病 復 責 根 者 到 年 事 松 棼 薄 來 臣 熱 將 承 臣 H 任 復咨 前 五. 至 享 江 絡 蜀山 於 戴 勢 畢 深 調 逋 舊 月 嘉 府 厚 嘉 星 繹 少 病 錢 慢, 蓋 補 患 行 得 私 靖 華 咯 戴 口 靖 不 轉 鬼 嘗 糧 蘇 都 報 情 痰 亭 八 血. 督 月 絶 七 劇 神 誓 之 臣 火、 州 察 年 可 縣 年 促 蒙 痰 害 之 浦 倉 無 蚤 竭 院 亦 申 兀 知 咯 火 赴 承 恩 盈 皇 復 積 駑 命 夜 嘗 月, 劄 縣 乏 舊 任 陞 具 IШ. ; 愛 駘 驅 就 付 网 獄 臣 授 本 病 洲 日 行 症 由 惜 道 承 申 不 人 用 又 秋 洲 乞 甚 症 按 多 寧 御

受不

韙

之謗

則

臣

之

罪

不

益

浮

矣

平

訴

不

於公程 將 來 ,撫按之責 戢 交作 失 後 源 至 曠之咎有 手 强 視 今 之 足 聽 年 酸 成 驕 愈書 = 横 痺 率 不 月 多 未 大 口 頭 以 閣 制 贖 目 乖 來 誤。 昏 生 常常 而 量 加 靈 度。 坐 臣 以 之 使 失今不 訪 怔 魚 撫 吏 醫 忡 一 肉 按 求 驚 當 之 無 去, 藥 怖 奸 道 所 陰 則 告 弊 半 志

前

時

化 蘇 以 如 即 圖 未 難 重 之 年 敕 先 聞 潾 守 治 ; 重 外 間 任 令, 理 選 也 氣 昔 未 無 故 知 賢 息 人 之以 當 口 事 府 謂 臣 掣 能 奄 自 遽 況 竊 奄 肘 内 精 權 俾 蘇 望 念 鍾 無 力、 之 得 1 州 怨議 蘇 虞 攻 況 以 邢 始 素 州 如 心 安 病 宥 有 紛 則 之 洪 其 廢 者 天 顧 聞 紛 内 武 疾 位 下 薄 而 今 望 者 不 任 首 劣 而 政 IE 外 而 見 之, 爲 郡 如 行 頹 統 口 不 悔 衆 臣 其 俗 也 見 而 以 吝 宣德、成 者 所 志 敝 陛 善 從 又 之 推 之 獎之 猶 後 使 下 事 服 後 欲 之

外 信 情 堂 死 擬 萬 其 府 與 而 所 充 外官 同 禽 未嘗 以 何 事 位 仰 年 一者哉 獸 知 未 尚 以 釁 造 俱 承 楊言、 草 致 强 畢 愛 承 積 文册 八旬 陛 木 仕 人 餘 世 流 禍 任 下 各 以 事 宣 京 藁 蓆 生 隨 呈 通 況臣 獲 例 不 化 陛 而 臣 判 終 日 請 容 其 能 下 而 李 不 以 今 之 撫 所 朝 仰 以 淛 臣 敢 多 年 按 於 \equiv 賜 乞敕 孝 稱 休致 以 病 兀 史 Ш 委 聖 世 褫 治 身 + 7 别 0 澤 向 天子 該 天 委 於 使犬 有 之間 摸 府 除 未 部 下 道 臣 Ŧi. 官 經 有 慎 查 張 路 古 曲 馬 員 手 照 子 臣 重 鵬 則 者 無 餘 成 沂 父 倉 之 翰 會 足 不 生 日 凡 臣 母 意 庫 日 查 百 遺 惜 在 盤 印 未 得 准 以 於 本

懇 乞 天 恩 容 [令休 致 以 全 病 軀 疏

即

H

離

待

罪

云

云

臣 原 籍 江 西 吉 安 府 永 豊人, 由

進

1:

歷

誤。 秋 書 允。 者 之 安 几 暈 病 多 於 凡 顧 内 任 劇 了, 是 毫 夜 H 病 世 有 願 羝 己 今 痰 手 前 之郡 裨 疾, 瞻 呻 偶 臣 臣 火、 血 羊 職 經 贵 足 而 病 益 己 吟 近 得 氣 觸 几 蒲 臣 依 人 \exists 酸 咯 於 生 接 臣 危 藩 疏 爲 念 柳 徒 挾 加 情 無 痺 血 靈 之勢, 家 前 以 疾 乞休 之資 陛 委 臣 以 4 所 之 等 病 書 月 神 下 多 長 即 得 去 症 勢 無 内 見。 思 未 片 注 病 臣 雖 死 内 \exists 進 專 侵 俱 不 恍 具 之故 意 竊 善 虀 開 無 哉 退 志 秋 尋 不 時 本 惚 生 臣 以 念 粉 幾, 臣 ? 維 情 先 蒙 舉 差 得 養 自 聖 其 13: 零, 臣 辭 艱 發 所 至 臣 之所 此 作 鳴 事 身 於 切 念 尊 乞 今兩 禀 司 積 倉 者 物 以 本 加 而 蘇 恓 府 榮 休 氣 查 勞 覩 皇 年 以 答 皆 狐 使 惶 事 以 州 足 素 覆 内 天 臣 14 未 頭 就 今天 死 俱 欲 不 浮 傷 弱 施 月 蒙 H 首 地 果 天 能 多 枯 表 年 行 腫 覆 有 F É 初 俞 昏 舊 見 丘 之 廢 少 槁

微 萬 煩 馬 念 載 之 之 志 瀆 一、乞敕 期 恩 得 而 不 保 乞休 内 謂 亦 殘 顧 臣 病 該 之疏 生 切 勢 所 部 以 肝 甘 查 終 至 情 膈 心 撿 於 情 事 之憂 焉 前 事 再 H 者 後 肆 外此 見 則 情 0 贵 徬 生 疏 伏 臣 當 徨 死 望 之 復 容 骨 皇上 所 F. 以 臣 肉 報 以 家 之 休 憫 負 不 事 報 致 臣 資辛 犬 爲

乞恩休致疏

當

啚

啣

結

矣

云

云

年 浙 烙 道 年 華 監 亭 馬 進 几 江 月 寧 兀 察 知 士 臣 波 到 御 縣 江 遇 府 六年 史。 西 任 例 知 嘉 吉 放 府 + Ŧi. 靖 安 巡 口 年,奉 年 府 几 按 尋 依 九 年 永 調 福 親 9 豐 月 蘇 建 命 遇 + 縣 + 地 州 差 例 \equiv 府 方 Ŧī. 往 行 日 知 年 應 中 取 府 不 天 選 IF. 除 年 臣 等 幸 德 補 授 臣 府 以 陞 首 + 福 父 授 九 隸 印 建

> 之報 俾 復 或 年。 謂 志 有 足 日 扶 疾 + 忽 Ļ 病 一乞敕 臣 責 恩 贖 犬 病 \equiv 不 有 前 故 痰 痰 八,臣 母 以 馬 就 且 年 病 火 可 即 逆 下速官 子 後 況 劬 道 臣 H + 得 虚 所 雖 浮 得 臣 效 勞 爲 加 臣 月 損 槁 而 口 是將 父 腫 遂 幼 而 歷 或 以 之 初 滅 欺 撿 不幸 謗 痊 其 試 子 蓋 稱 本 尪 當 症 Ŧi. 臣 焉 以 死 口 尤 前 年 任 先 顧 卧 H 者 之後 永 無 憂 生 官 不 愆 正 今 使 聞 後 呻 爲 晑 也 相 復 期 廢 平 陳 月 以 吟 喪 於來 奔 臣 0 依 然 再 以 多 ·, 足 徒以 例 乞之疏 伏 走 母 之 於 再 見 來 守 當 素 病 生 此 + 望 願 念 天 爲 不 制 憂苦 起 荷 世 近 年 所 則 臣 皇 性 履 臣 别 容令休 三云云 衰 復 鍾 存 自 1 已嘗 之 13: 地 犬馬 之年 知 聽 視 情 憫 傷 縱 馴 今 亦 之 選 息 臣 1 年 啣 亦 使 即 復 致 臣 致 愚 結 微 負 無 他 若 \equiv 痼 不 素 奄 口

衰病不能供職乞恩休致疏

服 昏 盡 今 南 師 是 事 Ŧī. 接 州 縣 體 寒 出出 旅 年 具 月 眩 I 府 中 臣 凉 異 勢勢 九 題 内 13: 臣 貌 知 怔 正 是 宜 蒙蒙 年 月 憂 雖 府 節 變 時 忡 德 年 Ŧi. 接 人 爲 恩 水 叢 該 驚 病 \equiv 元 + 嘉 憑 脾 脞 起 1 吏 悸 廢 月 靖 七 泄 不 禦 用 + 草 年 氣 兵二 例 歲 達 + 習 \equiv 野 進 H 補 當 昧 虜 年 日 月 原 耗 凡 士 舊 部 給 賑 授 爽 + 不 籍 + + 荒 平 爲 前 病 由 民 寐 月 由 江 有 後 痰 公 Ŧī. 陽 事 初 竊 心 知 西 幾 勞 火 舉 H 府 縣 意 力 吉 公 舉 成 到 作 薦 年 知 H 此 疲 程 發 御 安 焦 任 以 不 府 憊 罪 時 府 備 中 廢 渴 止 不 父 陳 閣 + 兼 饑 臣 任 陞 永 0 乞 殆 只 誤 時 饉 使 年 蘇 曹 以 以

備 吏 者 蓋 況 用 事 几 嘉 病 土 几 命 副 事 許 部 止 月 靖 月 臣 之 驚 臣 節 使 相 口 謬 勉 撿 福 内 + 内 病 恩 制 惶 駐 還 宜 充 臣 亦 薄 體 劄 年 之 承 重 不 於 任 又 下 災 臣 潼 事 前 差 Ŧi. 情 權 人 福 勝 於 使 負 生 歸 例 後 萬 陳 月 事 任 建 感 臣 即 廷 衰 情 不 將 陣 之, 地 激 推 容 原 又 以 人 紳 得 節 來 齎 臣 病 方 臣 籍 於 所 年 舉 猶 已 4 通 伏 侵 承 具 休 查 共 力 之情 蘇 嘗 薦 恐 誤 報 乏 尋 惟 精 照 奏 致 知 州 以 之 未 地 潼 近 壯 府 前 易 公, 凡 方 本 誤 陳 弱 臣 臣 H 伏 具 病 仰 今 才 蒙 力 阳 自 罪 乞 於 上 内 Ш 奏 具. 四 稱 猷 就 喉 簡 將 今 皇 嘉 負 開 西 奏 次 懋 列 重 用 十· 三 未 靖 皇 如 陝 兵 乞 何 1 著 不 陳 地 死 備 敕 1 臣 休 贖 八 西 年 之 能 年 起 衰 水 兵 奉 愈 F 缺

庶

於

事

體

爲

便

乃

於

本

月

初

日

據

Ш

西

奏

⁰ 底 本 此 後 頁 板 裂、 漫 港現 兔嚴嚴 重,今 據 甲 庫 本 録

年 皇 Ŀ 曲 成之賜 矣云云

乞 恩 辭 免 重 任疏

墨,擢 限,未 自 度 惟 感 感激 重 日 司 菲 可可 也 月 度 皇上英 馬 切 才 九非 之官 聖 亦 心 臣 以當 臣 效涓埃。 荷 量 雖當竭 恩 既 腑 聞 蒙 正 能 謀 命 ? 審 臣下 責任 莫 此 卿 皇 宸斷 而 自 矣, 伏 罄 上 慮畢 受官 兹又 天 自 所能 乞聖 贵 至 名 拔 夫 來 迅 言 重, 敢 措 置 愚 者 與 若 人 仰 仰 冒 躬 慈 卿 人不 ,人臣之 本 風 臣 費 荷 期 但今兵部 昧 貢 無 收 遭 非 於萬 霆,聖見 特 展 受 地。 П 求備者 逢 臣 達 恩 尺 命 成 器 未 寸 一者。 之 踰 致 義 竊 命 量 有 分涯 知 也 神 尚 念 改 而 誤 斯 親 所 聖 顧 謨 書 臣 材 勝 任 比 授 主 臣 光 即 臣 御 識 H 謬 使, 之 時 之 何 於 仰 古 臣 翰 有 夜 以

辭 免恩命 疏

之憂。 伏 臣。 昊穹 本兵 報 延 奉 以 虀 寓,猶爲有名 望 天 揚 凡 骸 世之賞 之任 莫非 邊 默 恩 皇 庸 天 切 於 臣 仰 惟 佑 特 威 上 以以 萬 收 效 所 吅 臣 荷 分 恩 自 致,而 П 力 重 子之義 皇上 所當盡 更 致紫荆 顧 寵 以 顧 玄,今兹克 成 才綿 優 命 臣 衛 無 我 拔之於衆人之中,授之以 異 何 封 任 皇上 庶 告急,乃 前 凡職 識 功 疆 實 感 臣 薄,不能先事爲 未 激 非 得 恩 遜 捷 所 可 當 臣 霈 實 安 過 不 云 仰 以功言 云 蒙 愚之 分 所 自 由 爲 厪 及 效 宫 居 者 天鑒聖誠 君父宵旰 保 激 所 職 覃 即 也 之加 敢 以 勸 恩 隕 戒 圖 攸 邊 臣

賢, E. 容 答乾坤 臣 勉 修 之造,臣 舊 職 啚 不 報 勝感激 將 來 庶 Z 云 竭 犬 馬

之

誠

辭免恩命疏

容 臣 天 能 猥 舒 於 元 庸 渥 顧 化 中 臣 以 東 、謨謀 澤, 得以安分陳力,仰答恩造 薄 迂謬之才,冒兹本兵之寄,念指 華 寒 臣 寵 之所不敢當 撻 聞 榮 鱽 武 命 品品 而 天啓、機運神 虜 之氣 自 崇 思 騎 天 階 懼 於 皆我 措 者。 非 西 詎 惟 陲 躬 荷 皇上道契重 伏乞聖慈 臣 成 無 授之所致 綸 初 地 音, 近 望 ,臣無任 歲 洊 所 切 未 加 收 不 惟 也 玄、功 有 宮 口 敢 摧 示之 感戴 之功 及,亦 成 秩, 賊 而 命 參 九 無 鋒 臣

衰病不職懇乞天恩俯賜罷黜疏

之恩,起臣於草野之中 臣 於 嘉 靖 <u>二</u> 十 九 年 握 伏 蒙 臣 皇 今 職 E 天 高 臣 感 地 激 厚

> 使,臣 要行 云云。 愚 是 言 復隱 曾 勞 無 窒 臣 隆 血 赦 塞,雖 以 將 輒 病 氣 經 才 遇 仰 之人 不 默 自 几 發 本 衰 愚 來 臣 避斧鉞 0 昏 疏 陳 弱 庸 欲 天誓 不 之罪 曠 猶懼 乞休 今再三 劣, 勝幸 緣邊 勉 迷 廢 前 强 僵 日 疾 加 心 瀝 蒙 不 俯 甚 圖 甚 方 復 11 以 思 稱 本 賜 恩 悃 報 多 作 少 臣 臣 惟 期 罷 臣 力 良 臣 衰 俞 事 患 益 本 黜 久 修 雖 干 鳴 允。 既 頻 痰 不 恐蹈 乃 職 萬 冒 伏 庸 兵 别 火、 副 形 務 天威 死 甦 劣 重 今 選 乞 心。 避 神 年 咯 小 任 衰 賢 聖 豊 無 即 難 昔 效 枯 頹 六 Ш. 能 慈 能 屢 之罪 + 等 報 槁 在 常常 任 矜 以 以 自 如 答 九 壯 證 具 戰 充 臣 贖 若 有 思 歲 年 慄 之 疏 任 才 慮 每 旧 輒

雙江聶先生文集卷之二終

雙江聶先生文集卷之三

序

重刻傳習録序

者,其 求仁 弗 者 知 匪 日 傳 爲 師 而 也。 弗 心 習之,蓋 也 傳習 於孔 , 傳, 然心 物 人心也。」孟 孔 録》者 門 匪 外 門 何 傳 取 無 無 之傳,求仁 以 弗 孔 知 形 門人録 覺。 異 門 而 何 哉 有 子之求 傳 知 先 知 不習 非 生之所 陽 也,知 夫傳 而 物 明 心,即孔門 ? 已矣。 乎」之義 先生之所 不師 外 子嘗聞 以覺天 無 孔, 心,惟 孟 也。 之 子 猶 下 傳

> 學孔子者,其 周、程,先生之所得 保四海」,「 之,廣矣大矣,故 致 生之教矣: Z ,其殆於仁心知 知之功也。 無他,達 學 在 本 學 兹 日 致 良 物 「知皆 乎? 亦深 之天 良 知 之義 知 致 矣,而 下 祖 有 擴 萬 知 未達飲 也。 物 爲 述孔、孟 而 學。 皆 充之」,「 或 備 者猶 孟子之善 格 神 物 足 憲 異 而 之 以 明

傳 也。 矣, 下, 濫 外心以求仁 物 殆 以 滅 毒滋甚焉。 如 忍其 有不容已焉者耳 裂,此二氏、五 求 蓋 以 知者爲 文辭 毒 即 一者爲 而 心 弗之覺,猶弗 而 虚 也 良知者,通 旦 小心 襲 寂 者。 外外 伯、 取 即 ,外仁以求學者爲泛 知 知 百家之學所 今 以 也 天 之陋 知 求 地 知 也 心者爲枯 萬 即 也 此此 物 物 以 先生之 去 爲 也。 益 毒 槁 體 遠 天 外

亦 有 是 録 屢 見 也 答 而 複 述異時 出 者。 間 雜 嘗 記 與 於 陳 門 友惟濬重 人之手,

故

廣先生之覺焉。 加校正, 删複纂要, 總爲六卷, 刻之八閩, 以

重刻二業合一論序

業,其 塗,所 業 徵 以 聖 下 作 德也 之者,僞也。 諸 傷 考 朝 置 ,合内外之道也, 其 於 行 科 天下 發者 剽 諸 修 僞 實 制 而 竊 修 解 之 不 也 而 無二業也,藴之爲德行 不必其 於 辭 不謂 顧,伎倆 本 莫之悟 V. 大《易》有言 П 之 意哉 其 耳 類 誠 其 所 之木 乎 ? 者 所 也, 而 日精 藴。 流 ? 制 其 而 • 以 然古 僞 其言仁義 以 惟 ,本實日 居業也。」今之 疾 : 也 舉 舉 奚以二哉? 「忠信,所以 其 以 業 業 驅 V. 試 乎 ,措之爲 喪。 於利 誠, ? 道 士: 者,正 德 是 率天 今 禄 也 進 贵 之 以 舉 事

甘泉先生以古學號于天下者數十年,

爲文、 弊,誘 者, 爲 王 即 也。」 志 是 棄之而 比 日 之業者存乎 一,僞則二。 隨 是學,蓋已先發 「不患 道以之不拂乎天下之所趨,而古人之學 故 止 守國子,乃 也,是之謂幾微 處 造次 夫既 不 於 而 體認天理者,誠之功 人之學之幾微 易 是 後 妨 畜 於 無終 其 而 可 功 德 是, 顛 幾,一天下之志者存乎 二業合一者,不易其業 業 以 可 復 居業 惟 食之間 而 爲學,昧 著爲 他 患 易 合一之旨 沛 日 也。 無 奪 其 矣。 此論,其亦 於是, 於是 所 志,而 違 志 嘗聞 事 於勢者 者 夫謂業舉子者,必 乎. 則 事 也。」隨 也 無 幾 駸 雖 先 者 作 終 生之 不得 駸 有 也 也; 字 好貨 食 矣。 事 處 甚 於道 誠 之 謂 於 體 類 已救 教 而 好色, 誠 敬 間 程 讀 認 天 也 學 其 子 書 違 則 下 時 云

^{●「}木」,康熙本作「末」,宜從。

刻之,以詔閩之業舉子者。 以復。甚矣,先生之善於誘人也! 予故重

重刻道一編序

害道 者 尊 莫 豪 尊 陸 類 朱、陸之 堯、舜、禹 子 子 不 傑之才,自 是 德性 之所 而 究心 之學, 信之, 也 害 學 是是 也 而 共 道 所 一,而 者,堯、 道 、湯、文、武、周 若 焉 故 則 能 非 一、佛 問 者 蓍 惓 弱 非 别 異 惟 學 朱、陸 龜 惓 冠 也, 爲 哉? 也。 老 不 舜、禹、 著 神 以 然 知 非 繼 述六經,下及子史百 明 端 之所 學以 信 異 往 朱、陸之所 夫學求 其 湯、 之也 之 公、孔子 開 如 能異 尊 相 則 楊 來爲己任 德 緣 離 群 墨、 放 性 武、 也 也 性 何學也 起 11 久 ,至矣,豈 能 佛、 周 朱子 以 而 矣 離 一、後 公、孔 異 7 攻 老 性 也 之 惟 其 世 家 以 之 則

與

哉

?

之所 大,居 意 蓋 曾 異 觀 其 也 何 於 E 有 小 未 ,挾勝崇私 火 所 尊 考諸 之, 以 深 信 哉 而 以 處 而 契陸 老 ? 爲 也 孔 執 則 求 師、宿 己乎? 大 孟 而 事 已負 諸 二家早年之見 氏 也) 豈非 後世攻之,久 則 忠 0 是 而 儒 有 信 非 文公多矣, 後 往 不復向 文公晚年 之矣, 世 狃 之本 恭 往自 不 於故習 敬 測 心, 其 以 來 附 其大 而 於 求 支離 反身求約之學 其 於文公, 五. 異 而 益 楊 乎 尺 於 口 於二家之言 而 仁,謂 堅,殆 之歎,文公 陸 童 墨 出 顧 子 黨 子 欲 明若 何 不 以 百 可 其 己 老 所 伐 辩 知 调

閩 能 也 有 功 參考二 暇 寂 於 篁墩先生 焉 用 象 校 弗 家之學 山 IE 傳 刻 重刻之,俟 其 當 有 曲 板 天 功 下群 亦 爲 於 折 不 考 君 衷,著 知 咻 子 亭 其 聚訟 不 考 何 有 焉 淺 在 之時 此 矣。 編 前 子 節 巡 是 乃 非 編 獨 惟

催うと、重かたことを

於尊德性之學亦不甚切云。無極七書者,蓋以皆二公早年氣盛之語,其

重刻大學古本序

也。 予始 舍是 精 理 復 合 至善」云:「 存 致 人欲之私 君 之訓 無 執中 亡之幾決矣。」是數言者,真 已而 疑 蓋大學之道 受 大學》古本之傳 學 以 於 子 之旨,而 , 涣然若 反求 用 于 格 有大道 其 蓋 陽 物 諸 釋「忠信」云: 力 有 明 之 必少 惟 也。 身心日 古之欲 以 有所覺 先 説 盡 辩 生 在 忠信 久 是 夫 於 矣, 故 用 駭 焉 田 天 而 止 以 之間 而 而 知 紛紛之疑亡矣。 理 明 而 得 至 疑 不 之極 止 德於天下者, 蓋 世之 善 之。」朱 多諸 之, 之功,誠 有 至 也。 以 此 而 猶 何 學 曾子 夫 契 而 子 程 士 無 彻 意 夫 釋 朱 乃 天 人

> 長、 畏敬 恐懼 我 也。」 也; 情 幼 必 類 也 也 也 人 而 也。 自 欲 古 ,孝、弟、慈之成教 ,是皆所謂 己 推 卹 親愛、賤惡、 又曰: 矣。 有 物 慊 、好樂憂懼 格之。」何 知之所 孤 哀 而至 之也 也, 夫是之謂 · 日 事 矜、傲惰,日 知 於理 忿懥、恐 也。 理 發莫 者 致 物 其 大 財、用人、絜矩 好好 畏 也 知 財 事 意 格物 物 非 明 敬、 皆 在 惺、好 物 之 有 白 用 於 聖人不 樂憂 格 孝、弟、慈, 曰 有 遷 體 也。 也 易 人、 哀 國 物 理 ; 矜、 簡 樂、憂患之 則 也、老老、長長、 患 如 絜 至 程子 意 非 過 天 日 傲 以 矩 與不能絜矩 日 於物 理 有 好 其 以 惰 Ħ 親 外 滅 惡 貫 理 知 之 通 愛、 好惡. 老老、長 矣,故 鑠 之而 乃 天下 之 協 得 「格,至 我 賤 格 於 所 其 忿 悪、 也, 之 物 之 幼 之 無 聖 憶 則 IE. 發

^{■「}好樂憂懼」,康熙本無此四字,可從。

其於天 乃 義 物 遺 《大學》於 厭聖 之理 也 中庸 哉 學之 理 存 》之慎 信 人門之初 而 明 亡之幾,疑 如 世 是 白 之論 獨 簡 則 乃 易而欲率之以煩苦者之 顧 格 孔 皆 若無 先驅. 門 物者,必 不及乎格 之求 所與 人外 謂 焉 性以 物 孟 博 者 矣。 子之 極 也 求 乎. 知 無 而 集 事

羊 本 之復 嗚 其 呼 1 也 陽 子子 明 故 逝 重 矣, 刻 其 於閩 有 以以 功 於聖學 存告朔之

所

爲

乎.

?

重刻一峰先生文集序

也 則 文 鼻祖 有 文 子 養吾浩 嘗稽吾 毅 如 羅 文 峰 忠歐 然之氣 邑文 先 陽 獻 生 公,尚 文章、道 富 焉 貴 矣。 不 先 能 生學 德 淫 爲 歐 孟 貧 江 而 賤 子 右 作 者 不 斯

> 若 人 能 決 心 移 威 江 、明先聖之道 河 武 不 不 知 能 秦 屈 以 漢 故 翼 以 發 世 來 教 而 作 則 爲 者 詩 何 所 若 如 拳 文, 要 以 沛 然 正

然,至 授 對 文 開 爲 者 修 泉 奪 而 起 之行,周之不受,招之不 河 徒、 也 科 哉 州 大 益 撰 氣 復 光, 然 來、狀 廷 ? 元 市 先生少貧賤,未 凍 尋 夫 繼 臣 時 舶 片紙 不一 蓋 餒 賜進士第 廉 往 以 之非 以 青 其 元 儒 淹 病 開 此 再世 妻子 及第凡五 天 流 請 卹 來 築之,而 夫有 白 侃 落 再 歸 爲 , 晏 一,與 日 侃 期 業。 潛 遞 立 0 嘗 ,其心足 萬 人俱 如 志, 十餘 相 金 亦 釋褐三月, 有 餘 用 也 緼 傳 4 來。 以 言,讀之令人 舉 是 陳 袍 誦 人, Ш 此忌之, 日 者 미 稱 故 疏 中 比 温 復 然 惟 其 以 聞 日 日 云 食 舉 飽 聲 南 後 先 所 先 輒 於鄉 砥 環 知 生 傳 音 生 以 京 遂 抗 或 之 堵 科 則 非 笑 著 翰 落 凛 獨 朝 疏 第 久 貌 風 無 自 蕭 書 林 職 論 V. 然

者 不 足以 人 也 榮 人, 科 第 以 人 榮 也; 文不 足 傳 傳

俗 毅 車 陰 刻 永 云 臨 前 然欲 豐 之,燬 吏 未 集 桂 教 第 復 所 幾 \pm 所 張 先 能 生 循 侯 遺 進 於火。 刻 首 文 0 詩 辩 名 復 士 於江 新 哉 集, 揭 張 昂 文得若干首 來 先生之祠 字 陽 令予 侯 陰,至 IE. 弘 之 名言, 德 抑 治 政 邑 丙 之, 是則 初 以子 督 字思 子 屬 年 東 捐 教 邑 先 江 惠 諸 廣 俸 默 諭 \$ 陰 生 斯 生 潮 重 林 揭 仲 板 民 日 號 人, 梓 君 陽 訛 子 者 相 龍 循 稱 應 矣。 榦 王 1,是贵 講 H 芳 署 良 全 公 授 下 爲 嘗 集 蒐 乃 江

永 新 鄉 約 序

鄉 之 永 約 新 以 鄉 約 約 者 夫一邑之民也。 陸 子 令永 新 政 政 成 成 又 推 何 廣

忘 鄉 其 之道 孰 道 行 不 也 而 陸 行 民 事 也 鴻 勢, 亦 情 大 與 恕 子 者 四 順 於 考之以 飛冥 而 思 馬」,予 或戾 不 夫 其 以 於去焉者 約 敬 也 瀆 卒 非 或 有 忍 久 維 也 士 冥, ; 則 乃 不 也 以 有 而 夫 ? 平. 夫 於 崇 禮 令 民 上 可 時 爲 不 謂 ? 智 民。 其 民之治 禮 咈 不 慨 而 以 之 而 也 變 且 陸 也 鄉 以 經 乎 弗 此 德 矯 所 沮 哉 日 子 之俗 思 强 經民 聖 諧 禮之 目 令之所 也 暮 昔子 於 爲 亂 沮 前 諭 往 是 則 是 仁 長 無 蓋 則 之治 教 彼 是 矣 是 舉 行 謂 謂 治之道 常 民 典 漸 恃 徒 之 謂 也; 謂 不 也 子 也 散 則 然 刑 微 以 事 之 之倍 和 瀆 産「有 亦 鄉 而 具 尊 長 强 乃 夫 法 0 法 ; 然。 以 在 約 亂 治 參之 思 聖 令之 仍 法 以 維夫民 復 不 君 仍 而 諭 爲 **\$** 俗 倍 我 或 作 子之 其 長 不 有 以 則 以 持 以 以 在 日 矣 能 治 諸 利 禮 俗 持 亦 和 勢 難 : 而

狂 登 子 引 言 成 嘉 諱 其 後之 端 忤 靖 也 粲 而 約 主 去 法 丙 論 戌 比 既 子 世 竄 浚 世者 及三 進 定 有 於 南 明 士: 遺 陸 梓 徼 執 年 愛 子 别 行 傳 由 焉 是 有 以 翰 號 以 臣 道 亦 傳 1: 林 貞 大 義 可 老 己 庶 Ш 不 乃 之 以 吉 懇 乃 辭 介 蘇 交, 觀 乞 量 士 而 書 之 矣 歸 移 給 序 且 徵 長 養 永 事 之。 喜 子 黄 洲 新 詔 其 言 遷 陸 政 爲

永 鄉 約 後

季 叟 民 洲 奉 扶 彭 守 要 子 公 杖 嘉 欲 竹 吾 裹 輯 靖 誘 糧 民 民 墟 丙 而 屠 申 日 納 於 易 先 秋 參 諸 鄉 於 生 七 庭 於 約 之意 月 化 而 善 者 望 也 觀 焉 按 日 酌 化 乃 耳 吾 者 古 設 郡 豐, 式 無 於 酒 倅 今, 慮 是 禮 督 彭 數 進 出出 縣 Ш 通 Ŧ. 變 **\$** 季 而 享 耄 宜 鰲 子

堂,五 代 德 得 是 涖 之 H 坐 隆 盟 也 王者之化, 列 + 授 子 於 以 穆 作 約 於是 序 1 穆 樂 之東 者 編 於 崇 而 坐 莫 於 0 禮 於 乃 西、環觀 備 簡 老 勞 知 堂 年 於 安 王 之下 來 德 井 少 化 有 七 於 田 之有 懷 加 + 門 不 不 以 之 及 蓋 教 所 謂 上 内 Ŧi. 嘗 基 思 者 復 + 讀 忧 無 者 見 坐 ^ 窮 \equiv

昭

於

不

之 睦 乎 於 寢 夫 子 日 百 出 ? 君 崇而 百 籠 女好 Ŧ 不 姓 鄉 姓 不 者 觀 親 洪 驅 出 納 得 之 爲 知 於 睦 惟 民 井 獸 出 迹 務 其 我 於 相 田 於 此 熄 百 鄉 之 善 友 太 檻 今 姓 守守 祖 所始 徒 而 1 9 無 觀 親 而 前 欲 高 鄉 以 禮 望 睦 祇 求 井 以 也。 知 制 相 以 其 帝 法 之 而 王 諸 亂之矣。 助 把持 咸 教 平. 後 鄉 化 書 若 定 可 疾 H 之易 遂 > 淵 教 以 病 口 謂 生 民 初 井 語 相 譬 後 易 足 扶 王 首 有 之 死徙 以 世 世 化 持 禁 以 是 委 願 ·其 親 理 禽 暴 治 自 故 則 無 孟

未 其 誠 誓 間... 而 達 若 隨 之章 見 所 矣 化 其 有 載 知 意 非 里 亦 之 所 幾 甲 皆 所 先 如 之制 神 便 者 守 道 以 公今日之意者,蓋 設 和 然 爲 教 睦 享 治 之諭 者,又見 治 而 既 品 久, 社 品 厲 人人 美 刑 之文、 意 驅 有 殊 漸 法 之而 求 致 荒 宴

之德,以親吾之父兄, 鄉 德 遺 非 者 者 敕 是 勸 门, 心 在 人 以 其 聖 而 相 法 之心 親 意 所 訓 者 是 邑 世 也。 民 約 非 大 别 無 祖 也。 者 也 遺 夫 以 書 駕 明 述 主 焉 也。 鄉 善 恢 吾 季 成 心者; 一之者: 大夫 過 子 夫 是 是 周 然皆 以示勸懲者,意也 之遺 也 之 非 公也 神 士: 鄉 之本 ; 謂 非 明 之責 幾 宣 是 意 明 有 吾 上 非 而 心, 已耳 德 所 之同 睦 誠 意 督 也。 以 以 作 姻 應,明吾孝友 以 而 0 親 是 大夫士 任卹之德 情 也 翼 成 是故 民 其 之, 夫 使 也 所 下 是 賞 以 以 法 是、 者 明 有 非 罰 身 申

> 賞, 黨宗 非 以 日 之言 親 鄉大夫士 使書示之言有 族 吾 無 之 謂 鄉 一所能 非 而 黨 井 宗 不 責 田 在 族。 所 也 之 吾 賴 意 親 使 以 乎 人之父兄、 睦 行 ? 之 之無斁者 中 若 夫 削 明 人 鄉 罰 約 之 則 鄉 有 昭 今

大學 古本 臆 説 序

;

之釋 焉。 之本 致,意誠 拆 戴 意 111 之,其 程子 而 著爲定 聖人之意亡, 也 以 謂有脱誤 大學》, 始 引 來 而 格 其 也 有 遠 本 (義。 物 矣。 以詔 載 以復其 次次 者 至考亭朱子,又 漢 其序 於是 其 致 乃 後 儒 簡 知 世。 先 本體,是之謂 註 略 分 篇 之實 師 云: 疏 章 而 陽 世 中 而 補 也。 顧 明 致 復 輯 + 子 推 以 知 舊 物 芒 本 則 1 者 本 格 謂 極 程 經 則 至 則 誠 傍 之 子 自 其 舊 知 意 爲 恩 伊 本

庶幾復見聖人之心而求之者有要焉。」

有《大 三,而 宋之大 當 無 儒 殊 有《 信 知 子 哉 子 爲 之名 要 爲定 果 訓 ? 朱 耳 亦 以 管見》,後 求 目 各 子操戈, 而 夫 (與章 〉學測 效 異 彼 者 儒 諸 論 釋 因 信 而 忠 者猶 五. 之, 言 心 如 也, É 其 句 於考亭焉 外 經 而 明 以 賤 心 之説 涇 無 其 渠 以 + 此 實 道 求 其 几 野 身犯 之七。 慮 於 崔 如 各 其 有 心 書 吕 數 南 未 陽 明道 子 心 申 得 也 耳 + 之 子 協 軒 明 有《 不 其 耶 耶 要欲 有 家, 處 訓 韙 乃天 子 説 東 ? | 因 南 抑 甚 全文》, 何 而 然 萊 漢 多。 軒 共 亦 共 下 所 自 問 與 重天下之呶 儒 横 乾 亦 明聖學,豈 爲 後 後 好 》,
相 考亭 姑 是數子 不之信,不 没 渠 雖 此 世 甘 而 於文 未 學 率以 泉 合者 RIL 齋 Ŧi. 論 求 之? 人人 湛 何 峰 義、 者 也 是 子 子 朱 諸 呶 + 樂

豹病廢山間,鑽研是書歷有歲時,而於

之隨 之至 乃若 苟 諸 將 寂 者 知 堯 而 告 也。 了, 止 舜 從 以 者 家之説 之,不 必謂 質 事 也。 善 相 至 諸 精 乎 傳 寂 竊 善 之 誠,言其 ? 四方之君子 格 以 以 求 察、子貢之多學 之妙 已贅乎? 中。 致 妙 孔 諸 致 爲 感,感 門 心 用 知 求 中者,心之本 之 有 順 0 者, 之於 學 未 ; 意 以 緣 止至善之全 於 格 ___ 得,雖父師 也 速 言 以 是 事]者,感: 此 而 化 著 物 貫之, 爲 識 其化 爲《 之 萬 受教之地 ·體,非《大學》 是 於 間 而 也 之言 臆 孔 物 功 致,言 説 之 夫 則曾子 而 者矣。 ***** 子 不 生 格 也 蓋 即 呼 其 於 物 敢

白沙先生緒言序

僭

妄之罪

, 夫復何辭

?

歌 詠 其 子 嘗 詩 與 以 士 自 友 娱 譚 學,言 歎 日 必 稱 此 白 唐 沙 程 先 之 生,并 墜 緒

耶 有 之差,居 昭 無 補 孤 政 究 空。』若 虚 其 也 事 之施 寂寂 之過 生 主 卑管晏,六 昭 於 裹 臣 寂 坐 於宋人之助長,急於逃禪而安於義襲, 應 萬 此 而 中 静 或 子 萬 老 滅 高 静 是 死 耶 ,要之不 虚 謂 然可 影 有 理 蒲 根 日 心 乎 敢 ? : 即 響 未 都 専 塵 而 : ? 忘君 見。 經仁 其 兮本 發 前 歸 總 謂 於 白 夫 鄙 可 陽 中 感 是 詩 陽 人 ? ! 又 沙 謂 今之學者,不訊 義 夷 以 明 枯 北 應 牛 虚 明 白 沛 倫 治 ,天之性 中 先 北 中 0 之 禪 : 而 沙 江 理, 天 有 日 迷 又 學 生之詩 學 静 之學 多 河 下 : 亦 日 又 爲 以 而 也 0 一関 病 或 何 : 又 日 後 禪 不 彻 此 爲 家 子 : 有 H 屑 亦 其 六 窮 ___ 生 禪 其 : 何 段 白 於 彼 虚 經 載 毫 可 無 長 端 者 慕 禮 禪 静 整 藉 沙 更 無 盡 之 也 傍 笑 曾 樂 之 終 不 氏 却 非 裹 而 千 在 虚 1: 有 者 功 刑 省 深 H 里 虚 無 夫 成 以 面 匪

> 性體以 之被 册 矜 持 謂 於念慮 誣 是 先 久矣,豈惟白 爲格致之實 立乎大者, 揣 摩 於 沙 率 學 事 之學爲然哉 前 譁 變, 然 凡 依 H 用 傍 之 道 心 爲 理 於 禪 一,倚 内 象 根 靠 究 Ш 書

釋者得有所考,而静虚之學不因噎而廢食也。予於是纂其緒言,僭爲之註,使後之辯儒

刻困辯録自序

所 然 嘗 時 所 經 後 得 此 事 歷 知 諸 事 子 地 學 被 而 管 有 惟 必 談 所 逮 窺 面 之了 資 驗 至 者 壁 焉 京 而 觀 每 1 師 後 否 皆 誦 心 有 世 又 味 ? 得 并 寤 明 所 考 語 故 H 如 及 下 平. 也 艱 凡 生 輒 詩 難 詔 所 險 録 書 獄 學, 阳 所 而 非 繹 載 於 日 舊 身 此 無

素 其 所得 夫 學 於 以 素 天 位 而 爲 習之於己者 得 也, 位 之 所 則 值 無 不 有 百 乎 或 而

之自 子 子 俟 混 以 子 所 遣 獨 輟 變。 授受之素,仲尼 何 而 如 哉? 之謂 不 他 性 以 得 怨尤 ; 淆 止 行 素定故 我 以 香 病 絶 日 於 願 是 淹 者求 老 之有 糧 取 是 健 廢 故 祖 也 也。」惟 卹 忘 林 耄 録 IE 者 之 縱 也。 歲 故不 於 1,發 也 藪凡二十年,未嘗 是 無 自 哉 厄 火、 時 棄 有 故 不 ? 獨 祖 《易》不云 雜 而 病 下 而 道 得 精 行 聊 引 求 述 非 爲素位 緣 其 且. 石 其 以 甚記 經 以 世 有 愠 之 執 是 紀 願 傳 教 在外 一之君 所 者 難 憂 篇 惟 中 以 萬 平 而 之訓 假 多 方 患 者本 不 ? 爲 世 子顧 堯、 以 章 取 矣, 解 自 願 受教之地 ,子思子 勝 離 領 舜 日 考 厥 無得 乎 素履 以老耄 而 折 略 之 而 日 之意 廢 外 0 弦 禹 而 床 其 書,徒 微 喪, 之往 歌 琴 語 大 述 相 强 則 以以 也。 棄 意 其 意 與 排 又 願 不 自

世,黄 云: 之憂者,仁之至 慕 之而爲人之心,故父母愛子之心,惟 有 子 慈 心 妣 「親仁」,何哉? 焉 少 母 《親仁遺慕》凡二卷,一 此 某 恬 體 老 玄機。 慕 多 生。 氏 澹 以 之 病 孺 虚 之 而集之以 而 習聞 慨 人,早寡居,託 無 而 弗 遺言 某子厥考 修 遺 其 也。 命 斯斯 之體 蓋 之在 藏 親之訓 釋 天 人 於家,志 仁 也。 某 迦 地 耳 子能 矣。 者, 以 以 黄 翁 日 也 軒 生物 之 拳 老 究 嚴 余 以 若 岐 不 而 以 軒 翁 嘗 父 將 以 志 拳 爲心, T 岐 秘 神 聞 母 之 奉 服 也 性 之 其 秘 之 恐 而 丹 以 膺 術 節 堯 活 心 其 題 終 經 以

身

保

某

厥

日

得

日

爲

疾

0 折 康熙 作 拆

耳 謬 清 故 舜、 V. 岐 不 Ė 也 人 浄 人 百 孔 極 能 而 而 修 孟 故 則 遣 實 真 命 以 日 堯 其 未 氣 之 則 毫 舜 欲 嘗 從 黄 而 釐 則 之, 孔 百 老, 心 之差, 孟 也 天 自 神 以 贊化、 化 浄 辩 T 所 辯 之 出 性 異 澄 之存 存 焉, 則 者 立 其 釋 乎 人 端 心 以 乎 迦 其 極 耳 則 活 ·, 而 人 焉 神 其 世 以 焉 自 人 未 參 千 則 清 耳 焉 里 贊 軒

以

而

彼 仁 之大, 也 之學 子 , 無 揭 卓 所 大 泛 事 孝 濫 於 終 白 旁 家 身 求 之慕 晚 也 有 9 余 所 在 故 歸 此 翼 而 而 > 知 不 以 吾 體 在 聖

下

心 經 綱 目 序

得 於經傳 心 經 切 緇 於 H 求心者,録之, 者 楚 望 戴 子 以 誦 經 習 爲 之 綱 餘 以 有

> 矣 傳 哉 爲 目 類 而 成 帙 以 便 觀 省 其 用 心 亦

> > 勤

之高 焉 之 盛 夫 焉 命 不 以 傳 미 傳 謂 考見 足 知 有 求 否 又 夫 聞 萬 以 爲 學 用 經 也? 心 見之博、 世之太 也、余於是益 於 之 輔 心 以 乎 世 註 世長 於 ? 求 學 者多矣,然於 内 也。 心 聖 平、 不 詞 民 以 賢 要 足 以 令之美、議 而 往 立 既 矣 以 經 聖 其 收 嘉 遠 窺 求 大,而 位 之 六 戴 道 心 其 經 育 絶 子 天 大, 之用 學 學 者 之效,秦漢 地 論 猶 徒 曾 之心、 不 之 恐 心 而 以 心 明 之 韙 徒 意 有 也 之, 註 節 沾 士 分 生 氣 脚 之 大 概 沾 況 M 民

與

卷 執 六 註 經 綴 中 而 之旨 分附 而 戴 作 子 下 者, 其 是 其 於 編 各條 自 説 惟 蓋 序 周 長 之 之下 有 程 求 意 感 主 其 頗 於 静 羽 無 詳 篁 翼 爲 持 墩 六 多 敬 蓋 先 經 説 求 生 而 以 語 心 不 心 亂 余 之道 畔 經 古 於 附

余 IE 焉 方 以 ,余故序 老 諄 爲 其 世 大意如 所 憤 嫉 此 , 云。 而 戴 子 若 將 於 余

直廬稿序

也 焉 廬 之 乃 作 先 直 再 生 得 廬 拜 集總若 若 稿 序 干 > 而 者, 卷, 干 歎 今元 卷 間 日 既 以 相 示 刻 介 豹 以 谿 傳 謹 先 受 生 兹 之 而 V 所 卒 集 業 直 著

裁 直 惟 宰 之猷 何 先 俄 臣 臣 也 而 頃 有 生 ? 人 先 於 獨 受 生 直 不 皇上 籌 苦之心, 每 上 弼 與 無 邊 協 知 亮 聞 逸 齋 帝 眷 聖天子今十有 者 殿 居 虜 心 最 贵 玄穆 之 蓋 顯 深 外 略 欲 被 兹 Ħ. 庭 爲 召 廣 集 久 躬 可 對, 獨 參 凡 所 勤 得 決、 詳 載 獨 萬 密 而 年 幾 承 便 勿 僅 自 盡 諭 之 奏 賜二 昔 概 知 其 問 謀 對 其 中 耶 經 也 = 興 取 即 ? 或

諸篇 器 之主 中 忠 洞 今 廷 武 我 東 得 從 車 狁 夷、兵勢之分合 (詩》 个, 先 勤 察 械,施之行 觀 諸 皇 西 人 中 内 馬 興 一,詩 制之。 是 敬 將 故 侵, 日 之 群 其 F. 小 戎 生占 也 赫 慎 兵、 校 也。 隱 制 醜 盛 書 淮 分 然震 之褒形 弄 文 詞 再 威 師 夷 所 紙 至其 道 内 今天 武 兵 衍 見 外 稱 陣 行 罰 肆 修 怒, 並 吉 「,與 潢 裕 若符契然。 徐 於 書,不 叛 口 應 外 莫 下 諸 出 甫 簡 疾、 池 今 測 夫畜 子 攘 方 盛 規 稱 諭 將 待 日 卒. 諸 萬 遠 叔、召 於 畫 驕 然 太 慰 煩 詰 制 , 作 邦 馬 近 周 周 虜 不 意 平. 獨 成 謂 戎 敕 及與 之 之宣 爲 峙 詳 犯 以 皇上 揣 無 虎 迅 中 不 以 憲 糧 細 順 心 若 事 宣 興 而 諸 有 凡 行 。一先 而 寔 王 膂 人 英 久 之 力 實營伍 動 風 地 所 臣 足 者 惟 矣, 薄 盛 託 斷 中 霆 於 理 生 自 群 於 私 尹 畿 先 如 機 外 之 乃 吉 制 顧 凡 時 相 耶 立 而 要。 生 神 夫 精 於 集 險 文 以 甫 玁 而

生詩 哉 語 渢 ? 平. 之 文諸 典 詞 詩 謨 皆欲 篇 **>** 風 日 是 雅 : 上 世 之舊 古古 裨 或 甫 又豊 是 作 ,下厚民 頌, 近 穆 代 如 作 生 清 者 風 口 猗 0 幾 歟 先 及 渢

心 與 勞 豹 ,謬論其 不佞,不能 大都如此,敬書以爲序。 盡 先生之文,竊窺先生之

刻 秦 漢 書 疏 序

明配 之菽 《詩》《書》,定禮樂,贊《周易》,修《春秋》, 噫 《論》又皆 本先 子之欲無言久矣,乃二三子以爲隱 王之舊 栗、 H 文之不古,治道之不競,勢相 文至是極矣,其太初之元氣乎? 月 布 潤 出 帛、 於 而 澤 門 推 配 耒 人 明之,非 江 耜、 之所記。 河,其 釜 有 甑,不 切 所 廣 於民之生 作 大 미 也,魯、齊 配 因 於是 天 也。 日 也 地 昭 闕],譬 時 悉 删 夫

> 去古未 利 及 兀 不 並 該,博而 王之道 生民 書而 倫 古也 出 章 理 一,憂治 下,謂 直 裨 崇 教, 遠,三代 要,使聽之無 費世 而 獎 如 老、 文之古 不 君 虚 激 教,究治亂之原而 之遺 子 放 莊、諸家之説 婉 罕 闊 不 風 訓 怒、循之 而 略 在 猶 焉 弗迂 事 兹 在 實 乎 惟 寡 曲 敷 是 鄙 閎 失,自 陳 秦 談 深 而 不詭 中 理 漢 法 奇 簡 要, 詭 書 制 乎 疏 經 非 而 功

於朝 秦治 代 舍是 不 惟 傳 但 傳,而 讀 而 士之資獻以 斷 思 自 斯下矣。 廷,當 無 而 漢始 説 察徐 兩漢,有志於古者每搤 論 臣子告君之體 之,謂是傳宜 也 有 而 君獲是 大 欲復古治 而文之古 言格 黜秦 手 筆 備 君 本 在 啚 於 要與 采 廣 不 ,當復古文,不得 治 古 Ш 書 以 口 泉 無 文 非 疏 不 小 章家 假 林 負 文 而 0 擎焉。 於 不 博 不 若韶令出 及詔 之 遠 秦 我 型範 非 之 漢 監 令。 也 古 察

監

察之所

監

察宜 奉 名 於洞 則 校 役 是 憲 紳 吉 刻 以 古 也 字□ 按 者 爲 楮 刻 安 弘 江 獲 守 刻 南 化 右 縱 黄 康 訂 宜 或 清 ,兹得代行 觀 推 或 號 序 足 治 焉 昊 編 卿 序 以 朏 Ŧi. 率 或 於 刻 風 穢 宜 倫 前 板 監 其 委豹 巡 奏 藏 以 察 申 懶 撫 對 名 意 洞 監 散 馬 學 有 進 察 無 也 忘 體 1: 以 中 命 使 世 起 林 監 派 以 之意 士之遊學 稱 家 察 速 卧 亦 名 建 姓 子 寡 歟 謂 御 德 言 徐 ? 史

刻夏遊記序

之體 易之受 寂 心 而 而 儒 動 其 者諱 質言之, 命 物 應 如 世 也,必本之虚 言 響 虚 心 其 何 寂 無 也 以 乃 未 此 發 吾 蓋 , 無 夫 夫子 天 而 有 世 下之感皆 可 遠 > 於 近 以 議 易 出 虚 者 究 寂 感 謂 生 言 於 應 而

> 矣。 立 者 下 能 夫 耶 ? 之有 心 乃 感 極 之妙 與 蓋動,其 憧憧 日 焉。」 以以 應者,寂 : 用 之 聖人定之以 極之爲言天之樞、人 天下之變。 思 應 而 卒 也 然 精 ; 流 不 發, 而 動 執 爲 中 其 仁. 周 濂 安 之 感 義 流 排 溪 傳 也 中 六 唐 擬 於 之 IF. 虚 子 議 是 而 命 而 者 深 以 其 乎 也 主 於 立 所 始 謂 天 以 荒 得

其 觀 亦 也 記 其 中 知 子 所 與 發 於 尊 明大旨 念 先生 信 卷子麗澤二 者 著述 歟? 要不 皆 序 未 過 + 之以 及 此 年 梓 勗 而 劉 而 其 論 生 獨 一。念菴 成 始 梓 合, 夫是, 門 今

刻虚菴先生言志集序

韶 或 兩 朝 稽 驂 吾 號 並 豐 中 翔 詩 興 文 唐 時 之 則 音 祖 復 有 作 若 自 也 曾 文 學 忠 夫 士 歐 浩 棨 陽 渺 習 奇 而 車 F 駕

哉 忧 \equiv 倚 加 倣 歎 馬 而 有 乎 口 先 石 待 魏 生 門 遺 晉 音 梁 學 代 焉 夫 先 + 儒宗 尚 生 豊 學 稱 矣 終 也 土 之, 爲 至 以 無 雲 於 則 兄 寧 古 Ш 推 以 之《 澹 駕 言 清 部 狍 意 韶 婉 人乎 本 非 濩 風 虚 **>** 也 雅 讓 唱

讀 藏 敢 子 夫 几 日 不 庭 有 對 家 訝 月 能 舟 有 舊 隨 吟 次 子 遍 予少侍先公水雲大 此 子 既 . 本 **>** 詢 校 其 唐 日 鄉 五. 而 否 昨 先 後 音 録 非 言 民二人來 也 日 夜 生 索 補 習 也 絶 ? : 何 一全稿 巴 之, 先 輯 句 小子 傷 陵 生 日 小 云: 稿 悉 乎 訖 雨 族 . 人 謁 識 ? 仍 人?」二人者 寒 藏 洞 夫, 不 之 蠧 辭 自 其 不 微 庭 口 稿 蝕 道 家 每 舊 知 得 春 幸 杇 其 比 安 聞 先 草 無 稱 磨 干 里 壯 誦 敢 生 昨 深 恙 全 居 里 先 幾 重 0 全 愕 庚 從 集 姓 生 稿 辱 不 子 錯 顧 惆 申 士 焉 氏 先 家 夏 大 某 口 乃 不 悵 洞

> 詩 學 撰 所 子 瘞 噫 行 菴 述 與 故 文可 皆 行 梓 記 先 而 狀 而 足 及 復 生 傳 傳之,而 ,學士曾公棨所 章 下 譜文、詩 以 而 文 儀 世 已 刑 今 也 音 後 末 百 序 顯 學 附 有 等 晦 以 Ŧi. 篇 俎 著 有 大 + 時 豆 誌 學 所 餘 鄉 銘 載 士 詎 年 賢 先 解 金 不 不 珠 信 生 公 公 獨 政 縉 幼 歟 沉 其 績 所 孜 玉

東坊鄒氏族譜序

其 派 太 子 孺 派 人 井 出 ·嘗考其 出 邑 樂 之 澆 安 源 東 埮 譜 鄒 隅 坪 而 氏 有 知 之,是 鄒 永 而 氏 豐 東 者 之 隅 故 了, 古 鄒 之 日 惟 古 鄒 族 澆 乃 族 世 源 亦 也 古 埮 子 妣 坪

與 鄒 氏 御 者 史 夫 未 所 魏 謂 公冕,當 暇 古 遠 族 論 者 革 X 代 除 或 間 有 朝 首 聞 有 人 大 抗 之 理 請 謂 派 難 鄒 也 之 師 瑾

不 是 也 勝 恭 賤 光 學 成 盛 道 天 所 太 有 即 共 〈子t 之謂 ",歸 賴 能 謂 焉。 宗 天 派 極 ,卒自刎 鄒 使 秉 窮 ; 受 以 加 者 而 公 文 西 孝 通 然一代 定 爲 清 勝 損 氏 衰 源 皇 Ш 友 兹 臣 隱 非 於 厥 自 之 (、慈恭 者 帝 地 而 渟 以 而 忠 顯 賤 又 族 大 節 1,當從 嘗 賴 無 與 者, 滀 明 之 口 有 者 人,益 理 夫 富 假 志 以 欲 且 使 儒 碎 子 始 天 婦 忠義 寧 率 貴 於 用 宗, 貴 首 友 文 而 也 有 已足 正 天 通 口 之, 丹 口 是 英 東 公天 ; 貧 别 丕 之 以 也 顯 而 墀 以 故 風 蓋 廓 父義 者 承 性 口 者 以 常 興 峻 自 祥 氏 嘉 使 妻 矣 稱 假 者 反 非 本 永 節 者 起 13: 公之緒 其 富 拏 争 於 貧 古 也 也 豐 後 兵,間 慈、 出 矣,況 忠 駢 天 光 賤 可 隱 蓋 分 之 者 先 戮 以 常 而 古 兄 倡 窮 富 口 而 烈 類 道 益 相 變 使 謂 友 歸 呃 貴 蔚 爲 進 明 베 族 也 而 之 弟 顯 人 貧 有 聖 安 海 我

> 落 附 口 第 於 以 徵 陳 義 遠 人 非 之 而 光, 翦 所 翦 以 而 焉 望 謂 於 是 考 鄒 足 原 之 以 後 委 譜 之 人 其 所 也 族 者 自 則 ൬ É 以

事 以 翼 於 鄒 其 子 常 貧 或 道 也 寧 而 而 唇 亦 翼 以 子 之以 譜 友 序 也 勝 屬 天之術 貧 子 無 久矣。 所 事 顧 H 子 惟

無

有

水南程氏重修族譜序

若 之 嘗 乎 墓 義 艱 ? 學, 程 俯 以 貞 而 仰 伯 子 紓予 軻 哉 比 卒 子之在 今昔 少 長 死 以 讀 耿 不 讀 保 死 史, 耿 恨 傳。 孔 報 之私 不 至《 門 卷 其 經 程 而 之孤 程 ,乃今得 其 謂 傳 友 深 梓 非 嬰 造 謂 子 里 則 篤 傳 純 非 淵 又 \forall 吊 以 春 之徒 \equiv 歎 9 望二 撫 序 秋》 獨 人 其宗人之 卷 歟 得 之 三子 復 歎 其 遺 售 聖 烈 之

商,不亦其少慰矣乎? ?

烈 歙 事 平. 者 伯 伯 則 户 心 族 文學之士 氲 兵 而 顯 原 始 解 人 翔雲 而 若 上下 E 瞪 於 舊 原 之,至 矣。 之 之 於 已 也 長 日 H 喬 吾 夕,於 不問 徙 宋 始, 其 永 邑 派 木之上 千 乃 子 高 彬 或 水 水 其 翔 歙 寓 理 Ŧi. 惟 門 南 伯 朝 南 彬 家 宗 雲 居 是 百 义 而 之程 流 原 矗 輩 世 累 居 爲 永 時 見 年 知 等 如 峙 源 也 出 也。 眥 凡 豐 以 懷 道 其 雲 歙 而 與 厦 + 之 他 遠 拓 而 德 蒸 爲 派 今水 譜 而 永 永 子 産 故 將 屋 以 忠 鉅 焉 原 上 則 豐 世 富富 盛 軍 鱗 家 調 科 義 9 之,至 族 南 所 其 之 而 州 明 次 世 戍 之足 貢 也。 其 甲 紀, 程 弟 有 伊 秀 龍 聯 發 釜 先 上 叔 程 洛 之後 伊 其 泉。 繩 姻 以 自 身 方 世 F 鬲 原 遷 氏 分 引 洛 好 者 繫 水 嘗 之 宋亡, 後 · 至 祠 水 珠 相 濔 以 程 自 屬 南 氛 稱 也 南 貫 皆 繼 來 武 百 廣 等 過 氤 望 人

> 於 歟 同 行 不 啚 之爲 其 ? 乏, 也 祖 要 如 昔 事 也 以 某 程 業,變之爲 ,乃欲祖 人能之而 主 某 之 静 受 時 7 學 稱 之以 極 後之人 於 忠 爲 望 宗 義 周 俊 其 茂 ___ 是 不 族 性 叔 其 故 能 之 難 諸 藴 忧 焉, 譜 之爲 矣 也 哉 是不 手 程 受 性 之 肖 之 徒 所

將 其 然 禮 祖 志 仁 其族之人,而予之所望於 族 在 敬 祖 義 不 親 宗 水 目 以 之 也 今 疎 觀 南 實 親 遠 讀 類 此 程 行 而 盡 之而 族 近 氏 古 上 學 辨 無 情 之譜 八士 遡 仁義 弗 物 不 伊 伊 愛且 修 以 洛 皆 洛 奉 之心 衵 之 睦 長 敬 本 即 免 所學, 洽 者之 八 焉 有 舊 謂 殺 和 ± 不 文 水 使 者 命 油 義 而 志 南 天 然 不 重 將 廣 爲 蓋 F 以 新 而 之初 平 今 後 欲 以 之, 興, 服 之 望 # 之 其 窮 非 尊 伊 岩 所 篤 於 宛

望 洛 而 廿 口 四 世 謁 又皆 譜 子 成 爲 水 序。 族 南 之長 之賢父兄 子 於 某 八 某 十 1 也 有 締 四 ___ 之姻 人 日 之 戒 雅 廷、

恩江張氏重修族譜序

世

相

好

焉

義

不

得

而

辭

也

則 也 輕 不 初 足 一,而 慈 并 也 以 譜 勢 而 以 其 譜 牒 不 顧 昭 不 慈、不孝 子 之 其 欲 遐 徵 孫 不 祖 爲 誣 别 信 之 誣之矣。 氏 之,是 生 於 所 族之重 ,則夫以 類 自 天 族 誣 下 出 誣 者, 其 以 亦 自 夫 祖 祖 愚 敦 凡 待 古 不 也 矣 復 以 其 欲 孝 角者 文 乎 其 誣 誣 獻 傳 其 子 不 人 之 而 孫 E 作

時 氏 尚 自 爲 恩 崇仁 鎮 江 之 井 簿 張 洪 邑 氏, 未 始 改 吾 也 洪 品 之始 著 顧 姓 其 家 也 姓 於 在 恩 邑 邑 江 之 先 有 恩 故 張 江

昔 之謨 譜 其 凡 相 得 救 培 兹 故 至 鼻 日 而 仁 乎 道 其 代 斷 祖 人 以 輝 彝 疑 矣 今凡十 恩 而 ? 與 之 甲 訓 若 昌 論 自 自 江 修 著 以 輸 典 然洪 其 義 具 君 信 Z 張 世 慝 徵 故 洪 粟 其 籍 文二 門 世 在 顯 半 氏 而 拯 日 傳 至 而 其 昭 也 爲 以 也 耳 云。 第 永 荒 惟 君 無 穆 鹽 : 世 太太 系 上 惟 後 顯 疑 , ; 義 人 而 肯 秩 杞宋 戒 一,上下凡二 領 不 君 張 者, 急 道 也 凡 日 上 堂 之 而 微 可 顯 氏 + 君 示不 重信 立 怡 實 爲 序 之禮 考, 張 而 之義 故 而 夫 ___ 其 德 親 莫 能 足」,無 氏 嚴 謂 下 世 有 世 君 大 永 古 大 其 譜 賢 孔 則 文 徵 十又三 顯 庶 世 乎 祖 以 代 次 文 不 是 子 而 而 幾 自 譜 之孝; 君 亦 孫 序 有 傷 述 獻 傳 故 上 乎家 親 立 以 故 濟 君 爵 偉 者 之, 足 而 其 口 世 人之 空言 美。 顯 以 人 譜 不文 考 事 徵 之信 蓋 伯 子 當 洪 族 而 也。 也 以 道 則 古 無 特 仲 時 亦 爲 下

昔,將 修之自 於陳 盛 庶人之子 者 籍 則已 ,均之 我 爲 落 者 第 可 公 爲 勉 卿 不 義 而 ; 徵 怠於 致, 矣。 忧 而 自 修之則路 繼 世之挾 修 述之孝,今之視 而 富 徒 人爲 貴 欲 借 以 禹 舉 爲

無

有皇

皇者

平

可

陳

不 無 程 習 爵辛 珩 子 以 氏、宋龍 欺 謝 也 張 也 ,故序之。 多稽闕 氏 氏實領其 卑尊之勤,抑以二三子者之 録 則邑之髦 事 ,而予之序之,已 士曾衮氏

城 南 陳 氏族譜序

祖

可

然畢氏 族,如 其 盛 翁 寶善先生所藏 比 余少 邑治之南 之子孫 長,與今西 從 先 微 大 隅 夫 111 林 則 游 元祐舊譜, 子 氏 日 陳 無 畢、 嘗 弘 噍 聞 林 之同 類 其 惟 陳 品品 而 講 \equiv 知其氏 第 陳 肄, 氏 几 氏 舊 方 獲 爲 矣 族 氏 觀 獨

> 之所 從來,益信先大夫之言不 誣 也

之,非 之義,能 幾無 者定 傳 姓 天 胡 下 之 於後 愧,蓋以 公云、蓋將 今夫天下之陳 祖 親 也 親 使同 其姓 親 前 世 有 之推 也。 何 牢之犬無 其 而 不得 籍 上 親 至 使 胡 祖 祖 天 睦之義 其姓者 其 公爲 其 舜 於 下 所 姓者,惟 無 也。 後 哉 乎 不得 窮。 世 重天下 推 ? 舜 一之爲 其 其 爲 仲 是 江 法 所 食, 其 尼 父子兄 也 州 自 於天下 祖 義 而 之 咸曰 陳 足 肯 江 而 弟 使 州 庶 述 以

文 陳 經 之祖 溪。 有陳,始自贄也。 理宗 入贄。 自 者 Ш 今考吾 克 贄之居永 1, 寔也。 溪之陳,分自 華 時 始 出 永 判 也 豐城 寔 喻 豐也 華 數 州 贄之後,至今凡 南之陳,分 之後 遂 傳 江 以以 而 州 家 爲宋之克 之義 避 又 喻 難 數 州 門。 自 從。 傳 新 Ш 而 九世矣。 華 城 喻 始 爲 溪 之 南 之 江 元 舉 之 有 州 Ш 明

華 不 系 Ŧī. 有 之後 忍 111 也 自 而 例 ,於是乎譜 加 斬 體 有 詳 六 之分 戒 贄 原 世 之 而 以 以 以 後 親 至 合之。 昭 又 竭 於 加 相 人 七 之 詳 視 譜 # 爲 其 初 而 譜 所 塗 相 系 有 人 口 視 以 原 知 聯 君 爲 衆 有 故 子 塗

之乎 以 得 瞽 寔 興 出 長 而 瞍 者 於舜 長 ? 兄 絶 於 是故 無親 之 舜 親 況 父 後 親 以 親 祖 乎 數 長長 長 不 舜 千百 得 長 莫 是 若 而 之義 年 子 塗 之 ; 義 後 人 象 自 皆 絶 絶 顧 舜 以 於舜 於 口 親 世 舜 得 親 者 弟 而 ൬ 也 況 義 祖 不

敬

之心

有

不

油

然

而

興

者

乎

?

有

不

油

然

而

體

之分

例

以

明

微

戒

以

勸

德

讀

之,

而

愛

北 倡 歸 行 田 合 嘉 己 Ш 靖 適 酉 溪 T 陳 春 未, 陳 氏 城 賴 之 南 譜 今 而 氏 皇 告 譜 之長 帝 之。 成 聖 若 西 明 時 幼 11 余 釋 子 惟 被 詔 乃令 西 讒 獄 111 其 賜 械 子 姪 余 繫 是

> 之意 者 或 蓋 子 生 有 以 震 告 在 仲 夫 云 子 陳 珀 H 謁 之 余 子 敘 孫 其 使 譜 知 所 余 以 故 世 推 其 譜

> > 族

者

社州蕭氏族譜序

蘭 譜 嘗 江 蘭 之 欲 逐 夫 信 之。 尚 得 溪 故 聞 夏 溪 屠 世 \$ 之 書 諸 曾 蕭 世 Z 免 然。 舅 公熟 傳 先 虬 倡 氏 於 氏 海 大 氏 亂 社 者 Ш 害 世 爲 老 邑 夫 蕭 若 臨 州 者 爲 蕭 成 者 焉 中 希 江 蕭 惟 遂 先 氏 典. 舜 典 語 屠 氏 是故 假 家 祖 刑 之, 嘗 故 爲 人, 蕭 陳 奴 叔 過 氏 叛 信 保 友 姓 矍 挈 勝 子 卒 而 奴 有 諒 氏 哉 然 妻 父子 陳 據 驁 今 甲 論 僞 喜 孥, 其 桀 海 日 檄 Z 家 日 也 其 云。 竄 之 世 有 寇 不 所 : 謂 主 子,子 率 永 由 遂 家 而 豐, 水 先 鋭 藏 蕭 以 蕭 先 則 ·意 若 舊 所 友 依 實 大 氏 E \Box

之 非 成 鳳 手 其 弗 年 文 譜 日 澤之 命 所久近 其 家 朝 編 子 備 而 牒 謁 子 鄉 訓 絈 啚 弟之賢且 次 進 其 如 甫 宗白 予爲 以 日 生 E 士 之, 1上遡受氏之原 新 脱 傳 外 凡 浩 稿 譜 卒 信 輩 紀, 项 例 與 -葬娶 序 一考訂 謀 授 其 才 乃 官 於族之長 兄澄 仍 存 與與 能 先 江 稽 江 世 如 疑 夫正家 夏, 覈, 夏之 慨 郡 是 日宗 卒 先 乎 博 積 老 ? 舊 緒 於 并 久 某 勞 義 圕 之未 官 遠 遷 而 再 某 間 民 之道 靡 徙 日 春 暨 奉 傷 所 竟, 有 世 來 俊 哉 長 而 遺 作 傳 歷 始 老 1 念 舊 無

咎 全譜 天 莫 無 入要於 下 一言愛敬 譜 或 學 乎 家 譜 家之有 以 繼之,則 也 也 之有 是 故 ^ 譜 譜, 西 所及、有所 於 世 天下 猶 銘 宗之吝, 者 > 或 普 無 之 篇 也 全 有 其 不及者之可吝, 普吾 族矣, 不 史。 若 天 出 宗法 下 之愛 是 門 古 故 之 今 敬 广 類 之 無 於 族 而

> 其 以 間 勝 乎 列 志 溪 兹 有 目 而 而 人,② 之壙 景 不 ? 志 湖 明 不 觀 況 事 而 之,自 於宗 口 經 油 賦 Ш 是故 核 季 微 既 然 薦 精 詩 自 膺 情 歸 辟 季 矣 而 醫 人一 於 譜 學 季膺 諸 則 聯 初 闢 爲 膺 興 學 誌 號 其 袁 至 者 至 術,所 分 按 始 無 之不 守 始 池 而 元 叔 秩 遷 社 非 所 遷 知 行 勝 畾 義 州 其 以 愛 9 之 可 其 著 省 不 再 + 治 之 來 敬 類 鼻 不 然。 有 司 知 結 號 遷 也 覽 而 祖 講 ^ 粟 爲 亭 湖 反 讐 叔 之 也 人 也 昉 使 幾 Ш 蕭 隅 勝 視 0 延 自 之 而 葉 清 薄 氏 集 黑 爲 是 愛 如 吉水之滸 初 今 之盛 隱 仕 ×, 客 蓋 敬 宛 即 路 宋 而 進 藏 以 之心 元 啓 騷 然 是 人 叔 符 於 適 自 者 人 雅 勝 叔 在

爲

陳

友諒

時

則

此

爲

0 0

[「] 叔勝」, 上文稱 叔勝父子「 及」, 乾隆本作「 及」。

之乎 成 之功 今日 饑 陳 蒐 以 社 天 有 家 (,其 奉 道 0 螺 輯 明 州 經 居 而 田 虧 縣 時 經 散 崇 敕 用 几 之 稱 多 後 亡,著 盈 領 學 旌 志 古 大備 半 世 爲 薦 哉 世 義 亦 士 其 蕭 ? 也 勤 曾 中 歷 教 親 爲 半. 子 矣。 彰 蕩 西 授 興 數 賢 譜 縣 故 往 焚 墅 乎 南 禮 者 略 夫 賢 序 至其 開 ? 之餘 咸 雄 蓋 作 士 之手, 之, 來 皆 揚 難 崇 著 憫 言 裔 力 使 郡 文 古 克 爲 世 鞠 孫 其 疾 後 博 以 其 系 爲 復 列 焕 貲 爲 述之。 濡 世 義 之 舊 可 傳 叔 珪 丘 産 墨 知 輸輸 業 之 勝 民、 無 以 墟 44 以 而 宗 盛 傳 易 譜 謂 詔 再 至 粟 江 侍 子 也 視 之 造 夏 於 後 御 賑 非 奄

上濠湯氏族譜序

昔人云「不得爲宰相,則當爲良醫」,謂

士 體 便, 於永 派 年 不 科 靖 彝 亦 輞 有 和 而 足 而 以 勢 分 仁 111 但 第 公 遣 間 益 以 非 勢 族 、徴拜 也。 會 則 以 豐之上濠 孟 哉 之。 信 澤 也 譜 神 也 衍 誠 遷 醫 疏 后 其 物 女誕 不 明 益 是 楚 記 南 周 然。 而 而 而 可 於是 擢 繁, 則 執 之 遷, 故 謂 義 己。 益 昌 用 降 遷 中 防 弗 瀏 衣 湯 或 而 居 世 達 代 奉 將 以 散 冠之 陽 洽 事 醫 焉 公 氏 涣 也 仁 不 詔 軍 、公學 神 示永 聞 傳 業 居 至於 則遷 乏人 其 扈 女之異, 族,多出 於 蓋 醫 益 擇 其 子 蹕, 業 上 自 世 里, 事 觀 翁 長 敦 名 則 也 則 宋 播 湯 薄 則 行 遷 富 召 各 0 而 居 凡 崇 元 氏 遷 離 坪 俱 九 於 入内庭 召 以 於 跋 長 以 至今, 行 相 執 禮 臨 神 失 江 補 之者 其 兹 著 安。 之 失, 中 之 ,秩分序 明之胄 如 御 意 四 口 其 德 上 之後 塗 虞 宋 之 流 醫 則 Ŧi. 家 經 優 安 望 遷 所 百 聲 行 寓 博 文 里

六九

於 身 甚 貧 幼 仁。 名 聯 族 民 醫 澤 其 是 族 不 、敬宗 之命 莫 愛 卑 生 之長 焉 義 散 物 所 窮 名 其 大 尊 醫 患 倫 義 宗 昌 子 可 巾 道 ,敬宗莫大於收族 於 也。 老某 委 書 理 身 難 倫 知 友 世 離 也 疏 斷 之 手 以 9 愈 而 理 0 可 自 戚 是故 其 親 親 之 某 足 手 天 憲 能 獨 生之謂 以 執 遠 無 愛 以 等 湯 地 足 系 愛 而 鰥 觀 中 近 譜 負 公, 痿 其 不 不 親 寡 不 因 如 而 學 於 仁 親 痺 口 顧 謂 莫 忘 其 用 指 下 視 所 則 誕 爲 者 者 以 家 大 是 乎 非 諸 9 吾 軒 以 降 乾 不 傳 凡 之 於 汲 吾 掌 未 不 身 皇 繼 之祥 坤 人之初 尊 + 舊 身 汲 ,莫善乎 之 愛 手 所 而 宗 毁,人不 以 祖 有 譜 有 之手 則夫 有 其 興 足 以 結之, 法之亡 矣 九 年 而 尊 之 立 也 身 乎 , 而 世 重 痿 族 萬 足 莫 祖 者 譜 乃 ? 群 新 之 禮 善 皆 謀 乎 世 莫 故 痺 忧 ; 之。 也 以 長 平 篤 大 愛 尤 ? 則 生 夫 詳 諸 9

> 之昌 某 收 養 維 而 某,又 族 盡 患 之本 者 也 疾 難 皆 雖 者 痛 若 意 能 百 有 痾 夫 世 其 羽 癢 卹 編 可 翼 皆 在 校 鰥 知 憲 兹 切於吾身, 考訂 寡煢 乎? 世 伯 序 以 獨 化 用 之以徵 者 有 導 贊 於 非 有 宗 厥 譜 所 是 人, 成 其 之 歸 貧 即 如 所 窮 俊 者 其 愈 可 + 得 憲 有 世

珠 溪 王 氏 族 譜 序

貞 反 子 得 袁 某 邑 漢 復 發 世 廬 則 行 再 之 居 祖 中 六 永 得 豐 遷 意 奉 於 世 尉 行 珠 洪 乎 瀧 吉 祖 ___ 授 溪 ? 塘 郎 之 峃 德 學 王 焕 之沙 遷 後 廣 於 此 氏 古 世 也 歐 學遷 王 者 之 溪 陽 氏 東 德 世 文 梅 古縣 之 其 廣 羅 居 忠 111 所 由 徙 生 袁 公 懷 之大 以 善 舍 州 之門 德 昌 東 學 能 之 鄉 嶺 羅 也 傍 遂 之派 洪 遷 善 塘 築 木 其 偕 能 又 由 後 室 其 瓜 至 生

至 有 大 今 領 \Box 則 遷 惠 九 珠 中 世 溪 矣, 則 由 積 辟 從 學 舉 吾 嚮 任 爲 用 慶 始 代 遠 祖 有 府 也 其 推 人。 從 自 吾 惠 之 王 中 後 氏

族

之

H

著

有有

油

然

哉

弟 哉 慶 爲 譜 祖 視 勢 尊 散 生 其 Ĕ 弗 其 體 親 而 源 君 祖 吊 收 王 宗 遠 而 者 定遠 族 以 而 生伯言 無 而 不 必 之 相 篤 統 愛者 流 敬宗 之用 至 視 復 益 至 要、 如 乎 分, 三錫謁 或 有 心 敬宗者 涂 至 之矣。 不 丛 也 人 要者 知 繁 ! 之 子 其 譜 而 必收 初 爲 譜 平 身之所 之 故 勢 ? 序 成 愛親 功 無 益 族 乃 大 有 聯 散 建 自 者 矣 肅 所 親 祠 出 幣 謂 必 遠 流 戒 弗 近 尊 修 蔑 分

是

在

E

氏之後

人歟

不 者 窮、 勢 溪之曾玄雲 夫天 親 也 盡 之生物, 勢 而 有 情 時 不 仍、 盡 而 使之 長 者 窮 幼卑尊 且 其 盡 本 惟 也 0 凡若 然 之 本 服 干人,自 初 窮 而 平 萬 而 義 分

> 之道 睦 祖 某 若 知 氣 以 前 示 V 干人 所 莫 分 倡 疏 王 不 先 視之、某與 曾 而 明家學之所自 氏之先 志 又 於 何 也。 親 睦 親 也 族, 所當受學於 歐 疏 某疏 遠 而 陽 自 歐 近 從 公 是在 也,某 之間 爲 吾 蘇 吾 譜 其門者。 王氏之後 乎 人 與 永 法 之 某 豐 斷 初 親 斯 是 自 視 也 故 文 講 其 人歟 信 之 所 堯 修 鼻 舜 與 口

梅溪戴氏族譜序

譜 遠 文 而 是 獻之不足徵 顯 庶 夏、殷之禮 乎 以 學 其 論 而 口 世 傳 傳 者 也 吾 者 尚 無 矣 徵 亦 無微 夫 焉 恃 子 斗 其 能 不 南 子 有 言 信 子 觀 足 之而 不 徵 日 梅 信 云 溪 不 戴 譜 則 傳 以 氏 之 仕 不

按

吉之有

戴

自

吉

州

刺

史

鎬

始

鎬

門 人 至 所 殿 慕 焉 吉 则 今 士 霸 校 至 以 譙 ; 載 時 有 宋 自 之 中 溪 或 州 鎬 復 國 爲 其 宗 名 若 盛 其 派 侍 徙 子 鎬 明 宋 纓 開 秩 上 後 工. 流 仕 秋 子 仍 御 祭 時 诵 公之後 嬋 封 滿 下 是 名 又 與 江 兀 甫 居 酒 巾 有 嫣 推 千 蓋 有 摧 學 m 筆 ; 繤 徙 官 光 昇 殿 終 有 有 科 天 者 長 次 族 溪 除 ; 梅 於 甫 其 中 餘 功 惠 第 言 延 望 延 葬 次 溪 元 侍 於 者 Ź, 而 歲 後 昌 益 祚 於 蚤 列 延 進 而 戴 紹 名 有 御 遊 著 則 文 自 爲 仕 勝 爲 士 之 爲 史 鎬 圃 教 大 受學 朱 Ш 大 金 梅 於 戴 學 9 自 或 者 爲 若 考 開 出 之 小 紫 唐 溪 朝 邁 者 子 唐 也 紹 於 亭、 夫 戴 封 七 刺 之 光 至 者 及 博 由 興 吴 潛 之 Ŧi. 祖 虔 里 者 禄 或 及 楊 粤 士 刺 金 聘 後 州 村 心 代 大 + 考 朝 誠 陵 自 禮 寔 史 君 IE 夫、 南 不 有 翰 舊 齋 次 始 E 遂 譙 學 出 學 傳 唐 譜 之 博 林 皆 É 由 檢 家 賴 延 或 刺

> 世 提 考 又 及 虞 Ш 典 一之珍 文 亭 如 書 舉 籍 等 此 劉 靖 朱 戴 卣 詩 安《 也。 公、 公、 公、 戴 節 俱 氏 詔 少 吴 信 載 夫考 之譜 誥 文 師 或 御 敬 文 文 書 IF. \equiv 之 齋 信 貞 公、 公、 文 道 仕 平 集 諸 楊 學 潛 楊 ~ 其 大 公 高 E 此 溪 文 口 扁 所 皇 徵 如 節 外 宋 撰 帝 彼 珠 公、 公、 如 而 碑 賜 傳 璣 周 稽 文、 遼 翰 和 者 燦 文 之載 陽 林 秋 也 記 然 忠 儒 學 H 公、 籍 傳 序 學 + 鍾

焉 世 成 諱 総 而 諱 之者 矣。 始 紹 安 此 安 成 至 是 本 31. 譜 或 及 譜 刻 元 縣 南 子 其 進 也 儒 謂 子 世 生 長 1: 學 創 之 不 惟 不 老 河 訓 始 所 有 朱 修 懷 南 導 於 待 以 氏 9 謨 府 諱 宋 不 平 皇 氏 推 祭 稿 益 ? 孝 皇 官 垂 仲 干 先 也 不 是 諱 成 府 後 常 故 順 邁 講 而 積 凡 州 懼 卒 書 不 勞 川 或 府 其 諱 敬 今 訂 學 朝 幼 易 莫 V 教 典 而 克 故 歲 大 未 授 籍

帙

分

上

下

重

本

故

首

以

世

系

明

分

殊

9

也; 敬 子 始 孝 銘 故 彦,彰往察來而 ,觀 H 輩 也。 辩 終之以 寔 疎 順 世 序 戚; 有 也 德 文、 舉 功 以 備實 焉 也 訓 雜 作],率義 戒 討 作 求 録 必 論 著 後 必 ,故稽家 如 者 修 勸 載 是 有作者, 飾 族之長、僝 懲 前 者 之 也 示 傳; 後謂 惟 精 歷 未 念 誥 之孝、謂 代 予友 功 必 勅 之 者 不 本 奏疏 斗 寶 以 族 由 之 墨 南 之 44 興

秀 JII 羅 氏 族譜 序

或 其 體 通 也 ? 天 所 萬 而 下 聚 物 後 惟 易 享祚 天下爲 君 而 而 • 後 子 同 天 盛 可 爲 人》 地 大、 一家、萬 以言 能 萬 義 通 歷 物 先 世 類 天 之情 類 隆長,未 物 下 族 ·之志 爲 類之爲言 可 而 見矣。 體。 惟 利 有不 君 天下之志 聚也 子 家天下、 自 由 貞, 古 斯 觀 家 道 何

下

非

而

深 也 由 乎 感 子 而 讀 歎 秀 日 111 羅 君 氏 子 譜 哉, 及 贊 貞 善 也 所 其 敘 爲 撰 道 述 之 也

懼 子 皆 天 同 長 能 勢若 弟、 0 幼卑 能 者 吾 下 乎 古今之全譜,即 以 乎? 然者 之子 弗 身之强 夫 皆 而孝敬慈愛之心 强 同 世 强 尊、上下前後者 口 弱 解矣 一之所 弟皆吾之子弟,天下之强 也,而後天下之父兄皆吾之父兄 盛 曠 貴 而 貴 弱 世 賤 悲 能 富 賤 ! 喜 而 而 間 貴, 孤 謂 相 有 子 幸 弱 不 '嘗謂 感 無有 不 而 懼 撰 世世 賤 越越 有君子 之 孝 況 述 貧者 乎 也 敬 於 情 敘 千 西 弗 慈 其 無 里 銘 爲 維 世能 勢 同 愛、悲喜 族之父兄、 有 **>** 如合舍, ^ 持 也 平 西 於其 篇 弱 惟 不 銘 弗 賤貴 勢不 爲 其 以 同 間 幸 天 有 無 皆

有

0 能 不一, 康熙本此二字互乙, 宜 從

續傳可也。

萬 劾 理 谷 競 於 行 替 秀 今之 左 於 有 ∭ 隆 羅 學 澗 111 彌 即 奉 賈 高 以 之 代 秀 昌 儒 谷 議 崱 似 夫 澗 才 稱 未 遂 譜 源 博 桁 派 111 由 道 儒 谷 懸 然 有 羅 官 印 以 之 宗、 學 相 豫 世 猶 莫 其 則 傳 其 Ш 什 訛 0 高 所 章 考。 至 未 以 舉 又 姓 而 推 以 而 傳 始 徙 强 泉 盛 榷 此 進 自 不 詩 經 顯 澗 也 盛 歷 院 也 至 桐 涌 乎 + 戡 絜 族, 學教授 谷 貴 於 ? 漢、 以 提 江 Ш 及 者 村 上 爲 莫 進 學 富 舉 贵 出 第 徙 羅 又 台 下 + 盛 +: 而 朝 羅 鄉 勃 自 宜 萬 七 祖 其 師 起 於 顓 傳 隋 氏 里 莫 如 桐 之 事 八 崱 罷 EIJ 家 頊 之 夕之故 其 顯 有 子 唐 江 饒 族 百 而 之 Ш Mi 所 則 興 而 過 不 徙 宗 峰 黨 年 後 歸 散 尤 以 也 昉 不 於 達 戡 也 哉 知 處 丕 莫 自 微 傳 愈 分 此 變 村 + 澗 封 以 承 盛 此 江 者 1: 顯 久

> 人。 舉 身 粤 是 文 書 有 也 谷 廕 矜 之下 章 午旨 自 進 大 賜 是 子 蔚 嗚 唐 學 納 同 式 呼 故 爲 懿 歸 進 特 書 日 神 世 吏 其 潛 盛 士 之 科 僖 : 宗, 選 童 則 於 矣, 出 進 來 君 郡 不 石 身 中 方 歲 1: 子 史 盛 其 遠 蓮 興 術 貢 凡 哉 自 矣 賜 Ш 則 諸 羅 + 要 雙 薦 進 貞 中 當 氏 科 有 在 泉 1: 辟 也 與 乃 凡 羅 清 四 先 及 功 殿 氏 其 \equiv 軍 人 修 生 第 不 之後 峰 苦節 撰 爲 百 功 而 在 而 先 以 七 賜 道 E 封 鄉 印 生 贊 + 凡二 進 深 道 贈 舉 Ш 並 善 有 乎 士 德 傳 澗 E 録 漕 出 Ŧi.

閱 厥 凡 之勞 字 考 + 泉 有 譜 訓 始 翁 八 如 於宋淳 人,至是 未 孝 梯 卒之志 稱 如 総 熙 楚 述 則 甲 亦 無 編 大 午 不 忝 備 口 摩 、迄今嘉靖 也 苦 矣 少 故 心 蓋贊 併 屢 時 抄 易 戊 善 申 寒 録 勉 對 修 承

層峰孝子樹里落成序

之志 者 余 相 有 奪 者 萬 志 取 層 將 兹 不 知 諸 里 矯 峰 奪 以 情 、之情 衆欲 則 張 心 情 + 風 也 余 而 志 也 口 子 故 刑 身 友 遠 年 異 飾 以 出者,志 真 爲 不 張 几 矣 而 情 難 要 有 襲 口 口 行 循 海 余 浮 刑 殊 究 不 取 以 哉 道 轍 鳥 者 我 廣 識 也 心 不不 口 如 風 能 是皆 聖 得 世 於 刑 志 心 孝 其 遠 天 而 是故 其 行 矯 廣 者 也 於 面 而 子 知 君 妻 於 情 者 隱 焉 ; 也 其 刑 之 命 妻子 浮 子 而 人之居 莫 不 親 而 廣 哉 有 其 則 \Box 知 或 心 微 口 ? 哉 夫 也 : 張 司 式 友 摇 者 以 孝 樹 子 識 張 喪 志 民 昔 於恒 也。 而 飾 哉 者 之 子 斯 其 也 感 X 夫 況 要 之心、 者 奪 成 物 謂 風 張 非 久 易 於 矣。 矣 貴 余 而 忽 風 襲 遠 子 於

其誰哉?

臺 司 是 守 義 必 謂 不 究 也 惟 時 也 口 頓 察 乎 禮 能 協 風 堅 及 ; 心 絶 張 在 E 於黨 附 於 部 日 以 ; 情 以 子 我 之 人之所 協 水 究 身 室 曹 致 致 爲 墻 以 師 天 斯 漿 心 致 附 閣 者 甲 情 慎 首 梅 孝 子 者 可 棺 不 愛 矣 者 不 崖 稱 哉 而 不 格 禮 貞 乎 ; 下 先 \equiv 是子 參 行 是 易 必 於鳥 必 茹 ? 生 年 是 百 子 稽 無 其 能 誠 吉 是 毒 人,而 敦 之孝 人 故 辱 而 夫 必 始 於 獸 故 啣 學 周 其 於 用 信 部 如 世 不 卹 好 去 上 斯 日 師 執 情 層 肖 曹 口 蓋 間 其 甘 之 口 也 親 教 者 殆 峰 其 謂 嘗 総 於 覈 就 則 郡 者 思 之 之 盡 孝 師 其 覈 其 用 也 , 苦 審 縣 必永, 非 孝 喪 弟 愴 爲 終 情 實 堅志 親 不 上 上 於 也 耶 也 惻 不 作 準 也 於 者 以 口 臺 ? 倍 之言 臺 之 永 經 者 攀 所 足 謂 致 口 察。 者, 察 比 制 斯 不 跡 不 哀 號 由

子 樹 而 而 之 有 刑 有 風 徵 仲 廣 聲 昆 者 焉 之 也 者 義 甲 可, 乃 午 惟 命 皇 春 以 有 正 頌 司 : 而 鼎 出 忘 俞 第 帑 規 哉 落 金 耶 ! 成 表 可 厥 余 以 宅 於 風 里, 張 遠

層 上 上 而 而 與 己 前 峰 \Box 者 哉 天 蓋 察 欲 子 當 ? 孝 者 民 廉 之所以 蓋 何 德 蓋 之 如 將 之 循 名 永 以 歸 名 嘉之者, 起 終 作 於 而 於 뻬 邑 厚 責 漢 報 人 也。 之實 命 漢 贵 而 哉 風 徒 今 庭 ? 布 之 爲 有 天 其 制 下 層 司 峰 之 極 也 不 所 於 人 爲 以 民 舉

毁 全 E 不 也 也 傷 順 M 疚 牛 誠 平 是 夫 而 之,全 未 故 身 親 狍 己 能 不 層 云 耶 能 者 口 峰 ? ∭ 以 而 之 以 自 歸 非 自 於其 爲 茂 如 之,豈 口 多 子 者, 臨 義 者 親 深 襲 而 君 所謂 也 淵 夫 順 而 子 人 古 取 親 之 如 身 之 可 於 有 所 履 體 道 謂 所 以 薄 髮 孝矣, 誠 時 以 冰 不 膚 者 口 無 身 不 也 然 敢 及 成 而

> 之所 勤 磨 於 以 臨 身 以 知 不 負 勵 天 遂 爲 也 萬 而 典 於 子 吾 仞 大 以 以 學 自 郡 全歸 孝 之 獲 期 外 以 惟 縣 寵 也 免 待 明 於 恐 宗 之 ; 命, 於 承 其 善 正 是 而 式 今 黨 親 不 故 作 之 之 戰 H 則 終 負 誠 舉 遺 戰 聖之戒, 焉 層 身慕 於 身 執 峰 我 兢 者 監 以 不 之孝 者 兢 也 父 司 順 古 母 則 負 真 臺 親 夫 或 若 非 於 如 者 察之 墜 余之 日 然 明 師 負 焉 吾 舜 嬰 善 友 後 錫 所 耄 之 兒 之 以 不 而 揚 敢 倦 相 負 誠 所 無 而

雙江聶先生文集卷之三終

雙江聶先生文集卷之四

序二

贈宫輔少湖徐公赴京序

物 信 里 有 蓋 人也,顧好之者鮮矣。 天下之善,自足以 者 容 夫 而 亦 來,蓋 尚 所 ,量之虚也。 難 好善優於天下」,信乎,達者信 乎 謂 其 鼎 優 人也,休休 不 天下 疾 巽 而 之 而 速 裕天下之用,世 君子虚以受人,士之輕 學焉。 耳 也 有 有好之者如 容者 目 予嘗讀《易》, 聰 明 正 亦鮮 位 矣。 虚 凝 固 其 中 命 未 之 口 休休 以 而 嘗 世 達 益 千 革 乏

> 之也 於其 之 心 則 體 中 之 聰 至 生 虚 虚 也; 有 故能 政。 生 所容、 懼 或 目 出 於 以 士止 欲 守 其 有 容 致 體 宗 治,可 所 心,害於 天下之善。 福 社 虚 於千里之外, 不容。 故 主 得 耳 器 能麗 乎? 之 其 有不 者 體 事 一不 尚 天下之明; 虚 故 容而 而 乎 作 日 故 震 讒 虚 於 能 後媢 諂 則 其 達 而 達 面 蔽 事 者 心 諛 嫉 天 害 信 之 之 蔽 下 Ŧi.

競 德 之,得徐子焉 憲,敷教於江 愚 徐 件 主 亥,皇帝 之躁習 而 子 少湖 化焉,革怪誕之變文而返之淳厚, 甫 點 弱 冠 徐 而 選天下之賢 爲 ,掇癸未 子,松之華亭人。予令華 鎮 浙。 ,識者謂馮翼 延 以 平刑 雅 江浙之士,薰徐子温 静,又 鼎 推 輔 魁 量 養儲、 繼 へ 其 餘 之有屬 移黄 以史職 宫 能 州 矣。 再核 也。 歷 拾 亭 嘉 抑 恭 蓋 陞 遺 而 時 儲 精 靖 之 文 奔 狂

贵 休 爲 之具,非 養 燕 休之量,又平日 貴 天 下之本,惟 好 也 一人之私 强識 徐 子 才藝之貴 好 有 善 相 儲 本 與 養之具 乎 ()惟好 有 天 事 常 焉 善以 者勝之。 者喜 而 學 充其 而 以 不 量 充 儲 寐 其 之 養

之義 將冀 受學 重 而 易 徐 其 子 於 經師 以 子之行 素 有 堅 子 不 也 其 言 左序、楊道 以 所 肅諸 以 翼 好 子 之也 生謁 爲 慎 南、齊啓和、陳文禄 無 辱 0 予爲 惑 子 適 於 故 亦 贈 强 推 以 文,以徐子嘗 識 書 易 才 來 藝之學 學 辭 乘 若 輩 承

贈 郡 推 許 古泉 考 績 序

世 夫 之所 天 下 昔 豊庸 謂 人 賢 云 人之所能 人才士也。世所謂賢人才士 天天下 本 擾 無 哉? 事 庸 擾 人擾之也。」 天下者,皆

> 思欲 之未已也 蓋 以 日 也 顧 騷 者 者,以其能 皆世之賢 矣,是故天下之事 之所 不 語 固 然多事 已先得之矣 其 足以 治 與 宜 自 以 也。 民 負 前 休 擾 安天下, 予嘗考古 人 大 也過 詎 息,非 天下者,卒皆不 必 才 時 民 謂 盡 士爲 始 高 制 我 解 又從 治 有 得 心 而 今治 有 而 之也 囂 ,而天下賴之以 夫 同 其 更 所屬 而 然 安静 然, 疾世 張 亂之機 擾之,是謂之庸 喪 之, 不不 如 免 其 所 悃 憤 古泉許 夫 樂生之心者 貴 幅 於 盡 時 及 庸 於賢且 之士未可 是 解 也 人之過 追 安。今 乎 亦 而 子者 悔 天 更 已 才 張 下 久 平

電 前 者 嚚 弗 微吉 監 訟 章 故 司、臺察之考於理刑之官 古泉 不 習 列 許子 之器 郡 流 徒、 理 以 刑 也 理 之官 斬 威威 刑 領 絞 不 惟 除 日 湯 吉 於 報 火 爲 吾 弗 也,亦必以能 於 吉 兩 逞, E 授 功 明 吉 弗著 不 習 理 雷 素 刑

之考。 其 卒 所 也 電 子 能 以 枉 也 耳 爲 無 官 此 是 託 之庭 ; 有 民 之 達 要 賢 E 則 擾 也 數者爲 許 寧 明 乃 擾 者 E 矣。 人才士 所 也 者 失不 免 子 亦 德 託 日 即 也 也 無 矣, 夫 愚 孰 極 爲 賢 夫 雖 湯火之擾 號於 況 離 乎? 力 乃 民 經之爲 不 況 威 以 是 也。 許 備 理 析 免 欲 才士 兩 故 , 理 慘殘 數者 上,以求 刑 愚 子 夫 爲 理 吉民 理 用 刑 不 之見 貴, 之外之官 於 震 賢 刑 刑 得 晦 於於 也 湯 驚 人才 而 以 理 之冤 平 不 爲 愚 而 獨 吉 火 民 是 ; 理 求 刑 ? 擾 於 明 賢 不 之 無 民 平 免 1: 者 於 不 有 文 人才士 出 況 又 逞 愚 之 文 而 夫 許 平 忝 知 九 不 致 此 皆 於雷 理 九 致 焦 世 ? 命 邑 E 於 子之庭 辨 無 許 刑 邑 之 不 ; 將 賢 之 爛 則 吁 辜、 子 之 辜 情 哲 電 則 之 有 責 民 將 人 同 民 之 之 擾 外 才 有 自 愚 不 備 命 無 冤 不 章 心 命 擾 許 不 表 人 得 之 之 勝 有 雷 理 士 如

> 精 而 可 德 以格 平 ? 天,求吉民之無 同 心 之利 可 治 以 不 斷 可 金 得 彻 德 之

之。 郡 拔 良。 是 嘗 承 漢 所 逞 守 時 之 許 望 不 若 宣 下 或 弗 則 也 政 兹 便 署 **令**, 謂 子 丕 中 兹 章 天 於 變, 耶 當 許 其 及 吾 興 下 百 賢 弗 有 7 所 邑 去 理 惟 責 總 優 人 著 獻 不 願 也 也 刑 萃 潁 覈 之 才士 績 在 欲 猶 縮 111 耳 嚴 也 民 潁 行 而 事 之 守 費 繩 之外 戀 矣, 111 不 不 理 不 而 獨 裕 戀 後 擾 以 可 擾 刑 況 贵 以 力 平. 若 者 得 精 優 也 於 無 寬 宜 嬰 者 順 之 武 守 又安 識 和 優 兒 肾次 許 平 飭 比 俗 若 今之治 不 之 脱 吏 子 及 宜 擾 知 令耶 也 慈 拔 民 首 第 蓋 不 年 13: 不 則 體 稱 罷 其 許 外 ?

屈 C 乃 許 挾其 子 積 (藝戰 學 敦行 於京師 少 負 取 雋 四 名 千人第 爲 有 口 所 .如

變

吉

循

而

時

昔

率

行

前

弗

子

而

賞 許 解 探 諸 子 爲 之 今 媚 囊 優 見 世 於 許 其 軟 爲 子 爲 熟 政 來 人 之 古 也 態 則 淡 將 哌 直 迓 爲 易 而 在 亦 喜 朝 類 日 諸 : 其 名 爲 吾 公 政 古 所 稱 知 不

也。 贈 吴 ル 許 子 郡 槐 子 獲 伯 諸 諱 竹 交 君 墟 許 子 卿 屠 子 字某 重 公 頗 偕 許 知 其 子 小古泉: 僚 其 之 徐 大 行 其 貞 義 責 别 齋 有 號 子 麥 云 不 爲 東 敢 文 軒 辭 以

送王惟中歸泉州序

騐其 提 童 真 不 不學 愛敬 屬 何 中 知 今天下 哉? 之所 覺 之言 不 慮 而 從 有 良 而 世 知 事 知 失 常 故 愛 於 者 之 以 日 知 良 也 知 未 敬 知 覺 發 親 之學者 孟 求 之 是 親 之, 子 中 蓋 日 備 蓋 即 乃 : 也 寖 其 不 物 孩 得 以 所 敬 敦 提 於 失 發 長 化 之 以 孩 其

> 者 不 爲 爲 羞 無 可 義 同 益 病 工 本 乎 惡 也 前 哉? 夫。 ___ 己 體 舍之。 而 ; 初 失之於外 義 稿 其 以 非 之端 今夫以 苗 流 知 指 是三人者 之弊 覺 愛 爲 敬 高 愛敬 而 本 爲 淺 虚 遂 也 體 良 者 爲 陋 以 猖 知 遺 者 良 惻 间 也 狂 棄 恣 知 隱 將 荒 情 簡 羞 以 削 猶 謬 惡 曠 玩 不 將 意 爲 日 學 其 以 以 受 拘 不 知 惻 耘 覺 爲 迫 慮 隱 病

之至 未 外 精 以 下 見 知 知 發 也 爲 也 實 豫 之中 非 者 也 覺 内 吾 先 先天 外 爲 以 挈 師 内 子 之辨 良 知 陽 以 以 之所 而 知 覺 利 明 示 而 發 者 者 子 易 人 平. 謂 天 斯 亦 聞 外 恫 弗 非 外 内 不 疏 見 天 也 外 違 内 也 謂 矣 下 也 世 也 均 其 於 外外 以 ; 知 之 誤 是 聞 致 是 子 發 古 爲 自 而 見 中 故 之 之 外 吾 外 以 爲 爲 所 也 而 致 性 世 知 學 中 謂 和 外 覺 之 而 出 者 内 則 内 今 易 虚 而 焉 學 知 天 罪 亦 靈 不

得 學 逆 覩 乎 後 後 下 而 日 天 已乎 ,其不失之於外鮮矣。 天 料夫後世之將 不聞之意 之也,不曰「致 中庸之學,先天也 而 也 日 奉天 ,是之謂 : 曾子 時 矣。 也 也。 傳 不 陽 知 以 學不 之子 知一而 止 奉 知 明 覺 天 子 而 ; 慮 思 定 時行,感 物格 爲 會曾子、子 憂深慮遠,爲 日 乃若 未之或 良 「致良 蓋已先 知 而 是, 加 後 而 知 知 知致者 其 思 格 得 遂 也 之 物 蓋 乎 有 説 通 不 之 之 意 異 故 E 天

乎父兄

乎?

仲 無 日 之有 藩 也 氏 遺 相 携其 相 與 學行 慮 遵 歸 率 矣 淬 巖 以 仲氏 索 礪 王子,泉人也,由 者 省 言 再 乎 其 於予 惟 期 良 某 親 中 月 知 某 俱 以 之學,其 乃 等,得七人,優以 諸 而 子 復 生 教之。 嘗代罪 拜 念 Ш 命 其 所 東 中 别 學 以 已 八閩 州 之 乃 淑 憲晉參 當 擇 行 其 廪 於 有 子 諸 將 餼 Ŧ 贈 遣 弟 江 生

> 拳拳 聞 生有 也 ,其思所以 學 大大不 也 一日之分, 一, 因 幸 述 無 所 不 見 負乎父兄乎,其思所 賢父兄。若 而 以質之。 遵 巖 以 同聲之求 王生 人之生,不 則 以 幸 辱 不負 之幸 幸 子 蓋 不

贈新參李南橋吉行序

李子 之守 公論 顧 南 以 然於吉未嘗不 宣 參 後 德 ,松滋之伍 之在 變例 凡 始 遷 以 或 + 而 前 朝 天下者未 蓋 有二人,率以 郡 去者 成 謂 於 守 典 之小 征 其賢、不於其 六年 前 也 凡 逆 最 報 轉。 此 盡 淹 余 績 E 未 誣 也。 自 \equiv 兩 功 有 惟 也 省 年 考 錢 有 乃 用 資,余於是 轉 事 者 唐 之, 不六年、 薦 來 遷 臬 之張 親 補 副 藩 自今 江 岳 擢 此 記 泉 長 而 南 參 成 吾 使 參 年 橋 吉 知 河 化

子 頌 也 志 子 抗 頌 1,旬 父父 於監 留 乃 曩 母 父 如 如 H 不 察院 庚 去,吾 郡 老子 不 郡 謂 子 校 得 父 其 春 生。 老 監 抗 弟 屬 正 子 於 察 也 譁 從 監察 是 弟 古 監 之 然 謂 郡 ; 怔 去 察 諠 郡 動 郡 父 怔 按 劇 於 謂 老 大 不 E 吉 而 子 是 夫 無 解 郡 才 嗔 降 1: 故 弟 校 縮 李 禮 李 已 奪 相 牛 李 子 V V 吾 子 率 手 子 相 禮 相 父 有 求 頌 率 本 13: 去 李 李 貌

调 賴 簡 貴 學 子 自 所 之。 言 永 長 忠 到 知 辱 豐 實 學。 也。 時 蓋 子 王 顧 藩 無聲光 有得於 校 於 子 責 故 參在 余 文之暇 Ш 其 然 之 聞 爲 中 以 余 李 菴 口 老 吉也 趨 言 子 王 人,而 末 氏 承 從 子 及 之 亦 差 E 應 以 甘 郡 嘗 無 休 學 辨 泉 守 口 爲 縣 咨 憲 目 息安養 土從 子 給 事 治 舜 余 游 前 而 於 澤 友 尚 爛 余 嘗 草 之政 蘇 東 而 熳, 躬 曰 廬 廓 其 介 子 罶 民 學 書 洲 誠 子 嘗 間 寔 清 之 1: 余 視 非

> 世 問 成 以 百 子 年 知 哉 平 流 竊 民 日 ? 」蘇 之。 於荷 之淹 ? 有 喜 人 己 不 : 惟 如 終一, 擾, 覲 也 而 龍 乃 治 其 之者 下 0 11: 將 歎 還 之見 效。 子 能 貴 惟 此 而 日 余於 老 席 不 日 畜 吾 知 則化 不 率 : 「六龍 氏 之以 免 未 吉 體 學 振 勦 孔 是 於 之 温 爲 其 宜 不 夫 竊 子 所 常 寬 馬 然 而 今 然 必 舊 御 贵 爲 道 格 以 之貞 而 蜀 天 天, 同 家 説 李 以 其 而 賢 耳 事 參 下 之 身 子 然 而 反 不 萬 惟 之 之治 日 不 狥 喜 爲 廢 辛 ! 時 檄 或 其 晦 或 究 當 人 \mathbb{H} 也 咸 用 至 而 世 鎮 從 ,學之者 者 路 也 暮 不 寧」, ; 矣 X 古 之 哉 王 春 所 禮 E 用 慮 以 未 事 抑 失 聖 嘗 嚴 夫 不 余 13 静 之 每 李 乏 急 必 而 無 X 何 而

民 簡 虞 南 而 虞,其 橋 知 子 阳 克 去 親 # 也 下 其 思 以 學 之 獲 , 而 1 含 貌 章 是 貌 守 故 訥 其 乾 政 坤 質 悶 真 悶 若

其

渝

以 僅 子 量 京 與 爲 功 驗 俗 不 曹 李 知 月 口 言 子 己,索言 而 郎 而 别 哉 也 陞 概 虔 乃 之以 李子 州 以 悵 魏 守 贈 令某 悵 大道 古 9 然 楚 起 余固 如 以 之真 人 補 失 屬 吉 授 論 所 吏 州 蘭 其 依 奉 也 溪 事 約 超 以余 **令**, 與 東 遷 是 學, 今 歷 辱 贵 唐 職 南 Ħ. 李 旋 口

贈黄明山赴召序

云

南

橋

其

號

也

縣 之 萃 則 由 由 **\$** 而 百 賢 賢 事 起 豫 知 責 科 科 或 其 吾 縣 有 朝 而 統 賢 内 治 設 補 **\$** 六 天 也 之 而 行 官 曹 者 重 恒 起 下 起 習 + 者 起 臺 贵 而 生 諫, 九 而 責 難 非 民 補 也 之 能 令甲 臺 休 之, 以 者 諫 維 戚 耳 ? 意 伙 缺 丝 之原,蓋 H 是 世 亦 嘉 選 風 故 有 靖 諸 紀之司 意 補 由 庚 縣 賢 嘗 以 之 子 **令**, 科 試 不 **\$**

> 言 失 也 邑 蒲 侯 於子,子於 天 黄 溪梅 子 君 適 以 派 以 治 是 謂 第 行 無 而 爲 口 以 人 江 以 慰 召 南 觀 其 之, 皇 第 政 矣。 皇也 民 皇 例 乃 皇 得 報 率 如 有 於 而 所 廷

非 百 是 思 裕 簡 而 期 和 思 三代之民,過矣 願 里 年 作 以 而 和 愛 留 之 宣 口 侯之政,有 而 作 而 豐。 之,皇皇 頌 以 力, 頌 頌 强 作 觀 威 天 懾 民界之,不 謂 民 力宣 以 矣。 而 侯 子 君 焉 威 懾 爲 而 以 子 如 威 强 侯 民 逸 侯 之 有 嘗 之 再 作 非 道 明 逸 所 試 父 畏。 期 白 几 以 作 失 政 13: 而 里 焉 思 理 之 於 非 頌 畏 : ; 乃 信 作 才 耶 廉 而 財 謂 陽 ? 愛 以 今之 公頁 也 而 豐 作 以 亦 愛 理 裕 財 示 民 之 於 而

之家 道 學之而 法 君 故 子之仕,行 分定 正 己 以 故 其 格 也 物 學 也 侯 例 嘗 以 學 受學 視 道 民 愛 於 如 先 傷 師 孔 無 - 陽 氏

八四

明子 厲 侯 謂 傳 得 誠 而 嘗 焉 惻 學之者 而 陋 而 隱 使 怛 周 良 鼓 以 當 知 其 明 爲 起 路 程 之 覺 雄 意 憂 蒙 以 教 誕 自 也 於 下 深 之 其 故故 然 知 抑 之宋 (習聞 曾 説 覺 講 書以復梅 以 學 儒 恣 有 矣 誑 之名 爲 情 一息之不 乎 世,甚者 不 於 ? 丞, 足 冥妄,未 誰 與, 良知 爲 且 毁 愛 以 與 调 者 若 經 侯 歟 耶 始 共 ? 真 所 畔 有 ?

年 姚 云 人 也 侯 名 中 齊 嘉 賢 靖 字字 + 兀 汝 年 思 進 别 士 一,於予 號 明 Ш 兄子 浙 爲 之 口 餘

送王石泉輟講歸安成序

成之士,凡 安 成 謂 今天 安 下 成 專 習 獨 經 舉 得 有 子 其宗, 望者 業 專 四方常 決 經 科 之 春 利 聘無 秋 也 **>** 者 虚 咸 故 歲 宗 安

師

以

是

爲教,弟子

以是爲學

聊驅

而

納

諸

罟

獲

能 子 友石泉王子某 舍,至相 年,兹歲晏,得 率謁予 亦亦 辭 言 諸 以 以 生 贈 望 以 應 歸 聘 至 諸 永 生 豐 戀 戀 講 授 不

之本 哉 經之 之, 之益 詞 知 也 是 下後世之知 何 要,莫先於 。褒貶 其 ? 乎 褒 比 神 體 本 春 寡矣。 作 貶 子 事 世 一秋》特 即 化 有 經 日 之 以 之傳 者 也 者 權 以 迎 子 明 是 久 求 夫 不假之於外,一 證 有 合 心。 師 經 證 矣 致 非 心 師 之。 不 乎 所 者 其 哉 之 良 者 道 足 謂 主 蓋 不 本 知 權 以 無 ^ 以 良 經 司 及 有 春 也 所 明 則 知 者 經 勸 乎 9 秋 爲 取 之學。 經 學 初 六 懲 此 是 證 > 規 非 以 之不 經 爲 於 惟 證 非 也 取 證 要 窮 假 無 人 天 求 之心 科 馬者 之於 年 也 明 疑 良 心 復 下 聖 第 知 兀 義 之 後 吾 明 人 而 矣,尚 者 也, 之 外 兀 世 是 皆 是 憂 經 善 化 世 非 有 非 於 天 彻

荒 師 知 世 陷 學 聖 吾 阱 爲 之 人 禍 石 機 泉 傳 中 責 經 子之不 也 者 而 之意 ,聖人傳經之意 莫知之辟 也 而 能 以以 謂 爲 媚 其 也 則是 世 忍 爲 蓋 於 不 六 禍 石 媚 幾於荒 經者,乃 泉 賊 世 之機 以以 爲 禍 身 乎 賊 明 子 ? 賊

也

耶

觀 於内 之於外,於是乎求之於 不 褒吾 不 而 非 非 子 六 之本心不假之外也 也 比 師 前 經 事 心 也,今見 生 子 未嘗 亦天下之公非也。」 皆 之是 嘗 以 以 是 質諸 明 徵 註 非 不 聖人之貶 其 脚 也 其 屬 之本 亦 爲 也, 生 H 詞 學矣: 返 以 體 以 是 天下 探 裹矣,故其學也慤 復 明 猶 也 其爲 聖人 矣。 内 諸 之公是 知 往 前 諸 是 生之言 也。 宋 之褒 教矣,諸 是 生 非 日 生某者,夸 非 於 於 之本 是 也 之本 也 是 是 貶 也 ; 乎 心 乎 吾 亦 而 生 體 求 又 不 知 未 心 日 \Box 復 嘗 往 而 之 假 是 之 嘗 是 :

> 以 見 故 劉 生之戀 而 良 收 其 其 生某 知之學 學 放 日 戀不 者 也 確 充 約),
> 涣 拓 以鎮浮 能 真 矣,故其學 往徐 而 忘 足以 不檢也,今見 於 生祜 立 是 師 也 也 者 而 乎 廓 耶 見 植 拘 善 其 石 廓 而 泉 日 也 以 不 之 廣 繩 弘 宜 也,今 善 溢 尺 乎諸 約

善人多 之 師 義 道 前 大矣哉 子 善善 故曰 且 慶吾! 人 : 多 經 邑 子 則 學 善人之日 以 朝 明 是 廷 則 頌 IE. 師 吾 而 道 多 石 天 7 也 泉 下 子 治 師 之 道 能 立 良 V. 知 則

情

於

去

送李子歸 寧都序

之而 有 往 本也,益 來 論 未 予 學。 嘗 面 也 聞 奇之。 乃 賴 論學 、李二子 一子 本 嘉靖 性,予 以 之 戊戌冬十月望,二子 子 交 有 於 有 志 是 於 古 而 道 道 知 嘗 焉 其 學 致 子 之 書

矣,不 情 學,交臂以 子 功 益 善 藴 出 有 之功 是 「輔仁, 其 浹 疆 賴 调 謂 無 其 載 焉 相 閉 規 論 贄 於二子 賴 有 門 通 调 議 枉 子 誺 予草堂 絶 通 遂 純 韋 忧 交, 足 財 謹 於 絃 ? 徴焉。 ,古人之交不見於天 悟 是 相 廓 自 邑士人 益 淹 濟 而 是 而 復 奇 留 李子 大 居 繼聞 合, 之 數 之 遊 而 月 豪 以 約 百 倡 0 先 益 方 補 金 邁 師 子 篤 於 不 不 好 探 良 及 範 羈 惡 下 蓋 知 其 之 李 蚤 久 口 惟 責 神

之乍 於 也 而 類 其 而 其 京寂 外 以 根 二子 此 間 見 性 意 夫人 然 之見, 念 哉 其 愛 致 不 流 生 敬 不 知 動 轉 而 宗旨 以 於 是 是 乃 爲 静 孩 習 故 也 深 不 妙 提 知 也 求 有 用 之 感 覩 爲 怵 契 格 不 不 而 良 惻 於 而 慮 聞 遂 物 世 者將 知 愚 之特 曾曾 者 之學卒爲 通 者 戒 鮮 之慮。 求之於 謹 怵 何 矣。 於 恐 纖 惻 聞 懼 毫 於 義 見 蓋 人 以 襲。 者 井 力 井 静 學 歸

> 愛敬 之乍 定,天下之能事 未發 者將 見 中 乎,抑 求之也? 求之之於孩提之不慮乎 求 -以 矣 復吾不忍人之心 獨 1 觀 萬 化之原 • 乎 知 抑 ? 止 於 純 求 而

八六

躬。 敬 於 是 泥 得 情 慈 深 知 李子 其 地 爲 塗 子 吾聖學之一 爲 不 有 出出 者 信其 親 之中 上 孝,於是 大。 恨 明 早喪 者 皆 於 之故 形 -,全骨 見之不謬也 吾祖 子 無 如 勢 厥 故 究 復 吾 班 次之之微 而 考, 之兆, 意 有 肉 李 後 乎?」乃 餘 於 子 於 謂 知 憾 焉 知 景 毒 體 俯 詮 愀 矣 ? 學 蟲 純 魄 察 然 之 H 携 喟 之 而 託 則 不 啓 學 然 口 以 後 安 諸 孝 樂, 友 穷 歷 歎 知 得 子 則 庸 出出 觀 若 日 慈 世 出出 學 有 師 丘 孫 之 明 之 親 恫 比 悟 離 察 之 功 戚 在 其 於 之

興

爲

之

而

性

亦

不

愛

理

故

於

於

之吉 所 諱 稱 作 之 元 「順以 爲 日 李子 以 善長 諱 害之也。 異 寧 經 都 也。」 别 綸 有二蒙焉 字字 號 順巽云者, 蒙巖。 予感二蒙之益 成 甫 ° _ _ < 别 同 易》 志 號 順 之 蒙 其 Ě 相 泉 ,故以蒙 本 : 知 體 童 者 賴 無 成 子

送王樗菴獻績之京序

吉之義

勗之焉

乙未 野 教 侯者 者 辱予,意 顧 進士 年, 先 嘉 於 靖己 生 鄙 亦 不 得 學 ,於予兄之子 甚 復 淺 以 亥 而 勤 未 來 例 孟 也。 有 其 有 獻 秋 見 以 績 時枉 將 宜 宜 復 樗 於 静 何 菴 朝 也 以 Ш 爲 侯 王 居, 爲 同 嘗 功 侯 年 贈 師 明 狀 類 況 哉? 少宗 嘗 之 刑 最 以 於 以 伯 吾 學 道 侯 有 涇 爲 義 舉 如 吉

夫學貴於有見,而亦病於有見,見而自

子 罪 撰 次 惟 無 虚 化 推 以 非 是 應,位育以之,是特 而 謂 以以 訓 戒 無 者 道 無之至者乎? 於 簡 者 虚 也。 之智 而 慎 聖 棄 謂 詁 不 無 爲 理 足 通神 之,卒 爲 乎 一人,而 襲 爲 格 詆 君子之道 猶 以 者 其 障 式 病 佛老而忌言之。 義 病 明之德,以 智 是 所 與 以 雖 傳 世 佛 未 不 妄, 仁 求 狥 Ŧi. 訛 常 老 爲 極 覩 者 尺童子亦然 其 反 雖 虚 以 哉 虚 毫釐之差耳。 非 見 自 其 而 恐 虚 倫 中 道 之 爲 類 私 0 所 直 懼 無 理 前 佛 無 謂 萬 自 至 乎 罪 感 惟 老 我 無 虚 物 謂 利之見 之,過 其 應 并 之徒 而 之 前 無 以 爲 所 亦 虚 方, 情, 者 者 君子之道 不聞 體 智者 今之 在 無 所 矣。 功 此 天 廓 所 之 生 而 硜 鄙 利 化 見之 薄 然 所 世 地 硜 其 不 其 君 之 常 之 而 然 順 非 得 生 虚 屑

● 「無」,乾隆本作「鳥」。

以 以 適 如 之優 盡 ? 以 其 籍 至 長 其 乃 哉 下 訕 冰 可 蘖 儒 也 之 之 操 口 而 品 也 明 品 動 侯 之才 郡 之 之 高 操 正 明 縱 大 以 悪足 之情 爲 何

送彭山季子擢長沙序

南 重 城 季 子 彭 樓 之行 Ш 季 也 子 由 相 吉 與 派 類 擢 聚 長 於 郡 沙 城 守 吉 餞 季 大 子 夫 於 +

壟 觀 戚 別门 怨哉 畏威 政 戚 黄 故 者於 或 不 威 則 其 問問 。」或 能 怨言 政 其 世 以 尚 怨 日 季子 善 讀 嚴 觀 : 威 作 治 以 人 故 之 怨 ; 不 禁 亦 政 百 怨 者 怨 暴 有 度 何 在 於 不 暴 怨之 貞 如 其 小 足 ? 人, 人。 禁 以 君 子 何 雖張 而 觀 怨 子 也 日 不 政 懷 在 . 得 湯 彻 君 德 猶 肆 季 子 足 故 則 子 : 1

嚴 於 謂 惕 代 足 焉 其 其 狃 亦 故 乎 故 以 日 和 治 器 者 於 以 懷 以 天 學 用 惟 政 事 相 救 百 滯 惟 資 之 貞 莫 之 九 夫 下 也 則 ; 尋 亂 之弊 乾 、天之 作 然 之士 其 ; 嘗 政 意 久 要 於 而 於 龍 也 之 者 健 聞 於 流 健 於 作 無 自 也 器 非 變 之矣。 各 其 於 辨 所 忘 夫 也 形 而 是惡 則 則 惕 天 事 學 意 便 好 鄉 彻 以 也 雜 也 健 而 則 乎 耳 惡 愿 其 害於其 以 不 怨 德 故 足 所 ?? 季子 戒 子 之 之 資 不 氣 之久 足 以語 曰 : 也 懼 以 季 不 公 學 之近 惕 質 以 不 學《易》 運 泯 子 能 行 政 則 者 神 _ 惕 季子之學哉?」 覩 平. 流 生 剛 詳 前 而 不 者 其 : 德 惕 於 學 於 蓋 變,不 恐 而 爲 變。 季 和 天下 意 是 也。 而 也 懼 其 子 言 尚 學 口 或 性 見 有 心,害 之 學也 嚴 之 不 變則 日 之禍 學 所 變 顧 非 得 聞 政 政 : 得 湖! 則 而 其 惕 以 於 化 作 治 達 乾 與 滯 不 無 於 亂 而

敕法於閩之上郡 季子 與 子 同 舉 正 尋 德 以治 <u>+</u> 行徵 年 進 爲 天 其 下 第 試

也

陽。 移 違 何,復以黨禍 以 也。 追 已乃量移信州,移 授監察御 時 沉 晦 好 轗 ,然怨者之私 謪 史甫三月,讜犯 軻 判 辰 奇節益壯,不復 州。吉之丞,又自 蘇州 不 遷儀 足 不 以 韙 勝 能 意寫簿 部 懷 改 郎 者之 廢 辰 依 州 無 揭

畜

極

而

通,長

沙之擢非

人所能

也

賴。 規 子,其在 予何言哉? 用九之學,子之惕於潛 季子,且 季子别 雜 寬居 以 \mathbb{H} 以 氣 之 ,執予手曰:「何以 解 質, 龍 仁 或 乎? 行,惕之善變也。 人之 無 流 長沙之民,惟 難 於意見」,予 爲 贈?」曰: 今見 古 父 且躍 以 母 是 季 是

陰人,予師陽明先生高弟也。 季子諱本,字明德,别號彭山,浙之山

贈廬陵邑博江子膺獎序

史得 兼之者之爲難,是故哲而當之所尤以 重而 己 今之才,非文學、政 不勝其 惟哲惟當,則禮者一人,而風之所及者蓋 以代之以風天下,權亦重矣。 禮賢、飭不才,彝典也,惟天子主之,惟御 一也。 然才之難,豈惟 事 兼 而 有者之謂 今爲 知其 乎? 難 然哉 也。 權之 惟

才 ? 振 狩江 文矣,喟然歎曰:「其科 陵 謬 學 諭江子汜 藩,及期會諸 嘉靖丁酉,八閩 矣! 才惡乎徵? 子 其選。 聞 御 邑之領教事者禮之,乃 而 史之 驅 世 夫學諭 山陳君裦,代天子 恒 按吉 第之遺 微 乎科 卑官 也 一嘗試 乎?」是宜 第之 也 之 振 惡 以 不 平 廬 洲

❶ 「雜」上,康熙本有「无」字,宜從

耶 乎 民 也 也 廬 御 不 陵 史其 乃彰 於是 Ŧi. 風 是 月 士 乎 哲 故 善 邑之 而 彬 此 且 御 癉 馴 動 彬 當 惡 史 1: 雅 乎 才 乎 又 法 ? 民 飭 之, 彼 歎 敕 咸 世 真真 謂 日 而 乃 欣 : 江 令烈, 足以 選 又 欣 子 其 嘗 而 然 爲 勸 漢 禮 試 走 是 今之兼 百 庭 之 宜 政 以 世 之 以 於 永 慶 老 豐 吾 才 勸 之 非 吏 豐 百 :

之心 莫 子 不 m 先 後 藝 周 於 生 可 雖 如 公乎 禮樂。 然 以 雖 冉 成 以 智 求 ? 人。 周 如 斯 非 故曰 公之才之美已 武 蓋 須 才 仲, : 文之以 不 平 不 一才 敬 ? 欲如 不 須 然 禮 和 學 必 樂者 公綽 無 世 則 文之以 足 慢 學 觀 易 勇 況 也 驕 禮 如 萬 吝 學 樂 莊

作 美 亦 以 而 其 才 江 序 才之 優。 子 以 口 鼎 蓋 進 嘗 盛 之年 問 而 學 古 挾 於 也 子 之 用 子 以 以 答 嚮 故 士 勗 往 民 之 之 志 之 以 學, 徵 質

之,難

是不

難

也,不

善

推

其

所

贈 項 監 察 擢 兀 JII 布 政 使 司 左 議 序

以 政 爲 使 監 華 司 察 左 御 參 史 議 項 君 時 廷. 西 吉 蜀 者 多 以 故 才 慎 望 擇 擢 而 几 使 111

布

人

於權 也。 之 雷 權 矣。」 參 究 能 比 職 震 不 與 子子 乃 專 君 也 項 矣!」予 使 而 斯 謂 訝 君 才 也 亂 同 民 日 承 監 日 有 行 之,可 臣賊 責 : 相 : 流 察 所 有 有 安 宣 口 不 自 子禁其 惡 日 : 得 化 於 乎 推 逮 得 其 矣, 雲行 爲 ? 無 而 比 所 與 時 事 參 欲 彼 乃 而 爲 不 有 之,不 之 而 而 正 同 問 監 得 所 天 之耶 雨 己 不 爲, 子 察 不 者 施 得 格 撓 者 通 人 ? 肆 物 於 藩 使 參之, 者, 有 何 勢分 比 使 澤 勢 Ш 能 以 之 則 惠 御 壓 職 不 足 爲 同 奪 下 中 而 而

後 諸 持 爲 禮 史 詠 由 以 善 也 運 於 爲 m 當 也 翼 所 之爲 推 勢 \Box 大 名 也 者 龜 求 爾 體 能 成 御 則 學 難 1 教於 休 可 自 史 拘, 不 也 敗 至 於 謙 神 平 日 泥 爾 任 臨 足以 聲 也 讓 而 : 哉 凡 再 或 薛 學之見其 游 於 大 色 以 未 明 學,教 形 巡 大 ? 跡 是 時 事 廣 不 達 之, 富 夫 遑,才之局 諸 畿 夫則 昔孟: 儒 才,志 決 之可 以 露 所 疆 不 章 甸 官 舉 隨 一之效 才 之中 限 謂 奏, 大 不 大 公綽 也 而 時 爲堯 識 善 於 可 不 疑 可可 也。 鑿 洲 變易 士 9 自 口 推 足 才 恂 於 鑿 齊 優 心 才之狃 論 雄 舜 計 其 御 以 恂 君 學 老 然 魯 附 者 以 史 H 究 夫 所 嘗 然 若 而 於 也 物 從 而 學, 哉 才 爲 肅 率 語 趙、魏 口 非 及 燭 ; 於 賢 ? 道 待 者 者 僚 皆 若 教 勢 浴 其 謂 昭 資 否 者 貞 出 數 不 乃 於 與 是 心 爲 沂 乃 不 世 度 出 君 計 事 卒 御 州 力 風 於 而 爲 學 之 膠 ;

> 之不 遠有 之而 擊 哉 之下 趙 之 也 儒 形 雨 少 魏 ,鼓 罪 此 0 貶 露 而 非亢, 足恃,而學之大者推之有餘 也 所泥、才有 教 所 主 而 老 元 彼 心 施 也 施 參 而 口 氣 御 方 故 監 若 之 於 學之見 史, 訝 也 而 陰 夫子 異 滕 有 察 宣 其 陽 雷 所 此 餘 而 薛 而 萬 作 與 和 學 不 其 霆 激 矣 均 物 用 大 暢 點 通 同 也 大 揚 夫 之爲 之 之 者 而 而 也 也 也 達 則 鬱 雷 不 退 13 0 否之, 生 ; 非 藩 由 口 霆 自 弛 故 其 意 氣 藩 使 測 主 之 疑 求 夫 才 裕 之 而 使 蓋 而 威 其 而 之罪 變 也 優 神 流 即 以 旬 非 不 有 雨 陰 萬 公 才 宣 彻 達 貶 露 也 所 物 陽 綽 保 與 試 拘、 也 張 之 學 箵 以 釐 故 摶 者 何

矣。 光於 則 麻 方 沉 陽 項 沅沅 今天下 默 君 有 江 而 志 語 之變未 於古 多 之以 事 人之學, 西 戢 孔 北 門仕學之 詰 之 兵 虜 自 除 視 患 戎 歉 方 . 要 然, 殷 徵 則 逋 東 沛 韜 括 然 南

九二

率 變 蜀 慮 賦 徵 又 而 部 子 時 不 況 使 言以 出 免 茶 旁 之 於 鹽 午, 贈 也 沂 之 予故 利 膚 几 臺史 之 方 責 剥 述其 囂 之 同 然 是 蜀 鄉 所 雷 者 諸 識 與 霆 尤 子 者 商 切 雨 重 方 確 露 君 者 有 ТÍ 之行, 贈 意 惟 麻 之。 外 君 陽 相 於 之 通

送 大 理 卿 胡 象 出 歸 省 序 0

之升 爲 官 所 樂、於 爲 以 降、 家 體 京 群 朝 是 而 臣 官 習之 廉 父兄 教 孫 凡 汙 之所 之 天下 六 隆 風 載 繋 以 之孝 微 咸 焉 屬 得 忠 望 也 夫 以 孝之行 其 豊 例 子 自 細 請 弟 夫 故 缺 歸 者 士 哉 省 而 大 亦 聖 夫 世 惟 道 是 以 朝

而

也 畿 八 輔 年 至 於 棘 是 兹 卿 大 年 象 夫 先 出 秋 相 是 胡 叛 與 方 君 切 將 汝 欲 名 殲 立 以 畾 而 例 之 曠 師 羞 請 太 律 不 恭 滴 彰 人 敢 虜 9 之 天 寇 以 養 聲 請 人 震 犯 者 議

> 上,下 爲 之 異 是 於 於 大 越 赫 獨 親 牽 致 心 ? 年 時 時 又 月 文 石 不 而 隆 昔 天子 各 ·所司 進 義 其 使 武 H 過 禹 天性 焉 振 水 退 於 彻 敢 遣 諸 C 不 玄 旅 議 無 人 土 犯 邨平 將 之恩 負 人 年 默 拒 惟 平 情 可 所 騎 士 劍 其 於 乃 戰 其 兆 不 之,謁 薄 咸 薄 奠 朝 之 外 室 卷 於 E 時 沮 蓄 喜 厥 野 決 甲 故 天 遠 則 喪 峰 攸 晏 鋭 遁 君 而 子 知 地 平 调 與 居 奔 氣 然, 興 屬文以道 古 西 時 子 ? 其 墨 北 以 時 漢 進 北 北 民 君 門 突 待 也 蓋 之 莫 諸 後 則 無 於 之 而 寇 各 親 義 敢 隘 口 爲 難 是 不 隋 不 宣 也 虜 其 堅 君 以 南 食 力請 人。 黔 大。 擁 其 不 垂 志 向 語 退 絶 乃 衆 涎 所 口 何 矣。 則 裾 值 亦 於 宣 駐 解 以 再

1

⁰ 康 此 熙 篇 本 首 辨 頁 認 底 補 本 足 與 甲 庫 本 均 有 大 面 積 漫 漶 現

口 H 111 以 道 語 之 忠 升 知 降 忠 ± 孝 習之汙 而 後 口 隆 以 繫 語 焉 進 退 之道 故

變, 平 嘉 矣。 擢 章 尋 强 年 譽 章 遷 靖 (禦凛 、太恭人强之出 監 無 如 大 學 至 察御史,奉命 象 藹 復有干 理丞, 是。 酉, 出 南 今 然 蔚 戒 由 畿 民 也 被 序之,以華其行 Z 勿 間 已又遷 以 聿 誣 未進 犯, 談 蓋 私 新 逮詔 乃出 其 胡 兩 者 學 貪 士試 學 御 淮 政 墨 小 凡所 有 史, 獄 卿 望 洲 輒 官 刊 本 風 畿 具 猶 天 識 明 華 舍人,尋 原 咸 甸 疏 子 嘖 罰 拔 擒 故 乞養。 獨 翩 廉 實 嘖 稱 勅 於 翩 而 摇 法 良 持 以 進 解 釋 士 手 風 甫 風 才 退 稱 綬 云。 焉 裁 彻 廷. 不 浦 望

贈周以道分教青陽

教有道乎? 曰學諸己而已矣。學有

道 日 識 乎 吾 ? 心之體 日 求 諸 而 心 E 矣 而 己 矣。 故 求 : 學 心 須 有 先 道 識 乎 ?

體,既識仁體,存久自明。

學 之體 者 無 靈 朋 子 其 孔 動 矣,而 ,性之感也, 之所 學 亦多矣,夫然後 相 子 不 友、●感於夫婦 敬之應,昆弟相感 亡,所 所 同 感 也 夫仁,性 發。 以 而 徒 而 夫 教 後 以 乃 謂 性 天下之事 萬 有 不 有 之 所 靈 感 慈孝之應, 世 識 不 靈 於 於 而 無 致 乎 同 同 爲信、 物 也 萬 窮 心 也, 不 者 而後 蓋 而 物 之體 感 動 宜 後 者 爲别 與 而 於 有 君 嘗 其 有 而 有 慮 至 欲 應 求 友 臣 感 欲 學、 反 以 於 而 諸 而 要 恭 相 物 爲 誤 百 後 不 皆 之 感 欲 而 矣, 易 舛, 物 學 吾 應。 始 神 而 動 所 誤 性 後 故 歸 應 而 昏 而 之 者 得 不 人 即 於 有 父 ,

■ 康熙本「於朋友」前有「感」字,宜補

學也 之慮 裹 定; 定 菴 定; 友 子、夫婦、長 下之爲朋 合 之中,大本之立。 是 日 於是應之父子 通 口 予二 : 羅 明 天下 故 m 不 朋 應之君 子 應之昆 比 艮 塗 四時合序, 友、夫 學 以 蓋 之感 + 莫 知 以 以 應貢 嘗 弗 友、夫婦 逆 止 止 年 殊 教 幼 臣 定, 虚 語 弟 焉 言 謬。 婦 來京 乃 學 諸 而 而 而 朋 應 致 以 咸 不 離 百 止 止 止 歸 友 鬼 而 者定。天下之爲君 之 玅 以 夫 虚 謂 師 群 志 仁 友 慈 者定 也, 神 不 而 天 虚 然 今復 極 與野子 而 敬,天 恭 孝,天下之爲父子 合 未 求 言 下之應, 止 致 索 與天 守 ,教之至也。 有 乎 吉 感 於信、止 天 也 有 居, 心 寂 同起者一年,言 以 下 下 凶,靈之至 以 以 地 之體 篤 靈 爲 - 之爲 之爲 未嘗 道 止 寂 合 之 然者 是 也 言 以 於 者 德 所 悉 昆 君 謂 研 臣 别 聚 子 其 以 惟 猶 弟 臣 日 未 天 寂 一、父 天 也 也 念 者 底 道 弗 故 者 者 月 下 發 以

> 其學 嘗 也 無 以 弗 蓋 學 兹奉 契 爲 吾 默 教 命 焉 無 分 也 而 行 教 意 而 池 已 不 之 傳, 與二三子 青 陽 竊 慶 子 斯 者 大 學 序 之 夫 此 子 不 以 堅 孤

之士 兄,吉、 真、郡 之後,前 友,學務 一,其 以 之世 幕方 道 將 自 進 姓 得,不 有 家 Ш 士 周 聞 也。 郡 州 而 諱 伯古 欲 倅 興 其 禄, 隨 白 者 爲 人口 愚公之仲子 號 湖 乎 人 之弟 羅 廉 吻 Ш 静 爲 簡 别 文 喧 默 駕 忠 寂 貢 益 天 原 士 青 性 Ш 或 陽 之 率

贈曾世瞻分教南海

課 聯 之左券,父兄之所以教、子弟之所以學率 倣 束 升 背 今天下 散、 誦 ,今天下 學校, 程 凡 課 所資 設 倣、 官 以 背 以 取 誦 領 科 教 而 第 己 事 哉 要 富 不 蓋 徒

代 之 外 建 師 是, 學立 即 罰 禁之使 師 之條 之初 弗 而 意 爲 趣 也 之 而 使 莫之禁,又 爲 也 耶 況 疑 有 非 程 昭 督

學,蓋· 不 鄙 欲 課 能 者 貿 言 故 廟 日 倫 謂 之 倣 焉 尊 揭 朝 學 之 非 心、背 焉。」子夏 莫知 此 後 氣 經 夕 日 至 夫 有 孔 萬 世 言 以 儒者之學, 儒 講 彻 見於孔門之學盡 世 誦 子 日 緣 其 習於 聯 學 ; 之習 乎. 斯 舍 以 言 此 所 束 ? 文之宗,使 精 此 爲 初學 由 以 此 經 與 哉 其 教 適 惟 凡 文學名 則 者 要以 俗 所 習 之 之 曰 所 學 詣 以 : 徑 聖 放 或 以 以 明 殊 明 也 人 人 朝 君 盡 亦 心 者,乃謂 爲 倫 倫 科 人 知 盡 學,能 六 之 倫 要矣,曾有 子之道 E 也 密 夫 倫 所 藝之 所不廢 倫 而 耳 ; 斂 教 也 誦 之 希 堂 0 此 其 未 萬 ; 法 聖者 四,丘 註 孔 者 學 驕 廟 世 彻 節 者 明 脚 子 爲 惰 爲 無 ; -也 倫 也 賢 麓 於 未 文 蓋 貿 閣 E 窮

端

乎

?

倍 以 亦 惟 於 利 使 流 師 敬 憂 是 爲 此 契 獣 達 儒 益 精 其 教 洪 爲 爲 乎 之場,而 蹄 矣。 者 水 之訓 務 師 聖 此 朝 猛 徒 鳥 者 倍 獸 以 我皇 教 跡 今之領教 設 使 爲 也 之微 之 以 學之意荒 明 賢 E ; 上 人 道交於中 遡 倫 子 泥 意耶 龍 倫 弟,驅一 夫 之 課 飛 事 堯舜「 功 而 倣 ? 之 者 矣 其 用 或 初 天下奔 背 ! 故 不 所 當 精 誦 舍課 親 復 以 聖 思 昔 _ 以 灑 勞 人有 見於天 者洪 所 走 一之傳 爲 倣 宸 來 以 於 漫之, 背 教 翰 匡 水横 求 富 下 者 直 其 誦 其 揭

久 老 乎 士 世 老、 矣。 ? 曾 瞻 公棨 爲 曾 長 則 又 吾 生 長、 夫 豐 之 其 # 修 瞻 儒 絜矩 裔 系 身 族 領教南海, 孫 出 以 子 於 以 教 是 其 魯國 教於天下 於 其 有 家 家 宗聖 慨 索予言 學 興 於 淵 者 今之 之 讓 源 後 以 以 又 厥 教 教 翼 何 或 有 與 其 於 . 待 朝 所 或 學 行 自 學

之言哉,又何待予之言哉?

贈翰林孔目何元朗之南都序

學,歸 人,鄉 登台 駸 切 十八人中人也。 而 験大 0 咸 教 如吾 輔 知 之, 類教之外,復擇 予嘗令華亭,簿 試 潛 有 有 海 中式 譚道 爲 成,鼎 元 元 濱 臺 朗 朗及其 績 課 者三人, 貢者二人, 夭折 諫 而 然 業 文篤 願 爲 乃元 露 交 季 部 無 俊 書 頭 焉 行 儀 屬 間 稍 朗 角 穎 聲 部郎 寒暑 暇,輒 者得 竟 爲 稱 籍 以 憲臬者 良 何叔皮, + 籍 選 而諸 士 與 稱 有八人, 貢 諸 焉 出 吴 + 俊 士 遊 則 相 中 者 有 故 士 皆 大 今 日 群 劘

翰 謁 林 選 院 來 嘉 靖 孔目去,收宿望 京 癸 師 丑. ,公卿 子 被 折 召 節 也 承乏本 縉 行 紳 兵,而 且 刮 有 目 日 授 元 前 南 朗 索 京 亦

> 言 教復 然,予又安能已於言耶 者 元元 倦惓 朗 聞 噫 之熟矣,言之無 ! 予何言 ? 哉? 乃 凡予之所 贅 平 能 雖

之進,吾又知 然 如哉 子, 法 + 敢 自 忘食,不知老之將至」,孔子之所以 也。 不 盡 求於子臣弟友之間 而 則吾未之有得。」夫行 敢當。 ? 後從 ,亦不能不勉,慥 孔 子 吾 心 曰:「文,莫吾 而 古 焉 又自謂 元 知 朗之前 元 元 朗 朗 歉然不自安也。 其已至,不 之 自 皆 慥 歉 視 日 然 猶 如 然 於 進 未能,於是 人 孔 不 孔 而 也。 能 敢 子 子,至矣, 不已,至 之所 勉 當 躬 爲 於 也 乎不 行 慥 萬 發 至 歉 憤 何 世 慥 而 君

元 星 角 星 O 朗 有 别 異 素 今三十年, 時 二毛。 推 子 衡 **\$** Ш 華 不 文先生,予老友 亭 學 顧 子 便 战 癯 老 髮 然 而 壯 稱 衰 翁 而 也,歸 念之惻 前 元 朗 元 過 方 朗 吴 總 亦

門,爲予道起居,并問兹所云者何如?

贈王學正之宿遷序

之説 惑焉 鑿 者 寂 主 顯 以 知 寂 良 日 後 而 其 然,主前 應 良 感 大 知 太公 説者又 其 者,知 具 用 知 今之講 發 無内 加 知 在 者,虚 知之所及 莫知 也。 無 是 的 也 覺 説 外、 謂 不 本 以前 良 者 而 致 良 靈 所 知 體 無 先 知 則 己 知 之寂 取 也 遠 便 先 而 之學 生 説 者 以 衷。 之 云: 後 致 除 自 爲 後 作惟 夫二説 近 體 之, 而 却 者 義 能 説 感於 君子 渾 知 襲,爲 歸 良 知 則知 感 爲 其 覺 然 風 寂 知 而 禪定,爲 之不 曰 : 説 别 之 以 物 是 致 遂 體者 逐 有 無 矣, 自 通 通 未 而 陽 相 物。 良 感 發之中 後 明 人 知 便 是謂 也 知 偏 有 自 先 聽 若 微 執 0 内 知 能 生 者 體 柄 之 學 無 日 ;

> 發 體 物 功 面 庸》 即 目 而 用 來 要 佛 中 順 領 是 氏 節 原 應 也 之和 數 之『常惺惺』, 體 又 語 與 7 。」又曰 乃《 日 前 而 : 用 録 家 自 未 **>** : 之説 生,有 中 發 亦 隨 正 只 之 或 物 法 是 中, 未 合 而 眼 常 發之中 常 與 格 藏 存 否 他 致 俱 學 本 知 便 具 有 眼 來 之 有

令李 耶 乎 初不 此 ? ? 古 免 友 宿 雲野 持 先 州 邦 有 卷索 師 正 分教雲 牴 子惇 旨 每 牾 書 過 附 也。 處 行 野王子,先 省 有 此 己 齊, 實 幾 以答之。 甚 際 晦 劇 相 贵 而 譚 協 生 良 復 隋 高 喟 知 X 明 弟 之學。 説 然 其 與 妍 歎 有 媸 青 待 其 \mathbb{H}

贈江元山令新寧序

元山子除新寧令,以予嘗令華亭,請所

九七

者當自

得

之。

天 蓋 以 盡 之 方 焉 天 爲 降 耳 牛 下 才 之 之 靈 利 爾 之 方 殊 病 命 哉 係 脉 子 守 所 歎 令之賢 寄 \Box 由 : 於 然令之賢 **\$** 學 否, 之 不 學、心之盡 職 百 責 重 不 攸 以 賢 萃 哉 贵 不 而 1

於 殘 體 非 此 内 而 心 本 歟 嗷 其 忍、 無 之量 體 兀 蔽 嗷 政 資辛 發 者 夫 貪 於 讓 無 之 心 而 然 昧 而 之 貪 不 異 蔽 如 民 昧 心 侮 善 於 蹈 之 此 也 慢、 ; 欲 湯 而 而 命 自 蔽 而 無 火、 有不 昏 於 其 於 蔽 有 羞 濁 是 所 昏 無 於 惻 恶 善者 乎 几 發 濯 駐 殘 隱 之心 者 者 始 學工 足 忍, 而 不 言 羞 之 作 無 ; 堪 不 之 惡 而 地 於 蔽 是 矣。 無 足 也 者 其 爵辛 非 於 惻 以 心 之 侮 讓 非 今 隱 充 心 心 慢 海 之 以 害 本 之 是

信 昔 不 子 能 使 漆 自 信 雕 開 其 仕 心 之 開 惻 日 隱 : 羞 吾 惡 斯 辭 未 讓 能

之邦 之, 邑, 端 也 敬 之 讓 後 耳 學 是 立 知 也 小 而 其 天下 之介 鑑 天 天 0 也 未 也 夫 非 敬 介 而 蓋 下 學 行矣,尚 子 故 而 如 以 於 於 愛 後 而 欲 未 子 之命 後 日 無 而 火 \$ 沧 後 道 Ш 也 而 進 : 可 路 燃 未 之 學 也 · 是 路 虚 後 子 海 君 井 以 不 能 何 何 泉 而 誕 暮 無 之 羔 明 子 是 盡 達 謂 之 新 有 仕 達 之 夜 嘑 學 間 於 以 故 夫 君 天 而 ? 孺 之足 寧之足 之 食 詞 道 學 是 照 子之 學 下 使 子 子 民 之, 塞 之 金 新 則 賊 以 之 子 説 ; 以信 以 易 遠 殍 之也。 愛 盛 道 隱 羔 學 充 之, 慮 廉 保 與 是 夫 在 ; 人 愛 几 夫 爲 耶 以 以 几 爲 學 夫 説 故 ; 廣 惻 宰 裕 盡 海 學 開 充 夫子 蜀 父 以 其 人 州 明 隱 之 心 夫 之 子 母 以 而 爲 充 巾 心 方 之量 則 羞 未 愛 之 充 羔 雖 創 夫 後 之 志 皇 廉 知 信 悪 惡 全 以 夫 質 緧 制 是 口 皇 不 也 貊 撫 新 德 非 爵辛 之 以 者 之 美 在 焉 而

其 簪 質 纓 美 # 兀 如 家 Ш 安貧 子 子 羔 姓 江 嗜 而 鋭 學 名 卓 志 汝 於開之學亦 珪 然 字 於 風 懋 氣 相 之外 有 爲 年 信 矣 矣 蓋 州

贈郡博劉琴山之任鎮江序

子

故

勉

之以

自

論 或 教 非 者 學 以其 有 必 本, 日 有 家 所 教 自 教。 有 飲 原 君 故 子 論 不 學 出 者 家 必 而 日 成 家 教 學, 於

图 時 倣 御 夫, 士 蓺 者 史 君 人皆 文行忠信 羅 焉 負 比 予往 俊名 耶 而 無 日 ? 诗 歲 致之。 : 以 贵 爲 其 如 哲 從 琴山 劉君 家 無 哉 其 子 學 與 爲 静 淵 方 御 劉 進 子 擇 布 夫 史 源 君 弟 之 師 並 素 者 有 謀 所 者 幾 擇 得 寧 寒儒 自 哉 人 師 琴 歟 哉 也 規 Ш ? 也 規 而 图 + 於 乃 吉 君 呕 而 劉 稱 以 課 爲 之 進

之

得

師

也

徒 又 琴 舉 相 稱 棄 廬 君 去,兹復起 日 日 與 以 第 Ш 儒 IE. 先 去 又 、聘之, 宗焉, 其 : 篤 者 一幸哉 統 生 而 者 其 戊 文而已矣。」已乃 哲 卒 謂 Ш 實 午 哉 承 爲鎮 以 中 無 以 而 温 而 鄉 宗伯之 究 其 T 忝 卒 故 士之得 藝 試 考翰 未 於 江 應宗 回 焉 心聖賢 第 歲 其 訓 廬 者 檢 貢 祖 伯 之後 擇 師 也 公兄大司 來 考 明 南 之學 也 師 又 授 非 京 代 年 野 嘗 也 日 温 師 歟 復 有聞 先 者 聞 ! 居 州 生 著書 舉 其 土 幸 無 府 師 成 人。 之 大 乃 進 E 之遺 哉 何 訓 以 聘 夫 弗 世 行 V. 以 如 鎮 又 獲 有 風 憂 又 竞竞 吾 遂 非 取 团

之間 薰 以 其 其 德 實 哉 夫 所 者 ? 也 以 久 語 先 謂 而 日 自 生 學 1 化 天 與 性 桃 教 潤 純 李 者 + 粹 不 贵 彬 温 言, 在 彬 然 下 於 行 飲 聲 自 當 音 成 以 稱 蹊 笑 和 貌

静 人 多 爲 而 儀 後 曹 知 郎 淵 重 源 其 之 師 所 之行 自 不 也, 誤 也 謂 予當有言 時 予從子

故

序之。

留别殿學少湖徐公序

大,而 者 之近 静 聖 是 天 生 人 吾 之, 而 萬 地 贵 民 者 章。至 若 世 小 立 其 知 無 心 若 是 人 命 微 機 立乎 之 己 也,有大人之學,有小人之學。 乎 之 是 體 之 則 于 寂 繼 其 其 學 顯 甚 平 其 而 往 遠 大 萬 所 神,子 ,於是有 速 ? 大者 聖 也 化 也 能 而 之 生生 其 之 窺 至 絶 也 而 勢 思 原 測 微 民 學 故故 曰 知 所 遠 彻 其 也。 若 自 止 謂 而 開 能 是 萬 我 之功 乎 未 至 疏 大 萬 爲 ____ 立之、開 其責 發 虚 人者 天 其 者 世 焉。 地立 之中,天 衆 之太 而 哉 備 也 止 知 重 至 之、 一,往 平, 夫 也 遠 且

> 矣哉 之祖 之化,伊 下 一之大本 述 願 周 是 學 培之以 也 而 垂 堯、 萬 著 舜 世 餟斤 執 無 斷 之 窮 休 以 之 休 之業 弘 教,不 蕩 蕩 孔、 亦 巍 大 孟 巍

哉 物 不能 卑 虚 己 虚 (易》精 一、寂 ; 而 五伯 淺又不 微矣 感 三代 病 以 静 天 微 哉 非 汩之以 經 下,其 爲 足 之 而 静 世 異端之 道 下 藴 則 也 也 他 動 功 斯 權 以 不 利 學 教, 非 而 直 衍 出 宋 不 虚 不 而 世 刑 傳 則 得 人 不 名、 毫 其 以 以 不 知 釐 能 故 助 絁 虚 詞 氏 者, 千 受, 一、寂 長 物 章 迷 里, 害 往往往 之 非 訓 苗 微 以 以 寂 詁 矣 成 斥 之 則 大 病 高

子 而 周 與 卒 殿 程以 無 學 所 少 得 後 湖 先 徐 沙 生荷 先 得 生 其 天子 妄 行精 意 陽 重 砥 託 明 碷 得 \equiv 懼 其 + 報 稱 餘

年

而

生多矣 之日 於兹 也。 先生薦,不 繼之以 瀕行,禮 孤 萬 也 泣 未試 乃皇上憐予 0 忍罪予,許 且. 意 t 出 駢 徒 子 此 蕃 在穴 日 索 重 請 老,且 見 留 老以 其 以 别 百 謬 贈文; 升諸 語 出 去, 迷, 元 曠 子 公。 相 難 之 蕩 介 言 之 負 四 翁 之 恩 與 先 年

歸 無 之乎 日,以 愧 於 噫 自兹 斯 ! 潔 求 學, 其 不 子 以 負同 身。 而 何 往,在 其 言 所 先 心之利,而或去、或不去, 哉 ? 生贈 以 朝 自許 予二人之心, 在 文備之矣,予何 野 則 有 有 難 日 以 當 不 語 勉 諸 能

贈 邑 侯 凌 海 樓 入 覲 序

兵

如

挈

出

哉?

京 曩子 無問 在京 師 河面 凡 其 永 稱 豐 述 之士 凌 侯 若 父 母 民 斯 有 民 事 之 來

> 知其 政 之,公曰 如 達 出 於 : 政 \Box 者 此 吾 間 予喜 州 嘗 有 與 而 志 少 識 於 之。 學之 司 馬 士 鳳 出 蓋 沈 公 道 逆

之不 之區 允。 忍舒 有 髓 杭、嘉諸 自 妻孥 以 湯 燹之 人 道出 於 暇。 焚 火 目 嘉 餉 凄 其 賊 靖 民 禍 踰常 師 郡鞠 然無 廬 鋒, 其 齊、魯、淮、揚,昔之所稱 乙卯 也 噫 不 饑 1 Щ. 得 堪 滅 爲 邅 而 弗 生色。 春 免 戰 迹 命 乃 遡 慘 食,勞弗 迴 子以 於 特 場 而 苦 流 於 也 肝 逃 於 111 極 人 政 而 渡 腦 年至乞骸骨, 矣, 誅 南 陸,凡三 以 與 江 肝 息 瓦 求 浦 示 刃 腦 而 悲 礫 日 積 不 之 瓦 東, 者 哉 惟 返 逋 民 礫 不 越 固 則 者。 之 扶 又 之 富 口 月,始 蘇 \$ 幸 傷 剥 慘 蒙 耳 而 庶 詰 繁華 暴 免 子 恩 奔 膚 至 不 於 獲 椎 亦 命 賜 至

0 孤一下 底本衍 日 字, 刪

臺、 是 實 澹 年 犬 則 於 僧 凡 也 焉 不 額 宗 信 閑 道 善之 然 前 士: 日 道 而 五日 黨、 閑 沈 安 : 太 已 於 貧 或 「父母 麗 公之言 平 所 布 於 藩 次 學 道 姻 乃 揖 孤 口 素 致 氣 子 詩 諸 友、 泉諸 挽 或 以 儒 象 世 仰 書 得 愛 拜 舟 免 耆耄 非 ! 引 人,相 Щ 探 人家法, 農 公, 抵 调 部 使 或 歎 類 己 其 樂於 白 也 奉 長 之 皆 來 藴 乃 士: 奈 沙 公之力 而 跪 迓 日 庶 侯 何 耒 又 行 於道 充然若 : 白 : 亦 其 耜 百 之者 下 知 沙 來 不 不 里 是 其 也 逮 之左, 去永 市 迓 永豐 之内 謂 蓋 皆 洗 _! 色 有 野 騶 復 役 所 心 永 所 逮 豐 嘻 令皆 舉 見 礪 從 跡 豐 司 人 得 嘻 I 百 手 數 \$ 奉 行 服 相 境 藝 里 若 若 於 之 御 + 鷄 加 屬 行

雄 虜 作 禍 亂 水 南 者 豐 鮮 數 僻 倭 在 百 難 年 111 間 不 鼠 狗 非 見 竊 水 發 陸 而 間 往 穀 來 粟 有 之 魚 之, 衝 内 之 其 北 值 稱 無

> 之 侯 貨 筵 糧 横 安 也 沸 和 X 可 弗 哉 也 之 侈 於 政 以 而 里 E 洗 政,若起 靡 若 尚 庫 擾 無 達 殘 無 之, 鄰 而 斗 有 事 諸 人 所 酷 界之 釐 供 清 也 繫 侯 歸 征 戾 之, 億 凉 沈 淹 德 輸 虐 騰 之費 Œ 處 痾 約 連 而 苦 踴 德 而 口 謂 而 己 民 於 不 歸 以 歇 濯 裕 爲 甚 詞 之 耗 常 來 德 脚 者 訟 以 民 衣 贈 情 於 歟 清 舊 淫 聽 冠 吏 而 亦 ? 子 運 風 斷 刑 稱 之 兹 昫 庶 科 解 樂 以 倭 之 無 民 土 詎 乎 掊 逞 罰 土 者 之 虜 以 以 爲 之 於 其 子 咸 往 非 廉 戕 民 濫 加 少 之言 鼎 静 耶 往 而 民 古 尅 慰 戴 安 以 宴 以 俱 相

予言 留 0 以 明 士 若 贈 年 之。 民 丙 皇 辰 子 春 皇 之不 不 侯當 忍 能 舍 以 己 職 一於言 乃 事 學 人 師 義 覲 率 也 諸 例 生 不 徵 口

司 馬 侯 泰 沈公爲 州 兒 以 女之姻 癸 丑. ,受業於選 進 士 出 宰 子 君 品 林 東 與

少

源 城 之門, 謂 不 有 又 所 嘗 自 師 子 友 念 菴 羅 先 生 仕 學 淵

贈國博黃龍塘之任南雍序

然。 身, 治 者 求 以 推 神 善 其 有由 寡 諸 致 而 ? 初 之,師 闊 而 人 至 曷 化遠。 非 日 一於位 訟者衆,善 略 爲 然哉 冀 躬行 天 不飾 修 可 乎教之行 天 下 古之君子不出 以 道 地,育 崇 善 易言 於 於 ? 其 飾 人 身 家 之 萬 之不多 口 之 於 物,一 語 耶 而 爲 : 道 ? 强 也 善 師 家而 諸 見 本 也 爲 不 乃 其 或 而 修 於 善。 後 機 成教於國 天 世 修 夫 於 無 微 下 修 曷 惑 其 之 道 之 其 無 教 道 爲 乎 身 教 從 風 善 而 不 於 師

之

耶

395

縣 或 朝 即 建學 古 之鄉 立 師 學 動 兩 法 京 古 國子 監 天 即 下 古 郡

> 選諸 之, 者 學 於千 大 之久、學行優邃 學。 凡 有 自 百 郡 諭 百 今龍 以 縣 自 大學之師 有 補之。 七八 宋元 之師 塘 黄 十人 至今 者 行業 天 君 厥 不 佳 惟 Ħ. 著 下 得 未 艱 始 百 與。 之 而 聞 哉 餘 經 師 有 是 歲 保 其 也 遷 , 諭 可 薦 六 吾永 非 或 者 舘 以 之 翰 子 拔拔 分教 豐之 倖 代 林 者 而 而 儲 有 致 有 去 則 養

化 之 横 精 剛 而 而 機 經 不 者,侮慢思恭 遽 神 道 遷 油 下 莫 要 之所 黄君之教吾永豐 翦翦 以 然若 帷 恂 去 於 感 於 也 草木之有 自 召 怕 課 狡偽 修 程 則 布 規 有 詞 衣 思 條 出 寡 也 生意,惜 之繁, 生。 誠 於 而 知教之本於修 規 行 浮 以 條 潔 淺 而 乎 故 外外 課 思質, 意 未 士之 程 之 覩 和 之外。 所 觀 厥 繒 而 道 薰 成 善 内 而

先是,督學王公敬所校南昌諸郡之士,

之。 督 得 或 學 馬 學 其 物 加 鑒 每 擇 雋 以 若 識 郡 者 往 黄 是 之 凡 君 縣 如 焉 精 \equiv 其 學 茅 又 而 百 師 首 斯 銓 人, 何 身 也 拔 司 患 0 教 群 登選之公也 無 善人之不多見哉 未 有 於 留 五 素 會 良 月 者 城 焉 ,三人者 領 之 子, 其 貢 事 院 於 使 是 權 咸 得 以 歎 遷 課 衡 \equiv

偕 下 諸 使 生 黄 師 謁 君 人 戒 子 者 行 爲 知 有 贈 所 H 文 慕 云。 其 子 僚 故 友 沭 朱 師 君 之 某 所 以 張 善 君 天 某

贈邑侯陳雨亭膺獎序

蠧 實 與 也 賢 羧 其 賢 而 哉 以 失 飾 獎 知 吏治 人之哲之 無 與 勸 憲 懲 臣 惟 不 之 艱 體 足 彻 也 監 戒 獎 治 而 失

子 邑,六以 縣 大 越月 夫 雨 而 亭 頌 陳 、聲作 君 瓚 不 日 由 丙 廉 辰 吏 進 則 士: 日 仁 出 父 菜

> 功 鋭 託 勵 豐 補 母 志 乎 之 秋 何 ? 政 哲 方 卿 啚 其 哉 成 治 其 庶 得 行 中 乎 民 且 切 詞 旌 丞 之 慰 於 顧 日 之以 一之作 易 民 永 講 . 易 之情 豐 求。 器 風 人也 歟 天 歎 度 ? 而 留 下 老 日 巡 心 : 成 方 盍 民 撫 之 獎 吾 鍾 牧 才 生 不 陽 加 識 口 禮 靈 及 馬 明 收 其 之 見 公 成 有 永 召

心 尚 弗 民 稚 侑 非 上 ൬ 弗 ; 平 得 下 之以 子 傳 人 以 乎 相 器 弟 呼 情 夫 獲 廉 樂 民 也 父 與 玉 乎上 填 頑 13: 帛 也 之公情 有 以 溢 尚 乃 有 0 華 包 樂之 巷衢 也 幸 善 是 焉 乎志 荒 9 爲 而 故 也 得 以 尚 臺 名 0 尊 斯 真 , 平 鍾 察 以 不 乎 有 夫 固 若 民 鼓 所 稱 康 度 獲 \equiv 父 Ŧi. 有 漠 與, 庶 代 13: 導 美 上 道 事 以 之 焉 有 被 之 寵 然 澤 不 直 以 道 衮 以 . 之 不 民 以 不 尊 冕 道 裕 師 以 加 之 鎮 乎 儒 百 而 憲 欣 尚 得 美 章 行 戚 平. 平 老

下 善 尚 也 物 乎 饑 如 才。 也 之食、 鼓 鍾 如 Ŧi. 膏 於 渴 美 澤之 官 之 具, 飲 ; 潤 而 民 無 父 ; 之 怪 \$ 母: 歸 平 之道 聞 仁 得 廣 也 民 譽之 備 之易 矣。 如 水 降 易 之 於 政 也 就 外 之

也 子 嘗 無 縣 能 守 也 之僚 謂 每 言 爲 學 蘇 其 政 博 鄉 幕 切 之 暇 大 人福 1: 又 於 其 夫 率 偕 輒 講 容 在 父 諸 過 求 己 而 諸 老 牛 中 子 每 耶 申 生 謁 丞之聽 商 樂 ? 之 師 言 學。 乎大夫 列 生 大 以 之請 夫, 頌 ,畀矣。 愧 兹 大 之 子 古 蘇 爲 夫之政 莫 以 能 人 尤 之 師 也 福 堇 能 禮 吾 0 鄉 翼 禮 子 子 而

贈重菴劉侯赴召便省榮行序

氏 甲 著 於 稱 東 重 菴 其 南 劉 諸 焉 侯 郡 浙 獨 往 人 稱 IF. 也 寧 德 J 紹 浙 丑. 科 寧 子 第 波 成進士 慈 文 谿 物 之 之 受 图 盛

> 曹 以 也 曹 署 秋 去。 朝 約 治 劉 束 紳 吾 予訝之。 重 於 家 俛 罕 公 行 永 菴 爲 學 儷 滂 南宫 豐篆 仰 劉 江 淵 今 群 侯 南 乃 時 源 禮 昔 久之,乃 雌 以 宗宗 謂 第 儀 之孤 丙 世 度 曹 伯 辰 天 不 才 顧 不 無 進 雄 有 知 操 復 獨 子 所 1: 也 所 爲 清 有 稱 授 事 亦 自 儀 已 介 斯 膚 以 吉 事 哉 曹 擢 明 第 敏 諸諸 人 之 口口 南 和 推 哉 冰 祖 京 凡 人召 ? 是 之從 絶 E 尚 玉 委 年 之 之 類 又 T 寶 秋 孫 儀 委 E 卿 操 儀

其 忝 瓶 鮮 科 十、六十、壽 命 矣 也 Ш 名 子者,然徒 索予 翁 爵 水豐令陳 況 者 位 文以 父兄之賢 之盛 爲 之始。 尤 以 壽 君 鮮。 科 而 而 雨 名爵 翁 行 亭 齊 以 古 足 德 孝 侯 稱 位 翁 以 而 世 友 之 而 與 顯 壽 德 爲 百 行 厥 其 ,是父是子 鄉 年 西己 世 親 無 評 也 皆 古 稱 所 如 有 年 焉 致 重 重 顯 幾 侯 菴 無 如 兼 於 之

菴卒 世,繼 辱 弟 重 百 無 强 士 教 V. 之長公也。 瓶 其親 卷 餘 而 而 養 ,官至憲 時 》學 南 號 ·以《易》學 經 年 成 而 然 翁 以 祭 13: 京 以 ,養志之孝,君 明 無 非 耶 之, 名 子 科 在 尚 喪 識 行 聞 ? 翁 廷 使 堂,見 第 騫 寶柱 曺 葬 思 之所 少習 修 詔 **三**類 異 蟬 歸 厥 獨 也 治治 發 乃 母 峰 聯 翁 心 力 號 矣,至 科 禮 峰 曲 舉 諸 獄 之從子 力 誉 瓶 聘 瓶 每 非 子子業 造 方 自 弟 有 無 辦 Ш 子 名 弱 111 以 调 陰 是 咸 今 爲 韙 所 以 儒 葩 人不 冠 也 曾 而 ·, 四 以父 德 劉 以 之。 愛。 贈 而 不 棄之,以 講 不 氏 麟 儒 親 間 Ι. 劉 諸][[授 稱 事 士: 坐 見 弟皆 部 唇 氏 於 按 累 精 沾 翁 經 Ŧi. 之 峰 其 其 竹 自 察 贵 經 微 於 起 禄 1 榮蒙 身則 父母 對 或 起 工 使 軒 前 諸 族 家 於 家 部 有 見 之 朝 Ш 朝 昆 不 昆 進 未 重 來 所 蚤 峰 冢 如 Mi

> 哉 凡 吾 我 請 履 素 ? 以 不 辭 見 外 端 欲 庭 成 强 永 坐 其 吾見作外 以 年 之至 僚 弟 老 昌 室, 佐 若 身 福 再三,不 ± 子 爲 \exists ,其天人之定 友 · 贵 官 汝 惟 瑜 累 以 督 可,叮 親 也。」 課 朝、一 年 故 而 身 受污 後 其 命 夕、一 教 幼 知 子 歟 之 辱 郎 H 知 者 嚴 行 足 而 多矣 如 善 之故 相 不 此 爲 率

鳳 以 茂對 重 菴 行有日 高 出 之梧 矣 介,行 ,予於侯 當爲 有 臺 重望 諫 鳴 朝 陽 之

贈督府東明范公擢兵侍序

謀 之 物 兵二 猷 污 振 部 隆 允 或 飭 推 朝 塞者莫之與。 宗 皇 敘 之 靈 社 遷 爲 ,奠安宗 之安危 至 尤 卿 慎 佐 繫之,其 社 何 我 必 控 控 哉? 皇 會 制 Ŀ 官 非 往 戎 以 廷 資 夷 往 其 推 望 批 權 而 隆 而 駁 衡 治 吏 再 道

比

翁

以

倭難

就

養

來吉且

 \equiv

年

茹

淡

服

推,無亦祖宗家法然也?

之機, 摇 爲 束, 兵所 是 宣 藩 以 范 誠 有 此 蒐 一之績 臬 賊 開 進 布 時 賊 之耳 之間 公,不 闊 復令自 由 陞 1: 材 是 震 發其 其 負 著 虔 爲 起 兵 年 猛 之薄 最 古 循 南 目 以 之 耳 部 季 家,於兹三十 陰 事 利 作 稱 良之譽,張 之命 相 秋 者 扼 路 目 右 私 虚 伐 器 孽 X 之所 保 其 侍 喝 而 以 南 狡 悉 械 非 背 蓄 伍 己 郎 略 賞 審 贑 如 制 而 毒 覩 廣 罰 N/ 時 總 月 酋 於 中 之微 又 儲 滋 記 廉 日 之。 勢勦 督 率 首 巡 年 外 法 添 久, 訪 蓄 之積 者,章章 頭 口 李 翕 利 右 設 之風 出 凡 撫 我 目 於 撫 文 相 以 然 副 參 附 也。 之宜 武 至 各 彪 非 察賊 韙 地 都 將 中 峒 軍 巢 計 之。 揚 形 較 加 御 謝 之 於 公至 門 以 險 著 保 史 也 情 而 歎 民 龍 永 聽 賊 窺 易 釐 敭 蓋 向 東 日 彰 南 勢 舊 其 爲 於 開 旬 約 乃 歷 明

> 皇 籌 無 欲 進 緩 督 賴 対対 遺 上之責付、 日 師 得 清 爲 無 規 期出 最 方安靖 方 陞 者 撫之 後 借 遷 師 又 獸 有 不 副 以 遣 駭 之 日 幸 Ŧi. 失 福 謂 乎? 方士 無 白 計 耶 召 事 人 ? 命 私 民之望乎?」 吾 投 相 之遽下也。 子 相 率 野野 之 竊 告 自 報 利 爲 語 縛 效 公喜 也 其 贵 分 何 公 黨 道 以 亦 之 天 范 베 未 並 稱 É 以 總 不

書 旅 之。 荷 分巡 公之 領 知 北 最 道 深 憲 副 謁 歐 子 山 言 黄 以 君 華 某 其 從 事 遂 軍

399

贈貢玄略陞湖口學諭序

之聘 署 洞 薦 學 邑 主 博 保 玄 頻 百 略 仍 貢 獎借 之教 子 司 不 永 容 豐 咸 \Box 訓 奉 僅 如 兩 巡 臺 年 撫 暨 督 强 何 都 學 半

0

鏡 中 耳 負 行 巡 時 巡 乎 勵 務 而 諭 病 文 御... 信 超 其 H 按 俗 按 學 史 得 本 根 志 范 修 者 透 徐 實 之 道 之 都 鄭 動 而 則 所 身心 湖 而 平 ; 御 司 套 之 擇 慕 御 兼 御 日 著 達 遷 養 史 端 也 乎 史 優 而 史 本 規 贵 之大 之薦 志 多 教 才 古 官官 使 則 之 乎 體 語 學 通 悦 時 之之意。」 主 ? 0 薦 有 Ŧi. 聲 學 皆 時 之所 也 行 親 仰 明 : 也 淵 以 與 司 務 自 理 行 非 事 學 變, 源 己 鄉 舉 其 不不 本 詘 諸 因 调 至 守 , 不 有 評 措 日 、公論 官 志 是 如 牛 貧 於 克全乎 也 徒 混 本 而 之 證 希 出 數 學 共 就 提 口 于 源 並 權 古 修 ___ 君 相 在 禄 學 乃 亦 耳 流 茂 者 哲 身 識 \Box 子 切 潤 循 王 之資 生 有 兩大」, 俗 者 琢 得 身, 通 資 副 不 執 謂 提 徒 政 時 是 以 直 _, 可 轉 使 盡 其 事 非 朝 督 不 務 不 指 得 學 以 聲 廷 批 脱 此 束 此 偕 軍 日

諸 耶 之 湖 斗 覬 然 孰 今 歎 人 刀 夷 儗 會 子 ? 施 爲 以 慕 之策 筆 美 爲 考 之 \Box 語 以 思 伊 官 盛 聖 得 屠 厥 以 彼 亦 賈 得 裨菽 諸 爾 學 就 耶 重 販 蕭 長 宜 誰 見 惟 誼 隨 之十 洞 ? 漢 沙 篇 自 非 其 曹、 之力 開 明 明 其 水之不 學 之 其 九 任 所 人 或 道 貢 申 所 ,去宣 勃、 傅 鼎 難 歟 而 子 承 值 中 ; IE. 韓 水 ? 祚 噲 速,此 早富 不 江 於 百 自 而 徒 誼 西 之業, 可作。 贵 城 世 都 「今觀 道 識 致 數 以 少 又三 之下 隆 才 之 者 也 直 語 需 親 號 其 望 相 少 之,治安之 金 艴 以 老 9 孰深 謂 情 百 其 之; 讀之者 而 揆之以《 時 縢 然 家 是 傑 此 事 里 輕 江 豹 不 乎? 前 之 貧 爲 稱 兩 其 重 董 北 韜 悦 信 皇 畿 牛 詘 取 俯 子 之 猶 近 曾 而 學 皇者 者 耶 輔 信 疏 科 教養 蓋 度 就 學 掩 不 已 規 9 第 有 越 升 至 毅 又 卷 設 天 及

不

待他

日讀

之而

後思

見其

人人者。

朱子

平

生

學興 得 動 丹 青 業 而 及。 象 倡 下 Ш 明 卉春 數 洞 有 百 學 功 稼 年 其 於 秋,各維 同 名 符,朱 焉 教 ; 不 而 其 陸 淺 義 時 又非 利 天衢 貢 之 子 賈、 辩 作 之畜 董 而 炳 洞 若 口

贵

窾言之無

當

耶

?

蹙

也

由 南 林 貢 率 子 野 湖 諸 師 傳 涯 姓 生 永 王龍 者 豐 先生之元子, 嘗受學 貢 謁 子 學 ,名安國, 溪之門,然其晚 言 諭 以 介 華 齋 字玄略 其 陳 行 子 良 以 年 節 於 别 子 自 鄒 號 知 海 得, 受 東 貢 嶽 廓、 軒 子 則 施 前 舊 有 歐 子 矣。 不 陽 教 翰

贈邑侯陳雨亭入覲序

然 於 喪其樂生之心。 土木,度支告匱 今天下方多事 , 兵弋 征 而 一時 斂 兀 木 有 出 於 司 民 倭 方 用 虜 圕 採 皇 自 解 辦 其 囂 疲

> 於此 課 真 速 報 無 責 之嚴 惻 以要譽 仁心亡矣。 隱之心者 取 豐己 盈 於 私者 其 敲 故 朴 心 利 箠 何 亡,而 博 哉 楚 納 ? 以 以計 湯 生民 詭 火 時 其 得,有 之 好 民,若 命 者 始 欲

有 安 深 安 加 誠 如 竊 也 方 而 弗 畏 反 澼 和 偃 惻 家 寬仁慈和 爲 之意 令,令斯 側 而 如 即 人父子。 豐 息 酷 平. 之 不 有 歌 日 民 則 功 肯 日 甚 浹 謳 流 有 帖 爲 口 於 金,所向 於 行 私 然服 其 者 怒、 至 廉 肌 商 其 慶 ; 始 斷 於發隱 静 略 下, 膚 為焉。 可 有 也 也 平 其 弗 然以 駭之事 未嘗 喘 所 輸 易, 耕 道 民 雨 禍,除 亟, 寓 不 身任 桑 恬 吏民 亭 有 道 後 有 蓄 而 然易之, 卒然臨之,言 陳 疾言 幸 斯 期 之,卒 喬 息 巨 相 侯 庭 不 從 一蠧, 以 與,悶 林 之令吾 勃 幸 之陰, 急公 無嚚 他 以 色 觀 E 也。 政者 乃 收 人 悶 訟。 疑 相 所 奠 豐 色 然 子

人其境,晏晏然鷄犬無驚色,乃稱侯爲循

吏,非

過

也

字者,寵之以 念斯 吏五 在 不 吏 急 能之士,以法律課責事功,於時吏治 耶 在 稱 ,獨渤海、 民之困 ? 彼 民 人,其三人在孝宣之世。 夫循吏莫盛於西京,考諸 安。 今侯 上之所 於 潁 励 上計 賦 川三 百 斂 司 也,將 京 賴 數郡 師, 以 璽書之嘉,顧 爲 悶 會皇 求 化 然 於賦 無 本 班史, 上方 上 者 可 宵 斂 述, 在 褒 旰 競 西 不 而 當 能 卒 趨 顯 京 方 此 有 撫 愍 乃 嚴 循 功 而

402

毫髮 足 言於子,以壯侯之行 以 傳信歟? 取 侯 行 豐之人士共 李戒途,一 遂書之。 介蕭 贵 見 以 而 然, 子 明 知侯之舊 而 知 於 乃 豐 相 民 率 而 曾 言 屬 無

雙

江

雙江聶先生文集卷之五

記

貞烈亭碑記

死,死節也。予按其所謂節者: 嘉靖丁亥十一月初六日,烈女鄭三娘

徵。 以 大常哉? 三娘艴而作曰:「母氏聖善,何愛富人而亂 娘婚 吴子家日落,母、兄薄吴之貧 先是,乙酉,母、兄以三娘納 子 ,而以意許富 乎? 兄,禮人也,乃不順父母於道,可 妾 有 微 人陳氏 命,何足云云?」兄 焉。 密 里人 也, 餂 三娘, 、吴子 欲停

> 絶, 也,妾有所矣。」母、兄知其 語 與 子 富 貧 裂紀,遂謀聞 ,妾何媚? 一母日 也,必挾之勢。」竟訟以奪之,悔吴字, 爾縻之。』」兄謀之母曰:「此 絶 日: 吴子 而 日 蘇, : : 貧, 而索;謀之溺,扃 「哿矣富 嚚 딩 : 而何媚於窶夫哉?」女曰 於三娘。 妾媚 母 無以終 乃於是去櫛盥,却 率姑、 勢也,天 於子 人。」女 三娘號天以泣,泣 而身。」 也。 嫂 必死 日 乎? 『吾有好爵,吾 而 强 女日 日 鑰。 也,日閑之。 : 女愚,不可 而 妾無 一、一、安 藥絶粒 白刃可 誠 能 不 旲 能 爲 陳 而

立、枯槁如柴、斃也以正。 以求予之生也。」如是者奄奄二月,瘠毁骨 咽,食少輒 儲死於樓。 憑,誰投爾柄? 謀之經,斷 「妾甘如飴。」嫂曰:「其必死矣。」女曰:「 一多不 却。 敢 傷 予 姑曰:「何自苦也?」女曰 母 也。 是日聞者椎 勉 而 食, 飼之,女 食不能 膺酸 將

遠 鼻 咨 宗 戚 工名 嗟 吊吊 士,咸 哭 其 有 聲 門。 頌 老 幼 愚 良 無 間

學之功 女。傳 之曰: 商 谷 性 也。 家已 天下 焉 守 天 至 下 必 足 也 死 葉 觀 謂 音 矣,若 絶 是 不 經生學士,徒 觀 明 者 爽 大道 學 也。 故 不云 已學之意。 致 悟 詳 年 13 如堵 於 ,學在 得 命 臣 其 戊 聞 乃 乎? 之忠 性 今忠臣、孝子不見於天下 遂 事 子 之女子 能 者 忠,戮 乃 湮 春 爲 以 女子 以 天 一,全節 上 報 ,予按閩 也,子之孝 理 丈夫失道 以記 獎義 復 其 焉 也,子 其 地之中 力奉孝,隕 性 仲夏 事 贵 葬 誦 爲 崇 希 於 文詞 學 子 節 惟 於 天子。 聞 葬 聞 一,道 也,女之貞 者 培 道 不不 是 人得之爲 之 取 按 而 在 重 在 生葆 彝修 枯 日 莆 韙 科 謂 子 有 婦 婦 之, 第、 精 項 人。 子 復 感 人 嘉 一,而空 慝, 貞, 篾 肥身 生理 有 於 哉 往 檄 而 覈 也 聞 古 問 今 此 郡 歎 吊 厥 1

> 御 今之學 史 責 也 云 命 葉子 立亭、 刻 之石 9 且 以 告 於

戊子鄉試立石題名記

者 不 命 才爲 士 何 鄉 昉 至 精 仰 朝 試 以 於 體 矣,精矣! 臣 憂 爲 今乎 久矣,何 鄉 是 乃乃 往 聖心,憂慎恪勤 數之異 試 開 ? 立 各省 科 於 石 凡三 以 是 何 世 題 司 采 至 以 其殆一方之真才矣乎 ? 名 今 試 届 用 昉 今上 事。 期矣, 前 廷 始 於 白 議 重 今 此 於常,而 故 嗣 未 然 也 也 率 凡 極 ? ? 有 惓 畿 七 場 也, 惓 輔 年 昭 重 屋 士之入彀 以 異 其 有 故 百 不 鄉 之, 執 數 事 事 試 得 也 也 其 莫 選 直 取

數 真 ,盛之始 才 以 夫 諸 F 士: 報 也,故《春 子 天 以 子 真 是 才 則 秋》於盛 見 數 録 之 於有 異 衰之始 也 司, 有 真 必 才 司 書 異 得

代 乎 自 諸 名 子 子 果 敷 精 口 天 公 唐 者 也 口 能 地 ? 待 也 之 不 如 之 教 虞 士 教 凡 學 不 治 之 子 者 耳 敢 此 執 萬 稼 厚 以 以 制 聽言 際 也 中 如 謂 平 世 著 穡 率 以 禮 而 無 古 其 於 ? 之下 自 其 其 乃 而 作 其 不 負 學 會計 信 斯 也 不 後 待 至 學 水 忍 樂 端 發 諸 行 而 如 爲 不 並 稷 誠 顧 土 其 也 當 采 也 而 司 口 此 盛 戡 可 論 功 今之録 ; 薄 必 爲 能 稼 亂 4 學 名責 以 業 平 無 不 者 子 也 其 功 者 穡 捄 羊 世 軒 E 也 水土 0 能 聞 平 業 民 非 實, 茁 輊 心 答 禮 諸 者, 諸 此 水 制 也 以 壯 者 今諸 也 虚 樂 士 是皆 以 夫 禮 + 而 教 其 文 ; 果 子 子 之 心 逆 輔 蓋 作 Mi 精 也; 稼 文 士子之學 側 其 料 能 功 樂 以 有 E 乘 後 亦 穡 與 席 唐 學 用 能 古 夫 此 田 禹 而 者 勒 名 才 其 之 人 諸 虞 明 口 委 後 厚 平 可 難 也 待 求 傳 吏 周 學 以 + ? 刑 所 配

> 告之。 學, 贵 者 行 是 於 民 自 不 心 前 則 終者 謂 明 弗 者 之 無 其 謂 而 者 登臺 義 之 要 終 不 懼 是 賊 冥 哉 濟 也 能 也 科 夫 賊 其 摩 ? 惡 者 以 賢 目 於 而 君 是 石 不 者 賊 不 真 子 冥 與 自 塗 才 之不 才 者 不 也 見 摘 民 賊 人 也。 足 朏 弗 夫 名 皆 者 也 能 以 焉 智 自 今之 騰 ; 也 口 夫 免 賊 得 謬 笑 , 能 静 有 弗 者 1: 習 於 而 故 不 也 言 可 弗 智 也 率 歸 始 能 0 於 庸 以 罪 其 以 弗 而 以 塗 違 真 顧 題 文 於 仁 賊 不 之 X 才 其 儒 與 有 知 事 名 君 可 録 後 弗 名 名 特 與 改 君 能 司 也 之 黑 爲 民 治 申 而

鳴 場 宋 弁 其 屋 陳 而 端 得 誠 閩 福 城 耳 之 士 州 讀 中 守 宜 有 子 書 朱 於 鰲 嘉 處 豹 此 頂峰 其 也 業 立 志 己 石 之 子 翼 峰 紀 同 暇 亭 有 之。 也 襲 日 狀 嘗 元 石 大 比 登 臺 書 惟 撤 焉 此 速 棘 相 以 赴 私 傳 文 附 以 鹿 謂 爲

見... 日 之 雅

致 曲 齋 記

停披, 春秋》三氏 邑有 П 不 遂 丈 輟 呼 X 傳 吟 爲 張 益 霜 致 囂 晨 勤 策 曲 矣,予 雪夜,暑晝炎 氏,榜 先 生 方 其 年 関 齋 夫 日 + 昏 致 手 篤 曲 不 愛

進

飲

病

子

頭

以 乎 若 也,求 之日 理 如 ? 求 丈人者, 不 M 聞 心 夫 不 丈人 心於經,不若求經於心。 「六經,皆 李 人者, 倀 雜 則 初平 之以 何 曰 又 荒 所 之學 子 人欲 事 倀 於 我 焉 外 將 註 濂 ? 之私 不 焉 外 溪、 脚 知 經 老 也 何 リ則六 有 公 弗 以 哉 學 悟 明 求 學,所 ? 世 也 宣 是心 心 經糟 ; 之 乃 也 知 學 純 呼 以 粕 學 外 曾 求 乎 而 矣。 矣, 經 子 天 心 寤

乃

酌

子

於致曲

齋中

一,丈人適有寒疾,蒙

禁諸 予曰:「 喜 子 訝 大 矣 束 何 ?? 罔之種 曲 之日 酒 大斗, 腰 吾 異 在 不樂: 弗 與 異 乎? 哉 善 惡 於 宜 其 策 端 趣 ,丈人之 在 也 人 於 致 筇 中 雖 種 發 子子 飲 其 酒 木之 曲 而 日 抱 也。 病 前 酒 見 爲 均 : 火, 也 將 亦 之 濡 曲 人之 致曲 即 盤 亡 致 耶 狥 然。 子 之形 首 浮 偏 之 不 曲 ? 曲 吾之 之性 、《易》戒 以 . 病 也?」丈人矍然 而 也。 生 不 也 醫 子 也 大 悉 耄 性 也 中 者 於 也 不 斗 推 獨 直 而 矩 致 肅 亦 宜 致 不 樂焉 知 矱 戒 倒 吾之曲 性 不 焉 其 出 觀 之耳 節 若 勝 癖 喜 之 引 斲 子 故 者 於 也, 飲 河 。一手 弟 丈人 輪 而 而 也 日 酒 也 流 者 蓝 邪 盍 曲 矯

之,直 佚 色 曲 也 之 木 凡 也 致 : 於 也 偏偏 耳 私 焉則 曲 之於聲 \Box 曲 偏 也。 也, 曲 鼻之 若公之嗜 口 於 之於 臭 酒 味 也 如 也 DI 澠 肢 目 也 於 之 嗜 安 於

矣。 聖 也 行 則 致 發 脱 致 偏 須 書 克己之義,授之顔、曾, 而 日 君 者也。」公駭 也,如 從 。」丈人 焉 以 求 É 仕 而 如 子不 慎言 學矣成 則 直内曰直養、 飴 畜 心之義 首 克 性 誤 致之。 紛如 偏 其 也,皆性之偏也,逐物者也。 以老 也 直之體立矣。 致 火之始然、泉之始達、駸駸 肅 德, 難 節飲 身,日 然 癖、杜元 克 亦 也。 畜 耄 焉 避 致之云者,決去之義 盡 老矣! 處 食,養 疑,仰 而 之大也。 致命。 席、覆觥 於此 克 日木從繩 不 棄 將 爲 凱之所以 子 之吉 焉 去 直之體 焉 傳之子思、 無 酒 子, 乎 致之又致, 也,反求其性 思, 却 怪 木 寡 也; 哉 則 敢 書 乎 , 涣 ?? 子 欲 直 以耄 孔 7 喪 致 焉 多 起 以 一,則 也,此 子 之 志 識 若 孟 而 養 也, 日 之所 數 也 如 而 也 子 善 有 前 謝 克己, 心, 自 言 + 孔 端 之 斯 所 而 距 故 日 所 門 棄 往 盡 以 年 誠 之 : 然 悟 斯 日

> 子 乎 ? 日 可。 請 揭 之齋中,以代盤 盂凡杖之戒。」

人 繞 私 如 常常 號 習 制 丈人賦 之爲「聲齊」云 熟 面 之 古 拆 態 貌 人 性 巖 调 剛 事 巖 執 2 父 学 言 母 宗 論 鄙 禮 知 棘 惡 節 孝 棘 養; 少 不 見 不 解 之多 居 以 爲 喪 辭 世 避 色 俗 縮 假 縮 纏

永 寧 重修儒學記

之,新 若 乃 嘉 靖 永 之 以 寧 癸 而 不 E, 古 足, 大 有 備 熊 儒 復 侯 學, 捐 其 得 俸 費 請 圮 倡 則 而 於 料 民 上 不 於 又得 修 公帑 撤 几 其 金若 + 得 弊 年 羸 而 干。 新 金

⁰ 康 熙 作 几 宜

² 康熙本作「折 宜從。

諸 肇. 緒 世 歸 稱 於 癸 然 E 改 之八 觀 而 月 寧之 越 校 明 年 至 是 几 始 月 + 口 九 與 吉 日 之 就

邑

皆其 蓋 民 役 知 平 事 於 嚚 諸 而 \Box 尹 ? 已 之不 寧 學校 之 以 上。 桀、 某徵 友 也 興 聞 知 智之弗若 會 先 寧之校 蓋 不 之政 其 緣 郡 講 是 記 ,豈吾之智又不若前 世 已 而 便 是 甲 不 伯 於 於 恒 逆 當 於 能 率 以 竹 郡 Ш 曠 午仲 以 知 道 侯 免於 成 之青原 爲 子 墟 中 之速 平. 者 之政 訟 道傍之舍, 四 屠 寧 春 不 而 子 今也 乎 十年 公重 訟 之民 察 子 直 者 未 Ш 世 以 一,而 與東 以 有 侯 不修矣,豈前 侯 尋 之 乃 學之不 以 疑 之 謀 健 之 嘗 惟 毅 有 是 報 廓 根 素 蘖 **\phi**, 於 然 故 以 以 肅 忧 鄒 勘 也 其 訟 功 以 哉 大 庠 修 而 至 子 之未 身 循 上 短 生 爲 能 乃 而 暨 再 任 相 劉 訟 吾之 之 直 逆 而 不 寧 九 之, 就 某 知 **\$** 之 材 屑 侯 其 侯 邑

> 謀。」 以 承 無 免 厥 以 以 去 乃 烈 志 重 爲 復 相 貽 懼 戒 吾去 當 感 不 兩 道 者 謂 矣,什 之 生 平 幸 速 疑 ? 予 而 哉 之 T 言 ? 成 西 功 遺 敢 臘 巾 謂 月 亦 後 吾 惟 新 之 何 於 **\$** 君 學政 愛 至, 子 於 丕 得 自

業 學大明 文 詔 爲 慮 晦 地 侯 至 日 | 定 學乎? 舉 後 夫 寧 相 而 四子之學 蓋 子 世 不 有 驥 感 乃 性 將 者 於宋 潔 以 兩 逸 書 繼 以 有有 於 焉, 泣 牛 其 我 如 絶 棘 名 也 此 故 謂 曰 朝 學 運 子 棘 以 是豊 者之 談 以 於 爲 者 而 西 道 去 曰 理 舉 有 此 勵 前 銘 : 篇 之 業 未 平 學 司 無 口 ***** H 凡 文 造 嘻 易 ? 之 世 率 以 事 有 無 士: 得 罪 使 模 有 几 累 崇 易 謂 諸 諸 也 擬 侯 宜 傳 百 無 牛 牛 藻 理 贵 於 世 家 序 日 以 蓋 其 學 誦 望 飾 ^ 此 報 几 而 爲 易 知 法 報 而 巾 侯 子 世 乃 今之 之 哉 通 足 所 哉 也 之 珠 以 理 以 無 恒

不但 者若 望 啚 經 謂 是 數、有司之不 爲不足爲, 日 教、大公順 有命之得,及其 率 以 報 可見之行 故 天下之至文,如《易通》《定 繋 持 其 報 者 而 格 也 ? 百代殊 方盛 而 岡川 外 而 應之學,皆 難之, 也。 方 明,是 此,其 日 衰云 如 沾沾焉 絶之見,光天下 不 伊 日 贵 振 也 ĴΠ 何 可 或 守禮 侯 然矣。 原人心 以 見 而 循 之所 而 哉? 之行 遂 格 世 敬 守 諉 每 以 性 乃 而 本體之易簡 密如横渠,學 度 罪 是 望 厭 無 以 書》,佐佑 文生焉,是 古 諸 於 以 其 欲主静之 爲 侯 取 生 Ш 易 瑞, 之 簡 之 111 必 所 所 於 之 蓋 以

書

也

,故書之。

寧 乃 每 可 已遷 以 復 知 直 往 以 情非 予守蘇郡, 今上高 方爲 疾 惡 當 今之所宜 過 9 道 嚴 爲 所 侯方領教事 爲 點 不 嚚 也。 吏 樂, 民 縱 而 侯姓 訟 火 以 滅 獨 爲 見 熊,欽名,③ 免 籍 知 職 蘇 得 於 寮 則 調 子。 屬 其 永

> 某 歟 幾 覃 字 某,别 即即 ? 州 董役之勞 人也, 其施 贊決協度, 號 爲氣象,蓋 横 名某,字 橋 則 桂 以身 義 官 之臨 某 先 亦 謝 士 不 别 寧 桂 辱於舊令之告 栢 號 人。 如 南 邑博林某、吴 俱 州 新 於書法 從 令姓 政 未 口

平陽府人物題名記

409

泖 如 里 機、雲者 之秀鍾 賦 子 税百 嘗 以 可可 萬 唢 進 陸 得而 負 士 氏 海 銓 之盛 枕 盡 數 江 松 平. 唐 之耶? 華 之 疇 亭。 後 沃 鳳 野 華 雛 九 亭 龍 八 峰 天 駒 百

8 9

^{1 「}若」、康熙本作「苦」。

[「]今」,康熙本作「令」,宜從。

載此文補入。

之流 子 之貨 已 秋 史 H 出 風 不 守 几 守 也 口 而 百 劇 而 義 雲 得 訊 萬 蘇 邑 猫 \mathbb{H} 之, 屯 文 也 州 而 得 之 一子 焉 見 府 族 壯 人 以 矣; 訪 給 哉 才 人 \$ 蘇 其 + 1 日 胥 若 之 而 故 : 彬 江 泰 訊 武 隸 彬 而 之怨、蠡 是 伯 之, 城 州 咏 之德 天 富 之文 之 果 下 商 焉 而 哉 之壯 大 學、 湖 季 縣 ! 賈 之 札 尃 郡 聚 已 之讓 逸 艫 也 天 賦 由 之 0 風 F 税 御

填 帑 則 子 平 嘉 几 域 溝 積 九 T. 不 也 陽 靖 + 里 幸 贵 壑 懸 屬 辛 子 適 州 自 而 丑. 如 萬 至 蘇 之 磬 有 奉 是 有 縣 焉 四 奇 松 伯 凡 若 視 天 至 方 亞 \equiv 子 Ш 訟 子 而 則 0 $\mp i$ 乎 + 澤 牒 命 逋 爲 ?! 命 巘 有 散 而 棼 之 臘 之喪, 起 亦 Ŧi. 癯 如 積 月 夥矣。 子 者 下 絲 人 也 既 於 + 茹 爲 何 日 視 望 廢 有 是 悲 趐 . 仍 民 也 就 年 補 白 古 以 則 九 年 W. 萬 道 邊 視 富 披 矣 月 陽 報 倉 疆 披 額 朔 守 之 孔 離 視 皇 乃 賦

> 之, 遁 散 驅 給 殍 棘 六 綏 道 月 而 薄 莫 而 而 襲 念 噫 離 掠 子 知 竊 督 ! 郭 澤 冷 有 爲 設 慮 浦 家 泉 潞 慘 計 夫 險 取 溝 弱 日 之 彻 戎 除 轉 盈 0 而 極 所 虜 禍 戎 之文 而 騁 岩岩 矣 出 果 之 掠 焉 堅 峙 擁 將 幸 大 急 不 餉 乃 衆 不 而 原 於 溝 口 於 練 免 數 能 等 火, 犯 不 兵 是 者 萬 免 唐 口 緩 子 復 H 也 非 遭 驀 犯 徵 遣 皇 惟 天 如 雕 息 幾 嘅 輕 明 皇 平 日約日 門 訟 月 騎 不 年 而 乃 夏 暇 哺 歎 M 由

間

耶 考 也 唐 金 虞 帛 唐 ? 之際 何 虞 子 子 麻 也 乃 之 聞 縷 ? 散 故 Ш 蓋 菽 兵 跡 11 自 粟 休 之 生 其 而 民 融 次之。 民 人之至 求 産 群 以 昔 士 惟 來 之 講 乃 才 也 所 未 藝 FL 爲 謂 神 有 子 難 稽 盛 則 盛 獨 芯 而 者 聖 於 有 鎙 珠 之 此 何 取 典 玉 至 者 於 在

從,其 典,非 乎? 之可 倡 無 得 學,不已迂 謂 父子 導 乎 而 押,人之 勇 則 也 之乎? 矣,抑 者,亦 寡 救 哉 未至者一 爲 變 離矣, 欲 去也,而 死 孝、 大 刻 故 龍 乃諸士之生於其 不 而 民 人 若 有 未 飛 爲權謀、 爲 贍 未 之信 之首 嘗 和 而 蓋 謂 平 不 忠、 人馬,將 至此 化 之不 犬 舍是 上 民 乃 ? 難 上之 者 爲 戎 無 而 知 命 强 不 爲 吁 備 爲 之禍 乎 廉、 而 學 和 可 如 而 倡 術 無 矣。 賢 ? 該 也 他 則 蔽 聒 以 者 數、 爲 亦以 人, 鄉 又 有 罪 下 之 無 矣 是 未 蓋信 而 貞、 駸 謂 爲 説 也 於 無 以 爲 信? 哉 不 鄙 也 一未聞 駸 時 焉。 平 Ш 文 教,不 爲 從 在 君 人 之 則 藝、 剥 則《敬 川 陽 智、 事 士 矻矻爲諸 子 無 天 不 詘 乃 之不 床 於 有學堯 爲 教不 人者學 聞 貧 時 不 爲 也 爲 膚 之未 堯 縱 兵、 信、 **→** 淑 義 · 是 逸 和 地 舜 饑 横 興 民 以 之 之 之 舜 爲 則 利 食 不 而 士 口 有 蓋

> 微 立 執 前 心 之 中 蓝 後生民之糜爛 堯、 生 而 民 舜 義 立 禹 不 命者, 相 開 維 萬 也 無 世 機 心已矣。 之 有 微 太 以 而 平, 哉 風 神 所 也 以 是 故 爲 是 精 天 學 地

邦 物 品 高 時 以 司 子 空 君 待 題 之著者凡一 何 某 嘗 西 名 予故令諸生采 從而 幸 、龔君某,又皆聞 是舉 記 磐張公,亦曰「 》以風 哉 論之,可 也,臬巡 .! 百八 之。 十六人,鑱諸 唐虞以來,下逮宋 矣; 人 玉 是惟政教者之責 林 或 而 繼 許 朝 韙之; 之可 而 公 僚 往 書 友 同 暨請 石 許 者 知 作《 完, 人 君 府 也。 於大 姑 事 闕 人

雲根道人記

莫 知 其 雲 所 有 始 根 乎 而 ? 子 氣 嘗 之 聞 運 之 也 也 變 觸 化 石 無 而 起 常 膚

消 高 乎 豐,不翕 龍 寸 ? 者 施 積 而 普 厚 合 息之 蓋 聚 不 君 泰 則 桦 子 崇 極 Ш 者 不 尚 朝 而 巾 能 施 ; 盈 而 岱之宗 之遠。 發 虚 虚 徧 散 者 消 丽 息 天 知 盈 是 靈 以 下 此 之 故 神 氣 其 者 會 之 出 其 可 惟 也 所 身 岫 以 泰 平 非 鍾 達 不 Ш ? 心 也 之 雲 番 從 雲 根 夫 負 不

若 乎 足 某 此 東 瞻 先 榭 進 爲 之從予 今之 者 Ш 生者 池 乃引 子, 哉 之 亦 舘 道 人 富 吉 既 以 於 懼 年 斂 遊 1 東 觸 之 詩 高 其 望 + 也 Ш 才 石 禮 泰 豚 畜 年,雲蒸 如 屯 以 之傳 膚 自 111 之 某 博 待 膏 4 平 負 未 者 修 氤 而 之 ? 過 極 初 而 於 翁 高 非 義 號 mi 氲 清 寡 之 道 水 以 而 發 東 之 取 德 隱 之 薄 人 該 之 Ш 化 重 之 涯 贵 視 道 金兑 望 長 而 蓋 冢 徒 乎 人 Ш 也 嘗 天 子 兒 翁 樂 顒 之微 之東 於 乎 孫 下 志 水 築 然 是 ? 無 於 涯 亭 於 具.

> 中 蓋 自 石 、爲 乎 施 若 ? 於 濡 漸 有 謂 ह्य 不 艮 石 遠 爲 矣, 之 雲 義 非 根,大 深 堅 哉 定 早 不 之 古 易 霖 其 天 F 有 艮 在 所 爲 Ш

觴 早 咏 事 以 舉 道 人 終 子 其 姓 業 身 彭 乃 名 試 清 怕 不 白 售 字 吏子 弘 輒 卿 孫 棄 古 去 一若是 而 瀧 適 江 情 於

吉

道

人之意矣。

承 訓 堂 記

青 猶 若 也 誑 出 人 誘 諸 難 然 又 於今之 之, 以 \Box 人 往 乃 規 有 往 欲 行 況 取 願 木 得 局 市 時 樸 貨 於 而 蹜 廛 在 賄 無 昏 見 如 闄 華 邃谷 之 弱 之,不 有 貰 術 體 循 昧 遐 若 風 泊 稼 E 荒 不 氣 然 穡 切 難 勝 之 若 習 而 哉 狙 衣 相 惰 俗 無 詐 言 薰 於 近 所 染 蓋 古 狡 若 倫 知 理 有 如 之 譎 不 之 之 丹 求 地 能 相

振 氣 無 敕 Z 而 曉 者,又生 去 其 所 至 彼 家 取 然知 廢 誦 也 棄 詐 好 長 其 如 誑 而 惡 於 家 濟 世 子 闤 而 業 一之流 111 竊 臭味 闦 張 有 身 叢 則 公 取 事 之, 雜之區 遠 焉 朝 而 敦子 矣。 祚 以 者, 無 其 弟 乃 而 質 所 非 之 能 若 任 振 若 行 招 如 未 人 宜 而 乎 前 漓 之 若 光 風 所

儔

歟

今日 哉 艱 傍 危 淚 以 謂 Ŧi. ? 辛 識 巚 必 哽 者 萬 有 濟 封 余 耳 祚 塞 狀 哉 艱 111 初 君 所 不 而 不 貞 不 也 與 自 將 永 詔 能 苦節 識 其 也 母嘗 誰 之 生 語 子 兄 濟 爲 日 乃 以 踰 愛其言 111 西 夜 耶 己 : 進 利 月 爲 郭 ? 分 而 之,予 而 而 何 子 孺 理 日 問 爲 動 孤 如 善 子 軸 之。 衣 孺 人 有 過 杼 匪 如 子 不 也。 知 冠質 從 吾 綫 濟 7 也 肖 平 之緒 母 頗][吾 往 孤 若 密 氏 泫 痛 兄 子 鄉 子 弟 曷 人 何 然 子 先 惟 皆 是 汝 兹 於 有 言 流 兄

> 音 沙 維 言 父 交,交妄者 知 地 在 兹信 妄者 吝; 乎 亦 下 好 而 孺 ? 長 識 乎 子 善 逝矣。 之, 慤, 而 而 善 未 子 爲 惡 無 奉 辱。 汝 食 無 成 德 惟 以 鳴 其 無 以 習 有 周 之 安者 呼 妄 報 成 終,妾之責 旋 基 也 動 之, 習 痛 で」言 動 在 哉 奄 禍 報 他 孺 忽皓首 之 妄者 不 未 H 童 招 在 既 何 世 孺 悔; 以 敗 相 汝 子 見 而 孺 之 無 嚮 乎 汝 機 子 亡 妄言 門 ? 而 無 杼 其 人 也。 泣 妄 之 有 於 報

記 哉 也 承 也 家 以 1 益 伯 故記之。 子 立 衍 子 甲 日 慨 之聞 善 裕 辰 夫 貞 夏 是 伯 訓 斯 世 一。當 仲 可 言 道 肅 以 各 仲 也 之 其 構 訓 ,於兹十年。 日 H 仲子 堂 矣。 漓 承 以 而 訓 庠 居 燕 願 _ 生 9 翼 樸 而 完 之 貞 質 後 自 謁 謀 以 之 侈 是 子 昭 重 爲 微 其 張 堂 扁 見 矣 氏

譽德書院記

之言。 哉 嘗 據 壞 於 蓋 干 思 庭 往 而 故耳 者 於 肅 其 或 祖 首 無 ! 感者頌 來 鷄 韓 何 其 中 湮 而 虚 道 招 傳 蓋蓋 子 昌 月。 限 狗 帙 携 至是若干年 於 以 乃築室昭 若遭氏者,不謂之盛矣乎? 弟某 ? 之 黎 焉 澧 其 ()别之 美前 得 於是 徒, 一才傷 氏 家 蓋 以 之先 樽 某 章 而 倡之無 世 無 而 窮 齋 輩 其 珠 滿 題,禮賓 問 途 以 矣,而 留 有 謁 曾 履 家聲,佑 前 善 即 識 元 氏 予文記 投之而 其 之 後。 次 不 勛 道 序 澧氏 道 庭 識 甫 古 延 而 瑣 其 而 自 者 之, 啓 ± 今 題 求,累詩 旅 輒 之後 繼 終 夫 一, 讀 而 日 懷資 款 而 愛 之者 爲 養 子 譽 光 留 賓 譽德 禾 書 慮 士 日 客 盛 承 過 津 教 文若 之 其 非 黍 . 也 德 遣 子 義 久 其 之 盛 者 客

> 有 友 節 也 行 中 不 而 加 取取 感作 焉 樽 薄 而 而 願 已耳。 齋子 敦 施 法 暉 人 夫 善 之 之 文 斯 謂 吉見乎 德 子 焉 以 文云 常 延 以 9 非 輔仁、築室者得 動 生譽, 寓 君子學以崇其 招 /繡,言 德 才賢之辨,●諷 而 外,於是言 無 不 道 可 所 古 飽 焉。 也 靳 也。 乎仁 然 惜 厨 而 君 義 是 風 德 夜 天下 子之譽本諸 無 也 特 之 亦 終 也 見 微 仁 流 譽,言 後 於 講 矣。 義 也 世 一義 此 之施 學 則焉 有 腴 子 耶 以 鄙 身, 蓋 於 會 之 寬 本

雪 居 記

日 世言 人 蓋 之 無 以 取 其 於 嶄 世 絶 而 孤 嚴 特 之行 於 自 守 미 者 以 廉 輒

我 頑 思 立 古 懦 無 亦 百 聞 其 世 伯 西 之 夷 Ш 下 之風 之 猶 餓 足 而 夫 使 興 歟 者 人 ? 聞 耶 乃 風 陳 而 翁 興 别 起 號

暮。 獨 絶 酌 口 目 痿 服 漁 往 交 羅 無 廢 父 飲 於 雀 處 非 翁 每歲舉 辭 終 農 雪 世 巾 性 禮 輒 H 厓 之人 闄 狷 之 1 醉 端 之 喧 鄉 世 介, 視 居 坐 號 飲 囂 顧 齁 聽 》等 平 似 之 度 以 齁 室, 賓 生 篇 白 痿 地 隱 耶 日 席 敦 足不 雪 廢 如 非 几 讀 取 之召 行 以 視 深 卧 耶 之 誼 Ŧi. 方 翁 履 ? Ш 興 惟 不 柳 潔 絶 非 到 爲 翁 知 翁 谷 先 禮 里 信 亦 日 先 輒 然, 生 之 黨 丹 自 之有 命 傳 地 門 晚 所 厓 廢 酒 **>** 以 外 自 及 耳 以 推 日 而

厓

翁

所

笑

也

耶

Ш 婪 欲 無 ,人雪厓 掇 所 昔秦人有宋 之, 有 俄 洞 惟 取 有 朱 橡栗, 鶴 草 婪者,當隆 氅 數 翁 本 歸 出 以卒 冰 而 蕨 冬, 語 歲 \Box 荷 器 . 至 鑱 吾 則 往 諸 輩 終 洞 案。 竊 中 南

> 攘 吾 今之逐 雪 窮 如 人 不 取 天 封 騎 弱 之力 手 E 以 地 口 | 婪乎 4 洞 兮 腹 充 者竊 門 撮 兮 逐 寒 而 不 腹 ? 之土 數 哀 歌 食。 於 鎖 猶 世 尺,不得 此 日 嬎 千 婪 不 : 狡 其 汝等 峰 ,大者虎 冗 乃 足, 童 身 厓岌岌 之以 跼 厭 而 瓊芝玉 又 蹐 婪 欲 不 世 爲 噬 而 悵 悟 父兮鳥 知 掇 味, 宫 退 悵 而 蕨 節 /\ 吾 窮 然 返 者 至 者 兮 道 撮 芝 天 而 蠅 菊 至 毓 懸 Ш 土 寧不 地 歸 之 空 嘬 腰 故 玄 蕨 之 雪雪 所 處 風 薇 爲 有 所 强 則 産 花 雪 者 夫 老 有 非 則 欲

信 能 風 厓 呼 一,余即 況 其 辭 雨 抵 冢 嘉 姻 遂 靖 子 余 記之。 資辛 連 草 陳 庚 塵 閩 戌 堂 君 塭 閾 夏 子 乎 瞑 道 翁 六 昂 ? 目 翁 姓 月 矣。」 日 意 陳 汝 晦 亟 前 色 是 字 雙 往 憂 日 良 江 謁 H 而 薄 7 之爲 先 言 暮 翁 生言 以 切 遘 陳 子 字 危 記 足 君 余 行。 疾 不 傳 雪 冒

時閏六月朔日也

道心堂記

之,或 不 奉 1 害 和 也 文 是 之 恐 故 ? 傳 命 知 、武、周 懼 天 惟 以 顯 陋 之舜 微 中 求 平 道 何 聞 中 開 而 之 中 其 君 心 思 本 易 而 萬 也 爲 子 者 公、 舜 所 見 世 何 虚 知 其 和 知 不 之太 之, 中 孔 慮 寂 流 以 未 聞 微 也 虚 ? 也 子、 世 是 發 而 之 及 平 寂 假 所 者 之 爲 傳 顯 曷 其 子 之爲 俟 之 以 虚 之禹 中 也 嘗 思、 和 知 禍 立 氏 乎? 而 後 之, 以 也 戒 Ŧi. 天 受 之 孟 隱 聖 虚 禹 霸 地 慎 子。 虚 中 於不 而 寂 傳 寂 之功 之心 未 平 節 也 難 寂 之湯 爲 而 發 其 或 惑 也 知 枯 感 故 利 所 見 造 功 槁 微 不 後 利 者 傳 蓋 後 堯 而 生 而 覩 以 微 天 道 之 外 世 之 何 知 以 民

> 虞三代 者 之治 中 以 感 不 言 顧 應 其 千 乎體 哉 · 塗 爲 殆 變萬 之學。 ? 障 有 耳 寂 妄 故 見 目 化 於 然不 欲 而 皆 學 此 復 禍 自 以 由 動是 平. 唐 牛 私 存 此 虞 自 靈 出 心 也 三代 利 焉, 尚 故 可 至 寂 至 之治者 日 復 於 矣。 然者,未 道 見 遺 心。 唐 棄 心 當當 虞 倫 一發之 名 求 理 也 唐 代 而

之,十 望 慈 當 明 龍 再 也 廢 矣。 0 不 恩寺 見, 之宫 贑 經凡 蓋 水 道 數 期 是 之衝 白 螺 心 去 年 幾 月 書 甚 堂 坡 111 鬼 年 而 院 而 則 故 何 而 在 霖 後 而 落 之 且 在 公 書院 九 絃 潦 成 在 波 白 其 江 見 誦 暴 所 鷺 而 高 之, 上 無 溢 樓 當 洲 守 俱 流 正 輒 閣 復 負 書 師 吾 逝 德 没 堂 院 其 隍 舊 吉 也 而 以 溺 齋 跡 雲 0 瞰 之 無 洲 來 而 而 章 故 江 明 水 之 或 書 閣 不 患 廢 復 年 不 與 院 師 後 興、 其 可 洲 乃 年 即 其 爲 相 即 有 意 魚 洲 mi 圃

米 有 群 鹽 志 九 之間 於 邑 復 庠 者 古 1: 之 治 余故 特 求 出 古 述 者 學 所 講 聞 非 授 以 徒 於 復 硜 其 侯之命,作 硜 中 於 簿 侯 書 蓋

雪 梅 記

雪,貞 避 者 簷 得 疏 梅 天 爲 之索 影 下 地 何 而 記 者 其 ? 靈 友 陳 之 出出 子雖 之。 公某 適 德 修 調 古 子 而 其 出出 鼎 嘗 光 世 知 少長 若 静 求 ,别號雪梅, 之需 即 也 ; 幾 翁 之 幾 ; 而 臭 者 之愛, 於 士 先 林 求 味 尚 臭 日 品 之,得 下水邊, 託 相 其 味 彙,神 義 而 求 神 跡 之 間 日 者崇 不 寓 相 肅其 五 志 含 容 意 之徵 宜 静 美 章 於學者 爵辛 其 乃 子日 也 焉 者 故 實。 類 逸 也 : 致 日 故 也 ; 姿 有 日 其 徵 實 暗 凌 取 子 利 ; : 出出 則 洲 香 冰 於 古 子 貞 今

表

載

諸

品

乘

可

考云。

斯 用 章 斯 ·, 神 精 則 静 風 則 斯 心 遠,是故 斯 休, 貞 君 則 子 行 尚 斯 隱 峻 德 焉 出出 則 罶

利 身 子 而 廬 者。 出 徵 之 不 翁蓄 貞 敬 然 虚 諸 獨 辱 德 惇 其 邑大 復, 也 典 而 子 範 沈 隱 夫 厚 俗 幾 者 每 積 藴 也 先 鄉 而 , 之。 高 評 托 遠 推 日 跡 施, 雪 悶 望 市 梅 其 悶 廛 之號 飲 殆 若 讀 庶 屏 無 禮 謝 乎 本 所 賓 ? 諸 事 聲

式

焉

古 而 聶 勝 地 翁 陳 世 也 居 氏 宋 下 代 初 市 有 井 於予 聞 邑未 故 寔 建 居 先 爲 擇 他 勝 比 姓 者 鄰 0 競 宅里之 居之, 下 市

417

君

董 氏 重 修 祠 堂

始 大 備 嘉 靖 摽 丙 坊 申 坦 歲 道 告 重 董 門 氏 翼 大 廡 修 祠 出出 室崇堂, 祠 至 是

二六

稱 庫 惟 層 樓 義 重 肅 疑 齋 有 浄 不 ; 合 庖 於 繚 古 垣 者 繩 趣 巷 時 諸 也 無 , 祀 弗

者 德 昉 昭 無 弗 彻 穆 於 隆 至 , 肇 宗 備 無 者 基 道 原 後 萃 也 委 者 ; 涣 也 遷 祔 長 以 ; 世 幼 哀 貞 凡 卑 絶 族 配 夫 尊 世 之 之 也 有 以 也 四 ; 父 0 爵 時 主 若 者 鳴 有 之 袝 子 呼 事 以 者 章 於 宗 中 子 命 序 也

亦

厚

矣

者 明 其 歲 日 内 子 乎 祀 於 弗 屬 祠 ', 宫 我 乃 宫 時 即 按 H 明 董 始 四 云 就 乃 祠 燬 洪 墓 氏 有 經 徙 圮 家 淳 下 武 將 祠 始 墓 世 展 己 祐 謀 祭 於 是 祭 酉 辛 於 故 宋 嘉 立 於 兹 H. 孝 靖 易 祠 南 蜀 紹 百 甲 地 子 渡 輯 祭 興、 屬 Ŧī. 宫 申 大 以 始 時 錫 六 備 慶 前 越 有 難 + 福 宫 兀 年 惟 不 \mathbb{H} 年 於 間 邇 民 丙 有 寒 民 墓 元 無 申 族 食 待 風 始 於 指 董 寧 至 故 長 R 告 今 益 元 徙 率 E 居 晦

> 耶 盛 子 始 之 云 所 厥 ? 父 也 不 致 成 如 0 者 君子 往 楊 今人 董 彼 再 往 必 所 氏 見 弗 曾 歸 日 謂 談 者 之韙 物 流 功 贵 堪 贵 榮 土 坑 於 堪 連 禄 世 董 遍 少哉? 堪 氏 輿 科 天下 氏 輿 者 之 第 云 氏 術 蓋 文 所 乃 而 而 獨 大 爲 獻 莫 江 榮 其 神 1 足 詳 南 禄 祠 於 几 徵 其 1 食楊 流 文 墓 爲 兆 盛 之 獻 坑 之 婦 族 吉 之 所 曾 巾 姑 望

人 始 不 爲 後 乎 大 郁 者 哉 惟 大 蓁 枝 知 祖 乾 救 父 蓁 葉 益 君 也 野 尊 元 猶 子 死 寡 花 也 矣。 不 祖 實 日 草 人 於 乃 者 郁 贍 知 木之 人 謂 況 天之生 郁 父 親 而 爲 時 是 蓁 根 而 董 親 仁 當 爲 蓁。 焉 不 之 氏 也。 草 沃 物 知 始 日 昧 人 土 祖 根 使 皇 也 仁者,人 見 播 所 培 之 皇 夫 離 知 致 而 焉 禽 枝 祖 饑 兀 爲 獸 本 口 葉 而 也, 告 氣 乎 蒸嘗之 知 知 花 震 暢 親 哉 其 1: 實 縮 然 所 親 郁 本 而

得

載

於

碑

陰

示示

勸

湖 隱 記

累 也。 哉 文獻 年, 計 德 輪 有 奂, 仁 之 ? 取 而 昔周 望者 之徵,豈 於 之 始之爲墓祭,繼也祭於宫, 將 於敦 品式 仁 功, 必 厚 禋 了**,** 出 本 而 有 大備 世 之道 足 顔、閔、周 於其間, 勝 百 耶 以 趾 ,數聖人生焉 ? 盡 歷 \approx 德 夫 十有 螽 然後 無 枝 斯》 召, 間 葉 九 之詠 爲 如 花 世 君 即 足 文 實 又繼也 科 以 垂 之 正 詩 子 第 究其 Ŧi. 吴 人乃 衆 追 榮 公 六百 美哉 本 且 禄 亦 於 盛 立 盛

德 得 歸 九 南 即 世 之 追 雍 望 考 携 孫 子 問 其 友 其 復 焉 道 董 春 盛 家 於 之所 生 乘 任 與 淮 燧 祠 佐 以長 揚、 祀 始 挾 也。 理 者 藝上試 之勞者 齊 者 而 爲 魯間 亦 命 + 謁 重 春 八 六十有 有 子 凡三年 官, 世 爲 感 孫 已乃卒 於 祠 九人,名 茂 文 記 始 正 歸。 + 7 子

> 之焉。 至,輒 於斯 乎? 莫 知 長 其所 里有 遂 扣 於 舷 以一 東湖 爲 而 斯 湖 歌 而 湖 以 識 隱 揚 耕 Ŀ 者 帆 有 以 自 謂 而 鈎 丈人劉 其 號 游 逃 9 以 而 若 而 老 仲 人 有 有 其 武 亦 託 得 身。 氏 其 焉 以 者, 隱 每 隱 而 者 興 稱 生

稽 徒 隱 行 周 混 E 者,以 之土 慮 若 跡 以其樗散 丈人, 於 七人,不 夫天下之道 放 宇板章 樵漁畚 其畜 清 隱 廢 於 徳弗 者 降 極 鍤 權 Ш 也 不 矣,而 之間 二,隱 售,斂 魚 辱, 隱 爛 丈 可 即 記 非 於 與 人 才 以 降 逸 河 夫 顯 弗 義 易 Ħ. 民 人 而 試 而 直 言 辱 者僅 之 遽 已矣。 木 哉 也 謂 蚩 玉 强 七人 之 韞 蚩 則 隱 貿 珠 言 謂 而 子 馬。 貿 晦 也 倫 故

二八

幾 背 以 好 嘯 動 口 於 種 外外 刺 媚 以 衣 不不 樹 有 不 世 若 冠 爲 降 灌 能 無 率 辱 少 ; 袁 所 有 有 以 有 朝 謂 臧 古 可 貶 汙 口 否 居 風 以 義 瀆 以 口 顯 者 之 不 暢 否 見 者 歟 行 解 不 吾 ? 而 斯 加 爲 贊 可 中 於 可 梔 有 化 意 ·實了 隱 之功 其 所 蠟 事 不爲, 身, 脂 T 輒 蓋 若 嗒 韋 也 然 臀 而 亦 飾 後 庶 長 株 詐 晚

道 書 暇 以 H 記 嘗 丈 丈 之? 人 人 過 日 與 湖 : 子 E 子 先 相 考 其 與 水雲 知 歌 子 大 滄 湖 夫 浪 隱 爲 之意歟? 以 莫 念 逆 自 交, 取 之 子 盍

修 東 新 金 <u></u> 橋

興 王 政之所 之 廢 惠 0 故 惻 有 涉 者 東 也 病 新 惻 之。 金 之而 斗二橋 需 泥 民 望 弗 洋 多 被 其 歷 航 澤 年 葦 者 所 滅 頂 無 廢

> 便,有 知 犀 溱 他 金金 洧 焉 惠守史子之爲政矣。 莫 錢 不 非 知誰 惠 善 不 推 惻 亦 之爲 其 也 陋 所 矣 惠 君 爲 子 而 是 惟 惠 已 之謂 杠 之; 耳 渠 0 政 大 下 是 也。 時 是 故 子 徒 而 乘 於 輿 捐 輿 是 俱 腰 濟

乎? 之,其 給土木 之 帑 從 木 白 土木,天下騒然以 矣。 權 也, 乏猶 方之戚 也 史子惻涉者之病, 維 誰 歲 是二 之徵 吾民,又況 告 諾 需 權 椎 爲 耶 古 者 乎? ? 髓 民 日 今輕 皆 () 箕 夕 萬 即 史 有 不 戚,吾安忍 惴 諾 民 重 子 斂 司 給 惴, 魚鱉 也 之宜 之 刑 之者 於民 而 驅 所 冒 惟 又 宜 惻 而 乎? 涉 嫌 方 惻 利 則 善 者 也 以 命 夫 無 夫涉 推 利 謗, 給 弗 是 民 司之者 於公, 之, 義 方 不利 從 勢 懼 者 者 惻 能 而 木 公 斯 惻 者 即 咨 仰 於 永 重

⁰ 下 廢」字, 康熙本作「際」 宜從。

靳 是 欄 伯 去 平 犀 不 和 有 惻 溥 然非 爲 實,宜民宜人,史子 知 知 金 ,不數月 好 也 通 溥 政 捐 史子 義 爲 强 行 斯 矣。 以 惠 記 其 於民 政 爲 民 之爲 惠民,使民 義 日 而二 從 也 陸 而 : 不終者 惟民 民 政 史子 昏 橋告 F. 政不 知 也。 夜釋 好 爲 於是 所歎 也。 義 成 欲 惠 惠 不然, 稱是。 我? 耶 速 繹 則 乎 巽 礱 鈎 ? 不屑近 不 民 不 命 隄 史子 稽 絶 莫 亦史子之所 能 子 子 乎 覆 有 於 敢 故 外 故 贵 號 薄, 屋 行 義 利, 不 日 日 無 聯 程 . 服 以 : 乘 子 史子 和易 史子 筏 督 倡 達 輿、 於 翼 未 有 夫 百

某 詳。 意 謁 選 别 子 義 惠屬 吏 號 爲記 有 科 雕 學 不 給 峰 以 諭 可 事 温 辭 浙 子 中 詩 嘗 之 者,記之。 者,予 論 與 餘 進 、史子 姚 退 鄉 人。 君 可 而 子 史子 寅 友 以 小人爲 也, 進 知 諱 史子 士 以 某, 治 授 史子 亂 字 爲 行

> 之幾 飯 州 0 和 東 詩 書 坡 乃 因 E 謫 移 以 皇 所 袁 致 帝 州 子 起 擢 詞 嘗 居 欠 樂史子 云。 今 委 職 守 謫 之得 通 惠 州 陽 其 判 所 袁 量 也 爲 移 昌 飽 蘇

艮 齋 記

止。 上 臺 帝 油 與 亭 然 焉 分 暇 遂家 封 遂 戴 以 則 高 之國 號 子 興 引 峻 楚望 伯 眺 承天,爲 領 乃 也 常 北 望 歎 家 簡 蓋 繒 口 世 日 世 即 遠 以 承 : 瞻 家 其 天 校 雲 相 邦 地 戴 戴 籍 戀 衛 與 畿 也。 子 隸 日 翼 志 千 以 錦 以 而 而 里 考 承 衣 行 寓 賓 命 天 衛 惟 意 王 讀 舊 mi 民 之 以 書 有 戴 睿 自 所 念 其 楚 皇 E

421

此後一頁底本原缺,茲據甲庫本補入

0

② 「去」,康熙本作「知」,可從。

勵... 云

學。 啚 像 日 旌 績 子 厭 勞 子 小 統 : 甫 者 失之遠 嬰 霜 所 薄 召 往 奉 以 仗之間 舉 劇 弱 梅 辛 久之,若 豈若 恩 補 從 子 感 報 疾 冠 巳 封 例 撫 業, 稱 歲 幾 以 食 矣 於 諸 試 軍 者 冬, 八!」易 舊 從 不 穎 臣 有 觀 吾 天 職 間 免 拔 德 事 所 頤 工 威 户 今 身 督 咸 就 得 自 負 侯,牙 而 不 親 皇 號 淹 俊 余 求 復 違 雲 上 見 獄 駸 屯 質 艮 名 自 之哉 顔 從 駸 以 數 龍 凡 璒 艮 齋」, 道 咫尺 隱 景 年 九 繒 + 飛 虎 義 者 載 往 窺 如 附 ? 而 江 服 以 蓋 何 耳 古 後 也 也 漢 自 限 大 悟 楚 0 翺 是 人 復 淑 者 厥 望 人 復 翔 年 身 尋 嘉 止 鼎 之 É 紹 於 乃 以 時 敘 靖 心 養 遂 將 想 歎 霓 勞 庚 之 積 戴 大

也 ; 艮 日 余 者 :「艮其背 : 止 艮 也 之 時 不 止 義 其 獲 大 妄 其 矣 身。 而 哉 後 行 能 望 其 艮 庭,不 者 其 背 妄

> 皆 焉 銘 也。 悦 辱 敬 其 以 未 岩 交 有 似 見 周公、 之 或 ; 我 我 0 所 之。 於衆 其 能 鉅 之訓 以 纖 人 也 人 如 或 而 而 爲 0 吾伯常 之先 體 惟 又 不 仲 乃 咸 止 而 私 子 子 能 不 爲 遷 欽 感 尼 於 意 其 惟 , 見 贅 不 知 厥 之道 止 信 而 第 孟 厥 期 然 Ш 見 其 也 謂 於 遂 止 時 望 背 子 草 之 所 孝 非 通 而 之心 喜 義 而 之 爲 稱 木 利 11 之 善 Ŧi. ; 北 其 怒 也 爲 其 生 物 出 也 以 變 用 内 學 道 哀 遣 乎 物 善 而 否 者 從 彰 繫 焉 光 樂 然 昔 變, 乎 禽 平 焉 兄 明 外 後 陳 ? 終 視 獸 ? 以 凝 以 北 焉 内 良 止 百 始 而 聽 居 爲 然 頑 其 坊 天 焉 體 余 於 萬 楚 老 言 臣 然 而 之 知 地 寶 故 而 友 氏 物 産 動 峙 弗 學 所 萬 志 藏 津 止 與 ; 也 靈 咸 不 動 以 於 夫 潤 止 物 興 居 而

坊 康熙本作「方」, 可

0

曾 基 衆 貫 美。 唯 夏首 0 未 發 連 寂 Ш 然 周 E 道 帝 如 臨 砥 爾 顏 勿 四 愚

高節堂備之。 伯常家世出温台,其學三變,余往序

其

一心堂記

其事 射 炳 者 乘 周 武 然兢 輿, 隸 之 訓 所 也 若錦 請 業之懷 不 皇上 於司 拱 非 俾 忘。 但 命 盡 曩 官 時 衣 纂 官 馬 V. 庭、詰 校 猶 際 昔 隆 衛 者 衛 度 習 我 臨 熙治,徒 意 几 厪 地 即 射 極,帝 聖 女好 苞 於 也 + 周 其 虣 祖 官 桑 有 之 中 以京 乃俞 寇,又十二 八, 之惑,雖 武 有 虎虎 載休 門 甚 弓 賁、秦之衛尉 隸 師 太 外 盛 矢之司 明,寰宇晏 於天子 保、 重 之 舉 文教 地 西 衛 也 督 偏 之密 帥 者 設 而 炳 弗 既 陸 + 衛 燠 建 謐 訖 闢 公 習 有 切 扈 特 而

> 以《 事 一心 督 帥 堂記 扁 其 廳 猥 日 余 述 修 焉 戎 堂 心 而

人臣 爲手 股, 心 臣 臣 在 者 致 貮 之所以能 小外體 事 足 余乃 則身己之身 爲 明 君之大經 頭 良 焉 拜手 目,不 喜 而 也,故 不有 起 己。 颺 以 自知 言 也 也 臣之事 其 康 當 八身者 日 熙 心 其 其 : 庶 捍之矣。 嘗 無 君 惟 則身君 績 聞 事 日 ; 君者, 心之一也 致 則 身焉。 之身 故 日 爲 中 有 一心者, 元 心 警, 也 首 夫人 也 則 股 隋 故

423

其爲 哉 兹 Ŀ 射 ! 簡 或 所 知 督帥 他 家 之請 H 殫 悦禮敦 慮 督 蓋 則 者 帥 輸 又 遠 閱 詩 赤 戒 矣, 射 以以 戎 厨 於 督 於不 武 夜 斯 帥 進 官校 靖 虞, 備 真 士 共, 能 起家 習射 率 患 心 職 於 事 恭 於斯 靡 未 君者 遇皇 然, 怠

■ 下「股」字,康熙本作「肽」,可從。

治 士 爲 各 鵠 督 永世 射 射 : 心 帥 心 心堂記 爲 己 以 者各射己 之鵠乎 人 則 推 皇 克保矣, 君 匪 上 而 者 徒 之心 億 ? 以 習 之 萬 古 爲 其 爲 夫 人 鵠 知 君 事 心 維 上 也 射 9 鵠 而 而 之習 而 心 君 大 有 爲 官 臣 事 以 X 而 則 校 4 於 繹 臣 以 弗 載 心 斯 試 秦 弓 者 其 督 下 者 以 義 帥 也 矢 盍 爲 之 而 之 作 將 臣 故 心 亦

重 修 養 正 書院 記

院 其 意 建 Ш 而 於 小 議 之 學 其 間 推 福 彻 廣之,御史之責 中 以 建 蓋 會 養 時 即 蒙 使 城 子 治 乃 小子 有 待 平. 養 罪 於 寺 有養 正 八 寺 舊 書 閩 世 東 基 成成 院 西 而 谪 在 人 建 創 奉 有 鼇 小 爲 命 造 之, 學 峰 天 仰 下 子 而 鳥 體 建 郡 實 石 德 書 縣 È 兩

子

習

冠、祭、

燕、

射、士

相

見

諸

禮

於圃

登

降

規

於

句

課

也

每

朔

望

令諸

童

0

冬十 門, 規 閩 禮 閣 聖 也 布 也 口 有 右 衢 堂、有 又最 + 者 學者若 0 教 侯,有坊 爲 几 顔 卢 E 者 學 號 之 又 書 榻 曰 爲 院 得 有 綽 舍 往 書 後 號 釜 而 讀 養 白 重 楔 行 凡 干 長 還 筭 舍 甑 爲 落 門, 正 廣 人。 誼 右 八 射 内 無 成 有 凡 者 + 則 亭 日 圃 爲 倣 弗 則 遵 於 若 廳 昭 得 祠 臨 餘 之 以 備 0 祠 東 制 次 聖 干 事 六 後 間 修 左 河 甫 西 年 也 0 丈, 祀 功 + 爲 橋 明 小 上 有 相 春 廳 環 龜 也 餘 堂 學 身 爲 而 周 軒 向 經 日 Ш 列 堂 人, 爲 亭,亭 則 心 各 繚 始 月 門 以 於 有 門 習禮 各 之學爲 爲 以 童 於 之 朔 下 以 閣 所 É 門, 垣 子 嘉 後 世 所 前 外 凡 _, 爲 之 靖 生率 祠 便 以 爲 有 别 左 口 垣 要, 制 俊 之 戊 乃 宴 通 白 尊 功 小 右 總 不 秀 擇 子 聽 左 息 觀 步 經 於 學 跨 爲 亦

之贄 也 觀 揖 百 餘 者 ! 遜 皆 畝 咸 又 濟 取 嘖 歲 慮 濟 於 嘖 收 夫 洋 是 其 士 歎 洋 之 租 日 秩 自 無 . 而 而 是 養 諸 章 子 不 生 乃 也。 得 謂 查 廪 代 復 於是 餼 廢 以 見 寺 膏 去, 海 楮 之 環 濱 今 田 橋 及 塾 得 鄒 門 + Ŧi. 魯 師 而

年

而

書

院

圮

矣

養士之

田

亦

莫

知

其

所

屬

里 亦 事 出 曾 以 翩 督 來 帑 君 京 學 翩 始 贖 佩 嘉 至 師 來 於 靖 以 清 索予 學 辛 庚 成 乃 戎 也。 戌 亥 之, 議 古 1 仲 爲記 興 檄 林 月 冬, 復 福 沈 君 再 書 按 州 君 屬 院 越 察 知 寵 督 月 事 副 府 學 咸 而 使 翁 介 請 韙 書 鎮 君 書 於 其 院 幣 Ŧi. Ш 巡 議 朱 走 倫 按 新 數 董 君 元 베 千 其 各 Ш 衡 士

乎 數 ? Ŧ 以 里 竊 昔 諗 謂 而 龜 多 不 相 Ш 同 士 契 楊 日 者 不 子 謀 受學於 其 國 事 多 道 0 口 士 有 明 知 也 臁 道 爾 世 先 乃 閩 而 生 申 學 相 諸 歸 之 感 由 君 而 送 始 子 越

之性 朱子 之, 不 也 中 功 舜 即 微 辜 非 用 以 失 羅 而 子 ____ 本 至 知 他 也 精 性 負 本 不 體 而 有 求 也 不 也 乎 領 失 夫 歎 吾 是 V. 再傳 念之流 中 ? 聞 I 喜 朱子 之旨,戒慎 日 程 而 而 則 天 ·於未 夫 子 . 怒 道 子 道 發 人受天地 而 下 自 當當 隱 思 哀 晚 南 李 之盡 生 日 爲 此 之大 不 發 汗 述 年之 樂 矣」之歎 先 時 延 前 而 浹 而 夫子之 未 生 覩 平李子 矣。 竊 不 發 不 背 位 本 發 學 即 門 好 覩、 之中 者 育 覩 世 之 與 事 微 下 夫 詞 自 之 0 恐 微 噫 中 不 早 以 未 章 教 以 能 然 龜 隱 又 戒 言 聞 懼 ! 年 求 發 訓 生 中 使 Ш 再 事 懼 微 训 不 平. 便 之 詁 道 以 此 傳 節 每 畢 傳 H 聞 中 異 中 之習 中 是 南 所 F 氣 矣 **\$** 獨 而 而 即 未 以 允 遡 此 象 於 至 爲 1 非 爲 命 發 夫 脈 執 度 後 立 獨 天 是 常 蹉 静 悟 考 豫 本 擬 者 之 之 堯 世 命 命 之 跎 H 存 其 亭 章 中

四

亡,道 之假 書 俗 霸 量 院 學 之辨,俗 密 以 取 南 又 陷 義 希 之 流 於 於 世 歎 學 義 而 養 也 爲 外 得 正 IE 之 記 不 者 學 希 襲 誦 轉 之分。 世 意 而 而 詞 蓋 之學 不 爲 章之俗 如 自 楊 正 此 知 作 朱 學 而 之泣 流 以 希 於 而 希 聖 彻 是 爲 聖 之 耶 有 Ŧī. 也 學 Ŧi. 霸

異 方 復之盛 或 白 ? 員 專 T. 之至 事 居 夫 非 心 淫 肆 書 惟 其 亦多矣 巧 院 而 有 業 猶 負 與 改 荒 之 於文 操 廢 肆 於 公輸 戈 嬉 作《書 公,其 也 人 室、 之度, 天 爾 下 多 院 毁 有 士 記 之 負 使 瓦 於 書 後 賤 其 諸 # 百 墁 T. 君 者 不 也 T. 子 復 平. 何 見 其 興 以

夫

長

者

獸

於

則

復 齋 記

怠 ,築環堵之室,扁 復 齋 Ŧ. 子 學 而 之 弗 日 什 復 行 年 而 Ŧi. 未 得 操 其 修 要。

意

坤

H

震

之

故

於

可

間 他 焉 日 其 子 今 翰 林 庶 吉 士 Ŧ. 子 文 炳 過

子

長 多 微 之 閉 之 考 萌 爲 是 剥 寂 也 乾 矣 男 之 矣 於於 智 所 生 乎 子 蘖 擴 無 也 坤 往 毁 盡 於斧斤 去 充 以 於 世 日 而 是 П 息之 生 矣 禽 ,人不復則 養 : 坤 是 往 又 平 生 乎 而 獸 復 13: 人 ; 索之 亟 機 何 有 之餘 以 震 総 之 人 徒 不 氣 稱 異 復 於 遠 者 之 日 徒 時 見 以 於善 夫 之學 顏 眇 夜, 以 也 震 達 見 義 虚 即 心之爲道 子 驅 忽 坤 震 之 化 大 潤 静 平 端 爲一殆 焉 4 之生 機 矣 坤 之 有 之 發 日 羊 惟 夫 陽 之 哉 體 以 見之 好 1: 而 然 不 庶」,蓋 於 爲 ! 道 所 恶 或 成 雨 子 牧 以 忍 之近, 坤 復 之 焉 以 微 露 幾 翼《 天 萌 復 自 斂 也 善 乎 震 地 蘖 者 而 而 而 隋 易 息 養 如 其 不 神 失 於 不 不 則 也 以 也 之 端 至 知 之 知 坤 ? 助 禽 復 功

死 故 善 屢 善 空 而 殆 復者 嘗 虚 庶之學亡,夫子 静 求 知 之守 之無,不 ,知之未 也。 虚 嘗 善復者 所以 則 復 靈 行 重傷之也 求之有。 静 虚 則 静 明。 之 照 顏 有 也。 淵 不

吉 言 每 士 過 爲 子 嘗以 信 吾郡後進之傑出,有 而 此告諸同志,而 不逆,予故書此 以 志 未 復 於復,而於予 有 而翁云。 以爲 然者。

仁壽堂記

以 可 乃 已,天地之所以 仁,人之生 矣,乃復書 與天 翁 中 「仁壽堂」者,甘泉湛 乎? 地合德。 Ш 公八 理 此 今山 也。 以 十一一 顔其 恒 合德天 人也。 曲海隅之老,享年八九十 天地之大德 書 堂,謂 也 地,古稱 0 先生爲 先 將 惟 生 以 全 日 既 昭 盡 生,生生不 不朽,其 平 爲 生理,期 111 文 焉 祝 刺 斯 夫 之 史

> 仁 堂,爲序、爲銘,以仁公之壽,是謂之天 者 生,而念菴羅子 之與不 可也。 有之,乃終身無 可 天下歸仁,則天下人壽之矣! 得 況 則 今 海 户外之譽,欲 天 内 特 下 行 稱 君 大老 子 冀 也 莫 君 大大 如 子 下 湛 書 言 先 歸 顏

欣 翁。」 不 則 水 而 此古人之高 其 刺 公則樂之。 然有 之間 當意者。 屑 能 外 有 史君 以 哉 潤 予不 爲 得 契 神神 故辭 若 舉 也 於 吾 識公作 子 0 聞 仙 充 自六十而七十,今八十矣,内 魏國 見其 心。 業 致,而今之爲父兄者 官 人之評 公早 翁 而 歸養,視 嘗 然。 體胖,童顔 徐公聞 温 已轉 何狀,第以道義獲交令子 歲 遊 然和 刺 學 强 此 游 棄二千 史 岢. 嶺 志 其賢 也 金 者 南 盛 有 ,隆然厚也,充 陵 鶴髮,徜徉 累 , 禮 氣 聞 江 日 石 於 白 : 類 淮間,若 高 而賓之,爲 如 中 不樂, 沙之風, 視 棄 者 絶 一代, 斗 於 類 可 無 强 腴 Ш 然 而 而

三六

學 仁 今... 太 也 刺 踰 也 是 毫 郊 リ,則日 於 非 史 者之後。 稱 恩 刺 足以 同 湛 傅 史 義 封 年 故 先生之門 人 師 加 公 仁 傳 契 焉 於 如 先生. 世 壽榮也; 堂之名,謂 友。 其 時 其 無 鄉 刺 故 官 疑矣! 知 二公之作博 史已 有 於 公爲 而 公自 年 其 子 鄉 登第 ·, 孫 壽 最 X 不 視 ·足徵 深。 之多 也 咸 時 飲 歸 給 門 則 哉,●仁人之言 然,不 而賢 念菴 乎 德 事 下 日 ? 黄 於公、公自 稱 也, 門, 太 . 壽 忍 高 刺 史, 則 弟 史 以 適 則 榮 受 日 奉 無

致 卹 登 大 東 111 己 + 書 皋 曾 乃浩 之 都 以 餘 \mathbb{H} 丙 辰 復 諫 進 上 年 然歸 冬十一月, 之。 談 网 遷 ,急流中 湖 授 學 嘉 刺 陳 禮 屢 興 中 翰 科 日 守 姓 刺 博 勇 給 郭 出 史偕 事 退 仰 循 示 人也。 諱 中 資 齋 此 羅 應 胡 少 例 卷 Ш 奎 觀 李 待 降 索 察 號 外 7 都 卿 枉 補 平. 爲 憲 相 子]1[記 淹 於 前 口

復古書院記

是從。 矣。 學。 德 欲還 能 焉,天下之大本 世 探 也 П 誅 王 一,人得之而 之於事 心學之源 也 惟夫不知 學之古, 古 學有古今,故 其 道之幾 小人之無 治, 夫 庶」,如 子 爲 當 何 也。 爲 於是 何 求 逐 中 慕 愚、屢空、三月 人之心。 所 忌 也,本 一之爲. 古 逐 中 焉 始乎? 憚, 人有古今,治 焉 人; 焉 ? 者, 息。 未 役 祖 7 當 發 欲 於 何 述憲章 其 夫子 而 也 外 対執 時 求 也 未 天 ? ,索之於念慮 及 古 以 不 發 , 歎 斯 下 中一一語 門 惟 人, 襲之,而 亦 違 也 之 天 其餘 之 一, 五. 有古今。 當復 先進 能 地 民 徒 之 之 事 性 之 畢 心 古 至 惟 鮮 天 具. 萬

傳 矣 之中 之徵 言 能 能 説 喜 明 焉 覺 怒 堯 而 知 淆 絶,子思子 者 之,惟 此 皆 哀 舜 **令** 或 不 能覺 樂 人 同 又曰 日 無 允執之中 意 於 爲 未 遂 或 庶 者 程 之變化 發之 : 静 失 憂道學之失 平 伯 月 自 中 党 可 雖 子 在 爲 乃喜怒哀樂未發之謂 自 以 以 0 無 中 乎其後矣。 也 是 體 : 窺 所 知 夫 不 而 未 則 所 知 有 降 未 其 發 知 知 覩 宋 所 發 傳 中 之 記 諸 不 覺 氣 所 藴 節 而 誦 夫子 聞 儒 之 象, 之和 覺 作《 便是 乃 事 詞 與 不 吾 有 中 没 章 能 道 未 位 而 以 庸 而 知 再 科 南 其 發 多 育 知 微

知 身 犯 不 陽 良 未 韙 明 知 發 先 是 之 倡 生 未 中 道 悼 發 東 也 俗 之中 不 南 學 學 而 之 寂 不 以 塗 然大公的 慮 良 生 知 民 自 爲 也 知 宗 自 本體。」 毅 能 蓋 然 故 良 以 利

達

舍是

蔑

濟

舉之

學盛

行

於天

下

而

天

下

欲快

志

於富

貴

輩 期 弗 敞 松 東 有 有 工 宣 在 者 福 江 發 又 又 力焉 皆 户 溪 邑治 之 淺 備 於 教 E H 廓 西 司 期 故 深 某 適 以 先 爲 中 : : 複 又 書 面 會 有 生 年 符 内 南 盛 養 聖 要皆 寢 有 有 院 承 有 事 惟 力 門 江 翰 某 東 來 良 崇 人 未 之 田 於 長 東 外 倡 言 0 月 廓 發之中 斐 知 若 堂 西 到 建 古 , 廓 其 事 有 某 然 會 之 之 位 干 惟 人之學 子任 里許 謪 成 齋舍 志 始 日 成 凡 教 盛 天 畝 安 主 官 之士 事 章 若 惟 地 以 福 道 龃 信 便 書 於 之者 吉 即 干 資 庖 而 有 不 東 宜 有 而 育 院 某 聞 古 安 人。 會 之。 温 學 口 協 廓 發 凡 萬 年 風 起 松 學 饌 焉 吉 贊 口 而 几 若 物 某 老 溪 而 知 廢 若 題 者 書 游 安之盛 中 榻 干 月 程 興 安 址 而 某 費 日 院 也 也 節 者 彌堅 楹 某 先 福 而 等 器 之 只 雖 之 復 日 好好 創 生 成 + 會 用 層 書院 從 所 惟 時 和 也 ·文 咸 詣 數 有 無 門 訖 古 T 惟 未

念 復 非 章 百 責 道 過 志 之 德 巾 再 톎 几 責 然 子 負 余 爲 重 不 記 望 敢 凡 人 以 不 咸 敏 + 以 爵辛 年 今 謬 未 之 有 顔 附 以 子 所 報 稱 見 之, 以 44

存 齋 記

學 齋 則 蓋 也 小 湖 保 存 殿 以 之時 學徐 地言 義 先 志 大矣 生 隱 初 顯 哉 號 巾 少 9 湖 存 以 邇 心 易 以 志 存

覩 是 存 天 存 決 未 之 下 非 裂 微 發 者 其 於 人 不 之中 各 功 心 隱 端 覩 有 利 微 有 心 不 秦 才 日 支 由 聞 漢 獨 發 哉 離 心 而 便 存 各 於 下 莫 屬 斯 有 俗 是故 見 覩 要 位 學 所 莫 聞 矣。 育之 存 戒 非 顯 謹 泛 無 不 不 效 誠 恐 濫 所 聞 覩 之不 不 懼 存 於 大 不 隱 詞 也 可 聞 所 見 章 掩 不 便 以 於 而

> 道 之 夫 則 喜 也 南 程 延 自 怒 0 子。 之訣 平 此 哀 在 樂 昔 加 得之 要 程 發 延 未 者 子 也 平 發 豫 自 之 日 之 章 然 : 中 教 中 豫 敬 未 每 節 章 而 **\$** 發 得 無 人 作 此 之 失 於 是 何 龜 便 静 氣 H Ш 是 用 象 中 中 以 本 龜 存 領 Ш 此 得 此 夫

之同 今老 記 + 其 惟 程 義 鮮 年 所 少 伯 之門 有 編 ·, 少 然矣。 存 保 子 不 往 而 失其 與 少 之 功 保 獨 敢 保 天 所 在 夜 致 之 志 地 以 真 以 社 知 氣 意 平 謬 言 並 者 E 稷 存 不 於 信 生 久 接 事 心 足 未 以 道 於 口 夫 落 易》 而 以 發 負 子 在 也 孔 不 職 之 存 久 天 孟 日 猶 知 延 語 要 下 : 子 之 則 平. 子 未 蓋 乎? 以 傳 之信 違 教 成 發 嘗 已先 此 之 在 禽 性 蓋 著 契 作 爲 小 後 獸 存 本 少保 得 學 保 心 世 於 不 存 存 我 則 忧 此 遠

即

几

齋

道

蘇 李 什 於 登 地 錫 於 以 祀之 名 何 一, 是 嘯 崇 倍 都 福 宦 民 得 於 年 處 民 庶 御 報 專 之 祠 徐 生 獨 熙 民 公嘗爲 前 無 矣 思 九 史 矣 功 神 員 以 熙 月 之 待 東 誰 王 新 之遊 臺 報 病 又 某 適 愈 於 明 之責 某 祠 弗 德 謂 寧 范 日 祠 范 帑 久 篾記 專 也 之 地 賴 都 公 焉 公。 而 金 也 踰 典 勢 某 内 又 丞,丞之去 即 不 ? 爲 相 月 弗 走 特 公曰 臺 召之命 臺 相 忘 歉 也 而 乃 陽 數 建 祠 高 率 也 9 告成,敞邃 檄 白 乃 : 捐 祠 É 之, 出 棟 里 屬 郡 下 貲 於 塵 於 宇 寧 宜矣。 章 E 謁 盛 縣 城 掄 表 郡 弗 都 往 嘗 匆 子 **\$** 出 公。公當 西 材 縣 壯 四 記 匆 帑 詔 祀 庫 南 宏 + 肇 監 戒 1 金 來 公於 未 隅 峻 年 生 行 所 勝 相 以 達 足 7

> 其 於 何 派 説 有 之 資辛 日 之 雅 惟 44 保 障 又 嘗 所 覩

> > 記

平 賊 泅 優 凡 執 括 野 寧 邑 贖 興 掠 而 妓 六 免 者 以 都 之 以 罄 率 或 金 無 計 驚 + 演 爲 必 以 竭 以 仍 抵 忌 遁 往 金 残毒 以 吾 也 狼 數 雜 保 也 衛 饑 Œ 乃 賊 不 不 豐,民 酷 德 劇 障 顧 疫 繕 東 行 裸 至 至 於 早 辛 死 所 可 城 窺 鄰 低 舞 直 無 , 未 城 如 者 者 7 犯 蓄 臨 失 壤 於 搗 所 回 焚 樓 曲 又 鋭 之 殺 豫 閩 喘 獲 河 率 以以 相 遂 無 新 之, 焦 戒 是 廣 中 都 息 除 適 不 棄 窗[淦 枕 稼 年 嘯 器 多 肝 夏六 備 趙 籍 H. 輜 私 其 0 作 聚之寇 派 斂 爲 腦 分守 呼 重 相 志 淦 疫 古 財 賊 賊 得 涂 月 蹂 且. 牛 謂 ; 知 民 所 地 至 駡 以 踐 馬 伏 報 以 \Box 募 賊 取 免 掠 以 行 最 : 兵 旬 萬 又 屍 於 間 偃 頑 激 張 部 早, 月 計 旗 反 此 童 穠 兵 横 拷 道 至 疑 屠 善 陳 粧 搜 刃 草 索 由

0

災、 者 《祭法》 然 誣 會 春 民 齎 法 遯 信 也? 答 措 也 也 捍 ? 涕 賑 ൬ 之賜 大患 刼 易祠 洟 民 日 危者 賑 自 石 歎 以 辛未來 者,祀之。」 哉 康 無 法 饑 於臺,豈以臺之名爲 ? 安,饑者食,病者愈,熙 乎 起 雩 疫 生之不辰 施 來告者, 報 興 峒 予邑父 於 祀 等 民 賊 未 寧之惟 無 出 者,祀之。 窮,天 老嘗 胡胡 踵 聞 没 相 操 不幸 無 休, 追 屬 人之際 戈 常 論 於 贵 足 不 刼 往 庭 能 繒 惟 兆 然若 爲 龍 事 禦 不 寧 辛 耶 寧 派 遠 口 境 未 大 ? 在 之 設 輒

賀 後 謝 天 中 退 其 鄉 子 怕 試 宅、公卑 試 忱不出 ,癸未及第 子 予令華亭 而 歎 奇之。 日 牧 : 語 謙 厚哉, 壬 少 退,不 人爲 午 傅 子 以《 送之門, 存 翰 遐福 齋 敢 林 詩 方 當 編 人也! 經 總 禮予 禮 修 角 官 第 明 登 在 1 卒 堂 H 子 中 諸 以 而 造 往 應 牛

> 之。 令子 邑 霖 也? 己 雨 累恩 天下 耳 而 小 享 傅 追 進 他 久 贈 祀 日 居 禮 之 祭 密 部 典 則 勿 尚 愈 先 書、 股 久 河 肱 而 保、 將 心 益 傅 不 膂 烈 特 殿 安 謂 如 學 寧 社 偶 稷 然 皆 以 否 如

人。 某 某、 六七人。一脉簪纓之盛,旁觀宇内,鮮矣 尚 寶 也 寧令陳某 仲子 派及 0 兹役 公名 直 名 也, 武 陟 輔 實 主 英 字字 翼 亦 之者 一殿 其 朝 以 中 成, 進 威 東 舍諸 \pm 承 明 號 台 委 范 思 孫 大 效 公, 復 授 僕 勞 松 而 京 卿 則 秩 之 贑 縣 者 其 華 守 派 凡 爲 亭 胡 施

白 竹 Ш 堂

成立 皆 既 邑 城 孩 母氏孫 之 而 長 西 吴子 孺 既 長 人之劬 學 而 逸 教 歲 勞 婚 调 也。 娶 而 生子 孤 年二十三 鞠 卓 於 13:

氏

我、顧 客未 壠 堂 Ħ. E 竣 + 兄 而 是率其二子,稽 悲戀 概 若 而 難 而 里 母: 喪 罷 逸 之 氏 顏 而 朝 也。 奉 背 服 暇 遠, 日 無 夕乎寢 白 覆 葬 棄 漸 **兴**已,親 日 室 於五 我, 乃 除, 竹 悲號攀慕,僅 輒 矣 構 處 Щ 我 食指 往 顙 友 而 都之白 室三 之内 堂」焉, 無 勸 墓 涕泣,乞余爲記 徘 母 爲累,條往 諭 楹 墓 氏,曷 也 徊 再 竹 於 割 矣 蓋 至 Ш 存餘 且 所 裂, 將 而 乃 有 日 居 志 返。 壠 Ш : 之中 息, 今日 哀 倏 母氏 去 來, 動 撫 乃偕 几 百 园 [?]於 我、 行 之 即 童 筵 工. 城 日 道。 丘 其 僕 吊 告 仲 育

泉 風 達 無 浩 聞 子 乎 以 人子 難禦,是豈能 爲 聖學 於親 不 荷 明、世教 知 局之以時、限之以地 思 而 不 慕之,則火燃 立,故孝弟之

> 嗜 終 哉 思 夷 有 舉 忘 教 而 八煮蒿 夷,而 祭, ? 險 足 乎 民 身 孝思惟 親 不 出言, 以 而 故里 亦可 也。 孝 踐 或 悽愴,著存 致愛致慤、 , 有 則。 名 孝子之至 如 以 生事、葬祭節 是故 間 勝毋, 臨 爲 焉 吴子 父母,而 孝矣,而 以 者 不忘。 禮 何怙 迴 其 也 性 而 車不入; 庶 則 事 文 孝子之心 幾 何恃之心 思其笑 詩 即身之所遇有 然 八具備 乎 以 也。 **>** ? 日 禮 . 語 欲 其父名 而 昔者 猶 葬 人 永 思其 顧 未 言 之不 先王 不 以 也。 禮 以 險 所

吾 惟 也 勞苦也,惟吾則 安能 吾 ,惟吾則知之; 則 吴子又跽 知之。 幾其 知吾之心而均之乎不忘吾母氏 自今而 而泣 知之; 吾之不 吾之名吾堂以志吾 曰:「吾母 後 而 往,吾之子若 敢忘 氏 之爲 乎吾母 思也, 學 而

逸借以

不朽,

即

吾

子

孫

咸

知

所

寶

而

世

守

而母氏之丘

隴

將

永

永

有

賴

矣

先生長者,言足

爲

訓。

片詞

所

及,

贵

惟

學

「杇」,康熙本作「朽」,可從。

0

四

哉,其 步之内 後 其 事 者 哉 知 使 母 荆 日 白 吾 子 子 乎 也 榛 ? ? 竹 之心 後 贵 之子 知 如 而 嗟夫,嗟 志 是 存 毁以 永 Ш 無 之人 吾常 也 故 是 永 堂 覩 孫 而 口 學 開 必 其 爲 平 其 誦 禁 母 哀 其 又豊 能 夫 ? 逸 有賴矣夫 薪 林 其 氏 吾 乎 绺 敬 ! 之 者 林 吴子 丘 斯 哉 樵 域 子 無 乎 所 若吴子者 而 壠 採 文 之 不 ? 懼 吾 伐 矣 攬 將 所 知 !」遂以爲記 雖 當 常 也。」 構堂於 以 百 泣 ,後之人豈 其 敬 然,吾 有 爲 樹 世 而 義 子 愛子 以 ,其憂思 材 而 謝 有 而 知 爲 宫, 溝 者 託 又 易 子記 之矣 之 子 乎 一今而 也 悲 所 以 無 之 所 深 矧 而 他 以 見 心。 愛 於 平 歎 名 爲 其 白 後

慎 菴 記

醫 1 劉 慎 菴者,廬陵之長塘 人。 早 業

里

有

如

子

應,人故 大 已棄 大夫有 咸 而 疾, 以 就 醫 慎 惟 菴 慎 卒 先 菴 以 生 醫 是 稱 名, 屬 之。 名 屬 重 慎 + 菴 大 夫 無 間 弗

儒

士

故 焉 戰 不 醫 庸 不 悚 人 作 書 云 小 是 之 也 然 與 有 口 讀 巫 望 子 醫 死 取 以 疾 慎 故 故 何 而 焉 「醫 於 日 爲 生 者 自業 於 以 敢 之有疾 及 慎 者 南 调 疾 惟 人父母 慎 慎 以 其 從 子 者 X 也 恐 之 自 醫 號 弟子記夫子 之言 0 心 父 少有 因 人之死 義 勗 來 7,若己 爲 從 律 母 印 心』之諺。 庸 也 哉 日 真 於 有 惟 所 其 __ ? 有 . 殺 有 凡 其 子 誤 生 慎 未 人 故 小子 軒 人之文,念 疾 之, 繋 日 而 之 平日 悉 真 之憂 而 : 焉 所 自 岐 焉 問 心 無 少 ; 以 蹈 者 若 以 所慎 焉 保 爲 醫, 恒 讀 於 下 是 醫 一,不可 赤 慎 聞 孔 真 ^ 殺 可 之 諸 所 士 説 故 焉 惟 子 非 以 人 毛 書 以 \Box 書 也 真 之 雖 寄 切 無

能却 未 不 有 中 人之病 不 不 思 遠 而 矣。 惑 者 焉 不 鮮 者 知 矣! 也。 真 之 惑 爲 劉 則 慎 生 病 而 再 徒 拜 皇 己 謝 皇 病 焉 而

敬

聞

命矣,今而後

知真之爲

慎

也

須 邑。 而 秘 是 不 復 器 識 子 求 1 試 其 之屢 進 姓 真 劉 也 心 矣, 故 諱 惟 雅 進 材 真 之以 重之,特 心 字仲良 而 真。 後 恐 可 謝 以 其 以 氏 醫 徂 窺 曰 學 於 軒、 E 游 人 岐 至 於

董 氏 重 修 黄 Ш 寺 檀 樾 袻 記

彬

彬

不

+ 葬 右 於 兀 其 所 畝 考 創 撫 是 清 建 州 捐 魚 宜 然 何 塘 寺 黄 於 陵 八 址 之黄 菴 塘 П 舊 後 常 爲 Ш 火 稔 妣 菴 寺。蓋 佃 田 孺 三十二户 唐 人樂 千三百 天 自 祐 氏 擴 元 於菴 源 年 畝 因 董 月 前 地 萬 君 輪 之 萬

> 仲 寺 其 Ŧi. 饒 É 皆 子 爲 之 和 諱 之德興、 清 其 尚 後 丘 人 尚 前 然生 萬 奉 盛 合 所 水 菴 住 仲二; 徙 偕 計 時 持 矣,至於今,代 嗣 口 萬 汪 君 久遠 祭 葬 其 爲 海 居 家 偕 寺 云。 西己 尚三生仲五 備 樂 П 坑 吴 其 非 萬 安 ; 董 宜 寺 氏 西己 仲三 配 直 氏 之 黄 僧 葬 鄒 生 楊 崇 來 流 董 年 楊 氏 浮 諱 尚 氏 者 失顯 坑 氏 間 葬 含 梅 屠 葬 供 之系 於 尚 寺 仲一 坑 北 應。 人。 流 飾 世 所 仲 前右畔, 源 坑 居宜 流 觀 施 諱 陳 是寺之立 子尚 自 美 爲 \mathbb{H} 金, 家 宋 尚 黄 也。 \equiv 分 坑,蓋 以 徙 其 派 百 9 前 仲 葬 冢 生 乃 畝 居

滅 郎 爲 而 致 道 麗 以 政 義 燧 御 聞 交者 史時 還 請 邦 · 記 君 望之孫 三十餘 於 墳 劉 余, 墓 公 熙 且 覩 年。 燧 臺 日 其 奮 : 先 今歲 志 劉 世 燧 聖 公 所樹 夏,從 賢 人 慨 之學 黄 然 碑 Ш 許 南 文 寺 修 幾 刑 與 圮 蓋 部 余

癸 德 耶 乃 天 寺 子 此 歲 之 德 出 公 有 丘 余 重 下 僧 之罪 等 巳 修 景 德者 余 傷 墓 耶 小 明證 俾 而 之重 不 計 ? Ħ 子 忌 璽 余 小 悲 余董 寺 則 哉 聞 請 怠 祭 心 竊 子 久 僅 余 僧 夫 其 有 不 於 文 焉 遠 禄 莫 罪 猶 唐 氏 小 安 願 方 余 先 於 修 在 居 所 有 後 徼 子 務 瀾 勤 夫 小子 傳 具 少 世 外 幸 太 粒 人 布 永 蓋 則 勤 者 F 參 載 今 而 事 虚 食 知 石 傷 長 其 祭 然 鴆 慕 黄 之罪 H 移 適 者 聞 請 先 上,令寺 先 1 後 戒 掃 心 所 當 公霖 文 而 公之 督 數 文 焉 獸 將 其 缺 世 在 謂 中 深 於 學 於 百 後 不 然 行 爲 所 余 以 矣 張 進 年 古 其 惟 僧 即即 以 復 不 其 之 毁 表 公、 1 以 人 口 先 有 衰 重 知 而 後 躬 我 章 歲 張 嘗 立 謂 夫 生 如 世 # 撫 不 者 其 寺 時 祠 公 慎 爲 先 先 嘉 方 臺 非 乃 忘 守 可 之矣 者 忌 事 顔 碑 人 公 言 瀾 静 余 嘉 先 公 祭, 矣。 之 後 明 無 爲 之 係 者 顧 峰 小 靖 公 而

先公之思哉?」

? 其 哉 猶 者 猶 以 詞 其 創 則 思 ? 父 復 黄 雙 存 爲 外 其 於 董 安 深 明 江 無 長 守 丘 飾 所 Ш 之 又 知 哉 允 子 墓 子 老 者 寺 同 董 其 興 口 1 哉 瞻 日 之 所 事 然 寺 之 移 9 謂 ? . 愛 者 稱 其 其 者 之 徙 後 未 几 所 天 余 僧 夫 耳 感 務 是 以 知 嘗 板 由 讀 浮 下 復 激 封 問 其 叮 不 13 藏 致 董 屠 贵 無 惟 寧 學 於 塋 掩 萬 浮 遠 氏 惟 雖 有 簡 之 其 愛 卷 明 矣 屠 家 簡 出 世父之人』 敬 詞 君 古 歎 以 寺 ! 倫 載 者 家 之 於 之 忧 冀 理 中 出 貽 昔 浮 心 所 至 mi 不 謀 蘇 屠 以 未 於 託 萬 而 忘 之 哉 亦 嘗 其 於 叮 子 : 世 忧 安 其 忘 先 浮 瞻 嗟 君 嚀 臧

蓋

彼

其

以

乎

乎

所

守

也

進

屠

知

⁰ 之 此 典 故 出 於 蘇 軾 四 菩 薩 閣 記 世 父」當 無

以 此 公之立 託 封 塋之固 不 石 杇 、又足 也 一、萬 0 況 以 静 君之德,不藉 重 峰 世 守 張公之公移 哉? 余言 熙 而 臺 自 劉 足

贊 彦 某 云 成 則學 某 是舉 也 博 余 首 某 并 某、 紀 其 其 事 或 者 名, 子 爲 生某 且 刑 以 部 庠 見 郎 董氏 生某某、 燧 而 之多 相 耆 與

養静樓記

溪 大 然 訐 夸 九 倚 僭 澗 以 屏 邑 息 侈 所 豐 林壑之美,不出 權 静 儉 推 俗 豪 崇 舊 爲 逸 爲 飾 | 樸野, 三、三十 號 以 城 服 自 社 舍、 樓 務 頤 相 高 輿 年 士: 雄 几 出 顏 馬、 農之業, 來, 長 席 景 其 可 器 貰 樓 靡 徐 用 然 日 君 而 覽 敦婣睦 甚 養 西 毓 而 大變, 則 北 静 产 盡 諸 73 競 登 峰 退 闘 浮 爲 而

> 之冢 若 之 有 則 嗣 以 超 。當游 資 然物外,馳 吾之 子 静 門 養 競之 間 也 以)情遣, 養静 大學 謁 生 貪 子 徐 穢 記 祜 之 慮 息

場,溺一 革。 免也。 皇 衝 焉 間 其 尚 性 仕 足矣。 之欲 帝 於 虚 天 家 玄,若將 尊 時 寵 居 年 夫 焉爲污俗所染 融 乃徐君 者 干 人生 俎 任 也 若 出出 乃用 戈競 非 之 Ш 可 離 澹 隆 子 而 欲 易易 澤二十 群 獨 静,天之 所 起 舉 動 方 以 則 有 長, 者 情 有 與 息 南 品 見於 兩 勝, 事 機 年 俗 而 倭 品 而 赴 於 人言 日 性 凌 厨 犬 遣 是 栖 北 静 召 喪其 也 競 馬 夜 黑出 欲 遲 虜 命 學 哉 ; 於色 之 焦 以 於 相 華 真,雖 感 ? 心 劬 俱 自 澄 五. 煽 - 祛靡 於 聲 也 以 有 分 子 巚 心 爲 物 賢 求 事 以 香 雙 蚤 以 亂 而 五 者 不 於 此 溪 歲 自 抱 味之 動 負 折 兵 終 之 謝 頤 朴 不

●「朽」,康熙本作「朽」,可從。

六

善,予 故記 之子 樓 ~溪 胡胡 之以 之 從 不 可 勝 7 忍忘 得 歸 游 也 每 刻 有 形 先 樓 年 諸 兄之舊 中 君 也 夢 與 寐 千 子 里 雅 伯 欲 相 子 求 與 求 五. 如 君 巚 君 義 往 大 屏 還 不 夫 息 可 況 相 於 辭 君 友

養正堂記

有 正 非 是 大 也 魑 養 之所 背 爲 見 魅 惟 IE IE 天 於 樂 鮙 自 而 大 地之情,又不知 正 魎 失 馳 題 安 繫 而 之, 其 之所繫 之,納 之, 鄧 天 天 君 故 下 要 地 亦 九 家 皆 之情 而 邪 訓 鼎 爲 或 貽 示 也 家 治 别 念 謀 誑 口 或 蜀 養 號 不 不 見矣。」人 ^ 天 之 瀆 易 臧 正 養 IF. 下 機 天 爲 **>** 之 正 并 治 所 彝 作 世 率 乃 亂 ! 始。 而 聖之功 大 惟 其 作 之機 斁 吾 不 子 堂 者 典 甚 夫子 知 弟 而 於於 哉 於於 常 IF. 正 以 而

> 之 見 後 天 也 其 於 家 子、兄兄、弟弟、 是 恩 有 世 地 身 亦 而 翼《易》 前 罕 誦 焉 其 餘 天下定矣。」匪徒 其 所 矣 綱 言 責 詩 以 Ŧi. 》之《家 顧 其 經具在 養之也,至矣! 常 讀 行 之主,其於天 其 之有 夫夫、婦 人》而 行 書 ,皆養之之 顧 而 未 言 詔 能 能 詔 之以 婦, 知 之 慥 勉 所 下 慥 而 日 是 其 文 具 養 萬 . 故 乎 家 不 也 如 也 父 世 君 道 以 又 足 鄧 有 子 正 而 君 身 反 之 不 芒 天 吾 下 爲 貞 盡 IE. 極

捍 以 代 靈 陽 寇 昌 生 秀 峰 儀 以 偉 之 先 東 大 君 生嘗 爲 衛衆,輸 其 所 麓,文峰 人 會 樂 家 紀 如 耶 安 如 ? 其 九 招 帶 粟 立 勝,而 鼎 水 携 惟 助 祠 者 里 岡 賑 其 以 人。 以 蚤 當 雲 聚 迥 光 適 孤 Ш 涣 絲 里當 承 當 而 111 拱 旌 飭 7 靈 其 小,水 鰲 約 義 ,毅然守 秀 處 之會 其 洑 溪 之詔,正 以 之 化 111 Ш 鄉 渟 勝 正 故 111

之見 學以 古人之學 故 其 子 淑 施 如 其 爲 有 珪 者 子 一、璋 聞 若 如 孫 此 孫 由 又其 如潾、潢、宸 是 而 觀 於 肯 之,則九 延 堂 師 之拳 取 章 友, 拳 鼎之所 輩,皆於 也 論 明 養 以 古

口

知矣。

之門, 家道 忽乎 其曰『父父、子子、兄兄、弟弟、夫夫、婦 其曰『君子以言有物,行有恒』,養之要 子 子 其 内 正」,正之大也。 日 一三子嘗受學 邇 庶 無 :「夫子 復從 幾乎 取 必 ? 子 於其 於《 游 於予 間 内而忽乎身, 易》之《家人》備之矣。 二三子無 嘗 友東 以 養 廓 正 務於 明 之義 則於養 水、 其 質於 外 婦 念 也 正 而 菴 而

冰雪堂記

華亭縣堂之後復有堂,高明敞邃,登者

首。 所 己。 不 淵 義 以 散 義若非 執 宜 錯者亂 亡,心亡 者罔義。 度,不傷財,不害民」,是故當官之法 幾乎息。《易》曰「天 非 雨潤 以 至無 ,所以 止之, 之。 害斯甚矣。 其 取 吏之清猶處子之貞,不貞者縱情,不 或 伯 有 諸 紀,人而 所先者。」予嘗徵 日 夷 名 節 則 造 而 日 殘賊 图 ,聖之清 日 :「令,父母之官 人,義之至也。 履錯。 夫仁耳。 化 取 暄,生物之仁 義 之義 冰雪」者,志 之,非義 之人, 縱 獸者 義 情 可 亡 也。 者 地節 仁 後於仁 也。 黷 心 性 也。 不 韓 貨 者 斯 冰 也 諸 節 子 清 鑿矣。 而 爲 義 嗜 賊 雪者,義 如 天 也。 云 哉? 几 也。 整 民 斯 利 則 其 冰 道 時 父 生生之意 父母 也,雷 非 凝 亂 性 成 清 母 性鑿 適 孟 之氣 雪 義 節 或 者 於於 惟 而 子 「殘,履 「列,艮 主愛, 斯 疲 胥於 動 則 清 以 義 義 H 介 也。 清 風 之 心 爲 制 或 而

則 則 也 不 夫 以 義 惠 不 暗 翕 之、 洽 名 聚 潤 政 堂 則 之、 以 者 不 能 散之、動 其 通 發 知 散 民 天 不 以 之者 平 政 ? 凛 和 「, 亦 則 不 官 冰 温 事 雪 不不 備 之 矣 功 廉

斯 以 公 堂 室 理 華 民 名 而 後 亭 堂 廉 記 至 惠 爲 焉 有 誰 興 聲 ? 廢 先 補 豹 、公鄉 宰 漏 是 黝 鄱 堊 X 陽 丹 也 張 漆 後 公 乃 + 宗 重 年 周 新 亦

群英閣記

其 使 堪 滸 Ш 111 爲 之 塵 在 家 者 説 濚 恩 儒 亦 謂 江 未 拘 學 東 必 紆 宜 未 欞 閣 注 盡 迥 必 星 於 然 而 然 渟 門 其 西 也 然 滀 西 F. 謂 靈 偏 西 以 議 祥 有 人 去 已二十 收 材 小 以 門 江 之 丘 篤 \equiv 水 突 生 生 年 白 西 出 不 英 步 奔 乃 於 盡 俊 之 而 江 未 由 勢, 近 之 有 於 雖

> 始 從 不 人 當 數 矣 其 成 事 時 月 於 事 閣 而 往 者 維 學 嘉 嘉 而 之殿 靖 蓋 靖 派 癸 爲 以 壬 卯 堂 政 子 遷 冬, 以 去。 齋 元 人 日 舍 品 材 也 派 去 ____ 爲 今 改 梅 念 X 君 Mi + 新 繼 世 之, 年 儒 固 署 方 難 欲 畧 其

之 千 百 土 庠 標 大 其 陳 英 宇之 夫 萬 其 以 八 於 過 非 人 + 考 閣 名 是 几 而 廣 聳 耶 餘 於 或 席 歟 而 登 凡三 ? 年 閣 之 拔 朝 ? 僅 者 之 不 連 以 蓋 其 六 而 口 霄 楣 得 來 百 進 + 間 縣 無 凡 1: 謂 人 生 而 大 覽 之科 有 登 + 題 是 而 夫 而 進 感 爲 方 名 小 Ŧi. 之 盡 士: 形 始 於 H. 里 而 意 科 方 自 閣 老 興 題 勝 或 誠 者 之英 謂 歟 隋 者 日 叶 朝 ? 六 不 唐 奇 是 開 群 不 + 在 獻 而 夫 使 英 爲 科 知 是 餘 秀 永 游 獨 萬 其 凡 也。 者 豐 幾 於 重

亡、無 行 道 然 章 引 則 成 也 獸 倫 欽 於 腐 英 之 於 道 八,以 喪 其 喻 \sim 無 未 化 耶 英 或 虧 ,如三公者 以 之者,惟 然也。 之前 ? 也 所 有 風 朝 可 德 實 其 英 自 自 ? 日 忌 節 概 其 著。 苦 香 俊 公 斯 斯 : 著 見, 餘 恭 今六十人之中,兒童 腥 遠、其 而 自 風 孤 人彀之聲 人 登 人 愍鍾 朝 士: 則 之祖 等 俗 鳳 之悖 第 要皆 謂 卿 斯 習 古 純 凰 榮暮 躐 非 而 相 實 人 公同 日 厚 有 詐 之 官 不 出 上之,文忠 逆 之 胥 大而 壞 指 落 反 忝 乎 於 其 士 貪 以 有 此 輒 其 覆、 於前 其 飛 父 行 化 焉 且. 昔 怙 以 忠烈著 美。 名 類 鳥 兄 樸 戕 爲 哉 出 淫 蘇 勢 而 輩之風 而 也 略 虐 氏 播 也 1 飛 麒 歐 若 昔 訾 走 無 鄉 作《 惡 文 塵 麟 乃 陽 夫 而 雖 之 愧 卒 1 而 間 之 孝 敢 0 其 族 世 修 毅 花 有 者 於 廉 知 亦 也 弟 譜 今時 遠 於 於 英 以 羅 之 登 耻 名 氣 何 9 之 爲 之 亭 肆 人 然 文 臭 稱 走 公 瀛 而 有 而

> 之可 忠信 盡 噫 追 論 ! 棄 之,指: 其 指 之義 祭利 平 摘 者 生 薄 某 0 不 飃 某 名 風 即 亦 以 與 也 欲 閣 爲 重 爲 乃 戒 可 而 化塵 傷 不 俱 如 哉 忍 在 蘇 之英, ? 於 氏 他 飃 之所 於 H 風 是 贵 而 之欲 知 其 云者 無 大 登 所 夫 而 ? 遺 mi

之宣 之多賢 來 令予 城 大 邑。 人, 夫 也 姓 與 爲 孫,名濬 梅 政 派 急 爲 先 同 務 號 里之婣,亦 此 兩 Ш 其 以 端 庚 可 見 辰 巾 宣 進 城 士 盛

作

人之意

微

矣

禄江李氏祠堂記❶

祀 先 於寢 李 氏 寢 祠 堂者, 且. 隘 祀李 弘 治 氏之先 丙午,若族 也 良 李 爰 氏 舊

■ 此篇爲底本佚文,據康熙本補入。

Ŧi.

0

則 幼 者 復 吾 式 奥 柱 怠 詢 # 族 者 漏 若 力 是 石 也 而 儉 人 敬 而 堂 者 쀐 哉 有 於 偕 歲 閱 詢 而 之有 後 先 成 不 愛 若 時 垣 ? 而 矣。 平 若 吾 墉 載 有 越 户 ? 詢 以 陽 事 楚 從 李 翼 者 而 再 於 、占鳳、 有 儉 陽 中 也 月 塗者 而 成 越 中 梓 先 公 E 崇之也 而 矣。 \equiv 力 材,吾公 者 矢 日 堂 翼 百 能 月 爝 不 : 基 爾 而 距 心 而 爲 陽、 孝 者 孝 備 往 嘻 期 惟 綽 堂 思 矣 重 乃 曷 1 而 楔 事 而 而 獲。 閾 詢 其 者 循 棟 伊 崇 事 李氏 崇 若 咨詢 而 梁 所 而 惟 其 而 爾 威 階 者 爲 隘 若 楹 以 往 先 容 堂 長 桷 弗 文 得 而 而 而 以

我 民 後 朝 之 距 民 氏 缺 嘉 僉 之良 典。」某始得 靖 日 壬: 7,其 辰 堂之 族 善奉 良元 其 無 先者乎 請 記 正 而 匪 世 爲 ? 惟 珏 之記 堂 奉 之 卅 先 羞 珖 者 必 惟 生

以

禮

禮

必有象

禮達而

象著。

則

覿

阚

先

於

記 者 族 孝 後 思 恪 也 赫 無 而 不 誣 之, 千 孝 人 思 祭 其 也 , 可 也 象 而 有 思 古 軌 盡 者 紊 究 以 先 贵 之在 昭 尊者 可 然 也 而 不 所 族 之 裨 日 系 穆 後 也 則 祥。 其 未 格 人 有 也 倫 吾 李 良 矧 軌 備 ; 則 思 象 言 輯 衷 也 知 堂 之欲言 今日 而 名 其 不 欲 者 之 斯 有 後 倫 是 遷 斁 爾 託 弗 煌 有 德 别 輯 \equiv 故 也 ; 覿 替, 諸 以 煌 堂 降 者 也 而 恪 有 哉 遷 堂 以 後 ; 告 休 者 ? 袝 惟 而 有 則 以 教 相 則 李 烈之 我 祪 後 思 時 永 是 情 託 雖 立 也之後 弗 也 故 孝 其 祭 孝 盡 哉 無 揚 教 遑 ? 思 式 思 也 所 言 堂 於 立 言 别 者 者 盡 後 相 彦。 之 有 子 先 而 矣 也 赫 故 人 後 有 尊 不 則

雙 江 聶 先 生 文 集卷 之 五 終

聶先生文集卷之六

乎

强

銘

奉 政 大 关浙江按察司僉事高公墓 記誌 銘

訃? 篆 友 收 聞 喪 克 葬之。 永 也 子 則 而 而 豐,甫 教 傷 愈 高 顧 之禮 事 子 乃 愈 莫 葬 痛 祖 玄孫高 事 之告 兩 之者 庠 暴 之未葬,求見於予者 殁六十七 月 骨 生陳 也。 廢 躍 無 攝 度 也。 所 縣 適 振 年 歸, 旦爲之師。 廬 江 翫 先是,予不 陵學 暴 子 乃 民 而 爲 與 **興**,故 諭 不 當 日 葬,至 江 道 日 甚 識 子 余 遴 商 勤 旦,予 躍 汜 得 0 是 度 委 子 躍 以 攝 爲 始 主

其

又

顧

人

暴 友 骨 陳 綸 事告之。 屬 子 銘 乃江 愈 事 子敏於行, 墓 且 報 襄 事 越 有 明 緒 日 矣。 介 子

於其 契者 者;不忍於其 交 之心 況 行 其 ,況於其親哉? 死,於是不忍於其親,有 心者反是,雖以其身之手足痿 而 於其 物 面 神也。 不 而至,無 然哉? 子 相及, 行不忍人之政,治 有以敝 日 ,乃受命 物哉 神 神者,心之生道 所 士有 江子 民,有哀無告 哉 帷 爲 如 曠 響,若 掩 於予 而 不 子 世 爲 犬 顧 而 於 地之相 其親 馬 焉 恫 相 愈 可 者 者 歸 而 感 在 事 也。 運 , 況於其民, 反 也,不疾 掩 隔隔 躬 之掌 去千 世之先後 是 蘗 骼 謂 夫惟生 痺已不 夫 梩 千 者 矣。 贵 以 里 里 而 ; 而 不 不 掩 有 而 而 速 能 而 忍 忍 之 道 相 僅 貌 死 所

443

不

不

所 歸 也 子 於是歎 ,故銘其墓 江 子 之神 應 而 慶暴骨者之有

及 誰 枯 執 骨 其 凡 文 非 厥 有 Ŧ 生 我 偉 哉 牛 師 寄 江 子 死 歸 聞 死 若 無 馳 所 歸

《易》 之, 然 爲 譫 疫 楚 諱 + 也 Ħ. 雄 安,字 學 愈 甚 奔 府 得 問 暨 : 舉 喪 學 中 年 江 其 從 楚 日 歸 以 教 永 選 子 子 永 文 反 容 者 授 樂 歸 字 見 貢 業 豐 静 駭 卒 假 大 爾 嘗 戊 先 孟 發 也 按 之,公 子 喜 欲 宿 淮 復 身 ? 於 廬 察 鄉 於 劉 日 以 都 官 墓 官 號 浙 試 新 愈 公 商 西 日 而 來 之 蘖 淦 事 : 務 販 坪 吾 學 時 授 奉 窗 河 終 學 無 \Box 故 焉 愈 茶 人。 無 化 淖 而 拖 慢 人 事 陵 恐 人 身 太 奇 務 世 有 服 方 州 能 宅 也 平. 學 公 氣 翼 子 弱 學 俄 主 明 諱 矣 冠 īF. 收 教 抑 劉 而 南 愈 由 日 璉 尚 陞 而 授 游 73 事 嘉 病 H IF. 試 能 友 病 者 患 於 煢 南 以 公 靖

之。 亭, 聞 書 政 事 部 奉 F 以 駕 丈 儼 相 公 夫。」 符 諸 數 吏 怨 侍 敕 榜 在 報 得 維 公獨 + 民 秋 卷 先 郎 命 進 陞 网 績 時 曹 懷 胡 曹 士 有 大 家 浙 於 浙 舘 公遂 年 畏 ? 有 某 夫 授 徒 京 歷 江 閣 ,聲譽 於 而 H 以 太太 夷 水 大 壁 按 年 所 毁 卒。 清 部 齊 雲 理 立 既 察 當 其 學 操 赫 暮 院 寺 不 司 久 公, 亭。 爲 秀 此 時 鳴 然 築 夜 能 右 愈 者 水 嘗 蓋 年 式 _0 曾 南 詩 寺 及 事 尋 吕 公 \equiv 克 E 無 陽 聞 評 文 按 0 於 以 公贈 平. + 勤 乃 宅 却 者 事 其 所 愈 跙 生 六 不 慎 罷 几 咸 事 私 采 之以 留 也 大 巾 杰 政 無 詩 嘗 第 之 英 得 事 致 歸 其 年 宗 優 文 攝 千 建 褒 桑 文 狀 休 心 底 子 游 以 却 督 洲 年 間 日 績 滴 林 學 幸 説 媚 金 吏 啚 何

化 壬 公 辰 生 月二 永 樂 + 丙 Ŧi. 申 H 申 月 時 + 九 教 H 授 亥 君 時 贈 文 殁 林 成

統

辛

西

果

以

儒

士

薦

於

鄉

明

年

王:

戌

登

劉

以 下 郎 封 嘉 子 孺 大 靖 理 戊戌二 寺 孫 教 右 授 子 月 凡 以 評 清 上 Ŧi. 事 明 父 世 舉 若 俱 日: 葬 祖 於 江 於 凡 氏 書 都 法 世 妻 得 河 家 書 僉 氏 事 嶺 祖 兹 以 得

封 文 林 郎 丹 徒 縣 知 縣 五 巚 公 墓 誌 銘

墳

之右

Ш

丑向

真

石

以

美。 貧 巛 謂 疾 奔 伯 榻 恶 哭 頓 子 哭 少 無 馳 己 寒 五. 嗟 維 壽 乃 芒 告 駭 巚 兹 衾 嗟 嘉 中 憚 者 相 懦 曳 撫 暑 兄 靖 與 哭 履 侈 哭 躬 暴 治 無 齎 義 其 執 卒。 + 而 棺 植 咨 手 德 方 年 斂 訟 子 來 者 ; 卒之日 夏六 相 哭。 謂 哭 然 併 哭 繒 愛 家 無 後 月三 力 而 哭 敬 宗 庭 質 知 競 哭 速 者 芒 兄 慮 鄙 日 化 哭 訓 哭 痛 頌 之 者 親 務 盡 族 其 故 德 致 哀 是 疑 惟 法 之 堅 乃 故 者 其 咸 我

> 盛 也

言 命 野 春官、宰華 1,坐卧 寐 間 點占 相 而 亦 馬 勗 自 兄 謂 性 子 图 南 數 遽 無 起 孝 不 出 畿 亭, 年 爾 欣 居 念兄。 就 友, X 耳 戚 代 無 守蘇 外 變 不 孩 巡 行 傅, 耶 乃 相 笑 不 1 州 耽 ? 兄 關 閩 游 以 與 府 翕 芒 前 於 嗟 無 暨 無 息 不 所 庠 嗟 故 兄 煦 念 過 伏 不 痛 五. 念予 出 試 煦 不 苫塊 與 游 者 規 於 于 + 齊 鄉 于 懷 年 病 無 惟 北 子 道 廢 無 而 子 上 H 荆 奉 義 草 足

不

+ 始 述 甫 於 由 善繼 發 益 赫 丹 相 於 徒 繼 和 子 振 予之身,已又發 惟 家 **\$** 祖 起 其 世 召 身 我 美。 瑞 補 以 考 公繼 子 忠 給 妣 不 事 厚 由 有 起 詩 中 華 是 巽 亭 禮 於兄之子 蓋 菴 殁 而 ***** 相 積 顯 於 召 孰 傳 考 德 王 補 丕 : 水 百 事 始 御 静 承 雲 六七 遷 史 祉 大 咸 員 雙 夫 + 哉 以 江 暨 静 進 年 澹 善

也

夢

襄

此 官 兄 V 永 咸 网 未 命 以 駢 有 子 賁 課 有 之 稱 自 最 世 我 寵 奉 聶 昭 敕 E 貤 始 X 以 封 爲 封 華 如 其 謂 子 前

骨 費 明 仁 憲 己 焉 憂 也 世 以 미 哀 暴 何 孝 彰 以 焉 П 然 無 喪 復 樂 兄 尤 露 義 標 天 誠 夫 皆 靳 西 聞 哉 之 子 福 世 敬 發 孝 譫 虔 也 墅 ? 喪。 度 間 者 語 之 口 血口 焉 而 H \mathbb{H} 働 以 禍 静 贵 永 中 委 也 責 弦 均 隆 語 丘 慟 世 之 子 節 寓 謂 骨 以 葵 賦 師 壠 於 所 極 京 龍 篤 焉 敬 親 竊 理 兄 飭 約 倚 而 首 蛇 親 翼 口 章 疑 友 文 焉 眩 鄉 也 之歲 兄 消 子 爲 春 毅 扶 T 於 敬 懼 沴 不 殤 荒 教 弱 平. 俗 11 爲 致 老 Ħ. 天 祥 穢 以 家 陂 之 慈 中 繼 於 省 子 定 之墳 己 王 以 往 雖 處 幼 是 乃 勝 善 而 V. 謂 復 子 極 宗 0 殊 則 几 講 : 皆 之 勞 守 有 兄 瘞 廟 子 月 發 喜 騣 Ħ. 惟 貧 直 愈 絶 欽

> 嗟 静 陽 子 沈 犯 平 死 -諸 以 九 吉 守 荷 幾 歸 君 縣 文 巡 廟 賴 痛 武 爲 焉 視 皇 丞 火 哉 變 得 皇 大 時 皇 九 帝 而 莫 帝 火 仲 道 月 臣 城 子 恩 莫 慘 燻 聖 冬 罪 + 之 淮 以 職 會言 於 天 明 \equiv 兀 揚 兄 爲 語 得 背 焰 日 H 告 喪 所 涉 論 諸 官 父 聞 災 淺 狂 劾 乃 計 推 自 文 情 嗟 赦 土 妄 相 薦 奔 乃 是 武 调 嗟 莫 龃 矣 糾 大 乃 出出 録 隱 下 1 得 痛 胡 臣 稽 明 子 於 詔 地 夫 抑 哉 給 來 程 懸 於 殤 獄 禍 級 事 徐 得 以 子 矣 廢 莫 朏 拷 汝 徐 渝 需 先 補 兄 險 爲 訊 霖 古 嗟 亚 於 建 數 静 ; 不

爲 兄 作 巚 樸 業 翁 子 兄 齋 好 諱 早 岡川 横 放 嘗 方 洪 笛 鴿 鰄 慷 放 馬地 字 之, 慨 歌 馬 文 兄笑 偉 大 彈 達 肖 日 射 别 吾 談 不 號 父。 棋 寐 Ŧi. 各 巚 少 滴 人 月 莫 其 不 鄉 夜 事 志 測 盘 X 其 家 龃 而 稱 從 爲 E 所 人

矣 嵩 行 永 妣 兄 年 言 鄒 又 嫂 + 鶺 無 孝 氏 張 月 次 以 原 思 孺 氏 拜 爲 不 世 封 惟予二人。 命 應, 豹,爲道 俗 孺 敕 淺 嵩以下 嗟嗟 人。 封 瑣 爲 局 子 , , 文 痛 俱早世, 爲 兄 局 林 乃兹榮 哉 旭 弟 子 郎 爲 六人, 也 0 丹 宥 榮 生 子 徒 嘉 子 事 長 何言 縣 俱 靖 喪 兄 知 出 雁 + 子 九 斷 次 顯

以 殤 以 徵 孺 華 亭。 於 人 男二,長静, 兄生己亥年 領 遠 男孫 封 也 ; 棟,女孫 次 即 Ш 九月十五 刑 出 科 閨秀,例 李妾,少 給 事 日,享年 中,娶王氏 得 鞠 書 於予 六十 石 誌 亦亦 妻, 有 壙

何言?

盤 不 銘 騫 日 不 : 刊 渝 洲 鴻 之原 漸 於 奇 磐 峰 惟 香 君 泉。 子 安。 窈 焉 谷

地

而

蹈

之。

求之孔門,其子羔之流

歟

?

遲 鈍 先 生 墓 誌 銘

其 葬 於禾 墓 嘉 靖 石 沉懇予誌墓 坑 甲 之源 辰 臘 月念一 ,附考塋 石,先生之子 日 也 先 叔 子 以 遲 琬 分 鈍 義 先 又 當 生

1

拳

也

子

乃誌

日

誌

呆 先 生 遊 Ŧi. 道 乃 與與 一点對 大夫水雲翁當雅 ,亨蒙家塾,於 生 先 而 先 語 君 生 愿 生 輒 暨予 故 慤 亦 移 言 家 别 日 諫 宿 不 號 不 議 兹 儒 知辭 能 遲 姪 五 敬 出 鈍 + 弱 先生,先 去 俱先生樸作刑 諸 年 冠 矣。 \Box 所 用 居 是 以 師 舉 生 人 故 自 席 足 亦 狀 嗤 子 縮 樂 讀 先 與 也 人也。 縮 生 與 先 書 擇 爲 翁 兄 先 談

447

0 底 本無此字, 據 康熙 本 補

非 厚 耶 有 ? 餘 而 智 不 足 者 孔 子 謂 木 訥 近

人

皆

呆

之,

君

子

日

都

七

+

考

終

無

媿

厥

初

善 以 促 先 類 秋 年 英 祖 力 順 辰 冬瘴 者 + 居 理 舉 先 生 爲 生 達 乃乃先 子 定 多 生 家 成 Ŧi. 和 先 成 業 娶 厲 + 化 月 傑 也 府 生 温 化七 補 妾 以 公。 大作,死 初 君 與 生亦 飽 十三 日 前 六日。 先 也 終 年正 庠 妾 先 無 大 身 以 而 廪 子 年 生 和 夫 是 者 月 先 是 膳 得 配 亦然, 爲 生 終, 同 初 相 生 陳 生 年 傑 敏 高 六 嬸 枕 無 氏 傷 荒 公仲 惠 祖 日 母 然不 哉 内 次珍,未 逐 告 生二子,長 没 野 顧 民民 高 至 子 惠 之慮 若 溪 有 嘉 祖 父老 黄 是 糟 諱 生 舉 即 聘。 靖二十二 黄 氏 年 糠 徽 汝 家 雙 謂 之 字 即 賢 不 英 黄 江 氏 無 前 乃 公, 甚。 厭 琬 辈 嬸 始 唯 甲

出 \Box 行 銘 必 : 擇 嗚 塗 呼 先 Ι. 生 於 世 爲 稱 己 鈍 處 夫 世 則 言 疏 不

婚

人

敕封孺人進宜人宋氏墓誌銘

之, 銘 知 也 广 降 於 1 之, 臘 日 也, 地 有 雖 死 月 於 嘉 知 助 内 者 1 廿 邑 靖 之 於 弗 政 E 之 有 Z 而 予多矣, 當 图 矣 彭 日 几 弗 也 鉅 夏 家 日 銘 子 纖 嶺 六 癸 子 慟 不 而 月 又 H. 鳳 愈 忍 念 白 子 誰 形 益 莫 子 銘 嗚 知 慟 日 之 9 耶 酉 而 呼 莫 憶 知 ? 壬 Ш 銘 1 子 吾 午 卯 之耶 自 妻亡 妻 專 魂 向 子 子 之 游 妻 未 妻 即 1 而 Щ 後 專 之 魄

婚婚 豐 妻 姿 + 宋 雅 年 氏 度 乃 以以 字。 邑 金 臭 字 牛 味 子 洲 與 + 丈 先 有 人 大 三年 瓚 夫 翁 契, 乃 之 契 女 子 乃 中 丈 鄉 妁

病

妻保

過

勤

憂

愈

切

無

何

虜

犯

平

以

娠

者

之憂。

壬

寅

閏

月

妾

孕

女,

女

孕

而

哉

??!子

遂

行

而

妾

滴

有

娠

者

妻

憂予

仍

主

憂

臣

辱

義

無

所

逃

也

是贵

婦

人所

知

四

44

何

苦

乃

必

欲

以

身

狥

官

耶

子

:

外

僅

+

年

備嘗勞辱

脱

危

禍

幸

而

不

死

者

數

榮

者

多

矣。

夫子

通

仕

籍

於

兹三十年

官

中

繼之以

泣

日

他

人

官,妻若子

衎

衎

肥

而

起

子

爲

平

陽

甲

午

六

月

病

矣。

庚子

辛

卯

+

月,

子

丑.

子

由

御

史

命

行

取

如

京

華

亭

縣

知

縣

試

明

年

爲

IE.

例

給

由

得

請

又不 以 府 師 妻從 陞 封 德 不 來 知 封 幸 幸 T 蘇 遣 府 子 邊 遭 聞 H. 州 妻 妻 華 事 太 先 府 歸 妻早 爲 中 亭 孔 宜 大 知 養, 孺 進 棘,今上 人 夫 府 夜矻矻 嘉 士 之 妻 妻從予遣。 計 靖 第 喪, 挈 從 乙酉,子 癸 止 采 妻 子 妻 未 庚 子 狂 茹 東 蘇 子 辰 行 議 楚 州 歸 被 以 授 死 待 熱 也 子 子 兒 陽 形 矣。 却 傳 H 轉 泣 日 飢 也 無 槁 官 虜 弗 淚 者 何 嗚 之 副 食, 津 訛 虚 使, 呼 久 報 女 津 謂 火 食 痛

之息。 若 歸 之,太宜 足 性 之 焦 而 有 未 有 <u>Ħ</u>. 所 劬 方 不 方 妻之 乏。 月 於 井 不 人亦信 鷄 日 資裝筐 逮 内 之 0 理 歸 又 豚 暇 子 鵞 也 善 時 子 也, 鴨 西襄 子 篚 日 輒 妻之能 酒 以 群 諸 兢 適 事 語 兢 子 所 機 旨 而 妻, 惟 有 家 杼 腯 代 而 事 醯 利 妻 也, 咸易值爲子 恐 葵 中 倍 毅 順 委之不疑 畜 鹽 落 然以 先 蓋 醬 子 太 大 藏 豉 自 身代 夫 宜 是 井 13: 之 人

之,又作 具 憂 蘭 弗 平 内 少 疏 少 乾 似 陽 熔 輒 乞 解 又 陷 9 吐 歸 喘 如 而 怔 殤 妻 病 是 怔 歸 喘 或 割 之中 憂 者 作 見 竟 日 腸 悸 \equiv 痛 妻形 急 之 夜 深 越 時 苦, 不 矣。 月 醫 或 存 吞 寐 弗 時 骨 聲 而 而 癸卯 作 骨 効 擁 V. 始 抱 V 衾 寒 嬰 而

哉

之,心 其 妻 乎 翼 恩 吾 色。 筆 度 之 防 反 少 X 飱 於二子 唇 嫌 事 1: ? 日 從 帨 出 功 幣 以 晚 過 一参祠 微 帛 平 事 張 子 慈 年 時 口 背之不 力 妯 於 之累 不 孺 幼 物 節 少 静 備 養 娌 嗃 宗 先 之 也 嫌 人 亨 哉 不 及 先 至 不 相 嗃 性 鄙 輕 曰 勞 而 ? 静 祥 大 旧 0 失 叔 而 得 畀 則 伯 戚 不 。」故 又若 吾 之 夫 欠 太 子 之女寡 張 妻 舊 人 有 1 嗟 几 子 父 亦 命 + 官 亦 知 之, 下 静 得 重 之 月 乃 得 慶 母 棟 人 不 大 年 之 諸 所 於 常 濟 逮 以 吊 之 日 曾 LI 義 襁 老 如 子 懷 天 人 媵 專 饋 歡 養 : 稱 忍 妻 抱 之急, 無 勤 者 妻 耳 之 妾 志 遺 也 情 爲 而 所 H 煦 ____ 尤 儉 得 稱 於 從 日 以 事 僕 知 歸 養 有 、學若官 厚 張 日 静 師 : 曾 事 往 寡 婢 而 免 心 素 母: 往 親 長 歸 有 專 嬸 媳 故 恩 爲 往 内 受室 多 友 養 母 婦 其 無 平 外 太 而 而 加 病 恩 之 於 語 或 稱 成 鞠 難 之 籌 妻 官 饔

> 惠 祭 之 不 不 子 與 慈 逐 祀 薄 妻 子 及 如 時 酒 尊 偕 妻 妻 婦 不能三行 老 者 者 安 好 之, 壽 始 寬 年 窄 惟 Ŧi. 無 短 + 愧 服 飲 蔬 長 八 濣 於 殺 而 宜 濯 儵 食 僅 逝 人 布 忽 無 子 之 三五 素 異 所 稱 是 背 制 即 筯 也 以 哉 布 而 慟 蓋 其 素 止 也 孝 自 乃 敬 非 奉 亦

數 得 己 垢 勤 有 亦 至 封 語 尺 学 喘 年 閉 至 榮 有 大 明 矣。 綿 不 死 夫 夫 闊 線 無 H 噏 以 用 也 布 7 噏 儀 鼠 獲 莫 女子 者 爲 而 帛 蟲 督 茂 拜 能 妻 無 丈 數 著 裹 他 嗞 封 滴 興。 病 者 足 婢 襲 蝕 物 命 士 革 婦 以 百 之 整 子 稱 人, 進 又 前 道 寒 負 整 跡 是。 宜 明 式 + 7 廧 士人 人, H 修 日 之 奇 菽 木 績 子 子 之 慟 翟 頭 麥 死 0 以 故 啓 諸 者 冠 炭 0 子 褒 進 人 日 屑 篋 勸 視 而 種 斷 ± 有 慟 婦 笥 之, 其 之 帔 起 助 妻 有 類 人 己 殘 服 家 於 稽 猶 以 得 陳 獲 機 子 積 盎 弗 蓬 此 天 官 所 憂

若有 金貿 外家亦無所 孫世掌之,爲外父母修塋、祭掃之資, 多矣,妻亡而後知之。 所 大舅 爲 也。 莊 齋 私 子 早 兹以 田 乃是年春 ____ 是業 十二石、 妻平生 謀 并貿券給宋氏 之静 魚 不植私産, 池 以以四 四 畝 蓋 推 子 意 + 於

之子。 喪也。 靛,儒學附學生員, 而名之;次名錠 妻生戊申九月十四 女一,妻亡踰月而後 早奉 者,近又 日丑 太宜人命,鞠先 生,名孝姑, 時,子二: 鞠 族 兄 傳 長 志 緒 叔

妻之意,亦少以慰予之慟

也

慈,厥 撰 詞, 銘 乃稱 用 曰:婦德靡他,詩稱宜人。 勒 斯銘。 情 天語 0 嗟嗟予妻,殆庶哀榮 涣賁,泉壤 寵 靈。 孝敬 茹 悲 惠

善大夫禮部尚 少 保謚 文莊 南 書 野歐陽公 兼翰 林 墓誌 院 學 銘 + 贈 太子

資

於官。 矣。 元寮贊 皇眷德之隆,賢臣 莊,命官護喪營域,録其弟昱爲國子生。 喁 慶 陽公於憂居,仍聽 初至朝,詔兼翰林院學士,入内直。 遭逢 然 期 然天不 嘉靖壬子春,上虚禮卿位,特召 ,慨然自 上震悼不 治 密謨,皆殊 平也。 愁遺, 任以 能 乃甲寅三月二十三日 終制 典也。 始終之遇, 典 已,贈太子 天下之重,而天下方 刑 公耆 辭不 Ш 斗, -獲,以 誠 少保,謚 德 其 曠 宿 所 視千 同勳 是 泰 望 繫 年 和 岩 古 文 聖 久 卒 喁 歐 自 輔

451

0

作」,疑此篇爲亢思謙代聶豹所作。 此 篇 明 萬 曆刻 本元思 謙《慎修堂集 亦 且 注 云「代

微哉?

亥 疫 部 省 未 試 之 食 鄉 群 祖 北 延 士 舉進 追 徵 者 郡 見 也 考 擢 捐 至 聞 讀 祖 呼 進 逐 再 公諱 皆 刑 俸 调 陽 書 母: 不 初 曾 絶 1 皆 明 數 以 郭 部 倡 境 退 龃 德 娠 祖 宴 先 公貴 行 如 員 賑 不 不 氏 焉 奇 與 享之供 師 俱 崇 外 赴 成 之,名 父 日 設 張 下。 講 郎 人。 13: 祖 授 年 贈 糜 力 氏 日 學 知 更 咸 時 吏 字 煮 踐 贈 會 虔 動 九 + 導 六 僕 有 感 部 勉 輔 藥 精 淑 ; 臺 \equiv 歲 原 安 共 左 異 臣 思 南 人 裹 楚。 考 賢 全 泉 州 侍 馬 以 爲 夢 薦 野 庸 守 活 母: 食 <u>二</u>十 之 郎 糧從之。 奇 0 公文 弟 先 講 至 在 數 利 貧 蕭 童 兼 幼 子 世 生 則 習 萬 自 稱 氏 翰 行 員 有 舊 興 學 歲 樂。 神 憲 林 封 茂 教 單 大 臣 值 舉 督 院 者 邑 太 穎 異 化 饑 T 行 酒 癸 春 於 學 尹 淑 學 不 稱

身焉 林 部 侍 羅 之 者 太 求 踰 改 悦 貧 酌 特 南 預 常 郎 未 念 八袠 南 病 要 成 引 京 重 改 乃 兼 公 茶 卿 發 鴻 或 周 公 修 翰 遷 聞 均 翰 之真 依 子 諸 臚 日 寅 丙 爲 林 尋 學 庶 會 風 南 勞 . 君 卿 司 清 午 助 編 召 依 至 典 費 尚 逸 業 知 子 掌 厨 者 是 不 修 以 省 寶 堅 究 值 詹 夜 掌 0 周 恩 復 編 我 薦 至 日 卿 民 不 外 事 或 出 義 閉 先 旋 不 進 摩 起 0 安 朝 簡 口 艱 事 子 於 門 師 能 諸 藹 獨 \equiv 儲 在 仍 禮 祭 仍 之 青 暇 歸 然。 容 生 該 載 誦 復 相 上 舊 意 酒 疏 遺 則 於 原 核 讀 命 基 心。 遷 任 請 事 旨 服 不 約 乃 舘 梅 時 教 也 不 太 悖 憲 子 既 復 陂 F 郊 當 庶 訢 遂 己 T 之 僕 章 隨 及 除 祀 闢 詎 事 吉 擢 訢 誨 西 未 衆 E 鄒 少 壬 祖 齋宇 議 文 者 若 +禮 太 以 卿 東 辰 制 謁 起 詞 於 不 改 部 晉 淑 心 將 相 廓 候 翰 己 吏 左 南 相 身 擢 棋 終 與 又 周 倡

擾, 之訟 請 名 焉。 某當 宗 繒 亂 哉 后 難 及 是 H. 損 報 喪 定 監 人 沿 夏 之 IE 往 威 或 乃 入,太淑· 秦邸 襲, 可 稱 閹 既 坐、公請 位 原 每 招 請 疏 酌 ,公私善之。 庚戌 於 所 衍 春 曰「宗女」, 酌 試 釁 講 庶 謂 命 中 至 曹 陵 踰 暇 親 人卒 今 經 人 朝 尉 是 横 所 即 主 僭 值 綸 之 盡 稽 鮮 輒 女 口 擾 會 所 H 又代 則 之 糧 古 聚 移 請 公公 爲 差 特 在 聞 試 Ŧ. 恩 略 責 封 耶 其 給 錫 又 闢 曲 深 祀 當 簡 堂 黜 廢 其 ? 發 寢 公稽 婚 閒 大 盡 祭 患之。 文 殺 婚 處 浮 酋 宇,略 崇 疑 資 考 者 情 葬 嘗 廟 高 者 女歸 擊 康 天 陽 , 壻 文, 如 祖 者 承 墻 并 雅 之封 妃 蔀 人 訓 此 遣 公 會 最 聽 倣 祭 上 薨 則 之 供 靖 監 力 高 士 自 了,息弋 際, 本 侍 永 嘉 養 逝 輸 號 孝 倭 江 成 墻 止 便 無 明 郎 有 納 浸 得 夷 烈 中 俱 知 制 探 0 公。 資 焉 木 文 皇 陽 制 尉 禮 初 所 封 居 理 :

生

太學 九 遂 華 室 初 至 聖主 不 蕭 聞 代 日 女三。 起 大 拜 出 生 配 待 即 0 ; 康 宗 距 臣 宫 命 紹 孫 氏 生 以 伯 中 廟 男三 慶 累 弘 殊禮 官 祈 舉 封 治 或 賜 報 一,宗符 奚 <u>Ŧ</u>: 淑 丙 稱 問 蓋 子 人。子 辰 公力 能 秩 屢 Ŧi. 鄉 宗翰 宗 上 屢 試 月二日 報 焉 · 男二 第 疾 宗 耶 而 草 ? 不 發 温 謝 名 壽 餘 越 綸 女 俱 Ŧi. 泣 慶 數 F + 邑 卧 日 錫 日 庠 側 有 病 廕

無 得 立 合 葬 保 狎 親 伍 容 之權 公天性 廬 訓 墓 鄉 人 臧 躬 孝 兩 勞, 賴 獲 愛,事 扶 之。 各 寢 柩 治 食 歸 與 父 恒 俱 人交, 業 母 哀 廢。 毁 以 骨 色 居 平 傾 鄉 養 V/ 居 肺 對 腑 創 撫 太 相 義 弟 妻子 淑 姪 示 X

0 漶 此 處 後 參 頁 據 康 底 熙 本 本 原 缺, 補 足 茲 據 甲 庫 本 補 入。 個 别 文字

安縣 慶 深 嘗 中 可 僚 請 不... 賦 等 博,不 砣 條 爲 於予 應 屬 + 將 制 理 斬 相 内 不 Ŧi. 以 絶 可 蹈 訓 爲 有 群 崖 都 丙 否 襲 解 易 岸 欽 疑 上 辰 *****, 前 謙 亦亦 宏 年 紛 天 皆 人, 每 虚 崖 兀 集 監 寓 不 倥 取 月 總 Ш 疏 翕 規 片 偬 善 若 首 諷 翕 × 言 填 庚 + 干 ^ 0 熱。 即 委, 立 靈 趾 八 卷 詩 見諸 解, 雪 沛 日,葬 ,藏 甲 文諸 遇 詩 之原 聽 然 大 於家。 行 作 × 者 應 政 公於 法 ^ 以 ' ', 停 之, 躍 昭 有 必 然。 悉 銘 不 萬 余 滀 格 與

濟 此 乃 素 從 日 「先與 變,予不 學 垂 遲 人人自以 子 晚 鈍 惟 實 定 被 公 崇 一 先 召 及公遠矣。 交 公每 師 爲 論之」, 得 兀 倡 莫公若也 侍 + 病 道 年 口 7 東 而 朝 拘 南 辯 公 方 狷 可 論 0 則 慶 不 啓 時 面 先師 自 麗 諧 相 發 豪 視 澤 世 訂 寔 語 傑 飲 公 IE 來學,必 然。 而 雲 而 是 公 以 集 通 資。 據 和 究 子 景

> 公資 家 中 熙 生 止 之 外 明 賢 此 私 禀 不 哭 子 而 數,賢 兼 也 者 何 天 能 失聲 哌 躬 淑 奪 矣 逢 哉 之, 吊 而 聖 ? 者 冥 會 主 悲 失 逢 理 方 夫 其 色, 可 與 際 致 悲 蓋 元 者 詰 夫 非 臣 又 耶 ! 爲 碩 不 ? 且. 輔 · 多 見 計 天 期 之 聞 翊

公,嘉 銘 禄 篤 猷 際 用 則 晦 不 玄宅 和 磨 有 我 公。 牛 潛 爲 聖 樂 我 胡 子 謀 明 抆 膏 獨 師 卹 艱 維 人 隱 0 發 典 淚 知 奮 告。 或 而 賁 澤 爲 妙 興 爰 而 之 奪 終, 衣 契, 主 置 文 銘 贊 槙 則 章, 左 之 覺 皇 被 盟 協 速 右 日 恩 既 星 後 命 皋 無 : 代 有 多 变, 包 虹 眷 售 自 聖 蒙 赫 炳 莫 無 昔 遠 鴻 若 及 周 與 黨 言 所 昭 名 門 有 行 京 嗟 寔 湮 揭 茂 孤 政 濟 是好。 烈 世 儒 忠 濟 大 生 夙 大 之 真 施 民 夜 道 永 德 衡 有 民 考 以 無 在 斯

江夏令蚪山蕭君夫婦合葬墓誌銘

高 故 子 其 友 表 蕭 見 希 亦 舜 多 者, 可 稱 軒 述 軒 奇 Z 偉 人 也 自 負 其

午,君 人 也。 御 籍 生深 長,學《易》 者 右 永 籍 非 者 豐人。 史手其 者,每堂 君 器 君 迨放 以《易》 此 時 雖 諱 之, 七歲受學 兒 永 貢 文, 韶 試 榜 於 陳 乎 語 豐俗 士 希 舉 遍 先 西 ? 一、家居 其 輒 君名第 於 舜 夸 生 濠 父 召 於 其 尚 鄉 其字 稱 監 陳 君 静 端 外 氣 之如黄 先 司 邑 居 菴 穎 祖 節 蜀 也 生 中 使 其 公云 黄 不 中 皆 尚 者 稱 間 程 談 弄 膺 别 先生。 謂 氣 爲 日 徹 號 理 屢 御 御 叮 節 賢 : 元 試 摛 先生,黄 蚪 史,名能 念 史 無 奇 辭, Ш 名 知 嘉 蕭 也。 能 士 屢 靖 令有 人 文 氏 世 出 先。 哲 奇 名 宗 知 壬 比 先 君 家

> 習 喜 悟 也 其 邑 詭 乃 其 遂 疑 每悔 郡 禮於 政,時 是 以 無 杜 出 ,令有金君者 君 非 敬 門 病 守、縣令亦皆 舘 初 其 讓 民之賦, 講 宜 其覺 造 闢 莫 家。 化 習 春 君 之 不 族 之晚 可 甚 心 口 族人 人。 而 君 舉 否, 力 不一 服 宜 與 折 也 有争,往往趨君 履 君 久 朔望,肅 春 力多焉 節 及 陽 畝 人 日 而 下 公 明 : 法 潛 亦 君 先 事 心 以 此 請 生 0 衣冠 猶 致 爲 贵 君 君 之 豐 永 吾 知 素 有 佐 倡 邑 豐 分 會 賢 求 己, 稱 脱 道 田 哉? 者 長 理 秉 然 東 自是 籍 幼 寓 有 别 君 南 多

隱 篇 雖 乃 會 各 ,月以三、六、九 面 薄 述 君早 折 素 暮 其 其 各 每 八過不 歲 身 携所 不 心 與 輕 逆也 予及 所 下人, 作 得。 日 至 澧 爲 中 子 澧 而 期 州 途 麄 州 於 牧劉 每 嘗 子 直 出 期 言 云 示 君希 能 約 輒 相 發二人之 作 對聶 欣 可 昭 時 然受, 否 義 約 已 爲 Ŧi.

如質神明,令人毛髮俱竦,懷慙以歸。」

呼 榮 顧 而 E 極 而 功 夏 \Box 試 盛 御 其 率 官 治 繁 狀 奉 : 弗 矣,不 1 事 政 按 儀 後 名 未及遷 之 似 日 部 第 望 成 君 楊 少 此 牧 職 品 烹 長 於 名 亦 冒 卒 下 君 民 子 循 足 身 鮮 而 楚, 素 爲 濫 就 受 品 從 之 理 以 玉 宜 應 御 負 才 子 知 良 天 循 君 觀 催 何 春 立 酬 史 時 日 官 給 當 良 也 君 同 操 得 則 , 抗 科 溘 有 9 名 之 選 舍 道 年 所 爲 楊 屈 吾 條 然以 適 而 出 吏 静 顏 高 如 學 也 以 吾 豐 宜 才 師 侍 也 也 此 撫 哉 時 **\$** 誠 賢 瞑 聞 則 優 0 0 道 베 御 久 ? 江 冠 党贵不 即 者 君 陳 伊 製 郭 所 民 日 疲 夏。 以 繒 然 耶 當 給 錦 侍 以 坤 不 之 車 故 ? 君 用 來 廣 事 皆 悲夫 告 御 民 偶 中 時 出 賑 孔 數 厲 慶 與 日 勞 君 濟 而 當 乃 桂 派 其 邇 奇 賢 進 . 宋 恩 署 治 錯 侍 門 稽 劇 矣 才 嗚 覈 信 當 其 愕 御 屢 侍 者 江 邑

哲 大 先 爲 思 祖 謂 浩 嘗 深 之,殁殉之, 與 君 而 母 事 序 父; 生 君 能 果 論 ? 孟 叔 也 止 職 舅 君卒矣。 其世 女, 0 父 之。 牛 勝 知 領 列 图 姑 君 遂 孺 其 二子 孝 焕 生 鄉 子男二人 不 配 静 所 力 系 教 崇 子 孺 邵 珪 薦 舉 菴 謂 疾 之能 之 如此云。 孺 矣。 此 人 0 孺 古, 公 子 静 焕 澄 赴 懿 人, 贵 人 日 初 之 菴 孫 官 崇古 珪 亦 : 君 哀 獨 繼 公 謂 成 克 義 將 生 日 君 之先, 慕,不 孺 吾 者 室 澄 於 律 生 有 澄 踰 將 軍 御 人之賢? 也 世 **\$** 口 而 聲 1 其 邵 往 臧 日 家 不 姑 世 家 數 年 易 儉 江 獲 律 浩。 希 君 行 不 載 年 常 浩 夏 有 所 聲 返 舜 母 隱 女, 亦 操 恩 口 從 生 儉 墜 於 孺 之 黄 君 化君 卒。 德。 學 中 家 來 Ŧ. 賢 俊 生 前 氏 爲 性 饋 遠 秀, 思 烈 居 屬 婦 貞 啓 膺 義 既 生 未 者 孟 時 疾 於 徹 是 世 之 爲 而 相 幾 誰 口

子 室合 月 素 彻 葬 知 君 君 焉 孺 卒 矣 人 於 墓 嘉 以 忍 在 辛 靖 君 永 亥 丁 泯 豐 未 \equiv 泯 之 月 九 無 蟾 終, 月 聞 塘 7,其 乎 + ? 銘 葬 闕 月 則 是 有 子 始 己 間 之責 啓 西 矣 君 九

過 譔 徒 侈 君 爾 銘 美 志 日 内 抱 之 婦 才 坎 從 分 諝 夫 兮弗 詔 兮得 來 史,信 獲 所 善 止 仕 伐 予之言 豐 命 石 偃 兮 分 蹇 匪 將 分

而

撫

育

其

孤,思尤

篤

至

也

乃

摭

浩

所

述

狀

銘

之。

明故坦菴劉公貫裕墓誌銘

儒 淑 永 有 真 豐 西 俠 有 公 淑 諱 平. 諱 風 生 壽 鸒 有 務 娶 字字 劉 甫 學 本 者 氏 貫 里 則 以 裕 務 郎 自 避 0 學 中 壽 其 兵 跌 甫 李 先 徙 宕 始 嶽 吉 永 詼 也 潤 豐 水 諧 妹 人, 之 壽 氏 喜 西 家 甫 交 平. 生 # 生 游 川 真 業 故

> 望 縣 秉 子 溪 夏公試 冢 以 子 學 : 琮 長 谲 諭 秉 諱 謙 承 瓚 秉 而 遷 某 裕 郡 奇 中 琮 真 則 之,召 中 博 宣 定 次 之志, 公之弟 永 德 府 秉 樂 丙 教 主 瑄,次 戊 午 授 乃 洞 也 子 鄉 不 學,爲 英 卒 鄉 試 幸 秉 於 試 ^ 妙 短 瓚 春 官 多 負 命 官 秋 士式 又 死 才 公爲 止 次 名 ,公哀之 魁 某 秉 公 學 教 由 縣 珪 H 憲 授 龍 知

監 賞 亂 信 然 咸 江 公,公任 公領 飲 書 橋 司 銀 義 委修 績 旌 牌 人 公坦 則 於石 以 其 天性 之 兵 復 夷 和 義 先 無 其 隨 整整 故 真 師 然 榮 家 本 不 率 鑿 禮 也 人 以 府 當 樂從 可 殿 有 歲 冠 柳 上 徵 及 郡 帶 告 意 雅 百 縣 之。 也 西 度 知 出 0 陽宫文 有 他 往 如 粟 樂 前 艱 而 征 斷 如 道 Ħ. 縣 大 其 捐 之, 藤 令强 百 忠 務 敦 人 眥 峽 寇 必必 善 歐 石 孝 積 助 友、 公滿 陽 助 平 寇 修 以 熙 , 祠 賑 恩 給 煽 屬 重 熙

之才 遂 語 貫 書 强 λ 西 峰 不 唐 者 以 移 陽 先 裕 尚 書 云 公 耶 H 宫 生 兼 幹 利 田 云 瑢 菴 至 潛 有 每 弘 以 語 具是二 沙 焉 稱 金 廓 義 以 甚 公 溪 。」知言者 之。 牛 沉 賓 洽 不 與 厚,士 沙 以 利 禮 未 者 先 扁 溪 禮 私 相 嘗 乃 生 公, 其 去 反 之器 輕 豐 以 慎 公公 所 可 金 與 人 詩 許 居 以 牛 局 人 簡 劉 與 簡 可 爲 任 百 接 ; 爲 貫 私 往 餘 重 疏 贵 坦 實 裕 異 來 里, 致 通 公 以 菴 録 有 途 無 遠 浹 言 以 之。 乃 也 義 洽 虚 色 督 尚 鄉 獨 月 親 人 修 民 士 唐 義 延

宗

徐

再

訓 遇 徉 卷 伯 君 詩 輒 與 時 相 酒 欣 郡 晚 友 稱 然 守 以 善、公 年 執 傅 逸 善 不 予手 五. 其 教 理 一愛 峰 老。 子,厚 談談 外 州 + 事 伯 數 子 古 輩 自 禮 今 故 杜 俱 結 其 事 大 門 以 髮 師 可 以 教 耆 監 與 愛 友 子 年 公 戒 子 結 手 無 者 仲 社 所 以 每 子 不 愛 爲 相 州 徜 釋

> 惜 9 愈以 公與 先 大 夫 爲 首 稱

名黌 桑 0 陳 鄉 室 義 陳 源 試 源 E 氏 州 氏 鄒 民 天 以 没 之仰 順 德 伯 氏 孜 輸 生子 授 生 正 敏 辛 庚 西己 粟 子 生 羅 德 之女, 亥 天 午 蕭 拜 州 某 戊 Ш 湖 某 氏 義 伯 **令**, 辰 子 長某, 月 月 聘 生 宜 君 官 + 日 遷 鍾 Ш 女 0 其 + 公公 女適 澧 氏 午 ___ 君 家 娶 月 日 ; 州 諱 问 夫婦 某 初 適 女, 雙 守 希 氏 稱 有 + Ŧi. 江 昭 生 ; 吉 合 適 致 日 石 相 次 於 兆 葬 庠 仕 楊 中 道 某 聶 閩 忧 於 娶 生 某 嘉 焉 環 庠 宗 城 湯 娶 靖 夢 某 再 源 戊 子 北 故

子

銘 傅 太 守 嘉 日 所 靖 述 壬 事 子 狀 春 責 月 子 銘 州 伯 子 君 乃 絾 繹 書 狀 介 幣 拜 而 録

鱣

西己

氏

配

都

公獨 簡 古 道 簡 榛 則 塞 易從 孰 履 有斐一 其 田 ? 峰 紛 乃 以 多 扁 厥 岐 廬 惟

源 敦 讀 口 秘 游 歸歸 而 語 仕 歎 只 百 德 朋 學 者 以 0 兼 慕 日 永 啐 美。 Ŧ 如 以 春 於 其 篤 流 惟 容, 芳 周 崇 善 祜 不 封 載 人 死 窮 汪 實 其 碣 其 口 牛 郡 度。 \$ 死 博 過 者 子 之肖 者 鄙 身。 曳 與 寬 輪 桑 子 薄

從仕郎工科給事中楊君汝容墓誌銘

州

伯

之

嚴

君

乎

?

忠 中 焉 美 天 楊 党 未 道 弗 文 而 君 殫 好 貞 代 四 啻 謙 起 朝 公 於 月 有 家 聿 甲 自 爲 戲 聞 遽 庭 宣 科 首 昌 殞 稱 德 其 稱 初 腎 如 以 世 賫 公 授 哉 近 來 不不 志 夾 行 ? 故 推 未 輔 人, 惟 I. 究 相 四 科 科 業 選 時 朝 給 第 斂 者 補 名 事 官 才 功 Τ. 流 中 爵 咸 靡 高 科 咸 楊 聯 以 彰 德 給 願 榮 汝 東 懋 拖 交 容 濟 里 事

然 謂 者 焉 之, 之。 偕 中 不 殞 滿 再 過 Ш 不 哉 之 禮 H 速 口 地 服 踰 豆 謂 能 未 謂 取 作 日 根 乃 科 令人分致 H 凉 夫 子 諸 轉 終 請 時 章 春 劑 子 與 官 養 明 諸 竊 瘡 差 恩 喉 掩 給 秋 憂 往 汝 時 時 同 潰 可 典 舌 事 遣 明 不 \Box 之。 視 志 容 事 凡 報 之,端 癤 中 孝之罪。」 日 攢 官 П Ž, 暨 子 咸 以 業 生 尊 過 謁 眉 無 己 峻 禮 人。 戚 日 奉 如 公等 子 已不 陵 完 乃 禮 坐 友 : 命 粟 咯 相 肉 相 日 噙 而 咸 還 往 制 咯 加 乃 能 恐 已又令家 勉 龃 逝 益 在 也 未 吞 作 取 出 虚 偶 之。 諸 歎 甚 又 答者 叶 户 欲 紙 火 君 茲 世 宿 若 明 是 如 吐 竟 上 筆 图 齋 日 所 是 乃 年 日 欷 置 以 刺 炎, 狀 効 百 人探 口 不 即 歔 春 書 諸 是 舍, 復 强 瞑 吾 唾 榻 未 子 者 昨 \Box 殞 命 櫝 問 而 H 疾 官 喻 問 月 涎

459

者 其 友 生 解 忠信 良 在 爲 非所 孔門, 知 君 世 蚤 爲 之 俗 謂 學 從 實 態 狷 不 反 反 宗 地 而 · 得 而 伯 有 身 中 而 南 所 介 克 行 廉 野 不 己 不 而 静 歐 爲 思 取 簡 陽 者 自 其 之 樸 信 子 耶 次 操 得 益 游 之天 至 篤 如 聞 死 楊 日 陽 不 性 汝 以 明 不不 渝 容 孝 先

日

子三,女四。克一、守一并長二女,郭 隱 文 務 命 諭 員 兩 丁未,中 忠, 去。 祭 承 謂之爲 應 祖昺 君諱 瀋 使 凡行人奉命,例 號北 命,己 13: 府 -李春芳榜 入大學 秋 嚴 海 渠 通 1: 字字 氏 縣 政 也 毫 西 中 司 護 無 汝 先 學增 奚 經 進 容 所 送 卒。 媿 順 歷 少保 染。 士。 有 廣 哉 天 號 ,俱 娶 金 生,以汝容登第 府 事 戊 行己 費 郭 幣 庚子 以 齋。 申 曾 文 禮 氏 文貞公廕。 通之喪, 祖 有 使者 選 鄉 補 繼 秫 耻 邑 行 試 娶 不 刑 庠 劉 氏 司 部 辱 辛 君 嘉 弟 氏 父 所 君 女 凡 行 靖 子 口口

> 生; 德 丙 寅 復 九 及 月 + 幼 Ŧi. 日 女, 卒 則 嘉 出 靖 自 壬 劉 子 也 几 月 君 生 īF.

乃 也 於給 據都 吏 察院 部 事 楊稽 爲 曾 姪 司 勳 行 務 載 雲 謂 鳴 所 子 者 述 知 文 事 給 貞公之六 狀 事 節 謁 子 而 銘 爲 世孫

銘

日

之 期 如 几 所 其 此 方 2,今觀 不不 以 爲 不 得 流 朝 辱 中行, 涕 陽 給 有 之 也 事 耻 鳴 之所養,非 可 而 銘 鳳 思 以 以 狂 而 識 爲 **震**,是 歙 之, 士 歘 耶 用 羽 孔 謂 昭 是 化 門 其 於 耶? 此 之所 次。 世 有 人 識 與 使 方 於

故 坦 菴 楊 公墓 誌

給 事 君 坦 菴 _ 面 者 也。 子 不 尋 識 奔 爲 坦 何 菴 如 計 逋 僅 而 識 歸 其 己 仲 而 子

其子 徵 於給 三子 子 相 相 中 耶 屬 臂 者 宋 ? 砥 善 焉 銘 不 事 者 之言 礪 君 來 又與 越 儀 君 索 京 臭 知 事 數 子 望 何 銘 師 其 味 朱 君 謂 千 亦 疑 於 子 刑 不 與 子 里 哉 嗜 何 宋 子 而 部 兵 知 言 而 0 好 以 徵 主 科 何 口 契 稱 子 徵 子 諸 噫 事 給 愛 信 若 辱 口 咸 坦 其 ! 張 事 於 也 氣 平. 出 友, 君 朱 菴 子 不 焉 生 子 宰 乃 君 IF. 而 故 知 者 愐 之 千 吴 和 伯 謂 古 其 是 惟 9 知 里 地 爲 辰 以 可 人 父 故 子 舊 絾 口 遂 類 有 以 監 而 调 拳 矣, 狀 年 銘 不 徵 仕 聽 察 拳 而 友, 學 相 交 諸 其 介 御 之 是

户

海

菴

徵 君 谲 何 慕 ? 於 乎 嗣 銘 臺 化 人。 日 諫 里 之英。 薄 嗟 莫爲 閈 視 嗟 載 聲 於 坦 質 厥 榮 後 菴 明 名 神 化 雖 維 克 矣 美 何 諧 誦 弗 傲 佛 名 潛 弟 出出 歸 德 獨 德 式 厥 曷 之 紀 豫 嗣 銘 貞 功 慈 維

焰

菴

權

爲

捕

故

陽

感

彻

.

勒 珉 靡 究 厥 施 寔 \vdash 没 寧

不 署 璫 名 者 嘗 其 公 遠 豐 白 訓 其 嚇 弟 弗 大 有 巡 衍 坦 IÉ 無 之 淮 别 按 復以 挾 有 畢 自 菴 盗 捕 光 正 狀 沽 所 安 號 如 縣 姓 楊 捕 世 則 楊 時 考 也 北 河 虎 生 坦 生 司 者 佛 氏 盗 方 巡 還 事 釗 而 今 菴 廉 來, 斌 諸 永 息 八 以 反 累 口 姓 自 其 顧 部 遂 樂 海 商 歲 事 子 取 吾 爲 楊 其 而 斷 7 家 户 生 初 於 榮 屬 盗 母: 海 Æ 民 與 自 謀 哀 江. 林 以 於 狗 無 始 有 不 行 其 日 欲 毁 淮 諱 身 海 林 馬 廢 擾 比 諱 暮 若 間 口 辟 光 任 豐 凡 壯 業 子 其 奄 生 囂 知 祖 若 利 成 縣 督 榮 至 渡 斌 日 也 里 囂 者 字 應 海 人, 害 之 濟 委 邵 者 系 洋 然 詔 斌 云 尚 必 出 從 上 IE 云 伯 克 克 民 以 例 牛 屬 德 湖 淮 義 孝 家 用 子 時 張 詰 補 田 中 安 往 千 以 捕 築 威 陰 菴 坦 幹 溺 坦

焉

與

生

則

蠱

七

Ō

吾 欲 寡 爲 之 社 桑 買 行 安。 彌 是 王 呕 孤 X 酒 一公韙 欲 楊 誓 呼 母 13: 篤 之 後 樂 承 \blacksquare 教 弟 激 公 風 孝 心 張 放 於 耳 委 又 養 鄉 於 嘗 傲 其 所 焉 之, 嘗 也 歌 旁 子 孺 龍 婚 人 神 修 督 善 久 午 日 短 某 溪 X 凛 名 何 西己 屬 日 義 修 使 暮 至 之上 俛 好 者 以 然 : 翛 無 月 太 蓋 勇 武 其 首 酒 施 口 見 然 異 史 不 屢 定 薰 日 武 作 結 化 子 居 飲 先 己 遺 暇 涇 日 安 鎮 有 其 善 導 饌 人下 世 出 人 茅 無 凡 給 野 孝 不 所 城 王 者 鄉 於 之 田 種 所 諸 吕 友 畏 廟 絶 佑 , 人 喟 張 費 地 詞 菴 樹 公 校 之 何 姨 之, П 爲 惟 下 月 孺 然 省 書 匱 行 耶 每 識 善 H 乎 恐 朔 歎 人 日 而 鄉 其 先 乏, ? 石 者 ? 之心 謸 非 陷 病 功 X 不 其 會 稱 以 必 乃 游 : 且. 於 速 聞 卒遺 然 校 意 鄉 其 紀 人 周 H 不 篤 其 求 之 則 者 而 人 老 有 僉 之, 善 也 間 退 哀 傷 所 爲 而 柴 生 惟 碗 自 憲

城

北

 \equiv

里

祖

塋之左

坦

菴

天

性

篤

厚

惇

倫

名

翱

女

孫

是

年

王:

子

冬

+

月

葬

於

冬, 其 之。 次 子 + 矣 子 乃 母 名 蘇 菴 年 輒 之政 巖 月一 之 之 肩 給 親 品 患 戊 蓋 給 稱 事 者 屢 申 輿 虎 風 嘉 十二月二十 長 事 + 之爲 使 授 痺 靖 訪 丘 贵 請 崇, 被 女, 九 明 友 T 利 專 艱 知 官 ___ 召 H 武 年 未 人, 早 適 澤 武 在 游 於 興 補 進 己 享 邳 卒 及 給 佳 動 進 之 笑 兵 也 西 ; 年 民 州 九 履 縣 Ш 事 堅 張 科 歌 次 t 宜 知 名 H 還 成 不 公、 終 民 而 復 巍 州 + 也 民 命 水 進 海 赴 歸 言 日 训 善 孫 宜 有 耶 士 下 豐 即 距 德 笑 養 謂 權 ? 重 人,卒蒙 怡 而 給 生 於 自 至 迎 每 : 光 坦 如 事 爲 我 汝 若 養 武 古古 天 洞 配 菴 成 也 但 君 進 氣 京 孫 安 足 之 之 君 爲 化 修 給 也 師 氏 男 矣 暄 計 辛 善 子 己 汝 ; 天 事 時 和 Ž 又 亥 亥 養 生 至 父 下 以 坦 明

追 不 理 論 疑 與 夫 人交 給 輕 財 事 出 好 毓 肝 施 祥 肺 之 與 以 所 物 二 自 無 者 雖 競 Ŧi. 往 故 尺 往 時 童 有 之大 子 善 欺 人 夫 之, 逸 士

敕封孺人陳母徐氏墓誌銘

民

之

稱

非

调

也

1

永

終

子

其 茹 陳 仲 享 家 惠之 111 陳 年 氏 兄 痛 子 富 子 翁 珦 七十 祖 之配 之 姻 荒 珣 萬 徐 冢 且 所 候 13: 孺 石 迷 友 選 貴 太 有 婦 人 述 顛 其 在京 子 者 孺 踣 拜 學 在 而 人 友奉 世 恩 恩 生 贈 聞 卒, 己 事 通 封 之子某某 珦 文 日 狀 家 卒復 紅 珀 計 直 林 乃 矣, 爲二 大夫、 郎 謁 之母 蘇 朽 何 藍 義 子 填 月念七 憾 則 何 Ш 爲 奉 委 南 珦 耶 稱 縣 厥 曾 安 口 墓 ? 曾 子 辭 銘 知 翁 州 日 玄 恩 祖 手 時 縣 知 繞 母 泣 子 劄 孺 珣 州 寶 膝 也 與 并 m 人 子 善 西

> 葬 以 稱 厝 德 乃 或 銘 吉 學 匪 日 之 哀 0 : 英 弗 月. 妻 谷 榮。 以 繼 弗 夫 美 龍 陵。 貴, 元 潭 孫 之 大 君 原 夫 子 濟 之 銘 濟 Ш 配 雲 之,式 水 仍 盤 母 溹 昭 考 以

繁、 賢。 耶 僕 省 時 13: 诇 ? 太 不 西 超 庶務之叢委或有 0 憚 太 11 孺 年 公 孺 孺 子 有 子 人 + 人 煩 諱 與 古 人 帥 隱 九 耶 訝 子 德 某 氏 安汝婦之能 歸 ? 之日 口 以 陳 乃 姓 學,未 家 無 氏 獨 徐 . 政 以 壅 鍾 氏 六 傳 汝 汝 嘗 而 其 年 養 婦 之 問問 集 德 徐 而 而 也。 者 之 歸 爲 家 孺 於 寶 耶 事 女, 養 也 人 邑 善善 抑 之賢 ? 北 或 以 何 公 惟 故 門 有 没 子 食 日 孺 日 益 望 嘗 指 所 暮 暮 人 彰 族 起 之 僕 姑 逮 歸 稱

- 「葬」,康熙本作「茲」。
- 「所」,康熙本改爲二小字「未所」,可從

親 + 守 稱 是 相 家 而 友 輝 西 忧 視 謝 咸 談 之, 曲 111 政 姑 有 平 鎮 汝 子 家 賢 咸 媳 生 何 江 得 聲 井 居 怡 一,未嘗 幕 日 專 井 愉 一暮歸 優 遷 志 不 貤 藍 游 不 稱 改 於 封 不 晚 Ш 歸 予 家 學 考 景 **令**, 德 以 舊 慶 妣 學 於 僕 子 白 也 已 成 孺 恩 僕 首 遷 古 人 及 而 爲 西 相 雲 安 也 官, 孺 煩 111 歡 南 汝 耶 子 南 官 婦 未 冠 安 無 每 之 紫十 六 帔 州 弗 自 能

里 是 恩 阻 子 選 龍 年 珀 廣 潭 娶張 IF. 字字 恩 東 孺 之 月 時 人 萬 伯良, 原 生二子 + 氏 卒 州 生子 業 有 西 目 南 七 亦 9 Ш 棄 : 雍 H 由 卯 惠 長 娶 官 或 向 以 珦 惠 歸 學 合曾 云。 臘 字 聘 養 拜 氏 月 曾 官 伯 某 氏 生子 娶 有 珍 日 程 日 , 1 孺 以 某 氏 葬 乃 某 X 或 於 殁 生 以 學 於 次 憂 品 子 牛

澄

生

田

字

韞

玉

隱

而

未

見,益

振

其

家。

田

非

所

敕 封 徵 仕 郎 户 科 給 事 中 筠 菴 居 士 藍 公

墓

銘

起 族 明 時 蓋 州 也 出 號 出 卓 著 以以 有 伯 郡 卒, 楚大 也 遂家 有《 識 志 封 諱 百 政 生 之儒 獨 葬 夫 筠 君 歷 死 敬 卓 焉。 稱 詳 於 藍 州 諱 於 亂 可 字 傑 乎 高 之 宋 尹 賢,字 兵 仁傑 記 今墓 ? 焉 安之大 生 事 亹 有 革 **>** 一才翁 宜 之後 藍 政 者, 敘 猶 世 以 而 氏 生 廢 巋 其 卒 政 鳴 成 又 興 生 不 然 後 9 全 自 豪 自 子 以 及 其 宕 在 子 梁 文 李 核 大 字 宗, 梁 政。 靖 孫 時 博 博 成 乃 世 也 自 始 不 學 與 遷 郡 遂 則 政 伯 蜀 元, 忍 史 遷 高 志 裒 宋 澄 文 出 離 筠 今 逸之, 塘 季 然 南 靖 刺 菴 其 居 伯 盗 謂 亢 牛 渡 墓 筠 系 其

世

亦

不

疑

人

欺

及

給

諫

登

第

讀

書

中

秘

發

性

坦

夷

不

設

城

府

不

解

爲

機

詐

以

欺

堪

雖

晚

歲

豐

裕

視

約

乏

無

異

堅定

之

見。

有

口

所

重

雅

尚

冲

澹

所

御

服

食

多

人

所

不

妙

契

數

學

其

言

未

萌

得

失

多

奇

中

每

秘

而

不

羅

而

致

之,

强之

不

口

自

是

風

規

介

亮,

益

爲

翰

林

出

推

瑞

郡

務

章

履

城

郭

凡

 \equiv

+

餘

年

逸

之性

吾

不

能

以

此

繼

黄

氏

鄒

黄

贈

465

弼

孫

男

六

壽

次

即

給

諫

君

繼

黄

氏

子

男

從 二公皆 龄令 林 吉 膻 而 成 而 去 遂 壑 穩 以 易 試 鄉 取 棄 字 泉傅 倜 風 彼 行 頤 有 去 惟 里 爣 可 民 也 天 益 司 祥 中 利 有 俗 歎 著 和 自 達 名 守 奇 稱 豐 日 以 屢 是, 功 : 1: 學 穎 於 氣 天 欲 暢 名 財 泉 足 乎 攻 雅 封 以 與 禮 潘 不 曠 吾 程 器 少 補 君 以 芬 也 年 科 封 五. 孺 於 爲 軋 改 中 孺 給 鄰 七 戒 給 蕙、 里 事 人。女一, 里 諫 j 卒 芝、藴 長 中 未 先 束 開 歷 坐, 配 嘉 進 子 封 騙 官 靖 長 明 蒙蒙 士 姓 局 户 君 娶 汀 癸 年 僮 如 + 適 劉 娶 教 甲 H. 禮 蓀 僕 夫 有 ,以子 Ŧi. 鄒 氏 寅 諭 人 七 里 氏 劉 朔 無 科 不 無 年 克 敢 諶

以

疾

終

於

正

寢,

享

中

女

有

士

行

贈

貴

恩

封

徵

仕

郎

撓

官

可

及

有

所

加

式

之

文

俯

首

有

司

聽

參

劉

月

Ш

定

交

焉。

重

封

君

屢

試

弗

售

郡

學

弟

子

員

稍

長

其

長

子

也

封

君

九

詩

名

吉

生

琢

字

安

生

鐸

字

子

循

循

生

使

封

君

張

聲

焰

傾

難

能

乃

矻

矻

以

盈

0

兒

優

爲

之。

而

栖

遲

之。 攝 與 例 慰 焉 得 封 幸 君 明 舊 充 而 年 使 例 給 愈 而 元 册 諫 封 日 乃 封 慮 期 君 科 禮 諸 封 遣 亦 官 藩 君 臣 兼 H 以 王 忤 聞 H 程 歲 9 日日 而 望 每 歉 冀 下 憂 給 歲 庭 請 也 諫 廷 冬 趨 明 降 之 杖 乃 有 年 來 詔 百 H 首 而 慰 計 以 給 夏 給 也 奉 調 諫 諫

仲 以 弗 諫 乃 文 子 具 是 不 義 爲 狀 歲 及 里 躬 甲 懇 弗 月 含 午 能 子 某 斂 口 銘 了, 宜 甲 年 墓。 子 , 其 又予 給 1 痛 諫 葬 忽 以 於 忽 道 某 無 義 老 以 Ш 相 人 之 自 契, 也 原 解 即 與 子 子 給 弦

穹 誰 舘 碣 諫 銘 垣 明 阡 珠 朝 . 以 淵 陽 有 俟 涵 藻 筠 於 詞 猗 世 淵 猗 世 珠 天 言 澤 子 媚 貤 旅 其 封 鳳 菴 凰 龍 於 章 居菴 飛 涣 賁 翰 者

故周母羅恭人墓誌銘

著 質之太史念菴羅 伯 哉 傲 何 岸 婦 耶 德 讀 ? 世 主 Ż 不不 恭 出 而 義 人 信 以 先 爲 言 且 不 生,先生 冷 外 疑 色 塘 焉 親 見 周 人,肯 乃 憲 日 己 狀 伯 乃 :「此予之族 四 羅 之元 出 詞 恭 吊 人 以 配 陽 章 狥 \mathbf{H} 婦 憲 章

> 賢 節 姑 也 0 推 也 無 子 劉 賢 踰 乃 子 (哉淳 恭 述 方 人。 憲 興 淑 伯 在 譽 狀 吾 座 弗 而 耳 銘 昵 熟 亦 之。 親 焉 H : 銘 憲 之宜 伯 吾 之 鄉 矣 言 内 ! 足 助 徵 時

供 士 命 傳 舅 甚 憲 歲 耶 稱 人 而 之退 常 具 人 勤 姑 於 伯 奇 貢 ? 右 豐 摳 之, 授 爲 夜 儉 司 族 恭 祖 如 豐 訓 華 人 備 衣 坐 别 事 某 謂 況 姓 脱 約 之 駕 容 父母 敢 不 靡 必 恭 屨 擇壻 東 羅 以 縣 退 事 夜 不 擇 泉 人 舉 氏 디 户 当 稱 分 不 之祖 唐 ,名某。 訓 人 時 别 無 細 賓 不 群 公之令子 試 恭 0 駕 率 别 廳 寢 土 人之 恭 若 某 駕 日 日 别 配 式 則 人 縣 父 古 與 以 駕 焉 遵 歸 少 恭 胡 教 代 文 水 别 ',别 與 安 周 駕 學 人 安 擇 不 事 爲 熂 安人喜 人之舊。 亹 人 氏 群 不 行 駕 下之 而 1: 父某, 豫豫 也, 費 亹 之 得 誼 一人師 司 擇 羅 左 憲 善 訓 奔 詞 婦 伯 走 安 事 表 愛 世

許 監 過 侍 郎 + 危 服 惻 歸 憲 河 密 事 踰 可 室, 伯 辯 翼 察 南 也 膳 副 身 惻 年 吾家者,必 俱 總 使, 聽 省 終天之恨庶 嘗 不 御 便道 惟 稱 事 尋有 總 卒 未 能 己丑 藥 勘 别 史, 業 名 禮 恭 有 嘗 久 安。 駕 士 是 人 當 巡 奉 歸 條 衣 大 一、憲伯 於 學。 從 帶 白 按 相 命 省 序 與 皆 此 是 憲 兖 清 憲 兩 ,恭人從之入 不 外 伯 婦也 故 爲 其 州 即 登 安 又 伯 己 解 浙 戎 婦 事 憲 日 少 憲 明 進 人 之命, 者 果 兩 _ 人 德 爲 伯 :「子安 慰,賴 尋 伯 年 士第,授行 不 白。 閩 浙 月 Z 母 危 憲 别 當 豫, 餘 西 儀 伯 之以 兄 駕 以 取 恭 尋 有 歷 美暢 累 京 竟 持 弟 卒 哉 道 憲 人 擢 恭 己 官 身, 弗 法忤 分 於 濟 伯 ? 中 人代 乃 mi 福 異, 明年 人,奉 聲 官 寧 起 舉 撫 外 勢 要 哀 建 輔 於 流 理 苦 教 幾 以 也。 恭 不 恭 按 扶 又 臣 鄉 使 是 諸 察 法 X 喪 從 拜 之 代 人

在

人,非

誣

也

467

若 慈仁 餒 駭 食 嫁 妄 無 身不忍去 大夫士 之,略無 無 加 姑 間 無 言 依 所 於 得之天 洽 資 臧 者 和 者 有 獲 周 如 聞 靳 妯 性 非 喪 氏之門者 惜 咸 而 娌 不 鄰 節 考 歎 依 孤 妣 惠 惟 焉 以 而 間 族 0 逮 傭 爲 取 施 里宗 寡 憲 媵 者 保 於 所 伯 是 妾 乳 凡 舅 比 戚哀 故 狀 貧 13: 脱 姑 也 而 没 所 之 ? 簪 爲 乏 行 詬 之日 述, 類 不 然, 解 署 道 恭 有 能 衣 皆 惻 鞭 禮 人 存、 0 遠 終 孝 鑿 諸 推 朴 其 鞍 近 敬 凍 食 婚 不 姑

學 意 氏 日 增 忠, 忠 繼 廣 恭 俱 龍 日 生。 人 府學 氏。 惠。 以 夫 女孫 生 忠 意 貴 早 娶 娶 封 四 廬 劉 恭 世 9 男 氏 人,子 陵 孫 心 劉 繼 氏。 或 四, , 袁 名 子 氏 日 惠 棟, 生。 意 娶 心 幾 李 惠,府 日 周 氏 曾 而

「惻」,康熙本作「側」。

0

月 殤 之陽,辛 某 0 H 恭 人 Щ 生 Z 年 弘 白 某 治 稱 某 月 古遷 某 年 H 某 云 月 1 某 葬 H 於 東 没 Z Ш 雇 卯 州 某

狀 女 雇 貞 之? 州 銘 之 日 阡 譽 弗 蔚 淑 伲 焉 矣 親 恭 峥 質 峥 之太 孝 納 敬 史 詞 慈 於 斯 仁 出出 名 稱 用 誰 勵 爲

則

處士徐師儉墓誌銘

先 是 爲 交 期 子 於 歉 生 務 礪 訣 是 行 大 其 嘉 人 璜 式 遵 子 靖 而 先 抆 憲 璜 Z 託 疾 生 懇 卯 淚 擇 璜 革 几 子 臘 再 畫 地 + 銘 月 拜 以 無 而 六 年 子 慕 爲 蹈 他 日 語 乃 庇 跽 亦 爲 辱 泫 而 惟 獨 師 九 不 請 然 大 恨 儉 鄙 原 悲 人 徐 不 先 弗 痛 先 獲 君 子 暝 哉 與 生 先 歸 之言 惟 大 子 空 而 之 人 先 託 夫 是

儉

德

如

日

鄉

里

嗤

爲

猥

衰

猥

,

善 煽 ? 死 + 惡 無 何 考 夫 憾 終, 所 幾 讀 勸 也 何 書 富 矣 不 譚 多 乃 乃 爲 道 男 憾 據 人 子 世 徐 神 弗 , 之 图 生 所 跙 稱 有 怒 所 7 士 醜 訣 述 巾 狀 行 人多矣, 耶 此 爲 而 ? 其 銘 人 子 人 之。 神 不 何 而 銘 彰 如

哉

穢

即

八

早 衢 旦 者 士 彌 處 孜 義 日 蘭 年 忠 改 篤 士 聞 師 體 與 當 家 善 厚 補 儉 處 子先 出 若 俱 事 藩 路 1 甚 儉 口 鄉 不 以 椽 義官 諱 薄 樸 大 榮 人 尚 勝 善 德 得 於 處 遂 以 中 書 衣 公及妣 行 字 之 士 重 冠 以 公 歲 著 誉 辟 而 天 服 師 口 相 以 服 救 性 久 儉 後 善 夏 此 言 左 可 衡 公 舍 起 氏 處 之考 捐 膺 右 稱 子 家 輿 不 士 金 嘗 之。 補 友 若 馬 出 淵 致 愛一 清 Ŧi. 嘉 邑 蹈 口 數 源 庠 + 考 循 其 水火。 行 T 無 大 弟 弟 助 岳 儉 循 所 老 概 子 金 軍 衡 德 不 之考 騁。 耳 餉 中 而 號 베

祭器 俗 勃 人 何 聞 口 色, 以 0 不 以 而 厚 笑 不 嘗念祠 口 用是 樂器 乎 日 能 ? 凌 人無怨惡 及 即 祀 駕 我 蓋 不 香 弗 人、 以 償 其錢 火 裕 猥 之器 横 ,亦不嗔, 穀 出 而 衰 張 金 歸 子 自 聲 之類, 母 生 德 待 勢 生息 殖 於 而 且. 者 以 處 以 捹 索 云 公溥 資 士 白 也 也 弗 蒸嘗 金 無 如 違 待 疾 處 以 出 例 備 言 責 士 而

之,致

孝

享

也

子

姪艱窘

不能

朝

夕者

資

爲

轉

運

而

産

業

肥

磽

隨

人愛憎爲

取

舍。

舍

弗

士

故

也

守竹 恡情 夫 也 海 而 交 樓 縣 令金 墟屠 故 諸 取 譽之,無 平. 君 弗 公、 生 石 子 抑 莊 不受官 署 直 皆 退 魏 縣 知 遇賢 議 南 事 1長譴 邑 焉 野 别 有 駕 士大夫,恭 張 辱, 善 羅 龍 人 公咸 而 田 如 邑之賢 師 孫 禮 而禮 儉, 兩 以 賓 Ш 士 足 多 凌 郡

靖 Z 卯 處 1: 月 生 + 成 兀 化 日 丙 申 子三人, ●長琛, + 月 念二 日 次璜 没 嘉

口

塋, 兹奉 娶鍾 祭陳 繼 出 女 倣、侃、偉、俛。 /繪 Ļ 例 某 次 秀 柩 氏 不 瑞 元 葬 琛 得 璜娶 有子 於 瑢 則 西己 袝, 興 亦 側 鍾 而 省 平 范氏 而 今繼 室 氏 祭, 殤 鄉之 處 所 劉 士: 琛 瑢 歸 出 氏 周 繼 袝 以 未 自 ; 所 陂。 楊 之, 侃,皆 天官 次 有 出 氏 瑢 子 族 唐 人 璜 與 女 繼 治 陂 瑞 歸 長 適 西己 爲 命 子 聘 德 也。 兄 南 劉 Ŧi. 徐 江 氏 於 琛 坊 氏 氏。 俊、 省 琛 相 所 處 袓

小 不 瞑 士 人 張 阚 惟 勢。 訿 銘 目 德 티 : 訿 是 恕以公物, 輔 周 噫 陂 ! 厥 之原, 子 德 忍 不 維 爾哭, 以 例 何 善 ? 不 世。 得 哭 義 袝。 以 不 君 銘 子 放 乃 墓, 與 利 袝 庶 儉 處

四一。

⁰ [E], 康 熙 本作「二」。 按下文,處士共四 子 似 當

敕 贈 文 林 郎 監 察 御 史 坦 菴 宋 公 墓 誌 銘

狀 師 告 是 士 諫 進 行 有 還 前 來 翕 知 足 友 義 一,爲 之 乞 鄉 徵 有 然 世 單 儀 義 銘 歸 田 固 將 監 望 流 銘 菴 有 之。 謀 諸 察 暢 子 坦 云 盛 不 改 御 所 上 菴 知 澤 位 口 封 史。 條 儀 覃 卒 坦 慶 無 辭 其 對 望 恩 且 赫 菴 室, 悠 上方 也 出 舊 敕 論 + 赫 裕 乃 按 矣 封 餘 之 列 者 招 以 河 年 光 率 如 選 而 口 東 其 多 茂 況 其 於 年 而 子 稱 事 於 異 宋 子 以 胡 官 H 監 以 太 儀 君 布 竣 察 史 天 充 望 衣 坦 有 杰 子 於 下 臺 舉 菴 質

耀 田 夷 畚 不 父 焉 按 習 魁 坦 爲 菴 昂 曾 機 諱 大 號 曲 聞 父 隱 奸 正 字 閒 П 聞 之行 9 娶郭 義 大父 以 孺 字 邦 肆 人, 行 鉉 其 生 坦 含 爲 坦 章 遂 人 菴 弗 號 坦

甚

衆

未

幾

坦

菴

亦

病

衆

籲

天

泣

日

若

爵辛

去。

時

舟

人

名

病

疫

躬

調

湯

藥

賴

以

全

活

襄,有 衆 累 均 從 計 家 腴 得 何 逆 氏 幹 人 坦 税 濠 不 事 自 衆 産 坦 好 蠱 成 志 苯 吅 0 納 Ľ 以 菴 凡 敗 遂 交 負 反 全 首 悉 自 屬 奇 匿 游 乃 歲 譚 棄 男 爲 謝 坦 以 是 其昆 氣 廣 命 去。 子 獨 時 當 仇 菴 委 不 日 品 寇 稍 公 世 皇皇 析 . 者 治 之, 出 憐 若 有 流 券 私 務 好 長 報 身 生 季。 公仁 而 難 里 刼 率 涉 9 出 役 代 産 求 收 誦 事 人 至 \oplus 父, 坦 附 於 鑿 之, 夜 人 季 菴 9 縣 傳 毛 稱 非 官 舟 被 鑿 不 也 竟 且. 自 詩 及 勞 平. 坦 盗 以 糾 切 領 解 初 穉 取 百 \approx 以 害 菴 累 事 兵 衆 其 不 執 其 家 攻 嘗 之 酒 不 隱 隱 情 督 捍 知 縛 隱 荒 雜 舉 挾 不 口 食 閒 閒 餉 禦 爲 子 閒 語 頬 貲 祥 0 尋 不 而 甚 業 盗 甚 游 居 度 毅 亦 欲 乃 克 觀 而 不不 急 力 也 湖 遂 無 然 獨 伯 古 \blacksquare 推 家

忽有 等 孝弟之行, 賴 公無死,公即 黄 衣 可 人 通 來 神 視,鍼 不諱, 明 ; 之,尋 忠信 若等能 之極 愈。 獨 生 昔 可 乎 以 人 ? 謂 出

入水火」,

謂

不

信

然哉

也

歟

?

學,日 之譽。 就學, 生子 儀望 税 敏 怙 縣 女 庠 乙未 編 口 權 生。 均 受 幼穎 役 干 敏 Ŧi. 坦 駸駸 淑秀, 賦 督 縣 學 月 菴 紀,儀望 ; 且. 次 節 課 於 異 初 不自 繼 生 庫 掀 有 財 尤 坦 嚴 + 天 梅 鍾 聞 嚴。 次 出 凡 日 氏 厓 滿 順 有 首 一卷於諸 馬 倣 享 縣 郭 假,而 甲 惠 發 適 封 遂以 之税 先 申 政 年 其 次 往 張 太 生之 四 一余弱 子中 七十有 奸 最 儀 孺 從 錢、 文學 及爲 月 公公 簡 望 人, 事 門, + 最 贖 冠 於 卿 起 即 生子 御 所 金 孫 時 與 古 有 日,卒 史, 科 監 鍾 男 咸 坦 人 朝 坦 第, 愛, + 察 鳳 配嚴 值 出 菴 菴 身 陽 餘 君 \$ 遣 俱 嘉 逆 人 以 仲 心 鳴 也。 氏 吴 之 邑 於 之 靖 J 子 鳳 帥

> 染 藉 發 不 庫 止 城城 反 役之手 以 致富 此 以 社 累 污 而 ,俗號 其家 吏恣 又有儀 坦 菴 貪 爲「金銀 不 望 即 取 購 焉。 爲 此 而 之子 庫子」,以 得 事 購 足 己 而 得 口 得 之 以 書 是 而 其 顯 役者 名 況 悖 無 當 人 口 書 簿 世 所 每

苟 貴 菴 命 世 德 氏 爲 熟 之樹 其 昌 落 載 不 即 (美之可 仕 錫 嗣 落 銘 與 使 日 德,真若樹 發 君 厚 輝 : 其後家 嗣 祥 積弗施 躋 暎 古有善作 傳 以 点崇 貽 厥 斯吾 爾仁,祥 慶 據 里 裕 漆 而 要多珠 乃延 食報 銘之弗毀 者 崛 保 室 矣。 視 然大 者, 國 厥 於 爾 後 祀。 玉 其子 樹漆 履 起 故 生 文綺 惟 今舉世 以 哉 善 於 嗟 嗚 豪 媲 ? 始 哉 降 呼 前 祥 矧 雄 重 衆 美。 當 富 寵 惟 宋 以 坦

敕 封 孺 人 劉 氏 誌

恩 感 當 者 誉 H. 以 孺 孺 我 化 \pm 殿 人 前 $\sqrt{}$ 請 封 給 則 姑 學 13: 諱 孺 劉 非 命 諫 意。 有 孺 左 善 望 人 氏 \pm 人, 如 以 婦 人 氏 毓 劉 姑 其 遂 廬 獨 姑 年十六,歸 姑 方 氏 系 而 以 官 州 襲 慈 不 相 者 行。 出 弘 劉 + 郡 效 婦 13: 誶 9 廬 治 給 推 王 順 九 姓 於 封 姑 陵 丙 家 0 諫 \equiv 母: 在 室 大 寡 荷 封 辰 父 載 外 陳 孺 者 劉 以 居 Ш 君 四 持 君 考 人。 婦 忘 几 周 乃 月二 輒 陳 績 鑑 嘉 耶 貧 + 氏 以 先 私 謨 年 得 家 + 惇 里 生 相 語 之 祖 默 以 嘉 閈 政 六 無 戒 母: 涣 榮 例 靖 聞 付 先 H 稱 \Box 賁 也 請 癸 不 孺 生 生 長 贅 風 :

年 嫂 敕 \equiv 無 譴 人 如 蓋 事 孺 擢 老 婦 0 皆 不 姑 所 寡 寒 其 0 人 吏 雖 動 死 素 是 以 利 孝 强 無 傳 送 疾 科 無 臧 以 贵 女, 謂 我 所 爲 敬 且 給 是 孺 獲 大 他 淺 終 依 華 慈 終 革 事 可 之微 人 義 憾 初 丈夫 耶 也 惠 身 中 不 不 不 引 ? 王 不 得 獨 謂 0 慕 知 驚 以 而 所 亦 屑 姑 之天 恨 之賢 未 父 相 其 意 同 亦 能 未 問 爲 不 13: 幾 室, 繒 爲 豐 不 嘗 也 性 得 所 哉 婦 唾 不 約 知 ? 有 而 衣 欲 終 人之仁 若 四 利 其 0 所 孺 食 養 言 雅 而 孺 給 竟 妄 爲 人 與 尚 老 孺 及 人 諫 華 孺 無 施 之 俱, 姑 登 儉 則 人 而 人 樸,終 計 能 第 有 於 試 外 笞 庭 語 乃 泣 之矣 至 居 弦 鄉 兄 撲 韋 及 忍 \Box 官 省 + 之 訶 訓 身 他

謀 + 有 給 九 孺 諫 人 娶王 没 生 子 癸 氏, \equiv **H**. 十二月二 訓 長 娶張 給 諫 氏、謀 次 + 嘉 七 娶 訓 日 王 氏 又 享 次 年 女 嘉 Ŧi.

官

有治

行

者

補之,

而

給

諫

爲

召

用

第

人,

遂

俱

渥

典

也

又

明

年

風

憲

員

缺

召

天

下

郡

縣

天

父

三,希 爲 龍 副 銘 塘 使 長 之青 子 季 元 適 子 於 蕭 希 口 龍 給給 益 學 門, 寵 諫 次 希 有 甲 1 適 道 亮 Ш 以 劉 義 庚 是 之契, 寅 孫 向 年 女 0 俱 臘 給 故 月 口 撰 諫 某 許 邑 具 次 人 日 聘 狀 葬 而 安 銘 孫 謁 本 成 之 子 里 王 男

興 龍 乎 於 ? 此 塘 銘 之 嗚 女 中 涯 呼 : 之 婦 賢 龍 師 貴 哉 躍 孝 雲 況 備 妻 垂 天 貴 有 章 順 樹 之 涣 賁 而 之 13: 豐 風 貴 譽 化 慈 碣 命 里 几 過 閈 有 馳 者 者

如

此

敕 封 文 林 郎 雲 南 道 監 察 御 史 張 公 墓 誌

者 寒 泉居 自 公諱 袁 1: 州 士 亦 司 優 號 户 早 石 參 諱 屋 軍 寵 Ш \equiv 人。 字 傳 天 至 先 錫 洪 世 以 爲 有 字行 虔 州 景 愈 重 號

> 弟子 判 歸 其 撰 異 + 也 約 生 生 郎 子 遠 五. 累 廬 墓 懷 0 Ŧi. 離 出 真。 傳 徒 今 貲 歸 文。 子 菴 所 歲 膝 知 若 甲 求 至 其 敏 萬 吉 善 下 畜 生 性 贑 公 徙 縣 此 \equiv 安, 屬 古 州 潛 去萬 弱 方, 潭 分之樂 曠 尉 宏 對 非 書 夫,公之王 定 去 州 冠 公廷 遂 淵 遵 岩干 詳 安二 天 古 省 居 潭 奉 見 字 意 晦 Ш 於 一瑞 吉 以 州 卷付 潛 於 白 畜 舍許 清 乎 事 徼 之街 者 爲 ? 夫 大 里 德 之, 親 聲 大 南 學 命 乃 之 許 從 利 西 長 是 遂 父 以 唐 生 烈焰 以 士 長 爲 居 有 參 棄 小 也 補 附 道 蓋 之 淵 無 横 士 知 舉 廕 湖 將 籍 立 間 何 塘 生 行 政 子 大 授 慰 補 徐 歎 器 鼻 錫 事 業 父 暇 吾 盗 公 以 承 贑 重 祖 則 親 焚 所 儉 穎 縣 錫 而 : 事 生

> > 473

高 鑿 鞍 士 傳 如 覩 欣 記 然 神 讀 往 郭 林 恨 宗、 不 與 陳 之 大 百 丘 時 陶 相 淵 上 明 下

究

心

墳

典

博

極群

書

商

確

古今,

臧

否

人物

文、 文 杖 衆 取 據 者 請 御 火 仰 結 族 事 日 公先 屨 口 於 史, 之田 祖 切 切 乎 役 萬 吊 又 平 日 拓 墳 民 俗 游 免 有 從 例 者 號 安 : 頭 納 舊 之 世 隱 慮 詠 司 也 寺 得 + 有 於 而 祠 古 歲 稱 是 廬 則 所 之 九 厲 免 新 在 各 爲 以 Ш 早 誉 毅 守 以 不 邇 地 蕩 其 公 雜 妥 户 调 卒 張 誉 不 然 善 虔 可 耶 時 里 析 棟 泛 靈 之 比 足 以 者 獲 皆 守 長 ? 爲 名 宇 中 親 之 公役 身 靈 有 者 ___ 視 廣 歲 勝 輒 不 張 法 應 且. 任 無 葺 取 築 别 相 時 寺 率 免, 捐 之 之。 氏 友, 所 鄰 其 之 盛 業 衆 修 觀 役 貲 再 邑 屑 居 不 好 之 如 垣 露 睦 率 遂 苦 築 而 載 如 街 愬 墉 探 \mathbb{H} 禱 惟 爲 影 稱 故 陂 ^ 糧 修 諸 凡 囊 以 義 Ŧi. 奠 勢 射 平 乃 灌 家 廬 役 徒 時 生 充 弱 雲 安 家 與 乃 逋 陵 約 狂 如 跣 里 乘 藏 歲 風 志 其 信 負 富 棄 所 過 里 尉 蹈 暴 中 以 息 祀 教 僧 割 之 爲 湯 列 類 田 不 比 甲 高

> 咸 神 祀 公 過 允 徧 非 其 其 天 闕 請 里 下 典 9 耶 輒 而 ? 俛 桑 仰 梓 乃 咨 倡 之 嗟 諸 地 生 無 謂 徵 : 志 畝 文 以 之 111 聞 宫 忠 當 以 烈 栖 祠

總 啓 歸 是 令。 學。 午 盍 弟 囇 麓 廷 下 釁 尉 有 往 子 奉 以 獄 從 成 尋 戊 嘉 每 莫 皆 見 命 東 戌 語 以 之? 靖 V. 南 自 之 其 巛 宫 知 清 甲 人 雍 是 誰 第 於 甘 登 覃 有 豐 午 日 啣 有 何 茅 廷 父 肅 周 恩 寒 異 : 廷 歐 子 廷 旋 尉 瓚 泉 政 時 尉 廷 封 陽 不 尉 不 奉 公。 榜 兄 逆 尉 官 人 召 先 肖 能 領 進 命 弟 續 骨 數 生 補 如 學 鄉 逮 辛 惟 士 之 爲 其. 在 雲 其 若 薦 百 \mathcal{H} 謹 間 甘 已 罪 南 子 官 踰 復 肅 道 有 先 上 M 0 奉 遂 爲 年 服 總 發 鎮 監 唐 生 春 聞 敕 X 恨 兵 之, 守 膺 虞 宫 察 授 明 洲 良 陽 也 柄 氣 庭 御 清 知 乃 Ш 頸 年 明 臨 史 訓 自 之 怙 豐 逮 貨 海 高 内 岐

省 明 寵 制 年 煽 命 人皆 戊 焰 在 申 君 日 爲 怵 毛 命 廷 索 巡 尉 禍 廷 貴 危 以 尉 州 自 謂 短 全, 當 而 辛 乞 穽之,不 非 弘 身以 忠 復 也 命 遯 口 H 便 得 趣 道 \Box 廷 歸 又

爲

爾

尉

至

則

以

逆

誅

,始遷

今官

成 名 詣 是 衰 父 弟 風 惰 H 賢 門 德 13: 皆 東 麻 半 容 畢意 質 義 敬 親 喪 醒 廓 如 公性 用 IE 益 事 司 俱 鄒 毁 是 已 欵 奉 早 孝友 寇 薰 伯 公 爲宗 如 踰 具 於 # 執 兄 潛 咸 制 衰 以 齋劉 鄉 坦 夫 敬 語 撫 黨 端 年 樂其 軒 喜 禮之, 鄉 皆帖然 養 所 潔 每 賓 乃 人式 諸 老 嚴 時 不 志 宗伯 客, 不 孤 憚 而 薦 荷 談 之。 以 彌 人 故 退 恩 詩 對 輒 衰 南 篤 \exists 謂 賓 服 踰 論 妻子、 泫 年 野 有 乃 其 客 學 仲 然 廢 歐 不 易 有 调 以 出 平. 感 禮 兄 陽 以 互 薛 從 故 童 · · · · 改齋 公、 泣 和 包之 相 郡 相 比 無 僕 粹 司 之 率 塊 居 傾 自 虚 無

> 洽 是 可 以 聲 音 笑 貌 致 之哉

野 睠 之約 曹 鳴 靈 雨 吟 來 流 齋則有「公去 而 雙丸 之句 言 逸 起 奇 此 作 莫 連 公襟 N 萬 疏 應之 光 撞 興 廷 也 作 即 愁 任 里 懶 以 景 尉 ; 鍾 饒 抱 霈 説 Ŧi. 自 擬 軔 後 性 詩 之句 巡 夷 然。」 黄 孤 男兒」, 布 暗 結 至 Ш 則 築 追 臁 睡 隼 楓 中 詩 河 海 汝 曰 游 題 石 喜 E 到 宸 投 苦 社 雅 : 壁 如 不 屋 日 看 平 娱 甘 此 冰 志 之句。 腔 間 則 可 雲外 落 青 頭 晚 肅 頭 雪, 遣 林 春 云 有 及 成 紅 使 節 作 我 兒 修 壑 二,此 爲我 之 去, 春 今 就 復 \equiv 力 我 赴 而 喜 詩 却 衹 燕 風 之詩 學 疾 益 花 東 甘 寄 寄 達 吟 怪 坐 醉 則 須 陟 只 題 之 榆 廷 之 廓 詠 帝 塵 陶 Ш 度 岩 從 莫 尉 作 青 社 也 則 僧 前 心 閑 事 玉 不 **\$** 原 負 世 日 息 花 講 春 門 屑 裹 寄 H 須

鷄

臾

禱

行

學

過

農

執

歸

邊

豐

矣,其 之爲 欲 伯 鏗 昭 師 不 食 長 老 落 弗 乞 資 者 對 禄 然 風 石 顯 歸 墨 甲 範 有 屋 酒 如 温 鄉 往訓 耶 養, 寅 平 吟 唐 天下 容 失 恭 ? 春 ? 曾 人 書 公 色 雅 宗 在 有 遺 多 南 長 典 H 度 日 耳 音 事 野宗 展 慘 伯 刑 . 字 掬 慎 何 書 慘 以 朝 平 之 ? 爲 勿 伯 讀 計 句 廷 遺 生 使 全 忘 嘗 單 汝 非 失 書 知 人 之。 軀 對 春 謂 影 公 _ 公 廷 心 去 廷 歸 性 保 愕 之 柱 廷 尉 醉 總 尉 養 靈 妻 悉 然 尉 石 云 不 云 孰 子 震 讀 紀 以 知 汝 無 與 計 書 悼 其 事 失 文 效 晏 如 丽 請 詩 去 宗 忠 得 莊 翁 然 寢

之 明 敦 風 + 粉 雪 禮 利 民 Z 煩 忽 卯 無 腹 以 春 問 遂 中 賓 識 隱 例 不 席 當 不 起 隱 辭 舉 識 痛 爲 不 鄉 莫 是 已 免 飲 乃 月 不 縣 痛 齎 禮 + **\$** 不 咨 成 率 禁 六 涕 日 師 洟 退 誤 生 也 以 歸 詣 服 吊 縣 玄 門 冒

> 適 原 餘 孫 生 即 家 享 内 所 宗 績 著 尚 男 廷 顧 年 内 伯 五. 之 尉 西己 幼 有 六 學 Ш 廖 歐 君 慮 + 槊、 壬 繒 石 太 陽 以 9 有 白 屋 用 以 **棨、檠、** 次 公 孺 今 七 稿 有 霆 長 人。 年 * 孺 女 孫 距 七 次 秋 人 宗 檗 孺 牛 月二 霄 在 蛩 翰 爲 人有 適 祖 也 稿 次 弘 西 月 保 + \approx 霑 治 門 賢 娥 生子 日 孤 德 Z 生 適 孫 次 葬 松 西 員 衙 女 靐 五. 於 公 稿 某 劉 前 平 睦 俱 宗 長 月 蕭 出 生 藏 金 邑 H 13 之 娥 庠 無 於

銘 子 銘 廷 尉 子 以 乃 子 據 有 冬 道 官 義 唐 之 子 契, 仲 13 舍 戒 所 幣 述 肅 狀 狀 請 而

封 胡 方 慶 涣 樹 温 而 爾 德 而 龍 ? 勵 恭 章 行 崛 維 睦 起 維 德 Ш 廷 君 之 之 平. 子 良 悶 之 鳳 佳 光 端 凰 城 於 以 孔 翔 胡 潔 膏 臧 維 畀 而 載 行 中 劔 銘 恩 之

貞石,應地無疆。

處

士

羅

秋

湖

墓

誌

銘

疑 題 秋 先 大 識 湖 生 學 也 況 故 卷 時 秋 湖 來 渢之昆 公言足 亦 亦 請 處 樂 往 銘。 士 與與 來 者, 季 傳 之遊 子 卷有 請 門, 信 大 之再 學 以 則 水 生 其 處 厓 日 渢 (嘗師 士之行 彭 , 持 而 之考。 公、 爵辛 其 子 弗 念 友 實 考 獲 菴 念 渢 似 事 平 菴 卒 口 羅 狀 ? 無 子 及 羅 業

雅 彦、 吉 至 之 廬 方敬 鼻 陵 水 諱 與 祖 教 文 處 大 瑶 授 昌 士 學 者 考 號 諱 瓛 鄉 之家 梅 仕 士 之白 暘 宋 解 村 瓛 Ŧi. 縉 乘 由 終 則 字字 沙 紳 南 處 都 0 自 先 尚實 土 昌 靈 唐 白 生 一之高 改 侯 沙 鼎 相 1 云 之有 秋 湖 善 白 祖 先 湖 沙。 家 也 教 羅 號 生 藏 授 隱 氏 也 有 清 歷 而 修 暨 數 始 梅 南 世 村 文 傳 諱 昌 É 居

侵, 之計 矣。 卷, 獄 故 節 素 同 卒 曲 人 伯 歎 季 考 珏 豊 舊 縮 居 兄 前 日 兄 日 也 輒 孤 號 足 有 當 : 暘 0 里 裕, 貲 : 施 礪 乃二兄 發 中 孫 澹 徵 閈 被 泰 遣, 處 菴 孝 是 榮 謂 外 廪 至 菴 有 誣 鋭 1: 至 瘁 榮, 口 無 渢 哉 以 處 如 曾 親 積 相 志 爲 於 力 間 可 朝 ! 其 士 1 賑 祖 麗 年 繼 舉 繼 以 赴 言, 獨 孝 夕 益 兆、 族 號 諱 非 不 子 耕 淪 泰 長 人之急 私 養 離 黨 充 繼 Ė 法 即 謝 業 弘 第 無 以 建 其 而 紫陽 衍, 者 左 耕 張 烈, 几 教 後 藉 祠 産 並 而 侍 右 公藝 子 蓋 以 諱 産 百 乎? 繼 稱 號 嘗 諸 尋 乎 以 如 持 舉 計 ? 性 以 耕 穎 早 耕 湯 至 凡 以 不 決 火 以 贖 營 全 老 拔 與 樂 藥 於 爲 渢 明 是 罪 百 防 儉 遂 總 解 Ħ. 仲 身 則 成 有 繼 過 水 素 棄 ,色慘若 + 日 病 兄 之。 祖 竟 焉 後 後 用 處 餘 益 去 暘 每 計 出 又 四 處 士 諱 而 有 虔。 明 之 歲 善 爲 之 家 世 早 者 待 斐 與

徐 月 足 夢 亭 名 直 士 士 次 悲 H 子 初 生弘 雅 溥 稱 士 葬 H 善 詰 其 字字 所 爲 賢 + 與 於 其 論 之 塾 述 治 配 志 厚 H 女 士 士: 本 談 券 日 狀 天 師 庚 所 友 周 享 里 古 倫 而 子 向 戌 鬻者 徜 適 年 皂 今事 = 敦 此 銘 中 先 也 徉 坪 Ŧi. 之。 歲 上 月 處 泣 詩 大 之 源 + 長 娶 後 世 + 鑿 士: 下 酒 義 原 有 王 泳 夏 所 几 不 屏 以 錦 類 九 字 日 朗 遺 年 敢 如 自 謝 子 衣 如 劉 祭 受, 卒 數 士 適 世 乃 卒 1 次 此 氏 田 計 紛 濟 據 以 嘉 子 乃 女,貞 世 又 顏 是 靖 仲 歲 處 倍 0 或 闢 或 次 日 博 年 鏞 聘 1 價 遂 J 子 地 渢 婦 未 某 烟 構 郡 性 與 以 生 行 字 月 六 水 之 陽 處 中 嗜 助 池

其 斯 人 施 浙 銘 矣, 日 莫 急 其 孰 行 維 篤 義 可 其 書 親 嗚 ? 呼 其 秋 莫 何 湖 競 愧 維 於, 斯 Ш 之徒 林 孰 之 博

儒? 如玉斯瘞,皂坪之墟

奉直大夫龍井曾公墓誌銘

矣, 之曰:「是兒賢 生 經 子 德 不 非 節 曾 之 前 纂 大 貴 禎 歷 敢 天 氏 而 而 坐 夫。 道 曾 封 溪 請 以 大 所 族 遂 母 徵 曾 夫 耶 復 靖 衵 以 誅 居 先是 蕭 ? 諱 爲 仕 屬 治 難 此 誉 氏 夢 姓 郎 乃 端 於 望 忠 大 前 者 祺 季 封 里 而 兹 臣 於 夫 父 俱 式 人 孺 姓 貴 上 字 白 鄒 行 耿 翔 隱 之 有 人 其 三十 世 人 公 兆 非汝 耿 後 德 俊 者蓋 姓 由 癸 祖 瑾 賢 之懷, 兒 獨 不 例 云 季 之 \mathbb{H} 家 號 殤者 仕 得 貢 年 式 惓 派 年 器,乃 以 龍 對 瑾 官 =惓 出 也 祖 井 疑 出 子 抗 繼 夢 云 月 金 元 畏 繼 言 F 吾 靖 誉 其 神 _ 世 魁, 相 免 之 舍 高 難 前 日 後 人 居 居 承 屢 寔 謂 之 衛 祖 誉 邑

兆 子 也 也 大 已 命 而 以 大 名 夫 生,經 與 字云 衛 歎 日 : 此 牛 賢 之

鄉 等 游 大 冀 大 聞 見 能 夫。 重 進 Ŧī. 汝 試 惟 夫 或之 桃 彻 遂 若 執 門 而 父 0 乾 桃 每 茹 大 源 下故 端 聞 以 爲 喪 先。 北 服 夫 者 源 校藝,必 鳴 特 峰 良 科 禮 清 朱 穎 翼 鳳 過 邵 知 多 朱 第 如 É 春 班 敏 無 之 永 貴 公尤 之 補 鄉 老 至 官 雅 吏 不 門。 學 豐 何 先諸 秀 人也 邑 京 成 凡,十 器 乃 重 拜 | 庠弟 子 未 當當 人。 之。 經 進 之, 依 弟 每 弟 其 究 歷 素慕 避 士 依 按 子 歲 墓 子 所 進 果 時 卒 然 能 然 考 舍 隨 員, 施 以 士 陽 諸 於 於 以 尊 惟 宦 朱 明先 是 輒 别 官 弟 諸 峰 裒 居 師 蕭 京 遣 計 年 以 而 子 牛 先生之風 然 道 孺 師 大 其 汝 大 文 生 王 囇 亦 中 著 夫 門 後 夫 午 行 爲 他 之 自 獨 授 (是念。 稱 從 當 年 中 1 無 謂 學 奇 京 之 有 式 其 邑 相 有 + 未 大 師 於

> 節 薦 E 溜 路 者 罷 恭 而 永 月 母: 遂 渡 己 復設 下 檄之。 郡 擢 去,灤 儉 河 疏 子 返 平 而 京 \mathcal{H} 不 滄 及 於 卒 相 棹 \Box 下 咸 治 與 , 州 委 上 見 鎙 第 求 謂 糜 人 郡 百計 修 甚 長 皆 近 遂 以 變。 夢 特 士: 殊 守 期 沙 歡 江 名 擢 以 擢 給 餇 金 請 取 劉 河 勸 以 之, 病 滄 爲 之 歲 Ш 銀 於 道 範 行 相 歸 滄 州 孝 亦 將 當路 大 牌 會 宫 所 東 得 當 牧。 招 感 少 祲 及 旌 稽 賴 唐 時 南 商 省 差 節 所 也。 異 以 詩 灤 蕭 衝 願 人 守 費 散 致 推 績 全 得 州 孺 拜 粟 滄 節 曲 易以 乃 柯 句 也 活 判 尤 人 陽 州 勞 意 Z 雙 洲 者 餓 署 業 甚 明 未 湯 思 易謗 華 其 撫 大 其 殍 年 秋 以 公 藥 景 戴 他 衆 當 滴 口 有 不 之 卧 慘 0 慈 龍 督 能 路 授 灤 功 寅 幾 病 淡 廬 惠 溵 肆 協 於 移 守 Ш 判

> > 479

■ 下「易」字,康熙本作「獲」,可從。

擾 夫 其 或 曾 菴 其 藹 事 留 志 聞 力 以 幸 湿 先 才 行 蔚 mi 奔 河 守 歎 供 民 此 有 人 生 也 卒 貴 澗 走 之。 應 秋 以 爲 所 數 曾 爲 斂 太 學 之需 捷 媚 前 諷 託 手 守 百 先 行 鹽 大 之 後 里 生 項 鞍 法 大 不 夫 報 悉 膺 外 雖 毋 甌 云 使 鑿 夫 當 從 歷 獎 不 以 寧 東 大 所 有 於 簡 宦 薦 一忍舍 此 損 夫 尤 : 不 指 約 八 此 者 己 浩 獲 相 懌 實 年 時 夫 疏 賓 以 愛 知 然 時 去 官 凡 敬 咸 於 至 益 日 滴 天 少 耶 + 以 4: 敭 上 芒 下 津 庚 湖 每 ? 爲 數 滯 平 歷 吾 子 兵 稱 徐 而 民 畿 士 + 謗 民 謂 憲 未 公 也 輔 皆 聞 民 畢 月 自 亦 用 王 則 之 獲 隨 是 在 美 譽 其 遮 不 與 日

羅 大 以 念菴 會 訓 於 飭 家 居 \equiv 青 子 數 無 原 弟 君 他 玄 化 答 子 潭 道 迭 之 直 鄉 相 間 欲 人 爲 講 爲 與 主 明 劉 務 古 雖 晴 隆 人 每 111 冬盛 身心 川 鄒 方 之學 暑 東 同 廓 猶 志

> 者 皆 情 樂 披 者 罷 之 有 易 而 切 相 論 報 0 饋 與 或 襟 理 乃 負 本 1 兄 必 之游 楷 性 學 散 癸 遺 家 然 至 夜 亦 第三人, 傾 猶 大 者 居 丑. 有 情 矣 不 談 倒 計 春 或 善 爲 晉 裒 衆 止 亹 壺 凡 其 談 以 較 人 會 則 録 平 譁 亹 觴 古 缺 居 謔 伯 風 成 講 連 義 然 乏告 官 不 先 致。 而 氏 不 引 博 帙 於 理 聖 倦 疏 加 薄 博 盡 邑 洽 以 賢 切 喜 有 散 大 之 於 0 自 則 舊 若 歡 格 喻 賓 夫 寵 益 不 考。 靈 倒 自 聞 不 不 言 客 事 無 時 辱 出 囊 奉 每 知 己 達 及 事 色 得 教 以 或 切 其 賓 名 而 於 適 喜 喪 作 事 相 年 性 於故 仲 客 世 儒 行 貸 I 爲 實 若 之 孝 有 要 務 明 人 Æ 六 詩 向 友 過 語 南 貸 舊 故 又 H 不 文, 衰 和 從 有 會 宫 留 時 至 極 而

0 漶 此 處 後 參 據 頁 康 底 本 本 原 補 缺 兹 據 甲 庫 本 補 入。 個 别 文字

漫

去, 於 重 北 不 月 病 伯 力 入卧 行 門 爲 復 無 雖 叔 利 亂 户 離 毋 盤 昏 大大 房, 惟 奉 慣 别 吾 以 囊 桓 恐 夫 我 刼 使 有 難 之 不 資 拂 從 大 南 譫 爲 能 罄 願 時 蕭 夫 還 語 事 慮 然 出 也 五 孺 文 出堂上,挾索 一行 亦 門 月二 亦 丙 第 藝 不 講 意 大 辰 能 . 介 學 人 而 日 夫 親 春二月夜 意 論 諸 拜 也 Z 賢 促 道 費 辭 卯 之 取 行 之詞 財 誉 夏, 離 善 日 慷 人 帛 辨 八 : 慨 以 感 巨 毋 不 日 大 目 汩 王 程 盗 秋 便 以 之 没 命 當 夫 數 七 而 血 煩

世 其 將 事 斂 前 講 行 以 婣 實 明 子 所 子 年 表 聞 以代 懇子 仲 計 云 春 子 IE 行 議 遣 爲 大 兀 人 制 家 銘 夫 日 之 郎 人 終 以 附 不 静 習 嘉 子 葬 逮 斂 御 靖 以 於 也 事 史 丙 道 祖 者 宋 辰 塋 義 行 持 儀 Ŧi. 一之某 契 人 練 月 望 大 奔 皆 帛 + 夫, Ш 計 H 親 往 歸 亥 且 狀 視 事

> 平 愧 呼 栢 爲 中 俱 之 時 其 濂 邑 女, 於 1 嘉 國子生。 距 庠 深 阚 靖 大夫仕 之子 生行 年 癸丑 之心 生,然皆先 六 也 + 人 六淑 進 耶 耶 兄 有 士 ? ? 女 弟 兀 孫四, 授 大 聖 庶 Ŧi. 學 夫 西己 行 峰 出 人 耶 卒 陳 人 : 之 某、 ? 長 司 ; 宜 嶺 孫 某、某、 人, 不 四 潛 行 男二, 龍 詭 即 人; 次 蟄 於 行 湛 羅 學松、 某。 於 道 Ŧi. X 陳 井 澣 濂 次 求 文 也 汪 淵 嗚 學 今 無 郁

賀公莞溪夫婦合葬墓誌銘

大

化

矣

若 子 坊 干世。 觀 ,唐令憑公之後 莞 龍 廬 出 溪 陵 莞溪,予同 荷 諱 所 撰 鑾 Ш 事 梅 字 狀 塘 和 賀 年 宋 夫 氏 字 友 末 號 者 賀 徙 莞 涕 龍 廬 其 溪 傷 陵, 尚 先 之仲兄也 何 自 至 出 如 樂 莞 永 哉 樵 溪 新 公 凡 良

循 鄰 鷗 公 道 享 中 齋 公 嵩 至 莞 溪

兼 世 孔... 一,世 通 白 以 家 詩 凡 書 天 時 厚 爲 地 業 理 數 而 莞 命 溪 醫 歷 1 覽 之 子 學 凡 史 靡 几

理 不 内 子 究 財 用 鄉 心 養 試 兄 祭 稱 鈴 龍 婚 商 出 喪 游 封 江 賓 君 湖 客 是 間 諸 也 總 弟 總 撑 釣 業 持 舉 門 以 户 子 身 代 經 中

超

然

獨

存

者

平

明

年

六

月

當

合

葬

我

於

黄

?

弟 悉 嫁 然 周 非 心 族 於 如 耶 其 弟 己 ? 出 宣 所 性 環 事 出口 自 貧 謂 是 鯁 不 莞 爲 不 能 溪 欺 里 7 爲 人 急 克 曲 所 爲 人 家 敬 之 之 之 信 難 所 子 凡 子 宜 如 争 女 決 兄

得

宜

中

齋

之

勞

中

齋

未

老

而

佚

而

兄

若

弟

亦

各

婚

防

勤 乎 訟 ? 決 配 以 羅 氏 言 出 退 楓 無 塘 不 著 服 姓 非 年 忠 + 信 几 行 執 州 婦 里 道 者

其

则

冬 家 儉 聲 慈 莞 用 惠 溪 裕 届 内 外 八 内 + 翕 相 誕 之 然 功 辰 莞 口 而 溪 ル 孺 克 哉 人 ? 成 亦 孝 嘉 以 友 是 靖 之 月 内 志 爲 辰

孟

+

有

四

宗宗

黨

姻

朋

雲

集

稱

慶,

歡

治

旬

月

加

强 未 E 而 健 : 幾 後 過 罷 吾 孺 人 當 康 從 以 何 寧 此 疾 爲 偕 逝 卒 遽 老 矣 出 龍 遐 此 龍 出 言 福 臨 ? 並 哭 而 隆 益 哭 日 哀 之 : 有 足 日 世 止 稱 寧 勿 焉 兄 哭 有

九

0

問 塘 家 上 事 _ 0 何 遺 以 日 處 : 分 宗 9 日 族 : 之 沂 貧 歸 者 當 可 自 善 遇 有 之。 處 0

爲 神 仲 氣 冬 不 + 蜀 月 凝 六 然 日 而 也 逝 嘗 去 詰 孺 釋 人 之 者 卒 云 纔 七 汝 H 經

482

應 有 殺 乃 鬼 曰 登 彼 鬼言 岸 之 己 説 私 汝 彼 知 岸 之 言 乎 出 ? 世 也 諸 私 無 浄 以

岸 晚 年 登 静 矣 得 之 不 功 T 此 T 晤 誦 冥 經 理 千 卷 故 無 於 益 死 生 也 之 蓋

真 若 逆 旅 傳 舍 去 不 復 顧 哲 哉

鳥 禄 紗 養 白髮 莊 + 年 重 人曰 簡 爲 默 有 : 口 典 壽 所 刑 中 敬 鄉 仙 禮 曲 也 奉 委 贵 恩 勤 日 例 樂 壽 領 閑 官 冠 帶 享 云

耶

皆富 乎 家 龍 出 海 子 知 同 初 州 寄 陽 桂 次 孫女七 是 日 家 相 娶 人 殁同 牧 長 適 儒 贵 年 泥 日 威 子 坑 中 \mathbb{H} 忌 偶 沂 人 州 材、一 頭 人。 式 周 然哉 賀 生 劉 中 魄 著 舉 氏 成 氏 降 申 應 人。 有 桃。 ? 化 有 午 軫 生 口 賢 義 癸卯六月 莞溪 0 瘞, 鄉 子 淮 聲 長 方, 試 一桂 曾 娶 男女之始終備 女適 生 男 故 田 次 初 成 孫 士 子 令大 坊 富 初 化 煇 多 歐 淮 松、 田 T , 成 陽 康 日 桂 曾 能 西 氏 名 + 0 之 州 世 再 楊。 矣。 所 口 生 生 月 子 其

能 年 又 巔 以 辭 月 男女締 越 以 遵 故銘之: 初 明 治 州 年 九 牧 命 Ŧi. H 婚 與 也 月 奉 媾 子 柩 知 仲 州 況 合葬 牧 州 子 又 奉 儀 自 重 於 狀 制 威 以 上 謁 州 郎 龍 黄 子 奔 爲 出 塘 爲 甲 而 之狀 東 午 銘 歸 出 百 足徵 子 蛇 以 年, 不 形 是

> 理 泠 惠 君 之 過 然 鮮 子 際 乎 風 浹 而 於 而 ? 戲 世。 於宗人,忠信孚於州 讀之, 死 無 父父子子,兄兄弟 所 彼 生 而 動 己之子, 貪生怵 亦 不 於 大 類泚,希矣 其 矣 中 . ! 如 而 莞 里。 弟 能 溪 脱 死, 出 夫 謂 然 夫 有 靡 非 於 穹 婦 諳 知 死 碑 婦 倫 命 生

朴 菴 陳 公 配 劉 孺 人 墓 誌 銘

樂甲 寺 故 仕 史公之遺 永 0 派 豐 家 辰 吾 適 進 邑家 御 徒 御 1 風 史, 壁 史年 起 世 V/ 惟 推 家 清 六 大園 忠 惟 白 歷 + 烈 遺 御 足 陳 無 其 乃 史 氏 稱 如 後 以 九 爲 儒 鄒 以 年 年 著 籍 公 啚 請 ~, 瑾 而 書 卒 得 御 能 鍾 數 仰 奉 進 史 公同, 卷 詔 大 以 承 也 理 致 永 御

0 儒 康 熙 本 作 孺 可

九

之 下 推... 則 也 陳 清 猶 而 爲 白 7 幸 口 嘗 清 則 獲 相 於 螺 白 交 見 田 人 吏 於 前 陳 間 子 樸 輩 公 見 孫 菴 風 衡 者 御 先 致 其 史 生 以 恨 選 所 御 庶 不 也 遺 幾 中 與 0 詩 之同 小 無 鄉 文, 慰 評 愧 古 世 於 推 相 雅 清 大 H 白 袁 典

之, 式 滴 昌 曾 力 朴 母 退 H 其 酒 穡 布 其 祖 讓 如 病 以 酣 以 素 篤 後 俊 朴 廬 德 商 是 家 烈, 菴 瘧 資 儒 m 喜 不 彝 爲 爲 朝 也 庭 朴 赴 歌 家 周 祖 御 有 矣。 夕 鄉 菴 至 雲 人 廷充, 鼎 史玄 日 密 可 曲 早 再 淡 暇 惟 所 俗 與 之 業 \equiv 風 事 則 孫 父 讀 重 行 尚 舉 輕 於 閉 文 書 切 子 給 鬼 有 禱 每 門 傍 正 授 111 彬 9 事 口 先 鄉 花 静 先 有 容 徒 熊 黄 重 俱 飲 坐 隋 謹 時 生 生 絶 門 違 督 輒 養 柳 覺 惡 若 節 名 其 不 慶之父 僮 以 等 晦 而 其 有 類 志 忱 不 賓 僕 潛 旬 怒 不 所 禮 以 灌 澹 怕 售 德 仴 也 會 禮 逐 调 自 袁 然 古 以 M

歸

適

鄒

公東

廓

以太常

卿

掌

南

雍

,遂卒業

南

學 家 吅品 給 餘 杼 内 劉 家 御 日 孺 瘧 汗 E 瓜 事 顧 於 甚 孺 事 史 : 淋 裂 血 人 鬼 以 牲 子 ·之有 之 外 落 數 耶 淋 位 人 鶚 幸 畜 以 方 冒 唐 門 升 ? 也 下 以 劉 有 經 以 大 口 毒 朴 成 慶 助 孺 遂 老 IE 切 理 黑 室 暑 瘧 菴 劉 吾 也 兒 之 人 成 不 家 其 德 室 遂 爲 方 0 託 傴 足 給 痰 : 寡 後 辛 事 在 愈 鋭 渝 給 瞑 先 勝 喘 僂 事 未 居 至 志 養祭、 州 事 矣 我 口 之。 生 數 脱 至 於學,及 故 閩 贵 辛 彌 無 + 願 欲 簪 族 以 乞 留 寇 H. 皭 慮 孺 里 賓 終 女, 其 珥 此 憐 上 然 也 不 掠 若 客 始 聞 終 以 0 舉 窗 春 稱 朴 於 孝 + 永 諸 Ш 全 正 其 教 豐 官 敬 業 老 菴 鬼 六 總 之。 學 但 谷 子 身 室 不 女 勤 歸 者 不 總 背 其 以 執 第 得 儉 售 乎 陳 是 不 慶 終 分 光 手 13: 善 至 ? 氏 之 南 故 稍 機 復 於 帰 驅 游 13: 大 羅

行人奉 内 其 無 孫 痛 著 喪 以 公之意,足矣!」庚戌,慶成 雍 前 連 述 萬 風 止 吾父,又喪 以 出出 婿 哀 烈, 明 熟 也 勿哭, 曰 毁 厥 孺 道 -使,歸 之 聞 喪 遺 人 而 論 在 負 子 劉 明 行, 於 劾 病 南 耶 孺 每 : 不 此 省 吾 無 頓 也 憶 人之賢 汝 介 可 學 所 母 足 古 其 起 尚 癸 之 E 避 但 號 行 子 矣。 \mathbb{H} 望 明 單 無 天 如 銓 而 而 洋 計 負 先 謁 復 吾 追 忍 給 歎 而 : 領 生 子 其 念 進士 何 奔 事 也。 翁 不 爲 庭 使 泯 爲 歸 轉 嗟 託 可 銘 訓 事 泯 生 嗟 官 乃 汝於 見 辛亥, 作 不 乎 南 齎 歸 無 天 劉 又 ? 章、 銓, 垣 咨 壽 以 雙 乎 孺 得 以 以 江 子 茹 酬 懋 孺 孺 人

孺 月 H 人 臘 + 生 月 先 成 生 t 日 生 化 + 葬 成 辛 化 Η. 日 + 丙 九月二十二 六 葬二 申 都 九 安同 都 月 二 潢 \mathbb{H} 亥 + 日 Ш \equiv 乾 殁 E 日 Ш 癸 向 巽 殁 H 向 Ŧi. 辛 44

> 某 以 潢 向 田 阡 未 利 改 葬 於二 + 都 劉 源 某

> > Ш

有 成 明 汗 其 貞,系出 名 餘 浹 光 祭。 粤 體 銘 聿 賢 有 日 章 御 吐 科 銘 賢 : 史。 家世 血 此 奮 配 大 貞 數 跡 樸 玉 内 升。 石 既 瑣 外 韞 逐 散, 以 達 相 巫 石 詔 祛 中 畫 成 古 耶 後 -, 珠 英 瘧 風 義 卹 日 避 沉 耶 嫠 貤 靡 淵 難 ? 捐 封 全親 底 未 有 出出 0 坦 遠 贊 課 不 坦 ~,没 子 神 流 耀 出出

休齋王君墓誌銘

銘於予。 之萃於一 父,庠彦養明之叔 之,事叔如事父、教姪如 休 齋 門也 子 王 覽 君 ? 面 象 歎之曰:「休 姪之事 玉 父也。 者, 教子 睢 叔 養 胎 與 明 學 世 叔之 哉 撰 諭 有 其 王 之而 教 行 養 何 姪 實。 孝 大 見 世 義 之 亦 有 謁

希矣,況殁世不忘、久而彌篤者乎?」

貧,而 歐 矣。」予 公 能 休 子 猶 母 養 表 以以 節 教 亦亦 落 齋 陽 以 并 使後之子孫 乞思 古 命 落 育 文 養 於子 歐 不 泄 故 夫 忠 明 人自 賴 公譜 識 其 公遺 采 : 人 生 其 姪之成 貤 其 無 其 也 期 + 母: 吾 封 略 爲 窮 事 像 歲 與 平 知 吾 齎 之 以 何 而 於 叔 乃 而 生 又 我 足 志 悲 報 祥 銘 孤 身 知 志 之 矣 未 , 其 時 之。 又 也 公早 且 親 窮 在 子 同 嘗 叔 不 奉 見之,不 不 他 儒 0 夢 9 識 比 拊 有 顯 孤 易 業 \mathbf{H} 乃 長 歐 心 揚 與 今汝 休 其 銘 紫 歐 陽 踵 讀 極 己 守 墓 齋 公褒 衣 可 公 門乞銘 矣, 遺 口 瀧 人 謂 教 當 與 爲 命 暹 顧 大 引 不 不 煩 而 峃 何 也 皆 於 其 穫 廢 名 己 拜 長 阡 如

業 隆 師 游 銘 計 情 口 經 : 均 史。 於 地 惟 以 休 父 會 齋 爨 事 兄 同 好 居 善 課 遺 如 姪 言 薺 猶 在 子 芒 耳 灩岛 事 作 奉 産

> 藝。 始 神 其 E 以 器 責 終 相 周 備 爾 0 善 還 旋 矣 考 無 券 敢 終 顯 不 私 義 袝 報 雎 粒 動 祖 庠 聿 米 塋 間 ? 哀 昌 里 珠 厥 惻 連 濟 嗣 咸 誣 濟 玉 却 稱 瘞 鵠 金 彦 疇 峙 方, 昌 是 昔 編制 言 之 停 日 且 夢 崇 休 云 璉 祀 惟 公 瑚

乎 湖 弟 年 意 甚 齋 早 嚴 孤 象 解 與 湘 而 珍 0 其 ,克家承考, 休 面 之間 吾 休 弟 齋諱 而 承 稍 志 齋 象 訣 有 詬 世 成 珍 玉 笞 调 之 無 矣。 一,字象 俱 9 何 光 輒 如 賴 幼 識 繩 子 芙 嘉 有 芙 玉 汝 之, 輩 之 Ш 靖 伯 休 Ш 他 知 承 病 子 庚 至 篤 H 張 父 芙 齋 辰 引 病 愛 何 公 也 Ш 其 若 之, 遂 奉 蓺 似 在 號 不 不 兄 ? 九 如 而 也 也 起 敢 0 世 命 是 0 教 手 見, 者 吾 百 商 之 休 時 受 居 幼 游 + 俟 則 休 齋

0

 π

之念 學。 之 休 者 代 是 諸 豚 人 私 休 \equiv M 足足 念 名 作 人 齋 詔 菴 齋 姪 唐 H 釜 惟 物 以 庶 菴 業 得 爲 士 庚 别 公 之 歸 矣 不 日 甑 賢 糧 幾 羅 寅 駕 而 無 分 田 彻 日 暇 對 奉 甘 家 役 小 殿 否 薄 六 子 法 又 暹 經 苦 遺 給 撰 益 承 慰 暹 平 + 恭 師 殿 歷 史, 哭 則 追 在 貧 酒 ? 自 畝 謝 甲 撰, 事 吾 癸 告 日 勾 酣 是 子 考 氣 少 至 無 之, : 申 之令, 惟 顧 E 鋭 恭 參 古 如 天 己, 則 粥岗 輒 今增 志 誰 出 今 體 師 初 里 下 而 豪 又 産 子 惟 古 興 敢 主 劉 巫 遣 時 吟 从 升 延 1: 絁 倍 計 學 是 負 名 洞 大 以 有 之 師 以 也 無 其 之 學 厚 師 亦 僕 出出 被 \equiv 自 0 皇皇 而 粒 數 授 在 隱 殿 子 燭 跡 冥 金 盗 適 汝 休 則 米 田 環 撰 隱 者 耶 吾 誣 師 若 齋 從 밂 尺 爲 芒 口 隆 己 爲 執 之 皇 其 提 皆 暹 帛 以 事 題 也 囇 者 丑. 皇 爲 耳 吉 洞 謀 家 歷 之 自 吾 而

之醫 之子 墳 還 子 殿 教 之 休 者 量 言 者 休 日 口 而 吾 諸 撰 費 齋 承 所 卒 也 齋 亦 而 0 賀 子,今幸 之, 凡 男 族 族 而 日 孫 迫 白 是 天 爲 癸 役 : 之 弱昂 豪 其 . 女 人 以 道 何 將 大 而 掌 卯 祭 以 有 誣 并 以 崇 之不 吾 足 都 富 꽳鬲 祠 \coprod 負 償 鄉 書 祠 力 如 多 貌 夫 者 啚 子 者 乙未 者 祠 里 能 爽 此 日 舉 哉 無 無 長 女 殊 謂 爲 銀 之 : 者 白 也 鄉 ? 己 故 償 庶 不 祖 不 誰 貧 0 不 族 背 試 不 之, 先 心 則 不 考 償 恢 吾 ? 者 人 免 是 平 器高 生 負 休 弱岛 爲 者 平 安 於 休 ? 年 有 迫 祭 祭 教 吾 齋 汝 庚 乎 生 甲 費 齋 悉 負 乃 之 器 台 惟 \mathbb{H} ? 姪 兄 止 子 傾 辰 祠 出 諭 日 使 之。 弟 驗 例 子 以 9 産 : 遯 銀 之 今 衆 器局 縣 倡 兹 初 弟 糧 助 以 教 菴 食 日 者 皆 粥鬲 修 以 奉 之 爲 遂 心 以 乃 族 姪 遺 報 譁 直 又 祖 例 祖 也 出 之 掌 却 可 0 0 富 爲 其 其 白 姪 役 考 祠 者 助 丈 祠 金

嚥 揖 力 憂。」孟 占云:「 歸 暹 子 弟 汝父之不欲分者, 之曰:「食詘 酉 者 何 誰 H 天 語 再 乎 中 慚 以 止之,不 ? 丙 暹 拜 ? 式 退 釋 方 疾 使 貧者 П 冬初, 對 辰 日 泣 以 貧 自 合體 口 汝學 日 : 償 者之怨、 客 秋 日 古 得 衆,主 無 : 既 宴 由 九 夜 矣,如 憂 汝父之心 成人,吾有 不 又 有 樂 第 月 夢 明 是 也 敢 夢 生 飲 饋 年丁 登 舉 祭 忽疾 慰 言 還 邈授 以吾多子慮 天 之, 但 汝父公藝之志 者 Ш 品品 祖 而 使 有 速 吾 以 已五 青 前 豐潔 作 宗 出 可 睢 惠 死 貌 託 匱 又 明 出出 往 衿 以 藥 胎 告,乃 矣, 隱 月十 速 經 慰矣。」乙卯 族 從 冥之心 睢 躋 祖 學 飲 裝 忍 月 來 奈 世。 胎 躋 産 人 之, 諭 六日 以 以 餘 知 呼 皆 何 稱 悉 待。 自 耶 何? 今幸 起 飲 命 以 北 枕 幼 暹 歸 快 至 全 • 語 莫 不 迎 白 叔 E 之。 而 睢 能 知 養 拜 之 汝 其 暹 暹 向 己 負 П 語

> 宫果 何 胎 汝 1 甫 兄 在 是 事 六 Ш 時 H 我 人皆 諸 卒 如 生合 於 事 以 父, 官 休 力 舍。 齋 襄 今 好 事 不 臨 善之 得 終, 拜 與 報 奠 語 之 於 云 教 學 諭 宫 别

選、 約, 偏 逵。 某 父璧, 休 Ш 齋 某 以 生 即 某 白 某 遯 年 年 菴 月 月日 也。 日 袝 卒 子 葬 五. 於 某 某 人, 連、 年 處 月日 祖 墳 0 貌 祖 通

奉直大夫西川陳公墓誌銘

子 没 孤 託 子 日 享 子 交 萬 弱 師 於予 冠 金之富 友 與 之 州 始 間 牧 轉 口 乃 西 也 意 翁 111 向 不 陳 至 學 欲 公 於 以 相 而 講 學 善 以 授 煩 經 師 之。 西 義 事 111 子 批 翁 以

其 公仲 子光 是 借 乃 臨 敦 抹 子 之 終, 年 執 重 人 文 惠 子 禄 左 吾目 手 字 臘 道 猶 復 署 業 泣 瑶 月 舋 棄 子 以 派 + 日 冢 疊 古 瞑 幼 遺 :「幸交名公, 珀 虚 有 孫 道 志 矣。」予攬 以 命 奔 左 恩奉 平生 師 來 計 屏 以 日 道 速 兼 絶 自 葬 遺 若 自 程 惡 待 於 命 處 淚 不 時 小 龍 請 歸 出 以 恩 獲 忍 潭 子 如 州 公 心 有 於 與 銘 惟 其 牧 意 惠 厥 許 今 負 期 子 刻 之。 皆 乃 世 内 子 日 言 意 者 以 兹 徐 先 是 向 公季 公 墓 大 珀 氏 聽 上 學 偕 以 E 孺 石

篤 拜 而 美 恩 老 義 秩 階 銘 輕 惟 聯 日 財 龍 公 光 . \$ 禄 章 施 官 俶 郁 貧 至 年 郁 活 大 邁 棄官 族 夫, 古 進 終養 稀 家 不 鄉 忝 饒 是 間 官 萬 日 歸 斛 崇 全 德 退 福 鼎 能 宗 世 肉 勵 黨 比 濟 俗 稱 壯 夙 厥 銘

之。

生分

曹

光

禄

謂

非

生

榮

而

死

哀

者

乎

乃

斯 者 睦 暴 何 0 恧 臨 龍 終 潭 琅 之 琅 阡 屬 榮 銘 墳 出出 草 屋 0 木 0 顈 死 書 者 深 復 刻 生 如 生 H

之。 嘉 無 盤 庚辰 官 婢 雜 意 立 舜 郎 孤 1,衆計 錯 於 之 處 靖 不 亦 破 弱 藍 授 學, Z 稱 難 正德 稍 也 且 孫 公諱 徭 Ш 一,乃嗾 處 西 稍 垂 也 野 鎮 縣 沮 學 之 0 戊 涎 唐 生異志。 性 遷 知 江 而 日 噟 事 於 封 辰 甫 善訟 難 縣 湖 府 家 進 及 旌 其 君 字 寶 馴 廣 經 由 衆 獎 積 而 所 殁 者以 弘之, 善 公挺 庠 藍 歷 稍 年 亦 行 有 而 州 陳 生 帖 Ш 木 繩 誼 翕 危言 公元 名 私 牧 充 縣 斷 然 以 H 然不 著 别 出 謂 甫 之獄 例 知 退 法 有 能聲,凡 號 府佐 撼 孺 弱 達 縣 貢 聽 · 爲 屈 口 之, 輒 之 西 子 冠 矣。 ,必委之,委 卒業 稱 子 諸僚之上。 111 煽 易 藍 鄉 而 與, 動 民 撫 人 乃 竟 豪 處 封 族 大學。 爲 按 皆 與 獲 白 文 奴 家 欺 + 亂 徭 有 異 悉 於 悍 其 景 林 口

赴。 人。 於 諸 以 隘 P 林 郎 祝 是 徭 爲 暰 永 清 常 九 赴 藍 贈 如 豐 年 獄 也 聽 民 出 父 再 例 頌 約 如 甚 公沧 考 貢 束 \Box 薄 其 者 遷 官 0 徭 官 率 事 至 雲 諸 嘉 賦 醜 未 大 母 南 靖 徭 類 興 久 夫、 帥 南 甲 咸 噪 學 氏 安 午 聲 吅 投 公 校 州 威 頭 檄 配 庭 奉 隱 絶 知 家 徐 恩 如 索 荷 隱 州 居 氏 詔 約 犒 苜 振 以 皆 投 授 與 而 乃 終 檄 封 挂 巷 退 養 孺 文 謡 召 習 不

未 意 宫 焉 獄 鄉 缺 保 嘗 秋 所 未 雙翁 編 毫 公家 宅 敢 皆 詔 至 臨 以 木 其 居 其 道 富 鬧 翁 辩 室 簡 子 貴 之 義 市 録 若 出 先 力 骨 **%** 縣 夫 孫 之, 肉 巾 喜 令王 縣 性 Ŧi. 日 看 然 吾 出几 衙 汝 + ^ 於 明 百 執 皇 畫 年 寡 Ш 步 寡 明 善 如 É 昧 諧 通 張 而 事 ___ 弱 則 之 紀 日 龍 近 冠 蓍 而 **>** \mathbb{H} 非 及 今 獲 龜 睦 無 子 交 孫 公 忘 幸 是 族 信 無 今 詔 网 事 此 和

者

懼

子

之

僕

僕

也

六

月

朔

H

出

就

IE

寢

。實

子

日

「病

間

矣

然

未

之

間

世

而

以

뱹

報

日

往

視

之

每

囇

子

無

間

日

往

H.

數

遣

侍

童

報

邑。 代 之言 惜 舉 逮 賓 己 Ш 之。 貲 也 也 出 讓 凌 是皆 措 爲 也。 奈 百 海 德 修 倡 每 何 金 樓 不 公負 乘 歲 義 爲 赴 子 陳 駟 祲 氣 者 助 至 姪 義 橋 R 使 + 輒 之 於 亭 及 泣 氣 然 餘 出 貧 修 雅 新 而 見 年 敬 穀 弱 譜 學官 别 是 義 之, 平 牒 近 年 婚 如 價 之 始 喪 每 拓 不 門, 以 月 莫 鄉 新 老 及。 赴 得 舉 飲 祖 不 雖 脾 祠 濟 能 重 曩 禮 亦 疾 費 及 子 助 咸 以 重 以 旁 被 己 不 捐 身 子 大 而

囇 能 蓋 速 言 其 報 追 子 矣 恨 雙 若 翁 厥 乃 孫 來 翁 視 之 含 子 喪 我 殮 與 有 死 蓋 仲 未 #: 棺 子 備 殮 痛 静 耳 殒 哭 往 則 面 視 E 重 之, 退 又 我 日 瞑 之 H ____ 不 口

未之前

聞

令俶

有

終

、公無

愧

焉

變

爲

臟

毒

E

又

變

爲

痰

喘

淹

凡

=

月

子

間

孫 術 又次 芳、 珀 : 日 華 長 孫 0 恩 珦 葬 及 萬 龍 惠 州 潭 目 皆 某 ; 光 Ш 次 禄 某 瑶 署 向 醫學 派 曾 訓

敕封孺人進安人張氏墓誌銘

後。 某 後 其 徙 張 渝 遐 也 書 端 渝 先 洲 公光昭之女,母丁 福 公之 由 内外 洲 之 永豐 歸 世 安 淑 金 人者 張 聶 仕 冢 陵 懿 鵠 進士 氏 徙 唐 婦 所稱 陟 默 Ш 伯 六十 自 , 有 永豐之遷 雙 發 孝 蟾 金 功 子五 江 科 蓋實録 敬 塘 年 陵 之嫂, 封 自 慈 巚 氏, 皆 享 諱 輔 都 惠 恩 封 「渝 年八 孜 始 出 世 虞 鄉 君 儀 與 之 禮 潢 7 侯 之元 先 制 + 派 者 田 安 永 妻宋 禮 郎 也 有 其 T 人 樂 渝 西己 出 中 進 爲 望 川 始 初 夫人 都 静 安 邑 族 + 水 年 祖 人 虞 平 隆 之 雲 輔 渝 也 協 諱 之 再 ? 之 洲 禧 13: 尚

成 第 問 三年 亦不 下 君 無 几 保 産 是 禱 前 坤 聞 理 世 復 忌 年 襁 男子 年 諸 屢 道 有 内 擢刑 出 一、筐箱 安人 政,諸 知人 封 孟 有 有 鞠 名 孕 無 反 令丹 問 納 得 冬, 責 Ш 而 成 唇 科給事 藥 君 者, 間 屢不 謂 之子 語 徒 之蓄 飲 静 納 挾 井井當尊人意。 日 封 期 以 食皆 者 魯 焉 輒 安人 君 是 以 年 育 妻, 安人就 專 ,例得請 狡 叱 悉 姬 商 哺 可 而 寵 之。 安人爲 妬 太 爲 太夫 不 以 惟 安人 子 游 强 爲 讒 夫 出 歸 足 爲 哺 齊 而 養, 忌 嘉 婦 人珠 人耿 姬 稱 事 乳 有 封 口 也 魯間 之所 靖 所 右 姬 耶 協 無 責 哉 ? 不 封 匿 薄 而掌之, 耿 敦穆 Z 色喜。 安 未, 安 知 爲 兄如子官 企 舌 抱隱 不 人 安 數 姬 專 明 家 四 己 善 正 人 静 也 人三十 姬 年 + 年 病 房 間 德 憂, 人 舉 乃 元 卒, 爲 1 利 年 莫 年 進 封 病 乃徧 静 以 專 -,未 卯 年 之 政 君 且 房 嫂 視 封 生

得 聽 葬 月 婦 不 夫 不 色 九 未 封 月二 於 <u>一</u> 十 疾 勸 之 之。 厭 有 婦 孺 但 虔之儲 用 人。 之 也 復 而 日 終。 拜 + 止 雅 外 : 氏 九 H 雖 有 及 制 去 弗 潭 静 傷 寒 潔 寒 命 先 H 也 生 止 飛 癖 之 薄 哉 夜 還 以 0 人 距 榮 請 譴 是 ! 之封 鳳形 凡 未 足 其 每 以 逐 年 豐 嘗 飲 時 矣 生 汩 身 ,癸山 己 才十 有 逐 人 食 爲 嘉 _! 汩 代 未 服 私 而 咸 成 靖 弄 四 性 有 禁 御 與 至 晴 T 化 \equiv 水 月 之器, 樸 弗 五 再 嘈 向 + + 事 惟 + 儉 安 代, 年 稱 兼 七 盤 與 服 H. 年 卒 年 滌 諸 人 謂 非 而 日 未 Z 里 以 親 静 澣 無 子 前 未 1 七 此 子 滌 者 濯 戚 此 兄

云

聘 女 員 廬 陳 杆 陵 銓 女 安 聘 人 梅 : 銓 塘 武 惟 棟 爲 賀 城 静 以 陳 知 曾 子 ___ 給 子 州 博 恩 事 女。 士 陰 娶 子 之姪 官 Ŧi. 也 校 生 都 出 女孫 枌 梘 娶 饒 出 溪 村 氏 側 王 女 閨 前 室 氏 曾 秀 孫 李 生 滴 序 閣 氏 牛 班

> 狀 男 闄 吅 口 子 校 時 銘 出 遷 子 閣 時 銘之。 許 遜 廬 皆 陵 官 張 生 知 子 府 之子 也 静 某 泣 IIII. 曾 具 孫

終, 何 安 评 銘 人以 日 : 之。 婦 德 生 主 於 慈 渝 地 葬 道 於 爲 儲 妻 反 無 而 成 有

登 仕 郎 翰 林 院 待 詔 湖 涯 貢 公 幕 誌

之行 世 孝 之節 教 而 者 士 考先 生 歎 謂 叔 斯 非 世 古 王 人 之不 之 豪 而 傑 典 能 究 可 以 士 作 聖 耶 心 一賢 ? 也 當 之學 子 時 尚 之 自 務 論 期 貢 以 待 揭 樹 詔 扶 忠

義 歟 者 ? 常 七 見洞 公少 云,我家六十 歲 有 賓 X 先 大 里 生像 志、大 塾 年 授 後 父 慨 ^ 有 異 然歎慕, 論 傑 而 語 出 訝 > 者 之 至 過 其 志 謂 即 在 寢 T 此 食 大 子 衍 剖

析

玄

微

鳧

Ш

子

梅

鶚

搜

抉

無

産

購

書

了, 丘

西

袁

集

尋愈,人以 索墳 引 咸 間 鋭 命 宣之博 卷傳 · 醫 修 王 弟 齊驅 廬 論 之 絲 有 然 神 海編 文 子 守 古 時 典, 望 人 者 論 欲 莊公、 仙 員 於 爲 禮 文莊 今上 並 髓 學 著 摩 何 往 日 孝 不 家, 根 跱 釋 ? 宏詞 從 不 喪 足 感 辯 極 而 下 爲 菜 禮 之, 重 京 總 稱 事 林 論古今人品高 所 領 邃 數 南 治 先 手 П 總 也 致 督 要 於《 考 特 Ŧ 京 大 師 澤 T 絶焉 如 ; 學 註 立 户 父 百 刲 易 補 也 制 時 喟 諸 獨 踰 造 部 聞 年 日 股 **%** 白 然 紀 管 尚 行 子 而 : 和 每 己 録 窮 沙 歎 百 弱 積 書 奇 而 藥 合并 乃 所 陰 弱 先 無 H 史, 終 冠 也 黍 如 꽳 遺 以 陽 龄 生 秩。 士争 重之。 擬 卷 中 易 書,上《 帛 者 服 旁 ^ 事 啚 子 詩 之賜。 月 所 不 出 鼎 名 留 經 傳誦 人 之 出 重 革 学中 日 京 0 制 ^ 師

皆以

古學

自

乃

引

拜

南

陽

遠

如

倚

倡

道

嶺

南

在

此

平.

?

補

郡

博

進

疾疾

時

父

翁

疾

革

人

事

之

變,

候

氣

IF.

律

討

自

是

杜

門

潛

哀毁骨

7/

倚

衷,成一家言 求,宗祝 當 涖官未 否 復古治 ·, 而 者 乙未,夏 保 之。 若 乃 是 丁 雖 應 之所咨 淆 幾 傅 年 屬 亥, 嘗 西 天 抗 蜀 河 戊戌 補 策》十 今上 禮 以 夏 以是受 鄉 決 疏 皇 喧 建 * 官 是 試 病 吅 而 請 豗 后 儲 冬, 除 鋭 蒙 聘 求 凡 服 東 崩 五. 翰 群言 惟 志 修 訕 知 致,疏 屢 章聖 士 輯 注 事 公是正 林 ~ 禮 笑 議 君 得 古 年 上 也 祀 樂 ·紛若。 待 削 相 春 皇 待 0 教 然 郊 儀 屢 詔 天下 萬 其 太 官 詔 疏 正 太 成 亦 焉 七千 服 后 翰 凡 廟 德癸酉 子 預 典. 以 宰 不 崩 林 再 成 史 是 翕 相 惟 輔 考 喪 餘言 訓 廷 舘 受 臣 訂 稱 爲 然 之 祭 公 言 哀 方 華 推 遵 留 校 金 識 折 所 聿 戊

493

柄 用,終格之。

訂 尤 於 子 雖 爲 相 年 年 行 嘗 子 吊 僕 動 氏 子 7,卒不 累 ', 相 專 仙 於 嗔 名 心 取 ,室中多思分 友也,予 無 獨 0 佛 子 稠 績 其 公孝 不 喪不 所 經 手 舊 詭 坦 人 臂之交,以 老 識 亦 可 如 矣。 遺 傳 奥 夷 中颺 友 披 罷 衰。 公之 於 古 嘗 詩 聶 談 通 灑 忠 者 知 性嚴 念及之否乎 雙 文, 解 之 逸 誦 是 言 信 知 其 異 之矣。」南 T 江 於 田 得 冲 庚 公公 非 飄 子 篤 博 臭 Ì 貌 非 宅器 時 於 淡 然 何 辰 其 義 極 古, 味 痛 歟 宰 天 渾 手 所 慕 如 群 嘗謂 相 哭呼 文 ? 厚 筆 野 日 善如 Ш. 性 深 自 ? 野 籍 求 莊 奄 : 悉 鶴 居 沉 歐 故 而 先 Ħ. 今 公 父 H 取 契 簡 相 '飢 晦 未嘗 陽 經皆 有 究 公 人 若 卒, 記 殁 其 出 渴 日 公 草 天 魏 意 亦 以 數 然,乃 不 . 平 瘠 千 嘗言 野 下 晉 朱 以 於 不 家 庶 千言, 弊 生 禮 子 家 子 + 稱 里 以 苟 知 幾 屬 也 於 來 文 考 貧 於 合 餘 才 赴 派 司 僮 感 伯

書

皆

有

弱

世

教

忧

雖 臘 如 而 自 事 而 燕 觳 禀 所 比 心 自 市 禮 用 著 存 於 命 成 吹 纂 備 湖 王 擊 不 註 劍 和 室 涯 融 罄 家 代 \approx 集 齋 者。 劍 \equiv 集 大 頌 力 映 晚 大 杜 志 雅 \approx 不 議 集 乃 禮 機 湖 未 能 \approx 者 歌 賦 子 每 就 舉 涯 籟 謂 詠 \approx 酒 稽 兀 詩 公智 野 聖 南 瀛 酣 雛 稿 集 其 陽 朝 海 \approx \approx 略 長 所 而 不 功 集 保 湖 存 能 歌 德 志 傅 倚 涯 擊 不 招 謀 市 紀 補 州 文 節 朽 於 丘 載 身, 若 子 稿 者 古。 諸 鼎 時

奎 兹 浙 渡 世 貢 生 昌 漕 寓 居 出 師 矣 瑯 公諱 孔 居 宋 琊 泰 門 宣 汝成 官 命 子 濬 城 王 革,不 生 貢 之 祖 字玉 至 之後 奎 南 顯 禮 湖 復 以 官 部 甫 仕 武 以 至 尚 傳 德 字 翰 書 垂 數 大 爲 字 林 休 世 並 夫 姓 宗 院 委 至 以 扈 聖 直 祉 重 +: 文 宋 賢 濬 所 姓 學忠 貢 高 學 出 貢 氏 宗 發 氏 也 義 白 南 解

儒 蘭 顯 業 生 相 乾 泰從子時之人 承 乾 敦 生 崇行 頫 頫 誼 或 生 鄉 朝爲 鏞 之父 鏞 車 之老至 一駕郎, 生 公。 一今能 時 乾 生 誦 以 蘭 其 下

無

聞

滴 持 靖 況 棺 概 國,夷 建 男二女: 亥七月十三 平. 距 嘗 鏞 取 學宗 其 監 館譯 生 古 生 隱 爲 伊 姚 字 長安國,今爲 ĴΠ 成 逸 彪 生; 瀕 化 日 無 ; 名者 卒 丙 又次昌 次 死, 於 申 適 命 官。 三月二十 姑 著《 以《 或 吾 Ш 公娶 永 真 程 孫 庠 豐 稱 氏 生 給 學 陳 傳 遺 事 訓 女長, 氏 **>** 日 書 濬 以 孫 次 凡 嘉 É 附

不 德 能 以 以 滿 其 學 子 德 銘 者 友 問 見於言 壽 矣。 日 人 與 : 戚 子 不 古 愧 君 相 永 稱 無 衮 長 年。 子 之狀 不 以 當當 觀 朽 答 克 路聘爲 惟 太 出 託 肖其子 史, 冥之知 子 爲賢 爲 有 洞 墓銘 家學蔚 也 學 證 故 提 日 焉。 可 舉 銘 功 謂 之。 位 間 日 真

男。

庠

生克

明

學訓

文行

卓

然,世其家業

公三十年,銘

之何

辭

墓 木拱 矣, 宿草芊芊。 惟 君 子 暴 小 人

都 察 院 都 御 史少 峰 公墓

右

副

商

誌

銘

歸 肅 史 小 使 葬 遡 峰 於 維 嘉 商 承 長 靖 天。 公卒 江 癸丑七月二 千 又 於 餘 Ŧi. 大 里 年 司 謁 寇 子 厥 十八日 獄 銘 子 祚 又 等 子 右 明年 以 始 道 克 副 甲 義 絾 都 寅 狀 契 御

中 盈 中 府 荆 原 湖 子 門 永 制 樂 村 盈,公之考也。 廣 潛 公諱大節,字孟堅,號少 也。 江 庚子鄉 鄉 家 縣之夏 試,再上春官,不第 焉 Ŧi. 世 試 州 祖 東 爲 經 汝 鄉,元季 今上 魁。 Œ 才 德 生 湯 義 癸酉,公以《春 思 生 沐 避 峰。 敬 汝 邑 兵 霖 思 以 乃 遷 其 汝 敬 家 陞 安 先 生 貧 森 州 陸 世 秋 親 生 爲 州 居

四

老 撫 月 爲 城 父 殺 劇 死 治 吾 年 多 中 順 責 祖 倡 豐 式 流 人 才 賊 讀 而 是 閩 應 遂 耶 墳 某 獄 公 城 凡 書 政 諭 可 廣 Ш 領 而 豐 成 ? 墓 有 至 + 篤 之 書 某 通 以 東 教 以 前 \$ 連 明 有 行 寇 無 人 名 大 不 無 主 洛 此 出 某 繫 作 七 忌 以 監 : 和 日 窺 義 城 考 陽 之 身多 數 人 身 平 掠 祖 之 是 執 盛 義 盗 千 年 ? 無 左 公設 先 無 孫 中 聘 斬 遠 鄉 城 戢 X 民 右 已,公 未 士 父 疑 會 草 乃 鄉 貢 民 響 就 法 有 子 癸 除 而 試 乎 逋 辛 應 安 養 民 六 擒 而 未 踰 者 不 號 根 日 頑 未 世 宣 捕 玩 年 程 決 此 七 維 邑 法 之 論 濟 成 教 殆 法 而 者 力 者 二人, X 之 色 也 變 薦 進 其 保 盡 驰 教 練 出 義 0 維 卒 交 障 惡 立 武 成 貲 死 嘉 洛 豐 仍 1: 康 一決之。 Ŀ 哉 箠 者 刦 靖 陽 賑 百 舊 出 不 掘 稱 鄉 以 之 試 暇 饑 Ŧi. 誰 其 才 難 **\$** 故 人 萬 無 元

敕 雲 使 功 敬 身 滿 封 河 水 在 弟 方 九 鹽 風 治 贊 習 0 宗 親 貴。 裁 父 年 城 南 行 尋 擣 接 頒 可 孝思 爲之。 理 巡 禮 戢 , 縣 如 考 岭 賞 其 考 陞 陞 J 第 暴 丞 凝 其 軍 於 八 河 巢 都 加 也 母 廣 不 官 學 安 年 務 副 俸 峒 尋 足 察 0 憂 東 清 民 0 宫 兼 使 遷 稱 母 避 院 適 勘 愈 累 遂 天 上 提 哀 設 或 强 大 已 右 海 事 事 子 遷 級 世 期 督 毁 嘉 險 子 貴 孺 愈 X 之 賜 千 南 江 111 骨 紫 年 靖 奉 監 人。 以 都 陞 墳 東 敕 黎 右 餘 荆 立 而 + 七 控 敕 派 御 Ш 獎之, 督 叛 等 變 制 六 修 年 尋 以 整 史 而 東 歷 張 運 日発見 夷 年 合 公 徭 戊 召 飭 外 參 祠 總 參 刑 巡 俗 起 奉 獞 族 子 補 進 高 艱 督 政 墓 議 部 選 撫 復 之 階 兵 檄 功 肇 净 胼 家 奉 仍 郎 將 保 祠 科 文 歷 分 德 等 胝 峰 谱 居 命 己 以 中 練 定 給 林 按 F. 哨 碑 其 處 例 尊 之 主 又 兵 郎 事 試 察 陞 其 淩 具 子 降 祖 勞 + 比 地

募

大

13

有

誉

嘉

俺

骨。 義 之 其 虜 號 振 奉 不 以 勇 急 戌 理 日 夏 勇 命 敢 命 在 人 蓋 公 以 安 \$ 邊 日 寇 总 陞 怙 鸞●嘗 急 以 奉 兀 各 古 插 防 仰 召 古 故 公右 益 肅 千 鎮 根 内 上 視 寵 殺 守 人 屢 以 忌之, 庚戌之變, 移 軍 人, 先, 本 命 者 作 陰 蜀 嗣 内 1 戒 副 軍 威 威, 遣 子 賊 别 臺 崇 尤 廟 督 不 都 民 乃奏 公義 家 爲 虞。 錫 疏 以 勢焰 公 重 御 以 之 Ţ 日 駢 安 内 史, 卿 八 根 免 語 總 與 急 形 時 軍 繁。 公 月 所 地 本 薰 飢 洲 公畫 獨 意 經 義 殺 於 又 深 方 天,斥 餓 視 虜 拱 訓 有 略 引 潛 叛 色, 已又 逆 致 九 所 練 大 護 地 京 兵 賊 __. 人 而 知 意 門 獨 叱 指 舉 鼓 分 城 虜 以 日 京 入援,主 懸 冒 北 守 舞 不 誉, 内 公 救 薄 師 重 總 銜 是 疏 虜 外 下 卿 賞 生 事 之 京 之 時 軍 督 勾 又 内 베 續。 靈 師 疏 屢 至 人 以 招 京 上 引 逆 招 侵 0 者 总 公 詣 略 百 寔 斂 憐 疽 數 發 以 離 矣。

鸞

忠

上

甚

庚

飭

肅

主 計 皆 公 發 勾 無 闕 其 其 特 屬 地 之, 忠 愬 腰 引 他 罪 奸 得 爲 而 忤 背 矣。 冤 義 蜀 + 而 蓋 京 而 以 子 死 華 死 里 請 公 禮 欲 城 亦 將 無 之秘 於 之 卿 設 以 是 竟 襄 下 得 釋 何, 逆 内 身 以 獄 以 也 以 事 從 之, 代。 人之手 下 華 爲 穽 勾 續 諸 乃 咸 人 乃 公 公 陸 虜 知 麾 公後, 城 自 縞 也 信 遽 都 坐门 禍 下 外 虜 素 時 卒 督 屍 將 地 在 無 未 撫 逃 公憤 可 東 於 赤 日 領 名 + 棺 П 遽 謂 蓋 湖 數 獄 族 夕 也 里 者 允 哭 然 生 _0 公 推 百 之 能 乃忿 日 榮 奉 棺 E 然 遂 賻 廣 人 地 死 德 衾 於 言 抗 贈 E 命 相 俱 恚 是 意 含 諒 哀 以 率 逆 疏 不 分 經

漶 此 處 後 參 據 頁 康熙本 底 本 原 補 缺 兹 據 甲 庫 本 補 個 别 文 字 漫

得 祜 葬 多 女 亥 烈 及 自 性 几 撫 廣 事 不 が故其 介,有 所。 東官 時 英 書 其 畿 其 屈之大丈夫 納 類 愈 而 八卒也 作 發 公平 甸 享 輝 授 内 其 問 子三, 不 教 へ 學 若 行。 總 承 爲 年 學 以以 愈 生 作 天 歸 憲 肯 人。 六十 則 光 慷 公嘗言 縣 身 衛 葬 長 官 臺 以 非 以 慨 公生弘 狥 愈 指 於 綽 祚 有 天 歟 司 砥 風 負 揚、 或 揮 温 然 ? 下 Ŧi. 諫 礪 次 裁 奇 未 \Box 無 愈茂。 蓋 第 名 勳 氣 裕 司 詩 女 峽 治 累 遇 娶 棺 譽 節 刑 文 冠 俱 始定。 忠 時 彭 等 卓 尚 帽 孺 年 信 郡 忠 適 賴 敭 女 氏 平 事 古 Ш 九 孫 學 人 義 孝 内 陳 歷 讓 出 雅 下, 先 衛 月 三人。 助 謂 生 爲 友 運 藩 他 士 公 舍 + 悲 得 9 即 之 爲 本 臬, 人 之 殁 功 彭 孫 又 公 壯 威 右 次 今 故 法 男 於 日 激 武 巡 遇 天 居 相

銘 日 : 傳 不云 乎 ? 學之不 己, 闔 棺 始

> 定,言 若 彼 輔 養 身 浩 棠 書 美 志 然 庾 丹 陰 罔 新 死 克 行 封 競 以 終 都 亦 立 暝 之 鳳 城 發 0 命 永 難 軍 栖 女 蘇 歎 **令**。 緘 也 瑣 湖 並 謹 之 疏 跡 於 蜚 教 其 惟 噫 嶽 英, 平 中 卓 崩 生, 派 臬 魯 雷 温 藩 之 震 峽 金 威 政 專 冠 輝 武 狍 盛 Ш 玉 不 禄 或 暎 屈 炳 畿 以 以

袁 母 胡 孺 人 墓 誌

者

子 臧 子 邦 人 桃 所 之 獲 也 又 夭》之詩 之類 興 撰 子 次 替 讀 上 厥 則 ,皆是子之所宜者。 自 妣 尚 周 所 荒,而 曾 孺 矣。 南 生之子 祖 人 . 考 事 謂 桃 從 妣 行 宜 女與 夫 夭 次 其 之 》之詩, 孝 家 祖 義 子 敬 考妣 人 女之婦 虧 雍 者 一之未 矣。 歎 肅 言 次 女 和 子 貞 翁 妯 宜 觀 家 順 姑 係 袁 家 慈 則 夫

即其狀而銘之云。 惠,一家之人各得其所,誰之力耶? 於是

之日 妁之。 臨 之宗 澤遠 孤 偶 甘辛 人、大 父忠齋 吾 曰:「胡氏 賢」,尹 母母 父主 邑 何 近、氏 : 孫 西 胡 翅 13: 穀 聶 妁不 也, 大尹 塘 孺 辣 公公 一静 袁 張 碩 孺 里 人 無 舊,配 目之 婚 穗,根 亦 孺 氏 族 蚤世,大父雲巖 人著賢 數 者,諱: 公在 胡 不 不可 得 新 人 日 年 公 當 視, 宗 及 故 歸 語音宗 森 堂。 苗 稱 某, 「賢 意 不 上 婦 知 烈之 十手之指 乃 相 慎。」乃議 事 之 公耆 介 孫爲宗 家 歸 哉 符云。介菴 黄 大 惟 生 女也 菴 賢 數 必 詳 尹 日 孺 年 亦 袁 月 昌 公, 人。 公某 哉 婦, 淵 也 不 賢 輒 且. 0 婚,得胡 ? 德, 祖、父 禄, 孝 有 曰 事 宜 孺 之元 敬 稱 : 張 13: 也。 九 而 里 惟 人 曲 直 生 稱賢 世 亦 黄 歲 有 人 曾 中 氏 至 配 遂 不 相 日 孺 頌 吾 世 大 而 世

期奠,奠不如儀者 時 私 也 弟 耕 稱 素 當 稱 如 忌之辰,輪 二弟早孤,婚教長養惟母意 夫家之不 甘旨滫灩之奉 所 0 享 嘗 觴 室 饒 介菴 出 而 織 介 如 親親 一,家日 薦 暨 子 菴 裕 此 ____ 善 口 備 意。 孺 分異,孺 其 豆、一 日 故 雞 初 速者 弟 派 物 饋 落 禮 曷 人 不 豚 弟 孺 分直 持之以 澣 遺 克以 義 狗 知 種 簠、一 人麓 孺 祭祀、賓客,築盛 器 即即 人善體 亦 彘 其 孝 種 ,叱之。 之畜 得 致 友 孺 以父視 無 相 衣草 瓜 處之以 簋, 鑿 儉,不 之耶 諸 人 人先 繼 果 介 也 非 以 内 之 生 湌 卷 ? 助 期 歲辛亥,介菴卒, 躬 色盈 早 細 介菴,不 是 殖繁 鑿 裕 意 故 子 者 戒 理 承,不 不 庖 務 子 介 夜 直者。 多 以 者。 必 ; 精 菴 滋 飲食之饋 往 色怨。 率 分 有 中 矣 故 潔 聞 貧 授 謂 以 凡 僮 年 家 先 美 一 里 代 菴 弟 以 婢 凶 介 味 爲 子 康 不 視 凡 訟 如 生 兄 相 弟 几 不 勤 菴

499

生 也 有 疾 稍 不 不 喜 淚 者 於 其 孺 父之治 邑 一之年 言 庠 「, 視 將 華 置 待 成 不 下 地下哉?」隆 人 死 勝 遂 生 有 革 ,妾之責 悲 而 體 諸 御 介 命 李 爲 以 悲 子 慟 有重 若 子 菴 呼 也 之 成 也。 嘉 號 食, 其 胂 子 感 之舊 不 化 成 靖 天 塞 禮 激 也 子 能 於 稍 汝 己 T 而 椎 中 發 師 日 勝 日 泰 甘 無 未 未 不 遽 : Z 憤 親 胸 : Ш + + 以 崩 少 友,凡 卯 不 四因 日 卒 學 不 者 亡 月 顯 月 殺 吾 . 酬 若 :「天乎 鄉 信 成 日 人 揚 初 初 天 0 謂 試 不 痰 供 巫 以 他 殷 也? 未 几 六 每 君 能 喘 祝 進 資 日 遂 勤 訓 日 日 孺 子 下 以 何 爲 教 午 諸 卯 不 天 敕 之言 人 ; 自 長 助 以 恨 子 時 時 藥 聞 作 御 乎 是 子 輒 成 見 汝 没, 弗 佛 報 足 享 積 槙 其 T 未 簇 衣 事 効 喜 恃 父 年 憂 胡 補 簇 子 覩 距

孺 人生三子: 長 即禛,字 時 吉, 娶城 北

> 龍 於 蕃 繼 長 徐 則 形 娶 松 本 氏 ; 龍 陳 里 曾 次衿,字 氏 潭 葛 孫 ; 高 嶺 男 禮, 氏 之 也 字 某 原 時 日 1 9 娶 中 辰 昂 以 華 巽 是 娶 日 田 Ш 年 梅 早 高 戌 臘 坑 氏 皆 月 戴 乾 孫 答下 繼 + 白 男 娶 出 H 水 葬 洞 日

周 運 維 祜 0 兹 夫 銘 士 葛 壽 女 日 原 而 新 康 嗟 代 子 阡 嗟 稱 鬼 賢 賢 神 姆 而 潤 訶 教 孝 護 久 敬 是 湮 慈 日 婦 順 世 德 婦 默 不 以 口 傳 篤 否

!

敕 封 宋 日 鍾 氏 太 孺人墓誌

官 之 子 13: 如 録 其 其 也 宋 子 循 母 鍾 良 望 鍾 功 之 氏 封 次 往 太 太 孺 以 孺 貤 吴 人 人。 恩 者, 令徵 封 鍾 其 大 爲 出 親 理 於是 監 閬 派 察 \mathbb{H} 宋 舊族,文 御 父坦 儀 史, 望 菴 天 望 侔

本

亦

多

置

倜

儻

不

能

較

廬

擇

師

教

子

進

非

兒

心

也

未

幾,望

自

宰

相

卿

0

寺

丞。

太

孺

聞

之

不

色

殿

災

遂

監

督

尚

工.

同

敘

H

益

落

莫

甚

其

懽

心

Œ

德

X

薦

遭

IXI

歉

言

事

著

聲

稱

權

貴

人

多

忌

法

朝

論

有

朝

陽

鳴

鳳

之

河

南

道

監

察

御

史。

月

餘

啻己

出

孝養

其

歸

也

浹

月

乃

太

孺

人

早

有

I.

精

中

饋

不

表公之

擇

婿

如

宋君

軒

偉

望

之

成

進

士

遂

迎

太

孺

人

至

鄉

薦

高等,

報

至

孺

人

且

令,

復從

如

吴。

吴爲

東

南

夫

也

嘉

靖

Z

未

封

君

背

父

年

且

老

家家

又

日

迫

女

輩

則

盡

以

佐

家

口

平.

居

督

誨

諺

謂

閬

 \mathbb{H}

女

即

閨

秀

之

出

閬

則

又

其

較

死

節

代

殊

之

類

咸

躬

自

省

視

以

備

祭

每

歲

會計粟

米、

魚

鹽

酒

物

科

第

甲

於

人 翁 而 著 供供 邑 拮 Ш 至 量 絶 不 習 閩 辛 擇 田 也 姑 中 内 者 高 稱 据 錙 問 閤 給 未 侈 者 婦 族 0 政 貸 治 銖 之 和 後 往 靡 改觀 9 往 望 昔 至 勝島 流 遂 生 妯 人 其 譽 當 來 每 赤 綺 往 益 坦 寇 産 而 娌 語 求 後 嘗 有 以 麗 隆 撫 性 菴 稱 愍公同 至, 婚 補 ,慈藏獲,罔 其 連 數 貲 遐 封 賢 静 封 敝 於 前 如 西己 畢 君 + 貸 盡 福 默 蓋 君 室之子 如 閬 女 陳 婚 0 恬 里 人 燹 之失 謹 崑 宋 又以 師 孺 田 不 嫁 遂 外 其 産 厚 或 1 封 然 人 爲意 居 婚 多 配 家 革 君 女不 不 不 勤 時 太 復 日 之。 奇 也 能 得 事 室 性 E 迨 女 總馬 孺 儲 念太孺 之。 譽。 功, 喜且 棄。 喜 即 望 邑 劇 都 不自 諸 祀 醋 太 之 牲 首 人 邑, 子 賓 孺 下 日 晉 哭。 尋 嘉 其 論 安於令, 丙午,望 樹 人私 : 必 客 大 望 豚 人年 靖 以 已拜 吾 後 劾 立 之戴 日 理 明 召 T 逆 累 鷄 心 : 有 即 寺 年 且 知 E 隱痛 鸞 X 吴 彘 以 女 餘 之舉 星 則 非 耄,遂抗章乞歸 右 驟 拜 縣 不

出

太

孺

人

甚

念之,

至

聞

501

又

甚

喜。

孺

人

既

自

吴

還

寺 遷 靖 憾 年 於 辛 於 翰 大 西 未 是 理 正 冬 知 者 月 也 臺 太 廿 諫 亦 孺 有 明 以 竟 人之 Ŧi. 年 下 以 日 太 事 咸 私 竟 孺 中 以 憂 以 傷 人 詩 其 無 届 之 文 子 疾 九 爲 遂 終。 + 壽 非 落 淺 職 然 又 時 鮮 左 私 明 嘉

見

也

不 野 孫 琬 理 次 考 也 本 簡 溪黄 務農 婦 丞 鳳 御 女三人。 瑜 然 儀 皆 史 封 皆 氏 大理 女與 望 珦 績 君 爲 先 珝 也 諱 邑 尋 琯 太 敏 既 聞 其 許 珀 諸 得 孺 俱 女一人, 義 1 先 皆 城 以 改 生 子子 前 其 人 世 邑 南 下 封 ; 室 卒 年 履 弟 皆 張 嘗 次 其 嚴 七 歷 子 淑 氏 幼 爲 官 展 出 孫 月 俱 員 秀,嫁 誌 業 而 男 載 曾 孫 ; 子 其 太 + 展 + 璠 坦 孫 女三人, Ŧi. 墓 爲 孺 璨、 基, 有 菴 三人: 男 人所 城 後 九 誌 九 南 次 以 瑀 人 長 日 中 望之 撫 張 即 球 敏 滴 力 最 大 擇 44 嫁

> 之誼 亥 葬 通 家 於 白 吉 其 其 而 水 曷 子 懇 縣 以 珝 懇 折 辭 又 求 桂 ? 爲 銘 鄉 遂爲 予從子 於 子 + 之 都 儀 銘 子 某 部 於 Ш 郎 大 之 中 理 原 婿 有 0 師 P 世 友 Ш

銘 碩 遐 相 節 石 龄 其 族 夫 奕 純 銘 望 世 日 嘏 復 益 載 : 成 鄉 振 惟 德 其 邦 我 鍾 子。 於 羨 之先,代 心 惟 覩 所 龍 孺 懌。 章 維 有聞 煌 子 後 徽 煌 及 有 音 人。 冠 孫 致 是 帔 焉 既 恭 嗣 有 愍 繁 視 此 H. 既 抗

巽公祖妣合葬壙記

十 Ŧi. 惟 我 日 ,没弘治 先太 父巽 元 公, 年 六 生 月 永 初 樂 九 + 日 年 葬 八 於 月

「某山」二字,底本原爲墨丁,據康熙本補入。

0

葬 月 氏,生永樂 之確 亦先 念六日,先我 之。 源 東坑,於兹 九 先 年二 太 太父二十 母 一月初 劉 五. 氏 七 十年 有 日 生 \equiv 宣 没 也。 年 德 天 而 Ŧi. 先 順 卒, 年 太 七 母 八 年 故 月 袁 其 \equiv

念

几

日

没

弘治十八

年八

月二十八

日,時

先

玄覽,吉 戊戌 哉 於 坑 考水雲大夫欲 中 之 ·, 乃 原。 十月之 嗣 兆 以 原四 乃 不 重 望, 具。 類,不 遷 別爲 Ш 良 遺 壁 以 朋 恨 敢 屹 1 是年仲冬望 遠 陰 兆,卜不 不 重 賁,誘 勉 泉 氣 以 弗 襲 承孝 衷 瞑。 人,先考悒 獲,卒袝 一前 翼 思。 鳴 慮 日 呼 尚 於 嘉 出 傷 東 占 靖 悒

縣

知

縣

0

先

妣

鄒

氏

封

孺

生

兄

洪

暨

豹

家 之藏 翔。 之震 天 先 公諱 男 鳴 光 呼 下 也 德,字 傷 臨 謚 哉 地 H 德 巽, 聰 呈 孝 祥。 豹 曾 思 蓋 太 惟 不 竊 父澹 先 騫 取 志 不 古人 是 樂 崩 康 府 私 君 萬 益 克 古

惟

清

溪

※ 常

·, 白

水

紆

洋

巘

標

對

峙

西

華

回

出出

於遷。

三穸用

章,惟

日

之

良

惟

陂

日

航

化、 字 遺 也 之義、「孝友忠 本 一,稱 0 坤 治, 先公配 化 情 合禮 配 能 陳 太 化 氏。 順、行 母: 若 生子 袁 日 生 氏 31 無 恭 子 私 違 生先 四 開 以 逆 元 化 誣 H 伯 生子 化、 先公,豹 異, 環 能 稽 化、 諱 之耻 實 開 昭

環,儒 一,長 學廪 先 考, 膳 諱 生 鳳,字 員。 玉 繼 治 配 封 太 母 文 劉 林 郎 氏 生子 華 亭

静 察御 豹 中嘉靖 中 史、寧 IE. 德 + 波 兀 府 年 年進 知 進士 府 己 士 一,授鎮 華 調 亭縣 蘇 江 州 知 府 府 縣 丹徒縣 洪 歷 生子 任 知 監

縣。 泊 永。 次先叔 魁 生 諱 日 驥 日 字字 一之弟 敷 治 旵 ,今易 配 陳 氏 名 生子 靛 者

人。 世。 先 妣 玄 戮 命 孫 力 立 襄 以 衡、 事, 後 棟、 豹 惟 湘、 豹 若 兄 諫、 元 弟 化 約 Ŧi. 能 俱 人。 化 幼 及 曾 凡 魁 孫 Ŧi. 凡六 俱 早

衡

約

爲

恭所

生; 棟

若

諫

静

所

生者

並...

塘

百

世

以

俟

、雲仍

委

祉

昭

我

世

系

張孝子終墓碑記

求 乎 携 都 以 像 歸 明 軒 嬴 痛 ? 櫬 昌 弟 也 且 博 軒 葬 明 木 刺 老 没 故 子 軒 之 以 像 嘉 巾 厓 血 員 比 葬 歸 之 苑 靖 家 於 無 漬 翁 應例 骸 痛 Z 於 何 都 何 骨 子 能 有 君 骨 未 而 骸 羅 卒 艺 昌 也 見 子 未 何 是 知 骨 奉 坑 也 也 日 殘 道 收 月 何 求 孝 厥 未 之 骸 路 某 子 不 也 彼 禮 考 厓 陽 收 無 以 死 日 携 七 孝 翁 世 厓 以 巾 野 歸 也 櫬 龄 翁 慰 子 _, ? 何 長 張 ? 葬 歸 弱 輸 孝子 有 者 疑 以 孝 速 死 也 某 馬 何 乃 亦 木 子 知 朽 於 富 給 年 也 不 有 奉 像 痛 於 道 邊 月 而 望 見 被 吴 是 厥 葬 m 路 好 慕 季 跣 於 明 歸 以 考 不 厓 忧 也 永 子 知 翁 都 此 抵 軒 木 明

> 招 於 泣 嘗 窮 祠 面 是 魂 致 也 展 九 附 乎 : 祀 温 原 ? 孝 木 養 凊 朝 不 詮 子 一營宅 生 作 也 勺 不 H 虔 匱 灑 細 惟 兆 靡 薰 者 血. 也 謹 敦 故 炬 凡 無 奉 不 衾 從, 几 人 修定 啓 以 + 衣 爲 於 襄 棺 年 其 靡 省 是 事 槨 大,緊 遊 兹 也 刻 緣 老 不 木 春 躬 肖 情 矣 我 秋 像 起 代 嚴 獨 仰 蒸 立 無 天

<u>T</u> 哉 + 陌 仕 也 之 爲 慕 ? 也 舜 平 則 百 於 + 慕 乃 ? ? 君 之 是 孩 而 又 知 君 子 徒 不 提 今天 乎 慕 繼 好 聞 乎? 争 之童 學 子 人 也 色 而 下 則 不 之 千 則 於大 韙 慕 知 慮 知 人 萬 慕 無 之 闘 所 與 皆 舜 少 惟 不 田 於 慕 日 舜 艾, 미 見 知 知 者 是 之 之 廬 以 爲 愛 孝 有 寡 乎 知 車 也? 爲 其 哉 良 妻 矣 始 始 馬 舜 親 ! 子 有 舜 則 也 則 不 與 孰 子 也 慕 孝 孟 慕 慕 從 獨 涂 子 厥 駢 子 妻子 其 孝 不 麗 而 不 繼 知 親 也 阡 使 得 所

羹墻 與 蹠 口 日 之分, 乎? 愛者 肆 不 其 養, 忍 知 是 蹠 愛 情 矣, 皆 死 與不 少 章 不 謂 恩之行 逢之士 葬 爲 愛而 蹠 歲 之徒 已矣。 時 談 舉 伏 經 骨 非 臘 擿 内 愛 耶 餂 史 至 ? 而 若 以 親 慕之, 夫 寤 曾 食 寐 不 無

之乎 徒 疲 孝 慕 闘 於是 力 子 也 ? 不 今七十 乎 乎? 復有分毫 若 田 舜 稀矣,乃皇 慕 廬 則 車 少 克之盡 顧 馬 艾 惜, 曾謂 乎,吾 乎 皇於 9 慕 故 妻子 不 生 不 得 . 事 知 乎,慕 而 孝 葬 所慕者 知 子 祭,罄 也 君 舜 乎 之 能 家 顧

至

死

不

變,

舜

以

之法天

下、

傳後

世

孝

子

有

市 也 瀧 明 朝 C 軒 張 爲 祖 孝 不 孫 翁 孝 子 爲 父子 名 子父,賢,名; 邦俊者,孝子之祖 蹠俗 某, 孝義 所染 字 廷 相 故 承 佐 希哲,字。 贵 能 號 之耶 以 石 其 峰 蘭, ? 居 先生故 厓 作《 子 深 翁 友 Ш 終 也 遠 人 即

記》,嘉靖十四年乙未歲十月朔日

0

衡府教授陳竹塘壙記

有諾 人 蒙 日 其 素 即 有 不 友李蒙 亦 皆 家 泉爲 有 以 然 命 不 其 謂 焉 人婦 耶 爲 筮 考 子 時 ? 爲 子 泉 是 友 意 地 潤 師 遷 奇 十年前,予卜 竹 女環 年 ,其子弟家 瑾 爲予ト之。 視之,皆不 每 乃 先 塘 九 尊 與 先生,今葬 月,先 子 翁 祖及葬 不 談 哭, 得如其言以 妣 地 謂 生 李 人亦 理 與。 子 予父兄 統 殁, 如如 即 氏 語 得 靈 葬 蒙 無 孺 之, 子 白 風 出 會 無 泉 人之右 及吾 葬先 撫 過 鹿之地、蓋 閲 先 所 贵 吾 耳 武 榻 矣。 生 虚 意 生 妻 而 場 雖 亦 者 語 一,謂非 哭之, 夫人, 之前 予宿 哉 嘻 先 陳 牛 明 然 子 氏

先生爲潤瑾公愛子,雖不吾師,而早暮

<u>=</u>; 靖 爲 + 方 死 其 \equiv 東 且 至 私 敬 權 記 H 湖 壬 所 + 念 陞 信 奉 長 昂 图 戌 先 年 念 衡 及 若 品 良 嚴 年 生 謂 府 其 師 書 先 乃 實譜 孫 敬 郁 生 教 九 爲 人 生 裒 朞 男 授 之 弘 月 常 耳 娶 柩 所 年 四 堂 女 + 治 0 熟 投 葬 4 積 爲 而 庚 先 七 平 於 富 七伯 Ш 檄 幼 堂 先 氏、言、 戌 生 日 靈 諶 湖 而 秀 成 祖 年 忠 出 金 統 歸 教 享年七十 所 八月 厚 未 厥 未 0 紹、官。 命 植 法 之女; 硬 娶。 考塋之右 長 歸 期 皆 初 直 子 燬 踰 而 女 + 與 良 於 年 先 有三 不 1 次 H 古 病 郁 兵 是 生 可 於是 季 人 燹 病 月 適 殁 亦 干 娶 病 初 北 子 嘉 且. 如 今 以

Ļ 妾 王 氏 桃 姐 壙 記

妾 姓 王 一名桃 香、後 稱 桃 姐 以 子

貴

也

備

巡

撫

天

等

府

聖

諭

内

閣

豹

才

T. 庚 功 下 尾 死 障 婦 如 桃 度 月 寅 女 妾 베 兼 陽 戌 狀 凡 牽 平 此 香 晦 恭 李氏 本 憐 樞亡, 即 衣 陽 花 之 益 Ш 前 爲 湖 虜 死, 妾之父母 义哭,予 時 著 亦 子 西 年 功 功 廣 擁 夫 又安 門首 妻宋 撫 ·, 天 嘉 隨 爲 承 順 衆 人 乃 全 按 靖 權 母 天 几 叱 歸 起 子 用 覈 桃 妾方 身 Z 夫 臣 李 + 府 之 俱 壽 爲 廉 E 花 X 實 以 爾 所 氏 鍾 萬 其 日 广 以 盛 之 愈 子 九 還 等 忌 再 夫 祥 逼 : 伯 也 聞 開 族 歲 都 冤 哭 適 都 人 縣 天 被 兄 乃 人 御 且. 勞 耶 乃 旅 城 覈 且 喪 曹 H 逮 儀 也 日 史 ? 而 育 皇 人 之 日 隨 樂 莊 再 赴 出 爲 爲 丁未 他 宋 再 寅 整 淹 河 明 京 1 府 嘉 權 僇 媵 寅 兀 H 恭 云: 民 飭 憶 卹 君 世 靖 子 臣 結 女, 歸 薊 子 妾 7 冤 詔 t 人 庚 實, 永 票 未 隋 以 取 + 州 保 嘉 白 獄 子 踰 \pm 豐 邊 障 靖 遂 首 必 諸 保 當 名 而 初 IF. 年 樞 原

妾

生

王

辰

几

月

+

六

日

寅

時

没

甲

寅

+

月二十二

日

子

時

歷

年

一十

有三歲

几

都

百

蛟

太

和

觀

下

海

螺

形

坤

山

艮

向

之

歸

明

年

丙

辰

+

月

+

H

1

葬

於

+

卯

子

以

年

至

請

於

上

蒙

恩

賜

允,

携

櫬

東

虜

之功晉

太子

太

保。

妾以

是

年

冬

亡

Z

月

初

八

日

也。

又明年

甲寅

子

復

以

古

北

却

子

少

保

、蔭子

爲錦

衣

千

户

0

命

下

適

X

當

+

荆

弱

我

兵

以

豹

代

之。

兵

書員

缺

上

狗

紀

其

實

廖

亹

談

子

營

開

敕

兵

辛

亥夏

Ŧi.

口

大

用

何

嗟

薄

命。妾

乎

妾

平.

無

母

何

!

?

父

母蚤

世

九

歲

而

日

,爲予

誕

生子 月, $\widehat{\mathbb{H}}$ 子 將 又 是 大 聞 賤 妾 出 雲集 捷 秋 事 之也。 是 之 聖諭 隨 ,若 斬 虜 日 凡二 諸 外 酋 首 奉 爲 補?」遂 内 婦 明年 千 悉徵 命 閣 子 + 來 數 協 京 助 萬 云:「不必别 癸丑 級 其 理 喜 衆 蒙 陞 部 京 壬子十 者 兵 落 答 春 恩 時 所 部 戎 驀 小 聞 晉 政 侍 突 字 月 軍 秩 司 推 郎 紫 1 以 太 軍 中 涖 士。 符 從 恃 命 夫 孤 人 來 ? 亦 夫人育之, 嗟 無父何怙

徂

箕

帚

巾

櫛

歷

試

諸

苦

遠

似

爲

得

所

曾

幾

何

時

寧 忘 妾乎, 百 爾 屯 京 蛟 慕 難 雞 觀 ? 方 妾 生 後 亨 乎 鳳 神 雛 詎 司吉 携 云 他 爾 物 厝 日 旅 故 0 結實 櫬 ? 吾 兒· 言 歸 嗟

處 士 郭 君 中軒先生 誌

嘗 强 其 卓 聒 齋 有 學 君 隱 輒 德 諱 吾 就 者 璞 取 記 稱 考 適 憶 之。 字 崇 情 众秩,好 朝 歲 而 君 璞 久 已。」平居,言笑不以假 生 能 永 讀 聰 舉 豐 易 敏 其 層 授 事 Ш 以 史 人 元玩 書 好 吟 易 祖 咏 日 名 待

克

昌

葬

鄉

嗟

薄

若

合

虔、 耕 獲 全。 且 見 贛 荷 亦 廬 間 違 爲 於 蓋 與與 於 君 之 其 義 自 盡 人 舊 焉 有 是 分 不 數 信 復 載 故 之 出 歸 細 族 不 當 思 殊 以 慕 舟 心 取 楫 異 前 與 之 如 人 於 遺 險 畬 人。 人者 德 俄 游 而 M

生三 爲 君 此 曰 敘 儀 其 望 子 失 先 譜 端 今不 是 與 而 族 層 校 君 由 嗚 之, 治 其 近 Ш 呼 者始 後 郭 而 出 請 難 氏 也 .哉 於 尋 自 吾 定 或 踵 屬 小宗 子 矣 遠 功 公徙 0 祭 而 乃 酒 大 昭 居 東 禮 穆 之。 郭 君 從 口 嘗 鄒 婿 見 計 公 公 宋 如

爲 能 不 也 不 中 後 間 常 軒 時 祭 遠 君 以 先 祀 近 天 爲 生。 性 嘗 恨 慶 孝 有 吊 厚 弟 教 志 君 施 於族 其 宴 於 既 之, 子 會 老 大 , 之 亦 宗 人之 沉 築 節 不 譜 潛 室 計 之 經 以 饑 里 其家 籍 修 身 寒 中 爲 爲 無 顧 之 學 率 告 盈 致 力 者 者 名 稱 未 動 縮

> 人 員 子三 用 奂 於 行 哀 月 士 周 0 9 於 居 毁 日 稱 與 次 人 之 里 溝 孫 沭 踰 世 之 男 汝 : 禮 汝 於 於 交 0 霖者 蝦 楫 長 家 遊 人 兹 奂 塘。 汝 如 以 士 泉 年 居 以 霖 昔 此 悲之, 其 植 六 成 西己 奂禹 與予 其 成 父 + 其 中 君 家 進 德 之 几 沙 爲 以 遊 奂 , 士: 0 吴 集 狀 嘉 稷、奂伊 次 以 嘗 忠 氏 來 靖二 哭 汝 次 遭 寔而 爲 賢 乞 母 梅 年 13: 十五 行 銘 卷 文 月 氏 有 邑 \leq 奂夔 日 之 法 誠 將 弟 可 年 其 度 9 喪 子 行 葬 某 孝 宜

淵 有 原之崇, 子 其) 賢 銘 輝 日 檜 不 而 : 栢 且 蝕 松 之茂 貴 生 於 於 光 惟 Ш 神 其 處 其 前 士 其 安止 人, 榦 如 自 爾 松 後 直 則 如 人利 無 玉 玉 愧 止 藏 處 丘 於 士

銘

也

謝母徐孺人墓表

孺 道 乎 以 古 王 之, 輒泫然以 ? 焉 教 慰 嘉 者,又若干 其 之端、風 其 謝 謝 夫古 以 口 不 子 母 表 所字言, 已之思 之 徐 者翼 也 孺 知 化 悲 车 學 人殁 之 矣。 贊 切 而 始 有 陰 乃 切以 於 表 長子 也。 母 德 孺 其 丙 首 道 人行 未表 親 辰 然以 經受學於予,談 焉 重 者 春 又足 其 闊 有 正 所 余以 墓爲 月, 事 壼 在 以 言 也 是 室 先 係 恨 稽 於 有 儒 彝 然 諸 及 婦 謂 教 無 余 兹

乎 在 能 姑 ? 躬 也 張 氏 夫 恒 左 及 孺 右 呼 克 翁卒 人 就 日 篤 之歸 養 孝 而 敬 天 視 謝 姑 循 其 平. 氏 喪 日 曷 也 明 循 益 不 不 方 孺 **\$** 細 失 事 人 吾 審 常 厥 朝 母 百 道 翁 夕 獲 方 鑑 若 是 見 曲 物 負 日 猶 致 軒 月 痛 口

郎 太 簣 慚 嘗 家 反 則 菴 守 余 力 能 默 不 史之 表 聞 侍 亦 而 無 負 孺 而 何 享 貽 羅 而 有 見 哉 其 其 聞 不 年 顧 人 子 太 殫 怡 咏 於 於 忝 有 九 憂 而 ! 史 且 愉 以 杖 詞 壠 誌 是日 諸子 世 孺 以 之 古 + 自 屨, 章之學, 至 所 世 顧 頭 不不 人焉 諂 有 若 截髮和 也 銘 事 青 有 故 口 教 ? 山 令母 咸 有 孺 易 贊 草 子 其子 其 宋 樹 能 俾 能 人 其 乃 其 知 丸之助 之句 廷 之 不 世 其 慎 哉 夫, 能 逮 母 尉 而 婦 風 汗 其家 即 夫 所 ? 之 祇 有 能 之筆 是 聲 道 顔 復 而 不 謝 子 1: 0 僉 致 墮 13: 耶 也 開 見 子 也 命 今其 以 而 前 之乎 者 男 之 ? 儀 得 而 H 以 經 厥 庶 義 幾 子 於 妻 以 洗 嘗 況 力 余 Ħ. 女 姑 ? 冥 希 且 方 孝 腆 ; 歌 懷 幾 姪 也 學 不 事 内 (冥,易 不 姆 稱 篤 以 儀 萱 之 以 其 謝 於 品 大 視 免 至 部 有 是 無 所 然 念 方 丽 子 品 默

江 聶 先生文

親 名 否 泣 者 於 耶 不 其 後 ? É 世 禁, 不 尚 然 有 而 以 所 · 余 顯 復 在 孝 父母。」則謝 ,經》有 也 有 是表 哉 云: 焉, 子 「立身行 其 之所 亦 可 以 以 道 表 自 其 揚 慰

解

外

禮 部 郎 中 陳 明 水 先生 墓 碑

超

郎 崑 士 竹 治 遂 征 隸 一、大夫 亭 甲 家 僞 而 寧 太常 果 寅 臨 漢 明 或 獻 改 得 年 水]1] 宣 博 以 咸 壁, 號 先 + 先 城 士。 稱 小 明 生,臨 生 月 著 號 祖 旗 明水先生。 水 + 族 閒 日 母吴氏 留 六日 先 翁 溥 守 111 倡 生 高 以以 人 撫 道 諱 0 字 祖 也 州 東 先 九 封 先 孟 觀 0 所 南 III 時 孺 生 淵 負 先 字 人。 貴 爲 13: 勇 生 曾 號 世 惟 夢 祖 義 姓 先生 得 遯 羽 濬 叶 禮 陳 封 佐 菴 儀 代 吞 高 生 文 初 爲 之, 星 林 學 弘 父 號 皇 首

弟

當

往

成

卓矣。 員三 卒業 若 吾 不 及 然 輩 子 人 譬 傅 而 不 士 不 列,吾 先 脱 日 足 後 於 不 師 先 足 當童 己。 倦 以 就 儒 行 穎 生 記 歷 爲 毋 所 逐 齋 生 數千 語 老 試 令子 年 子 其 隊 饒 未 翁 饒 而 課 友 人 時 以 益 發 疑 公之 傅 穎 言 願 日 也。」先生 師 督 ; 其 也 大 奇 慧 無 少 矣,宜 : 介奇之, 讀 不 門。 之, 駿 學校 出 俟 同 史, 率 吾父 居 發, 乃 焉 舍 謂 命 付 無 右 饒 藝、凡三 必 兒 日 岐 Á 群 謂 何 稽 大 : 課 恒 既 是 從 嵷 兒 告 子 先 儒 閉 覈 訊 業 學 游 陳 日 不 德 生 陶 是 弗 户 其 : 者 進 懋 生 群 閒 非 質 性 彌 寔 冶 瞭 衆 不 爲 Щ 翁 考 陳 未 年 識 當 要 Ħ. 弟 自 出 乃 日 定 子 於 就 博 卓 往 名 當 在 遣 .

恐

⁰ 陳 此 先生文集》亦收 篇 據 甲庫 本 補 此 À ^ 但 四 部 庫 分内容有差 全 書 存 目 叢 明 水

嘗

春

秋

本

上日

 \approx

唐

易

IE

悟

無

間

書

夜

商

確

砥

礪

信

子

口

自信

與

?

遂

上

疏

得

允

即

日

往

謁

先

師

陽

明

知

之學

乃

躍

然

日

道

在

.

堂

多

用

駿

騎

先

生

獨

策

蹇

弗

卹

也

夕

忽

日

.

先

生

獨

北

還

甲

戌

成

進

行

齋

百

舉

於

鄉

撫

俗

得

拾

遺

以

進

龍

素

知

先

生

閱

先

牛

卷

嘖

嘖

稱

奇

士

招

縣

\$

龍

君

 \Box

:

何

品

中

潛

復

熟

洗

滌

習

心

專

意

日

聖

學宜

不

瑣

瑣

若

此

撓

卯

北

授

太

六

經

且

注

不

知

計

先

主

事

萬

Ŧī.

怒,

命

梏

憂

也

贵

不

敢

懈

爲

編

氓

511

雖

時

務

繁

文,

不

練

達

極

群

書,

天

文

地

理、

兵

根

據

矣

正

德

王:

申

督

學

密察 曆、 名 聖 義 漆 舉 崆 以 ± 無 要 請 先 是 學 歲癸 往 例 峒 百 雕 不 取 於 强 告 觀 書 矣 生 家 奇 用 李 開 之就 周 己 自 而 禮 _! 門 或 殫 傳 凡 樂 西 公 士 謂 也 時 得 部 × 程 議 騎 試 究 乎 默 吾 得 先 藝 試 政 詩 疏 迎 ? 書 其 撫 靡 既 斯 先 坐 聞 生 0 日 説 僻 歸 遺 時 定 良 始 未 口 與 崆 宜 益 沉 乃 ^ 嘗 先 聖 究 鄒 講 聲 臺 無 項 宜 谿 牛 閹 常 脚 禮 學 宗 拳 生 贈 君 學 竦 自 獨 博 諫 幾 諸 宦 耳 解 愛? 仍 爲 以 事 振 部 微 X 與 謀 士 元 何 > 拜 辛 詩 修 務 寺 跪 謀 諸 陽 見 惑 朝 有 志 青 前 先 撰 E 相 午 明 日 書 於 野 於 念 武 力 . . 舒 職 生 繼 先 門 : 顔 是 袍 聖 有 日 引 上 廟 諫 歸 梓 外 師 ? 況 尋 兀 布 面 天 此 章 益 燭 南 撫 溪 止 凡 於 E 襪 轉 君 0 子 君 精 巡 焚 尼之。 居 虔 五. 不 倡 玅 子 儀 先 父之 已 員 龍 之, 確 數 臺 衆 畫 公公 之詠 部 學 乃 外 生 飛 年, 履 皆 毅 夜。 歎 先 夏 司 益 曲 各 學 難 公 武 召 汹 然 員 卓 力 突 東 復 日 杖 益 庭 皇 宗 外 諸 之 先 汹 不 立 歸 出 洲 撫 精 震 削 生 社

功

居

多

直

里

中

聚

友

直

諫

者

直

從

心

地

士

始

知

有

邃

先

師

復

與

東

廓

奉

使

封

典 之 詔 下 事 以 衛 吾 轉 廓 易 親 御 主 鄒 錦 誣 Ŧ. 得 得 往 先 奏 客 君 史 而 衣 吾 復 來 得 解 生 已 先 獄 郎 按 密 死 官 戍 商 謁 忻 生 中 約 閩 致 還 或 闕 訂 何 杖 然 處 復 仕 先 里 以 事 裁 加 先 就 夷 百 見 廟 泣 革 瀕 嚴 生 生 道 無 有 陽 爲 死 日 果 自 刻 9 憾 裨 明 ? 復 特 嚴 乞 克 忘 益 也 童 先 命 以 終 其 0 丙 群 僕 賜 師 道 老 孝 爲 己 戌 汝 環 罷 小 出 竟 親 養 遷 **H**. 等 泣 啣 斥 淛 竟 爲 C 所 客 南 之, 以 東 先 朝 念 謪 嗣 未 還 消 余 潛 廷 牛 成 兩 聞 又 邊 亦 時 鎮 善 **\$** 遇 睁 與 IF. 恩 郊 忘 余 通 海 事 尋 東

之, 家 服 生 政 翼 哀 知 毀骨 7 先 者 尋 辰 生 謂 歸 V. 春 出 先 大 Ħ 越 生 會 塊 得 拜 明 茹 月 遂 陽 水 蔬 初 遭 明 Ш 心 幾 父 先 中 不 13: 忠 9 師 几 自 孝 兄 墓 方 存 弟 兩 爲 來 几 無 學者 經 人咸 喪 疚 理 云 後 苦 其 先

之 俾 未 不 恨 先 北 房 間 君 易 先 自 竟 前 又 阻 速 幾 爾 廢 不 生 是 歸 赴 0 0 歸 數 越 新 南 而 先 也 書 得 出 宿 念 既 丙 百 H 弗 以 持 玄 知 Ŧi. 札 繼 訪 菴 躋 又 申 便 人 議 卓 戚 生 嶽 計 怡 甘 諸 口 冬, 敬 論 見 未 論 之 君 乃 益 聞 先 泉 學 性 子 君 興 必 堅 亹 移 先 生 過 湛 龍 子 於 龃 青 勃 無 廖 會 而 嗟 生 委 子 聞 老 溪 笑 天 東 原 定 裨 不 不 於 嗟 亦 曲 白 諸 其 王 台 廓 之 日 倦 自 於 城 復 造 反 君 詩 傑 水 悲 E, 會 君 子 之 雁 重 就 覆 日 Ш 乎 爲 緒 自 擬 先 耳 蕩 既 爲 : 論 丙 中, 1 華 子 己 是 峴 Ш 生 多 X 較 辰 默 蓋 帝 匡 老 赴 錢 西 臺 守 益 何 出 坐 廬 Ш 古 復 沖 病 君 覺 天 静 復 子 會 更 繼 臘 之 玄 來 H 奪 篤 就 明 無 五. 荆 相 寒 以 大 室 臻 問 游 阚 良 矣 裨 余 老 健 暑 龃 111 Ш 聰 余 朋 之 猶 於 Ш 究 唐 既 弗 每 中 愈

踵 門, 情 出出 明 符 驗 ? 又有出 於言 語文字

之外

委 鳴 子 尚 忍言 哉

罹 厝旁舍, 衆共 於家 撰 烈焰 次之既 飄 危之,方圖 將塵 蕩 廬 先生未瞑 舍幾爲之盡 别 徒,不 之神 踰 時 先 復 而 生 聞 長 柩 火

呼 棲 頌 之舍, 先生 而 之得 連 次 天 里 者 者 咸 不 獲保 輟 全 昔許 一,於 伯 是 遭 衆 母 咸 喪 懽

之功

通

於

遐

邇

東

南

士人類

知陽

明

先

師

之

戢

火

撫

柩

而

俱

焚,君子謂

伯

也

· 盡

乎

X

513

其

守

遭

險

而

不

阻

負

謗

而

不

疑

商

確

闡

明

學

奉

爲

蓍

龜

不

以

窮

通

貳

其志,不

以

老

壯

易

造

詣

涵

養

之深

洩於文章,至

一於

陽

明先

師

之

飈

頓返,若

有

神

以

護之。

非惟

未

驚

先

生

出出

既

老

而

失

良朋

子

尚忍言哉

?

先生孝友忠

呼

子

车

先先

生

而

生

先生先予

年

而

執

其 !

鄉

節

推

舒

君

所

著狀

蘄

予言

樹

碑

子

悼

痛

方殷,令子本、朱、休

衰

經

信之行孚於鄉族,正直蹇諤之節振於朝著,

學,先生大有力焉。

故予與議論,終老而

不

有 而 伯 未能 捐 身撫戢 幸乎天。」先生之子,當是時 之心 而 卒 幸 一乎天。 也, 嗚 呼 諒 亦

也 也 耶 天 審矣。 馬 其 ? 有 用 兹 意 文? 古 則紀 於 口 先 碑 而 雖然,事 生 心 用繫以 耶 史之 ? 以言傳,文 灼 詩 先 日 灼 生 其 垂 克 宇 當 宙 不 於 可 而 天 以 不 心 無 朽

曠 矣翱 嗟 翔 嗟 先 爲邦司 生 象 直 Ш 之鄉 爲 世 景行。 卓 聞 良 履 知 險

江 聶 先生文集卷之六 老

成

宿

德

賢

子

令孫

永永

有

辭

而

死

生交

碑

昭

揭

於

南崗

之原,人道

地

軌

相

爲

昭

映。

輔

予以

息之不懈哉?

頹

筆

屬

文,樹

一之崇

名

公有

誄言,不可

誣

也。

子

方

勵

耄

年

誰

能

期

於

相

成

而

己。

嗚

呼

先生已矣,蓋棺

之

論

定

矣。

或

有

史,

鄉

有

祀,

太史

有

志

銘

諸

以

爲

倦

識

悟少

異

而

不 !

以爲

貮

展

轉訂

正

詞,宇宙煌煌。式之瞻之,凛然以將。 有光。賢胤似之,楚楚冠裳。官保敷 天心仁愛,騰揄無疆。樹兹崇碑,萬祀

禍,廬舍就荒。

反風

息燎、靈輌保藏。

載揚。忠告嘿識,曰篤不忘。祝融鼓

矢心聖學,甘同瑞釀。

引翼後來,惠風

若夷、罹變若常。召謗負怨、靡自阻喪。

雙江聶先生文集卷之六終

抑

者二十年。

屬

以

廪資

得

貢,乃

浩

然

歎

Ш

人蚤業舉子,文行出

流

輩。爲

奇數

所

「吾老矣,

能復

以

時

文易官耶?」於是

<u>:</u>

雙江聶先生文集卷之七

傳 碑 表 引 祭文

雲石山人傳

善知 焉。 何 人子,徵志訪學,於是 狀 君子 其善 識山人子,故識 山人者,寧人也。 日 而使之泯泯焉弗傳,非 交人之子 山人云。 與 而 Ш 予不 不 人子 本 予初 其 古 李 識 父兄 也 經 不 Ш 綸 識 之 交 Ш 作

之未 雲石 行。 爲 諱 Ш 社 奉 人 除道 人,子男凡五 其卒之爲溝中之瘠者,輟 大作,山人給糜餔囚,施藥惠享,全活頗衆。 無告賴 孝之學。 退 所信服。 人 神 其 邑庠生,卒亦屏謝舉業, 日 而 允高者,生 高 Ш Ш 究其志與才,而 ,割己之有 始 耕 人,其 語 人 以 諸 祖 俗 不 姓 有養。 謂 故 雲 諱 而 盡 凡里中之闘,不之官而之山 李, 收收 於 石 退 明 里 人 號也。性忠實,曉 生 達,曾 Ш 社 Ш 如受蓍 諱 卹 以 正德 事 保 神 長一 人 鰥嫠,存 珮,字 赴 、葬祭分 正 謂 八者也。 身逸志,以 祖 乙亥 人之急, 中; 直 屑 命 諱 而 以 必 景茂, 收 與友人賴 壹 率 丙子之秋,凶 育 次經綸 達,易 時文易官 力 Ш 而 者 稱 孤 所 類 痊之。 人兄弟 究 晰 祖 Ш 廢 得 也 皆長 其 諱 字 人爲 事 宗黨之 爲者 經綸 元 所謂 彦昌。 德 耶 理,里 按 凡三 者之 架梁 同受 三里 乎。 亦 疫 爲

日 龍 地 於 駱 , 卒嘉靖 ; 又 駝 先 次 潭 師 餘 陽 戊子 馨 生 明 順 子 七月十 死 Ш 意 安 人 承 生 其 考 六 成 殆 忧 日 化 ; 庶 奉 甲 次 幾 葬 午 應 平 於 九 時 邑 月 9 之 初 次 吉 九 雲

告 此 世 德 石 已 有 遘 Ш 弗 矣 養 會 耀 論 之 日 惜 贵 老 起 : 行 哉 但 死 而 昔 而 究 巖 人 重 宗 厥 謂 有 里 施 者 科 所 之 焉 世 目 感 惠 未 不 則 也 而 嘗 足 其 : 已 乏 以 如 仁 耶 盡 孝 Ш ? 所 才 人 子 而 及, 者 竟 考 故 以 雲 無 遭 隱

資 襄 政 惠 大 張 夫 公 都 神 察 道 院 右 碑 都 御 史 贈 太 子 11 保

孫 也 潤 爲 惠 張 安 漳 維 張 州 喬 坑 刺 者 史, 之 諱 張 因 岳 家 乃 號 文 惠 浄 獻 安 峰 弟 族 九 閩 H 泉 之 以 之 惠 繁, 七 安 遂 世

> 祖 著 鄉 公曾 獻 矣 城 者 名 公九 ! 母: 治 其 考諱 制 賜 林 大 地 行 若 姓 弧 父諱 氏 龄 漢 慎 卒 矢 H 先 鄭 以公 **\$** 蔚 之 以 張 茂 世 氏 英 留 稱 威 者 出 俱 德 侯 殊 貴 天 公勞 爲 黄 贈 良、 絶 下 贈 帝 桐 淑 萍 都 晉 定 後 廬 百 帝 鄉 察 之 代 或 派 命 少 院 英 司 瞻 爲 昊 皇 聿 右 空 德 弓 仰 祖 氏 昌 華 副 皆 正 諱 有 其 都 領 綸 唐之文 封 子 世 或 御 鄉 \$ 之 日 史。 朝 萍 宜 尹 揮

端 下 豫 第 隱 亢 丘 者俱 索 吾 凝 出 9 宗者 墳 如 公 時 寓 同 不 典 巨 生 巨 豹 子 得 人。 以 之 儒 房 登 名 問 及子 日 皆 T 之 讀 與 出 異 聞 Η. 書 \Box 閹 史 其下 光 公疏 進 過 岳 白 嬖 滿 目 士 家 0 異 室, 請 成 數 無 之 IE 授 以 誦 日 不 德 桐 也 行 九 卧 貫 癸 終 廬 人。 卿 西 穿 起 身 弱 科 不 : 不 道 武 精 領 网 忘 好 皇 是 透 人 宫 鄉 直 U 賾 心 薦 不

其

爲

東

市

起

服

事

郎

以

加

俸

聖

其

僚

Fi.

日

大

戀

口

庶

X

謂

以

復 中 某 待 皇 將 藥 YY. 皇 祖 主 舶 不 諫 測 軍 蜀 以 御 於 改 補 初 矣 級。 客 公力 爲 未 之 死 防 提 極 朝 江 主 決 祖 稱 尤切。 時 幾 所 他 舉 房 西 客 策 盡 杖 兵 設 宗宗 辭 尋 自 諫 虞 語 提 郎 以 南 之 復 向 位 者 不 T 出 公 張 伯 學 中 征 奏 承 先 又 闕 就 外 上震 數 與 在 必 雖 重 不 朝 張 艱 褅 由 + 旨 得 有 張 先 坐 時 寢 T 死 諫 不 宗 主 怒、獄 儼 閣 朝 廣 留 服 逆 下 祖 澤 客 謫 朝 調 内 老 西 都 翼 彬 伯 相 然 13: 之臣 出 論 已 竟 南 閣 議 起 武 赴 繼 以 之, 握 晄 憂, 爲 謇 肅 京 草 以 禘 貢 選 部 下 重 問 降 廣 然 然 繼 原 禮 違 員 部 仍 或 己 獄 詔 兵 公,公曰 者 西 韙 著 子 公行 暴 、公復 例 T 外 議 不 從 提 之。 懸 加 學 合,張 烈, 貶 直 13: 李 學 祠 科 武 聲 IE 韙 愈 凡 内 祭 道 廣 率 : 在 威 寧 昭 天 舅 方 諸 立 皇帝 安 建 公, 首 自 廉 批 掌 有 設

書當路 學宫, 恩 誉 大義 乞 南 荒 相 以 無 大 厚 降 事 堡 處 亂 鄙 議 皇 攻 年 而 久 矣, 計 條 安 會 朝 殺 大 初 經 不 且 親 寡 出 南 擢 鮮 禮 民 祖 敢 書 中 王 絶 H 六 代 爲 文 廣 遂 李 結 浙 俗 位 復 師 學 貢 所 肯 西 不 講 以 主 江 如 以 背 調 所從 使 丕 授,省 不 綮 篡 可 張 桂 遂 知 公 提 變, 之以 受 廣 征 逆 事 朝 得 廉 言 降 學 務 不 東 人 詔 相 議 貶。 士 州 里 之策 副 水 俱 稼 聽 速 謂 賜 承 將 至 翩 不 甲 使 誅 陸 不 穡 是 其 其 金 討 歲 則 翩 之 欲 時 乎 道 報 非 自 見 幣 轉 督 逆 之。 餘 費 有 公 滅 上 里 出 爲 府 臣 左 陞 中 我 之詳 遂 教 方 H 聲 起 公 嚴 皆 莫 參 公言 申 州 俸 族 治 民 也 下 制 教 知 取 政 天 採 福 之 類 兵 甚 田 廉 作 遠 成 又 引 珠 威 海 如 級 食 風 州 於 感 以 指 致 之 高 夷 改 而 扣 張

集 部 務 當 矣 公曰 墳 書 樓 改 力 峝 也 洲 也 金 使 右 況 兑 如 又 土 謝 撫 奏 有 雖 討 夏 米 侍 征 漢 此 日 江 壬 司 供 留 承 可 加 數 寅 封 老 郎 西 崖 兵 是 議 費 檄 當 俸 重 Z + 0 兼 黎 征 111 亦 將 足 廣 如 拜 督 輸 復 巳 萬 僉 以 至 融 再 文 信 範 下 涉 式 府 右 京 以 都 則 石 懷 爲 拜 德 擢 金 七 伯 海 愈 師 請 御 是 歳 而 然 恩 右 爲 縣 南 夷 馬 都 銀 大 奉 史 滴 大 蕩 命 槨 副 每 謝 之 平. 御 滑 明 Ŧi. 告 奉 平. 攻 賜 都 乎 縣 所 諸 日 史, 旨 萬 腦 詔 之 羅 設 ? 御 措 銀 : : 獞 築 於 兩 諸 批 建 策 活 撫 史, 幣 法 夫 是 愛 也 巢 每 卻 嚴 皆 是 進 價 V 措 治 抱 知 總 X 縣 之。 内 公 非 攻 平. 請 鄖 明 賑 銀 萬 夏 督 以 措 公 閣 成 元 之, 馬 陽 年 折 老 介 節 口 德 兩 白 延 筭 抱 0 千 鞍 Œ 築 奉 遷 老 者 翁 尋 大 金 恩 斜 宥 廣 兩 兑 之 旨 兵 足 魚 古 生 致 意 財 改 用 諸 軍 賜

> 守 進 戌 冉 撫 督 部 等 召 遽 果 湖 而 之 勦 春 未 奪 玄、 縻 爲 不 毅 右 寨 龍 之 一、公開 非 幾 之去 之, 可 有 兵 侍 平 許 麻 土 凡 便 郎 部 之, 而 官 乃 保 陽 日 將 左 府 總 苗 貴 大 指 吴 無 又 帥 鎮 洲 侍 蓋 於沅 督 始 苗 臣 (黑苗 揮 之不 張 有 筸 按 湖 郎 刑 益 風 願 H 某 加 御 部 廣 貴 撫 肆 俸 峙 應 稱 尋 也 足 況 中 可 之 以 糧 111 朝 蜀 湖 陞 用 賀 徐 關 銀 稽 銅 首 貴 又 飹 嗾 右 者 苗 連 右 南 幣 誅 之 明 苗 都 咸 除 亦 侍 反 之 金 諸 當 命 年 几 細 易 拟 側 找 奏 賜 苗 而 事 下 而 之, 出 史 未定, 平 振 拟 公: 西 者 召 相 矣 网 旅 連 伺 掌 寇 陽 力 專 煽 廣 人 Ш 盯 決 院 之 官 欲 先 贵 忠 爲 爲

漫

尉

撫

策

庚

以

亂

是

事

復

總

宜

純

刑

窩

⁰ 漁 此 處 後 參 頁 據 康熙 底 本 本 原 補 缺 足 兹 據 甲 庫 本 補 X 個 别 文

之

勳

聞

於上

上

復公右

都

御

史,贈

太子

少

放

聞

計

哭於

省

月

有

大

星

隕

西

 \equiv

方

遂

寧

功

未

未

口

言

功

公

0

祭 不 煩 請

乞,

公危

矣。

子

時

挾

貲

騰

謗

江

· 寇

石

阡

寇

後

奪

官

以

激

日

:

元

和

伐

若

此

賊

不

平

乃

菜

執

不

能

無

·, 臣 戎 齋 集 公數 不 之 日 思 惑 在 之。 及 震 獲 之役, 0 南 土 黨 復 何 於 田 於 本 奏 己 懾 田 , 漢 西 , 益 不 用 面 兵 朝 公持 科 而 應 乃 又陰 兵 陽 數 兵 不 目 成 房 臣 公 朝 而 據 約 猶 罪 平. 月 可 會 於 卒 之 也 龍 卒 巡 遣 得 嬎 + 復 議 而 仍指 獨 愈 按 以 謂 吴二 持 兇 數 降 於 奉 公應 是 斷 堅 之疏,策 計 酋 萬 狡 獄 詔 衡 科 朝貴 敕 年 0 擒 首 酋首 切 於 臣 人 之。 前 書 上 壬 檄 又 未 京 責 其 巡 之黨 子 表 諸 後 以 E 首 獲 間 師 汉 子 几 西 斬 將 举十 謝 最 . 默、敦 禮 = 節 則 嚴 凡 以 深 洪 氏 子 保 由 宋大 *\ \!\ 侍 封 益 **>** Ħ 十二月二 中 雖 適 宓,官生,娶黄 切 摘 廣 御 公生 降 篇 厚崇 少 庠 淑 襄 儒程、朱 顙 取 庭 談 時 人, 儀 生 蓋 惠 弘 ^ 首 桂 説 賢 眉 禮 李 特 孟 女; 治 + 以 與 廕子 性 智 骨 忱 典 子 公合 忠信 玉 存 壬 几 命 皆 稜 0 * 也 子 藻 養 日 , 稜 不 賜

陽

黨

而

若

之。

獲

數

千

級

苗

始

分

道

進

勦

以

計

將

吏

平

?

遂

西

陽

者

酉

陽

心,養 夜氣 先立 爲宗, 宿,監 公長 指 大參 乎其大而 4 德,後 \approx 之 孝 + 能 享 尊信 爲 望之岳 九 要 友之行 月 Ш 生, 屈 身 年 潤 籠 容」, 初 0 繼 以 玉 娶 六 傳註 女; 罩 几 其 年 以 立 傅 + 下 聳 儱 得 不 揭 後 日 威 出 寯, 亦 有 陽 諸 之 爲 侗 之天 隆 示 儀 其 全女。 卒。 卒 篇 恩生, 之所 居 準 人以 子 排 動 弘 嘉 及《 壁, 性 高 以 作 之 子 毅 西己 靖 度。 顴 曲 之 學 其 女 收 學 淵 娶 男 陳 T.

519

是 此 傳 讀 時 静 天 日 X : 彻 家 少 之中 下 m 心 謂 法 歎 之 心 要 雖 公守 之 孔、 未盡 之 大 喜 纔 動 而 日 體 本 怒 動 而 静 傳 孟 公之 哀 之 古 真 心 學 便 註 所 未 該 樂 理 在 覺 在 而 以 底 嘗 具 未 動 此 宗 是 清 静 裹 教 焉 發 不 程 矣 明 便 所 萬 静 時 IIII 焉 須 世 朱 静 謂 最 須 莊 無 此 方 體 其 好 是 即 窮 道 敬 是 體 本 用 静 其 者 南 持 體 長 驗 所 時 要 以 原。 養 進 也 名 由 不 來 見 外 相 子 動 又 至 又 得

爲 譴 乃 更 向 通 0 用 推 廉 公公曰 公始以 例 於 兵 將 州 時 略 太 無 每 邊 所 守 有 文 臣 莫 自 安 嫌 功 章 競 福 在 分 公 常 饋 ? 海 氣 E 獨 薄 遺 扣 定,但 節 畏 不 其 用 智 著 威 通 事 賞 請 名 懷 欠馬 者 ; 罪 書 德 微 及 以 問 自 失 交 革 鑾 幕 弱 全 利 南 夷 1: 人 張 用 且 有 相 輒 事 被 無 諷 援

矣。

公所

著

有

惠

安誌》

古

文

要

典》

古

文

代

兵

法

恭

敬

大

訓

小

Ш

類

稿

凡

若

干

集

×

名

儒

文

類

 \approx

禮

經

傳

聖

學

IF.

傳

 \approx

歷

類

選

×

宋

元

名

輔

事

業

*

宋

名

臣

奏

議

載

道

公倍 粤、 者 德 脉 其 乎 論 董 沅 方 後 煩 皆尸 之南 ? 義 文章 忌 事 諸 兼 賈 時 滇 有 論 者 慮 之而 出 功 韓 蜀 論 理 其 尚 延 烈、 精 祝 比 歐歐 勞。 之, 簡 非 側 論定 見 以 東 之 袤 文章 天 切 不不 諸 祠 馳 諸 目 氣 數 子 故 明 於 家 棘 葛 以 千 象 古古 規 明 當 加 凡 蓋 道 里 忠 伺 宏 兼 規 聖 鄉 所 棺 稱 有 裕 武 於 X 西 有 皆 一公可 巡 安 不 監 得 侯, 其 作 則 控 法 歷 武 有 公 朽 於 製 者 祠 象 度 非 侯 忠 今 考 如 謂 而 町 郡 諸 謹 盡 调 純 而 日 亭 廉 罕 學 畦 嚴 瘁 平. 兼 也 駢 代 於 有 深 宫 > 如 東 IF. 蕃 之 根 能 矣 律 星 通 瓊 地 蓋 嘗 之 名 之 兼 柢 西 鄖 達 荆 臣 之 夫 道 就 錫 之 如 而

卷,皆有補於世教,愛而傳之無疑也。

等,以 立 乃序其事而銘之: 碑 墓 JL 嘉靖 道 111 愈憲 虚 己 以待予,蓋予嘗諾 未二月 養齋峰,公之弟 十七日葬 也,率公子宓 愈憲 公於許 之屬 Ш

藩 猜 説 暴筆 士。 亶聰 文獻 地。 子曰 聿 策定交南,曾未 化 占 視 不 經,誰 明,學探精髓 之弟。 嘗藥一 瀾 幾 黄帝之後,少昊之子。 其 張之受氏, 昉於 雨多士。 漳州刺 世。 市 死 舶 於惟 秉其是? 疏、安危 低昂 旅 麾, 寓 史。 血 轅門 襄惠,挺生 中外,弗愠 閩 指 廉 疆 攸 發解鄉 家於惠安,遂名其 弧 州 錫 天王 繋。 矢。 戡黎滅蠻 命, 再 寔 起。 維 備 曲 聖明,宰臣 闈,起家進 伏闕留 以勞定 崇 弗 崛 嘗 鐸 江之派 起。 喜。 紀。 1艱否 振 家祝 或 褅 既 有

> 嗚呼 見忌。 者時,若合符璽。 武侯之烈,董、賈文章,程、朱德義 脉,公噬其胾。敦化之原,悉有衆美。 乞,中降特旨 我策其勳,天子曰 之,馬革自誓。 揚師 順 而 征 祀。 深入, 算 等 則 一書不 葬 蠢 净峰已矣,吾 鬼 祭贈 兹 徙。 湖 通, 益,蔭 有 苗, 浮 論 銘之不足,有淚如雨 韙。 獨立 洗。 言 嘉折首,星 定 負 聒 誰 闔 及 固 何懼 維兹康 與 勞 聒 棺 厥 不 侣 而 軌。 嗣。 翰 百 ? 爲 籓 僇, 世 隕 侯,邦家 道南 衆 不 撫 誰 而逝。 以 7,所異 皆危 之陽 煩 貞 仔 俟。 陳 而 ?

雙江阡表

結 風氣鍾 惟 是雙江 藏。 口 元末有異僧 在今廢藥師 過 寺後, 而 歎 日 蜿 蜒 此

之先 領 朝 義 勇 紗 刳 族 天 特 得 勝 我 吉 六 靈 源 恩 勇 領 袍 木 獲 下 雙 章 者 街 1 先 地 有 考 世 爲 稱 江 教 暮 官 爲 免 競 居 祖 也 暎 古 水 嘗 居之。 蜀 死 僻 以 龍 播 於 考 擇仁 市 爛 壯 雲大 舉 稱 離 居 治 以 和 不 西 盗 之 其 重 1: 首 侈 爲 數 焉 爲 樂 隅 公 非 文 賴 刼 典 風 薦 夫,大夫得 聶 而 年 爲 之 侈 爲 智 染 寔 几 方 寔 花 致 我 下 德 自 者 雄 起。 耶 有 久 天 殷 元 爲 祖 民 ? 市 公 惟 用 之。 厚 覆 俗 雙 聚 日 遂 仲 者 而 其 洪 黑 祖 德 者 胡 江 乃 貨 厭 之我 文 子 素 散 不 武 镵 者 元 運 不 始 凡 改 其 身 不 知 初 龍 俗 財 日 居 得 自 祖 几 1 煩 祖 祐 自 樂 緣 其 練 於 : 與 博 世 恭 是 以 喧 考 廢 啓 X 午 爲 所 网 兵 徵 祖 公 圖 昌 巽 籠 我 自 日 專 謂 壟 肩 得 英 祖 天 下 來 公云。 其 駕 保 皇 競 斷 保 是 方 下 襲 列 1 市 由 卅 渡 明 得 首 以 鄉 偉 毓 擇 義 以 有 磊 M 而

考 祭、 之孫 人 瑚 韶 弟 遠 雄 卓 歸 京 亯 人 之派 _; 止 有 泣 也 少 跨 念之 甫 子 定 定 歸 運 寡 父風 長 0 日 家 祖 姪 + 佐、 美 者 代。 沉 時 敏 娶 : 也 灣 而 行 痛 龄令 次 , 於 率 定傑、 家 高 艾 ; 胡 我 麾 哉 爲 冲 南 以 惠 瑞 如 次 氏 次 仍 躬 金 ; 之 我 昌 稽 牛 有 公 宜 敏 居 孺 定 擲 之 又 瑞 後 孤 汝 之 程 蚤 欲 順 行 帛 弗 璉 次 1 人 寬 煢 不 冲 象 戍 公, 奪 世 等 市 卹 爲 生子 延 施 牙 死 其 甫 定 生 汝 以 翳 凡 敏 齊 \$ 潭 於 遑 我 所 八 顯 英、 父 相 我 几 惠 旁 其 今 邊, 汝 龄令 守 , 卹 高 命 説 爲 高 + 汝 周 子 所 昭 韶 其 以 惠 惟 督 祖 者 即 形 祖 餘 孫 韶 遺 生 它 利 叫 倜 考 豹 影 謂 公 運 昭 妣 旅 叔 定 有 咤 儻 之 瑞 英 如 城 生 楊 : 刼 寓 賢 伯 則 揮 英 敝 曾 長 牛 期 氏 磚 子 運 於 公 英 特 兄 定 定 蹤 孺 祖 孺 得 之 使 H 湖 几

明、 魚腹 之遺 遺 隆 一子,再 伯叔、 日 愈 之葬 睿、 孰 碩 兄弟、子 造有家 與 日智、日 愈大、 耶 完 ? 壁 ,念之痛 ? 愈堅、 結 姪 0 新 茆 行 完 野 聰 愈彰 如 璧之玷 處 即 哉 本 苦 我 ; 積 巽 等,凡 璉 節 瑚 其 公 生 生 口 也 何 日 貞 愈 六十 爵辛 盛 聰 今 曲 以 所 餘 白 H 愈 成

瑚

璉

之

派

也

又

安

知

左

非

右字

誤

耶

?

523

今之 洪 眉 髮 祖 也 壬 至 殁 東 考 戌 未 巨 IE 武 平 豹 妣 + 詳 + 眼 而 始 月二 + 祖 每 四 遺 不 巾 虎 合 然 於冬至之祭,得從 年 年 生 幘 像 鼻 葬 - 庚子 十 三 Ť 延 上 像 鬢 虬 於 西 祐 世 貌 髯 脚 所 日 四 九 元 殊古 紫衫 所 髮 居 附 月 年 月 謂 之左 + 甲 初 葬 几 八 几 寅 巾 七 而 於 垂 日 方 以 + 白 日 姑 伯 高 平. 髹 月 靴 廣 之右 胡 叔 没 祖 定 + 顙 紗爲之,若 氏 望之凛 後 妣 巾 IF. 長 據 孺 展 統 楊 日, 頦 是 人生、 觀 譜 氏 七 也 然 修 始 年 生 殁 云

> 者其誤 紫。 以 於 右 氣 頂 氏 爲 兩 妣 非 覆 耶 尊 像 常 附 以 ? 耶 相 姑 黑 人 ? 顧 之右 譜 也 髻若 坐, 又云「 蓋 尚 胡 古 拳 右。 妣 附 人 然 敏 無 尚 姑 行 服 安 簪 右 是 夫 知 長 珥 也, 故 婦 其 袍 諸 耳 合葬 左 合葬也 飾 色 今譜 É 右 於 髮 字 親 盤 而 不不 墳 或 緣 結 云

生

虔。 忘 使 肂 功 叔 德 所 我 磚 以 樹 實 居 童 自 後 外 嗚 碣 懋哉 一孺 見 呼 配 乘 嬉 古 得 天 墉 游 豹 人 有 地 創 厚 羊 飲 於 所 昭 始 德 食 考 是 靈 猪 符 泚 也 衛 蹂 讖 惟 豆 顙 餘 魄 兹 踐 間 嗟 痛 坐 必 慶昌 爾 仍 心 封 兆 視守 後 表 土 號 世 日 於 矧 磨 阡 弗 兹 無 伯 擇

0 康熙 本作 可

澹 樂 府 君 墓 表

世 矣, 祥 夫 後六十年當 將 以 年 下 言 前 革 進 始克表 而 之若 士 於 田 起 非 不 發 惟 相 袁 知 豹 而 於 我 是 之責 於其 善 多 命 豹之身, 曾 有 起 其 退 無 日 食其 聲。 大父澹樂 墓 幾 敗 吾 不 乎 報 子 ,豹之罪 也 報 是 已 歐 孫榮 者 平 復 府 故 世 陽 生 君 真 發 府 常 子 貴 也 物 無 八 珉 於 君 歸 古 却 土 欺 + 兄 昭 先 德 言 府君 紛 而 之子 天 遺 ___ 之詳 世 於 紛 讖 事 而 風 七 顯 積 之云 *, 卒 静 矣。 不 書 + 水 德 之 謂 身 疾 來 咸 百 年

遗,苦 之天 也 若 疇 起 意 祭,熟愈 逮 死 以 以 云 言之未易 昔,每 危 哉 吾父,而 承 有 曲 王 庇 幹 於是 ? 顏 慕 事 疾 成 父用 績 節 也 於 也 殁 用 雞 H 紡 乎 泣 爲 曹 孤 譽」, 尚 每 以 酸 黍之爲 而 亨 卒 始 詞 扶 娥 幸 當 鼻喉 生 哀 潛 定 以 也 和 之 弱 於其 寒 府 消 0 老 沈 也 怨, 燥 烈。 冠 隱 食 君 歡 猜 康 先 晦 愈 奮 母 ? 篤 無 毒 考終,於 濱 隱 大 險 樹 生 己 吾 媿 彝 夫 噫 艱 江 於 贵 而 而 親 豈若 光 聲。 羅 水 是 養 惟 悔 痛 窘 彻 昭 雲公 祭, 殫 ? 痛 食 惟 陵 9 貞 幸 几 情 弗 有 劃 號 魚 萬 鬣 婦 訓 類 mi 致 忍 福 股 天 腹 狀 毛 吾 之 天 嘗 之 爲 泣 ^ 之 爲 養 道 追 其 寡 易 葬 糜 Щ. 孤 曲 肆 不 好 所

蚤 築 室 數 楹 顔 其 堂 澹 樂 晚 復

潭。

祖

妣

楊

氏

孺

子

遺

11

寡

靡

中

外

口

恃

據

全業

者

摇

其

守、忌女真者危

其

孤

0

誅

茅

仲子

瑞

公

督

運

城

磚

歸

溺

於

豐

城

之

象

牙

府

君

八

歲

而

孤

爲

我

高

祖

考

敏

瑞

公之

⁰ 真, 康熙本作「貞」 可

用 明 本 又 睿 治、玉 公 生子日 又次 智公生 生 府 本 君 治、 日 厚 新 Ŧi. 智 本 男 敷 本 植 俱 \equiv 治 聰 本立 循 女: 戴 即 玉 妣 本 豹 爲 長 孺 本 兆 祖 先 日 考 人 ; 積 大夫 聰 睿 所 巽 卷 生 公生 次 新公 水雲公字 公也 H 側 生 振 明 室 公公 本 肅 陳 次 誠 振 生 妣 日

> 成 謂 化 非 豹 五. 府 之責 年 君 1 生 月二 洪 耶 ? 武 十三 + 日 年 烈。 輩 我 書 \equiv 充 生 化 人? 戴 業 月二 凡 附 本 文 舉子 妣 三十 學, 植 振 韜 生 + 表 牛 肅 洪 俱 者 阡 餘 文 恢 生 武 縣 代 輅 H 以 濟 文 儒 踵 没 學 相 文 恢

者

故

人之

登

自

引

退

亦

不

爲

辭

謝

設

盛

饌

焚香

啜茗、

彈

裘

夏

葛,日

食

飯

盂

所

居

之堂

畜琴

養

鶴

載

其

略

<u>云</u>

聶

君

家

故

戴

天

曹

瑺

陳

水

部

律

畫

咸

養

百

步之

外

十年

不

履

理

文

密

本

厚

開

化

坤

化

先

;

改

築

别

墅

於

所

居

之

右

焉。」是蓋得

諸

見

知

才

風

古

行

跂

而

象之,

謂

爲三代之

逸

民

非

耶

?

陂 成 日 \equiv 年 段 化 滚 十三年 陳 Ŧi. 妣 月 浪 生 龍 <u>+</u> 永 十 二 形 樂 癸 月 + 日 Ш + 六年 殁宣 T 七 白 日 <u>†</u> 德 兀 合葬 月 年 初 於 九 + 里之 月 日 + 塂 殁 Ŧi.

永

臧之藏,百世之祥。

母

貞

子

地

.義

天常。嗚呼,念兹其永昌!

祭一峰羅先生文

口

乎

恐 哉 悔 死 其 貧 是 然 乎 氣 頑 文 故 哉 ? 無 践 夫 而 浩 卿 嗚 以 夫 日 某 終 廉 蓋欲 彼 使 呼 爲 不 然 高 相 讀 其 脱 求 百 懦 ! 之位 語 斂 得 Ш 身, 自 世之下 仁 屣 孟 其 夫 大 其 遂 千 子》 而 而 萬 所 有 故 峰 心 其 乘 得 日 先 V. 七 先 語 日 語 金之富 聞 之 求仁之志焉 皇 仁 生 志 篇 之而 生 其 青 其 封 皇焉 蚤 其 貧 節 天 誠 至 世 餓 學 未 践 白 興 日 可 於 者 幾 死 聞 夷 嘗 H 烈 以 \Box 我 是 首 白 伯 凍 坐 H 不 先 耳 齊 語 贵 風 陽 年 餒 嚴 致 夷 掩 生 而 其 有 於 之 也 其 霜 卷 是 亦 志 無 有 而 所 妻子 彼 風 而 故 何 而 卒 所 得 語 强 也 惟 薄 語 爲 以 者 歎 其 怨 而

> 先 海 牛 内 外 Ŧi. 泰 尺 北 童 在 子 望 皆 而 知 謂 吾 其 歐 風 陽 非 之 夷 鄉 齊 有 峰

堅。 煌 附 故 霖 語 베 人 於 執 先 而 今天下 也 鞭 生 某 廉 敢 聞 改故 之 遺 自 而 昧 先 童 願 行 有 其 其 生 之頑 丱 以 立 詳 之行 所 暨 勵 者 先 自 而 懦 束 某 哉 之 益 考 有 如 髮 列 徵 詳 水 某 游 某 雲 典 庠 雖 蓋 極 執 大 則 顓 矣 鞭 劉 夫 獲 所 蒙 之 子 平 交 乃 貽 之 願 居 中 亦 己 翁 燕 天 嘗 得 奮 Ш 暇 日 先 Ħ. 子 有 以 煌 自 益 生 劉 起 每

爲 贵 比 口 人 未 及 以 惑 鬼 至 神 先 \equiv 觀 於 者 禍 生 不 年 而 故 忌 朽 福 復殘 毒 葬 先 之 之 罹 生 神 説 邑 傷 螻 名 里之上 其 起窓 蟻 實 而 體 之隆 俗 發 耶 嗚 原 袁 ? 棺 呼 Ŧi. 之 故 不 阡 體 + 嘗 傷 然, 年 業 魄 空 哉 矣 不 如 則 F 痛 口 生 鼎 其 乃 也 己, 魁 身 亦 嗣

是 沛 翼 爲 龍 惟多士是迪 雨 濬 發厥祥 ,惟篤祜於善類是力 鑒兹 義 舉。 惟 嗣

人

0

之機 鬼 年 碩 神 輔 而 即今之人心 始 如 ,使善者 西 復 墅曾先生者 亦 無 其 所 後 傾忌 於 人親 倚 ,握骸售塚,暴棄二 殘 而 自 妬 惡 爲 之耳 者 顧 獲 眩 福 瞀 豊 横 其 今之 禍 而 + 益 福

滋耶

嗚

呼冥冥,傷

哉

痛

也

除,宿 主之, 成 繋馬 嗣 石 霖等 寅 夫天定繫於人心 而 一,戒 之歲 榛 禮宜 千 莽 展 先生還復故 草 孰若崇 日 而 駟 風 瓣 拜 昭 荒 費 襄 烟 者, 先 奠。 丘 理 事 香 左右 生之墓,乃 導 ,益增感歎。 絮酒 於多士? 孰 面 悲 爲 景 深 盛 丘,乃季子榮、諸孫郁等 興 ,霖之功益多也 一當訪 重 福 慨 輕 之田 要於 表 也 故 先 T 於是相 ? 阡 於 且 生 身 酉 今稱、 未 於 之冬, 將 後 兹者 碣 有 金 與徵 與 之,比 所屬 4 墓隧 襄 曩者 其 復得 故 事 享 金 也 址 告 之 於 程 未 與 戊 實

伏惟先生 之神, 不 驚不震,皎爲 日 星

祭中 Щ 劉先 生文

信之德,同 遽止 不 風 希 雹 衛 可 臨變,山 於 武 作 於 戲 以 斯 也 也 齊 1 ! 人之心 聖? 川易色、於戲 而 夫 生 乃 而 先 寄 其可 遽 人 生之學,老 死歸,人道之常,先 止 亦 於 以睿聖待 得 斯。 痛哉 而 復見之也耶 而 孝友之行 彌 之,不謂 , 堅, 若 生 忠 其 將 其

子 子 道 擇 視先生之父兄、子姪也,猶先生 之子 兄弟 友東 義 先生擇 骨 姪 髪, 也 肉 猜 也,猶己之子 質 而 友四方, 得 弟 鬼 先 也 神 生忘 ; 而 視 四十 無 予父也 年之交。 姪 疑 也。 以後 也 0 猶 也 故 而 加 同 得予 子 先 父 心 兄 休 生之視 也 之德 弟之 戚 ; ; 子

矣,幸 我 所 生 以 慟 以 孿 坐 江 而 奠,有 7,秋 以 來。 歎 有 黨 執 夢 之 也 也 耳 江 而 其 難 寐 所 已 哉 況 淚 潺 無 彼 以 手 相 先生 不 而 語 如 潺 其 愧 此 而 通 能 子 瀾 其 無 諸 他 人 雖 言 疾之革 信 至, 即 1 耶 人,人惟 先生之子弟有 日 者 譁 事 先 之 百 ? 時 乃 生 無從 然 相 世 於戲 「三十年 先 也 一鑒只 信 率 負 撫 其 生 之 () 斯 以 呼 渺 痛 慣 膺 道 或 爲 其 神 不 酸 口 F. 调 言 疑 哉 子 交 其 不 口 鼻 世 危, 者 也 誼 日 往 能 是 攀 相 不 還 正 盡 死 盡 贵 中 總 喪 之 子 知 者 於 巾 四 出出 速 而 Ш 疑 其 端 哭 之 我 復 此 雙 私 明

祭給諫朱泰浦文

有 死 於 死 戲 有 ! 常 痛 有 變, 哉 變 泰 有 浦 甚 之 有 死 不 也 甚 如 自 古 給 諫 皆

矣。 之變, 地 母、妻子之念者 便 非 善 善 無 大 專 古 比 而 而 司 而 也 納 也 忠 諫 睚 逆 X 擅 禍 無 死 有 變 諸 信 群 眦 無 君 之 罪 有 H 積 淫 於 變之甚 罟 之 之 猜 兇 孝 消 子 條 怨 蹇 而 群 賣 穽 怨,徒 狠 將 友 E 機 諤 亦 深 死 兇之手,支解 廢 其 所 以 天 者家 復 益 而 可 讎 H 之 者 址 爲 以 殲 易 起 也 爲 於 深 風 亦 豊 以 以 也 亂 禁 家 滅 而 當 檢 三人, 嗟嗟 家故 有 助 也 亂 Z 天 張 進 凌 路 給 而 大工 時 夫 身 也 耶 厭 弧 之 所 諫 不 仇 而 不 死 善 9 矣, ? 其 胎 一奉有 如 敬 與 E 作 微 報之者 莫 得 世 未 惡 釁 異 禮 群 甚 又 夫 慘 縣 而 有 群 朱 寺 時 退 兇 乎 天 從 鬼 於 有 與 而 無 兇 明旨 同 ? 觀 然 之耶 循 乎 誘 而 兵 不 易而 宜 氏 律 故 ? 里 若 火 其 良 刃 廢 復 有 駸 即 文 而 址 衷 處 之譽 凌之 有 贵 差 所 駸 謂 Ħ. 兵 加 女, 官 官 父 未 盛 舊 於 爲 有 世 福 且. 刃

情 估 如 此。 價 給 數 天 佃 者 耶 無 人 亦 非 耶 口 白 鬼鬼 以 占 殺 神 ; 身 耶 1 子 而 地 殺 葬 不 身 親 得 之 而 慘 人 知 子 至 彻 於 至

擇 謂 憂。 不 深 鄰 事 官 神 諫 不 1 維 遷 免 豺 葬 之 土 而 是 而 厚、 之 虎 聽 有 如 往 歸 時 庶 其 骨 道 之 節 之, 築 子 他 地 也 草 師 便 義 平 肉 統 藪 未 重 耶 之言 木 之求 祭 焉 胡 日 深 城 師 爲 ? 而 叢 逼 掃 所 謀 居 甚 兵 以 汝 同 萬 茂 蛇 六 以 弗 簡 蓋 部 失 奪 以 心 無 處 虺 月 啚 自 臧 出 嘗 虜 爲 事 足 之宫 便 失 泰 晦 大 ? 處 志 父 然 主 信 浦 是 在 未 鶩 H 者 師 及 於 嘗 折 給 葬 且 遠 期 旧 而 我 子 其 皆 事 處 逆 所 有 Z 以 如 謂 也 嘗 竊 仁 足 疏 帥 兵 先 1 可 裁 所 之不 溺 爲 斥 科 以 語 欲 儒 舒 以 而 不 書 士 奸 於 發 及 宵 於 爲 所 我 事 敢 吊 擇 風 隱 風 佞 官 本 謂 旰 於 體 祠 汝 水 耳 勸 禍 里 府 況 水 墓 罷 之 給 相

> 悲, 迸 奉 王 而 而 章 沙 身 給 翁 Ħ 化 諫 教 傷 其 遏 ·广 飛 被 禍 其 何 灰 殺 惕 亂 類 以 在 然 之 嗟 慰 是 懼 端 當 嗟 子 月 矣 路 痛 之 開 + 0 君 哉 哽 太 九 是 子 塞 平. H 書 明 之 耶 拊 也 答 罰 基 ? 心 於 勅 頓 墨 七 夫 贵 法 足 月 m. 狐 無 以 未 Ŧi. 拊 維 死 仰 乾 H 持 兔 天 心

平 也 取 或 日 有 彼 褫 庶 黑 兇 瓣 官 噫 風 足 香 残 兮 揚 1 以 沙 束 分 爲 之變。 黑 章 帛 親 如 風 天 亡 艾 昭 揚 道 身 天 荆 鑒 沙 地失 ラ分白 薪 惟 忠 慰 靈 孝 群 無 色兮山 書 爲 情 任 神 晦 而 不 冥, 兮 解 復 111 駕 子 分 泰 震 風 浦 之 無 驚 漕 鞭 怔 陂 殺 霆 怔 不 爲 是

祭陸東湖文

於戲! 太保遽止於斯乎? 夫死生旦

仰

泣

痛

切

如

鄙

人

者

耶

人 葬 平 無 才 太 公 克 機 不 人 龍 生 兼 保 卿 當 生 能 直 臣 廕 疑 秘 猶 於 遭 扶 上心。 録 也 文 苑 飛 死 長 ,他人不 所 際 日 宫。 武 身 加 胡 發 百 植 而 必 加 去 玉 倍 詩 身 況 卹 爲 至於費 有 善 此 È 左 立 得 常 典 武 稱 於 然 類 上 右 謂 而 格 日 死 虎 瞳 科 諒 無 獨 此 知 著 乎? 忠 暴 臣 光 於 決大計 其 繋於 苦 有 湛 誠 卒 炯 兹 獨 忠 無 績 重 之心 之贈 ? 恩 炯 \equiv 貞 承 愧 邊 於 太 世 汪 貫 + 密 保 主 道 泰 矯 潛消 陲 股 濊 日 年 諭 武 神 上 出 之 Ш 矯 肱 矣。 雷 之 始 震 惠之謚 位 禍 晉 自 重 心 是 宜 悼 臨 終 典 極 將 輕 本 電 膂 也 其 凡 ·', 追 之 之 禁 者 種 人 以 壽 調 事 體 託 也 章 臣 衛 祭 歸 從 念 考 和 雖

> 兮 情 蒙 無 耿 退 也 奪 啚 虜 偉 若 卧 恩 耿 虜 情 由 古 兮 0 志 命 人 愁 深 Z 沤 施 北 其 雲 乃 卯 長 Ш 而 呕 之捷 於 召 一,人 黯 滋 如 0 之 壯 浙 其 自 聞 友 黑音 兩 春 天 所 皆危 \mathbb{H} 義 計 「, 子 威, 承 兮 天 叨 親 使 里 撫 將 冒 子 愛者 束 上 之, 以 翰 膺 衋 星 上 帛 説 曾 年 毛 賞 太保 傷 墜 絾 不 下 未 至 兮 詞 骨 遠 教, 何 幾 嗟 請 縉 兮 至 翼 俱 以 數 時 九 老 太 惟 紳 於 痛 我 報 千 9 原 保 神 正 墮 獲 重 不 里 德 之不 之功 淚 遺 城 位 奉 逮 之設 俞旨 本 贈 居多 撫 可 而 藏 兵 作 调 浮 棺 衷

祭東溪王親家文

公涕 義之交,亦莫親 也 於 戲 面 口 謂 涕 於通 其 之 無 無 家之契。 從 從 哉 古 夫 所 慨 情 子 惡 蚤 親 乃 歲 於 子 硯 道 爲

死

而

卒

獲

保

全,誰

之力

歟?

庚

戌

之冬,復

勞

而

爲

僇

逮

數

千

里

淹

卹

踰

年

自

分

必

豹

自

戊

申

之秋

讒

挑

釁

時

室

竊

權

口

述者

即

百歲其

(何慊?

也 詎 婦 道 部 年 其 席 自從婦之歸 哉 之賢 ,宜其家 爲 郎 淑 同 ? 平. 爲 師,予方束髮,公弱冠也。 遂 如 而本其 生 公之婿 然 與 未 交誼 公締 猶 人,諸 琢 予家 有 之玉,遂定交焉 所 而 以 男 自 也 無 日 慰 女之好 公之嫒 ,故敬公也, 稱 不 永 吾之涕者,公之所 足稱者。 婦 訣 奈之 道 焉, 則 稱 子 以 時 之從 久而彌 妻道 予嘉 何 子 後 見 不 從 + 公温 婦 吾從 流 有 稱 子 篤 也 得 涕 13: 儀 Ŧi. 乎

帖。 泠, 卧 晚 葉。 承 乎 公自中年,厭 雲山 影響 恩 考終,九 詔 之業 俱 冠 出出 服 業。 一。聲 之 原 棄 祭, 交 舉 華 战 睫。 業。 屢 匪 德 拜 浩 無 彼 拂 0 乎 瑕 袖 厚貲穹爵 大 弄溪 鄉 而 賓 評 歸, 月 鄉 H 之泠 飲 秋 浹。 無 之 風

祭劉中山入鄉賢文

親兹盛 某自 兹 饈 追 瑞 幽、 相 世德作 之儀 見 以 探 況 勵 庶 往 弱冠託交於公,勸規偲切 道 維 父子 世 述乎? 美,豈 古者鄉 有 用 脉 免靦 磨 誠 生一日 申 相 鈍 祭告 顔 勝 繼、 也。 昭代之遺 先生没, 祀於社 公行足以 俛 百 仰? 歷數 所 當 年 以 不 再 民、斯、 代 忘 慰 謹 見 表 而 九 具 如公者 IE. 得一人 日 原 剛 一,所 文之先覺 鄉 一之脩。 之 口 鬣 間 質鬼神; 以 知 柔 學 非 己 發 也 毛、庶 足 他 足 所 潛 也。 自 日 以 爲 闡

祭東溪曾親家文

呼! 我公温醇畜德,投跡高軌。敦

嗚

是 況 勞 墜 公 望 轢 逝 率 亦 有 帰 復 乃 嗣 瘁 貫 彝 延 英 異 何 興 乃 之 倫 朝 世 之者 翼 天 割 氣 傳 命 又奚 制 灑 弗 貲 長 公之繼 爰求 誰 行 光 (矢力,相 公,象 此 吊 以 ? 琦 昭 清 、公去之遽? 爲? 瑰 厥 泌,玄堂窅 萬 仁 述 賢 嗣 歲 人有 勗 承 産 0 刼奪 何 以 裔 於 論 朝 後 其 雪雪 遂 賢 之 功 有 俊 邃。 + 族 教 論 鄉 偉 錫 絶 其 論 邑 嫡 ! 緒 典 神 洪 乃 經 咸 失 爽 祖 既 源 永 亦 長 歸 色,婣 不移, 萬 紹 異 攸 公 有 永 愧 委 公 既 輘 功 弗 里

被逮稿引

巡 去 閩 故 余 知 平. 蚤 晉 日 歲 及兹 應 嘗學 子 被 爲 率 逮 詩 漫 \equiv 文, 意 稿 也 不 久 留 之 以 稿 無 其 所 、於余有 留 者 乃 所 惟 棄

> 然後 之。 之狀 未 歟 臘 歸 不 有 之,皆 協、字句未 ! 害 月 涉 也 知 動 廿 余自 ,備之以 稿 所 括 心 Ŧi. 凡 足 經 余於 嘉 囊 忍 H 六卷 以 夷 之義 性 靖丁 俟它 鍊 賴 召 險 未 是 不 體 禍 天 未 知 日 嘗 一待作者 王 裁 咎 孟 學《 時 知 無 聖明 故 未 不 冬望 憂 我 所 《易》 閑 日 口 者 樂 增 嗤 : 篇 有 廉 之 H 有 之足 益 我 無 余 被 情 譽 所 章 ; 而 考云 咎 冤 逮 未 追 亦 後 以 木 狀,命 無 融 惟 不 知 補 越 窮 音 譽 口 訟 也 调 明 拂 有 端 律 慎 釋 世 年 機大

雙江聶先生文集卷之七終

雙江聶先生文集卷之八

書

啓陽明先生

矣,不 矣。 何 真 有 之左右也。 州 在 如 ? 泰 逖 勝慶慰,不 曾 北 違 跡 具 者之必 高 道 涉 狀 恭惟 寒,秉彝之好, 範 疏 託 万 違 \pm 有 道 勝 負 巡 戍之夏 候 慶 後 按 迪吉, 此 慰 也,斯言 轉 歉 ! 致 罪 迄 無 麟趾 T 時 今, 竟 亥 始 無 育祥, 不 春 信 兩 念不 知 北 於 易 達 上 天 敬 在 寒 一, 下 承 暑

西粤之亂,先聲所至,莫不震疊,凱還

感之而 之而 愧 某 曾 是 生之 望 當 仕 乘 也 之過矣。 者 而 近 正 學即 故 一,而 川 有 爲 也 田 如 人 豉 在 、委 學 喜 ; 足 所 + 爲 君 地 閩 日 仕 久矣。 不 時 斯 富 臣 爲 怒哀樂之發,以 下,聖天子側席以待,而 無 境 有 吏以 仕 優 天下豈有仕 遠 至 、父子、夫 惻隱、羞惡、辭讓、是非 未 一處 聞 貴、貧賤、 諸 也。 民 (則學、 如 一於詭 能 至 蹉 人焉,有 某 務叢 天。 而 信 自十五 於 跎 承 非 經 學優則仕 司 委,茫 孤 體 乏一方,百 吾 畔 夷 婦、長幼、 患 寇 負,教言 即 良 社 道之甚者, 狄 外之學哉? 至於視聽 志 所以 知 用, 稷 無 學以 是 患 之所 之説 焉 下 立 未 難 亦 手 朋 在 無 至於從 有 爲 當 天下太 竊 死 處,始 耳 友之道,變 言 無 能 之情,應之 聖人之言 用 幸 政 致 9 生之來 動 非 爲 非 而 仕 寤 者 疑 之著, 學 心 哉 平之 知有 即 其 其 寐 無 知 以 也 ? 騰 非 柝 春 自 學 體 亚

道 掘 以 痛... 難 以 裁 何 珍 衣 需 爲 啻 爲 抑 癢 神 力 千 義 之 何 惟 厚 然 期 化 里 心 何 暴 自 謹 已 怒 未 如 愛 歲 之 此 不 始 杰 何 以 覺 月 專 氣 信 如 死 慰 如 人 其 時 ? 集 也 奉 天 流 爲 復 義 0 瞻 下 候 怒 妄 之 近 儲 門下 望 所 發 功 來 此 不 伊 遷 非 耿 備 邇 不 當 而 僻 耿 志 解 有 其 諸 則 官 怒 所 緣 伏 念 有 助 忿 時 惟 鬣 稍 志 懥 爲 其 自 馴 稍

外疑事數條,附録以請:

言 天 約 於 支 義 理 F 1 今 離 者 得 世 之 與 蓋 矣 H 汗 學 溺 寥 心 科 漫 學 本 者 寥 之 舉 之 自 至 焉 秦 良 弊 靈 之 於 是 知 明 學 無 蓋 求 漢 知 己。 獨 良 神 以 極 行 求 苦 降 知 化 也 旁 之 心 動 爲 爲 求 周 静 心 學 良 於 外 之 · 吾 是 程 知 簡 寒 襲 功 之 之 裳 有 而 道 既 學 不 弊 外 天 濡 足 分 得 知 F 足 以 而 之 之 援 E 至 此 而

> 1 用 學 其 致 致 聖 於 知 之 支 人 無 而 日 人 乎 之 莫 習 親 力 頭 與 人 知 饑 問 臭 爲 離 本 焉 有 下 不 亦 天 知 德 汗 之 汝 本 至 食 歟 及 手 致 有 漫 切 日 於 知 有 況 矣 其 其 孟 所 : 之 於 亦 之 __ 於 盛 命 知 知 天 長 子 不 弊 孝 自 間 堯 鬼 寒 矣 性 汝 平 是 知 知 弟 也 日 不 矣 將 舜 ? 平 知 神 有 . 焉 化 知 口口 此 焉 不 之 衣 乎 無 知 育 也 但 者 真 撲 道 孩 ? 不 乎 蓋 莫 : 致 而 知 提 也 愚 天 ? 知 隨 孝 非 \neg 時 孝 知 也 之 自 夫 上 且. 有 敬 其 執 弟 知 弟 童 之 必 其 愚 不 天 熄 其 資 則 塗 而 也 功 彻 有 婦 日 違 之 也 時 兄 之 是 無 者 之 載 不 竊 執 良 不 近 推 mi 而 與 其 不 知 者 意 有 童 問 鬼 況 知 知 無 而 者 知 皆 爲 之 待 之 愛 其 於 聲 而 至 子 神

非

孝

也

而

良

知

之

功

用

於

是

乎

淺

矣

孟

子

大

人

者

不

失

其

赤

子

之

心

赤

子

0

爲

今人

不

識

孝

弟

往

往

求

之

於

儀文之末

而

不

知

念

非

天

事

非

理

物

失

所

皆

舜

武

吉

公

之

庸

行

爲

中

庸

之極

致

只

庸

学之

理

而

曾

子

啓

手

足、

得

全

歸

之

義

不

悦

如

蒙

污

穢

焉

始

知

^

西

銘

即

中

0

子

而

斥

之

日

汝

不孝

不

弟

也

亦

皆

艴

然

不 事 足 某 親 以 嘗 從 事 反 長 父 求 之 13: 諸 間 9 0 心 是 而 虚 孟 靈 子 義 之 禮 有 用 得 樂 某 所 何 何 謂 服 慮 心 良 噟 ? 也 知 ? 明

擴 迸 忧 非 所 泊 古 於 持 É 良 實 孝 而 輒 是 也 燦 充 循 近 知 要之 自 之, 非 來 然 深 訟 之 求 出 則 如 矣 以 心 日 之於 半 有 念之 念 爲 人皆 人 自 事 父 無 欲 消 親 有 母: 方 ; 從 超 之。 戮 如 萌 Ę 忽 也 茫 之 時 輒 言 間 蕩 自 執 則 訟 塗 若 愧 行 便 日 汗 之 覺 無 交 调 是 輳 童 有

> 天 教 之學焉 下 愛 親 蓋 口 欲 敬 歸 長 於 而 何 之 殊 事 如 親 涂 心 ? 從 也 長 致 之 天 而 間 百 下 慮 何 而 求 思

之 當 億 頗 承 下 否 至 億 極 問 信 風 精 逆 廉 乏 彌 知 民 先 以 縫 稍 得 矣 惓 加 病 覺 來 然 其 之文,赴 惓 見 志 之 御 之説 知 斂 爲 書 周 史 隱 言 之 戢 戒 夜 爰 以 出出 先 爲 以 憂 鮮 愬者多 而 蓋 監 蔽 比 難 風 勤 臨 生之所 恐 察 有 於 之, 會 俗 故 之 爲 爲 不 之淳 陳 虚 以 要不 今尤 此 於簿 爲 事 惟 浮 以 不 心 人 濬 漓 之説 告崇 測 故 過 難 本 書 所 也 凡 皆 復 體 則 世 條 欺 若 吏 良 之 又 於 格 者 御 者 治 知 累 以 是 之 非 巧 4 也 之 之 之 詳 逆 外 清 詐 貪 本 某 所 睯 詐 黑 1 夫 亦

几

不 足 以 事 父母」, 康 熙 本 作 則 足 以 保 四 海

萬 也 詢 夷 其 矣。 之喜 雖 私 忘 助 於 以 竊 世 不 彰 ? 意 訪 意 尊 則 . ; 逆 得 覺 0 跡 惟 往 先 夾 者 億 周 吝 是 不 億 其 之者 本 不 放 誠 恐 察 故 與 有 逆 死 帶 矣 明 能 體 彻 魚 無 如 之 人之 盆 來 先 先 之 於 窮 之 非 其 適 助 覺 誠 用 牛 知 毫 其 理 歎 古 成 惟 爲 仁 合 則 岩 要 也 實 則 則 自 中 先 以 适 上 也 乎 據 之 不 己 亦 知 旁 亦 私 覺 之 覺 而 則 理 行 先 以 而 實 誠 行 自 爲 有 乃 見 也 惟 人 之 雖 仁 誠 馳 覺 見 曲 民 然 不 利 以 殺 有 億 之 而 猶 志 也 巾 不 之 防 之 者 免 常 窮 巧 逆 無 億 於 爲 古 誠 皆 11 實 爲 誠 理 覺 如 猶 法 逆 億 是 爲 人 先 良 不 擦 心 假 之功 常 則 其 先 覺 也 ; 逆 故 所 覺 明 於 知 照 以 所 不 者 覺 而 君 耳 彻 芒 其 之 之伯 羊 以 誠 離 何 無 然 勿 子 也 ; 者 内 用 易 助 咨 也 則 道 忘 人 無 由 其 術 牛 也 也 ? 毫 即 諏 攘 遠 忘 意 宫 何 勿 也 所

> 得 其 必 誠 不 爲 欲 流 與 誠 覺 之 以 不 世 弊 世 億 誠 , 不 將 之 逆 誠 不 爲 間 至 則 知 厭 戒 億 周 事 何 而 逆、 如 惡 知 ? 外 先 旁 惟 覺 燭 守 坐 之 皆 空 以 由 良 待 悟 分 知 寂 至 也 之 恐. 以 覺 累 若今 亦 之, 彻

以 然 終 者 所 有 傳 木 履 反 一之者 其 請 覆 釋 知 難 謂 物 事 疑 於 之教 免乎 有 者 久 怡 殆 精 心 矣 則 必 然 必 庶 義 也 襲義 告 驗之餘 非 順 非 而 幾 事 X 子 外 事 性 百 學 矣 神 外 之病 不 \approx 事 也 年 也 乎? 以 無 復 盡 不 以 天 謬 支 致 理 向 心 造 誠 有 離 學 用 也, 也 焉 蓋 \Rightarrow 然 理 無 見 破 而 0 牴 自 非 利 者 命 物 於 碎 章 至 是 牾 聞 本 用 必 也 管 之 於 故 之 理 造 夫 非 安 説 於 中 内 患 岐 外 生 理 理 良 身 外 也。 理 至 也 知 無 履 得 知 以 合 外 是 與 事 事 之 崇 學 心 敢 比 始 事 理 之 世 致 知 外 具. 嘗 涣 則 以 説 而 ,

Ŧi.

要之, 貮 也; 者 妄 無 存 時 無 命 也 忧 中庸 意 至 所 心 而 有 性 命 存心 如 恐 養 至 或 時 死 类 由 只 性 也 此 於 性 昏 而 懼 外 不 此 是 不 養 殀 盡 或 修 變 無 立 性 疑 盡 壽 性 存 寒 身 知 忧 陟 天 也 惑 之 吾 ; 者 也 何 月 也 來, 窮 以 天 已 心 如 降, 無 盡 貮 盡 理 外 焉 知 然 其 忘 之繼 盡 心 其 無 之 已 惟 已 在 功 其 性 知 心 命 性 盡 耳 帝 存 所 以 性 焉 不養, 之心 左 心 養者, 也 能 至 盡 盡 右 養 日 則 也 命 也, 亦 不 心 性 知 是 所 則 也 知之篤 存 非 以 云 知 其 以 以 殀 知 者 俟 也 壽 者 所 義 事 則 也 也 天 不 無 爲 有 盡 即 存

稍 辩 稍 執 相 覺 中 持 ~ 之 悟 而 中 傳, 不 而 庸 決者 致 萬 知 古 尊 幾 聖 德 存 三白 性 學 心 之 而 并作 年 道 原 問 比 也 學一 今豪傑之士 項下手 朱、陸 句 莫 之 精

習 其 學 尊? 夜 張 吾 高 聞 主 者 德 學 問 知 以 非 見 ~ 尊德 之道 講 有 也 之 明 有 静 養 性 者 學 先 者,天 之 氣 中 德 也 外 辩 生 論 者 心 敦 必 · 中 ** 蔽 庸 德性 聖賢 性 倡 而 慎 性 外 在 致 非 而 偶 人 不 **>** 也 明 庸 立言 獨 德 而 有 知 崇 明 學 大 之所 也 明 以 2 之 也 以 也 道 知 之 者 明 ; 也 致 及 ! 爲 力 存 致 問 意 德, 功 外 習 謂 也 故 道 明 此 也 近 道 中 學 義 也 問 也, 者 問 德 外 淮 於 問 盡 和,定之以仁 也 在 亦 自 也。 學者,言人人殊 也 有 學 德 陰 聞 學 也 新 親 微 明 是 王 致 而 性 也, 邂 見 克己以 民 之 故 有 極 廣 皆 尊 之 若 者 道 逅 功 外 也 厚 大 在 不 德 之本 甘 舊 無 不 世 也 德 良 也 口 泉 止 性 耳 待 道 求 得 義 性 知 焉 於至 者 先 禮 精 於 也 也 其 緇 中 世 ൬ 甚 辯 微 也 説 併 然未 舉 温 奚 道 Œ 集 , 大 也 深 皆 H 間 以 而 而 道

刀

六

以 請

歐 陽 南

咎 説 之 其 爲 滅 離 IE 夜氣 一字,乃 幫 欲 天 调 獨 與 致 索 駭 之 助 體 下旁求 到 陽 來 屬 頭 之説 鄉 懷,浣 者 貼 也 明 諭 也 是 頭 評 良 先 良 差人還,辱 老 是 先生 知 孟 知 生 並 外 重煩 道 先 慰 直 本 子 答示 論 襲 生 恨 良 愛親、 體、工 所答,多 認,要其 之弊 知己之憂,慚 特 將 劇 未 承 大旨多同,於是見 而 孝 地 緣 僕 體貼 於學 夫、効驗,忒煞精邃 教劄,萬 敬 弟 僕 面 謬 非 長 作 柔 請 有 品 良 提 不 乃是 耳 者 見 掇 謝 知 品 利 里 於 有 慚 看 出 問 遠 如 指 夫 力,當 孝 謝 履錯 來 意 對 非 出 弟者 良 以 横 面 假 南 良 知 也。 抹 野 知 之 與 破 之

> 官不敬 之以 之道 異 孝 戰 事 木 學》,考之《中 啓,易簣 得之,故其 本 之掌上。 長 經》十八 者 記 其 親 折 詞 戰 君子 長, 從 非 而 Ŧi. 兢 孝弟 者之意,不 」,則已落 兢 其 同旨者難 章 朋 兄 而 而 ^ 時習之學 時 ', 相 言日 魯論》首篇,大抵皆務本之意,始 天 斃 是 而 友不信 臨 均 下 已矣。」仁、義、 也 庸》,考之六經, 深 其 傳 : 平。 之 履 以 爲 口 在 全 推 爲 居 僂陳 而 薄 第 戰 夫 謂 歸 老老 不孝。 而 處 即 子 陣 其 也。 其 達之,人人親 0 繼 不莊,事 義 授 漫 無 幼幼,治天下可 實 之以孝弟爲 曾 矣。 勇, 智 至 而 無 甚 功 屢 子 次 禮 世 皆 也 禮 哉,孝之大 及 微言 言 君 第 非 俗 經 考之《大 不 也。 樂之實 而 手 孝 所 其 忠, 不 曾 以 足 謂 也 ^ 親 運 老 草 載 沙 之 子 不

個

面

H

與

人

識

極

川則

曰:

堯

舜

⁰ 僂」, 康熙本作「縷」,可

篇

明

道

兄

弟

项

稱

爲

秦

漢

以

來

學

者

所

未

至

情

者

皆

稱

之

爲

孝,

而

不

知

厨

興

夜

寐

日

乖

往

往

以

服

勞

奉

養

或

事

行

之

發

忝

所

詩

之

意

要

在

全

歸

也

^

西

銘

參之孝

所

以

爲

純

乎

降

自

秦

漢

以

來

?

本

來

面

H

即

非

其

故

矣

此

舜

之

孝

所

以

爲

則

几

肢

之

體

虧

矣。

反

身

有

毫

髮

之

不

誠

求之吾身, 皮、毛、爪、 體 教 到 大、 動 於 義 無 則 虧 斷 之 萬 之 而 几 皆 之 外 有 弟 百 可 或 見 尋 有 夫 能 夫 \pm 常 贵 外 穀 孝 愚 公大 大 慮 以 於 卓 糜 者 茶 徒 猶 或 粟 其 其 弟 而 個 然 爛 婦 飯 不 以 天 之本 孝 無 門 之所 所 布 É 顛 人 其 來 事 下 弟 怪 在 語 致, 即 帛 路 樹 迷 發 文 親 者 之 在 平 此 諸 則 之常 能 以 於 欲 而 哉 0 家 外 平 殊 禍 又 樵 雖 厥 新 支 知 化 後 ? 親 無 涂 率 亂 童 家 有 其 觀 能 成 離 見 用 親 良 而 誠 牧 相 以 之 聽 天 義 之 在 行 由 之 而 知 孝 口 尋 竪 以 本 習 下 禮 然 此 耳 求 而 也 歸 弟 愛 便 者 在 厭 乎 也 智 而 珍 聖 非 爲 親 身。 ? 口 家 9 蓋 今 亦 奇 良 \equiv 若 人 古 此 常 敬 執 雞 曷 天 代 上 知 於 H 今 有 不 無 言 思 而 長 之 而 下 之 尊 常 海 性 世 所 口 足 修 俗 行 獵 之 外 治 親 隅 譬 有 中 學 不 道 也 心 身, 説 野 本 無 不 嶺 士 之 曷 知 忧 , 也 雉 念 ? 孝 不 其 在 表 大 不 愚

矣;

非

禮

而

言

則

口

之

體

虧

矣

非

禮

而

視

則

目

之

體

虧

矣

非

禮

而

聽

則

耳

之

體

折

肢

下

堂

而

傷

其

足

之

謂

哉

非

禮

牲

之養

未

足

爲

孝。

夫

所

謂

虧

體

者

贵

必

道

守身

爲

事

親

之本

虧

體

辱

親

雖

H

用

甲

皆

吾

父

13:

之

所

與

者

故

誠

身

爲

説

親

物

皆備

内

則

心

腹

、腎、

腸,

外

則

所

由

生

也

置

之

而

塞

乎

天

地

溥

之

而

横

平

而

巾

天

之

經

也

地

義

也

民

之行

也

海

施

諸

後

世

而

無

朝

夕

試

嘗

别

於 哉 講 根 不 稱 天 ? 平 之 明 世 下 意 出 ? 至 昔 者 性 若 張 真 皆 大 南 由 竊 難 抵 吾 意 軒 此 逢 後 儒 經 之 答 而 111 講 筵 充 象 會 致 學 獨 之, Ш 君 所 不 不 有云 恨 其 精 澤 口 於 臣 之 民 請 : 罪 保 以《 事 下 -今 未 業 几 孝 有 H 海 竊 經 歎 大 以 聰 何 >/ 見 今 仰 明 有 進

H

事

,異代

如

見

也

想 耳 容 雖 微 教 逆 知 他 覺 今 億 企 得 僕 己 病 H 書 吾 愚鄙 力。 軀 面 亦 每 丈 悉 段 H 然 用 數 前 悵 何 來 年 合并 尪 惟 書 然 足 教 麗 羸 略 不 與議 甚 澤 未涯 其 能 不 海 之益 善 遣 文 備 邦 ? 詞 義 群 而 風 第 而 比 疑 致 氣 盡 辱 亮 來 待 至 有 陽 心 其 今 釋 以 幫 **>** 明 未 意 此 助 蓋 先 習 章 之 檢 口 種 生之 疑 點 也 遐 種 尚

> 想 Ш 久 林 不 閑 奉 滴 聞 起 浴 耳 居 沂 ? 風 念 之 詠 之 憮 樂, 然。 不 風 知 塵 穹 埋 壤 没 間

復

有

何

物

可

代

此

遐

發 亭 釐 是 長 在 効 有 而 晚 未 之 爲 以 支 驗 的 而 年 發 辩 養 E 節 確 立 感 11: 苗 有云 本 也 發 而 公 應、 以 動 之學 案 作 脱 察 而 : 夫 王 未 却 變 口 識 無 動 霸 發 化 查 本 端 向 邇 動 一,不 處 原 ; 來 己 集 來 倪 世 以 者 俱 爲 講 發 襲 何 口 推 作 其 之分 究 者 格 似 以 夫 行 斯 物 思 世 T. ? 其 爲 以 夫 致 索 以 舍 ^ 論 發 致 直 知 看 傳 爲 知 統 此 斯 知 覺 實 定 習 以 未 體 妄 無 乎? 下手 爲 録 是 心 矣 復 有 良 景 有 以 不 中 處 知 己 着 助 考 發 毫 自

以

故闕

却

平.

日

涵

養

段

 \perp

夫,至

於發言

處

怒 執 浹 竟 又 氣 静 乎 夫 E 自 見 事 少 亦 持之,使 云 體 哀 背 方 息 擴 然中 之差 中 象 中 輕 無 發 乙 樂 : 之旨, 竊 處 以 矣 充 揚 程 存 節 的 好 體 觀 未 此 之 飛 子 聖 其 多 此 此 實 章 之 又 功。 發 是 夫 躁 云 人 此 氣 小 雖 則 病 見 旬 日 之 程 喜 象 到 發 是 亦 涵 聖 者 無 處 訓 : 中 門 怒 未 常 無 至 蓄 位 H 人 復 詁 有 蓋 相 李先 養 哀 發 蹉 於 不 用 存 聖 天 復 之習 多 傳 樂 不 所 之中 出 跎 中 本 而 此 賢 地 起 訣 中 少 來 未 以 辜 生 不 矣 領 不 雍 不 0 育 門 積 竅 發 察 負 以 失, T. 則 易 本 容 口 累 養 萬 之 識 下 此 故 時 夫 以 心 則 體 深 也 以 之 物 其 中 教 若 翁 方 之 多 上 厚 自 自 不 人,每 端 其 存 貪 爲 未 少 亦 陽 遡 念之 此 然 審 氣 字 若 倪 聽 日 夫 道 寧 只 明 發 象 而 也 Ļ 講 精 流 _0 是 從 先 作 **\$** 或 以 却 發 敬 耐 論 於 ? 名 喜 生 汗 畢 何 幾 致 於 者 以 又 所

> 乎 天 譬之山 蛇 之 飛 艮 致,存 異 其 下 辨 化 有 於井 神、 身於 雷 其 深 收 其旨 聲 昧 聲 遠 不 於 微 也 測 矣 地 之 勢 復 所 重 生 0 陰 於 然 之下 坤 後 地 ; 龍 出

遠 然 得 止 泊 於 不 語 明 識 如 顛 其 動 水 蓋 之何 趣 嘗 風 於 日 而 書 反 巨 卑 心 萬 如 浪 覆 體 陋 駁 化 請 之 之 疑 辨 中 攸 媿 何 正 失之遠 尤 與與 基, 心 而 嚴 汗 諸 世 此 顔 浮 矣。 公未 定 其 沉 如 體 謂 茫 失柁 盡 炯 也 心 然 以 然莫 之舟, 無 爲 在 恨 定 然 中 相 知 體 近 所 去 飄 寂

所 口 憂 虜 者 寇 古 以 自 内 在 備 也 頗 嚴 臨 , 今 楮 秋 悵 可 悵 幸 不 無 事 而 其

=

除前承翰教,痛切懇至,若不忍其謬迷

增 子 而 勝 以 思 朋 有 心 友 以 而 講 長 援 己 習 之, 見 感 其 辯 佩 與 之 何 自 弗 如 暴 明 ? 棄 弗 ^ 者 措 易 何 **>** 世 異 E ? . 若 君 F

是 所 除 能 也 鑑 求 外 其 其 不 不 良 應 寂 感 懸 該 影 自 思 也 發 知 是 也 慮 於 也 然 M 也 竊 是 動 使 非 故 謂 。 令 此 遂 此 不 之寂 未 不 不 無 學 心 通 愚 謂 良 動 可 此 發 口 而 不 問 主 知 之 無 以 遂 便 之 物 制 而 心 便 平. 本 之 見 内 其 以 自 中 常 來 光 是 而 内 寂 道 也 外 外 知 能 自 定 光 廓 天 寂 應 發 感 應 物 照 自 先 也 地 F 然 動 然 者 於 爲 於 來 其 師 太 静 之 太 便 則 鍾 爲 外 良 物 順 主 能 之 公, 公的 感 是 之 知 應 先 心 mi 而 平 見 事 未 無 在 後 0 自 後 後 内 畢 而 而 也 發 本 簾 不 有 又 有 然 而 之 矣。 忘 遂 之 體 通 外 知 云 寂 發 求 其 而 師 中 之者 譬 便 外 而 發之 云 扣 然 心 外 知 祛 自 Z 者 於 中 無 無 便

> 其 見 芽 得。」 節 口 意 中 發 有 標 隱 0 混 長 也 而 未 自 居 又云 微 體 本 語 中 發 然 大 哉 節 用 之中 然 原 溥 感 本 ? 之 委、工 口 博 而 達 原 和 見 亦 時 遂 便 道 非 是 體 通 出 須 有 夫 先 之 敦 V. 樹 是 發 自 師 體 類 化 知 而 > 然 而 創 用 111 用 他 根 中 物 爲 中 自 流 未 本 節 來 景 之也 庸 生 發 之 象 順 遠 貫 | | 之 和 應 子 近 是 効 此 中 之 風 騐 贵 樹 未 思 常 又 屢 自 之 能 子 人 云 録 之 萌 顯 無

以 覆 慊 證 恒 而 未 應。 自 恒 中 即 發 白 慊 來 是 庸 之中 慊 良 云 学 效 . , 知 果 騐 意 I 爲 能 本 本 夫 戒 本 戒 體 微 亦 慎 體 謹 是 有 此 須 不 Ι. 不 口 恐 戒 覩 未發 夫 同 見 謹 懼 恐 樣 深 之 ^ 子 恐 懼 無 造 中 中 懼 不 自 > 效 庸 聞 欺 即 學 馬 無 之意 不 彻 是 m 白 無 覩 恒 欺 自 Ι. 似 反 É 欺 夫 不 而

數 騐 也 聞 條 忧 中 獨 節 雖 亦 天下之大 不 而 免 和 生 有 焉 所 本 分 天 也 别 地 ; 位 戒 而 萬 與 慎 先 物 恐 師 育 懼 前 所 其 其 效 功 云

似

相

符

口

合

而

觀

之

世

化 今不 實 枝 謂 所 也 良 從 喜 而 遺 之 所 葉 原 從 原 出 怒 知 其 知 致 從 花 非 泉 ? 出 哀 者 又 之 實 者 樂 懸 感 世 仰 m 云 然非 江 之所 象 根 致 應 體 之 故 淮 故 然 著 非 之,是求 變 尊 類 致 感 河 濬 良 非 明之大 從 意 化 以 漢 原 知 應變化 知 江 出 所 無 枝 似 爲 者 者, 感 淮 也 從 良 濬 日 葉 原 云 應 河 世 出 致 月 知 培 花 原 而 變 漢 其 則 之 其 於 實 根 泉 濬 化 何 則 則 江 亦 知 容 爲 者 者 感 之 如 9 淮 感 亦 無 如 培 光 根 也 應 mi 應 無 河 江 以 視 必 而 , 變 即 變 其 漢 淮 見 以 照 根 聽 培 化 感 枝 其 所 見 化 河 之 言 之 本 葉 從 之 應 其 漢 所 何 處 也 者 動 戀 花 出 所 之 知 謂 所

> 養 則 乎 真 感 不 善 窒之、遷之、改之, 相 應 本 昭 感 本 ? 之 應 一,改 流 尋 變 覩 原 應 然 原之功 矣,善 變化。 以 於 化 變 不 之 又云 不 寂 其 化 聞 吾 可 地 渦 體 一之寂 加 者 9 而 欺 日 不 則 然後 疑 感 要 無 致 者 而 致 以 勝 若 應 不 吾 之 體 戒 窮 其 其 泯 以 無 變 若 外 寂 , 是 爲 慎 已不 感 憧 而 懲 所 化 乎 涵 不 然 過 也 應變 大 憧 吾 與 其 覩 養 乃 不 之 日 免義 感 實 不 恐恐 也 忿 吾 覩 本 以 而 體 化 應 能 則 原 寂 後 不 長 懼 變 以 之 襲 不 何 所 之功矣。」 聞 體 忿 室 知 化 於 不 幾 其 如 以 之標 之 外 即 則 其 聞 而 於 ? 無 主 則 寂 奮 欲 使懲之、 後 憧 其 宰 窮 密 必 矣, 末 體 有 憧 乎 於 者 遷 察 於 耳 世 感 欲 矣 夫 涵 即 其 其 其 而

體 有 之知 不 善 又 云: 然非 而 本 ~ 即 體 大 其 之 學 事 知 古 而 未 本 格 嘗 序 之, 不 中 知 則 謂 也 亦 . 0 無 以 致 動 致 其 而 其 本 後

己。 之 乎 不 善 不 本 知... 動 ? 矣。」 善 體 善 之 若 無 之 之 動 隨 由 動 不 乃 動 而 事 是 善 E 即 而 若 隋 知 妄 也 後 其 是 物 先 而 也 有 事 非 師 不 惟 則 不 已 謂 而 能 之 本 格 善 非 格 意 使 不 吾 體 吾 善 之, 吾 本 蓋 之 在 本 惟 > 體 不 言 知 體 事 復 動 之不 幾 動 僅 也 之 吾 無 於 於 足 動 本 不 善 何 欲 隔 以 體 也 善 如 則 靴 之 知 而 也 妄 吾 後 爬 非 天 下 有 癢 吾 蓋 而 不

時 時 發 喜 之日 慮 中 怒 不 口 聰 而 生 也 明 有 哀 樂 也 又 一安閑 者 竊 未 樂 云 人 發 謂 之 夫 故 視 古 者 喜 發 無 未 恬 聽 知 有 怒 時 之未 發 故 静 覺 知 時 哀 不 非 無 之 不 虚 樂 喜 喜 發 時 欲 用 喜 融 怒 本 怒哀 也 欲 也 而 淡 無 亦 者 謂 非 泊 言 未 有 樂之未 即 喜 視 乎 良 發 時 無 喜 怒 聽 心 名 之 知 乎 怒 無 有 之 不 時 忧 發 口 哀 未 未 怒, 體 名 樂 發 未 發 猶 即 也 感 之 之 之 名 思 發

情 言 無 閑 怒 怛 喜 也 件 微 也 猶 哉 物 不 致 而 之 怒 静 隱 聞 加 也 於 中 Z 而 徵 動 學 而 樂 哀 子 損 喜 虚 焉 動 樂 問 色 以 於 今 微 便 是謂 思 融 也 怒 开 止 是 發 天 只 致 是 日 日 與 雷 哀 之意 以 矣? 中 聲 而 而 心 有 未 獨 化 烈 樂 父 爲 未 之 之 發 不 心 此 發 之本 風 俱 體 母: 微 發 而 本 雜 之 外 而 處 謂 乃 之 徂 尚 之 非 有 未 天 本 天 之 體 别 未 之 中 謂 體 喪, 能 時 發 不 地 以 體 提 安 有 ___ 下 獨 中 謂 閑 也 也 易 人 先 協 脱 得 出 裂 不 之 者 不 之 非 静 常 然 師 言 遽 流 肝 非 物 言 中 聞 體 何 度 虚 程 無 嘗 簡 謂 而 對 乎 蝕 無 也 日 也 如 融 子 獨 所 有 人 無 爲 而 腸 喜 心 以 隱 累 爲 是 誠 知 生 致 佛 之 未 怒 太 ; 尚 言 哉 爲 若 不 中 學 只 赫 體 發 虚 哀 至 之 頭 是 之 言 之 不 非 之 然 有 覩 樂 之 誠 也 腦 體 無 之 謂 覩 執 此 時 惻 雖 功 而 則

矩,而

即

方圓

及者

規

矩

之

安

有

所

謂

過

不寂

之感。

之思

而

後

调

非

吾

所能

與

逸

也;

養者,言

下却

種

子

而

灌

溉

摊

無間

乎立

本

之

功

也

敬

也

恕

寂

爲

主。

寂

也。

何

如

有之中也 以 寂 寂 言 中節 焉 與 其 夫 也 心 與 以 爽 獨 而 應感,自 不 力 之 有 求 不 其 必 不 無 《傳 感者 知 功 及 也 間 也。 之,宜 及 不 則 有 及 時 必 哉 本 於 失其 生 習録》 也。 事 焉 是 而 慊 所謂 ? 與 無 動 焉 有 焉 其傳 不 矣 其 力 間 從規 是 静 以 自 今不 而 知 云 於 致 通 於 獨 有 不 此 言 不 愈 過 應 中和 動 之 天 知 矩之方圓 免 所 知 求 可 格 訛 動 與 感者 静 中 下之故 必 不及 謂 無 天 於 以 静 物 而 ,所 者 不 時 則 调 言 失 皆 無 自 也 慊 於 生 憧 以 愈 與 聖 有 間 謂 然 而 矣。 也 遠 規 不 於 之 憧 歸 不 應 功 事 於 中 不 之 言 謂 培以養之, 禮勿視、 者,亦惟 不 也 處,不放 養二字, 知 晝 居 視 赤恭 . 正 禮 慊 所 養 處 也。 聽 也

矣。

僕

謂

歸

也

夫

功

動

静

孟

子

承大祭』、❶『己 爲 又云: 恭 對 存 自 多欲 誠 害 去其 養 聽、言、 反 執 不 而 之 如 事 告之; 存養二 言。 喪且、 直 功 來 敬 所 動」,仲 故 無 諭 不 人之 害之者耳。 間 與 也。 所 字 欲 人 於 存 以 本 所 尼之『如見大賓, 忠一, 則 動 勿 者 害 於 以 夫 静 施 言 其 喪 孟 所 者 皆 於 良 蓋 其 子 收 人 以 格 也 心 顏子之『 良 斂 物 存而 存 者 心 只 樊 以 對 者 在 夫 遲 養 致 行 喪 存 其 之 如 非 之 有 日 而

節

無

過

不

及

其

也

者

和也,

可

以

動

静

分

發。

發

而

過

又

云

仲 尼」 康 熙 作 仲弓」 可

言

動

勿

視、聽、言、

動

也

故

致

知

非

禮

勿

視、

聽、言、

動

者

言

非

寂

忠

也

皆

吾

寂

體

自

然

之節

均

之

0

Ŧi.

之 之實者 之 也 恕 動 而 者. 應,有 知者, 一、又何 也 也 遂 致 居 通 而 其 言 禮 天 釋學之 處 内 以 寂 也 下 非 與 通 體 外 之 外 天 人 出 之 動 故 所 物 而 静 下 門 知 以 以 恭 之間 之故 使 即 養 異 致 也 民 格 其 其 吾之 哉 者 忠 而 物 端 虚 是, 敬 也 世 靈 知 也 也 謂 謂 均 夫 外 格 致 之 勿 何 物 視 如 物 知 爲 施 物 不 ? 爲 在 以 吾 於 聽 著 致 格 致 寂 人 言 感 吾 物 體 而 知

言 夫 静 所 時 井 也 以 後 内 蓋 而 和 止 則 時 直 又云: 存 儒 存 主 以 養 所 養 静 謙 外 爲 行 者 屬 謂 之功 方 以 動 本 静 動 果 制 復 根 體 敬 而 静 孟 果 禮 生 於 義 省 存 不 子 專 於 静 而 立 失 養 察 之 在 坤 之 後 而 其 所 屬 於 是 證 能 不 震 時 事 謂 静 紫十 復 孤 0 出 幾 存 耶 然 動 ; 乎 九 其 養 ? 能 艮《 坤 而 艮, 掛 者 恒 六二之 與 省 後 《彖》傳 之 耶 巽 孟 察 儒 能 序 者 子 居 辨 所 之 言 言 謂 其 履 傳 於

> 也。 功, 之。 遷 以 待 此 地 意 九 而 方 卦 言 而 誠 可 贵 何 動 也 言 遷 皆 主 居 異 專 合 根 如 非 反 静 矣。 動 在 ^ 而 於 身 之 義 象》 於 静 静 内 巽 之 修 非 蓋 静 行 動 直 以 德 傳 辨 對 存 耶 止 則 辨 之 乎 動 不 養 亦 ? 而 外 事 ? 之 云 而 定 無 言 養 乎 静 也。 故 内 修 之,學問 不 乎 ? 日 直 德 艮 方 亦 此 : 止 定 至 井 外 ; 學 之止 程子 本 也 省 方 之定 問 居 古 之 察 之 其 主 亦 亦 而 非 動 功 定 嘗 静 非 所 後 對 察 也 功 之 直 對 而 有 行 平

無 念 其 以 亦 少 念 功 率 只 又云: 夫 偏 無 性 是 間 二先 也 倚 修 ; 則 道 故 中 生之意,未 程、 良 爲宗,獨 謂 和 知 之中 李 念 則 念 其 ; 先 知 精 效 必 發 生 明 其 驗 子 而 所 本 也 思 中 言 其 體 意 節 未 未 也 慎 也。 發 發之 無 獨 慎 之 少 之功 子 獨 中 乖 思

效

驗

則

堯

舜

所

執

之中

謂

效

驗之中

可

乎

也

0

今以

良

知

爲

本體

慎

獨

爲

I

夫

中中

和

爲

微

先

師

不

云

也

天

理

流

行

未

發

之

中

便

執

厥

中

是

以

然謂

子

思

非

程

季二先

生

爲

效驗

則

將

本

大大

本

云

者

乎

又

謂

中

和

天

地

之形

體

致

其

良

知

則

中

方

圓

爲

天

地

也

良

程

子

所

謂

言

良

知

則

中

和

堯、舜之意 之意 千. 指 有 和 言 猶 中 在 自 平 爲 稱 何 發 在 變 爲 稱 其 , 然 ? 故 效 名 謂 者 我 而 萬 中 本 天 中 觀 是 驗 雖 中 爲 矣。」〇 中 體 , 化 員 乎 節 則 未 否子思之意 異,其 變化 和 而 節 允 允 皆 夫 地 不 天 發 爲 不 動 之 由 可 中 地 方 之所 良 口 之 執 夫 以 和 實 此 者 也。 則 知 遂 而 爲 方 中 天 9 出 方 從 之 和 天 員 以 功 不 獨 也 不 堯 員 即 下 形 即 口 夫 出 者 中 而 舜 口 知 口 之大 良 故 道 乎 乃 體 是 遂 和 元允 知 也 有 ? 謂 指 以 爲 心 口 知 H 微 身 以 也。 蒙 執 知 知 慎 出 又以 也 可 即 修 之乎 以 謂 不 獨 語 生 也 如微之顯 無 中中 良 協 爲 未 王 德 率 簡 堯 疑 道 ? I 發 性 本 舜 知 而 即 也 者 至道 體 所 是 又 夫 爲 其 性 9 未 云 執 體 劫 慎 於

又云「子 者即 未 獨 思 發 ___ 以 此 即 段 率 中 良 Τ. 性 也 知 夫 之 修 其 則 訓 道 又 將 爲 是 又 何 宗 若 遺 所 信 却 , 不 是 相 獨 而

戾,故

謂

之

和

,其要只 堯 與 也 發之中 2 以 凝 乃 舜 前 似 可 ; 良 焉 不 在 性 與 修 以 所 知 以 之 謹 人 道 中 謂 爲 程 致 慎 德 獨 也 者 爲 T. 本 子 中 0 獨 其 夫 和 蓋 體 日 爲 湯 謹 即 合 之 -義 人受天 武 \mathbb{T} 獨 是 似 得 體 可 夫 有天 反 致 是 本 修德之 見 之也 中 體 地之中 而 和 德 體 又何 之 來 又 由 一,反 也 説 以 中 諭 功 便

0

季 康 熙 本作 李」 從

² 康熙本作「知

不可? 何如?

者 體 時 淺 下 不 甚 大 變 贊 無 未 X 於 所 之大 化 歎 或 凝 求 以 知 深 而 臭 發 E 而 和 之 化 爲 與 也。」 以 然 見 1 云 不 發 又 也 乎 本 者 吾 L. 之、化不 可 未 不 天,文之所 不 天 以 Z ? 前 天之載 離 淺 發 行 動 之 之 何 而 言 夫前 變 字 寂 事 達 謂 故 天 後 如 化 對 也 道 萬 體 愚 下 離 致 ? 謂 與 中 感 寂 ; 此 中 既 謂 之 以 寂 大 之 必 事 節 然 大 發 既 達 未 若 於 未 爲 然 也 E 字 之 非 以 感 遠 未 發 道 > 文 發 而 所 以 和 未 通 非 義 神 聲 謂 發 詞 於 而 爲 也 體 以 發 若 以 臭 深 何 夫 寂 子 蓋 亦玄矣。 言 節 貫 爲 玄 俱 世 思 立 以 無 然 求 贊 之, 良 聲 其 之旨 大 異 寂 不 歎 故 於 發 而 ? 知 動 義 本 無 至 日 而 未 而 義 猶 之體 臭, 以 吾 天 之 神 中 發 V. 亦 無 其 致 口 之 之 天 \Box 世 之 不 之 蓋 爲 後 以 和

> 字,知 與 學 數 獨 知 發 於 引 知 詣 獨 知 之 覺 * 語 發 即 深 爲 而 知 即 良 是 中 遂 疑 處 襲 中 造 \perp 是 又 字 知 亦亦 不 致 理 之 夫 庸 未 云 使 即 純 乃 理 協 中 會 於 学言 發 聖 傳 只 密 是 良 粹 得 外 之 是 人 註 察 先 未 則 至 知 何 中 洗 慎 於 師 釋 發 爲 致 善 如 毋 箇 縱 獨 獨 心 文 於 之 之 本 中 自 善 **\$** 致 藏 也 知 答 中 體 即 體 者 欺 惡 良 知 密 精 問 是 更 \equiv 而 中 知 而 即 以 義 中 ___ 無 慎 求 致 念 和 去 段 致 獨 深 發 本 獨 歸 自 知 取 念 爲 中 反 爲 造。」〇夫《 文 其 復 慊 之, 精 即 效 本 知 義 原 今 之 念 是 驗 明 T. 又 無 其 期 以 縱 念 致 夫 . 於 又 以 亦 **\$** 慎 知 中 知 似 大 慎 潛 致 只 爲 其 良

應 意 變 形 又云: 化 生 一之後 故 謂 神 來 之 教 發 易 爲 疑 , 知 其 心 所 變 無 謂 化 定 不 心 體 也 動 之 不 説 此 礙 知 於 大 竊

無

定

體

之

説

謂

1

不

在

内

也

百

體

皆

心

也

知

來

以

爲

體

是

皆

即

用

以

爲

體

由

是

而

有

極

而

求

生

生

以

爲

心

不

求

神

於藏密

而

密

Mi

神

知

之

用

隨

感

而

應。

今不

求

易

於

其

則

周

掛

吉

M

生生

而

不

己。

聖

人

洗

心

退

藏

言

謂

之神

故

日

易

有

太

極

是

生兩

儀

心

之

變化

而

言

謂

之易,

自

變

化

之不

口

測

以

通

感

口

也

夫

神

與易,言乎心之

用

也

通

是

也

0

用

生

於

體

故

必

V

體

以

達

用

歸

者

寂

然

不

動

是

也

有

指

用

而

言

者

感

而

;

未

瑩

程

子

日

:

心,

也

有

指

體

而

0

精

義

人

神

以

致

用

隨

時

變易

以

從

道

其

功

?

所

蜀

追

亦

無

動

静

0

 \bigcirc

愚

於

此

等

處蓋

嘗

求

諸

心

而

體

則

必

有

定

然

其

體

神

也

其

用

易

世

故

有

感

有

通

則

古

有

用

矣

有

用

川

心

有

私

故

謂

寂

然

謂

感

通

夫

有

變

有

化

無

方

mi

易

無

體

其

定

體

也

定

體

無

動

静

0

心 求 太 言 故 於 自 寂 遂 有 夫 神 有 而 베 將 其 選 穆 其 蓋 經 兵 取 其 蓋 謂 吾 風 萬 萬 六六 部 譬 體 當體· 指 衰 理 中 心 之衷 而 逐 感 燕 矣乎? 之, 何 居 皆 於 也 電 有定 事 卿 處 而 者爲 止 吏 至 諸 也 朝 心 畢」。 分職 非 暢 瞬 超 部 於 也 廷 體 於 其 易 惟 然」 息 錢 本 孔 倉 矣 記 體 几 **>** 勢 萬 與 體 今既 場 子 百 亦 : 者 而 穀 日 肢 也 所 變 無 所 税 官 得 嘗 朝 彻 不 而 IE 發 定 更 謂 謂 局 彷 茫 以 承 廷 直 而 逮 止 其 於 用 , 無 百 首 大 然 是 彿 居 内 之乎 非 本 事 四 體 時 而 無 説 户 也 而 此定 出 業 方 無 萬 萬 下 部 所 而 外 以 庶 邵子之言 之 也 地 感 堂 寂 措 求 事 無 身 物」、 兵 體 極 可 之, 皆 其 何 見 理 手 不 履 馬 世 先 諸 理 如 體 心 方 端 其 老 徒 譬 師 也 矣 侯 也 得 拱 子 之 乃 地 美 平 以 而 亦 也

又云: 來 教 謂 『定 體 炯 然 在 中 9 寂 然

Ŧi. 七

清

嘗

在

虚

銓

居

而

期 助 無 基 自 矣 不 自 中 養 想 有 更 目 不 無 炯 長 養 然 見 是 鄙 動 虚 預 未 然之 之 敬 中 蓋 致 歇 有 談 期 意 口 mi 宋 以 除 節 手 專 夫 中 者 炯 則 微 萬 遽 體 持 X 此 處 指 體 要 然 反 而 化 謂 有 13 之,常 也 得 道 感 加 之 爲 此 感 攸 静 之 未 略 别 未 通 體 是 通 所 基 中 此 協 動 不 有 言 發 到 眷 之 存 静 9 養 耳 静 則 言 所 得 如 之害 氣 也 道 養 而 此 無 及 真 養 動 象 動 前 T. 備 不 是 然 心, 感 者 静 故 炯 夫 亦 所 失 矣 涵 體 便 然 通 無 静 謂 何 此 到 内 養 得 是 則 矣 如 熟 外 養 養 前 敬 所 0 有 却 未 識 自 ? 謂 内 持 處 得 兩 允 似 發 除 取 不 此 段 存 外 志 不 執 流 此 萬 炯 專 本 而 非 I 養 兩 厥 主 更 然 不 化 發 來 若 口 而 夫 志 别 者 却 静 見 攸 中 在 空 預 爲 面

常 存 此 又 心 云 勿爲 延 平 他 先 事 生 所 言 勝 凡 爲 遇 學 之 事 初 即 Ħ. 當

> 之天 格 云 習 常 師 否 究 爲 事 待 故 久 脱 就 物 致 臣 耶 以 遇 存 落 此 氣 天 與 積 爲 知 ? 自 理 意 F 此 事 窮 事 窮 外 累 然 既 窮 格 之 忠 之, 窮 見 心, 反 理 之 物 即 後 覆 至 物 理 著 窮 物 者 勝 多 反 視 勿 是 循 之 事 而 推 而 不 無 負 覆 自 爲 證 序 物 窮 也 後 得 尋 不 胸 以 何 推 明 他 之 爲 盡 然 漸 以 尚 中 何 究 胸 如 理,先 事 他 乎 理 耶 進 究 之。 聽 自 次 彻 耳 所 亦 事 吾 果 其 當 自 ? ? 灑 别 勝 只 理 所 心 在 聰 到 師 有 如 然 窮 蓋 推 勝 之 0 來 於 此 己 灑 辩 理 口 又 諭 究 天 待 事 大 之詳 是 則 地 然 在 以 何 事 乃 平 理 此 學 識 爲子 耶 處 事 位 概 待 此 引 也 矣,於 ? 得 見 也 _0 傳 反 如 事 以 心 自孝 仁 些子 覆 吾 先 之 則 又 此 註 爲 融 體 是 先 即 夫 謂 存 推 心 既 師 何 釋

^{●「}無」下,康熙本有「心」字。

嘗記 之 切 動 者 便 也 有 而 IF. 儒 感感 故 斷 釋 法 吾 格 充 門 氏 得 心 除 於 則 其 與 滿 之不 先 以 而 釋 乃 物 不 毫 吾 師 事 絶 若 而 正 釐 心 正 滅 物 云, 也。 聖 動 以 千 虚 之, 之感 然後 功 非 歸 此 里 靈 比 謂 於 而 矣。 亦 致 本 應皆 之儒 吾 Œ 物 是 體 知 有 儒 有 蓋 爲 之説 焉 不 之 吾 之致 者 不 感 木 IE. 盡 量 寂 正 知 而 感 之 體之幻 知 而 使 遂 矣。 勉 於 夫 而 乃 正 之 行 通 遂 是 心 在 夫 寂 者 天 夫 即 無 通 妄 格 物 天 然 下 開 致 物 不 也 之 下 不 知 方 以 正

不

盡

以上鎖鎖,豈直欲以口舌取勝哉?

形

謂

非

通

天

下

之

故

耶

?

如

此

似

與

經

文

知

止

而

後

能

慮

條

庶

不

抵

捂

至

於

先

師

之

照

也

妍

媸

在

彼

隨

物

應之,

而

物

無

遁

地

萬

物

爲

體。

故

致

知

譬之磨

鏡

格

物

鏡

故

即

是

格

物

即

是

明

明

德

於

天

下

即

是

以

天

前

所

論

數

條

亦

自

照

應。

何

如

論 萬 求 求 諸 所 批 益 之 教 心 戒 道 而 惠 徧 是 不 亦 以 得 渥 故 告 矣。 復 而 諸 有 顧 同 至 此 志 於 請 . 不 校 倘 以 敢 勝 自 未 崇 負 當 居 私一, 所 尊 0 託 意 似 如 也 千 來 非

答玉林許僉憲三章

適承款遇,領益不細,不謂復厪墨教,

甚幸甚幸!

言 之 但 良 耶 也 云 是 隨 來 良 抑 事 處 諭 是, 也 於 體 行 於 事 乃 察, 物 事 也 吾 物 E 不 畫 體 E 道 知 進 察 作 也 從 北 吾 此 事 第 紛 T. 心 事 乎 之本 夫 物 不 着 物 隨 不 體 E 處 口 也? 迎之不 體之察 體 少 者

■ 墨丁,底本闕文,康熙本補爲「假諸人」三字。

者、虚· 免 卒 平 之 云,此 微 貫 哉 里 以 前 思 又 見 而 而 體 之,大 定者 有 從 始 於 生 者 爲 何 其 頌 於 本自 之 不 本 知 非 安 不 慮 而 始 是故 段 自 世 其 著 體之真 精 察 欺」,是 而 而 尤 道 以 知 本 之, 然 不 言 不 謬 不 理 精 不跲 鑑 爲 止 義 立 耶 疑 察 干 而 覩 障 空 只 也 安 而 世 去亦 ? 之 也。 里 察 、恐賺 神 不 夫 不 衡 處 達 則 之, 譏 者 困 不 顧 聞 事 知 境 平 遠 格 道 蓋 此 耶 然,吴氏 物之應 界, 復 止 ,不疾不 得 人 事 矣。 式 微 感 行 不 ? 正 一則定、 憧 有 無 而 其 障,故於 矣。 矣 欺之誠, 而 毫 斯 憧 自 於 其 察 相 遂 釐 本 人 的 之, 毫 以 謂「 亦 静、安、慮 窮 隔 其 哉 於吾 千 通 科 夫 釐 爲 刻 也奚 ,本於前 里 日 温 事 臼 行 不 至 安 尚 矣 處 之辯 物 心,吾 也、 公之學, 覩 端 定 兒 然 何 而 翅 其 若 童 不 緒 乃 謬 有 盤 與 道 子 徑 是 定 以 路 走 聞 針 不 T. 自 庭 心 云 甚 何 也

> 退 與 不 舉 平. Ш 聽 人 爲 獨 無 生 德。 領 彼 刺 不 此 此 者 及 口 管、 耳 已 其 百 蓋 透 晏, 日 知 程 語 静 風 門 狂 耶 之自 坐 訣 者 ? 有益 覈,「吾 之 乃 嘐 知 天 仲 微 嘐 道 尼 君 之 不 之徒 南矣」,以 惺 顯 掩 惺 而 寧 例 衆 後 之 爲 欲 龜 此 無 口

也 外 遇 僕 信 以 彻 手 承 藥 耶 駑 幸 拈 執 其 惠 ? 鈍 事 來 得 幸 天 若 拜 頭 其 常 備 而 \Box 頭 之厚 采 1 嘗之,并謝 面 是 擇 從 執 道 事 共 而 仰 無 啚 謙 又 負 事 能 允 降 拳 旁 升 勤 艱 不 拳 求 勵 貞 宣 其 ,神之聽之。 萬 以守 不凡之資 亦不偶之 物皆 之, 則

_

到 降服 承 降 鼎 服 誨 所 論 皆 至 理 非 聞 見 億 測

口

有 者,戒懼之存 造次於是,顛 氣 不 純 有 之 之發 靈 心 千 不 須 之者,後 ·然,則 無聲 不 易 覺 生 先 哉 ,善學者 里」者,將不免又有毫釐之差矣。 萬 無 如 而言, 微 理 不 然 識 來 少 物 臭,不 此 之 諭 充 哉 容 夾 依 儒 皆 而 肫 周 蔽 體,然後 傍 無 謂 雜 之 ___ 備 能 不不 密者 昧 之一。 而言, 覩 終 幫輳,如 陋。 也。 孔 沛 而言,謂之中 天 順 處 聞 食 門 屬 於是,戒懼 下 應者 而 而 間 之學, 是故 蓋 有 體 謂之精 言, 歸 言, 自 道 違仁,此段 氣 無 仁 仁也 前 生 ,戒懼之發。 心本乎天,人心 戒 亦 謂 謂 不 不 除 論 理之 懼 天 之仁; 之惺 ; 違 自 落 此 ; 之至也。 天 自真 是之謂 者,不違 處 更 澄 方 自 惺 以 是下手 湛、天 亦 體 俱 無 生 自 爲 純之常 ; 氣 有 伎 而 千 君 理 生 蓋自 自 安 之功。 言, 着 倆 太公 此二 之 理 聖 子 然 屬 生 處 而 落 未 真 平. 久 自 謂 理 之 吾 謬 但

553

其 心 之所以 深者, 藝, 耻 不 愚 無 語 有 然,則 不 則 過 諸 過一, 而 謂 萬 0 不 復知己之有過也,宜哉! 木 生 隱 足 古 接 使 衆皆異之。 而 有 即 以 包藏 伏 踵 少 弗學者矣,冥行妄作,安以 云 此 學,微 畢見; 蓋愆 有 也 隱 言, 加 聖 而 射, 哉 於 勦捕 尤 欺世, 人過多 微 其身者 蓋 日 見 哉 過 爲 實 之嚴者,巢穴弭彰。 ! 必學 小人無 封 一,賢 方 閉 其 而 人 謂 往 且 君 是故懲艾之 深忌憚, 後 過 子 É 子之所 近 見 少 洲 雄 來 人。愚 也,若 爲 閩 鄙 其 真 常 深 嘗 夫 才 覺

惟 伏 枕 極 欲 慚 面 罪 請 慚 罪 賤 體 殊 未 安, 神 思香 倦 H

=

某病情中静思天下事勢,真如一鼎俱

憂,而 先 益 浪 謨 遣 前 鼻 處 沸 見 舟 於 於天? 神 更 7,才非 當 無 筭 杞 中 無 防 事 路 審 有 人 之人 未 内 下 也 非 以 手 獨 Ė 謂 克 乃 發 吉 愚 憂 是 亂 古 顧 處 胡 畫 而 之 囊 萬 爲 今 不 兒 未 又 之 總 既 委 也 賢 知 嘗 煽 從 戎 所 0 身 死 天 之。 懼 禍 不 之官 能 事 而 吾 不 耶 便 椎 煦 測 人者之計 輩 毒 悔 以 ? 心 謂 煦 亦 身 耶 禍 戕 天 頓 安 復 徐 任 杞 ? 牛 下 長 足 寧 裁 徐 其 靈 之人 抑 賜 而 憂 革 事 得 僥 沮 狂 V 行 É 天 不 乎 倖 知 贵 制 風 在 道 恨 ? 萬 乏 知 駭 廟 調 酸 何 H 出

或 沈 體 病 相 者 貼 煞 照 流 分曉 故 也 谪 贵 毒 奉 於 徒 種 其 尊 於 天 種 病 日 教 下 是 受 於 後 亦 見 病 己 病 世 足 哉 聰 亦 以 人 才 明 長 慰 心 數 之 [X] 矣 汩 獨 語 未嘗 於 没, 到 而 是 而 於 全 不 耳 故 家 治 幸 不 學 夫 禍 蜀 向 口 也 所 之 身 於 心 者 謂 之 源 1 m

> 治 著 無 惺 登 爲 之元 天 命 所 丹 由 昏 奇 惺 地 以 而 久視 頭 舍 昧 方, É 此 氣 萬 調 此 此 却 著 物 養 更不 即 來 無 長 是 元 察察 矣 本 吾 此 諭 生 故 濟 氣 之元 吾 由 染 物 斬 所 筏 戒 之 此 着 也 謂 矣 慎 神 氣 體 岐 察,諸 戒 不 不 0 而 察 傳 只 覩 而 由 容 祛 如 識 之 從 吾 凡 此 泯 恐 治 講 爲 日 此 之心 纏 戒 夫 没 賴 習 肘 懼 處 絆 百 一, 欲 處 後 懼 調 天 不 乃 冥妄之病 病 之 聞 養 由 仙 求 孔 天 之 靈 此 充 家 彼 門 凝 地 方 懼 所 時 岸 筆 萬 神 蓋 更 謂 之 以 不 间 或 復 物

體 尚 迁 妥 妄 帖 之見 再 容 仰 負 日 降 當 問 勉 强 慚 從 罪 事 慚 罪 不 1 病

寄 開 封 友 人

疇 昔 深 Ш 之 辱 高 義 雅 情 至 今 温 然 在

狀 É 休 抱 庇 而 自 完 别 謂 已 後 璧 Ш 聞 兄 人 乃 擢 轉 體 竟 參 憲 勢 不 兩 大 則 能 浙 倉 然 附 E 静 知 聞 兒 兄 字 蒙 備 必 爲 讓 數 不 候 歸 丹 望 徒 偃 我 己 蹇 聞 於 曲 形 蒙 無 事

跡

也

首 誤 也 酬 敢 地 平. 4 丘 方 兼 生 平 而 以 陽 方 愈 水 之 不 命 久 土 謂 補 則 乃 不 兵 愈 靦 寔 習 力 無 顔 出 財 舊 收 就 望 賦 殺 病 列 外 古 痰 亦 以 防 眩 稱 將 大 秋 舉 平. 啚 義 陽 無 發 爲 虞 所 殆 尺 盡 當 甚 屬 4 誑 啚 坐 語 以 不

以 歸 非 不 以 行 自 潔 自 不 於 其 敏 文 廢 至 之 此 妻 身 也 不 子 所 而 始 知 敢 得 夫 己 者 知 身 矣 不 薄 則 也。 未 行 者 聞 謂 於 起 縱 家 聞 古之君 妻子 居 情 縱 或 於 之 情 知 聲 則 本 於 者 子 妓 斁 聲 謂 之 廢 彝 妓 兄 不 間 則 瀆 而 假 行 中 常 假 然 聲 道 勢 皆 廢 妓

> 義。 爲 年 與 紫十 辱 待 并 州 聞 隕 所 而 如 聰 能 其 兄 之 氣 止 於 墜 必 Ш 明 故 徒 心爲 於弟 曾二 公者 哉 以 平 薄 吴 至 特 爲之俑。 至 不 以 詩 越,今 生 此 達 將 忍 一公不 此 形 文人 了, 止 嘗 以 而 居擇 行 此 役、 謂 鄙 不 臭 少 鄙 不 見 欲 二公者,才 以詩 免 之 之。 自 人 萬 味 今是 淑 鄉, 樹 於 人之 率 徐 之 待 相 風 而 歸 文人 , 夫文 徐 所 哉 遊 求 昨 類 所 聲 洛 家 而 ? 未 擇 非 爲 未 以 而 道 自待, 惟 之 人不 解 士 君子 説 之 雄 乃後之人 解 儀 竊 義 欲 人 而 覺 者 也 刑 自 君 相 縦 檢, 而 代,豪 重 謂 口 之 天 子 附 贵 情 勗 廢 也 從 所 李 是 下 之 於 以 者 獨 以 士, 古 不 崆 風 所 責 效 夫 陶 氣 矣 而 哀 爲 與 峒 也 其 + 以 淵 善 又 何 蓋 也 餘 自 1 故 明 日 兄 至 康 九

日 迂 不 足 以 語 變 忧 幸 甚 幸 其

答 豐 Ш 孫 憲 長

貺 感甚 昨 大 同 慰 公 亦 差過 甚 平 陽 遠 辱還答, 并 拜 清

法 以 不 也 不 害 義 古 見 附 但 一、成 豐 見 自 事 者 於 獨 有 於 知 Ш 别 知 前 於 於 猶 V. 天 己 紙 書 者 發 我 所 而 云 下 所 英 智 者 者 見 用 不 害 又 久 諭 氣 而 懼 處 相 而 然 道 矣。 隔 畢 之諷 顧 意 精 緣 與 幾 然 獨 比 之者 竟還 采 而 克 上下 重 之神 必 昧 大 起 蓋 齋 公案 如 於 私 是 露 ; 意 欲 和 此 若英 化 此 英 秋 效 見 同 也 矣, 然 宜 耶 氣 之 友 遂 殺 氣 後 民 ? 卑 是 説 朋 盡 見 於 卑 臯 之 乃 在 被 見 則 不 陶 必、 以 兄 以 物 渾 義 百 Ш 取 之 身 自 其 是 留 以 而 執 容 考 必 狥 物 道 於 意 自 日

豐

骨 對 殺 知 歆 如 合 友 尋首 馳 鼾 此 矣。 睡 而 朋 夏 不 丘 後 不 中 戚 不 見 出 得 乞 豐 南 疆 然 而 休 玄 Ш 與。 面 何 之不 聞 則 得 如 亦 坐 朋 防 ? 欲 浩 誤 秋 亦 久 然 觀 地 無 居 歸 我 方 虞 時 於 相 快 醉 愈 僕 位 時 翁 事 久 亦 也 之 也 則 當 冷 亭 愈 携 暖 良 相 無 病 自 用

所 勿 云: 見 價 詰 莫 是吾輩 玩 邊未之帶 文公與 省其 大 其 之。 知 莫 一若是 近 仙 則 亦只 日 今日 所 前 所 舟 便 需 往 趙恭父一 耳 以 不 不 是 不 爲 還 之事 魯 下 是 得 英 口 公石 京 文公佳 今 魯公」, 好 氣 免 E 亦 \Box 消 否 於 而 書, 刻, 子 不 息 ? 静 從 斯 墨,不 嘗 敢 亦 又 亦 兒 也 官 世]。」若 臨 曲 甚 俟 不 是 笑。 唯 爲 而 嘉 能 尊 歸 知 非 有 歸 之 其 日 趨 兄 或 何 往 之,其 以身間 韜 辭,待 書 奉 領 爲 不幸 時 弟 晦 附,蓋 旨 意 得 文 於 履之, 静 誨 從 公 又 閨 歸 争 正 行 中 H 竟

官 善人之勢不 安知其針 1,道義 之助 下見 孤 惟 血 餘 兄 哉 惟 有 ? 隨 之。 敢 時 附 衛 然 以 翼 必 聞 以 如 慰遠 此 鳳 而 泉 抱, 之 後

答亢 子 益 問

備。

欲 我 歸 古 逸,良心 爲 以 心、養心、求放 人所 生乍 之地 勉 師 本 其 承 訓 而 有此 謙 謂正之、存之、養之、求之云者, 息,竟不能 師 果 聞 初學 誨 之喪久矣,近 心也。 教 先 回 再三,恍然覺迷途之遠。 以 儒曰: 否? 以 克 心,其説 治 故從古聖賢皆以 有 心爲 爲 樹 謙 人之所以爲人者, 立 素 蒙天 亦不 要。 身之主。 ,然無根 不 類,昏 不 同,不 然正 棄,獲 之善, 心 復思 昧 知 N'S 每 存 地 侍 放 會

> 復 亦 盛 茫 然 開 其 端 無 用 所 力之 得 也。 地 主 伏惟 宰 既 我 虚 師 群 疑

示

焉。

幸甚幸

甚

懷、恐懼、好樂、憂患之有 不同,其 學以 ,於時保之,聖學之要也。 傳 歸一 心 爲要。 而 已矣。 心 蓋 也者,天之命 所 心 而 無 倚 不 於 正 顧 也, 其 也, 也。 説

是故 者滯 **遗**惡 也。」欲非惡之謂也,忿懥、恐懼、好樂、 容,居安而資深 逸 時、莫知其鄉 於是有正心之說 忿 有 畏天之命 不已,斯 「養心莫善於寡欲。」周子曰:「一 而身無所 哉? 意、必、 而 窒 存。 一焉,其 欲斯惡矣。 固、我,皆 檢也,於是有求放之說 ,於是有存心之説; 存 於 焉,養心之説 而 ,心無 虚 不已,勿忘 明之體 所 有 不 也 欲 ; 存 即 何 戒 也。 勿 也 有 啻千 助 自 慎不覩 所 自昏 孟 者 也 和 出 里 子 有 憂 無 昧 耶 順 求 人 恐 從 患 無 ? 所 欲 放 而

恐是 時 性 説 平 存之、求之、養之之功 之主」云云,已 子 也 懼 遽 微 ? 所 不 起 謂 傳 聞 志 書, 哉 知 而 録 則 其 狍 無 所 生 之誤,不 其 子 理 根 怒 斯 滅 孟 濂 臣 之 以 無 而 見 之 子 善 溪 喪 弟 矣 觀 無 近 之 心 友 「, 之 然 理 恒 日 之道 後 者 嫡 無 其 之 也。 悔 曾 生 周 所 是 派 可 悟之切, 乍 未 未實下手 勉之! 乎 非 與 何可 即 子 息,不 定 · 人 莫 聲 幾 之見 數 矣。 非 色 惟 語 而 能 邨 臭 ·, 宜 「當 也。 於正 却 乎 爲 無 心 味 有 做 其 欲 之 皆 ^ 之、 病 身 定 身 吾 怒 之 天

此 無 善 主 哀 學 所 静 N' 樂 爲 昔 謂 IE 要 寂 \equiv 氣 未 濂 故 溪 象 然 傳 發 著 不 者 至 時 伊 動 於 氣 11 太 既 象。 延 不 每 極 平, 無 覩 見 啚 氣 夫 ×, 人 不 乃 象 謂 聞 静 每 通 之 坐 之 教 何 書 未 時 自 必 **>** 發 也 而 觀 歎 觀 喜 以 則 其 恐

> 非 何 耶 ? 如 所 謂 竊 況 主 謂 有 静 之 所 矣。 未 觀 安也 則 晦 此 卷 N 不 復 E 知 每 自 我 每 紛 舉 師 擾 以 爲 亦

者 歎 平爲學者點本來 覩 則 然 是 故 寂 1 伊 後 蹴 喜 原 然 静 而 非 恐 襍 委自 能 怒哀 後 氣 不 夫學 JII 觀 懼 四 定 動 至 爲 可 爲 之 不 字 ,氣定 哉? 樂未 雖 見 以 學 聞 是 罪 故 寂 静 13 語 者 不 ,觀之謂 求 發 然 學。 也 濂 學 其 開 而 静 面 時 善觀 不 溪 以 静 後 功 方 而 目 氣 動 即 È 所 必 見 非 便 天 反 也。 象。 之 平 自 静 始 天 對 法 動 定之以仁義 罪 旦. 地之心 著 門 焉 地 於 動 矣。 然豈 觀 也。 之好 之心 静 而 之 至 無 坐。 未 言 是 矣。 而 初學之 矜 惡 欲 發 也 者 故 見天 反 持 静 而 氣 中 静 紛 戒 只 然 欲 觀 坐 地之 Œ 坐之 擾云 慎 + 此 後 無 延 速 之, mi 便 能 欲

於 則法天之全功,非天下之至静,其 此 濂溪手授二程。 心,體驗 「吾道南矣」, 理 延 孰

天

平 致 殆 透得 庶 幾 此關過 乎 ? 一,便 然此 有 與 口 前 進 養心之論 處 却 是

龜

Ш

贵

逃

禪

哉

?

默

坐

澄

天

能

與

主

静

當時 不知 蔽 其 不 亦嘗 我 正 陽 格物 其 以 明 師 初 面訂 全其 以 致 所 也, 知之説 「格」如 以 未耶? 伏請 正。 恐 異之之意,是 本 我師 夫人性皆善,氣 「格君心」之「格」,去 體 無所 與陽明先生少 開示 謂 如 不正 此 否? 拘 者。 物

明 知 天 之,秋陽暴之,可以合德天地,並 如 德也。 焉 耳 好 盡 好 大學》之功在 之也。 動以天,而 色,如惡惡 致者,充滿 知者,心之體,虚 斯 臭,不 誠 其虚靈之本 謂之誠 意。 犯纖 誠者,天之道 毫 誠 體,江 靈 人力, 明日月,而 意 之要, 不 昧 漢 動 即即 也, 濯 致 以

> 體之。 悟_? 以 生面 所憂 詞 此 斯 又 夫 非 陽 而 而 付物,感 予之説 曰「良. 日 襲 明 謂 奉天 天弗違 謂之致。 所謂 訂? 也。 師 取 本 致知 是故 科 爲 時 體 知是未發之中、廓 而知先生必以予言爲然。不然,何 而 子 日 下學反正之漸,故爲是不得已之 也。「格其 也 者 不正者,亦指夫意之所及者而 有 焉 遂 如如 也 知先生以予言 古 致知即致中也,寂 不 盡 無 通 盡 正 故 好 之矣」,「乃若 天下之故, 格物者,致 其 也。 好 爲 説以 伯學 色 不正 不 而惡惡臭之類 善體 正之,雖 張 以 爲 然太公底本體 何 知 歸 然。 致 者,往 赤 思 之功 然不動,先 於 知 幟 何 未 正 精 則 此 慮 用 小當與 往 」,乃是 思 存 後天 是也 物各 夫 子 賺 而

意精以擇之、一以守之,二者恐不 陽 明 先生 以惟精 爲 惟 功 夫。 可偏 謙

實

心

之

先

物 知 也 廢 我 誠 此 意 師 與 舜 之 明善 意 語 德 如 意 誠 性 何? 身諸 則 道 精 問 意 學 皆 恐不 博 執 文約 中 可 之 同 功 不 格 夫

子 所 也 性 也 非 問 性 精 謂 而 高 思 敦崇 問 學 者 之守 後 謂 之名目 惟 學 世 所 精 學者,不 精 精 而 明 遂 述 爲 外 問問 也 也,又皆學問 約 是 無 堯 也 惟 德性者,不 博約 之柄 故 學 者 執 舜 知 致 之功,亦 中 也 也 以 博之 何 明 也, 之功,子 來 聖聖 新 以 哀 誠 相 歸 盡 尊 也 知 哉 之論 之名 傳 未 也 相 何 厚 之 是故 之 見 授,守 嘗 誠 所學 極 也 意 可 目 者 不 禮 也 如 也 是 廣 同 9 明 以 此 道 世 大 尊德 之實 也。 然與 此 貫 皆 知 蓋 也 也 、之矣。 此 意 故 性 温 吾 精 先 9 者 荒 則 知 德 微 而 道 德 生

> 然,至 志, 師 必 無 邊 迅 火 後 舉 師 深 主 蓬 之 以 大 虚 憂 防 假 徹 令 其 而 征 快 高 於 主 爲 耗 萊之惑、 重 _ 直叩 日 苗 世 哉? 何 雪 致 務 甘泉而 矣。 也 就 秦皇 儒 之 如 耻 哉 正 咸 而 役, 然 皆 是 除 焉。 栢 此 漢 帝 陽 上 以 帝 乃 M 聖 意 梁 武。 武 疎 棘 功 帝 則 之 漢 人 與 承 帝 略 帝 少 窮 灞 棘 所 文 恒 豈 夫 露 鞭 退 王 謬 兵 灞 屯 爲 帝 言 之 有 外夷 韃 怯 盛 兵。 諸 黷 名 甚 靡 调 74 如 豈 節 所 屯 武 一異,不 將 猾 夷 哉 此 非 夫 謂 焉 則 廢 夏, Ŧ 海 遏 是 三 動 羯 天 用 棄 莒 古 使 中 内 胡 代 知 下 悉 当 耶 之 帝 之 英 或 騷 如 疾 烽 以

而 帝 真 雄 追 英 才 思 大 主 漢 略 也 武 鞭 爲 子 韃 之 益 几 抱 夷 快,宜 近 日 至 之 幕 矣。 痛 南 無 不 有 王 以 所 庭 兵 激

謙

讀

史,

妄有所

見,

時

與

古

異,今

作

武

之,蓋 蓋· 不免,又豈 車 多欲之累、義襲之取 匡 一天下,微管仲則被髮左袵,雖仲 漢 武 窮 贖 口 萬 成 哉 敗 ? 非 乃孔 所 論 孟 也 鄙 尼

内治 義 盍 亦 即 遠 其 修 矣。 始 而 末觀 後 恭儉仁恕而鎮之以 遠 之,而 人 服 遏莒 後知後世 之 師 、征苗 之 清浄,漢之 師 其 之役 八去仁

令主如文帝者,可少訾哉!

之,誠 中矣」,不知陽明先生宗旨亦 見 良 田督 知 而 致 嘉惠天下後世 學 良 不及良能 講義云「言致良 知 之説, 寔 亦 有所 自 之 盛 陽 知 據 明 N'S 否也 先 如此 也 則能在 生 ? 否 然 始 其 ? 近 言 發

單 能 亦 對 言良知 本乎人之才 言 致良 り則知 知 知 則 是 即 耳 能 知 心 覺,能 在 也 故 其 外外 曰「既竭吾才」,又曰 八中」, 知 是才能 則 田子之言是 無 致知 心 矣。 難 知、 也 易

伏乞開

示

圕

分十二枝

其才之罪哉? 其所以陷溺其心者然也。由是觀之,則世之不能致知以格物者,夫豈「人一能之,己百之,人十能之,己千之」。

簡湯少濠

右。 無 + 領前去,訪 土 失,賊當就 寇 騎 駐白 今復遣精 昨 隨 據 差 店 巡 圖 快 坡 檢 擒。 貼説,授以 手 兵五百名 嶺 徐 四 尖。 九 願公益以精兵三百,頃 人 龄 馳 初 報, 頗 1,選委 往 方略,使 見 探, 駭 既 有 吏 達 且. 快 而 以 去者 虜 攻, 告 官 遺 奉 諸 長 疑 賊 哨 左 爲

劉 放 仁 砲火,呐 瑰等五十六名,由窰上村東入,一枝 義 鎮 入羅 枝徐景隆 喊驅之。 家 垇、至店坡後 領賀 一枝快手 世敖等七十一名, Ш 爲逐兵,至 申學領水夫 期 吏 由

伏 領 張 Ŧi. 伏 賊 道 名 果 領 此 郭 几 段 續 砲 名 + 兵 以 必 皆 原 村 萬 由 等 共 待 東 # 手 ,共三枝 至 領 西 敖 白 名,一 六 出其 張 Ŧi. 遁 劉 枝 領 雄 期 果 枝: ; 吏 受等二十名,一枝 根 賈 十三名,一 人尖陽、石高二山之 等 視 村 子等五十七名, 張 仁 Ŧī. ()俱伏 徐 不 枝 東 枝 秉 愛 + 意,爽 景 人; 快 枝 吏 等 信 名,共三 隆 手 快 任 石 枝快 領 Ŧi. 舉 孫 高 手 而 得 枝陰 趙 + 號 景 唐 禄 攻 Ш 學 六 手 , 一枝,俱 之,就 敖 廷 領 ; 名 翟六、 四 Ŧi. 陽 由 快 領 佑 張 + 間 面 西 官 手 枝 張 由 領 仲禄五 六名 伏 響 村 擒 毛 段 道 吏 快 志 李 而 尖 應 之 口 驤 闘 繼 手 等 文 我 前 攻 陽 必 西 吏孔 兵按 文 志 周 六 秀 + 由 村 也 幸 Ш 等 + 進 領 Ŧi. $\dot{\boxminus}$ 四

韓 信 嶺 鄉 張 道 疑 俱 兵 煩 執 百 事 名,至 選 乖 覺 期 \equiv 舉 銃 + 人 以 助 分 兵 引 威。

潼

開

之轉,急於求退,蓋將

謝

群

猜

消

衆

忌

聲

聞

過

情

鬼

神

所

妬

讒

忌

用用

興

八、毀言

H

至

何

狀

之容

誤

蒙

相

公

有

政

在

得

人一之

相

機

應

援

各

枝

囇 草 至 木 皆 囇 兵, 賊 得 無 破 膽 乎? 千 萬 留 神 至

上内閣嚴相公

梓 於 犬馬 無 不 及,未嘗不 \Box 翘。 門 害 獲 語 公論 愚衷 者 墙之舊乎? 追 某 若 「。 聖賢· 恭 善 惟 恫 曘 惟 世 愧 恐 既 在 昔 相 無 有 負 汗 躬 昭 公 保 狀, 所 沾 君 秉 障 凡 旋 不 故公義 相 衣 仰 鈞 微 廢 有 加 所 也 負 勞 造 亦 4 酷 致 命 汲 長 罰 伏 自 私 至公至仁之心也 引之 皆蒙矜育, 聞 分今 光 勞 恩,凡可以 戴 皇 復 而 盆 恩, 上有 Ħ 爲 元 之 之罪 台 僇, 冤 每 平陽 況 横 兩 無 夫 全 桑 被 所 亦

聖

R

當其 之先 古 秋 名檢 致招 科質 上 亦 用 自 結 危,手足無措; 平陽之事 明 稱 司 毫 至 身遠 雷 生 之 物議 罪 之 冤 明文,始末 無 此 ,不辱門墻 日 去年又該 諸 民 未嘗出 · 虀粉何 害以 解 朝 獄 論 犯 極 平 以 劾 所 陽 來 有 如 械 之 宜。 之詞 報 呼天 其 惟 大 豹 語 繫 Ш 功 餘 畏疑 臣 知己之遇。 語 纖 辭 之所 有 曾有 西 方以 之望,今日所賴幸 拷 而 重 加 悉, ? 以 聯 或 撫按 所 訊 無 瞳 罪 顧 求白。 坐,亦 是 名 勘 昨 爲 備 司 罪 之辭 忌,若 П 幸,詎 ·,但本 案 具 口 承欽依 查 題 日 字 嘗 三覆,極 疏 恃 奉欽 具 月 往 9 被 中 竊 俱 艱 涉 也。 在 之光,再 往 官 爲 論 意 情 意 奉有 險 春 依,照 有 其 以 坐追 豹 可 威 乎 立 事 冰 故 來,杜 之, ? 嚴 暴 久論 覆 罰 己 有 欽 情 前 視 太 冤 贓 不 相公 然非 荷 造 依 例 跡 如 歲 也。 峻, 有 數 測 定 情 霑 及 調 門 孤 全 比 南

> 在 慄之至 上,伏望 尊慈,統惟矜亮, 某無任隕 越 戰

與 吴 令宋 望之二首

之累。 於 家一人之愛也,欣 仕 妻拏 人 流 絶,早負意氣, 覲 實 學之優,使望之後進。 輩 當 胥 如 地 别 於 自後 後 故 沉 安 • 子 身 溺 以 9 寄問 夏 月 使使 温 發 四 登第 尋 此 可 凡 月 舊業 行 其 慰何 久、 兩辱 初 後 志 慈 聊 一日 尤 口 可 養 手書, 卓 口 里有 與 大, 以卒歲 暨 抵家,雲山 言 尋 然 衙 後 常 進 矜 并 廨 游 式,不 論 取 領 賢 歸 可 不 之光 近作 哉 資 防 免 ? 無恙, 性 必 但 無 知 也。 慎 幸 與 穎 己

2 0 康熙本無此字,可從。 康 熙 作 可

醫 各 舊 他 涉 擇 Ш 官着 致 翰 稿 手 取 史、 意 商 與, 乃不 見 究 陽湖 高 至 目。 外 未定,姑 手。 相 於 少參、真 愛, 萬 書 切 獄 萬 奉 東 使 中 資 謝 及 之 費, 山 元 高 齋 給諫、 洲 閣 得 取 閣 去, 與 卿 至 兩 玉 糧 并 是 囑 栢 峰 里 揚 付 郡 閣 致之 無 醜 博 老 無 相 也 奚 煩 衡 傳 交

_

之 慰 政 薦 宜 交孚,人民胥樂,難 人者 愧 篤 誠 之 身 詞 賢 而 衰 第人觀 者能有之。 不宜於民, 仕 甚 病 學 不 慰。 之 足 當 優 還 獲 承 便下 之 如 上 已復荷 華 也 此 治 矣 者 劄 者 民 難 作 不 不 并 亦 大 矣 利 縣 寄示 ハ篇 不 口 於 於 多 之 必 上 蘇 諸當 此 得, 惠 得 乃 之吴 衰 病 又 能 相 惟 路 之 其 上 愛 實 保

> 之, 淺。 學爲 祭歸 穩 意。 甚 蓋 所 人,千萬 實者 後 望 以 然非百 甚 尊 輩 悔 啚 兩 慰 堂 賢並 之。 望。 中 亦 也 呼名。 子 八 難 聰 報之云: 旬 家鱗次之所 得 明 起,永豐斯 履 比 顧 , 所望 上壽, 旋 有 得 善 不悉。 資 高 再 圖 第 簡 一於賢 性 其 相 所 望 後 實 者 文之 遠 政 之 固 得 曠 弟 無 云宅 凡 多, 書 遠 誠 以 福 以 惠 難 身以 爲 風 其 然求 亦 基之説 居, 壽 之, 書 口 惓 永 量 芹意 其 不 亦 惓 待 終 耶 淺 根 是 賢 以 誠 ? 附 畫 不 氣 此 不 有

答東廓鄒司成四首

以 新 論 痛 動 作 浣 人,仰負 九 快 月 明 慰 望 切 無 後 知己多矣。 接 極 然學未至 0 仲 巨 夏 舟 念 之 於 日 喻 誠 所 立 惠 饑 教 故 溺 言 由 并 不 己 拜 足 之 諸

篤

萬

物

並

作

子,

以

觀

其

復。

夫

萬

物

之作

不

作

於

作

而

作

於

虚

與

静

焉

則

復

之

爲

復

子

,深於《易》者,故

其

言

日

致

虚

極

守守

静

:

復

全

於

我

而

天

地

之心

亦於

是

而

可

見。

老

之義

也

0

蓋言

天

德

之剛

剥

幾

盡

矣,

至

是

而

別门

反。」

則

是

以

剛

反

爲

復,

而

非

有

取

於

陽

動

以

成之,而

後帝

出

乎震。

《彖

>

日

:「復,亨

復

微

矣。

蓋

虚

以

胎之,

静

以

養之,

寂

7

象

以

合

成

日

565

分於 以 爲 體 也 也 是 爲 也 時 之疑 哉 乾 感 寂 故 前 感 謂 感 書 非 索 惟 寂 盡 蓋 而 坤 坤 於 其 夫 感 意, 復 不 天下之感 則 無 坤 時 有 知 之説 無 時 而 而 歸 坤 以 不 得 時 主 寂 與 寂 爲 者,非 震 之 皆 遣 以 震 震。 以 生 主 無 詞 故 而 寂 於寂 夫 時 未 謂 也 坤 者 感 瑩 不 之長 ; · 者 桂 一,致有 不 者 感者 謂 學 一、名之 震 問 寂 男 T. 又 之 贵 之 則 夫 心 寂 聖 母 得 無 功 之 無 感

盡

屢 省 將 口 而 屢 動 求 求 不 言 之於震乎,求 也 行 其養之之端 非 之, 故 有 以 蓋 取 大 根 於 過 乎 極 之於 坤 次 ? 領 之 於 要 善 先 坤 頤 而 乎 養 王 以 疑 耶 是 抑 至 其 夫 將 日 漏 子 不 合 閉 洩 於《易》 養 坤 歸 之太 則 與 震 不 不

哉? 也; 分於動 天下 過 切 悟 也 以 日 今日 也 斷 感 疑 也 其 之者 之有 除 應 動亦定,静亦定, 今 夫 流 而 静 動 謂 禪 乃 有 行 寂 也 主 處 心 着 之 歸 滅 静 無 今 事 異 訛 不 寂 之。 以 功, 合 日 於 得 焉 以 該 儒 力 工 是 : 通 誠 天 是 其 者 夫 離 天 有 動 下 之也 下 只 静 於 之 脱 體 以 謂 之感, 是 者 是 動 感 略 事 道 誠 主 時 應 事 而 又 其 不 静 也 無 爲 爲 致 之 何 口 不在, 塵 是二 爲 類 嫌 虚 謂 須 而 煩 定 於 以 禪 於 道 臾 之 禪 立 非 禪 無 離 所 無

叮

芒芒 異 是 精 豫 害之。」甚言 中 心 過 其 謂 慮 如 須 井 時 天下之不 ? 又 察 者 者能 之則 。 引 臾之 發 誉 發 目 也 飛 逆 宋 之 之 0 然 欲 處 而 其不及,使之發 躍 之,豈 也。 其 視 亦 也 離 井 夫 歸 過 X 不 之乾 雖 子 也 自 生 耶 居 助 病 不識 知 助 禁 、耳之 蓋當 有 其 ? 生 其 苗 其 能 而 禁之而 長 乾 之 功 之 不 所 長 苗 密 使之發 之 自 而 難 機 口 者 將 聽 E 陷 不知,順帝之則」,惟 故 有 惟 龍 之, 使 也。 寡 於 使 助 也、鼻嗅、口 與 H 智 人 其 而 潛 不 矣。 憧 不 而 而 生 而 就 克 也 時 禁之 中 於 發 憧 發 中 使 佛 代 以 槁 節 淵 非 也 之發 不不 又 ト度 乎? 後 氏 來, 怨 矣。 乎 ? 而 何 徒 世 而 亦 欲 ? 可 味 使 之私 此 無 乎 動 以 往 所 且 使 得 不 孟 不 ? 益 夫 静 心 守 行 謂 之 將 來 心 子 也 發者 之分、 節 常 之 念 發 養 抑 之 何 隨 抑 而 宜 \Box 發 爲 以 又 其 之 其 懼 思 井 事 而 乃

> 所 尚 天 言 位 本 不 傳,上遡堯舜精一之 身 小 下 知 以 萬 命 覩 而 Ĺ 立 學,學之道奈何? 乘 何 遠 不 之 無 不聞之旨。 不 感 之近 物 則 有 可 性 忌 顧 應 自 由 以 及 也,戒 ,又其下者 憚者之所 流 此 哉 此 也 知 行、 ! 而 而 歟 風 發 育 懼 夫不 之自, 變 助 者 所 爲 而 化 自 功 微 子 也 以 覩 使 云 然 日 用 知 養 · 發 思子 之發 不 中 爲 蹈 是三 微 至 之也。 聞 而 之 節 於 之 於 者 憂道學之失其 者 爲 天 水 一者皆 有 顯 位 戒 虚 火 長 不 養 育 地 謹 寂之 , 焚 欲 盡 之 不 君子之 由 極 恐 恣 乎 而 足 溺 此 ? 大 以 其 mi

似 古 有 自 得 出 鄙 於管 見 如 説 中 此 以 一之窺。 委 求 勝 於 譁 文公晚年 蓋 然 嘗 之 反 義 覆 有 痛 未 易 悔 逐 外 庸 然 之 非

[●] 康熙本「代」作「伐」,可從。

二七五

耳。 靳 往 拳拳 復 幸 與 於 外 晴 附 此 111 處 絶 同 句 指 志 兀 共 點 首 商 前 之, 謹 書 用 倘 所 原 猶 具 韻 有 亦 未 其 均 惟 大 覽 略 無

_

不悉。

迴蘇 爲 官 日 驚 京 康 齋 悸。 不 適, 解,悲喜交集 抵家,復上先人之丘 日 出 取 一、寇退 ·肖悲! 城, 晤 昨 道 可 行路、 港 抵 凡 吴 以 且喜,有甚 П 南 浙,本 ,始獲前 兩 意 又知 浦,知 之難,有如 月 亮,甚慰。 其致 無 圖 公游息各名山之詳 公不 不 進 安便,不 於不肖者。 在 因念前 然 數 也。 此 兵 弟自 夫? 又警報不時 日 戈 謂 他日 中。 前 111 季 以 寓 昨 囚釋 謬 塗 執 春 六月二 會城 以二十 刻 梗 手 朔後 緣 兹 塞, 九 知公 及 道 册 出 克 以 兀 涂 + 邅 體

> 近榻 翁委致 六紙 左右 奉 以 俱 請 煩檢 教。 外 書 不備 事 封 承 介

湖

其愛與 真純湛 行。 專内 體 童 者乎? 以 功 萬 一,不學不慮,知愛知 而 處,蓋嘗求 致良 大人者,不失其赤子之心,亦 致之也? 玄潭 來 貫 又煩 敬 諭 夫「良 内 即即 知」三字謂 連床 而 云: 外 諭 致 赤子也。 顯微 其 之教, 道諄 之乎,抑 知」二字 以爲 學問之道,不 處 而一之,此 而 足以 切 得手,但 自 不得 敬 然則致良知者, 愧 何愛人之無 求 真 貫 始 執 所謂 也。」竊 内 於 迷,不 純 不 外 正吾輩 敢 孟 湛 知 真 顯 子 逐 善惡 純 以其 料 微 足 9 己 外 湛 孩 尊 今日 以 由 而 也? 將 意 安 心 提 不 仰 之 於 之 之 義 無 用 必 承

知 者 原 本 何 體 與 而 無 處 惡 ? 之 義 致 對 襲 吾 量 若 之知 何 以 若 以 異 虚 立 於 ? 縱 靈 念 天 故 本 使 慮 下 致 體 知 事 之 之爲 知 爲 而 大 者 言 之 本 必 知 之, 著 使之 充 、去之力, 而 純 滿 所 粹 發 其 謂 至 無 虚 善 善 靈 惡 不

良

是

謂

貫

顯

微

内

外

而

之

也

中、形 僕 見 欲 耶 支 别 支 須 立 之所 流 流 臾 交 貫 ? 本 ? 錯 離 顯 辨 先 歸 若 岩 於 别 以 濁 微 師 於 也 根 然 以 外 有 清 謂 有 吾 爲 動 所 良 二其 詩 而 前 致 内 則 務 静 指 知 云: 以 直 虚 知 耶 爲 而 内 所 先 而 守 則 微 ? 根 一只 歸 指 外 顯 後 寂 外 之 本, 根 微 抑 根 而 分 以 無 從 顯 贵 本、 者, 求 而 不 根 内 段 之。 静 以 未 以 方 支流 本 外 實 T. 用 爲 發之 顯 求 少 夫 此 俱 縦 功 動 微 從 生 皆非 鄙 不 使 在 之 中 根 死 人 容 感 所 内 何 處 者 之 少 耶 誠 不 要 外 處 莫 應 初 有 正 ? 於 論 以 分 向 顯 而

意也。

四

段 糧 該 分守 無 者 石 查 兩 湯 歲 每 該派 審 共 銀 道 百 所 \equiv 里 元 凌,同 告 六十 + 几 無 震 甲 永 轉 年 銀六錢 萬 異。 等 豐 + 餘 訴 加 該 行 采 年 九 九 派 Ш T 分巡 本 萬 千 謀 兩 三十 通 民 銀 糧 積 府 几 諸 七 縣 至 愚 偏 該 查 几 道 干 釐 百 士 七 士 蠢 萬 駁 累 銀 馮 夫,議 年,又 八毫八忽,至公至仁 八 餘 民 千 九千 至 不 Ŧi. 爲 百 兩 按 之 八 再 堪 萬 各 九 府 已蒙 情 百 萬 餘 加 合 得 縣 + 具 白 吊 九 兩 以 使 派 飛 四 口 呈, 取 + 1 本 司 糧 吉 嚽 石 派 + 九 戴 餘 府 歲 儲 撫 水 嚽 所 九 縣 兩 夫 均 九 坐 按 道 木 石 書 帶 分 雜 縣 批 老 馬 如 成 管 X T 銀 是 庶 + 派 委 每 每 加

派

銀

或

Ŧi.

錢

或

六

錢

如

永

豐

加

至

+

錢

川

近

年

部

寺

加

派

何

啻

數

萬

以

故

各

縣

每

石

等

縣

復

以

T

可

均

而

糧

不

口

均

爲

詞

查

得

錢

水

部

獨

文

遵

承

兩

院

批

允,行

\$

刻

板

布

示

而

安

福

歲

有

所

加

故

也

本

年

七

月

内

案

奉

省

府

明

每

石

己

加

派

銀

錢

Ŧi.

分

有

零

蓋

部

寺

坐

派

言 之未 夫 乞 應 Ŧi. 司 通 銀 也 里 册 水 之 貧 謂 分 常常 甲 毫 坐 預 省 融 銀 可 糧 富 無 新 惟 千二 考, 派 議 均 几 也 近 自 審 所 八升,永 使 年 亦 淦 安 之 裁 百 該 派 規 辨 也 等 糧 於 而 何 福 數 額 ,未嘗獨 百三十 避 前 本 不 ___ 民 日 嘗 ___ 不 十 二 劄 數 奉 府 安福 永 + 未 有 豐 口 在 糧 以 以 使 黄 新 均 仰 Ŧī. 然 之 規 九 内 科 便 九 司 大 兩 路 累安 獨 升、 也 帶 則 府 縣 糧 八守議 則 民 明 兩 則 當 仍 之内 徵 連 縣 七 情 文 九 爲 T 衝 均 福 初 夫 前 升,永 每 升、 亦 差 處 繁 以 每 爲 併 派 一前 科 以 糧 祇 不 祇 前 急 \equiv 牽 濟 六合之 有 應 已 永 可 石 此 則 豐 錢 缺 輕 Ι. X 石 豐 夫 應 加 均 派 九 稱 派 與 用 應 Ŧī. 重 如 夫 派 馬 派 矣。 亦 安 銀 縣 重 差 總 分之 事 用 馬 銀 共 夫 馬 不 猶 几 料 難 賦 福 舡 几 奉 得 該 馬 安 原 疑 T 分, 銀 糧

弊。

而

今

議

每

石

派

銀

六

錢

几

釐

比

之

初

議

將

府

丁

糧

分

作

+

年

与

年

每

石

派

銀

 \equiv

錢

Ŧi.

分,名

日

里

甲

均

平

正

所

以

革

偏

重

之

費

嘉

靖

初

年

洲

撫

盛

都

御

史

奉

勘

合

改

議

户

П

消

耗

里

甲

挑

散

實

納

見

在

之數不

彀

支

然

知

里

甲

輪

年

派

銀

無

輕

重

也

成

化

以

後

同

也

名曰

板

榜

銀

蓋

刻

板

以

示

使

民

曉

雖

里

有

充

實

有

碰

破

不

同

前

六

兩

之派

無

不

甲

每

甲

歲

納

銀

六

兩

以

足

年

派

辦

之費

以

後

每

百

户

内

分

爲

里

每

里

分

爲

+

不

失

先

年

板

榜

之

舊

杳

得

IF.

德

以

前

洪

武

0

二七七

祇

似

是

杳

規

福

派

言。 歲 以 秤 年 糧 辦 或三 末 H 之 平 不 之 其 文 + 得 人 歲 法之 今謂 分 ? 按 板 里 與 僅 租 九 X 榜 甲 意 足 輕 之 T 釐 而 月 均 則 乎 以 多 口 差 絶 平 辦 ? 者 抵 等 均 則 未 按 均 上 之; 之。 而 夫 聞 差 即 田 里 糧 糧 是 之半。 以 出 嘉 輕 凡 不 有 科 者 納 靖 可 重 謂 輕 則 皆 均,不 以 則 齊其 重 未 今反謂 爲 中 前 必 聞 或 輕 之 下 膏 本 亦 以 初 重 乎 之 腴 糧 大 板 重 起 也 ,齊 \coprod 上 異 榜 則 科 則 田 其 之 皆 先 爲 月 今

視 數 + 也 年 翁 幸 況 切 察之,萬 於 永 救 豐 民 爲 萬 翁 其 之宗 於 絜 或 矩 不不 體 當 之 與 學 安 單 福 異 教

寄王龍溪二首

吕

光

禄

至

承

教

劄

甚

慰

所

諭

籌

邊 傾 經 ,譬之甘 前 兄 論 道 學 語 露 每 悦 聽 病 \Box 之 调 只 使 高 是 人 又 當 臭 務 飯 腐 爲 吃 俱 悟 不 化 後 得 解 川 縛、 世 座 間 咸 不

典,不 之 出 能 爲 發 今 之吝 選 X 夷 京 疲 處」, 有 者 增 之自 [X] 乏 將 身 無 煽 師 1,至於 以 益 既 明 時 餓 歉 奈 亂 得機 使 樂强 不 障 於 莩 遍 不 此 我者,當 何 東 錢 世 成 盈 天 學 其 會,不 錙 謂 雖 南 糧 哉 章 下 胡 , 城 不 銖 時 便 百 毒 應 野 然 勢之 斗 處 即 抄 是 年 以 痛 手 可 也 者 忽 而 米 使 之 老 身 輕 諸 又多 而 難 所 良 虜 值 償 後 先 舉 度 凡 Ш 、平爲 遘 必 包 銀 生 終 支 浮 更 東 争 由 會 禍 \equiv 身 少 告 萬 何 錢 己 議 心 後 不 河 亦 將 言 懸 貴 不 得 南 儘 尚 卹 至 舉 ? 恐 槽 悔 宣 H 之 何 典 於 有 甚 樗 而 大 無 望 吾 老 此 盗 也 口 加 報 危 所 腹 斯 儕 師 出 措 又 以 甚 施 果 學 今 伙 竊 島 納 卹 手

兄 溺 漢 得 得 達 資辛 纏 曾 夫、唐 受取 絆。 也 天 不及作書,均乞道 有 若 幾 花 恐 與、子 或 人 僭妄,幸 願 亂 觀 應 世 兄 可 落 音 德 辟 情 將 落水,却 臣弟友之間 終 穀 俗 其 此 不 亦 耶 學 等 念 訝 ? 何 與 未 見 令人 濟 世 必 解 彭 至 ? 人 盡 Ш 論 日求 疑 洗 俗 然, 老年 格 僕 佛 子 而 物 是 將 實 法 空之, 兄、 無 漩 際。 來 却 無 異 緒 渦 人 救 乃 自 於 只 Ш 裡 雖 如 葛 老 焚 羅 説 信 羅 於 藤

竅

舍

歸

寂

其

何

以

哉

_

謬 義 使 竊 學 謂 有 即 虚 宋 取 此 知 寂 望 於 所 義 乃 之 寂 從 大 而 到 體 精 奉書 事 之 易》 之, 蓋 説 提 堯、舜 則 教, 謂 天下 出 是 甚 感 相 一之用 爲 應 感 傳 師 之 慰 以 門 體 備 來 第 於我矣 以 承 只 示 不 有此 義 鄙

> 不 也 於 尚 竅 一、一、其 憧 同 何 誠 憧 以 有 均 之 思 與 之爲 如 私 慮 以 來 爲 知 諭 《易》 迷 哉 識 乙 失 ? 爲 本 Z 日 良 感 也 : 原 知 應 憧 而 不 然 漫 憧 以 則 足 然 往 思 以 欲 應 來 慮 語 求 感 未 爲 歸 歸 者 復 復 症 光 則 之 候 大

然磨 之初 其 外 也 之 吾 以 中 非 體 差毫 其 先師 别 也 寂然太公的 者言 盪 見 又云 求 之 來 之功 釐 在 之言 諭 譬之昏 所 寂 其 者言 之耶 又 發 然 未 謂 乎? 失乃 之 若 世 之, 蝕之鏡 加 體,未 不 亦 本 古 至千 良 悟 則 以 體 而 有 師 知 良 氣 其 0 遞 云 認 免 里 知 虚 本 拘 見 旧 以 : 賊 有 不 本 明 物 寂 在 _ 昏 不 作 反 之 寂 良 蔽 者 蝕 知 可 誠 子 鑑 體 之 言 之 是 知 然 以 而 者 索 未 後 之 照 是 指 不 於 誠 照 嘗 吾 也 未 此 辨 爲 其 然。 知 之病 不 也。 精 發 覺 類 非 賦 在 之 故 之 明 畀 此 如

問 乎 知 天 夜 也 不 先 爲 非 也 僕 而 知 者 之 贊 氣 ; 然 ? 耶 覺 ? 於 寂 求 而 平 不 要 化 乎 不 猶 體 虚 此 明 虚 謂 日 足 ? 之 明 則 等 幾 稽 覺 明 盍 即 之 照 以 者 未 處 於 其 者 惟 自 蓋 愛 不 好 存 也 何 也。 然 逐 所 亦 不 敬 孩 觀 惡 鑑 以 聲 養 即 嘗 失 則 好 提 孩 之 9 異 今不 與 古 知 妄 其 其 夜 惡 之 念 提 體 ? 塊 覺 有 赤 違 氣 意 而 愛 不 之 也 平 所 求 而 子 之 謂 禽 寂 起 愛 於 敬 在 求 照 寂 之 虚 獸 之 是 毫 9 敬 誠 寂 則 於 純 則 明 爲 何 心 不 mi 釐 寂 體 虚 孩 平 爲 遠 寂 反 如 以 Mi 之 矣, 明 未 提 日 鑑 何 知 之 矣 其 己 辨 之 發 夜 之 如 譽 大 世 然 mi 與 矣 發 是 人 爲 氣 爲 謂 好 索 即 平 忧 學 參 之 之 惡 良 故 之 照 照 何

不 處 無 照 其 少 謂 滯 察 乃 口 謂 達 其 夫 相 脱 之 知 化 之深 學 未盡 近 來 相 久 信 精 久 之 神 自 至 命 當 脉 融 中 己 釋 間 在

主 謂 之學 也 本 能 據 年 夫 動 而 有 見 也 化 也 易》, ,譬之搏 矣。 0 静 不 原 不 撤 在 融 樂 虚 無 慟 字 動 手 爲 病 夫 而 釋 뻬 寂 所 考之《學 超 心主 當 達 朱公之哭 懸 寂 也 至 具 速 未發爲 不 在 頓 原 於 意 厓 足 於 無 夫 沙 在 於 而 非 盤 玩玩 以 求 豊 動 乎 動 捕 徧 鄙 求 Τ. 之, 而 錯 \approx 隨 静 要, 内 螭 弄 地 知 其 堅 脱 夫 所 顛 庸 人 也 也 故 精 覺 黄 苦 影 化 刊落究 字 以 寂 迷 沛 *****, 看 金 遂 魂 爲 於 也 融 存 以 失 眼 考 崇 已 場 遇 爲 謂 良 是 釋 之、 當 而 通 照 之 而 虚 者 非 慈 爲 知 乃 竟 之太 處 於 感 身 恍 也 養 見 耶 其 自 以 湖 工 以 六 也 之者 心 然 而 ? 之説 日 境 追 得 洗 發 夫 經 速 不 略 自 見天精 尋 止 熟 乃 心 也 則 起 彻 達 如 几 悟 實 無 所 退 以 知 後 11: 茫 是 書 意 夫 功 跡 藏 發 其 發 學 考 然 者 未 景 夫 早 爲 9 有 爲 有 所 慮 之 + 嘗 自 以 界 脱 年 無 不 T.

度 亦 屬 庶 覩 非 幾 聞 不 平 肖 此 有 其 所 知 近 裨 微 時 益 歸 知風 也 根復命、 之學,乃 煞喫辛 其 自 苦 性 處 自

重 龍 之喻 誠 不 肖 敢 仰 自 當當 負 出 ,臨楮赧然。 知己 Ш 來 多 矣。 已 自 若 知 如 斷 來 送 諭 平 責 生。 付 之 神

寄 劉 枘 峰

外, 覽。 夜 忠 鄙 體 劉 慚 生者 況 誠 少 其 、オ・ 附 有 孤 往 趣 雲 賀 拙 未 到 略、委任 味 莫 黄 作 快 野 知 謂 口 鶴, 門 想 安 所 頗 日 便, 竟 永去冬大會 見 負 切 與 一、權 徒 初 憂 草 世 力八字,少一不 相 心, 念 率 有 無 與從容於凌空白 羨 求 奉 於 想 慕 訊 世 亦 惟 飄 耳 無 只 公 計 然 毫 是 未 自 此 昨 髮 時 至 逸 時 永 得 補 症 於 己 新 也 水 蓋 尊 物 有

> 之間 不 知此 後可 復 有 時 否 也

之頭 二之動 外 吾 要於太極。 乎 支離 達, 煞分明, 夫復何疑 本 悟 咸 物,莫盛乎艮; 前 敬 也。 ? 義之門,本於 於于石之介; 非 流輩罕儔 故 此 主 獅 後 非 直 感 義 何 泉兄所 謂 寂 僕 知《易》非 思 應 不 之内。」 以 以 之所願 而 由 何 龍飛於深淵之蟄,雷 方 通 見 中 言乎? 慮 乃 也。」謂 乎? 生兩儀 成性 神知 歸 出 早 爲 而 効 不 者 年 夫 忠 知 1 於 之用,本 一之存 此等處 止 生四 失之 · 筮 設 義 子 也 近 襲 精 復 不 小《象》 也 義 而説 兄深 儱 由 也 何 之人, 象, 真 終 於 於 侗 孟 如 非 是脱然 藏 萬 生 於《 敬 知幾之神 ? 亦 子 奮 晚 密之洗 物 乎? 内 日 H 於山 虚 易 歲 聰 卦 也 始 》者 有 以 明 不 非 下 受 萬 領 免 特

573

道

今之爲良知之學者,於《 傳 録 前

言 助 事 謂 物 之 能 者 良 所 如 靈 屢 也 而 命 近 者 故 記 於 變。 爲 安 長 此 昭 不 11: 乎 知 而 提 學 今必 是 於 非 經 至 真 靈 不 知 雷 其 能 釋 今 文 矣 善? 切 昭 昧 也 是 止 池 大 害 只 也。 慮 謂 自 日 不 便 也 處 之 / 學 茫 將 苗 若 俱 是 隨 有 昧 格 故 功 一之明 甚 慮 故 至善 終 格 略 致 謂 也 格 事 本 物 知 亚 非 矣 之, ? H 物 强 物 隋 末 是 知 止 ? 格 ; 者 德 逐 物 致 在 便 於 以 若 而 若 二字 乃 物 始 雖 言 乎 外 使 致 皆 知 格 是 是 謂 謂 駕 終、 平 ? 先 之, 之 物 乎 而 是 知 養 知 纏 ? 其 空 而 不 先 師 功 心 自 之而 這 止 明 繞 7 本 如 後 感 復 後 所 之 以 箇 德 籠 來 此 知 則 知 能 而 而 字 起 體 後 良 以 足 爲 罩 如 怎 能 則 止 定 其 遂 知 辩 能 也 矣 得 語 此 不 生 今 慮 X 爲 通 而 儒 能 手 流 如 得 疑 皆 敢 知 則 說 亦 不 天 何 似 静 此 行 世 他 諱 釋 格 下 11: 又 於 無 亦 奉 口 切

> 胖 乎 蓋 亦 心 飛 介 則 在 口 良, 者 也 其 本 口 洗 故 雷 謂 毫 於 T. 德 膠 修 易 心 寂 以 爲 强 夫 於 也 德 言 之 於 知 格 之 又 此 之 藏 乎 覺 物 而 在 無 自 説 符 極 爲 之 使 物 聲 成 别 力 ; 良 功 然 乎 也 性 有 醉 龍 知 否 乎 之 所 在 而 面 乎 蟄 存 在 以 止 盎 後 ? 於 心 又 乎 背 地 精 如 無 不 不 ? 究 者 奮 前 義 形 在 其 知 之 所 廣 也 根 内 受 廣 故 人 謂 胖 心 病 胖 1 而 于 隨 之 盎 後 盎 廣 物 成 石 啐 生 之 體 天 腔 m

弊 爲 人 口 近 命」之説 皆 不 志 來 兩 段, 避 何 數 中 待 故 年 席 力 儒 子 特 曾 大 而 貢 知 不 地 與 讓 常 儒 而 死 泉 翻 舍 說 止 而 出 兄 釋 莫 後 辩 而 商 不 意 敢 排 有 訂 笛 釋 常 有 達 \mathbb{H} 頭 渠 嬰 之 子 仙 運 面 亦 其 嚴 方 不 之 其 而 鋒 仙 也 説 川 然 有 者 之, 座 其 截 此 修 咸 不 流 兄 然 不 性 屈 肖 於 分 修 知

耶 以 令弟 瞪 而 自 此 ? 參之於《易》,莫將 目 念 意達之梅 處 兄 孱 以 求 平. 望 薄 諸 暇 日 心 賴 若 煩 着 而 其 復 園 將 實 倡明此學,可 不得 先 爲 用 中 生。 虚 功, 舊 庸 語 雖父師之言不 見 **>** 而 僕 以 細 在 其 贵 相 細 胸 頓 以 誑 以 體 中 言 悟 傳 作 認 自 語 則 世 障 待 有 取 過 敢 勝 不 亦 早 更 荷 者 煩 E 及 忍 夜

與宋望之侍御二首

從

之門 切 耶 則 色 耶 於 ? 唇 足 亡 户 今天 是 糧 也 战 當 下事 料 寒, 急 鎮 之本 爲 主客兵 馬 門 勢莫急於宣大。 生聚之計 疲 户 色。 木 撤 之糧 極 今折 而 矣, 堂 料 奥 色 萬 欲 虚 且 計 歲 宣大, 不給 勢 爲 例 謂 不 生 以 不 聚 能 京 白 況 足 支, 萬 師 本 莫 慮

矣,誰 勍敵 實支。 不 神 灘 之 措 鎮 哉 計 又 人 塞 足 司 而 農據 之種 謂 永 以 ? 險, 巡 禹 處 不 下之 閩 而 利 講 爲 疏 多 肯 議 之 屯種 莫 掣 雖 度支之責 之耶 者 驅 納 田 鑿 紙上 用 者 犯 亂 慈 險 肘 難與慮始 諸 樗 或 미 北 謂 衆 將 石 於 父不能令其子也,計 ? 百 種 鹽 凡 至 之 腹 人,北人 灘 議 通 見, 龍 之費 年,豈 或 與 利 額 空 不一 金矣。 今 桑乾之 而 門 否,牧 不 槽之士 數, 功未 河南 啚 而可 至, 操 不貲, 勞 不習 而 難 不 出 舟 者 漕運 通 馬 徐 成 經 有 而 與樂成,人之情 内 Ш 者 馬 不 之 之 始 待 州 勢 不 派 水 帑 東、 , 披 如 永逸,不一 爲 計 場 功 納 耶 吕 而 以 必 利 履 哉 第 ? 西 仍 地 梁 補 人 責 堅 而 |之漕 平 間 方之 在 將 江 將 之 執 其數之不 蓋 以 義 與 地 有 之 議 夫古 撫 何 _ 鋭 應文 豐凶 輓 否 知 費 + 其 贵 臣 鎮 乃 所 以 也。 後 之 之 格 禦 爲 今 出 商

575

成 計 敕 李 費 鎙 世 源 行 數 人 Ш 屯 過 況 一部,其 事 道 當 次 積 H 流 户、兵、工三部 竟 查 而 桑 而 口 則 議 長 出 功 慮 兀 順 博 相 河 煩 度 而 於《 望 運 自 非 於 其 運 看 + 於 急 其 昨 遲 内 船 日 此 則 勢 里 非 差 漕 漕 會 督 遲 并 夕 帑 己 商 而 屯 百 惟 撫 運 問 運 不 帶 口 三年,而 而 舶 人 利 世 得 之 當 而 壩 報 渠 疏 排 同 博 導之, 差 魚 之 往 監 無 村 必 不 則 之。 斤 貫 南 亦 内 利 將 詢 督 稽 與 以 口 排 作 略 而 欲 平 人 之官 亦 舜 謀 其 墨 此 則 通 之, 估 進 知 綽 再 謂 ? 澤 之於 内 龍 彻 爲 無 度 數 水 疏 措 詳 亦 而 可 召 灣 累。 行 而 不 其 利 語 當 委 耶 處 舜 行 閘 爲 賢 H 可 當 費, 官 末 之 之, ? 澤 則 責之户 其 晉 昨 素 謂 能 與 而 難 閘 朱 之 以 見 具 有 親 户 亦 者 然 口 而 之, 景 富 圖 部 泰 疏 志 歷 往 使 不 而 亦 浦 强 必 乞 於 其 知 鄙 在 Ш 萬 反 口 不

> 南 城 之 疏 並 傳 也

也。 方篇。 二 萬 良、平秉 足食之 今之 而率 訓 論 鉞 無 者 練 無 之法。 將 策 每 即即 無 詳 所 可 有 於 自 施 采行 策 戰 庚 其 守 而 者 戌 能 户 來 急 矣。 、兵 ,足食之 於 不 簡 幸 疏 啚 相 選 無 無 之, 策 慮 召

千

募

萬

雖

惜 若 恐 上. 也 官 果 説 0 勞 有 大 下 後 籌 永 事 爲 教 疏 邊 國之忠, 衆 若 將 逸 一,萬 得 疏 來 論 元 更 議 世 方 無 覆 之 雖 翕 相 下 施 然,所 利 合 哌 丰 行 也 天下之力 稱 處 乃 憂者 舍 目 不 前 此 但 所 爲 更 文字 大 無 之,當不 費 他 不 功 貲

南

野

下

世

吾

道

失助,

徒

有

撫

心

之

痛

答 唐 荆 JII

何 天 奈何 意 其 將 何 哉 ? 眼 中 不 復 有 斯 人 也 奈

熱以 沉 心 道 儘 贵 得 士 具 無 語 ,足矣, 作 可 風 題 留 主起,豈 則將 快目 ,乃復爲望之一 得 讓 浮 也 難 乞病 淺 人 第 意 來所趨,不 贵 但 前 動 極 賢 疏 無三 等 矣,若. 已至, 可 此 也 洞 低 據 與 耶 П 數興起者耶? 道 ? 所 頭 他 乃 中告 當 有豪傑之士 知何所底止? 與 有 道 人 陋 無 世 邑汙 以 做 者 矣, 不 俗 孝 ? 屢 覆之 哂 子 養 隆 至 望 矣 角 老 之 從 理。 恐不 如 大機 伎 親 脚 自 天下 或 讀 倆 此 跟 身 隨 銓 好 會 是 路 闘 書 氣 俗 F 事 痛 鬧 譚 力 浮 做 蓋 時 亦

之中 茫然無際 鄙 如 破 舟 惟 浮 有 巨 悵 海 歎 隨 風 出 没 於 顛 濤

> 渴, 吕 光 禄 至 領 書 貺 不 但 悉 起 居 慰 懸

而

番警發

拜

賜

良

多

平,而 者, 安、慮 而 不 之所 止」一條漠不相照。 銀 是 格 即 備 鉛 推 識 物之説 如《大學》古本之復,真 性 也 講 取 此 生焉 妍 命 銅、 學自嶺 他 者 媸 之 無 孟 凡三 本 即 源 所 鐵 葛 子「牛山之木」一 輕 來 知 來諭 藤 變,至「即佛氏 南 重若 神 面 錫 而 末 目 應 攪 無 倡 説 數 其 之 作 有 夫 所 之,至 中 樞 取 學 時 語 不 之所 是取 至 於 器 或 知 原 却 等。 寂 知 陽 參 無 章 其 是公案。 素 之常惺 止 日 明 是 和 一,獨 與 具 之 虞 而 物 佛氏 也 則定、静、 經 者 鑑 淵 後 有 而 文「知 空、 惺 手 大 取 口 無 蓋 而 金、 段。 明 .於 類 衡 物 寂 今 只

確 之 此 惡 苗 原 違 调 H 實 源 是 令人 已 之相 以 禽 夜 頂 槁 獸 發 之 際自見,幸 灰 門 於 矣。 近 平 不 所 心 ,卒之病己 遠 上 静 日 息 默 針 龜 中 清 故 坐, 乃 Ш 明 以 往 甚 爲 格 之 體 參 聖 : 幸 程 物 機 夫 懸 之 病 甚 門 者 喜 夜 人,不 絶 此 而 1 高 不 氣 怒 學 心 乃 弟 知 哀 不 也 天 待 於 養 樂 足 而 機 其 E 夜 未 其 以 來 發 子 氣 存 發 所 諭 脉 往 以 虚 之 傳 路 絶 視 求 則 寂 不 中 利 的 好 之 其 而

方 成 其 下 何 苦 以 奈 圕 俱 何 省 視 不 趙 故 浚 知 悟 爲 自 事 谷 過 方 恃 忠孝 耳 硬 受 大 争 之 鑪 雄 勇 風 向 錘 略 而 前 昨 而 於 真 又 歲 遽 臨 闘 惜 \$ 取 事 中 無 П 敗 而 好 籍 有 懼 友 聽 豪 由 好 壓 調 然 忧 謀 得 奈 也 惜 他 而

海 耶 ? 僕 如 早 夜兢兢 葉 之 舟 莫 承 知 重 所竟 載 況 皇恐皇 重 載 而 恐 浮 諸

> 者 有 見於 但未 尹 未 司 面 發 成 證 之中 到 其 京 來 歷 得 而 耳 詢 於 道 管 何 候 窺 幸 爲 疑 何 慰 若 幸 有 且 所 謂 取 執 焉 事

物 之過 之所 瓦 煩 也 思 知 歷 異言之耶 礫 俗 聖 0 可 而 未 多贊 學 動 高 以 以 障 知 夫 發之表 性 耳。 之來 欲 長 折 爲 ? 氏 知 久 毫 之欲 經綸之實 衆 夫人 聖 歷 而 釐 之 德 止 生魔 與 學 不 來 千 也 而 也 二氏 生 己 之 里之 説 歷 而 至 其 來 也 乃 謂 虚 介於二 同 則 於 歷 静 付 虚 微 而 於 常先 乃 之鳥 枯 寂 而 天 受, 聖學 氏 槁 非 止 又 之 之 吝 氏 性之體 有 寂 知 也 考二 性 思 所 嗇 鄙 其 而 此 也 之, 尚 虚 過 感 所 氏 特 無 不 也 半 以 之來 感 謂 天 可 其 情 異 矣 口 見 於 爲 地 以 寂 百

甚幸甚。

者,執 性之所 之以 之間 之機 卦 也; 遷,不過爲宋人張一 首章備之矣,參之於大《易》之咸、 物之情 得之爲安貞,周 於是聖人之學必先立乎其 白 盡發其 沙 謂欲 ,則立象之意可 所 知覺爲良知者,特緣情流 緒言》具 天下 可 有 以 前 見 非性之所有,亦不 藴 萬 梏 矣。」此 故 動 童 有之中 在 於欲 得之爲 曰 : 牛 · 可 而 其 覆 非 赤幟。 一目 戒 也,夏得之爲 「觀其 來 性體 視 於履 潛龍。吾夫子於 歷 也 「而盡 大 所 大 ^ 生生自然之用 可 較。 霜 感,而 傳 也。 之。 以 也 習 注、逐物 《學》《 艮、坤 豫 艮背, 録 若乃 夫欲 天 夫 故 節 地 生生 執 要》 庸 變 今 咸 萬 爲 復 中 商

奈何 御 諸 札下 公、恐他 奈 倭 何 · 内閣 難 日 日 者 熾 無 餘 本 再 惟 詞 川 兵之 以 善 僕 白 養 日 自愛, 也。 罪 在 何 冰 聖 所 苦節日甘,幸 淵 上 辭 藁 ? 南 席 顧 而 以 甚 當 待, 切 事

寄陳芹山

衆、 成之機 公任 不謂 財。 安,京師安而後民 食足 之安危,係宣大之 者 命,未之前聞 生財之道,以此施之承平 勢若 戡 寒心 兵 今宣大之强與 今之論者,謂 事之忠,不以 邊 定 則 以 疆 相 禍 哉? 反 鄰 啚 指背之 亂 安攘 朔漠,秋 而 也。 概 實 夫生之者 以 則 我獨爲 生裕,而後府庫之財皆 目前要務 强 輕 又 及考宣大二 否, 施之, 相 不可 弱。 高 重不 成, 執 氣肅,經 歎,幸萬 則 事 而 泉, 宣大 待 作 惟 可,非 身親 在節 可 第二 言 智 食 鎮 以 强 矣。 者 之者 見之, 畫焦勞, 財用 之 致 灼 萬保 而 義 謂 人之 後 額 見 容 夫 看 寡 京 重 軍 京 夫 民 而 而 原 死 畜 誠 其 師 師 相 足 口 知

然之 之徹 之 者 之 杞 卵 即 以 爲 今所 各 下 上 也 也 不 「,譬之 側 人 ? 可 又 虜 財 生聚 + 料之兵、 人心 而 之憂 何 財,破 有 贵 覩 詘 存 口 又於京 與 空 不 不 富 僅 爲 其 拳 樂 厝 或 惟 思 山 禦, 萬 無 强 計 馬 爲 大 赤 有 火 大 數 劉 也 之 萬 所 今止 師 兵 壞 手 積 家者之所皇皇 磽 而 君 非 謂 百 ? 策 控 之安 磽 薪 口 口 m 口 子 萬 爲 訴, 以 今二 極 呼 以 不 六 以 日 謂 之 特 之費, 知 古 費 危 自 而 抗 食 七 不 所 寡 未 時 北 外孰 鎮 撲 其 不 方 萬 取 得 之又寡 先 然 馬 務 門之鎖 而 之乎 積 甚 張 ; 不 强 不 憂 若 耳 可 之 馬 之 相 弱 係 也。 聒 後 哀 , 0 1 不 俊 虜 ? 慮 之 E 五. 胥 口 鳴 矣。 而 費 萬 料 鑰 極,危 傑 六 其 孔 厭 務 於 安 而 即 抑 而 子 萬 哉 爲 有 而 將 火 爲 詘 口 顧 即 早 不 不食、 餘 日 若 矻 未 道 安 集 竭 勢 醜 可 平 不 而 兀 ? 者 矻 陰 未 之 天 炎 類 纍 節 抗 思 0

> 今之所 報警甚 有 安社 謂 急 稷 臨 社 臣 稷 楮 者 臣 草 以 乎 率 安 ? 社 昧 萬 稷 無 爲 他 悦 該 者 也 0 適 公 古 非 出出

寄李少泉書

孰 以 年 於 斷 飛 弱 以 六十 重 身 相 勘 遂有 復 竊 耶 處 知 往 人 念 ? 四 被 寓 其 青 自 牢 自 歲之後 平 逮, 地 浄 平 4 籠 此 陽 峰 之 生 喜 又踰 謝 致 外, 興。 獲 自 耶 絶 仕 官 奉 裁 年 如 人 憂 於 至 已以 數 始 吾 間 狷 耶 兀 尚 書 得 少 世 褊 + 勞績 書 爲 懽 釋 泉 矣 不 Ŧi. 慰 幾 耶 布 宜 歲 0 被 不 歸 衣 於世 之 劾 癸 人哉 謂 之極 前 憂 卯 業 傷 V 與 ? 假 緣 弓 起 踰 轉 懽 **\$** 設 用 未 高 口 年 潼

保,可 來,斷 之所 修吉 成 部 幾 栖 不 可 可 希 敗 尺 可 字爲訊 司 口 遲 l,當自· 利 能 廳 就 寸冀 冀 而 能 Ш 以 送平生 愧 尺 鈍 盡 悖 始 澤 意 是 寸爲 者 X ,付之天定。 者 如 有 心 諒 得 勉 不敢 其 謂 經 汗 無 高 ,仰負故 中 詳 綸 知 手,而 幾 顔 П 得機宜 動 倫 不勉 乎 己 微 可 視 慮 定。 難言 雲 道。 矣。 道 漫 乃責 人多矣。 雷 自 以 臨楮悵 也。 Ш 即 鴻 難 今求 之屯 潔 附 子 求去, 所 冥 言 諸 於 作 知 己 遺 不 玉 去 古之逸 遜 己之望 書 傾 肖 田 而前 潔,明 言,凡 殊 數 不 即 幸 反 得 不 可寒心。 四 乎 甫 此 自 一,若 摇摇 求 民 哲之 心 又不 未 補 出 天 夫 力 本 筆 通 Ш 地 庶

此

江 吴節 推

所

明

非

細 看 來 諭 不 免 尚 爲 文 義 纏 縛 學 貴

> 知 於 本 本 原 知 Ι. 得 夫便 本 原 難 則 透 更不 底 必 攙搭。 才 攙搭

> > 其

善 者 明 我 學 人者,以 不可不謂之良知,但 夫,致其良知者也。 非 從 云者 ? 我 》經 數 此德之形著動 則 事。 之明德,光天之下,至 語 其 是 與 文之旨 明 1,是揭 日 何嘗不是? 天下 其 明 明 : 而 自 德 德 徒 1,言明 出 爲一 良 私自利 親 之 張 明 知 實 皇 民 變、 德 家,天 即 於 事 乃 明 有 知覺不 旁燭 明 事 親 至 自 却 德 内外、 民 爲 明 德 善 有餘 有 地 者 不 者、五 無 之本體 之功 病 於海 萬 可 知 蓋 親 疆 而 存發之分耳。」 痛 物 以 止 則 言 也 用 E 隅 伯之假 爲 即 ,●使 德 明 也 體, 推 蒼 良 在 親 德 何 而 詳 生 知 之 故 明 人知 民 蓋 止 由 也。 莫 大 至 而 云 欲 大 在 而 Т.

0 親 明 康熙本 作 「親民」,可從。

九

覺 之安 以 修 外 知 天 所 之量,不 安、慮一以 者 爲 何 蓋 條 究 與 下 , 愛之 ·文致 幻 别 物 Ŧi. 均 知 感 相 吾 吾 吾 之 慮 妄 伯 有 之爲 明 二氏 而 中 言 儒 故 知 發 彌 儒 大 明 以 德 遂 明 之 於 綸 也 百 果 德 感 即 良 便 貫 通 之 明 所 親 是 參 親 非 毫 此 而 之, 知 乃 是 於 故 德 以 贊 民 民 致 遂 意 之 皆 以 或 世 明 至 感 之所 之 異 知 而 的 通 欲 知 親 之故 不 人 明 善 實 然 於 而 之外 明 天 作 自 止 足 民 倫 德 似 用 彼 遂 止 虚 言 德、 下 蔽 用 似 物 以 於 則 也 者, 靈言 通 而 别 之故 , 彻 正 言 也 理 天 充滿 或 親 止 下 有 而 與 全 爲 下 知 治 身之 民 而 其 之,則定 文 知 以 心 首 平。 在 根 無 止 吾 不 在 體 格 止 明 之 感 通 塵 虚 知 故 其 物 德 虚 句 感 物 知 格 知 而 而 靈 至 中 覺 靈 及 氏 則 物 應 即 寂 遂 親 不 本 止 善 矣。 静 言 之 第 致 知 變 滅 身 體 通 在 此 爲 云 民

> 惋 只 賢 當 得 東 致 三字,言不 能 亦 其 良 於 貺 内 致 感 南 之,牽己以 惟 用 知是未 力者 個 領 之 賊 寂 外 而 V. 野 愛 果 然未 禍 存 遂 體 體 惟 東 狐 發之論 通 以 用 并 容 何 發之中 發 外道 達 白 從, 謝 於 時 便 處 其 原 寂 毫 自 又 餘 而 收 ,近之矣。 逐 用 然未 體 可 能 人 解 將 俟 物 而斂之, 寂 痛 立 力 ? 物 面 以 而 而 然大公的 發 而 安 也 來 悉。 轉 111 令人 乃 處 用 ! 排 順 以 沙 何 昨 直 雖 自 應。」「 得 知 陽 切 如 收 窮 生 極 覺 明 帶 仰 何 本 斂 高 到 而 爲 先 致 便 屋 爲 如 體 之 手 底 人之所 良 知 生云 説 7, 之 營 自 口 便自 之 知 能 歎 窟 也 亦 成 功 而

寄 馬 鍕 陽

自 執 事 赴 召 人京 竟 不 得 附 字 爲

把 心 未 柁 嘗 者 不 庶 免 歉 歉 傾 危 也 風 如 執 波 滿 事 自 地 是 惟 老 穩 稍 着 篙 手,

此

牢 口 保 無 他 慮, 然故 人 所願 囇 者 惟 此 耳 鄙 人

平

生

所

作

散

漫

不

存

稿

以以

不足

存

也。

惟

獄

他 存 中 齋相 諸 H 篇 而 覆 公題其首 聊 瓿 以寄一時所遭,兹欲 ,見二公姓字 請 執 事 當當 著數語 有 不 併 忍 於其 爲一 下 (後,使 部,請 手 者。

非 林 口 泉 鍾 秀 陽 才 司徒公,不敢别具,幸致意 公其 倭難 誰 流 ? 離 僕落莫 而 立 齋 無所贈 尚 在 土 但歎 存 殁 息 所 耳。 賴

_

期 衰 召 老,無 「畜極 。念之悵 恭 惟 緣 而 執事久勞於外, 出 然 通 南 ,道大行 浦 薄 圖 具 見 也,欣慰欣 面 别 此 譽命 意 伏 後 上 相 惟 逮,綸 慰 見 原亮 邈 不 第 音 愧 臨 口 下

楮傾側之至。

≕.

當知自愛,以免故人之辱。 寒 存,幸而 達 以 詞 疾作, 當之, 至 義諄 是月望前, 是 切,真若弟子之於 尊 此 遣 感 翰 甚潦略 家 激 如 感激 人 故, 接左右往 齎 來, 幸亮。 E ! 足以 至 領 豐 書 歲 先 慰遠 城 承 不宣 杜 師 八月所寄之書 門却 被 差, 愧 懷 盗 以 衰鄙 也。 掃 病 杞 衰 適有 無足 菓 久 不 不

寄李克齋司馬七首

見。 求 去不 今四年於兹,又無尺寸之効,更何 豹自入京師、竊意得機宜當速求去, 可 得 又竊 謂 或 口 計 時 効 尺 4 以 詞 É 以 己

不 節 故 其 亮 方 才 下 報 勝 聞 如 順 難 多 廷 也 知 傾 自 執 事 己 論 計 保 事 每 翕 切 悼 匠 倭 者當 對 以 然, 傾 旧 慚 縮 虜 **\$** 啚 不不 切 沮 作 手 共 兄 顯 之,始克有濟。 歉 代 難 切 但 揚 1 負 斲 爲 隆 南 起 而 汗 以 中 出 居 久 副 人 之 顔 相 稽 徒 天 想, 煽 血 訊 下 有 家 指 候 不 乃 之 必 瞻 惜 非 者 望。 謂 以 得 懸 也 所 復 菲 出 鄙 論 臨 伏 有 衰 群 今 衷 也 楮 惟 當 之 大 天 口

_

之幸 何言 地 久 矣。 不 ? 口 出 往 望 期 彼 \$ 然犬馬 不 兄 時 少 竊 謂 多 宰公行, 意 之心 復有 矣 與 1 兄 今日 實 至 相 嘗 未 於 見 附 C 嘗 負 主 唁 非 敢 或 恩 達 風 之 有 曠 記 波 不 罪 蕩 室, 兵 盡 則 野 革 知 又 之 H

> 舍出劍江一 及三二故人,即 恐 手 兄 途,淹滯太久, 不 才 而 免 望 廷 也 壓 論 人 方 面,以盡欲言,幸 有 僕 翕 急欲 H 以 發 翕 是 舟 適 推 擕 日 雲 克 歸 抵 禮 雷 齋 以 南 當 俱 啚 浦 將 趨 屯 · 基幸 甦 弔 來 謁 息 衆 墨 甚 謝 以 皆 縗 1 倘 諸 妻 避 從 蒙 當 孥 舍 事 在 路 枉 縮

_

非 以 之 常 得 指 本 請 願 有 不 剖 令人 心 教 未 之 受益 江 也 事 遂 口 覽 之晤 耿 哉? 西 畢 吾 良 耿 塘 多 發 儕 ? 能 0 公 下 自 道 庭 年 浮 可 有 其 無 前 契 牛 以 V. 吝 詳,不悉 闊 雙 歘 自 命 批 鳳 0 歙 處 快 示 此 齊 也 勝 鳴 心 本 傳 會 蔽 兵 萬 贵 文 惟 錮 奏 人 角 賴 難 稿 東 間 附 所 安 Ш

四

悵 語 原 也。 等 運 光 自 卹 然。 非 功 微 瘡 也 是 幸 堪 經 此 業 痍 檐 側 味之。 世 學 中 聞 頭 讓 安集 着 出 或 術 日 榮 他 眼 御 重 世 召 商 虚 人 老 賴 不 戎 保 做 賈, 品品 名 眼 得,吾 狄,守 障 哉 鐵 不 亦 相對 尤目 ? 脊 江 是療 不 淮 梁 爲 輩 多 僕 前 之罪 邈 心 上 之不 至急之務。 竊 如兄 肩 計 丹。 不 爲 頂 多矣。 可 成, 勝之, 世 當 此是 可 期 道 交 本 以 助 臨 歷 直 淺 游 第 叔 而 喜 練 風 道 故 季 撫 之

五.

伏承書幣專使遠辱林藪,獲悉所願聞。

矣。 之地 却 如 任 甚 論 又 召 今天下 是 哉? 知 未 募 慰 即 旋 已聞 幾, 鐵 有 其 如 淮 事 論 感。 羅 今天 遂 邃 爲 揚 兵聲 勢 列 漢 翁 保 又 收 莫 并 也 障 下 殘 此 奸 大振 陽 難 之圖 奉 破 出 事 萬 明 伏之奇, 於 讀 勢之 之尤 頭 竊 無 兵革 辩 當 先 又難 自 以 謗 必 者 事 生 餒 爲 之 已 然者。 兵 者 之 積 慰。 疏 足 革 幾 難 而 毁 人? 外 以 責 莫 忧 皭 銷 既 論 如 破 之 難 然 骨 得 學書 僕 賊 以 於 執 1, 今何 口 如 邸 不 之 開 事 殘 兄 念。 報 足 膽 抵 創 破

六

帙

去請

教

得 夫 歟 免 ? 污 大 丈 挫 但 夫 不 口 出 也 知 世、必 成功後 如 執 有 事 此 所 建 其 心 V. 與 殆 無 此 縱 愧 氣 無 少 於 所 有 大 建 丈 加

之皭 甚 傍 默 也 損 萬 所知 書 慰。 否 勿大 ? 求退 然者 云 無 鄰 相對 近前 是 今之號 則 家 即即 且 絶 理 便 林 無期 少,此 勿 爲 不得 不 火 動念, 遠 爲 是 方 口 臨 拜 鄙 講 已 急, 好 免 風 嘗見 書 消 學 人 而 於 悵 者, 幣 而 之 息 從 斯 然 兼 欲 朱文 所竊 也 世 官 其 高 0 悉 出 公 枕 惟 執 慶 起 與 於 遺 有 事 或 而 居 處 焚 名 韜 趙 深 不 甚 溺 恭 實 幸 晦 喜 如 之 父 者 感 方 爲 静

恨 揚 遠 歲 月 寧 至 病 兼 未 廢 僕 南 無 自 獲痊 轉 之 前 能 教 而 冬偶 爲 愈 金 惠 天下 陵 感感 以 得 定 致 頌 愧 久缺 功 疾 也 何 施 如 修 幾 顯 生 於 候 赫 男 翁 不 之 當 免。 北 乃蒙 望 時 行 鮮 仰 專 而 淹 儔 勞 使 淮 延

> 不 悉 惟 故 勉 力 以 事 聖 主 爲 祝

人

知己

深

以

爲

謝

使還

力

疾

附

申 萬

諸

雙 江 聶 先 生文集卷之八 終

雙江 聶先生文集卷之九

寄 羅 念 菴 + 六首

昨 有一書付 不盡 段 承差,託羅 知 印 ·致之。

發

去後、又覺有

處

伎 個 既 數 水 貴 倆 信 聰明、有地理之才者,惜其言 作 悔 柴子,主人樂者 即 縣 古之深於地者,或不如是。 如「移居是身世 士 此間 夫多言 不 無 好, 有 便是真 又有 所不能免, 大 病 言穴 龍。 痛 在 語 (宜居・ 柴子 猶 又何必 陽 此學 是 左 想是 時 田 者 須 師 風 數

> 自 主 張,無因人言便生支節

悔? 感物 「止其 傳既 其人,無咎」? 别誤了 老遮瞞到今,又爲小《象》「志末」二字 《易》,讀者又不省究,聖人一點精意却 悔 頭 量 管 云 示人,可 腦也。 ,致戒於憧憧,而要其 、破綻,只合於功程中究竟,不當 毫 不 脢 取一止 口 即 相 何 背 所」也? 不能 商 誤 如答董蓉山 以 謂 咸拇,咸腓,咸股,咸頰舌,皆言 蓋志末是言志 肉」,非「艮 量 復言 探 而 若謂 處 感 月窟 説 雖 物 此豈近 「咸」? 何以言 -, 更 便 而 而 顏 一書,循 無 是 其 子亦不敢 躡 又 時一種 拈 「不獲其身」、「不 天 背」之謂 無私 歸 何 毫破 、根矣。 出 塊 於咸 以言 此 「虚 係,乃云「 死 綻 可 浮淺譸 脢。 如 肉, 一見 直 寂 乎? 可 學者 此 二二字以 省 達 《本義 其 何 致 云 天 被 訓 張 背 得 不 疑 不 更 彖 德

見

無

能

的

X

於

商

無

佛

讀

得

可語哉? 兄無又鄙我自是也。

渴 佛 學 如 嶺 頗 約 北 深 當當 新 渠 兵 勉 + 憲 强 月 游 到 讓 起 任 溪 者 欲 會 讀 兄 好 與 古 廓 翁 得 其 之

_

於 必 跡 甚 m 古 領 縶 機 有 悉 應 孤 惠 濟 危 肺 會 如 至 王 則 此 再 貢 及 計 腑 何 然 兀 + 異 商 語 後 無 感 保 暨 夫 之三 不 知 所 與 兒 犬 屬 抱 行 出 謝 畫 羊 數 安 提 欲 止 不 先 排 知 孩 足 非 後 致 自 己 亦 言 人 到 承 所 皆 是 也 京 賢 念 能 以 真 相 及 承 論 爲 切 頣 書 麒 出 通 然 百 教 鹿米 處 家 曩 事 再 乃 之 口 以 書 義 縻 格 將 情

足 以 充 南 之, 野 長 如 逝 南 野 世 世 道 之悲。 一復有 斯 有 人哉 志 經 世 吾 m 道 1

> 步 造 體 片 學 是 於 痛 得 見 與 失 而 但 大《 段 有 再 爲 傷 雖 與 得 辱 死 助 深 闢 至 痛 己合 絶 南 不 無 易 當當 蹅 痛 日 傷 野 淺 混 盡 》發 攢 不 旧 跌 未 ! 處 沌 期 子 步 却 隨 難 故 不 感 發 也。 不不 夫言 不 言 真 人 此 破 所 應之 之 是 其 口 悲 0 外 見 當 中 學 即 南 學。」 語 吻 南 子 更 再 有 體 野 雖 須 野 長 門 先 無 問 精 嘗 自 惜 揭 以 又云 之 南 X 天 極 路 粗 云 家 道 其 短 野 則 而 程 則 虚 爲 亦 道 \sim + 進 兄 天 可 寂 而 躭 恐 路 節 年 至 : 之 弗 尋 悲 閣 言 以 無 要》 滑 步 吾 究 違 學 子 乃 日 爲 究 熟 才 道 只 却 之 子 子 言 竟 人之 見 惟 夫 須 久 是 是 勞 世 不 所 P 子 以 成 節 自 死

毫 遂 語 破 以 蓋 漏 所 兄 竊 自 執 可 疑 玉 省 爲 之 Ш 處 極 質 會 ? 則 IE 後 致 更 過 所 有 直 無 賜 不 分 語 復 毫 書 涉 敢 商 不 却 言 量 遜 時 之疑 更 有 無 贵 出 分 敢

當

不

及

門

人

諸

書

剔

骨

倒

髓

即

使

周

程

再

面

何

待

我

之

淺

耶

?

及

讀

答

董

蓉

Ш

曾

雙

溪

孫, 南 可 内 日 再 爲 大 小 向 而亡 不 遲。 僕 疹,今愈矣。 推 昨 廕 以 入營開 盡悵 妻篤 適 城 以 郵 及 工. 愛如 快 舍 冒 吏 敕 陞 便, 姪 之 **\$** 實 恩 孫 期 郎 先 廕 棟 故 豚 續 附 以 聘 兒 甚 此 今 乳 愧 如 其 致 頗 名 循 何 先 近 壯 ? 軍 例 懷 盛 狗 恐 嫡 資辛 數 生 長 搔 亦 不 之 不 H 曾 敢

拜 應 大 個 章 僕 不 教 以 及 劄 是 作字。 之 月 賜 廿 = 甚 及 日 慰。 作 舟 字, 次 廿 文 又不 几 江 抵 祥 家 得 盛 盡 連 來 所 H 欲 苦

自 出 京 私 計 某 月 日 當 至 桐 江 故 1 肯 壘 子 衛 里 Ш 定 也 言 以 恐 而 之,而 公之 堂 以 稱 復 雄 當 而 必隨 之。 之 貽 居 此 跨 肯 而 離 學,幸 己 處 燕 上,其爲 首 百 X 智者 其 所 不必 與 代 翼 謂 然 至 所 兄 此 此 甚 不免,而衛 枕 而 後 無 而 登 是 幾 非 幸 夫 籍 學 後 復 儒 龍 先 番 其 甚 子 旭 有 以 否 不 · 而 天 商 所 極 拙 爲 見 省 傳 經 量 知 稱 得 反 公子 來 太 使 豫 + 其 無 幾 者,皆彼 脉 Ш 推 期 數 他 疑 聊 番 荆 路, 頂 日 年 以 則 且 善居 勘 \$ 上 讎 與 粗 助 佛 願 騐 之 不 郎 深 詰 彼 老 略 世 室, 屬 復 溝 必 暫 棄 竊 而 而 擅 在 泰 合 諱 高 夫 擇 後 餘 據

多 覆 議 江 南 紛 此 拏 賊 倭 患大作,百 祖 或 宗 是 經 動 略 摇 \equiv 餘 奈 + 年 何 年 所 奈 而 未 卒 有 何 大致 以

撫定

言

奈

何

具

北

虜

乃

部

然,此 贵 事 慌 夫子 行 爲 榻 怪 邀 及至 撰託 喜 H 食 握 中 深 之 如 渠 境 易易及哉 是 用 手 庸》 脱 固 數千 姓 親 殿 司 毘 妻子 深 變之 而 摸影 探 污 空 已察 以 已甚 撰 行 陵 不 後世 文 静 谷 穢 之楚遊 得,怨且 以 異 從 響以誤 晤荆 里 根 足音 恐 鄙 其 荆 乎? 章殿 有 己 思 當 圖 靡 隱 務 述 出 念 111 之習 責 蓋 親 傾 而 見 己誤 焉」者之流 怒, 撰 遊 而 契闊 此 其 世 在 知 瀉 性 於千 之怪 得 \exists 非 不 方 其 體 逆知 老且 慕 其 之懷,五 不 口 情 謬 流 快 以 細 康 里之外, 肖 而 弊 也 蓋 1 9 洣 五 且 病, 其 不遂 節 如 可 殿 之不 譸 此 群 從 百 復 饑 吾 撰 縦 謂 六 曩 張 等 動 方氏 原 所 渴 弗 招 使 年 無 前 獨 細 途 舉動 此 斯 Ш 苦 驚 爲 之 荆 之 此 於 間 所 也 子 之一, 其 怪 中 修 慕 棄 111 有 聞 遭 人 了, 正 0 也 志 故 强 恍 雖 倫 团 好 簡 悲 古 殿 飲

> 釋子 蓋 不 此 祖 來 真 自 前 血 功 而 能 見 此 皆 期 渡 推 處 日 悲 ,亦自 之在 其 語 亦 精 方 讀 覺 中 故 速 子 神 三 來 發笑。 難 無 如 家二 拜和 歸 海 教 經 而 毫容 實 不 使 是 字字 也 歷 扁 以 際, . 妨 衣 煞 磨 舟 六 段, 字 謬 外《學 情 鉢 喫 之 面 勘 祖 蓋 借 不得。 句 落 辛 壁 喻 極 所 非 自 句 弟 苦 在 九 精 到 待, 此 録 五韻 念 沉 别 也 年恐 膩 **>** 何 輪 之 自 痛 渡 人 由 奉 竦 切 在 刀 人 册 手 Ι. 江 亦 見 見得? 家 骨 1 然 謂 課 附 時 也 是 招隱之意 陣 覽。 千 殿 令人 有 見 當 所 捉 萬 撰 輳 殺 解 亦 敘 瑶篇 筆 記 既 喜 以 泊 絶 不 人 至 得 Ŧi. 無 類 似 見 静 極 不

^{● 「}斯」,康熙本作「期」,可

遷 梁 敢 義 助 欺 役 然從 高 土 某 一木累 之 薄 明 貺 而 以 德 不 人,辱 自 不 胤 改, 文 敢 嗣 平. 前 公 不拜,感謝 未 ? 書 規 繁 仰 所 諷 歸 謂 煩 過 咎 勤 專 生 感謝 使 足 風 前 水, 華 帶 見 翰 來 肉 至 骨 有 而 之 拭 惡 今

小 葛 執 是 舊 藤 口 然豈 絆 見 親 洛 村 脚 但 牢 所 也。 來 洛 不 論 顧 村 可 護 大意 連 破,譬之 法 人爲 榻 之意 皆 同, 然哉 宵, 太 轉 只是於 身 堅 有 道 那 誤 者氣 步 格 法 之 物 却 象, 弊 又 處 爲 苦 不 自

執 甚 中 善。 應 用 來 只 中 夫大 諭 是 以 虚 隨 從 舜 懷 人 不 之中 而 口 可 以 及 吻 大舜之大 也 贵 大 然求 是 風 漫 使 其 無 柁 爲 主宰 所謂 望」, 爲 虚 聲 耶 甚 ? 善

> 下, 處 知 也? 乎 甲 懷 今 知止一 ? ? 止 使 虚 、安之。 龍 不 懷, 趙 嘗 Z 其 Ш 亦 甲 兄 一考《大 復 謬 知 只是擇 條,以 今不 然將 執 備聞之,兹不贅。 執 不 本 已 條 説 學》 使甲 説 於 其 故群 甚 定、 以 此 中之所 以 乎? 説 從 静、 處 書,其 説 於 Z Z 領 此 甲 安、 説 昨 略 則 處 在 則 勸 與 慮 精 艮 而 Z 而 又 Z 洛 微 几 執 之、敬之、 從 乃 勸 之蕴 曰 村 字 之 甲 以 甲 議 安 者 格 説 願 日 全 論 在 物 爲 爲 Z 何 爲 欽 在 虚 虚 虚 願

情,幸甚幸甚。 趨吊之期恐在月初,夢寐爲勞,

願

公節

五.

已 與 塵 郭 世 曾一 隔 友 層 П 辱 恐 書 當 教 於 未 甚 發之 荷 體 洞 中 更 景 親 切

意 也 舒、不 郎 爲 進 課 取 程 當當 所 窘 不 爲 止 上 於 舉 業 耳 9 但 令其 志

夫。 志 言 至 能 貅 也。 之意,以告子知心 論 如 氣 也 此 者 者 持 極 持 百 二以 及,今亦 高 至,到 + 次爲 之 志 其 萬 蓋 承問 下六句,是孟 志,便 志 不 之 進 明 告子 能 自 是氣之將 何 退 不 也 等差,又以 持 無 以 夫 ; 能 由 自 養 志 暴 教之? 次, 主 將,故志 無 盡 也。 也 客、 爲大,但 氣 暴 記 子分説 帥 舍也。「志 ; 其 其 輕 持志、 一條,往 志 氣 氣 説 氣。 之所 重 動 壹 是 自 自 不 氣 毋 公孫 自「志 則 志 當 家 時 可 向 者 暴 壹 之卒 動 分與 所以 舟 見 + 氣 則 爲 丑. 志 夜 也。 九 亦從 動 兩 以 徒 氣 氣 曾 可告 言 謬意 氣 氣 項 至 爲 之 與 之。 貔 動 暴 爲 子 帥 兄

六

之無 之《文言》,恐人於「直 直内方外」。 . 解 來 神 章 説 弊。 但 妙 也 飄 昨 染 動 裁 内 忖 今反 書託醫者轉 説 尊 皆 種 外 見 奇 種 曾子之學,專 人爲内 品品 不 拜 翻 無 也 賜 使 外 爲 方大」 人 詩、 字 一内 論 無 所 學 而 情 尋 外 木 數 用 無 薄 向。」夫子 景 尋 暮 心 語 此 於 俱 向 語 滴 則 悉 也,故 到 内 所 奉 僕 從 故故 障 來 於 之 按 柱 翰 説 所 傳 坤 故 縣 帖

中

風

日

佳

密。 吾 離 云者,言立感應之本也。 感 心 之 應 内 夫 妙 外 内 何 如 外、賓主之辯 用 形 形影 9 影 虚 之不 也 寂 外外 者, 相 明, 而 V/ 蒙 感應之本既 空却 本之 也 則 ? 反 當 要功。 求 蓋 下 退 感 藏 内 應者 7 立 之 而 本 脱 功 則

未

矣! 物? 處 非 也 變 不不 夫, 謂 化 而 與 云 可作尋 體 無所 「前定之前 不知 先 爲 懸 其 儒 謂 在 所 出 語 常混過看,萬 進 謂 未 意 無 反 豫 發 即 不 窮 之間, 合 之 未 者 而 0 前 發 豫 乃謂 之 即 何 而 此是 萬 中 於學 前 事 於感 定 今 前 問問 之前 蓋 日 定 應 之道 嘗 極 處 者 有 等 緊 大舛 定 别 是 語 要 説 有 何

t

才竭 中云 路 但 透 氣 漏 徑 免 泄 矣 歸 身 承 即 此 針 諭 病 芒之 吾之視 顔 , 即 耳 子 洞 日 吾 中久住 如 夕 之聽 即 語 以 愚 喫 習 正, 正 盡 竭 緊 氣 以 吾 指 才 亦 盡 盡 心之明 歸, 此 地 吾心 當 力 處 步 眠食有常」, 於 收 0 此 之聰 斂 焉 昨 曩 不 處 見 而 時 焉 潛 吾 書 容 消 會 目 稍 恐 中 而 語 也 吾 之 有 不 有

> 喫緊 問 習 費 此 本 有 以 之 人 耳 71 而 而 之倒 處 感 於 於 未 感 其 未 體 也 如 録 之才竭」云云, 收 無 發之中 喫 發 體 論 發 未 此 與不感, 中 安得一 緊 斂 持 用 統體 寂 嘗 此皆諸 不 語 則 ~,亦只 收斂 處 然 離 感 而 用 耶 者 摸 感 似 而 物之時」之見 即 不短折 從 精 ? 索 公格物 在 而 也 體 有 而 於 魂 若 寂 焉 别 顔子 以 然於工 發 後 此 己 生。「有 然 乃 有 歸寂爲工 也 而 處 落 如 之學, 以 平 兄 有多少精 中節之 耶 喫 愚 在 謂 爲 物 日 ? 緊 也。 氣 别 是體 夫則未之 體 全 在 彼 象、 收 其 信 人 夫主 不 和 無 中 謂 手 斂 數 愚 乎 屢 即 力, Ι. 學 自 矣。 即 意 語 未 宰 夫 有 空 此 惟 覺 及。 竊 近 感 發 術 而 體 主 非 是 其 只 之。 是 所 謂 之 寂 之 乃 宰 用 於 傳 大 謂 無 既 中 然 殺 耗

「謂」,康熙本作「惟」,可從。

0

斯 不 學 遷 有 不 主 貢 白 應 驗 年 木 可 以 落 體 莫 矣。 見。 兄 勇 往 承 當 則

九

要之, 洩。 透 也。 静 别 悲 久 善 慰 其 也 歎 有 以 三昧,而乃質之不肖 斷 恒 數 却是古 每 上 千 彌 今若此 臂 松溪 者 閑 月 里 近 不不 中 不 謬 段 理 面 在 聞 今一 處 壁 爲 謂 念 而 徒 京 動 無 是 秘 門 大 相 大豪 時 有 定 足言 密, 亂 何 下 繼 己 出 尹 殊 等 淪 真 覺 傑。 而 明 懸 謝 斬 之 有 趙 有 他 愧 懸 程 截 閉 識 只 感 斯 心 無 子 子 弱 耳 病 文 理 忽 更 以 有 辯 會一人 卒歲,公當 失 代促 承 無 知 竊 口 之詳 儒 助 翰 此 皆 以言 疑 三子 教 膝 塵 生 佛 其 **\$** 矣。 漏 之 根 而 信 不 其

> 哉 性 處 盡 吾 大 便 無 抵 (,與天) 有 ? 命 儒 同 是 所 明 者。 同 住 住 道 承 前 今之論 有 異 之論 諭 處 而 後 同 公欲 開 大略 一,才 極 生 相 體 示 謂 其 未發之中者,言 背 自 探 群 住 悉究 可 心 佛學, 其 見。 迷 便 而 以 自 意 初 其 死 爲 以 私 之 其 人 藴 非 凌 自 所 書 處 愚 跨 五. 切 利 贵 指 中 鄙 藴 古 倫 爲 有 品 所 却 之所 今第 皆 人 理 盡 品 得 只 載言 人 空, 從 1 能 能悉。 稍 殊 其 後 副 語 虚 有 ___ 義 亦 萬 虚 解 有 明 動 竟 T 縛 念 不 應 大 與 廣

通 變, 推行 舉 措 ,是吾儒 器即 的 大 道 功用 道 天下 即 器 化 後世 裁

彼

所

謂

生

吾

所

謂

死

萬

感

萬

應,一

無

留

情

亦便是

無

所

住

而

生

無

歸

一可究。

誠

使

虚

寂

之

體

無

時

走

漏

静

中

坐

恐於 借 賴 益 之以 外 信 時 面 得 無情 分毫 虚 生 生 寂 却變了症 足 者, 幫 助 以 非 但 佛 T 天下 氏 不 候 可 所 如何 令此 能 萬 與。 事 ? 物 萬 物,不 公入静, 作 頑空了 須 假 想

數 者 溪 甚多,諸 也。 數 所 實講 深 廓 而 恨 翁 幸自愛,萬 兄思 在 兩 也。 公獨 躬 簡 以易天下,而 踐」二語,煞精。 人生歘歙 俱 以 有詩 萬 儉嗇得 教,詩 公一 長年,此 舛 有 謬 浙中 時 至此 真聞 同 虚 事 盈 起 聞 非 大定 聲 宜 聞 訥 之 耳

令郎 欣 慰 無 近 使 量。 H 進,斯道之幸。 至,獲詢 進 修。 不 動定, 出門庭,無咎」,節 斂菴 兼 變至: 拜 翰 此 惠 并 口 之首 稱 諗 令弟、 難 事, 弟,

> 所使? 干。 要, 哉 ? 不 可謂 億 亦 有 磨。 有 佛 度 世皆以枯寂譏 二氏之學,想自 氏 來諭 西竺聖人、蕩 可 其不仁,但其作用 度大慈悲,普度衆生,冤親 今日世 知 至。 不能 性 仙 佛甚精, 知 程 不 天、 界 子 動 往往 混 極 遐 蕩難名之贊,豈 之, 亂 思 黄 亦 乎 以 至 也 帝 宏遠 可 而 無 此,不 孔 以 以 不 中 子 之説 驗 來 知 做有、化 與 傳 静 其 知爲 授,故 平等, 佛 中 真 謾 而 之得 並 誰 腴 相 吾 論 之 心 遍 夫 久 又 許 而 子 口 又

歇,幸道之。 近,却是舉子 令郎時義近 要領 何 如? 出得身去,便是出世 多記 多作,説 雖淺

595

每讀教翰,言 下 便 有 醒 佛老之學,被

是 不 IE][[他 知 意 先 尊 占 耳 我 師 見 得 又 船 得 高 而 一笑。 被 是三 晦 是 T 諸 公埋 板 良 程 傳 尖 知 子 習録 没 之學 頭 口 T 総 攻 節 佛 生 要》本 有 自 學 怕 人 先 附 人上了 其 師 欲 搭 實 而 發 恰受兩 明 陰 明 我 折 先 亦 師 自 臨

之,不 此 也 孔 其 方 更 베 孟 門 此 \equiv 載 子 無 一千之徒 諸 不 傑 龍 弟 家 所示 致吾 語 謂 10% 論 但 傳 溪 子 法 散 不 各 在 更 良知 欠諸 故《 語 漫 差 先 僅 條 無 謂 無 *****者 師 僅 者 中 ^ ___ 侯 孔 之天則,周 論 歸 之 有 無 人 庸 才 結 子 語 門,人 善問 不 宿蒙 三十三 駟 之學 曾 當 成 子 而 西 比 語。 於 甚 恐 屨 識 乎 非 河 之 有 感 章, 非 之。 滿 物 之 子 子 顔 顔 若 户 而 疑 皆微 曾 思 子 孔 外 今 何 而 不過」 不 門 亦 人 子之 則 奔 明 人 言 明 教 至 誠 謾 道 也 走 與 於 語 謂 非 月月 有 几

> 聖 是 推 皆 知 行 迷 識 於 耶 事 兄 事 已 物 物 眼 之間 看 破 等 渠 語 錮 焉 全 莫 屬 省 人 爲 岩 渾

愧 漏 水、 於兄之 洩 時日 處 兄 人 知 落 弱 神 己 禪 仙 之譏 也 之念 年 想 幸 不 僕 甚 内 免 不 幸 人之 足以 時 甚 乎 闘 當 撞 之,禪 俱 閉 恐 亦 又 而 是 無 風

+

許 主 篡 治 養 之徒,均之不經。 ,宣之口 弑 蜀 所 之禍 之 得 昔 昨 機 孟 宋望之自宅上 可 以 子 邪 而 甚 以 概 筆 説 言 見 學 害 諸 其 欣欣 術 人 書 所 晦 然楊、墨、告、許則言 慰 至 者 歸 來, 明 無 比 律 非 爲 之 量 具 細 之以 洪 氣 道 欣 也 運 丰 水 慰 楊、 盛 猛 儀 今之 無 衰 獸 履 墨、告 量 況 稱 夷 世 如 狄 道 静

生事害政,其端已大見於天下。使孟子復其行,非若今之背其言而馳之。生心害事,

生,能免七篇之載見乎?

答龍 照 我 下 使後學 者謂 ,幸有公在。 也。 溪 先天下之憂而憂,公自不能忘情於天 無所 書二 我 坐視堯舜 心憂, 適 + 從 餘 不吝批 不 得 條 之學破裂 知 非 而 者 示,至望 與 不 謂 於 資辛 我 不仁 潰 好 何 爛 辯之譏 至 求 者乎? 而莫之救, 望 -, 司 明 近 知 相

+

也 近 感激 兩 承 感激 教 翰, 并 拜 節 貺, 何 辱 之拳 拳

以 世,而於儒 此 爲 寂 笑 感」二字,本夫子《大傳》發 柄 、佛之 恐 後 辩 人 已著 亦 其 將 大端 以 此 笑荆 往 聞 以 111 教 荆 也 111 萬

> 處 朏 談 荆 何 原」,特言其端之異 自 却 由 古 111 寂 義 盡 爲 與 處 亦有見,不 其 二氏 然 薛 亦 底 耶 津 考 裹? 功 ? 津 亦 有 ^ 各 異 味 肯 徒 有 端 代 耿 隨 贵 也。 見。 論 耿 人 文 訶 也 口 人 煞 薛西 佛 先 (之雄 ,不悉。 吻。 E 駡 師 大 祖 原 云 相對 尊 稱 文 而 述 \equiv 道 X 其 未 晡 教 德 集 相 涯 伽 口 中 誑 而

十四四

得 臘 難 月 繼 不 糟糟 重 至 賤 食者、 今 生 刀口 鰣 何 之罪 足介 拜 藥、 八 乎 意,而 尾 醖 ? 過 姑 未 極 愛 歲 論 感 煩 極 人 使 即 別 愧 而 如 況 殃 縮 及 頸 惠 潭 鯿 貺 多 自

之學, 耶 ? 前 流 舅 書 而 後 撞 爲 乃復多情, 人之諷,竊 陳 仲; 子惠 有 贵 之學, 所 大 窺 地 耳 流 果 而 還 夷 生 鄉

聖人 復 愿 福 萬 以 風 人 寂 0 約 念 世 興 品、 乎 君 使 感 楊 月 起 者 臣 子 學 塘 爲 廉 學夷 爲 父子之防 脉 熟 其 孟 頑 侣 難 爛 子 V. 慰 俱 以 而 ,願學孔 墨 懦 並 他 中 **\$** 寬 子 論 學 節 有 郎 如 漏 所 惠 拍 子, 聞 夷、惠 誠 敦 滴 X 然 以 薄 至 城 幸 學言 賴 於百 誠 者 7 甚 然。 得 人 以 世 也 事 不 之下 不 履 願 墜 端 謂 且 公 來 聞 諭 之 盟 萬 無

十五.

致 拜 他 光 辭 之于家 日 何 爲 先 恐 壠 口 報 爲 實 幸 俱 之? 扣 祥 非 歸 幸 至 淺 之 甚 再,兩 軒 薄 擾 幸 銘 所 乃 甚 得 能 辱 借 承 當 大 棟 追 重 篇 贈 孫 之 遠 語 賜 兹 邁 復 庶 出出 不 專 足 明 使 敢 傳 寵

書》

日

:

無

教

逸

欲

兢

兢

業

日

今學 平 曾 之 業 文惇 云 謂 耳 表 格 而 氏之遺書」, 順 幾」字 學 章 執 日 物 六經、《 天 日 未 養 以 字 不 其 之功 休 中 之及。 典 萬 與 故 慎 庸》是醫案 得 ? 不同 幾 命 庸 須 相 却 誤 夜 初 獨 論》、 禮 至 是 而 莫 更 近 之義 氣 盡 竊 0 命 此 又曰 此 所 從 所 非 説 《孟 而 到 天 得 蓋 德討 謂 幾 謂 熟 行 E 下 夜 二氏 説 幾一也,安 厄 單 處 > 自 此 其 時 學 俱 兢 氣 字合: 得 當當 方 把 罪 篇 度者 所 未 者 意 養 渠 支 業 白 之類 握 有 乃 程 無 之及 到 見 離 者 作 乃 伙 孔 任 子 事 7 熟 前 借 無 度 得 與與 至 而 門 其 務 日 蓋 時 書 子 物 其 如 於 有 於 使 《易》 $\overline{ }$ 咎 傳 又 有 論 字 言 不 何 敦 萬 只 逸 者 程 爲 授 大 所 夜 着 長 看 庸 哉 欲 氏 合 而 子 今 學 心 通 在 氣 得 命 下 反 不 之 苦 法 尊 龍 人 所 如 也 兢 信 將 便 旧 謬 情 功 孔 溪 命 下

閉 是 門 熟 不 的 出 恐 生 亦 茫 是 蕩 聞 兄 更 之 無 風 著 而 脚 興 處 者 此 近 敬 聞 所 其

昭 案 列 尊 優 幣 等。 美 醖 小 試之端 拜 領 足慰遠 外 小 物見芹意, 念。 以

近

日

之

書

也

十 六

斷 石 欲 者,動之微 流 中 不 之 , 則 口 行 知 中 也 識 自 句 來 中 語,故 然 與 矣。」 諭 便是 者,天下 ^ 中 幾 易傳 ,吉之先見者也。」 除 蓋 節 何 執 日 却 所 言 : 中 **>** 執 别 動 之大本,本 幾 日 İ 中 以 ? 介 在 : 夫 天 如 介 更 否 亦 知 也 石 石 無 不 ? 幾 不 焉 兢 立 知 故 而 如 業」 其 本 而 在 寧 要其 無 神 微 文 道 上 用 欲 是也 乎 生 下 終 歸 此 無 便 1 之 於 天 教 H 程 是 交 ? 介 幾 子 理 執 逸 但

看

彻

爲 之本 乎 無 天 真 其 謬 IF. 也 ? 兢 窮 地 萬 以 是 堯 業 一萬 ; 之 切 有 君 非 舜 無 敦 所 真 其 子 無 而 以「兢 幾 垂 曠 化 河與與 以 薰 幾 知 窮 衣裳 者,敦 庶 則 爲 爲 微 之出 心之危也。 佛 官 大 業」 知 一研 氏 萬 而 也, 彰 便 厚 天 所 務」,一 與 天 幾 是 其 工 見 知 下 註 亦 全體 化 人 行 柔 相 治 云 兢業 有 其 所 時 知 同 : 根 萬 得 之 代 0 管 無 剛 只 本 大 乎? 非 分 窺 之 事 大 在 盛 萬 德 幾 之見。 作 以 德 大 者 夫 有 恭 將不 處 敦 下 之 所 己 其 萬 望, 化 事 勝 義 在 無 出 若 殊

生 似 過 法 與 如 爲 〈學問 此 第 龍 文行 溪 而極言歸 全不 夜 義 皭 氣 然, 干 之 昨 涉 説 乃 得 寂 當 埋 巡 非 敝 没 如 撫 當 邑前 百 尊 用 書, 五. 諭 也 畫 + 其 蓋 有習虚菴 餘 諸公作用 大 渠 年, 意 以 昨 亦 無 先 不 我

此 公 得 其 X 無 責 其 何 + 極 此 與 戒 子 全 號 而 内 集 粧 相 告之耶 事 刻 點 知 竟 之, 宜 出 無 奉 其 帖 所 上 久 昭 苦 補 布 而 覽 П 後 不人 相 弭 彰 證 謗 古 公門 ,公亦不 莫 龍 如 實 溪 自 行 E 平. 修 淳 能 是 H 樸 於 前 辭 於

答胡青厓

覺 哉 以 不 事 不 者 乃 理 ? 及 腆 方 良 會 容 不 幣 近 昨 不 少 知 與 過 敢 如 若 之影 뻬 以 南 往 以 不 僕 施 請 浦 往 拜 知 以 響 於 别 逐 獲 譽 幼 其 感 塊 良 去 聆 爲 孩 所 當 襲 知 又 清 良 在 親 何 影 自 極 誨 知 暑 愛 如 然 怏 之 途 甚 而 者, 也 快。 知 類 於 幸 ? 歸 覺 其 是 本 H. 心 承 何 慰。 今 而 原 也 亦 書 以 之 + 以 甚 教 夫 夫 堪 地 適 知 切 覺 談 之 試 知 全 重

> 公於 惓 耶 也 漫 宋 導 原 人 生 矣 感 爲 而 而 於 ? 於 切 不 或 人 委 井 不 1 無 良 萬 之故 寂、動 無 未 省 者 支 標 之怵 本 知 夫 Ш 物 於寂 發 究 以 又 流 本 界, 下 寂 皆 其 謂 報 時 智 可 惕 之雷 原 感 摘 與 致 伏 動 細 知 以 耳 剥 於 動 平 取 養 逐 體 13: 概 動 静 盡 惟 静 而 於 日 塊 之, 焉 静 而 ^ 見 無 可 亮之。 而 者 不 復 之 標 之 0 不 以 則端 繼 犁 非 始 原 齋 好 末 今不 犬 知 並 時 然 以 之 記 於 悪、孩 父 何 口 雖 _, 觀 緒 静 爲 以 虚 > 悉 以 異 自 極 自 疑 皆 兩 此 坤 静 哉 言 心 提 謂 高 見 於 端 説 爲 ? 於 道 妄 之愛 往 坤 窺 手 掛 之 萬 心。 幾 世 也 也 體 見 X 承 惑 化 不 微 古 敬 紙 謂 公 之 卦 渦 觀 惟 人 有 而 教 班 煩 基 地 氣 習 則 之 寂 感 感 久 립

答

成

井

居

外、 及《復齋》 學 盡 應 所 得 者 數 竟 足 與 謂定。 教。 不 惟 發 物 其 語 是 以 以 至 之爲 主 其 力也? 當 請 義 昨 學 知 足 静 襲 過 藴 别 無 寂 見 定是未 會城 累哉? 爲 感愧 動 T 體 來 而 記 事 病 静者、恐亦 後 夫大《易》之所謂 又 驗 自 本 於此處辯之太贅 甚 辱諸 不 感 能 真 於 發之中,定則 外 得 而《大學》 愧 怏 切 該 寂 至 快。 力 公相愛之過 處 體 乎 耶 感 動 上 有 來諭 抑 即 語 其 而 無 也 知 承 應 所 分 病 是 明, 寂 隨 止 翰 Z 謂 毫 今 不 事 貺 不 者 得 政 日 明 能 謬 即 但 體察 條 暇 力, 事 刻 則 程 寂 菲 未 得 寂 萬 非 數 子 却 尚 故 薄 緣 力 也。 惟 幸 册 在 己 何 之 畢 不 容 何

> 讀。 幸 他 世 是 方呶 見公之 也 而 其 昨 恐 呶 日 承 前 「寂 迁 後 獨 途 斷 世 公 體 枉 也, 無 之所 獨 顧 楊 見 何 連 肆 操 子 幸 之, 真 雲 床 如 之? 之 者 可 無 教 百 作 亦 實 世 憫 耶 臆 勝 以 其 ? 説 俟 + 苦 諄 又 於於 年 心 其 之 無

601

之途 雄 與 徐 至 儒 適 楊 者 徐 焉 燕 之意,似云安、學、利、困 雖異,所至 也 而 云耳」之見 墨、 當 學問 南 時 夷、告、許、仲 其 講 目之爲 之道,各有所由 學 轅 走 混 好 之域 異同 好 辩 越 辩 而 則 爲 距詖 之流 北 同二云 高 其 自今觀之, 手 放 轍 勉 疑 恐 云 淫 之 者 若 同 此 均 不 以 不 對 與「 意 免 可 息 之可 其 壨 於 其 以 非 然 所 好 先 争 姑 望 謂

之機 老 僕 億 速? 知 寂 夫 乎 見 己 人 則 體 1 其 切 也 實 之 度所 幾 心 當 不 乎 偲之深愛焉 未嘗 ,然不敢不 誑 而 時 得 致 ? 作 以 直以 則 E 贵 但 此 此 平 以 人 機 機 諷 爲 ? 黽 心 僕 發 心 公,今 能 之危 俛 於 本 也 機 寂 以 寂 不 心 亦 者 盡 泯 鷗 也 能 之 茫 謂 其 然忘 鳥 寂 報 力,以 然 顧 爲 不 而 莫 機 日不 先 F 何 誑 覺,其 記 求不 相 非 爲 如 其 免 報 海 寂 鷗 端 負 爲 之 上 ? 逆 鳥

馬牛之齒,本無足辱荷注念,感刻

既。

莫

者 惟 亦 僕 不 孟 恐有 得 夏 辱 以 未 枉 盡 盡 教 所 忧 欲 極 憶自識 請 感 極 而 謝 公之 荆於、 稠 所 鹿 衆 欲 鳴,一 喧 以 雜 教 見 非 子

> 待 見 相 不 契, 同 嘗 四 至 以 + 相 室 餘 牴 遠 年 特,僕 會 意 疏 氣 之謬 而 如 或 舊 迷 有 9 而 差 罪 以 池 誠 道 有之。 乃 義 以 相 沂 期

微言 當 心 於 本 夫子所謂下愚不 諸公之疑者,三十 四 也 者乎?」心苟當矣,而 愚衷,暗 堯 方同志之士環而攻之,豈 不當 舜以來相 ,參之楊、羅、 僕妄意未發之中,非 而 中摸索 面從之,不 傳之意,取 移是 似 年 李、朱授受之旨 於 也 可 兹矣。 幾 無 復欲 正於夫子、子 敢 於 實 疑。 有 則 誑 無 狂 所 己 於予 廓 而 辩 作 言當 誑 翁 卒 以求 也,蓋 若 人 心有 以 書 乎? 思之 君之 此蒙 有 云 未 契 推

試以諸公之所以疑於僕者請之

當 未 發 何 發 而 所分 有 特 中 日 指 節 屬 : 其 喜 平 不 句 怒哀樂 動者 無 不 乃 曰道之未發,而 贅 言 無 乎 之。 未 ? 發 誠 大 之時。 如 本 所 達 論 喜 道 其 奴 X 則

樂,安 古 勿 不 免 所 也 無 甚 V. 乎 爲 日 相 哀 -求之 歸, 玄。 ? 畫 欲 應 於 寂 也 感 類 道 樂之未 「寂 又 性具 之所 以 逐 本 應 然 得 本 即情 道 此 見 加 於 夫 之 虚寂」二字,夫子 物 無 無 有 則 無 於 木 止 也 寂 體 發 歸 而 爲,非指 未 歸 是 日 未 知 心,心主乎 寂 襲 發之時 性 性 非 此 夜之所 發 乎? 性,乃爲 其 即 字,反爲 取 操 本 以 又 也 所 感 乎? 之 ; 無 寂 喜 又 止 是 ? 則 而 感, 歸 説 與 怒哀 息 日 寂 老 存 真性」, 内, 寂 是 或 於咸 感 此 也 : 情 將 子 ,舍之則亡」,夫子 指 體 又 謂 是 對 與 Ĭ 也 樂之 由 之累 何 無 艮 日 爲 蓋 天 掛 而 無 外 恐不 其 者 時 絶學 下 真 言 情 特地提 若 時 性 爍 發者、 上, 止 之 爲 之 寂 無 同 無 體 日 我 免 上 喜 中 無 歸 息 也 感 本 告子 其 言 語 性 語 出 怒 節 平 之 寂 能 其 病 本 意 以 之 ? 語 哀 者 今 而

> 所 E 則 又 理 恐非 自 以 絶學 吾 不 輩. 蜀 爲 所 學 口 此 也 輕 議 者安仁」, 無 所 存 自 不 亡 人 ; 而 無

字,毋 冬初 擬買 日 古 舟 哉 東 此 上,以 老不足與有 卒所 請。 言 也。 便 幸

示

答賀龍岡

楊 返, 之淺 淹 云 主 Ш 人 百二十里之遠,功 望 新學 抵 之不 也 昔 來 望不 有 聞 諭 寒門僅二十五里 不謂復 客 好商 雪舟 來 足 學 及門。 螺 屬 辱 及門, 量 111 有 勉 徒 何時 淺淺過 然性 無 寒 懷 虧 興 亦 雨 抵 歉 盡 自 一、公放 厭 陰 足 簣 於 |然|, 負 而 家 雲 眠 王 返 耳 層 貧, 舟 止 生 此 竊 吾 者 來 謬 舊 見 興 嘗 顧 乎 和 醅 道 盡 止 疑 之 尚 來 雪 也 己 其 足 舟 興

<u>=</u> =

然之 以 性 弟 非 動 物 物 羞 義 求 好 量 又 不 也 吾儒 之 爲 惡 不 惡 妨 9 虚 是 是 而 而 歎 格 端 則 駁 大 口 發 後 而 知 辭 孩 服 物 見 蓋 其 也 有 事 1 動 説 而 讓 則 提 歎 則 者 實 言 謂 即 不 勉 便 義 0 吾 之 服 在 離 是 其 善 之也 其 不 釋 之 感 格 致 愛 贵 家 者 格 非 可 端 善 氏 發 而 物 虚 知 敬 敢 出 之 見 物 也 然 致 而 蓋 格 遂 見 者, 而 ? 外, 心, 者 也 ^ 所 知 知 何 言 通 中 百 孝 吾 於 言 其 與 充 嘗 勉 人 便覺 實 亦 天 動 庸 良 此 井 吾 然 中 仁 動 滿 皆 弟 恕」字 下 是 於 知 爲 題 者 之 之 義 儒 指 有 之 吾 有 生 而 欲 之致 妥貼 切 之 有 怵 同 如 言 不 故 已 而 虚 蓋 此 實 近 矣。 亦 所 所 惻 善 後 靈 亦 但 天 不 (,猶言 發 云云云 快當 精 主 有 耶 日 平 本 義 彼 致 循 地 實 惻 ? 得 不 之所 體 即 日 在 在 其 也 禮 善 好 之 孝 深 絶 格 之 此 亦 自

> 公已 生之 不 邊 此 提 程 到 見 體 出 子 原 灼 端 外 以 每 萬 修。 曉 見 頭 見 也 法 人 也 脉 0 人,於此 具 宋 静 路 備 今人之 人 44 别 助 便 感 無 見公之學近 長 歎 應 口 學 以 爲 事 言 欠 槁 善 爲 勇 學 循 苗 E 此 安枕 以 裹 江 誠 勇 其 門 也 往 然 者 不 亦 不 誠 識 俱 不 每 然 患 生 是 離 每

答陳明水

撥 逐 不 心 盡 與 亂 不 學不 力之所 暇 要之, 郎 仰 歸 經 負 衛 能 世 知 更 精 而 己 無 平 填 爲 由 海 日 之 而 • 講 亦 自 訊 説 無 姑 我 候 取 皆 口 者 爲 其 虚 爲 不 歉 言 心 誑 焉 敢 耳 者 0 有 不 口 也 絲 才 惟 至 於 非 逐

^{●「}衛精」,康熙本此二字互乙,可從

錢糧 腹 增 萬 煽 也 接 猺 男女以 師 憂 Ш 而 ? 大大 京 各省 西 不 獞 亂 斗 各 況 三宣 暇 米 紛 H 昨 内 畿 邊 雖 通 福 庫 求鬻者填 然 熾 秋 大 + 錙 祈 内 米 爲 貯 以 而 雜 錢 則 玄之 馬 銖 料 粟 Ш 禍 倖 弭 出 有 搜 疲 杪 僅 理 東、 所 而 功 亂 費 括 可 乏 忽 一彀二 漸 至孔 宣 倚 於 冒 河 大 漫者 歲 極 殆 司 有 大 塗。 耶 賞 端 南 當三十 矣 年 盡 次 道 猶 ? 農 竊 馬 非 -之食。 第 要 梗 甚 尚 争 度支帑 閩、 發 今 望 在 塞 之 何 今秋 餓 餘 尚 浙 X 之 博 望 如 莩 羽 歉 萬 汹 福 土 藏 賑 蘇 富 讎 可 至 盈 檄 汹 遍 木之 彊 0 銀 知 幸 省 松, 交 城 天 之 於 而 不 懸 者 下 無 徭 馳 野 興 島 有 槽 過 廣 軍 所 虞, 賦 H 馬 百 東 枵 日 應 夷 携 京 深

長 亦 老 養 牛 口 外 Ŧi. 甜 弄 言 犢 無 故 近 時 態 體 不 也 六首, 攢 眉 知 録 所 惟 見 欲 對 聞 近 此 況 并 却 報 便 豚 開 孩 漸

> 外。 内 爲 翰 宜 重 外 貺 風 其 恐 益 矜 凡 俱困,久稽遣 水 僕 將 與喜 以 在 所 增 來 累, 同 衰 愧 無 百 志 病 感 趨 以 倍 判 乞 善 Ш 恒 骸 候 不 向 後 情 骨 爲 助 時 也 喜, 罪 日 耶 蒙 初 0 之 ? 歸 無 恩 及 利 苦 亦 賜 公 承 矜 允, 專使, 交 急 於 其 深 啚 應 幸 力 愛 遷 栅 重 小 出 居 V 任 望

之際精 當 彼 非 知 見公書董 此 ,則今之以 時 面 沛 請 節之不入者 來 諭 研 然當有幸矣。 未 明 所 而 盡 建行卷, 引 密 知 底 察之」, 先 覺 裹。 師 爲 竊 論 亦有「 良 疑 來 適 似 至 春 知 其 洛 亦 善 融 者 以 使 村 於 數 和 能 實 靈 諸 發 語 本 昭 於 公 得 處 感 於 發 甚 下 侍 提 應 此 見 精 顧 几 掇 機 爲 此 微 近 良 柳 而

冗,率作此,草草。

Ξ

刻 道 賤 義 生 骨 一何 肉 足 之 愛, 辱, 乃 可 承 當 寵 如 以 大 此 章, 耶 ? 兼 感 拜 刻 腆

對

而

之麾 以 精 下 載,大率類 足 故 寂 意 手 見 心 思爲意 日 爲 也 爲 上下 處,至今猶 寂 虚 京奈何 已發 觀 葛藤 必一 之 與天 日 此 一 而 教 末 密 毫不 説 地 呶 以 而 不 日 無 所 後 同 呶 察 止 敢 着 緣 纏 流 不 識 來 不 不 促席 無 縛 已 端 却 勉 嫌 處 倪 以 反 徒增 恐 使《 於 知 覆 不 夫子 不 襲 節 覺爲 同 是 免 取 節 悵 要》 本 於《 夫子 於 要》 仰 氏 來 良 外 中 易 知 也 面 門 中 爲 > 段 實 首 所 墻

答應容菴二首

殊 耶 稱 過 知 ? 己 信之,若 不 王 慰 敬 爲 孤 懸渴 所督學過螺川,獲 而 罪 將 矻 敬 僕 終 矻 所 迁 身,蚤 以 ,天下士 鄙 不 寡 敏 夜 諧 牽 念 ,誤蒙吾 奉書教 也 懷 此 贵 兩 懼 不不 澤 塵 無 士 相 緣 謬 以 啻 未 仰 與 面

之命 和 覩 是 後 日 示 天 日 爲中 生焉,天下之能事畢矣 覩 無 微 下 也。 承 人識 不 ·之大 諭 而 隱 聞 學問 執 執 微 中一字。 之, 中 本 便 日 只有 之學, 是 也 獨。 何 未 啻 此 慎 發之中。」不 干 隨 獨 甚 處,人生只 獨 · 里 ? 事 也 幸 便]者,天 隨 甚 是 乃 時 幸。 明 致 討 日 道 求 地 聞 有 中 求 但 先 之 日 是 此 子 之於 中 生云 根,人 隱,不 件 V. 思 慎 而 故 謂 以

斷

足

副

見

見

知

謂

非

君

子

之道

是

世

蓋

君

子

之

顧

諟

之,

立

則

見」、

在

輿

則

見

皆

非

歟

?

之,止不

可

敬

也

而

敬之,天

命

不

口

顧

諟

也

而

也

此

語

甚

精

若然

則

中

不

可

執

也

而

執

口

以

直

達

天

德矣。

其

日

寂

不

可

見

見

非

寂

汗

浹

背

之歎

此

朱

學平

生

斷

案

也

主

此

則

飛

揚

浮

躁

殊

非

聖

賢

雍容深

厚

氣

象。」

所

見

差,其

病

亦

至

於

此,於日

是有

辜負

此

流

中

擾

擾

而

無

深

潛

純

一之味

至

於

發言

處

事

手

處,已

故

闕

却

平.

日

涵

養

段

I

夫,常

覺

胸

心

爲

己

發

而

以

察

識

端

倪

爲

致

知

格

物

實

下

此

是

日

用

本

領

Ι.

夫。

向

來

講

究

思

索,直

以

氣

象

常

存

而

不失,

則

自

此

而

發

者自

然中節

未

發

之

中

·, 未

發

作

何

氣

象。

敬

以

持

之,使

此

生

門

下

教

每

令於

静

中

嘗

不

是

?

但

不

知

所

主

何

獨

之

前

是

誠

失之荒

唐

也

説 以 體 力 如 夫 主 日 喜 朱 怒 説 哀 李 樂 先 何 白 道 虚 沙之 日 此 仁 則 學 與 鄙 渾 知 是 之 而 濂 所 乃 溪 未 謂 主 之仁、 解 静 之意 謂 之知

或

者

詆

禪

則

非

矣。

謬 成 水 心 知 次 得 所 累 往 霜 神 同 倭 此 急 押 然。 難 馳 以 啚 未 奉 供 則 遷]1[息 附 蘋 無 居 塗 天 鄙 薦 日 梗 見 F 追 不 塞, 足矣, 萬 自 悔 懸懸 雞 此 無 惟 黍之約 多 及。 敢 左 批 事 右 教 復 豚 有 未 仰 兒 歸 他 可 屋 望 漸 來 傷 遽 爲 漸 心, 風

貸 郎 承 翰 鼎 示 當 甚 V 眠 前 不 慰 向 食 此 如鄙 學 有 邇 鍾 常 人 天 來 即 之甚 台 倭 此 婚 人 便 難 嫁 便 也 是 稱 稍 曾 家,讀 羲 寧 豚 附 皇 尊 兒 啓 E 書 候 自 及 隨 安 春 是 定 意 來 縦 又 口 病 使 拜 而 想。 痿 稱 諸

今漸 寧復 向 好 有 添 保 此 之望 爲 傳 家 計 足 矣。 薄 福 之

佛 其言 徒 此 世 本 口 老 中 體 復 有 其 老 敢 懸 煞 而 也 虚 白 間 出 切 有 乃 有 無 沙 毫 而 先 議 以 感 雌 爲 臨 不 釐 感 黄 禪 生 論 而 紙 之 鄙 應 哉 周 遂 耿 則 差 棄 中 爲 旋 诵 耿 過 則 倫 途 幻 於 矣。 虚 理 妄 物 不 之約 人 無 口 此 來 倫 吾 即 虚 不 以 順 物 當 則 未 無 不 應, 知 發 誦 理 不 審 之 氏 何 之 法 足 心 中 之 中 之 時 以 之妙 誠 一, , 调 不 可 病 使 而 遂 耳 佛 用 之 有 以

答錢緒山

地 相 涉 口 據 承 特 諭 故 爲 K 老 學 師 者 學 誠 設 間 意 法 得 之旨 悟 人 本 門 所 旨 下 以 手 言 終 終 語 年 當 筆 曉 有 札 嘵 實 不

致

知

云者

充滿

吾虚

靈

本

體

之量

前

不

以

然。」 爲 者 便 也 不 中 字 務 使 善 實 之 也 而 故 ___ 屬 惡 0 中」云云, 好 亦 決 其 以 地 下 先 又 之不 自 稍 手 使 惡 去 公之意 而 有 去 口 日 致 日 欺 涉 好 欺 好 惡 其 據 而 : 全在 其 人 真 好 之不 之 則 惡 平 求 其 「誠 知 色、惡 爲 者 一,則 誠 口 如 ? 將 非 必 夫 者 乎? 惡 禁, 實 真 得 初 無 無 自 便 當 註 蓋 惡 者 用 學 謂 事 悪 之, 是 天 實 慊 是 云:「言欲 言 臭 乎? 其 可 之道 作 臭 用 遠 絶 也 以 致 誠 又 力 驟 亦 矣 好 無 好 其 自 虚 意 日 而 語 作 須 善 力 也 世 守 . 有 快 之功 禁 故 惡 毫 力 而 則 聞 顧 足 只 寂 一之實 自 止 日 誠 人 如 禁 又 惡 於 有 說 以 全 其 修 力 者 H 好 止 己。 臭 見 欲 養 誠 在 自 者 有 用 自 : 其 好 誠 好 意 平 動 而 致 所 欺 色, 自 是 其 然 誠 色 以 而 知 方 未 不 知 作 欺 意 惡 其 X 皆 爲 無 有 天 發 mi mi

好 根 É 毫 謂 而 毫 此 意 荷 求 欲 人 而 自 H 好 力 發 蔽 狥 色 不 者 之好好 外 與,是 ,是謂先天之體、未發之中。 感感 而 而 不拔 爲 意 遂 人也 而 通 惡 一,而 無 ,一毫人力與不 根 意 可 而 也。 謂 求 之誠 惡臭之惡 今不養善 乎? 得 故

公有

以

教之。

之好 果 功 制 過 知誠 士 大 病 祇 終身 之以 如文公之註 應變遷,萬 而 起意」爲宗,是但 誠 惡 不 爲 蓋 自 意」二字,謂 未嘗 、孩提 留 意 人 意之丹 不 疲 力,去 惟 者 復 以 ,心之發,亦心 見 起 實用其 誠 速 之愛敬 乎, 頭 定、 者能 其 萬 化 也。 滅 抑 欺 耳。 静、 非 力 其 之。 别 是 知 而 點鐵 孔 意 而用 有 安、 反乎 不 端 門傳授 即 蓋 爲心 説 知 無 成 之障也。 慮 好 無 慊 意 耶 當 窮。 金 景 之障 不 好 ? 是 者 時 界, 本 實, 色、 乃欲 隨 來 先 嘗 使 旨 感 霧 慈湖 無 惡 勞 未 觀 師 初 出 所 惡 學之 嘗 之 平. 而 而 而 起, 禁 臭 意 無 不 深 日 以

> 不 止 容 其 髮 自 故 欺 而 日 自 : 無 苟 欺 得其 之 可 養, 禁。 無 窮 物 其 不 源 委 願 間

答王敬所

奈 事 乎? 講 士 不 志 全 旦 拜 景從 自覺 未 何 主 其 之近,而 禮 而 之及。 1 本,斤斤於感應 求 貺 昨 夫子於大《易》指 敬服 方之文教 宜 負青原之約 之者又 ,無已之愛,感激 外拙 於所 其 謂 敬 搨二紙 説 多以 服 是 謂 愈 求 爲 名 息 又 助 内 而 得 夜 附 惜相 而 長 養以 辱 求 虚 其 學 氣 上 感 爲 之, 石 寂 養 一覽教 愈 以 去 激 養 端 爲 蓮 遠, 乎, 遠 養 日 ! 苗 風 感應之本, 寄 虚 也 陷 參 化 此 不 明 探 於憧 對 之原,多 學 得 之體 索於 恭 乃 寥 無 其 惟 憧 兹 養 執 者 平. 復

答汪周潭

囂 是 官。 野 來 禮 相 盡 發 屬 八手? 囂 孔 先 欲 用 心 鶴 ,拜書教 契 門 此等光 言 乎 林 别 乎 也 大學》 往 不 傳授 ? 壑,不敢專 歲 臨楮悵 屬 去念之不 至 屬 邇 獬 此 事 善、大本亦 ,又甚慰。 景 人拏捏 近 來 心 日 平 中 未 吴門, 名 至 法。 根 病 善善 宜 置 究 其 不 馳 容 水 傾 H 分 在心 知 此身在 易 曉 不 謝 昨 不 西 蓋 中 知 蹉 幸 擁 數 知 精 也 懼 自 庸 止 過 有 鉞 安 語 舍 屬 嫌 口 幸 人世 斷 虔 日 頓 便 致 以 也。 輒 腸 州 本 是 珍 在 大 中 息 辱 之悲 體 本 重 從 極 何 如 貢 衆 又 以 平 樂 孤 喙 處 司 辱 何 臭 未 之 此 雲 屬 ? 處 天 訓 以 味

異 先 果 T 之正。」「 心之格,只 中 到 須 近 可 几 ,終日 是 ? 段 養 位 時 以 儒 處 貢 乃《 來。」 天 知 格 照 云 陽 又況 生 物 萬 師 地 他 傳習 明先 馳 世 育 晚 又曰 之説 歸 物 有未發之中始得。」 未發之中 是要 求 共 儒 年 而 於物 萬 生云 便 録 聞 舍 散 : 遍 施 去 物,也只從喜怒哀 附 適,不 心 此學,亦 中 布 無 其 格物之學,如 : 只做 此 逐 學 寰 不 心 顔子 可以 物, 録 問 宇 備 之不 受人招呼, 致 得 最 將 足 不 不 個 養 此 緊 正 起 遷怒, 爲 格 知 心 義 要 是 又曰:「 居 物 與 延 襲 以 大 言 處 可 之 龄 義 復 樂 人 便 而 不 丹 以 學 拙 願 未 襲 丹 是 吾 格 取 貮 養 頭 聖人 刻 錯 何 乎 好 公 本 其 發 调 也 氣 寄 察 此 體 君 以 ? 結 看

三八

去,煩一目。

答何吉陽

於 間 禪 甚 聖 文言 脢 民 羽 也 去 學言 幸。 人 寂 以 秋 儀 而 之 爲 夫天下 貢 而 中 天 歲 腓 來諭責之鄙 明 鮮 正 朝 前 竊 所 口 禪 躬 前 爲 禪 詳 德 訓 敝 謂 也 行,行 之 學 觀 來 縣 股 前 中 離 乃 感 有 與 正 不 感 復 加 爲 憂 蕭舉 皆 聖 句 也 寂 應 1 意 拜 人,不 朋 豫 學,異 是 生 而 以 義 林 幣 從 之則 人下 於 指 仰 感 藪 爲 貺 而 寂 爲 見 俗學言 E 者 蔽 寂 只 感 重 第 輔 過 衛 體 明 此 在 以 當 妄 口 領 頰 道 者 察, 乎 聖 感 寂 何 忧 鐫 舌 至 恐 承 爲 後二 人 感 如 與 誨 意 賜 毫 時 皆 其 X 妄 塵 夫 尊 吝 釐 中 旬 謂 則 甚 異 外 公 Щ 翰 之 之 指 幸 親 方 爲 於 飾 事

達

耳

得,其 之藴 附 天 乃 自 貞 招 寂 而 Ħ. 生。 去 與 生 爲 者 利 也 下 真 謬 止 平 ,以立感應之體 寂之道 可 何 ? 乃謂 寂 止 惟 而 刻 思 思 言 者 貞 + 慮者 實 此 何 之也 寂 册 則 寂 也 所 僕 慮 不 古, , 惟 之 以 之 ? 亦 足 歸 夫 舍 主 所 是 脢 易 言 以 子 與 也 夫 未 摸 則 》於 盡 體 本 致 感 感 解 寫 無 感 耳。 用 咸 脢 應 此 世 也 此 悔 之 者 分 而 義發之盡 意 原,體 體 歸 毫 若 止 ^ 必 寂 致云者, 德 大 第 思 謂 即 而 之 傳 愧 慮 説 寂 感 V. 探 體 矣 辭 着 爲 由 而 虚 則 日 世 不 感 寂 用 寂 亨 不

禍 以 墨、告、 詞 學爲亂 比 息邪説 之洪 講 許 學 是吾非 水 之輩 者 以 猛 不 承三 輩第 獸 是 少 何等 夷 聖, 孟 狄 身 事 其 子 篡 分 懼 功 弑 幸 慎 而 而 不 識 距 在 惑 擇 者 詖 # 禹 所 能 行、 與 下 誣 無 民 放 今之 動 其 淫 心

乎? 正經以興民,在執事一加之意耳!

答鄒西渠二首

是,奈 豁 中 也 理 然,而天下之能 中 獨 正 棄事物之疑哉? 節 言 然質 到, 節 是 之 如 昨 體 I 何 敬 無 》并《臆 和 7 夫 此 入虔,準 通 奈 時 服 二、工夫 而 在 處 何 而 敬 用 本 此 説 不 服 自 不 非 影明 事畢矣,尚何感有 寂 擬 生, 忽辱 在 在 陽 來諭所謂一貫一本之説 也。 寂 口 事 明先生之言乎? 煩 不在貫,正其 ,貫與理 是 有未發之中便 書 途 一一與心對之,當有 無 請 未 示,諄悉 時 發 教,不謂 不 之中 自 寂 反 然之 不通 則 , 本,萬 覆 君 相 萬 有 左 附 功 象 子 仰 發 而 遺 森 事 見 夫 而 用 時 如

若寂因 其 寂 感通之本。 止 的 溪從感上求寂」,前此 而 而言者,寂然不 通者,寂之用。」程子曰:「心一也,有指 傳》本卦德之「止 延至此,奈何 寂 萬 能 主 遂 俟感爲一本,非 然不 宰,是謂 通 通 承 感 天下之故 是 教 動 求一,此等舛謬,只因 而 也。」經傳 翰 朱子曰:「寂 後 感 天地 細 有 而 動是也; 以,鮮也 讀 吾 2,從感 而 遂 鄙 根。 説以 爲 數 大意 通 固 嘗 此懼,乃復妄發,幸 過 天 之所 求 不 聞 沈 有指 下之教」,夫子 然者,感之體 翼之,是 和 何 寂 寂 此 煞 能 上 愛 而 可 語殊 明 悉。 用 求 格 我 感者 也。 當 中, 而 之深 物 以 兄以 兄以 言者, 不可 其 寂是 之 事 虚 誤 寂 上 ,感 耶 ~ 感 龍 執 體 大 與 求 感 爲

郭、劉二三君子共商之。

均差簡兩院二司各道

也,而 之實,而 以公天下爲心,而 坐 成 虔禱 不加之意乎? 無 乃兹吉水復有無妄之加,是將以 在 然後 更不 視 愬 Ш 間, 其 ,懇僕爲之轉達。 亢旱方數百 不知永豐之重數倍於吉水,父老受屈 而 毒 知 以 吏 民 不 痛 歲 永豐 書 查第 見 村 而 派 不 鄙 有 不 凡徵派,須覈 諸 7霑足 得 比 寡 里, 救,非 況於 年 色 舞 對,陰受其 知 暗 按 弄 識,凡 之 民 加銀 一府 僕 石均攤,務 於其 人情 澤 用皇皇。 不 百 奈 二千 九縣之肥瘠 能 間 也 禍 徵 何 爲 府各縣 鄉民 非 餘 派 伏 老 \$ 鄰 有 兩 — 書 惟 或 輕 戴 司 永 福 甕 臺 爲 之 重 T 曹 非 而 糧 莫 蠶 書 能 下 而 壑 受 僻 不

簡張月泉

言,乃士夫 以 即 議 是二百七十七兩之利,小民陰受而口 以 T + 意,乃仁 萬 縣之舊例 該 於 兩 折 四 以兩丁折糧 金之富 糧 1 糧 安福 縣 1 每年輪 折派一石,得減 石 夫 上 術 以以 同科, 馬 有 也。 鬨 永 加 起筭,該銀 祇 新 然如鬪者 應之費 丁 一石者,蓋 派三千三百五十七丁 謂 安福人丁三萬三千一百 輕 總 折 T 在大 不 糧 可 過 均 八家而 均 派銀二百七十七兩。 以以 銀 四百 石 攤 而 當 七 於糧上有 於 糧 路 白 重 貧 + 不 衰多 九 餘 在 無 可 縣 兩 兀 小 卓 均者, 丁糧 益 兩。 民 錐 加耳。 不能 今議 寡之 者 今 與 其 今

萬!
所由。呈詞并開單俱鑿鑿可稽,幸

留

萬

知

惶

内, 九 邑禍 堂上人 寔 減 福之原 去 也,堂下 銀 願 千 萬 餘 之曲 萬 兩 留 直 其 意 居 利 然 與 害 可 見 孰 多 此 耶 係

_

耶 殺 而 寅 公 者 行 謀 年 辰 經 ·, 近 免 復 及鄉 之 不 萬 詞 矣 知 理 有 寅 福 本 賴 移 精 士 該 具 煩 衰 縣 而 殊 滄 曲 重 言 縣 病 在 具 羊 於 溪 慰 :,豈各. 賦 相 爲 可 之 奏 盡 筭 瞻 輕, 役 重菴 成 查 勘 呼 者 人 企。 <u>二</u>十 久 合 號 自 情 重當 可 廓 已至 於 以 謂 負 永 府 翁 餘 其 其 挺 豐 有 至 起 特 年 尊 不 刃, 兩 心 公至 所 爲 居 悉 喜 道 重 爲 歸 鄰 爲 日 獨 其 参申 念永豐之困 心 仁。 付之生 或 當 也。 歉 不 利 乎 之壑 煩 能 ? 於 牛之釁 鈞 恭 兩 而 安 員 裁 念 院 東 失 惟 福 及 劉 廓 利 批 即 以

> 悚 垂 不 外 刊 之 近 答 惠 廓 0 翁 昨 蕭 書 舉 附 人 覽 歸 道 尊 示 不 勝

答郜節推

萬 廓 不 較 雖 蒙 几 銀 激 若 各 撫 萬 公 萬 可 1 書 均 縣 畫 九 萬 按 前 均 燈 千 中 八 行 此 差 而 0 籠 通 千 府 辱 事 幸 不 而 火 融 七 議 加 以 知 安 把 均 百 存 永 處 至 其 福 亦 派 問 豐 九 以 公照之,當不復多言 何 每 在 + 爲 永新 盛 使 所 其 鄰 石 意 自 數, 司 或 復 議 兩 何 歲 所 似 有 派 口 始 而 坐 煩 壑 乎 銀 當 末 以 雜 言 均 六 具 合 派 齊 錢 載 府 辦 而 感 方 四 年 等 T 謂 激 也 正 東 糧 糧 該 比 感

張 浮 峰 \equiv 首

具 子 承 見 世 書 護 教 時 方 并 法 傳聞 拜 至 豊 意 轉 貺 如 院之報 豊 東廓公,真 勝 张爲: 感愧 ? 地 可 伏 方 謂 讀 稱 家 壽 慶,乃 法 文, 弟

非

面

陳

不

盡

不惑者 非 其 襲 載 舍 無 可。」又若是,則與今之所論者,同 即 中, 品 而 L) 異。 几 雖 逐 + 品 取 先 致 自 敢 。」「學要 物,終日 先師 鄙 四 知 師 然有 於差池 條 格物之説 面 人尊而 云: ,則字字當心,百 授,不敢 發 成 馳 也 而 就 信之,與諸公之尊信 世 求 疑 中 自家 儒 於 奉 節 物,畢 與知 將格物之學錯 命。 之 和, 個 <u>止</u> 若《 竟只 世 心 自 以 節 條 乎 體, 然 做 俟聖人 要》 不 無 則 得 異 相蒙 看 中所 施 用 格 平 個 了, 不 在 義 物 而

> 乎取 分之墨 重 則 長 權 矣,而 不差毫釐 度 短 之 以 喻 爲 權 則 度 甚 則 非 乎 善。 ? 有 天 意於輕 下 造 亦 之輕 只於 權 度 重 重 定 者 長 長 錘 將 短 短 之 舉 取 星 於 物 此 等 之 是 中

輕

615

明 省 凡 閱 重 府,而 學 爲 三仕 熟 術 地 昔 而 方稱 措 人 大阿 謂 而 注 重 非首 咸 慶,不 之 久 之 以 得 任 柄 事不可, 旬 以以 要 獨 宣 在 也。 人 我,甘 保 於 釐 但 恭 爲職 方之民 惟 不 棠 家之私 必 其 名 提 今 公 蔽 情、 出 V 駐 芾 喜 另作 得 節 已 土 也 平 專 江 俗 講 藩 制 歷

0 共二首,「三」,當作「二」。 此 篇 康 熙 本 題 爲《答 張 浮

襲 乃 感 矣。」 乎 周、 自 以 先 洧 題 常 知 格 亮 册 如 修 ? 全 師 之 而 而 目 惺 止 物 召 奉 取 佛 濟 今之格 其 遂 云 家 本 之業 如 惺 而 覽 先 氏 只自 通 本體 能 來 格 齊 恐 致 教 天 師 隨 自 定、 面 其 只 爲 物 知 我 或 之正 F 嘗 著 物 目 君 是 柔 終 在 静 之 而 病 治 病 而 是 心 識 佞 絶 發 。一本 故 面 卧 之, H 安、 格 今之所 也 之格,是 取 物 開 者 明 偃 馳 是 則 其 他 慮」 鑽 德 體之正 蹇, 致 求 吾 图 故 意 言 本 刺 自 知 於 謂 儒 日 小 自 具 尚 來 外, 去 之 之 明 大 致 : 友 條 誠 在 阳 面 門 於 非 非 其 功 + 莫 知 只 相 致 也 參 目 天 心 全 心之不 也 軒 非 做 知 未 發 即 對 下 自 要 者 精 發之 獄 焉 得 明 又 佛 何 格 正 誠 均 Œ 刻 個 盡 特 氏 如 物。 正 若 之 惟 與 中 之 + 義 身 ? 溱 順

離

此

格

爲

錫

答 徐 小 初

之功 外。 學,孟子之後 極」 空 商 乎 却 物 大 類 而 言 蓋 之, 始 益 ? 明 之仁 事 先 語 而 自 著 所 西己 物。 顯 丘 不 先 遂 無 禹 以 倖 此 以 鄙 出出 使 師 救 若 暇 謂 瑞 自 得 處 格 明 人 象 於 云 文公訓 煩 操 東 岩 象 物 觀 咸 仰 Ш 事 與 戈 坡 爲 之, 係 Ш 感 含 唇 事 明 乃 至 推 非 止 而 悽 大 至 物 水、 晦 承 善 出 至善 輕 後 良 物 雅 地 秀 則 善 是 申 元 明 知 之 下。 甚 也 心 1, 豈意 之學 Ш 距 韓 爲 求 和 矣。 象 之本 詖 之害 外 至 蘇 Ш 竊 事 不 放 善 答 之 歎 姑 Ш 以 時 理 體 淫 龍 諸 學 孔 謬 當 而 便 逐 相 而 孟 得 門 溪 君 然之 未 西己 是 亦 物 慶 子 先 之 子 義 嘗 爲 以 禹 至

共

墨榻二紙、《大學

臆説》及《傳習

録

節

要》

以

師

附上覽教,便中不吝批示,至望至望。

答蔡白石

承 勢 則 使 雅 【翰豐貺,寔出乎分義之外,極 然, 也 自 執 非 厥 事 敢 後 下 爲 不 車 高 敢 之 以 復 初 自 有 絶 僭 所 也。 啓 奉 起 亦 方以 居 Ш 感 恃 林 極 爲 有 衰 愧。 懼 病 ___ 乃 之 日

光 自 執 化 以 Ш 雨 发出 城 連 爲 事 氣 止 明 孤 綿 路 乃 機 來諭 之, 終 不 學問 懸 耶 以 萬 穀 而 擾 有 物、 肖孤之至幸至幸者。 價 願 総 取 擾 脉 狂 騰 公念之先丘 始 以 於 勞勞不暇 絡,乘 瀾 貴 坤、 帝 萬 着 物 新 出 篙 復之論,不 承之妙自是 者 城之賊 乎 方是高 爲 震, 倖瑞 莫 辭, 盛 亦 未 贵 乎 能 手 特 是 臨 退 學 艮。」此 如 此 賦 楮 此 與 目 此 而 耳。 傾 義 仕 前 敝 語 仄 以 陰 各 造 故 艮 邑 而

答亢水陽

業。 覆 也。 益 倘 事 慰。 言 ? 議 爲 非 荷 古之人 願 其 仕 孟 志於堯舜, 顧 賢 册 志, 夏 其 所 晦 及 究 Ш 所 縱 以 得 前 中 先 厥 志 使 行 無 壠 施 志 雖 接 談 而 事 其 倖 簿 仲 以 澤 決擇之, 王 瑞 志 頗 書 春 光 加 説 覺 稿 也 奔走,亦 念 交 於民 伯 自 游 便 紙 所 平 於 H 奉覽, 嚮 生 所 志 生 無勞遠 近 便 自 寄 所 定 民 答 是 是 書 志 倘 干 而 堯 未 不凡。 貺 念 者 賜 龍 治 舜 必 溪 成 有 何 事 其

答曹紀山

跂 伏 復 惟 承 教 道 劄 駕 意 臨 螺 義 111 何 惓 聲 切 光 耶 人 ? 懷 堯 舜 徒 開 懸 萬 瞻

當 千 不 明 不 此 哀 Ш 謂 之失 世 日 者 萬 如 與 . 聞 樂 傳 中 1 而 今之 批 矣 之 傳 學 發 未 便 此 蟹 延 示 者 發 是 是 語, 乃 以 也 平,每令學 之 源 自 蔡傳 未 日 作《 中,未 真是 逐 然 用 發 只 恨 中 物 中 訓 本 之 在 無 唱出 爲 庸 節 日 領 中 發 緣 格 「中字在 者於 T. 作 物 明 才 心 中 而 夫 何 論謬 者 肝。 道 發 氣 静 喜 字。 病 先 便 象 怒 口 中 議 事 症 道 生 屬 謂 以 哀 爲 子 相 存 南 E 日 樂未 覩 深 體夫喜 思 £ 發 似 此 以 聞 求 切 憂 鄙 後 而 不 則 發 道 見, 蟹 是 覩 著 又 自 怒 龜 之 學

答陳履旋給舍

者,其功何居? 所謂虚寂者,其體何似? 致守之

云者,

只

是

纖

毫

不

從

天

理

自

然發

出

而

稍

浩

驢 便 是 此 功 虚 類 寂 致 是 便 守 也 是 Ż 體 外 虚 别 寂 無 之 功 外 别 諺 無 謂 體 騎 , 驢 致 覓 守

乎息矣 酬 夫 血 此 斷 氣 爲 書》 除 1 主 知 宰 日 則 之性 . 又 人心 則 近 道 皆 於 N' 惟 枯 屬 安 危, 槁 心 若 道 而 若 血 is. 道 惟 N 氣 H 或 N 用 微 幾 知 應

乎 流 中 得 蓋 性 心 其 行 人心、道 命 即 IE 之正者 文公以生於形器之私者 É 中 有 除 處 是 然 發 却 便 心 1 中 mi 是 血 爲 之本 原 節 中 氣 道 道 節 非 心 心 之 體 犁 心 動 知 虚 以 和 然 性 識 天 兩 又 命 寂 和 者 派 也 安 之 即 是 謂 出 失 有 世 道 故 其 爲 來 所 其 心 H 人 分 人心? 謂 微 IF. 但 也 有 别 道 未 處 形 太 發 心 便 氣 原 天 调 理 之 是 之 在 於

思 危。 慮營欲,便是 乍 ·見皆· 有者,道 之動以 人。 心 動以 也 ; 人 納交要譽, 便是妄,故 則

之 不俟致守而 自見,通 以 俟其 致守工夫,不知於幽 畫 沛 夜、 自無不致守乎? 然乎, 動 静、内 抑 人心 外而 獨時致之、 不生而 炯 然 常 真 照 性 守

於義 時格物之學,都 致守,亦只於未發之體致之、守之。《易》 速,不行而 若決江河,莫之能 後 夜、 不 知至至之」,致 人心 聞 動静 是 虚 静便 而 不 也 者 生而 取 至,尚何致守之可加 也。 宋 是 致 未 守便是戒謹恐懼,無 真 是 人 也 惟 發之中,即《中庸》之不 性 助 從 禦,遂通之神 其 自 長,自謂得 發 「知終終之」,守也 無間 見。 處致守,不 於畫 感應 手,可 夜、 也。 乎? 流 自知 行,沛 動 不 間 哀也。 静 其 疾 於 覩 陷 書 近 日 日 而 然 然

> 發乎? 憧 咸 · 区 卦要機 吝於腓 只只 在 股,然則 止 與虚 \perp 真 夫 與 在 脢。 已 發乎 致戒 在 於憧

息卧 判 斷 自是安妥,精神亦見 公 鑽求於二六時中,若一 事 應 酬 賓 客、 覽 充 觀 念不 長 載 籍、 起, 居 則

之體。 元 等路頭,每 段,已先 化,草木繁」。 之、守之也。 公、程伯子豈肯借寇兵而 前所謂致之、守之,亦只是於此 念不 得 我 每 起便是 致之極,守之篤,便見「天 作禪學看,俗 心之同 往白沙先生答趙提 未發之中, 然,附 齎 儒 去,細 之亂 盗 亦 糧 便 味 學 道 耶 是 之。 書 ? 也 中 地 處 虚 周 此 致 變 寂

擾,此 常 可 感常 使常 偶 10 應 不 一緣 比 常 起 應酬 虚 起, 寂 静 時 耶 即 無 反 閉 所 不 户 寧。 厭 面 壁, 動 不 無 知 愈 所 見 何 膠 如

欲言 自 喻 有 而 ·時 然 切 無 念 無 失 無 掃 主 凡 無 却 得 便 所 除 有 主 是 是 有 此 厭 也 所 IF. 中 主 1 惡 着 本 念 常 則 周 自 體 内 不 如 子 非 然 光 欲 起 意 所 邪 常 光 不 念 謂 念 必 應 地 萌 須 無 也 常 外 惟 固 欲 是 寂 是 者 誘 常 弊 我 戒 故 常 不 屋 非 懼 皆 戒 日 禦 專 得 欲 : 懼 寇 指 松松 力 也 敬 邪 之 使 無

簡劉三五侍御

哀 者 先 法 賜 樂未 眼 師 佳 藏 而 和 至 () 發 聖 明 有 之中 難 亦 無 裨 到 見 É 顯 養 位 面 語 先 揚 來 天 道 徒 多 師 地 究 及 矣 切 而 八,只 育 極 瞻 晦 出出 精 萬 企。 終 明 微 物 ^ 日 咸 之言, 録 先 也 説 感 壠 中 只 格 倖 謂 從 所 此 物 祥 是 喜 載 學 設 怒 甚 自 IE 承

> 之學 也 同 水 天 法 在 納納 病 猛 後 救 答龍 獸之下, 弊 顛 相 天 諸 憐 覆 誠 罟 而 溪 破 意 願 獲 U 壞 上 無 敢 先 陷 書 用 視 爲 穽 天 將 奉 高 爲 正 而 上 潛 來 莫 細 明 心 教 責 驅 故 知 俱 正 備 密 道 避 着 而 引 萬 之。 也 不 恐 坐 萬 得 公 使 其 口 I. 亦 人 堯 禍 明 夫 喪 不 舜 相 能 執 在 心 工 照 中 棄 辭 洪 夫

答董兆時

積 成 義 受 道 具 片 用 理 見 小 愧 高 段 從 無 好 遠 鄙 肚 大 窮 德 承 之 裹 使 如 也 之 不 调 升 翰 懿 足 日 今 以當 翻 辜 辭 崇 時 此 出 負 講 便 正 之。 許 中 諄 之 學 是 多 切 Ш 之 惻 然 言兑 振 隱 惓 士 充 話 更 作 往 之 惓 此 以 不 之意 心、人 資 一念, 推 往 見 子 口 將 有 之 耳 之生 着 足 書 順 册 衣 德 不

勞苦以 尊, 喫 出 飯 於 俱 其 未見飽煖,只 有 敝 間 卓異 其 也 軀 之資 也 願 着 是 口 實 將 歎 攤 勉之,千 來 放 可 與人 涵 歎 養 1 看 成 萬 德門 千 必 畢 萬 有 , 竟 長 大 幼 饑 賢 外 卑 寒

沭

草

率

迫

於去人故

也

先 克 時 内 動 不 弟 滅 所 功 不徒 倫 境 出 肘後 名 立 治 止 得 謂 平 界 數事 其 而 此 其 偷 禪 其 位 大 口 止 旨 樣 日 惺 心 一。玩玩 學 相 閑 大 意 想 訣 念 惺 時 者 續牽 思 者之立 不 見 頭 不 提 禪 行 味 雜 矣 差 起,須 而 调 將 氏 良 引 聖學之立 慮 也 行, 敬 近 所 卦 足 只 此古今學者公病,荀 寂 大 謂 是 以 下 其 禪 是 久 滅 歇 直 止 道 流 學 謂 而 聲 根 於 處 内 光 念 之 明 注 有 色、貨利、 塵 矣。 明, 事 而 與 於 得 想 斷 頭 己。 0 聖 庶 故曰 則 然 起 止 除 學, 物 若 寂 於 敬 處 河 富貴、 煩 . 均 以 能 然 事 南 輒 惱 於 之 直 兄 撲 子 加 不 思 則

> 爲 虚 禪 實是非之差, 者 ,畢竟不知禪學作 毫釐 耳 0 何 後世 狀 口 疑 笑 象 口 Ш 笑 之學

程,蓋 保 聖。 矣。 今之世, 求 湯、文、武、 人 心 逢,有不可 有 倫 如 爲 是皆 果能 餘 有 古之學者必 臨 可見 嚴 師 五. 何 父母。」言 師 有見 」之旨乎? 立 哉 而 必。 矣。 周公、 志 師 於《中 楊 友 則 足 特 有師 慈 孔 猶 其 志 下 以 湖 子、 在耳也,乃 庸 全 即 世 道 日 大《易》 》修 焉 之 我 在 . 顔 義 道之教 立志 師 先後,生之 曾、 心 觀 由 之 日 師 之 謂 張 之意 思、 : 堯 友 精 孔 横 孟 有之,故 、舜、禹 神 孟 雖 子 渠 子 逢 得 遠 是 無 H 周 不 謂 於 師 歸

之學, 過 勇 而 希 速者莫如風雷 而 聖之訣 惟學,然 風 雷之益 也 故 後 知 莫大 顏子 過 故曰:「震 0 、於是。 之「不 過 而 遠 能 蓋 無咎者 復 改 天 下 爲 復 存 之 修 於 乎 至 身 無

知學者不足以與此也。 者雖微有間,然卑巽苟止,積而成蠱,是 改、改而不能速,比之冥 子之學,莫大於「不貳過」,其他知 於二陽之下,震之一陽復於二陰之下,其即 過少,愚人無過」,蓋亦有見於知過之難,非 於風雷之象也。鄙人嘗曰「聖人過多,賢 顔子之「不遠復」者,其知幾乎? 人心一念之動乎? 一念之動,善惡之幾。 悔。」然震之爲義,爲風爲雷,而巽之一陰伏 頑不靈、醉生夢 是故學顔 過 而 不 死 昧 能

雙江聶先生文集卷之九終

雙江聶先生文集卷之十

乎?

敢希裁教。

Ē

答 戴 伯 常即幽居答述

其 也。 習不忘,坐稽歲 乃見聞 似 而 由 不善 不 以 以 累? 知 天 靈 適接光霽,所謂見聞不能累心者, 致之。 其 則 理渾然,靈 昭明覺人人各具,堯舜可爲,何 紛 可 愚意竊謂物欲 擾膠 脱 見聞之善,所資益 者。 月, 固於胸 明固 求其 爾 乃 有,而 依 無累,亦可得 中,有終其身 者,理性 違 物欲之 顧忌,積 明,而 之 蔽 障

> 立矣。 不覩 下 則已落在第二義,察之。 而 之聞無不善。是之謂致中,而天下之本 反爲累者,虚 聞 ,則天下之覩無不善,恐懼不聞,則天 若資聞見之善惡以爲吾心之勸懲, 見 者, 虚 靈先 靈 流 累於物故 行 之用,安得 也。 故 爲 戒 累 慎 ?

者也。 聞 之來方屬於聞見也。 之本,其體定静,寂然之中,大本攸立 者,心之用也。 爲物累故也。」傍批云:「主本定静,豈 用,安得爲累? 人各具,堯舜可爲,何由 有紛擾?」蓋定静者,心之體也,見聞 之人,亦未有舍見聞之學。 來喻云:「聞 但物欲之感,善惡相形,而情妄 愚前所 而反 見者,虚 夫天下未有無見 爲 謂 以累」者,性真 累者,虚 靈 靈 昭明 流 再 覺 行 先 之

裁正。

惡 明 物 紛 照 鏡 引之 擾膠 觀 則 者 則 之,當有得 尚 亦 隨 虚 靈 何 古 物應之,己 而 惟於本體 應物之爲 一者,只 者 去不 鏡 力 之 難 爲 處 之 明 也。 本體 無 累 明 ; 所 見聞 哉?」可於平旦之好 去 程子謂 與 先受其 其 也。 者,鏡 塵 垢 而 病,故物 班 「定則明 反 之照。 蝕 有 一,而 所 交 謂 於 磨

年 此 其 清 蔽 時,仰辱誘進之方,無所不至。 而 資禀,學不知要,三十以 明 蔽 聰 復 用 錮 萌,今日 未與物 明 力,庶乎易矣,却 至 E 立 深。 境界,只 於 其 如 大,正 受病之 此 接,此 方形之事 作憶 其本,反 每 原,緣 正 觀 往 被昨 羲 平 而 思來所 黄之世 旦之 前 於 即 觀於平旦之 日未了 物 至, 知 時 欲之累, 識 用。 也 可 但幼無 太早, 惜 之 夜 伏 事 當 氣 百

思

慮營欲、心之變化、然無

物

以

主之,

乞極力一援,成功不細也。

學 死,便須起死回生。欲 近 几 也。 生。 功, 種 思 深 既竭 邁往 精 慮 造 察 纏 以 一,勿多 吾才,庶乎 而 繞 道 力 絆 當當 去之,常令夜 縛 疑 自 生,只 屢 起 有 空,斯可 死回生,便 會 是意、必、 心 氣 處。 存 以 存 知 須 學顔之 不 固、 生 萬 知 求 我 死

張 亦 乎? 思 聖 憧 忘,所恨 E 此 亦 往 ,似覺異於前時。 天 功之本, 意耳。 傷 棋之上床不思量 來,謾爲 往惜思慮之患, 程子破屋、 本體 不能 如 若司 乎? 覺耳。 昨 無益 所 翻 馬 面 而 之 車之喻,惟 君 閑 蓋 忽 諭 自 事 事 實之 思浮 者 聞 覺 向之思慮者 皆 爾 不不 尊 紛 有 以 擾, 慮 教 思之有 識 得 中 求 亦 體 有 亦 否? 爲 覺 可化 益 能 認 念、 憧 之 益 累 暫

皆

能

也。 正。 昭 知 之 也 知之説 見、定百世 致者,至也。 是乃 理,欲 明 域 覺 格 推 朱 重 伏 天 子 新 者 極 ,似若 讀 其 至 吾之 周 也。 命之性 陽 日 也 極 之 明 未安, 文復 久 處 致吾心之良 知 先生《 凡意念之發,吾心之 物 致, 疑 無 ,吾心之本 識 覩 者 不 猶 推 謹 誠 古本 也。 欲 到 事 陳 極 其 也 爲 世 所 也 所 大 知 __ 但於格 曠 疑,伏 學 體 焉 先 窮 知 千 知 \approx 自 無 古 爾 至 生 9 然 冀 物 之 仰 事 不 猶 E 良 物 請 致 高 見 靈 良 盡 識

> 矣。 其 其 之 不正 物 其 知 解 識 物 意所在之事 而 自誠 善之 流 以 格 謂 者, 不 無 窮 善 必至於任 舍窮理 爲 致 世 以 有 極 事 一當爲 心不 歟, 善 歸 知 9 不 也。 至 去 歸 於 自 亦 善,已 而 謂之物。 與 於 IE 惡皆自 知 必 自 凡意 也 情 務 恶 正 也。 者 IE 知 也 自 者 之 爲 而 自 之 之 知 當 知 詳 其 正其不正 朱 自 所 爲 格者,正 去, 之? 無 盡 善 其 IE 子 善 發, 夫 與 歟 意本於率 所 之 則 則 必 於 意 若 解 謂 何 天下 自 者, 也 有 他 不 夫 先 推 也 知 其 人 之; 必 自 生 去 廣 IE 也。 事 誠 知 復 知 夫 惡 其

是

調

停

火

候

也

慮

久

養

優

事

之當 心 故 之體,有善有惡者意之發, 日 去而去之,如惡惡臭,此是天然 知 善之當 慊 0 爲 陽 明 而爲之,如好 先 生云: 知 好 善 無 色; 善 知 悪 無 真意, 者 惡 知 悪 知 者

可

以

盡

其

體

物

之

字

可

以

該

其

用

千 簡 者 不 天 之 1 則 而 以 力 解 里? 看 易 感 良 磨 後 貫 命 以 處 悟 只只 之, 之 鏡 有 聞 亦 己 而 爲 定 毫 性 若 見 只 求 是 今之以 何 遂 格 善 之末 也 愚 意 隨 復 與 謂 通 則 去 意 欲 焉 條 念 性 明 天 惡 鏡 致 竊 故 自 任 頭 體 ? 脉 明 下 者 之 蔽 情 轉 絡 謂 就 德 之 物 是之謂 照 爲 充 知 知 相 地 故 於 之格 而 率 若 善 良 應。 極 設 天 明 妍 而 性 從 其 法, 知 下 德 格 媸 知 修 者 惡 念 虚 知 也 蓋 物 在 也 令人合下 在 譬 頭 靈 類 齊、 不 恐 我 彼 正 虚 鏡 之 上 如 學 聖 知 也 治 與 之 本 靈 此 隋 學 從 者 明 體 不 格 知 平 本 物 何 性 隋 有 昧 體 自 致 物 啻 應 11 用 於 而

理, 乎? 發,但 15 謂 事 地 文 果 其 修 自 以 功 本 爲 物 然 惟 謂 公 能 致 劾 誠 身 非 而 全在 之 用 騐 察 隨 之 隨 知 以 舍 事 免 窮 窮 良 事 功 事 不 也 上 於 理 萬 物 非 理 IE 附 知 隨 者 之要,全在 隨 在 N' 緣 之 之 固 精 至 N 力 理 物 物 窮 也 理 則 而 舉 將 功 I 於 察 字。 簡 精 精 理 求 雖 非 而 謂 終 夫 致 乎 至 察 察 不 愚 理 措 ? 不 又 無 知 易, 今 此 此 則 窮 之; 悟 乎 必 必 之 謂 以 謂 N' 13 ? 此 者 明 其 誠 窮 見 地 窮 : 精 之 之 誠 乎 理 10 發 齊、 其 既 字 雖 察 天 天 昏 ? 意、 之 而 前 陽 若 理 ; 不 柔 理者 者 治 理 醬 天 聖 惟 天 用 明 以 也 云 必 IE 之 圳 察 理 非 先 所 平 窮 力 致 强 以 N 之 於 是 未 之 間 窮 致 又 至 爲 生 即 知

物

合

爲

明

^

大

學

 \Rightarrow

書

知

之

字

則

任

其

物

來,

各

當

於

理

如

此

致

知

格

妙

用

致

則

充

極

其

知

此

德

乃

明

格

;

以

知

爲

虚

靈

之

本

體

以

物

爲

感

通

孝,不 字 於不 乎 不 者乎? 公多 也 即 志 論 於 孝乎,養口 知 士 物 事 ? 以 豈 所 胸 ,精察孝之 猶 爲 事 必 從 添 所 中,所 未 外,又 物物,孰 謂 非 抑 大 亦 親之令,不若 亦 毫 謂 致 窮 亦 增 高 長 誕 窮 無 也。 意 理 精 將 遠 乎? 體 何 者之 明 察 欲 字、先生却 不 也 察於 年之 從之乎? 非吾分内事 以 未 爲 隨 理於其心,當此之時 自 到 既 孝乎? 言, 而 充 明,所 察孝 者 蔽 朱子所 日 心。以 載 察之? 極 昏 者, 日 盡 籍 亦此 其 者 知 闇 養 義 又 虚 無 候 换 是 從 謂 未致,使 也? 口 非 將 也。 其 乃 靈 前 改 非 親 即 極 體 據 自 窮 之 代 添 之 以 如 兩 處 加 若 前 本 之 一精 既 不 養 昏 知 理 端 令 者 審 乎? 之 文 謂 若 人 之 志 醫 體 交 以 以 此 察 之 察 行 文 地 辭 養 戰 之 而 陷 爲 良 事

之窮 之靈覺 多 爲 語 便是 喜怒哀樂,變化 夫? 乃欲舍此 孝;以 也 心 命 盡 各 謂 付物 之純 夫天 之性 口 窮 Ē 舌 以 憧憧 故 理 理。故 自 不 貫 事 謂 吾 ,才闢得此 以 理之極 而言,謂之知 ; 不 各有 君,便 之之義 ,其害有 自 身之主宰而 純、雜 此 純 落 靈 也。 明道 乎 條 道 覺之感 而 天 而 理 理 云 止 不 故精以察之者,一 無 先 二障 不可 隨事精察。 而 爲,倏忽萬 於 理 便 雜,而 以 一毫人欲之私 公落格, 之心 生云「窮 言 敬 言,謂 理 而 勝 自 是 謂之理; 在 遂 靈覺之生理而 言 益 式。 以 事 通 者 何 密 之心; 事 狀,纔着 天下之故 夫 理 等 夫 先 以 父, 7 視聽言 便 切 生 考 窮 自吾心 而言, 此 自 察夫此 費 實 便 盡 求 理 7 事 思 的 之 性 止 主 便 動 物 許 慮 幸 口 於 功 至 謂 之 物

得之見,言有過

中,仰

冀教亮

外。 也 至 人 日 知 静 X 運 謂 謂 而 議 爲 之 即 人 應 發 動 良 之 「主宰之靈 所得 深矣。 必知 是 矣。 本 萬 天 明 用 此 知 承 德 體 事 知 理。 即 喻 雖 豈非念慮 與德 乎 未 者 明 然乎否 之 致 表 而 德 天 發, 蘊 所 但 知 章 即 能 合, 也 而 於 謂 混 即 明 不 知字之義,不若 固 得 中 虚 良 謂之知, ,皆德之本 窮 而後 慮 知 E 天下 之萌 靈 知 理, 之 而 同 動 不 無 可 良 知 極 亦 乎? 於 平, 昧 知 分於動 即 也 荷 猶 明 明 德之 德 乃 德 以 似 明 指 德 知 其 高 乎 具 也 之 明 示。 矣 明。 静 止 推 明 則 極 德 知 衆 者 無 夫 亦 此 於 之 覺 庶 功 知 理 竊

之,秋 粹 全 自 備 其 陽 靈 而 以暴 言 明 昭 之, 皜 謂 覺 之 而言, 明 皜 德 乎 不可 謂 故 之 日 尚 良 己。 知 江 ; 良 自 漢 其 知 以

濯

純

有 言 信之者。 之,即格物 安、誠、正 知 猶 即 ,或以性情言 至善而 日 明 箇脉 皇天, 德 也。 豈以 路耶 身 止之也, 也 日 若 太 修 ? 知 蓋嘗 或或 虚 日 也。 止一條,爲 幸參而思之。 · 曰 知 知 以 告諸 慮 止 顔 乾 與 則 便 色言,一也。 。 曰 德合」, 同 齊、 是 蒼蒼 八條目之外 志,亦未 致 治、平 知。 可或 猶二之 定、静 有 以形 知止 能 以 也 體 别 盡 貫

覺之 慮? 之 得 爲 不 者,欲以 盡 資 昧 明德、 明 德之大。 疑。 明 者,德之本 良 竊 固 知 字。 知 靈 恐 有 之説 但 寓 中 其 明 良 知 於 昭 人 明 愚 兩 德 德,正 知 明 覺 意 以下,不 即 何 即 也。 承 爲 必 待 明 明 開 良 來 知 德 誘。巴 於 德 良知二字 知 喻 與 能 學 也。 可 又 以 德 ? 如 也 似 純 無 合 是 蓋 何 乎 不 粹 而 止, 之 待 生 虚 不 屬 全 後 通 於 知 釋 備 靈 能 知 口

有 所

倚

着

而

言

謂

之偏

;

自

吾心

之有

所

遮

偏

與

蔽

在

物

平

在

心

平

?

自

吾

心

之

亦不惑、不動心之意

也

切

愚意惟

恐

慮字非徒

處

事

精

詳

若

一貫,而

定、

静、安對

意、心、身,尤爲

誠

正

齊、治、

平

爲

格物,

簡

明

通

暢,真

又

以

知

止

爲

致

知,定、静、安、慮、得、

字,終不若明德之入人深矣。

老先生

知

者、下之明字。

良知二字,亦下之

明

惟

本

於德之一字,

而致

者,上之明字

;

目

之

統

名

其

爲

善

乎

?

在

至善

者,

卓

爾之見、一貫之唯,乃

在

愚

魯之顔

流

必

至

一於任

情」者

意謂

此

也。

會三

綱

不

明

則

將

何

所

率

乎

?

愚

向

所

謂

其

毫未

盡

者,

亦

未免堕入

於舊

習

性

今事

變

禮樂

名

物

聖者難

知

而

人

欲

象

明。

思欲

脱

去

氣

質之

偏、

物

即

物

以

窮

之

徒

爲

精

察於

此

1

尚 纖 者 Ш 先 ,蓋以聖學本易簡 生云「可 使不識 ,而其功甚精 一字之凡夫立 切 過,故 造神 也。 妙

所 夫禮樂名物、古今事變,其於作聖之功 與。 子貢之多學而 知、不 聞 性 與 天道 初 9 而 無

名 可 以 而 同 知 貫,致得良 聖學之先後緩急 知 便是 也。 明 得 良 明德。 知、 明 故 德 江 異

漢 以 濯 、秋陽 以 暴 皜 皜 乎 不 可 尚 己,可 以

之 爲 靈 明 覺 明 德之費, 而 言 日 良 亦 自 可 實 以 理 贊 之 良 靈 知 瑩 也。 而 言 自 主 明。 照

太 只 爲 重 ,故其分别有 執 事 平. 日 看 得 如 知 此 字 也。 輕,而 窮理二字,不是 於 德字 看 得

窮 云 人欲之私,此 事 「 及 其 物之在外者。 至 也, 是 孔 雖聖人有 門 盡 窮 夫天 理 訣 所 理之極 竅 不 能。」 而 而 豈 以 禮 無一 中 毫

三三七

聶

索耶? 也。 樂名 老 本文静、安字疑 至命、不知老之將至,何嘗 神、剡 物、 孔子志學以至於從 其以不惑、不動屬慮字,亦是,但 子能聖人之所 古 今 事 複 變、 也。 問 禮 不 心所 能 問 汲 而 官 汲於事物 欲 爲 孔 只只 至 子 平 是 反 之 盡 不 於 窮 性 能

致如 害,資本無良, 此。 不肖 静而 自 有 觀之,蓋 不 知 能 識 以 正 始, 來,首 緣 紛 紜 被 纏 思 繞 慮 之 以

論

是 德 也。 修 便 解 要體當自家心體 豈 德業 立 口 有 其誠,亦只是箇 語 非二 忠信之人、言辭 王道。 事,進修亦 程 。」故多言者忠信 子 忠信 云 非判 有 的 不 修省 然 誠 心 乎? 無 兩 言 項 薄 内 工夫。 詞 有 無 天 外 只

也。 者,非安 憂 孟 患亦非能 子云「生 樂 能 死 生人者也,但困於心、 人,乃 於憂患 宴安恣 而 死 於安樂」 肆 之

> 良是。 憂 也 道 亂 蔽 衡 發於聲 乎? 雖非 患 則 處 於 最 難 慮 本 能 而 而 而 若夫動 體 困 使 憂 後 後 昭 Ü 人恐懼 患 作 喻 明 衡慮、徵色發聲, 亦自 矣。 心忍性 作 喻 則 修省 有在 則 本 不 不 增 體 溺 蔽 故故 也 昭 矣 矣。 益 有 明 其 生 所 豈 不 道 於 其 溺 不 非 一,所 遭 能 生 不

以 其 不 也 不 氣 能 質,率多一己之偏,不能 所 知 習則 毅 也。 行之不著、習矣不察者 當 然 然 逐於習染,莫非見聞之陋, 註 以 云 覺察也,是以終 既 習 「方其 矣 而 行 之, 猶 的然 行 不 身 而 識 不 由 以 則 其 之 能 著 由 所 而 而 於 明 明

序 爾 程 而 須 脉 似 謂 乃 言定、 其旨 子 也 動 猶 處 慮 事 老 日 少 亦 定、 則 先 精 思、 遠 意不 静、安, 親 動 生 詳 静、安、 先 民 亦 静 謂 生 甚 之 亦 静 慮 以 既 事 思 相 思乎 本 慮、 若 静 慮 遠。 統 也 於 誠 與 亦 動 ? 得, N' 齊、 静 此 蓋 静 正 處 朱 雖 承 思 而 者 治 則 子 身 知 有 與 修 着 日 先 平 之 亦 止 慮 至 後 爲 此 亦 而 慮 善 之 相 意 何

動之

機

未

嘗

息

及

其

動

也

而

静

之

理

未

嘗

耳

思

也

者

統

動

静

而

之。

方其

静

而

動

静

無

端

而

以

思

爲

動静之交,似

有

端

擾 思 百 頓 日 而 故故 睿 處 1 之」者 敬也。 9 睿 初 不 心之官則 又 無 作 日 從 階級 聖 也。 敬 别 慎 的 無間 思」云。 思, 與八條語 思 蓋 滲 可 思 漏 於 不 少 誠 動 思 乎 定、 者,人 静、故 思 則 哉 意本 不 静 不 ? 知 之道 得 日 安、 自 但 要, 一思 也 思 相 慮,一]。| 「儼 也。 反 統 要 致 知 動 1 紛 安 静 若 思

思 思 時 其 也 慮 自 傳 氣 孟 日 能 象 子 知 若 儼 日 之 有 若 所 不 思」, 此 思, 慮 可 而 是 此 見 知 謂 可 動 閑 見 亦 是 居 静 無 謂 獨 中 思 不 之 處 也 待 無 之

之説

,甚得之。

今之以

思

屬

動

以

戒

懼

屬

念

喜

怒哀樂未

發

之前

則學之至

也

息

思

慮

獨

惟

慮

爲

齊家

治

或

平

天下

者

哉

學

,要於意、必、

固、

我既忘之後

而

求

之

於

傳

之仲素、

延平

獨

賴

此

意不忘也。

君

子

之

中

意

則

發

皆未

發

此

程

門

相

傳

指

訣

龜

Ш

以

爲

止

也

中

非

未

發

之前

不

口

驗

常

是

静

也

故

日

復

其

見

天

地

之

心

而

艮

之

所

忘

蓋

動

静

無

時

而

思

無

邪

乃

所

以

常

主

夫

簡

甚

的

要知

思的、戒懼

的

是

静

根

屬

感

者

却

甚

害

事

更

不

知

思

箇

甚

的

戒

懼

三三九

做 故 慮 是 知 去, 慮 而 無 止 則 時 動 後 者 此 久 察 又 無 知 當 善 有 静 至 段 惡 境 冰 善 善 無 則 界, 惡 解 而 着 出 凍 前 贵 止 落 來 之。 此 釋 待 謂 待 已 慮 之附 察 是 知 善 而 耶 至 無 惡 後 ? 贅 善 善 察 屬 懸 無 而 善 只 氣 惡 疣 止 從 惡 之,正 矣 可 止 乎 也 路 無 ? 何

善

中, 求 大 懷 也 無 目 四 本 遺 中 亦若 者 者。已 旁, 中 連 方 也 宛 惟 逐 H 體 者 是 又 在 若 節 非 捧 爲切 ,天下之大本也」,立 也。 之 此 非 未 而 沉 可 誦 中 詳 發 懸 痾 蓋 據 華 耳 玩 之 空 之 也 翰 之 喜 前 高 脱 此 怒 故 累 不 體 分 發 中 哀樂 觀 附 可 明 無 皆 者 於 驗 於 歸 曲 形 不 未 未 ^ IE 狀 天 成 N 發 屬 發 鄙 之 之 於 下 櫽 之 意 再 經 前 F 之 謂 诰 括 緇 口 久

氣

象

定静 明之資 經 本 有 物 體 所 轉 物信 閫 故 謂 體 頭 奥。 認 處 又 信 他 識 未 能 手 得 本 此 人 發 隨 來 本 拈 是 氣 得 時 來 來 堯 象 天 何 隨 面 舜 分 地 用 頭 處 H 明 相 之 爾 頭 反 傳 不 中 手 身 是 則 以 勞 爲 以 道 發 而 來 觀 脚 動 生 時 IF. 不 攘 處 走 法 中 白 ? 所擾 作 眼 是 患 沙云 以 心 不 便 高 之 佛 自

得 者 以 氣 魂 古 物 之 今所 節 在 歸 交 爲 而 何 口 感 矣。 變, 言矣。 所 中,蘊之 載 之也; 之 同 而 觀 從 所 陰 能 也 故 厥 來? 陽 以 成 夫人身之有 中 少 養 無 不 能 年 N 易》 相 測 視、 既 知 莫 血 至 而 之 得 所 日 善 氣 聽 於 施 謂 聞 : 從 於寡 未 之不 魂 言 神 命 來, 定 精 精 游 矣 慾者 氣 動 魄 氣 窮 戒 蓋 則 爲 神 者 散 之 有 耳 愚 未 物 斂 在 此 意 天 亦 則 知 E 之 色 遊 精 K 此 中 扳 口

之。 良 也。 言謂之 也 陽明先 知 ,以其妙 竊謂 比 古人謹此,莫非存神,欲以大而化 氣,以 生《 儗 中亦 於 用 答 神, 而 陸 其 不測 言 原 凝 可也 謂 静 聚 也,其 之 》若 而 ; 神, 言 若 H 謂 斯 精 以 : 「良 之 之 其 氣 精。」 謂 流 者 知 行 歟 夫 ? 而

喻所謂 學以 知 者 命,萬世之太平,千聖之絶學也。寡欲以養 其孰能之? 故曰: 之,以至 之所爲乎? 煉 氣成神,是言不囿於氣質,皆神之融化 其故」、蓋 也。 變化 中 者,天命之性 故氣質 一於剛。 「耳、目、鼻、 氣質爲要,知變化之學者,其 止此一言盡之矣。 虚 非神,不病 者 雖 愚必 養之,以至於充; 中者,天地之心,生民之 口能 神神 明,雖柔必强 也 視、聽、言、動 狂 所 即 以 死 煉精成 漢 命 柔者養 夫 耳 非神, 者 氣 知 也。 氣 神 口 質 來

云:「請君試向東南看,何處凌空柱杖飛?」之,寡之以至於無,則白日飛昇矣。白沙詩

一一。 疑乎? 時 和一,中 禀强 喜怒哀樂,原 昏者,悉皆任情爾,故君子從而修之也。 喜怒哀樂未發 中 《中庸》以 者、明者,能爲率性之道; 也。 天 和 命之謂 者, 中 所 率 無已發、未發之異。 人立教,惟 從 性 謂 性」,通指人物之 而 之中,發皆中 來, 有,故 豈 論 非 君子 人 時 也。 其弱者、 習 時 節 之 竊謂 生而 習 謂 故所 所 之 則

也

何與於知

此乎? 懼 不 和 之反。 聞 無 情 中是天命之性也,情之發得當處 命 時 聖益 於 不然,故 性 發 聖、愚益 無 日 不 時 愚,其在此 中 中。 戒 無 慎 忌 不 憚 覩 乎,其在 恐 便是 戒

執中之旨,授受相傳,然其史臣贊

633

意 失。 所 是 合其 聞 者 以 能 有 以 堯 由 惟 乃 畜 格 喪 德 則 惟 竊 顯 德動 弗 天 明四 子 德,克享天 德 其 天, 謂 以 而 屬 E 而 E 昭 市帝 未 思 德 嗣 人一理, 益 後 復 之 於行,故 明 克 天, 故 發 與 以 其 賊 X 德罔 道 图 時 明 德」、「在明 日 皐 處 微 知 初 無遠 聽 知 合其 俊 . 以 笛 微 心。」蓋 塗説 更不 德 所愆。 愆」,未始 此 紀其 天 而 爲 之 與 弗 中; 序, 又 情 勤 顯 天 分别。 留 者 贊 則 以 可 成 明 鬼 而 地 可 以 發處,此 爲 孔子憂之,乃詳 舜 日 多 以 功也。 德」,欲其 神 得 伊 與 合 德之棄、 德 有 惟 識 合 帝 合其吉 之,守 其 A 行 尹 謂 自是而 曰「 前言 性 德 德 德,是 於己 中 日 節 也 玄 禹 廣 者 : 而 鄉 往 各 M 日 德 運 E F 咸 蓋 未 愚 謂 原 行 求 乃 升 勿 :

今世 其天德也。 念之微,非欲自 昧者 自 愿 見 愿謂 ,自其精微静 得於己曰 ____ 所謂 定矣。 德,一 障。極 的 其 未發之中,天 王 耳。 此 發 一伯 中、 好 而 處 爲德之賊 於 學者、恐未 言曰 人」,蓋 之 高 也,隨 發之中 有警悟 此 此 德,自 今世之學,其高者有二 鄉 辩 明 德 明 愿 分附 明 也 成 寂 德 者,例 煞高,程 以 德,自 其 即 何 其 者 地之性 ,中德若明,或省事矣。 其 ; 其 有 所見而 此 亦此 德 可 而言 發 如 高 忠信廉潔 日 理 之以 哉 蓋 窺 處 其 明 也 其 子 也,以 凝 日 意 純 廣 將 此 名之也。 玄德,自 籓 日 未 道 耳。 粹不 大 但 適 以 修 一發之律 籬 本 「鄉愿是 者 73 此 此 隨 無 於 特 齊、 雜 昨 在 而 契諸 所 爲 種,不落 舉 修德 喻 誅 者 言 以 鄉 治、 其 而 塗説 則 無 道 異 自 人 其 箇 而 靈 日 心 平。 刺 所 覺 害 名 無 斷 峻 而 理 此

不

實

德

識

案

鄉

稱

覩

不

聞

顯

微

之

地

也。

何

有

動

邪

?

意

似

明

而

之功,乃

所

以

能

慎

其

獨

其

不

可

離

也

必

加

戒

慎

道

理

障

則

落

格

式

障

其

次

落

言

説

暲

言

説

爲

動

處

則

又

以

全

體

而

岐

出

矣。

夫

惟

而 之 中 中 精之於應物之 和 纔 極 也 其 何故 中, 處 自 天 地 戒 纔 方 懼 極 能 而 其 和 萬 物 方

焉 也 能 ; 育 位 致 ? 育 和 子 萬 思子 功 物 也 育 何 馬 不 未 E ? 有 能 致 夫 位 慎 中 天 獨 地 天 坳 而 事 位 不

脚。 中 蓋 庸》首 夫子 微言、 章 是三聖 而 子 思述之以教 授受十六字 萬 的 # 當

註

能

育

萬

物

者。

今觀

分

附

H

覺恍

者 歟 鄉 取 障 障 平 ? 愿 而 者 乃 用之。 言 胃 事 也 微 待 見 獨 之 兩 可 執 模 分,以 居爲 顯 而 斷 非 跡 迥 事 倣 不 言 中 案 雖 微 隱 出 用 古 顧 不 是皆言與行 德 尊 戒 未 尋 即 非 微 而 細 心 人 行 善 隨 教 常 慎 事 顯 與 形 見 比 已行 詳 在 以 行 恐 戒 也 即 附 密 遠 而 不 幾 不 章 懼 文 慎 隱, 之, 之跡,及 邁 異 如 覩 則 顧 引 爲 言 公 恐 前 名 不得 非 此 言。 聞 E 其 註 懼 静 出约 以 古 隱 即 動 時 暗 E 猶 爲 其 E 於其 者 不 /揣 即 隱 格 之 : 釋 爲 穿 風 以 覩 也 見 是將 中, 微 摩 式 至 窬 莫見 隱 塵 始 不 , 心 當 義 0 之 中 道 隱 非 者。 聞 愚 細 理 盗 莫 小 皎 意 皆 微 暗 顯 恒 微 無 理 顯 而 之 對 以 復 皎 也 據 襲 處 即 即

0 此 漶 處 後 參 據 頁 康熙 底 本 本 原 缺 補 足。 兹 據 甲 庫 本 補 入。 個 别 文字 漫

之論 學之 焉 者 未 手 其 本 聞 處 註 求 以 自 亦不 足 然存 精 中 專 見 又曰 戒 矣。 病 心 矛 在 無 加 如 爲 祖 懼 信 调 謹 盾 日 述 所 初 自 敢 便 似 而 而 一君 大 於 又 於戒懼 而 措 學言,但 約 是 忽 不 不 憲 喻 謹 日 精 不 之以 成 所 疑 免 章 獨 及 自 切 不 性 子 於 蓋 以 口 而 覺 而 之上,將 輒 覩 既 存 之心 至 架 有 精 存 施 謂 反 嘗 嚽 不 存 於 床 所 之 天 之 口 毁 木 戒 妄 天 聞 至 疊 常 自 理 於 心 經 之 懼 静 屋。 令人首 静 之言 則是謹 地 之 存 也 行 畔 也 之中 之至 而 設 本 敬 不免 傳 遂 文 執 於 然。」 位 世 畏, 公 亦 至 尾 事 獨 此 ; mi 也 今 開 雖 有 與 謹 疑 文 切 時 尤 易 天 世 明 示 猶 獨 X 畏 加 行 理 不 牴 公之 於 學 道 來 有 精 謹 平. 之 見 牾 内 而

其 古 聖 伏 讀 全 書 大 無 學 復 章 親矣。 句》, 未嘗 夫 誠 不 意 掩 卷 章 歎

也

謙

之之意,

有

而

不

居,

止

乎

内

而

順

夫

謙

者

誠

意

之

本

也

欺

者

誠

意

之

偽

,

之咎 矣。 所誤 有 非 也 以 言 鳴 見 習之,先 疑 乃 日 云 「讀 呼, 矣。」 大學 疑 惟 爲 也 是, ? 不 中 有 百 以 朱 返 不 作 其 質, 藏 用功 負 世 故 取 猶 往 況 註 敢 慊」, X 古 既 文 之 日 吾質 是 粗 幼 遍 日 古 疑 之首 久,不 執 公 下 : 謂 以 質 武 何 爲 也。 也 之 信 而 有 於 自 之 俟 不 故 E 久矣! 之 也。 資之 望 所 敢 當世 後 逮 失 譏 後 文 深 無疑,何 見 古 依 以 人 公《 世無疑 抑 文 以 及 而 之 人, 示 者 歸 今 E 公嘗 集 士,不 不 爲 長 也 文 徒 夫 此 古人 爲 學 註 高 而 焉 公 恐獲 生 足 其 謙 改 》自 之正 明伊 也 疑 於 著 E 居 德 怪 可 自 之, 然 書 童 兩 之 哉 有 豈 非 謙 彌 者 間 ? 自 立 定 至 有 必 無 者 而

詭詐

以以

明其

誠

也。

若

讀

作

慊

字

而

註

之

以

爲

快也、足

也,竊恐聖人不如是之

獨

者

乃乃

所以

昭君子

之謙

冲,

暴

小

人

之

矣。此小人之自欺。

申言君子

必

慎

其

冀人不知者,其

用智

愈深

而己惡猶

著

視己,如

見

肺

肝

然

而

彼之隱中

示外、

而言之,小人知 好色者謙也,故 言之,惡臭者 之深、 慎 道 誠 其 誠 恶 其 在 也。 不 之 獨 盈 此 英才 甚非 過求 者哉? 不 所好樂之不得其 義所生也」,猶 容如是之匆 舍之流, 卓 優 以以 游 啓其 爾 不 有 迫景 欲 妄 如 以 遽 速 騁 泰 膚 正、 激 象,而 期 其 Ш 撓 切 之其 必之端,又近 巖 能 也。 目 巖 N' 以 所 挑 廣

乎外;

欺

則

中

無

實

德

而

外

示

以

於有

應。 體的 但 亦 不 思 知 者,天之道 無 其當惡 註 是心正 得 於 謙字看 通 好惡,不 疏 爲 心,而 亦 也 而 如如 日 以 而 也。 作意 得 遂者,不疾而速,不行 慊字訓之,蓋此 感 見 1 犯 亦甚 非 若知其當好 好 可 纖 以惡之,已非 遂 色便 IE. 毫人力,故 精 通,便 平 好,而 細,足見用心之密 ? 有 故 而 是 好 不 É 作 感而 謂 指 之極其 . 得 慊 意 之誠 出一箇 於 而 是 以 遂通之 好之, 意 心 至 真 無 誠 處。 誠 本

尚 雖 見 賤 役 體 然, 日 俩 惡之辟 於 胖 血 是 孟 豈 者 效 子 亦 氣 集

三四四 π 作。

見君子

猶

有自揜之心者,乃

文

调

飾

非

", 其

情

亦

有

所

不能自安者。

人之

善

而

良心暫

明

以

著其

善,而

欺

N'

復

至也。

自自

欺

者

者,不矜不

驕

而

自

有之,謙

君子從

而好之。

《易》

日

人

而

好謙。」此君子之自謙。

所謂

也,故君子從而惡之;

自

爾

自

自

謙

者而

故

日

所

謂

誠

其

意

者

毋

自

欺

也

久矣。 欺 獨 意 当 幫 生足矣,蛇 知 知 知 則 單 者 註 也。 誠 世 助 惡 格 知 於 故 中 臭 欺其本 物 也 便 感 寂 「實其心之所發」六字,疑 便 誠 其 是 是 惡,而 而 然 慎 意 間 生 心 遂 不 乎? 獨 本 體 足 串 正 通 動 即 於 之知 ,便是明明 而 惡 T. 天下 以 夫,本 致 知 之極 蛇 必 知 之本體失,其 致 ; 復 如 之故,便 自 也 故故 其 其真,曾假分毫 此 無闕 0 慊 本 德於 君子 以 而 體 者,得其本 文。 是 後 是 虚 天 必 見 謂 格物 靈 非 傳之訛 闕 下 慎 之誠 誠 之量 誠字 0 補 其 便 意 體 人力 故 而 獨 本 致 之 自 是 也 蛇 致

足, 用, 助 是 無與 即 何 豈 來 涉 嘗 又 於 喻 自 有 X 作 慊 私 所 於 意以 也 快 慊 則 好惡, 好 有妄意耳。 足 哉 恶 之 極 N'S 既 其 邪? 非遂 者 真 自 古 而 通 人不 然 不 之 之 加 假 應 自 功 快 幫

文原 也 德 之名 若 疏 踵 如 細 編 故 足於已者? 滿 本意,蓋 實其心之所發」,莫非蔽塞其 是乎 非 亦 而 無 前 摩 不 而 假, 玩 若 不 以 謙 人 至 改 非 成《抑》詩, 致飾 妄 安有皆 欺 ? 自 此 慊 所 謙 爲 字 慊 由悦 即 者 意 訓 解, 卦, 字, 釋 居之, 於外 謙 欺 無 與 經 者 當 向 樂 故 而 未 務 欺 觀 而 而 誠誠 者 溯 以 近 改 不 果 假 非 之 決 誠 字 加 作 所 而 示人作 似 於 愠 何 五 誠 去 體 謙 字 則 有 IE 上之, 者 惑 誠 謂 + 而 意 究 卦 而 謙 相 之 意之 來, 哉 以 而 懇 求 誠 計 也 反 而 曉 恐 無 學《 爲 切 乃 漫 必 遠 脚 然 不 誤 也 之乎? 篤 夫 真 爲 易》, 謙 朱子 得 求 也 可 審 所 知 ? 至 者 之 有 實 聖 以 过西 見 孔 識,不 歸 乎 者 釋 雖 有 無 有 經 自 意 而 岩 踰 也。 ? 若 抑 文 能 妄 非 本 九 快 口 註 其 而 何

更可持於實其斤簽? 战丰城字太意。使其虚靈乎? 且知既至而所發自誠,

大 更 抵 何 待 誠 於 意 實 而 其 F 所 皆 發 有 ? 兩 意 誠 非 各 誠 相 字 對 本 待 意

以誠意而言,不誠即妄,以正心而言,

齊 不 IE 家 即 治 邪 或 以修 平 天 身 下 而 而 言 不 言 修 不 即 治 廢 即 亂 以

若 臨 落 事 矣。 實 其 N' 者 之 所 其 發, 充 則 兩 具 岐 乎 互 出 而

内 着 省 不 疚,無 謙 惡 於 志。 實 不 之 疚、 無 惡 是

慊

以

慊

爲

謙

不

妨。

如

未

當

心

無

靳

往

復

驗 子 自 人 慊 井 行 處 之 有 即 不 怵 平 惻 慊 日 於 一之好 意之 11 則 惡、 誠 餒 不 孩 餒 誠 提 便 之 慊 是 愛 不 疚 敬 慊 處 見 口 孺 謙 自

快 是 足 主 德 而 言 的 體 誠 量 是 慊 旧 是 滿 進 假 德 不 的 復 I 有 夫。 進 快 滿 足 假 對 則

所 其 而 進 以 魯 無 求 論 自 首 得 故 章 也 即 樂 好 示 則 惡 人 生 以 不 矣, 時 識 生 習 本 則 之 體 惡 説 却 可 甚 蓋 E 害 凡 矣。 學, 事

> 意 竅 之 曉 無 意 如 口 字爲障 萌 只 意 謂 二字, 有 則 猶 在 動 所 自 意之流 誠 慊 忿 處 禪 字 是 而 平 懥 而 家 ? 意,意 佛 體 之念 轉 不 學 認 變化 知 其 慈 亦 得 誠 湖 所 之 而 以 字 誠 親 流 皆 無 象 起 是 愛 處 注 念 所 Ш 心 自 便 有 處 應 也 不 爲 下 然 辟 是 之 喜《 大 落 發 而 情 旧 妙 邪 動 不 大 看 即 用 魔 的 得 學 誠 以 此 世 其 字 \forall 俱 謙 章 意 IE. 爲 訣 心 分 以 誠 而

力。 誠 訣 大本 知 盡 即 竅 者, 則 攸 只 程 偽 意 大 者 子 在 爲 立 者 可 學 盡 誠 其 日 也 得 是 **>** 之 字 有 中 而 無 矣。 本 誠 書 實 欺 N' 甚 故 意 矣。」 則 如 爲 朱 其 也 以 誠 至 自 要 下, 子 是 要。 古 在 亦 來 亦 大 謂 於 喻 E 外 不 段 愚 格 謂 : 資 物 不 所 誠 物、 豈 甚 於 謂 此 明 知 嫌. 章 能 費 既 致 不 而

乃是 孩 若 以 功 也。 妄 何 則 意不 如 之 提 至於齊 何 若内 理 愛 自 將 止 誠 敬 反 也 誠 何 家、 而 省 而 意 所 求 有 存 以 治 而 井 討 討 疚、 in 此 或 E 怵 求 快足,然心 處。 一、平天 行 驗 哉 乎? 惻 ? 有 慊 乃 自 不 下 自 似 其 至 反 慊 皆 其 第 者, 誠 平 不 於 誠 正 感 旦 可 1 省 義 通 好 爲 正 則 察 也 也 餒 修 無 之

達 也 處 甚 謹 云盡 也 費 獨 不 ? 。」謹 悖 之,則 但 陽 力」,此意盡之。 來 若是指未 於 明 處 喻 先 獨二字,是 良 大 謙 「有天 生 知 與 本 本 云 慊 發之中 攸立, 體 德 亦 致 時 明 便 不 知 但 時 而 道 口 必 焉 則 不 誠 充 語 先生體 甚 盡 未 知 意 養 王 纏 之 發之 大 以 無 道 繞 本 下, 其 間 認 爲 中 而 安 真 大 要 É 字 執 頓 即 切 只 段 義 事 在 有 良 處。 在 不 亦 何 H 木 知

> 則 天 良 凍 德 知 解 自 即 冰 然 是 釋 流 獨 群 行 知 處 疑 時 即 • 誠 也 亦 意 陽 也 明 此 先 處 生 精 詩 思 教 力 凡

謙 焉 與 豈 真 利 終 矣。 雖 者 軔 非 又 先 之至 則 有 成 字 之 恐 堯 切 被 端 而 意 踰 誠 義 舜 爲 兩 不 有善於己 困 衣 易 其 矩,不 也。 於 之 字 意 以 承 涉 於 鼓 此 者, 不 取 義 上 教 快 矜 弊 琴,若 名 明, 後 不 所 喻 惟 書》云「無有 驕 足 大 有 耳? 世 调 困 失 而 之 之 學 率 不 而 之 如 古 無 好 跡 N'S 可 之 真 λ 以 尊 此 有 飯 伐於人,此 惡之正 不不 勝 要 德 謙、 至 榮, 竊 之。 糗 言 I 愛 領 恐 夫 假 慊 茹 作 者 夫 也。 而 也 草、若 授 襲 喜 纏 即 矣。 好 有 强 抑 受之際 取 意 此 繞 作惡」 異 愚 以 其 將 行 之功 恒心 爲 大 誠 若 用 意 啓 方 生 位 慤 謙 發 者 蓋 功

果何意乎?請誨頻煩,欲求至當之歸

以觀良知之用也。

望 贵 慎 消 之 處。 外, 悟 胖 成 不 所 驗 」、「見 有 妨 沮 循 自道、 便離 所勉 也。 故本 學 義 循 以 他 自 但 本 理之悦 君子 不已,他 慊 云 人 於 文於慊 本 蓋 而 自 以 所 如 致 體 然哉? 誠 得 得 É 不 來 知 而 意 然後 其 成 故 我 及 喻 要 後 處 日 章 本 矣,「 心 知 無 云 厭 自有 自 自 體 疑 高 云,以 而 作 然 爲 道 如 有 則 於 明 己 好 乃 爲己 手 發明 芻豢之悦 之 縝 廣 獨 慊 若 惡 自 舞 此 類 胖 密之資, 知之,故 字 E 得 足 致 之 自 如 爲 是 學。 蹈 欺 渾 爲 知 作 日 本 要。 處 我 切 其 是 則 I. 體 纔 如 夫 存 君 本 慊 П 10 吾 0 體 孟 子 涉 蓋 亦 乎 不 廣 自 楚 是 子 自 必 則 慊 體 慊 於 自 心

身 血 氣 天 居 地 流 間 升 降 氣 往 亦 來 無 停 常 泊 運 不 夫 息 何 ; 天

子 不 若 也 仁 之 知 竊 尚 善 終 形 i's 天 地 以 又 N 求 以 棄 知 善 無 使 骸 地 多 謂 大 能 無 義, 而 恶 好好 若以 自 善 焉 有 運 有 而 此 太 順 止 氣 慊。 端 其 所 至 古 有 N 應 時 是謂 但惡 恶 天 以 魄 善惡 淳 湛 意 眇 不 恒 發 無 萬 下 至 之 救 然 然 能 E 自 見 而 風,人人 情 有 不 端 始 於 大 慊 無 死 久, 之名 虚 齊 處 之 此 覩 久, 況 無 其 者 之言, 明 紛 其 E 指 軀 名耳,非 不 而 不 全人矣。 更 名 數 焉 不 示 則 而 若 静 單 兼 能 情 者 贍 Ŧ 爲 邪 似 孰 此 定 生 也 E 知 與 狀, 慝 思 仁 亦 能 内 獨 限 普 好 曷 謂 天 百 混 百 之乎? 謹 直 良 此 自 何 未 萬 不仁 老 地 能 而 慮, 出 是 獨 以 百 歟 嘗 子 有 參乎? 及 物 惟 年 繼 而 勞苦 不 乘 不 欲 好 乎 E 其 而 後 口 此 絶 用 恶 無 蓋 無 E

原 膠 肆 專 着 者 有 其 落 古 善 欲 指 大要 放 念 有感云 始,一念之忽,以至 也。 若 爲 此 善 在 則 僻 時 自 非 曰 邪 而 事 法 快意之 「自 爲 侈 續 天 惡者 ,豈不快 紛, 我得之,自我失之」, 運 所致乎? 亦有 亦快 不當 不可藥救,於 其意乎? 在矣。 N' 在 所 萬 致。 物 夫 縱 善 推 討 學 雖 情

此

重

終 求 行 子 起 足之色;其病 是 段 Ť. 有 而 自 其 日 一:「浩 營營以 子 不 易 欺 當,足見 此 簣、没 於道 慊 其 心 於 本心,認 然之氣 湛 自快者同 路 心 然以 吾寧 近 者 也, 凄然 功。 則 贵 餒 賊 也 須 下、一 矣。 非 其 ,其 作 行而 於 欲 日 有 子 心 惡 慊 賢 縱 自 可憐 故故 異 得 有 慊 汲 不 欲 情 其 其 此 慊 其 汲 以 之言。 耶? 正 名」以 衰 心 於 何 自 時 也 此 如 快 與 識 有有 學 者, 其 學 雞 上 取 要 視 犬 如 不 乃

> 失 也; 普 於法 道 人之隱 心 萬 而 情 參 物 天,不當 生 憂乎 順 乎 而 民 萬 天 無 失 物 地 心, 在萬物 命 而 者 天 無 如 也 情 地 執 1 聖人 學 事 之 一討着 所 所 術 感 落」尤 不 以 八之所 慨 明 恒 久 至 以 精 其 於 久 而 當 得 於 不 天 杞 地 其 息 心

成 之 及 三代 動 不多,終不 古 王 韓 其 道。 人,而 之淳,必 かい 歷 范 觀 富、 利 惜乎拘 秦 若 天 害 漢 歐,信②美 植之艮 淪 伊 以 而 於習 沮 於時 傅、 下, 其 信 忠, 俗 周、 世, 相 矣, 不 之 業 直 召者 可 限 陋。 顯 使無 於學 任 誣 著 天 蓋 0 是 者 嗜 德, 術 慾 雖 生 不 若 宋 非 爲 即 以 不

個

别

文字

0 0

鴻處

參據

康熙本補

足。

日

此後 艮 一頁 底 本 底 此 本原缺 字頂 部 兹 有 板 據甲 裂 庫 疑 當作 本補入。 一良

之心 海之 柄 賴 也,生 鑿杆格,無復有爲。 也。 民 學 之命也,一 術 大 明、 坐 人之 夫相 致 位 助 者,天地 育 者 也 四 以

以

齊人傳 念之私 念之公也 也。 之,衆楚人咻之,孰能 察乎二者,直 學 術 不 明、 萬 道 物 而 失 獨 行。 理 噂 者, 故 而 不

咻哉 此 生斯 世率多可上可下之資,

F 用 行下效, 不 知 也。 捷於影 智 者 惟 響,故曰 有 悟 焉, 趨下流者, 而 舊 習 復 H

掩,半

明

半

滅

暫存暫亡;

愚

者

則

甘

N

不

可

多

得

也。

如 怡悦,冥然同 高 明,一人信之不爲少者,以矯 其死生,不亦哀哉? 天下, 安得

力挽流 俗, 以 示 斯 民 之 準 則 乎? 偶 感

時 事 有 此 得 録 以 就 IE 也

學也? 所 以 收 相 位育之効者,有 業 見 至 而 伊 知 之,蓋 傅、 周、召 精 本 有原 執 極 中之傳 矣,然 也。 自 其 耳 學 是 其 而 何

> 變。 楊 H 段,乃萬 右前後皆齊語 也 下,若韓、范、富、歐,亦可 正公之所議。 卑 縮今日即 天德、王道、已 ,然風俗之汙隆 鄙 蓋以 徒 世 一齊人傳之,不待莊嶽,數年而 竊仰 相業 相 。《大學》末章所引《秦誓》 位,而減 自 屋之歎。 之公案 是 不 、世道之升降 免於 而 降 膳徹 也。 , 則 不著不 如 謂 學術 樂。豪 來 表 喻 表者。 蠏 實 察, 不 云 貴 不 係 云, 明 如 爲 之。 如 之 恐亦 吴 律 心 文 之 左

之外; 宋 哉? 胡 也 之耳,天人感 元 取 篡 驅 其君 自 及 至於雷 宋 孤 觀 及 X 竊謂 兒 史 海,及 寡 其 傳 州 通 婦, 報 衰 司 之 應之説,乃 魏 其亡,亦 也 其 户 晉 理 失 之 而 以 奚 也 其 獬 下 有 被 或 臣 之君 逅 意 好 逐 無 亦 於道路, 於 事 于 長 篡 窮漠 其 其 者 之 君 始 爲 間 ;

耶 説 違 凡 亦 可 亦 莫 也 遂 測 此 乘 識 率 知 偶 皆 其 故 之 然 若 然 用 而 默 聖 念 世 而 中 契 賢, 之 然 者容 矣。 耶 欲 者 應 弗 世 以 又 私 無 至 知 信 意, 若 欲 乎 其 影 有 理 而 則 若 是 果 報 天 理 如 應 F 也 是 之 弗 不

然,信 配 應 之失,天 昭 報 古 布 應之説 禍 X 森 報 然。 福 使 列 應 月. 如 專 蓋 左 弗 人 響, 説 爲 有 人 右 違 心 稽 開 實 皆 雖 之 베 纔 誘 地 鬼 賢 況 愚 史 口 涉 神 聖 於 民 據 私 牒 彻 所 二,亦 鬼 意 而 不 如 神 則 ^ 竟 道 易 其 來 平 心 無 有 ? 喻 便 而 學 想 理 云云。 歉 先 像 以 氣 儒 妄 道 歉 之 謂 意 義 則 感

不 礙 以 率 念念 能 承 難 不 教 也 至 斷 觀 言 爲 之 但 繫 遠 佛 讀 縛 有 書 歸 古 以 依 不 意 百 \equiv 執 雖 物 空, 寶 儒 不 不 又 思 4 着 似 恐 爲 相 着 室 亦

> 不及 志, 之, 其 言 染 之人,正 通 相 恐 亦 善 9 人 恐 而 難 也。 有 惡,又 離 寧 文 不 自 中 迷 如 對 人 能 離 節。 本 相 是 病 學 似 有 覺 矛 來 邪 之 涉 子 若 以 盾 面 ? 空。 良 除 之 服 以 0 E 劑 真 任 世 其 此 若 雖 也 除 蓋 情 儒 N 使 法 近 妄, 緣 0 縱 以 加 與 於 何 不 習 彼 槁 於 諸 周 中 如 學 者 之 支 木 實 無文, 孔同 死 或 堅 性 離 應 用 有 N 灰 中 煩 苦 瑣 流 所 喻 不

若 言 本。 難 而 所 萬 言 欲 於 謂 法 萬 者。 搗 語 具 至 佛 備 學 於 切 寶 其 説 今之所闢 處 無 以 巢 來 穴 其 所 昧 無 無 説 以 所 念 所 只 去, 無 服 爲 得 切 是 者 宗 其 只 時 識 空 離 只 心 是 其 中 自 諸 無 是 此 非 皆 所 本 法 相 闢 意 周 空, 無 心 相 爲 得 所 體 更 孔 見 此 萬 下 染。 乘 復 無 É 最 法 無 若 走 盡 生 本 上 住 有 乘 通 Ŧ 爲

段 未 此 發 之 其賢 中, 智之過 渠 學 尤 逼 賢 真, 隨 處 但 用 無 心 發 如 而 此 中 節 何 口

幸自愛。

外 乎? 者 體 有 及 爲 用 用 事 則 旧 乎? 也。 天下 之 而 中 物 以 蓋 無 也 務 無 節 若 之 爲 發 承 即 其心 處是 皆是 間 棄 世 而 喻,佛氏「未發之中 其 此 彼 其 興 經 本矣。 ,將身伏 中 人倫、遺 非 者 專 所 誉 節 見 也 僧 謂 於 及 爲 E 果 其 此 捨 本 此 夜, 豈 敦 段」,此 豈 何 不 物 體 其 事 發 非 輕 況 馳 可 能 暇及於 本 理,遂規規 F 而 盡 却 孰 騁 於 勝 而 作 中 皆 又 即 重 意 身 慨 逐 I 節 無 不 所 中 N' E 其 中 夫 歎 渠 孰 之 體 暇 謂 之 故故 末, 用 學 節 得 和 無 於 而 及 有 慾、 常 逼 有 高 用 滔 其 於 E 不 以 體 行 真, 明 之 滔 身 其 要 本 用 暇 縱 不 無

誤

天

下

誠

口

嘅

歎

其

所

謂

學,不

调

講

經

解

義

誤

己、誤人至於

人

將 何 術 以 拯 之? 愚 亦 可 得 而 與 聞

之欲、身外之務 安人情,所以 於 智賢 者能 發與未發,一 依 上 書 其 \equiv 屏 幸 之,故 甚幸 寶 提 息 心 愚不 者 也 諸 緣,一 蓋 甚 也, 肖皆 謂 經 然其 彼 世 滚 之 彼彼 吾 於未發之中 頓 出 念不生, 而 口 輩 學 所 來,無 教 入手 7 原 謂 惟 也 極 無 塵 1 合. 者也。 增 佛 自 勞 根 若 無 正前 氏 性自 毒 下 上 吾 減 堅苦之志。 障,秋 便 智、 聖 若 度 有 順 人 乃 喻 之 天 用 毫不 意

若

無

斷

歸

劍

兩

所

謂

便

是

無

無陋 其 細 内 不 未 不 遺, 奉 閱《 蒙 蓋 諳 明示 至 困 平 教 辯 H 録》, 萬 所 敢乞引 分之 疑者 仰 見 雖 IE 高 耳 承 明 庶 命 廣 獲 妄 第 大 終 言 愚 教 於 昧 纖

中

理

處

者乎? 者也。 以儒 神 生 滯 穀 始之 之 者,乃神 以谷神 也。 致 E 神」,故 谷神不 則 精 爲 衰 曰: 而 也 知 平 初 E 神。 成 命,然水穀運 道 近 無 「谷神 去矣。 神 日 疾 彼 谷神本自 爲 發 又曰「死 未嘗 生所 死, 其 識 乃 始 病 故 術 明 虚 神 人之 精、 得 是 亦 而 無 者, 充也。 故氣 或 爲 自 薛 故赤子之 謂 能 云 爲、 氣 率 未之 古以來未之有也。 老 而不忘者壽」,解之惟 考 應,是 虚 玄 不生,故 化而生氣血,水 二物所化 多遺亡,其 血 也 鍊 無 公所 牝 而 豈有常 有 周 精 極 不 無 精 流 謂人之 也 初 化 之旨 形 解《老子》, 神 會 不 能 不不 氣 E 合所 存 E 感 死 無 甚 身 減 而 見 人 鍊 精 而 也 物 疑 雖 志 詳 玄元 不 其 以 穀 以 氣 神 而 存 死 妙 慮 能 停 水 化 所 既 其 應 解 惟 乃

> 乎? 之 默 何所 爲 今 引 爲 也,生之 端 聖 龜 而 何 疑 愚, 如 分别? 識之,若薛 山「知性知天」爲 愚意古 而於踐履之實亦 兩 公共之物,非 即 存 存, 其 人 豈 説。 死 公云云,且啓後 進 有 之 道 既 蓋 即亡。 亡 在乎神 證、又 死 顔 有 一而 生 子 所 猶 存 死、亡 所 以 隱 有不亡者 而明之, 能 乎 晦 人想像 專 菴 字 理 者 以

孩之。 舍耳。 無 滯 感 後 靈 即即 爲 於 有 不 味是· 爲 跡 氣 谷 其 究其旨 其 神 天 惟 有 神 地 在 也。 虚 氣 也 而 萬 老 一, 故 而 化 谷神者,精 意,渾以神化,不依形而立 物之母 氏 其 之,尸 後有精。 鍊 之學,致 精 應 成 如 而天地 解 氣 響,故謂 天 男女 氣 虚 遊 鍊 之主 極 以以 氣 構精,一念交 萬 守 成 之谷 也 物,吾得 氣 ·,有 神、蓋 静篤 質 神 爲 神 宅 而 以 不 而 虚

苟, 歎

服

歎

服

掛

可

以

例

觀

賢

氣

之外。

易

有

太

極

不

恃

生

而

存

者

也。

主乎

精

氣

而

實

超

乎

精

至 雖 五 處 讀 與 數 遒 今數 穀之 成 即 前 「與 段,無復 勁,謹爲世珍,容 以 百 喻 仰承「高 世推 T 種 粒 爲 始 年 播 神 疑 知男 移 其 而 者, 意,而「混 節 自 粒 之 女構 粒 堂」扁,書法 羲 可 粒 日 猶 農,是 謂 躬謝 皆 亦 精之 當 神 本 回 時 於世而世莫 即 也。 此 甚 之性 後 初 理 精嚴, 尊《 也 荷 禾之 禾所 特生生 念交 録》中 譬 筆 知 氣。 發, 感 伏 諸 勢

> 是矣。 生。 地 恃 難 欲 觀之,所謂 地 不 以 斷 萬 之 生,主乎精 窮 死,不 蓋死 言語形容也。 解 物 所 爾 又曰「出生入死」,解以「凡人惟 蓋均 以一 爲 而 故來喻所及,反復思之, 歲 知 不亡 由 而 不亡 於是? 歲 氣 謂 無 斷 理 有 所 具; 而 此 生 古之種 所 生 者,此 可 者 生者 實 爾。 從 易。 少 再希教正 , 斯 超 既 愚初 出 又 無 之謂 乎 乎? 死之後, 得 所 者 故 乃 曰「以 死 精 謂 其 未敢 亦 根 人 地。 歟 不依 氣之外者 所 無分於 苗 惟 夫 ? 乃 其 以 此 人 知 花 形,不 無 是 獲 以 道 此 物 爲 實 理 不 此 天 乃 未 之 殆 死 理 猶 今

屈

子

數

語

熟高

謂

之

括

囊

雖

和

光

同

世

莫知

降

志

辱

身

而

I.

夫,未發之中

是工

《化書》云:「神 神 者,天 地 萬 物之母 生氣 氣 氣 也 生精 穀 種 精 之 化 喻 甚 丽

切。

變,天 高 化 所 吾 死 虚 天 儒 以 虚 節 生之説 地 稍 空 之 之 地 甚 離 無 萬 所 所 幸。 萬 身 而 是 緣 以 以 萬 心 物 也。 塞 塞 物 故 之 便 乎 之所 也 是外 知 所 神 天 ; 鬼 以 岢 地 神 以 精 道。 生 遠 ; 之情 化 通 牛 於 普 也 氣 願 無 人 現 狀 收 窮 氣 哉? 化 塞 斂 也 身, 化 善 斯 精 神, 養 物 實 釋 是 窮 浩 故 以 氏 通 神 理 光 達 之 知 斯 化

矻

如

悉見 覃 之 終 之多滯 新 此 厚 身之 思 塗 知 德 N' 博 數 少 之 深 ; 經 靈 情 賴 佩 施 月 獲 志 老先 宜 服, 之 而 竊恐 淪 不 復 乎 精 陋 肌 積 以 厭 日 生 習 中 專 浹 永 再 諸 異 開 相 無定見,日 骨 此 =, 疑 終 而 明 仍 生之依 入於 月 指 伏 逐 自 進 不 示 乞 條 承 之 百 苟 大 垂 仁 引 不力 歸 流於故失 矣。 安之 推 示 誨 誘 0 明 提 以 奉 笈 夫 而 德 地 來, 囊 爲 何 守

> 脱 吾 此 面 精 然 輩 讎 僕,井中 側 久 惟 藴 融 學 0 具, 有 日 化 問 細 有 歎 新 未 時 懷 玩 人也 詰 既 服 獲 未 高 若 知 盡 負 見, 難 學 隨 脉 左 擔 尊 發 終 路 條 顧 不 奇 慈亮之。 欵 不 恭 又探, 足以 真正 免 對 塵 俟 土中 纏 備問 來 就 如 繞 反 春 此 不 用 文 見 當 進 擔 乃 趨 義 心 步, 意 承 堂 閣 不 矻 自 大 無 苟 H 侍

之,此 即 往 夜之 畫之 覺 驗 所 所 於 良 心之 此 夢 夢 爲 知 is 中 亦亦 若 者 知 徹 無 亦 能 能 然 此 分於寂感, 自 靈 加 如 13 察 知 昭 應 之 其 明 事 靈 即 爲 覺 方 昭 在 夢 否 無分 畢 明 此 也 乎 0 覺 也 於 由 突 也 畫 是 弗 知 經 夜 觀 往 知 其 而

■「又」,康熙本作「右」,可從。

子

有誤

途程

也。

不盡

有

抵

靳

而

生意方滋

地 矣。 合德、 然曾子未易簣之先,此 日 月合明也 ; 既 易簣之後,此 知 古 與 天

知

將安之乎?

請解久惑。

住

也

乎? 我 然,天地間 合,則天 道 人,此靈明; 有而靈 ,無分於寂感,是也。 者 即是 良 而 喻 靈 有分於 則 知 明 明 不 地 明自 乘 則 生 留 鏡 是 無所 何以 日 其 即即 可 氣機, 迭運 應 生物,亦此 月即 應 死 也 在 心處。」夫一照皆 物 是 物 生乎? 住 生人、生物不絶? 心 ,謂曾子至今存 無所 無 我 而 何由 滯 也。 妍 生 耳。 住 者 其 靈明,與上古 然亦豈有分於天 不息,通乎晝夜 既 處; 而 易簣之後 妍, 心, 日 須 生 與 ? 媸 由 陽 者 真者, 可可 天 不覩 照 明先 若 地、 媸 何以 而 無所 也 軀 不 不 謂 生 殼 日 異。 聞 真, 住 之 過 生 人 之 以 不 非 月

> 窮。 明 無 鏡 所 不 住 疲 便 於 是 屢 不 照, 覩 不聞 生 也 ; 便 所 自 過者化,不 能 應 變

無

學、告天下 蓋以四子之材質有高 後獲」,「愛人」,何其 子曰「居處恭,執事 病,將何以 而治之。 有淺深,如醫之用藥,各隨 養、色難之不同 致良知」,語 也,孔子答之,何 懿子、武伯、子游、子夏四子問 至 亦皆 奏功乎? 於 T 陽 愚 曰「致良 ? 明 則 敬,與 以有無違、 樊遲 先 E 屢答 下, 「致良 生語 知,其 問 人忠」,「先難 其 而 而 仁 上 病之 樊 屢 知 者三, 疾 智 遲 異 執 憂、敬 / 所宜 告 造 方 則 也 孝, 療 初 韶 ? 孔 日

軒岐 未 有 聖門 有 肘 病 後之方,何 教人 而 不 自知者,未 如醫之用藥, 病 不 知 ? 有 知 是 何 病 也。 病 而 不 良 不 能 求醫 知 醫 是 ?

者,但 急治 子 與 氣 游 愚人異。 能 其 其 致之之道不同,聖人 告 標 養,三家僭禮 問 也 之孝,亦 夫子告樊遲等其言不一,乃是 9 顔 子 是隨 無 ,俱屬 標症 病 發 不 與 ,只是告他養 藥 孝。 賢人異,賢 子 夏直 義 元 人

於文 時之錯行,未嘗無也; 見 能 望 道 於文 而未 是 可見之 二字立論 則 之 道 之 真 有也; 也。 歎。 義。喻 未見之語,必無從 可 嘗見,是真見也」,深切 陽 蒼蒼 物 明先 見,文王、 工其 説 先生因作文之頃,乃 耳,昭 道反迂。 以 無而未嘗無,是真無也; 有、 生《見齋説》「有 天 説 辭 譬 昭 顔 而 無,不得已 耳, 之: 子當 夫 忽乎理,未 之莫 謂 道 E 天爲可見, 先 月之代 不 謂 見 由 有 可 而未嘗 天 乃 之, 一、欲 見 味, 爲 以 必 以 明 也 無 道 不 有 罷 必 但 有 苦 見 則 四 爲 無 不 無 使 牽 可

然。

肌

膚

緻密,腸胃

盤

迴,曷能見乎?

淺碧 得,誠 與天 耳。 者, 遠 乃三光迭照於其上,遂 之間,其異若此,豈天 未曙之際, 暎 昭 有 流行發用之迹,安得 乃 得,未嘗 即 色 之而 而 E 而 昭,乃空中之色耳。 豈 地 今夫 9 月星辰、山 觀 爲 其 則 無 夜而 之, 回 濃 無所,指之而 也 有也。」夫天之無所、無定、 有方所、有形 有 Ш 色矣。 碧 而 哉? 色濃 則 無月, ,視之於近 星月 夜 日 於天, 河草木、 蒼蒼、 此 則 而 蓋 光 道 星 有 天 以 微 無定, 暎 之在 月, 無 愈 體 書 此 乃上石 本 成 昭 而 遠 而 人 色 矣。 而 爲 然之色 空中之 爲 則 昭 爲 愈淡 人心 物 也, 有? 有 執之而 青。 蓋 爲 月 玄 E 禽 暎 有 有 之 蒼蒼 世 獸 使天 哉 可 色 而 物 遠 欲 而 則 ? 直 色 見 者 亦 9 H 曙 爲 H 無

三代以後之學,只是從知能聞見上鑽

其聰明睿智發見於外者,視聽言動自

能周旋中禮也。請示極論。

可也; 着 也 是 候,只是 謂謂 有 也。 無。 道 可見乎? 深造 知 不 戒慎 佛 可見,是 止 書 以 有 不 所謂 定, 道,勿忘 覩、恐懼 此是學問 也。 精 萬 進 法 見 向 盡 勿助,欲其 不 而 往 中調停工夫的 通 聞 無所 謂 兩 萬 語 無所 法 見,未爲 真 具 自得 備, 見,不 是 不 火 之 不

無所得,離諸法相,語亦精。

爲

失其

本

也

不覩

不聞,文公未嘗明註,

時之宿弊、反上古之淳風者乎? 之」之意也。 靈 慮 知 懲後儒言之太詳、析之太精,蓋 而 昭 而 多 明 知 陽 覺, 者立言 忽。恐致畏難 明先生送湛甘泉先生《序》, 即一 知之又恐增 欲 民 可 無思 使 而 由 無慮之久,自 無 之,不 其 成。 疑意, 可 乃 恐人 矯 使 以 易 能 不 知 痛

> 其與 研 不 真實語。 體之量,則天下之能事 出 的 知 流 良 無 從 而 知」二字,將謂 而爲考索詁訓,誤了天下多少好 知 所 聖學之荒 能 而今日之誤,則又以 不能 聞 見上 惟 蕪 反 鑽研者何 人性 非 畢矣。 而求之,以 中 日 萬 也。 知覺 非徒 以異? 物 具 充 故 備 爲 矯 滿其 先 弊,亦 良知, 均之 資質 生 無 本 所

哉? 懼。 恐懼 覩 離 此「畏」字 存敬畏, 敬」字似「恭敬」之「敬」,以 也 不聞乃不可離 可可 以上文觀之,「道也者,不 亦未嘗解 故戒慎恐懼 離 雖 似「畏大人」之「畏」, 非 不見聞 道 也, 也 之本 是不 但云:「君子之 亦不 相。 人 可 離之工夫,不 身 敢忽。」 觀之下文, 豈 釋 能 可 以 戒 違 蓋此 N'S 須 釋 懼 道 與 恐

而

戒

慎

懼 功 故 在 獨 君 字 子 慎字 是 慎 釋 其 不不 不 獨 可離 覩 也 不 之 聞 慎 實在 是 字 是 故 釋 不 獨 戒 可 字 慎 離 之 恐

以 也 萬 明 乾 若。《本義》云:「九三,性 繫《乾》九三爻辭 能 日 者 小小 乾 照 獨 化之原乎? 如 萬 三極之道 惕厲之象。」不聞 此 所 而 物 戒 非 論 辩 慎 而 得 無 尊 恐懼 之。 施 故 無 而 也,可 知 於人 不當 日 無 言 戒 獨 對 :「君子終 謹 性 而 非 以養 至 日 恐 獨 後 他 E 隱 懼 矣 之時 知 添 心, 人 不 體 哉 所 亦 未發之中。 剛 可 覩 日 義大矣哉, 物 是 能 乾乾 健,故 以 日 與。 也。 人性 養氣 微 精 隱 有 夕 周 本 其 惕 能 公 自 口 微 中 而

千

里?

遠

事

均 心; 慮 謂 而 不逆不 之 知 逆 失。 也 億 之久, 億, 不逆、不億而先覺者,乃不 蓋 逆 則 詐、 詐 有 詐 不 億 不 不 信 信 之 信 而 事 之 覺 蔽 機 於己, 者 積 乃 於

> 矣。 於億 詐 既 也 能 慮 是 欲致 不 有 而 周 逆 誠 以 信 知 也 子 明 之 意, 也 ? 此 亦 詐 機 覺, 蓋 自 日 不 若 ; : 逆 不 其 信 若 逆 億 逆 在 之 不 億 謂 誠 事 便 億 逆 而 能 意 長 雖 億 疑 乎 所 機 誠 覺, 而 爲 貴 心 則 無 終 乎 明 明 覺 而 無 能 何 去 又 以 先 又 道 何 啻 學 不 除

也。 無定 E 制 士 趨 進 以 遂 無力踐矣。 禁令,而 相 也 不 失 我 論 競 朱 至不 習 朱 朝 間 陸 者 意 有 置 久 之 自 以 敢 異 爲 科 矣。 學不 不 至 詆 出 目 議 得 能 於 議 科 以 目 非 同 違 今 率 目者 無 朱註 皆 也 猶 乃 即 以 定 尊 唐 遺 日 致 論 以 夫 其 置 明 爲 以 後 經是 程 取 故 也 不合爲 韻 詩 世 雖 式 取 之 士 取 以 士 習 不 與 疑 士 法 所 其 能 而 而

理 夫 1 物 年 言 之事 者 知 知 解 盡 見樂近 而 而 誠 可可 乎 往 有 人之學也,其始不可減 未充也。 ,遂委致 進 堅 尊 謹受先 通 繼 意章 古 開 朱。 守 準 道, 所惜 而 謂 今 來 小 每 舊 而 不可 **%** 知 事 取 爲 者,率多 入; 行 竊 惟 聞 於虚靈光景,可謂 未 一生精 變 捷 己 若以二賢之跡 使 妄 此 有 無陸 極 守章 未 徑 任 其 法 議 兩 經 而 暇 以 及至 壽 朱 可 嘗 之 詆 力,皆馳心 庶 行未 句 悉 λ 子 躋 相 以 力 陸 可 者 考, 清 早年之見, 百 易簣 疑, 是 踐 ; 收 力也 微 年, 慕 而 以 躬 所 聖學 朱之 終 合而 之際 質 高 行 沿 惜 亦 難 而 於 行 諸 遠 襲 之 即 以 是 有 禮 陸 紙 無 觀之, 者 爲 全 片 物 樂 子 言 謂 力 F 可 恒 猶 是, 功 不 之 而 3 竊 窮 身 名 晚 陳 改 以 語

> 售 煞 墩 暇 視 舉 以 其 朱、 孝,則於吾父母之顏色志意 未 也,雖五尺童子,吾將師之,況陸子乎? 有 程 可 無 異 題之誣,今固 充者也。 爲 陸 先生。 看《道 形 是 見,至論朱、陸之學,有 也,雖文公於我 吾輩今日 之學,與孔、孟 也。 事 也。 證 先生 行之力則知之愈精 陽明 其 之乎 編》。 日 有能暴其冤者。 之學,當 所 先 ? 行 著《道 生於 我 有 有罔 世 同 朝 力 顧 乎 以 理 此 而 極 未 學 等 可以 編 知 異 孔、孟 取 之恩,然亦 有 處 未 乎? 名 日 \approx 行 論 充, 即 虞 心 臣 如 之 聽 爲 淵 其 經 之甚詳 獨 力 不 無 力 如 宗 著作 手 附 遺 其 聲 行 而 知 未 段。 師。 於 敢 如 同 而 知 口

静之 中,寂然亦中 時。 夫 中 故 和 者 此 節 性 N' 之和 存 情 ; 之 則 此 德 感 in ; 通 不 寂 皆 存 感 未 者 發 則 之 動

類

多

峻

潔

謂 謂 惡動之意,其心已入於好 其 也; 分於 也,沉潛安定,故曰 恰好 静 之 以 中 也 寂 矣。 。虚靈 其 處 也 感 用 故感 皆 而 以 明覺 憧 言 其 而 憧 體 故 感 能 常寂。 往 而 而 寂 日 來 言 遂 常 爾 惡之 則 然 通 寂 感 和 是 然 ; 程 即 場 有 及 也 不 子 不不 中 好 其 動 日 得 静 方 是 所 動

中 和 妍 語 雖 儒 此 感 媸 之 寂 云 心存」三字,語 矣。 低 應 不 謂 無 患 昂 亦 也。 忠,做恕不出」,愚於 鑑空 不 未 隨 和 發 是 物 但 衡 將 而 平 此 患 意未 應, , 凝 求 心 不 中 稍 而 中。 然 備,當 於 有 不 不 所 爽 和 和 動 其當 動 中 是 云 乎,求 中 此 和 中 己 之謂 然之則, 一之影 心 亦 不 常 云 和 可 也 然。 先 寂 於 以

意者,心之所發

也,而

所發惟

好

恶

臭,此 機 首被 間 力久,以致於美大聖神之域 爲 好 發見,均爲 此好惡之邪傷,與下文爲 之念介於其中,乃惡之邪、之僞 兩 學 之誠 端。 而爲之,不 ,乃好之邪、 所 亂, 者不 惡之正 也 但 好 自欺。 可 寔 而 善 疑 不 心 也、 隱 好 如 所 察也。 然 之僞 好 身、家、國、天下之先 惡之誠 然 行 有 好 此 不 色, 也 假 使 好 也,若 以 念之微,其 善著、不善之 此 知 之 恶 其原 歲 好 其 意 恶 月, 之 善 使 雜 也 如 IE 在 真 之 不 恶 於 也 於 然 積 意 恶 惡 其

其 至 能 惡臭,動以 良 也。 及 此 知本 毋 爲 若 有 善 在 其 作 體之量 而 天也 善之當 意 不 好 疑乎? 上做 故 毋 而 有 能 誠 無 爲 作 自 的 而 恶, 慊。 毫 爲 I 夫,此 之不 如 自欺之蔽者, 然此 好 疑 好 便落 非 者, 色, 能 知之 在 充 如 不 滿 惡

行,自 見,不 如只在良知上做誠 有 動 以 天 的 機 括 故故 的工夫,則 知 致 則 意 天 理 無 不 流

誠

也

見於 之 容 所 E 聚 周 以 旋中 外者 也 居 忠信 業 業 無 禮者,乃德之英華, 也 者 所 不當 内 以 故 進 外 此 主於中 德 交致 誠 也 之至 之道 者 修 無 辭 也。 也。 叮 不 立 以 明 其 ^ 故 觀 易 誠 德 動 則

對 此 非 命 爲 古 矣。 N'S 邪 證 精 患已久。 之 之 微 每 則 近 指 藥 爲 IE 必 南,不 念,蓋性 日於思慮 劑 非 思 前 幸 耳。 IE 無邪」之一 馳, 賴 可 則 指 天 古 邪 命精 八、我 地 交雜 示, 時 間 思近 微與思慮交雜 微 後 而或 言, 之時 邪 滯, 覺 正 於 實 時 輟 不容 正 一任 也。 即 萬 異 久 舉 古 而 並 朋 夫 IE 當 以 H 立 從, 思 古 自 IE 性 不

> 見以 矣。 時 之 不 語 言:『存養於未發之 峙角立 也、動静之交又一也、顯 其終身之定論 之前則 然不動也。 者,心之官也, 初 不 同 亦傷 思馬 百 初 即思者 刻 推 不 也。 重 尋 可。」 竊謂冬至子 動 非是亥、子之間 非已發之初 體 思 思 静之交,似 而 也 認, 乃 此 整 思 者,方 且且 動 則 殆 菴 要不出 静之交, 前 感 先 以 涉 時, 時 生 而 則 乎 既 以 初 然三物聯 問 乃 遂通,不 可, 乃是冬至 方寸 思即 又 静 動 刻 答之語 謂 與 有 求 乎? : 己 中於 間 是已 發 也, 思則 不 爾 於 叔 刻 序, 未 子 外者 未 屬 動 子 與 子 此 必 發 嘗 寂 鼎

插補入此處。 「意必前馳」至「初初刻乎」,此段文字底本格式特殊,

0

外者之所爲,故終身由之亦冥行耳,何 察」,「著」如「形則著」之「著」,是皆義 容已。 道 於 動 氣 ? 愉 此 自 所當然也。 以 變 其 然者,然 婉 而 化之察。 謂 方 之著 言 吁 之日 有事 日 習。 ; 知道 則 既 行亦習爾,安有先後之分? 於 「察」 常 方行之始,未 習矣,容或 有 此 如 ,蓋心與道契,故著 而言 事 子之行 如「察乎天 於孝 日 猶 也 乎 行,自其 有 有 孝 而 不 不 也 無 能 知 地 常常 足以 襲於 所 而 明 其 之之 察 謂 無 有 其 所

高

明

和

事

知

行先 弟 所不 助長之人,亦疾行先長之類 亦惟 能哉? 長 E 孟 矣。 者 子 謂 曰:「徐行後 先後、 之不弟。」夫徐行 夫堯舜之行 所不爲 疾徐 也。 之 長 間 通 者謂之弟, 堯舜之道, 耳。 乎 今夫 者,豈 天 人之 欲 下 速 古 疾

> 若夫助 是一箇 豫,以培其生長之機,却乃臨 、伯之機 之,而苗之生意稿矣。三代以下之學,只 遠 先 難 徐 億、意必之歸。 應 言、得堯、舜、孟氏之家法 事 助 長,猶在爲學一邊,只是不能養之於 行後長謂之弟,蓋言堯舜之道 行 則 而 長。 當 惑 應而 矣。 人莫之爲,疾先之念蔽之耳 故 知集、襲之分者,可 應乃無私 事 慈湖「勿令起意」之一 先有 意,則 心。若立 時安排,襲 已入 意於 與 於 非 語 有 逆 事

祭祀, 子當 程子 者 以 乃致敬爾。 吾 身 終 曰:「乾, 乾乾者,法天之誠,純 洋 H 而 洋 對 對 乎 越 越 如 在 天 之,勢 蓋祭天有 在 也。 天也。」夫天之在上, 其 相 上、 乾 懸 其 時,而 如 隔 乾 亦 在 也。 者。言君 不 其 法 已也 若 左 天 者 承 右

取

 \pm

堯舜可學而至者乎? 聖人本天,未嘗彼課佛者,亦不欲求對佛也,何況吾人聖,聖希天。」志在希天,其功必無間。則無息矣。周子曰:「士希賢,賢希

是天命本來,故能與天地、日月、鬼神、四功,惟乾其乾者得之,一毫私意着不得,渾天與人,一也,其懸隔者形體耳。希天之一時一降,在帝左右,便是對越在天。

H

而忘之也

時

未免邪正 之,各蔽其清明純 中,已非 之以爲 H 可否之間。 相親相近,終成其可上可下之資,相 天人相與之際,授受甚明,而人得 性也。 鴻荒淳 相半、 雖不能 樸之 然今與之同生 僞 粹之質,以從於是 誠 爲大善大惡,而 俗,而 相 雜 所見 以 故 並育之 所聞 人 X H 非 染 者

> 也。 善此 俗乎? 不多見,賢猶間 浩瀚,考索 之、定之,以至於 始則謹其 逐百年,莫知所已。 至於發乎天德而率 而不易所守,此堯、舜、禹、湯、孔、孟 乃若聞見泛常,師資 則聖帝明王、文、武、 胎養,次 而 明,此 出。 則 順 由 程、朱是 故聖人因時立教, 君子立人極,不正 耳、 慎 性真,歷乎世 諸 從 見 而 心,以 周 聞 也。 得; 公是也。 繼 蓋 簡 而 是 立 聖 編

之一二,其餘 之,縱不能遠,猶 俗,莫若 教不興,而世之善人,惟得諸 俗之染人,甚於丹青。自里巷塾序之 講 明 惟可悼歎。 正 學 可 一家也。 而力行 君 孝弟忠信 子 天資之美者 欲 立 極 以 而 倡 正

不喜不怒、不哀不樂之時也。夫喜怒「中」字雖云無過、不及之差,實乃

也,渾 之分? 哀樂, 否 萬 ",猶 物 化 太 然 情 生 也, 極 及 全 其 體 其 動 而 猶 變 發 而 性未嘗不寓 也 無 生 太 窮 陽 極 喜怒哀 静 未 故 形 而 太 馬。 生 樂 極 何 陰 各 非 方其 有 静 以 有 動 當 静 中 至 而

善、故曰 太極非静」以下三句,微 人受天 中即 地之中以生,天然自有純 太極也,喜怒哀樂之天則也。 語 病 粹 至

有

獲之旨。

難

有

中

非

未

發

,喜怒哀樂非常情也

惑、生生不窮 令提撕警覺,使 於 無欲, 也。 此 竊 志常 恐 故 無欲 莽 明, 蕩 而 而 乃能 有 無 志, 歸 惺 宿 方 惺 爲 須 不

立 萬 仞 既 者 是 · 豊能 無 欲 ()便自 及 此 惺 惺 ,便自生生, 非 壁

至

善

難 字。 人生氣質無良,習染爲害, 者先 難 而 後 獲 I 夫 全 猶 在 如

> 云: 事 耳 稍 矣。 焉 退 重 損欲 易》曰: 聽 雲 而 有 難者 密 勿正、勿忘、勿助長,正 先 天 霧,不可辯 難 毫計功謀利之念,便 理 其 「損 ,習熟則易。」故 炯 氣習 然 先 乎? 難 則 於 而 即 天 後 時 日 易。」《 可 0 君 見 是 得 能 子 先 難 其 使 欲 惟 本 光 情 難 其 後 必 華 然

避,而 流、物 難 夫自得者,非獨 賤、患難、夷狄之 患 難 夷 無 殺 狄 我 夷 X 身、 者 狄 俱忘也,何況 而 乎? 非 餓 不自得 有 體 中心 所 皆 中 雖 避 所 者, 死 悦 而 爾 不 生之際,亦 懌 富 惟 讓 遇 雖 而 求 貴、 也 富 在 已,上下 其 貴、 貧賤、患 自 富 得 貴、 貧 無所 也 賤 貧

富貴不淫、貧賤 自 得 不 口 强 不移、威 揠 惟 率 武不屈、夷 其 素 履 而 狄 往 不變、 ,始能

死 生不易。 素之義 自 ,不明久矣 得 者 得 其 素 耳 素 是 本 來 面

H

欲 動 情盛,乃其 好惡之重 而然也。

乎 不爲 若 ? 富 其所役,然吾之 貴、貧賤、是非、得失以一例之, 好 悪既 輕則 情 向 欲 往 不 安 能 勝 有 也 所 執 必 滯

啼 却 好 得 哭,是何等重 要體味 色、如惡惡臭十分真切 ? 輕 只是不 好 乃白了。 到 惡 底, 作 恐 如 ? 好 會 孩 惡 賺 却 提 本 是天 愛戀 禅 其 即即 空。 則。 母 動 是天 親, 以 好 天, 往 惡 纔 理 論 離 雖 如 誠 此 何 手 如 便 意 處 好 輕

章

》,曾

明

其 情。」 中 以 節 恶 順 矣。 從 又曰:「物 處 程 之意 即 子 夫 當 日 順 觀 其 : 之 者 理 來順 聖 喜 則 無 人 怒 四 應。」 節 情 哀樂之中 凶 則 之來,亦將任 順 此 不 萬 順 順 物 也 節 字 而 也 若 故 無

> 節 順 是 者 順 斬 天 釘 理 截 不不 鐵 之 是 意同 順 人情。

順

天

理

纔

是 節 得是。

得,這 者 問 止。 是 功 又問 會敬。能 日 ,必有深 爲 動上求静 還 問 E 蘇季 謂 裹 見 「未發之前, 如 之 敬 便 不 復 物自好惡, 明 切 是 則 静 見 日 問:「 否? 著 ? 自 難 : 則 明 處。 知 可, 静 惟 矣 程 喜怒哀樂之未發,莫 此 下動 坐 然 歸 以 矣。」 子 學 却 時 静 動 我 者 曰:「聖人便言 字, 以 這 中 静 莫 季 物 敬 下 裏 須 之 明 若 E 静字? 甚事?」 字 调 於 E 有 如 先 物 乎 此 何 用 前 用 再 理 始

季明 此問 却 是 煞 然 用 功 到 此 處 只

静

惟此

也

意,竟未嘗窮究能

動

能

静

者是

謂

何

知此物

之能

動

能

静

則

不勞論

動

論

辩 禪 是 云... 學中 静 也 静 中 坐 來 無 時 物 静 了。 物 非 之 却 大 调 事 抵 乎 程 前 只 是 門 者 諸 澄 還 弟 心, 見 高 此 不 儒 者 見 釋 俱 之 從 却

位。 哀樂 後 世 道 晦 知所止 差之毫釐 中 也 是體 一,其 之學 理 卷 淵 而 未 以一 不 愚意竊 認 惟 其 淵 者盡 終 知 章 而 到 肫 聖 始 其 ~ 韋 ,繆以千里。 已。 所 則 處 此 肫 則 淵 日 止 存 N' 達天 謂「喜 = 盡 苟知 『夫 以 養 喜 浩 記 句 則 性 知 》謂 浩 焉 怒 於 至 即即 德之效處。 所止, 能 怒哀樂之未 性、 其 學 有 哀 : 此 然」; 故大學之道。在 全體 天 所 樂 無 躬 $\overline{ }$ 氣 倚 之 自 則 中 行 象 是 ? 延 未 知 何 以 而 庸 儘 平 》之書 學 發 就 未 謂 進 盡 肫 發 之先 有 乃 喜 矣。 謂 性 發 肫 出 與 以 之 者 地 怒 底 其

誠

之

化

也

其 者 古 仁 未 乃 淵 怒哀樂,情 而 古 肫 發 仁 之 普於天 道 致 聰 浩 脏 以 一 而 混合於内,有 中 明 淵 古 浩 其 之 聖 達 養之 仁。 淵 其 其天」, 淵,非 功 天 知 其 聰 也 德,其 夫 達 淵 明 以 , 乃 天德 也。 ,浩浩其天」, 致 聰 達 乃 中 聖 明 德 何 中 中 之 知 義 者 夫 聖 者 所 本 和 之 之質, 天 能 倚 知 體 其 限 也。 著? 淵 質之所 之乎? 量 也 質也 孰 乃 極 • 也 故 以 能 能 於上下 由 明 達 知 淵 見 其 肫 情 之一, 天 故 未 苟 淵 喜 發 至 肿 之 德 而 其

言,蓋 限 之有 肫 量 的 者 本 天 云 肫 而言 者 性 至 肫 而 流 誠 其 言 行,不 仁三 經 日 編、立 浩 日 淵 犯 浩 句 淵 纖 本、 承 毫 ; 聰 知 人力。 自 明 夫 化 其 聖 焉 肫 渾 知 有 肫 自 是 所 上 之 其 倚 智之 無 肫 個 所 肫 肫 而

之應用,乃所謂隨在而易名耳。理

果

衆乎,一乎?

千般味。 一理而萬事畢焉。只是一般水,煮

出

積以 之 與下 故 可 言」,弗 妙,無出於『理一分殊』 未能也」,尤見妙契。 及程、張、朱子、遠 而 人皆 無疑 兩 以 爲 歲年, 名 整卷 愚 知 堯舜者 而 可 不 雖 窮 先生 後 以 移 日『二之則 年 世 爲 旦 智愚、賢不肖同 體 果 堯舜; 推 雖 恍 認 能 原 有 聖 亦嘗考之 然 性 不 端 但 不是」,而 惑否? 語 學, 四 緒 洞 復 謂 其 字。 見其 自 起, 殊, 寤寐求之 然 禹 不謬 謂 語其一, 夫 必 性命之 則上 具 一之又 而 人 取 是 性 下 質 理 皆 其 知 以

661

天 倚。 倚。 資; 頭 白 仁」之「仁」,即「修道以仁」之「仁」。 機。」 沙先 也。 步 凡屬 達天德,希 問 若 步 具 限 來於方寸之間,及其 應 以 則 而 生詩 至 爲 應於彼者亦勞矣,豈無所誤? 於 萬 此當 疑 學 然 一事各具一 理以 朋 忠 萬 事者也。」①夫事 文 至此,令人手舞足 覩 後 ? 公 玩 友、長幼、夫婦之類, 學 云:「虚 聞 可 味,不 遇 應 謂 犯 到 以言至 然理之在 天之學。 | 虚 父, 萬 鳶 人力、 理, 事 ·然又 飛 無 以 ,若遇 魚 靈 裹 此 則 誠 非 是 學至 事 躍 千 於吾 之在 不 言 面 理 君,以 動 向 至 昧,以衆其 處 昭 頭 應 蹈。 絶 肫 以 物 外者無 癡 希天,與 百 N' 昭應,影 之 人説夢 肫 天 者 來,感於 緒 莫 無 則 此 言 者,皆 憧 則 嘗記 肫 非 理 爲 人 窮, 力有 肫 孝; 此 應 愚 憧 理 響 無 天 也 也。 理 之 意 此 往 何 而 前 得 其 是 所 命

●「衆其理」,康熙本作「具衆理」。

不能 堅不 其 不可 愚,乃氣習所限,蔽 上智,自能 政,兄弟也」,豈 愚不移」,乃孔子對舉互言,猶「 而 也 縱欲自 人 下愚習成,亦不能移,非專 移也 人 分 不 可解。 則 别 惟 故曰 喪 任 無 世 合 則 氣 分 是故 德 可哀 逐 於 然 同 以 習,日 堯 堯 久習成 上智 政 明 錮 矣。 舜, 舜 爲 H 兄弟 古 用 下愚,非天 若「上 雖 天 深,化 自 且 有 成,自 天 哉 不 生 地 ? 知 知 之難革 魯 智 指 萬 也 勿 不 其 降 與 衛 所 物 其 終 可 謂 下 然 之 亦

也。 或 而 下 ·愚可 困而知之; 上下者, 理之一 若上智 上智與下愚 移 而 也。 惟 爲 可 或安 中 善,謂爲下愚可乎? 移 或 人之資耳。 而 不 生而 而 爲惡,謂 移」,非 行之,或利 知之, 不 知之一,行之 爲 或 可 E 移,不 學 而 智 而 行之,或 故 可 知之, 肯 乎 口 移 導 ?

勉强而行之,分之殊也。如此説,亦不妨

語 開 遇。 道,粗 任 笥 還 日 質,誠 爲 深遠,又切於日用常行 朋,每披聖 兼推 既 薄 見 塞」之語 己之學,一 感德沐教之至 賴天之靈,始 數 劣之隱 即今税駕將行,侍 鄙 久,多涉 獲所 爲自失 條 人質本昏愚, 再造之功 録 論 經、賢傳之旨,但 疑。 日 其 有 具 猶 之 付筆 時。 所 方 疑,幸被 緒 每 溥施 有 得, 册 餘,莫非 見之 劄 謹 習 覺 冀 竊效横 遂 將 教 復 時 悟 回生之術。 右,乞下一 高 春 漸 丙 庸 加 妄意於 明 風 午、 遠, 陋, 此 一覺其 而 檢 之廣 渠「不 生 丁未 有 與 閱 獨 年 疑 之 聞 古 學 至 恢 轉 不 厚 筐 思 弘 \equiv 至

與 而 某 麗澤之,極 衰 病 何 足 感 辱? 極 謝,繼 乃 承 之以 矻 矻 愧 也。 若 以 恐 爲

可

豈忘本乎?

虚 來意,謹附所見於各條之下。 倘未當心,

無 靳往復。

理,不可見也,即 情可以 見者而 而察之,有以識 性 見性 不可 觀之,有 見 即 氣 也 其 以 其 可 理之所遇 知 視 即 以 聽 其 其 見理 喜 言 性 動 之 怒哀樂之發 也。 之 所 應 蘊 故 用 世 者 天

帝

爲

其静 也; 不 道之鍊氣,有見於聖人之學而失之者也,可 與道,非 慎 歟 即 彻 大 氣 情 戒懼之學不足以語之。 可 約 可 以 以 其情,使合於 見理,故 性 故 理 性 其 其情者, 中 · ; 養其氣, 氣 者 釋之無情, 動 發 而 而 西己 不 未 義 失 發

見

出之 之所從 祖 道之大 出 以 時 也。 祭之,此義起也。 原出於天」者, 人之於家,必推 乃 求 其 推 道 所 其 者 自 理

> 變。」變之者,人也,故踐形惟肖、聿 」,其 不忝 道之大原出於天,天不變,道 可 謂 維 不 此 忘 所自者乎 文王,小 心 翼 翼, 昭 修 亦 事 厥 德 不 1

不貳、 學 性知 前 性 知 淑 事 謂。 存 賢 事 性 諸 力求,未必無真 發明道統 天,乃知之盡也,至善之所止也。 天,皆行也,安有 知 陽明以 盡 修身 心養性事天爲學 天,皆 N' 何 知 敢 以 盡心知性知天爲 性 議 俟 知 是雖 知 也 也, 爲 天,朱子以 見。 ? 木 何 知 竊 知? 人之識,然其 有行? 知利行事 勉 有 行 疑 蓋 爲格物 生知 事 焉 盡 0 存 妖 N'S i's 予 安 盡 行 博 知 養 私 之 N

明覺 之量,而不以一毫意欲自累者始可以言盡: 處 知、行,一也。 是知。 盡心云者,充滿 知之篤 實處是行,行之 其 虚 靈 本體

孝弟之 聞 後 心 是 等級 於愛親敬 見 惟 知 知 也。 性 識 之至、行之力者始可 之 本 長 自夫 學 乎 者,便能 恣 夫。 知 其 行 盡 輕 心 盈 分 知 便知 孝 而 而 弟 聖 以 虚 性 之性 學 語之。 談 知 無 張 天,無 一,便 全 功 能 故 陽 先 盡 而 知

言是。

即 之意,終似二心也,誠 天理,人心即 道心爲主,人心聽命,本於志帥 人欲」之爲 不若陽明「 精 確 道 N' 氣

明

先生之言是。

之,而 中 心 言 此 日 道 道心,自 心 陽明先生特 段甚 心 也, 即 精 天 其 自 不 理,人心即 有 其 可 發明之耳。 所 本 不 思 於 ·熟看 慮 天 誉 理 人 八欲」, 自 爲 《二程語 者 然 程 而 流 子嘗 言 行 者 日 録 X 而

鬼

習

染之害,若膠

漆然,未易

除也

喜怒哀樂未發之前,寂 之 將 萌 喜 也 怒 哀樂 即 此 未 而 發之前 觀 中 然不動,天然自 可 氣 見 象, 乃 念

> 有, 無 所 無 知 所 所 謂 覺 萌 之事 也, 前 萌 則 能 發矣。 知 能 覺 程 者自 子 日 在 : 斯 雖

不 覩 不 聞,一 念未 萌 也 ; 戒 慎 恐

懼

防檢其將發也

合觀。 見 立」,即此豫也。 所以立本也。 仙 在 不 爲 今人 覩 具 不 足, 不 聞 知 便是 養於未發之謂 無 先天之先,素履之素, 養 怪 未發之中,戒 良 也 知 但 半 知 路 豫,「凡 用 修 良 懼 行, 以 知 事 故 養之, 卒 豫 可 成 以 以 則

之見 能去 聞 舊 則 則 知 有 新 新 矣。 己範人之實效。 若孔 子,温 習 往 所 謂 昔

但温 故之故,乃人生所得於天之本 濯 去 舊 見 以 來 新 意 正 如 執 體 事 即 所 故

温

故

之

學

即

去

舊

之方也

矣,故 吾 長 也,良 裕 無 窮 新。 知 處 良 新非 故 能 眷 是 於 其 也 良 本 知 體 新 之外有 之知 則 是 則 良 所加 H 知 進 良 只只 無 能 是 疆 之

知此理而行之不力,是謂虚擲其

H

益

著察明

動

也

知,故縱於昧。

者 也 雖 極 出 ,故曰昧。 有 知 入古今,畢 力。 此 理 而 然後 行 竟 對 之不 知 塔説 知行 力, 合一」之論,於學 便 相 是 輪 終 聞 見之知 非 己有

世 其真,惡者顯 天 而 地 之要道 之 體 仁 心。發 反之 道 也 至 遠 知 萬 爲 至 其 化 萬 大, 偽。 物 而 至 之 傳心之至言 原。 性 精 至 善 推 密。 之 者 默 六 本 扶 於 契 合

誠 敬 存 學 之,然後 者 須 是識 口 得 與 仁 共 學。 體 識 顔 得 子三月不違 體,而 以

> 曾 程 明 子 道 死 云:「不仁便是 而 後 Ξ, 便 是 與 死 漢 天 0 地 此 萬 語 物 當 爲 玩 味。 體

「不得其正 又以 事 端 有 是不及也,是爲忘也,皆非 於喜怒憂懼,乃爲 着於事矣。 知若 先有忿懥, 下文「視 IE 忿懥、恐懼 也,但加「有所」二字,蓋 則 所 而 章,各貼一先字,謂:「事未 未至 便 無 生忿懥 是將 屬 箇 原王公欲以《大學》「有所 不見,聽不聞, 覩 而 失 事 好好 則 迎 聞 將 夫 其 耶 有 然懷之行不 迎, 意 事 樂、憂患者,喜怒憂懼 ? 本 激 屬 必 未至 體 其 既 助長 覩 即 而 便 忿懥 往 聞 是「有所」二字, 而 泛 是 非 便 而 食 用 心先有忿懥 心 失 留 不 彼 得 其 其 是 其 滯,鑿矣! 不 本 知 亦 其 IE 调 IE 心 在 體 也。 安 至 味」,蓋 也 也。 IE 故 故故 者 然懷 得 而 也。 日 调 之 觀 即 無 不

謂 真 疑 所」三字。 至 心要在 實 亦有得於此 有 而 所。 不誑 迎,既往 腔 故 語。 釋氏 子 於 裏」。 而 乎? 大抵 齊 有「外 留 家、修 當應 常情 腔子 迷着相,内 身處 應 是 而 事 未 有 只 發之中, 又 所 有三 偏 指 迷 出 重 着 病 之其 心, 均 此 之 未 是

出 記 非 於 不止於《大學》而 於 全 卜筮,幸免於秦火;《詩》讀考定,❶ 漢 又被漢 吁 書 , 儒 而 《春秋》之旨,秘 儒穿鑿附會 禮》《樂》亡矣。 經 殘 E 缺多矣! 其 簡 相授受, 今之《 周易》流 編 錯 禮 悉

之時 使 之 在 無 六 人 心,萬 邪、《春秋》之是非、今五尺之童能道 經 經 殘教 書》之中 無 古不 字,而 弛,儒者之嘅久矣。 、《禮》之敬 磨 學 作 聖之階 前 知 、《樂》之和 所 古 以 在 求 幸 也。 其 而 心,即 ^ 全 易 詩 經

0

讀

康熙本作「書」,可從

於殘 之。 賣櫃 也。 還珠, 經雖全, 何益 哉 ? 慨 有

甚

所 大 時 向 則 之)所尚 而 有 夫教 立 質 言 次 無定 之 所 回 則 法也。 近 歸 俗 次次 於善也 之 所 則 以 口 習 世 之 而 以 所 論 而 大 論 則 隨

别 者能之。 轅 變其彀率,大匠 量其資之所近, 法於是, 耳。 北 轍 教 趨 無 雖二氏之過 定法 未發之中, 中華 學有 而 而 不 潛 慕 能 定 高 萬 易 主 爲 其習 世 則一 亦 體,故羿不能 拙 之 不 工 也。 能 之所 彀 改 變,特 率 廢 染 隨 繩 繩 時 爲 其 惟 墨。 墨 因 端 拙 咸 善 俗 緒 教 射

取

其 間 變故 由 堯舜 如是之多,以今視 至於今日 三千 堯 有 餘 遐乎 年 貌

南

三七五

矣。 可 也 自堯 而 日 F 十二 距 鴻荒 萬 年, 開 闢 則 是 弗知幾 强 其 何年 所 不

知

也

數之學,儒者當以理會,而泥之者失矣。 稱 一,寸寸而較,其舛誤 元 會運 世,只是説得大概。 難 盡 合處 亦 若銖 多。 銖 故 象 而

恕己,恕已則過日勝而不知也。 恕,能省身也。可以恕人而不可

以照天下,則人易從。
以照天下,則人易從。
如即《大學》之矩,絜矩皆姑息以從欲也,故曰:所藏乎身不恕,而皆姑息以從欲也,故曰:所藏乎身不恕,而皆姑息以從欲也,故曰:所藏乎身不恕,而以照天下,則人易從。

天地間,可把玩者皆陰,其不可見

者皆陽也。

跡求,而理可心玩。然理即器,器即理,故輕清未形者理,重濁有跡者器。器可

曰「一陰一陽之謂道」也。

形 土者,所以始 也。 莊子》曰「百昌皆 若 夫 理, 萬 物 則 而 始 終 生於土,皆 降 萬 自 物 天, 也 終 此 歸

歸

論

於

於天。

得。 所言 不 在 天,不在地 則 理 理不離形、氣。《莊子》所言者形,執 氣 也者,寓於形、氣 也。 乾知大始,坤 而超乎形、氣之外, 作 成物,闕一不 事

成 責者,求獨 而欲變之、孰能獨 傳衆咻,爲其不同 傳 以 成 大同,可 嘚 哉? 也。 也 有 或 風 家 俗 之 E

志,故曰「同人於野」。 文明以健,中正以應,惟君子爲能通天下之 變已成之俗而歸之大同,責有所歸。

宜也。夫毀譽不能累情,而情不係於譽人者肆欲,毀人者不情,未得其

三七六

藏

身

天下 喜 怒 ·有道 也。 過 有 譽 是 過 非 毁,何容心哉? 而 無 毁譽 天 下 無

狥 道 有有 毁譽 事 久論定, 而 無 是 情 非 隨 人往 是非 者 理 據 古 理, 在 也 毁 譽 者

夫 至 神 者, 虚 靈 不 昧 也 明 健 不

息、顯微無間 也

明 明 德 天 地之道 於天下者,所 恒 久 而 以 不 參 息,賴 天 地 而 有 贊 此 化 物。 育 也 故

人生

而

静,

以

上無容

言。

自

有

生

昏 事 之後,皆動 接物 少 憇耳 無非 皆 也 非 動 所 幼 也 静 而 襁褓 故有生之後皆 雖 睡 無 食息,長 知 覺, 亦 而 動 氣 應

根 也 本 即 庶 此 勝 動 其 中 動 可 若 以 任 求沉 其 汨 潛 安定, 汩 終 栽 E 窮 培

年 無由 以 静 也

中 是 静 即 動 根, 以 舍 求 中 静 而 者,始 求静,棄柁而 可 以 言定。 操舟也。 未 發之

> 沉潛安定,栽培根本」二 語精 確 養德

無 以 踰此,幸常存此意。

伏 也 卵 之功以 雛 知 體 而 穀 覺 也 立 資 種 運 體 其 温 爪 動 體 暖, 牙 則 也 乎 羽 用 而 根 翼 也 學 苗 則 者 花 用 種 世 實 也 穀 無 則 而 存 用 大 無 養 也 暄 欲 省 ; 察 鳥

之節、 而 用 存於體 無欲 存 養 省察之功乎? 體 即 也 用 而 知 體 覺 主 運 乎 動 立 用 則 用 此 其 也 暄 體 凉 \equiv 即 温 字 體 暖

緊 要。

也 而 N 意 0 不 氣 加 遠 察,以 故 則 念之 忽 不 其 邪 速 可 天 即 其 以 下 過 過 也,一 或 念之 也 家 細 事 近 之 則 非 事 切 於 之 必 身 改 微

矣 ! 過 或生於氣質,或生於天理,或 不 止 於邪也,正 亦 過 也。 過 之 生於人 義 博

則 知 理 與氣不能二之也。

欲,或生於時位, 人遂過,天地懸 人補過之不暇 ,故終日 絶也。 無 時 乾乾。 無 此 過, 中要精察、纔覺無 無 君子· 念無 改過 過。 小小 聖

之,必直氣以養之,而天下之理得矣。 欲勝氣暴,易於耗也。必寡欲以凝 過,便是工夫疏

處

過時 便是欲蔽,不改過處便是氣餒 寡欲始能見過,直養始能改過。 不見

守 静 待 動,不 若 制 動 以 馴 致 於

静也。

得。 根本」不相背。 止 ,守静制動之方也,此與「沉潛安定,栽 若曰 二者不可廢一,故常寂常感,常 制動 以 大抵立本工夫,一時歇手不 馴 致夫静」,却有病 應常 培

地之理也;「天地之塞、吾其體」、吾 ,天地之氣也。 夫「天地之帥,吾其性」,吾性,天 吾性不能外於吾體

0

漶處參據康熙本補足。

論 氣 不 論 性, 不明 9 論 性 不 論 氣

備。 氣之説分,而太極之體裂矣。 「二之則不是」,程子之言盡之。 自

理

當仁者,猶當事也。 當事者 勇往

當仁者,以仁爲己任也。任 直前,何暇悠悠顧忌? 仁者 雖

天下之言當遜者,莫過於父師。 息退步不得,少有所遜,便不 可 以 雖 語 師 當仁。 亦 無

所遜,勇之至也。 孔子喪、哭,不飽、不歌,是謂主

主一之説是。哭、歌不可以無常 無 無適。

此 後 一頁底本原缺,兹據甲 庫 本 補 個别 文字漫

非所以 養 心。 當 喪 不 飽 ●當哭 而 歌, 有 常

心 者 不 然。

天依形 而弗已,地附氣而乘化

道 器、理氣 不 相 離。 少有 所間 門則乾 坤

或 幾乎息矣。

及其 漸能 知 不乘中年之盛,以精一斯仁 覺,繼之以終。 老也, 知 人生者, 覺, 其 至 靈 於 靈 也。 志學 漸 此 減 靈 自 立 以 受 獨 事 至 萃於中年,何 氣 昏 聰 以 而延造化 耄 明 來,孩提 充 無 滿 復

明者,不學 氣 有 盛 而 衰, 局 而 於 靈 氣 無 也。 老 少。 一七十 隨 而 盛 從 衰 心 爲 所 昏

可乎?

就已之氣習所偏 而務,日合道者, 欲,不踰矩」,越老越

精靈

意也。

氣習所 偏處便不合道,故學莫先於變

> 化 氣 質。

直 道 而 行 者, 任 其 性, 則 其 失

也愚。

醯,害道莫甚焉。 既 曰「任情」,却便不是道矣。 變易以從道,則情 證攘、乞 命於性

矣。 謂 直 情命於性,天聰明之盡 道 , 只從 格 式 道 理 上 者 安排, 也。 故 今之所 其

失

也 愚。

驗 體真,斯爲定矣,所惡乎執 見聞者,磨 礪 之具 也。 聞 所 見 見 所 廣 聞

自 以 爲 真者。

也。 見真聞 「莫我 抱 執 知也」之歎。 也。 璞 所 見聞以爲 而 泣 知 真 真者, 戒 慎 者 不 亦 是以瓦 親,恐懼不聞,真 鮮 矣, 故 礫 孔 爲 子 金 有 玉

而

聚 有 散,是 乃 所 獨 以 其

謂 理 世 是 何 異 於 以 知 覺 運 動 爲

整

菴

謂

惟

其

有

云。 以 整

性

乎?

性

也。

知 翁 覺 有 運 見 於「一陰一陽之謂道」也, 動爲性者,是不知有氣質之 故

事 惟 之心爲 養 思 有 之於國 此,以 而 天 孟 覆 也 子 載 人 也,事 。此此 蓋 有 心也,其 之於家 生 收復 一成之 曰:「存其 天 則 舊 地 君 非止了 也,事 義、未聞 物 以 則 斯 生 而 之 以忠焉 承 全歸 物 謂 心,養其 父 顔 爲 母 事天之道 以 養志、 之,是 心,人 ; 則 何 之於 以 性,所 道 孝馬 能 盡 以 事 天 乎? 天 存 N' 也, 之。 地 盡 以 此 ;

西 銘 惟 仁 篇渾 人 爲 是 能 此意 事 天,惟 明道 孝 極 子 稱 爲 其 筆 能 力 事 非 親

愚

竊

請

事

天以

誠

文 而

卓 盡其 其道也。 以俟之,所以 爾。 道焉。而 命者,天 巖墙、 能 所 桎 以 順 **梏**,是謂 殀 賦 受也,能順受者乃 壽 予 惑之,不 之 理 他 也 虞。 能 但 故 有 人 修 以 不 身 立 知

嚴墻、 變, 狄、患難 順 桎梏,吉 其 順受」二字,發 只一例看 變 與正 X 而 禍 受之,則富貴、貧賤、夷 福 明 之 極 器 當。 也。 爵 位 命 有 軒 IE 冕, 有

不力 不易知矣。 緩,不誰 勇以行之,立躋 也。 知行合一之論,爲其知之明 復 知者, X 聖賢之學 舊習 脱 高 • 去見 明之 抑 雖 將沉 域; 聞 不若是之拘, 之機 若 痼 益 行 括 久而 而 而 行 或

0 誰」, 康熙本作「惟」,可從。

而補弊救偏,實學者之要務。

意,不然,何以曰「弗能 之弗能、弗措也」,可見「學」字原兼「行」字 故博學、審問、慎 不 可 謂 知 行之説 之 知 , 蓋 行 思、明辯、篤行、繼之日 而 嘗論 不 之矣。 ? 知 者, 不 知 可 而 謂 不 之 行者, 行。 學

乃

困

學之功,陽

明乃生知之具。

信從 講 之良知 久 今日格 之學者 而 學 之,各以 者 有 所性 惟 惟 格 日 一物,明 物 此 豁 精 之學, 兩 然 爲真 察 而 端 貫 日 此 有 故 格 通, 者 N' 任 有 也 之天 一物,至於用力之 其 執 有二者之異。 由 質之所近 理 教 理,以 格物之學者 之 而入者也 學。 致 者 本 執 然 而 理

定其志耳。

於 事 物 格 物、 陽 致 明 知 則 惟 内 也。 任 其 朱子 N' 思。 則 亦 朱 外 子 資

格以達其心之用,均之謂求心 知之,或學、或困 者,感而遂通天下之故。致以復其心之體 致 知 者,充滿 而 其 知之,及其知之,一 虚 靈 本體之量;格物 也。 或生 也。 ТÍ

愛官職者,事多忍爲。

無 也,患得之;既得之,患失之。 所不至矣」,故曰「事多忍爲」。 鄙 夫可 與 事 君 也 與 哉? 荷 其 患失之。 未 得之

拾 不 遺 能 無 古 風 嘅 者 俗淳 也 無 盗。 焉 夫 自 自 自 穴 有 汙 居 尊 盗 野 杯 之名, 處 飲 而 而 君 愛 道 子 親 不

説;

欲由聞見入者,當從後一説,是在學者

見

多

聞

之學

也。

欲

學

聖學者,

當從

前

此

聖

-學也;

今日格一物,明日格

物,此

多

精

察此

心之天理,以致其本然之良知

輟 敬 图 長 不 0 禮 中 讓 也 興 焉 乖 之 飲 則 食 有 起 争 居 争 進 則 人 止 道 作

息

而

盗

心生矣,故盗

原

於

無

之盗 慨 氣 者 非 不足 其 ,穿窬之類 興,而 禮教 有 以 而 衰 存 取 生民之肝 而 者, 之者,盗 也 盗 ; 禽 風 梏亡於 獸 起。 腦 也。 也 始 ; 盗 旦畫之所 以言、 塗 可 無 勝 地 足 也。 慨 道 不 哉 也, 爲 言 故 衣冠 可 餂 而 夜 勝 人

必 誘 揚。 水、隨感而 而 好之,其喜必深 喜 若能察之,必 怒於己求 也。 無 過 無 ; 此 情 激 弊,所謂 而 可 怒之, 也。 其 被 明 鏡 人 怒

止

應

取 又 而 不 和 若曰 可 當喜怒而 自 少。 生 察其 焉 明 鏡 察之,縱使 本 ^ 禮 止 體 水 **>** 寂 日 不 體 寂 中節 常 禁 定 而 已是 密 於 也 其 未 故 功 發 義 \vdash 焉 之 襲 致 謂 中 却 而

> 豫 0 如 之, 豫 字 而 緊 況於 要。 建 ^ 侯 易》 行 日 師 : 平 ? 豫 順 以 動 故

> > 天

地

弱,氣 者 事 禄 世 奚 不不 以 禄 也 暇 慰 者 論 天 待針 血 親。 甘 病 道 違 哉? 以 和 旨易 砭,易 至 求 病 一於人 道 致, 所 痛 於 謂 百 猶 而 身亦然, 進 治 出 就 韋 修 救 疾 禄 布 ; 者 之 以 危 其 氣禀完 家, 養 E 修 身 親 不 身 體 必 也。 之 厚 資 嬴

身 壯 而 盛 反 約 一,程伊 致疾者。 情節慾,治病有修 ĴΠ 四 至 + 於 以 禀 後 賦 口 身之事,未有 嬴 見 弱 者 寡 能 慾 修 口

以

求,亦近 於理

農桑之業

非

慾多

勞

少

獲,

惟

無

调

農 桑者,王政之本,治生之恒 業 也 逐

汙 尊抔 飲」, 典出《禮記 天運》篇,「杯」當作「抔

0

末者多而 盗 心生焉,王化之不復見也

告其門人,可謂一夕尚存,此志不容 子蓋嘗終身從事於斯、故臨 臨 深 淵,履薄冰,持志之要也。 危 猶 以 小 是

傳授 故 云。 心法,只有此一件。 此 可見戒懼之學不可 子思得之曾子, 須臾離 也。 孔門

之而

不察

爾。

怠者矣。

非脅從之術乎? 蘇 老泉欲士愚而後可與之俱死, 誘人於死 地, 而又使

興

、焉。

其 不知,是誠 何 13 哉?

巧之士,惟樸忠者多成仁而取 此 有激 之言也。 行險 以 僥倖者,皆 義 也。 智

乃 子之言,何其鑿 當 述 有 孟子曰「孔子不得中行而與之」, 前人之言 日]字」、「作行」、 也! 引 證 後 孟 作 子之時 學 也 狷 書 分 註 無 孟 以

> 刊本,一時問 無 訛? 答,不過 若 如此,必手 傳 聞 記 録 憶 面 質 安 得 而

後可。

也。 雖不加「曰」字,本文亦自明當 易之言字,已爲 夫 萬 物皆 有易也, 深 切著明,人自忽 而 不 可易 者

理

此,則天地或幾乎息矣,故河出圖而學始 天理之生生不已曰易。自古及今,非

性情如舍,志意所寓 學》之誠意、正心,在當時,人所知識 N' 無出入,不可收放 而 神 明出 也。 夫心者 焉。《大 是

事 云誠 則 意、正心、收其放心,語涉紛更,而 切於用力。

心也。

惟言心者,使其易知。

今自當

心 贵 有出入? 出 入無時者,放 也。

失其本然之静,志之正也。「學問之道無他,求其放心而已矣。」動而不

《内經》謂春爲發陳,欲使志生。

吁! 志如何得生? 日新者,非志之

生乎?

肆,商賈之行貨、居貨,未有不始於春者,故春以作事,如士之就學,農之舉趾,工之居人之精神志意,乘時爲發舒收斂也。

日新者、爲能遠其舊見、舊聞也。

發陳。

生志,非「尚志」之「志」

也。

自

得。

化,皆日新也,不但去其舊見、舊聞而已。自可欲以至於聖神,自致曲以至於變

未 之見、未之聞 群 居終 日 互談 者亦 不 其 能 所見、 談 也 所聞 噫! 其

不 H 及義 入於耳 群 好好 居 而 而 行 談 種於心也,士安得不變而 小 其 惠,而 所 見、所 未之聞、 聞 猶 未之 之可 見 也。 爲 者 盗 言 又

也哉?故曰:「其何能淑? 載胥及溺。

嗟乎

!

見聞

之溺

人,不

可解

於心

任之,亦不他向。嗟乎!也。愚者固已同其死生矣,智者久而

行 者 之忽疑,終不若曾子之唯也,故曰 寡悔 鮮 矣。」凡 見聞之縛 此 是 自聞 夫 子爲 甚 於 見入者,皆不可 子 徽 張 墨。 解 縛 慎 言 法 一、「知 寡 而子 尤 以 語 德 貢 慎

思也 術。 爲 子 則 平卜 瀉 世 之。 診 醫 9 筮, 吉 視 人 富 脉又 其 有 則 氣 用 則 必 有 血 中 行之,凶 貴, 至數,病 之道, 之不 貧 足 日 則 則 則 則 者 必 避 補 调 有定 賤, 之, 不 之,有餘 及也。 無 無妄 志 妄 之

班,故其傳亦遠、「致遠恐泥,是以君子不爲「小道有可觀者」,以其皆有聖學之一

爲妄。也」。用中者以平爲福,定志者以探測也」。用中者以平爲福,定志者以探測

也,知性中之所有,則固 意,勤則得之,不勤則不 而充之,仁不 農夫寓爲學之道、土中有自 可勝 用矣。 守 得也。 而 勿失。 學 猶 然 马 是 生

夫! 解 皆自然生意。學力不至生處,便是宋人見 亦在乎熟之而已矣。]集義所生,本立道生, ,故曰:「天下之不助苗長者,寡 譬得是。 秀而不實者有矣夫!」又曰:「夫仁, 良賈 不擇貨 故 日 : 而 苗 兼收,獲 而 不 秀 也。」 利 者 均 有矣 也。

爲學而待於日月,滯矣。

故曰:「待文王而後興者,凡民也。」 歲月不待人。「待」之一字誤人多矣,

而治之,初無定説。若孟子之言性善,聖賢之言如醫之治病,因其所偏

聞 惜 之,不能無惑。 乃 矣。 乎終 因 告子 後世 於 蔽 古 以 錮 執 之深 天地之性、氣質之性 而 孟 以教之,俟 子中 道 之言 其 不復

元氣。 天 醫之用 在 人者。 地之性失中和 氣質之性得中 藥,亦隨其所偏 聖賢教 處 人,只是救得 便 和 處,便是 是 而治之,要亦只是培 氣質 了非犁然二物 氣質之偏 天地之性 如

知之,雖知而必諱相戾、相違,反是狗今之交游者,相知相得,有過多不

於私

好。

孰

從

而

察之?

不 臣 教寂 可也。 義、父子親、長幼序、夫婦别者,非復友道 焉無聞,是豈世道之小故哉? 聖學不明 而 友 道 廢,友 道 廢 而 故 明 欲 倫 君 之

天下同志者無幾,而志不同者,舉

同者豈能違之? 故君子雖有一長亦目皆是也。若擇其同志爲交,其志不

交之,在乎慎所與也。

以夫子之言爲的。「友直,友諒,友多聞」,當交,取善之廣也。「友直,友諒,友多聞」,當

豈不上通於天乎? 至誠能格天者,潮汐乃氣之升降也。人之喘息能通乎潮,是與天地之氣相塞也,而此心之靈

之喘息,亦人之喘息也,論得是。天、地、人,一氣也。潮汐爲天地之氣

此也。

神仙之術,乃一氣孔神爾,吾道則

理昭著。

云"「一氣孔神兮中夜以存。」陳白沙詩云:理氣本不相離,但所主不同耳。 屈子

「仙家自有調元手,屈子寧非具眼人?」

「溥博淵泉而時出之」。

人能戰

戰兢兢,不雜不息,乃致

化,出以時也。 文王「純亦不已」,亦只是如此。天淵之體,人所同具,惟戰兢不息者能復之。故之體,人所同具,惟戰兢不息者能復之。故

存。 昏昏 瀕海 中虚心靈。吾人已幸禀其正氣,又復 往來,其中必虚,人生於此,受氣多正, 之生氣本不和,率皆執 焉,天之際,水氣滔天,則人物不能 海之外,天之際也。 以天體觀之,四海之内,地之涯 漳烟 人心 懵懵,惟中國爲 而西北窮山塞險層疊其間,人物 方寸,虚 騰滿, 海 而不 外諸 地涯之内,人物 天地之中,二氣 實,神明出 偏守拗; 夷 異域 也 殊形, 東南 焉。 以 牛 四

自毛其靈,虚鄭其正,良哉!得其中虚,却乃千機雕鑿,百慾攻取,

此 而 哀者 以 不 昔 自 幾人哉 人以 聞 耗 聖 其 幸而 靈 人之道 虚 生爲丈夫,又幸而 擲 爲 其 至恨,亦正 正,哀哉 一此意。 生中 士, 口

矣」。 天地之心可見矣。 之起即復矣。一感之幾,一念之微,而 亡,及無思處 紅矣,然其 謂之天地心,然於此 朱子以「夜氣正是復處,固不 夫夜氣 則 澄 感 息,及 萬 之 念澄寂矣,然其 初 可以 即 爲 復 夢 見 矣 時 天 ; 則 旦 地 百 可 一念 之 畫 感 牿 紛 便

之中。 等處却 畫之所 復者,復其本體 爲者 要體 夜 氣 孔子曰「仁者,人也」,由人身具此 認得真切,然後工夫不走作。 ,其於天地之心 清 明,敬 也,天 以 持 之而 地 殆庶幾 之心 不 告 便是 乎? 亡於 未 此 日 發

> 天 仁 遠 但交於好惡而習 理先涵, 人,未有 於人身,此註者之義 仁 地 以立 道; 處,而善端所 非仁,人何 體 孟子曰「仁者,人也」,以仁 此 而 仁因 身已 赤子之心 以 人以 有 備未始有 俗又能 有 此 達 此 天 理。 也。 身? 用。 移 然 此 離 愚謂人之爲 完 之,故 身 有仁 具 既 故 者 立 人依 漸 理 而 此 也 後 有

淺矣! 矣。 有人, 者,人也。」合而言之,道 預養此體工夫便有着落,而以愛言仁者 仁是生生之機,學者須識仁體,則 盡 得 人道 而 後 復 得 也,不仁則 一體,故 日 人 道 所以 息

意。 者已 恒 不 但一二少異者未免疑猶 知 知 二年 妄 所 感云。 謬 H 奮 見。過 當 捧 蒙 鞭 誦 深教, 策 月 前 餘 往, 意 悦 N' 求 仰 涉 怡 淺 賴 副 高 陋 盛

明,將原見新疑録呈指示。言有躁妄, 辱不鄙厪咨問 意欲求諳 ,尚冀抑而教之,無任幸荷。 ,若欲根求此學,是當以

不負 學須領略主惱,●其 健 ,久當豁然也。幸再教之,萬 麗澤,特愧 陋 中有 未 能 融會處,主腦 仰答虚 萬 明

淺

無

懷爲懼

學》『有所忿懥』一章各貼一先字,謂 所』二字,即着於事矣。 彼亦安得無端 得其正。』不知若無箇 二字,蓋是 用其必者也。 心先有忿懷等事, 助長,非其正也。 四 事未至而心先有忿懥,則忿懥之行不 者,喜怒憂懼 鄙人日見云:「三原王公欲以《大 過 也。 而生忿懥耶? 之正 忿懷、恐懼 過於喜怒憂懼,乃爲 觀下文『視不見,聽 則是將 情也,但加『有所』 事,有激其 竊意事未至而 迎意必 、好樂、憂患 即是『有 念懷, 而 泛

> 往 之,亦非正也。今又以未至而將迎,既 不聞,食不知味』,蓋是不及也,是爲忘 而留滯,鑿矣!」

覩聞 指出『之其所』三字。 是真實不誑語。故於齊家、修身處,又 否,敬以直之。直之便是未發之中,此 在,故曰『敬以直内』,而密察此心之存 故曰『不得其正』。 有所偏重之類,便 相,内迷着空』,疑亦有見於此乎?」 承教 I 端 如未至 毅 云:「心體是 公雖 而 迎、 欲 失其 屬 貼 既 覩 釋氏 往 虚的,有 本 聞,便失本體, 先字者 而 體 留、 有『外迷 便是心不 所 己 應而 便 着 增 屬

意必矣,蔡介夫則 以或先或後皆能

惱」,康熙本作「腦 」,可從

下「必」字,康熙本作「心」,且與前文所引相符,可從。

0 0

有

哉? 於胸 亦喜 也。 者。 嘗 憂患, 此。 矣。 而 憂 屬 也。 後, 爲 文,則有未至而 懼 ,爲不得其正」,蓋忿懥、 病, 覩 不得 一、既往 臆、喜 当 悟 所 之 聞 高 既 今之過於喜者,事未至亦喜,當 既 亦非 即來教所謂 不 過 未至 乎 不可 者 不 屬 明乃謂「 可指 不 能 情 應 止見聞滋味之不察。 亦喜也,然亦有終日 而 亦 備 指 也。 無者」,但不可久 而 既 不 愚 有終 古 殺 殺 嫌 忘者。 意 有所 將迎、既往 往、片言 我, 一處。 文公亦 屬 一處, 竊 當 身 覩 傳習之弊,其 謂 便 應 由 聞 有 屬 有 之、 故今日 而 則 謂「皆 寸 數 覩 不容 所 則 有 恐懼、好樂、 而 歲 晷 聞,便失本 蒙 此 所 留 者,喜 嗃 於 可 然 N' 四 偏 滯 舉 經 不 嗝 言 業之 雖 不 其 之 重 者 之説 旬 堅 分先 用 處 死 所 知 横 所 怒 未 應 不 如

中 而 所檢,其弊 物 聞 雨 不 便無先後,便無過不及。 而 哀樂時,渾 一, 日日 致 足 復云云,蓋 無 而 情 不化,故 所者 以 未 生亦可輕, 月寒暑 致疑於中節 虚 也。 發之中 語 極 喜怒憂懼之過 未 有 是未發之前 也 順 發 不可 不得 爲多言纏繞,不深究夫未發之 H 是喜怒哀樂 應之情便無所,便不 之中, 萬 而此意之不忍捨者,竊)勝言者。 之和 其正,而 變 爲 而 意、必、 故 也 無 氣 情也。 譬之太虚 戒 象, 跡 於耳 的 慎 前説 虚 固 便是情 天 不 統希 故 則。 目 覩 我 本 鼻 也。 所累, 自 屬 啓豪。 恐 順 當 明白 覩 皆 非 懼 霆 喜 萬 謂

虚

風

怒

學。 物之學者,今日 以 致 本 執 又 理之學 然之良 E . 者 有 知 格一物,明日 格 惟精察此 所 物 性 之 而 學, 有 心之天理, 有 者也; 格一物, 執 理之

則

不

無

之所近 而 至於用力之久而 X 者 者而 也。 信從之、各以 講 學 者 一旦豁然貫通,由 惟 此 兩 爲 真,故 端,任 其 有二 教 質

者之異。」

當從後一說,是在學者自定其志耳。」 本然之良知,此聖學也。今日格一物, 此多聞多見之學也。欲學明日格一物,此多聞多見之學也。欲學明日格一物,此多聞多見之學也。欲學

析。 説; 者 學 異於「欲學寂滅、當從《楞伽》諸 氣質之性 即 不繁,各能有以會其歸 虚無,當從《老子》」者乎? 欲由聞見入者,當從後一説」,無 獲,而凡近者先難,如此志有定 以 合無悉由教入,得示真 此 萬 觀之,「欲學聖學,當從前 有 不齊,若立教條 也。 知,則 不 所恨者, 經 勝 高 而 繁 欲 明

> 非爲 變,泛應無窮,自有天則以臻夫格物之妙, 之天理,以充滿吾良知本體之量,則低昂 之。賢有志於聖學,但當究意於精察此 終身弊考索而於身心一無 力主 格物」本旨。但今之學者,志在廣聞 兩 此 今日格一物,明日格一物,已非《大學》 説 可之説以啓多門也。 而 不破,而至以一 所得 物 不 者,往往 知 爲 見,故 深 屢 心 有

見,猶之可也。 心也,士安得不變 而未之聞、未之見者 承教云:「群 言不及義,好行小慧, 而 居 爲 又入 而 盗哉? 談 於耳 其所聞、所 而 故 種於 日

心,互能談之矣。其未嘗見、未嘗聞 所常聞及常見者,入於耳,種於

『其何能淑? 載胥及溺。』」

其所見、

所聞,其未之聞者亦不能

談

也。

噫!

又曰:「群居終日,互談

世 拘,高 談 者 一之準 何 不 以 知 極 就 安 高 焉 能 得 下 談 超 以 乎 常 ? 就 情, 下, 但 求 群 人 獨 居 被 悟 終 見 H 以 聞 爲 互 所

故曰: 行, 行 日 者 昵 與 「友直、友諒 聞 群 ,日究於汙下而 文藝,下 狎 相 其所 情 居、 擇 觀而善,其 「友便辟 友之游、擇里之處不見於後世,故 義 群游者,不過 未聞 者拍 相 友多 投契者數輩 日日 肩 益 友善 莫知 見其 聞 促 無 膝 窮 里 柔, 其 所 即 也 巷 所 如 未 耳 所聞 友便 止 見,日 貨 相 色 一,此等何 往 日 見 佞, 規 還、親 與 雖 行 取 講 損 庸 其 之 求 言 矣。」 限 戚 所 術。 庸 ? 未 高 相 所

其 言性 其 省 所 悟。 善 偏 又曰 而 乃因告子蔽錮之深 惜乎終於固 治之,初 聖賢之言如 無定説。 執,而 醫 之治病, 以救之, 若孟 孟 子中 子 道 侯 之 天

> 之言 質之性 不 復 會之,不能 聞 矣。 後 無 世 惑。」 以 天 地 之 性

> > 氣

聖 是 是 用 氣 天 賢教人,只 藥,亦隨 地 質之性,非犁 承 之性 教 云 其所 ; 是救得氣質之偏 天地 氣 偏 質 而 然爲二物 之 治之。」 之 性 性 失 得 中 中 在 和 和 如 處, 處 醫 之 便 便

質之 性 畢 之 既 性 乎? 也。 之性 集 無 即 之本體,善惡 恶 矣,及物 理 性 後 則 良是。 既謂 而 也 世 有 有 昏 而 所 中 偏 之善 理 明、 善 謂天 夫 和 欲 無 則 亦 中 强 之 所染, 無名,蓋 非 動 天 則 地 弱、 説 和 所 地 無 者,性 而 而 之性, 善 有 之 失中 以 亦 恶、 天 性 也 成 非 混然之物 非 情 地 無 其 和 有 邪正 故 繼 之 也。 所 偏 處 静 之者 自 性 偏 也 也 也 萬 氣 純 氣 耳。 其 殊 質 然 善 性 氣 中 質

愚見如斯,弗知終有合於中道之

言否?

以 道 鮮 均 亦 受之初 道化,學與 契理。 謂 有 是 器 不偏 人 天 過 即 人 地 於愛,過 真 道 豊 可 ,然百姓 得 之 是 中 性 不學也。 道 判 謂 Œ 過 即 於厚,伯奇之孝、 然 氣 则 则 處。 日用 器 爲 質之性 有 兩 故 ,亦有隨其所禀而 要之,道 未 物 均 備 與天 交 謂 也。 付 之 地 爲 善 來 屈 氣質之 器 之性 耶 原 ? 口 拘,器 之忠 世 禀 故 合 性

心經分註疑問

察矣。 殆若蓍龜 E 每 求之不能 分附《心 尊筆 ,故後學者先入既深,卒難了 疑 經》,指 釋然。 貮 者, 必 示 蓋 與 詳 我朝尊信文 原 明 意有異, 者 易 於 體 公 經

達。今特逐條奉陳,伏冀終教,不

勝

感荷。

賢者 嘗讀《朱子語録》而知其然。《中 註 詞 熟讀詳 傳註有不盡合,亦不必規 》未必盡出文公之手,蓋多門人成之, 儘 復 承問, 有蹊徑,非 味, 生 疑。 條 久 當得 有 學問 精 品 義, 力。「大江 品 只 所能 老諄 於 大 規 贊 主 不 符 達 東 會 腦 詞 去」近 ·庸》正文當 也。 分 於 也 詞 明 況《集 其 見 故 和 愚 於 **\$**

按之 行者 舉 遷 即 則 未發之中、寂然不 革 泯 世 有 際爲 爲已發,而 皆 以至於死。 然無覺之中,邪暗鬱塞,似非 知識。 心經》所引朱子 然 未發 也。 事物 時 然聖賢之言, 指 耶? 交來,應接不暇,念念 其間 夫暫 動者,夫豈 日 嘗試 初 而 一人自 休息、不與 無 以此 頃 則 以 刻停息, 有 H 有生, 求之, 虚 月 所 事 流 謂 明

然則 物 乎 又便 用 初 見 中,而其良心萌蘖,亦未嘗不因事 其 於 謂 體 應物 而其寂然之本 生不已之機。 凡 而 流 應應 感之 接之際爲未發者以爲非,則無 者? 體 也 可 未發,如是而 愈不可見,退 行爲 0 及爲 用固 以 天理本真隨 時 之 物 拘於 貫乎 迹。 而 E 學 詩云: 而 已發,而指夫 發, 如是,而豈物欲之私流蕩之 通 者於是 不 大本、達道 而 窮者,是乃天命流 而非寂然之謂。 觸 體則未嘗不寂然也。 雖 幾 處,而可 己。 2 而驗之於日用 處發見、不少停息者, 之 微之際一有覺馬 致 而 日之間 察而操存之, 夫豈别有 可 覺,蓋 暫 疑。 之 以 而 全體 謂之中哉? 萬 休息、不 既 有 起 之間 蓋愈 一物,限 渾 云 而 萬 行、生 泯 以 然 復 則 而 滅 所 然 發 與 其 求 E 庶 全 則 則

不

無覺之可求矣。」

明之 疑云何,併賜啓蒙。 接之時 迹 夫 邪 也, 則 暗鬱塞 若 幾 於 微 邪 有 即 覺 暗 暫 鬱 亦 而 中 塞 休息、 之 也 中 未 以 不 與 知 求 所 虚 物

然,發 然在中而 焉爲已發,此 上天之載也; 以言中,覺而 與事接爲未發,又以幾微之際、一有覺 處,而可以謂之中哉」,渾是指 自「日用之間」至夫「豈别 猶未 發 無 也 屬 不覩曰微,道心惟 所 無所 ; 可 主,未 事 疑。 着者爲中。 物 變化 發 既 猶 往,念慮 云爲 發 有一物,限於 也。 不聞日 暫時休息、 微也。 而 未萌, 故 本 體 覺不 隱 炯 寂 知

0

0

可

句 此 詩」,據上下文意,當爲「註」字之訛 有差異。 處 所引文字 出 自 朱熹 《與 張欽夫》一 書 但 部 分字

隱、 微之義者,其於未發幾矣。

接之間,纔涉紛擾,尤多舛逆」,此 棄, 辜 不 役塗 致和之必本於 而 未終,已覺其有過行」,在高 如來教『一言未終,已覺有過言,一事 微、纔涉 負平 敢驰 熹 不然亦有 猶 路之間 實 又曰:「光陰幾 時 生 當 其 紛擾, 有 警省 之矣。 師 以 動 友之教,尚 病 振德之也。」註 即 之功,然客 致 涉 應 以 中也。 時 此 接之間 何? 序。 常 賴 恐 雖 此等處 尊 氣 而 天 尤多好 明未必然, 隨 勝 云 元 靡 循 事 未 弊於 而 舊 應 要 可見 即 天 役, 逆。 善 理 事 應 遐

之病 所以 合乎中 動 作矣。安 夫 哉? 而 纔 有悔也 涉 紛擾 能 蓋 紛 應 擾 事 則 既 接 事 久,所守亦喪, 物 體 無 主 中 而 節 舛 逆

> 則不 又曰 似 謂警省之功,不 成片段,與 既曰 「纔涉紛擾,即 如 何更有 隨事應物,不敢弛其警省之功」, 戒 輳泊 謹 知 應接之時 時 ? 恐懼 何 所 不 用也? 故 日 口 尤多 有 須 病 舛 臾 如 離 此 逆」,則 用 全 不 功

所

相

煞是。」 失。 物 好 中 用間 四 是指何 得矣。」註云:「『日用間 言 旁、往 處。 只 世 物 若只 ? 如 須 信 又曰:「所論大概只是如此, 物? 閱 此 地 有 古來今, 白 如 理之精,涵 個 本,來, 應 沙 此 欛 事 云 莫亦只是指天下之大本 空蕩 柄, 接 : 何 『得 物 齊 蕩 方 用 無過 養之久, 地, 有 穿 此 爾 須 紐 手 執捉,不 欛 恐無撈摸也。 不及,中間 有 撈 柄 則 個 脚 齊收拾。 則 欛 自 攘? 上下 至 然 柄 但 見 走 恰 H

應 事 接物無過不及,中 間 恰 好 處

捉,則 便是 灑 以 言 向 乎 進 中 有形 矣。 無則 賢之道,若言乎有 節 之 狀 和。 未 方體,而 嘗 能中 無 也 採 節, 藥結 則未嘗 若 則 尋 中 胎 在 欛 之 有 其 術 柄 也 中 執 拖

學不 熟 意 而 而 味 發 不 乃欲求中於應接 ·傳,其 相 中 可 則 是天然自 爲 見 事 謀。 來 事 遠 物 自中 矣。 物 有、寂 無 之爲 之際,恐 《中庸》首章忒分明,願 不 然不動 中 説 節 不 於精 便 明, 的 是 本體,由 而 一允執之 恰 堯 好 舜 處 之 此

是 不昏 得 I 可可 此 箇 昧,已 心常自整頓,惺 又 不至於 I E :「特守之要, 1大抵 也 發 然語 大 時 差 不 亦 放 惺 微 縱 蓋 耳。」「 有 E 了了,即 病。 發、 未發 只 未 只 如 是 發 却 此 只 時 要 着

> 既 則 昧、不放縱 於胸中, 則 無欲 惺 曰「常自 惺 矣。 而有主 不分於已發、未發, 惺 也。 能惺惺了了,則 惺了了」,又曰 爾,無欲 夫子何疑? 則了了矣, 未 自 主 意 發 能 常 時 不 有 有 主 不

昏 而 摺,故云「微 己」,却是簡明。 昧,已發 時 有 不 病」。 放縱」, 大抵 若如 又似 工夫有進退、駁换 來 喻 有 所云「要於 接 續 改 换

數

教謂 學 要 識 得 者俱難

成

章。

篇 此 愛物」是也。 仁主於愛,所 及陽明先生《大學或問》發明此 仁愛之流通,便是求仁,故《西 退思之,仁者以 識 謂 得 親 此 親 天 體 而 圳 隨 仁 萬 處 民,仁 物 推 爲 銘 廣 意甚 民 皆 體 而

夫持守之要,在

乎

一而已矣。

愛言

也

其

愛

知

又

只

説

舉

直

錯

説

克

己

復

禮

主

敬

行

恕

先

難

後

獲

未

嘗

以

博

施

濟

衆

爲

仁,子

日

:

何

事

於

仁?

必

也

乎

言

此

非

所以

求

也

此特聖人之功

諸

枉

能

使

枉

者

直

子

貢

才

高

意

廣

而

以

然 親 得 却 仁 心 人 理 生 這 是 便 這 心 彻 是 只是 也。」蓋 天 意 孝 個 個 天 仁 是 備 C 地 流 生 生 孟 地 可 識 遇 這 懸 理 通 乎 理 子 萬 以 不 長 個 絶 言人之所以 愛言 知 日 物 便 抑 方 則 生 . 所 毫 敬 物 能 别 天 理, 乎 個 謂 仁 安 遇 我 有 與 地 哉 須 如 生 求 間 者 排 天 民 ? 要 桃 理 仁 容 隔 地 物 便仁, 爲 人 識 不 之 萬 以 都 即 人與 也 得 得 愛言 功 故 物 杏仁 吾 消 0 者 孔 也 遇 爲 心 身 滅 又 門 纔 物 之 之所 所 只 了 日 言 體 着 便 類 如 由 淺 愛, 安 故 以 生之 全 此 矣 排 爲 只 盡 自 遇 除 便

哉 功 之。」此 渾 存 須 時 誕 發見 廉 腦 忝 重 懸 物 地 用 恐 化 久 要 以 之學,而 潔 公案? 空 萬 1 耳 空談統體 究 自恣 自 識 杜 物 體 實有 亦 今讀 其 却 而 皆 孔門 明 得 撰 之 不 至, 孔 與 體 仁 儱 孔 原 免於 弱 蓋墨子之摩頂 此行,特 專 孟 天 爲言。 又 體 西 求仁之 門 與 侗 者 ,弊也久矣 事 使之 闢 地 銘》 日 墨 籠 相 閹 放 乎 之, 同 既 : 子 簟 傳 媚 距 者 同 肫 體 識 誅 自 至 之説 方 兼 質 求 之 以 胞、 肫 仁 其一念之微 世 不 比 愛、 類 自 明 其 例 淵 一之學者不 體 安,使 吾 知 於 如 者 放 之 次 鄉 謂 淵 此 與 求 盗 踵、 明 而 程 惟 訣 原 是 之 仁 賊 生 得 以 子 莊 竅 生 未 媚 爲 鄉 施 於 禽 意 盡 誠 日 敬 與 不從 世 學 求 嘗 原 獸 敬 匪 流 不 以 强 問 渣 孟 之 又 濬 澽 存 解 通 學者 啚 持 者 滓 子 天 忠 隔 口 大 其 以 實 養 便 信 口 放 畏 德 天 無 幾 頭 乃 萬

潛 女」、「 言「止 未 日 山 謂 日 久,速者 欲 「取 達 : 龍 之反 明 「咸、恒二卦 幸示 商 女」、又曰「婦 婦 而 此 易 此 首 耶 古 説 之 Ξ **>** 學 ? 言 歸 不 代 若 咸、 藏 當 恒言「 能 又 之 不 熟 久, 日 亦 學 恒 相 當 讀 古」。 周 反 蒙。 久 動 ^ 即 ^ 體 易》 易》首 對 而 者 易 執 究。」然皆 巽」, 之不 **%** 昨 而 中 重 豈 其 承 咸、 之 乾 以 夏 似 能 卦 教 日日 咸 而 首 於「 恒, 德 速 有 爻 速 謂 ^ 所 又 先 取 咸 故 連 故 恒 :

易 反 故 而 베 不 而 後 \Box 離 實 能 速 咸 且 平. 相 速 ; 主 不違 恒 感 止 成 速 主 應 即《 而 夫 而 定 而 不 弱 感 體 言 況 本 莫 雎》之「樂 於 而 於 感 速於 言, 人 久者 而 乎,故 天 遂 男 妄 地 通 女之 而 受 之 也。 日 不淫 久。 道 相 命 義若 恒 哀 説 如 蓋 久 而 説 相 久 不

心 而 萬 以 應 哉 寂,「 其 其 爲 心 咸 乎 而 五. 言 不 終者 其 變 ? 末 之 ? 事 脢」三字文義 不 無 臟 脢 傷 無 虚 化 能 心 天地人之至 竊 私 九 附 即 而 情 故四之悔 恒之「動 受」,《傳 普 性 可 感者,惟 之 係 Ŧi. 無 恐未 「艮其背」,脢 本 乎? 以 情 語 萬 情 罪 動 哉? 吾 運 之 物 然。 稱 而 而 其化。 寂 IE. 而 普 》言 《象》言「志末」,末, 亡,不若 下 mi 不 妙 無 巽」,動 體 無 也 萬 蓋 **^** 隱 乘 協。「咸 動 至 傳 心 而 物 之 天下之感皆生於 寂 也。 故 妙 即 **>** 也 於止 順 頑空有之,況 通 聖人之恒 日 言感, 巽言 者 背 \Box 順 贵 應之,故 五.]:「利 而 利 也 也 萬 其 知 之 註 止 京寂 用 婦 事 脢 其 無 以 之 取 而 有 吉」之從 所 悔 然 不 義 以 天 猶 動 可 女 攸往 止 寂 無 不 地 能 其 以 云 不 彻 於「咸 其 言 動 蓋 寂 也 易言 感 既 之常 感 情 終終 無 順 感 以 寂 物 惟 咸 深 Щ

過,已是透得人鬼 之差,豈非古今一大冤 生,循環之理,然必以静爲主。」於咸又曰 也,利有攸往,始也。終則有始,動静 盛乎艮。」《本義》於恒既曰:「久於其道,終 天下之故。故曰:「終萬物、始萬 中者,天下之大本,立不易方,而後能神 則有始。」又曰:「九二,悔亡,能久中也。」 而世固以静寂 此卦雖主於感,然六爻皆宜静而不宜動。」 虚 無紙 闘 二氏,而不考其毫釐 事耶? 信 物者, 得此 處 莫 相 應

無期矣,念之憮然。 聞命下,將送法司。囚榻相對,自後想

雙江聶先生文集卷之十終

雙江聶先生文集卷之十一

書四

答 王 龍 溪即致知議略

者 斬 也 應 未 良 而 免假 岩田 ; 非 也 知 得 先,已 即 即 第 , 先天之學 來 若 是未發之中 感 於多學億中 書 謂 義 而 云 應非 所 良 寂 良 知 存 也 謂 後 知 之前 焉 無 者 之助 知 即 即 前 感 别 是 識 本 後 寂 非 求 心 而 發 而 则 外 内 未 感行 自 已 而 不 彻 外 發 中 能 明 X 而 焉, 節 於 自 即 此 渾 不 之和 後 信 是 是 寂 然 由 天 其 千 學慮 非 未 心, 矣。 體 聖 内 乘

> 并質 爰述 受病 依 沉 識 空 諸 之學。 之學 雖 得 敬 不 之見, 所 同 ; 其 君 或 良 攝 知 且 疏 爲 感 之 以 爲 未得 以 外 答 數 歸 别 條 良 生來學之意 寂 有 用 知之旨 或或 己 以就正 發 緣 則 寂 即 以 是 於三公 而 起 世 感 儒

之中 言 我,故 只要 自 後 故 力 動 則 天之學,心 河 然 其體,後 日 不 其 命 成 中 得 由 有 先 初非 後 曰「先天 就 先 而 我 天 發 動 天 自 與 生 之學, 立 而 以美惡分 也 天 而 而 家 道 嘗 七 中 言其 與 奉 而 有 後天之學,迹 節 情 即 則 天 個 由 天 是 之 助 出 用 時 養於未發之豫 心 弗違 我 言。 也。 焉, 和 __ 體 出 助 蓋 良 則 乘 É 先 邵 則 以 萬 天 去 用 生 子 然 體 感 物 知 也 時 天 在 日 \Box 無 皆 0 於 是 用 遠 行, 其 . 施 先 未 分 物 備 先 天 先 不 發 於 豫 而

可 '。」若 良 知 亦即是發 而 中節 之 和

詞 涉 迫 促

其有 之火 器 有 也。 地 果 感 地 施 百 本 及 蓋 之 界 在 情 之 至 相 安望 尺一貫之説 爲 今徒 繼 事 銃 口 内 之 枝 其 根 心 感 葉,一 乎? 於 安 用 體 鉋 下 之 也 應 其 也 頓 言 硝 形器 也 聲 知 不 能 ; 之乎? 而 磺 激 也, 平 貫 抑 是 響聲之激 硝 百 之 日 射 先, 贵 譬 之迹 然 尺 而 也 磺 具, 之 内 非 如 於 耶 於 其 之 己 利 則 竊 外之間 使 内 百 培 也 學 ? 應 内 曰 足 嘗譬之,心 銃 射 尺 灌 種 問 不 藴 以 而 寂 爲 即 之功 果 樹 之本, 之 是 未 發 性之 别 啞 威 日 寂 功 者 在 後 也 器 敵 發 而 昧 堅 非 外 則 有 ; 體 感 之 引 猶 外 乎 其 守 自 可 未 程 而 在 ? 天 乎 忘 寂 線 兵 片 所 根 之 復 子

> 葉之碩 易 之説 夫。 焉 是之謂 於 言 先後,今日 前 之中,即 絶 也 大由於培灌 無 無 去外物以 蓋 若 「定」之一字。 》言 内 未 如 也 爲 即 大 外 發, 茂 渾 以 内 有 ; 張 學 感 然 ^ 由 百 外,《 發 良 子 者 而 定 求定, 之積 無先 於 尺 疑 易》言 寂行焉」,以 知 立 而 性 體者 根 ___ 之外 外 中 中節 法 書》 累。 後 貫 本之盛大, 先 庸 故 物 先 論 恐 也。」今日 生 嘗 爲 **>** 云 無 之和 此鄙 是皆 後,《 亦 當 種 然 定 有 已發 言 樹 更 也 性 此 以 人内外先 定定 大學 無 下 體 之累 内 論 根 而 而 統 良 内 外, 用 見 似 是 本 要其 體 不 外 》亦 轉 成 是混 知之 未 之 原 言 而 發 歸 欲 之 後 盛 枝 似 \vdash T.

> > 691

本 康熙本作「木」,可從

0

爲 良 沌 心 依識 知 未 之 判 雖 似 外 之 玄 無 前 是 而 情 語 無 意 難 則 即 設 辩 姓 謂 日 者 矣。 良 良 知 知 孰 之 之 前 前 沉 與 無 外 性 孰 無

萬 知 正 此 乃 具 物 也 沌 來 恐恐 書云: 足 統 純 初 作 渾 生 天之學,「首 粹 對 非 不 沌 兄 精 中 無 犯 《易》曰 初 故 高 所污 人以下之所 開 做 也 謂 明 第一 手 七 過 之 : 壞 爲 人,自 獨 德 出 者 竅,爲 乾知大始。」乾 妙 0 不 庶 而 悟 乾 能 備 言 來 物 知 萬 及 論學 以 不 而 萬 者 物之始, 也 此 以 可 或 自 剛 以 見 只 咸 娱 從 語 知 在 寧 健、 良 即 爲 混 口

下文。 之。」已似 本 今提 義》云: 於 知 經 字 旨 屬 本 乾 乾 明 主 字 白 始 物 遂 知 謂 而 字 乾 坤 知 原 作 爲 屬 成

者

也

知

中

良

與

其 德,至 成 體 至 健 乎其 德, 知 物 備 有攸當,似 贊乾也。 良 變。能 資始 書 亹 順 也 知 坤 而 亹 也 中。 德行 於易 以 不 統 知 。德 言 簡 乃 説 簡 與 天 及以下文照之, 言 聖 難 行 能 統 簡 恒 他 能 萬 能 人 其 以 恒 天。」是 則 易 ^ 物 又 則 慮言 之功 德 彖》 簡 以 其 又 日 作 天 例 以 知 : 用 以 知 對 聖人之學,定吉 用 牽 下之 險 以 知 言 也 易、 : 夫 合 良。 爲 ; 阻 0 統 其 乾,天 大 也 六經之言,各 簡 夫坤,天 理 則 獨 天 人 才 健、順 爲 哉 知 贊 得 日 法 險、 乾、 乾 乾 乾 下 乾 而 元 元 之 言 阻 下 成 坤 坤 以 德 X 之 之 其 位 之 易 非 咸 萬

致 知 之 來 知 體 格 云 物 顯 之 微 獨 功, 隱 知 見 無 視 有 於 通 不 無 形 無 聽 不 於 覩 戒 無 不 慎 聞 恐

懼

良

首

春

見兄所著《三

Щ

語

録

感 從 日 偏 用 於 倫 虚 物 寂 之 之 應 謂 感 也 以 致 其 明 非 至 静 無

之? 行 行 憂,而 覺 與 芽 明 物 中 歸 頭 2明察 7,方是 不 不不 之功 根 半. 處, 也 誤 動之 義 復 路 程 非 乃 與 發 也。 知 也 致 修 而 命 子 以 性 謂 良 便 則 體 虚 指 之 行 曰 : 襲 過 體 知 H 屬 偏 其 守寂 何 如 要。 者 焉 矣。 用 自 於 似 以 覩 不 日 者 以 不 者 倫 然之覺 隔 主 虚 聞 爲 明 同 蓋 矣。 方 物 夫 宰 視 寂 覩 察 無形 之内 明 嘗 是 塵 之而 不 獨 不 於 要 爲 倫 不 以 以 足 聞 亦 知 無 非 聲 格 察 覩 學 此 此 後 以 是 是 便 别 以 形 而 物 物 不聞 處 言 之 半 該 良 是 明 有 明 之 視 着 聽 自 未 路 乎 察 知 未 察 由 功 之學 功 之? 於 然 倫 能 個 爲 1 的 的 發 虚 聽 無 之 是 格 義 物 路 之 爲 萌 雖

> 儒 形 本 動 而 咸 前 得 説 卦 聲 顯 特 之 俱 以 以「至 微 地 泯 以 發 隱 提 通 其 見 是 神 出 感 藴 則 通 虚 9 贊之,蓋 寂 毫 二氏 寂二二字 以 無 釐 主 千 得 夫 是 本 之而 里 感 以 也 推 之 立 静 德 絶念,吾 差 感應 夫 以 之「止 又 子 御 Á 於 平

與 動 也。 覺 避 X 知 不 識 X ; 幾 口 之微,吉之先 即 見幾,故 所 賢 以 動 來 寂 書云: 過 致 而 趨 即 人見 之則爲 未形 詰 雖 感 恒 動 異 幾,學 良 %,發 此 吉 見 ,其爲不 知 而 忘 幾 者 而 而 者, 未 幾 者 無 寡 也。 未嘗 形 不不 前 審 無 [X] 足 有 ; 幾 後 所 知 發 及 以 幾,故 審幾,故 無 思 也 則 成 故 無 之間 爲, 務 爲 内 日 有無之間 外。 自 識 純 均 幾 趨 然 吉 幾。 矣。 幾 之微 之 吉 聖人 而 忘 而 無 明

口

見

應,真 爲 寂 則 謂 也。 體 間 未 寂 求 寂 寂 日 而 有 千 幾 感 是 是 本 嘗 而 岸 無 然 無 是 有 之間 今不 與 感, 也 以 體 無 疑 不 爲 常得 無 能 人 聖 於 此 無 也 寂 動 有 無隱 無 免 是 心 學 段 知 爲 無 謂 爲 然 者 無 性 既 望 謂 真 幾 神 意 有之幾,寂爲感之幾, 也 誠 人 不 只 之 度其文,故令人不 體 之訓 洋之歎 常 無 應 誠 口 動 心 間 神 常應常定,常清淨 在 而萬象森然已 用 俱 寂 而 也 真 湛 爲 幾 有 妙 · 常 亦 ; 當 體 然 學 以 感感 乎? 通書》得之。 而 感,是 感 何 用 見 問問 下 常 用 未 而 成 不 具 而 真 寂 不幾 功 嘗 誠 遂 足, 可 作 疑 T. 謂 有 ? 具 通 精 於 夫 常 可 於 寂 是 有 也 者 夫 有 而 無 寂 舍 感 致 非 矣。」 老 無 而 謂 ^ 明 看 也 易 子 筏 常 即 以 以 神 無 之 而

> 者,存 不諂 外 也; 形 微 如 之斷案矣。 傳 言 交 石 中 有 幾 焉 学子 先 不 石 ,吉之先 庸 冥真之疾, 寧用 也。 、不瀆爲幾 故 瀆 後、 乎介。」介 無 日 日 之 能 其 沉 舍 至 終日 見者 間」之謂 不 知 知 蓋六二 逐 誠 誠 溺 幾 幾 志 而 瀆 也, ? 如 也。 非 於 其 乎? 求 助 也 神 豫。 寂 斷 神 以 幾, 0 即《 之 然 (易》 乎 <u></u> 미 中 幾 又 病 失 不 易》 盱 書 識 1 E 正 在 日 日 幾 動 之 豫 矣。」此 「憂 交 自 當 介 日 幾 遠 誠 之 之 不 守 : 者 有 矣。 誠 動 间 而 悔 諂 能 明 悔 其 夫 介 乎 非 而 動 辩 内 ? 吝 諂 下 介 子 如 未 以

之良 門 知 致 來 書 也 知 三 云 : 之學 子貢 顏 所 務於多學, 子 謂 不 遠 復 復,正 以 自 以 知 是 億 德 而 不學 中 性 之 不 與 知 顏 慮

孔

於 以 絶 師 子 爲 學 憂 湊 正 誠 異 憫 泊 相 而 後 積 反。 不得已之苦心,世之儒者 非之。 人,將 習漸 顔子 此 染, 夜光之珠, 視者按劍 没 兩 至 而 字信手拈 T. 聖學亡, 百年 而 出 子 未 貢 反 以 E 閧 學 承 彻 亦,亦 術 Ŧ 然 無 指 聖 先 易

怪

其

然也

學,誠 知 慮 教 矣 性 亂 天 於復,竭才之功 而 7,要未 築室 與 本於孟子, 德之剛 知 却 猶 天 克己復禮 愛 與 是 道 自 顏 可 知 獨 自家做 當當 主 復全於我 子 敬 以 居 也 相 易 孟 亦 三月 \equiv 蓋 也。 反, 子 視之也。 年 有 言 得 子貢 言孩提 見 至 前 主 其 其 復 不違 於 領 宰 中 以 中 非 具 以 有 定,故 之童 之 多 先 群 足 貫 是 自 物以主之, 所 識 師 之 之 陰 知 顔 不學不 存 良 之所 體 訓 億 子 日 中 知 亦 蓋 不 而 之 苦 自 能 反 聞 爲 遠

> 以 愛 不 慮 充 敬 之成 滿 則 主 乎 難 之所發 本 體 矣 之 也。 量 而 今不 欲 坐 從 享 事 其 於 不 所 學 主

眩 審 不 盡 是 白 知 兩 空,與聖人之空空無 非。 聵 足 道 , 惟 端 音 也。」言良知之外别 耳惟 以辩 ,必假於多 空, 者 者 來 而 世儒 幾 書 先假 是 故 《希矣。 空,故能 味、目 三 乙 : 與 能 不 外 非 辩 孔子曰: 能自信 學 物 之不 而 甘 而 辩 以 己; 苦 清 淆 足 識 異 其心,謂空空 其 濁 以 以 無 空 故 目 吾 ; 本 助 鑒 知 空者, 惟 一質,不 心 吅 色、耳 有 發之,是疑 也 空, 惟 其 知 空,故 道 乎 兩 鄙 故 至於 之不 之 端 哉? 能 夫之空 不 體 而 足 辩 爽 足 口 能 竭 也 以 之 以 辯 黑 無 而

待問 以 知 也 時 教 故 人以关子爲多學而 人也, 凡問 故 者必之焉 日 : 「吾有 識 知 夫 乎 子 知 哉 不 足 欲 以

耳、目、 之仁 空 於 不 网 鄙 無 庶 人告 空 與 本 能 端 夫 知 乎 與 文爲 也。 鄙 於 者 也 而 足矣, 虚 П 之 夫 問 竭 是見聖 今謂 鼻 寂 無 贅 至 於 焉 但 何 異 我 於 復 以 與 所 空空 告 而 兩 則 何 良 人 空 别 其 人, 端 又 待 鄙 兩 知 爲 空空, 以空空爲 之竭 物之 焉 端 夫 之 則 體 之 已 無 不 外 是 竭 洪 具 所 敢 如 别 非 也, 聖 耶 知 不 稱 無 知 教 道 ? 人 盡 但 顔 知一, 之 人 我 體 體 子 不 心 不 盡 必 段 之 聖 知 與 疑 倦 者 有 吅

謂 平 格 也 口 知 物 物 謂 識 是 覺 而 來 格 非 不 致 是 書 物 良 過 知 云 性 天 H 正 知 體 學, 口 所 則 自 然之則 見之行 以 可 覺 然 致 之覺 而 謂 知 른 也 良 隨 則 知 即 可 吾 在 自 外 9 是 致 然 人今 謂 於 天 之 此 在 知 命 覺 日 良 物 覺 之 之 知 則 上 良 學, 性 求 不 唐 知

> 聖 異 起 愚 静 無 即 正 耳。 於 夫 奇 之分 是 而 幾 意 特 已 愚 遂 於 若 發 以 婦 相 自 牽 謂 格 未 誣 於 無 於 而 物 愚 動 且 委 别 欲 茫 爲 夫 於 自 曲 求 昧 不 義 意 愚 棄 相 未 支 襲 矣 能 欲 本 婦 發之 離 則 之 致 見 而 心 不 時 其 時 在 不 平 口 良 良 與 自 0 常 所 知 知 聖 覺 後 以 不 始 人 未 忧 儒 直 足 龃 同 免 認 而 以 聖 良 ; 於 纔 動 人 纔 語 知 動 知

之神 之 用 所 而 致 重 易 皆 功 應 以 於 知 | No. 常先 神 知 當 良 原 洗 明 乎? 潛 知 明 有 於 天 心 龍 是 其 所 此 養 道 藏 之學 性 德 要聖 歸 性。 密 體 察 也 由 自 之 民 專 是 人 盍 而 然之覺 故 日 務 觀 體《易》之功 後 不 語。 修 口 之, 興 觀《 神 德 見 神 知 則 易》言 洗 是 以 之 之 致 物 成 心 也 用 知 以 云 其身, 藏 格 隨 蓍 前 則 故 物 民 感 排 歸 欲

屬 乎 是 千 之 妙 乎 德 也 里? 乎 物 致 ? 成 人 ,不待致之而 ? 爲 而 知 潛 自 知 日 信 不 之 終 之 其 過一 可見之行,隨 則 爲 H 善 視 不 言 與 物 性 是以 疑 物 自 也 也 於 體 作 無 受 非 所 推 自 對 不 命 而 退 行 在 至 然 能 行 致 如 藏 之 日 免 之爲 響 此 今 於 覺, 口 牽 良 日 密 神 見 己 致 知 何 格 之 mi 應 於 啻 從 全 唐 物 謂 外 M

然太公 於未 用 能 昧 X 而 謂 感 不 支 離 之 原 而 類 發之前 覺 也。 遂 的 而 茫 無 通 本 師 不 未發, 昧 體 磨 不免 日 自覺」云 支 鏡 感生 便 離 亦 良 於 自 種樹 一於寂 不 知 云,疑 動 能 則 叮 之喻 是 静 發 所 以 和 未 之分,入於 而 與先 未 寂 發 歷 藴 中 解 言 之 歷 於 節 師 中 中 可 之言 動 便 求 茫 静 自 寂 覺

> 生焉。 之分 言 闢 周 動 遂,不翕聚 動 日 潛 則 首 有 主 程 龍 專 深 定」。 亦 静 之學。 廣、大 程 翕 原 翕 於《易》者, 子 則 之 於 動 之生 又曰「不 日 不 ^ 發 闢 易 能 也 × 0 原 發 動 唐 必 於 散 亦 ^ 専一 子 易 如 專 定 日 此 是以 翕 則 主 静 而 : 不 静 静 後 而 亦 廣、 能 静 可 直 定 無 以 直 專 與 大 而

過 要 時, 致 形 照 物 所 知 在於意 無 一之爲 則 與 如 T. 昭 愚 聖人同」,是 所 夫者 磨 幾 夫愚 照 致 欲之不 鏡 何? 者 也 以 格 廣 婦 此 物 ; 之 延 鏡 動 若 也, 知,未 如 亚. 懸 非 執 鏡 此 於 則 以 鏡 之 喻 此 夫致. 動 照。 隨 周 未 於 物 而 平 知 爲 意 以 物 物 之功, 無 謂 欲 鑒 來 而 之 格 其 É 不

之間 書 息 不仁 生 平 萬 反 也 止 地 兀 之 息 之所 爲 息 者 年 日 九 入聖之微 也 蓋 至 静 接 動 即 虚 也 也 來 年 梏 息 天 妙 静 翕 書 明 有 言 氣之靈 地之 也 人 至 之 動 之 生 云 息 靈 是是 月不 終 能 妙 間 闢 息 氣 機 也 氣 根 從 者 之 即 爲 爲 日 也 惟 氣 有 此 蓋言 違,三 者 也 義 是 推 至 良 之 所 與 _ 靈 而 誠 息 知 夫 息 攝 息, 不 物 静 氣 至 0 氣 無 養 也 月 器 耳 靈 貫 專 同 息 保 於 孟 而 家 世 也 體之充 邵 體 之學 造 動 百 合 子 H 無 息 以 ; 子 是 Ŧ 直 化 至 愛 論 害 又 手 息 也 萬 亦 以 無 月 養 H 靈 ; 以 足 爲 寒 而 謂 大 停 至, 不 年 夜 九 痿 之 呼 化 平 塞 機 生 所 馭 年 天 百 吸 日 爲 天 平 生 痺 息 定 T 爲 廣 氣 纔 之 不 Ħ 日 地 地 天

也 但終當 是 生 有 理 别 亦 告 是 子 牛 氣 生之謂 理 與 氣 性

神 得 邵 消 得 運 大 息 根 成 爲 否 與 而 論 亦 業 諸 之 亦 來 子 E 未 物 其 具 是 即 動 足 是 息 是 養 杞 認 口 口 馭 以 邵 説 生 静 從 體 ; 强 從 無 冒 柳 氣 生 無 不 子 氣 相 以 恐 認 學 而 爲 易 不 動 物 犯 勿 湍 攝 生 繼善 至 可 亦 是 爲 問 性 Ė 傳 做 求 靈 不 水 妙 惟 養 己 £ 循 ***** 静 而 長 手 於 而 成 至 體 而 與 食 有 驗 生 環 要 ; 爲 心气 不 終 性 爲 「定 妙 仁 色之 家 消 而 陰 以 苟 妙 無 知 天 者 所 息 長 之 顯 失 收 悟 端 息 係 以 地 而 之也 勿 喻 陽 秘 歎 其 斂 以 非 於 陰 後 人之至 而 求 之謂 藏 養 爲 孟 接 亦 陽 與 能 以 所 天 於 用 主 子 吾 天 天 以 養 陰 與 不 無 地 氣 道 日 盛 妙 儒 當 之 陽 測 則 地 物 地 物 H 迭 得 看 Z 者 見 荷 之 善 百 不 F

之時 使,故 氣 靈 生 月、水火、土石、人鬼、禽獸、草木,皆從 有 爲 減 一。当 升 良 摩盪 日 降 知 至 别 便 中 妙 有 有 成 即 象 説 動 至妙者 謂 乎? 成 静 氣 而 形 之 • 也 理 日 而 爲 良 莫知誰 良 如 知 知 日 無 亦 氣之 之所 未 可 發

定則 之機 非 也 息定, 見性 致 盡性 爲宗。 知 氣 也。 來 而 之旨矣 命 書 氣 於性 以 云: 佛 自 至 致 氏 生生 於命」也。 而 性 良 以 歸 爲 知 見 於虚 人之生 見性之宗 性 故 爲宗,吾 日 寂 若曰 沙,則 是集 理 將入於禪 息則 也。 儒 息 義 之 則 所生者 氣定,氣 其 性 學 生 定 亦 定, 則 生 以

主 機,無與於學問 氣 一得其 息 息 則 所養 有 湛 義,生 之氣 則 也。 氣 滅 命於性,配 復, 予之所謂 之謂 此 氣 也。 化 義 息者、蓋 升降 攻 與道, 取 之 之

> 者氣 其 覺 禪 塞 而 虚 乎天 大異 八圓 定 番 寂 於用 爲 之府,寂 謂 覺、 性,亦 地, 處 非 時儒 覺 致 生生之機 明、 知 者 以 用覺 之旨 明 覺 生之機。」今以 覺 爲 而失所 也。 之異。 性 則 · 又 異 矣。 傳 養,此 有 佛學 **>** 皇覺 日 虚 佛 又是 養 寂 氏 覺 虚 正 以

氲,萬 不 儒則 氏 氏 後天地而存。 幾」、「天地之呼吸 謂 足言者矣。 謂 八謂之「 之「六月息」,釋氏謂 之「谷神」、「玄牝」、「其息深深」,蒙 來書云: 物化生,一 繒 晦 息之一字,範 人能明此 人宴息」,邵 息通於今古,平旦之氣 也」。 是息 之「反 息,是 子謂 圍三教之宗, 先天 息還 之「復姤之 謂 地 天地 虚 而生, 有 氤 吾 莊 老

■「減」,康熙本作「滅」,可從。

功 養 以 斂 蕩 消 來 亦 蓋 書云: 亦 息爲 便 生家之言以 只 息 亦 中 道誼 是 盈 康 便 是 有 易 範 隨 虚 衢 是 夫子 \forall 未 天 韋 時 E 時 日 嘗不 其 之 隨 行 出 時 息境 神其説 教之宗,而 義 誼 息, 也 而 君 利 隨 不 作 子 時 更 謀 申 日 未 君子 若 以 無 之義 申 嘗 疑張皇之過 其 是 入而 嚮 書 夭 無 利 尚 攙 精 晦 日 夭 大 消 功 明 和 神 之 息」之謡 人宴息。」 矣 息 休 向 但 其 别 盈 哉 裹 有 氏 休 道 忧 虚 及 收 其 蕩

此 想 謀 計 師 是對 之 其 所 但 謂 心 得 症 則 此 心 之藥 物 爲 根 在 上 生意 有 根 所 所 求 Ŀ 當 爲 Œ 不 一培灌 時 而 息, 隨 時 爲 不 在 不 即即 勤 致 服 怕 作 人 此 者 無 枝葉 於 良 也 枝 功 葉 知 花 利 花 實 周 之 平 先 計

物

而

不

過」云云,

恐

不

免

有

功

利

心。

「不易乎

世,不

成

乎名」,故君

子

7

心

爲

之 也。」言語 爲 乎 實 穫者 來 致 根 知 兄 花 無 君 變化 虚 是 ? ? 以 實 此 書 心 也 子 周 六二之《象》 子 在 守 枝 ? 之 方 云: 何 以 亦 乎 格 功利 根 聽 寂 耕 是 葉 想 者 鄙 成 只是培 物 以 其 E 物 而 吾 爲 德 其 事 人 培 自 而 心 意 是 穫 人 養乎未 之 根 間 爲 爲 灌 然, 不 致 便 在 今 灌 却 見 行 特 之 不 過 亦 是 知 根 日 人 枝 别 日 毫釐 得 竊 之 與「 以 功 發之中 H : 作 力 葉 是 正 其 功 利 謂 何 培 枝 謂 無 花 德 之 當 不 隨 當 灌 葉 實 心 者 乾 所 是 差。 修 惟 耕 潛 花 處 體 與 坤 爲 爲 在 不 耕 芒 便 而 穫, 龍 實 是 是 也 也 培 枝 於感 致 是 不 作 覺 而 之 之 花 根 灌 未 培 此 葉 識 枝 不 却 想。 學。 實。 ^ 是 應 事 計 富 灌 良 花 尊 葉 無 根 更

後

内外之可言也

不下,只是世情心未忘。此是最初發軔第莫先於淡,淡是入德之基。吾人潛不久,淡

不可

以

不深

省

也。

君

子

盟

然之學,便是

潛龍之學。

廷道 也,但 潛 初 闘 用功」,又以「無前後内外」爲「千聖 三教之宗」,又謂「千古聖學,只在幾 範 世 淡 見其 潛 第一 與 開 耳 則 圍三教之宗」,又謂「息之一字,範 ,不成乎名。」 淡,不知 第 心之微」,兹又以 ,非有心於淡也,故曰:「不易乎 有外見之美,泊乎其 含晦章美,專於 前此既謂 義」,又以「乾知大始」爲「 竅」,又謂 是一了百 謂是爲 「良知者,千聖之絶學, 「千古道脉 内 發軔 當耶,抑 養 發 以 朝第一步,是 淡也。 第 成 只 其 自 北 (德,不 潛故 有前 歸 在 渾 斬 之 虞 沌 H 韋

答黄洛村

節」 下之大本可以時言乎? 謂之中。 有 各有所屬,不容軒輊於其間者也 之功似 致中和」,蓋 時 與 來 句,焉得爲贅? 否,但 諭 不 中也者,天下之大本也」,曾 專 <u>云</u>: 於 合寂 子思子云「喜怒哀樂之未 喜 歸 怒哀樂之未 感以 寂 而 爲 己 而 功者 未發非 也。 大本、達道 發,且 故子 也。 時, 思 則體 不 發 精 謂 論 子 而 微 道 天 中 日 其

未發 夫喜 嘗 其 體,不離須臾,則大本立而達道行 聞 日 也 怒哀樂,豈 未 諸 來諭云:「喜怒哀樂無未發之時 可 、發,特 公 有 以 此 騐 指 言 無 其 吾 未 也, 寂 發 發之時 而 然之體。 僕 不動者言之。」 未 敢 ? 以 常 但 爲然。 存 於其 初 此

之和 從 皆 乎 諸 中。 功 又 體 和 或 夫 處 未嘗 發 此 **機觀之** 喜 在 C ? 公 幾 不 有 擴 是 而 爲 V. 怒 Ì. 體 平 程子之言,於諸 乎 充 遂 先生 中 日 須 哀 用 之功。 功 本 而 有 · 日 息 節」 者 以 聖人到 用 是 曾 樂 用 未 之 矣, \Box 未 本 本 知 自 原 發 未 蓋 一、「未 謂 立 所 領 發 他 有 故 生 句 之 發 所 尊 先 而 位 工 爲 未 者 有 爲 中 日 之中 以 是 夫。 師 道 信 天 發 不發之中 大 : 察 不 贅者,蓋 之 公之心 自 體 地、 者, 之 即 本 常 養 中 識 意 其 敬 生 即 中 有 人 世 育 來。」若 非 然乎 明明 其 日 有 而 則 發 未 無 不 端端 萬 是 容 陽 一發而 無 矣。 心 能 可 却 發 mi 程 物 倪 用 有未 明 失 中 之 謂 於 全 而 子 是 未 先 中 其 合 也 節 常 便 爲 以 得 中 E H 當 節 則 0 之 寂 只 節 生 是 有 道 致 發

道

中

爲,日 息 變者 也? 哀樂, 之未 人人 節 已,人心本不二也 可 者謂 心心、 發」, 謂之體,自 度者 來 便 而 夜 以言 蓋 其 諭 是 中 之所 自其發 發 之和。 合 云: 之欠審 節 未 而 息 也 發 爲 日 而 息,自 而 諸公之意,以子思子 既 和 觀 而 喜 其運 不 而 非 有 天道常運 之者 未 以 可 H 怒哀樂之未 得 發者謂之中 以本文爲贅 發 以 而 喜 似 其 也。 而 言 於 怒哀 不 養、 未 Ė 贅 無 也, 發 失其 至 者 樂之 也。 也 爲 於 發 自 謂 也 中 日 蓋 養 日 其 之 一、蓋喜 自 未 不 者 畫 夜 用 贅 運 其 又 發 日 言 之 之 而 發 在 以 所 所 之 天 何 道 不 怒 意 發 而

時 怒哀樂則 理,皆性 不 朱註 然 之 有 云:「道者 道 德 時 口 而 不 以 然,而 具. 未 於 發言 心 H 日 用 之 無 未發,信乎其 事 乎 物 物 不 當 有 若 然 無 之

乎此 常 天 也。 用 延 虚 而 本 有 運 體 未 下也, 豈但平旦近 平授受,此最 不已者,謂之體,如 耳。 曲 原 發之時 日夜之所 而 天之所以 不 中 是 養乎 已者 和 而 也。 應 息,非 謂謂 此 汲汲汲。 德、一 爲天,即 則 發 而 之 而 不 用 人 未發之氣 用 日 以 失,則 無 未發,已 而 得 「於穆」、曰「太 ; 貫之 人心未發之中 已哉。 不 其所養者,養 其主 和 好惡公於 彻 是 宰乎運 象 是 乎? 得 謂 天 道 體 其

感 止 爲 地 一之爲 萬 輔 應 物 頰 而 來 諭 寂 舌 不 之 而 止 云:艮止之貞,不 情 X 乎? 吝 不 則 知 也 爲 作惟 感應之利 拇、爲 是故 脢 則 寂感之爲 腓 無 爲 真,其 獨寂體爲 悔 股 八爲 功,一 能 苟 徒 以 朋 然 見 知 也。 從、 而 天 艮

天下之感皆生於寂,不寂而感者,

2

「下」、《周易・

咸卦》作「上」。

0

功, 咸。」山 之外别 無我 几 妄 以潤天下。 心 故風感水受, 子曰:「貞 也,故四時行 E 也 其 之應也 而 情可 一而已矣」,是也,須是識 妄則 爲 以 有得於咸之象 一體虚 有 體 貞 見。 小必 所謂: 則 爲 者 凶吝之❶ 夫子曰 寂 1,虚中 戒者 鶴 如 而 感應之能 故故 ^ 感應之貞 象》 此 鳴 百物生; 能 子 而 以 無 寂 招 受澤 日 後 和 我 四 耳 深 然 事 口 也。 之謂 爲 0 矣。「寂 萬 不動、虚 畢 之感,布 以 無 Ш 心 周公係 物爲 言 心 矣, 天 下 得 體 之感 貞 有澤,2 感之功 地 非 以 也 也 虚 感之 雲 以 咸 惟 虚 虚 故故 無 也, 受 雨 九 虚 寂 中 程

此 後 據 康 頁 熙本補足 底本原 缺, 據甲 庫 本 補 個 别 漫 漶文

功 在 虚 與 幾於 寂 畫 若 蛇安足乎 於 虚 寂之外 别 求 感 應之

與 功 於 必 影 前 精 更 事 援 來 以 之旨 天 ,是則反爲 諭 感 下 云: 應 同 尚 爲 歸 隔 歸 效 之 寂體之累 寂」二字 意 塵 則 以 0 寂 爲 其 與 證 本 咸 耳 功 其 無 終 但 效 屬 口 以 疑 恐 歸 義 兩 亦 寂 歸 似 爲 不

也 屬 謂 於 應之 論 途 日 Z 感 云 : 格 天 應,受 地 歸 物 義 心 天下 夫子 莫 致 事 者 根 則 非 而 」,黄老與之深矣,而 相 爲 於《大傳》 何 歸 其 命 泛 百 應,寂 逐 思 於 慮 所 如 然 影 影 何 0 響 援 云 慮 事 Œ 感 不 云 以 ? 釋《 而 相 謂 也 以 爲 谷 反 通 公 發 證 天 神 咸 爲 復 僕 明 下 也 **>** 功 不 寂 方 以 九 虚 口 效相 死 體 乃 我 以 虚 几 寂 歸 之 謂 今之 爲 寂 爲 爻 而 累 隨 終 是 之 感 殊 義

告

是

求

告

襲

今學 皆 徒 取 子 於 子 術 之爲 之所 知 心 有 來 寂 至 體 得 體 乃 此 一善字 者 之 見 諭 爲 文 求 本 無 神 本 類 通 敝 求 於 寂 中 致之 於 也 有 寂 云 而 彻 、學術 *, 又豊 一,我 前 患 亦微矣, 體之累, 似 氣 而 网 襲 過 也 於 者也, 加 化 聞 則 復 取 之敝 與? 告 執 也 但 前 勿 加 之説 凡 中 子 逐 孟 無 此 寂 外 我 而 屬 其 字, 感者 乃 以 字,反 記 氏 於 則 勿 謂 之影 之爲 孟 乃 表章之非人耶 偏 得公曩 心 之爲 勿 心 求 子 爲 指之爲 , 於 之之見 本 求 事 爲 其 爲 然乎 累者,而 内 至 於 影 而 寂 告 時 偏 者 善 徒 氣 體之累 義 是徒 有日 於 子 爲 耶 爲 而 外 襲 發 ? 累 然 此 分 今以 加 ? 也 則 别 則 知 11: 心 無

潔浄浄 告 子 的 渾 似 塵 佛 加 學 不 認 得 得 有 心 所 體 求 是 便 個 是 潔 者

與 以 之 告 於不 得 之 取 外 與 症 發 今 免 動 베 耶 子 門 志 者 於 掩 併 之。 候 明 日 故 自 ? 其 其 心 時 相 其 動 意 蓋 動 尚 勿 不 集 家 所 必 符 有 不 如 其 求 也 揠 心 何 無 免 求 學 論 之爲 助 學 備 墻 事 内 苗 卿 人 有 問 格 作 合 Ŧi. 於 壁 兹 而 之 之 乃 相 而 是 疑 物之 謂 言 伯 下 集 取 瓦 學 喻 充 是 之 不 於 以 夫言 以 也 義 勝 石 孟 切切 均 養 加 É 集 學 假 孟 義 不 於 子 而 積 之 之 得 義 肯 之 子 頗 爲 中 與 逐 指 成 動 足 盛 所 襲 爲 之爲 以 外 相 膏 氣 感 時 心 告 性 致 動 生 襲 也 義 類 肓 也 無 者 存 子 爲 然 乎 義 以 爲 矣。 襲 非 有 之 則 ? 存 影 取 爲 主 之 屑 非 以 義 所 爲 過 事 辨 義 發 兵 有 謂 道 孟 義 故 孟 而 襲 者 矣 也 也 家 襲 心 義 爲 不 子 子 不 而

體

嘗

嘗

者

之, 之精 寂 其 也 也 有 無 雖 ; 者 本 也 來 則 紛 戒 言 體 未 諭 寂 然 慎 未 之, 嘗 者 Z 恐懼 也 而 嘗 無 雖 至 有 夫 有 感 也 存 其 失 寂 在 沓 ; 則 之 其 與 其 然 功 自 咸 彌 本 感 中 也 而 得 世 體 久 当皆 矣。 不 來 寂 其 者 涵 口 本 合寂 而 在 之極 不 體 自 應 其 覩 例 之感 感 用 得 中 不 觀 其 之 而 矣 聞 也 者 言 妙 而 本 之 其 未 淵 有

微

之

得

恐 本 感 言 體 之本 諸 者 自 懼 也 而 分 體 此 遂 與 竊 寂 又 通 程 曉 詳 致 然不 子 不 是 虚 來 似 初 日 覩 守 也 諭 動 以 不 寂 不 淵 是 知 似 聞 鄙 心, 微 也 寂 以 同 與 人 之上 對 乎 不 所 寂 有 應 覩 也 然 謂 指 異 用 又 不 乎 不 體 用 言 有 有 聞 動 用 而 指 所 則 爲 者 言 戒 恐 體 謂 體 寂 慎 蓋 本 用 感 而

之人龍 懸 以 對枝言 書,僕書主也 미 絶。 達 説 以 爲 枝,立 以籠 出 動 使黄 非 也。 於 根 簟古今,則 李老 寂 鄙 君 老 公講學素 9, ❷外 人之 以 爲 無 述黄帝之言 統 躁 庸衆人,乃黄 經 民,輕重先 見 君 所 書、憑己 而 不喜 不敢。 0 遽 君 異 乎 對 人引 見 視 後 ? 民 老 而 天 之 言 則 培 自 用 也 經 古 地 根 根 文

答陳明水

師 翁、白沙之學,若有獲於我心,遂信 參之《易傳》《學》《庸》,參之周、程、延 之教 某 而 不 自 紬 度,妄意此 繹 之,《節 要》 學 四 録 + 備 餘 之矣。 年,一 而 平、 不 已 本 先 乃 晦

而

日

加精密焉」,無乃譽之太過

乎

昨

·諸公枉教,誠

以不合而罷,非諸

公不

之獨。 是未 能 大本 聖授守,只説 推 中 獨 獨 我 何 象之主乎? 之於外,不 之 説 有 出 和 即 諒 外 所 僕,僕之不 也。 發之中、不聞之隱、不 出 得 來 之,自我尊之,他 别 ? 焉 以 諭 個 而謂 人生只有 者,猶 有致 致 元 蓋 免雜於堂下 良 獨 中, 始天尊,不免駕 執 非 此 知 爲 中工夫也。 中,而 致中 僕所 今道家者 能 者,未發之中,天下之大本 致 獨 諒 中 知 此 之外 不 諸 即 件 己, 未嘗及獨 人些子 合於諸公者 衆 公 所 1,學問 是 也。 流、於天 别 人 以 其 覩之微、天下 交於 有 之中,豈 床 爲 有 與 只 致 如 謂 和 也 而 物 不 有 和 來 疊 地 慎 引 得 Ι. 云 諭 此 之上 能 蓋 屋 獨 也 夫, 處 云, 謂 獨 爲 故 而 而 \equiv 又 慎 之 慎 後 V 即 萬 出 謂 自

[●] 按,此句《道德經》原文爲「重爲輕根,静爲躁君」。

與 説 動 義 數 致」, 同 也 E 襲 年 與諸 致之便是天下之達道」,此 感 物 文「致 科 蓋 物是感應之迹,寂是感應之體 而 以 日 縱 嘗 公之説 遂通天下之故,此區 致 與與 使 聞 之便是天下之達道」 其 矜 是 、克伐 知, 持 説 不合者二也 到 於 怨欲不行者 喜 + 諸 怒 分 公,求諸 哀 恰 樂之 好 品 處, 數語 物 心 致 樣作 語 已 格 而 知 寂 的當 意 是 格 而 不 法, 微 賺 物 然 得 良 甚 之 不 不 又 者 知

而 靈 同, 翻 而 致 人之 神 車 之寂體 日 一曲」、「 敢自 然, 致 而 來 良 諭 好 可 用 誑 前 致廣. 惡 知 謂 復 在 以爲 在 鄙 無 有 不 其 感 節 大」之「致」字同。 人看 端 中 以 同乎? 應上 電 拱 也 毫 意 清 「致」字 光 致之,物之感 感 穆時 波 欲自 却看得 應 影 是 耶 與 與 良 蔽 先 與「 物 知 是 師 充 先師 輪 人 的 養 致 看 謂 迴 無 應 不云 乎 中 得 精 窮, 迹, 義 虚 不

> 使曾子 定、 能慮 於致 不 知 安、誠、正 與 馳 乎 格物之義,當不 ? 今之所 離 求 止,以定、静、 静、安、慮 慮 善 於外 口 世 面 即 曾 授,不 身 儒 論 終 語 格 無 不 舍 四 物 0 修 日 同 心 字 安、 敢 也 甚 也。 語 只 逐 0 知 於 奉 謬。 及 做 知 蓋 物、將格物之學錯 慮 止 格 命 先 知 得 止 爲 則 物 大學》全功 止 曩聞 儒 個 則 能 格 終 H 以 義 知 定 物 定、 年 何 諸 此 致 襲 静 的 談 以 公 節 矣。 能 而 此 Ι. 格 安 以 爲 静 要 取 夫, 物 頓 格 僕 定、静 釋 能 在 ? 看 又自 之不 矻 不 物 致 安、 止 1 砣 即 知 爲 知

> > 707

輕 義 入神 精 來 義 諭 别 X 謂 作 神 僕將 致 本 知 是 I 致 『格物』字 夫」, 知 \perp 夫。 誠 看 是 ^ 得 易》 也 甚 輕, Image: Control of the con 物 字 故 精 本

合於諸公者三也

0 致」,今本《大學》皆作「至」。

者。 氣 説 達 不合於諸 令、代耕 譬之祖,意譬 意,而意之所 合氣以成形。 應之本。 相 龍 本文 看 義 腐 蟄以 可也 感 得《易》義 而 而 爲始祖 蟲從穀道出」之戲,不惟戲之太虐,亦 況 疑之。 言「 而 出 神 口 ,使指子爲父,指父爲祖 者 明之, 利 作、勾當門户 屈 以 指 公者四 生 謂之信 物與 恐 心是生身之始,猶始 信 焉,是 致 家 大麓 有心 及 其 之考,物譬之家 相 衆 用 隔 身、心、意、知爲一」,嘗 則 義自 感 也 爲 也 利 淺。 幾 謂 物 而 祖 而 重公案,未 天 見。 也。 用 利 、父乎? 不 後有 夫斂 地 致 安身謂 生 可 生生之機、萬 用 身譬之高 記 焉 身, 闕 而 得 焉 衆,所 字 入者謂 而後有知、 有 之利。 尊兄曩 此 指 者 而 方 祖 不 僕之所以 下 祖 也,靈 屬 曾, 落 謂 以 引 之屈 爲 格 影響 之 屈 給 聞 物 時 蠖 物 有 使 信 知 明 其 感 恐 有 屈

> 精 世 義 格 不 物 若姑置之,只 成 訟 各 持 將 説 知 ; 竟 止 能 段 歸 研 罪 É 在

答王龍溪

有

僕

夫。」可 吟》云: 用 中、先天之學也。 物 天之功只 感 ,離感 本領工 生於寂 龍 謂 溪 而 若 一夫,却 得 在 寂 **云:**「寂」之一 守寂謂 識 其旨矣。 後 不離 先 天 於 天 上 未發 已 之泥 感, 無 用 發 個 之功 處 虚 舍 字,千 字 明 觀 寂 道 之。 只 夫 後 而 云 在 寂 古 緣 天 一、此 康 發 聖學之宗。 者,未發之 感 須 節《 上用,先 謂 用 之逐 着 是 先 天 H

功只 會之,只緣尊兄站得 在後天上 夫「未發之功 用 只 至 在發 地 引 步 高 程 上用,先 故 邵 敢 語 如 天 以 之 此 附

腴。 未 乎 夫 是 體 子 只 識 中 識 其 發 持 程 V. Z 後 後 則 道 則 者 發之功 詩 底 其 子 日 之,使此 説 却 無 直 敬 標 自然中 意 端 天 日 心之 天 奉 事 從 的 片 倪, 乃 的 天 謂 於 乎 平 又曰 真 宇 程 先 未 Ι. 氣 ? 時 識 擴 爲 己 以 ? 腴 泰 節 象常存 天 夫。 發 充 發 邵 行 得 道 致 字字 果 收 號 敬 之 先 底 或 處 之意 夫 寂 此 在 功 無 太 泰 不 而 中 聖 天 幾 觀 是 擴 後,始 之 發 所 虚 收 無 而 然, 胎 之 是 乎 日 充 當當 E 作 本 實 功 不 失便是 息矣。 故 個 用本 之功 者, 字,兄 用 何 爲 體 非 失 信 至 其 將 乎 日 以 自 兄 别 虚 蓋 屬 X 無 則 領 中 不 害 然 之 有 信 抑 之 間 事 至 中 所 自 I. 之, 意 之 先 見 無 是 有 敬 自 有 如 夫 以 此 也 深 有 丈 真 之 邵 察 天 首 便 不 Ħ. 察 而 以

> 億之病 其 奉天 爲 凡 輕 天 生 夫 矣 加 而 有 通 引 後 重 而 意 謂 於 先 有 故故 篇 時 用 天 居 天 理 爲 寂 天 未 謂 不不 大旨,如 弗 離 之學, 然 會 經 行 發 惟 歸 違,後 傳 爲 可見。 無 感 之 寂 復 知 功,則 寂 若 中 是 以 後 謂 思 所 便 未 前 天而 奉 天之功 爲 只 無 以 有 便 前既 學 天 發 所 泥 摘 爲 通 奉 有 之中 引 時 奉 在 虚 取 天 感 發 以 天 不 程 推 行 亦 條 多學億 時 而 時 崇先天, 爲 言 己 只是去 邵之言, 知 先 本 行 中 上,其 功 無 兩 何 天 也。 意 之 節 復 句 説 及 之 中 間 用 之 其學、 至矣。 口 學 之 無 如 語 而 和 先 疑 忽 以 助 感 意 亦 願 ;

斷章之太過乎?

是 病 心 纔 之本 龍 要正 溪 體 云 心 心 便 先 屬 體 天 本 意 是 正 T 心 故 纔 後 IE. \Box 天 1 : 是 便 欲 意 有 IE IE. 其 至 心 之 善

先 口 用 誠 其 也 意 猶 云 舍 T 誠 意 更 無 IE. 心 T. 夫

案乎? 之言 慮 善 得 皆 謂 是 懼 猶 以 氏 IE. 口 纔 天 是 此 亦 失 止 便 俗 先 有 有 復其 夫 爲 有 個 屬 論 其 師 也 要 下 所 便是 謂 甚 心 修 覩 云: 職 Z IE 曰洗 之 忿 心 心之 至 的 聞 病 纔 心 心 能 明 懥 慈湖 者 説 明 心, 善 不 戒 便 正 則 1 事 本 不 心 在 止 懼 是 有 心 之 不 畢 體 日存心 之學,不 知 之語 焉 至 是 心 只 纔 正 不 得 矣。 IE 知 戒 善 心 之 説 是 其 口 是 便 則 懼 之 止 本 誠 IE. ·, 曰 自 以 正 其 IE 而 有 視 個 屬 體 病 意 __ 心 古 不 曰 養 定、 個 物 其 孔 便 聖 I 明 正 聽 心 甚 的 心 孟 此 則 夫裏 賢 静 言、 意 纔 屬 也 的 之 之 體 安 慈 説 止 意 未 而 至 本 湖 不 聞 記 動 傳 止 戒 面

> 未 體 邊 用 行 無 正 發 當 者 心 功 IF. 自 開 焉 之 心 心 處 家 中 盡 方 IF T. 之 心 夫 便 正 則 體 矣 法 心 又 口 中 門。 用 屬 云 常 誠 身 _, 未 要 意 修 今 發邊 不 鑑 以 正 則 日 惟 下 空 心 和 修修 背 舍 衡 0 乃 修 其 平 1 身 是 爲 師 誠 聖 屬 這 木 説 意 學 己 各 便 知 其 致 發 有 是 勉 更

之意,用 復先 夫 在 龍 於 後 孔 溪 格 則 可 云 孟之言背 物 其 分 上 寂 故故 良 用 感 知 猶 所 是 亦遠 日 乘 云 寂 致 明 之 也。 然 知 德 機 之 在 T. 也 體 格

0

知

之

與

物

物

是

所

感

來 云 良 知 是 寂 然之體 是 以 良

用

離

T

親

民

更

無

明

德之學也

夫

在

親

民

E

物

致

知

I.

而

》作

⁰ 而 復 萬 曆 刻 本 《龍 溪 王先 生 全 集》卷 六《 致 知 議

物 民 其 體 是 别 物 乘 之機,妙 學,心學 上 不 今 今 則 知 致 上用 具 之機 動 更 日 又有一 日 也。 寂 爲 知工 感 (陰陽、 良 「除了 體 是 感 無 主 腦 致 通 此 所 之 也 夫在 哉 也 知 者 知 程 乘之機 體 學 先 ; 無 0 親 是寂 該 而 妙 \perp ,寂之用。」此 子 也 有 師 陰陽 格 乃 也?「邵子 民 寂 哉 以 夫」, 與 之言: 指 曾 物 遷 更 感, 然之體」,不知寂 寂 . ! ^ 也 用 有 有 大 <u>L</u> 消 無 就 感 」,疑 則 也。 夫 指 是言 今謂 而 用 明 學 己 長 爲 贊 言 體 明明 之 知 德 意 \forall 兩 與 本 先天之妙 而 者,感而 止 理,吾心寂 曰:『先天 朱子之言也 寂 Ι. 之 特 用 股,故 德 經傳之意 言者, 意 夫 然者,感之 欲 太 爲 I 微 除 條 發 夫 過 寂 有 日 然之 寂 所 在 平 感 遂 明 T 間 之 謂 親 所 感 然 格 萬 以 通 太 用

> 《大學》 尺 不 民、 定、 民 善、亡其 童 止 也 格 静、安、 子 於 猶 問》曰: 物 口 規 本矣。 之規 之前 矩, 知 慮 也 爽 者, 矩 明 其 故 别 之 不 德、 則矣。」本末 止 有 於 知 至善之於 __. 方 親民 何 首 員 所 浄 也 而 指? 身 不 先 明 方員 咒 止 德 後 於 贵 乎 Ŧi. 親 至 ? 而 親

則 於 也 之外 事 物即 事 龍 别 物 溪 事 有 云: 物 也 也。 0 段 良知是 格物云者 格物之 物 得 其 天然之則。 功 則謂之格 也 致此良知之天則 格者, 非 於 天 正

别 也 云者 0 有 言 來 物得 段 云: 致 格 其 此 物 則 良 良 工夫也。」信若是, 謂 知 知 之格 之天 是 天 非 則 然 之 謂 謂 天則 事 則 事 則 之 物 格 物 物

「謂」,所引上文原句作「於」。

0

便 充 如 毫 天 也 非 則 夫 是 下 滿 孩 意 推 致 在 之故 明 虚 提 欲 充 此 知 致 明 之 滿 致 靈 自 及 知 德 愛 爲 本 蔽 平 彼 不 中 敬 之意 於 格 體 虚 則 焉 在 天 物 之 靈 又 自 盡 格 下 量 本 之。 何 此 即 感 物 體 爲 待 而 而 致 致 之 況 明 於 發 遂 量 廣 知 推 者 致 矣 通 , 而 大」之「致 之 平. 自 感 天 端 然 下 ПП 不 字 中 本 之 以 遂 鄙 節 亦 故 通 以

之真 火 無 也 也 真 砲 從 否, 藥蓄之,以 硝 然 引 龍 而 古 須 磺 線 致 非 溪 於 之 未 之火 其 所 云 嘗 所 内 發 察 爲 發 藴 狃 即 之 矣 極 之激 即 於 未 如 激 真 觸 激 發 公 昔 射 及 射察之, 射 硝 之 以 在 則 磺 而 臨 寂 兵 軍 忘 其 而 陣 彻 器 門 達 所 其 以 用 諭 之,皆 見 於 藴 有 益 而 學 激 幕 之 事 求 其 . 硝 射 於 心 + 其 所 不 揀 之 硝 所 猶 磺 藴 機 磺 之 銃 鍊 藴 亦

> 徒 知 蓄 藥 而 不 知 騐 之 於 臨 陣 忧 即 此 口

以

喻

是

銃 是 耳。 密 横 格 效 量 量 通 加 不 寂 而 否 築 其 得 也 硝 遂 物 而 此 由 而 執 其 裂 之 銃 已 夫 通 吾 病 引 驗 ∭ 事 楔 遠 學 腹 曲 遠 之 以 矻 線 寂 於 在 謂 且. 之大 以 爲之譬, 火 機 惟 矻 而 譬 體 硝 點 裂 古 旧 器譬 也 在 於 不 感 之 磺 放 矣, 知 其 小 充 裂 物 失 之 蓄 氣 蓋 滿 心 以 不 而 當 以 上 劑 則 失 藥 硝 其 激 求 聲 量 見 過 加 以 是皆 而 則 性 寂 射 IE 不 磺 火 火 爲 不 硝 不 直 體 譬 器 吼 藥 猶 火 反 終 磺 知 在 怒者 而 應 之 之 器 格 求 以 之 臨 不 内 而 遠 多寡 法 物 之 豫 内 免 天 陣 藴 不 亦 爲 則 之 之 印 又 遠 磺 夫 惟 是 藴 處 不 昭 之 劑 當 性 感 猶 在 僕 礕 口

遠 功。 也。 先天之學是矣。 云者,循其 於人 力 非謂矯 若外 不 節 龍 情 溪云: 得 是 此而 天 而 天則 强 則 與。 在 矜 前謂「未發之功只在發上用 别 9 塵 而 即 飾 後天而 求 出 日 不 所 於喜怒之末 奉,曰 所養之豫 塵作用,與聖 過 謂 也 未 奉 發之中 乘,正是養之之 時者,乘天 養於未 即 以 是 門復 也 制之於 發 遺物 時行, 之豫 性 中 之 而 外 節

乎豫 吾 奉 飾 功 也 有 前 之所 ·, 曰 却 一。」夫 於喜怒之末」, 是 定 又要在 來 乘,正是養之之豫,❷外此 聞 既 云 遺物 非 以 也。 :「未發之豫,先天之學 臨 先天 後天上用,又謂 時補 而 古之所 遠 之學爲 則過 凑, 於人情 謂 又謂 矣。 是,而 豫 心此 者,蓋 又云: 非 非 矯飾 皆 豫 而 矯 言 養 異 强 别 以 矜 之 事 平 是 求 日

虚

也

違。 情 神 將 未 應,必有待於格物而後 也; 夫學 制 而 也 牙之 乎? 名於萬感之上,不知後天之所 而 民 有 之於外」,不幾於掩耳 且. 言而 莫不敬 遺 天 至 此 溥 不 且 物乎 於 豕 事 天 能 博 5, 先有 弗 民莫不信 *→* 遺 地 外 如 違 ? ,言感而 物 中 先 人 天, 前 而 庸 孔子 鬼 此 天 遠 淵 **>** 況 備, 梏. 物物 以 行 所 人 於 遂 泉 日 有 謂 之至 情 通 盡 而 人 如 成, 「先天 前 是先 未 乎. 也,幾何遠 民 而盗 淵 無 大、 定 ? 莫不説 角 而 本 之牛, 者 品 寂 者 鈴乎? 至 而 天 況 如 奉 之體 要 徒 品 於 天 如 此 者 弗 擁 感 鬼 人 動 是 豶

0 2

旨

爲

有

聞

矣。

0

聞」,康熙本作「間」,可

全集》卷六《致知議略》亦作「功」。 豫」,上文所引原文作 「功」。 萬曆 刻

寂

是

性

真 逐 萬 形 地 品 子 寂 者 X 常 本 歎 象 小 寥 在 何 几 得 時 主 0 寂 言 儒 日 天 性 凋 寥 先 佛 也 能 如 經 ? 也 言 有 爲 何 言 你 言 日 萬 此 萬 闢 看 聖 : 其 物 其 物 象 門 他 他 不 統 至 主 有 而 是 下 復 垢 體 後 虚 物 什 性 1 不 不 至 有 先 之旨 麽 逐 浄 蓋 太 無 天 的 天 川 不 當當 極 也 地 地 見 有 時 , 生 也 也 識 物 凋 自 無 不 ; ; 能 先 形 有 死 不 爲 天 朱 無 品 本 知

學 見 夫 寂 何 而 爲 如 成 感 無 非 内 用 行 而 龍 時 故 焉 也 未 溪 感 不 以 ? 及 云 感 爲 即 寂 學 感 外 寂 爲 無 問 未 非 而 外、 故 時 應 之 寂 内 言 不 以 功 非 存 mi 此 歸 感 先 感 焉 不 以 於 爲 非 知 已 見 寂 IF. 内 外 學 應 是 寂 也 而 間 合 非 蓋 感 於 之 若 後 無 大 本 體 内 功 内 卅 以 外 即 外 儒 又 此 之 之 之 認 將 爲 寂

設 别 矣。 之體 間 心 無 中 调 謂 有 E 别 若 而 矣 發 良 良 有 己 斷 復 者 知 知 性 發 以 求 之前 之 片 無 爲 致 未 即 前 内 地 混 此 發 所 無 無 外 界 沌 良 謂 性 則 未 則 口 未 知 依 所 發 安 寂 判 良 即 識 謂 者 無 頓 之 知 是 也 沉 之 内 也 前 發 良 空 外 0 語 後 語 而 知 也 意 既 無 中 即 則 口 ; 情 似 節 云 是 不 幾 良 亦 之 謂 未 辩

知

之

外

發

之

明

T

和

若

性 者 亦 最 本 通 IE. É 是 無 末 平 會 内 先 感 分 合 夫 籠 無 外 語 後 謂 罩 曉 木 内 則 具 道 體 外 意 無 理 寂 見 若 之 尤 時 無 無 云 功 直 擔 不 寂 内 又云 無 截 閣 感 感 外 時 則 後 : _ 無 不 功 無 生 寂 時 先 性 寂 在 屈 當 後 不 歸 無 是 則 有 信 歸 内 性 寂 無 此 執 言 於 外 之 之 時 數 其 間 體 寂 姑 下 不 咎 語

於

推

測

之

無

四

葉 其 外 其 見 先 後 未 I 諺 下 本 後, 深 歸 恐爲彙 以 貫 文曰 以 謂 不 體 夫 蓋 是言 也 格 ~ 夜 但 對 未 幾 「譬如 其 物 駝 前 用 發 於 心體 詖 半 爲 遂 所 既 言 對 自 訣 喫 以 笑 白 以 發 魚 食 竅 却 尺 百 尊 寂 未 言 其 兒 又 之木 謬 尺 兄 爲 應 甚 言 謂 先 謂 必 未 者 無 非 平 之 對 以 發 爲 貫 謂 自 頭 先 ? 無 後 爲 之 混 爲 根 物 無 内 言 説 中 沌 己 種 妄 本 亦 尾 未 Ι. 應 樹 意 至 無 寂 先 夫 判 之 枝 非 尊 至 無 紫十 内 天

學 着 承 在 只 ? 爲 Ħ 具 從 龍 過 非 然 足 混 溪 誠 污 竊 沌 云 壞 不 窺 之,即 初 者 犯 Ÿ. 公謂 生 所 做 言 謂 宜 無 手 不 之 冒 是 所 爲 肖 意 爲 認 污 妙 高 忠 壞 也 實 悟 告 者 明 以 觀 過 亦 而 爲 不 後 言 混 肖 條 也 於 淪 何 自 而 告 敢 來 無 以 子 論 歸 仰 見

有

口

耳; 爲 也。 心。 污 身 子 工 夫。 妙 1 壞 舍 雲 譬之日 此 悟 發 此 雖 原 霧 而 例 更 昏 之可 妄意 是 口 無 蔽 月之明 人 開 見 之極 從 人 自 以 矣。 明 信, 見 爲 之路、 體 堯 在 苟 愚 偶 亦 即 舜 具. 能 則 爲 非 見, 足 可 謂 雲 以 變之幾 良 霧 念 原 人之 不 爲 自 知 所 犯 未 非 翳 在 反 嘗 中 口 做 使 手 有 人 古 謂 即 以 非 爲 本 所 之 得 本 以 F 君 領 傷 晦 本 無

耳 窮之 之太 自反 也 H ; 月 月 雲霧 體 易 之 此 即 良 之 譬 能 耳。 原 得 知 明, 是 亦 免 本 在 開 夫以 人 近 望 偶 心 人, 人 似, 明 洋 爲 昭 見 本 體 之歎 是 雲 而 昭 在 無 則 即 實 霧 之 具 污 見 是 則 管 多 所 足 壞 有 原 不 殿 窺 而 此 不 苟 未 之譏 概 理 謂 犯 能 有 廣 之 做 來 平 特 所 大 手 傷 晦 謂 無 言 念

所

能

及

也

慮、百 之可 也。 矣! 心之 爲 動 師 之幾」云云,此又是 本 口 堯 風 三十年, 使 領 使爲 時 散 舜 爲 Ι. 倍 若 君子 乎 夫。 乎 謂 雨 其 明 ? ? 一念自反爲 潤 今日 功 ,舍此 柔 日 贵 日 而 之 之可 月 丽 無 自 能 可 爲 更 信 一念自 論 庶 而 雲霧 以 使爲 無 其 道 後雲霧 幾 爲 進 從 果 理。 於仁智者 堯 爲 强 所 反 爲 之端 之路、 翳 舜 而 尊兄 非 始 君 得 子 小 亦 木 開 其 人 心 乎 稱 必 可 則 之 本 鮮 衡 愚 祖 戀 口

學 體 以 不 初 須 開 贊 易 以 更 之 龍 德 元 知 訓 竅 溪 以以 即 主字。 乙 爲 萬 所 -: 才、 物 易 以 以變、 乾 所資 贊 主 下 知 乾 文 大 以 以學、 非 可 證 始 始 之日 乎 ? 以 大 知 義 乾 之爲 功 始 此 也 用 之 是 以 義 知 其 雖 統 易 本 言 天 混 知 經 明 之 傳 以 沌

> 公將 所 有 復 屑 屑 以 分 不 肖 疏 爲 亦 混 浩 沌 意 語 象 矣 恐 非 簡 之旨

恐過 之旨 物資 良 爲 等,足以 几 日 而 大哉乾知,萬 : 謂 掛 知 「易主」,有何 於易 二,是周 之藴 始,非 訓 屑 又 乾 知 屑 何 以 簡 爲 周 分 君之。」若 所 知」字 者 代孔 主, 乾爲之主 疏 疑 孔 彻 物 不 本 失之於 ? 資 翼 亦 可? 盡 文 易 始 涉 體 天 原 如 德 意 丽 ×, 地古今之變,又 前 大 註 尊 象,恐 象 誰 舍 矣。 即 則 見, 變, 哉 資 此 以 以 之? 乾 無 必 乃 何 非 乾 易 元,萬 所 六 不 如 易 知 知 據 公 + 爲 故 簡

龍溪云:公謂「夫子於咸卦提出『虚

0

漫

漶

重

兹

據

甲

庫

本

録

個

别

文字參據康熙本底本下頁板裂、

之覺 悦 覺 見, E 明 覩 别 守 頭。 芽 而 未 察之,形聲 以 寂』二字以立感應之本,本卦德之『止 觀 則 己 即 發其 不 不 盡 有 寂 其所 守 應 ; 動 聞 是 契 方 明 ; 通 發 者 È 之 藴, 虚 個 是 察 之至,不 由 也 感 原 便 守 宰者,主 體 即即 是 無 虚 一 仁 不 俱 屬 是 是矣。 二,在 良知 行 覩 明 此 泯 義 即 是寂 莫 覩 天 不 不 而 爲《易》之蕴 行,覺之自 見 聞 離 地 似 義 即 動 聞 宰 己 即即 莫 舜謂之「玄德」。 _, 萬 於 應 之學。 所謂 之 而 而 此 9 顯 要 物 襲,非 先 感 謂 是 體 視 而 0 之情一 亦 師 以 而 未發之中 己。 無 聽 明 獨 是 致知之旨 主宰 常 於 形 0 日 格 然 揚 半 知 可見矣。」今若 與 寂 用 止 無 致者 物 也。 察倫 路 是 然,故 之, 聲 則 者 倫 之 修 良 物 感之專 功 0 自 顯 視 即 行 知 致 原 或 而 致 之 而 爲 聽 此 是 然 性 是 有 後 的 日 的 内 悦 此 虚 隱 體 虚 不 所 明 路 萌

> 亦 之 獨 日 知 體 非 知 不 所 以 爲 足 氏 以 爲 發 以 得 主 議 而 之以 盡 宰 上 屬 聖 -,然後 乘 於覩聞 絶 學 而 念 之 語 以 吾 藴 大 歸復之學, 别 成 儒 特 求 也 得 未 之以 Ż 個 明 虚 通 則 其 明 感 耳 不 疑

恐

其

致

動

以

常 常 格 病?」此《三 物 命 戒 使致知 之學。 應 寂 物 之感 慎 之説 然 而 不 虚 覩 往 明 應, 之學 恐懼 則 大 來 歸 不 寂 Ш 聖學 不 不 根 動 原 麗澤 爲 窮 同 之體,不 本 復 不 應 0 9 之宗 聞 虚 命 加 感 其 中 寂 後 之 始 始 日 要語 也, 天 根 而 可 覩 可 不 地 明 未 以 以 不 何 萬 矣 離 與 嘗 言 言 聞 偏 物 今所 應 外 歸 致 是 之 之情 於 感 常 根 知 也 執 寂 倫 復 而

717

2 0

揚 康熙本作「微」,可從。 康 熙 作

聖從 以 幾 有 知 度其文,令人 通 者 絶念、 乎 大成 功, 良 合太 龍 蓋 可 中正 利貞 多 也 人之中 自 言 知 溪 體 見 貞 少 云 之實體爲 來 和 只 用 者 自守,不溺於豫 有 然之覺 通 則 而 精 春 從 白 而 無 與 儒釋之大端終 感之説 義 道 周 各 性 天 發 沙 寂 以 不 無 在 過 子 IE 情 育 地 詩 感 爲 非 미 誠 微 日 正 性 雖 之 也 閉 元 之 云 致 : 而 命, 0 指 貫, 謂 功 秋 良 則 : 詰 不 顯 不足以 利 冬。 以 誠 誠 實 隋 知 乃 故能 爲 終 春 貞 亦 見 與 故 於 之 隱 神 原 利 幾 則 言 成 神 日 不 夏 妙 幾 於 無 而 易》 也。 貞。」 議 無 外 作 性 觸 不 而 用 見 此 誰 日 上 以 有 言, 此 工夫, 所 幾 爲 而 日 户 豫之六 及 聖 爲 又 乘 故 世 而 神 H 發 無 人。 則 此 謂 始 而 日 日 應, 保 且. 之 幾 是 幾 語 育

間

則

也

良

隱

於

千

後 能 不 復 幾 俟 知 性 幾 終 口 非 皆以 見 日 也。 而 良 古。 慎 知 ^ 獨 之外 大 良知 爲 學 要, ,》所謂 别 是 有 即 未 介 幾 發之中 誠 石以 也 意,《 爲 , 中 之守 良 庸 知 所 自 而

謂

無之間 心學之 也 其 周 道 精 不 致 有 0 即即 户, 則 誠 子 明 知 則 聖 神 Ē 之功, 屬 來 所 危 非 源 爲 寂, 云 精 謂 功 「寂 微 人力 千 惟 之本 而 要 故 良 精 聖從 静 然不動 在 明 於 所能 日 知 無 也 存 人之中 應 之實 執 無 而 贵 誠 與,德之盛 中 而 ; 動 者 小 以 妙, 體 應 感 有 歇 立 誠 道 妙 爲 而 語 自然之幾 之 者 其 也 屬 誠 遂 0 田 以 也 體 未 感 通者 ,寂之至 閑 塍 是 聞 是 故 存 乎 邪 爲 萬 以 也。 也 存 神 存 中 有 世

人 間 於 義 執 神 中 溺 又 通 誠 神 也 削 也 惟 易 便 豫 自 力 日 所 E 則 神 别 > 神 則 而 所 是 見 既 若 謂 來 也 化 有 則 滯 世 能 陰 知 謂 諭 溺 \Box 渦 過 矣, 無 於 六二 與 陽 誠 謂 幾 與 故 與 又 此 個 過 有 陰 安 則 不及, 不 有 能 家 不 以 中 日 明 於 陽 得 有 溺 以 及 不 往 矣。 所 道 象 似 誠 無 不 矣。安 謂 是 中 疾 於 ,未之或知。」 爲 乎 謂 想 測 正 介 則 日 有? 幾 IE. 而 誠 詳觀豫 精 不 玄 指 之 亦 如 墮 自 速, 得 義 通 六二 介 空 神 不 誠 謂 於 石 守 謂 若 然 不 則 外 與 馬, 神 Ŧi. 恐 無 若 之六二, 無 ? 故 以 守 乎 0 有 神 行 是 行 貞 謂 有 寧 正 能 則 不 而 子莫之 誠 而 又 古, 是 用 無 故 神 不 既 尤 调 及 與 言 至 日 也 紁 以 不 溺 其 非 之 不 於 於 神

> 言 也 謂 ? 介石 斷 良 介 知 口 石 識 之 之外 詩 實 矣。」介 **>** 體 日 别 爲 求 石 誠, 良 我 是 知 良 心 至 匪 知 能 誠 石 的 免 而 實 駕 不 後 床 口 口

轉

而

疊

屋

乎

?

以

前

日

之, 過 所 發 劣 以 不 愛敬之主 而 自 不 乎 學不 謂 然 學 而 億 後爲不學,自 欲從 神 ? 易 之 不 而 天 龍 感 慮 良 慮 視 中 溪 之 孟 事 神 乃 爲 之 云 所 不 即 學 於 子 應。 坐享 也 待 爲 所 是 天 術 曰:「凡有 顔 主 學 也 寂 所 百 然之良 惟 之成 先 子 以 慮 爲 異 其 即 德 師 若 充 不 觸 是 故 自 不 性 良 得 滿 也。 更 幾 虚 几 愛 然之良 之 知 不 其 於 幾 而 端 親 之説 知 辯 本 即 自 其 於 發、 於 然之 然 是 中 敬 與 測 非 知 我 之量 神 無 有 兄 度 倣 子 以 也 聲 良 感 物 知 淵 觸 於 其 貢 無臭, 神 皆 微 以 即 幾 惟 有 多 孟 而 應 擴 之 主 是 其 學 子 優 丽

免。 吾人 之良 使 以 見 物 感 養 m 베 主 出 一人力不 充 復 人 知 以 今日 爲 并 之, 若 端 之,若 别 爲 識 倪 之主 謂 其 偏 有 且 無 亦 致 自然之覺 自 與 所 得 火 謂 以 然 知 也。 不可 謂 而 八之始 覺 充 欛 之良 之學 與,不 端 無 其 公平 柄 以 倪 未 燃、泉 自 不 在 未 而 不 發 欛 聞 然之 手 足 能 時 疑 慮 こ之説 其 柄 之, 篤 以 人 亦 也 之始達。」 微,未 於知之上 良, 信 盡 不 非 是 學, 口 白 ,若舍了 愚之所 則 謂 以 沙 誠 免 矯 復 子 寂 天 枉 求 有 擦 復 知 之 有 所 自 静 求 機 人 也 意 调 將 物 不 然 有 所 中

慮 今之謂 天,可乎? 已是葛 日 致 自 良 吾 知 藤 良 知 良 自 纏 不 自 知之天 能 然 夫愛親敬長,神感 繞、全屬 知 者 知 與 幾, 則 有 孩 周 提 惟 人爲,謂 之 之 知 平 愛 相 之 物 敬 良 似 是 而 神 者 乎 爲 不 不 應 ? 爲 出 過 學 然 即 不 於 如

倪,白 發, 實體 只 充 隨 發, 發 精 實體之充 有 IF. 於 爲 心, 純 易 於種 之功 感 其 所 不 路 良 感 》於 而 而 亦 呈露 ·學不 未 主 而 知 口 於 與 口 沙 謂 惟 當當 以 之實 發 火、原泉 童蒙之吉 見 自 以 以 物 亦 復 爲 則 者 慮之成 充 於 言 言 然之覺遠矣。 如 而 而 指 其 測 主主之; 滿 體 燃 所 後 自 寂 火 後 實 度 純 其 與 然之 謂 可 處 乎 體 燃、 有 之 實 本 也 達 ? 良 擴 覺 以言自 之 之呈 過 體 大人 兹不 然 泉 者,卒 0 良 處 充 過矣。 便 體 不 流之量, 童蒙 達 擴 乎 之也? 一露者 覺 是 可 求 也 不失其 是 既 之 ? 然之良, 成 不 主 以 自 之吉 充 也 日 言 可 然之 而 亦 前 自 物 欛 之耶 不 覺 言。 是 以 既 然 個 赤 寂 故 柄 之 希 言 良 知 與 便 野 而 從 以 子 本 日 良 於 之 是 端 聖 抑 擴 未 未 必 狐 後 事 誠 於

機 其 仁 惻 其 端端 體 隱 之心,仁 於 則 未 保 四 有 端 几 不 發 爲 海 一之端 見 槁 也 始 何 苗之宋 也。」不 有 有 ? 火燃、泉 人。 求之心 不 然, 惟 只 達 擴 而 做 之 充 求

得

個

假仁

義

的

伯

學

൬

矣。 是 虚 不 夫之空 有 得。 寂 非 意 此 心 本心 見 龍 若 空 人 溪 學脉也 П 有 與 説 云 耳 聖 話 所 空 目 毫 最 人同, 古 空 意 皆 有 難 原 見 是 以 故 人 雖 填 。 以 空爲 道 能 聖 實 體 人 加 體。 即 其 兩 亦 象 端 不 不 增 Ш 能 空 空 減 而 空 云 加 他 竭 也 即 0 而 毫 是 竭 蓋 鄙 與

復 憤 虚 空與聖人同 不啓, 心 者, 聽受,故 空空是一 以 不 其 悱 即 不 聖 個 不 虚 王 人 發 故 虚 汝 吅 也 心 止 不 兩 聽受之貌, 謂 端 以 今謂 而 \equiv 滿 竭 隅 街 鄙 之。 反 的 夫 則 惟 是 的 聖 不 其 空 不

即

格

心

來, 志 人」之説,徒以 言 看 立 得 何 能 難 故 聖 者從 以 不 阻 滿十人? 之, 人 長傲 之進 蹴 是何 可 而 等 至 其 侮 平 言 聖也。 罪 然 易 正 口 自 1 以 科 問 驕 尊 闢 人 兄 中 之 平 道 以

日

當 齋 良 是 物之功,當 藏 二,只是 而 事 戒 先養性」, 密 知 寂 先之耶?《易》言蓍之神、卦 無 龍 以 之後 事 溪 神 復將 良知 良知者,心之靈 云: 明 常 而 有 良 其 何 是 潔 欲 有 知 所 所 德 湛 潔 致 神 即 歸 歸 然 浄 其 知 是 平 的 浄 知 神 之 良 性 常 用 知 知 無 也。 體 在 格 即 是 世 即 自然之覺 於 物 是 肅 是 塵 格 洗心退 者、《大學》 公云 神 然 之累, 神 物。 之 明 的 明 之 知 致 不 藏 又 非 是 若 德 謂 論 孰 知 洗 於 即

密

有

是

從

問 康 熙 本

0

謂 外 外 寂 辩 事 其 良 於 乎 也 動 理 説 IE 到 格 求 其 ? 吾 先 事 事 之凝 T 無 理 知 頭 物 知 之 實 儒 倫 不 後 物 矣 事 先 天 端 之於 物 無 則 之分 天 下 聚 經 物 師 唐 物 物 下 即 IE. 工 其 手 感 世 皆 致 理 物 日 無 夫」, 在 事 心 心 非 明 之實 應, . 處 哉 得 吾 於 世 性 於 也 則 不 覺 故 其 事 實 心 致 外 要之不 則《 此 凝 微 之體 學 格 良 事 所 理 良 知 之理 吾 聚之主 日 Ħ. 大學》 而 者 者 知 物 知 未 佛 格 儒 密 之天 物 即 致 可 解 物 IF. 口 氏 贵 而 之 格物 州 所 也 如 知 者 以 明 宰 爲 物 學 則 謂 是 理 惟 理 在 治 心 復 贅 則 與 也 事 物 致 意 者, 天 乎 其 格 天 見 有 詞 其 佛 事 得 吾 則 理 而 哉 以 物 下 性 性 學 應 此 其 致 物 主 心 師 或 無 _ 外 感 妙 毫 贵 物 致 之 理 宝 門 知 爲 家 之 先 覺 釐 有 皆 吾 良 之 之 之 性 若 爲 力 宗 孰 師 謂 物 員 之 内 得 心 知 用 發 勦 則 日 ;

> 分於動 從 也。 公見 心 亦 寂 有 能 嘗 不 王 動 之本 之」,恐亦 以 肖 話 象 人 不 日 亦 爲 然因 微 吾 頭 遇 安 定,静 隨 静。 體,不可 「全屬 救救 致 人 紂 舜 排 在 此 爲 其 學者 致 不 湊 則 不 遂斬 濂 格 亦定。」 自 泊 遇 此 人 忠之 溪 免於懲 致之學者 然之覺, 以 瞽 之寂 以 良 爲 云 然 時 求 叟, 知 終 物 謂 先 言。 其 0 羹 周 格 有 則 無 H 師 是 終 古 吹 平 孝之 未 欲 龃 時 云 識 當 物 非 H 齏 物 故 格 物 有 知 之過 無 欲 故 在 物 而 静 作 動 識 動 I 求 苦 應 0 不 有 其 對 静 爲 者 夫」, 耳 過 異 洂 未 明 旨 良 牽 寂 於 拈 上 格 道 2 之説 深 知 己 則 寂 雖 師 出 執 , 云 門 無 是 而 泥 文 以 虚

作

定」可從

² 0 寂 弊可 隆慶 萬 曆 刊 刻 本 本 傳 龍 習 溪 録 I 先 與 生 萬 全 曆 刻 本 六《 致 知 致 議 知 略

静

也

於

無

在

良

本

非

行

不

几

體

不

言

而

喻

樂

記

>

日

和

順

積

.

已

自

惻 能 此 通 來 知 平 又 周 諭 何 致 日 萬 格 待 知 之 物 言 之功 致 好 也 而 此 惡、 道 良 要 濟 意 孩 知 在 欲 天 於 提 於 F 不 事 之 意 動 事 愛 與 欲之不 的 物 敬 X 物 良 井 之間 知 樣 之 動 怵 神 自

> 者 之 先 義 彼 遠 過 於 而 禮 本 者 近 後 学本 事 懸 後 例 智 平 由 則 事 能 絶。 知 文 之 根 内 於 近 物 唐 日 風之自 以 於 此 道 物 乎 内 不 矣」。 心。 誠 孟 之 物 外、 有諸 學 子 於 間 而 不 其 亦 知微 中 先 不 中 慮 而 形 生 中 後 日 過 者 後 色 之 庸 : 之 自 乎 形 於 能 顯。 也 》亦 分 ? 君 諸 知 外 周 亦 自 粹 子 外 日 平. 蓋 致 是。 所 : 日 能 面 著 言 物 此 性 者 盎 乎 見 知 知 良 ^ 背 外 於 遠 所 大 天 知 不

業。」 辯 中 又 於 : 日 到 英 口 内 : 華 頭 美 外、 以 實 發 剛 在 下 外 先 自 其 人 手 0 後 外 ~ 中 耳 處 來 易》 非 暢 品 則定 來 而 日 於 品 諭 : 爲 川 直 静 主 肢 格 時 安 於 内 慮 物 V 發 内 方 是 説 於 外 條 大 事 取 又

特 其 格 事 格 頓 横 尚 當 諭 密之後,只 定,定生 慮 效 位 而 定 粗 卑法 功 事 物 理 又 物 亘 何 而 應 爲 而 引 其 程 是格 爲 乃 効 物 變 本 應 者多 後能 物之間 先 子 其 其 耳 捷 中, 物 門 化 慧。」今謂 由 千 師 之爲 日 法,不 之 /傍借, 物 因 行 間 洗 隨 静 「無 之言 儒 里 尊 蹊 多 1 處 知 謬 累 静 是 兄 佛 徑 則 但 藏 宜 小 禮 日 掀 處。 哉 事 耳 神 以 而 致 之 功 枝 積 密 其 存 翻 「致吾· 則 知 後 知 辩 在 也 漸 以 無 ൬ 性 說 佛 之用 定, 能 佛 神 其 致 後 ? 知 内 以 调 而 遁 事 良 安,安 智 微 知 外 書 定 有 止 0 道 吾 ^ 亦 事 知 不 之 明 先 謂 則 大 爲 儒 精 格 義 之天 猶 物 有 在 矣 用 迂鈍 後 學 : 明 者 之 而 物 之。 出 物 洗 天 學 龃 格 近 後 隨 理 戒 各 明 心 謂 地 言 得 以 能 崇 不 物 得 於 來 超 藏 設 則 感 牛 :

> 夜 説 照 照 物 物 功 已乎 其 心 心 0 未 説 半 精 得 如 照 猶 而 如 法, 0 密 明 昏 上用 嘗 鏡 來 不 磨 語 7 鏡。 緒 非 心 也 諭 知 鏡 餘 後 Ë 鏡 功 而 語 磨 矻 近 鏡 使 乘 聖 之 《傳習録》云云 不知鏡 而 及 矻 E 子 時 之 所 譬 人之心 以 磨 欠 説 格物 也 屑 明 其 格 精 格 0 也 9 善 物 在 上 之説 察 物 尊 明 如 議 匣 昏 但 也 T 兄 明 之, 亦 只 在 所 在 後 鏡 只 如 想是 先 於 不 傳, 臺 常常 未 是 先 以 昭 亦 師 嘗 説 爲 恐 X 牛 鏡 人之 上 太 云 格 皆 只 得 廢 照 用

與 氣 龍 僧 未 溪 嘗 云 離 . 仁 也 是 生 之 理 息 9 與 即 天 其 理 化 之息 生

之元

理

體

相

資

而

生。

^

陰符》有三

盗之説

非

故

原

是

● 按《傳習録》,此句爲徐愛語,非陽明語

用 私 者 義 之 認 不 以 不 百 爲 而 後 己 耳 襲 可 能 物 其 謂 與 公謂 母 而 養 物 息 生 吾 同 之 家 仁 儒 之,却 也 之言 者 公 之 與 馭 而 以 物 是 氣 遂 資 口 名言,不敢 攝 非 體 化 靈 之。 元 亦 與 惟 但 方 定 體 取 外 息 不

深

也

之反 地 心要矣。 人,午間 近,又 之息, 覆 天 人之息 曰 便 又 不得 謂 是一 離 違 之 本 冒 其 禽 相 人, 養 相 認 獸 資 非 而 是 不 故 而 生, 遠 故 夫 调 日 知 子 也 原 我之息 幾之學, 是 早 間 與 體 即 是 人 養 天 相

已,不 Ш 譬 否 先 川 如 盲 龍 知 草 師 溪 明 日 木 驟 云 . 眼 種 然 人 昔 種 開 難 見之只家常 華 人 眼 道 見了 有 藏 無 問 所 法 界, 見 莊 天 生 地 只 便 之學 飯 是 耳 口 日 張皇 於道 ____ 喃 月 息 喃 、雲霧 此 爲 説 有 節 不 見

> 之微 其 韋 人 義 以 \equiv 頗 幾 爲 教之説 ()舍此 微 張皇之過 何 不 時 更 肖 與 無 明 别 誠 偶 眼 法 然 有 人共究 誠 所 見 然 易》象 而 斯 妄言 前 義 雷 所 亦 之, 謂 藏 澤 同 明 中 聖 11 眼

快

也

澤中 前 事 也。 聲。 教之宗 與 ,故體此 隨 云 其 之 藏 之 嚮 易》有以 疑 義 時 雷 晦 而 義 本 宴 後 其 卦之象當以 深 淺 當 息 發 求 藏 者, 如 與 之太深 象 形 静 此 飲 大 養 而 含 食 尊 斯 數 (易》者 也 宴 隨 以 兄 義,一 存 樂, 時 畜 以 静 其 知 爲 只 養爲 時 爻 幾 地 範 是 而 該 之 奮 韋 明 要。 己。 學 數 之 需

之中 故 X 設 到 此 上 位 龍 溪云 養 法 天 地、 來。 譬 育萬 先 如 蓋 師 種 大 物,也 日 樹 世 : 人 只 只從喜怒哀樂未發 爲學須 在 在 知 根 識 上 有 L 栽 本 求 培 原 灌 長 進 聖

間 E 未 亦 公 慎 學 識 亦 師 中 不 只 以 者舉 有 也 發 獨 在 上 作 日 如 之 是 辩 爲 人 擦 枝 樹 培 中 象 物 即 心 葉 除 非 之 灌 中 些子 Ш 上 是 花 T 根 血 方 得 人 求 致 實 其 承 人 是 枝 IF. 學 良 想。 要 情 \Box 情 IF. 葉 者 不 悉 知 只 心 事 事 是 花 免 隨 愚 在 變 變 在 栽 恐 實 而 有 在 致 謂 則 H 培 根 亦 ; 實 功 致 中 良 無 做 灌 致 不 1 下 利 此 和 知 能 培 溉 虚 事 T. 手 心 良 即 夫 之功 了 灌 守 矣 致 處 知 是 當 寂 隨 中 之 在 此 事 不 未 於 以 在 和 説 格 變 昔 意 培 從 發 楮 養 只 物 黑 前 灌 在 只 先 有 知 之 平

得 中 天 養 個 地 中 大 來 未 育 字 原 發 萬 分 乃 之 頭 物 曉 中 是 也 先 萬 中 是 只 師 世 庸 堯 從 究 攸 ***** 舜 喜 極 賴 相 怒 + 精 傳 哀 \equiv 微 聖 樂 以 章 之語 未 人 來 篇 到 發 學 之 今 位 只 問

則 是 培 中 此 倫 子 識 花 善 法 良 口 不 謂 於 能 善 子 察 言 實 養 當 由 知 H 種 是 不 如 聞 言 知 物 學 者 不 擦 F. 樹 如 大 又不 樹 以 者 見 亦 識 不 攙 培 是 義 人 世 參苓 之根」, 牽合 不 見 之間 方 慮 人 此 養 分 舛 行 人 明言 是 知 ___ 些子 子 T 也 也 在 從 H 是 動 善 補 此 根 由 知 培 X 枝 以 藥 而 以 行 時 凑 知 謂 本 來 仁 除 識 情 葉 未 爲 根 後 天 亦 識 義 謂 沛 渾 是 不 上 事 > 致 花 發 發 能 須 然 是 行 孩 求 觀 戀 神 此 實 培 爲 表 沛 良 致 今之所 若 提 知 然 其 長 上 平 良 灌 是 根 時 方 吾 知 之愛 決 識 ? 却 否 居 做 知 進 何 症 是 良 是 却 江 深 也 物 之 \perp 知 不 曾 未 舜 謂 不 從 從 故 敬 河 夫 Ш 劑 攙 有 發 之 致 從 發 設 枝 未 天 聞 莫 却 此 之 Ŧi. X 明 此 方 知 葉 聞 上 恐 此

已化爲 幾 龍 不 混 無 是 發 不聞 物,不攙 子 良 義 中 伯 慎 作 溪 在 可 品 非 無 知 以推 知 最 義 獨 隱微 ",其 即 掩 識 云 别 不 也 好 襲 行 鐵矣。 器,臨 之學, 精 行 包 是隱微 之「獨」 中 爲 隱 幾 此 洛兄謂 ,故培養之功 便 致。 於 藏 擇之功,將 子 其 以 微 義 事 禍 用 充 是 明 知 何曾外 是 故内 字即 其 事 便 時 心 養 根,顯 識 由 微 充養 物 是 便是 「修道之功似不 方纔 虚 譬之富 打 之顯 省 是 舜、 物之間、不攙 靈 却 金、 發 無惡, 義 虚 當 見 不 揀擇,不知黄 本體之量爲致 人情事 跖 機 行 行 是 覩 銀、 靈 知 隱之 X 之分。 仁義 械 ; 所自 枝 方是 本體之量 不 收錢,平 推行 銅、 葉 見、誠 聞 變? 鐵、 花 不 知幾 -專於 於 由 入此 兩 可 金 之 覩 端 事 錫 H 此

> 夫,却 是用那 之功 者,致知 以 中 格 則 寂 功 虚 又如前 若修道之功 未瑩,宜乎公之有 物,於 爲 致夫擴充之功。 有 寂。 可 即 者 有 未 用 於 良 所謂 寂 至 乎 致中和,合寂 已發 格 知 師 也 ? 用矣。公以 的 ,終涉思 物 也 門宗旨本 ; 矯 工夫。 不專於 處 也。 發 寂 枉之過 觀 處 程 是感之體 若 子 爲。 之。」蓋 辩 察 若 歸 夫以 遽 也。 識 日 感 未 耳 歸 曰「合寂 寂 謂 在 : 其 有 以 寂 未 所 感上 蓋 感有 端 悖。 爲 則 此 感 爲 以 聖 發 倪 是 寂之外 功。」立言 Ŀ 致 察 察 學 爲 感以 以 寂 無 H 知 未 識 識 以寂爲宗, 本 致 用 是 Ι. 通, 其 寂 將 領 爲 夫」,則 夫 未 感 本 (端倪) 體,正 擴 功 復 I E 本有 領 發 通 夫 之 充 是 有 爲

爲」云云,已得 前於《致知議略》辯之詳矣。 蓋 自 聖學 領 以 要。 寂 爲宗」 本 領 端 至「終 擴 倪之論 充亦 涉 只 思

受。 而 便是 消 是 以「志· 山 擴 幾 充 通 艮 得 乎 感 末」爲 其 這 息 的 脢 個 工 矣 中, 佛 無 夫,不止不説,不虚 此 學 悔 冤 程 」、《易》之美詞 有 子之言 矣 不 $\dot{\mathbb{H}}$ 也。 則 心 歸 之 也, 爲 寂

非 索 病 知 之味。 段 聖 亦 格物實 ,直以心 至於此 賢 工夫,常覺 朱 雍 子 至於 晚 容 下手處,以 爲已 不不 年 深 發 厚 悔 發 口 胸 言 氣 語 前 以 中 處 象。」 擾擾, 不 日 故 事 以 : 審 闕 察 所 巾 飛 向 却 識 而 見 揚 平 來 端 無 之 浮 講 日 深 倪 差,其 躁 潛 涵 爲 究 殊 純 養 致 思

體 文 Ι. 不 夫 自 用 可 謂 見。 龍 原 始 常 溪 云已 也。 有 云: 人 未 俱 一發者, 未 未 發 有 之中 發之中,性 發 須 不 用 後 미 自 儒 戒 與 慎 之 有 己 之體 贅 發 不 發 覩 m 相 也 中 未發之中 恐 對,玩 ,虞廷謂 節 懼 之 不 和 聞

> 古聖 氣 謂 夜 法,更不 學愈支, 謂 謂 之「道心之微 日 之道 之默 翕 聚 致 有 夜所 和 時 學 , ~ 而 亦 惟 發 IE 須 説 息,是未 而 知 所 散,不 可 易》謂之密、謂之虚 此 道 以 也 夜氣。 愈 致 路,信 ; 晦 周 爲 發 中 謂 文謂 氣 旦畫梏 衹 亦 致 養到熟時,便是 得 象」,是也。 益 可 中 之「不顯 及時 紛 也 即 紛 Ļ, 所 聚 不 以 言謂 謂 IE. 訟 之德」, 然 致 無 是 時 之寂 耳 説 時 和 養 通 時 愈 可 口 之 乎 是 公謂 孔 也 也 書 之 此 千 門

《易》 言 大本 無 指 養之之法 時 不 無 倚 曰:「正其 發之中 Ŧ 到 處 古 淵 然必 不梏 無 淵浩 聖 而 不 學惟 言。 是這 Ľ 本,萬 翕 浩 於 聚 處 此 中 箇 日 得 事 者,天下之大本。 方 書 充塞,更不 這 路 理。」立天下之 可言 之 個 所 虚 「熟,方 爲 明 路 之體 . 須假 古 是 是 口

思

Ŧi.

爲

脢

所

不

能

也 虚 寂 是 咸 卦 全 體 大 義 程 子 謂

復

之

所

地 便 感 以 是 應盡 來 見 未 其 天 有 背 下 之 個 便 理 無 是 私 悦 蓋 係 本 而 之 諸 止 心 此 自 而 反 咸 有 不 天 脢

所 慊 無 私 於 悔 係 心, ? 物 便 不慊 爲 是 先儒 志 志 於 末, 末 以 1 「末」字 而 亦 便 遂 屬 是 斷 扭 悔 訓 其 合。 爲 如 無 佛學。 本文 何 又 咸 以 無 日

感 不 感,妄 於 虚 之主 欲 感,皆 能 牽 中 感 也 引 也。 無 物 而 大 宜 我 六爻以 以 至 其 静 之謂 一,故 其 不 而 無 正 不 貞 日 人身 所 0 宜 故 私 朋 不 動」, 以 取 係 從 貞 貞 爲 故 爾 則 是 不 能 感

戒。

程

子

日

:

於

憧

憧

衆

也

兀

爲

心

朱

子

謂

雖

主

是寂

不

寂

而

龍

溪

云:

止

而

悦

三,感

之道

也。

止

即

能

感

物

者

除

是

塊

死

肉。

便

行

有

不

是

也

有

處

開

基

而

從

臾

於効

動,

今之

格

物

7

天下

之有

情

効

天下之動

一个不

於

V.

∭

和

出

焉

體

用

原

也。

故

氏

日

性

又

是

何

物

也

?

中

是

性

和

是

情

中

V.

感

出

一<u>,</u> 而

日

性之體,

用

則

中

節

之

和

涉

Ī

夫便

覺

礙

眼

未

發

本

是

性

大

本者,天命

之

性

大天下

·之理

当皆

夜

氣

養

到

熟

時

緣

兄

處

處

説

見

力

安

排

方

口

言

熟。

乃

更

不

0 按 此 句 爲 胡 宏 語 故氏 當 爲 胡 氏

六 Ŧi. 不 暴之冤也

有 虚 神 慮 慮 却 殊 而 君 何 辩 正 而 不 寂 口 途 思 子 善 死 是工夫,非 猶 歸 世 龍 曰 何 以 應 出 云 溪 慮」正 百 思 致,正 是 思 其 云 也 慮,未嘗無 不 黄 位 慮 0 《大傳》「天下 出 老 而 即 洛 是 是感 以 密 其 未 爲 村 不 效言也。 位。 嘗 語 廢 以 出 上歸 感、 職 有 此 位 是爲 所 心之官以 爲 之思,正 未 寂 思 影 於 之 嘗 何 艮之《 天地 慮 事,宜 憧 功 無 思 也。 憧 思 是 何 根 思爲 象》 矣。 慮 乎 止 何 慮 何 也 公之 以 其 思 思 日 職 其 谷 所 何 何 然 H

暇 之幾 故 是 於 日 何 思慮乎? 瞬 物 以 咸 ? 何 息 速 萬 思 天 變, 也 何 下 慮 而 如 何 迅 爲 不 何 思 霆 免有 T. 着 何 夫 不 得 慮 及 所思慮者, 分 則 掩 毫 精 正 耳 思 言 義 慮 感 人 而 要 ? 應 神 猶

心,

勿

求

於氣」,

是内

境

使不

出

不

出

言

勿

求

於

心

外境

使

不

不

得

於

謂

不 之或 知 龍 間 出 爲 往 便 不 慮 日 在 : 了已是引之而去,其去出 越 位。 是 所 溪 也 來 歸 養,却 云: ,爲不止矣。」蓋 似 知 寂 履 於 艮 何嘗 致吾良 體 也。 非 其背, 致 如 二,是 告子 便是 處。 本 是二乘禪 有 兼 旨 其 背 些子 先 知之天 Ш 日 蠖 非 孟 歸 然,静 屈 思 見 思 思 子 定之學。 龍 言 也; 不 慮 則 日 慮 不 蟄、 有 出 致 於 而 人; ? 而 動 静 位 所 位 未 事 11: 日 心 便 則 故 作 嘗 事 月寒暑之 忧 不 是 止 日 間 不 爲 物 有 便 精 得 耳 可 物 便 IF. 是 所 周 義 於 全 之 是 非 度 思 未 子

六 Ŧī 當 爲 九 Ŧ 咸 卦 六 Ŧī 爻, E 「志 末 爲

0

其 例 上 義 我 長 付 的 心 的 則 正 白 以 求 襲 權 之、白之爲 之而 學 心 外邊 但告 世 ",洛 於 歸 正 度 自 與 外 定, 己 哉 於 而 謂 今時 村 子 Œ 知, 猶 切 之襲義 非 以 故 分 彼 輕 此 合 有 能 所 義 則 T 白 重 爲 義 長 論 内 不 固 内 一、彼長 可 長 義 外 於 動 格 外, 由 由 短 襲 也 之 我 物 中 中 ; 自 之學 我 告子 學 也。 恐 而 之學 若 出 有 也 心 我 不 日 性 以 相 孟 如 長之、白 足 定之義 也 格其 公 子 是 是 類 輕 以 安 以 重 却 個 求 服 口 若 是 心 Ŧi. 長 無 告 心 之, 概 之 伯 以 隨 在 短 善 子 於 不 從 物 爲 由 我 物 惡 内 而

意 而 IE. 猶 事 致吾 事 自 謂 格 物 看 是 良知 物 得 爲 其 各 「歸 由 心 之天則於 得 中 之 於 其 之學,是 不 正」三字 理 正 事 以 雖 事 也 全 不言 在 物 其 物 旧 物 本 内 上 尊 之 外 兄 體 間 出 之 如 之

> 告子 是 動 尚 養 死 短 實實 不 殺 的 É 帰 個 工. 的 是 幾 見 口 則 夫, 故 機 個 重 ; 有 而 求 謂 軸 與 以 内 非 心 得 充 義 外 求 的 其 故 養 爲 出 權 學, 權 所 謂 外 積 度 養 度 從 世 告 盛 却 於 既 子 亦 認 致 頭 與 輕 陳 不 爲 得 然 便 重 何 口 全 則 不 要 心 長 思 不 動 做 體 輕 短 何 者 知 是 個 重 慮 也 别 不 個 所

之不 是二 微 即 也,言寂 得 然却 是寂 其本體 法,非 可 龍 溪云: 掩 之不 莫 戒 見 所 慎 之感」,立言 誠 謂 能 莫 恐 洛 則 致 離 顯 懼 兄 乎 即 體 矣。 謂 也 物 是 平. 也 守 本 分 物 若 寂 未 得 故 而 寂 瑩。 之 本 不 與 功 遺 體 感 微 不 之寂 相 之 覩 寂 寂 紫 顈 雖 不 而 誠 隱 罪 便 感 與

物 而 不 寂 遺 雖 隱 寂 微 而 感 然 也 却 言 莫 見 寂 莫 顯 體 能 離 乎

夫。 縱 之 其 天 有 若 則 則 物 所 寂 龍 是 寂 乎 使矜 之 安得 之 謂 感 感 也 溪 無 爲 未 自 謂 君 躁 本 也 解 云 格其 持 感 然, 是 格 君 也 到 便 有 上 物 何 意之物 許 是 非 Œ 静 十分恰 無 是 體 幸 格 撥 多 所 物 爲 Τ. 感 感感 物 而 其 煩 謂 1 動 夫, 應 是 得聞 根 也 聒 順 好 求 處 根 之迹 外格 良 大亂 纔説 應 若 處 正 正 致 知 此 也,故 是 其 左右 非 縱 與感 正 語 格 寂 之道 做 知 矜 是 感 ! 物 之物 却 是 持 費 義 作 日 正 以 感 也 歸 詞 早 世 應, 襲 對 致 0 應 聞 也 格 , 寂 世 其 其 之 便 物 工. ? 此

體

失 本 所 良 體 未 知 解 則 物 本體,何 先 其 上 感 求 人主 應 IE. 啻十七? 自 _, 之也 是 明 循 是 天 義 若 則 襲 能 而 以 復 而 今 却 日 反 人 良 便 喪 有 知

心

此

口

以

窺

師門之旨矣。

得

循

則

知

説 龍 是 夫, 又曰 莫 即 也 指 用 得 無 太公之體爲之主 格其 尊經 做 顯 是 别 溪 法 其 其 爲 言 説 産業 云 那 却 寂 謗 記 真 寂 閣 心之物」數語 何 : 又 佛 可 通 寂 體 籍 感 戒 以 記 ^ 證? 感 倒 不 大學》全 至爲 慎 願 》有「富 異 的工 離 便 提 體 恐 兄 : 於 是 乎 T 懼 少 而 是?! 窶 感 夫」,始 感 感 而 葫 斯 降 乃矻 家子 即 人 功,只 處 也 日 丐 應之正? 蘆 吾 信 是 IE 順 物 産 夫, 孫,不 守 前 矻 是 與 是 鄙 應 若 來 先 寂 日 執 業 在 前 做 而 蓋 云 順 之 不 此 師 皆 庫 止 論 却 猶 務 歎 功, 應, 之言 爲 襲 藏 相 先 歸 覩 囂 守 寂 服 至善 蓍 取 符 莫 不 之 師 寂 不 囂 視 的 龜 也 見 岩 聞 有 積 享 Τ. 然 IE 今 作

者 殊 便是個 感 器 穆之時 思 知 心 的 意 的 意 惡 無 物 物,而 便是 1,有從 物; 何 1 是 惡 者,致知之功 語 之不正 不 便以 知 而要之復 慮 爲 是 良 同 便 從 致 至 止至善之則 心之體 知 致了 意 爲 是 所 心 故 意 知 善 爲 未 以 亦 有 根 謂 電 以 用 免 根 無 歸 其 Ŀ 不 善 至 善 功 有善 光 將 惡 上 善 立 慮 至 於 能 有 也。 致 去 有 波 立 寂 的 無 爲 善 正 無 惡 基 惡 而 影 難 與 基, 心,意 者。 惡 有惡 之 的 先 只 格 不 是 白 易 感 與 善 在 物 體 雖 的 師 知 意 慮 格 作 定定 之雜 物物 物 則 從 知 其 是意之 教 便 有 「致知」二 是 物 也 對 輪 心 人嘗曰 用 是 從 0 静 個 格 便 法 體 迥 矣, 功 心 蓋 但 是 至 之 有 而 T 9 上立 動 有 體 端 善 緣 謂 慮 故 善 至 無 有 字, : 拱 端 難 無惡 上 學 纔 即 須 有 善 善 知 基, 漝 公以 易 格 惡 無 立 者 拱 屬 是 善 至 有 而 穆 惡 惡 清 於 何 其 的 的 心 基 根 知 善 格

> 將 有 毫釐 淪 入於寂 之辯,不 滅。 可 與 不 經 察 編、 也 無 所 倚 之 學 未

> > 免

輕重 公等格物之説 寂 至 天德 乎 於感 ? 過 ,以全吾本體之正 知 然不 善 也 本自明 感 止 端 者,心 大學》 流 無 0 者 動,感 爲 拱 謂 行,其淵 所 知 也 學 清 是 白 倚」, 止 之本 全功 間 穆 爲 感 而 不 而 大 電 蓋言 特 却 定 今乃 遂 同 體 八,只 頭 光 其天, 肫 是 通 寂 也 静、 波 腦 謂 至 天 超 寂 之 在 影、 安、 下 誠 乎 寂 者 録 應 安 止 感感 格 功業 萬 無 之故」, 洂 與 肫 中 慮 得 其 於 感之 功夫 耳 其 物 之主 所 渾 與 E 心 至 輪 載 是 外 感 是 語 之 而 善 ^ 回 也 中 求 不 而 提 意 與

733

對

出

非

寂

IE

庸

個

È

漝 康熙本作「清」,可

0

是 達 過 毫 乎 王 ,未發之中,先天之學也 天 人 ? 道 力 德 不 者 謂 與 離 其 感 故 孰 而 日 能 不 : 知 能體 之? 苟 不 物 古 寂 達天 聰 無 乃 明 天 冤 德 聖 之 Z 便 智

學 得? 物一, 於 訣 本 家 明 用 也 , 先 聖 衆 竅 末」之「物 屈 T. 正 是從 然謂 取 信 是 龍 《大學》之要,只 格 師 在 譬 格 相 溪 嘗 只 物 於 感、 物。 云 虚 却 有 物 有 IE. 此 -, 無 恐 字 自然之機,正 是言 此 是 尺蠖 精 前 不 靈 未 本 致 義 誠 然。 E 件 覺 輕 知 之屈 恐 人 則 論 」,又把 事 實 凝 在 神 不 物 無 之詳 F 聚 誠 龍 本 可 與 物 吾 手 出 所謂 意 易。 是 身、 蛇 儒 高 處 矣, 來 故 致 之 所 良 心 的 日 物 曾 何 整 知 此 以 自 知 是 思 \perp 意 贵 先 精 異 只是 始 是 祖 夫, 何 容 師 於 學 誠 氣 物 知 慮 苦 佛 至 意 輕 爲 有 爲 發 致

心也。

是先師 來,便 爲 義 功 悟 事 求 體 悖 節 未 致 物 在 物 未 之和 經前 本 至 也 知 是從 物」字本 致 是 謂 L 善 焉 是 若不 物是 嘗 非 知 致 求 緣 苦 師 天 盡之矣」,「乃若致 却 離 虚 至善, 道 苦心、苦 知 心 不 『物有 何 精 又 善善 是 却 明 語 I 處 輕 Z 明 又 天 義 事 靈 悟, 夫, 矣。 乎? 又 有 粹 外 恐 物 覺 重 既 本末』之『物』 七 何 口 流 致用 不 0 不 凝 在 是 身、心 不 聖 所 行 正 若 不 可 聚 「本末」字。 虚 可 間 皆 至 之 而 以 IE. 知 於 出 明 也 用 善 格之? 迷。 是 物 曾 事 意 知 來 靈 是 子 格 事 的 則 1 發 覺 先 來云「 心 物 反 高 物 存 求 物 師 凝 而 之 混 物 求 乎. 又 正 又 爲 聚 又是 曾、 也 本 則 精 與 爲 謂 上 \Box 中 出

玩 格 有 祖 德於天下」相 靈之體 亦自 物。 差等 一、考 取譬 感 爲 也 可 而 致 見 遂 知 鄙 特 照 通 以 明 附去《 應,煩 感 天下 致 爲 而 虚 ___ ·之故 遂 臆説》一册,以資 以《大學》通 氣 守 通 寂 相 天 傳 正 下 充 與 之 滿 而 篇 故 明 乎 亦 參 自 明 爲 虚

答董明建

覆

瓿

往 無 致 不 間 勤 復。 以 放 近 發 懇 也 思 接 微 ,仁在 俾得因之以 教 義 義。幸 翰, 顧 有 X 其 不 具 鄙 中 與 容 悉 荒 學者皆 以 聞 同 近 落 學真 志 虚 所 0 諸君子共商 辱 未聞,不亦幸哉 本 者。 切 不 如 足 此 良 勉 以 尋 用 强 待 究 歎 之, 附 問 則 服 無 心 而 愧 自 靳 枉 切

民者,通天下之稱,合親疏、貴賤、遠近

之,而、 之,是之謂 者,一本乎天然之中,而 損、安排 急,又莫不有天然之中,不 之謂 者 臣 銘 之中 訓 乎大學之道 疏 也 而 三, 、貴賤 以天 高 ジ則 乃曰「上 之者 親 以生,曰 定、而 年 曰「民,吾 地 民。 「天民」,日 遠 於 孤 萬 也。 弱、 止 其 静、 也。 近 物 帝 明 至 間,是之謂 「民之秉彝」,日 而 爲 賢聖疲殘,均 降 德 人 而安、 善。 至 同 無 衷 親 則 「先民」, 胞,而 體, 弗 善 於下 民, 對 知 而 親 即 擴吾一體之仁,合 己 止 不 之, 慮 輕 良 民 至 而 其 至 容 以 日 重 知 是謂 而 善。 善 言 之爲民 纖 下即云 以 「逸民」,至《 厚 曰一 也 得 「天之生 耳 毫智力增 纖 薄 則 明 明 民 毫 明德 明 良 得 大君 德 先 稽 智 也 受 之、親 知 者 後 親 諸 力 斯 天 得 是 損 民 增 緩 親 大 西 古 民 地

●「凶」,康熙本作「陋」。

身、 謂 説 也 定 不 取 静 當 止 不 輕 0 也 夫 纏 得 也 至 與 車型 也 重 明 安、 君 善 焉 得 繞 長 而 ; 明 中 臣、 足 車平 ^ 耳 慮 短 德 是 庸 義 西 功 下 當當 四 之 父子 之 也 学之 者 銘 熟 謂 字 也 權 謂 重 度 玩 上 宜 尊 理 讀 民 格 而 至 也 夫 識 者 也 腎 即 之, 重 西 物 也 婦 取 以 銘 也 當 以 物 大 乃 皆 方 下 長 ×, 格 學 上 各 長 日 下 天 先 思 幼 臨 物 付 親 **>** 而 : 丰 理 也 過 師 之 物 民 下 長 朋 處 也 此 半 之義 功 云 世 而 友, 當 ^ 矣。 外 九 止 智 中 格 須 短 經 只 此 至 力 庸 與 物 而 言 昔 善 爲 恐 纖 則 定 > 短 修 毫 游 舊 襲 該 理

謂 行 行 之 也 即 知 知 知 則 世 也 行 合 凡 知 故 不 之不 知 自 録 不 是 > 真 Z 得 本 切 謂 體 知 而 之行 之 猶 篤 真 K 實 切 猶 者 知 篤 不 即 可 實 行 行 謂 處 不 忧 之 是 得

置

覺 覺 覺 如 也 得 外 是 精 X 反 夫 知 知 베 行 之 故 篤 之, 有 此 却 做 後 果 的 平 也 察 而 流 所 實 謂 精 ? 明 工. 也 能 知 謂 靈 復 明 謂 行 以 覺 堯 之 察 夫 的 真 之假 覺 其 覺 知 者 不 不 行 施 舜 篤 做 T. 切 明 處 精 必 必 息 息 之 實 性 行 夫 覺 便 則 而 可 真 察 須 也 者 於 之, 的 來 是 世 篤 則 凡 謂 篤 切 處 真 也 外 Ι. 諭 實 做 流 求 之 實 篤 自 是 切 目 也, 夫 是 行 也 行 行 實 伙 知 視 心 而 是 便 果 不 ; 個 本 的 乎 而 以 明 也 篤 足行 之 也 是 能 息 ? Ŧī. 知 T 後 體 其 覺 靈 實 做 明 伯 行 夫 謂 也 也 離 篤 則 覺 行 須 也 覺 行 又是 之 假 的 本 實 非 要 者 必 凡 必 即 的 之, 而 T. 知 體 靈 知 世 明 行 做 須 T. 工 夫 精 知 之 做 覺 得 襲 明 覺 知 , 則 夫 説 夫 察 也 不 之 常 其 湯 覺 精 不 的 凡 也 也 外 姑 常 靈 夫 明 武 便 察 明 做 口 M

渾 莫 之 淪 無 所 惟 朕 由 者 形 理 萬 之 致 象 廣 之 大 所 萬 由 極 生 森 高 明 然者 散 殊 惟 之 分 上 以 子 下

精

冲

殊。

沖

只 只 者 義 做 陰 做 也 得 得 陰 陽之 森 盡 個 然 無 精 陽之 謂 的 朕 微 也 的 工. 謂 道 致 夫, I 道 中 夫, 也。 獨 以 庸 陰 獨 成 議 精 不 陽 變 度 之 成 不 化 如 義 也 生 者 此 世 世 也 惟 未 ; 精 Ŧi. 父 發 惟 質 伯 氏 母:

言

幸

再

思

之。

説 也 其 惡 動 也 有 之前 本 之 不 而 生之謂 體 口 夫 善 後 易》 言 善 而 即 善 而 言之, 哉 與 來 惡 日 X 性」之説,已見 諭 不 形 悔 善 焉。 皆 故 吝 吉 渾 無 心 皆 生 X 渾 告子「性 善 也 由 焉 悔 册 意 無 於 ; 吝 嘂 惡 本 動 動 生 也 之 也 體 無 而 而 體 平 知 後 無 善 動 感 也 斑; 也 有 不 無 於 善 物 尚 動 物 則 無分於 善 也 何 知 而 而 之 未 善 動 自 後

> (致中 性善之論 無 當當 分 其 於犬 中 ,已是指性之欲 時 牛 斯斯 默 而 失之遠 識 之, 矣。 而 義 言 自 也 見 誠 故故 能 也 戒 懼 孟

若

夫爲

不善,非

才之罪

也

弊 嘗 要 分 忘 也。 是 實 也 用 症 其 知 説 少 勿 殆 隨 其 而 有 得 力, 也 發 助 先 爲 不 王 助 謂 處 ,終不 必 師 口 各自 湛 體 甘 矜 教 字 但 有 家 處 認 泉 今之 持 事 人 病 折 若 家 即 亦 有 (),重 先生 焉 欲 中 痛 孟 致 之學, 不 得 論 的 速 講 子 也, 在 可 力 教 助 確 顧 和 本 處。 必 誣 者 人, 各自 者 其 之 ·然之渾 有 也 顧 須 立 意, E 今日 重 事 亦 殊 謂 言 落 爲宗旨 在 焉 未 兹 未 似 集 在 全 勿 未 欲 爲 天 盡 俱 亦 義 忘 第 甚 密微、不 比 八爲 嘗 不 理 助 所 非 勿 而 救 消 果 少 即 生 義 助, 同 字 偏 得 如 旧 良 能 的 其 補 未 勿 此 其 知 實

生」字上、「

義

襲

而

取

的

取

字字

E

照

馳

概 從 皆 生 謂 後 也。 究, 而 惡 見 後 者 湊 之吾輩 生二字 然後 於嘉 泊 可 本 世 知 已 體 灑 之 矜持 會卷端 説 矣 之 生則 落 今日 矜 體貼 之功 者 知 欲 持 始 惡 ,或恐又是忘 之學皆 速 欲 見 可已矣哉 出 不 速 時習之説、反 來,故無 而 足 不 助 凡即 以 足 也; 盡 以 其 也,皆非 盡 助」字 物 2 事 學 其 不長。 助 至 而 身之樂 亦 格 惡 本 字 有 集 之者 口 症 時 本 謬 義 己, 須 見 所 自 然 症

學 噫 知 於 夫 夫 即 者 中 體 騎 其 冤矣 不合天理 謂 騐 驢 IE 事 來 諭 覓 處 而 其 驢 也 「 致 其 格 師 其 脱 ; 之, 耶 致 之説 又 ? 却 與 良 本 則 日 學問 體 知」三字,乃 佛 近 攧 亦 氏 時 之 不 撲 無 思 以 知 有 知 不 以 辨 知 而 孰 立 破 致 之功」, 覺 動 説 爲 其 \overline{Z} 是 爲 無 陰 中 知 先 云, 性 不 排 正 又 善 師 何 良 己 H 謂 於《 異 不 知 是 用 然 大 之 ? 良 幾 非 \perp T

> 人。 行之不 學》 之天理乎? 屑 子之入井怵 處,是非之本 處 何 字,大《易》 學之不博 「人未有自致 知字 ,墟墓之哀 等喫 ,或然也。 中 其 認 緊字眼 篤 上 初 取 問問 可 加 或 則 惕、 ,宗廟之欽 心 者 之不審,思之不慎,辯之不明 知 謂 「良」字。 日 ? 個 致 也。 以 而 也、 致 惻 止 致 乎? 知」二字, 聞 \Box 知 隱 至 命 今觀 良,乃是 見 日 字 善 嘑 之知 致 喪 , ~ 之 故《中 的 爾 是 孩 之時 語 致 疑 機 其 蹴 提 良 孟 天 平 於 括 庸》兩 爾 之愛,乍見 日 知 子 義 理 哀 有 覺 之不受、 發 也 大矣 拈 靈 致 不 而 也 之 身」、 言 可 覺 合 出 止 爲 哉 故 不 發 天 以 致 日 盡 謂 不 孺 理 是 於 教 動

2

上「之」,康熙本作「知」,可從。

[「]之」,康熙本作「知」,可從

言 猶 謂 動 理 泉先生第加 竅 同 今 知 忌 去 良 今之議 終食之間 合一論》, 故故 之問 者 在 文公晚年 病 多 知 有 天矣。」 之不合天 大冤 之意 實 根 士 之學者, 隨 也。 信 乎? 克伐 設 處 者 學至 小序 事 前 也, 則 違 本 . 復 盡 體,不 耶 理 日 仁,造次、 怨欲 議 云云。 義 症 遂 隨 孤 又 於知 一、脱 ? 立 天 其心 道 處」字 候 外 負 其 日 理 : 却 雜 學者之呶 本 不 也, 蹉 攻 正 天, 是 隨 者知 隨 學 行 體 不 外 排 跎之悔, 相 顛 耳 處體 處 問 且 認 欲 知 見,萬 是皆以 物,而 之 似 沛 其性 不 體 天 辩 思 止 私 必 鄙 呶 認 認 理, 辯之 能 於 特 方 於是之意 人嘗 變交錯 正 3 焉、況 也,知 天理,是 以 至 云 欲 其 己意 亦 也 以 者 以 我體 功 善 講 與 是 來 刻《二 此 也 學 前 文 君子 延 其 望 諭 也, 認 致 其 以 所 以 也。 平 非 性 迎 有 而 之, 業 甘 刃 拔 風 排 立 天 無 訣 異 古 猶 則

> 夫。 焉 路 倍 蓋 此 辩 無 勉 曲 亦 思 而 受用 不 惟 於後 之 强 起 於「助」字上 恐 亦 解 耳。「依良 是則 脚 之譬,然云「致」字穩帖者 渠之用 君輩 憂其 功, 雜已 生 否 「助」 亦 贵 落 也? 發 是有 是 則 可 Ι. 得 在 精 疑 字 吾 謂 知」之「依」字,已 特 一受病 太早 擬 之 輩 此 病 的 近 効 煞辛苦, 議 理 痛 意 過 所 接 忠 也。 耳。 思 矣。 也。 可 想 反 於 中 覆 及 像 中 Ш 但 此 若 辩 中 哉 而 篤 Ш 數 不 老 日 論 亦 Ш 邊 信 者 日 知 有 渠 晚 未 嘗 而 已 脱 也 足 足 高 年 即 嘗受用 無 是 難 有 亦 下 F 却 虚 其 懇 實 安、 學問 若 連 憂 實 以 之疑 惻 議 落 其 曾 的 口 有 Ш 利 者 覺 委 百 如 意 思 半

^{1 「}忌」,康熙本作「心」,可從

②「三」,康熙本作「二」,可從。

[●] 底本此後缺一頁,兹據甲庫本補入,個別漫漶處參

平 惟 陳 ? 聖 忧 者 是在 能 依 之。 於仁 明 建 其 深 功 與 思 在 君 也 志 子 據 遵 之後 道 而 ; 行 依 口 平 平 中

時 遠 咫 之 其 知 其 流 力 言 猶 光 世 尺 時 之 . 哉 知 平 食 純 贵 耳 , 有 遠 而 也 不 所 赤 置 置 有 百 遠 近 子 一之心 過 炬 譬 中 呿 大 置 之 諸 加 耳 近 大 於龕、 之炬 者 人 庸 呿 哉 諸 堂 大 1 心 化 參 响 良 房 爲 小 之 爲 極 純 昫 光 天 知 於房、 之, 外, 所 功 大 光 是 氣 於 然 本 地 存 無 人、 惟 質 特 而 漸 襁 則 體 置 者 贊 以 僞 於堂 之 纖 褓 遠 隨 遠 贵 赤 諸 神 致 化 堅 毫 氣 也 也 有 其 而 子 一、於堂 龕 誠 育 質 脆 9 人 Ĺ 增 之 又 笑 曾 言 置諸 之堅 力 光 減 别 下 只 遠 充 也 有 之, 不 之所 與 之外 是 去 斂 世 也 纖 堂 脆 啼 與 來 天 白 似 赤 毫 焉 也 不 有 夫 則 及 之 充 若 非 地 子 之 口 其 炬 纔 口 斂 論 故 這 人 乳 以 X 口

笑、啼 之既 加 爲 其 也 之 也 遂 哉 貴 孩 炬 及 蔽 見 也 則 本 與 而 疑 提 晶 果 者 ? 平. 0 Щ 則 使笑; 愛親 良 體 嘗 赤 之 長, 瑩 遠 其 反 良 誘 亦 而 見 乳 哉 子 知 童 明 也 通 謂 知 之 以 後 氣質 夫父母 H ? 敬 之 食 徹 親 赤 者 然 駡 其 亦 謂 測 以 長 子 心 兄 氣 不 於 ; 光 知 既 光 之 其 消 誠 不 之 質 不 影 怒 知 此 知 影 或 充 良 怒 之於 蝕 得 以 待 至 之閃 之宜 H 孰 乎 而 也 拂 自 忧 爲 聞 其 充 學 ? 誠 爲 能 ? 其 如 赤子 大 至 則誘之怒; 見 則 習 無 爍 至 惻 舉 通 人者, 意 者 觀 善 堂 日 聞 所 模 旧 而 誠 手 而 也 之 則 開 外 孰 見 自 惻 糊 不 反 也 此 莫 口 ,比之赤 之炬 變 怒 爲 日 無 知 旧 知 蔽 特 比 見 非 化 則 笑 良 加 而 世 不 , 習 而 怒 之 天 矣 其 誘 也 擊 哉 能 ? 既 之 謂 聞 龕 光 而 理 之, 氣 者 之 壯 使 之 見 能 則 其 子 中 之 之 旧 擊 H 孰 然 良 誘 謂 之 之 所 著 所 宜 而

晶 所 學 以 也 且. 乎 湔 ? 置 瑩 ? 不 爲 除 將 若遂 諸 明 知 其 不 吾弟 日 堂 徹 也? 聞 失 惟 廣 之自 據 之 見, 赤 英特 致 其 此 外 子 爲 以 其 聞 如 爲定論 當自 所 之心 炬 任 養 乎 見 計 知 吾 其 ? 之至 者,將置諸密室以 以 良 也 摇 有 則誤 抑 知 求 蕩 得 將 之 誠 其 然 閃 於 己誤 圖 惻 至 所 則 爍 臆説 其 怛 誠 謂 吾 以 人矣。 光之遠 惻 畫 無 速 之 而 怛 其 所 今 所 姑 保 不 燼 置 不 H 此 及, 及 其 其 知 之 滅 所

藥

物,須

自

來

領

始

可授。

諸

下

發 天 得 改 無 再 猶 用 講 下 此 今人 猶 後 良 自 自 秋 線 世。 知 云 欺 反 來 以 命 也 性 真 經經 也 此 知 脉 具 切, 處 覺 良 理 天下 僕 自 不 知 爲 足 先 當 欺 省 是 良 見 之 丘, 久稽 爲 者 未 知 莫若 不 有。 操戈之首 自 發之中 者 自 姚 , 「,真 别 欺 訊 傳習 尋 他 是 也 問 門 知 人 以 爲 録 路 往 覺 學 更 悟 歉 往 中 乃 與 而 不 衍 0 若 其 必 殺 不 不 承

> ? 君 真 知 同 覩 細 其 志 若 體 真 非 以 未 聞 究 也 爲 有 之,無 之所 衆 以 ^ 中 論 聚 爲 謂 果 庸 此 然 **>** 是, 老 者 日 是 諄 不 僕 千 贵 自迷 亦嘗 聖 子 覩 真 迷 不 是之, 法 人 聞 眼 獨 者 藏 所 而 病 需 願 天 今 狂

乎

始

諸

截。 外 意 灌 知 教 完完 承 自 溉 知 所 只 具, 願 達 昨 愛 吾弟 委, 在 匆 未之 便 知 本 匆 適 有 謝 試 根 過 得 不 或 求之, 上 去, 便以 知 不 知 着 的 知 未 也。 得 奉 亦 饗 是 及 的 尊 未 用 良 容 0 只 命 敢 知 與 是 枝 矣。 譬之樹 以 的 爲 葉 謬 妙 歉 貫, 花 餘 見 用 實 不 木 爲 原 聽 致 即 備 是 非 其 瘫 得 承 也 兩 牛 培 良 書

者

雙 江 聶 先 生文 集卷 之十一 終

0 着 得的」 康 熙 本作 着力」。

聶先生文集卷之十二

賦

黄 鳥 賦

兮, 脫羅罻 作兮,痛趙 恢 緑 友之聲兮, 杳 陰之 吾之心兮,忘 翳 金 嘉 羽 木 之 孤 之 兮, 無 之日 魚 葱 大 雁 協 憂 蔚 嬰。 之沉 患之 笙簧 兮, 可 以 彼 冥。 怔 於 鳴 人 丘 怔 咸 黄 而 隅 慨 英。 鳥 不 之 管 蓋 之 如 口 鮑 嘗 余 嚶 鳥兮,行 棲 之 聽 嚶。 和 以 不 阚 之 止 求 而 坐 口

罪

人。

雷雨作

解

兮,天王聖仁。

操

幽 拘 操

鴻 慨 兮,顧形影之仃伶。 之淩咄兮,抱 淹 出出 飛之冥冥。 無妄之有因 沉 蹇 余衰 於八月兮, 之被 桎 幸 一件以 彼戈者何 湯 逮 黯 祝 兮,忽 嗟時 爲 日 於 親 星之 三驅兮,泣 命所遭之弗祥兮, 暮於雲漢兮,❶邈 春 胡置我 晦 與 明。 秋 之相 紛 下 於叢棘 車之 校 卒

「戈」, 康熙本作「七」,可從

0

將

尋霞

丘

之鹿

伴、復雲渚之鷗

盟

也。

四 Fi.

三五七言古詩

几

言

古

詩

先大夫忌辰韓日三章。二章,章四句,一章,十二句。

諱日之臨,我胡在獄? 念之痛心,爲

父母

僇。

愴。豈維悽愴,有淚淋浪。墨縗纍纍,誰維兹諱日,終身之喪。霜露既降,履之

揭我箱? 誰羃酒漿? 誰奠我高堂? 凛悽愴。豈維悽愴,有淚淋浪。墨縗纍纍,誰

乎洋洋,痛心之慟也狂。

秋夜長二首

空梁。心逐滄州長是夢,愁隨短髮盡成霜。秋夜涼,秋夜長。蟲聲淒短壁,月影落

孤行。搗練不禁鄰杵急,美人遥在水雲鄉。 秋夜涼,秋夜長。吟風紛落葉,斷雁杳

五言古詩

過玉華洞次邵端峰韻巡閩作

長。 冬,停節 怪形虎龍躍,古色雲霞蒼。 睠兹玉華 探 出出 藏。 洞, 窅然古道傍。 竅 自 天 鑿 雙 我求當玄 柱 神仙 懸 玉

茫。 厭 張 天 光 宅 下 奇哉 郵 斧鑿 何 鉦 有 時 樹 催 無 蛇 逐 如 羅 與 龍 行 逸 有 松 伉。 忙 散 床 神 桂 來 巧 好 欲 想 峽 此 力 鳥 當 去 泉 傳 竟荒 鳴 不 混 急 丹 宫 沌 能 雷 方 唐 商 去 闘 闘 獨 好 嶂 出出 立 事 + 懷 壁 歎 未 爲 六 迴 蒼 屬 主 洞 烟

寄 十 一 姪知晉作

成 數 欽 軀 所 顧 時 0 ? 皆 哀 繫 棟 艱 所 憶 我 口 此 歸 孫 貞 願 别 昌 復 先 非 美 利 各 黄 厪 門 人 細 天 攸 努 門 修 祚。 故。 墓。 力, 資 行 兒 阻 靛 冥 冺 兀 執 況 文 嗟 兒 豫 冺 馬 手 禽 當 哉 亦 多 何 南 語 苫 羽 足 敦 X 源 諄 塊 毛 生浮 素。 數。 路 蠧 矜 憂, 諄 負 作 志 衰 勗 豊 汝 斷 之 之 慘 哉 士 無 歸 蓬 鬼 隨 宗 名 當 千 無 幾 器 神 節 定 如 廟 金 何

妬。委身事明王,無復能家慕。

玉峽别鄒羅周劉諸君子
已下被逮

作

蒼 爾 别 天 ? 相 落落 木 死 看 葉 H 别 淚 隊 鳴 如 寒 荒 尋 雨 風 常 滄 漢 即 波 庭 死 渺 哭 贵 何 賈 無 許 生 所 贵 念 悠 爲 44 悠 吾 河 者 梁 與

發 南 浦

見 梏 死 況 0 萬 朋 宦 ? 贵 里 南 游 無 浦 楊 與 安 城 劉 商 心 頭 旅 法 水 君子。 終 亦 安 朝 有 贵 心 送 被 無 在 行 逮 祝 知 李 臣 網 止 行 岩. 生 李 聖 無 覬 異

桎

明

情

白

夜見踞畦

罪 身 心可皇天對。 亦 君子慎容止 田 有 中 糞 何 田 惠。 斯 蹲 不 真 踞 謂 破 如 種 有爲。 百 瓜 僞。 納 眇 退 兹 履 焉 戴 翻 獨 盆 遺 潔

次九江

哭 ? 章, 平生 寄語柴桑翁 體 聯 鹿 三木。 豕 資, ,凍餒亦自足。 原 念兹 不 閒 栗 羈 里 束。 間 肯 胡 效 爲 窮 逆 途 王

渡九江

朝發九江湄,便是三湘地。未暇弔屈

汶上

覆

何

足計

原

無

勞悲

賈

誼

生

遭

際

類

如

此,蒼

黄

翻

昔聞閔子騫,汶上辭費宰。卓哉孝

風?

至今宛

如

在。

嗟

余

顓

蒙

資

結

髮

思

磬

廉

欬。 輿 盟 蓋。 翻 僅免子 貽 羅 弟愆, 罻 害。 曾 俛 無官 仰三 爵 愛。 歎 息, 贵 風 謂 沙 雲霞 揭

車中見日

倦。 夫, 亦有、 嚴霜濕融 晴旭 窺管 照 車 見。 中, 融,匹夫何曾怨? 紅 吅 光 凍 滿 將 眉鬚 人 面 幸 身 兹 解 戴 勞 盆

次德州

資,令色人皎 德 州 出 肥 皎。 皂, 可 贵 以 無 滌 垢 衷 血 垢 人, 禍 脂 粉 心 藏 有 淵 餘

蠅 藪。 垂 Ш 楊 岳義 坐 黄 何 鳥。 居 骨 安 肉 得 恩 挽 逾 長 藐 河 叢 洗 棘 衆 止 蒼 心

風雹志感二首

曉

嗟哉

垢心異垢容,坐令嘴舌生長風

清 露 萬 仍 霹 昨 物 靂 日 咸 急 欣寧 唯 風 雹 願 風 於 雷霆 調 穆 同 天 震 順 心 怒 霜 未 號 不 口 殺, 測 今 雪 處 朝 處 霜 天 含 宇 雨

傷 拊 昨 心 H 痛 淚 如 如 割 R 今 李 朝 陵 淚 負 流 漢 1 恩 晁 不 錯 知 速 何 邊 所 餔

歌

帝

力

題扇面

釁。

不

有

徒

薪

謀

生

民

誰

造

命

?

江色渺風烟,林光雜蘭芷

止。

誰

知

習坎

心

亦

有滄

洲

趣

陰,

客

懷

浄

如

洗

生

隨

所

如

9

要

在

安

汝

葉

繫

松

再答楚望二首

止。 緇 曷][[尼 用巢 父美 E 歎 由 如 栢 洗? 斯 松, 千 騒 洗 載 人詠 耳 遺 千 蓀 頃 趣 芷 陂 澹 不 然 有 無 穢 流 垢

止。 醒 賴 贈 念兹蓬垢姿,自有天然趣 此 我雲 清 冷 錦 洗。 章 懷 坐 袖 **\$** 香 寵 生芷。 辱忘 便 是 掬 丘 塵 隅 渴

746

長至

獨 灰 官 會見群陰伏。 念兹 遐 梅 哉 吐 天 線 出出 地 馥。 微 心 寶 七 先 以 日 王 終 觀 尚 身穀。 來 閉 復。 到日 徐 君 葭 子 看 管 萬 慎 動 物 出出 寒

接子安書知已至京

德。 隔 切 辭 身 字字 勢 況賣 次言 忽聞 形 阚 字 阻 影 聞 田 魚 輿 素 加 解 余 袁 4 腹 擔 相 餐 就 宅? 掣。 血 囊 吊 飯 縛 0 感 末 尚 諒 上 兩 骨 此 復 阻 爾 戴 年 肉 淚 致 親 情 牽 天 本 如 寬 顔 悲 夢 日 情 臆。 擲 色。 叫 思, 開 親 0 千 下 家 患 賣 片 奔 運 銘 楮 里 代 難 身 值 贵 蠅 風 尤 云 再 否 真 不 造 無 頭 塵

慰子安

屯

讒

忌

叢

傾

迫

公論

久

自

昭

冤

狀

咸

蠲

官

爵

非

所

論

要使微

衷

白

泉,澄 氏。 農, 出 氣 Ш 否。 我 溪 寶兹金 損 足 阚 然 水 者 紛 才 誰 清 德 華 科 之修 口 冷 玉 市。 第。 軀 擬 冷 ? 雲 不 而 室 勉 寄 獻 負 曾 欲 爲 語 高 鴻 禁 知 科 鵠 同 仰 侈 此 第 志。 意。 心 止 心 光 人, 鎮 共 我 酌 高 鼎 家 蹘 彼 播 卧 顛 崖 雙 世 朏 清 利 業 溪 F 浮 涼

家僮餽橙丁

移 昭 家 雪 僮 煩 餽 知 橙 己。 T 9 内 知 有 己 昧 片 平 緡 生 神 報 交 我 邈 得 萬 勘

四五五五

梏 魄 室. 孤 里 桎 蜂 鍊 紫巚 蠆 氣 消 卧 神 何 毒 翠 足 軀 尾。 微 卹 質 白 或 李 損 門 是 白 益 弄 賴 歸 匪 深 有 瓜 碧。 人 倚 Ш 知 賈 化 鬼 9 稽 心 誼 車 首 養 還 釋 謝 精 官 暌

苦 寒 歎

兼 沮 飛 指 秋 期 狐 瓶 黄 湯 彈 歲 兔 冰 婆 金 劍 得 淹 感 憶 買 歌 詩 深 令 尺 舊 苦 吾 處 語 薪 温 寒 白 酒 嚴 除 斮 剥 壁 客 風 夕 脛 盡 换 乏 凛 可 淚 千 31. 新 四 誰 羊 未 米 侣 起 依 皮 乾 0 黄 棹 脱 衰 木 鴻 君 雪 病 落 冰 縞 渺 愁 萬 書 興 無 何 苦 遄 高 人 春

許

歌

此

寄

司

袍

灑

淚

恐

成

R

情

此

情

安

口

愬

傾

景

渺

燕

臺

塞

雲

没

路

傷

鳥

鳴

於

飛

木

鱼类

开

長

遡

此

别

難

爲

H

西 司 志 遇 并 柬 知

輔 悟 吟 慕 生 脱 蕪 晤 盆 世 患 短 歐 學探 佛 北 北 道 載 途 難 髮 亦 開 有 口口 多 引 有 新 翻 稀 方 蠢 戴 送 洣 築 風 裨 如 可 便 絲 安 西 津 巖 雨 助。 數 故 門 微 道 可 渡 翁 節 余 詩 西 感 素 握 賴 傅 羅 孝 得 裁 有 此 位 手 青 遇 漢 厲 邯 牛 黄 歲 眼 隨 歡 督 出 金 鄲 腰 叔 頫 所 云 H. 獄 漩 堅 步 度。 富 暮 相 如 悲 賢 渦 0 顧 徐 便 且 天 蹇 六 交 桎 叔 寒 道 是 梏 敘 监 度 假 驢 共 苦 閑 久 資 交 契 鳴 揭 良 摇 戴 榛 提 大 車 弄 相 平 緣 欲

0 壁 康 熙 本 作 可 從

高 樹

春 雪

目。 漫, 仙 冰 遥漢紛 鶯聲 春雪已 姿 清 貌 可 難 仍 彌 掬。 期 促。 旬, 7、花信3 霏 空 粉 霏 曙 懷 那 映 猶 剡 由覆 未足。 千薨, 溪興, ? 未 瓊 斷 緬 解 光 階 彼 潯 鶴 眩 掃 擎 陽 雙 復

五. 言 律 詩

獄

對

此

日

啣

盃

,長簷展書讀

江 上 聞 篴 華亭 作

情。 好 7,月是 何 不隨琴與 處 水邊 笛 聲 鶴 明。 起, ,天地此身輕 孤 才 舟 薄 人 妨 夜 王 清。 事 時 秋 平 還 逸 江 宦 上

送吴節推

考績

已下

家

勞。 静、文隼戾 白 吴子今辭 頭 搔 秋 更短, 高 滿 無計 天 萬 風 口 舊 動 探 攀 緑 平 號 濤 日 法 年 星 弼 澄

教

夜

野 外

依竹 野 外全 聽 泉聲。 無 事 出 珠 樓 粒 稱 香 懶 宜 人。 晚 9 瓊 杖 漿 雲 老 憐 更 菊

親

交游漸日遠,

飄泊信吾真

瘦

翠 微 洞 贈諸 子 枉 顧 六 首

偶, 塵 玉 夢定 洞 雲 須 長 寂 劉 玉 樹 郎 今 兼 又來。 秋色, 瓊 仙 芝 緣 當當 真 酒 不

杯 丹 書 霞 室 秘 何 H 共 參 裁

消 水 騎 愛君 馬 歇 上 留 知 青 莫 音 得 霄 調 明 攢 珠 日 峰 露 異 玉 清 今 洞 能 朝 饒 渴 丹 攀 霞 龍 飽 踰 易 白

簫 妄, 仙 不 何 跡 妨 事 只 傳 從 渔 妙 劉 樵。 道 阮 飽 來 我 飯 尋 舞 睡 玉 蒼 兼 洞 龍 饒 遥 劍 0 君 塵 吹 心 紫 多 鳳 幻

樽 種 遠 此 道 心 Ŀ 亦 如 逢 能 有 黄 尊。 悟 石 塵 江 市 東 洞 即 味 窺 龍 紫 丹 門 蓴 竈 披 卿 雲 家 向 原 酒 有

來。

浮

生

惟

有

醉

莫待

菊

花

催

開 别 菊 不忘今 每憶 月 此 澄 重 江 來。 旬 兼 苦 懷 海 詠 誰 雪 憐 才。 溺 清 桃 尊 源 白 曾 汝 惜

日

意

歸

築

望

仙

濃 路 遠訪 不 汝 須 是 翠 吾宗 崖 微 外 中。 慕 彦 虚 超 洞 静 然 古 是 類 雲 仙 碧 泉 風 峰。 寂 Ш 不 深 資辛 松 風 桂 同

九 日 登 淩 空 閣 限 杜 詠

閣 人坐斗 久貯 登 中 高 寒。 興, 今 未 朝 可 始 爵辛 盡 沉 騹 醉 焉 崖 能 懸 免 天 脱

畔

望, 冠 兹 黄 自 閣 花 有 傍 登 期 雲 不 臨 開。 負 勝 白 肯 何 歲 勞 負 幾 更 尋 同 築 出出 看 臺 興 還 此 期 Ш 載 當

偶 暉 得 側 高 醉 身 會 口 臨 人 忘 北 能 歸 極 幾 雲 浮 細 团 生 菊 媿 太 飱 朝 劇 朝 衣 微 露 西它 合 顔 歡 映 原 勺 不

淩 空 閣 首

冷, 星 縹 漢 緲 近 懸 床 崖 移 閣 秋 只 風 有 勢 神 欲 仙 危 侣 還 同 霞 猿 侵 鶴 座

酒

品

四五.

九

嬉。未須論辟穀,芝菊自充糜。

氣 百里 子 有 著 Ш 遊 水 絲。 癖 探 石 出出 裂 恢 雷 所 長 期 奮 Ш 九 陰 天 霧 澄 作 爽

帷

老來

貪

便逸

敢謂世

相

違

?

中 豹 懸 涼 勝 瀑 風 境 舞 衣 千 蛟 袂 年 薄 龍 秘 一六月 出出 語 棲 接 灑 贵 神 秋 偶 霄 風 逢。 近 群 攢 超 崖 蹲 世 虎

邵 武 刻 猶 行 存 臺舊 大 次其 有澄 韻已下 心亭尋 洲 燬 閩 作 於 火而 亭之詩

散 天空瘴 春 霖 臺 霧 坐 埋。 一寂 風 E 光 到 悦 無 花 懷。 鳥 春 日 意 出 足 浮 根 雲

荄。

無那干戈慮,躊

躇立

斷

階

清明

緣。 與, 臺 共曆墦郭祭, 寒 坐 食 思 春 茫 當 然。 暮 獨羨子 風 楓 暄 柳 花 藏 推賢。 鳥 新 天。 火 溪 齋 Ш 居 戀 慚 舊 不

出郭訪陳惟濬西禪寺

组 鳳 無 出 妄 杯 郭 歎 銜 探 牽 落 禪 牛。 日 寺 借 風 竹 别 花 木 未 贵 春 能 浪 深 留 遊 暗 禽 餘 魚 輝 地 争 僻

贈書吏汪廷卿告病歸省

病 抛 老 案 母 竟 歸 辭 心 歸 切 微 灘 名 石 到 舟 手 航 遲 險 烟 經 花 春 常 衾 卧 枕

移。相臨旬月義,不盡一杯持。

峽江公館次韻

碧,雲 修。 駑駘 傳 濕 舍風 萬 須 Ш 力 當午 頭。 盡 當爲 時 世 同 道 主 僕 嗟 恩 馬 淪墜, 子 休。 塵 陰 途 連 益 千 阻 樹

夜宿深青偶題

Ш 木 法 驛亭今夜燭,千 歷 斁 遍 訟 漳 刁 南 頑。 路, 民 调 里 憶 風 雨 日 全 斑 見蠻。 無 斕 暑 開 瘴 雲 深 便 叢 有 竹

邀陳惟濬

仙客之何處,冥冥蜃氣樓。誰知浮海

亭坐有懷簡豐五溪學士

出出

蕭

蕭

鳴

馬

去

一、千里

致

相

求

歎

不

爲

辟

人

謀

病

怯

炎

蒸毒

居

宜

寺

觀

墨 騫 聽 碧 莫倚 雨 Ш 自 懷 孤 移 亭坐, 學 尊。 士 逸興 叢 當 驅 道 欲 鳥 豺 誰 雀 狼 言 喧 泣 ? 清 乘 秋 出 鷹 頻 隼 灑

臺夜懷南野

牀 世 多病 南來 獨 夜 只 行 鴻 懷 雁 臺 鄉 三静 少, 何 秋 梧 處 風 影 望 細 疏 周 葛 庭 行 涼。 露 ? 蟲 迂 聲 才 徒 近 客 感

四六

夜坐懷明水

吾 樹 苦 況 别 熟 兹 後 歎 風 亦 秋 月 多 菰。 夜 病, ,浮海 南 何 來 以 共 書 超 乘 札 凡 桴 疏 俗 相 渴 期 懷 事 依 故 玉

校文

平。 運 入彀 未 桂 應迷 子 奮 香 秋 五色,何處更持 風 英。 合, 文 咫 章 尺 事 昭 品 天 衡 評 監 虚 開 明 科 湛 承 景 水

賦得

復 歐 秋 蘇 風 品 横 第 獨 優。 鶚, 何 志 處 公天日 羨 全牛 照, ? 縅 秦 秘 漢 鬼 文 章 神

秋懷二首

出

桃

李私

恩植

1、誰當

爲

國謀?

病 賦 暮 倚 雨 中 祛 宣 殘 樓。 暑, 涼 Ш 風 谷 薦 芝 早 蘭 秋 秀 鄉 渴 袁 蘇 芋 司

栗

馬

短髮西風裡,羈懷落葉前。收。陳情今有疏,役役用何求?

未

堪

驅

病

田。溪山讀書處,芝菊正秋妍。骨,況已近衰年。遠到知駑力,歸耕可

除前二日次黄崎鎮

明。 興, 況切 晨光予 風 鼓 濟 潮 111 利 聲 涉, 情 急, 渺 依 帶 渺 Ш 雨 去舟 暫 蒼 息行。 雲 輕。 顯 摇 久 天 餘 白 觀 浪 海

薄

連江道中口占

便。 日 此 驅 尚 行 節 醉 何 連 所 新 江 作 年。 道 處 江 湖 處 連 曠 采 Ш 鳧 詩 亦 鷖 連。 逸 風 我 暄 來 當 花 鳥 落

送方大行還京

定, Ш 使節 況 離 經 合 日 桑粹地 嗟 邊 萍 還 水 花花 攀 高 鳥 留 義 慶 興 驅 斑 未 今 斕 闌 古 清 13: 風 儀 動 天 下 海

宿東峰驛時得寧波之報

病 湖 持 海 斧 渺 經 孤 年 臣。 舊 腰 塞 金 馬 拜 空 命 悲 新 笑, 逵 參 鴻 苓 扶 漸 隱 久

淪

驛當1

風

雨

過,

涼

意

Œ

相

仍。

宿高良寺次見素翁韻已下知晉作

秋。 月, 殘 我來貪便息 兀 夜 馬 此 霜 憑 風 樓。 暮 無 高 路 用老僧留 良 轉 亦 藤 勝 蘿 遊 合 諸 深 天 竹 先

得

木

除夕用别駕許玉林韻

親 病 黄 處處 堯封 堂家 風 同 故 波急 守 貧。 歲, 無因得問 而 松 我 楸 倍 荒 傷 壠 津 神 恨 童 白 僕 髮 異 人 多 鄉

元旦謁三聖廟用韻復玉林

一聖垂衣地,烝嘗屬舊章。春元瞻廟

四六三

長。 貌 學術 執 中 憶 仍傑閣,萬 羹 墻 干 古 羽 有迴 聲 威遠, 光 風 沙 歲 月

送王 稽勳赴部三首

義, 傾 别 蓋 歎 未知己,蘇 萍 蓬。 省 僚三 曠 緣 一月恭 何 事 音 幾 書 人 敦道 竟

通。 儘教神意合,不繫往 來 憧

念

爾

槐

俊,離

違

已十年。

蹇

騰

争

鳳

筵。 覽 老病只 相看情 霞 不 盡 咽。 日有念歸 此 會 真 如 田 夢 無 何 又 别

薄, 敢謂 予有茂 故 人忘? 林 卧, 君 雕 選 斷 吏部 沙 飛暮 郎。 鶯 不 求 大 柳 官 欲 況

黄。

莫須嗟遠别,努力事

君

王。

洪 洞 道 中

遂, 歎世 水溢 竟 傷 如 中 何。 夏,新 可 秋報旱多。 但 疲徵役, 仍 禳 兼

年

長

苦

戰

聖 節 有 述 戈。

無勞問

津

者,吾意久逾

河

舞, 廢 É 病 簡 幸 迴 招 丹 尋。 殿, 廿 仙 年 聖 違 寧 寸心。 居 寂 高 拜 玄 瞻 敬 同 禮 譟

深。

龍飛堯舜

業、敬

有遺

箴

論 詩

頌 大雅 一歎憶 今何 虞 桐。 在 微 開 風 世 里 羅 巷 \equiv 中 極 超 言 神 合 存 大 魯

虚亭家 學 舊 況 近 杜 陵

九日 登 中 樓 用杜 韻時王孫各以 茶 酒 相 遺

來 勝 風 暫拭 百 烟 年 傍 干戈淚 看 H 菊 開 會 清 此 乳 樽 地 曾 妙 共 翻 舞 登臺。 雪 催 獻 春 樓 向 閣 些 大 金 人

壬 寅 臘 月十五日

風 ,白髮竟 誰 去歲 憐 今朝 麋 何 鹿 從? 性 到, 一,豐草 今年 保 障 只 歲 思 河 東。 東 窮。 H 丹 飄 蓬 心 冀 曾 北 自

除 タ 僚 友 集 衙 廨 因 壨 往 韻

歲 盡 燈 前 夜, 春 П 帖 土 神。 鶯 花 趨 爛

舟 中 望 巘 山已下被逮

地 翻 ト築渾 速 楚 人 大 行。 爾 依 亭 棲 閣 舊 巖 結 烟 暝 琴 豊 書 知 商 洞

次 廬 州

晴。

Ш

靈

須

毖

護,

莫負歲寒盟

月

隱

居。 地, 相逢 賴有 昔年 太 持 重 不 瞳 玉 如。 主 節 鄒 今 是 陽 日 非 欲 卧 惟 上書。 人 我 車 在 功 同 罪 此 竟 經 何 過

自

親

熳

魍

次定遠

消 縣 仰 行 荒 負 吟霜月 落 聖 人 明 家 夜 朝 少 白 風 保 [髪短 沙 障 去 功 蕭 路 何 蕭 遥 在 萋 奔 菲 馳 謗 定 遠 未

早行有感

遥 力 此 旅行 餓 日 莩 累 無夙 生 清 誰 夜 朝 造, 況是逮 腥 霜 膻 印 氣 板 臣 自 橋 軺 消 跡 鷄 當 鳴 年 荒 出 杵 死

聞鵲

願 知 鄰 幾 鷄 禽 分 鳥 曙 先。 色, 喜 風 鵲 霜 噪 欺 簷 病 前 骨 歲 望 月 赦 近 人 除 人

波

惟有

逃名者,冥飛

奈

爾

何

地

亦

風

轍

動

何

驛夜同劉文中姪乾對酒

年。

相

對

劉郎

語

傷

心

泫然。

春。三人同 力, 患 被 難 逮 見 寧 交 ... 非 情。 起, 罪 談笑 威 食 刑 少 兩 亦 那 經 至 能 旬 酒 9 天 木 寒 窮 只 知 望 學

登車二首

冒 應是日 車 陸 罪 南 之 人 魁。 怯, 況 騎 兼 逸 衰 塵 病 飛 摧。 電 輪 自 翻 慚 地 功 轉 本

雷 濟 懸 無嗟心 陸 車 行 禍 兹 更 力戦 發 多 軔 0 感 春意近 仰 歎 天 楚 嗟 江 狂 播 梅 歌。 蕩 平 卧

河間聞高玄火災

哀 造 終朝 九 物 廟 只 勞聖禱 方 嬰 新 孩。 建, 高 土 念望天回 玄 木 又 何 火 時 災。 已 瘡 堯 痍 湯 秖 曾 É 水

官橋早發

清 歷 試問 歷 枕 聽 官 何 鷄 橋 曾 鳴。 柳,何時 着 逡 桔 巡 孿 復轉青? 又 添 Ŧi. 客 更。 絆 星 紛 月 紛 助 戒 霜 行

鄒

縣

孔 從 運 舍爲 啓 真 生 元 軻 會 絪 芒 緼 極 育 恩 太 常 和 在 配 禱 天 尼 功 先 不 降

東河雩山居

磨。

采

蘋

徒

有

願

械繫此

經過

情。 店 無嗟 曠 吠 野 忽 勞 聞 與 家 聲。 辱 少, 此境是良朋 單 邂 車 逅 獨 窮 夜 途 行 主 0 跫 火 然 明 逆 疑 旅 有

宿瀛海驛

家。 月 風 瀛 去 П 海 鄉 雁 欹 Ŧi. 孤枕 起 千 沙。 里, 燈寒月 此 月 身 逮 寧 影 程 有 斜 賒 著 到 霜 處 落 即 鳥 爲 啼

次阜城用韻

止還須止,欲眠竟不眠。浮雲去渺

得

蟬

遷。 渺 寒 百 月 年 落 那 娟 可 娟。 計 多 逆 難 旅 聽皇 身 如 天。 寄 滄 桑 跡 屢

聞 楊 詔 獄 斛 Щ 柱 史劉 晴川正郎 周 訥溪 諫 議 釋

毛。 全身念 歸混 漁樵日 聞 爾 復 勞。 釋, 風情莫甚 喜 艱 極 貞 淚 存 沾 虎 高 袍。 尾 勳 刺 譽 舌 等 思 鴻 今

聞 黄 洛 村 轉 刑 部

勞。 貴, 星應 何如 昨 H 貫 邁 傳 城 種 除 德 高 目 千 聞 冰 載仰夔皋 君 蘖 轉 秋 法 臺 肅 官 班 書 聯 夜 華 燭 省

鳩

生。

向

來

出出

澹

意

攘臂爲

誰

驚

翼

切

夕

陽

聲。

風

月

眇

軀

殼

炎

涼

適

死

爾

何

孤

潔,

栖

雲

抱

露

華。

輕

盈

晴

苑

比 呼 翼 急 謾 何 相 爲 征 者, 貪 計 天 拙 妬 巢 雨 居 晴 鵲 遷 點 喬 頭 友 如 愧 有

鵲

潤 飛 朝 鳴 來 天 何 地 事 寬。 喜 唶 星 唶 橋 向 成 簷 雅 端 會 風 毛 牖 羽 計 霜 .偏 烟

鶯

西

生雲樹密,

何處

不

宜

生。

安。 愧 爾 先 幾 哲 1,空增 仰 屋 歎

歸 燕

稀 序 哺 明年春色早,莫忘故 舊 子 壘 竟 從 無 蛛 依 網 翩 對 語 翩 别主 聲 人扉 逾遠 歸。 群 知 飛 時 影 曾 故 失

答戴 子問學次韻

侵。 潛 寄語 虚 窺 明 天 澄 了心人,平旦本 地 夜 心。 氣 萬 動 籟 中 寂 有 無箴 銷 不動 沉 外 不 物 犯 纖 何 能 毫

秋 意 首

秋 意 何 所 見, 井 梧 葉沉 風 凋 逮 臣

聞 促 織 有 感

傷。 寂, 風 天機神股翼, 促織 詠助 阚 更長。 何訴 喧寂異炎涼 淒 客夢 淒 H 何 曾 近 床。 穩 秋 月 懷 明 益 添 口 夜

别 戴 子

吟。 義 情 明朝 此 亦發 地 具 把 君袂 衷 隻眼 心。 何以報 平. 坐 居抵 究 危 知 萬 微 音 金。 藴 交 汝 쨈 能 長 敦 古 短

砧 動 故 袁 心。 遐 矣 乘 槎 興, 悵 然 抱 膝

吟。 誰 嗟 吾道 厄 天地 沾

驚。 影 白壁終然在 青陽方税駕,大火 吟月下 聲。 ,黄金價亦輕 虞羅 又 何 西 日 征 解 客 雕 夢 度 霜

幾

回

前

生

日

景, 風 明 念此 晨 滿 理 劬 前 歸 勞 111 棹、深卧 H 斯 短 文 鬢 薜 木 浮 蘿 辱 名 期 年。 累 長 鶯 江 花 春 遲 夢 淑

錫 Ш 舟 中 簡 萬 鹿 袁 總 兵

施 道 荆 西湖烟 文 水 武 每 推 傳 景 全 詩。 好, 德, 逋 當 寡 隱 今 欲 久 萬 求 相 總 仙 期 師。 侣 輕 石 財 蓮 學 嘗 佛 問

西 湖 贈 吴 方士 已下 樞 府

早 波 隱 夕 西 陽 湖 多 上,仙 刻 遊 棹 近若 迴 瑶 何 ? 騫 江 槎 涵 泛 秋 玉 意

緣。

平.

生

修

潔

意

空羨

玉

爲

鮮

每

誇

接 臨 汾 王 湛 泉 適 聞 早 鶯 賦 以 簡

河

投竿

終

有日

,共聽濯纓

神。 黄 誰饋 鶯 金 聲 百 河 何 鍊 汾 處 鯉,長 身。 起, 緑 遷 懷代木人。 暗 喬 上 那 林 有 春。 意, 求 出出 友 谷 總 經 傷 年

秘

部 鶴 有 折 翼 者 長 鳴 省 署 哀 而 賦

我, 空有 折 翼 羨 胡 長 爲 年。 爾 長 雲漢 鳴一 無 憮 歸 然。 路 風 自 塵 憐 落 非 俗 故

分, 緣。 垂 羽 憶 翼 毛 昨 E 何 雲 經 足 飛 年。 惜 日 最 天 靈 愛頂 空 有 適 思 丹 自 咸 鮮 然。 若 瑶

乘

軒

贵

子

池

夢

舊

霜 翮 健 萬 里 幾 超然。 誤 落 羅

緣。 手 淹 問 留 訊 省 良 署 醫 年 折 能 乘 П 風 枯枯 徒 木鮮 有 意, 度 海 更 無

予多病形容日枯槁 韻 謝 知己 相 對 每 用 惻 然 用

簡

緣? 己,道 誰 不堪秦越視,袍拭淚痕鮮 義 復憐 亦 多 予瘦, 年。 竊 而 君 禄 獨 爲 惻 身 然。 累 虚 痌 名 源 贵 如 福 在

贈 官 民 歸 永 豐

輟 ,采藥意 念爾 來 偏 何 長。 事 憂予 人傍雲霄去, 老 病 狂 身 愛 霑 Ш 情 同 露 暫

香

柴桑如問

訊,

短髮盡成霜

石 JII 醉 叟爲 泰 和 尹 翁 題 已下 致 仕

作

雅 有 柴 桑 嗜 猶 然 得 老 閒 团 雲 便

還 西丁 洗 坐 耳 看 聽 潭 潺 裡 影 湲 風 月 映 從 酡 拈 顏 弄 鷖

鳧

自

往

酩

懷 爲謝 維 世 題

心。 盡 餘 念爾憐親意,終天恨 乾 生夢 坤 古 寐 芒 深。 極 慈 花 13: 開 思 猶 不禁。 何 愛 任。 H 葉 百 落 歲 更 光 傷 陰

菊 丘 爲 西 賓 王 汝 執 題

,雲影淡 天 地 如 秋芳。 許 寬, 夕 飡 E. 聊 樂 自 我 藏 飢 獨 出出 嗅 閴 飫 遠 天

俗

香。 人 苟 知 É 適 ,處處皆柴桑。

Ŧi. 言 排 律

送 王 節 推 考 績

平。 生。 程。 并 浄 明 横 病 苑 会 朝 登 種 士: 寧忍殺 電雷 績當 彙征 畫 王子金閨 行 仙 竹 空 雨 舫 鼠 酒 羨 有 重 厪 書 新 魚 餘 盃 爾 雀 鄉 遠 龍 最 爲 執 行。 清。 争。 評。 傾。 避 考, 邁 媚 法 彦 蘭 文 政 能 冰 經 舄 吴 金 下 剖 臭 旛 己 今獄 矢三 蘗 傳 楚 鳧 車 竹 憶 隼 及 舊 玉 雲 東 長 司 同 鶚 用 家 署 瓜 外 年 南 泣 民 情。 聲。 英。 盟 驚。 成。 逸 得 罪 别 命 乾 氅 權 更 出 植 分 才 枉 秋 道 名 道 坤 衡 獨 風 鶴 祖 槐 息 荆 曾 道 江 月 憐 九 敷 夜 豺 弼 魁 漢 中 品 遠 加 義 子 求 狼 教 蓺

百

被 逮 發 恩 江 鄒 東 廓羅 念菴 諸公追送 玉 峽 耦

耕

忌,

古

道

未

宜

名

不

負

相

期

久

他

年

百

城。

衒

徒

違

己,

行

藏

利

永

貞。

直

躬

多

見

壁,

空

Ш

乏

報

瓊。

足

微

光

照

乘

須

重

價

連

賦 别

佩 風 斷 心 9 追 囊 死 禍 送 傾 生 患 意 付 陸 勞 無 賈 流 知 窮。 水, 己, 空。 身 怔 兀 兹 世 怔 馬 行 等 痛 深 余 飛 在 Ш 自 蓬。 躬 月 勉 劍 遍 驚 不 舟 解 聞 負 延 逆 魂

此

陵

浪

欲

763

柬 謝 小 湖 學 Ť 南 野 宗伯 石 淵 司 寇 洛 村 主 政

某不 穀,行 寡諧 世,學未宜 人 謬 以 虚 名 憎 44

四

七

矣! 於 多 T 死 濡 足, 身 口 年 生 也 情結寸 以 不 + 憚 故 乃 誤 月 變 嫌 見 蒙三 草, 望 出 勞 交 匪 情 力 數 徬 夷 家 戴 君 徨 災 鄙 萬 子 廟 朞 鈞 生 人 歲 過 展 鄙 無 不 信 始 妄。 庸 幸 平 詞 有 生 欽 志感 今日 而 勿 幸 若 論 有 非 恫 喪 天 以言 昔 家 此 在 闕 人 躬 亦 幾 來 謝 謂 足 寒 不 也 星 多 裳 免

熙。

獨

引

調

羹

手

牢

懸

繫

鼎

絲

東

班

出

頭

地

西

苑

託

心

期

半

夜

留

魚

鑰

中

官

索

藻

賜

懷

虚

前

席

答。

龍

箞

克

燕

寢

魚粪

閣

佇

鴻

0

詞

摛

文

朝

秃

穎

倒

膽

日

傾

葵。

恩

治

E

方

暮

函

封

柳

院

縻。

杞

憂

雙

鬢

短

帝

載

萬

年

椅

禮

恭

勤

叶

握

貌

瘦

益

委

蛇。

退

食

花

甎

扆

臺

斗

燭

彤

墀

煉

石

維

鰲

極

驚

天

起

鳳

琴。 使, 嫗 金 意 巖 楚 雲 死 摇 客 扉 峰 筆 生 對 訝 出 嗔 愁 陸 晚 何 鳥 吟。 岑。 沉 调 甚 道 貪 股 應 出 天 義 夷 # 慚 禍 白 悲 誰 鮑 年 更 獻 捐 叔 深 心。 璞 力 契 囊 令 空 窮 13 括 負 余 途 露 伯 浲 横 H 口 老 抱 誣 牙 春

上 内 閣 嚴 相公

主

資

元

輔

昌

期

翼

太

師

客

星

黼

甚

愁

阚

爲

沾

音

燒

燭

期

看

劍

啣

盃

慶

盍

簪

衹

應

輝 衰 颯 遂, 儀 惠, 私 辭。 有 斯 翼 危 迁 ? 桐 新 千 再 清 迴首 虚 釣 語 疏 春 造 載 朝 名 古 釋 重 世 九天 多 春 慚 應 蓍 所 凍 時 雨 П 薦 遲。 嗤 上 澌 龜 遇 筆 露 剡 長 \equiv 風 唾 廣 蠅 下 鵲 頓 風 高 驅 核 厦 聲 體 啣 拭 萬 後 網 亦 咸 采 惟 楚 殊 里 代 根 解 葑 需 人 半 寸 吹 垂。 蕤。 維 詩 草 淚 極 庇 9 門 松 虎 長 白 落 兼 保 游 墻 吟 履 壽 H 金 曈 敢 渺 與 梁 符 輒 余 飛 何 翼 難 麥 父 冬蛙 垂 孤

觀 魚次韻二首已下巡閩作

生育資元化, 魚 蟲自 「妙機。 穿 蘋 如有

適 躍錦故相依。

好,潛躍得新詩。 昔會濠梁意,今忘爾我知。 小亭 風 日

午息江東驛次一 溪韻

曉 發深青程,午 餉 江東驛。 自笑人生

浮,渺渺飛蓬跡。

Щ

度 行巡閩作

願言 暴。 兹再 謝相公節重到。 浮,石實泉花灑 泣豺狼,長林安得狐狸 茫咫尺不見人,前驅隔 造。 鄭新不生貪暴絕,免得玉斧馳風雪。 早冬大熟前此 寒雲凍霧山 鄭 新老賊 衣帽。 廿年荼毒 蹊暗,獨 無,白飯黄鷄安老耄。 犂窟巢,府 嶂雄 號? 荷 肅 氊翁嫗雙跪言, 無所告,幸離虎 呼 旌 江梅 噪。 旄 縣 勤 食 忽忽暗 於時 遠 人祛 道 奔 貪 香 爲 遁 П 濛

風

沙已下被逮作

烈 風 揚 沙蔽空起, 白 書荒 原迷尺 咫.

四七三

荒 盈 虜 乎 何 手 \equiv 木 麻 渚 禍 倖 由 功 功 始 所 厲 足 烈晉 何 倚 薰 凍 足 酸 心 陽 以 战 人 欲 卑. 行 虚 生 僵 如 名 止 禍 誤 彼 承 雙 由 福 革 詔 眸 人 無 薦 賑 旨 不 昏 定 荒 剡 曲 澁 期 動 小 東 己 開 今 惠 獨 Ш 難 皇 病 之 紫 嗟 視 堯仁 寒 出 哉 福 流 胡 身 淺 此 禦 分 文 禍 爲 聯

望嶽

求 抱 僧 隋 道 絶 落 遺 所 厄 通 百 模 經 如 畏 岱 天 世 宗 擬 究 於 地 絃 道 終 教 嵯 王 歌 有 詎 始 無 峨 有 廢 魯 知 窮 鍾 孫 興 侯 未 早 靈 子 日公日 己 戰 發 年 粹 駕 或 行 業 是 眇 止 臧 春 大 真 舉 7 倉 秋 聖 詮 竊 1 至 狙 俱 大 糠 子 今 堯 塞 賢 粃 無 遺 舜 龍 否 相 所 紁 化 翔 相 繼 知 歲 傳 少 蠖 陳 起 旁 曾 惟 尼 屈 蔡

> 多 静 平 理 H 此 + 檻 定 日 阚 佛 年 本 之 車 夏 詆 經 先 氣 首 不 禪 闕 天 幾 聞 連 竅 訶 者 里 不 Ш 無 靈 諸 希 堵 商 所 虚 説 釋 無 首 避 如 紛 如 人 聲 藏 騰 有 愚 倘 臭, 平 啓 混 獨 姬 荷 生 口 得 0 周 皇 塵 真 良 異 惟 特 天 鞅 寂 朋 顏 首 隔 獨 原 鈍 子 潛 孔 基 賴 根 龍 林 辨 周 萬 百 磨 碷 程 今 心 化 谣

釋 三 人

將

當

有

地

夫子 鴻 書 冥 冰 鳳 覽 告 玉. 人 災 姿 杳 Ŧi. 肆 然 載 風 赦 口 去 月 自 出出 襟 我 天 拘 懷 來 下 講 聲 迈 愚 星 影 易 忠 渚 不 狂 談 知 直 耕 處 詩 皆 雲 蠲 釣 弱 更 除 月 西

0

四七

Ŧi.

忘 有 餘 酒 閑 醒 鼓 醉 腹 後 歌 元 虞 城 唐 宜 鼾 睡 0 嗟 哉 主 聖未 口

大安人忌辰

來 塵 妻 變 壽 E 明 守 撲 負 域 河 丘 撲 珠 \equiv 新 痛 東 木。 迷 遷 惟 開 保 猶 雙 兹 菽 心 障 恨 目 水 辰 勞 毁 投 歡 天 爲 傷 杼 他 降 僇。 臨 八 翻 時 酷 + 深 貽 肆 火雲 谷 屢 慈 南 赦 至 顔 冠 沐 毒 聖 辱 奄 皇仁, 獨 日 門 棄 抱 貌 縲 昔 禄 向 松楸, 短 聞 絏 隅 髪 罪 薏 斷 哭。 歸 黄 口 苡 機

紀異

拘 人 駭 夜 聞 寤 紛 有 喧 聲 豗 自 余 西 來, 亦 攬 奔 衣 騰 驚 震 且 撼 頹 顛 欲 聖 摧 皇

> 災,吁 精 何 所 禋 荽 奠 嗟 九 口 無 垓, 測 乃 兮 造 祈 杳 物 天 乎 直 西 遐 嬰 苑 哉 孩 久 ? 未 П 東 南 坤 獻 瑞 道 弗 西

> > 報

痙

子月廿一日志感

封 萬 郊 宵 朱 銅 悲 札 以 手 胥 驕 辛。 僵 旰 紱 咨 垣 焦勞 胡 憂, 姓 康 衣 鐵 相 脚 去 些 今年 慶。 名。 年 無 短 壁 凍 老農 七 評 褐 bK 所 行 今 月 晉 保障 逞。 此 吁 峥 不 H 紆 謂 亦 日 胡 嶸 得 抵 謀 陽 是 抱 復大雪, 名 卷 械 況 猷。 當 金 之 鬚 髮 揚 甲 擊 年 城, 患 眉 凋 復 霜 爲 霄 崇墉 樂 憑 羞 髭 桎 黄 罪 日 遁 誰 念之痛 虜 斷 梏 雲 並 仍 人,余聞 深 掇 稱 倉 指 孿 萬 戒警,五 塹義 ? 虎 推 皇 幾 鐵 心心 臣,天 里 章 奉 脱 繩 几 雪 聲 此 薦 檄 郊 振 漫 如 七 早 子 剡 出 多 語 道 割 提 遺 承 壘 添 降 路 西

紫雲 休 轟 久 雷 看 命 宸 巖 公 、天子 壑 論 冰 驚 皭 弱 然 逋 萬 風 吏 申 年 流 歸 稱 平 烟 伏 聖 散 生 枕 明 傲 靈 蒼 岸 曦 蠅 昇 派 白 相 壁 金 嗔 成 鷄 貝 飛 白 錦 出 H

東 湖 行 寄 謝 陸 都 督

持 鼓 裘 人 住 朝 人 壺 水水 枻 盈 不 遥 此 看 微 早 皇 指 抱 浴 東 檻 畢 客 寄 寐 避 奇 H 湖 H 澄 語 氣 天 水 金 日 星 清 草 誤 門 吾 與 空 遂 胸 志,不 堂 臨 上 銀 飛 極 藏 湖 太 九 漢 鳧。 人 雲 暮 上 液 弱 羨 通 間 夢 取 Ш 夢 當 虎 天子 貴 兼 明 扶 豹 年 滄 許 涇 珠 桑 嚴 衣 浪 呼 身 釣 渭 月 倒 髣 錦 山山 此 來 竿 窟 影 還 衛 日 侍 髴 擲 中 馮 未 玉 漁 半 去 自 應 夷 歌 夜 倚 龍 主 閑 宫 聞 貂 行 蓬 飛 人

> 七 言 律 詩

寄 徐 少 湖 大史華亭作

左傳》今 E 誇 成 千 癖 里 捷 德 蓄 咻 前 齊 言 須 始 諒 稱 數 年 儒 迁 0 小 壯 文宗 莫 0

,

0

空冀

教

嗟

老大

格天

勳

業

及

時

鄙

九 日 登 凌空 閣 限 杜 韻 三首已 居

絶 自 信 頂 衣 林 出出 堪 懷 F. 振 便 如 老 織 露 甫 撥 吸 難 天 敢 寬 香 辭 夢 涂 偶 亦 炭 共 寒 坐 高 朝 登 白 冠 髮 縱 哀 風 驩 殘 高

我在,幾人青眼久相看?

惟

真 有 萬 得 待 木 所 爲 盡 天 從教 湮 隨 高 著 楓 露 葉 下 白 風 下 清 髮 月 如 H 無 許 相 樽 端 催 任 聊 飛 往 爲 閣 來 菊 高 花 縣 老 開 最 我 上 於 江 弦 Ш

群 岑 岫 蟠 金 雲 玉 浴 偏 興 繞 爲 爽 杯 氣 出出 高 盡 人 臺 何 萬 出 欲 妨 峰 奮 再 羅 烟 飛, 典 樹 列 衣。 效 猶 光 靈 宜 聯 倦 暉 車 0 鳥 馬 清 歸 發 秋 熹 良 Ŧi. 微 會 巚

和羅達夫洞中見寄二首

匡

Ш

洞

須記

迴

旋

Ŧi.

老泉

寡 \equiv 術 徑 貧 草 野 禁 深 堂 得 春 無 希 欲 事 盡 書 世 常 無 眠 能 庭 老 花 塵 亦 落 事 然。 室 何 如 曾 安得 懸 到 眼 可 謀 前 生

西

湖

棹

自信

清

泠

不

媿

前

玉洞花明柳欲眠,群峰夾洞水流前。

羅

太

史,及時

相

對

聽

鳴

泉。

羲 虚 烟 皇 名 霞 夢 曾 得 主 幾 人 許 枕 一群遠 宫 鏡 商 中 奏 雲 華 檻 髮 樹 泉 任 影 情 皤 然 落 日 鶯 懸 聲 莫 世

上

洞泉吟二首

莫 題 嫌 紅 隨 久 巖 谷 謝 屈 相 杖 人 依 間 清 寄 不 音 記 那 沉 年 得 碧 肯 祕 虚 將 虞 涿 冷 絃 洞 暖 裡 雙 乞 天 魚 人 欲 獨 憐 隱 訊

瓶 朝 宗 羸 無 有 赴 壑 汲 念終歸 奔 綆, 厓 敢 年 海 大 復 行 風 年, 激 險 作 無 甘 常 寒 哀 絃 不 只 食 聽 何 天 更 時 誰 重 盡 憐

謂

?

理

四七七

同中山赴會青原途中和韻二首

重 不 真 體 舍 樂 原 會 何 春 真將 無 風 妨 意 惟 花 臺 我 柳 沂 快 在 浴 鏡 兹 混 非 斯 行, 閑 空豊 人 情 還 衣 有 只 帽 形 共 翻 心 **\$** 好 明 俗 白 眼 就 111 驚 中 流

真 萬 但 秘 古 識 訣 無 乾 水 隈 多 坤 良 術 口 Ш 知 父 曲 榛 月 13: 共 塞 印 行 爲 千 謾 留 行 江 將 情 只 昕 111 此 夕 泳 形。 看 雲 昏 飛 便 明 近 是 不 聖門 道 驚 傳

入山二首

西襄 涼 黍 氣 需 夜 結 黄 驚 廬 菊 風 大 誰 恨 RI 调 人 共 Ш 穿 病 遲 雲覓紫 懷 今 臣 屬 子 芝。 鳥 初 魚 心 老 知 兩 我 負 根 時 之。 催 塵

未能斷,桃源猶有故人思。

皆 Ш 不 非 溪 妨 往 帶 員 几 + 髮 個 除 個 餘 乘 煩 年 參 春 惱 學 同 游 始 出 林 誰 見 家 木 謂 嘉 自 明 朱 花 心 衣 花 反 脱 謬 下 差。 要 换 知 袈 惡 月 外 映

送吕惟敬歸南康

真 風 須 感 有 木 秘 豊 師 週 勝 迴 生 相 愛 悲 江 承 歲 浙 無 臨 晚 兩 負 别 草 我 經 能 年, 齋 暉 爲 兒 何 香 女 自 幣 憐 報 翩 春 翩 洞 妍 遠 學 賁 傳 此 心 行

小閣

涼雲小 世 閣 味 池 年 光 來 浄 重 暖 飽 厭 日 迴 老 墻 懷 竹 疏 影 散 恬 合 投 地 僻

何

何 塵 妨 唁 隔 兼 況 吏 隱, 有 餘 家 杯 貧 送 原 黑甜 不 爲 官 廉 吾 伊 滿 院

曝 背

有 跡 疏 渾 時 狂 無賴 閒 贵 未 讀 敢 有 ^ 輕 涓 雙 易 官 埃 水 \forall 爵 報 東 酒 主 頭 酣 懶 Ŧi. 知 對 病 巚 客 惟 愧 西 甘 心 呼 逐 真 棊。 鹿 是 麋。 負 年 明 來 曝 時 背 踪

長

好

在

一英雄

反

覆

看

呼

盧

草 堂

羲 自 鐵 文 能 枝 意 澄 回 凍 飛躍 外 錯 雨 慕 盆 寒 希名 松 雲 勁、玉 弄 如 晚岑, 安得 畫 朵 謂 參 草 真 差 堂 廉 石 風 笋 景 邇 邊 自 來 相 領 養 恬 取 静

次 中 Щ 韻

疏 静 散 後 宜 有 神 仙 樵 言 端 牧, 俱 合 是 飽 洞 妄, 飯 中 輕 老 居 便 來 笑 狎 無 殺 鳥 用 相 魚 只 如 如 賦《 風 愚 月 子 Ш 虚 短 裘 中

邵 已下巡 閩 作

莞 今非 春 然 來 昨 成 枯 何 木 不 風 笑, 萬 此 教 花 處 煩 出出 發 更 君自品 禽 故 雷 亭, 欲 動 荒 向 時 人 Ш 鳴 群 登 0 盩 之 樵 驚 助 111 興 風 獨 清 景 坐

武 行 次 韻

仲春朔按拿口驛次韻

駑 移 世 駘 衾 情 慚 力 莽 攬 敦 素 莽 轡 食 呼 拿 使宵 # 溪 澄 馬 春 衣重託 清 岐 何 初, H 路 虚 見 紛 萬 平 紛 家 湖 聽 雞 鷓 犬 須 鴣 雜 教 Ш 盡 多 居 瘁 病

福州行臺次韻

苔 長 紅 吟罷 痕 塵 緣 走 誰 側 雨 馬 識 長 遷 源 想沂川 南 頭 掃 北 自 庭 有 春暮天。 白 竹 泉, 影 書 向 埋 世 風 輪 儒 旋 愧 虚 後 枉 先。 新 + 亭 年 憇 氊 午 座

閲城登第一樓是日鎮守邀飲於樓

移 烟 萬 尊 消 Ш 俎 澄 緑 兀 也 海 合 立 層 氣 孤 當 城 樓 捹 老 壯 抗 閑 龍 八 半 獨 風 閩 日 吼 樹 生。 散 花 偶 松 明 然 聲。 几 登 野 眺 主 晴 會 人 儒 好 腥 事 蜃

寄歐陽崇一

未能 羅 产 春 鳳 甘 多 紅 紫 海 病 金 味 飄 文 玉 零 書 何 遠 廢 散 時 離 緑 到好音? 大 兀 陰, 切 + 望 無 孤 雲 聞 吟 心。 感 殘 慨 照 故 深 思 人 沉 天 久 沉 上 住

午 憇 常 思 公 舘 次

韻

視

船

廠

遇

雨

志

喜

儘 愁 堪 翻 便 度 薄 竹 野 海 黄鶯 渡,老農 田 家 濕, 久 訝 先 緑 晴, 破 己 慶 衝 及 秋 林 時 成 白 蘇 鳥 雨 偶 明 足 大 生 出 新 生。 郭 水

霑 衣 好 車 馬 無塵溽 暑 醒

> 虚 傳 食 孤 雲偏 向

役

役

巢

嬌

燕感

歎

飄

飄

寄

此

生。

獨

愧

澄

清

翠

篠

含

風

清

暑

氣

碧

江

過

雨

急

灘

聲

翻

迥

出

郊

因

愜

看

Ш

情,

露

拂

雙

旌

按

轡行。

望 中 ·横。

出 巡 漳 南鎮 市三司 餞於南 臺 桃 花盛開欣

然

次韻

紅 雨 滿 諸 江 賢 啼 共 鳥急,緑 揖 長 亭 茵 别 匝 酒 地 載 帶 王 烟 弘 鋪 不 0 待 偶 呼 大

雙去 霜 節 鶴 迂 刺刺 巡 日 天 渺 驚 渺 見 向雲壺 桃 源 有 此 晑 蓬 梗 不

如

聊

剩

次白 蓮 驛 用韻

自 想 盡 慰 連 駑 旌 彩 旄 簑 駘 獵 雨 貪 衣 便 獵 天遣有 樗 息, 度 散 雲 徑 原 堆, 時 荒 非 口 攬 松 歲 轡 菊 晚 才 賦 冰 歸 霜 笑折 來。 萬 木 梅 耦 摧 花 耕

力

0 緑 茵」, 康熙本作 白雲

1/ 春 日 次 歸 化 道 中

驚 枯 鶴 歲 槁 髮 晚 口 尊 冥 前 年 生 意 誰 冬 冥 共 盡 烟 遥 壽 又 雨 憶 初 濕 隼 江 春, 衣 鄉 旗 巾 有 天 處 釣 末 處 津 未 春 0 歸 盤 Ш 喜 逕 薦 迁 即 新 馳 看

1/ 田 春 從 後 者 由 皆 黄 病 田 詩 冒 以 雨 自 度 誚 深 Ш 窮 日之力 至 古

觀 深 巖 風 竄 頭 驚 補 過 仄 繡 雨 徑 歲 斧 形 叢 晚 懸 絲 遊 Ш 瀑 巡 微 禽 謾 曙 高 洞 自 色,涔 舉 \Box 識 經 霜 春 泥 旄 放 江 小 霧 陳 桃 濕 詩 征 未 嵎 袍 有 虎

由 古 田 度 4 頭 嶺夜 宿幽 巖寺二首

海 Ш 隅 巖 深 慰 憐 草 路 夜傍 木 遶 久 病 含 羊 雲 腸 殘 旌 氣 僧 累 輿 谷 日 探 歲 佛經。 程, 晚 斷 事 雷 4 霆 孤 頭 征 闘 烟 水 हां 客 聲 況 心 冥 暫 書 冥 白 劍

穿林 巖 出出 深 芝 驚 香 黑 菊 鶴 巡 夢 栖 分分 騘 烟 暝, 此 泉 暫休, 涓 徑 茗 夾 破 松 鳴 春 杉 鍾 愁。 帶 何 水 用 塵 流 老

度 九 龍 嶺

逃

空

相

爲扁

諸

天最

上

頭

敢 岐 辭 危 臣 木 塵 力 末 鞅 竭 仍 奔 ? 風 馳 雨 己 疏 + 狂 歲 秋 欲 晚 爲 天 深 海 涯 Ш 邦 尚 誰 謀 阻 解 修 阮 經 生 年 勞 愁。 玉 瘁

列

炬

僧

留

根

似

欲

四

斧慚 無 補 徒 有蒼 生淚 未 收

度 石 壁 嶺 晴

開 春 僕 霽 意 馬 色, 先 飽 孤 騘 桃 淹 陰 柳 歲 Ш 霾 晚 丽 何 隔 滑 按 處更茫茫。 水 遐方, 禽言 巾 袍 間 偏 萍 瑟 濕 梗 簧 野 年 雲 來 香。 只 道 異 晴 緣 鄉 風 江

寧 德 行 臺 次 韻

趂 晴 人 風 驚 碧 鬱 鬱 歲 浪 節 蒼 孤 龍 城 征 見 抱 驂 海 迥 落 Ш 首 日 憶 青 民 鄉 天 居 白 歸 半 鳥 在 口 還 水 憐 雲 賈 池 間 草 市

漸

爆

仍

春

夢

何

日

趨庭共

舞斑

福 寧 行 臺 用 韻

夢 醒 蕉 念 鹿 載 人 風 初 塵 醒 歷 曲 閱 多, 妙 陽春 倦 心 誰 渾 共 只 歌 戀 Ш 花 四 鳥

異 頻 看 鄉 鏡 牽 四 别 恨 + 無聞 漁 舫 何 日 放 滄波。 登臺 舒

嘯

除 タ

眠 不 覺 竹 夜驚 得,焚香臺坐守 聰 明 遊 減 子 荏 夢 苒 愁 屠 殘 看 蘇 更。 日 誰 月 慰 征 異 鄉 簫 情 鼓 滿 蹉 跎 城

今夕 何 夕 更 何 地, 歲 盡 燈 前 是 海

元

 \Box

尊 榮 壺 封 閑 健 兀 書 適 H 景 春 瞻 雙 醒 拂 壽 萬 墻 户 彩 梅 鍾 竹 舞 度 婆 孤 晴 娑 臣 風 憶 遥 長 拜 高 公。 五 歌 雲 不 看 東 盡 劍

正 元 日 烽 火 門 閲 武 微

酡

興、欲

探

滄

溟

起卧

龍

駒 海 連 翻 Ŧ. 風 人 拜 舸 H 新 集 旌 年 旗 朝 動 未 廷 出 星拱 地 村, 震 萬 雲 我 年 雷 來 尊 鼓 閱 角 武 邊 喧 駐 塵 烽 浄 寨 門。 澚 掃

諸

夷服

境

内

豚

狐安足論

登 松 Щ 觀 海

從 乾 洞 由 坤 庭 往 浮 彭 桑 誰 畫 海 夜, 茫 俱 識當年尼父心? 茫 杯 即 勺, 歎 看 古 日 夷 今, 月 部 繋 穹 松 升 廬 Ш 沉 盡 春 帶 日 乘 襟 共 桴 登 便 臨 欲 笑

過 建 善 寺

芹 渾 松 樹 是 煑 相 雲 齋 隼 梵 屯緑 旟 厨 方 偶 王 竹竹 午 過 何事只談空。 餉 苦 外 提 桃 苔 境 花 侵 日 覺 釋 放 殿 子 紅 自 倉 春 皇 運 風 亂 水 打 搬 嶺 鍾 柴 邊

夜 华 有 感 示 諸 生 六

中 有 荆 知惟 原 榛 路 早 月 孝 爲 轉 九 弟 繁 梅 萬 天 文 梢 扶 苦 萬 摇 淵 籟 咫 無 遲 尺 沉 朕 暮 看 俄 老 魚 驚 禪 禽 醉 無 夢 語 憑 深 自 渠 觀 指 堯 心 點 舜

爲 千 從 舉 古 長 業 惟 事 良 親 知 心 獨 端 解 直 將 的 簡 原原 秦 是 易 漢 道 吾 諸 絺 》歎昌黎 師 章 儒 跬 只 琢 步 外 句 馳 苦 誰 支 知 文字 遠 離 在 末 聖 兹 流 賢

良 口 出出 微 1 心 者 勤 寂 何 耿 處 處 擬 耿 神 鍾 築 參 聲 高 幾 贊 人 臺 多 夜 低 豪 清, 九 念 傑 成 墮 誠 却 之 冥 書 冥。 致 端 治 44 J 平。 騐 率 生 覆 誰 生 簣 向

要 知 萬 孔 孟 物 皆 周 吾 程 備 在 眼 須 前, 向 無 慕 形 仙 覓 何 性 用 天。 求 别 無 緣 事

> 岢. 應 忘 有 事 隱 然 還 只 是 昭 子 今

已

參 同 秘 ,莫笑先 生 似 學禪

讀 封 唯 書 建 唯 皆 法 參 曾 心 乎 大 參前 法, 緣 畜 魯 得 原 物 得 絶 不 理 韋 在 堂 人 編, 虚 倫 堂 文。 盡 張 不 典 也 爲 墳 只 當 多 年 我 聞 干 語 禄 諸 井 勤 君 \mathbb{H}

梏 \equiv 六 干 Ť 經 衆 尋 以 易 好好 在 夜 後 庖 多 氣 學 言 羲 何 莫 病 未 如 將 屬 畫 時 萬 子 前, 出 妙 淵 昧 從 康 淵 來 衢 泉 無 字 復 聰 傳 識 明 堯 才 好 天。 白

羅 源 道 中

成 樵 鳥 落 道 唱 寞 早 人 延 低 不 春 緣 見, 經 封 垂 白 境 應自 海 鶴 接 E 雁 愧 寧 雲 心多 羅 書 Ш 何 我 攬 日 奈 轡 到 何 周 青 爰 螺 漸 間 覺 札 吏 13 情 中

哭陽明先生二首

應 殊 人 憐 誰 勳 與 聞 收 星 萬 隕 道 僞 悲 陽 漢 古 諸 明 龍 葛 事 Ш 言 拜 己 我 秘 非 舊 泣 訣 祠 啓 Ш 獨 良 頹 含 逝 知 清 仲 淚 斯 尼 哭 文 吾 後 百 私 戰 死

盛 東 衰 流 弱 奠 不 位 治 盡 門 亂 啣 哀 斯 淚 鎖 文 院 北 命 門, 脉 31. 繫 誰 Ш 乾 知 頹 夫 坤 梁 子 委 難 尊 裂 將 心 修 氣 魂 運 短

同年郭方巖罷官次韻代簡

論

顔

跖

E

死

周

程

今尚

存。

妨

#

久

不

大

多

病

合

投閑

知

心

外 風 物 定 紫 樹 喜 君 真 聲 性 喧 春 夢 耳 静 報 笑 醒 浮 月 初 雲 明 過 花 耕 太 影 釣 虚 照 從 窗 今 我 疏 可 欲 自 共 莫 如 將 君

圖脱屣,洞天深處註丹書。

己丑孟夏予時多病將有乞歸之疏

志

懷

藥 夜 引 裹 孤 經 帰 燈 年 Ш 聲 看 淹 送 病 白 骨 鷓 髮 鴣 春 酒 頻 隨 杯 百 何 人 感 日 世 生 破 那 愁 能 底 城 似 事 鳥 年 青 車空 萍 來

舊 短 長 與 忽 疏 鳧 忽 已 絲 撩 鷖 烟 煩 高 明 侣 人 主 木 不 鐵 聽 簇 獨 面 閩 故 彩 誰 Ш 袁 當 衣 首 情 虎 應 豹 遣 夏 弱 故 炎 鄉 蒸 樗 還 散 同 荒 自 뱹

按莆途中紀事

滿 溝 穿 平. Ш 疋 時 馬 雨 足 按 莆 海 陽 翻 江 村 立 北 颶 村 風 南 張 稼 事 \mathbb{H} 翁

洫

喜

尋 舊 耦 丘 隨 分卧 携 茅 图

荷

笠

驅

牛

慣

老

媚

孫

餉

黍

香

便

欲

解

官

題 院 壁 用 前 韻

馬品 寧 法 病 海 哂 骨 管 魚 暝 看 龍 商 濯 曉 悲 昏 纓 慘 曉 何 雨 刻 割 處 调 陰 聽 道 壼 陽, 滄 從 Ш 浪 草 文 盡 武 木 H 香 妙 刑 弛 書 炎 張 判 暑 押 雷 可 忙 堪 驚

泉 境 得 雨 志

霑 潤 來 我 濕 浹 後 青 翻 泉 雲霓 苗 州 宜 暑 無 不 赤 雨 望 僕 地 己 渴 馬 三月,一 是 泥 明 商 塗 看 霖。 益 緑 快 野 雨 心。 散 徐 黄 徐 莫 金 人 謂 夜 隨 巾 車 袍

寄 題 壺 公

樵 時 此 牧 見 老 文 不 壺 章 應 公 鳳騰 變,草木 長 頂 作 脉 龍躍鬱葳 怪 原 通 春 鍾 海 П 靈 9 猶 雨 石 露 自 壁 姿。 更 盤 多 陀 愛養 奇 間 虎 若 風 溪 雲 知

題 泉 州 院 壁

儲 海 陰 星 連 Ш 月 淩 高 僕 冰 馬 阻 木 流 炎 絶 玉堂空夜 雲 塵 代 氣 攬 懸 轡 今 緑 氣涼 忙, 古 拂 歎 叢 温 滄 篁 陵 桑 帶 風 雨 景 欲 香 是 蠲 他 煩 城 渴 抱

川 八七

午息康店用壁韻

病 紅 擘荔 人 他 驛 鄉 含 枝 渴 翠 聊 栢 自 嚚 啗 午 訟 風 民 嬌 新 非 迴 昨 燕 繋 H 子 馬 淳 故 何 相 妨 責 親 冒 岸 觀 炎 巾 蒸 風

題同安院壁用韻

能

小

補

面

承

天

語

負深仁。

壯 繞 麗 院 Ш 風 百 雲 年 仍 海 澄 過 暑 化 萬 氣 先 物 賢 鮮 隔 地, 明 墻 雨 梧 北 後 竹 斗 晴 衛 瞻 冰 依 詩 清 遠 句 駐 每 旌 方 於

忙

處

得

生

役役是浮

漳州玉壺亭留題

忍 孤 風 持 看 含 斧 桂 群 退 ,擬傍 鳥 食 栢 獸 畫 展 斯 澄 書 匡 暑 耽 廬 民 借 僻 何 ার 静, 日 调 丘 復 池 庭 商 亭 空鵲 周? 涼 欲 噪 秋 肅 玉 清 壺 寡 大 出出 衍 道

閲城登八角亭

迂 夕 緑 陽 南 專 斗 留 高 獨 萬 好 木 立 景 屯雲 層 億 城 皇 地 濕 閱 圖 聯 繫 巨 瘴 東 版 防 粤 歇 章 控 深 潮 遐 Ш 生 方 雨 漲 過 海 涼 孤 溢 臣 清 亭 迴 漳 倚 首

鎮 市 府 之約

赴

留

别

陳

惟

濬

青 江 蠅 鄉 多 有 風 集棘,遂令白 子 雨 真 移 金 尊 玉 機響 莫雲, 道 壁竟 義 相 可 成 當 看 冤 即 羈 弟 旅 何 昆 遠 妨 蘭 飽 共 蓀 笑 喫

臨 漳 飯 ,東北西南是主恩。

相

歡

意

醉

倚

孤

騘月

滿

江

遲留

不

盡

窗

簫

鼓

主

雙。

移 名 船 袁 迴 共 愁 豔 引 病 舞 Ш 秋 林 來 風 興, 覺 烟 鬢 接 錦 蒼, 地 席 看 平 萍 遐 分 蹤 邦 水 能 竹 慰

七 タ 後 日 鎮 市邀 酌 於 4 遠 臺

數家 今何 松杉 似 便 烟 玉 目 野 立 火 望,涼 塵 鰲峰 送冥鴻有所之。 宣遠遠 石 生 磴 紆, 亭 落 榭 日 稱 風 錦 雲 出出 迴 期 河 歌 漢 舞 江 馳 醉 袁 淋 芝菊 臺 漓 倚

十六 夜偕二 司 登 貢 院 淩 雲 臺

781

明 燭 星 主 院 月 未 意 昭 掄 ? 丹 遑 材 墨 前 清 小臣 夜賞 暇 文運 共 於此 登臺, 晚 П 報 涼 天 涓埃。 動 聊 風 草 慰 雨 萊。 窺 尊 側 開 海 席 敢 奎 來。 志 光

八九九

九 日 携 酒 重 訪 惟 濬於 西 禪 限 韻

秋 羞 自 苦 色 見 裡 爲 黄 偶 羈 花 大 蕭 縛 憐 九 蕭 白 日 塵 江 髮 出 樹 抱 西 人 何 月. 風 禪 大 移 烟 得 尊 此 灑 酒 H 然? 敘 他 高 鄉 賢 側 E 想 + 故 浮 年 袁 生

出 按 建 率 時 聞 中 宫之 信 用 韻 自 遣

天 É 病 上 恨 怯 至 無 風 閨 聞 霜 Ш 孤 道 欺 歷 臣 短 歷 口 俯 鬢 去 首 仰 來 益 應 夢 頻 傷 慚 口 情 太 刀 禄 枉 斗 食 生 聒 誰 層 當 哀 城 繫 計 重 支 忽 輕 聞 離

誤 孤 落 木 風 寒 律 塵 雲 П 網 時 歲 白 人 晚 望 憶 首 誰 鄉 H 先 Ш 陽 夢 形 漂 覺 鳥 泊 闘 自 東 ? 知 南 還 欲 嶺 傍 海 雙江 廿 間 年

閲 逝 巡 城 登 黄 華 樓 用 壁 韻

尋

舊

隱

不

妨

耕

釣

事

餘

閑

愁出 含 偶 凍 憇 春 旌 城 隈 先 輿 漏 巡 樓 閱 閣 野 暇 倚 鳥 Ш 依 倒 齊 人 翻 時 松 簿 欲 影 領 啼 夕 何 0 陽 大 乘 西 得 圃 共 未 江 躋

宿 五 臺 驛 次 韻

入,穿雲隨

木下

層

梯

須

梅

隴 志 匡 時 梅 機 學 術 憑 江 ,安得澄清 遠 業 1 寄 慚 支 鷗 離 望 鷺 几 洣 + 遍 烟 俛 秋 九 首 樹 州 迥 人 悔 添 間 將 愁 應 心 馬 跡 拘 # 誤 儒 從 未 欲 頭 有 折

簡 五 溪學士

秋驚 頻 每 嬰遊 看 鏡,慚愧先生學未 堦 É 子 草 髮 念,蓴 全 年 無 來 色, 只 艫 浪 大 雨 生, 切 人 成 故 Ш 好 鄉 蕉 看 情。 更 蹤 有 跡 聲 孤 類 雲勳 浮 菽 萍 業 水

汀 州 行 臺 用 邵 端 峰 韻

眠 獨 鹿 不得 夜搜 夢 浮 萬 隔隔 遺緒 生 家 迷 城 林 去住, 郭 風 短 繞 度 髮 群峰, Ŧi. 孤 龍 更鍾 燈 飛 昭 真 凍 病容。 主 雨 歎 寒 遭 雲只 民瘼疚 逢 晚 殘 松。 心 經

清 流 行 臺 述 事

牽懷抱 髯 風 巢 拙 虎 節 攬轡無能愧昔賢 鶴 野 鸛 猶 經 存 旬 桂 古 事 含 頓 清 市 登, 影鬱 賈 喧 數 霜 騰 家 烟 已 城 近 郭 孤 年 負 臺 Ш 暮 松 偏 倚 老

蒼

民

仲 夏 雨 抵 建 溪

783

蘋 反 水 藻 覆 鳥 疑 願 翻 建 武 天道 飛 陽 驕 城 夷空作夢延緣。 欲墜,野雲濛蜜濕相 下 Ш 雨 斗瞻依感昔賢。 傾 盆,橋 斷 舟 横 牽 病 江 卧 0 泊 未 陰 天。 情 申

0 蜜 康熙本作「密」,可從。

候施君代久不至詩以懷之

惟 舟 病 儲 君 憐 意 消 江 人 來 渴 夏 上 興 何 重 暮 經 當 無 雲霓 暑 風 教 怨 雨 代 徯 頻, 八 切 越 閩 望 瓜 屢 中 期 移 人。 己 衾 負 枕 過 春 獨 門 傷 雪 久 神 速 夜

郊錢留別諸生已下知晉作

受簡 Ŧi. 馬 迁 幾 輕 南 能 塵 斗 諳 細 舊 雨 小 路 聽 草 陽 移 雙 闘 文 鳧 愧 曾 郊 北 記 錢 Ш 出 紛 雲 紛 獨 間 興 使 未 至 白 闌 尊 頭

西

顧

切

老

年

-兵甲

未

應

閑

德安遇九江林節推詩以謝之

良宿 荒 邊 填 離 林 深愧根 野 索 氏 7哭,征 簪 嗟 子 纓 老 蔚 塵 鞍 落 後 南 逆 舊 先, 旅 去 飽 逢 口 寒 迎 年 烟 賴 之 爾 子 探 賢 亦 禪 錚 夜 鼙 就 鼓

遯

西

勵齋王孫瓶插牡丹見寄和韻

高

看 草 繁 花 華 窗 眼 聊 勝 郁 每 賞 郁 自 遣 終 朱 到 爲 門 花開 盤 夢 贈 桓 更有 此 成 松 枝, 徑 敗 憶 奔 老 歸 蹄 年 爵辛 定 香 有 色未 先 時 生 全 别 意 知 是 思

| 參幕府,士招今已愧弓

旌

徐溝紀事次玉林許僉憲見寄

收 真 土 墮 主 木 淚 放 以 飛 牛 來 沙 美 地 嘗 風 人 有 急 他 口 備, 暮 日 是 雲黄, 憶 胡 太 西 兒 平 方 牧 之 横 馬 後 死 疆 更 驕 無 胡 拊 防 萬 髀 骨 應 相 場 看 憐

酬中丞龍雲東雲中見寄二首

君 旌 除 家 旗 [X] 舊 閑 己 尚 斗 快 象 ,自古公侯 柄 鳧 方 屍 圖 雷 令, 豫 驚 作 析 朔 誓 門, 扞 漠 士: 城。 震 兼 兵 天 聞 荒 聲 歃 況 血 復 龍 盟 韜 時 不 H 并 失 閃

星 É 信 斗 雲中 單 長 人 維 騎 天 軍 令最 北 秦 極 代 分明,曾 虚 風 傳 雲 萬 時 里 擁 謂 城 或 胡 西 兒 榮。 匏 未 繫 易 未 郭 平。 緣 公

散粟給糜賑饑有感

俱 移 散 粟 廪 寂 寞 卑 兵荒 躳 微 梁 援 洊 惠 千 求 青 里 星 始 勢 殍 火急公移 信 難 堯 專 支, 仁 炊 病 日 無 博 給 怪 施 萬 斯 人 民 稷 糜 泣 教 阻 禹 難 饑 平 將

悼虜入境

原 屠 起 不 掠 廢 穩 悲 藩 平 陽 靈 垣 開 邑 虚 徒 籠 簡 阚 應 六 命 稱 動 里 白 殷 荒 拆 庶, 鵬 殘 衝 痛 尊 胡 岳 俎 騎 師 愧 年 先 年 爲 幾 事 客 朵 人 兩 頤 間 莊

生女得報用韻寄十一姪

先 和 醉 德 轉 展 厚 枯 報 衰 海 書 年 楊 堪 稊 生 中 女 仙 明 笑, 事 果 月 應 不妨遲 可 光 言 稀 生 天 老 艱 道 螃 子 盡 珠 人 無 家 知 自 也 ? 信 當 子 春 家 風

酬玉林許僉憲聞警見寄

幾 遺 曾 民 聞 竄 胡 將 馬 若 帥 真 驕 馳 無 宵 主 血 衣 刃 何 此 以 腥 地 慰 兵 萬 朝 戈 家 廷? 舊 揮 不 淚 經 哀 共 時 霑 邊 無 零。 闢 那

當

摇

落

逆旅

相

看

阚

獨

青

再酬玉林子秋懷之憶

不 清 能 堪 妻子 江 驚 晚 病 ,謾 戰 憶 肺 伐 鷗 衰 説説 萍 潭 年 丘 迥 胡 袁 蹤 生 不 紫 今 事 歸 始 巚 微 歎 秋 堯 依 收 封 違 蕨 遺 雨 子 年 肥 適 登 相 野 依 飽 哭

聞北虜再入關二首

報 $\dot{\boxminus}$ 狶 明 骨 縱 主 陰 長 羯 胡 風 饞 迸 慘 容 何 空泣 H 易 野 己, 去 血 哭村 還 幾 漁 低 來, 啼 陽 迴 到 之 百 處 禍 災。 誰 重 是 弱 雪 胎 閉 耻 復 無 黄 開 能 沙

弄 璋 納 婿 和 韻 補 賀 僚 友 高 栢

峰

中

秋

憶

故

袁

秋 南 原 侵 員 收 夜 骨 數 傍 銀 葬 胡 兒 河 又傳 點 獨 倚 戎 亂 臺, 馬 憶 若 愁 人 邊 爲 吟 來。 杜 襟 老 抱 貪 才 向 歸 誰 不 未 開 但 盡 ?

文

袁

病

況

也

星

星

白

髮

催。

4

觥

中 秋 月

顰 挑 露 錦 下 誰 天 家 高 女, 落 木 淚 寒, 灑 傷 近 兵 人 此 河 夜 漢 欄 轉 冰 几 盤 壁

眉

鄉 蛩 袁 聲 老 秋 唧 唧 枕清 百 光夢寐安。 年 身 世 路 漫 漫。 飽 歌 芋 栗

> 安 籌 弧 報 吉 淹 屬 喜溢、 協 和 夜 醉, 維 新 熊 詩 高 官 屢 夢 堂 衙 未成, Ŧi. 風 坦 福 腹 月 并 稱 聲 玉 諧 秋 林 清 舞 霜 鳳 押 逾 笙。 險 河 難 莫 錦 平。 惜 席

懸

中 秋 祀 龍祠飲泉上 用 韻

雲氣 共 蒙 長 澄 泉 依 心 客, 細 掬 潭 裊 決 影 散 溜 111 農 幾 流, 家 人 夜 覺 亭 灌 爽 架 疇 到 清 源 音 П 頭 日 首 日 耦 出 秋 耕 Ш

曾

日 伴 泥途 垂 一晚誤 甄 收。

當

四 九 Ŧi.

三聖廟用韻留别玉林僉憲

年

冀

北

共

乾

坤,

 \equiv

聖

遺

中

事

討

論

堪 眇 仗 眇 劍 笑 游 可 春 君 驪 渚 輕 歌 此 猶 雲 别 得 樹 慰 悠 折 離 悠 衝 魂 人 何 暮 H 村 重 移 人 尊 世 浮 烟 萍 鳧

嘉靖丁未孟冬望日被逮别親友已下被逮作

荒 身 心 便 被 何 鹿 逮 狀 豕 家 平 千 原 竟 里, 在 將 昔 吾 萬 聞, 道 死 累 傷 明 人 心 珠 群 日 竟 0 半 毁 出出 曛 伏 遐 波 共 自 勳 仰 信

離

明

照

衣

狗

徐

看

散

暮

雲。

望廬山寄南康守王敬敷

寒 朱 來 拄 浸 陸 杖 中 講 廬 將 宵 堂 Ш 月, 雲 E 迎 滿 負 今有 鹿 地 廿 洞 遠 年 舊 苔 門 興, 陶 滋 + 詩 此 月 社 日 春 日 重 生 過 倘 塵 是 遇 逮 生 天 臣 還 池

次黄梅梅有蓮花峰五祖前身尚在

誰 幾 蓮 能 人 花 悟 探 高 野 H 性 築 木 荒 諸 命 辱 天宅, 荒 曾 老 楚 聞 來 水 口 何 衣 熟 濱 髓 事 尚 長 黄 風 留 梅 老 塵 + 0 衲 月 九 身。 暖 江 如 學 渡 後 絶

謾 風 窮 霜 嗟 途 暮 雲 但 夢 有 却 一繫, 蟄 阮 望 生 江 一哭,青 南 龍 雁 應 過 憶 眼 遲 長 曾 公詩 無 鮑 子 寒 知 鴉 枯 烹 木 狗

臣 罪 當 誅 何 所 辭, 扁 舟 西 渡 戒 寒 澌

入 獄 即

金

鷄

放

況

是

淮

陽

擅

發

尤。

未

須

談

履

虎

道

人

何

用

歎

牽

牛。

兼

聞

近

有

宫

雲

長

繞

高

松秘,

樓

雪

新

融

太

液

流

色

變

廿

載

孤

臣

生

事

出出

人

車

今

H

到

神

州。

孤

雁

欺 滿 赤 載 紱 短髮,長 悲 何 出出 棲 銅 心 柱 辭 自 吟 叢 魏 謂 聊 關 寶 謗 青 身 破 移 丹, 文 4 慨 空 拷 疊 計 訊 Ш 出 那 函 堪 几 弱 體 壁 力孱。 明 寒 珠 風

贵

堪

資辛

北

塞

稻

粱

原

不

爲

南

征

毛

倘

遂

爾

愁

顏

孤

雲

憐

爾

傷

弓

影

Ŧi.

夜

愁

人

斷

侣

聲

霜

雪

曙

拂

星

河

几

野

明

漂

零

雁

帶

霜

横

前

禽

願

萬

里

猶

能

報子

卿。

身侣 恨 聯 曾從 出出 \equiv 人 縲 木, 此 何 絏 傷 地 悲 毁 公治, 更 何 嚴 顏 見 遥 贵 九 一謂 夜 泉。 未 南 央天。 容 面 今 壁 亦然。 冰淵 於 · 今

有

几 九七

789

方 有 悟,死 生 不 動 是 真 禪

獄 中 次 韻

麋 渺 幾 渺 處 迷 循 行 良 轍 曾 重 Ш 自 高 天 許 卧 H 飽 明 八 薇 明 閩 根 照 風 覆 采 盆 至 今存 祝 網 倘 風 全 沙

相

親媚

恐

是前身未了緣

司

馬

藁

蜀

亭

誰

草子雲玄。

刑

徒

詡

詡

己

1

豐

年

兆

栢

葉

那

能

首歲

先

燕

獄

瑞

H

祥

雲

霽

色

鮮

焚

香

遥

祝

拜

堯

天

鹿 性 當 南 年

元

起 荷 君 恩, 贵 謂 無 成 起 禍 門。 謾 草 茅 留

日

贈 馮 南 村

真 索 何 不 共 事 忝 梅 漁 南 花 羅 村 翛 笑 亦 久 然白 波 託 四日 及, 魚 髮 凍 鹽 老 半 常 隱, 神 年 貪 仙 雪 鴻 雲 片 翼 水 咽 阳 相 雲 依 燕 騫 有 趙 兩 遺 巡 風

保

曈

偶

然

阚

東

或

危

疑

可

奈

何

歡

動

隔

墻

0

自

信

老農

便

草

野

那

堪

衰

病

更

風

波

西

河

去

年

除

夕

群

兒女,

聯

句

傳

觴

足

笑

歌

除

タ

簫

鼓

沸

可

云今夜是

虚

過

生

日

履 薄 常言 E 違 參 生 也 日 當 願 下 悲 痛, 堂 竟未價。 應 我 愧 向 子 兹 春 辰 宿草荒烟 傷 痛 倍常 南 金

自許終 濡 雨露 拊 何似 心 下 遐望淚淋 璞 誰 歸 浪。

獄

並 秀 喜 色 深 每 我 巢 從 來 樹 鵲 出出 摇 攫 户 落 爾 餽 方 應 重

盡

又

見

繁

枝

細

著

花。

宵

元

午 夜 月 行 歌 星 遊 暉 紫 樂紛 極 萬 穠冶, 家 簫 火 鼓 樹 慶 銀 元 花 宵 闘 豔 金 嬌 吾

天 不 禁余 尺 五. 霜 何 似 丸 露醴 玉 燭 沐 高 恩 懸 饒。❶ 影 尚 遥 獨 有 近 臣

> 答獄 友次韻 首

叢

蔚

處

,長松深竹秘烟霞。

愁

久

坐

鴉

遥

憶故園

陰

時

過

短

墻

遮。

占

風

퓛 扉 如 夢 忽 相 逢,驚 見 星 霜 鬢 兩 蓬。

世 蠖 風 屈 信 波 裡 霄 壤異, 生 死 交情 金 蘭 涕淚 氣 味 中。 古 一今同。 笑乾

浮

沉

坤

身

龍

如 許 大 邇 來 何 事 不 相 容?

複院 層 扉 書 亦 昏 老 瞿 方 便别 開 門。

0 醴 康熙本作「體

JL 九 九

聶 先生文

著 長 人 間 安 時 (樂,便 俱 早 E 幻 妄 無 是 憎 苦 情 愛 提 於 最 鍾 世 上 處 1 根 何 即 曾 煩 有 冤 怨 能 恩 隋 去 想 住 到

寄 題 草 堂 次 韻

翁 竹 讀《易》還 晚 杖 芒 相 白 得 鞋 水 老 便 自 問 農 野 酌 訊 醉 服 生 肯 事 教 溪 後 魚 微 吟 雲 雁 詩 Ш 犁 稀? 若 月 烟 個 浄 耕 依 柴 雨 扉 犢 何 如 閑 處 飛 Ш 時

念 菴 用 來 韻

宜 蒲 Ш 共棄 柳 雉 零 成 逃 天 名 秋 文 早 終 於 涯 自 我 重 製 損 慚 辱 裂 真 故人書。 冥 芙 隱, 薬 鴻 憶 没 早 服 影 歲 初 幾 辭 曾 官 自 如 計 分 亦 老 質 疏 衰 狂

參

露

生

憶 鷗 池 次 韻

袁 池 鷗 鳥 何 適 哉 ? 草 緑 蘋 香 任 往 來

莫信 需 猿 鶴 守 者 足 虞 真教 清 羅 夢 隨 地 塵 雨 有 屐 调 破蒼苔。 松 共 筠 看 絶 湯 點 網 埃。 自 天 深 開 閉 柴 雲 門 閑

鴉

岁 純 來 孝 恣 貪 昔 楚 噬 聞 厭 慈 啄 聲 騷 尤 鳥 鬱 桁 悪 哺 憤 楊 其 歎 草 聞 13: 梟 具 者 凰 横 印 何 哉 攖 战 攘 穰 爾 與 不 蹠 祥 鴟 腦 相 滿 人 當 肝 叡 ?

Ti. 00

約 游 武 夷 次 韻

惟 落 振 泉 霞 衣 共 石 堪 風 服 磴 約 食 償 尋 木還 出出 真 Ш 賞, 訪 同 巖 武 狽 懸 揮 夷, 鶴 薜 筆 棲。 足 烟 扁 攀 厓 舟 梯 續 曲 舊 曲 野 題 泝 人 迴 適 丹 溪 意 洞

再 寄 羅 念菴次前韻

聞 屏 歷 息 頓 盡 禪 教 艱 平 危 生 心 何 定, 未 方 須 有 奮 更讀 悟 超 念 凡 + 虚 儘 志, 年書。 明 多 太 言 始 極 説 信 初。 不 年 能 來 却 如 學 憶 力 初 萬 疏 平. 緣

烏

啼

贵 機 涼 悲往 是 月 殺 透 鳥 事 人 窗 啼 者? 清 析 寒飈 擊 口 掇 漏 落葉倍傷 姬 候 聲頻, 旦 原 蛩 非 人 短 神。 負 夜 髪 主 語 孤 臣 相 燈 親 萬 狼 里身。 曾參 跋 下

高 唐 茅 店

安分亡 防 霜 雇值,不妨相對共 落 高 不 唐 憂辱,道 知 征 日 落 服 冷, 城 不 求 月 傳甌 閉, 明 人 寡 偏 借 怨 照 爾 尤。 逮 茅 臣 居 尚 出出 聊 有 暫 餘 身如 休。 錢

Ŧi.

擬 中 秋

顧 颯 若 影 悲 長 涼 瓢 虧 風 體 生 玉 露 羽 太 翼 濕 白 微 冷 含 垣 然 凄 泣 萬 影 覆 壑 動 盆 破 金 出出 波 星 昏 銀 斗 海 近 子 翻 長 人

中 秋 次 韻 首

渾

欲

語

清

光

聊

以

慰

心

魂

秋 不 星 毫 歸 寒 見 荒 尚 此 況 徑 識 夜 嬋 菊 青 是 萍 娟 出出 魯 到 氣 扃 姬 處 咫 長 鵲 宜 尺 嘯 澆 違 惜 水 難 雲 袁 依 葵。 瓊 遥 樹 帰 清 枝 美 光 人 萬 陶 誰 里 ?

月 不 税 色 南 好 銀 河 看 冠 繫 惟 珠 此 斗 賈 夜, 夜 誼 迢 能 人 迢 忘 牛 前 能 金 席 得 餅 招 幾 瓊 ? 今 漿 宵 短髮 下 九 不 鍾 霄 嫌 儀

秋 興 八 首 次 杜

渾 胡 謾 是 引 雁 夢 思 飛 幾 濤 看 歸 沙 冥 興 西 衣 去 H 應 松 影 隊 動 菊 故 長 井 遥 林 袁 憐 梧 砧 長 帶 凄 别 月 緊 心 不 涼 成 飄 寒 陰 夜 暑 氣 蓴 坐 森 更 艫

事 尋 自 舊 變 分 憑 隱 結 澄 夕,夕, 茅 誰 江 長 掇 真 陽 得 憶 芳草 末 所 謝 路 飽 玄 猶 倉 # 暉 皇 將 肥。 與 鍊 $\dot{\Box}$ 願 藥 水 違 學 谣 沖 懸 何 形 H 練 浮 放 雲 歸

韻

頫

對

影

天

涯

聊

慰

身

遥

夜 旅 急 況 風 贵 疏 前 枝 堪 落 聞 杵 秀 葉 雕 笛 影 陣 横 秋 仙 斜, 驚 遊 塞 長 白 上 自 髪 笳 夢 颼 騫 颼 留 槎。 對 滯 月 欲 鳥 華 歸 啼

雲羅

驚

倦

翼,

不堪

霜

鬢

益

頹

顔

滄

浪

曲

杳然去,漁父高蹤未可

班

鼎

鑪

藥

物

應

長

好

車

馬

塵

勞

T

不

歸

贵

信

紫

閣

厓

懸

Ŧi.

巚

Щ,

量

飛

如

出

白

雲間

几

歸

不

得

尊

誰與慰黄花

爛 柯 何 處 好 觀 棊, 省 却 人 間 白 髮 悲。

或

繁

華

俱

是

夢

Ŧi.

陵豪貴幾

何

時

天

門

猿

鶴

夜

驚

風

葉

夢

竹

梧

秋

老露

華

枝。

餐

霞

原 自 有 未斷,桃源 金 鷄 放, 不盡故園 晷隙 俄 驚 野 万馬馳。 況 復 根 塵

思。

長

誰

峰 迴 江 轉 路 透 迤, 白 水 寒 澄 碧 玉

復 忽忽,不 顏 如 舊 因離索淚交垂 對 月 那 能 席 屢移? 多難 拊 心

Ŧi.

 \equiv

七

遠 千 害宜 里 烽 征 群 烟 西 悲 鹿,老 車 戍卒, 馬 暗 我 旄 萬 忘 頭, 機 家 可 砧 羽 狎 杵 檄 鷗 亂 交 鄉 馳 莫 愁。 塞 道 上 從渠 逮臣 秋。

明

主

棄、江

湖

猶自

夢

神

州

未 層 雲 酬 籬 陰 兀 兀 菊 蔽 景 中 景 秋 扉 漁 學 月 舟 坐 空 兀 功, 憶 壁 蓼 寒 不 花 生 知 紅 獨 身 夜 在 人 風 網 生 羅 憂 詩 中 樂 酒

渾

無

賴

得

失何須

問

塞

翁

0

九

日

寒祭泛 九 與 日 時 行 繫 去 楚 年 桁 醁 雲景 楊 登 囚 高 何 龍 解 淩 用 山 空閣 空 筆 風 悲 情 翰 傷。 無 四 清 輝 座 溪 恣 光 紫獻 歡 人 謔

生

一憂樂

今年

相

П

西 司 别 署 對 洛村夜酌占燭花志喜

火 遇 預 知 兆 珠 己 于 巧 久 兩 占 公 結 慶, 緣 燭 年 瓊 花 憔 肆 樹 花 悴 赦 不開, 兼 金 時 銜 粟 迴。 李 斜 今宵 白 連 杯 出 花 錦 發 況 胎 滿 是 西 天 高 臺。 涯 門

0 字漫漶 底 本下 處參據 頁板裂漫漶嚴 康熙本補足。 重 兹 據甲 庫 本 録 個 别

文

元 日 用 舊 韻

夜

敘

有

感

有 汪 人 汪 須 千 别 付託 是 頃 情 何 如 時 斯 舊 忽 文 此 無 亹 逢, 亹 地 可 連 對 從 牀 君 容 興 疑 轉 在 嗟 濃 夢 余痛 魂 世 中 定 道

西 司 除 タ 用 舊韻

還

思

痛

短髮凋

殘

夜風

誰 心 上 情 相 林 對 悲 春 除 ,莫使他年 夕 轉 屈 来, 鶯 兩 花景 年 幾 皆 人 悔謾過。 在 詩 北 獄 句 海 和 風 不 羊 恬 妨 何。 鷗 對 鷺 酒 此 波 且 時 高 此 去 歌 或 地

> 何 迴 春 曾 光 王 書月 棄 心 歲 ,無奈青山落 獨 蘥 從 更 赤,雲霞 周 新 IĘ, 萬 彙 入夢 泰 舊緣。 解, 運 思 口 履 偏 鈞 端 玄。 歷 今又二 世 不才 傳 周 明主 天 日

次韻答文中

797

風 蘧 詠 笑 瑗 悲 微 候 廿 年 勞 年 烟 成 序 鍊 花 底 藥 罪 事 住 月 解 蓬 語 至 鄒 瀛 流鶯。 今 陽 爲 賴 曾 累 主 向 明 是 人間 虚 歸 名 作 憶 扞 雙江 化 城。 非

五. 〇五.

蒙恩釋歸田志喜二章

夜 初 \equiv + 夢 服 載 千 即 披 五. 峰 雲 看 月 仍 昨 雲 野 日 口 巖 服 承 首 草 天 斯 陽 傷 語, 民 口 神 先 几 還 海 已 汝 春 愧 當 天 年 叨 民 許 竊 或 榮 烟 名 蘿

昇 烟 舉 平 花 杯 兆 蘇 猶 曙 0 病 是 拂 骨 泰 東 金 九 Z 坡 鷄 階 夢 出 天 前 紫 日 灑 瑞 宫, 月 筆 氣 麗 誰 濃 覆 憐 重 盆 瞳 北 無 海 地 歸 風 不 鄉 仁 若 \equiv 同 月 門

寒食渡江

遠 舊 引 日 乘 春 金 桴 焦 江. 興 看 寒 漸 食 萬 小 倍 里 凄 空 白 其, 餘 來 弔 風 强 屈 浪 飲 悲 只 惟 如 傷 但 斯 酒 得 雲 孤 巵。 Ш 帆

訪荆川司直不遇有寄

猿

鶴

在

野

人

猶

幸

有

相

知

本 逃 元 不 是 世 偶 陶 未 登 堂 漁 應 如 伴 人 年 獨 人 塵 宣 往 無 渴 父 人 向 何 懷 境, 誰 曾 君 云。 鳥 空 密 獸 有 彌 足 群 塵 生 囂 自 雲。 寂 笑 不 逐 重 聞 臣 瞳

迓

慚 艱 危 無 曾 去 舟 暴 日 泊 虎 甘 寒 棠 Ш 晚 樹 日 年 己 喜 身 斜 # 見 學 河 道 塗 陽 训 鴉 滿 還 縣 辱 尊 花 舊 前 民 況 回 遮。 有

■「門」,康熙本作「問」,可從

7

799

胡安定,未抵青螺已是家。

次武林寄吴令望之并懷竹塘老友

翩 獨 人 何 翩 憐 把袂 似 仍 患 雅 難 爲 詠 相 應 謝 ,江雲漠 從意,不 知 情 宋 深 玉悲, 更不 漠 是 疑 涪 送 懶 州 殘 送 余 别 己愧 青 時。 氊 而 抱 春 師。 服 病

桐江用韻

千 犯 心 古風 已 帝 愧 客 兀 祇 星 夫 頑 懦 終 萬 應徵節誤 寂 乘 漢 寞, 故 鼎 人情 當 照 平 人 年 生。 繫 春 加 重 月 足 輕 特 何 分 須 明。 未 大 采 史 澗 桐 驚 蘋 江

過蘭陵寄陳松溪司成

時 悲 臣 楚 子 嗟 去, 百 程 門 何 年 舞 及, 皆 師 **雩猶可詠殘春** 涕 道 萬 淚 重 死 乾 成 顛 均, 連 坤 一尚 何 有 處 望 身。 不 松 風 溪 莫道 塵 0 愴 **漁**鶯花 終天 神。

貴溪有懷江午坡憲副

人間 恐 筆 傷 花 世 談 詞 棘 院 虎 藻 今 色, 秋 曲 何 風 滄浪 釜 似 緑 魚 桂陰, 和 應 玉 舊 動 樹 吟。 卧 高 廿 龍 標 年 心。 日 迴 幾 首 白 沉。 歎 頭 商 復 弓 參。 有 鳥

覽 勝 樓 用 韻 爲 涂 柱 史 題

歌 坐 江 看 Ш H 首 T 得 南 里 浦 旬 合 魚 城 鷺 龍 頭 青鳧 扁 奮 百 舟 尺 浴 何 枕 滿 樓, 用 簟 洲 Ŧi. 涵 九 湖 虚 江 天 游 横 地 潰 漁 浮 豁 人 中 估 勝 流 景 客

過 桐 江 約 會 念 菴聞 出 講 泰 和 次 韻 柬 之

題 生 還 詩 千 此 患 里 難 H 外 應 蝎 誰 情 夢 料 羅 回 仲 死 揮 素, 淚 别 Ŧi. 當 石 更 年 蓮 初。 只 風 晏 月 愁 如 幾 來 蕭 重 心 疏 檢 斷

明

珠

寄

懷袖

三年

幾

紙

還 家 志 感

悲 驚 傳易 喜 往 事 曾 翻 殘 古 花 成 爲 泣 應 今 人 夏 笑 如 燈 勝 放 我 下 幾 歸 相 腰 更新。 臣 看 金 恐 不 老 未 是 瘦 真。 舊 如 蘇 前 不 秦 髮 用 似 傷 室 銀

心

中

草 萍 驛 用 韻

資 着景 老 门盘盡 馬 皆 長 向 生 鳴 來 也 色, 惟 須 力 面 閉 龍 盡 獨 户 蠖 曾 戒 違 冥 垂堂。 當 時 鴻 聽 空 絶 彼 計 璧 蒼 避 捐 人 階 自 忙 港 信 斷 擔 鶯 航 花 囊

野直毛進士令鄱陽之任樞府作

送

趨 錦 此 去仕 海 纜 近 江 鄱 好 波静 優方是學,幾 陽 應 音 柳柳 作 相報莫遺遐 河 拂征 陽 縣, 人官事 袍 驛 春 路賒。 到 視 鄱 如 陽 家 彭 滿 ? **参** 縣 雙魚 雲牽 花。

寄羅念菴

天咫尺 老去能 降 .龍自 秋 信信 攻 氣 請 玉 千 涼 君 一,貧子 鈞 飄 回首歎高深。 力,汗 緑 桂 年 陰, 來 馬 浪 誰 美人 説 知 金。 白 高 戰 卧 須信 心。 白 [雲岑。 人間 Ш 翁

七言絶句

自樵川入劍浦見濱江有天妃廟欣然訪之

因次壁韻二首
已下巡閩作

踏

破

天

妃一

徑

苔,忙

官

却

向

静

中

來

不 何 時 大 雷 解 天 却 妃 雨 簪 宫 將 纓縛,被 春 前 色,安 偶 艤 裹閑 船, 得 Ш 雲白 花 溪 處 碧 書 處 眠 繞 開 萬 Ш 員

延平謁龜山考亭祠

墻 零 落 徑 猶 攀 風 緣 雨 拜 獨 此 祠, 倚 Ш 百 城欲 年 香 淚 垂 火 繫

民

門

五〇九

仲春按南劍閲武二首

萬山不似舊時瘦,春到人間草木知。

無 數 青紅 旗 卷 春 看 不 風 盡 萬 馬 翻 馳 雷 鷹 雨 揚 放 韜 晴 略 時 更 誰 知

兵家要妙還須静,不在闐然一鼓時。

高

孟夏巡莆陽度山憇海福菴

人間 炎熱不到 萬 木 陰 迴 處 ,石實泉香人 徑 盤 住 菴 夢 破 衲老 寒 僧 殘。

喜雨次韻二首

謂 隨車 夜 深 無 聽 所 雨 補 自 移 犁聊 燈 赤 足慰 地 明 民 情 朝 盡 有 生。

可

即 景

好

看

服

4

人

恐後

饁

耕

Ш

婦

自

親

情

澤

時

膏

雨

夜

鳴

燈

粒

食

爲

民

命

所

生。

堂 蒲 榴 酒 實 時 垂 當 垂 午,隔 壓 樹 低 巚 流 Ш 雲有 茶 對 所 發緑 思 參差。

時賊首鄭新就擒得報用一溪韻

忽 報 犁庭 蠢 兹 生 狗 一就縛, 鼠 憑 凌 久, 方安集慰 負 古 何 民 當 情 涿 肅 清。

午息江東驛次一溪韻

水 光山色雲連樹,幾 坐 對 迥 峰 隔 水 箇 洲 鳴蟬 孤 雲 在 細 1 頭 細 望 中 浮。

謝 鎮 守 送 荔 枝

觀

有

感

絶

句

六首

紛 紛 舉 子 莽 居 諸 箇 身 心 只 靠 書。

换 得 官 人 書 債 1 戲 場 何 用 笑 侏 儒

若 使 人 聖 人 賢 知 岐 孝弟, 路 本 非 雍 熙 難 何 只 用 在 舜 家 生 還 庭 親 長 間

不 須 别 結 處 聖 尋 原 門户 來 自 有 物 胎 昭 知 融 親 萬 知 物 愛 該 看 提 孩

若 識 來 讀 心 書 先 渾 孝 只 弟 爲 求 達 麽 心, 何 範 處 我 有 馳 金 針 驅 自 獲 禽。

亦 臨 亦 希 聖 顯 純 希 天 賢 德,始信 自 有 機 文王 了, 工 夫 是 只 我 師 在 獨 知 時

乾 坤 離 要 識 坎 皆 先 餘 天 緒 豊 萬 象 化根 圖 外外 原 心 念 求 初 學 亦 虚

無

陵 焦 七 渴 日 宜 筠 千 籠 顆 謝 遠 獨 將 坐 松風 錦 鮮 蘸 珠 蜜 燦 荔 枝

茂

聽 雨

孤 榻 殘 深 更 Ш 仍 聽 卧 雨 病 旅 魂 何 人 驚, 不動 況 是 故 蕉 鄉 情 桐 葉 上

803

論 學 六 首 和 復 湛 泉王 稽 勳 已下 知 晉

虚 靈 曾 本 體 向 無 簞 生 瓢 滅 學 屢 感 空, 應 須看 孔 顔 水 真 Ė 樂 風 在 其 中

聞 戒 心 懼 性 毫 無 釐 塵 别 類 定 太 空, 性 求心 太 空 只 之 捕 外 風 更 無 中

覩

良知一語竟成空,誰識良知未發中。

發後有知俱是妄,儘多拈弄發狂風。

返

空 中 生 盡 化 笑 元 蒲 非 專 妄, 久 坐 無 妄 空 無 吾 空 儒 是 衵 靈 妙 風 在 空 中。

能 教 明 襍 慮 月 無 邪 虧 思 食, __. 精 洗 空 相 傳 輪 只 明 此 月 風 到 天 中。

不 犯 纖 年 毫 來 人 飛 力 舄 處 學 程 凌 門 空 無 事 H 事 不 天 春 然 風 自 有 中

詠鶴和復王子五首

龍 翔 蠖 顏 屈 生 各 館 有 瓢 時 寧 曾 獨 樂 向 出出 禹 陰 稷 和 Ħ 鳴 爲 鶴 過 門 薄

有 時 携 家 酒 有 撫 薄 孤 \mathbb{H} 松, 曾 負 更 引 郭 閑 夜 雲 讀 舞 朝 雙 耕 鶴 度 寥

寞

淵 明 不 在 爲 Ш 徑 風 荒 景 歸 出 長 Ш 駕 覺 天 俛 風 仰 杳 烟 孤 鶴 沙 歎 今 昨

> 淳 子 日 得 人 老 而 仙 息 丹 出 玄 而 默 作 長 年 代 媚 斯 龜 民 鶴 日 漓 薄

年 應 丈 謝 夫 故 意 人 氣 情 貴 真 硯 恪 仍 束 持 帛 雙 戔 戔 鶴 未 爲 薄

+

河橋留别王子用壁韻二首

十年冀北歎群空,尚幸從容語笑中。

雙 舄 瓊 Ŧi. 花 雲 脉 天 脉 渺 渺 下 玄 羽 空, 儀 П 堯 首 舜 溯 Ш É 河 風 色 界 中。

杯酒高橋共清絕,鷺車何處有塵風。

酬王湛泉途間見寄五首

是 别 雪 來 消 疑 華 想 月 像,君 落 庭 空, 家 原 幾 自 許 有 清 111 光 風 人 夢 中

不

我

愧

斯

民

無

所

覺

但

願

刑

清

罰

亦

薄

和 玉 林 Ш 居 雜 興十 首

薄

官 閑 白 吏 静 石 白 青 日 Ш 長 寄 耕 槐 作 影 重 曲 重 肱 雙 唳 笑 鶴 浮 雲

何 雖 + 萬 事 腰 纏 X 間 别 有 楊 州 鶴

麥 蒸 野 黍 性 醒 日 平 便 生 便, 在 丘 更 壑 有 瓶 耦 餘 耕 餇 不 仙 厭 鶴 Ш 田 薄

歸 去 來 分 秋 風 作 求 安 見 人 情 薄

無

言 爾 是 神 淵 龍 飄 飄 我 亦 雲 中 鶴

酬

谿

田

馬

光禄見寄二首

世 道 如 君 堪 騎 砥 馬 柱 每 幾 相 過 人 П 首 歎 聊 江 河 戚

長

安

别

後

爲

甯

歌

不 是 尋 常 司 馬 病 身憂 樂繫 污 隆

廿

年

不

見

古

人

風

隴

樹

弱

雲

人

望

中

歸

Ш

中

何

用

頒

皇

曆

柯

爛

棋

殘

不

記

年

浮 生 行 樂 無 歸 着 到 處 風 光 愜 性

不 作 人 間 開 眼 醉 劇 駒 枕 是 長 醒

踏 青拾翠各 詩 債 春 容冶,竹杖芒鞋 來 花 鳥 忙 Ш 中 老 青 醜 翠 粧 競 年

芳。

花 外 小 野 心心 車 常 只 得 愛 醉 節 瓢 歸 巷, 眠 榻 更喜 護 白 堯 夫 安 樂

窩

春 風 長 醉 萬 花 中 不 是 昏 狂 不 是 慵

却 是 先 生 閑 笑弄 有 時 醒 眼 看 頑 童

翠滿 庭 前 細 草生,肯 將 生意识 混 閑 情

?

來 鷗 鷺 休 疑 主 曾向 天驕 拔 漢 旌

長 將 瞬 迴 天 地 局 促 人然我 不 然

西 華 高 外 堂 誰 慈 騎 13: 馬 長 東 無 隱 恙 袁 黑 中 髮 我 辭 看 花 官 更 有

Ti.

盤 渦 幾 歷 瞿 唐 險 罷 釣 歸 來 夢 亦 寒。

携 幼 移 尊 松 徑 晚 翛 然 清 對 菊 花 專 小

浣

花

溪

水

水

西

頭

白

H

投

竿

弄

舟

清 時 自 是 容 疏 散 彩 舞 酣 歌 樂 散 愁

令子 遊 驄 家 明 莫 繡 出 **秀**尊 錦 江 潯 翁 騎 奕 鶴 世 耀 常 花 懷 金 報 主 心。

酬 馬 谿 田 再 壨 前 韻 見 寄

月 連 西 極 動 寒 風 望 眼 隨 風 人 漢 中。

泣 中 Щ. 或 老 頫 何 翁 年 時 無 相 腥 籍 煽 司 在 馬 揭 胡 可 团 誰 龍 風 聲 兀 萬 價 馬 里 報 IF. 興 X 降 殘 降 降 慘 黑音

中

次 舒 城 舒 乃 周 瑜故里已下 -被逮作

吴業 峥 嶸 Ŧi. + 霜, 登 堂 拜 母 憶

> 莫 古 今豪 白 楚 舒 傑多 囚 城 嗟 縣 稿 相 裹 寂 似 逢 皇 長 星 天 至 隕 無 珠 盡 物 沉 道 不 有 陽 生 所 傷 成 口

> > 萬

物

亨。

次 桐 城 觀錢嗇夫遺愛碑

髮 蕭 桐 蕭 城 囚 遺 服 愛 敝 有 穹 燈 碑 霜 亦 月 有 誦 穹 騷 碑 詞 是 罪 巇

É

青 П 驛 聞 雁

雲夢 洞 郵 亭 庭 菰 深 米 夜 足,須 雁 聲 知 哀 漁 我 網 自 不 南 時 開 征 爾 北 來。

叼 城 懷 古

封 即 墨 就 烹 河, 顛 倒 無 如 毁 譽 何。

周

郎。

貽

千 里 齊區 當日 化 動 八刑賞 不 須多。

1/ 秋 五 首 次 韻

夜 被 逮 經 春 又 人 秋, 間 歲 月信 如 流

老農

抱拙終難

化,霽

月光風信

手

拈

年

來

乞

巧

鈍

成

銛

來 風 雨 過 雨 生 涼 牛 涼 意 枕 簟 秋 洗煩襟勃 炎 光 鬱 無 復 愁 火 雲 流

庭

前

碧

樹

減

顔

色,

别

是羈

段

愁

人

玄 猿 縞 Ш 鶴 水 應 蕭 無 森 恙, 素 出出 獨能忘戀主 秋,紫峰 雲 閣 愁 枕 長 流

荒 苔苔 久 没 謝 公屐 白 水 巘 Ш 相 紫十 愁

亭

閣

風

烟

迎

早

秋,芙

渠

松

桂

帶

清

流

徑 荒 但 白 有 露 孤 兼 松 葭 在,衰草殘花 江 上 秋 鷗 群 任 汝愁 清 影 印 寒

流

七 タ

色 線 金針 玉 指 纖

談 仙 次 韻

鍊 服 邇 注 顔 來多妄誤,精 信 有 紫 金 丹, 修誰禮步 沖 舉 曾 虚 飛 壇 白 玉 翰

人 日 首

泉 亭 此 上 日 淩 人 空 間 閣 争 自 巧 勝, 水 閑 逮 雲 臣 渺 無 Ŧi. 計 峰 避 疏 慵

天

老 年 己 人 遣 日 塵 靈 根 曦 以累,不 曙 色 免 明 人間 還 將 稼 穀 圃 情 日 1 陰 晴

Ŧi. Ŧi.

答鄒東廓見寄兼承無滑天和之教

年 不 東 斷 廓 燕 先 京 生 雕 儒 者宗, 無滑天和 戚 休 是學 關 功 我 太 沖 沖。

聞 南 無 野 虚 日 語 裁 族 答 子 爲 有 勞 餘 云自 感 而 賦 余 此 被 逮 四 方 問 訊

四方問訊無虚日,裁答應添太史忙。
戎馬交馳歲益荒,專城誰復念猖狂

得戚南玄書志感二首

破 産 贖 此 雙 情 身 魚 無 真 尺 所 可 素 愛,此情真 對 到 南 皇天,萬 玄 曉 可 里 我 對 傷 全 皇 心 天 抄 素 泫 位 然。 篇

見

賦得

自

分

英

風

慚北海,

孔生高義即南玄。

女邀余餐玉液,歸看肌髮已成僊。朝來朗誦紫霞篇,耐可乘雲直上

天。

玉

有 所 思

風 明 烟 月 浄 雲深處,老却 碧 峰 含 晚 翠, 商 練 Ш 当紫 澄 白 玉 水 浸 寒 漪

清

秋懷次韻

月 開 紫芝 籠 應有 秋 老 待、雲鴻 É 雲 弱 刷 迴 羽 首 向 烟 南 霞 還 憶 巘 Ш

志感

天 長日落浮雲散 盧 相 何 心 逢 ,萬古銷沉 老 遍,夜 深 夢 群鱉語 中 張 公。

吊恭愍公二首

戀 闕 忠 復儲 靈 應 一語 未 返, 逆 龍鱗,萬 同 歸今有 死 故 顛 鄉 人。 連 竟 殞 身。

上 下 百 披 年三 肝 北 偉 闕 節 悲 遲 恭 愍, 駢 迴 天地 首 淚 南 交 流 畿 痛 魏 鄒

用韻寄鄒東廓四首

不 須 更 何 着 事 絲 知 毫 來 力,自有 捷 有 神 淩空億化 退 藏 密 身。 處 轉 洪 鈞

詞

填大江東去詞蘇韻答戴子三首被逮作

論 儒

4 虚 靈, 堯舜 含 相 萬 傳 有, ,要復那,帝 涧 徹 更 無 降 墻 初 壁。 生 元 三月 物。 不 方

杏 壇 間 推 未達, 傑。 速 化 邈 紅 矣精 爐 雪。 失 如 傳,中 愚 屢空, 庸 教

步

違

起魔兵一切, 弄是叮是云及扑。 久將知覺費精神,誰識虛靈力萬鈞

盡謂虛靈無一物,菩提却是本來身。

悲笳 不盡 石 洞 秋 雲 風 深 淚,半 秘 丘 夜聞鷄攬 天 涯 П 敝 裘。 首 仲 宣 樓。

使 簞 烟 瓢 霞 衣 蘿 敝緼 薜 護 不 丹 妨 丘 贵 長笑傍 羨 人 狐 間 裘 碧 玉 樓。

即

髮 看 弛 湮 異 夜 滅 學 分 乘 子 寂 機 半 感 發 雲 隨 時 浄 歎 天 上 覩 下 流 聞 孤 數 俱 月 百 泯 年 來 間 不 大 容 道 絲 坐

佛

誰 墻 動 負 大 焰 安安 興 西 虚 人人 天 空, 滅 東 向 心 魁 度 寒 斷 無 圓 達 骨 灰 臂 障 滿 摩 秀 發。 礙 苦 Ŧi. 光 光 志 峰 印 南 處 爍 異 腰 嶽 萬 處 爍 覺 時 埋 111 青 不 衝 先 明 雪 原 垣 染 月。 鏡 經 倒 宿 人 臺 侍 間 空, 花 久, 底 Ŧi. 用 離 風 衣 物 剃 髇 幡 法 鬚 憑 心 不 面 廣

論 道

沙 德 Ŧi. 4 干, 大 隨 道 歸 玄 渾 尹 命 成 秘 金 生 龜 不 天 融 比 地 差 爬 總 雪。 靴 總 聽 還 刼 壁 生 傳 萬 四 龍 物 萬 見 0 變 湖 道

> 髪。 應 霧 化 磨 無 七 還 滅 端 竅 丹 出 風 無 同 傑 雷 藥 堂 發 鼎 隔 0 火 血 太 别 虚 上 聯 有 縻 無 駕 歲 履 爲 背 月 斗 清 馳 交 浄 乾 寂 千 里 此 鞭 差 意 霆 毫 未 駕

Ŧi.

八

辭 0

激 月 辭

障 召 泫 卒 然沾 之 之 而 功 虧 雄 當 屹 纓。 噪 名 西 Ш 驅 長 明 平 之 人 城 珠 落 生 侣 而 載 厲 日 未 而 薏 冰 稽 録 適 苡 霜 ; 刑 北 以 萋 黄 獄 爲 菲 余 金 潔 之謗 乃 封 誣 憮 垂 比 扃 然 成 老 鄰 就 被 鼓 貝 榻 徵 錦 保 校

0 參 底 據 本 康 此 熙本 後 缺 補足。 頁 據 甲 庫 本 補 入。 個 别 文字

漶

驚。 歷試 酒、欲舞 遘 以 之多情。對清影而成三兮,慰良夜之獨醒 玉兮,我有嘉賓。 如水兮冷冷,月 波以玉潔,紛瓊汁之冰清。 奄忽冬春。 爲 九陽之奇數,轟十月之雷霆。 徴。 俄窗櫺之透月,下素華之一稜。 諸難,增益 而纏 屬稽 苦勃鬱於長夏,凄蕭颯 械余嬰。 覈之載公, 疏昭 明如晝兮亭亭。 未能。 慨青眼之寡與兮,乃 乃作 欹 枕 而 邀之而安 反 歌 (側,夢 雪 倉皇 月 日 而 而上陳。 明 : 秋聲。 就 所 魂 月明 皓 如 淩 道, 屢 魄 得 冰

雙江聶先生文集卷之十二終

雙江聶先生文集卷之十三

雜著

紀壽十三首

也,而 助 壽 天地之道,博也,厚 化 天人相與之際,而竊 者 也。 者 了、賢相公 信 懸 壽 至誠配之,無 《易》 莫壽 諸 也。」大有上 人,善 参天 於天 兩 論 地 天 地 疆 也 君 九位 之 也。 而 歎 高 惟 相 所 成 少 休焉。 之壽 在 也,明 天 助 能 師 地定 師 者 嚴 故 者 相 順 某蓋 公之壽 也,悠 善 微 位 也 履 觀 諸 而 信 有 天 也 成 天 之 感於 思 爲 地之 久久 化 地 順 所 天

> 禄榮名、子 少師公,今之所備 而 吉無不 尚 賢,是以「自 利」者, 孫逢吉、眉 非 天 是 功 祐之,吉 也。 在 壽 社 永年 稷、 無 澤 之 不 謂 被 利 乎? 生 靈 夫 若 福 謂

筦機 德 樂 今上 所 心膂,歷試 乃 時 出出 征 退 至 藻 政。 伐、 贊 龍 養 發 不 公髫年推 以 飛 鈐 容 理 詞 讒 俟 Ш П 諸 應 財 臣 沮 宸 十 臣 期 用 咸 則公之功 神, 斷 百 無 人、 而 退 計 年, 弱 出 舍 今天 明刑 以 冠 卒無 以 踰 極 登第,蜚 上 深 避,而公以 德 下 公, 弼 以 方 研 臣 宜 教 乃晉掌邦 勝 延 幾,充 民 無 天定。 訪 英 無 仰 俟 八藝苑。 頌 於 然 爲 德 而 皇 禮,入 贊 有 未 凡 託 非 上 矣。 得。 也, 禮 功 公 以

0 諸 底 七十壽序》一篇,各篇目次序亦略有差異 本 壽序均有標 標 題原作《紀 題 壽 惟抽 + 首 掉 此篇 據 目 另 録 補 IE 入《鍾 之。 又 母母 康 太孺 熙 數 焉。 翼 嘉。安 之間 稽。 艱 不 京畿 至。 猶 時 亂 吐 在 書 (著匪 比 禮 動 昔 者 握 未 郊 》所 元元臣 聲 、倭擾. 莫 樂 下士 或 密 自公夙夜, 其 内 中 之吉 貞 廟 色而 面 承 也 修 明 稱 興 非 躬之節 應 札 外 備 之君 召 南 之全 取 取 惟 地 甫 措天下 攘 無 諭 造 惟 時 服, 善 裁 誠 日 保保 膝 是 議 則 督 事 焉 : 莫 德 心 如 日 變起 册天、尊祖、 更定, 「文武 之 促 革 X 監 ; 變 匠 反 有 不 也 於泰 皆 德 所 王室,吉 疏 每每 覆 及 而 過 思 倉 對, 積 盛 詰 宜其 勉 獨 古古 於 不 山之安,是公遭 猝 制 擴 契 素 禮 周 難 失 晷 玁 甫 淵 出 ,幾涉危疑,卒 虚 懋 恭 也, 之宣 上結 相 其 萬 漏 祔宗、 甫 狁 受之 曠 衷。 匪 可 未 適 常 善 是 典。 懈 淮 邦 主知 王 否, 當 移 量 故 至 勞 之健 夷 惟 南 其 乎 於 然《 謙 篤 故 焉 於 中 相 憲 狩、 難 孿 一時 棐 牒 迓 之 虜 使 焉 V. 煽 詩 終 天 馮 柔 之 能 薄 談 明 於 再 半 爲 而

> 服 並 也。 休 勞 稱 繼志,上 故我朝 而文 望 貞 相 而 膺帝眷,於是又是公之 晚 業 彌 年 之著 昌 不 厥 無 後 識 嗣子 者 此 以 天 之累 公與 地 悠 乃 楊 所 之定 司 文 遭 空 貞 爲

獨

盛

,皆天也,豈人之所能爲哉?

慶。 以 屬 降 附 文 之 門 以 而 辰 是歲己未孟 墻 江 頌 中 南 右 義 外 藩 Ш 不 之祝 臣 臬 容 諸 僚 春二十有八日爲 辭, 云 公, 莫 不 敬 以 聯 述 某 軸 平. 受 製 H 知 文 聞 門 公 見 下 以 八 之實 最 類 + 深 相 嶽

0

范 公,以 提 督 南 是年 贛 軍 季 務 秋 兼 + 巡 有 撫、 七 日 右 爲 副 嶽 都 降 御 初 史 度。 東

明

■ 此篇康熙本題作《巡撫東明范公壽序》。

嶺 北 相 分 守 謁 方 君 於 某 分 巡 黄 君 某 謀 所 以 爲 公

聲 虚 糧 望 奏 退 抵 其. 賊 中 蓋 康 汀 詐 計 實 矣 糗 色 議 子 樂 嘗 也 僅 興 邵 不 安 子 也 窮 征 糾 卧 啚 相 或 之 公 矣 露 自 勦 居 建 白 乃 顧 不 Ш 各 奉 策 民 昌 Z 小 里 於 如 失 111 安 路 而 響 敕 潛 卯 流 所 是 色 相 枕 難 時 南 應 遠 騒 檄 而 嶺 歸 請 縛 有 當 凡 豐 湖 H 近 來 然 林 先 \blacksquare 黨 司 意 月 事 遣 謀 險 等 西 道 獻 聲 稱 開 其 餘 屠 官 易 峒 守 登 爲 俘 震 亂 西 蒐 人 誠 永 遯 陴 人 寇 洲 巖 兵 則 於 材 布 豐 鎮 以 計 議 駢 出 乃 子 谷 所 南 猛 是 也 輸 守 掠 廷 臨 以 從 MI 賊 江 贛 群 其 爲 除 振 間 内 推 鄰 人 西 小 使 醜 賊 欸 暴 旅 算 石 戎 得 道 戒 撫 賊 流 喁 人 擁 器 默 震 城 公 几 賊 陰 在 按 至 衆 東 喁 初 塞 成 躬 徵 峙 乞 疑 偵 H 具 沮 永 直 南 則

肉

而

伐

天

和

,醫之下

者

也

矧

独

峒

寇

特

之

盪

之,

審

其

治

之

所

宜

失

緩

急

敗

良

毒 瘁 興 宜 非 撫 年 議 撫 官 子 靡 里 八 饒 近, 未 之 劑 師 歟 常 者 月 聞 坐 誓 之及。 ? 外 也 譬 己 初 竊 鎮 沱 復 徒 自 不 之 謂 而 能 彼 梟 公 隋 躍 若 爲 無 陽 附 撫 薄 兩 欲 愈 寓 賊 張 然 非 寧 明 有 顧 之 伐 腧 道 快 病 計 書 喜 歲 煽 之 悔 今 非 之 爲 公 旬 云 耳 亂 師 倭 宜 悟 亦 癰 謀 而 主 方之忿 乃 宣 虜 蕩 能 日 亦 上 EK 弗 子 從 豨 滋 忱 平 均 習 近 不 峒 兵 宵 敢 治 容 縦 病 以 寇 其 之 能 賊 旰 於 而 尊 以 而 來 病 非 爲 自 草 無 狼 未 亦 民 議 俎 於天 劀 縛 王 及 寇 跋 疑 嘗 鼠 未 者 遂 而 者 以 腹 其 竊 野 於 伏 嘗 之 信 下 折 之 黨 熨 心 發 反 伺 H 心 言 幾 之 其 衝 遽 之, 師 至 其 側 \equiv 許 忘 大 降 所 爲 反 於 兵 變 忧 療 憂 盡 側 之 在 千 而 IIII

公爲醫國之手非 昭 足之瘍 皇 上 耳,叛 不 殺之威,安集反側 則加誅、服 耶 而舍之,武之經 以 撫 寧 方 也

以 是 利 矣,於是乎序。 兩 公之詩 壽 有 用 道 亦 釋俘獻 師 公, 時 退 乎? 也 靡 禮 然 有 也, 雖然, 不 馘 争 乃公謙 · 居。 子 主, 凱奏飲至之度。 亦自 師本仁義而終之以禮,於 心載寧」, 牧不伐 君 慶林卧 子 有終」,謙之所 而 其殆 推 安枕 功 藩臬徵 無 於 之有 忝 兩 於 道 以 H 文 穆

公生 我 民 師 N/ 而 士 陽 命 能 開 神 明 以 靈 萬 身任 蚤 後 世 茂 之太 惟 師 秀 司 道 俊,弱 平, 之 成 重 東 繼 爲 廓 冠 往 取 鄒 聖 天 上 公 之 地 第,人爲 絶 立 人 學 心 耳。 ·, 生 者,

IE

德己卯

逆藩

稱亂,先

生起

兵

勤

王

百 節 千 舟 年 連 自 翰 藴高,毅然以斯 第、官翰苑,輒 晚 如 卷書,糟 自 -,未有 年,僅 往從 執 也。 里, 信 林 蓍龜焉。 山之原,博極群 視飲然,謂「是惡足以名世哉」? 弟子 日 編修史官,人儗之爲景星、 我亦當年苦舊迷。」蓋 末世士 之,一見 所 粕 見於公,蓋 禮 道 得。 也。 先 於 在 長 大夫,稍稍 他 生贈之詩曰:「君今一日 道 是矣 己 相 於是四 傲 人之門 聞 爲己任 契, 使氣 書,根求領要,若是者數 公之所 陽 妙 明 拜 反顧 哉? 悟 先 負 眇 北 見 良 視 才名,一 生 亦 面,奉 胸 者大 一講 知 恨其 宇宙 中 鳳凰 世,肯 之 學虔 所蓄數萬 也 以 秘 寥 相 乃引 日 云。 終身, 一,以 涣 南, 三契之 寥 取 復 直 卑 數 高 退 公 折 然

❶ 此篇康熙本題作《大司成東廓鄒公七十壽序》。

務 渾 必 睿 赴 凡 公響 家 不 適 又 南 起 繪 傳 之公,千 聖 陞 以 然 以 以 川 京 用 佐 天 武公之下。 方會 即 講 例 大常少卿,掌南監 人 吏 原 應 周 佑 誦 成 其 自 部 學 職 倡 公傳 講,雖 歸 六經、開 薰 勤 陳 尋 爲 - 里裏 考 義 勤 事 功 然 肥 者 以 文 周 於 成成 郎 祁 糧 鄙 遯 議 王 故 旋 道 代之宗師 先聖之道、距 寒暑 寬 林 禮 之 又 屨 就 軍 今天下 與 而 泉 圖 謫 陞 常 旅 雨、長 祭酒 或 凡 薄 才 滿 廣 以 侍 贊 人交 敦 几 德 户 欲 獻 讀 也 福 + 畫 外。 江 州 聞 學士, 已又陞 志 利 相 年 詖 及 複 判 居 良 做 鄉 未 在 著 放 坦 嶺 多 知 格 掌 戒 民 爲 冒 淫 休 未 之 有 春 不 爲 君 文 南 爲 粹 幾 事 學 險 坊 字, 業。 院 和 也 平. 者 諭 在 必 H 陞

矩 爲 之 心 年 是 生 年 民 仲 夫 以 所 春 是 謂 朔 爲 矩 日 命 者 爲 萬 學 公誕 世 之 賴 則 辰 之 ·E 也 以 天 夫 太 地 子 平 以 不 是 往 踰

0

此

篇

康

熙本

題

作《太傅陸

公五

十壽序》。

衍 謂 聖 之 傳 無 彊 知 之爲 一之慶,有自 德 絶 學, 公道 故 成 聞 德 此 尊 者 參 謂 天 之 聞 地 道 陟 上 知 壽 此 者 而

者以 斐君 哉 踵 繩,又多 吾 子 永豐 相 ? 知 詠 接 子 公最 永豐令雨亭陳侯,於公季子 姑述其 終 **%**,況 公、知者當 人也 賢 深,乃 不 以 也 ,公爲易 大,以 羽 可 鄉 索言 諼 人 儀 不以予爲佞。 兮」,敢 歸 天 見 齋憲 德,尸 爲 朝 備 壽 以 福 伯之冢 以 昌 之由 祝 予何 詩 其家學之 未 人之詠 0 艾 嗣 爲 所 公上 也。 同年 容 子 衛 傳者 孫 世 其 有 武 繩 故 \Box 謂

四 **①**

昔蘧伯玉行年五十而知四十九年之

過, 瑩 玉 天永 譬之太陽當空,而 有 也 尤 非 五五 徹 至 難。 甚 大不安者存 在 十學《易》, 蓋有所試 纖 命之道 哉 吾夫子 是則學與 夫 塵 非 几 畢 之 + 也, · 見。 也 亦 焉。 難 九 可 是 年 所 知 年 此君子 以 不 惟 魑 而 蓋 Ż 也 無 孔 魅 權 俱 免, 非 過 子 魍 度 進,安於前者, 洗心藏密之學、祈 0 知 而 業 精切 有 魎 似 呕 則 以 無 之。 是之非 几 以 派所容; 爲 著察人微 君 + 是 孔 九 子 而 子 者, 明鏡 年 今顧 稱 安 日 之 爲 伯 之

們

」,敢

以

淺

薄自

諉

耶

子 隱 上 衛 久 頌之,亦恃知己 稱 禍 心 警蹕,人參機政,晉秩 學《易》、伯玉 人豪。 膂 是年吉月,爲 申 股 或 肱之託 威 歷 中外 著奇 之過 知 太 非 日 恃 勳, 之年 耳 傅 隆 以 陸 典 寵 無 太傅、食伯 子 惟太傅 公嶽降之辰 詔 恐 眷 鎮 獄 故以 者於兹三十 壓 領 早 知 奸 禄,而 禁 由 非 下, 正 宄, 兵, 武 之説 第, 皇 靖 擁 孔

> 里,卒 類 年 之施,感公之德厚 ,《詩 尤 獲請 重 平 謂 老 生。 矯 而 矯 曩 歸 虎 者 矣。 寔 臣 出 太 子 非 傅 無 坎 耶 左右 德 窞 ? 不 之也 已 至 報 於 復 無 扶 起 不 自 植 不 報 \mathbb{H}

秩崇者 相 乃 予言爲 做 淫 戒 于 蓋 招 逸遊 才大者每 古 損 也 於滿 禹 太 略於微 子 益 傅, 以 古 邃於學者 之 知 告 太 功 舜 傅 高 者 之 君 也 多 必 臣 無 忽 當 朋 乎 此 不 友 細 也 交

Ŧi.

可 得 君 子 而 之學, 見 也 而 寡 過 呕 稱 要 矣。 蘧 伯 夫 玉 子 何 歎 哉 君 子 之 無

不

1 此篇康熙本題作《太史念菴羅公五十壽序》

間 有 能 毫 益 明· 年 以 \equiv 聖 志 若 也 絶 忽 精 之 寡 無 而 人 於 之 觀 非 則 窮 過 子 過 蘧 君子 君 間 過 火 伯 友 多 调 學 子之學 學 益 念菴 玉 堯 失 乃 賢 之 多 與 使 不 之兢 昔 亦 稱 人 年 子 爲 者 無 迷 也 過 自 獨 而 冥 諒 夫子 兢 窮 而 訟 少 冥 俱 取 其 今悟 舜 於 學 之惰 進 焉 心 愚 試 之 幾 日 子 也 之 人 五 業 要欲 微 ? 進 又 於是 屢 無 + 業 之 則 何 矣。 過 夫 而 際 見 哉 是 知 孔 寡 知 益 之 精 念 群 子 過 非 四 精 嘗 菴 然 而 韋 研 蓋 + 兩 子 訝 謂 學 未 編 於 見 端 九

所 遂 釋 陽 屹 思 欲 不 手 明 爲 先 希 念 人不 若翁 生《 動 聖 菴 耶 子 知 傳 ? 雙泉 當 其 習 擁 监召 爲 而 録 衾 先 年 何 行 **>**, 夜 生 畫 毅 有 坐 見 早 中 悟 然 而 從 達 往 焉 有 奇 谷 往 日 巨 之, 平 出 譏 不 李 笑 寐 日 之 津 懷 子 爲 : 志。 遊 道 袖 孺 津 己, 已 學 有 子 讀

> 兹乎 謂 樂 已乃 皇焉 己 不 育 求 極 易》 未 及 非 獨 種 而 尊 之旨 信 種 發 見 在 盡 如 知 貌 之 性 求 不 也 莊 悟 之。 乎 中。 口 命 广 渠 而 其 望 過 子 窮 之 在 魏 非 之 不 君 詰 奥 於 子 又 出出 在 如 子 若 知 道 終 良 及 形 不 之 震 堯 路 口 H 知 就 顯 於 無 舜 所 見 危 非 而 正 而 介 所 精 蓋 不 H 於 坐 知 在 得 洗 覺 隱 冀 兀 可 有 以 之 於 微 其 方 而 而 及 體 鬼 學 傳 密 之 日 有 在 者 神 夫喜 訟 虚 口 所 孔 莫 退 不 其 得 志 寂 其 子 焉 知 在 调 也 哀 學 位 旁 在 如 Ш

+ 知 讜 逮 天 是 餘 人 而 之 遠 意 年 子 菴 矣。 哲 必 嘉 忠 耶 用 以 其 舉 授 1 Z 宜 制 者 官 酉 天 擢 策 起 殿 舉 之首」 人、 補 撰 御 於 春 治 批 鄉 未 者 坊 安 云 , 幾 之 贊 己 以 學 善 對 大 王. 病 哉 IE 試 其 尋 告 有 春 率 遭 王 見 言 其 官 家 際 僚 居 不 第 何

身 爲 友 焉 民 唐 應 德、趙 耕 於 石 景 蓮 仁 洞 力請 之野, 囂囂 東 宫出 講讀, 然若 將 悉 終 放

堂爲 知之? 之, 他日必 初 相 爲 明 其 度,予 照, 他 此學爲業,以一夫不得其 力 Ш 壽 爲 其 則 富,不 、學以未發之中爲 之石 念菴 時 夫 乃 念菴 述 以 有 而 辱其身 軍 以 其 知予言爲然者。 日 是 之必 旅 平 砥 被 年 生大概 礪之。 孟 爲 召,承乏本兵, 爲 冬十 貴 君 主,寡 门以 子 葭 而 所 有 也 正 玉 過 以 爲 几 ,9 非 己 俗 相 爲 蘧 日 任,以 子 倚 化 功,自食 玉 弗 届 鄉、 伯 其 肝 獲 Ŧi. 例 登 誰 腑 + 子 身

六〇

寓, 蓋言父母 子 讀《 南 斯 Ш 民者,爲邦家立太平之基, 有 臺》之詩 而 繹其 意之所

> 頌之私 之辰。 父母也,一 辛 故 如 於侯之壽辰,生民命脉之延促攸繫,而 一言以頌之乎? 必樂之 西 Ш 之重 孟 而 ,予不能 九邑令長相 夏 月 體相 賦 而 T 是 不 旦, 詩 遷 亂 成,無一 8 爲 非 無 率 郡 謾 彊 以 謁 無期 侯 焉 而 言 侯 月 以 之與 於予 不切於身, 萬 泉 相 張 説 **令** 壽足 以 先 也。 均 申 生 稱 而 之爲 是 可 其 初 無 況 年 祝 度

侯; 率, 故凡政之有 真若慈 務持 而侯之所欲以便乎民者,令之風行,惟 侯之涖吾吉 母之於 大體 不便於民者,令得以 而 赤子,惟 不 也, 屑 於 於兹三 委瑣 恐一之不 其 年 矣。 切 中 於 盡 剛 其 爲 達 介 欲。 民, 於 真

819

0 此篇康熙本題作《太守月泉張公壽序》。 玉伯」,康熙本此二字互乙,可從

2

- 3
- 亂」,康熙本作「辭」,可從。

德懷 心,以 之心 史《循 政、一 於 故備書爲侯 書 均 也。 也。 恐下 之要,亦 役、獄訟 賦 事 民,故 爲 究之不 而 張皇於 夫今之 體之義、太平之基,未也。 清 基太平,以求 吏傳》,而於農桑、學校、 事, 彻 獄 非 無所 賑 日 至今有 不 頌,且以諷 其 事 饑 逮 稱 爲 如 樂只君子」,「令德壽 是 能 爲 賢 戢 者 侯 如今之守令, 而 守 謂 耿 盗 一天德 之 無 非 令者 口 光 汲 忝 其 均 德 諸 心,謂 於父母 汲 差、 何 世 相 君 非 也 也 成 袪 務體侯 不 ? 惟 而 戢 是 鮮 蠧 知 德 矣。 予嘗稽 無 誠 盗 爲 非 數 體 贵 動 之心 徒 父 侯 於愛民 者 相 天,惟 裕 桑 然所 張 母 之 爲 爲 民 皇 爲 子 之 心 漢 治 賦 用

由 1 未進 侯 諱 某,字 士、水部 某 郎 别 官歷陞今秩 號 月 泉, 越 云 之山 陰

七

聲詩 遭 此 此 沸 聲四合,瑶 歸 逢 老,古稱 七十逢誕辰,時丁亥仲 百百 子 事 味 其 省、先大夫水雲公、先 年 不 爲 適,不 曩子 當不 花 來 幸 風 稀 自 只 爲 速矣。 年,而 篇 和 知 亦 不謂 飽 御 爛 酒 至 其 嘗」之句,蓋嘗 史,嘗 盈 杯 慶 快 載 子 香。 幸 見 足 此 以 奉 也 今日之盛 人 命 春 曾 有 命 生之 歟 臣 妣 聞 ? 點 几 拜 月 鄒 馬 不 所 與 壁 舞 故 大 也 如 如 以三公换 南 深 雷 士 當 稱 夫 畿, 願 望之所 友 喧 觴 人 時 雙 9 追 簫 形 封 俱 事 而 論 諸 鼓 偕 以 會 畢 頌

[●] 此篇康熙本題作《宋母鍾太安人九十壽序》。

宰 守 者 譬其 至 察 不 子 德 也 九 情 九 與 劾 身 盍 + 御 東 爲 草 日 不 歸 + 謂 以 逆 嶽 吴 以 守 彰 之 木 史, 盛 是 初 求 是 類 總馬 事 ? 壽 立 朝 年 口 章 度 孰 諸 爲 尋 天 子 屬 虎 世 紳 春 腐 章榮 母 守 子 不 之 壽 母 文 封 疏 躍 古 自 其 正 謝 身 德章矣。 爲 嘉 乎 罪 爲 口 厥 有 公 子 計 ,守之本 甚 表 其 事 乎 也 無 獻 考 之,徒 + 抑 卿 棘 歸 矣。 ? 見 ? 尺 · 至 治 坦 至 卿 = 亦 社 於 夫以 4 行 菴 事 子 求 臺 先 日 稷,不 望之以 引 夫 以 世 口 也。」身, 聞 如 親 諸 褒 諫 期 曲 其子 人 見。 爲 人子之欲章 事 爲 其 先 以 生 百 以 己之身 江 宋 在 中 官 璽 進 正之言 之賢 執 例 以 之本 百 母 曲 外 書 親 事 謁 士 百 13: 歲 鍾 突 所 起家 之遺 也? 告, 不肖 年 之 徙 封 召 也 猶 盍 太 欽 爲 薪 大 拜 其 日 13: 簪 得 安 憚 也 期 之 孺 監 出 孰 親 母: 暮 卒 孟 以 聯 請 人

安

出

恭

愍

鍾公之裔

恭

愍

以

讜

節

譬, 其 大 至 測 勍 下 近 (罪之餘 兵二 0 關 論 聞 邊 要之種 鍵 閩 御 鸞 帥 史 萬 怙 以 者 疏 餘 朝 破 寵 德 目 駐 驕 論 冒 有 乃 而 韙 横 邊 侈 自 引 密 部 之,至 每 徼 濫 不不 兵 遣 疏 之 凡 以 X 私 議 誣 罪 引 弱 靖 人 几 掣 也 曲 潛 邊 月 兵, 俱 其 不 人 擣 江 擊 至 虜 六 特 虜 整 虚 載 誉 此 誑 於 縻 爲 不 也 主 之 或 脅 奉 13: 計 謀 望 勒 爲 有 之 特 領 口

子 複 在 嶽 贈 有 \mathcal{I} 者 京 施 大 拜 大 某 勸 理 師 大 逮 偕 焉 理 寺 嘉 嘗 不 彻 諸 派 望 有 生 邑 言 特 寥 之之所 謁 博 壽 寥 意 子 介 安 其 白 言 齋 際 母: 餘 人 爲 陳 足 八 之 年 某、 稱 + 壽 以 觴 베 , 受 稱孝 也 望 而 之 軒 之 今 侑 乃 , 且 貢 不 於 復 某 厭 以 往 豐 以 形 其 子 海 人 朝

八

然 將 契 及 郭 時 亦 以 稱 母: 慰 未 望 者 觴 維 嘗 給 膝 弦 給 謀 不 諫 下 初 諫 所 度 之 爲 夏 時 以 孝 歉 歉 念 望 壽 子 焉 七 母: 孺 之 0 子 日 也 歉 人 子 仲 心 病 子 爲 相 時 而 暑 静 郭 率 望 思 與 一乞言 母 疏 縻 以 曾 楮 官 七 慰 行 於 + 守 墨久之, 之 子 誕 世 濂 以 」, 且 辰 雅 不

倉 以 上 封 球 獨 嗣 公、祭 皇 躍 立 示 隆 恐 几 琉 然 未 必 以 怖 幾 球 方 喜 Ħ Ŧ 請 自 萬 而 重 者 命 時 或 里 矣, 離 之 而 望 初 之志 别 後 禮 丈 轉 而 X 可 前 行 夫 往 朝 刑 也 憐 牛 往 貢 科 使 之色 朝 以 臣 右 而 乃 廷 至 諫 險 弧 之往 凄 今 嘉 阻 矢 然 奉 其 不 奉 難 懸 形 命 者 忠 絶 命 之。 諸 使 順 册 賜 何 凡 外 言 封 世 時 服 每 或 或 面 ? 望 等 册 琉 Ŧ

> 草 梓 贵 及 程 人 躋 其 生之榮 木 所 抵 古 玉 芬 期 家 稀 以 帶 也 子 馥 重 踰 产 H. 君 述其 辰 方 傾 袍 幸 命 皇 拜 動 哉 自幸 皇馬 子 再 間 舞 ? 越 樂兹 里 於 之詞 月 懼 吾 慈闈 況 行 縻 吾 之所 永 及,兹 母 速 子 之 豐 子 前 以 者 得 前 文 是 榮 幸 多 此 江 以 年 時 持 矣 未 Ш 賀 望 節 孟 有 焜 之。 之 還 夏 也 兼 歸 壽 桑

苓、喬松乎 苓」,言 其子 綻 發 弦 壽 謂 麻 母: 一言 耶? 者 子 求 以 標 乎 孝 彰 物 ! 異 子 ? 其 諺 大丈 各 者 於 昔人謂 母 有 有 松 之賢 忠 之 夫當 其 種 百 臣 産 也 歲 ; 亦 求 如 殊 胡 而 然 口 忠 此 結 也 茄 非 喬 也 臣 苓, 彻 松亭亭 不 賢 若 於 結 13: 時 郭 孝 時 孺 瓜 E 望 望 又 子 積 下 忠 之 其 胡 安 德 孝 門 非 善 有 菽 能 茯 百 茯 之 於 不 成

[■] 此篇康熙本題作《郭母太孺人七十壽序》。

將 年 也 以 行 + 常 垣 使外 吾 芒 未 乃 餘 得 如 之所 有 子 敢 事 無 戴 忠 後。 月, 之長 時 王 咸 靡 聞 之 繋重 望,豈偶 載 條 鑿 欺 風 誠 兹 見 身 陳 整 矣,而 斂 役 漢 玉 克 不 弭 影 也, 退 立 官 肖 戒 然哉 倭之計 大 一。 鵠 其 威 孺 非 自 以 計 儀 親 人之壽 帝 ? 消 乎 峙 俱 其 心 ? 鸞 壽 人言 而 己 荷 之簡 蛇 停 益 之 又 倭, 益 俞 豕 信 徵 1 時 彰 音 迥 在 琉 之 中 却 望 也 也 出 乎 毒 球 或 有 虜 厚 ? 之有 之 乎 司 之 7 重 鄰 ? 無 奉 諫 策 有

九

足 考 古 前 以 亦 稱 稀 傳 乃 壽 稱 焉 以七十 七 者之爲 + 古 爲 風 爲 古 稀 純 稀 稀 也 龐 言 何 鍾 《洪 哉 壽 氣 ? 而 範》 最 至 言 厚 於 五. 七 七十, 民 福 + 多 而 德 壽 雖

> 以 壽 請 翁 足 壽 七 矻矻 兒 + 稱 之壽,即 爲 女 者 先, 初 以 聯 度之辰 弗 其 德 而 E 姻 無思 以 爲 短,先 終 耶 是 之 重 哲 其 歟 也 以 之請 期 子 ? 攸 戒 思 子 好 是 且. 幣,乞言 哲 謂 德 年 將 與 東 孟 有言,況 是 子 溪 夏 蓋 仲 曾 爲 某 子 翁 不 壽 H 之 以 思 儀 年 壽 哲 子 制 翁 之 重 郎 届 爲 有

贵 聖 證 吉 田 所 居 非 之 禄 記 陽 江 昭 廟 鄉 顏 吾. 武 右 里 、思、 代 與 居 邑木棠之曾, 也 城 居 墓 焉 書 未之有改 耻 不不 大 孟三氏 院, 仕 缺 事 獲祀於 典 及 新 載 莽, 自 曾 耶 ^ 出 ? 氏 獨 携 宋元 其 統 武 家 家 以 乃 後 志 城 藏 魯 避 曾 至 人 ×, 曾 今世 宋 者 無 地 氏 并 子 譜 T 曾 子 吴 若 之 孫 有 氏 襲 歷 文 江 後 前 爵 餘 散 歷 IE. 右 命, 宗 處 口 之 其 公

■ 此篇康熙本題作《東溪曾公七十壽序》。

學 請 曾 譜 者 請 焉 士 能 覈 間 右 己 除 東 江 而 爲 其 定 于 又 立 又 地 魯 南 躬 務 而 未 爲 其 之, 之敬 紛 之境 所 適今上 者 几 上 出 互. 數 \mathbb{H} 按 求 議 司 若 武 然 氏 資 禄 考訂 永 其 年 報 東 者 告託 慎 干 城 學 本 豐, 乃 確 미 溪 里 之 允 即 族 重 而 翁 而 率 族 適 伯 武 居 稽 輔 嫡 無 而 其 曾 於 與其 文 族 思 今殿學 悉 仲 城 質 拜 事 臣 氏 派 是 凡 移 哲 之廟若 照 乃 人 不 記 汾 之 之 無 若干 授 兄 往 檄 以 具 商 足 及 陽 議 後 疑 南 質 返 少 弟 氏 督 家 之墓 證 吊 寓 即 人, 浦 粹 詔 墓 湖 之 學、 子 世 查各 者 於 上 動 次 翰 爲 天下 徐 未 例 」, 益信 補 顛 其 嘉 經 聚 博 翰 憲 竊 先 有 員 末 族 年 祥、 事 歲 致 臣 林 已 求 間 生視 又 於 宋、 於 歲 其 永 成 延 曲 Ŧi. 應 曾 動 改 勃 致之。 其 部 釋 豐 元 經 訪 詔 之 阜 學 未 子 然 念 間 之 之 氏 緒 之 博 部 有 精 後 履 以 興

> 序 信 類 志 洋 调 重 嗚 几 其大者以壽之。 之行 , + 洋 者 呼 於 年 乎 如 興 皆 盛 ·之前 與三 悲。 几 東 肆 矣 倜 溪 + 其 ! 儻 不 氏 年 爲賢 豪 稱 並 夫 日 之 靳 邁 古 以 群 聖 後 貲 厥 之 稀 武 子 之後 力 功 氣 不 城 孫 爲 長 孝 忝 而 之祠 備 0 誰 也 子 求 禮 子 身 哉 不 以 墓 樂 故 玉 ? 況 酬 貴 烝嘗 略 立 荒 以 其 夫 其 丘 鄉 水 興 賜品 之 細 頹 錫 評 義 繼 馳 行 宇 之 於 忠 歸 爾

+

所 mi 其 以 所 爲 孔 以 方 子 之 爲 七 器 矩 + 者 也 而 從 非 外 心 義 也。 所 以 欲 方 心 外 不 之 踰 體 矩 矩 ,天然自 著 矩 也

0

此

篇

康

學,非 家 族 安 惟 養 汗 中 未 多 有 域 厚 允 有 極 矣, 彦 福 本 7 乎 發謂 陽 出 以 宋 之中 世 如 執 邑之 體 隆 ? 如 惟 原 浹 明 天 以 極 惟 子 興 獅 背 夫 之學 \equiv 之 之中一一 故 壽 地 ·思子 降 白 萬 體仁 泉 未 舍 堯 學 天 自 周 教 沙 物 别 發 下 劉 燦 舜 盛 厥 不 秦 脉 陳 化 皆 之傳 氣 駕 萬 之 氏 程 然 · 傳。 功 行 漢 語 公、 如 無 備 象 世 學 爲 復 林 梅 於 綫 而 至 窮 出 先 獨 陽 再 中 明 其 袁 江 孔 也 非 如 幸 闢 盛 明 生 縣 朱 斯 延 子 右 孔 几 庸 接 子, 混 王 训 平 **\$** ∭ 子 以 七 或 子 時 **>** 踵 而 每 沌、 知 公 號 出 + 爲 晚 友 朝 不明 莫 書「喜 É 常 學 獨 年 稱 雖 不 矩 兩 稱 重 令學 盛 沙 情 之 三傑 領 深 壽 踰 乎 峰 理 開 ; 於 者 其 至 ? 悔 弗 學者 子 怒哀 者 灼 仁 孔 道 安 鮮 要 辜負 論 與 於 見 壽 子 壽 高 堯 矣 福 也 其 静 之 亦 道 樂 之 之 涵 德 舜

> 際。 夫 分 泣 皆 死 者 歎 子 其 虚 子 毫 守 其 生 再 下 日 以 持 布衣 不 , 介 乃 寂 几 : 經 横 也 論 兩 而 離 踰 退乎 於 9 如 理 語 峰 與 傷 蔬 謂 子 之 胸 所 此 被 篤 子 哉, 未 食, 矩 中 居 夫?」於是 罄 逮 信 不 其 嘗 貧 卓 蓋 未 揭 時 陽 數 晏 相 藏 有 乎 發之 也 囊 明 如 百 之密 人 超 兩 幾 其 _! 資 北 也 者 乎 峰 如 微 有 送予 外 中 盡 僅 歲 淵 七 館 見。 見 别 而 + 月 祛 + Ŧi. 穀 可 矣 乎 誉 久 於 至 年 其 + 子 子 静 以 兩 世 近 家 南 之 逐 金 蒙 峰 深之莫 齋 之外 情 外 嘉 服 浦 大 退 兩 行 之 外 别 靖 孔 環 難 而 峰 李 慕 見 T 子 測 堵 追 而 至 惻 諸 而 未 於 無 蕭 其 歎 致 決 於 然 凡

學 明 負 之學 時 名 先 督 生 出 盡 忠 學徵 ; 棄 信 至 其 廉 少 其文行, 學 介 湖 而 得 始 學 之天 至, 焉 優 性 以 見,彊之貢,長 督學至 少少 廪 餼 習 舉 强 已 之 聞 復 陽

揖 而 退 其 在 王 門, 謂 非 顏 閔 之徒歟

受業 生者 永 . 豐 莫 及 學 先 如 門 生 士: 子 以 舊 如 也,是宜予之有言 是 概 聞 年 等 先 五. 生 相 月 一之教 率 初 徴 七日 子 如 言以 從子 也 届 七十、 賀。 静、企,嘗 初 知先 度。

+ 0

成 也 尼 亦 子 稱 以 夫 贵 乎 Ŀ 不 非 其 七 生 ? 十 婦 古 壽 七 真巨人 有 多壽 也。 + 而 於 所 蓋 在 德 稱 元 遂 古 婦 \wedge 考,而 古 足 跡 氣 而 易 主 丈 以 稀 履而 陰教 夫 成之者, **>** 伊 稱其 $\check{\boxminus}$ 猶 以 何 尹 有哉 不多 七十 1 哉? 壽者 不 故 中 母: 生 有 見 ? 饋 爲 稀 以 言 於 惡 前 稀 言有母 子 無 也 古 空桑, 非 有 賢 遂。」妻 況 婦 者 於 又 也 夫 亦 也 也 稷 婦 德 何 稀 之 道 故 有 足 哉 人 也 生 以 仲 無 善 女 ?

是

日

乎? 文分詠 天下 恨 太孺 師, 書 陸 生 : 乃 履 . 幣 珍 故 誠 故故 味, 旋 索 人 嘉 至 進 孝 謁 章 在 七 靖 成 余言, 我 哉! 贊 述 士, 期, 文太 戒 凡 進 + 庚 也 陳 家 而 百 士 先 懸 戌 邑之大夫 母: 祝 史氏 從 年 寓 以 暮 帨 生 進 之。 之壽,宜莫 馳 進 弟 道 商 之 士 京 數千 洞 士 之月 其 辰 之 進 子 師 Ш 合 望雲 也 心, 士 士 尹公。 里 以 廿 敬 是 製 又 如 不及登 可 年 有 歸 而 冠 知 不 相 先 以 司 弟 以 鞋 尹公之言 寐 孺 率 生。」余 愛者 日 言 爲 錦 之懷 子 堂 人 踵 壽 不 結 者莫若 拜 之 爲 子 圚 子 壽 構 咸 陳 E 且 門, 矣 余 勒 爲 陳 撰 重 海 13:

子 弟之過。 進士之從予學也,有 言 訥 而 不 辯,行 年矣,余未 慤 而 不 靡 見 學 其

孺 歸 考 不 朴 自 焉 人 德 卒 菴 如 安 進 先 以 不及,見流 曰 生 士 過 : 之 以 哀 學 儒 得 喪 於 術 無 明 畫 鄉 世 0 重 媕 也 其 進 唇 婀 未 家,長 義 1: 卑鄙 每 方 幾 道 者 之 之行 而 之行 及 訓 先 生 乎 輒 輒 ? 邑 蚤 淚 蹙 世 下 然

安, 質 閤 之 外 孺 食不 人起 地 冢 孫婦、 ,終日 擇 居 味 若 衣 余從子之女也。 女 瘖 澣 日 哑 1: 「賢 濯 人 不 然。 極 哉 遇 敝 , 太 比 極 不 歸 母 更, 不 當 1 寧 足 子, 意 不 幸 事 履 嘗 而

津

津

然

自恨

不

肖

無

足

以

塞

母:

之悲

也

孺

得 也 未 進 嘗 作 士 報 噫 嗚 乃 聲, 喜 而 故 悲 詬 日 詈 無 『恨 之言 吾 不 及 亡 人 臧 不 獲 及 見 近

公家 静 無 常 簡 事 肝 默 修 法 膈 而 之 飭 維 且. 重 之 要 德 貽 戒 詞 ; 之 亡 吾 而 行 姑 人之戚 合 余 亦 息 而 孫 不 觀 所 也。」夫 是 少 之, 述 调 事 數 雖 即 侈 事 進 古 謂 靡 士之言, 之賢 又皆 孺 以 壞 人 爲 御 母: 女 子 貞 居 史

> 壽 貞 稀 非 謂 無 歟 不 善 ? 有 無 所 夫 惡 自 無 德 哉 成 之 而 備 有 也。 終, 享 無 遐 所 福 遂 而 而 臻 利 女 上

始 聖 進 有 及 言, 采之爲 可 而 所 惟矻 以 母 賢 得 進 言 也 焉 1 遽 矻 錫 登 沮 孺 孺 以 類 他 第 人實 不 進 矣。 後,凡 日 古 學 而 祝 録 賢 爲 上 而 人母 悔 之, 頌 孝子不匱之心, 致 之者,當 夫 也 孰 書 ; 嚮 得 於 賢 學 而 余, 之志 而 禦之 有 聖焉 信 他 至 余 耶 不 無 是 之 古 少 所

0

孺 人 九 嘉 + 靖 + 懸 帨 六 之 年, 春 辰 厥 正 月 冢 廿 嗣 都 日 秀 甫 爲 徵 族 子 母 姚

此篇康熙本題作《族母姚孺人九十壽序》。

Ŧi.

三 石. 0

秀 者 壽 相 爲 亦 甫 乎 壽 九 弱 者 + 0 故 乎 觀 都 於 又 古 ? 秀 於 日: 況 人 其 於子 之壽 即 稱 懇 親 此 耄 狠 也 爲 可 而 有 於 族 以 子 不 不 弟 觀 耄 容 言 兄 況 恝然 人子 篤 情 不耄 於 矣。 無 義 其 言 維 而 親 知 密 有 況 如 足 以 休 子 都 稱 母 戚

口

以

者 謔 勤 有 人 1 往 黄 寒 而 其 哉 客 者 勞 動 不 見 九 息 苦 不 面 相 西 鮐 + 夫 13: 夫 背 九 鄰 者 者 宴 視 較 得 九 多 怡 干 + 有 嬉 男 其 鮮 + 萬 具 富 以 夥 子 13: 然於桑 之 之 上 甘 也 人者 自 纖 壽 爲 山 猶 瓶 娱 家 ; 巨 也 獨 ; 爲 無 之長 九 其 於 榆 有 膳 也 宿 壽 + 毫 母 之 子 朝 不 儲 於 景者 物。 忽之 九 而 之養。 子 視 而 諸 體 + 有 見 賢 福 信,億之 安 若 間 子 無 也 東 爲 完 是 否 養之以 其 鄰 暇 得 日 先 者 不 布 不 有 -免 則 惟 知 忍 終 窶 壽 於 淫 與 人 安, 散 歲 人 出 朋 租 子 饑 生 何

> 子 至 壽 九 有 而 而 不 足 乎 + 之 有 飽 東 子 ? 稱 鄰 也 四 即 早 者 方 即 有 殞 而 如 有 者 平. 遭 謝 壽 子 吾 子 其子之愚 爲 以 也 族 而 不 恨 有 賢 母 得 其 也 母 者 而 賢 於 在 子 贵 13: 而 與 若 也。 而 非 富 何 不 是 1 億 裨 不 幸 者 是 亦 人 如 哉 如 二人 百 以 之 西 此 年 朝 鄰 是 將 之 夕 不 故 壽 貧 安 母: 累 逮 壽 之 不 俱 於 其 m

爲 狀 吾 外 千 絍 膝 H 快 夫 兄 成 侮 1 猶 乃率 都 V. 所 有 孺 能 雖 故 寇 孤 秀 人 曾 爲 患 壽 其 寡 Ŧi. 甫 諸 秋 難 而 子 之 + 而 者 毫 婦 叢 非 累 姓 庭 而 之 非 逆 永 難 閑 失所 以 又 13: 倡 貞 也 詩 養 躓 繼 之 13: 天, 禮 壽 其 而 陰 力 而 訓 親 益 而 乎 庇 廐 遭 総 有 奮 綽 ? 潛 蕃 兵 乃 H 所 應 植 牛 燹 蚤 以 未 又 享 庶 子 喪 殖 雞 嘗 得 又 者 務 其 豚 作 孫 繼 冢 紡 爲 仲 之 皺 嗣 鼎 績 而 難 子 逮 眉 當 如 鼎 織 爲

爲 壽 誠 幸 有 而 足 有 且 子 稱 難 以 哉,幸 者非 者 諷 乎, 西 幸也,有子孫之賢 是 鄰 也 之 誠 ! 愚、矜東鄰之不幸歟 有 億 足 人之一,如 稱 者 乎 ? 而能 母 子 者, 養 故 是 者 爲

之與 里之使,徵文於京 稱 口 而 强 致 E 不 者 而 壽 古 乃 致者 可得,況 也 八 + 老 是 日 無 可 差 善 以 多 師 狀 强 士 九 以 而 + 翩 可 致 相 日 翩 稱 慶耶 哉 耄 肅 求 ? 書 百 ? 士: 世 戒幣 年 是 君 古 日 亦 子 有 頤 有 厪 片 不 期 不 千 强

宗、徐汝儀輩 西 + 郭 懸 也 西 弧 郭 之辰 時 張 虜 翁 謁 酋 朝 子 庠 俊, 方 言 生 垂 爲 以 程 涎 翁 癸 士 畿 壽 H. 瞻 輔 以 九 勒 T 月 子 秀夫、 十三 其 伯 醜 子 類 舊 曾 日 善 時 届

> + 爲 奔 北 是 萬 年 宵 騎 仲 遁 薄 冬朔 紫荆, 羽書 解嚴 余奉 ,始暇及 命 遣 將 文事 督 兵 往 E 驅 踰 期 之。

之,非 夫孝友 服 歲 有之而三 世,吾儕不復聞 往 而 友愛,修家庭 日 不 哉 以 嫉 而 惡,見宗敞 ? 此 子嘗聞 孤 過 少 。 母 而 招 不十 也 逆。 者備 服 尤 少寡, 悔。 吾伯子 善,士行也,一 之行,而 餘 他 耶? 年,昆 責善之言。」色 子弟有 日 伯 艱 過 子嘗 危 Ŧi. 諸士 子 益 祭 季卓然咸 巘 不當 振 折 子 一翩翩 封 歎 其先業。」性 之,則 有之已 君 日 心者輒 孰 相 : 慘慘若 云: 謂 有 自 又 張 與親 足稱 7 攘 封 唯 氏 西 悲 忿 君 唯 好 孝 有 郭 而 況 養 壽 下 往 剛 今 七 承

829

翁 起家 至 數 于 金, 樹 貞 訓 堂 於 郭 之 西

也 豐 頹 多 以 人 賢 ? 乎 昭 了,其績 母 以 其 作 德 耄 間 .壽 序 耋 學 遂 而 稱 號 而 詩 者 有 西 書 待 郭 多 禮 者 矣, 樂 不 冢 之 幾 忘 孫 1 何 也 也 雲 其 0 集 能 蒼 子 於 翁 顏 孫 之 白 衆 堂。 盛 髮 而

鍾母劉太孺人七十壽序❶

後 徵 13: 道 於子 福 之 有 壽 顯 慶、 無 晦 是 恒 壽 係 故 也 有 焉 子 而 頌 賢 徵 而 於 甚 後 德 哉 母: ; 道 婦 著 子 德 之賢否 無 13 成 道 也 著 而 而 而

夫 13: 義 有 夜 於 褒 之 燭 百 贈 稱 吾 數語之詔 邑 世 婦婦 始 閮 之上, 於 有 溪 恭 廪 之 愍 餼 福 ,豈有它母 鍾 公。 子 祉 氏 豐 有 恭 世 備 愍 蔭 稱 之 所不 秩 如 爲 殉 婦 忠 仰 於 能哉? 姑 義 視 忠 之族 相 歐 輝 世 陽 焉 之 親 日: 忠

> 終 肖 能 其 之而 即即 身者 有 不 而 傳 矣 無 無 也 子 子 也 嘗 0 念此 非 無 子 而 儳 焉 也 有 若 之 無 而 以 不

之仲 賢 潔 人 長 莊 和 以 劉 而 \Box 者 矣 之 謙 妄 默 之 見 賀。 氏 之 階 乎 賦 13: 子千 儉 孺 是 牧 動 ; 非 也 歲 制 余 人 尺寸之土 不 而 柔 七 耶 Ħ 孟 鑑 孺 得 禮 施 而 順 ? : + 夏 人之 見 以 後 恭 諸 惠 東 庚 初 蓋 善 例 有 身,妄取不冀 和 岑子,善 度 申 人,斯 相 出出 貢,今爲大學上 发出 孔 累 也 而 西 閑 子曰 爲 獨 而 後 江 貞 邑 不 鄉 致 可 有 翁 静 人也,妄言 之英 欺 矣。」 進 數千 温 也,素 9 之 + 而 恭 君 諸 教 相 東 金 謂 後 謙 人, 子 之 以 與 岑 有 孺 舍生, 和 厚 孺 吾 色 謁 子 忠 不 人 之 德 人 信 爲 不 温 出 之 余 則 積 淑 其 得 諸 稱 廉 善 氣 13: ;

[■] 此篇底本佚,據康熙本補入

岑爲恭愍公從孫,孺人爲鍾母之從子娟,一學嚮用,足稱隹兒,誠無愧於難兄者也。東

德教

3,謂不

·有所

自

來

耶

?

游 富貴相衒而已也,是宜列而頌之。 述文忠,其 亦二十年。 東岑嘗受學於東廓、 所以自 迹其 壽 (志,蓋 其 親 者,不但如 南 欲 野之門, 憲 章 恭 時 愍 而 俗 與 而 余 以 祖

贈 左 子

紛然訟 知學以 之命 往 問 見其孝弟也,且襲予孝弟之言,日以教其子 教。 見子 ,辱予於 九江郡博 弟之不肖者,亦教之以孝弟也 爲 而 子 教 猶 也 自 中。 其惟 前 (南周左子、奉巡院騮山陳公 以 爲 徒 學乎 教者,若予 以 左子,以 言 ? 訟之,於是 自 教爲 亦 夫 天 然 職 下之不 也。 乎 一,乃未 者, · 天下 子 乃

乎? 安知 寡矣。 者,其在兹乎 予之於學也 興 若弟者、日觀焉、興焉、雖未見其能孝弟 予於是 知予之子弟不蒸蒸乂、爲舜之子弟 亦教之使然乎? 子 盡 以 亂,侵侵矣。予於是憂之、反之,知予之所 弟。其子弟者,亦未見其孝弟也,且犯 而 致吾良知於子臣弟 之訟 焉 亦自 前 爲教者、言也、非 予之不可 顧 未嘗徒以訟吾之子弟 雖 予於 以 知其歉於孝弟,而未嘗如昔 而 子 未見其能孝弟 訟 後 淺之 是知天下之訟至今爲 其子 知 如舜焉,無一毫之不盡,又安 虞 爲 爲 弟 舜不可 教 法 而非學以爲教也。 也。 友之間 學 學 於天 也。 也 焉 其子 及 下, 而犯 願 予於是乎學之, 而 俛焉 也。 弟 之而 教萬 口 上作 者 傳 而 而 未能 紛 焉者 乎? 日 世 於 吾之子 亂 不敢不 者, 觀 誠 無 後 上作 者 也, 也。 世 窮 V 使 或 無

故 以 是 左 勉 子 故 子 門 人, 子 恐 其 襲 子 之 訟 也

老

忌

括

語

而

之 道 覩 背 則 數 心 几 理 不 而 月 端 不 聞 問 嘉 位 於 者 之 靖 屬 育 我 日 日 T 意 其 由 : 擴 酉 念, 坐 則 之 而 夏 近 老 世 以 無 充 日 友 ; 子 命 之 而 之 戒 劉 以 焉 神 者 學 懼 中 病 者 非 何 者 有 Ш 移 耶 也 如 其 而 床 居 ? ? 化 翠 功 中 日 子 微 : 其 也 Ш 日 殆 0 子 111 若 感 不 中 天 撫 然 地 鍋 者 而 不 子

> 宗忘 言 浩 不 佛 覩 於 、宗不 乎 之 不 戒 覩 緒 聞 懼 聞 餘 知 之戒 乎 焉 謂 其 ? 戒 爲 懼 夫 懼 本 彼 哉 以 爲 體 蓄 戒 不 之 有 懼 覩 見 爲 不 於 古 累 聞 不 也 者 累 覩 也 惡 是 不 足 戒 於 聞 懼 是 而

然之 也 格 量 其 請 曾 廓 德 1 物 於 華 鄒 H 正 祠 而 而 妙 者 然 致 子 舉 焉 Ш 越 以 不 己 功 諸 暨 用 0 春 明 知 祀 使 大 矣。 在 伍 祭 年 君 東 吾 少 物 格 而 致 子 南 戊 廓 陽 有 約 無 付 物 致 溪 戌 知 如 子 明 所 物 百 知 得 期 \Box 郭 先 毫閼 彭 用 志 而 者 感 以 : 無 松 生 於 Ш 其 會 而 至 充 有 崖 者 蔽 格 季 知 以 此 遂 , 同 於 極 焉 物 子 相 ^ 甘 通 祀 異 其 吾 中 之。 即 蓮 是 天下 事 乎 中 聽 良 庸 彼 廬 坪 年 畢 致 > 以 吾 知 時 \equiv 陵 之故 之學 王 忘 良 本 大 子 月 子 所 中 M 與 體 舉 知 與 V. + 批 也 厓 之 不 É 利 東 有 懷

則

今之以

忘

與

不

知

爲

宗

者

是

耶

?

日

其

用

也

發

而

後

充

離

道

遠

矣

日

若

其

未

發

者

充

之

以

極

其

量

是之

爲

精

義

以

致

助

長

忘

此

者

謂

之無

爲

擴

充

云者,

蓋

亦

自

遂

通

者

神

也

未

之或

知

者

也

知

此

者

謂

之

古

之定

則

是

古

儒

釋

之

辯

王

伯

度

以

求

精

故

其

所

謂

輕

重

長

短

適

以

貿

亂

平

忘 ? 所 於 待 猶 物 之 病 短 以 心 意 亦 忘 知 是 之精 體也 謂 天下 有 之,則 日 輕 而 念 爲宗者 而 而 乎 緦 精 重 不 異 相 子 非 猶 之輕 緦 者 長 取 吾 得 聞 爲 嘗 格 自 失 物 則 焉 之 亦 短 乎 倚 物 論 夫 矣。 以 而 ? 者 爲 稱 重 權 未 伏, 不 固 格 爲 以 障 故 量 長 彻 度 足 意 有 格 物 意 陰 子 東 之 ; 短 也; 以言. 之 見 致 以 逆 廓 氏之學 流 惟 五. 切 於 用 而天下之 之, 之 致 : 子 密 謹 伯 格 斷 知之 是 吾之. 也 實 日 物者 言 陷 竊 除 也 0 而 功 . 學 於 猶 有 權 致 而 致 知 不 也。 義 而 見 在 格 寂 度 也 其 輕 猶 知 知 也, 乃 襲、 耳 物 於 精 滅 於 自 於 重 之 乃 并 之, 然 之 矣, 知 致 挈 助 子 吾 輕 長 所 是 戒 者 道 説 知 之 以 求 長 何 要 矩 重 短 懼 而 權 其 格 之 乃 皆 以 意 諸 敢 子 而

> 之分 子 而 無 \Box 所 堯 用 學 舜 其 古 以 功 如 來 者, 是 相 終於言 也 傳 之 乃 意 有 謂 幾 未 物 亦 瑩, 爲 微 子 自 矣 姑 然 之 東 退 廓 用 而

思

方之遊 我 適 也 桂 録 友公輔 附 所 持 見 卷 大 索 以請 書 正、公輔 公 輔 方 有 當 志 有 於

翼

几

山中答問

求 聰 問 夫 Ť. 明 乃飲 其 子 蓋 督 殆 於路馬 學 世 無 然 敬 愧 自 弱 所 於 視 冠 王 此 取 先 孔 皇 其 高 生 文子」之「文」乎 皇 志 第, 者 焉 何 年 日 如 敏 哉 幾 以 而 問 彊 好 學 仕 學 不 爲 仕 先 至 耻 大 生 下 如

笑 日 : 先 日 生誤 介介 其 矣, 門 腦 人 何 徐 足 生 與 枉 議 子 於 Ш 昔 中 子

爲 見 卒 持 傷 焉 X 處 子 深 翁 古 踰 求 瞽 餔 以 0 以 誘 哉 Ш 知 歲 日 得 乃 Ľ 沙 引 翁 翁 子 焉 而 依 而 靡 泣 之 見 子 於 至 日 聞 疑 歎 茅 所 昌 道 不 求 此 口口 瞽 則 其 已 日 菴 得 路 如 者 大 其 若 也 : 或 有 再 出 息 聞 者 匍 其 故 _ 之矣。 乃 不 有 拜 太 是 匐 焉 家 瞽 識 邂 所 又 或 謝 遠 儂 兼 兒 子 逅 聞 行 何 老 而 家 無 程 菴 之 世 日 前 耶 哉 或 媪 失 種 見 有 爲 諺 : ? 瞽 窮 止 子 所 也 老 瞽 百 謂 循 翁 日 曩 歸 先 靡 媪 耶 故 乃 之 里 不 千 爲 生 亦 人 ? 道 暴 力 外 無 父 怪 撫 聞 得 就 弗 返 棄 聞 子 昨 日 無 不 術 物 而 詢 焉 弗 平 乞 : 相 方 子 詢 以 如 色 收 子 後 E 其 兒 之 抱 度 子 詢

平. 訟 能 徒 知 邇 知 來 能 求 兀 覺 其 方 之 良 之 體 於 士 所 以 能 知 良 知 所 知 能 覺 爲 覺 學 之 之體 事 者 而 聚 谷 失 論 之 養 如

子 之 之, 行 非 知 性 知 不 物 懼 獨 發 代 是 神 m 之爲 學 體 之 良 中 實 0 謂 善 知 以 所 也 詞 吾 其 義 惡 知 之 主 中 0 之 不 育 以 天 不 夫 種 之 地 者 自 爲 宰 幾 覩 立 也 而 堯 迫 谷 子 子 先 在 根 爲 襲 之 然 獨 不 本 乎 切 神 舜 以 我 生 聞 焉 爲 虚 也 萬 不 惻 而 而 所 本 不 其 戒 老 所 者 靈 良 之 物 聞 焉 意 死 反 以 文 而 慎 子 以 也 爲 也 深 而 尊 日 E 開 是 詆 别 而 不 祖 好 是 致 憂 中 隱 獨 無 其 求 萬 和 謂 而 覩 述 間 之。 謂 是是 義 也 對 至 以 世 天 爲 生 知 不 黄 襲 不 玄 恐 知 覺 焉 下 木 之 故 而 超 帝 覩 己 之 要 牝 夫 懼 覺 太 皇 索 之 之 人 ; 然 者 見 其 日 天 不 之 不 皇 之 不 平. 大 説 之 於 微 作 所 玄 地 覩 無 知 聞 然 能 徽 本 眇 也 萬 以 牝 至 以 不 求 隱 亦 而 辩 戒 墨 冥 也 物 凌 位 之 聞 之 惜 乎 懼 後 之 微 語 允 不 跨 ; ; 門 如 广 執 调 是 不 爲 不 世 萬 戒 表 未 百 日 承

弗 及 也

答青 田 「令李 邦 正 問 獨

爲 混 邑 中 大 微 聞 發 到 此 不 子 其 於衆 覩 獨 之 養 位 而 本 日 又 便是未發之中。」不 來 獨 恐. 安 也 天 發 也 藴 青 天 心。」邦正 精而 地、育 得 者 矣。 田 地 惺 古 戒 \$ 自 遽 萬 宜 乎 懼 中 以 李 然 物 明,小 萬 其 中 出宰百 所 邦 而 中 語 由 物 所 庸 以存 超 節 諸 正 我 也 不 而 乎 問 人 日 而 聞 之, 聞 里,一邑之 辨 只從喜怒哀樂未 哉 天 陽 : 獨 位 地 明 ? 於 存 尊 育之, 程 君 隱, 萬 子。 先 存 而 子 然《 子 不 物之上,謂 生 而 無 日 戒 中 責 師 夫 云 不 對 覩 : 慎 : 亦 ·已,則 一天下 示 既 庸 帥 日 乎 微,隱 重 前 日 覩 發之 聖 其 則 矣。 獨 之 自 之 不 所 己

書 明 建 就 選 北 上 卷 後

言 能 治 不 建 董 子 鬼神,孚 弦 之, 民 自 復 有 失 明 所 加 本 其 信 持 建 以 學 而 於 惡 與 上 於 本 其 此 願 禽獸、草木,而 京 夫佞 誠 學 仕 明 心 以 吾子之自信 身,此 謁 水 與 索 則 選 格 否 余 而 也, 天真 子 論 也。 喜 言。 孔 之上, 然 漆 友明 門傳 流 學 不 子 雕 也 動,可 況 足 學 開 何 水 姑 授 於 以 言 嘗 之 而 就 家 人 八乎? 以 自 篤 仕 哉 揭 其 法 貫 信 ? 於 者 藴 粗 也 有 自 金 以 且 是 而 之,夫 獲 石 告 信 近 子 真 在 也。 者 不 感 能 明

835

夫 子 像 贊

夫子 像, 古 今 推 吴 偉 所 繪 者 爲 逼

賜 德 矣 也 於 也 弟 天, 錯 如 述 以 繹 豹 石 大哉 自 也 堯 堯 暴 諸 欲 天 每 行 生 猶 神 德 皆 舜 之, 舜 地 經 出 愚故 民 天 夫 别 子 道 平 智 厚 如 之無 傳 之不 憲 夫 皜 爲 輒 以 並 日 也 如 足 有 所 述之爲 月之代 像 奉 來 皜 行 地 不 以 若 婦 君 載 日 文 誊 口 乎 乎 以 持 未 婦 君 知 . 也 ?! 有 教 武 俱 階 以 不 有 載 有 像費 聖 郡 化 傳 明 夫子 孔 而 臣 口 思 Ŀ 盛 人。 0 無 齋 升 尚 子 臣 無 : 律 竟 也、 云 於 曰:「夫子 之力 不 也 、父父、子 有 己。 窮 集 天 暇 日 江 孔 於 0 覆 軻 日 大 如 時 H 不 漢 子 : 幬 有 嘑 也 有 也 成 四 復 能 以 也 下 E 1 時 孔 辟 \$ 加 敦 濯 襲 : 之 其 子 子 又 如 畫 至 夫 頤 水土 夫子 不 、兄 太 道 仲 四 語 有 有 工. 矣 參 忧 口 極 時 高 尼 秋 搨 \Box H 兄、 也 盡 通 賢 及 合 之 辟 祖 陽 之 如 乃 : :

陳子策父母像贊

之拙 穀 者 儀 家 彼 遐 乎 乎 m ? 重 哉 羲 公之 13: 知 人 巧 者 皇 之 道 也 僞 以 略 子 IE. 惟 之時 位 險 純 見 刻 雍 趣。 ; 孺 夫 而 乎 薄 子 夫 雍 樸 木 人之恭 人 見 分足 者 内 見 今 嗚 以 其 能 也 日 呼 夫 人 肅 不 鳴 子 頌 子 戕 絢 今 巧 ! ; 順 乎 呼 其 孫 其 義 僞 惟 人 兮, 不 巢 ! 賢 遺 者 生 方 以 素 險 可 由 像 是宜 烝 兮 脱 之 而 薄 相 得 之樂。 在 不 烝 輻 教 懿 其 以 使 而 堂 以 雕 求 反 節 也 誰 相 也 知 平 淑 惟 子子 目 慈 以 九 傾 其 也 多 0 璞。 而 覺 原 人 顏 也 福 其 故 不 思 而 逝矣, 不 何 其 心 子 見 乎 口 而 作 孫 得 其 游 能 婦 思 公

戴明溥像贊

古 容 和 衣 乎 人,其諸劉中 禮 此 冠有 像 法 之場 爲 楚。 誰 ? Ш 混 沉 之伍 跡 子 潛 世 友 乎 歟 塵 梅 詩 ? 泉 書 游 之 戴 心 太古。 府 明 0 溥 言 忧 求 温 之 氣 從

世光字説

傳 物 己之昭昭 《易》曰「君 其 也 ,予不字,其誰 晉之《象》 子世光,命予爲 君子之光 念菴 使 先生筮吉, 子 日 人 ; 以 之昭 其 自 字 暉 世 明 昭 之? 光字。 吉 昭 以是 明 出 言 也 德 地 乃字之日 年 」,言成己 昭 成 上 世 中 之至 物 光,予 順 秋 也 而 0 前 彻 麗 成 彻 以 之 乎 夫 己 昭 館 日 ; 子 成 以 甥 冠

> 吾 能 昭 其 章 明 金 H 於世 柔 世 玉 氣 其 以 其 其 其 也 心 進 、學也。 光 光 相 也 非 而 龍 有 者 ; 本 上 翔 厚 其 高 於 行 鮮 虎 望 昭 器 Ш 昭 矣。 躍 之 大 也 之自 用 時 ĴΠ 其 ; 之 無 潛 變化 義 其 我 彰 忝 大 乎? 行 也 爾 雖 矣 也; 祖 也 伏 哉 厥 一,承 ; 是故 矣, 彰 1 追 和 考 厥 風 琢 亦 青 不 用 微 其 甘 昭 孔 天白 章, 雨 而

物占識

鬼 俱 神 蓋 給 古 啓 糜,其 神 浚 土 欽 制 城之隍 嘉 一,乃啓 靖 壯 役 枕 二 十 一 而 者 以 面 土得 有 馳 備 有 力 文云 虜 年 而 者 石 也。 告 枕 賑 河 日 之於役。 東 1 道 饑 鐵 以 高 神 甚。 鞭 哉 龍 月初七日 虎 役者 ! 子 伏, 銅 威 乃 萬 鏡 德 散 而 告 廪 明

安,枕之兆也。」是 年 虜 果 不 犯平 故 識

藏

之以昭鬼神之貺

雄 劍

之强 百 噫 鍊 惟 剛, 銛 六 耶 鈍 龍 惟 耶? 光。 時 威 也 而 不 怒,矯 用 則 揚,

舍則

雌 劍 銘

咨 爾 干 將, 衛 我 八尺。 韜之龍翔,奮之

必

乃

雷 虩 噫 小人佩之凶,君子服之吉。

楮 刀

銘

守之以鈍,裁之以義。 不 刺 不 鑽 是 謂

傍

鏡

銘

則 貞。

汝

昭

汝

明,

我

貞

我

形。

貞

則

明

明

項 索 銘

嗟 爾 項, 胡 畀爾强? 胡 教 爾 行?

善 黑 仰。 索 是 噫 ! 尚 無抑 身可 降,志不可 而 使 降 歟? 喪。 善 降

者

行

手 扭 銘

觀 醜 嗟 爾 手 無 以 胡 爾 爲 爲 平 不 糾 善 糾 取 歟? 胡 掣 善 我 取者 肘 必 爲

者

與

者

雖

短

不

齊,其

於文事

可

謂

百

心

相

濟

龍 心 壁 天 錫 無 踰 玄 端 圭

弗緇

馬

肝

溪

余

故

銘

鐵

面

坦

胥

磨

胥

盪

弗

磷

詔

墨

師

脚 鐐 銘

善

噫

形

口

醜

志

不

可

疚。

!

善 父 | 霧高。 13: 僇。 嗟 噫 爾 無 足 以 身可 胡 爾 爲 爲 僇,志不可辱。 乎 不 縮 善趨 縮 歟 ? 進 退 善 維 趨 谷, 者 必 爲

硯 銘

士 發,毛非 於 文房 陶潛之後 弘 農 結 陶 陶 不 爲 泓 安静堅 滋 几 與 友。 陳 非 確 然 陶 毛 陶 傳 不 穎 最 世 顯 長 楮 最 0 生 玄 陈 視 出 非 同 \equiv 台 陶 有 子 處 不 事

> 始 定 軒 銘

寄予 何 斵 能 而 淑 成關,予喜而題曰「始定軒 合 峒 嘉 ? 抱 板 靖 四片。 丁未, 寸朽,豈云完木? 啓予手,啓予足,木若以 總 庚申 督 兩 廣 月 軍 晦 務 日 老戒 」,仍銘之云: 仲 友 人 子 美,庶 靡終,其 張 静 浄 爲

幾

不 江 辱

聶先生文集卷之十 三

終

五. 四 七

子

雙江聶先生文集卷之十四

雜 著 即 困 辨

辯

中

堯曰:「咨! 爾舜! 天之曆

允 禹 執 執 日 厥 厥 中 所 源 此 其 中。 發者言之。 堯、 咨 人心惟 四 (肇於 ! 舜、 海 爾 木 禹 此 危,道 舜 窮 授 平 如 ? 命 天 惻 心 天之 之 禄永終。」 隱 人心、道 惟 詞 之心, 微。 曆 數 萬 惟 在 羞惡之心, 心 世 舜 皆 阚 心 亦 惟 躬 學 以 自 其 之 命 允

爵辛

讓、是非之心是也。

感應流

行,

本

中是 瑩 妄 祖 段,二心可概見。 理 也 心 未 真 乎 允執之旨 心之 7,故曰 故故 發之 自 常 道 ,則二氏、五 述 也。 真 之 「然發 不 心 日 日 中 正主腦,允執是工 原 之 天 雜 危。 微 危 流 出 理 便 發, 日 也, 而 學 便 「今人 有 人 流 霸、 而 爲 是 0 者 行 發 心 於是 義 不 動 而 中 自夫中之爲義不明, 白 須 云 襲之學。子 雜 自 乍見孺 以 中 是 家之學 從 者 作 然 之 人, 節 道 此 中 只 一夫歸 中 之 1 以 處 動 纖 子人 庸》 節 和 的 人 自 體 以 毫 結 爲 本 有 識 思子 以 動 和 人 不 處 井 體 斷 日 得 明 便 以 即 從 例 精 是 有 明 其 憂 天 天 道

乎 子 也 天 隱 戒 者 命之謂 不不 ,莫顯乎微 慎 乎 可 其 性 須 率 所 臾 不 故 離 性之謂 覩 也 君子慎其 恐 可 懼 道 離 平. 修 非 其 獨 道 道 所 之謂 也 也 不 聞 喜 是 怒哀 故 莫 見 道 君

Ŧi.

几

九

也。 樂之未發 也者,天下之大本 致中和,天 謂 之中 地 位 也 發 馬 而 萬 和 皆 也 物育 中 者, 節 天下 焉 謂 之 一之達 和 道 中

懼 誠 隱 此 也; 生。 夫上 虚 是 戒 更著 而 中 謹 之不 後 非 員 體 也 庸》 發 氣 帝 他 不 便 教 中 恐懼 覩 字 不 立 無 可 測 拘 首章 X 是 即 降 日 掩 之神 不 所 覩 焉 物 衷 爲 戒 命 ,堯、舜、湯、 微, 道 也 中 于下 能 懼 不 蔽 訓 是精 命 親 一 血 聞 與。 隱 即 道 性 即 慎 民, 便 微 去 聞 教 有 脉 即 性 獨 執 是 退 耳 日 何 也,湯 所 貫 道 也 民受天 藏 云者,言 未 中 目 獨 武之兢業、祗 有 失, 通 也 於 支 發 的 哉 語 率 密 武 莫 修 離 之 傳 其 堯 地 中, 見 之用 反之也。 意 註 戒 而 不 舜 鬼 性 之 莫 復之, 不 謹 精 神 性 常 之 中 聞 顯 莫 畏 之 自 以 恐 必 全 存

> 之原 道 之 憂 \equiv 位 不 元 萬 窺 萬 道 聖 肖 中 其 身驗之,以至 氣之流 之大本。 物 ·, 發 也。 學之失其 相 可 際 本之人情 皆 物 授 以 備 育,堯 是 而 感 與 守,一道 行, 皆 獨 天 知 而 命 中 也 不 之 傳 故 遂 由 舜 0 能 節 於天下 性 而 通 此 日 垂 涉 「喜怒哀樂之未 行 謂 作 也,故曰: 也 立 衣 性 之和 思 自 裳 和者, 議 然 道 故 或 之 而 。」寂 中 由 日 家, 欲 而 天 節 天下 此 也。 夫 子 無 下 中 猶 然 出 婦 不然。 治, 者 不 之達 萬 天 之 太 發 自 愚 天 謂 地 和 化

已矣。 聖 中 人 也 者 7 教 和 也,中 俾 人 節 自 也 易 天 其 惡、 下之達 自 至 道 其 也 中 故 而

言 调 與 中 即 不 和 及 也 皆 0 惡 致 也。 中 而 和 中 出 也 焉 者 故 和 也 至

人。 喜怒哀 養益 之本 謂 語 其 中 中 其 Ш 熟,觸 者。 先 、精思 真 而 先 樂 生 有 已矣」,又曰 生倡 一講 力 若 未 在 處 踐、任重詣 於 是 論 發 洞 道 之暇,危 者久 之前 是。 然 東 自 南, 「中焉,止矣」。 之, 由 作 然中節 是 從之遊者甚 何 坐 極 而 操 惟 氣 終 益 存 象, 日 知 羅 益 以以 夫 仲 而 古 天 求 體 素 涵 F 所 夫

亡,不 處 相 則 流 又 夫喜怒哀 李先生門下 享 方竊 處 傳 汗 沾 指 事 負 得 衣 好 訣 應 教 盡 章 樂 也 物 育 心 當 句 未 自 教 之思, 於 發之 時 訓 然 人,大抵令於 此 親 計 中 中,未 炙之時 節 每 之習, 畢 竟 此 念及, 發作 無 是龜 以 貪聽 至若 静 何 未 的 中 Ш 講 氣 嘗 實 存 門 以 論, 若 不 見 F 體

未發之中,本體自然。

敬以持之,

使

以

上三段,是《朱子語録》中

悟後定論

常覺胸 不如 之爲 焉。 其 發 夫以 動 於 然中 無 下 所 此 而 之言 手處 以以 病 論 已 復 無 氣 則周 致 失 道 發 節 象 聖 向 事言之,雖 致 月. 常存 中 來 至於此 賢 語 以 知 或 此 處 夫擴 爲言 流 只道 ·擾擾,無深潛 講 幾 渾 觀之』者, 格物 事 故 貫 是 究思索,直 乎 厚 而 爲 闕 徹 日 充之功。 不不 敬 息 敬 雍 不 亦 用本 却 之間 有 初 失, 矣。 而 容 平 可 止 無 動 能 無 以 氣 所以 H 領 則 , 以 間 静 敬 失 亦多 故 不 象 純 以 涵 工 自 察識 斷 之 便 則 程 審 夫。 養 心爲 有 一之味,而其 察 此 而 殊 是 自 急 子 也 所 不 其 端 常 而 中 知 每 其 段工夫。 已發 見 躁 中 端端 以 發 倪 主 之 浮 此 以 日 心 倪 一夫静 爲 者 又 則 初 之 敬 心 却 而 自

842

是 看 地之心 此 來 家 精 或 法 幾 執 乎息 不 中 \equiv JL 學 而 傳 生民 周、 而 程 此 之命 授 意 受, 寖 日 微 以 渾 蹙 天 只

矣,尚

何以

望太平之端

哉?

中 養,只 來 位 萬 也 或 命 意,至誣考亭爲 直 亭之悔,以 龜 所 只 天 # 問 指 Ш 萬 : 在 程 地、育萬物,也 開 蓋 以 此 世: 派 謹 子 太平, 而 爲 一之太 未 中 川 每言 獨 日 近 誤 天 發之中, 字 則 : 世 認 爲 地 便 平,千 和 中 有天 忽 俗學,可 此 静 往 Ì. 見 是 生, 略 心 中 心,爲 聖 吾. 天 只 德 天地之心,生 作 體認、又言 聖之絶學。 不 総 德 從 而 儒 便 E 復 絶學。 謂 位 真 未發之中上 生民 口 一發,此 和 究 不知 下 育 是 語 三先 手 以 7 王 王 量 聖 之, 尤 處 平. 道 命, 道 民 也 人 故 生 明 H 故 其 到 爲 執 之 何 語 É 考 涵

> 覩 日 恐 : 懼 荷 不 非 聞 至 修 德 德 至 之功 道 不 也 凝 戒 慎 不

學 或問 精 然者 度,一 中,而未發之旨 也 又問 也 動 者 輕 或 非 非 ? 多 質 而 問 天下 夫人之 則 之秘 柔 一戒謹 稍 爲 :「喪予之哭,不知 無 應之,便 : 毫人力 惟 也 不 涉 動 所 之至 發 不 不 節 人爲,聲 木 猶 爲 耐 傳, . 知 而 之謂 恐 節 是 與 神 持 何 慟 中 爲 日 泥 懼 拍 發 不 節 久, 彻 而 慟 其 以 臭 情 也,故 ? 也。 几 節 而 得 誰 孰 畢 淪 纔 字 以 未 爲 而 蓋 能 露 何 胥,人心危矣。 説 求 吾 ? 順 發 後 日 壓得 其 爲 今之學者 與 節 在 戒 其 心 可 道 慟 過 此 逐 於 也 懼 自 則 本 太重, 節 以 ? 此 天 心 而 便已 爽 體 然 物 則 語 惟 不 矣 之自 之 以 何 蓋 微 節 也 過 畏 氣 初 É 權 執 在 節 害 撕 綿 勿 既 失 體 家 有 不 縮 云:「戒 也 不 若 Œ 木 性 不 亦 而 常 ·心 戒 體 言 存 有 窮 令省 覩 知 懼 蓋 调 也 聞 乾 此 勿 謹 ^ 又 劑 易》 乾 丹 1覺,便 亦 性 忘 恐 之 自 爐 不 體 日 惕 懼 戒 勿 日 著 生 火 不 厲 本 : 助 是 於 覩 候 知 自 所 周 長。 程 0 無 聞 剛 戒 安 戒 以 公亦本 子 健 懼 而 懼 行 閑 則 用 云 大 而 也 以 之, 必 戒 之不 藥 不 白 有 下 乾 懼 才 陷 非 發 沙 略 事 不 頹 九 病 勤 皆 以 先 綽 焉 著 其 惰 \equiv 然。 爲 於 生 提 醫 綿 義 便 性

主 獨 獨 或 之,小而辯 行 謂 何 故言之矣, 也? 非 「《易》言 言 獨 日 精 乎 密、 ? 如 而 川 言 明 者 蓋 尊 獨 寂 自 口 復、 言 我 出 而 無對, 有 而 虚 之, 異 獨 而 V. 名 獨 自 不 也 之 我 日

或問:

未

發

之

中

爲

静

平.

?

蓋

静

而

常

Щ

常

求

夫

静

也

然

則

孰

爲

動

孰

爲

主

夫

動

也。

戒謹

恐

懼

爲

動

平.

蓋

動

以 體 淵 之 湛 而 之 見 非 精 神 謂 極 根 爲道 守静 異名 至大 其 7 ,其受命 己,外不見 天下之至止 沉 莫 極 也 一之體,密、獨 人 窺 領 靈 非 孰 極 均均 其 不 要, 其 篤 明 天 能 際 下 之爲 既 先 孰 内 覩 忧 與 人,其 之至 深 能 藴 天 藏 如 聞 於 密 ,其孰能 乎 未 神 與 響, 而 之 之 俱 此 言 發 於 秘 天 淵 泯 ? 妙 謂 歸 虚 , 之中 此 慎 弗 其 萬 也 止 之 默 而 其 ? 與 違 物, 孰 之至 之 識 謂 機 也。 於 天 非 者 是 能 奥。 也 此 静 絾 寂 天 也 几 而 與 之妙 專, ? 之 虚 下 聖 者 非 空 於 謂 致 内 之 龍 寂 天 洞 口 此 所 虚 之 不 蟄 至 鬼 出 下 ?

求

中

於

未

發

之

前

則

可

而

遂

以

未

發

思

無

爲

又

何

謂

也

此

主

感

應

言

也。

慮

無

前

爲

中

則

不

可

者

先

儒

之意

得

無

以

中

感

應

者

神

化

也

纔

涉

思

議

便

是

憧

憧

欲

智

巧

之

私

則

亦

不

遠

平

中

忧

動

静

無

常

似

非

寂

然

不

動

之

體

或言

赤

子

之心

不

口

以言

中

而

常

主

之運

儼

若

而

用

功

者未 性 學 資 生 不 定 歸 能 能 乾 静 0 生慧, ;則 者 動 藏 奮 發 不 n°.」道 其 嘗 未 散 專 蓋 動 揆 言 化。 尺 常 周 故 有 動 偈云: 則 皆 經云 三代之《易》,夏首 生 易》首 蠖 資 静 也 未 又 ; 不 於 不 者 : 可 日 化 能 屈 静 佛 乾 輕 : 動 時 者 生 直 静常 不 氏 而 視 也 常 化 上 者 遂 能 以 爻 也 矣, 有 生 寂 伸 先 無 坤 若言 發 不 常 矣 而 潛 生 不 龍 而 動 應 連 所 而 爲 龍 翕 其 爲 蛇 Ш 不 貞 體 未 以 所 不 聚 勢 動 戒 常 化 以 動 發 之 商 螯 則 是 之 得 化 牛 首 不 不 如 相

者 然 其 以 無 謂 答 其 之所 的 夫 思 既 或 之 體 者 體 涉 而 所」也。 帝出 7,天然 問 動 主 静 思思 未 爲 寂 乎 事 日 ? 嘗 腦 也 運 以 然, 爲 是 無 帝 乎 離 却 爲 思 震 復 則 自 不 邪 之 中 然 則 故 其 是 復 爲 從 有 動 之 非 出 涵 口 動 凡 所 静 也 静 不 艮 類 根 以 矣, 也。 太 子 用 止 帝 根 9 乎 起,故 於 語 虚 思 著 功 者,心 及 則 ? 然 不 人 静 之 聲 其 然 是 動 似 思 止 所 蓋 臭 則 日 艮 發 則 生 屬 베 敬 之主 謂 思 安有 何 之 静 而 無 平 而 艮 者 未 中 思 所 静。 思 動 中 爲 動 宰。 以 發之前 也 誠 以 何 心 出 節 動 止 以

845

?

出

念

之,

根

坤

蓋

中

本

上

之

不

犯

止

其

之不 蓋 在 自 其 闢 當 於 之用 不 也 藏 啻 如 本 自 不 從 此 樞 物 起 掩 處 於 千 憧 間 無 處, 口 騦 方 也 密 而 不 里 憧 而 起 限 迷 兒 便 然體 滅 故 齋 7 \exists 然 事 滅 於 則 之 實 常常 者 自 以 矣。 人 書 戒 若 猶 人 追 則 其 掩 至 常 極 應 常 處 以 夫 於 置 心 未 尋 大 思 存 者, 於 周 常 常 之體 神 到 辟 精 私 也 常 體 無 則 乎 老 子 順 日紀日 之 矣, 明 義 起 跡 得 常 莫 死 之詩 起 常寂 而 開 樞 雖 其 以 ; 滅 之。 其 主 非 滅 萬 己 德 置 非 雖 起 也 去未 夫 E 之 從 起 神 别 執 滅 有 無 所 常 静 發 中 方 中 萬 有 所 猶 悟 動 以 發 止 洗 有 便, 之學 滅 之不 與 静 户 何 氣 非 之 V 彻 心 物、 者 之 乾 也 風 也 主 語 别 中 感 以 ? 之 默 開 坤 還 執 置 離 限 有 應 退 心 何

> 之前 既 也 蓋 不 Ľ 失 静 學 是 其 之後,而求之於喜、怒、哀、樂未 則 故 本 無 斯 然之 君 欲 至 子之學,要於意 而 矣。 則 大 發 本 立 而 雖 不 發 糾 、必 紛 配 錯 義 古 雜 與 發 我 道 而

之欲 聞 何 欲 焉。」仁 静 不是 定 人 故 所 無 生 感,性 自 所以 静 之 也 性 通 mi 義 以 也。」人 書 静 合 發 中 之淵 動 首 正 而 德 以 義 則 未 篇 天 上 生 亦 善 源 中 發 是 地 不 而 自 惡 世 IF. 也 學 静 容 分、 其 ; H 而 問 天 感於 説 發 月 無 主 萬 原 者 之性 欲 纔 事 静 物 几 頭 言 便是 説 出 時 之。 而 立 要 矣 性 也 動 會 鬼 不 便 得 覩 神 無 聖 性 E 極 至

内 所 外 謂 定 者 與 動 其 是 亦 内 定 而 静 非 外, 亦 定 不 無 若 將 内 迎 外 無

定 也 天 則 地 兩 明 之 志 明 常 則 則 澄 以 然 出 其 無 11 何 事 普 應 矣。 物 萬 之 物 無 爲 事 m 累 則 無 者 便 循

哉

?

定

兩

忘

故 心 君 子 聖人之常 之學,莫若 以 其 廓 然 情 而 順 太 萬 公, 事 而 物 無 來 而

順 應。 無 事 虚 明 太太 公 順 應 渾 是 未 發

相 亦 幾 於 兩 忘 之 論 蓋 着 相 之 迷

氣

象。

佛

氏

有「内

迷

不

着

空,外

迷

不

着

皆 知 之, 而 着 空之迷, 知 者 鮮 矣。 戒

夫 慎 ? 不 覩 而 恐 後 懼 知 不 在 聞,是 彼 者。語 何 等 彌 真 近 正 理 切 亦 實 不

忌,

而

名爲

自

得

哀

哉

之 出 學 吾 得 範 其 韋 精 之 之緒 内 佛氏 餘 不 之徒 幾 於 竊 乃 人 謂 之 儒 有 者

而

復

詗

其

主

耶

以 或 無 問 異 欲 平. 故 周 静 子言 日 程 均 静 日 之爲 9 而 主 程 寡 子 之謂 欲 多言 也 敬 敬 周 有

儒

之

寂

將

以

神

天

下

之感

;

彼

則

恝

然

無

情

至

於

冤

親

平.

等

無

所

愛

憎

取

,

號 主 近 或 合 在 主 静 時 學 至 下 坐 無 者 便 静 爲 有 於 作 則 欲 名 顧 厭 見 禪 語 惟 内 也 其 學、 爲 本 棄 默 外 1 天 講 事 體 齋 根 然 主 資 亦亦 學 物, 隨 莊 者 敬 由 力 而 其 甚 能 賺 自 爲 量 敬 猖 意 之, 省 迁 無 而 狂 之 而 力, 别 學 不 人 自 蓋 所 慎 樣 静。 者 便, 恣 擇 而 天 而 蹊 其 資 所 跳 往 有 若 無 徑 弊 明 由 往 梁 所 所 也。 也 健 以 是 頭 持 呼 顧

生。 所 或 不 聞 俱 問 之 泯 見 . 學, 不着 凡 佛 聖 同 經云: 『屏 性 情 乎 ? 忘 離 諸 日 若 法 : 息 是, 相 口 萬 义 又云: 與 而 緣,一 吾 異 世 儒 念 不 吾 覩 能 不

舍 而 自 同 於草木瓦石 也,不 幾 於 寂 面

案。 字 先 忍 情 簡 過 機 痛 幾 彼 異 枯 而 而 ൬ 道 生 於 異 也 非 者 者 疴 順 棄 則 不 而 斯 是 不 毫 癢皆 順 也 厭 乎 虚 萬 嘻 口 化 也 自 逆 佛 口 釐千 應 薄 吾 ? 事 而 然 私 矣 見, 老 無 之。 切 聖 儒 寡 若 忍 而 自 流 又 É 之虚 里之差, 所 可 於 是 謂 人 見 情 者 無 利 而 間 家 其 凝 以 身 得 順 而 乎 情 爲 : 至 招 天 將 川 應 滯 非 而 ? 申 將 於 認 字 道 又 地 百 口 留 也 不 隨 非 無 以 的 芻 韓 平 萬 何 平 經 ; 然 口 礙 真 情 其 却 效天之動 供 狗 ? ? 之 道 物 如 $\frac{-}{\Delta}$ 則 K 知二 名 是 感 詞 萬 不 爲 慘 ? . 與 0 爾 特 應 無 物 無 刻 口 氏 言 聖 道 情 而 自 又 日 體 9 情 聞 也 若 之藴 人 明 其 然 同 的 : 可 ; \Box 不 所 之 疾 之 道 枯 斷 可 切 傳 聞 而 而 :

> 詩 之道 Ļ 人 理 * 者 德 可 故 知遠 君子 矣。 及 君 不 闇 衣 子 者 之近, 免 錦 然 之道 内省 《詩》云: 尚 虚 其 而 喝 絅 唯 H 淡 不 知 而 章 人之所 疚 風 然 嫚 惡 , 之自, 罵 而 無 潛 其 小 惡 不 也 文 雖 不 厭 之 於 之 伏 見 知 著 志 矣 微 道 乎 簡 也 ? 之顯 而 亦 的

文,

温

口

然

而

故

君

而

日

子

至矣 言 如 百 怒 不 所 昭 與 云 詩 時 0 毛 辟 動 : 不 而 * 色之於以 ! 其 民 而 相 靡 毛 敬,不 威 刑 在 有 子 猶 之。 於 争 爾 有 懷 鈇 化 室 言 輪 明 是 鉞 民 是 而 尚 德 故 末 故 信 上 ^ 不 不 君 君 詩 天 也 愧 子 大 子 ^ 之載 > 詩 於 日 聲 篤 不 *\frac{\times}{\times} : 屋 詩 恭 以 賞 漏 無 **>** 色 不 而 而 日 聲 天 顯 民 . 奏 故 無 君 子 下 勸 維 臭 假 君 孔 德 子 日 詩 不 平。 子 之 之 無

至矣」。 茫 是 形 手 發 泉、 意 色 日 中 則 容 便 氣 隱 潛 不賞、不怒, 肫 日 庸 日 象、欲 性 有 伏 其 其 肫 뿔 日 如 **>** 天 餘 顯 實 末 浩 日 然, 微 毛 德、 見 不 章 地 人識 人之所 浩、 日 厭 日 日 口 命 反 日 章 獨 淡 而 無 據 天理,故 淵 取 不 覆 之實 文 者 聲 真 淵 不見,日 簡 顯 詠 不 且. 而 無 IE. 之 歎, 理 所 臭 温 篤 類 面 隋 日 致 焉 謂 皆 恭 目 以 於 他 不 日 無 中 之 不 足首 想像 如 言 近 而 是 日 之學, 類 覩 聲 人 形 溥 不 又 無 不 不 日 章之 之 頭 容 博 大 聞 動 自 至 是 渺 下 未 淵 聲

及 道 不 中 也。 肖 之 庸 之 者 不 道 爲 行 不 之不 德 也 及 也 也。 我 明 其 知 也 之 至 莫 矣 我 矣 不 知 平 知 之 飲 ! 者 矣, 食 调 民 也 賢 之, 鮮 者過之, 能 鮮 愚 久 能 者不 矣 知

> 味 也

懼 覩 故 所 又 生不 也 也 不 離 베 君 是 己。 不 日 以 ? 日 也 恐懼 子 齊, : 不 知 無 爲 過之也 或 無終食之間 人 賢、知 明 道 所 聲 要 失 不 不 而 以 莫不 無 不 則 聞 行 日 戒 臭, 者 外 调 者 爲 而 飲食 懼 好 乎 能 愚、不肖者昏 或 德、蓋 其 鮮 之。 高 知 違仁」,道 是 失 能 至 也,鮮 欲 不 之 矣乎 愚、賢、不 則 速,每 而 未 人,爲 及 不 鮮 發 也 能 及 之中 能 不屑 惟 不 知 也。 是 昧 之久, 戒 此 肖 可 味 大 故 乎 慎 道 須 也。 蓋 天 几 也 循 之 戒 臾 者 德 民 何 不

也 君 子 之中 而 庸 無 也, 忌 憚 君 也 子 而 時 中 小 人 之 中

;

庸

戒 時 慎 中 不 覩 恐 無 忌 懼 憚 不 者,戒 聞 無 懼 時 之反, 不 然 故 故 日 日

憚」云 等 亦 註 耳 庸 處 雄 小人 處 着 中 傑 Z 却 若 有 在 , 時 云, 以 反 須 以 中 愚 事 才 其. 中 體 其 别 不 的 H 便 有 庸 認 肖之不及。只 看 有 是 是 君 故 0 小 1 時習,便是 子 能 人之心 小 意。 之德 非 侈 人 然 指 是 處 未 自 而 愚 , 是 中 發 而 放 又 不 不 之 昏 者 又 而 能 肖 須 無 弱 隋 反 中 臾 中 所 不 時 平. 離 忌 爲 此 以 個 中

詩 故 中 始 或 何 起 也 間 日 起 顯 0 也 怒 亦 綸 日 於 天 何 不 易 學 中 彻 愛道 天 天 有 ? 而 從 涵 與 白 太 何 太 非 而 極 於 虚 所 中 中 河 是 是生 始 分造 Ŧi. 則 出 平 也 乎 天 圖 有 性 ? 兩 化 地 學 具 河 儀 鄙 亦 也 焉。 從 人從 出 中 無 邵 河 啚 數 所 蓋 心 子 圖 啚 而 Ŧi. 始 Ŧi. E 之 從 道 始

於

天

者

也

之 其 舜 問 則 鬼 象 者 也 倫 也 别 五. 0 之源 孰 之 之。 中 數 數數 中 神 星 \Box 能 成 師 乎 也 理 Ŧi. 蓋 地 之 變 學以 乎? 與 、文字之祖 ? 氣 故 倫 祖 戒 於 化 然則 非 懼 五. 也 自 日 此 而 希 . 0 者, 五. 嶽 「若是, 有 五. ? 行 天 不備 堯 河 天 天 音, 鬼 氣 性 也 舜之執 小人之無忌憚 數 出 地 神 體 日 鬼 所 日 五. 則 啚 Ŧi. 之良 神 河 只 非 戒 Ŧi. 以 氣 地 之 洛 有 中 天 懼 色, 成 數 奥、 能 出 此 也 下 性 又 是 變 Ŧi. 日 之至 者 書 中 健 何 伏 即 化 Ŧi. Ŧi. 之 自 所 羲 其 聖 天 更 河 而 健 味 絶 始 堯 學 人 無 行 日 圖

以

寂

然

不

動

立

人

極

焉,

遏

惡

於未

萌

於

未

發

舜

以

是

傳

之禹,其精一之

艮卦爲,康熙本已正之。

五九

辯

易

連 Ш 0

艮

理 陽 動,艮之象也。 無 夏 尚 勝 有淑慝之分,上下有消長之機,欲 跡 ,人以天定。 忠,故其學尚艮, 蓋 艮以 陽 艮體 又 ; 止 篤 兩 於二 純 實 Ш 連 有三義 未發, 陰之上,陰 亘 屹 然 渾 自 以 不 然

莫 宿; 以 修德言之,爲凝 盛 止之。」又曰:「終萬 自遏欲言之,爲 乎 艮。」 艮之時 畜 義 自 止 大 復命言之,爲 畜 物、 矣 始 哉 故 萬 日 物者, 一、「艮 君子 歸

> 其 背 心 不不 法 乎 獲 ? 其 身。 行 其 庭,不

見

其

艮

無 咎。

背, 無 思 無 欲, 其 不 覩 不聞 之 地 乎 ?

之津 存 者,常寂常感,常應常止 惟 萬 夫 於 背 止 者神,上下 物 有 皆 爲 潤以之,静以 我 知 我 止 之 其 也,故 所 私 然五 止 · 與 天 故 外 則 内 臟 不 地 制 廓 不 非 見 同 然 動 見己; 背不 人。 流 也。 太 ,所過者 附,而 時 故 凡 外 日 體皆動 止 焉 内 光 化 時 焉 白 天 明, 行 體 地 志

在 止 於 何 至 咎之有 善善。 知 止

而

後有

定,定

而

後

能

静

静 而 後 能 安、安而後 能 慮

無 思 無欲,至善之地。 .知 止者,止 乎此

之的 生於 故 故 如 其 不 以 廣 自 最 也 、忘言。 常 如 矣,故聖人立象以 天 能 然 好 Ш 11 只看 静,言感者皆 下 也 體 與 久 ,言定、 無 平 之言 , 不易,守之 認 澤 所作也。 此 静言 程子 通 未 而 艮 有者皆 静者 發 氣 後 其 卦 謂 氣 謂 不 爲 。」旨哉 亦 象。 之 凡天下之言安者莫 生於 古 動 雲 生 讀 莫 盡意,而 知 也 ,養之密 定言 雨 於 如 寂 止 , ; 部 以 虚 Ш 慮言 潤 言 其 定、 八 華 得 也; 澤 不 Ш 卦 動 其 象 静、 嚴 ·惑,見 體 天 者 之象 者 明 經 下。 安, 虚 皆 覺 口

∭商首歸藏

其

身

行行

其

庭

不

見其

人」,故

無

:

艮

其

止

止

其

所

也

_0

是

以

不

獲

坤

之實。 又曰 物 量; 極、 歸 河 也 商 厚厚 者 尚 海 I 静 静 真善 藏 而 質,故其 也,其 之至、 者,藏 蓋坤六 之,養之道 不 致 洩 役 平 象 乎 之體 坤 萬 順 學 畫 爲 坤 0 物 之 尚 皆偶 地 一言 也。 又 9 載 坤 純 順 載 \Box 焉 "; 上 也。 收斂 者 君 萬 華 0 下皆 子 物 嶽 故 藏 坤 虚 歸 以 爲 而 曰 之機 以 者, 坤 藏 洗 坤 不 . 藏 心,退 所 重 之。 藏 養 虚 性 役 萬 之 之 振 博 情

兼山

艮,

君

子

以

思不

出

其

位。

■ 底本下頁錯板現象嚴重,兹據甲庫本録入,個别漫

上下

四

旁

各

得

其

所

止

是

謂

不出

故故

位

文王

緝

熙

敬

止,

而

君

臣

父子、

損

分定

故

也。

分定

便

是

思

不

出

其

位

之所

值

不

同

然

大

行

不

加

窮

居

安貞

之吉,

應

地

無

疆

静

虚

而

順

至者,

地

之

無

疆

也。

大

時

善 藏 而 於密,身備 容 貌 若 愚,致 萬 物 而 虚 退 守寂 然不居,悉有 而 未 衆 坤

坤 後 得 元亨 之坤 其 主 北 量 德 故 人 乘 道 口 口 之不 (用,無 而 僅得 一,其順 爲之時 龍御 化, 相 利。 7, 時 坤則天下 故 乎乾之半, 天,便是 同 牝 成 西 乎 無 大 無 地 馬 有 而 南 所 有 人。 之 如 有終 不 得 强 不 之至 貞。 此 可 旋 朋 是 叮 隨 故 東 也 乘之地 乾 居,故 順 時 謂 君 先 轉 大 北 也,時 順 坤 子 蓋 抵 後 坤 喪 勢, 辟 有 以 義 坤 ,無不可化之 的 黄 朋,安貞 地; 簡 手段,無不 攸 之 有不可爲, 利 老 和 性 往 能 之學 西 順 人 體、 南 有 善 於 先 吉 得 東 藏 道 迷 力 不

> 防,嚴 歟? 道 之吉乎? 之德,其 位之思、非 之,是謂 順 文王「三分天下 勢, 也。」龍戰 履霜 稱 和 龍 可 安 順 堅冰之戒,微矣哉 故 謂 貞 分之願 於道 稱 而 日 至 血 以 血 : 有其二,以 德 應 德, 湯 所 也 乎 地 便不可 以 之慚、 而 已矣」,其 地 道 立 無 也 也,妻道 萬 、武之未 所 服 以言安 世 作 有 事 君 爲 得 殷 也 毫 臣 安 以 盡 貞。 之 臣 貞 善 周 害

至柔 而 動 世 剛。 至 一静 德 方 0

853

坤

之 聞 藏 不 則, 動 而 翕 莫 剛 聚則不能 坤 顯 於 之 莫見 至 所 柔 運 者 以 發 寓 爲 散。」此 德 焉 坤 方 乎 於 乘 意 ? 天 至 當 静 時 ^ 味 傳 不 行 順 覩 H 帝 不

六二,直方大,不習 無 不利。 六二之動,直

0 静 下 康熙本有「而」字 可

外 利 ·也 以 敬 方 則不 方 也 義 疑 立 其 不 其 而 義 習 所 德 也 無 行 不 不 也 君 利 孤 子 0 地 直 敬 道 方 以 光 大 直 也 内 直 習 義 無 以 其 方 不 IF.

行,地 敬 儒 而 也 自 道 無 自 六二,柔順 釋 以 無 此 所 然 直 容,而 之 直 義 程 日 道 故 辩 以 子 内 直, 内 以 光 曰 直 日 方 也 亦 方 大本 也 中 物 : 則 外 不 不 也 正 各 外 是。 っ。」直 釋 孤 敬 得 立 得 無 直 既 言 氏 義 宜 坤 不 便 敬 無 敬 義 夾 以 方,故 日 道 是 義 義 以 持 則 方,則不 其 方。 之 未 V/ 以 直 發 直 盛 純 發 而 方 内 中 大 敬 者 之 外 德 則 : 節 而 疑 則 達 中 不 有之, 要之 光 天 其 私 本 而 孤 德 明 所 體 達 意

> 日 : 括 囊 無 咎 無 譽 蓋 言 謹 也

譽之 後 禍 可 下 以言 所 故 無 道 進 一、咎足 不 括 容於朝、 惟 囊 影 之 以 響 謹 召 俱 退 禍 不 出出 不 而 易 容 调 譽尤 乎 譽 於 世,不 不 野 足 者 以 然 成 召

Ŧi. 理,美 黄 乎名,龍 囊 元 在 之所 吉 其 0 中 以 文 爲 在 暢 潛 中 於 也 也 几

IE

位

居

體

六

中

美之至 通 也 支 發 於 事

業,美之至 黄 通 中 言 事 得 中 其 德 理, 也 藴

藴之爲

德行

行

之

爲

事

黄

是

中

色,

仙

家

有

黄

於

内

通

理,言

感

而

遂

用 六,利永 貞

庭、

黄婆之喻,本體、本

色

也

六者,陰之變數 利 永 貞 者 變 而 不 失

0 「黄囊」、《易經》本文爲「黄裳」。

天

地

變

化

草

木

蕃

天

地

閉

賢

人隱。

^

易

方

是

本

體

敬

義

是

Т.

夫

内

放 力 伯之讓文王之事 戰 其 爻,只是玩味得順 而 處 ,牧野之攻,豈 道 平 常 心 ? 順 微 理 變 欲 健 而 交 者 失 戰 也。 慚 湯 其常者 義 兩 武之幸哉 其 德多矣。 明白 敗 有 俱 也。 戒 一,便 傷 於 學 坤 南 人 Ŀ 有 之 六 視 心 巢 掛 得 之 泰 之 危

見。 發 未 以 若 星 能 羹、玄酒, 之半,天 至 論 家 覺 也 生 涉 静之時 静 時 於 復 以 者 0 中 掛 自 事 Ŧi. 心 養 在, 陽 夫 淡 矣。 行 無 則 雖 出 天 初 而 絶 改移 官 是 無 端 心 動 邵 和 處 即 以 所 倪 也 無 子 有 便 純 知 乃平旦 ,未 改 之 冷 所 是 坤 所覺之事,而 移,未 詩 灰 陽 知 不 胎 發 中 覺者當之,蓋 初 曰:「冬至 爲 之 元, 氣 迸 動 無 發者 象 好 亦此 出 處, 陽之象。 猶 惡 火 未 萬 口 能 意。 焰 太 嘗 子 想 物 知

> 先 知 果 子 非 生之詩 善 口 坤 : 端 復 之 之萌 静 種 静 翕 而 後 : 生 歸 見萬 未 藏、 哉 静後始知群 有 ? 役 物 不 知 而 皆 由 復 養 有 於 之由 之, 春 静 動妄。」 意。」 養 則 於 也 不 坤 陽 食 之 明 程 則

■《周易》首乾

乾

天,萬 物 以體 以言 屈 乾,陽之純, 周 文明,健之爲也。 戰 之 尚 伸之不已,猶兵 乎乾」,言 情,其 其體則 天地 文,故其 物覆焉。 之撰 惟 健。 健之至。 學尚 萬 以以 不貳 故 物 健 乾。 之進 乾六 之生長、 曰「乾以君之」,又曰 通 則 不 神 息 不息, 以言 明 畫 退 顯 乎? 之德 皆 離 見 收藏、往 其 實 形著,天 合,惟將是 奇,上下皆 質 以 則 其 則 不 象 類 來、 貳 實, 爲 萬

意,故 物之純 翼,昭 懼者 見 自 學,君子以 之所以爲 天之命,於穆不已」,天之所 戒之,故 命 而 仙 純 於乎不顯,文王之德之純」,蓋曰 惕, 後 暴自 是 陽 知 必 戰 丹 長 變化 純 事 陽 聖學之本 棄,便是 本 而 生久 陽 L 日 也 而 其 懼 文也。「 自 帝 無 至健 也,故《 體 視,沖 强 爲。 自 點 德 健 懦 不 是 於乾 强 陰 之 而 者莫如龍 其次惟 者甘爲 息。 謂 維 舉 易 不 氣 無 健,或不 乾 也 息 此 不 》之卦爻, 著 息之 懈 乾。 · 金 文 測 不 人 怠 仙 · 得。 」 乃能 王 下 以爲 謂 也。」 一生,便 學 故 足 丹 乾 而 亦 希 小 於 凡言 又云: 經 天也。 知 不辭。 文王 得此 心 飛 天 健 謂 此 之 潛 翼 是 維 戒

大哉乾乎 德 哉 主 以 則 乾是天命之性、三極之道也,故曰 乎 運 無 純 聲 至 乎 剛 者 几 無 健 健 德 剛健中正 臭 體之全; 者, 健言 也。 ; 非 性之體 其 天下之至精 非 純純 有 天下之至 粹者 ; 粹精也 中 德 言 正 其 之備 者,性 健 無 則 無 則 以 精 之 大 太 無

六,潛龍 乾爻之初,猶 勿用 是人生而 静 的 本 明

極

本

無

極

也。

未

發

之中,

其精矣

哉

初

貞。」

君子行此

四

德者,故曰

:「乾,元亨利

!

利用

安身,

以崇

德

也。

君

子

之所

不

口

及者,其惟

人之所不

見乎

?

見,行

而

未

成

猶

龍

蟄

於

地

勢

重

陰

之

下,所以

豫

養

其

飛

奮之身,而

後

其

力

全、其化

神

也

精

義

入神,以

致

用

也

;

道

故

不

動

而

敬,不言

而

信

隱

而

未

未

充

而

遽

用

之,

則

無

以

立

大

本

而

行

達

健

靈

覺

純

未

發

其

猶

龍

平

?

養

之

備 戒 焉 慎 不 四 覩 時 恐 行 焉 懼 不 萬 聞 物 生 健 焉 天 至 何言 也 兀 德

先 天 時 違 明 化 寂 而 何 皆由 思 然 天 」,言一毫人力不與 几 弗 何 不 時 觸 慮,遂 動 違 此 合序 之 中 出 後 而 鬼神 可 涵 天 通 動 以 而 太 而 , 感 奉 與 虚 順 合吉 天時 天 先天也。 而 應 也。 地合德 之,故 後 X X 應 性 故 後 日 日 日 日 干 立 奉 天 天 月 天 變萬 也 合 下 天 弗

天 用 則 九, 見 群 龍 無 首, 古。 乾 元 用 九, 乃 見

之有

'情效天下之動」,二語

口

併

觀

於

此

可

想見

飛

龍

在天、變化無

爲

的

氣

是 乎. 則 九 其 者 妙 則 所 ,陽之變 於 聖 不 無 人之神 聞 跡 數。 無 戒 妙 聲 慎 龍 亦 無 乎其 之靈 天 臭,天之則 也 所 變 故 不覩 在 大 首 聖 世 學 恐 無 懼 首 THI 至

> 乾 此 見 天 非 愬 則 無 愬 焉 故 之 設 類 凡 此 ^ 皆 爲 易 原 性 言 卦 累 爻 戒 也 之 懼 性 自 惕 ^ 體 易》 厲 本 學 如 乾

亢 Ľ 一,知得 之爲言 而 也,知 不 知 喪。 進 而 不 知 退,知存 而 不

不

明,

而

後世之言

戒

懼

者異

矣。

知

坤,天下之至順 夫乾,天下之至 退、存 世 偕 之儔 不 而 亢 知 化 推 不 極 進 龍 知 亢 乎? 移 亡而 故 而 有 喪。 不 悔 孰 日 屈 健 也 不 知退, 奴 : 甚 聖人 原 德 失其 辱、 也 馬 其 不 知 ? 惟 行 德 剖 達 不 知 IE. 幾 **第子、** 恒 行 心 漁 凝 者 存 而 簡 恒 其 滯 其 父 而 悔 饑 以 易 神 之 於 不 隨 逢、干、 死 唯聖人乎 知 以 乎. 物 諷 知 之,故 首 阳 ? 知 Ť, 陽 而 險 而 夷、 知 能 與 沉 知 日 夫 進 得 江 龃 時 齊

性體自然,得之於天者未嘗雜

之以

爲 應 君 至 性 知 而 而 天 之自 皆 乎 阻 臣 順 下 天 天 當當 下 之 與 也 謂 也 1然,而 治 至 人 險 日 而 舞 歸 湯 健 凡《易 阻 命 武 也。 干 毫意 無 絶 反之也 恒 所作 羽 則 * 11 易 堯 而 必 爲 舜 以 爲 吉 有 不 獨 天 性 知 苗 以 X 與 夫。 之 險 禍 害 格 命 焉 之,天 也 福 順 未 也 揖 乎 革 恒 變 孫 垂 化 簡 天 則 下 復 授 衣 爲 之 其 受 裳 以 而 Z

之中、 感,至 夫 舜之學三代 至 而 艮, 静 遂 通天下之故,此艮 一静 中 至 天 健、 節 無感,性之淵源 下 之和 之至静 相 至 総 順 口 皆 爲 以 也。 心 因 不 之本 之而 之體 德行 言 無 而 體 不能 思 恒 德 喻 無爲 則 寂 也 變者 未 以 而 堯 發 感 知 知

> 變,變 諸 不 不 乾 倦 利 坤 則 神 黄 通 而 帝、 通 化 堯、舜 則 之,使 久」,是 垂衣裳 民 宜之。 以 自 而 天 天 ^ 下 祐 易 治,蓋 之, \approx 吉 窮 取 無 則

江。 於 爲 水 濟 禹 也 明 舜 惟 大 潔? 智 其 思天 哉,堯之爲君 也 於 堯則之。 也 一行其 矣。 鑿 八年於外,三 巍 庶 ! 而注之海 下 也 巍 物, 夫 有 乎 察 所 何 蕩 溺 1 如 無 爲 於 者, 蕩 智 舜、 事 , 也 哉 人 者 平 ? 忧 過 決 由 倫 1 若 禹 己 故 其 汝 之有 恭 巍 禹 由 民 漢,排 溺 門 巍 之行 日 仁 之也 無 : 而 乎 天 正 義 能 不人。 淮 下 水 所 行 南 名 也 泗 惡 疏 而 焉。 面 惟 非 而 不 於智者, 九 天 禹 則 行 河 與 君哉 爲 注 無 矣。

而 湯 征 執 中, 西 夷 V. 怨,南 賢 無 方。 面而征北 十一征, 狄怨。 自 葛始 非富 天下 東 面

神

天

不變,道不變,故學亦

不變

世

農氏没,黄帝、堯、舜氏作。

通其變,使民

也 兀 夫 兀 婦 建 復仇 也。 改 過 不 吝 檢 身 如

不

懋

昭

大

德

中

於

民

宗 緒 武 廟享之,子孫 王 不泄 一戎衣 邇 而 不不 有 ·忘遠, 天下。 保 之。 纘太王、王季、文王之 身不 布 昭 失 神 武 天下之顯 救救 民 於 水

命 火 之中。 順 乎天 皇 而 建 應 其 乎 有 人。 極 革 民 之時 協 於 義大矣哉 中 湯 武 革

之

爲 穆 止 於 人臣,止於敬 穆文王 慈 ; 一,於緝 與 或 人 巸 交, 爲 敬 人子 止於 Ť. 」, 止 信 爲人 於孝 維 君,止於仁; 此 ; 爲人父, 文 王

不 心 聞 翼 亦 翼 不 顯 雍 维 亦 臨 在 宫 無 斁 肅 肅 亦 保 在 廟 不 諫 視 亦 民 式 如

傷 望道 而 未之見。 故 周 之德, 其 口

謂 至 德 也已矣

公孫 周 而 思 公思 之, 碩 兼 膚 夜 三王 赤 以 舄 総 以 日 几 施 几 ; 幸 兀 事 兼 而 夷 得 其 之 狄 有 坐 不 猛 以 合 獸 待 左 仰

> 譬 水 仲 大 育 右 德 如 而 土 尼 孺 子,成 敦 兀 不 祖 化 相 譬 時 述 害, 之 如 堯 文 此 錯 天 舜 武 道 天 憲 行 地 之德 地 並 之 行 如 章 制 所 而 無 H 文 以 不 不 月 武 禮作樂, 爲 相 之代 持 上 上 大 悖 載 也 律 明。 教 無 小 天 化 不 時 德 萬 下 天 覆 111 物 F 流 並 襲

 \equiv 閑 焉 是 大 我 聖者 先 集 至 知 而 一剛,以 聖之道 義 言 勿 我 Œ 所生者 善 心 直 距 養 勿 養 詖 吾 忘 非 而 行 浩 義 無 勿 然之 害, 襲 放 助 而 淫 則 長 氣 取 辭 也。 塞 之 平天 息邪 其 也 吾 爲 説 爲 地 氣 必 之間 此 也 有 承 事

中 見 以 無 至 Ŀ 矣 不 知 哉 口 T 所 聞 述 聖 也 知 八聖一 要其 之不 心, 堯、 所自, 萬 賢之事 舜 同 古 , 垂 而 衣裳 雖 道 皆 其 有 本 揆 性之、反之、 而 、盛德 於 之 天下 未 而 大業, 發 其 學 之

舜、禹 舜 人,文 之死,不得其傳」者,非誣 爲、然後知韓 然,設以 膚,孔子 文、武,傳之周公、孔子,傳之孟子。 以是傳之禹,禹 王 有 之天 身處 之 天 下 緝 愈所 其 地 而 熙 不 地,察其 爲 敬 與, 謂「堯以是傳之舜, 大、孟 以 止 是傳之湯,傳之 湯、 周 也。 心而思其 子之善 公之公 武 之 順 養 孫 天 作 浩 碩 應 軻

辯心

知其鄉。」惟心之謂與?孔子曰:「操則存,舍則亡。出入無時,莫

法也。 靈 守之之生 操之有要耳。 明 不測,出入之易而保守之難,惟 程子曰: 梁 敬 練 以 惟 也,亦在 直 内, 謹 獨 操 乎熟 之之 便 是 在

支二也。 之而已矣。「出入無時,莫知其鄉」

其亡也。

大人者,不失其赤子之心。

純一未發,初心也。

孩提之童,無不知愛其親。及其長也,無

知敬其兄。

不慮而知,不學而能,良心也

心,非所以内交於孺子之父母也,非所以今人乍見孺子將入於井,皆有怵惕、惻隱

譽於鄉黨朋友也,非惡其身而然也。❶

無所爲而爲,真心也。學者須是識其

真心。

而與之,行道◎之人弗受;蹴爾而與之,乞一簞食,一豆羹,得之則生,弗得則死,嘑爾

「身」,今本《孟子》作「聲」。

2 0

底本此後原缺一頁,兹據甲庫本補

要

之

人不屑也。

乎識 使 云: 終身弊弊,自謂求心而 心 逐塊,發猊咬人,毫釐千里矣。 良 有 心、初、 不 體 所子爲 「功夫 則用 識 不識、養之得不 一字之凡夫立造神妙者, 心,均之爲道心 不 即是本體,本體亦是 工便有着落。 欲 ***** 心 得 也。 也。 反害之。 也。 不然, 本 陽 心、真 學要識 世固 功夫。」 明 則 惟 先 乃 狂 心 生 口 有 在 狗 得

其日 也者 以 告 之 反 覆 存 幾 ,則其違禽獸 夜之所息,平旦之氣,其好惡 此語 希 須玩味。 則 則 其 其 且 夜 不遠矣。 氣 畫之所爲,有 不 足 以 存。 牿亡之矣。 夜氣不足 與人相近

其 氣 平旦之氣便是未發之中。常存此虚 所 象 養 而 不牿 也 亡於旦晝 知 夜 氣 而 後知心之本體 之所爲,便是得 明

仁

知本體而後知養之之法。

存焉 養 心 莫善 者, 寡矣; 於 寡 欲 其 爲人 其爲 也 人也 多 欲 寡 欲, 雖 有 雖 存 有 焉 不

人心也 伐怨欲 無,無 學乎」一 覩 所 欲之大者。誠明二字,便是精 養 通 工夫。寡欲之學,不善體貼 養心莫善於寡欲, 向 聞 心之善,有 便 爲 也。 . ; 則 欲 不 是欲,故意 節 義,人路 誠 战者,而 行」同 同 聖賢 立明 看 大 後 病。 焉 非性 通 也。 所欲 可 必固 如 寡之又寡, 以 知意 此, 生,養心焉致之。 誠 舍 識 不必 我 立 其 此 寡 必 路 聲 當 欲 古 沉 聖 ,將與「克 息 之 我、 而 與 溺 以 也 只 弗 聖 覩 戒 聲 至 由 聞 息 懼 有 於 口 明

「子」,明刻本《困辯録》卷三作「不」,可從。

五六九

其 求 放 其 放 心 心 而 而 放 己 不 心 矣 知 而 求 不 哀 知 哉 求 ! 學 問 有 之道 雞 犬 無 放 他 則 求 知

心 莫 不 純 切 能 中 處 未 於 節 事 發,仁 致 便 畢 人 是 能 矣 中 視 曠 也 故 亦亦 其 ; 哀 復 心 便是 發 哉」二字, 其 如 而 心 雞 中 放 之本 犬 節 者 求放之道 是 體 義 亦 孟 則 也 鮮 學 子 矣 問 痛 發

身以 其 盡 心 其 俟之, 養其 心 況 者 心 非 所 性 知 雞 以 其 所 犬 V. 性 比 以 命 也 平 事 巾 知其 天 世 性 則 殀 知 壽 天矣。 不 貮 修 存

之本 理。 事 此 知 天、 天 體 存 故 事 與 孟 心 性 天 子言 養 本 \Box 立 性 體 天 命 盡 之 性 而 其 心、養性 所 意 德 從 義 念 日 來 微 纔 天 者 皆 矣 有 德 所 不 有 非 着 理 充 足 達 以 乎 便 拓 日 非 天 心 涵

> 物 養 所受 意 0 爲 只 性 天 毫 所 矜 持 賦 爲 把 命 捉 性 便 命 是 之從 逆 天 來

天

得 則 耳 而 已矣。 其 也 目 此 之官 小者 者 得 者 不 Ш 役 平 之,得乎 云 天之所以 生 心之官 不 動 耳 弗 ·思,而 學問 而 目 能 除 百 不失其 奪 此 却 則 也 得 與 度 蔽 也。 先 思 力 於物。 維 此 我 V. 處。 本然之 先 貞 爲 者。 思 乎 大 則 V 嘗 便 其 先 人 得 物 乎 則 是 大 有 立乎其 而 交物, 其 之,不思 譏 先 日 者 己 大者 象 立 V. 矣。 更 平 則 Ш 大者 則不 無 引 之 是 其 思 學 之 伎 象 间 大

益動而巽,日進無疆。

倆

象

Ш

日

誠

然,

誠

巽 無 疆 是 是 順 其 進 本 而 體 不已之意 之自 然, 而 故 動 無 妄 益 動 也

爲,只

是

有

所

便

屬

覩

聞

即

其

所

居

之

位

樂

其

H

用

如

曾

點

則

無

此

子

日

微

矣。

若

由

、求、公

西

一之志

乃

所

優

耳

喟

然吾

與之歎

棒

而

四

人疼,其

瑟

而

後之

也

Œ

一欲進

點

以

造化二三子

以

道

之謂

也

裕而不設。」設是造作安排。

道 惟 積 學 于 遜 厥 志 躬,念始終 務 時 敏 厥 典 於學 修 乃 厥 來。 德 允 修 懷 图 于 覺

謀 上 助 達 利 則 故故 不遜 意 德 忘 修 則 凶 不 覺 敏 勿忘 才 覺 勿 便 助 是 計 自 功 然

冠 亦 者 各 詠 言 夫子 五. 爾 異 ᆐ 六 何 其 乎三子者之撰。」子曰 歸。」夫子 先問 如? 人,童子六 志 也。 求 鼓 日 瑟希, 赤 喟 : 然歎 而 七人,浴乎 後 暮 鏗爾, 日 二 及點者,非 春 者,]: 「何 舍瑟 吾 沂 春 與 服 而 點 傷乎? 風 以 既 作 也 點 平 成 鼓 舞 對

> 做 玩 而 兩 味 不 作 兩 得 安 其 排 IE 常。 意。 在 勿忘勿助 É 推 之於 沙 先 禮 生 之間。」此 樂富 云 疆 舞 語 雩 無 當 往

取 則居之安。 君 子 之左右 事 本 深,左右 自 深造之以 焉 體 得 逢其 非 者,得 而 居 勿 逢 助 之安, 原。 道 IE 原,渾 其 則 一、欲 故君子 勿 忘 本 則 志、 忘、忘、 其 體 是 資 自 而 自 勿助 之深。 得 欲其 助 自 得 之也 皆 慊 處 長,成 自得 非 也 資 0 道 Ι. 之深, 自 之也 章 夫 居 得 安 不 而 必 資 達 有 則

之不 長矣。」 芒芒 宋 必 有 人 然。 助 然 事 其 苗 歸 焉 長 子 謂 而 宋人有 勿 者 趨 其 E 寡 而 人 ,心勿忘、勿助 矣。 閔 往 티 : 視 其苗之不 之,苗 以 今日 爲 無 則 益 病 長 槁 長 矣,予 而 而 矣。 也。 舍之者 揠之者 天 助 下 苗

不 耘 苗 者 也 助之長者,揠苗者 也

之所 之間 心 則 寡 的 取 生 感 斂 與 最 喻 而 曲 義 矣。」 之者 孟 道 苗 學 意 集 高 中 而 助 襲是養之不豫,而 恐言之動乎心也,「不得於心,勿 問 皆 猶 1 不 出 也 遂 也 亦 子 亡矣。 長 故 義 故 通 退 失其 與 只 也 却 兵家掩 其 是 而 告子 於助 自 沛 藏 日 曰:「天下之不 本體 自三 生 得 助 外 於 : 然莫之能 告 下 意 「生則」 助 至也 密以敦萬化之原,由 渾 處 不 子「不 而 代 農 猶 是 立 備 助 反害之者也 存 不 而 方。 ; 助 而 思 惡 ",若 下, 禦,猶 集 得於言 等則 若得 的 取 議 可 義 今之學者 渾 助 病 勝 竊 已矣。」襲 助苗長 所生 是一 取 於 則 惰 草木之 爲 宋 機 農。 襲。 於 勿 ___ 者, 人 個 求 時 心 集 事 其 惰 義 有 之 者 於 生 助 而 猶 襲 爲

> 亦謂 意。 則 他 積 則 症 二字,渾 求 不 盛 的 爲 看 無 於 顧 得 本 非 告子亦煞有見,却 集 氣」,恐心之動於氣 不 藥 體 是嫚 性 本 得 是助 義 所 累 體 蓋 於 自 駡 有 也 知 E 心 意。 然之效 語 言 故不 其 註 塵 則 知言養氣 所 云 無 加 得 略 以 不 則 不 是 冥 不 無 也 得,即 得於言,養 從 然無覺,悍 勿 動 求 是告子 葱嶺帶 毫 者 只 乃 以 雖 把 勿 充 求 捉 來。 求 然 之 義 的 養 氣

察 也 戾

《詩》云

鳶

飛

天,

魚躍

於淵。」言其

正 程 鳶 心 子謂 飛 魚躍 勿 忘 活 潑 渾 一 潑 是 意 地 率 性, 與「必 全無一 有 事 毫 焉 意 而 必。 勿

自

益

動

而

巽

至此,

是

言

用

功

的

節

度。

蓋後世學術不明,不

是錯

認

心

,便是錯

已。 勿 之 本 視 泗 體 其

言 然 痕 脉 所 如 杜 天,丹府 未 用 得 江 也 理 元 絡 發 Τ. 心 之中 順 於 河 凱 摑 故 。」道 之浸、 語 如太空,内 此 以 是 云 粒 處體 掌 學 經 堯 : 膏 術 遍 血 亦 舜 認 澤 優 云 地 誤 相 得 之 而 外 黄 情 天 傳 分 潤 示志 柔 貞白。」 金 命於 下 IF. 曉 之, 後 涣 决 無 程 則 性 然 厭 眼 世 所 皆 伊 者 忘 冰 而 藏 性 理 111 棒 釋 飫 不 得 嘗 命 真 到 之, ル 之 怡 愛 於 條 無 IE. 0

祇 知 顏 悔 氏 知之未 元吉。 之子 嘗 其 復 殆 行。 庶 幾 ^ 乎 易 ? > 日 有 : 不 不 善 遠 未 復 嘗 無 不

復,故能 此 才 Z 不 離 顏子復 離 本 乎 體 常 後事 便 此 知 也 是 不 丁,稱 遠 善 其 復 之以 日 故 「不善」,恐於本 能 見 不 知之不 其 遠」云者 復也。 復 行 猶

> 與「有 以 也。 塵 形 知 不 殆 意 容 谏 之 庶 惟 未 非 會。 知 不 便 則 微 嘗 難 於未 善 己 幾 不 知 復行,洪 屬 於 顯 好 行 發之中 行。 化 並 可 惟 矣。 看 與 難 爐 未 幾 善 心 顔 點 嘗 少 也 體 不 子 雪, 有 不 之 善 而 何 凝 知 至 之間 力 悔之 得一 滯 明 明 行 而 有 至 者 鏡 不 融 善 易 健 ? 纖 化 口

體

猶

有

未

融

化

處

而

不

免

有

矜

持

我 之在 如 顔 有 以 子 所 文 前 喟 立 約 忽 然 卓 歎 然 我 爾 日 在 以 : 雖 後 禮 欲 仰 9 欲 從 夫子 之 罷 之,末由 彌 不 循 高 能 循 鑽 然 也 既 之 善 竭 彌 誘 堅, 吾 博 瞻

物 故 便 顔 從 誘 理 子 之以 學問 也 本 體 不落 博、約之學 夫 上 子 老 恐 實 聞 其 鑽 見 隋 求 多 如 於 學 而 非 意 的 不 禮 見 窠臼, 知 茫, 即 初

乎 也。 見 博 故 本 隨 言、 顔 本 之藴 有 原,故 體 體 子 卓 時 而 而 動 散 此 悟 屬 約 爾 隨 從 教萬 得 也 顔 約 處 殊、 凡 類 之 則 不 子竭 仰 本 無 復 粲 末 不 約 鑽 雖 世 往 體 蓋 然 如 由 覩 瞻 而 才之學、殆庶之造, 欲 無 而 純 心 向 有 博, 忽 不 窮,而 從之,末 亦 密、秩 體 不 差處。 焉 跡 聞 則本 ·學,而 無 事 之高 日 庸 本 而 精 文 然 體隨 無 於 體 堅 要只 由 一之傳於 有 到 仰 不 寂 也 前 萬 理 此 在 在 鑽 然 已」,是 求 後 理 有見, H 地 發 瞻 無 復 禮 同 故 也 位 是 其 聖 忽 所 出 凡 ; ;

吾 多 問 友嘗從 渾是 之有 犯 能 於 不能 而 寡 虚 如 ,有若無,實若 不 事於斯矣。 體 校, 此 、有無、多寡之類 能 屢 而 若 空 顏 不 之 子 能,多若 象。 則 虚 犯 無 由 蓋 而 太 寡 所 不 自曾 虚 見。 校、昔 實 而 若 子言 後有 顏 虚 子

不 賢 堪其憂,回 哉 口 也不改其樂。 簞 食,一 瓢 賢哉 飲 · 口 在 陋 也

先 失 風 服 生云 慶雲 膺 之中始能 而 久 屢復 而 而 :「不遷、不 ,至今可 弗 不變,三 失之」 也,故 想。 日 也 月 貳,須 不 渾 頻 日 違 是 復之厲」。 月至焉」 也 未 是知他有 發 故 氣 日 者 象 陽 未 明 拳 屢 和

也 其 庶 乎? 屢空。 以 能 問 於 不 能

以

口

發

顏子之所 也! 以 殆 庶也

餘

則日月至焉

而

已矣。

過

者,不爲過

所貳,

常一也。

常

止常

不

遷怒者,不

爲怒所

遷

常

止

也

不

貳

;

顏 子

遷怒,不

貮

過

其

心三月不

違仁。

其

天之名,沖

漠

無

朕,

而

萬

象

森

然

以

功

夫

猶

難

又

大

段着

力不得

」,恐未

貴 樂乎彼者,獨 富貴,可 至富、 可可 愛 愛可 可 何 求 求者,見其 心哉? 也。 顔 子不 蓋 大 天 愛 而 地 不 忘其 間 有 求 小 至 而

其 焉 無 則 樂。 其 不 耳 小 足 者 見其 見 則 弗 其 富 大,便 能 大 貴 則 奪也」,故曰「登泰 貧賤 小 是「先立 泰,心 處 之 泰 · 故 乎其大者, 則 無 能 不 Ш 不改 足, 而

小 ·天下」。

禮 乎哉 克 顔 己 淵 勿視,非 ? 復禮 間 仁 天下 0 顏 禮 淵 子 勿聽,非禮 曰 歸 . : 「請問 焉。 克己 勿言,非 其 爲 復禮 仁 目 一。子 由 爲 己, 禮 日 勿動 而 由 日 非

微

矣

哉

1

867

顏

淵

日

回

雖

不

敏,請

事

斯語

矣。」

體 事 則 也。 萬 三千、三百 物之節 ,人之生 克 去己 皆 理 本 私 也 於此,故 以 體 復 事 具 其 而 此 本 無 生理, 體 不 禮 在也,故 本 而 禮者, 體 後 復 萬

> 禮 體 是 並 即 惟 歸 博 日 仁。 自 成 聲音笑貌。 、義若在外 看 佛 「天下歸仁」。 顔 而 學之 性 然之用 子 約 發 之 少有 存 也。 頓 至 而 存 教、 便 中 明 視、聽、言、 也,義 禮 克己 節 至 毫 是中 頓 義 非禮. 意 健 日 悟 之門。 一禮,物 復禮 而 必 節 也 而 勿視、聽、言 外 後能 之和 動 便 日 精 各 復 復、 莫非 是 襲,禮 便 禮 義 得 請 非 集之旨 集 宜 事 入神,方 吾 是 禮 斯 天 心 而 義 語 外 好 是 下 本

語矣。」 在 承 仲 家 大 弓 問 無 怨。」仲弓曰 己所 子 不欲, 曰:「出 勿施 門 维 於 如 雖 見大賓, 不 敏,請 在 邦 使 無怨, 民 斯 如

0 由仁」,今本《論語》皆作「由人」。 於病 鄙 復 病 同 子氣質純 夫 則 仲 前 禮 即即 子 弓 近 厭 而 於 大 利、 病 物 己也 概 其 痛 反 元 以 司 故 粹 病 在 大 告 氣 馬 不 絶 敬 而 簡 藥 顔 上 恕 4 恕 藥之。 簡 無 發 調 之 是 関 病 形顯之病,但 則 不 攝 多 狂 者告 也。 徑 敬 耳 言 簡 簡 情 對 是 之,非 不 而 聖人之教 如 仲 症 故 躁 恕 樊 之 弓 不 故 問 遲 惟 令克 藥。 氣質 敬 多 之 無 仁 ; 麓 猶 益 雖 顏 的 簡

斯 子 白 而 姓 已 路 而 堯舜 乎 己 問 ? 乎 君 ? 子。 其 日 物 猶 旦 子 修 病諸 : 日 修己以安人。」 Z : 以 修己 篤,不 安 百 以 强 姓 敬。」 日 修 : 日 E : 以 如 安 斯 如

崇

天

之生

因

材

而

人

以

難

世

故

君

極

高

义, ①是修己以安人; 敬者,心 是修己 之生道 以 敬 德 瞽 之聚 瞽 瞍 瞍底豫 允 也。 若 象 夔 而 蒸 夔 天 下 蒸 齊

> 業,堯 子 敬 静 則 能 盡 修 化 明 而 尊德性 有 是失之矜持 徹 桀 有之,未 罕言静,不知敬 而 瞽 生、熟之異,生 以 上徹 道 舜 瞍 紂 安 猶 以 底 中 而 白 下之道。 病 有 豫 下 庸, 道問學,致 姓 也 而 惡 敬 也。 温 把 天下 而 無 故 是静 捉 故 則 不 盡 日 或 ·之爲 五. 難 而 静 非 謂《 + 廣 的 敬 知 熟則 者 敬 堯 大而 而 父子 根 論 是 也 新 之 舜 慕 語 性 本 静 以 者定, 兢 盡 》多言 敦 體 體 敬 而 1 精 厚 兢 不 之 善 而 微 以 敬 持 不 敬 良 無 業 是

禮 尊 德 性 而 不 知 道 問 學, 是 無 學 也 ; 道

間 大 也 學 而 精 能 微 以 也 德 性 高 明 爲 也 主 中 是 庸 聖 也 學 也 故 也 廣

0

德, 著、 出 洋 道 殺、 微 性 務 怛 於有生之初者 所 言 所 也 新 也 修道 洋優優、峻 自 故 本於修德,故 同 日 之潛密 不包、無所不備者而言曰 ,崇也,問學之名目 也 日 品 肫 即 盡 高 得者而 其不 德 肫其仁者而 長 厚 日 節 也 明 而 性 : 裕 也 不 滋 不 極 也; 自 屈 差 者 言 苟 貫、無 知 禮 極 也 其 於 者 而 日 非 而 原 至道 也 此 發 物 不 言 中 道 言 而 於 至 節 育 言 涉 欲 微 德性 庸 日 也 修 言 德 \Box 、三千三百胥此 備言修德之事 ,聖人之道 於 不 而 也 德者, 至 新 故 日 厚 自 温 詭 之 無 人 禮。 自 良 自 道 自 者 異 也 名 所 自德性之 知、良 廣大,自 未 生 知 而 汙 而 不 生 目 至 知 有 凝 也。 一理之等 理 能 言 爲 雜 也 德 世 之 之 能 衆 不 焉 者 日 , 天 流 焉 惻 形 德 而 凝 得 人 而 精 無 敦 致

於助、流於襲、流於伯也,故曰「知德

鮮

有 得矣。天下之理得,而 人之德,可大則賢人之業。 易則易知 功。 易簡 久可 也; 之情也。 廓然太公故易,一人之心,千萬人之心 有親則可久,有 天 大, 物來 簡 參天 則易從。 地 順 藴之爲德行,行之爲 之德 應故簡,一人之情,千萬 兩 也 地 成位乎其 功 易知 人 則 而 易簡 可 得之爲 成 則有 大。 位 (中矣。 mi 乎 親,易 可 天下 其 懿德,故 事業 久 中 則 從 之 賢 則

辯素

大本、達

道

也。

乎富 君 子 貴 素 其 素貧 位 而 賤 行 行 不 乎貧 願 乎 賤 其 外 , 素 夷 入狄,行 富 乎

子曰: 其 己 夷 自 (身。」 而 得 狄 不 焉 君子 求 素 0 射 於 在 患 有 居易以 人 E 難 似 位 行 乎 則 不 無 君子,失諸 俟 乎 陵 怨。 命 患 下 難 小人 上 在 不 下 君 正 行 怨天,下不 位 子 鵠,反 險 不 無 以 援 徼幸。 上 水諸 而 尤 正 不

素者 賤、 賤。 乎富 患難 皆 也。 也 自 强 世 反 得 夷 求 貴 之不 故 大行 位之 興 狄、 本 《易》 諸 得 不願乎外, 而 , 吾 所 身之素 同 者 患 不 不 徼幸之事 然 得 以貧 值 性 加 難 窮 所 處 不 雖 其 ; 之 賤 古 以 願 有 居 素 素 不 處 作矣。 有 外 富 富 不 履 怨、不尤,非 也。 • 貧 便有 貴 貴 而 損 之往, 賤,而素乎 貧 處 豫 則 正 而 大意 不 富 己 養 無 賤 富貴、 得, 貴 獨 一、居 於 人而 介而 夷 全在 己 怨 行 有 易, 狄 貧 尤 所 貧 素 者 願 不

困,亨,貞,大人吉。

有言

不信

迴,亦 欲、富 般。」 之而 言 自 生 即 不 彼 素 日 由 立」之「豫」、「先天」之「先」、「前 素」字 前 之而 落 岸。 反 有 容 彼 也 0 困之進人 得 易 岸 輪 身 又云: 不 貴、 謂衆生,亦 悟 故養 無疑 在 闢 Ŀ 迥 佛 修 也 懼 則 得 貧賤、夷 氏 德 斷 智 以 ? ,卒然臨之而 之有素者,隨其 佛 以 素 之事,所 慧 隨 佛 除 下 氏 口 喜、 即 但 所 書 煩 廣 所 以辩 謂煩 所 渠 住 惱 狄、 大 云:「悟 敘 怒、哀、 温 占 所 處常安樂。」 木 故」之「 德 死生、患 不 便 謂 地 惱 以 落 是 位 蹇凡 不 高 辯 可 普度 懼 自 儘 輪 ·驚,無 者 人 所 以 素 一吾儒 得 迴, 故 九卦, 高 值 速 在 愛、 也 難 定一之 令衆生 感 自 悟 處 贵 爲 即 故 田 惡 得 即 傳 亦 松平 登 加 然 豫

履

是 仁,有 益 善 牗 己 志不 能 也 嫉 爲之而 委之命 以 掩 九 卦 素志 其 處 不 不 以 以 木 而 有 到几 木 非 失, 可 怨 天德 淩 爲 木 惡之、朋黨 柔 而 居 殺 」,遂 矣。 亨 窮 行 不失乎天 與 奪 不 駕 掩 中 身 趨之而 充溢 之道 時 尤 屏 處 險,於巷 剛 陰 也 以 則 致 無人 爲 哉? 爲 所 伏 成 伸 命 成 於内,而 然 木 大 也。 掩 而 ,俾不通、 其 非 遂志,志 理之正,於時 卦 抵 人謀 故凡 而 而 危之之意。 蓋 志也。 諂 四 之主。 若 陰 此 非 不 坎 避避 得 便 Ŧi. 徒 義 之 爲 自 道 剛 時 是 以 之 之所 未 義 爲 邪 亦 得 寔 爲 無 剛 1,身可 位 遂 斯 素 П 而 盡 有諸 上 不 兑 求 中, 志 舌 當 · 贵 也 非 不忤,於 然二、五 能 柔 陽 生 則大 畏, 争 爲 容 所 所 天 別 亦 以 故 口 危 者, 掩 掩 害 自 德 媢 必 便 則 人 故 日 而

> 義 屯 來 爲 之坎坎 ,爲蹇,爲需 於坎,聖人憂世之志可 所 木 坎 0 進 蓋 坎 退 爲 以 維 谷 訟 陽 爲 故 陷 以 見 未 於 陷 濟 名。 陰 之間 皆 而 取 爲

Ш 上

有水,蹇。

君子以

反身修

不 親 其 反 不答,反其敬。 言天下之險 , 反其 其 明 難 有 水,蹇 禮 者, 處 仁 則 無 亦 敬 而 惟 不 阻 無 治 又蹇,難 當 反 莫 反其仁 人不治,反 不 諸 所 至 己 Ш 以 ; 與 而 也 化 反 則愛無 已矣。 水 暴 其 若 其 君 智 慢 智 子 也 爲 愛 所 則 不 ; 恭 禮 知 周 人 以 故 遜 無 不 解 Ш 9

徵 瞽 轉 而 也 瞍 天 横 與 下 逆 爲 之 象 祥 之化 難 順 解 矣。 則 易 以 解 難 難 知 莫 險 本 切 於 於 簡 修 内 以 德 木 知 阻 觀

可

德之基 履 以 和

位 以 安身 尤 履 萬 情,辯 立 切,故 以 以 和 ,履之所以 物非 崇 説 九 上下 德 躡 禮不 卦先 也, 於剛强 , 育 定 之。 爲 故 故曰 民 履 日 之後,於處 蓋 志。 也 德 素 和和 之 履之往 履 天 而至」。 基 非 地 强 非 憂 世, 禮 基 利 患 不 緣 所 用 爲

恒

謙 ,德之柄 謙以 之象也,故卑 柄 裒多益 有 者 而 制 秉 不 也 禮 居 寡 也 尊 稱 謙 素 尊 物 而 而 履 Ш 光 平. 而 不 之 在 光 也 施 可 往 地 謙 故 踰 中, 德言 制有 以制 以 晦 日 盛 「德之 化裁 卑 而 禮 禮 不 藴 可 高 言 柄 通變 掩。 9 恭 謙

復,德之本也。 不及知而己獨知之。 念,發動於潛伏隱微之地 已放之心,約 復小 之 而 而 辯 爲 於物,復以 主 美大聖神、皆 於 蓋 内 有 自 他 天 知 理 人 由 所

> 與 皆資之。 令,小而辯 陰之下,天地之心可 此 謙 出 非 故 色莊 於 也。 德 念之微, 也 爲 本有 本 見,萬 真 炯 復 固之義 然 以 在 物 中 陽 之始 動 百 而 與 後 體 於 從 履 生 群

,德之固也。 與,動 之時 性 義 自 恒 窮 於其道 守之不 拂鬱 德 也 得 而 義 一,故有恒 日 而 口 而 大矣哉 恒 立不 與 不 紛然雜 古 巽,天地之常性,亦天地之大 德。心 厭 則 久 恒雜 處 而 易 不 恒,剛 至 約 後 而不厭 方 免 恒 可 而 長 者 於 以言 心 Ŀ 在 處 頻復之厲。 雖 ,恒以一 行 而 我 樂者 死 固 柔下 者 日 生 率 鮮 恒 德。 性 患 其 行。 日 素 難 惟 風 恒, 履 不 相 木 久 恒

, 德之修也。 德之不修,欲與忿爲之也 損先 難 而後易,損 蓋 以 遠 朝之 害

損

理欲之 卦上 彼 者 德 忿 益 者 T. 畫 身及 此 損 尚 幾 之陽,益上卦上畫之陰,皆有損 兑 乎 損欲 也。 親, 澤之深,益艮 損 以崇禮之義 損 損 念之欲 之又損,以 之卦 變 喪 Ш 心 自 一之高 蓋 至 禍 乾 於無 上下 己 ; 坤 損 故 而 者 則 修 來

制 忿 德 絶之,使不 易溺 修罔覺。 而伏之,使不 而 得 難 蓋 流 勝 人情易 得逞 者莫如 非 ; 勇 發 於 窒 欲 而 欲 克 難 懲忿. 己 如 制者莫 一、强 澤 遏 如 於 Ш É 而 如

易。 勝 者 修有 不能,故 克治之義 難 ; 習 之 害 熟 即 而 Ľ 久 身及親、 則 安、故

辩

義

喪心禍己之謂 也。

益 德之裕也。 不 體之自然,而 益 能已 動 而 巽 蓋 益長裕 日 得 無 其 進 所 所 無 作 而 養 疆 不 爲 設、益 無 以 蓋 物 害 動 之,其 不 以 而 長,利 興 順 利 進 乎 自 本

> 純,亦 之勢, 大者 之爲 日 消 天 桂 也 理 如 勢 遷 理 下 故 之 善 日 震 日 相 長 裕 則 上 之 資 巽 0 過 者,故 幾。 裕 益 陽 有 寡, 動 又 充 日 陰 改 風 養 伏, 過 雷 益 之 長 則 有 有 義 裕 善 相 人 益 益 欲 益 而

德之辯 於怨悔 大意見前。 也 ,則本有未固 木 辯有自考之 窮 而 通 木 而 所謂 意。 以 寡 怨。 若 修與裕

尤

未

免

木

不

設。

設

是

施

設、造

作

也

井, 德 之地 也。 井 居 其 所 而 不 遷, 井 以

猶

有

所

未至

也。

上 井 故 物 寂 然 其 出 邑 之居其 其 井 口 不 水 改 動 千 井 所 而 又 以 井 而 養 變萬 不 辈 不遷者, 而 可改, 木 不 化 人 窮 皆 乎 惟 也 而 由 坎 往 Ш 此 水 者 與 止 出 於 之下, 、來者 井 至善, 爲 蓋 居 而

者

安資 静 之義 深 辩 取 之 有 泛 左 應 右 曲 逢 當之意 其 原 也 地 有 貞

巽, 德之制 者。 者; 之達 之義 迹。 全 爲 隱 和 渢 通 之所 變, 然 溶 順 日 溶 巽 動 於道 道 權 感 也 柄 由 是 心 又巽 以 0 被 而 出 忍 德 故 日 日 巽稱 井 物 遂 君 性 爲 陰 而 也 基, 修 是 而 增增 通 風 理 子 伏 天下之大 而 日 物 善善 天 於 以 於 益 隱 本 不 裕 下 義 憂 巽 其 入物者莫 自 日 之 陽之下, 患 日 所 日 知, 以行 巽。 故 爲 古 本 辩 不 逆 異 故 能 巽 井 而 權 巽 者 若 日 之未 0 惟 是天 有 則 之未 不 以以 制 風 深 憂 見 化 牛 患 至 備 下 其 渢 裁 日

喪 震 亨, 鬯 震 來 虩 虩 笑言 啞 啞 0 震 驚 百 里,不

震

以

陽

動

於二

陰之下,有雷

出

地

奮

修

省

爲

君

子

之震,故

卦名震

者,

只

主

學

謂 大 戰 震 惡 於 之義 IF. 處 言 亦 重 可 處 於 中 於 兢 吉 亨 器 爲 危 之 不 於 將 而 爲 不 志 失 嬔 兢 言 義 長 萌 死 裕 測 [X] 而 H 其 焉 悔 危懼 存 其 子。 志 生 也 如 臨 維 世 乾 如 吝 所 之際 不 於 深 之所 心 天 震 乾 而 主 ^ 故 可 而 人 K 皆 易》 理 履 亨 雷 不 之 得 奪 今 鬯 也 震 主 於既 薄 也 云 失 虩 起 平安, 常。 而 以 於 曾 理 不 主 戒 其 禍 虩 後 而 道 其 欲 失 即 滅 一祭者 謹 易簣, 所 福 子 義 遠 其 躬 存 雖 吾 生全出 恐 亦 主 之 象 配 所 邇 變 知 内 執 之 所 懼 震 不 》亦 禍 驚 故 免 日 : 省 主 外 以 常 以 於 世 淑 夫 便 懼 べ禍 福 於憂患 不 降 以 是 遏 隱 慝 是 疚 吾 震 故 神 恐 消 蓋 君 患 人 微 子 之 懼 口 莫 戰 長 凡 身 出 無 欲 之

問言,卦、爻詞便兼禍患言。

懼 爲 虚 不 《易》之爲 典 居 行 周 雖 無 唯 流 師 書也 六 保, 所 虚 不 如 適 上 上 可 臨 下 遠 父母。 其 其 無 出 恒 人 爲 以 苟 剛 道 非 度,内 柔 也 其人,道 屢 相 易 遷 外 變 使 不 不 知 動 口

之則吉 父母 其 象 所 尚 莫不各有當 求 故 至 屢 其變, 故时 遷 適 静 日 之外, ~、性體 在 者 周 1 爵辛 逆之則 - 筮者 以言者 流 人 何 也,占 不 之 惟 爲 也 然之則, 感 虚 師 尚 未 ? 可 也, 尚 X _ 也 發,天 保 其占 爲 在 使知 其辭 耳 變也, 然 典 天 人情 一,神 率 不可 要, 地 爲 不 性 以 懼 太 而 人 之所 象 日 之道 唯 制 以 也 之至 明之, 也 虚 一六位 器 變 見 敬 ,皆變之 者 所 聞 在 以 也 懼 理 存 尚 動 適 思 地 也 而 平 其 爲 者 順 慮

> 懼 則 所 爻之所 曰「六虚 不聞 不 而 虚 能 ,心游太虚 遷 以 虚虚 敬 虚 效 是致 也 故 字 也。 當 惟 虚之道 也。 玩 虚 不食之井 味。 故 一戒慎 能 虚 遷 是 不 性 日 井 覩 泥 之 居 泥 其

爲 其 故 所 筋 天 骨 將 以 降 動 餓 大 心 其 任於是人也,必 忍性 體 膚,空乏其 曾 益 其 所 (身,行 先苦其 不 能 拂 心 亂 志 其 所 勞

成;而 勞苦 從此 爲 順 也 者,金是真 個 勞苦、饑 大爐 法 適 ,必先勞苦、 困 闘 於天下、可 宴安 過 錘, 人之將 餓、 餓 而 承受得這 金、人是 故 木 能 拂 木 天 有 窮、 有 傳 窗 將 餓 志 成 於後 拂 使 動 於 真 者 拂 個 蜀 斯 忍 大 人, 亂 世者,始 鮮矣。 大 是 以 人 成 之 雖 爐 煅 動 自 也 煉 大 僊 錘 忍 考其 若 亦 煅 人 口 以 有 佛 舜 以言 必 的 助 所 煉 亦 成。 之 其 成 要 调

恫 過 只 的 心 玉 忍 也 人 大 Z),須從 之志 然後能 I 鍊 汝 性 成 而 「宴安」二字,斷 夫。」身有 性 而 於 不 也 吟 操 至 自 風 成 這 熟 於 得 程 弄 裹 改。 不 鍊 子 月 切 過 之 之,故言之親 待 二字 張 日 磋 的 一。」動 木 忍,始 子 : 受用, 琢 送了古 於 要體 磨 日 心 木 心 又 是 而 窮 却 治 識 衡 今 貧 日 增 至 拂 要 玉 於 無 切 賤 益 於 梅林 擔 之 陽 限 慮 其 而 無 若 功 所 枷 明 豪 戚 有 能 所 要 先 抱 以 而 傑 味 動 熟 後 鎖 生 操 庸 無 堅

是 達 作 以 求 故 性 諸 勝 也 體之 私 心 衡 而 豪 ; 奮 健 不 不 傑 不 安 得 之 足 勇 士 於 以 不 故 木 鼓 足 木 雖 與 氣 以 ; 無 起 衡 研 文 皆 懦 諸 王 故 不 慮 猶 足 强 作 興。」 以 而 不 足 作 不

作

徵

於色,

發

於聲

而

後

喻

者 耶 研 諸 哉 作 不 亦 興 顧 ? 思 能 有 無 心 之 ! 即 故 不 所 待 所 耶 而 作 詩 而 亦 以 謂 於 ? 無 也 世 日 不 作 作 木 不 之 乃 知 抑 故 之。 者 得 作 衡 成 木 冥 遐 德 耶 者 君 研 與 然 不 乃 ? 日 寥 子。 衡 諸 作 狃 作 悍 寥 抑 慮 於昏 人。」 德 而 作 然 嘗 而 何 無 求 之 聖 無 弱 也 是 不 所 時 不 H ? 在 知 用 欲 義 達 作 研 其 作 求 贵 作 大 慮 作 與 求 矣 而 m

子 \mathbf{E} 日 見剛 : 欲 剛 棖 克己 之私 天 月 也 吾 不違 之歎 慾 未 復 德 著 馬 禮 見 也 不 作, 夫子之所以 乾 베 得 其 得 渾 者。」 別门 於 道 是 出口 也 如 天 或 0 爲 顏 德 對 顔 子 殆 流 \Box 淵 之不 庶 行 : 慟 死 也 而 申 也 遷 而 棖 故 不 若 吾 日 未 子 由

五.

八五

悻悻 之行 慾之謂 婦之道也。」一 大 剛 不 自 丈 能 弘 夫, 之根 毅之 行 剛 不 剛 而 又何 棖 屈 學 爲 後 不 之悻 於 不 岡山 能 屈 怪 語 慾 以 明 哉 作 於 浩 乎 悻 而 ? 氣 慾之 也。 ? 萬 然之 焰 特 鈞 孟 레 可 其 謂 者 堅 子 與 畏 氣 氣 也。 作 强 日 慾 之 未 質 : 不 衍 養 IE 有 作 不屈 屈 相 是 類 非 儀 而 反 妾 於 到门 於 爲 以 几

民 泰 伯 無 得 其 而 可 稱 謂 焉 至 德 也 已矣! \equiv 以 天 下 讓

字

恐

於

剛

義

未

盡

我。 見。 逃之 日 有 新 天 讓 下。 荆 泰伯 ,人心之向 何 是三者皆足以有天下, 纏 也 當 示 ,周太王之長子,其統緒 ? 商 不反 周 泰 背、天命之去留 之 伯 也; 際,商道寖 之 德 斷文自廢,示不 足 乃棄 以 衰 朝 己 不取 諸 又在 可 周 侯 概 德

求乎此 之道 《集註》 必亡 既没 若 商 積 其 臣 所 不 下 天 泯 用 太、文,則 取,而 之 之心 託 欲 功 日 下 然 也 志 累 肇 潔 非 而 而 之後、蓋 讓 莫 無 始 己 基 仁 己 心之安以不失 反逃焉 而 己 所引《史記》諸 也 甚 以身當忘家之害 得 朝 適 X 於太王,而 以 而 王 几 萬 於 而 迹, 莫 世 遂 餘 世 當 太 有 志 稱 知 者 夕之故。 其難。 伯 慶之來遠 太王傳 君 以 日 其 非 也。 其 故 荆 臣 其 見 家。 古今一 爲 之 蠻 夫周 勤 以 夫利 何, 乎天 采 説 防 之 至 季 泰 王 棄 而 矣, 藥 逃 德 裂 伯 家 而 之 其 大 歷 則 莫大之 乃 莫大於 矣! 荆 是 理之常 必 荆 不 心 以 周 疑 據 以 蓋 冤 蠻 辭 興、 蠻之逃 隱 及昌之 見 室 在 謂 以 追 事 惟 利 蓋 畜 即 得 爲 興 商 原 耶 太 其 剪 其 微 王 不 如 欲 天 有 王 跡

己, 文王三 王 毫 逆。 子 歸 稱 分數言 口 忿怨 之所以 文王 稱 周 坐 而 以 爲 視民之叛己,文王亦坐受民之 率 惟 一分天 一,而謂 服 耳。 的 至德耶 叛 青、兖、 爲文也」。 事 念 以 殷 下有 渾 乃曰 武 蓋 事 ? 是未 王 冀屬 紂 荆、梁、雍、 其 未 夫子以 誠 ? 二,據 盡 服 發 紂, 豈有 而 俱 善,其旨 氣 至德 事 於 象,故 人 之,略 理 心 豫、徐、 稱 勢 紂 向 微 日 泰 爲 背 矣 爲 無 文 伯 歸 太 天 揚 之 !

而

或承之羞

震

則

懼其

改之不速,

而

則 於君臣、父子之間不順莫大, 而

之謂。

於

此

而

震

之,

則

知

之至、行

之

之失,而

悔則

得

之省

悟

而

不迷於

所

口

於所行之謂

0

於此

而憂之,則辯之早,

力之易,莫顯

乎

微

也。

咎者,人心念慮

力,不遠之復

也

憂則

慮

其

悔

之不早,

吝者, 《易》, 苟 有 過 過 可 者 以 人 一人心 無 必 大過矣。 知 所 之。 必 不免,或 加 我 數年,五 生 於 +

憂

悔

吝者,存乎介;

震

無

咎,存乎

悔

悔

是

性

體

之良

知

良

能

悔

人心順逆之機,而

介則審於決擇、不疑

辩

過

過

則勿

憚

改。

小人之過也,必

文。

丘

也

以

學

已矣乎

! 者

吾未見能見其過

而

内自

訟

者

也

震

鮮

矣。

憂、震即

木

、衡之作。

生於習俗,或生於聞見,或生於時位, 氣 禀,或

之義

介、悔

是

本體,憂、震是工

夫。

本

體之明則

有

未嘗

息

前

能惕

然憂、奮

然

也;

無咎者,善補

過

者

也。

凡卦

交

或沮於難。故曰:「悔吝者、憂虞之象

悔、言 改過 故《 便 便 是 詰 無 權 能 體 見 有 有 或 掩 X 改過 非 覆 是 包 大 過 度 所 德 意 生 易》之卦爻言 纖 藏 過 精 改 直 益 時 於 得 江 未 爲 震、言 毫 之妙用 過 鄉 禍 者 心 在 漢 多 切 精 天 之 隱瞞 位言之。 原 心 ,以《易》 理,或 以 前 而 便 愚人有 至 而 只 不遠 聖 濯 纖 是 有 不 改圖 於 要 故 也。 毫莫遁 人 得 所 德 非 秋 生 時 無 之復。 以 補 必必 之賊。 善 故 所 不 之 於念慮。 益 陽 時 自 调 未 過者· 無 補 不 能 切。 無 以 訟 見 如 發 過 调 知 便 免 舉、 暴 過 此 是 纔 蓋 之 十六,亦本 禪 ; 學《易》可 者,皆 有 而 聖人有 心 而 覺 察 刺 中 見 偈 時 孔 許 凡 後 П 趨 之精 之 云 無 爲 過 時 名 子 非 自 時 可 一,賢 天則 無 過 日 改 只 包 之 本 以 所 相 刺 過 调 常 藏 要 便 攻 變 以 則 X 其 心

> 友 自 而 之。 見 未 惟 能 $\overline{\mathbb{C}}$ 蘧 過, 伯 使 玉 與 伯伯 者 道 深知主人之心,故 玉 即 之賢 相當 只是「欲 孔 子 寡 平 夫 其 生 调 所

耻

賢

之於人大矣 之, 也 過 此 耻 子 死 羞 近 猶弓人而 生於 往往往 乎 又曰:「耻之於人大矣 惡之心人皆有之,故 之,莫若 口 如 蓋 何若人有?」《 大不 勇。」 生 日 其 拈 的 一念之無耻 : 機 ! 幸 而 耻 出 丹 師 心 無 周 點 頭 爲弓、矢人而 不耻 無 文王。」「人 滑 羞惡之心 子 (無耻 化 耻 熟 亦 人,蓋 不 (中庸》 云: 若 ; 久 爲 是 其安也, 耻之一念,是 人,何若人 而 機 欲 無 役 ! 人 亦 非 械 安 耻 迎 生 不 而 日 人 之。 變詐 其 不 爲 理。 幸 耻 也 機 習 耻 矢。」 爲 有 其 之 知 故 不 不 而 而 役, 若 孟 熟 始 巧 聞 耻 至 如 達 起

耻 無 忌 也 充 憚 然 放 無 僻 復 邪 廉 侈 耻 無 之 色 所 不 卒 爲 歸 無 於 小 所 人 用 之 其

言 穿 以 阚 欲 有 窬 害 皆 汝 所 不 而 言 言 之實 人之 有 之 不 是 餂之也,是皆穿窬之類 爲,達之於 心 所 心,而 不 以言 無 而 一忍,達 所 義 餂 往 仁 不 之 其 之於 口 不 而 也 所 不 勝 可 ; 爲,義 其 爲 勝 用 可 所 義 也 用 以 忍, 也 ; 世 也 言 也 人 ; 而 能 人 人能 士 也 不 能 未 充 ; 言 口 無 充 人 充 受 皆 是 以 無 無

言 彼 以 意 不 滿 不 語 欲 口 得 爲、不忍,渾 不言 推 達 自 這 勝 此 故 蔽 個 用 及 餂 本 人者 彼 以 日 達 心 直 皆 是 君 是 體 養 穿窬 惻 非 子 克 量 而 所 隱 無 E 己 寒 以言 也 羞 達 所 I. 平 ; 惡 夫 虧 天 非 達 的 蔽 地 不 其 而 世 本 者 足 以 有 心。 則 1 夫 此 方 而 取 以 毫 義 充 通 口

> 者, 之者 的 子 獸 爲 怒,今乃 公盗 麄拳大 禽 案 例 獸 選 賊 盗 顯 盗 也 推 世 踢 然加 賊 ; 而 打 而 嚮 夜 加 斷人、置之死 之士 受 安之,不 氣 諸 爾 牿 小人, 人 汝 亡 之 而 於 達 稱 不 未 日 故 · 諱,此 而 地 有 畫 也 不 不 之 而 艴 所 後 是 夫 牛 然 禽 孟 今 爲

故 於 人 大 子 人 以 舜 君 路 者。 子 爲 有 ,人告之以 莫 善。 大焉,善 大 取 乎 諸 自 與 耕 人 有 與 人 以 稼 過 人 爲 爲 陷 則 同 善。 善 漁 喜。 以 是 舍 至 己 與 禹 爲 從 人爲 聞 帝 人 善 善者 言 樂 無 則 非 取 拜 取 於

路 使 不人。 以 大 此 及 舜 ,人告之以 於 渾 其 是 在 所 人 ____ 以 口 者 個 有過 大 歸 虚 有 於 於 體 以 則 善 禹 裕 喜」,其所不告者, 無 與 於 人 而 子 無 不 路 我 知 在 也。 誰 己 無 之 者 微 子 所 有 ൬

有 之益,公於己者公於人,天下 無不與,耕稼 有遺 遺 過 世 善 ; 也 禹 陶 聞 漁 舜 善 鹿 則 言 無 豕木石 則 時 拜,其 無 處 皆吾 無 無遺 所 不 麗 不聞 取 澤 善

言之,道也 修身以道 也 修道 虚是化之體 以仁。 ,未發氣 仁也者,人也。 象可 想 合而

見

東周」,其在

兹

乎

?

故 道 口 生 行 其長也, 爲 已,故感於父子則爲 生物爲心,人得之而爲人之心,生生 仁是生理,不仁便是死漢。蓋天 生自 友恭。 凡修道,一涉於營 仁義,必 以言仁,則 二,不可 然之機 無 孩提之童, 如 以言 不 襲 是 知 者,皆 合也 敬其 而後 也 兄。 襲 可以 無 慈孝,感於昆 欲 不 不 故 而 謀 口 言修道之仁。 知 取 日 由 以 慮 之, 愛其 仁 : 言 而 義 夫焉 不出 則 行,非 親 身 地 弟 及 與 於 則 不 以

> 齊治平的全具家當付之哀公,「吾其爲 也,有左右逢其原之意。 德 所 至 倚 ? 道 不 肫 凝 肫 焉。」 其 仁。 至德 又 夫子 日 : 也 荷 凝, 個 非 修 聚 至

達德也,所以行之者一 者,天下之達道也,知、仁、勇三者,天下之 也、父子也、夫婦 天下之達道 Ŧi. 所 也、昆弟也、朋友之交也 以 行 也。 之者三, 日 君 Ξ 臣

純 人有 爲達 心之所能 昭 道 則無二 不 而 察 心 足以 道 而 事 人有 一之弗具 父,便是止於孝。 不 ; 爲 昧 無 德 盡 一之不 處 而 天下 雜 不 是 弗同者,不可謂爲達 爲之竭 足 純 智,愛敬 以 與 之人、足以 體 知 未 其 道 與 發即仁 力 、足以 能 懇到 其事之之道, 處是勇。 者 盡 處是仁, 也。 不 體 天 下之 可 道 世. 謂 而

之子 之有 天 後 我者 伯 臣 故 殊處,即 宿處,即禮 以仁」之「仁」,是指 修 敬 獬 口 勇」之「仁」,是指一節言。 有 乎 也; 之有 道 叔父、從伯叔父及族之伯叔父,兄 我之所事者 道以仁之旨,而 下之先、後 逅 純 及族之子,皆父子 不 日 我 爲 心 而 朋 宗 兄,後我 生我者爲父,我生者爲 盡 不 事 相 文 乎? 友。 因 至 父 也、 也、 族 乎 而 依 乎 鄉 凡 ? 知 爲 約 而 博 者 於此 我,皆兄 黨 群 之有不明乎 君,而 爲 也 也 爲弟。 身 心 之先、後 而 斯 ; 全體言 力之 無 可 居、比 三、五是 人之徒者,皆 理 以 不 也。 凡 弟也。 凡家 所 一是 修 悟 事 而 乎 也。 而 ,「知、仁、 修 能 同氣 ? 於我者 我,家 分殊 合志 庭之先、 德 相 爲 子。 道 道 者,爲 出 凝 愛之、 修道 而 德 德 也。 道 弟 友 先 凡 皆 散 歸 或 而

> 上,毋 受不 心 别 稼陶 禮 者 分,①隨 子,爲兄弟,爲 而 交,止於信 上 則自吾君臣之義而 也 出 皆 也,在父母 之一、理之一也。 推 ,隨事異名而 則自 之也。 漁 相 故凡 則 以 自 親 在 無 吾兄弟之友 事 使下 吾 言 男 而 非 ; 乎公卿,敬 夫婦 正位 敬、仁、慈、孝、友、恭、信 異 則 取 三人行,必 語 其等者,分之殊 别其 朋 諸 不 所 如 之 乎外, 友,爲 相 人,則自 惡 别 此,在叔伯 推之。 所施者,皆主於吾 聞 而推 於下,毋 而 其 而 女正 所 推 爲 有 夫 無 之。 之。 吾朋 出以 以 我 、失,恭 婦 君臣,爲 位 别 師 則 以 平 類 與 事 所 也 友 嫌 ; 事 内 如 之信 其 娶 自 或 惡 而 明 彼 父 耕 人 有 長 於 微

0

言 故 下 殊 也 無 知 或 也。 在 之老 之物 故 日 達 以 其 附 從 墨子 寇讐之不同。 也 類 理 疏 義 伯 親 之 天 奔 也, 叔 而 幼吾 知 之兼愛, 親 下 走之不 知 父 賊 天 之殺 之族 ·楊 其 又 夫 幼 而 如 理 德 以 子之 同。 手 信一 疑 而 彼 之 尊賢之等」,皆天 也 及 足、 於仁, 裂 人 爲 以 不 知其 夫 也, 而 之幼者,分之殊 腹 我 至 可 道 心、國 不 老 則 分之殊 或 以 疑 也 知 無 吾 師、或 言 不 於義 其 以 老 達 分 口 辩 而 以 也 理 天 之 以 則 不 及

前 不 凡 定 窮 事 豫 則 則 不 立,不豫 木 行 前 則 定 廢 0 則 言前 不 疚, 定 道 則 不 前 定 跲 則 事

養於 言 而 未 不 發 可 之 行 謂 E 豫 跲 豫 , 内 即 省 前 而 定 恶 之 於志 學 也

> 豫 行 溥 原 道 疚 字 吾 日 博 ; 而 ,不行於妻子」 煞 一 窮,如 行 如 内 民 有 莫不 天,淵泉 有 求 力, 不 「其 利 説 慊 吾 蓋 涸 於 自 豫 如 外 之 也 心 淵 0 故 學 , 類 日 問 也。 言 可 語 木 主 立 有 取 而 張 宰 味 而 之 如 民 子 待」之 而 莫不 定而 日 前 身 不 逢 不 定 信 事 類 其 不

學 慎 然 反 不 時 道 毫髮有 猶 求 能 不 也 而 極 然。 諸 者,不可 無 行 不 深 未嫌 有 荷 疑 心 研 不 博 而 於 而 幾, 得 學 無 從 自 有 須 於 不得 則 夜 也 待 以 臾 心 必必 無 以 爲 於 離 時 繼 是 施 問 事 假 也, 日 無 諸 而 有 於 處 無 身 間 反 不 惟 思 害 物 安 而 而 而 恐 乎道 不 無 於 不 日 於 思 身 學 有 不 審 本 而 必必 也 也, 體 無 日

行

之。

博學之,審問之,慎思之,明辯之,篤

移者

而

言

前

定。

辩 間 之意 不 疑 審 自 無 思 而 反 而 是; 於 進 生 無 而 不 明 疑 而 慎 知知 守 遷 在 疑 人,於是乎 得 而 辩 思 審問 之, 後 之固 也。 之。 ,只是不行。 人者有 至 有 審 然猶 至 所 問問 博學、 誠 辯 明 之, 施 慎 辩 而 篤 以 不 之之道 而 不 知 日 思 而 裕 敢 慎 後 終終之,必止 明 惟 於 行 自 思、篤 荷 學 明 己,在 之。 躬 是 當 必 於從 進 辩 行 也 如 坦 有 行,不 篤者, 而 故 是 己 然 所 人。 朋 後疑 不 施 也 者 由 友 疑 擇 荷 於 之 不 有 講 問 生 學 之 則 於 是 已 以 而 習

冰。 >> 굸 冰 而 T. 夫。 淵 今 : 戰 而 戰 後 全 兢 吾知 戰 而 之念,是曾 兢 歸 之, 兢 免夫, 非 如 專 子 小 臨 自 弘 子 深 其手 毅 淵 足言 如 段 本 履 領 薄

册:

不

敬

儼

若

思

,安定辭,安民

哉

其 子 身 莊 敬 儼 儳 敬 也 若 焉 日 思 强 安 如 了,安肆 民哉 不 静 終 而 」,修己 日 敬 日 也 偷 ; 以安人 君子 安定 不以 辭 世 動 日 而

君

使

《詩》 之, 止 恕, 放 體 懼 抑 要,未有 偷 欲 自 順 肆 明 不 畏, 行。 陽 心 勝 爲 蓋 日 健 而 有 明 故 必 要 惕 \Box 惡 勝 而 强 主 日 作聖 領 如 而 厲 祇 拘 後 德 與 盗 日 禮》 此 末 足。 檢 口 肅 之 偷 强 而 性 而 以 復引《詩 恐 爲 樂》所 分。 喜 後 日 用 不 而 自 言 對 懼 頓 口 齊 由 ^ 棄 復。 壨 悟 以 中 敬 H 慄 於 載 故 之 偷 作 庸 而 是 × 敬 欽 而 日 鄙 敵 本 聖學 則 日 拳拳 者。 明、 世 H 首 寅 故 體 積 乾 陰 之學 偷 章 之健 恭 漸 允 乾 濁 而 故 始 道 揭 恭 勝 者 日 ^ 至 咏 終 心 日 日 易 本 有 樂 敬 之 歎 戒 愬 與 强 私 日

者以

爲

學,既

各隨

其

性

之所

便,才説

持

之

持敬 任 外 朏 丱 禮 大抵後世 放 情 躁,庶幾復見 夾持、聖賢 樂、 恣 磨 段工 射、 意 禪 煉 之士, 爲 之委 消 御、 夫 自 相 融 猶 得,其 書、 各 弛 傳 其 天 家 驕 隨 不 可 地 數 以 己 悍 法一切 之心。 不 其 之文, 飛 矯 也 氣 流 輕 揚 質 而 口 破壞 警惰、 之氣 今乃 習 爲 勝 之 性 莊 惜 所 舉 鎮 於 周 哉 而 獨 浮 便 之 以 内 有 童

夫, 益 若 敬 必 卒 便自 欲變化 2 在 更 無 自 無 不 必 所 求 人 安。 强 氣 發 變 手 質 變化 化 明 處。 敬 不 氣 闕 則 質 氣質之學,本於人一 却 得 張 些子 莊 見聖人之 子 不 敬 氣質著 日 爾 持 : 背爲 養一 爲 奥。」 不得, 段 學 人 之 愚

愚必」下, 康熙 本 有 明 一字 可從

0

遽以自得脱灑爲詞,其誤人不淺也。己百、人十己千困勉之功而後能。乃

之本與? 堯舜之道,孝弟而已矣。君子務本,本立而道生。孝弟也者,其爲仁

辯

仁

學習 之道 其 天徹 廣 物 真 孝 E 本,本 念 孝 矣 育 弟 大矣,亦只是充 地,至 焉 是 不 而 弟 其 故 息 自 初 至 立 而 知 心 則道 日 己 一於爲 矣 則 自 萌 矣」。 「爲 哉 氤 能 芽至真切 自 法 氲 仁 者。 生 天 化 是 之本」。 養 下 醇,資 故 無 人能充養 念非 得這 君 所 處, 可 子 强 生資 傳 堯舜 天 個 孩 之學 也 後 念頭 提 得 之道 世 始, 事 惟 孝 這 不 徹 弟 非 故 萬 務 箇 待

> 便 務 如 是 本 草 助 E 木 之有 是 長 培 養 生 生 意 理 的實 一毫 人力着 功 稍涉人爲 不 得

能 夫仁 近 取 也 譬 者 可 己 謂 欲 仁 7 之方也已矣。 而 立人,己欲 達 而 達

之。 於博 近 取 天 有 思人之寒。 痛 焉 間 諸 世 則 者,以天地 皆痛 身,蓋 故故 故 因己之饑,思人之饑; 濟 有 識 惟 待 日 得 癢 及 求 蓋未至於仁,則 於 口 萬 則皆 其 人之道 推 體 謂 物 心 。「强恕 爲一體。 則 癢 而 之 大理 知 已 方也 不遠 矣。 求 而 仁 已 渾 不 因己之寒, 既 行,求仁 之 於 其 矣」。 然, 免有 是 己 學 次 而 惟 不 動 間 莫 得 待 近 以

强 萬 恕 物 皆 而 行 備 ,求仁莫近 於 我 矣。 焉 反 身 而 誠 樂 莫大焉

理

物失所,皆非孝也。

曰「自

生

天

地萬物本吾一體,故天地我位,萬

物

皆我、 也 之責 所 備 JL 也。 猶 夫 言 兀 誠 婦 責 者 備 有 非 不 也 自 被 成 堯 禽 難 飯 繋馬, 則 次 無 不 須 以 但

物 荒 爲 皆 體, 在 我 則 闥 誠 矣。 樂莫 誠 大 則 焉 無 事 其 次 洞 未 然

己

而

已,所

以

成

物

也

真

能

以

天

地

萬

0

舜

之澤者

獸

草

木,一

物

失

我

育

莫

非

己

不 至 於 通 誠 而 去仁 不 免 遠 猶 矣 有 惟 己之間 强 恕 而 行、 有 善 間 推 故

其

所爲者爲近之。

强

者,人

己

百

能 視 千之意。 人猶己、 推己 强之則 及 人, 私 意 而 無 求 所容, 仁 爲 近 故

出 來

也

^

西

銘

篇

全

自

孟

子

 \equiv

句

翻

君 子 去仁,惡乎成

君 學者須是 子 以 個 成 生 德 識 身 爲 得仁體。 的 行 命 於是乎 脉 仁,天 須 臾 有 離 成 德 不 德之名。 也 得 渾

> 之事。 不 已,於是乎 亦 以 遠 爲 蓋 乎 己 ? 任 有殺 一、不亦 成 臾 息 此君子所以 富 身, 之 尚存,此 身成 貴 頃 而 重 貧 也 仁、 口 乎 賤 以 ? 顛 無 志 爲 成 取 沛 求 不 死 君 名 舍 則 生 容 子 而 乎 之 以 死 後 少 ? 害仁 間 非 生 Ξ, 古 患 而

欲 以 成 名 也

富貴 道 居 天 下之廣 得志 不 能 淫,貧 與 居,立天下之正位,行天下之大 民 賤 由 之; 不能 不得 移 少,威武 志 不能 獨 行 其道。 屈 此

之謂 大 丈 夫

張 天 屈 獨 居 其志 儀 兩 行 不過 地 其 由 義 道 謂 不 大 行 縱 可 爲 横 大 奪 人 其 豪 也。 尚 丈 志 俠之雄 夫,信哉 志 也。 之事 此其以道 不 權 淫、 與 譎 不 公孫 爲 民 詐 移、不 體 由 謀之 衍

者 哉 也 考 亦 鷄 明 當 傑 進 大 妾 鳴 ? 時 退 ____ 如未經烈火 故烈, 丈 婦 狗 至 畏 離 而 合乎諸 夫 盗 之 於 之 景 兵 火 善善 此,故 的 行 如 春 端 百 也。 \equiv 依 輩 虎 煉 侯 陰 煆 個 附 以 孟 糜 尚 富 持 是 大 煉 弱 以 子 貴、 真 終 何 禍 丈 肆 爛 頭 闢 柄, 金 夫 足 其 肝 貧賤 之 未 的 姦, 稱 以 腦 未 爲 其 口 考 之, 嘗 言 以 威 氣 遽言 妾 妾婦之心 案。 經 塗 學 焰 婦 武 其 術 義 此 真 足 民 金 日名日 是 蓋 世 以 不

言

而

喻

中 達 其 道 理 莫 矩 德 本 義之悦我心,無所 有 始 體 非 者 天 可 不 不 以言 知 理 足 誰 > 之所 樂, 以 流 語 行 非 勉强 使 之。 真 手 到 能 舞 樂 此 克 而 足 則 便 自 己 蹈 生 是 以 和 意 自 動 中 順 以 規 暢 慊 於

用工便不差。天。凡説「生」字,便當與助長對看,則

君 也,醉然見於面 子 所 性,仁、義、 盎 於背, 禮 智 施 根 於 於 四 心。 體 其 川 生 體 不 色

情 以 趣 故 背 行 渾 語 樂是 叔 口 每 賢, 吟 手 語 以 此 恣 不 成 以 夫子 言 心 意 君 加 **\$** 而 風 舞 片,不 根字 樂,惟 子 以 之本體 尋 樂 弄 窮 足 之聖 自 非 仲 生 月 居 蹈 極 快 時 須 尼 於 不 以 有 前 者 習 蕩 臾 竭 損 有 歸 力。 義、 顔 口 不 蕩 離 毫髮 才。 樂 子 心 禮 及 足 有 休 生 樂 心 根 廣 哉 以 休 程 於 累 即 智 處 之 吾 體 ? 語 子 發 於 謂 性 根 與 胖 樂 再 \wedge 非 憤 心 於 也 點 樂 記 性 見 是 樂 睟 處 ; 心 之符 也 即 周 贵 顏 故 不 面 方 便 日 茂 肆 足 之 子 大 盎 口 不

樂

則

生

矣,

生則

惡

可

己

也

?

惡

可

已

則

不

知足

之蹈之,手之舞之。

致樂 信 安 君 油 神 則 然 子「致樂以治其心,則易直子諒之心 而 久,久則天,天 而 則不 生矣。 治 其 怒 心 而 易直 也。 威 _ 則 油然 子 神。 諒之心生 戒謹恐 而 天則不言 生,是豈人 懼 前男安, 所 以 而

天乎?不尤人,下學而上達。知我者,其

力

可能哉

之所取 兹 不 下 過 於天與 有 [情之求者,每責備於人,故尤。 知 學之 尤, 非分之望者,每 我 只 功,求 人 必、責備者, 者非 是 也。 庸 天 以 蓋好古敏 行 乎 E 之謹 ? 取 達 惟 必於天,故怨; 乎 下學上 在 天 求,惟 於我,而 理。 世 達,不 莫 天 知 我 監 盡 夫子 無 怨、 知, 在 平 與 有

君子之於天下也,無適也,無莫也,義之

宜矣。

與比。

之而 也。子: 待 住 云: 謂 心 以 知 必 先 真 底 來 前 盡 主 有 不 無 我則異 「應無所住 著焉 應時,又有個 藏 心。」不知與 念、今念、後念相續 所 義 個 心 無 往,是 絶四: 主之 者 必 ; 所 習矣 有三 有 既 於是, 不 心, 所主之心, 應, 主 謂 毋意,毋 病 而 而 而 神 日 吾 無 又 : 偏 生其 不察焉,終身由 先 莫 知。 儒 可 事 有 重 無 ; 同 無 底 未 個 心。」又云: 大抵 必,毋固,毋我。 所 異 無 不絶 日 不 心,即 應, 將 主, 何 所 滴 可」,義之盡 而 先 應事 在 世 主 ; 日 ? 不 先 佛 有 義 而 之而 不足 佛 學 化 個 有 無 書 所 底 迎 故 所 個

不知其道者,衆也。

地」之「察」。行道而有得於心、得於心著如「形則著」之「著」,察如「察乎天

則 觀 知 著 由 而 與 其 來 動 行 中 察 道 之 動 庸 者 久者,未有 則 \forall 言 襲 變 誠 由 則 也 變 於 形 故 則 道 不 化 形 而 日 著 則 終 無 與 則 著 所 身 察 知 著 得 著 由 也 於 則 之 察之所 明 心 而 其 也 明 不 不

立 口 龃 可 共 與 學 *, V. 未 口 口 與 與 適 權 道 ; 可 與 適 道,未 可 與

曾 適 則 蓋 以 能 變 好 口 言 子 與 道 學 古 E 權 H , 所 所 共 也 敏 適 7 不 學 夫 求 ; 可 可 變 以 與,無以其多聞見以干禄,好 者 學 日 與 既 以 易 學 學,行 之難 而 言 7 口 夫 以 與 不 立 道 從 未 其 共 能 而 也。 道 人 口 適 爲 適 不 也 與 學 而 已 人 權 未 權 矣, 不 惟 乎 可以 堂 能 適 故 ? 不 而 堂 立 志 7 守 未 言 未 乎 甚 於 而 口 而 學。 哉 學 鼠 口 不 不

> 如 者 苟 乎 難 此 ? 以 爲仁, 曾子 之學 而 非 所 確 以 故 求 能 滴 慎 與 擇 V. 所 而 與 權

之於 君 \Box 子 之 不 臭 於 謂 也 味 四 性 也 也 肢 目 之於安佚 之於 色 也 也 , 耳 性 之於 也,有 聲 命 也 鼻

天 草 不 性 之於 有 有 П 之欲 - , 若 以爲 之於 非 也 口 性 臭 美 將 焉; 味 之所能 性 也 終身; 几 之所),然得 也 肢 耳 有同 之 ·之於 欲 役。 曲 之 於 而 嗜 肱 不 安 聲 動 求 焉 飲水, 得 佚 也 心 必 ; 有 也 忍性 得 有 目 命 之,飯 口 樂 之於 有 焉 性性 聽 在 冒 焉 其 適 色 命 糗茹 君 中 焉 也 鼻 於 子

有 仁 也 性焉,君子不謂 ,智之於賢 之於父子 也,義之於 否 也 命 ,聖人之於天 也 君 臣 也 道 禮 也 之 命 於賓主 也,

父,親

也,不可

君

臣

前

不得

不得於賓主

瞍

底

豫、文王

性

也

非

命

之

所

能

求

所

以

自

盡

子

不

以

爲

葉公語 父爲子隱,子爲父隱,直在其中矣。 加 子 證 是 人之生也直,直 孔子 道 之。」子曰 場」之喻 日: 日 :「吾黨之直者異 吾黨有直躬者,其父攘 本 然好直 性 也 而 不 佛氏 好學 有 八於是。 直 則 羊 無 心

> 其 姓,而孔子以爲. 其所以進子路者深矣。 夫子以學之不講 父之攘、乞鄰之與,其不 死,學之未至 之藴 人,舜 學,或 直 直 而 故 己; 心, 而 竊 本 也 有 知禮,直在 均 好之而 負 爲己憂,而六言六蔽 佛 之天理 名爲 之爲 而 氏 逃 以 直 非 賊 ; 卒以勇直不得 情 冤 人情之至 而 魯 其 乎 其 親 已甚,不 反 學也。 昭 德。 中 平 害 矣。 公娶同 乎 蓋 德 故 好 遂 但 證

不 逆詐,不 種 機心,有機 逆 多喜,既 億 为 存 可 億 地 果 有 喜 不信 心 還 便 即 也 17 生。」 ! 是 自 抑 者必 許、自 種下 佛 亦 明 有 先覺者 偈 道 種子。 機 云: 不 先生 事。 信。 一是賢 草年好 有 甚矣,種 人見 蓋 情 逆 乎 機 來 億 心 事 是

六00

先生文集

嘗架橋 木之嘉 先 於 純 既 無 不 何言之易 午後, 覺 億 如 粹 種 見 此 類 心 逆 而 濂 顔子 況 者,必 爲 也。 溪 忽 而 少 不 後 以 要於 也 見 賢。 故 自 億 ? 田 起 長 寧 有 逆 着 間 計 梁 但 謂 蓋 無 根 爲 意 後 度之心。 獵 此 無 養 億 氣 必,而 心,則將 者 心 此 出 逆 心 不不 潛隱未 好。 之 人 信 以 融 覺 林 術 爲 哉 程 化 無 濂 間 智 有 莫 子 之難 所 露 溪 喜心。 見 要 天 往 耳。 寧 日 於 性 林 無 至 而

子

於是

日

哭,則

不

歌

哭而

不

歌,非

徒

以以

矜人,乃所

以

養

心

學,成

章

而

可

傳者

未

有

不

由

於

專

致

也。

蓋哭、歌

不可

以

無

常

無常

非

所

以

今夫奕之爲數,小數也,不專心致志 矣。 夫子之心,其天之定者歟? 則 不

得 也。

輪,其 專者, 誕, 成 學者,欲 也 真 用 有 雖 積 智 贵 佛 何 力 講 不分, 其 惟 氏 以 速 究 久 心 仙 想 人德 化 入虚 則 不 有 而 乃凝 佛 人」,荀 分 鄙 成 ? 而 玄, ; 堅苦 凝 無 於 凡 致 亦 神,莊 道 子 要之專 下 悪悪 者, 哉 只 之言 此 是 ? 拘 其 子之言 對 如 仙 也。 檢 與 志 塔 百 家 致 而 不 樂放 今之 家 説 想 爲 也。 之 之 無 相

人。 以 忠恕,違道 事 父,未能 君子之道 不遠 也; 所 四,丘 施 諸 未 求 己 能 乎 而 臣 焉。 不 以 願 事 亦 所 君 求 勿 未能 乎 施 子 於

成

疾。

故

凡情之無

恒

者,其病心亦多

便言

氣

候

不

恒

感

不

恒

之

氣

者

淫

而

0

養

心

或鼓或

罷,或泣

.或

歌

是

惟

7

心

勿

恒

者

爲

然。

天

時

忽

然

雨

忽

然

晴

者

⁰ 用智」,今本《莊子》作「用志」。

以

異

於學

動

以

天耳

求

即

反

所 先 也 不 施 足,不 所 之, 求 未 平 敢 能 弟 不 也 以 勉 事 有 庸 兄 德 未 餘 之行, 能 不 也 敢 ; 盡 庸 所 言 求 言 之 乎 謹 顧 朋 有 友

道者,率性而已,中和是也。 「施行顧言,君子胡不慥慥爾!

樂,亦

可

以

爲

成

人矣。」

忠 復 非 者 爲 見 能 其 天 不 道 而 1,和 下 其 所 悪 恕 和 近 欺 者 不 之大 也 本 也 其 惡 大 願 率 於 也 然 亦 體 欲 本 欲 己之所 人 ; 性 中 的 惡 本 心 而 也 勿 於 推 而 心 之發, 者,忠也 寂 , 施 惡 和 已 爲 段 「所求 如 然不 欲,公其欲 於 欲 爲 中, 心,天 切 中 不 以 近 近 和 動者,中也 如 非 待 公 乎 工夫,蓋 是 因己之所 心 下 忠 於 推 子 中也 爲恕。 也。 一之達 恕 人 而 於 以 是學 者 自 人 事 ; 恕 然 也。 道 本 然 施 中 父, 恶, 體 者 於 欲 諸 中 也 聖 自 求 惡 不 未 節 中 公 己

> 子路 之不欲, 卞莊 問 之道 求 慥」,進而 成 諸 人。 以 身」之「求」,蓋 之事君、 子之勇,冉 子曰:「若 不已之意,訓 事 父,有 求 臧 反 篤 求 之藝,文之以 武 乎 仲之知,公綽 實」,字欠切 未 能 爲 子 力 爲 慥 臣

之知 以 蓋 此 而 所禀,材性 夫子 學 爲 由由 知、兼 以 ,文之以 也 成之, 大 兼 病 不 衆 人」,故 盡 前 禮樂,則 均之 人之 藥,成 同 惟 能 其 爲 學 成 以 能 德 亦 爲 有 人。 大 達 成 能 强 其 材 若 者。 材 其 之智 之 臧 性 所 教 武 所 人 不 也 也 仲 近 知

然,特 以 禮樂,故 公綽之不欲、卞莊子之勇、冉 禮樂 變化 不 患於禮樂之道 氣質 可 日 斯 : 7 爲要也 須去身。」又曰 於禮 變化 有 成 未 於樂 氣質莫 聞 耳。 求之藝亦 。
又 斯 須 先 蓋 於

者 質 樂之道 和 莊 亦」之爲言 郭? 剛 不 不 樂 敬 勇 終未 「成 擁 則 則 鄙 盾 暴 非 有 人 結 詐 慢 其 聞 纓,不得其 之 之心人之矣 猶 前 至 心人之矣。」 言 者。 不免於 成 如註 材、成 死 六言六 ; 贵 云 子 斯 章也。 渾 路 於 須 然 蔽 禮 氣 不

也 衣 與 敝 ? 緼 袍 與 衣 狐 貉 者立 而 不 · 耻者, 其 由

過 見 貉 惡 耻 衣 在 其 我,漠 之喜 狐 之爲富貴,不 相 心 貉 大者不能。 形 生 之遠 一於美惡 ,未之能行之敏 者立而不耻之,勇自 然 無 所 之 不 動 知 相 故子路 知 富 於 形。 敝 其 貴 緼 中 之 敝 非 之 之勇,只 衣敝 在 緼 爲 足 志 緼 貧 狐 以 貧 於 賤 貉 袍 是 卓 道 賤 冠 聞 狐 美 與 之 而

> 當 矣,乃終 與「士 而 志 身 不 於道」 誦 淫 之, 不 自 移、 章並 居 不 其 屈 有 惜 充之有 哉 其

> > 此

地

辯神

易 卦 有 乎息, 其 而 八 而 儀 太 静者,未 之中,太極也。 心之生生不已者,易 德。 本 不 後 極 而 對定 失乎本 體 後 有 而 是 有 德 健、 發 吉 生 何 發 有 也。 X 順、 兩 動 而 然之則 動 義、禮 吉 儀 中 静 有 動、 未 非 節 之 静 X 此 發 兩 止 有 也; 生大 者 也,故健、順、動、 、智之四 無 也, 儀 哉? ,吉以之生,蓋 則心之生道 人、 動 生 人、陷、麗 即 静 几 陷、麗、説 神 端 有 象 而 也。 動 有 主 几 静 或 乎 几 未 象 説 端 止 兩 幾 動 發 生

慮 静 而 舉 發 反 而 而 人累於 措 不 之天 中 動 者 也 下 凶以之生,蓋失其 能 而 説 大 諸 業 心, 生 焉 能 天 研 諸 本 地

位

萬

物

育

也。

^

易》書造化皆:

然

懼 察日 之撰 或 理 逆 動 命 天德之 近 身體之自 而 故不 取 爲 日 寂然不 問 不 而 人,合 諸身 陷 説 不 以 人 合敬 一八 欲 雜之以 剛 陷。 其 通 遠 可見。 純 所 動日 乎人 掛 神 義 木 微 同 取 亦 明 爲人之八德, 不 人人爲 哉 愛以 日 止,善 不 諸 之德 心之同 木 聖人畫 陷 己 物 窮 日 聯 而 矣。 莫不 ^ 體 順,感 以 言 屬 然 易 掛 人情、隨 類 日 人 剛 皆 w 而 以以 健,本 萬 情 何如?」 日 健 彼 而 然。 物 日 體 便 此 遂 之情 麗 能 剛 不 事 之天 故自 天 通 地 戒 天 相 精 以 健 日

易,無思也,無爲也,寂然不動,感而遂通

天下之故。非天下之至神,其孰能與

於此?

慮。 易》 何 思 之學 之用 天 日 應 寂 憧 下 何 : 憧 而 然 不 物 何 慮 所以神 憧 雖 思 ? 各 動者 不 憧 疾之而弗速,行 何 得 動 往 天 /慮? 神 而 所 者 來,朋 下 也。 明之也。 之 同 不 體 歸 動 從 無 而 於 ; 爾 思、 欲 感 殊 一涉 思 之而 途, 無 而 也 遂 爲者、《易》 子 弗 思 遂 通 曰 至 致 爲 者 通 便是 而 天 百 順 神

不 隨 覩 耳 思 天下 得而 即即 其 恐 慮 所 神化之自然感 感應之機,捷於桴鼓影 爲 以 爻言 懼 與 哉? 立感應之本 乎 也 其 貞 故故 也。 所 其 日一未 可 不 君 聞 思 而 也 子 慮 之或 應之,纖 要 戒 者, 過 其 慎 知」。 響 此 歸 惟 平 以往 毫 歸 而 其 其 貞 與 觀 所 何 力 亦 致 夫 以 不

便 我 德 容 無 於 感 口 H 之盛 是 貞 應者 月 不 見 擇 字 寒 利 通 聖 口 、暑、尺 用安 體 也。 人感天下之心,如寒暑、 人 故 而受,其去虚受之道遠 無不應者,一 神 貼 象 身。 便 蠖 憧憧」是著 日 是 傳》 龍 未 入神、 無 蛇 聲 光 屈 貞而 大」。 無 利 伸往來之機 「貞 思 臭,發 用 已。」以 慮 者,虚 便 此 而 是 矣。 而 爻 有 雨 神 量 中節 義 中 心 暘 化 無 須 於 自 而

見者 知 用 交不 子 日 剛萬 終 :『介於石,不終日 日 瀆 也。 日 其知 知 夫之望 君子 幾 斷 其 幾乎? 可 見幾而 識矣。 神 乎 ? 幾者,動之微,吉之先 作,不俟終日。 貞 君 吉。』介如 君 子知微 子上交不諂 知彰 石 知知 焉 《易》 下 柔 寧

自 當豫之時, 守,其於天理、人欲之際已判 六二 獨 能 以 中 正 之德 然矣, 介然

> 其孰能 亹, 學》之「安而 游 識 亦 隱 故 於豫,不鳴則 望。 矣。 莫顯 心 神 可 天下倚 於昭 與幾 也。 其 知 介於 乎微」,吉凶之先 非至 之? 日 曠 而 能 之如 知 之境,以 盱 萬 石 慮 神之所爲 静足以立天下之本 君 故 夫 也 是 蓍 之望 日 子 知 : 龜 定 獨 介 幾 神 觀 吉 也。 如 之 蓋 見者,幾 明 萬 X 石 學, 以 焉 化 一,以 焉 莫 時 之 即 故 成 原 斷 見 方 ^ 者, 也 大 亹 平 溺 日 而 口

是故 者 於 與民同 義 易以 夫? 此 蓍之德 哉 患。 貢。 ? 聖人 古 神 員 之 以 而 神 以 知 聰 來, 卦 此洗 明 之德 睿 知 心,退 以 知 方 藏 神 往 藏 以 其 知,六 於密 武 而 孰 爻之 不 能 古

殺

與

X

也。 員 神、 神之不測曰 方知 易 貢, 圓 ,知有定理曰 易 之 德、 心 之 方,貢 妙 用

神 則 人 明 大 之體 以 人 以 此 室 異 洗 其 心 員 用日 言 神 方 江 易。 知 漢 以 心 則 濯 有 秋 所著 塵 不 陽 則 以

暴,虚 於 密,無聲 之至 無 也 臭,鬼 密 者 神 莫 妙 窺 用 其 之 際。 原 藏 退 藏

至,則所存者神,足以主天下之應,所

其 過 者 德 化,足以 而 制 藏 爲 天下之往,不 卜筮,所以 使天 但自 下 神 後 明

之原 世 皆 有 程 以 子 神 曰:「上下一 明 其 德 也 於恭敬 齋 戒 者 則 神 聰 明

純 明 睿 之謂 知 皆 齋 由 此 肅 出。」《本義》云:「湛 然警惕 之謂 戒。」 二語 然

有味。不言而信,不怒而威,神武而不

殺

者

夫?

業也。知崇禮卑,崇效天,卑法地。易,其至矣乎! 夫易,聖人所以崇德而廣

易,冒天下之道。聖人以此洗心,退藏

此即 義 道 定吉 也; 於 成之性也。 而 中 出 極 密 感 聖人之用 X 庸 高 猶天 默 而 禮 以 明, 而 遂 成 之卑以 知之 地 通 效天、法地,存而 成之,不言 亹 舉 設 易,以見易道之大。 亹 崇 位 以 而措之天下之民 法 以 而易行 地。 效 廣業 而 天 ; 知、禮者, 也。 信, 乎其 盡 不已而道 以 致廣 精 中 崇 微 本 大 德

姓日用而不知,故君子之道鮮矣。也。仁者見之謂之仁,知者見之謂之知,百一陰一陽之謂道,繼之者善也,成之者性

善,天地之性 外 極 有 也 由 外外 即即 也。 生民 氣 化 常發 道 後 而 也 氣 後 此 而 有道 也。 氤 自 心 求 氲,於穆不已,純 常 有 本 形 發。 天 之名,故迭運 體, 而 地 是二之也, 後 後 外 有氣質之性, 此 常 氣 運 常 而 者 運 粹 是 求 有 太 氣

盛 德 諸 德 大 著 之 觀 乎 男 知 古 也 有 翕 之 則 知 而 於是 君子 外 陰 過 業至矣哉 天 於 來 於 聚 非 已,仁之外 不 藏 有 生生之謂易, 藏 凝 地 所 百 無 而 能 屬 而 諸 之 之顯 嗇 見 姓之溺 往 道 爲 無 乎君子之道 震 平. 用, 知 之意 知者 知 性 也 偏 動 陽 之 仁 蓋 來 鼓 倚 奮 之德 無 而 中 多 知 藏 焉 藏 善 至 萬 富 作 駁 爲 道 不 於 往 用 反 而 物 成象之謂乾,效法之 有 遂 則 之 仁 也 雜 也 不 不 之, 知 不 百 之 而 鮮 以 率 意 ; 者 之 姓 知 合内 謂 與 矣。 不 龃 天 亦 道 其 坤 多 弊 有 大 與 聖 非 道 地 則 爲 陰 遂 則 聖 外 所 業 仁、 之 君 偏 静 成 人 知 知 故 以 率 之道 謂 之過 女, 百 性 子 駁 而 口 日 乾 知者之 道 其 可 之道 憂 存 尤 E 用 新 有 道 惟 別几 憂 知 也 甚 之 則 知 屬 而 明 成

謂

盛

顯

不 謂 測 坤 之 極 謂 數 神 知 來 之謂 占, 通 變 之 謂 事 陰

陽

之不 乎 變之 跡,則 仁 生 也 盛 光 也 物 機 而 M 自 , 所以著君子之道而 故故 燦然 斂 成 生 也 鼓 爲 帝 而 日 口 心也。 制 能 不 之出 ; 無 萬物之人 却 其繼之所 日 顯 已,天 測 藏 行 窮 業,業言 H 神 於 乎震 焉 之 則 陽 新 功 是 顯 自 神 歸 地 者, 而 生陰 乎 德以 機 寂 帝之勞乎坎,成言 根 也 發者 齊乎 無 口 有 若 其 復 仁之顯 見, 心 日 也 之崇,業以 成 用 無 無 命 異, 大 藏 而 也。 則 象 也 渾 聲 故 而 成 立人 其 而 效 無 化 也 無外, 日 藏者, 然富 仁、 中 顯 鼓 法、 德 臭, 極 聖 天 之 則 萬 之廣, 用 其 知 焉 人 陰 有 德 地 所 物 流 用之藏 乎艮, 相 至 來 則 生 言 存 之 而 形 以 夫 之 陽 均 通 無 其 化 生 出

器 是 大 者皆不 道 生 德、業,曰易,曰 也。 即 形 即 陽 日 道 道 是道,不 而 性 象 道 也。 可 下者 言,君 成, 法 以 即 程子曰:「形而 子 日 器 謂 語 可 數 之道 仁、 測 之器 乾、坤, 君 變, 知得 是 子 知 神,則 ; 也,不 須著 9 生生 曰占、事, 日 日 陰 仁, 顯 知 如 可 是易,一 凡 上者謂 陽 此 藏 以 有 説 也 用 日 窺 日 所 神 盛 見 陰 之 然 生 H

之 化 存 行 而 裁 乎 之存乎 其 變, 默 而 推 成 而 之、 行之存 不言 乎 通 而 信 神 存 平 明

視

爾

友君

子,輯柔爾顏,不

遐

有

愆。

毋

日

不

思,

矧

口

此 制 ? 而 八九六,陰陽自然之化。 神 用之,非 而 明 以 之 通 天 則 下之至變,其 天下之志,以 存 乎其人。 參伍: 人之所以 定天 孰 能 錯 下 與 綜 之 於

> 潛爭冥 習 也。 言 其有得於不言之默 密 可 默,有待於外也;言 神 以 然 ,默之養;信 而 ,皆默而不言也。 而 而 語 故實 信 明之者, 神而 契的 日 知 來 理 章。」聖人 之神。 得 意。 明 存 諸 之也 乎 者,契之深。 心 成者,默之契; 德 乎 以以 故 而 而 行 ? 顏之愚、參之魯 日 : 此 措 後信,不足於己 0 默 洗心,退藏 之於行 默 有 君子之道 極 而 成 深 成 者,始 研 不言 而 於 不

射思?顯,莫予云覯。神之格思,不可度

人生而静 未遠 輯 也 柔 神之格思、不 ,天之性也 而 爾顔,德之符也; 遽 復 也; 莫予 可度思,微 感於物 不遐 云 覯 而 不顯 有愆, 動 之 性性 顯 也。 之欲 失之 亦 臨

欲 物 於 而 也 之感 也 人 内 化 物 於 知 物 人 至 誘 是 無 知 也 於 有 窮 0 知 外 悖 人 而 不 然 逆 化 X 後 詐 八之好 物 能 好 僞 也 反 惡 之 者 躬 惡 形 心 無 滅 天 焉 節 有 天 理 淫 理 好 則 滅 佚 是 惡 矣 而 作 窮 物 無 亂 人 至 夫 節

好 反 而 躬 惡 則 而 動 以 而 命 不 物 失 者 其 命 本 夫 然 物 之 也 静 是 爲 故 主 能 静 節

皆 僻 亂 君 由 之 色 子 順 氣 不 反 IF. 留 立 情 不 以 設 聰 人 以 行 於 明 極 和 其 身 淫 焉 其 體 義 志 樂 使 慝 比 耳 禮 類 H 不 以 鼻 接 成 П 心 其 心 術 行 志 惰 女好 慢 白 體 邪 聲

不

遠

人

以

爲

道

比

類

以

成

其

行

也

惟

有

聰

明

之

德

有

父

子

則

有

慈

孝

之心。

情

多

流

前

失

之過

故

日

反

有

耳

目

則

約

其

情

使

合

於

中

反

情

以

和

其

心

也

矣 佚 中 心 百 能 作 術 體 和 成 故 亂 其 IE 莫 行 之事 心 不 急 順 聰 而 各 明 不 行 日 順 亶 義 其行 復 其 萌 而 當 矣 順 所 然 則 謂 義 > 耳 故 悖 目 而 則 日 逆 後 鼻 ПП : 詐 身 口 發 和 僞 體 無 心 心 要 浮 不 志

言、 墨。 之言 其 適 聽 諸 距 具, 詖 從 之使 侯 養 未 懼 行、 遊 盈 此 氣 説 人 天 其 放 之 有 喪 甚 縱 下 不 不 淫 學 哉 横 其 辭 動 動 而 言 之 所 心 心 蓋 天 息 守, 徒 者 與 之故 下 知 邪 氣 氣之 也 之言 言 見 説 焰 之 所 於 以 養 爲 미 以 而 是 不 累 畏 氣 害 莫 長 歸 先 孟 也 於 聖 知 楊 則 子 其 怒 告 者 所 發 則 子 有 以 所 故 歸 知

戰

或

一之時

諸

侯

放

恣

處

士

横

議

楊

墨

之輕 腦。 養心 冥然無覺、悍然 學失之於助 養 天 也 Ш. 故能 氣 下 種 氣 重 以以 知 養氣便知言 則多懼 集義 之大 爲 言 長 義 隨 直 是養氣的 短莫 氣 之 勇 其 養 而 化反 學 也 疑 所 而 能 不 見,固 也 能 無 ,蓋權度在我,而 懼 欺,非 故 顧 0 先 側 害, 則 丹頭 者比 不 孟 告子 之 執 動 知 民 子不動心 是孟 養 而 心。 言 也,謂不得其 點 資 而 氣 不 則多 歸 鐵 之外 子 性 變。 養 之皇 成 學 剛 氣 者, 金 疑 别 問 雖 勁 天 即 變 極 不 有 下 是 非 其 调 主

能藐 此。 其富 辩 數 露 儒 子之所以 氣。 雄 就 此其藐之之具。先 皆古之制也; 之, 藐其 時 血 氣豪俠 皆從 之所 謂 所 百 地 若當 睡,此 班 孟 使 大 · 賁、育失其勇,儀、秦失其辯。 孟 人, 卒然遇之,王、公失其貴,晉、楚失 處 彼 耳 謂 1 、巍巍 子 戰 驅 悪 以 時 不 而 大人 猶 騁 戰 遊 便是 其 逞 動 此 足 然者 有 田 兢 説之士、 在彼者 爵 心 其 一子着不 以 此 巍 獵 兢、 真 而 雄 我以 窺 一戦國 耳 巍 ,後車數千乘, 儒謂 正英雄 者 藐 臨 然者 孟 皆 巍 得 深 豪俠之徒,似 吾 彼 氣習 子之藐哉? 要只是 「掀却 巍者,蓋 履 我 以 義 便見浩 薄 所 其 故 」、恐是 中 卧 富 不 在 説 此等 俠 來,若 房,且 爲 我 本 氣 然之 我 而 此 也, 微 於 先 才 英 藐

堂高數仞,榱題數尺,食前方丈,侍妾

説

子

,其在

孟

子之門,則

顔、

閔之亞與

楊、

墨次之,

陳

仲子、許

行

之徒

又次之,

養

則然矣。

戰

國之

學,

告子爲

近

公孫衍、

張

儀

則其

下者。

外

此

如樂正

大人則藐之,勿視其巍巍

然

殺 君之、皆能 然則 不辜 有 同 而 以朝諸侯、 乎?」曰: 得天下 皆 有 不 有 爲 天 0 也。 下。 得 百里之地 行一不義 是則同 而

異耳 犬終日 已矣。 迫 下 内,至利 辜 文之利 之所存,非仁 尹之任、孔子之時,行 不 也 王 至 幸 於 已矣 之至利而 不 也 待 時 微 巢、許讓天下, 而 ! 誉 大, 德 也。 豹七 也 故 所遭 誉, 而 伯 不爲,周之德,其可謂 以絲 湯之漸、 無爲,非 竟 日 尊 之盛 者窮,於是 夷之清、 無 爲 不食,隱霧 毫不得於心、遂棄 天子, 超 也。 然之志, 而市 義 武 人人殊, 柳 之未 無行 富 乎 下 井小人 不 成 惠 知 有 義 文, 湯、武 之 盡 所 則 要 四 善 争 和 存 其 海 而 至 不 者 雞 中 之 德 而 伊 天 之

> 義,大人之事備 在 罪 ? 非 仁是 仁也 ; 也 非其 矣。」 路惡 有 而取 在 ? 之, 義 是 非 也。 義 也 居仁 居 由 惡

已,故 蓋 志。 敬奉 志 則 在 義者,大人之所必有 志者,心之所之,心 云有志,夫意氣念慮能得幾時子? 也。 淺之爲志也 與 ? 持,而 居, 居仁 仁是· 世顧 : 動 由 也。 天下 則 義 以 兀 與 意氣 夫不 路 而 之物 由 惡 無 念慮 與 可 與 一念、 在 事焉 無 行 奪 生 ? 知所嚮往者 俱 以 志 俱 者也。 義 至 一事之非 尚 生, 是 日 之, 可 死 也 志 奪 居 0 日 而 便 非 後 静 惡 仁 尚 恭

辩 誠

謂尚志?」曰:「仁義而已矣。殺一無 君子有大道,必忠信以得之,驕泰以失之。

何

非 不 形 亂 猛 待 情 此 之情 道。 而 社、生靈 且 的 已。」周公之才之美,後世 理存亡之機,古今治亂之原,皆決 肖 諸 獸 恣 顯 旦之憂,卒之孺 吝,餘不足觀。 本 矩 ,感風雷之變,而吾夫子思服之殷至 之道 夢寐,忠信 意 ,故曰得之。 不失其本心者,而 心 顯 程子曰: 制 狼 之子 禮 一無所利,徒以資其驕吝之心 無 即 故碩 狽 作樂,教 所 王 天 道 商 德 不 「不聞君子之大道者, 如 膚之遜,吐握之勤 得 也, 均 至,不 世 也, 驕泰,忠信之反。 之也。 子 亦不肖,其 俗 不足觀者,言 故 化大行 稱王 有 所 日 但 天 後 謂 大。 無 挾 德 堯之子丹朱 可 不 弭 兼 及 勢 便 以 忠信 , 肖子 日 夷 也, 凌 流言 通 可 思兼 狄, 不 於宗 使 人 天 語 是 也 天 之 驅 驕 任 於 而 下 人 王

> 者也。 雄 傲 爲 傲 舜 亦只是欽 留 善善 以之。 ,德便 X 之 德 耳 戒 秦皇、漢武 只此 均 驕 不 忠信 明 則 日 肖 盈 三字, 温 知 : 其 氣,泰侈 之 恭、好問 堯、舜之所 父, 無 至 可 斷送了 若 鑒 也。 而 丹 也 心, 天 好察、取諸人以 朱 命、 傲便 以 古今多 傲 大過人者, 人 種 是驕 心 夫 而 少 以 英

利哉! 聖,而違之,俾不通,寔不能容。 其心休休焉,其如有 《秦誓》曰:「若有一個 我子孫黎民,亦曰殆哉!!」 出,寔能容之。 有之,,人之彦聖,其心好之,不啻若自 人之有技, 以能 媢 保 容焉。人之有技 我 嫉 臣,斷 子 以 孫黎民,尚 惡之; 斷兮無他技, 以不能 人 之彦 其 亦 保 有 \Box

古今大 故《秦誓》設言有一 臣, 雖 人品 不 司 個 要 大臣 之只 是 斷

崇侯 聖 言 學 於衆, 釘 德 盧 天 個 與 技 也 他 大 休 - , 宗社 臣 喪 也 猶 ,忠信之德 寔 下 媢 也 休 廣淵之類不可得 杞、秦檜 是謂 一, 媢 虎、 故 是 嫉 而 去 宗社 至 尊 能 虚 的 伊 之技,以 容 之而 嫉 飛 於 賢 尹 中之量室,故 心 視 不 以 等,其人 猜 廉 自 使 腸 靈 人之德 得 周 生靈 後 天 也 狠 禍 能, 以 李 快。 違 地 天下 ; 公,其人也 ,妨賢忌能,便 其 撑 之而利 林 休休 聖妬 萬物 以 便 子 腸 而見矣,郊迎幕入, 也。 甫、 猶 治 之而 自 孫 拄 代 技,禍 己 天下 日 爲 有 能 虞异、賈似 者 腹 之 容,虚 要之,忠信 以 「寔不能 一體,大人 設 明 殆 德 下 何 若只 如 明 人家 而 又 之才 限 自 眼 視 斷 德 己 中 有 ? 是 中 容 Ż 斷 播 於 無 齊 或 之 之 之 之 如 所 量 惡 無 個 天

> 乎? 之左右 魯欲使 我 强 爲 天下之不優爲哉? 幹 資、好善之量足 且 而 而 不 善謀、 公孫 無作爲,以 幹善謀、博洽 過 來告之以 善 日 應 日 又曰 之爲 而 H. 變。 强 博洽多能 好 自足, 而 所 : 政,而 有 樂 善 疑 善。」夫 天下才治天 夫 力、 正 優 問 況 多 以 荷 子 之 能 於 來 孟 智 以 好善, 未 樂 而 外 之士 天下之士,則所 子 慮 先 類 天 嘗 孟 有 者 儒 相 Œ 下 而 子 下事,足矣。」 不寐 有 尚 盈 能 曰 : 從 子 士 9 與 庭充幕 而 ___ 謀 以 將 何家 有 、多聞 於 其 之喜,至 況 忠 輕 無 超 此 好 信 魯 人無 乎 千 或 也, 强 謂 之 里 見 取 或

尹 耕 顧 於有 、視,夷之清 介 不 以 莘之野 與, 禄 也 ,而樂堯 以 ; 五就湯,五 天 下 舜 之道 繫 馬 就 千

駠

惠

伊

其

亦

有

得於《大學》《秦誓》之旨

乎

不

免。

伊

#

非

周

公所及

也。

伊

尹

之重 之和 舜 試 之道 其 而 可 也 卒 便欲 時 吾豊 子 也。 其 堯 岩 (志,即 舜其君 誦《 處 ? 詩 孔子 》讀 民, 吾 岩 《書》 自任以 之祖 若 出 以 述也 天下 樂 堯 姑

桀,暴 在 伊 尹渾似孔子, 「文王既没,文不在 虐 猜 狠主 而謂其終有任的意 也,蓋 當囚 兹,非 湯 矣。 任 乎 ? 思 伊

尹

湯湯

所學焉

而臣之者,五就

桀

而

桀

不

疑,放太甲

而

太

甲不疑,天下人

亦

不

後,伊 安之。 也 疑,復太甲於辟,太甲安之,天下人亦 ,履從古未有之變 尹 夫南 人 巢之征 而 己。 弑 蓋嘗以身 而 也,祠宫之放 處 之若夷,湯之 處 其 地 篡

間 察其心 跋 而 ,恐亦不過如 東,非 而思其作爲,即 風雷 此 之變、金縢之啓,幾 周公恐懼 以 夫子 流 周 旋 於 狼 其

> 叔。 尹 之所學。」聖人復起,不易 痛 似 快。 孔 其言曰:「志伊尹之所 子 迹又著。 孟子之後,無 而 或 謂 其 其 序 微 愧 伊 有 於 尹 迹 尚 出 , 志,學 友,惟 處 孟 心 子 迹,煞 顔 周 比 茂 伊

肫其仁,淵淵其淵,浩浩其天。 之大本,知天地之化育。夫焉有所倚? 肫唯天下至誠,爲能經綸天下之大經,立天下

之用。 哉? 夫豈 位 經也;精 天下之爲父子者定,是經綸天下之大 盡事親之道,至於瞽瞍底豫而天下化。 夫堯之克明峻德,至於平章、協和 之「仁」。 自仁之發微 天 有一念意必、纖毫人力倚於 地,育萬物,是 一本之純一 肫肫 一執中,是立天下之大本也; 其仁也,仁 未發、天 知 天 不 即 地之化 可 修 理自然流行 見 道以仁」 而言曰 育也。 其 舜 間

淵 疆 用 恒 體 本 而 ,只是 言 變, 至 久 也 也 自 一,肫 不 其 無 於 息 未 溥 肫 肫言 爲 配 之充 發 處 博 肫 天 之中 無 成 其 其 配 方 周 外 純 ,夫焉 仁 不可 地 口 也 也。 充 密 言 高 滋 養 有所 至 淵 窮 不 明 到 貫 淵 誠 而 博 見 得 倚 言 言 無 厚、 純 而 也 故 其 章 粹 悠 至 事 静 天 至 不 誠 深 久 而 動 無 不 有 功 浩

視

贊 能 盡 唯 天 盡 人 天 地 物 之 下 之化 之 性 至 性 誠 育 則 爲 能 能 盡 則 口 盡 可 人 以 之 其 以 贊 與 性 性 天 天地 地 則 能 之化 參矣。 能 盡 盡 其 育 物 性 之性 口 則 以 能

而

處 萬 性 者,天 物 物 亦 物 爲一 之性 是 不 地 己 能 體 萬 以 之 自 自 故 物 性 盡 之 盡 人、 有 其 其 未 性 物 原。 性 盡 之 便 也, 性 是 蓋 至誠 亦 化 故 所 我 以 \mathbf{I} 至 以 之 贊 誠 不 天 化 盡 及 地

> 中 育 矣。 之不 及, 參 天 兩 地 而 成 位 平 其

之而 發 之 道 塞 吾 體 此 此 等 育 樞 乎 貼 弗見,聽 同 天 間 得 處 又 此 此 地 顯 到 最 是 何 見 精 之間 好 之 物 物 慎 者。 實 體 而 哉 獨 處 貼 弗 更 的 孟 聞 本 無 則 案 即 子 體 别 眼 此 知 體 謂 物 0 天 物 物 其 直 洋 地 而 也 助 神 洋 養 間 不 精 者 乎 口 無 鬼 神 遺 竣 害 神 鬼 極 極 之 神 則 若

居 污 世 之 一,非之無 似 忠信,行 舉 也 之 似 刺 廉 之 潔 無 刺 同 也 乎 流 俗 合 平

忠信、 之心 刺之 流 成 合污, 自 不不 無 道 廉 可 過 潔 閹 畜 舉 欲 然 德 是 以 口 媚 以 鄉 此 刺 世 誠 愿 曲 爲 其 實 然 鄉 身之學。 有 全密 要其 人 之行 所 覆 稱 居 惟 之、 前 故 至 非 恐 行 於 非 之、 有 É 之 口

中 要 刺 惡 以 不 鄉 也。 間 則 道 行 病 而 而 口 德之賊」,以 -,若達 只是 而 有 之則 掩 之深 愿之學乎 化 實 利 舉 人之非 而 狷 與之,必 之。 行 已矣 所 也 蓋 刺 代 要譽,故 可 而 好 無 不 則 即 者之踽 刺 絶 率天 以下 名。 我 欲 所 爲 便 謂 此 之 ? 爲 知 也 是 然 其 鄉 刺 略 之學 痛 下 鄉 舜 而 念,便不 其 悦 狂 故 似 堯 愿 踽 我 無 也 爲 愿 與 而 孟 狷 心 而 德 非 舜 涼 者 禍 蹠 則 漠 從之者衆 號 平 只要做 子 非 蹠 涼 至 毫 義 之分,義 忠 好 ? 辭 爲 然 德 之 故 非 一於狂 可 爲 名之雄 信 有 徒 而 無 日 也 與 而 人 之 古 廉 闢 志 與 所 是 者之嘐 反 人堯舜之 則 久則 者,其 的 之甚 潔 ? 有 人,只是 孔 動 害 與 不 者 傑, 意 口 所 得 於 利 孟 故 乎 舉 嚴 嘐 微 其 人 受 中 非 德 之

> 蓋 隆 色 鄉 程 愿 媚 以 子 闡 口 其 世 以 日 出出 概 德 忠 : 觀 發 見 信 媚 媚 鄉 奸 也。 世 世 愿 廉 摘 者 祝 潔 是 伏 今 之 鮀 個 之 其 從 所 以 無 四 行 所 尚 佞 識 喉 誠 媚 以 見 而 有 下 世 的 媚 世 足 着 道 宋 好 # 稱 力 之污污 人。 朝 處 以

顯

道 執 中 也 無 權 猶 執 也。 所惡: 執一 者,爲 其

何

哉

吾 调 子 不 是 户 中 兼 愛之中 體 聞 心 門 莫 也 顏 天然 不 執 ,然後能 是 權 X 時 中 也 無 自 當 而 禹 蓋 ; 定 有 爲 執 發 是 時 欲 之則 我 之, 用 無 也 當 監 惟 不 則 而 兼 中 惟 道 蓋 中 不 愛, 氏 是 戒 中 在 知 之學 則 變易 慎 用 無 楊 爲 中 定 子 我 不 阿 從 擇 覩 權 體 在 兼 道 墨 爲 也 恐 愛皆 惟 巷 我 莫 懼 權

賊

真

切

真

世 道 無 是 足 臨 欲 然 中 事 非 何 之論 之 人 中 着 之 事 隋 限 自 顧 識 襲 節 學 處 ? 而 不 然 獨 其 之 孟 權字 前 也 不 得 精 擇 端 爲 蓋 傳 察 用 子 子 無 自 不 況 是 已 往 莫發 而 窮, 堯 私 亦 知 未 謂 不 古 不 瞬 往 舜 淑 無 必 後 勝 膠 然, 執 也 之學 子 息 以 人 中 天 凝 其 之, 思 中 識 萬 則 乎 而 古 憧 變,一 中 涉 不 而 ? 以 以 奉 滯 憧 字 得 事 明 求 中 天 戰 停 爲 非 其 毫 故 時 而 而 或 閣 惟 所 若 以 執 也 思 精 賊 以 廢 日 告 慮 謂 將 道 來 棄 萬 賊 不 若 誉 當 執 隋 者

之、改 善 只 也 或 問 有 融 之乎 日 過 . 過 遷 天下 抑抑 改 更 善 而 無 改 只於 只 萬 别 過, 有 過 過 將 化 處 善 隨 故 佛 而 時 更 遷 書 隨 善 無 之、 云 處 遷 别 改之 而 而 善 萬 遷

復

以

持

之,以作吾

心

體

之

健

心

體

分

慮

便

減

去

分。

然

本

體

非

敬

不

客

慮者

先

須

求

復

本

體

本

體

復

得

主 隳突 正 化 惟 吾 也 只 日 或 從 之 爲 將 不 : 問 H 若 習 兵 良 孳 滑 精 知 衝 健 孳 決 欲 民 熟 心 其 閑 川 反 逐 路 滑 來 惟 思 境 則 而 之 1 熟 爲 雜 間 求 寧 往 而 往 故 其 慮 道 所 謐 本 來 使 還 也 以 去 體 法 梗 於 寂 去、 塞 立 之 也 非 康 然 除 習 累。 禁之而 吾之大 莊 竊 無 不 吾 心 朝 者 發之盗 譁 得 不 滑 惟 皆 一夕之故 本 知 熟 其 使 如 堂 故 其 來 不 何 堂 譬 客 欲 久 去。 生 也 之 祛 則 IE. 慮

夕 蓋 健 敬、 盗 而 用 賊 後 意 無 能 於 主 廓 皮膚 清 勢 掃 必 者 蕩 解 口 散 幾 以 及 然 收 也 非 定 責 静 達 効 之功 磨 於 面 日

使之念 先 達 本 不 只 滅 云 壁 少 斷 是 生 六 磨 者 九 如如 一嘗言 的 那 塵 年 個堅苦 ,亦不念。 大段不 尚 弑 爲 却 方 何客 父、委君、 我 是 「人胷 纔 用 難 計利 降 的 慮之足除 除。 伏 志 我 中大 可 得 害、 ,便能 爲 見 娼 蓋 心 悪 客 盗 乍往乍來、相 人 個 主 慮 念最 大思 哉 不 屏 身 之難 良 ? 息 心。 吾 易按 的 諸 的 李 儒 念, 緣, 除 心 延 降 辦 伏 種 即 腸 續 平. 寂 伏 得

佛 處 天 故 之 者 或問 氏 之 地 君 牽、 何 子集 哉?」曰 齊 妻孥之愛, 元 生 死 尚 室苦 義 夫悍 生,富 何 以 情 : 養 只 卒 奮 慾、 浩 貴、貧賤、 是空得 斷 於 然之氣 妻孥 臨 而 氣 不 難 也 之足 惑 而 患難 個情 則 者 多 至 患 能 能 於 188,至 鮮 哉 夷 死 情 塞 矣。 狄 平 慾 節

> 之者 於 無 情 棄 其 惜 蓋 妻子 哉 求 吾 而 聖人養 不 顧 氣 與 之 草 學 木 不 瓦 得 石 而 口 失

之至 苦纏絆 手便從 明先 者 所 千 乃 者 或問 之發用流 有 加 率以 其 謂 良 不 不 變 所 悟者 亦亦 學 長 萬 生 良 不 知 「良 也, 擔閣 多學 無 一門下相傳 知 化 知 而 只是 也 遂以 不 行、切近 所 皆 自 能 知 無 而 不 知 者 由 能 之學何如 孩 T 不 充 識、 知 愛敬 致而 此 天下 提 爲 知 良 養 指訣。 出。 精 之童 考 儒 無 敬 能 得 爲 實 索 無 者 所 其 養之,不待 也 這 良 孟 ? 處 無 限 記 所 不 兄 ; 先生以 知 雖 子 能 不 好 誦 深 所 念到 著 知 日 資 耻 爲 上 蓋 堯爲 不 : 愛其 聖 :「人之 質 鑽 在 指 慮 世 此 極 慮 的 研 支節 切 之 人倫 良 是 而 處 親 勞 知 學 陽 知 以

心

在

故

也。

其 張 藏 物 太 本。 體 致 自 提 到 上 公的 本 之 師 來 良 然 底 求 流 愛敬 説 赤 先 知 順 而 只 體 雖 遠 幟 誤 本體,便 生 者 從 行 應。」 復 極 矣。 云: 即 伯 以 龃 則 只 高 而 道 學 知 此 邊 萬 致 \neg 纖 手 1 裡 覺 是 良 自 見 物 養 毫 彻 改 爲 不 知 外 能 備 這 思 傳 换 良 免 是 修 感 慮 個 所 習 頭 本 知 賺 未 何 而 誉 純 謂 録 目 遂 發之中 其 人 異 無 欲 立 出 \forall 邪 純 通 中 故 未 不 天 來 魔 正 爲 便 下 發 與。 M 未 蹊 自 伯 法 自 廓 之 的 蓋 徑 學 故 畔 眼 能 然 本 孩

理 言 豫 是 或 章 甘 問 則 旧 泉 羅 人 默 先 先 隨 欲 坐 生 生, 處 便自 澄 揭 體 心 豫 以 認 退 章 教 天 體 聽 云: 人之旨 理 認 由 天 如 此 爲 理 何 0 持 0 學 ? 先 守 若 不 牛 日 見 在 庶 得 多 幾 天 之 此

或

問

「今之學者

何

如

?

日

今

世

之

:

矣 ! 學問 守,不 借 學 其旨 竟 不 方 此 惻 好 體 理 之 漸 能 是 不 悪、 雖 者 病 老 貼 明 自 兄 人欲 出 有 意 及 非 非 過 是 假 孩 天 謂 講 在 立言宗旨 來。 所受,然『天 實見 動 理 荷 此 提 聞 全 學 爲 於 先 退 以 之 是 免 在 始 子 體 見 無 聽、 而 師 得 天。 愛 之見。 形 本 X 「天理」 凍 有 認 世 嘗 敬 未 體 顯 得 凍 力 解 天 微 之 有 發 動 自 過 力 解 幫 冰 乍 理二 理 揣 書 尤,無 之 然流 有 以 明 處 冰 助 釋 見 而 摩 答 中 不 天 道 0 字。 釋 孺 處 反 測 字 同 甘 方 行 先 又 學 道 處 子 足 害 度,依 泉 口 生 云 者 却 所 雖 心 也 人 道 如平 之者 云: 見 惟 體 井 謂 K 是 也 用 天 之 傍 此 認 自 學 微 見 力 日 理 之 者 者 等 怵 名 假 家 究 持 究 到 吾 天

910

則

病

心

障

是

障

於

道

故

先

儒

嘗

日

聖賢

既

遠

道學

不

明

士

大

夫

不

知

用

章

又有古文、時

文,亦是

學

者

魔。

性

氣

節可

以

勵

世

磨鈍、

廉

頑

文

懦

又

有

氣

節、

文

章

家。

氣

節

多

得之

持 周 以 之 俱 模 學 有 不 所 而 學 其 世 故 聖 順 適 免 從 引 倣 日 不 古 教 人 有 證 應 用 知 日 而 是障 式 所不 跲 足 識 焉 障 非 非 以言 疚 障 一、然尚 者 格 講 無 困 事 知、 則 所 式 均之爲 雖 求 之 窮 豫,責之以變易從道 日 有 所 謂 有三,然道 所 之患。 不 跡 是 知 \equiv 敗 能 能 多聞 能 儒 識 障 常 備 知 擬。 處 者 障 亂 ; 識 蓋 家 見 非 事 俗 義 義 障 理、格 法, 博學、動 講 變 理 世 也 理 一人所 求 道 可 因 --隨 事 義 理 此 以 時 事 式 理 皆 外 維 能 勢 變 又 有

> 中 以 責 見 以 心 而 其 之博 未 觀 慰 有 於 實, 見 滿 之,誠有 爲 内 議 人 於 以 要其 望 7 世 論 可 者 其 而 久 以 之韙、節概之高 數 多矣。 本,而 無 而 過 也。」 乎人 待 瑕 其 徒 彼 之 者 歸 以 口 ,求其 1,然探 詞 其 疵 令之美、 意 氣之 充 其 自其 千 然 中 聞 有 而 外

雙江聶先生文集卷之十四終

六一九

《儒藏》精華編惠蒙善助,共襄斯文,謹列如左,用伸謝忱。

本與法師

NE·TIGER 時裝有限公司董事長 智海企業集團董事長

張貞書女士

馮建 新先生

張志峰先生

壹佰萬元

壹佰萬元

壹佰萬元 壹佰萬元

北京大學《儒藏》編纂與研究中心

本册責任編委 馬月華本 册審稿人 秦峰 郭英德

高海波

9 787301 119761

定價:1200.00元

